



M





Michael Waring fecit



FLORUS
BIBLICVS
SIVE
NARRATIONES
EX
HISTORIA SACRA
TESTAMENTI VETERIS
SELECTAE.
ET
DOCTRINA
MORALI
ILLUSTRATAE

A
P. MICHAELE PEXENFELDER
SOCIETATIS IESU
SACERDOTE.

Cum Facultate Superiorum.

Straubingæ, Typis
IOANNIS CHRYSOSTOMI HAAN,
Anno M. DC. LXXII

THE
SOCIETY
OF
THE
SACRAMENT
OF
THE
Eucharist
AND
THE
SACRAMENT
OF
THE
Eucharist

THE
SOCIETY
OF
THE
SACRAMENT
OF
THE
Eucharist

THE
SOCIETY
OF
THE
SACRAMENT
OF
THE
Eucharist

THE
SOCIETY
OF
THE
SACRAMENT
OF
THE
Eucharist

THE
SOCIETY
OF
THE
SACRAMENT
OF
THE
Eucharist

SERENISSIMO

ET

POTENTISSIMO

PRINCIPI

AC

DOMINO, DOMINO

FERDINANDO

MARIAE

VTRIVSQUE BAVARIAE

ET

SVPERIORIS PALATINATVS

D V C I

COMITI PALATINO RHENI,

S. R. I.

ARCHIDAPIFERO

ET


ELECTORI, LANDGRAVIO LEUCHTEN.
BERGENSI, &c.

PRINCIPI

AC

DOMINO DOMINO

SUO CLEMENTISSIMO.



DEDICATIO.



Uod hæc Lucubratio sub oculos SERENITATIS VESTRÆ prodire audeat, fecit illa CLEMENTIA, quæ priorem Laborem meum, APPARATUM ERUDITIONIS, SERENISSIMO Principi MAXIMILIANO EMMANVELI, SERENITATIS VESTRÆ FILIO, ac Electorali Successori, dedicatum, non tantum benignissimè admittere, sed etiam manibus revolvere, & probare dignata est. Tanti favoris auspiciò animatus, cum altero devotissimi obsequij argumento redeo, SERENISSIME ELECTOR, & FLORUM adfero, seu Narrationum selectiorum Fasciculum, ex historiæ SS. Viridario collectum ac colligatum. Flores uno die monituros, insolitâ quadam mercaturâ commutari auro: & has oculorum delicias, magnis impensis ex ultimis terris accersiri videmus. Tanti est, exigui seminis, aut bulbuli raritate æmulationem accendere, & formosius naturæ vernantis spectaculum oculis exhibere. Varietas imprimis & Colorum novitas, Regum etiam horis in pretio habetur. Sed quàm breve & fugax est hoc sensuum illicium, si cum voluptate comparatur: quæ ex rerum scitu utilissimarum ac jucundissimarum cognitione hauritur? HISTORIAM intelligo, cuius oblectatione maximos quosque Principes captos fuisse legimus. Carolum certè Quintum, ut hunc præ cæteris memorem, ad summam gloriam provexerunt gubernandi Principia ex Libris Regum ac Ducum Hebræorum, ab Adriano Institutore

*Tympius
in Speculo
Princ. c. 76.*

DEDICATIO.

rore adolescenti instillata. Sapienter Seneca: *Consilium Epist. 83.*
futuri, venit ex praterito. Et S. Gregor. Nazianzen. ad Nicobulum: *Historia inquit, est conglobata quadam ac velut conseruata sapientia, hominumque multorum mens in unum collecta. Jucundum est securum est ex alienis eventibus vel latis, vel tristibus discere, quid in simili causa agendum sit.* Nam ut celebris Historicus scribit: *Humani in rebus sacula ac persona intereunt, causa & eventa eadem recurrunt.*

Equidem si conjuncta Utilitati Iucunditas profanis quoque historiis pretium & admirabilitatem conciliat, quantum plus amœnitatis, dignitatis, fructus in Historiæ Sacræ Campis, ut ita dicam, Elysijs efflorescit; quæ *Veritatem cum Paritate* ita consociat, ut Legentis simul Intellectum cœlesti quodam radio illuminet: simul Voluntatem efficaci virtutis affectu inflammet.

Famian. Strada Det. 1. de bello Belgico.

De Serm. Dom. in monte lib. 1. cap. 21. psal. 118. Sap. 7.

Lux Veritatis, & Speculum Vitæ, Historia à Sapientibus appellatur. Id utrumque in *Divina* sic refulget, ut admirabili candore labes sine labe, pulchritudines sine fuco ostendat. Suo splendescens nitore, ascititium colorem non admittit. Dictum Magni Augustini est: *Etiā de puro argento sordidatur aurum, si misceatur.* De ea Psalter regius canit: *Lucerna pedibus meis VERBVM tuum, & Lumen semitis meis.* Secure ducit euntē inter varios tam Pacis, quàm Belli tempore flexus. Est eadem *speculum sine macula*, nulli blandiens, neminem fallens. Reddit cuique *Suum*; imò citra cuiusquam injuriam, etiam *Alienum*, ut aliorum vel periculo vitemus fugienda, vel emolumento amplectamur sequenda.

Atq; hanc ego Historiæ S. sive *Faculam*, ut clariùs reluceat; sive *Speculum*, ut vivaciùs imagines à *SERENISSIMIS* Oculis reddat; sive *Florum*, ut à *Manu CLEMENTISSIMA* vigorem, gratiam, vitam accipiat, *SERENITATI VESTRÆ* demissi.

DEDICATIO.

demississima cum veneratione offero. Peregrinus est, & Domesticus; in Palæstina namque radices egit: in solo *SERENITATI VESTRÆ* subdito procrevit. Si quid in eo rarum, siquid charum, *PATRII SIDERIS* influxui debet. Huic *SERENISSIMO SOLI* sese instar Heliotropij obsequiosissimè inclinat, & in novas *CLEMENTISSIMI FAVORIS* spes admissum iri humillimè confidit. Landishuti. Die S. Michaëli Archangelo Sacra.

SERENITATI VESTRÆ

Devotissimus in Christo

SECTUS

Michael Perrenfelder. S. J.

P R A E F A T I O.

Duo mihi sunt praemonenda, amice Lector. Alterum est, *Causa* huius Scriptionis; alterum, *Modus*. Utriusque rationem accipe. Dolebant jam pridem mecum Viri docti & pii, taceñthes hæc nostra tempora invasisse, conscribendi Narrationes historiales, frivolas planè, futilisque, & bonis moribus detriméntosas. Colligunt eas, confinguntque malè feriata ingenia, Pistrino Plauti, Cypridisque fornicibus aptiora, quàm ingenuis Musarum collibus. Hinc passim in libris versuti lenones, fallaces lenæ, pellaces Thaides, deceptæ Europæ, illusæ Danaæ, victæ Atalantæ, infelices Thisbæ, ingeniosæ Ariadnæ; amoris victimæ Pyrami, amandi artifices Leandri, deserti Adonides, mactati proci Penelopes, raptores Helenarum Parides, horumque similia propudia, in quibus Venus & Cupido passim paratragediantur.

Alijs est volupe scribere, legerèque Parasitos & sycophantas plenos illiberalibus jocis, impuris facetijs, sordidis argutijs, dicacibus cavillationibus, vernilibus narratiunculis, honestas aures vulnerantibus.

Quidam præla fatigant Typographica, politicis in speciem instructionibus, narrationum novitate, & audaciâ quibusvis obtrestandi, vendibilibus. In quibus sub palliolo doctrinæ civilis, latent Momi, Theones, Zolli, mordacibus distertijs, procacibus censuris Sacra juxta Prophanæque incessantes.

Atque Volusianæ hæ chartæ ubique volant per urbem, & manus hominum. Lustra domos, excute librorum armaria; quàm raros videbis libellos, pietatis magistros! Quàm multos curiositatis escâ decipientes, & sub melle venenum propinantes! Quid ergo? an desunt historiae utiles, & morum probitati servientes? Minimè quidem. Sed sordent, quia fructuose mordent; quia docent Sancta, honesta, casta, & veluti specula legenti suos nævos ostendunt.

Nunc propius ad argumentum nostrum. Videor mihi audire quæpiam dicentem: Quid tibi vis cum Narrationibus istis, è divina Historia excerptis? An non

Purius ex ipso fonte bibuntur aquæ?

An non major est florum grâtiâ, in hortis, sede suâ nativâ spectabilis, quàm manu carpta, & fasciculis illigata? Et ipse S. Scripturæ candor nonne supra omnes orationis colores nitidè fulget, suaviter allicit, potenter movet? Deinde ea divinatorum vis est verborum, ut apices etiam singuli suum habeant pondus; quæ verbâ si permutes cum alijs, quid aliud obrudes, quàm corticem sine medulla; nucleum sine nuce; florem sine fructu?

Rectè verò. Sermo Spiritus S. in ipsa sua origine fuit limpidius, effusacius

P R Æ F A T I O.

ficacius penetrat, sæcundiùs rigat; quàm si per adscititiij styli canales deriveretur. Sed age; quid facias illis, qui Sacros Codices vel propter reverentiam non attingunt: vel propter latentia mysteria non intelligunt? Et esto; reliqtà rerum sublimiorum indagatione, animus duntaxat per plana camporum exspatietur, contentus in pratis S. Scripturæ, historicos legere flosculos; quàm multa tamen occurrent, laudatissimum studium retardantia? Nam primò, per varias eundum ambages erit, donec colligantur, quæ pluribus locis sunt dispersa; erunt sæpiùs calcandæ spinæ, donec pervenias ad rosas; multa subterfugient oculos, sub obscuriore sensu, velut sub densiore gramine latentia. Quoties scire voles totum, & tantum cognosces partem; voles contemplari corpus, & desiderabis membra. Et quantum discriminis, difficultatisque, unica quandoque in narratione tibi offeret tēporis, loci, personarum, & cæterorum adjunctorum, non perspecta conditio? Quæ si quis in cōcinnum ordinem redigat, si perplexa explicet, latentia proferat, quæque cohærere debent, conjungat; unumque quasi sub aspectum ponat, quæ tu sparsim conquisis, & forsitan non acquiris; an non ille grates abs te merebitur amplas? Id ego quidem has Narrationes conscribendo, efficere conatus sum. Nam consilium fuit, ijs gratificari, & quasi nucleum evolutam nucleò, florem expeditum calyce, unionem exemptum conchâ proponere, quos delectant solida, non fluxa: vera, non ficta: utilia, non nociva: sancta, non vana: ad solem potius exposita, quàm in umbram reducta, aut accessu minùs facilia, & ad cognoscendum explicata.

Et verò si historiam commendat indubitata scribentis veracitas, scriptiois veritas, eventuum raritas, argumenti varietas, salutaris doctrinæ ubertas; quid delectabilius, quid lectu dignius, fructu sæcundiùs reperitur, quàm Historia non hominum auditione accepta, non labili calamo exarata, sed ab ipso Spiritu S. dictata, & litteris divinam fidem obtinentibus commendata? Hinc reges, principes, magistratus, duces bellici, nobiles, plebei, cives, milites, viri, feminae: juvenes, senes: sacri, prophani haurire possunt præcepta vivendi, DEUM colendi, salutem publicam, privatamque curandi. De utilitate Historiæ divinæ Cornelius à Lapide in „ præmio Pentateuchi, & encomio S. Scripturæ. Quod si ulla, *inquit*, historia est magistra, dux & lux vitæ, in qua regnorum, rerum publicarum, vitæ humanæ ortus, casus, occasus, virtutes, vitia, quasi in speculo cernas, omnemque prudentiam, & viam ad felicitatem alienò exemplò, felicitate infelicitate discas, id ex historia Testamenti Veteris discas. *Et Augustinus ad Polasianũ.* Hic (in Scriptura S.) salubriter & prava corriguntur, & parva numeriuntur; & magna oblectantur ingenia; Ille huic doctrinæ inimicus est animus, qui vel errando, eam nescit esse saluberrimam, vel odit ægrotando medicinam. *Et S. Hieronymus: in illa verba Ezechielis cap. 47.* Et erunt fructus eius in cibum. S. Scriptura, *inquit*, est hæc sacra arbor, seu lignum vitæ; cuius historicus sensus, est nobis cibus, quia fidem nostram pascit, allegoricus & moralis, est medicina, quia mores corrigit. Accedo

P R Æ F A T I O.

Accedo ad alterum, de quo monendum duxi; ad *Modum* nempe, stylumque scribendi; quem sic attemperavi, ut malletm esse clarus, quàm pictus: nervosus, quàm subtilis: strictus, quàm effluens; religiosus in premendis. S. Historiæ vestigijs, & meo nihil indulgens ingenio, sed virorum doctrina ac virtute præstantium comentarijs fideliter inhærens; ut eadem quidem, non isdem tamen verbis scriberem, quæ divinis è paginis juxta gravissimorum interpretum auctoritatem desumpseram.

Vis scire, quanam illi sint? Complurès pervolutavi: præ cæteris tanquàm CYNOSURAM delegi illustriora duo Sidera: P. Jacobum Salianum S. J. qui *Annales Ecclesiasticos* Vet. Test. ab Orbe condito, usque ad Christi D. mortem, tomis VI. accuratissimè complexus est. Et P. Cornelium à Lapide S. J. cuius doctissimos comentarios in *Pentateuchum Moysi, libros Iosue, Iudicum, Ruth, Regum, Paralipomenon* diligenter perlegi: & in ijs, tanquàm in summam, summo iudicio contractas aliorum auctorum explanationes, recognovi. Post hos, P. Nicolaum Serarium S. J. decem per libros *Tobia, Iudith, Esther, Machabæorum* securus sum, virum reconditæ, solidæque doctrinæ. Neque parùm adjumenti attulit P. Joannes Bisselius S. J. Scriptor perquam disertus & eruditus *Ruinarum illustrum*, quas ab Orbe condito deduxit ad Ruinam usque Rei, pub. Vet. Romanæ; producètque longius.

His ego ductoribus usus, ex universa divinorum voluminum Test, Vet. historia Narrationes, tanquàm flores quosdam amœniores, ita collegi, Telegique, ut L. Julium Florum imitandum mihi sumerem, qui historiæ Romanæ ex T. Livio, aliisque, Latinis auctoribus, felici compendio concinnavit. & velut in theatro spectandum dedit, quidquid ad usque Cæsaris Augusti tempora, Romana Potentia domi, forisq; gessit. Hinc titulum Lucubrationi nostræ hausi; Cui pro Austario addidi, DOCTRINAM MORUM (haud sanè leve impendium operæ) è Narrationum harum visceribus, nisi fallor, ductam pro lectoris palato, utilia magis, quàm sublimia appetentis, & credo, ignoscentis, si quando longius excurrimus: diverso nos gustui accommodantes, Atque hæc sunt, quæ te, Lector benevole, scire volui. Vale, & laborem nostrum si non ex successu, certè ex conatu metire.

Cum liber, cuius titulus est, *Florus Bibliæ, sive Narrationes ex Historiâ Sacrà Test. Vet. selecta*, &c. à P. Michæle Pexensfelder Societatis JESU Sacerdote conscriptus, à deputatis Patribus Lectus, probatusque sit, Ego Georgius Muglinus Societatis JESU per superiorem Germaniam Præpositus Provincialis, potestato ad id à P. N. Joanne Paulo Oliva eiusdem Societatis Præposito Generali mihi concessa, eum typis in lucem vulgari permitto, & privilegium Cæsareum speciale concedo, librum, invito auctore, non recedendi, neque intra S. R. Imperij fines, & hereditarias S. Cæsareæ Majestatis Provincias importandi, in cuius rei fidem hæc epirographo meo, & consueto officij sigillo muniri dedi Landshuti 20. Martij 1672.

Georgius Muglinus

INDEX NARRATIONUM.

<i>Narratio I.</i>		<i>Narratio XXVI.</i>	
Creatio Mundi, seu Cosmopœia. p. 1.		Legislatio Dec. adorat. vituli aur. 106	
<i>Narratio II.</i>		<i>Narratio XXVII.</i>	
Defectio Angelorum. p. 6.		Exploratio Chananitidis imbell. &c.	
<i>Narratio III.</i>		<i>Narratio XXVIII.</i>	(113)
Lapsus protoplastorum. 10		Seditio & interitus Coræ, ac sociorū.	(116)
<i>Narratio IV.</i>		<i>Narratio XXIX.</i>	
Cædes Abelis. 16		Nova seditio. petra fundēs aquas &c.	
<i>Narratio V.</i>		<i>Narratio XXX.</i>	(121)
Caini interitus. 19		Asina Baalami arioli loquens, &c.	
<i>Narratio VI.</i>		<i>Narratio XXXI.</i>	(124)
Cataclysm ⁹ seu Diluv. orbis terrarū.		Hebræorū cū Madianiticis sem. libido.	
<i>Narratio VII.</i>	(21)	<i>Narratio XXXII.</i>	(127)
Maledictio Chami, & Chanaanis. 29		Zelus Phineæ; internecio Madianit.	
<i>Narratio VIII.</i>		<i>Narratio XXXIII.</i>	(130)
Confusio Turris Babylonica. 32		Rahabē fides in Hebræos, & præmiū.	
<i>Narratio IX.</i>		<i>Narratio XXXIV.</i>	(134)
Abrahami migratio in Chananitidē.		Siccus Israhēlit. per Iordanē transitus.	
<i>Narratio X.</i>	(35)	<i>Narratio XXXV.</i>	(&c. 137)
Hospitalitas Abrahami; liberatio		<i>Narratio XXXVI.</i>	
<i>Narratio XI.</i>	(Loti. 41.)	Mira Ierichuntis urbis everfio. 140	
Sodomæ & Sociarū urbiū deflagra-		<i>Narratio XXXVII.</i>	
<i>Narratio XII.</i>	(tio. 44.)	Achānis sacrilegilapidatio. 144	
Abraham' Ismaëlē gignit ex ancil. &c.		<i>Narratio XXXVIII.</i>	
<i>Narratio XIII.</i>	(47)	Urbs Haia ab Hebræis excisa. 146	
Nuptiæ Isaaci cum Rebecca. 55		<i>Narratio XXXIX.</i>	
<i>Narratio XIV.</i>		Gabaonit. dolus in fœdere impetrādo	
Eſau primigeniti jus perdit. 56		<i>Narratio XL.</i>	(152)
<i>Narratio XV.</i>		Adonibezeci tyrannis &c. 157	
Profectio Iacobi in Mesopotamiā, &c.		<i>Narratio XLI.</i>	
<i>Narratio XVI.</i>	(60)	Aadus Prætor Iudæorū, & assertor.	
Iacobus auctus liberis & opib'. &c.		<i>Narratio XLII.</i>	(160)
<i>Narratio XVII.</i>	(64)	Samgar Hebræorum Iudex seu Prætor.	
Dinæ violatio, & inde consecuta, &c.		<i>Narratio XLIII.</i>	(163)
<i>Narratio XVIII.</i>	(68)	Sifaræ Chanañei Ducis fatalis hauss.	
Varia Iosephi Patriarchæ fortuna.		<i>Narratio XLIV.</i>	(165)
<i>Narratio XIX.</i>	(56)	Prodigiosa Gedeonis victoria. 169	
Eadem historia fusiùs exposita. 73		<i>Narratio XLV.</i>	
<i>Narratio XX.</i>		Abimelech, Gedeōis filij, crudelitas.	
Exercitatio patientis Iobi. 82		<i>Narratio XLVI.</i>	(&c. 175)
<i>Narratio XXI.</i>		Ruthæ Moabitidis felices nuptiæ.	
Probatio Iobi in ærumnis. 84		<i>Narratio XLVII.</i>	(180)
<i>Narratio XXII.</i>		Iephthes filiam sacrificat. &c. 185	
Mosis ortus & legatio. 89		<i>Narratio XLVIII.</i>	
<i>Narratio XXIII.</i>		Samsonis mira facinora. 189	
Decem plagæ Ægypti.		<i>Narratio XLIX.</i>	
<i>Narratio XXIV.</i>		Samsonis captivitas. 194	
Pharaonis submersio, 98			
<i>Narratio. XXV.</i>			
Israēlitarū profectio per desertā. 102			

Narratio L.

INDEX NARRATIONUM.

<i>Narratio. L.</i>		<i>Narratio LXXII.</i>	
Samsonis occasus.	199	Regis Salomonis Decora.	314
<i>Narratio. LI.</i>		<i>Narratio LXXIII.</i>	
Clades Helis Pontificis, eiusq; filiorū.		Magnificentia tēpli Salomonici.	322
<i>Narratio LII.</i>	(104)	<i>Narratio LXXIV.</i>	
Samuelis ortus, educatio, gesta.	209	Salomonis Dedecora.	329
<i>Narratio LIII.</i>		<i>Narratio. LXXV.</i>	
Saulis in regem Hebræorum electio.		Roboamus, stultus Salomonis filius.	
<i>Narratio LIV.</i>	(216)	<i>Narratio LXXVI.</i>	(336)
Saulis à DEO reprobatio & exitium.		Ieroboam primus Israelitarum X.	
<i>Narratio LV.</i>	(221)	Tribuum rex, pseudopoliticus &c.	
Davidis cum Goliatho duellum.	227	<i>Narratio LXXVII.</i>	(343)
<i>Narratio LVI.</i>		Abias & Afa, reges Iudæ.	351
Maleficia Saulis in Davidem.	232	<i>Narratio LXXVIII.</i>	
<i>Narratio LVII.</i>		Tragica regum Israelitic. series.	358
Davidis beneficia in Saulem.	238	<i>Narratio LXXIX.</i>	
<i>Narratio LVIII.</i>		Iosaphat ^s , Iudæ rex pietatis cultor.	
Ionathæ ac Davidis amicitia.	244	<i>Narratio LXXX.</i>	(364)
<i>Narratio LIX.</i>		Achabi Israëlitarū regis, & Iezabelis	
Abigailis prudentia Davidem placat.		impietas, innocentis Naboth, &c.	
<i>Narratio LX.</i>	(250)	<i>Narratio LXXXI.</i>	(371)
Abneris, Ducis bellici, gesta & funus.		Elia ^s Vatis mirabilia facta.	379
<i>Narratio LXI.</i>	(254)	<i>Narratio LXXXII.</i>	
Isebosethi, Saulis filij, interfectio.	259	Elisæus Thaumaturgus,	387
<i>Narratio LXII.</i>		<i>Narratio LXXXIII.</i>	
David intēperantiā sitis triumphat.		Ioram ^s Iosaphati, Ochozias, &c.	399
<i>Narratio LXIII.</i>	(262)	<i>Narratio LXXXIV.</i>	
Davidis religio in Arca fœderis Hierosolymam revehenda.	265	Athalia, Iudaici regni Furia.	403
<i>Narratio LXIV.</i>		<i>Narratio LXXXV.</i>	
Hæonis Ammonitarū regis perfidia &c.		Ioas, inconst. & ingrati animi exemp.	
<i>Narratio LXV.</i>	(269)	<i>Narratio LXXXVI.</i>	(407)
Davidis in crimina prolapsio.	273	Amasias XI. rex Iudæ, DEO, &c.	412
<i>Narratio LXVI.</i>		<i>Narratio LXXXVII.</i>	
Davidis pœnitentia.	277	Ionas mirus DEI præco.	417
<i>Narratio LXVII.</i>		<i>Narratio LXXXVIII.</i>	
Ammonis incestus, & cædes. Absalonis exilium & revocatio.	283	Ozias, XII. rex Iudæ leprosus.	424
<i>Narratio LXVIII.</i>		<i>Narratio LXXXIX.</i>	
Absalonis in parentem rebellio; Davidis fuga.	288	Achaz regū Iudæ sceleratissimus	428
<i>Narratio LXIX.</i>		<i>Narratio XC.</i>	
Absalonis suspendium.	297	Ezechia ^s regis Iudæ religiosa pietas.	
<i>Narratio LXX.</i>		<i>Narratio XCI.</i>	(434)
Salom. initia; conjuratio Adonia ^s .	300	Ezechias ægrotās, & prodigiose, &c.	
<i>Narratio LXXI.</i>		<i>Narratio XCII.</i>	(439)
Davidis ex peccatis pœnæ, &c.	305	Sennacheribi, regis Assyrior. strages,	
		<i>Narratio XCIII.</i>	(445)
		Ezechia ^s ostentatio punita.	450
		<i>Narratio</i>	

INDEX NARRATIONUM.

<i>Narratio. XCIV.</i>		<i>Narratio CFI.</i>	
Utriusque Tobiae multifaria virtus, & fortuna	453.	Balthasaris ultimi Babyloniorum re- gis interitus.	542
<i>Narratio. XCV.</i>		<i>Narratio CVII.</i>	
Manasses resipiscens. Amon eius filius malè periens	465	Daniel iterū leonibus obijcitur.	551
<i>Narratio XCVI.</i>		<i>Narratio CVIII.</i>	
Isaias Propheta Evangelicus & Mar- tyr.	472	Instauratio urbis & Templi Solymæi sub Zorobabele & Nehemia Duci- bus, Esdra Sacerdote & Legis Do- ctore.	558
<i>Narratio XCVII.</i>		<i>Narratio CIX.</i>	
Iosias absoluta boni regis imago.	(476	Aman in patibulo.	575
<i>Narratio XCVIII.</i>		<i>Narratio CX.</i>	
Ioachazes, sive Sellum; Eliacimus, seu Ioakimus; Ioachinus seu Ie- chonias, reges Iudæ impij, miseri.	(482	Heliodorus ab Angelis flagellatur.	(586
<i>Narratio XCIX.</i>		<i>Narratio CXI.</i>	
Sedecias Iosiae filius, rex Iudæ ulti- mus, impius, perjurus, perfidus, calamitosus,	490	Eleazari Sacerdotis, & septem fra- trum Machabæorum, unā cum matre illustre martyrium.	593
<i>Narratio C.</i>		<i>Narratio CXII.</i>	
Jeremias Sacerdos, Doctor, Prophe- ta, Martyr.	408	Mathathiae Machabæi, Ducis & Pon- tificis Hebræi Zelus pro honore DEI.	602
<i>Narratio CI.</i>		<i>Narratio CXIII.</i>	
Iuditha Heroïna, Victrix, Triumphat- rix.	504	Iudas Machabæus, Gentis Hebrææ Ar- chistratègus, Poliorcetes, Religio- nis Defensor, Patriæ Servator.	607
<i>Narratio CII.</i>		<i>Narratio CXIV.</i>	
Sufannæ castitas fortis.	517	Antiochi Epiphanis, teterrimi Ty- ranni, funestus exitus,	619
<i>Narratio CIII.</i>		<i>Narratio CXV.</i>	
Daniel exponit Nabuchodonosori vi- sam in somnio statuam. Tres Da- nielis Socij in flammante clibano illæsi,	523	Ionathæ & Simonis Machabæorum, Iudæ fratrum, Iudæ Ducum ac Pontificum acta.	624
<i>Narratio CIV.</i>		<i>Narratio CXVI.</i>	
Nabuchodonosoris metamorphosis in bestiam.	532	Machabæanæ stirpis eradicatio. He- rodis alienigenæ in regnum Iudæi- cum invasio. Herodiani nominis propagatio, & excisio.	631
<i>Narratio CV.</i>		<i>Narratio CXVII & ultima.</i>	
Daniel sacrificulorum Belis impo- sturam detegit, superstitiosum Draconem occidit: ad leones da- mnatur,	537	Excidium Hierosolymitanum per Titum Imp. Rom.	

NARRATIO I.

NARRATIO PRIMA. CREATIO MVNDI.

SEU COSMOPÆIA

Genesis. 1. & 2.

DEUS est Spiritus lucidissimus, æternus, *Dei perfectio*
 ubique præsens, unus in Essentia (ut Theologi *etiones*
 loquuntur) trinus in Personis. Pater, qui solus
 à nullo est; Filius de Patre ab æterno genitus : Et
 Spiritus Sanctus ex Patre, Filioq; pari æternitate
 procedens ; qui cùm Personarum proprietatibus sint distincti,
 unus tamen eiusdem Naturæ DEUS est, solus Omnipotens, summe
 Sapiens, infinite Bonus; idem eximie Iustus, Verax, Fidelis.
 Quod nihil majus, pulchrius, jucundius aut esse potest, aut ex-
 cogitari. Qui ante Mundi constitutionem solus sibi Sufficientis-
 simus, & Mundus erat, & Locus, & Omnia. Ipse quippe in se-
 ipso existens, seculis innumerabilibus & annis æternis suâ frue-
 batur sapientiâ, pulchritudine, bonitate; intuebatur, quas pos-
 sidebat, perfectiones admirabiles, inæstimabili cum gaudio; in
 quarum contemplatione producebat VERBUM, æternū & coæ-
 qualem Filium; & cum hoc, AMOREM Infinitum, Spiritum
 Sanctum. Cogitabat de Mundo olim condendo : de Civitate E-
 lektorum, quos jam tum sigillatim sibi præsentibus habens ac fo-
 vens, dulcissimo complectebatur affectu : de reparando per IN-
 CARNATIONEM Verbi (Græcis *Sarkosis*) Humano genere, per
 peccatum ruituro, & meliorem instatum revocando; rei nullius
 extra se ad summam beatitudinem indigus, nec beatior è rerum
 creaturarum accessione futurus.

Sed quia, quod BONUM est, diffundi cupit, DEUS, Infinita
 Bonitas sese nobiscum comunicaturus, condidit spectabilem hanc
 Universitatis molem, ut per operum Divinorum Contemplatio- *Creatio*
 nem, mortalium mentes ad ipsius Creatoris cognitionem, vene- *Mundi,*
 rationem, amorem attollerentur, hominūque Felicitatis peren-
 nis propositio præmiū, Mundus, quasi decurrendi stadium, &
 armorum palæstra constitueretur. Cæterum de annis ab ortu
 Christi ad Mundi principiū remetiendis alij aliter rationes ponunt,
 A nos cum

nos cum doctissimo & accuratissimo Jacobo Saliano, S. J. aliisque compluribus, secula computamus ad Servatoris Natalem quadraginta, & dimidium, hoc est, annos omnino quater mille quinquaginta duos. De tempore, quo fabricata est Mundi machina, nihil est necesse disputare; seu fuerit Autumnale, seu Vernal, cum pro utroque robur argumentorum, & Scriptorum auctoritas pugnet; Autumnus fertilitate & opimitate fructuum olim annum ordiebatur. Idem Vere faciebant Prisci Romani, quo tempore terra germinat, ridet flores, amœna temperie formosissimus est annus.

Poterat verò Omnipotentis manus Architecti, totam molationem uno momento absolvere, nisi placuisset parem Potentiæ Sapientiam in rebus, certo dierum intervallo digerendis atque ornandis demonstrare. Prima itaque Die (si tamendies erat cum lumen solare non esset) procreatum est è nihilo, cœlum *Empyrium*, à splendoris & lucis copia sic denominatum, augustissima Divinitatis Sedes, & futurum Beatorum Domicilium; cum fulgentissimo illo palatio, conditæ *Mentium* corporis societate vacantium innumera myriades, quas *Angelos* vocamus, & Spiritus, Geniisque cœlestes. E nihilo quoque prodierunt *Terra & Aqua*, globum in unum comista; Undâ Tellurem suo complexu cohibente, seseque usque ad cœlum expandente. Atque hæc, ut sine materia præexistente producebantur; ita ex his, Terrâ inquam & Aquâ, cætera omnia, quæ sub aspectum cadunt, sunt educta. Nullus tum rerum ornatus viscebatur, nulla forma, tenebris omnia involventibus; Cùm Imperiò divinò lux quædam in aquis coruscare cæpit, longum latumque fulgore se diffundente.

Sequenti die, quam lux illa, rudis quidem & imbecilla, qualis est, cum abeunte nocte diluculum instat, efficiebat, Orbis Cælestes, quos Sacra Pagina Firmamentum appellat, existere sunt iussi, mediò inter aquas Superiores (quas Crystallinas vocant) & Inferiores (Philosophis Elementares dicuntur) interstitiò suspensi, nullisdum sideribus illustrati, nec eodem, quonati erant, momento, vel suâ, vel externâ incitatione agitati. Inde duo illa Primigenia Corpora, *Aër* quidem ex Aqua, *Ignis* ex Aëre prognata sunt. Igneum Elementum altiora capeſſivit; Huic proximam Regionem spirabilis natura insedit; Terrâ aquis circumfusâ medium Mundi locum obtinente.

Dies tertia, undarum ac telluris Sublata confusione; Hæc in speciem magni Orbis glomerata, ex aquis emergere cæpit. Aquæ ipsæ in cavernas recedere, mariæque & flumina, & paludes, & stagna efficere, spatijs ab habitabili solò discretis. Terra quidem, simul ut mandatum divinum germinandi accepit, repente herbas

CREATIO MUNDI.

3

bas & fructus profundere; Arborea sætibus gravidari, campi segetum copiâ & densitate fluctuare: Fluviorum ripæ mira stirpium varietate vestiri: Simul omnia promi, proferriq;: Secus, atque nunc accidit, cum aratio sationem, satio occationem, Occatio Sarritionem, plantatio putationem, incrementa maturitatem præcedunt; Cum prius aguntur deorsum radices, deinde stirpes in altum tolluntur; Tum in frondes serami induunt, postremoque fructus reddunt, primò parvos & acerbos, paulatim majores & perfectos; Sed omnia hæc conjunctim, unòque temporis puncto proruperunt. Omne præterea genus extitit Metallorum, Fossilium, Lapidum, & rerum (quæ *Mixta*, hoc est, ex elementis composita, appellantur) vitâ carentium. Caput imprimis floridum extulit Paradisus, seu Hortus Voluptatis, irrigatus quatuor fluviorum ex uno fonte scaturientium limpidissimo liquore, indeque sese per omnem terram diffundentium; *Pbisoni* nomen est uni seu gahgi: alteri *Geoni*, seu Nilo: tertius *Tigridis*, quartus *Euphratis* appellationem habet.

Quartum Mundi Natalem illustrarunt cælestia Lumina, *Sol* & *Luna*, cæteræq; *stellæ* ac *sidera* cælum velut gemæ distinguunt, aut instar florum pingentia; hinc alterna dierum & noctium discrimina: hinc quadripartita anni tempora: hinc tempestatum signa prognostica: hinc rerum sub terra, supràque terram nascentium progenerationes.

Quintus porrò dies *Piscibus* & *Volucris* natalis contigit, quorum genus utrumque, originem suam aquæ fecunditati debet, è cuius materia propagatum est, quidquid vel pennis aërem, vel pinnis undas secat.

Sextus opificij divini dies *Animantes* accepit, productis jumētis, reptilibus, bestiis. Qua die effictus quoque ex humo homo est, cui immortalē, juxta suammet imaginem, cælestis Conditor animum inspiravit, intelligendi, appetendi, cum ratione reminiscendi facultate præditum, cæterisque decoratum gratijs, & primævæ innocentiae ornamentis, ac pleno in cuncta animantia dominatu. Nomen primo homini, *Adami* inditum, quem ubi Divinus Artifex in felicissimi illius Viridarij septa (nā extra illud conditus erat) transtulit, omniq; animalium generi ad ipsum adducto, propriam appellationē imponere jussit, inisso sopore, dormientis è latere costam exemit; è costa vitæ sociā *Evam* formavit; quā in manū viri traditā, utrique fausta apprecatus, jussit inire matrimonium, procreare liberos, extendere genus, progignere populos, obtinere Mundum, imperitare ac præcelsis rebus, ridente cælo, plaudentibus sideribus, gratulantibus elementis, tellure gaudio gestiente. Sed ô breve gaudium! Decima tertia ab Ortu Mundi,

Mundi, die, Eva serpentis fraude, seducta pomum earpsit vetitū; maritum in criminis, pænæque communionem traxit; uterque posteritatem omnem ærumnis & miserijs inexplicabilibus involvit, uti paullo post memorabimus, si prius Ruinam Angelorum exposuerimus.

DOCTRINA.

*Affectus in
Deum.*

Lubet exclamare cum Apocalyptico Vate. *Dignus es Domine; DEUS noster, accipere Gloriam, & honorem, & virtutem, quia tu creasti omnia, & propter voluntatem tuam erant.* Apoc. 4. Tu dixisti, & facta sunt: tu mandasti & creata sunt. ps. 140. *Ex Te, & per Te, & in Te sunt omnia; in Te vivimus, movemur, & sumus.* Actor 17. Tu Mundum homini, hominem tibi condidisti. Hic finis, hæc meta, hic scopus est. Lucem, qua fruimur: spiritum, quem ducimus: commoda, quibus utimur, tuum munus agnoscimus grati. Utendum est ijs, non abutendum; adducant ad Te, non abducant à Te. Tu es, qui Regis & gubernas omnia, qui cursum astorum, mutationes temporum, rerum vicissitudines, ordinésque conservas. Quis igitur tam vecors, qui cum cælum suspexerit, DEUM esse non videat; & quæ tanta Mente fiunt, casu fieri putet? Hæc nostra felicitas, hæc beatitudo est, Te Nosse, Tibi servire, Teque amando, æternum Tua contemplatione potiri.

„ Domine fecisti nos ad te, & inquietum est cor nostrum, donec requiescat in te. *S. August. 1. Confess. 1.* Cælum & Terra clamant, ut amemus te. Creatorem videmus per creaturam, Factorem perfecturam, Fabricatorem Mundi per Mundum. *Quod si nos Domine delectasti in factura tua: quanto speciosior es, qui constituit hæc omnia.* Sap. 13. Tu bonitatis & pulchritudinis omnis exemplar, effector, fons, sphaera, centrum es. In te cælorum est puritas, siderum harmonia, solis nitor, imbrium fecunditas, fulguris vis, hortorum gratia, florum pulchritudo, silvarum amœnitas, camporum libertas, gemmarum virtus, fontium claritas, riparum viror, auri pretium, purpuræ decus, formarum Venustas, Amicitiarum voluptas, rerum omnium amabilitas, meritum, dignitas.

„ Novissimus Operum Dei homo, quasi totius summa corporis, „ quasi causa mundi, propter quæ facta omnia, quasi omnium habitator elementorum. Inter feras vivit; cum piscibus natat; Super aves volat; conversatur cum Angelis, terram inhabitat, & „ cælo militat; sulcat mare; aëre pascitur; cultor soli, piscator „ in fluctibus, in aëre aucupus, in cælo hæres, Christi cohæres. *S. Ambros. epist. 18.* quæ est ad Honontianum. tom. 5. Agnosce ô homo dignitatem tuam, cælo natus, cælo creatus es; Vult DEUS omnia esse hominis, hominem esse DEI, Pronaque

*Hominum di-
gnitas.*

CREATIO MUNDI.

5

Pronaque cū spectent animalia cætera terram,

Os homini sublime dedit, cœlūmq; tueri

Jussit, & erectos ad sidera tollere vultus. Ovid. Met. 1.

Nomen Hominis te Humi admoneat, & modestiæ; Rectitudo staturæ cœlo admoveat, à terra abducatur. Major es, & ad majora conditus, quàm ut cum bestiis in ventrem abjectus, brutarum sis mancipium voluptatum. Divum Basilium audi *bomil. 10. Hexameri*, „ *hoc est, operis sex dierum.* Animal itaq; es, ô homo, imperio natus. „ Ecquid miserâ hanc affectuū servis servitutem? ecquid dedis te „ peccato in vile mancipiū? cur tuapte sponte mancipē te & cap- „ tivū constitues diaboli? Jussit te DEUS in creaturis principem „ locum tenere: & ecce tanti principatūs dignitatē à te excutis, „ & repellis. Et Ambros. *lib. 6. Hexam. c. 8.* Pictus es ô homo, & pictus „ es à Domino DEO tuo. Bonum habes artificem atque pictorē. „ Noli bonam delere picturā; grave est, ut dicat de te DEUS: non „ agnosco colores meos, non agnosco imaginem meam. Doctor „ Angelicus in *22. s. Matth.* Numisma Cæsaris in auro est, in quo „ est eius imago depicta; DEI autem imago homo est, in quo est „ DEI imago figurata. Et August. *tract. 40. in Joannem* Reddite „ Cæsari numos: DEO vos ipsos. Est enim homo numus DEI. „ Quærit DEUS nummum suum, sicut Cæsar suum

Faciamus hominem ad imaginem, & similitudinem nostram Gen. 1. *Homo imago*

Est homo imago & similitudo DEI. I. ratione dominij, quod homi- *go DEI,*

mini datum in cæteras animantes. Gen. 1. *& prefit piscibus maris, &*

volatilibus cæli. 2. ob similitudinem divinarum virtutum. 3. ob mo-

dum existendi in rebus; nimirum neque DEUS, neque animus ho-

minis, cū spiritus sint, circumscribuntur loco. 4. ob liberta-

tem arbitrij. 5. ob vacationem materiæ, & immortalitatem. 6. ob

cognitionem DEI, amorem, & cultum; nihil enim horum habet

homo cōiune cum bestiis. 7. ob sapientiam ac providentiam,

quarum ope finem agnoscit homo actionum suarum, & vias ac

rationes eligit cōtendendi. 8. Nulla re magis homo Divinam in se

Trinitatem refert, quàm cū intelligendo rem aliquam, eiusdē

rei verbum producit, ex verbo autem, quod est quid amabile,

procedit amor eiusdem. Salian. de hominis Creatione.

Ædificavit Dominus DEUS costam, quam tulerat de Adam, in mulie- *Evacuatio*

rem. Gen. 2. Conveniens fuit, inquit S. Thomas. *1. p. q. 92. a. 3. sicut Adam.*

„ mulierem formari de costâ viri. Primò ad significandū, quòd

„ inter virum & mulierem debet esse socialis conjunctio. Neque

„ enim mulier debet dominari in virum; & idè non est

„ formata de capite: neque debet à viro despici,

„ tanquam serviliter subjecta; & idè non

„ est formata de pedibus.

B

NARRATIO



NARRATIO II. DEFECTIO ANGELORVM

Apocal. 12.

*Angelorum
Ordines.*

Rincipium Divinorum operum, quæ Majestas Æterna, bonitatem suam diffusura, produxit, cælum, uti supra narravimus, fuit Empyrium; tum Aqua & Terra ex puro puto *nibilo* procreata. Ut verò sedes illa DEI gloriosa, amplitudinis imensæ, aspectibus humanis inaccessa, imota semper & quieta, nulli obnoxia destructioni deliciarum omnium patria, colonos ne desideraret, Spiritus sunt conditi, seu Mentes purissimæ, ab omni corporis concreione separatæ, multitudine innumerabiles, in tres Principatus (Græcis Hierarchias) divisæ, & hæc, ternos in Ordines, quos Choros appellamus, partitæ. In suprema quidem Hierarchia collocati *Seraphini*, qui divinitatis amore calidissimo flagrant: *Cberubini*, scientia DEI profundissimâ lucentes: *Tbromi*, rebus pacatè continendis, & ut folium sedemque quodammodo, quiescenti DEO præbentes. In media, *Dominationes*, adjuvantes ceteros spiritus cælestes ad gloriam DEI promovendam; *Virtutes*, ad corpora tuenda ordinatæ; promptæque, & expeditæ ad opem largiendam Angelis inferioribus, circa Divinum obsequium occupatis: *Potestates*, ad diabolicas irruptiones retundendas. In Inima, *Principatus* destinantur ad universam naturam humanam adjuvandam, tanquam primi duces in eius rei executione: *Archangeli*, celsioribus nuntiandis, ac provincijs administrandis præfecti; *Angeli* denique (id, quod vocabulo præferunt) nuntij mittuntur ad mortales *particulares*, privatim ferè dirigendos.

Eorum Ordinum alij alijs præstant, unde Superiores illuminant mentes inferiorum, suas cum ipsis cogitationes & affectiones communicando, quod Eruditi *Locutionem Angelicam* vocant. Instructi sunt omnes intelligendi vi acerrima, & inflammata in amorem Divinæ Bonitatis voluntate; quibus

DEFECTIO ANGELORVM.

7

quibus accesserunt egregia naturæ tum præsidia, tum ornamenta; potentia videlicet, & robur admirandum: agilitas ac celeritas incredibilis; & quod longè majus, *Gratia* ac virtutum dona amplissima, quibus reddebantur *Filij DEI*, Regniq; cælestis legitimi hæredes. Unicum ad consummandam felicitatem deerat, perseverantia, (*Angelica via terminum vocant*) præfixo exigui temporis intervallò, cujus intra spatium operibus DEO placitis, ad præmia pervenirent; secus si facerent, cælo, quod insidebant, extrusi, pænas alibi darent sempiternas.

Cæterum à constantia ut desciscerent, evenit culpâ Turbatoris unius, quem sacræ paginæ *Luciferum* nominant. Fuit in hunc congestum, quicquid ornamentorum *Spiritualium*, quicquid naturæ, *Gratiar;* dotium, omnes alij novem Ordinum Angeli possedissent, quippe principatu in omnes potentem. Sed nocuit & Angelo felicitas nimia, nequis deinceps admiraretur, difficilius homines secundâ ferre, quàm adversam fortunam. Defectionis causas alij alias adferunt; quidam aiunt, *Luciferum* invidiâ stimulatam iniquissimè tulisse, hominis dignitatem, in æqualem *Gloria* cum Angelis possessionem, venturam. Alij sentiunt, DEUM Angelis adhuc in *Cursu Via* suæ constitutis, aperuisse *Verbi* Divini futuram cum Humana Natura conjunctionem; & Hominem illum constitutum iri, non mortalium modò, sed & Angelorum omnium Caput ac Regem, cui famularis adorationis obsequium, jam tum detrectârit *Lucifer*. Alij denique asserunt, ipsum insolente mentis elatione, æqualitatem ambijsse Numinis, neque suâ contentum arrogantia, quoscunque præterea potuisset Angelorum, in Societatem & contagem pertraxisse.

*Peccatum
Angelorum
quale,*

Hunc igitur regem, hunc caput certatim adoptabant rebellionis participes, *Similem* Altissimo, Parem Incomparabili, Deique Collegam acclamantes. Scindebatur in factiones, ac studia cælum. Pars etenim melior, sinceriorque peracriter est in *Luciferianos* invecsta. Primus atrocis prælij dux *Michaël*, è *Seraphinis* unus, qui Angelici sermonis vocibus, desertores attonans, *Quis*, inquit, *sicut DEUS?* (hoc enim nominis eius significatio indicat) simulque cum Angelorum socialium fidis Ordinibus in peruelles pugnavit, non jaculis, vel hastis, aut gladijs, sed odijs, mutuis. Tenuit prælium, arbitrò DEO, quoad ei visum est, obstinatos in pravo, dignis cladibus; emeritâ autem virtutè, præmijs immobilibus absolvere; tum verò continuò fulminante Numinis decreto, fulguris more præcipitatur cælò *Lucifer* in *Tartarum*, sitque calamitosorum extremus ille, qui momentò priùs desiderârat esse DEUS. Cum incensore corruerunt *Assectæ*, pars tertia *Angelicarum Mentium*; Geniorum verò in obsequio

*Præliū An-
gelorum in
cælo,*

manentium uno temporis puncto simul & militia finitur, & *ita*,
(tempus scilicet merendæ beatitudini æternæ præfixum) Fir-
matis *Gratia* statu, *Gloria* confertur immortalitas, bene gestæ rei
merces, atque Stipendium.

Supplicium
Angelorum
apostatarū.

Michaële in locum Luciferi subrogatō, sempiternum eje-
ctis exilium indicitur; exuuntur cœlestium donorū ornatu: non
relinquitur cognitio, quæ moveat ad opera DEO placitura: non
mentis in divinis perspicacitas, & erroris omnis expers lumen;
Voluntatis incessit tanta depravatio, ut assiduo versetur in-
proposito, malum aliud ex alio concitandi, cum immortal
Numinis odio, inflexibilitate ad retractandum facinus, inque
pravè semel ceptis obstinatione. Integra tamen eis perstiterunt
omnia, quæ secundum naturæ conditionem tenuerant, poterant-
que. Qualia sunt, *inveniendi* quidvis, & excogitandi acumen at-
que celeritas; Potentia suimet, & aliorum è loco mortis, & in lo-
cum deportatrix; ponderum gravissimorum translatio; quatuor
mundi elementorum, non in toto quidem, sed in partibus con-
cussio; diversi generis, tam corporum, quàm vocum ac ser-
monum, ex aëre condensato, formationes ac diffractiones;
& ad temporis partem aliquam *assumptiones*; oculorum ludifica-
tiones; *Agentium* item ad ea quæ *patiuntur*, applicationes, & è ra-
dicum, herbarum, gignentiumque ceterorum, occultis, sed sibi
percognitis viribus, inopina remedia; remediisque atrociora de-
trimenta, pestes, ac funera; quæque cæterorum præterea
spectant, ad mille malarum artium, & eventuum Auctores,
quibus idcirco Magi, sagæque supplices, ac clientes fiunt.

Vires caco-
demonum
Naturales.

Non omnes tamen, qui Luciferi se partibus adjunxerunt;
eodem statim unà descenderunt: Sed, aut quoniam alij alijs
minùs, magisve rebellionem adjuverunt; pro malitiæ diversi-
tate, diversa sunt loca sortiti; vel quoniam ob rationes nobis
incompertas, quosdam eorum in his potiùs, aut illis elemen-
torum regionibus, quàm alijs, Numini visum est attinendos;
relikti quidam extra gehennam sunt: exercendæ mortalium vel
patientiæ, vel pænæ. Quorum cum extra Orcum adhuc agen-
tium maximum sit tormentum; quantum eorundem aliquando
fore credamus cruciatum, cum eò detrusi fuerint omnes, ex-
tinctò mundò? quamquam, ubicunque locorum nunc degant,
aut quocunque divagentur, secum poenam suam, nullò laxamen-
tò circumvectant. Quorum multi varias & tetras animalium
formas mortalibus vel territandis, vel fallendis mentiuntur.

Libertas porro superbissimorum Geniorum in angustissimo
carcere comprimitur; ignis inferi vis & carnificina, Spiritus il-
los æquè, sicut & animas postea perditorum hominum, doloribus
inmensis

DEFECTIO ANGELORUM.

9

inmensis, modisque, licet miris, tamen plus nimio veris, singulos pro suis maioribus, minoribusve rebellionis meritis torquet. Et mentis, & loci tenebræ, Cimeriâ quavis caligine spissiores; loci chaos execrandum; pœnarum acerbitas, nec ad punctum quiddē, mitigationis capax; conscientiæ sævientis semper, mordensque vermis, malum mentibus humanis pariter, & Angelicis, intolerabile; continuati doloris assidua præsentia; bonorū omniū cumulatissima desperatio; nec spes vel veniæ, vel finjendi cruciatūs ulla. Denique præclusa non tantum sperandi, sed respirandi quoque facultas omnis, irrevocabili Numinis & obfirmatō decretō. Quibus ex rebus nascitur eis, & nunquam emoritur assidua tormentorum, & ignis, cum sensu cogitatio: proindeque DEI insipientis, odium, detestatio, criminatio; cum tristitia quadā, & rabie, verbis nullis explicandā. Coronat autem hæc tot mala, termini nullius patiens, suppliciorū æternitas, quæ tantō gravior infelicibus illis Spiritibus accidit, quantō brevior illis fuit, suapte culpā, concessus primævæ felicitatis fructus, & in Emphyrio quondam cælo mora, quam Scriptores aliqui ad triduum; ad unam aliq̃ diem; quin etiam ad unius nostratis horæ spatium extendunt.

DOCTRINA.

TAnti stetit felicibus quondam, sua si bona nossent, Genijs, præaltus & immodicus sui sensus, & arrogantia. *Qui nimis Severa Dei dum inter sidera posuerunt, detracti sunt,* Abdiæ. v. 4. non tam in terram, quàm in flammæum terræ carcerem. *Quomodo cecidisti de calo Lucifer, qui mane oriebaris, plenus sapientiâ, & perfectus decore?* Isa. 14. è miraculo venustatis & elegantiae momentō deformatus in teterrimum & spurcissimū cacodæmonem? Ergo unica superba cogitatio tot milliones Angelorū, nobilissimorū Spirituū; cælestis Aulæ Principum, in æstuantes ignibus voragines precipitavit? Ergo nullus pœnitentiæ, nullus misericordiæ, nullus recuperandæ gratiæ relictus locus? Ergo omnis æternitatis unicā mentis elatæ noxā non exhauriat, non expiet? Quis mille Regum ac Imperatorum filios, unius ob culpā commissi, damnari capite, securi subijci videat, & ingemiscendo non obstupescat, non attonetur, nihil nec precibus, nec numero, nec sanguini, nec brevitati delicti, nec clementiæ dari? *Quia reciderunt cedri, non ulule abies?* Zachar. cap. 11. *Si DEUS Angelis peccantibus non pepercit, sed rudentibus inferni detractos in tartarum, tradidit cruciandos.* S. Pet. ep. 2. c. 2. Quis stans est securus casus? Quis impunitatē suis promittat

mittat sceleribus, & resipiscendi spatium, cum lestissimorum DEI filiorum peccatum in vestigio secuta sit vindicta & poena? Si rebelles Numini ne in caelo quidem invenerunt asylum, quod in terra perfugium est reis à facie furoris Domini? Unius unici si capitalis criminis tam severum fuit iudicium, tam horrendum supplicium, quas sibi spes finget conscientia mille flagitiorum sordibus imersa? Itaque sapiat alieno periculo, quisquis non sapit suo; & ut Magnus Gregorius loquitur, *lib. 4. in 2. Reg. c. 2.* Cau-
,, tela minorum, sit ruina Majorum.

*Ambitionis
pena.*

Christus Lucæ 12. *Videbam Satanam, sicut fulgur de caelo cadentem.* Time Ambitio, quæ paulatim ascendis, sed repente præcipitas. Casus Luciferi assimilatur fulguri: tum propter velocitatem descensus; momentò ruit. tum propter brevitatem lucis; quæ in ortu suo extinguitur, & cum casu in tenebras convertitur.

NARRATIO III.

L A P S V S

PROTOPLASTO.

R V M.

SEV PRIMORVM PARENTVM.

Genes. 2. & 3.



*Felicitas pri-
morum Pa-
rentum.*

Uemadmodum DEUS in Empyrio caelo Angelos collocavit; ita statuit, horto, hortorum omnium & Gratiarum compendio, Paradiso, recens condito Cultorè, Custodemq; dare. Produxit igitur è limo, ut suprà memorare cœpimus, primū Hominem, quem Adamū vocavit, & ex Adami altissimè sopiti costa, Evam, vitæ, thorique consortem; quibus regimen inmisit ceterorū Viventium omnium. In alimenta mensam eis proposuit, terrarum omnium latū & frugiferum orbem; Et super hæc, felicitatē contulit, nullo calamo exprimendā. Condidit quippe Protoplastos ad imaginem suam DEUS, impertijt animū inmortalem, eūmq; instruxit non rerum tantū naturalium omnis generis, sed earum quoque, quæ supra naturā sunt, scientiā cognitioneq; addidit *Gratiam*, quā ab ipso ortu DEO grāti, familiares, amici, filij, iusti, Sanctiq; constituerentur: dedit corpus vividū, robustū, sanū, succo
vitali

vitali vegetum, membrorum omnium compage, & sensuum perfectione absolutissimum; eximiâ venustate præditum, interitûs inîmune, nulli vulneri, dolori, ægritudini, morti obnoxium; Adjunxit beneficium innocentiae primigeniae, quam Originis *Justitiam* vocant Doctores, spiritum scilicet liberum, & sui arbitrij; & huic appetitiones omnes, & cupiditates obtemperantes; qua in felicitate, postquam plura sæcula decurrissent, & senescere sensim cæptam ætatem *Pomo vitali* aliquoties integrassent, in cælum sine funere translati, deinceps inter Angelos ævum exegissent.

Cæterum Pater primus ea Naturæ, Gratiæ, *Justitiæ* Primæve ornamenta, ejusmodi pacto obtinebat, ut si in obsequio DEI persisteret, ea Posteris omnibus, veluti hæreditate obvenirent. Sin' rumperet imperata, tam sibi, quàm Posteritati, quidquid bonorum ac dotium habuerat, amitteret; sc̃que cum omnibus à se progenitis in moriendi necessitudinem, exiliûmque cæli, præcipitem deturbaret.

*Paradisi
cum Adamo*

Loci verò, in quo degebant, amœnitatem quis describat? Hortus erat, omnis honestæ voluptatis, ac deliciarum vivarium. Illic arborum, plantarum, fructuum, florum; illic spectaculorum naturæ, palati gustûs, odoris narium, omne genus atque pabulum. Ibi digestarum in quincunces pomorum, in areolas herbarum, in ordines suos germinum distributio, specierumque pulcherrima; fundi margines, virgultorum sepes, ambulacra spatiosa, virides porticus, apricantium herbida solaria, meridianantium platanones & umbracula; laborantium, sub opaco respiratus; respirantium, sub dio nova negotia.

Paradisus,

Stabant artificiosis dispositæ spatijs, silvæ, saltus, nemora, plantaria, vireta, pomaria: tot in hortos, divisus hortus unus; ac tot silvæ, tanquam nemus unicum: unaque venustissima voluptas, in mille sparsa concolores voluptates; Clausæ terrarum orbis opes erant, in unius hortensis amphitheatri orbe. Cæli mirabilis clementia: cœlestis auræ placidissima temperies: siderum æternus, quantum per hominem licuisset, favor. Humus semper virore læta; nec tamen aut suis Autumnis, aut messium felicitate cassa. Ver perpetuum, futurum: & ut florum omne tempus, sic temporis omnis flores. Arbores aut in spem se fructus induentes; aut in spei fructum exonerantes. Non illinc Afsyria mala, non Medica, Punica, citria, non ficus, uvæ, palmarumve, vel aromaticum foetudinem aberant. Super hæc in silvis, campisque ferarum quadrupedum omne genus, & cicur, & mansuefactum. In arborum ramis, ac per aërem, volucrum canosæ, pictæq; mille formæ.

Quibus

Quibus cantus deerat, garritu festivæ, sicut psittaci; vel pennarum picturâ floridæ, velut pavones, assidue gestiebant. Ac præter hæc, ne vel istæ sitirent; vel pecora, belluæque marcerent; vel arescerent homines; vel siccitate squaleret terræ fœcunditas: è paradiso medio, *Fons* ingens, par maximis quibusque fluvij prorumpibat, qui in alies se quatuor exonerabat amnes.

Arbor vitæ.

His non contenta Divina Liberalitas, geminam adiecerat arborem; alteram vitæ fomentum; alteram Virtutis ac meritum, exercitamentum. Et earum quidem priorem DEUS in ipso defixerat Paradisi meditullio; quod, cunctis è partibus, æqualis singulis accessus pateret spatium, ac facultas. Hæc *Vitæ* dicebatur, & erat, Arbor, cujus naturæ vis medica, vescentibus eius fructu, non quidè immortalitatem; longissimâ tamen suppeditabat vivendi facultatem. Altera verò diverso sita loco, sed egregiâ stirpis, & foliorum, ac frondium, pomorumque formâ, *Scientia Boni Malique* nomenclaturam, ex eventu magis futuro, quàm ex indita sapientiæ vi, sortita fuerat. De genere & fructu arboris illius controversia est, alijs ficum, alijs malum fuisse asserentibus; Recentior Scriptor *Joan. Bissel. Decade, 1. Ruin. Lust.* putat, Pomum fuisse (quales hodièque *Memphi* & *Alexandriæ* gignuntur) fructus botrorum instar proferentem; in eius cortice vestigium morsus apparere; in segmentis cultro defectis deprehendi effigiem Servatoris in Crucem suffixi, & à Christianis Saracenisque passim vocari *mala Adamiana*, ut in quibus & Protoplasti dens vulnificus, & vulneris medicina sit expressa.

Adami status ante lapsum.

Tali præditus igitur animo, corpore, statûque: tali ditatus loco, ac depositus cum conjuge sua, Primus homo terrestres inter ac cælestes incedebat delicias, purus, innocens, serenus; cum Beatis Mentibus incorporeis, Angelus ipse corporeus versabatur ut frater; cum DEO, Deique Filio, corporibus in assumptis, ei se conspicuos dantibus, agebat frequenter, ac familiariter, effigies ipse DEI. Non æstuabat, non algebat, non sudabat, non fatigabatur: Paradisi quidem colonus esse iustus, sed quasi per animi magis remissionem, quàm per laboriosæ manûs occupationem; utque tum ingentis & horti possessor & regni, fiduciam servitutis suam, vel exigui tributi pensione testaretur, mandatum accepit, ne gustu *Scientiæ boni, malique* tangeret *Arborem*, nisi perdere Jus immortalitatis, ac Cœli, sibi que, posteritati que sui generis vellet.

Qui sponte non fuerat iturus in exitium; per Sathanam & Feminam, sine quibus duobus nulla facilè magna clades inchoatur; trahendus erat. Cum enim jam dudum cacodæmonem invidia torqueret tantæ Protoplastorum felicitatis in terra, longèq;

majoris

LAPSUS PROTOPLASTORUM.

13

majoris olim in cœlo futuræ, cuius ipse possessione deturbatus esset : Serpentem, animal imprimis astutum & sagax, ingressus; cum artibus sibi notis fecit vocalem : magis tamen ipse ex eius gutture locuturus, quàm eloquentem facturum anguem. Hunc indutus habitum, plenis insidiarum oculis, occasionem perdendi hominis venatur. Fortè sic evenit, ut solitario per Paradisum incessu vagaretur Eva : consisteretque, sicut eam animi libido pepulerat, ad arborem, *scientia boni maliq;* genitricem. Ibi serpens, sive circumvolutus arboris ramis, aut trunco; sive subter arborem, in caudam aut pedes erectus; tanquam hominem homo, sororemve soror affatur, miræque sermonis illecebrâ benevolentiam captat, & virus pestiferæ cupiditatis, excellendi, supra humanum fastigium, inspirat, dulcedine libertatis plenissimæ mixtum; gustumque arboris vetitæ persuadet. Quid multis? invadit mulier dentibus pomum prohibitæ stirpis, & in pomo beatitatem DEO invidendam devorasse arbitratur. Confestim ad maritum advolat, vim pomis illis insitam, & dulcedinis, & promissæ scientiæ laudat; dubitantem, mortisque metu tergiversantem virum pellicit, ut mallet displicere DEO, quàm uxori, raperet pomum oblatum, infigeret dentes, absumeret in cibo vitam, & audaciâ suâ mortem inveharet. Eodem temporis articulo, aperiri cœpti sunt amborum oculi : quique prius non viderant nuditatem suam; tunc spolia mirati sunt innocentia suæ, corporibus juxta mentibusque detracta.

*Proto-plasto-
ram tenta-
tioris pecca-
tum.*

Statim enim irrequieta legis membrorum rebellione, corpus amborum cœpit in spiritum caput attollere; spiritusque cum difficultate summa coercere seditiosum corpus. Præ cæteris autem eos aggressus est furor erubescendæ libidinis, cuius ipsi turbulento sensu agitari cœpti, paribus erubescere luminum suorum dejectibus, & vultuum confusione sunt coacti. In arbutum igitur densus ambo concedunt, verecundiæ suæ lucem, lucisque verecundiam suam subducturi, sibi que subligaria frondea de connexis ficuum folijs consuturi.

*Infelicitas
& pana post
lapsum.*

Ita latebant, propatulo quidem se ipsos suffurati, sed sibi metipsis adhuc nimis aperti: DEique potissimum oculis manifestissimi; à quo per paradisum inambulante, interrogationibus eò protracti sunt, ut nuditatis & imperij rupti, pomique vetiti deglutiti, crimen ac temeritatē fateri compellerentur, viro culpā in uxorem, hac in serpentem reijciente. Nec distulit sententiam cœleste Numen; virum, mulierem, anguem suis quemque supplicijs addicit : & Adamum terræ sterilitate; conjugem, uteri tristi fecunditate; Serpentem, pulveris pabulo, mulierisque mutuis odijs severè multat. Deinde pellibus indutos, excoiatarū

C

ab Angelis

ab Angelis ovium, amarum, ut meriti fuerant, irridet: in labores, sollicitudines, metus, dolores, morbos, atque calamitates extrudit, paradiso proscribit; cujus portas & aditum, Angelò Cherubinò, per gladium bifidum, (Scriptura *S. Versatillum* vocat) flammamque, deterrente, perpetuas in ætates obsepit, patratique facinoris supplicium in nascituram progeniem extendit.

Hinc iræ Numinis; macula, & nævus mentis; contumelia stirpis; nuditas *gratia* cœlestis, ac donorum illius; cæcitas rationis; pravitas voluntatis, penuria, morbi, dolores, calamitates, & animi, corporisque cruciatus; quodque miseræ caput, tremenda mors. Hinc originaria labe ac lues, & hanc sequentes pænæ; Fomes, quem appellant, & incitamentum peccati, ignavis ruinæ plerumque causa vel impulsus; generosioribus autem animis, palæstra certaminis, difficultate non carentis. Hinc supplicia mortis sempiternæ: quæ nisi Filij DEI morte, præredempta, nec infantia moriens, nec adulta decedens ætas evitat; Infantes deportantur in loca infera, carentia quidem flammis; plena tamen inamœnæ solitudinis, horrenda tenebris, & illætabili *regioni mortis* propinqua, perpetua felicitate exauكتورati. At graviora longè manent profectam ætatem mala, gehennæ supplicia multitudine innumera, duratione infinita subeuntem. Juxta Salianum, Pereriū, Torniellum, aliòsque viros doctissimos, tristissimus casus, & è paradiso expulsio contigit, octavo à Protoplastorum productione die, feriâ sextâ secundæ Mundi hebdomadis; ab ortu rerum die decimâ tertiâ.

DOCTRINA.

*Miseria ex
peccato Pro-
toplastorum*

HEu malè carptum malum, ex quo malorum omnium llias! *O Adam Vbi es?* quantum mutatus ab illo, qui fueras! Unicus interdicti pomi morsus in quas miseria Orbem præcipitavit? Hæc est illa Pandoræ pyxis, è qua tot scelerum portenta, & supplicia, fames, bella, pestis: mille calamitates, ærumnæ, cædes, morborum agmina, mors ipsa proruperunt. Hinc ruunt è cœlo tonitrua, nix, grandines, fulgura, procellæ, turbines, fulmina. Hic morsus nos Paradiso exclusit, & in hanc lacrimarum vallem, in hoc exilium, in hoc mare procellosum eiecit, ubi venti vehementes, & fluctus ingentes, & quotidiana naufragia. Ex hac vomica, continuò pravarum cupiditatū putulentia ebullit; ex hoc camino, vitiosæ naturæ fumus nunquam non ascendit, sædæque libidinis scintillæ eieciuntur. Primus homo,

Quam meruit penam solus, diffudit in omnes:

Luit in Auctore posteritas; & quod unus deliravit, plectuntur omnes. O severâ vindictam! Quis Diocletianus, aut Phalaris ob pauculas

LAPSUS PROTOPLASTORUM.

15

pauculas ficus, aut aliquot flosculos, aut unicum pomum, mille homines in crucem rapuit? ET DEUS TER. OPT. MAX. innumeras hominum myriades ob arbusculam unam, non solò excisam, sed pomò privatam, eoque unico, supplicij damnarit Sempiternis? Mortales

Discite iustitiam moniti, & non temnere Divos.

Rationem delicti, auctoritas aggravat prohibentis. Magnum non erat, unicum carpisse pomum; at longè maximum fuit, in amœnissima illa in omnes paradisi arbores libertate, exceptà unicà; ne ab unicà quidem, mortis interminatione, à Legislatore mille titulis reverendo, vetitâ, manum, dentemque abstinuisse.

Quis igitur hanc tantam peccantium temeritatem gravissimis neget obnoxiam pœnis, in qua, velut in Lernæa Hydra, tantum diversis è capitibus veneni subnascitur, ut uno in scelere, complura involvantur? Nam *primò*, quanta fuit Adami superbia, velle cum uxore, DEO assimilari? *secundò*, quàm perniciosus amor in conjugem, cui ut placeret, non timuit displicere DEO? *tertiò*, quæ mentis incredulæ perversitas, DEO fidem non habere dicenti: *Morte morieris*; habere diabolo susurranti: *eritis sicut dii*? *quartò*, quæ curiositas, experiri, num esum vetiti fructus, consequatur mortalitas? *quintò*, quanta pravitas inobsequentis animi, DEO nolle parere vetanti? *sextò*, quàm scelerata gula, inter tot palati delicias, quærere, quod contra prohibitionem, sapiat? *septimò*, quàm detestanda purgatio, velle criminis culpâ in DEUM ipsum conferre? *Mulier, quam dedisti mihi sociam, dedit mihi de ligno, & comedi.* *Octavò*, in una noxa, quanta est noxia & damnum, mortis & peccati lumen in progeniem universam invexisse? Neque paucioribus criminibus, mulier quoque tenebatur, quæ in ruinam maritum, & per hunc, genus omne mortalium præcipitem egit. Tot tantisque in Divinam Majestatem offensis, quænam aliæ convenirent pœnæ, nisi atrocissimæ, nullâque temporis diuturnitate, ob injuriam læsi infinitam, satis persolvendæ; nisi nefas exitiale, sanguis DEI pro homine morientis eluisset? Uterque Protoplastorum ærumnas suas in longissimam ætatem propagavit; nam Adam nongentos triginta annos exegit, Eva nongentos quadraginta; uterque DEO per scelus pœnitudinē reconciliatus, Filius eorum Seth, cognomento Enos, id est, afflictus, miser, ærumnosus, sed virtutis & avitæ religionis maximus cultor, ac doctor genuit Enochum, qui anno M. 987. post annos vitæ

Gravitas
peccati pri-
morum pa-
reculum.

265. vivus desijt in vivis agere, translatus in paradisum. Eccli. 44.

NARRATIO IV. CAEDES ABELIS.

Genes. 4. Anno Mundi & Adami. 130. ante
Christum § 923.



Uousque malitiæ progredi sustineret homo, post amissum innocentiae bonum; citò palàm fecit ille, qui primus omnium fraternam conscivit necem. *Cainus* is est; *Adamò*, gentis humanæ principe natus, & *Eva*; propagationis ministrâ. Inflabat eû primogeniti speciosus, sed absente virtute, futilis titulus: & eousque reddebat insolentem, ut quantum animi cupidinibus, libidinibûsque libuisset, tantû eis indulgeret: contumax ad parentum monita, & cœlestium rerum inimicum ingenium: asperum, querulum, intractabile, fallere doctum, & jam tum ostentans semina, quæ mox magno parentum luctu, ipsiûsq; damno adoleverunt. Sed pravorum illi morum caput erat, odium in *Abelem*, eodem progenitum uterò, quo fuerat ipse, natu minorem. Erat *Abeli* jam à teneris indoles comis, placida, mansueta, placabilis: magna in fratrem observantia, in patrem matrêmque reverentia, in DEUM religio; qui, quotiès DEO per victimas supplicaret, quidquid optimum maximumque in gregibus & frugibus possidebat, in sacrificiû offerebat; contrâ quàm solebat *Cainus*, perfunctorius in cultu Numinis, cui deteriora dedicabat, melioribus in suas delicias reservatis. Ea propter discretos utriusque Divinitatis cultus, discretæ sunt præmia consecuta. Super *Abeli* namque victimas, & omni victima præstantiorem, animi religionem, divinus ex alto favor oculos advertit, super imolata, priusquam humana manu subderetur ignis, de cœlo flammam jaculando. Hæc porrò Divini favoris in *Abelem* inclinantis nota flammea, cum haud obtingeret *Caino*; fraternæ felicitatis in invidiam, ac clandestinam detestationem est prolapsus, ut nihil jam, nisi vindictam animo volveret, omnesque posthac victimas contumaciter ejuraret, insuper habitis DEI, spectabili tantisper se corpore offerentis, hortamentis; quibus docebatur, nequaquam causam esse, cur

mœrore,

*Causa indi-
dia Cai in
Abelem,*

CÆDES ABELIS.

17

maerore, odio, invidiâ in fratrem contabesceret, eâque, vultûs tristiâ ac dejectione proderet; resipisceret potius ipse, & fratrem imitatus, favorem Numinis paribus officiis demereretur; propositam esse benefactis mercedem, pœnam peccatis; neque diffideret de victoria sui, non enim defore vires, quibus pravas appetitiones subijceret rationi. Sed nihil profecit divina monitio in obdurato pectore. Cædem ut certiùs perageret, sceleri prætexens amicitiam, *Abelem* nihil suspicantem, in agros prolestat. Ibi tum, inter eundum varios, ut fieri solet, sermones alternantibus duobus, cum *Cainus* multa in Auctorem naturæ criminaretur, divinæque gubernationis leges, & ordinem insectaretur; proque suo fervore longiùs in propugnando Numine *Abel* progrediretur, *Cainus* aggrediendi sceleris ansam invenisse ratus, elatum altiùs, quod manu gestabat, telum (obvium quodvis, & apportatum domo, ruris instrumentum, ferro præfixum crediderim) in Martyris, ac fratris (centesimum, vigesimum nonum tunc annum agentis) cerebrum, mox & in pectus, profundè validèque demittit, itaque geminatis iterum, iterumque plagis, & disputantem simul, & vitam disputantis claudit. Ac corporis quidem cæsi sanguinem, largo fluentem rivo, & tacito clamore ultricia sidera ferientem, tellus exceptit: innoxium autem *Abelis* spiritum, destinata longæ quieti piorum, amplexa sedes est subterraneis in locis: ubi corpori plurima post secula reddendus, Christum præstolaretur Liberatorem, ac cælum Innocentiæ suæ præmium. Tradunt Auctores, *Abelem* cæsum in agro Damasceno, juxta Hebronem, ubi Adam creatus, & vixisse putatur; Hebræis vocatur *Adama* à terra rubra; & *Damascus*, Hebr. dam sac, id est *saccus sanguinis*; quia hausit sanguinem Abelis. *Cornel. in cap. 2. Genes.*

*Cædes Ab.
lis.*


DOCTRINA.

M Agnus charitatis tam divinæ, quàm humanæ præco; Joannes interrogat. 1. Joan. 3. *Propter quid Cain occidit Abel?* Sibi que respondet: *quia opera eius erant maligna, fratris autem eius iusta.* Invidia malum vetustum, prima labe, antiquum virus, seculorum venenum, causa primi funeris. Hæc Angelorum principem ejecit cælo: hæc gentis humanæ parentem exclusit paradiso: hæc prima cœde fraternam manum cruentavit. Flamma cœlitus depascens Abelis victimas, excitavit livorem in fratricidæ pectore; exarsit furor in innocentiam à DEO honoratam; occidit hominem, ut irritaret DEUM, etiam huic manum injecturus, si posset. „ Invidia, teste Nysseno Gregorio, *in vita Moysi.* malorum est princeps, mortis mater, prima peccati janua, vitiorum radix,

*Invidia ma-
lum*

, doloris initium, calamitatis parens, inobedientiæ causa, ignominia principium, mortifer stimulus, mucro reconditus, telum amarum, figens animam clavus, flamma cordis, intestinorum ignis. Hanc qui habet, non suis malis, sed alienis bonis infelix est. Interrogat DEUS primum latronem: *Cur concidit facies tua?* Genes. 4. Nimirum prius quam facinus perpetraret manus, jam undabat felle pectus, pallor sedebat in ore, tremor in labijs, stridor in dentibus, macies in corpore, tabificum venenum in visceribus. Quod vermis ligno, rubigo ferro, tineæ vestimento, hoc invidia fuit animo. Hæc est orcus, in quo nihil nisi dolor & mæror: ignis sine lumine. Orcus semper glutit, & quod glutit, nunquam devorans, malum sine spe, labor sine quiete, pœna sine cōmiseratione, color mortuorum sine morte. Invidia blandimentis exasperatur: obsequijs inflatur: muneribus irritatur. Ussit Cainum ignis cœlo demissus, & unde concipere debebat scintillas pietatis, arripuit flammam livoris, & odij; torquetur fratris felicitate, suspirat, fremit, fudat, cædem anhelat, primos morti aditus per Vulnus fraternum facit, & quartam orbis partem parricidalī sternit istu, perditorum coryphæus. Documenta jam tum Virtus dedit, malos permitti, ut coronentur boni; dotem esse pietatis res adversas, & Proborum patrimonium, *PATL.*

Falsa amicitia, Egrediamur foras, Gen. 4. Sunt verba Caini ad Abelem, quasi diceret, animi gratiā exeamus in agrum. Hac verborum fallaciā fratrem, velut agnum lanio; duxit ad macellum. Schema falsæ amicitiae, de qua Jeremias. c. 3. *Sagitta vulnerans lingua eorum.* Lambendo venenum spargit.



NARRATIO V.

CAINI

INTERITVS.

Genes. 4. Anno Mundi & Adam 688. Ante Ch. 3365.



OMISSO CAINUS Fratricidiò, agente consciëntiâ in desperata consilia animum, spe divinæ clementiæ abjectâ, ab obvio quoque ultionem paricidij extimescens, hominû fugitabat consortium, & latebrâs quærebat, totius corporis, omniumque membrorum tremore, in signum patrati sceleris, & vindictam agitatus; ubique pererrans, nuspiam consistens; quocunque facinoris fama pervenerat, eò portavit & pœnam; donec contra tot pavores propugnaculû erecturus, ut se parricida à talione defenderet, & prædator latrocinia tutò reponeret, primus omnium molitus est Urbem, quàm *Henochiam* vocavit, ab *Henoch* fillorum maximo; in quam, quidquid ubique scelestum, contaminatûmq; erat vel suismet, vel parentum insuper moribus, confluit. Fortè *Cajnu*, jam admodû senex, seculum eniñ agebat vitæ suæ septimum, animi gratiâ in silvam Henochiæ iminentem egressus, inter arbusta densa confederat, exæstuantis cæli tales fracturus. In illud ipsum nemus *Lamechu*, eius abnepos, succinctus canibus, ac familiæ suæ satellitio, venatum se contulerat. Cùm ecce præter spem, è numero scrutantium latebras, adolescentulus quidam, ad herum gradu suspensò recurrit, & deprehensam sibi feram esse significat, pertractus in eam opinionem, ramorum frondiumq; fallaci concussione. *Lamechu* temerè puero fidem habet, quâ confirmatâ virgultorum agitatio, sagittam, toro nervo, viribusq; contortam ejaculatur. In quæ subsecutò, tanquâ oris decrepiti, femineci clamore, quæstûq; sit omnium concursatû; primûsq; vulneris auctor *Lamechu* advolat; Dimortis virgultorum septis pro fera, tritavum à se Cainum jaculò transfixum aspicit, qui tremulo corpore suspiciõnē latentis prædæ injecerat. In rabie igitur astus infelix jaculator, iracundiam, quam debuerat in præcipitem suam temeritatē aliqua parte detorquere, totam in imprudentiam effuderat adolescentuli. Nève mitior in nepotis (Tubalcaini enim filius erat) quàm in tritavi sui cædem esset, arreptò, quem fors & nemus obtulerat, fuste (sive quis malit, arcu) puerum

*Urbis prima
Henochia.*

*Cainus ibi
terficiunt.*

puerum nequiequam quiritantem, & cœlum attestantem, verberibus atrociter multat, vibicibus lividis, è densa contusione, tuberibusque lethiferis oppletum, pro mortuo relinquit, & abijt. Neque multo post exanimatus est & hic, funusque Cainæo funeri sociatum, Henochianorum luctum duplicavit: non absque grandi Lamechi, velut bis homicidæ, penes vulgus invidiâ. Hunc igitur vitæ suæ sortitus est exitum, bipedum teterrimus Cainus; cuius viri spiritus impurus, corpore suo violenter expulsus, post Luciferi, sociorumque damnatam audaciam, primus omnium (quod nobis compertum sit) inferos initiavit ignes, arsurus flammarum inextincto rogo, per omnem æternitatis decursum. Patrata Caini cædes est, anno Mundi, & Adami 688. Ante Christum, 3365.

DOCTRINA.

Mala conscientia.

Verissime Sapiens Sapientiae c. 7. *cum sit timida nequitia, dat testimonium condemnationis: semper enim presumit seiva, perturbata conscientia.* Exemplum Cainus est, vagus, tremens, profugus, id unum animo volvens: *Omnis, qui invenerit me, occidet me.* Quid ais parricida? quid times, te inventum iri? jam teneris. Tua, si nescis, conscientia tibi tribunal, apparitor, accusator, testis, iudex, carnifex est; si frater parcit, terra non parcit, innocentis sanguine purpurata; si frater tacet, terra te accusat, & condemnat. Audivisti ex ore Numinis: *Si malè egeris, statim in foribus adfuturum peccatum*, & poenam peccati. Jam noxa caput sequitur, & vindicta scelestum; quocunque fugeris, nuspiam te efugeris. sentis, quid sit:

Nocte, dièque suum gestare in pectore testem,

Occultum quatiente animo tortore flagellum. Juven.

Sentiunt & illi, quos mens exagitat conscia pravi. Iussisti Domine, inquit Magnus Augustinus, *lib. 2. confess.* & verè sic est; ut „ poena sibi ipsi sit, omnis inordinatus animus. Et Ambrosius „ *in psal. 104.* Unusquisque peccatis suis flagellatur; gravia enim „ peccatorum pondera, gravia sunt criminum verbera. Juxta Poëtam

Prima hæc est ultio, quod se

Judice, nemo nocens absolvitur.

Quot vitia, tot tormenta. Invigilant animo, scelerisque patrati supplicium exercent curæ. Et Tullius ait: Sua quemque fraus, suum facinus, suum scelus, sua audacia, de sanitate ac mente deturbat. Hæ sunt impiorum Furæ, flammæ, hæc faces. Addo ego, hæc spectra, hæc terribiles visu formæ, hi manes nusquam non occurrentes. Hi sunt vermes, semper & ubique rodentes
malè

CAINI INTERITUS.

21

malè conscium pectus. Prisci, ut hæc oculis subijcerent, pinge-
bant Prometheus, ob ignem è coelo furtim sublatum, in monte
Caucaso ligatum ab Aquila; Tityum apud Inferos à vulture;
Aetæonem in Silvis à canibus lacerari. Hæc Aquila, hic vultur,
hi canes, animus est sceleribus obstrictus, assidue mordens, ro-
dens, lacerans. Conscientia rea, est illa horrida Tisiphone, vel
Megæra, flagello accincta,

Et nimium sævas repetens de crimine pœnas.

Septuplum ultio dabitur de Cain, de Lamech autem septuagies septies. Ge-
nes. 4. Quid est, quod longè gravior pœna statuatur in Lame-
chi interfectorem, quàm in Lamechum occisorem Caini?

*Cur Lame-
chi cades
gravius
vindictanda*

2. Quia Cain fratrè suum sponte occidit, nec pœnitentiam
egit facti; idè dignissimus, qui & ipse occidatur. Lamechus
autem interfecit tritavum suum ignarus; puerum verò invitus;
quem castigare volebat, non occidere; cuius ipsum utriusque
facti pœnituit, idè minus morte dignus, quàm Cain fuit. De-
inde, ut gravitate pœnæ tolleretur licentia occidendi homines.



NARRATIO VI. CATAclysmvs SEU DILUVIUM

Orbis terrarum. Genes. 6. 7. 8. 9.

Anno Mundi 1656. Ante Christum. 2397.



MAlus, ut dicitur, corvus, malum ovum.
Ex sceleratissimo Caino impiissima soboles, Gigan-
tes nati sunt, qui staturam superbiâ, deformitatem
impuritate, ferociâ vires adæquantes, scelerum
immanitate monstrofi, tam animorum portenta,
quàm corporum, in nefas omne ruentes, nihil intentatum mali
reliquere: Ne funditus tot inter crimina, mortalium genus in-
teriret, futurus Averruncus divini furoris, Nos justissimus na-
scitur. Qui deinceps virtutibus, ut annis, auctus, **SCELERUM**
ULTOREM DEUM, verbo & opere reus intentavit. Nam novâ
interminandi ratione, *Aræam seu Navim*, postquam diu verba

D

fuerunt



fuerunt irrita, centum molitus est annis, certante hominum nequitia, cum longa DEI Vindictis patientia. Id, quoniam in Sacris paginis graphicè expressum est, paulò altius repetamus.

Noë adificat Arcam, seu Navim. Centum, & amplius annos in prægrandi illa fabricanda navi laborabat Noachus, Gen. 6. structuram dictante DEO; vidente, & illudente passim hominum petulantia senem, tanquam delirum, & mente emotū. Quidquid ille moneret, hortaretur, minitaretur, ipsi deridiculo habentes, pluris dapsiles æstimabant mensas, hilares ludos, formosas feminas. Frustra minæ, frustra conciones. Estur, potatur, luditur; nuptiæ, convivia, choreæ; luxus & luxuria, & quidquid flagitiorum excogitari potest, insana omnium libidine patratatur, donec læsa diu Numinis patientia in furorem vertitur.

Causa diluvij.

Annus advenerat Orbi condito millesimus, sexcentessimus, quinquagesimus sextus, Noëmo vel Noacho sexcentessimus; Anni verò tempus amenissimum, vernum, nam Majus erat. Virebant campi, florebant horti, nemora frondebant; avium cantibus personabat aër; radiò solis lætissimò cælum ridebat; in lascivia, & amoribus erant mortales: nihilque minùs, quàm interitum expectabant. Cum ecce DEUS, octavò priùs, quàm perniciè hanc inferret, die, de cataclysmo jam jam instante præmonitum Noënum, jubet vasa colligere; reliqtæque cum suis terrâ, componere, comportarèque, quidquid esset utensilium & comestum, in Arcam; brutorum item cæcurum, silvestriumque, tum & volucrū, omne genus eundem in locum introducere; inundorum quidem animalium unum tantum par; at mundorum, & avium, septena ac septena, id est, tria paria, seu conjugia, & insuper unum masculum; nempe par unum propagationi; alterum sacrificio; tertium usui & esui servabatur. Septimus autem, id est, mas quartus, erat mox à diluvio in sacrificium offerendus. Jussus præterea componere fruges, annonam, pabulum; & omnia famis, sitisque, tam humanæ, quàm brutæ fomenta. Nec ille distulit, quod imperabatur, exequi. Labor apparebat futurus, si viribus ea humanis cõmitterentur, in animalium brutorum introductione. Verùm illa, vel Numinis intus inthellente stimulo, vel Angelis

Ingressio in Arcam.

ea conducentibus, ex omnibus congregata pascuis, silvis, ac nidis confluxerunt: ac spectaculo quidè, quod vel solum sufficere debebat impijs permovendis, admirandò. Novissimum omnium intravit agmen, octo non nisi capitibus censum, Noachus, uxor, filij tres, Semus, Japhet, Chamus, cū suis singuli conjugibus; quos DEUS propter Noëmun justitiã præ cæteris omnibus, virtutèque conspicuum, ex tot millibus solos conservare statuerat. A tergo verò DEUS hæsit illi, qui post eius ingressum, clausum foris ostium, adversus imbres, cum cura permunivit, Angelus scilicet divino

jussu

jussu januam Arcæ foris bitumine oblevit, ne quid aquæ penetraret, néve Noëmus spectaculo tam horribili turbaretur, & cohorreret.

Aderat tempus, quo eradicandum eluvionibus impium *Diluvium.*
genus mortalium, quocirca in nubes aterrimas coire repente cælum; elementa conturbari; venti, procellæque fremere; micare fulgura, ruere cælo fulmina, simulque temporis eodem articulo, sursum è terra prorumpere, quidquid illic venarum humentium, ac fontanarum scaturiginum, & aquarum, cæcis voraginibus collectarum latebat; apertis quoque, & proruptis, simul omnibus catarrhaetis, flumina, gurgitésque ingenti cum fragore præcipitari. Cum cœlestibus ad delendam mortalitatem subterraneæ conspirârunt aquæ, adeò, ut nec modus esset, nec requies, decidentium ex alto cœli ruinarum, & vel erumpentium terrâ, vel mari vasto restagnantium eluvionum per continuos dies ac noctes quadraginta.

Cum jam staret in edito montis vertice, suis cum inquinis Arca, & undarum vi omnia obruerentur, horribile sanè spectaculum erat, hominum à recenti superbia, & insolentia ad magnam admirationem: ab admiratione ad ingentem sollicitudinem repente cōversorum, ut qui viderent, domuum suarum testa penetrari, grandine perrumpi, procellis disijci: cellaria novis undique fontibus ebullire, rapidos torrentes prono concursu parietes domorum, quasi arietes in singula momenta quatere, facileque deicere: familiam, remque domesticam oppressam pessum ire. Luctuosissimus aspectus seminudorum hominum, bacchantium ritu, huc illucque discurrentium, & sua, deinde suos, postremò seipsos eripere festinantium, à circumfrentium aquarum, & magnis undique voluminibus occurrentium, præsentissima calamitate, atque pernicie: cum & Arcæ jam clausa esset de foris janua, & illam è conspectu imanes circumquaque imbres, & tanta mentis perturbatio, vel potius amentia, miserabiliter fustulisset. Quæ ubique lacrimæ opem implorantium, quæ certamina tabulis se mutuo excludentium, qui clamores pereuntium, qui gemitus conclamatis in rebus, vel pacem à Superis, & veniam anteaestæ vitæ postulantium; vel horrendis DEUM Ultorem diris execrantium? Ingens ubique fletus, clamor, ululatus, comploratio, inter continuos ventorum fragores, colluctantium nubium tonitrua; assilientium fluctuum imanes veluti dracones, nulla jam domo, nullo tecto, nulla arbore, monte nullo servare valente morti destinatos.

Interea Noachus cum suis, lacrimarum imbre persusus, *Multi in di-*
intimis sensibus, & summa animi contentione, pereuntibus *ludio res-*
D 1 corpore *puerunt,*

corpore, animi certè Salutem à DEO impetrare conabatur; è quibus multi, necessitate in virtutem verà, vitæ jacturam in scelus poenam, & vindictam offenso Numini offerebant 1. Pet. 3. Centum & quinquaginta diebus elapsis, quibus aquæ terrarum orbem tenuerunt sepultum, DEUS immisso ventò calidò & vehementi, eam undarum eluviam in suas cavernas, antra, specus, foveas, abyssos, unde emerferant, redire coëgit; Arca verò Noæ in montibus Armeniæ salva constitit. Emissus ex ea corvus, explorator terrarum, non redijt; redijt verò columba, secundo exploratum missa, virentis olivæ frondem ore referens, cessantis exundationis argumentum. Noachus post annuam in Arca moram, cum suis egressus, exstructâ Arâ, DEO Conservatori, holocausto pecorum, & avium mundarum sacrificavit; quo piamine placata Divina Majestas, in clementiæ, & eluvionis æternum avertendæ, pignus, Iridem seu Arcum cœlestem in nubibus suspendit. Quibus rebus gestis Noachus dimisit animantia, unumquodque in viam suam; ipseque cum filijs agriculturæ operam dare cœpit, ne per otium succrescerent scelera, vindicibus undis extincta.

Arcus cœlestis

DOCTRINA.

Fæda libidinis ignes unda obruit

Hanc Numinis iram, has in Orbem calamitates, invexit peccatum, præcipuè Libidinis fædæ; cujus flammæ quò aliò, quàm undis restingerentur? Perijt aquis mortale genus, ne periret igne. Ultura, DEI contumelias, elementa conspirarunt; Sceleratum in hominem Aër & Tellus imbris, fluctibusque pugnaverunt; exhorruit ille spiritum impurum, quo contaminabatur; hanc puduit tot tantisque subterfugii flagitijs, & vel ad sepulcrum patere perditis. Spretâ tot annis (amplius sexcenti fluxerant) DEI conniventis Clementiâ, tandem insurrexit Justitia, & vindictæ tantò sæviori, quantò lentiori, poenas exigendas comisit. Diluvium aquarum, eluvies turpissimarum cupiditatum provocavit, quam averfatus Oseas, *Non est veritas*, inquit, cap. 4. v. 1. 2. *Non est misericordia, non est scientia DEI in terra: maledictum, & mendacium, & homicidium, & furtum, & adulterium inundaverunt, & sanguis sanguinem tetigit: propter hoc lugebit terra.* In hæc intueantur, qui scelera sceleribus, ultionis securi accumulunt. Veterum Augustinus illis excutiat; „Ne putes, ait, in psalm. 134. Dominum dormire. Quando tu „vides, quæ facta sunt in impios, cave ne fiant in te. Ad „hoc enim & contra illos facta sunt, ut tu transires, & eos „non imitare-

„non imitaberis, & talia non patereris. Vide, quoniam flagellum Domini est super omnem carnem. *Omnis enim, ut Scriptura Divina loquitur, caro corrupterat viam suam.* In cunctis qui deliquerunt, in cunctis feriebantur; Aer, terra, aquæ, ex instrumentis nequitiae, mutata sunt in carnifices supplicij. *Pugnavit cum DEO Orbis terrarum contra insensatos. Armavit creaturam in ultionem inimicorum.* sap. 3. & 5. Paulus AdHebr.c. 10. minatur: *Voluntarie enim peccantibus nobis, post acceptam notitiam veritatis, iam non relinquitur pro peccatis hostia; terribilis autem quadam expectatio iudicij, & ignis amulatio, qua consumptura est adversarios.* Quod si tale diluvium fuit aquæ in terra, quale erit ignium in gehenna?

Quia verò causæ Diluvij pluribus explicantur cap. 9. Genesis, eas breviter cum Pererio *lib. 8. in Gen.* perpendamus. *Causæ morales delat.*
Primum Diluvij principium, multiplicatio hominum & flagitiorum. Sacer historicus ait: *Cumque cepissent homines multipli- vi.*
cari super terram &c. Genes. 6. Cum hominibus, multiplicatæ libidinum illecebræ fuere. Isaïas dicit c. 9. *Multiplicasti gentem, non*
multiplicasti latitiam. Ambrosio teste, *de Arca c. 9.* Paucitas &
paupertas habent pedissequas, industriam & frugalitatem;
multitudo & opulentia socordiam ac nequitiam.

Pergit Sacer contextus: *& filius procreassent.* Quærit Benedictus Pererius, cur hoc? cum antea quoque generatæ feminæ. Respondetque, prius utique fuisse ductas uxores; sed nunc præcipue multiplicatæ feminas, propter illorum hominum intemperantiam Veneris; & cibi, potusque luxum; aliâque corporis ac animi vitia, quæ vires generandi debilitabant.

Sequitur: *Videntes filij DEI filias hominum quod essent pulchrae, acciperunt sibi uxores ex omnibus, quas elegerant.* Ut prima pestis ac perniciës; ita hic ipse orbis interitus ab oculis sumpsit exordium. Per *Filios DEI* intelliguntur Posteriores Sethi, per *filias hominum*, feminæ è vitiosa Caini stirpe oriundæ. Illi, postquam per septem ab Adamo generationes in avitæ pietatis studiis perseverassent, & Cainitarum societate ac connubijs abstinuissent, denique labem ex prava consuetudine traxerunt, consortia cum maledicta gente contra vetitum ineuntes. Theodoretus asserit, illectos Sethianos instrumentis etiam musicis Cainitarum, Thubal enim inter eos florens, psalterium & citharam invenerat, lasciviae & luxûs irritamenta.

Dixitque DEUS: *Non permanebit spiritus meus in homine, in æternum, quia caro est.* Id est, Ego sceleratis auferam spiritum seu vitam, & contrahâ ætatis humanæ spatia, id enim meruere peccando, & in omne nefas, præsertim libidinis fœdæ, ruendo. Chrysost.
„(Hom. 22. in Gen.) Eò, quod, inquit, carnalibus operibus se ipsos

„ totos dedunt , & animæ substantiâ abutuntur , & quasi sola
 „ carne circumdati , carerent anima , sic vitam suam absumunt.
 Quia nimirum vivunt sine mente , sine ratione , animam pro sale
 habentes.

*Videns autem DEUS, quod multa malitia hominum esset in terra, & cum-
 Et cogitatio cordis intenta esset ad malum omni tempore. Ibid. Nempe ,
 quod Psalter regius canit. psal. 13. Dominus de celo prospexit super filios
 hominum, ut videat, si est intelligens, aut requirens DEUM; omnes declinave-
 runt, simul inutiles facti sunt: non est, qui faciat bonum, non est usq; ad unum;
 Videl. Noënum. Christus apud Lucam c. 17. Edebant & bibebant:
 uxores ducebant, & dabantur ad nuptias, usq; in diē, quā intravit Noë in arcē:
 & venit diluviū, & perdidit omnes. Sed quid bibebant, cum vinum ante
 diluviū non extiterit? Erat sicera, aliq; factitij potus inebriantes.*

*Quomodo
 Deum peni-
 teat.*

Pœnituit enim, (DEUM) quod fecisset hominem in terra. Ibid. Nullus
 „ homo, inquit Rupertus Tuitiensis, satis explicare sufficit, quo-
 „ modo DEUS sine motu sæviat, sine crudelitate occidat, salva
 „ pietate ultionem agat, & cum tranquillitate habeat furorem.
 Ita DEUS dixit. 1. Reg. 15. *Pœnitet me, quod constituerim Saul Regem.*
 Humano nimirum ritu, modòque locutus est. Nec enim in
 DEUM cadere potest pœnitentiâ, quæ plerumq; culpam, & non
 raro ignorantiam præcedentē consequitur. Quæ omnia procul
 à DEO. Hac igitur loquendi formulâ significavit DEUS Sa-
 mueli, velle se regnum, quod indulserat Sauli, ab eo aufer-
 re. Ita hoc DEI Consilium de abolenda gente humana, dicitur
 pœnitentiâ ab effectu: quia id fecit DEUS, quod homi-
 nes solent, quos facti aut consulti pœnitent. Hi enim consulta
 mutant, constructa solvunt, facta revocant, nova instituunt.
 „ S. Ambros. (*de Arca Noë. cap. 4.*) Per hæc verba exprimitur pec-
 „ catorum acerbitas: tanquā eò increverit culpa, ut etiâ DEUS,
 „ qui naturaliter nō movetur aut ira, aut odio, aut passione ulla,
 „ provocatus videatur ad iracundiam. Pœnituit DEUM liberali-
 „ tatis in hominem malè collocatæ. *Et tactus dolore cordis intrinsecus, De-
 lebo, inquit, hominem, quem creavi, à facie terra, ab homine usq; ad animantia.*
 „ Ibid. Non est dolor, inquit Hugo, nisi de amissione eius, quod ama-
 „ tur. Unde, cum amittimus rem, de qua non curamus, dicere so-
 „ lemus: istud non tangit cornostrum. Quantò igitur profundior
 „ erat amor, tantò altius tangebatur dolor. *Delebo hominem &c.* Chrys.
 „ *Homil. 22. in Gen.* Magnam habet emphasin illud, QUEM CREAVI,
 „ quasi diceret DEUS: Quæ mei erant officij, omnia exhibui. &
 „ nihilo, ut esset, hominem produxi, naturæ eius scientiâ eorum,
 „ quæ faciendâ, aut nō faciendâ, indidi, liberum arbitrium dona-
 „ vi, ineffabili benignitate usus sum: & post longum illud tem-
 „ pus, & post indignationē, & minas, quas dixi, & adhuc præfinivi
 tempus

, tēpus centum viginti quinque annorum, volens, ut sua pec-
 cata homine sentiente, indignatio mea revocaretur. Verū,
 quia nihil lucrifacio, neque proficio, cogit necessitas, ut mi-
 nas opere compleam, & omnibus modis hominem deeam, &
 sicut malum quoddam fermentum, aboleam totum genus hu-
 manum; ne posterioribus sæculis peccandi Auctores & Docto-
 res fiant. Hæc ille. Neque verò soli homines, sed brutæ quo-
 que animantes, propter homines, extinctæ sunt, in detestatio-
 nem impietatis & malitiæ hominis.

Finis universæ carnis venit coram me. Ibid. DEUS ad pæniten-
 tiam agendam concesserat annos centum viginti; (nam, cum
 Arcæ fabrica Noëmo imperaretur, quadringentesimum, octoge-
 simum agebat annum; quanquam divinæ paginæ rotundiore nu-
 mero, ut D. Augustinus asserit *lib. 15 de civit. c. 24.* quingentos Noa-
 cho assignent) quibus elapsis, effluxit quoq; clepsydra, quā DEUS
 statuit peccatorum mensuræ. Hinc illud pronuntiatum: *FINIS*
VENIT UNIVERSÆ TERRÆ.

*Dei longa-
 nimitas,*

Quæres, an omnes quos diluvium hausit, æternum perie-
 rint? Respondetur ex 1. epist. S. Petri, cap. 3. Christum ad Infe-
 ros descendentem, invenisse multos in limbo, qui tempore dilu-
 vij *increduli* fuerant, fidem non habentes Noëmo; postea tamen
 pœnitentes, mentem correxerint.

*An omnes
 damnati,
 qui diluvio
 hausi?*

Sequitur Miralæus, & commendatio Noë, paucis verbis plu-
 rima includens: *Hæ sunt generationes Noë: Noë vir iustus atq; perfectus.*
 Tota Natalium claritas in eo consistebat, quod erat Vir DEO pro-
 batus. I nunc, & genus sine virtute iacta. Quanta res, inter tot ma-
 los fuisse bonū! Ideo Eccl. 4.4. *In tempore iracundiæ factus est reconciliatio.*

Laud Noë,

Non est autem prætereunda structura Noachææ ratis, quæ
 plurimū admirabilitatis habet, sive Artificem consideres, qui fuit
 DEUS, nam hic eam fabricā Noë dictavit; sive materiā & formam
 expendas. Materies erat è ligno cedrino, accuratissimè lævigato
 & compacto; longitudo sese extendebat ad cubitos 300. seu pedes
 450. Latitudo complectebatur cubitos 50. seu pedes 75. Altitudo
 surgebat cubitis 30. seu pedibus 45. Forma quinas in partes erat
 distributa. *Prima* pars, seu infima, fuit sentina, 4. cubitos, seu 6. pedes
 alta. Hic saburra, & Arcæ libramētū, ac finetū erat; nam eò per
 laxiores ligneos canales stercora, sordēsque animantiū potuerunt
 deijci. *Pars secunda*, & proximus priori locus fuit, contignatio pri-
 ma, seu primū cœnaculū, 10. cubitis altū, habitatio animalū, tre-
 centa ferè stabula, prout DEUS iusserat, seu *mansiones*, in se con-
 tinens. Hic omnia animalia, terrestria, reptilia, & gradientia. Hæ sta-
 bulationes asseribus distinctæ; & mediæ inter illas viæ dispo-
 sitæ. *Pars Arcæ tertia*, contignatio secunda, seu cœnaculum
 secundum

Arcæ fabrica.

secundum octo cubitis altum. Hic penarium, & universi pabuli conditorium. Hic straminis & fæni plurimum. Hic semina, hordeum, avena, frondes, legumina: hic fructus omnigeni, molles & duri. Hic complura dolia, dulcis aquæ plena, porioni, lotioni, destinata. In locis vacuis rustica & urbana supellex, post diluvium usurpanda. Ex hoc loco, tubi, & foramina laxiora, in pecoris mandras derivata, ad fænum, stramen, pabulum submittendum. Pars Arcæ *quarta*, seu tertia contignatio, sive cœnaculum tertium, octo cubitis altum, in tres classes divisum, hominibus, & avibus assignatum. Classẽ mediam homines occuparunt; extremas duas volucres, tam teræ, quàm cicures habitarunt; media classis sua habuit cubicula, virorum separatim, ac mulierum. Hic etiam culina, & focus; hic trusatiles molæ, ac clibanus; hic lignorum, ac carbonum, & rerum vitæ necessariorum receptaculum. Huc lumen obliquum, & suspensum per Arcæ fenestram imittebatur. In alia habitacula accensis cereis eundum. Multæ scalæ ascensui, & descensui, foramina multa tam ad deferendum comeatum, quàm ad sordes efferendas. Pars Arcæ *quinta*, Tectum illius tam modicè declive, ut in medio non altius unò cubitò fuerit; & ideo factum, ut & ventis resistere, & nimbos posset effundere. Ostium habuit Arca unicum, idque ex latere. Credibile est, uno ac dimidio pede fuisse altius sentinâ, ita collocatum, ut catenis attrahi, ac dimitti, sicut pons versatilis poruerit, per quem omnia animalia ascenderint. Putatur hoc ostium quindecim pedes longum, septem aut octo latum fuisse; foris claudendum, intus instar fenestræ aperiendum.

Pererius *lib. 10. in Gen.* mysticè exponit Arcam, de Ecclesia. Arca enim fabricata erat è lignis firmissimis: Ecclesia ex omnibus gentibus, in æternum victuris. Arca centum annis ædificata: Ecclesia ab exordio mundi ædificari cæpta, porro ædificabitur usque ad finem mundi, *ad consummationem Sanctorum.* Ephes. 4. Arca in fluctibus natabat: Ecclesia inter persecutiones fluctuat, non mergitur. Arca omnis generis animalia recipiebat: Ecclesia è Gentibus, Judæis; itémque ex bonis, & malis est collecta. Ut extra Arcam nulla fuit salus, sic neque extra Ecclesiam &c.



NARRATIO VII. MALEDICTIO CHAMI.

Et Chanaan filij. Gen. 9.

Anno Mundi 1657. Noëmi 615. ante Christum 1382.



VBI redijt sua facies elementis, & novus nitor affulsit siderum, Noëmus cum suis ad culturam terræ (neque enim sponte victum sufficebat) se convertit, aratra invenit, equos, & boves iugo junxit, terram vomere proscidit, cum antea hominum solum manibus, & lignibus foderetur. Inde adjecit curam ad vineam conferendam; vites quippe adhuc sparsim plantatæ, uvas tantum ad esum ministrabant. Noachus primus vitem excoluit, in vineta distribuit; primus ex uvis vinum expressit, suæ, suorumque, vel hilaritati, vel infirmitati consulturus. Factum est, ut bonus senex, cui vis tum inexpecta vini, liquore novo liberalius se prolueret; è potu secuta est ebrietas; ex hac somnus, è somno nuditas inhonesta, dum sopitus, & impositus sui, præ æstu caloris infusi disijcit vestimenta, quibus pudor velabatur. Vidit id *Chanaan*, *Chami* filius, admodum puer, malæ stirpis malus fructus; hic pro eo, quod suadebat verecundia, & in avum pietas ac reverentia, ut vel oculos averteret, vel clauderer, & quod natura abscondit, ipse quoque tegeret, injecto vel recomposito velamine, ausus est procaci risu nuditati senis illudere, & quid videret, renuntiare. Quid pater? an petulantiam improbi fannionis aut verbis, aut verberibus repressit? an erubuit, ut erubescere faceret filium? an ullam honestatis curam suscepit? suscepit autem? nihilomelior eo, quem genuit, audivit, probavitque os inverecundum, & ut parentis dedecus pluribus deridendum propinaret, fratres, *Semum* & *Japhetum* advocat, ad spectaculum invitat, naturæ abhorrendum. At illi memores reverentiæ paternæ, sub juxta patrisq; pudore suffusi, mox humeris imponunt pallium, illudque,

*Plantatio
vineæ.*

*Ebrietas
Noëmi.*

E

illudque,

illudque, retrorsum incedentes, iniiciunt nudato corpori, pudicitiae pariter & pietatis laude, uno in officio, conjuncta. Insigne tulit virtus praeium. Posteaquam Noëmus, ebrietate cum sopore discussa, advertit, testum se pallio non suo, sed alieno, causaeque intellecta, meritas in Chamum filium, & Chanaanem nepotem, devotiones, non tam imprecandi, quam futuras calamitates posteris ipsorum eventuras, praedicendi gratia, protulit. Neque aliter, quam praesagijt, evenit. *Semum* namque *Japhethum*, (quem Gentiles *Japhetum* appellant) fausta parentis precatio in progenie cunctam est comitata, tam frugum, quam sapientiae, pietatis, religionis, divinaeque gratiae copia, DEO eam prosequente. Chananæi verò, *Chami*, & *Chanaanis* posterius, impietatis avitae haeredes & imitatores, servituti non modò corporum, sed animorum quoque, in omne scelus projectorum, addicti stirpitibus excindi, à DEO jussi, documento fuerunt Orbi, quam infelices sint, quorum patrimonium est vitiositas parentum.

DOCTRINA.

Vini damna

Vinum quid possit, in primo Vinitore proditum est. Rationem evertit, sed innocenti, quia inexperto; pudorem sopiti prophanavit, non praevidenti. Quid melius hoc fucoco, sobrie haustò? quid deterius inmodicè ingestò? Siracidis dictum est. Eccli. c. 31. *Exultatio anima, & cordis, vinum moderatè potatum; amaritudo anima, vinum multum potatum.* Et Regum sapientissimus monet. Proverb. 23. *ne intuearis vinum, quando flavescit: cum splenderit in vitro color eius; ingreditur blandè, sed in novissimo mordebit, ut coluber; & sicut regulus venena diffundet.* In symbolis fingitur, Noëmum miscuisse vino & viti, sanguinem quatuor animalium, puta simiae, leonis, porci, agni; quippe ex temulentia gesticulantur alij, ut simiae; pugnaces alij sunt, ut leones; alij scedi, veluti porci; mites alij & pii, instar agnorum. Anacharsis Philosophus dixit, tres in vite racemos nasci, primum voluptatis, alterum ebrietatis, tertium infaniae, furoris, violentiae. Noëmus certè, qui siccus emergerat de Oceano, in cratere naufragium fecit.

Pana improborum filiorum.

Et tu Chame, ac Chanaan, *ne gloriaris in contumelia patris tui; non est tibi gloria, eius confusio* Eccli. c. 3. Impactum genitoris anathema ad maledictam posteritatem in omne aevum extendistis. *Filiorum namque peccatorum, peris hereditas, & cum sanguine illorum asfiduitas opprobrij.* Eccli. 41. Et quod subditur: *Et si nati fueritis, in maledictione nascemini, & si mortui fueritis, in maledictione erit pars vestra.* E Proverbijs quoque sacris habet, quod metuat Oculus, qui subannat patrem, & qui despexit partum matris suae; effodiant eum corvi de torrentibus, & comedant eum filij aquila Prov. 30.

Gravis

MALEDICTIO CHAMI.

31

Gravis illa maledictio in Chanaanem intorta Gen. 9. *Maledictus Chana, servus servorum eris fratribus suis.* Quemadmodum peccatò Adami, mors in mundum inuenta est: ita peccatò Chami, & Chanaanis, servitus in genus humanum introducta, quæ libero homini nimis quàm acerba & odiosa, & ante hac in sacris paginis non audita. Senferunt hoc Chanaanæ, Chanaanis posterì, jussu DEI non tantum servituti subiecti, sed etiam ferro flammæque ab Hebræis deleti.

*Maledictio
improborum
filiorum.*

E contrario: *Benedictus Dominus DEUS Sem.* ex quo Hebraica gens oriunda, populus DEO dilectus. *Dilates DEUS Japhet, & habitet in tabernaculo Sem.* Ibid. S. Hieron. in Traditionibus Hebraicis in hunc locum: De Sem, inquit, Hebræi: de Japhet populus Gentium nascitur; quia igitur lata est multitudo credentium, à latitudine, quæ Japhet dicitur, nomen invenit. Quod autem subditur: *Et habitet in tabernaculo Sem:* de nobis (Christianis) prophetur, qui in eruditione & scientia scripturarum, in veri DEI fide & cultu, ejecto Israële, versamur.

*Benedictio
proborum
filiorum.*

Cæterum, sicut maledictio Cham præfiguravit mala ventura ingratis, & impijs filijs: ita benedictio Sem, & Japhet, amplissimam gratorum, & piorum filiorum, mercedem significavit. In libri Ecclesiastici cap. 3. novem bona commemorantur promissa bonis filijs, *Primum* est, abundantia divitiarum, tam corporaliū, quàm spiritalium: *Sicut*, inquit, *qui thesaurizat, ita quæ honorificat matrem suam.* *Secundum*, fortunatum & felicem fore in filijs, quos procreaverit. *Qui honorat patrem, jucundabitur in filijs.* *Tertium*, quocumque tempore supplicaverit DEO, exaudietur ab eo, votorum suorum compos factus. *In die orationis sue exaudietur.* *Quartum*, longitudo vitæ. *Qui honorat patrem, vita vivet longiore.* *Quintum*, stabilitas familiæ ac posteritatis. *Benedictio patris firmat domos filiorum.* *Sextum*, gloria. *Ex honore patris gloria filij.* *Septimum*, liberatio hominis in adversis. *Elemosyna patris non eris in oblivione, & in die tribulationis memor eris tui.* *Octavum*, peccatorum condonatio. *Sicut in sereno glacies, ita solventur peccata tua.* *Nonum*, & quasi bonorum omnium cumulus, perpetua DEI erga bonos filios benevolentia, beneficentia, protectio. *Honora patrem tuum, ut superveniat tibi benedictio à DEO: & benedictio illius in novissimo maneat.*



E 2

NARRATIO VIII.

NARRATIO VIII. CONFUSIO TURRIS BABYLONICAE

Gen. 11.

Anno Mundi 1909. ante Christum 2144.



Aktequam spargeretur in diversa, mortalium genus; civitati, quæ potentiae argumentum esset, ad Euphratis ripas, in amplissima planitie posuerunt. Quale opus! quod ab omnibus inceptum hominibus, quod annis viginti duobus nondum abolitum, quod imperfectum, regni sedes fuit, cujus ex fundamentis, primum Orbis miraculum, surrexit, Babylo. Et in ea Turrim erexerunt, quæ cælo, si Superis placet, par esset. Disiecta tandem est superba illa ædificantium vanitas, linguis divisorum, & manibus. Non grassatus est DEUS fulmine, non ignibus poenam infixit; sed acerbissimum superbis supplicium, contemptum; idioma unum, in septuaginta duo divisum, animorum quoque discordiam invexit, & machinatores longè, latèque dissipavit. Rei seriem paullo pluribus exprimemus.

*Ædificatio
turris Baby-
lonica.*

Jam Cainus Abelis fraterno sanguine, per homicidium fuso, poenas dederat, jam dudum Cainitis immixti per connubia Sethiani (Sethi, religione inclyti, nepotes) Filiorum DEI nomen intemperanti mulieriositate fœdaverant; & irritatus mortalium unanimi scelere, nequitiaque DEUS, inundatione terrarum prodigiosa delērat, quidquid vivere prius jusserat. Jam siccato rursus Orbe, Noachi tres filij, totidemque nurus ex *Ararkio* monte, cuius vertici tandem insisterat Arca, descendentes, Armeniæ superioris vicina quæque loca repleverant, ingenti posteritate; Jam denique *Noachus* filio *Semo* Asiam, ultra Euphratem, ad Indicum usque Oceanum, dederat; *Japheto* Asiam reliquam cis Euphratem, cum Europa ad Gades usque; *Chamo* Syriam cum Arabia, & Africa tota concesserat; cum *Nemrodus*, alio nomine Belus, Chami, paternæ nuditatis illusoris, non degener nepos, robore proceritatemque corporis præcellens, adhuc præfidus, tumidus.

TURRIS BABYLONICA.

33

tumidus, ferox, divinorum neglector, nec inferior oris facundiâ, mortalibus per clientes, & amicos suos persuasit, ut, antequam in varias terras dividerentur, turrim exstruerent, cuius apex nubes penetraret: Servituram eam altitudinem cum gloriæ & memoriæ Conditorum; tum futurum munimentum, adversus aquarum eluviones, si quando terras iteratò inundarent. Cuncti non aures magis, quàm manus præbuere promptas. Nec mora, calentibus omniû studijs, inchoatur opus: urbisq; dimensis spatijs ac pomærijs, & egestò limò, collectoque certatim bitumine, compinguntur & excoquuntur diu noctuque lapides. Murorum, propugnaculorum, turrium, ac domorû firma demittuntur fundamenta; præcipueq; Turris illius, ac verius Arcis, quod in urbis parabant meditullio machinari. Sunt, qui structorum quingenta millia tantæ moli tribuerint. Et si Herodoto, Græco Scriptori, credimus, murorum ex lateritia materia crassitudo unius fuit stadij, sive partis octavæ milliari Italici, quorum quatuor constituunt unum Germanicum; fundamentorum verò latitudo prorsus incredibilis. Cum enim octo superessent, etiam Herodoti tempestate, turres in una Turri: sic aliæ alijs fuerunt superimpositæ, ut operis sublimitas, quanquam inconsummata, Divi Hieronymi testimoniò, ad quatuor saltem passuum millia, hoc est, milliare Germanicum, ascenderit. Templum in infima turrium, quadriformi stetit figurâ, cujus circuitus duum stadiorum; ut non inmeritò à quodam Gigantum turris, ac turrium gigas appellata sit.

Procedebat incrementis suis illa moles, & annis in vicennium jam, & amplius; inde Nemrodo distante fabricæ formam, ac leges; hinc verò præceptis obtemperante cœtu hominum, una linguâ utentium, quâ generis humani primî propagatores imbuerunt posteros suos, quæ deinceps in *Hebræo* retenta, Hebræicæ nomen ac dignitatem sola conservavit. Donec proripatus DEUS, & arrogantia mortalium, & coloniarum in diversa loca tarditate, turbavit uno momento multorum annorum negotium, conturbatis structorum verbis; septuaginta duobus, pro numero totidem principum familiarum, distinctissimis idiomatibus, intra temporis unicum articulum, enatis. Itaque frendere præ ceteris Nemrodus, ferus & impotens animi vir, nec imperium curari suum, nec capi voces ac jussa; discedere, si quos vocaret; venire, si quos facessere juberet: tessare laborantes, laborare, quibus ipse cessationem indixisset; pro latere lignum, pro ligno glebam, pro gleba ligonem, pro bitumine caseum, aut lactis sinum; pro bipenni vel malleo panem, vel fructibus refertam corbulam apportari; denique cuncta fieri,

E 1

præterquam

*Confisso
linguarum.*

præterquam ea, quæ faciendâ tunc instarent; cæteri quoque nec obsequium, infanis quantumvis acclamationibus, extundebant mutuû, nec familiare responsum; donec vertente in commiserationis affectum indignatione, non jam contumaciam, sed pœnam esse senserunt, ultione Numinis immissam. Ita factum, ut desperatione successûs, alius aliò per manipulos, ac centurias dilaberentur, remanentibus ad extremum solis illis, qui se Nemrodianos usu communis linguæ profitebantur. Tanti refert ad firmâ studioꝝ concordiam retinendam, ne sermone quidè dissonare.

Ex illo temporis ac rerum puncto, diversissimas in terras, insulâsque, mortales dilapsi sunt, & Urbs, pendentibus cæptis, & urbis arx, monstrosa Turris, ab eo tempore nomen *Babelis* sortitæ sunt; quæ vox Confusionem Hebræa significatione præ se fert; ex eo, qui linguas disturbavit, permiscuitque, successu. Greci deinde, Romanique Babylona nominârunt. Nemrodus verò, convalescente magis ac magis per propaginem populo, clientelisque, quâ voluntate spontèque subjectorum, quâ viribus & armis, regnum instituit, quem filius excepit *Ninus*, qui genitorem vitâ functum, per execrabilem superstitionem, in ipso Turris Babylonicæ templo consecravît, & in impio simulacro DEUM esse iussit, principiò tunc Idololatriæ stabilitò. Usque adèò mali Principum mores facilè transfunduntur in populum. Et Salomonis proverbio fertur c. 29. *Princeps amans mendacia, habet omnes ministros impios.*

DOCTRINA.

O Infaniam mortalium! cælum ipsum petunt stultitiâ & Saxis & cæmentis conantur sidera scandere. Nimirum hi Machinatores sunt, quibz

Affectâsse ferunt regnum cœleste Gigantes,

Altâque congestos struxisse ad sidera montes. *Ovid. Metamorph. lib. 2.*

Divina Scriptura vocat Structores illos *Ada* seu terræ filios, scilicet *ex adama* (terrâ rubrâ) ortos, inque terram redituros cum operibus suis; quorum stolidam prædiciam non fulmine, sed flatu diversi soni, DEUS prostravit. Sic erat deprimendus fastus. Ab Ostentatrice Lingua, vanissimum ædificium cœpit. A Lingua peccatum; à Lingua peccati supplicium fluxit.

Vanitas adificiorum.

Celebremus, aiunt, *nomen nostrum* Genes. 11. & æternitati consecremus, insanâs supra nubes substructiones educendo. O vanitatem! ô ludibrium machinationum humanarum! Expertus id, regum magnificentissimus, de se profatur. *Cumque me convertissem ad universa opera, quæ fecerant manus meæ, et ad labores,*

TURRIS BABYLONICA.

35

labores, in quibus frustra sudaveram; vidi in omnibus vanitatem, & afflictionem animi, & nihil permanere sub sole. Eccle. 2. Ubi nunc est illud superbix monumentum, turris Babylonica? Ubi famosa Mundi miracula: Pensiles Semiramidis horti: Ephesinum Dianæ templum: fastigiatae Pyramidum Ægyptiarum moles: Herculis in mari Gaditano columnæ? ubi Rhodius solis colossus? ubi Cyri regia: Mausoli sepulchrum? ubi aureum Neronis palatium, Diocletiani thermæ; Antonini balnea, Caligulæ pontes, Pompeij amphitheatra? Mortalia mortalium erant opera. Fuisse credimus; ut umbra perierunt. Veræ magnificentix est, magnis sumptibus divini gloriam Numinis amplificare.

NARRATIO IX. ABRAHAM MIGRATIO

E Chaldæa in Chananitidem. Uxoris Saræ in Ægypto periculum. Victoria de Chodorlahomóre Elamitarum regulo.

Occursus & Gratulatio Sacerdotis Melchisedechi.

Gen. 12. 13. 14.

*Ab anno M. 2108, ante Ch. 1945. ad ann. M. 2117
ante Christum. 1936.*



ANNUS M. 2039. ante Ch. 2014. in URE Chaldæorum urbe natus est *Abrahamus* ex *Thare* parente, centesimum & trigessimum ætatis annum agente; cum prius *Aranem*, & *Náchorem* suscepisset, gentiliū erroribus involutus. Septuaginta annorum erat Abrahamus, quando imperiò divinò ex patria migrare iussus, relicta *Chaldæa*, profectioem in *Chananæam* (quam regionem Chananæi, flagitiosa *Chami* posteritas, incolebant) instituit cum parente, uxore *Sara*, & *Lotho*, ex Fratre *Arane*, nepote. Ad urbem *Charanem* seu *Haranem* (in finibus Mesopotamiæ, quatenus etiã Chaldæam complectitur, positã) ubi perventū est, ibi quinquenniò, DEO sic iubente, substitit. Id loci *Thare* genitor, jam antè ad veri cultum Numinis traductus, vivere desiit, cùm annum ætatis quintum

*Abrahami
profectio ex
Chaldæa in
Chananitidem.*

supra

*SARA peri-
culum pu-
dicitiae ad-*

*Abrahamus
& Lotus se-
parantur.*

supra ducentefimum attingisset. Abrahamus iustis parenti per-
solutis, suo cum comitatu, Chananitidem ingressus, aliquanto
tempore *Sichim*, in Samariae metropoli, consedit. Inde pro-
gressus, desertur in Convallem *Save*, quae ob eius fertilem a-
menitatem, *Illustris* est dicta. Hic erecto altari, profectus iter,
tabernaculum tetendit inter urbes *Bethalem* & *Haïam*, quarum illa
Orientem, hæc Occidentem respicit. Hic quoque exædificatâ
arâ, Deoque in vota vocatâ, cum famis necessitate urgeretur, in
Ægyptum descendit; miris interea favoribus, & promissis coele-
stibus confirmatus. Imperabat tum Ægyptijs *Pharao*, qui cap-
tus pulchritudine Saræ, eam sibi uxorem (nam Abrahamus ma-
lebat eius se fratrem, quam maritum dicere) deposcit. Addu-
citur in regiam, & ultimum pudicitiae discrimen mulier; quo
tamen dedecore utrumque conjugem DEUS liberavit; Pharaonis
namque corpori inmissi graves cruciatus, omnem ei amorum &
voluptatum cupiditatem ademereunt. Dimittitur igitur suâ cum
Sarâ, & amplis muneribus Abrahamus, non sine amicae regis que-
rela, ob dissimulationem conjugij. Reversus in Chananitidem,
iterum sedem juxta urbem *Bethalem* posuit. Eo in loco, cum A-
brahamus, & Lotus conductis Chananæorum pascuis uteren-
tur, orta inter utriusque Pastores contentione; Lotus, optione
ei factâ, ad regionem, *Jordani* propiorem, recessit, & *Sodomis* ha-
bitavit; Abrahamus verò domicilium fixit in valle *Mambre* (nam
Mambre erat dominus loci) non procul urbe *Hebrone*; ubi iterum
in præmium fidei, & obsequij præstiti pollicitus ei DEUS est
numerofissimam sobolem, terramque Chananæam universam,
longè uberrimâ. Accidit autem, ut ab Elamitis (sunt ij postea di-
cti Persæ) duce seu regulo *Chodorlabombré*, victoriâ de Pentapoli-
tanis reportatâ, Lotus cum alijs in captivitatem abstraheretur.
Hac, quomodo per Abrahamum liberatus sit, jam expediemus.

Jam diu Pentapolitarum (de quibus inferius plura) flagitia,
coeleste Numen, ad expetendas de nocentibus poenas, irritabant.
Quare visa est armis prius, quam excidiô, hominum perditissi-
morum castiganda malitia: ut sicut illi gradibus quibusdam sce-
lerum venissent ad extremum scelus; sic DEUS Vindex à cor-
ruptione molliore, pedetentim accederet ad irrevocabilem ruinam.
Pentapolis (sic dicti à quinq; civitatibus Palæstinis, in valle amœ-
nissima, quam Jordânes irrigabat, sitis) dominatum *Chodorlabo-
mbris*, quô annum jam duodecimum premebantur, excutere,
negatôque tributô, sese veterem in libertatem vindicare stude-
bant. Chodorlâhomor, Persarum regulus seu præfectus, con-
tumaces ad officium reducturus, ingenti cum exercitu sese Valli
(Hebræis à planitie *Siddim* appellatur) infundit, ibi collectô
tumultuariô

tumultuariò, femineòque milite, quinq; civitatum reguli (*Bara Sodomorum: Bersa Gomorrhæ: Sennaabus Adamæ: Semiber Seboimæ: Balag* seu Ségoris tyrannus) stultâ sui fiduciâ, quàm armis & consiliò instructiores, castra fecerunt. Magnum victoriæ monumentum collocabatur in puteorum multitudine, quâ Siddæa vallis scatebat; hos stramentis, virgultisque leviter cōtrectòs hosti, tanquàm certissimam perniciem passim obijciebant. Sed eos exspectatio sua, sicut omnia cætera, fefellit. Assyrii quippe, deprehenfis insidijs, in auctorum suorum capita dolum omnem refuderunt. Cùm enim acie collatâ Pentapolitani, vix ad exiguam temporis moram, vim hostium irruentem sustinuisent, & armis turpissimè projectis, incolumitatem in pedibus constituerent, evenit, ut eorum pars maxima ferrò Persico, stragèque funesta succumberent: pars superstes, inter ipsam fugientium compressionem, ac mentis inopiam, bituminis se voraginibus induerent. Reliquiæ verò tantæ calamitatis, cum rege Sodomorum, in montium aviorum latibula sese receperunt, sedibus suis Persæ victori in direptionem relictis. Accessit in prædæ cumulum, quidquid ætate, robore, formæque victoribus visum est idoneum, quod captivum abduceretur; eorum in numero etiâ Lotus cum uxore & filiabus fuit.

Chodorlabo mor in Pentapolitis moret.

Pentapolitis turmclades.

Ea Sodomorum clade nunciatâ, Lotique nepotis sui captivitate cōmorus Abrahamus (patrueles enim erat) è familia sua, quam habebat amplam, robustissimùm quemque, sub signa raptim compositos, armat. Trecenti & octo vernæ stabant, ad omne patrisfamilias imperiùm accincti. Quibus adjunxit ille sive precariam, sive volonum manum haud contemnendam, exercituum fratrum servitijs, clientelisque collectam. Habitabat enim eo tempore Abrahamus (id quod indicavimus) in Convalle, quæ sub ditione erat *Mambra* cuiusdam, *Amorrhæi* quidem, sed viri pij, Desque notitiam adepti, cujus fratres erant *Escol* & *Aner*; qui propinquis & ipsi locis, cum singulis familijs agebant.

Abrahami expeditio in Assyrios.

Cum his igitur, non tam suò fretus, quàm divinò robore, ductor Abrahamus, Persas ac sociales eorum turmas (nam Chodorlâhomor tres minorum gentium reges, seu Dynastas, in belli societatem ascivit, *Amraphelum* Babylonis; *Ariochum* Ellafaris aut Coelesyriæ; *Thadalem* promiscuarum in Phœnicia nationum Præfectos) assequitur, & improvvisus adoritur; partimquæ cæsos, partim trepitatione mutua sese præpedientes, ingenti strage fundit. Reliquias beneficiò hostis elapsas persequitur, fugientium tergis inhærens. Nec abstinit prius, quàm, quidquid fugâ, latebrisque cædem pridianam evaserat, occidiõe deleteret prædâque simul, & captivos extorqueret. Videlicet

non Abrahami, sed DEI fuerat, in illa tam clara victoria, vis atque manus.

*Melchisede-
cbus Sacer-
dos Abraha
mo victoriâ
gratulatur.*

Abrahamo cum suis omnibus lætis & incolumibus redeunti occurrit *Melchisedechus*; qui Chananæa quidem progenitus origine, cœlestium tamen geniorum ministerijs, imbutus fuit veri DEI scientiâ, cultûque. *Salemum* (quod posterioribus temporibus *Hierosolyma* dictum) urbē ea tempestate tenuerat, ad annum ætatis, centesimum usque, tertiumq; decimum: regia juxta, pontificali- que majestate: quôdque laudum auctarium fuit, animo, corpore- que per vitam omnem impollutô. Hic Abrahamo benè precat- us, *et Excelsæ DEO* victoriâ illius gratulatus est; non cruentis victimis, sed *pâne, vinôq;* primûm imolatis, ut Eucharistiæ Christi- anæ mysterium ac Sacrificium adumbraret. Typus ipse Chri- sti Servatoris, Regis, Summi Sacerdotis, ac Virginis: quem in monte *Sion* Pater æternus, & Regem postea constituit, & *secundùm ordinem Melchisedechi* Sacerdotem sempiternum.

*Distributio
prædæ.*

Cæterum, ut Pontifex Abrahami copijs victum distribuit; ita vicissim hic Pontifici spoliolum omnium decimam quamque partem assignavit. *Bara* Sodomorum rex, de divinis ac religione ni- hil sollicitus, & ab Abrahamo victore, cives modò clientēsq; suos repetere contentus: eum cætera sibi jubeat omnia, belli jure retinere. Sed Abrahamus viros ei, mulierēsque restituit captivas omnes; spolia quoque, quæ Pentapolitarum fuisse, constare pos- set. Ipso quippe expeditionis suæ principiô, levârat dextram in cœlum, voverâtque, si potiri victoriâ contigisset, se ex præda Pen- tapolitanis abactâ, ne calceamenti quidem corrigiam contactu- rum. Equû tamen esse dicebat, socijs uti suis, auxiliariis trium- fratrum copijs, de præda Persicâ, stipendiorû ac belli jure mer- ces persolveretur, cum illi præsertim ea, manu forti barbaris e- repta, sua cuncta fecissent. Sic Abrahamus, non minùs justus in præda dividenda, quàm strenuus in obtinenda fuit.

DOCTRINA.

*Abrahami
virtus per
emigrationē
è patria pro
batur.*

Dixit autem Dominus ad Abram: Egredere de terra tua, *et de cognatione tua, et de domo patris tui, et veni in terram, quam monstrabo tibi.* Gen: 12. Sic DEUS exercet suos, sic protegit, sic coronat. Causa migrationis è patria fuit, ut *deserentes ceremonias patrum suorum, qua in multitudine Deorum erant, unum DEUM soli colerent.* Judith c. 5. In Græco ibidem additur: *Sic ejecerunt eos Chaldei à facie Deorum suorum, et fugerunt in Mesopotamiam.* Magnus cœli favor, odio esse impijs; & ob probi- tatem persecutiones pati. Altera causa fuit, Jussio divina, nam per eam emigrationē, & insignis Abrahami virtus, & DEI magni- ficentia erat ostendenda, Fidem & obedientiam Abrahami (& quidem

quidem cæcam) celebrat Paulus, Heb. 11. *Qui* (Abrahamus) *exiit, nesciens quò iret.* Et quantum in se fuit, patrem, Patriam, cognatos, & omnia deseruit; nisi illi sponte comites professionis esse voluissent, paratus abire solus. Et exiit sine ulla spe mercedis. Non enim DEUS, cum primum eum vocavit, ait, *veni in terram*, quam dabo tibi, *sed quam monstravero tibi.* loc. cit. & Act. 7. Deinde cum vaga & incerta peregrinatio soleat officere liberorum procreationi; in præmium tamen obedientiæ, DEUS ei pollicetur posteritatem adeò copiosam, ut stellis cœli, & arenis maris compararetur. Adjungit opes, dignitates, corporis incolumitatem, vitæ diuturnitatem. *Faciámq; te in gentem magnam, & benedicam tibi, & magnificabo nomen tuum, & iſq; benedictus.* *Benedicam benedicientibus tibi.* Inimicis autem tuis, & tuorum, hostis ero, eosque supplicij afficiam: *Maledicam maledicentibus tibi.* Denique, quod omnium maximum est: *In te benedicentur universæ nationes terra.* Videlicet ex progenie tua nascetur JESUS CHRISTUS, per quem omnis benedictio, & salus in mortalium genus effunditur. Ephes. 13. Apparet insuper in hac peregrinatione singularis Abrahami pietas; qui quocunque terrarum delatus est, studuit aras erigere, & Veri Numinis cultum propagare.

Meritum & præmium obedientiæ.

Dic ergo, obsecro, quid soror mea sis, ut bene sis mihi propter te. Gen. 12. Quid est hoc? An mentiendo voluit Abrahamus vitam suam tue-ri? An sunt idem *Soror* & *Conjux*? Deinde, nonne hoc fuit Saram exponere præsentissimo pudicitie periculo? Nā si innupta fuit Sara, cur non liceret Pharaoni, eam sibi despondere uxorem? Respondetur, Abrahamum nec mendacem fuisse, nec conjugalis pudicitie proditorem. Nam, quòdeam appellavit *Sororem*, ambiguo fecit sensu; Ægyptijs eam vocem de germana sorore intelligentibus. Abrahamo verò de nepte; quæ soror quoque nominatur ab Hebræis. Fuit enim Sara filia *Aranis*, qui frater erat Abrahami; Avus verò Saræ erat *Thare*. Et avi Hebræis, aliisque gentibus nonnullis dicebantur *Patres*. Rectè ergo Gen. 20. dixit idem Abrahamus: *Filia* (Sara) *patris mei* (Tharæ) *est, & non filia matris meæ.* Habuit enim Thare duas uxores, è quarum una natus est Abrahamus; ex altera, Aran. Jam verò, quòd vitæ conservandæ causâ videatur voluisse uxorem in discrimen adulterij conijcere, minimè suspicandum est de Viro tantæ sanctimonie; Potius credendum, eum per instinctum arcani divinitus cognovisse, DEO fore curæ uxoris continentiam. Deinde meritò confidisse Saræ castitati, cujus pudicitiam, & animi constantiam perfectam habebat.

Quomodo Sara erat conjux & Soror Abrahami.

Facta est rixa inter pastores gregum Abram & Loth. Gen. 13. Quare? *erat quippe substantia eorum multa, nec poterat eos capere terra, ut habitarent ibi simul.* loc. cit. Ubi opes, ibi rixæ. Si pacem colunt Domini, turbantur. *Loti composuit.* Verè Salomon Prov. 17. *Melior est buccella sicca cum gaudio, quam domus*

Rixa inter pastores Abrahami & Lothi.

Concordia.

domus plena victimis cum jurgio. Illustre concordis exemplum animi dedit Abrahamus, de quo S. Historicus cap. cit. *Dixit ergo Abram* (postea à DEO dictus est *Abraham*, & *Circumcisionem* instituere iussus) *ad Lot: Ne queso sit jurgium inter me, & te: & inter pastores meos, & pastores tuos: fratres enim sumus.* Ecce universa terra coram te est: recede à me, obsecro: *Si ad sinistram ieris, ego dextram tenebo: si tu dextram elegeris, ego ad sinistram pergam.* O mentem excelsam, & pacis, quàm comodorum amantior! Salomon lib. cit. c. 15. *Vir iracundus suscitatur rixas: qui patiens est, mitigat suscitatus.* Optimè Romanus Sapiens, lib. 2. de Ira. c. 34. Cum „pare, inquit, contendere anceps est, cum inferiores sordidum, cum „superiore furiosum. Quid mitius, & ad concordiam servandam efficacius? *Fratres enim sumus.* Omnibus hoc ingerendum, quicumque Christiana professione censentur: *Fratres sumus*; ab eodem patre creati, ad eandem hereditatem destinati, eodem sanguine redempti. Huc fervit, quod in Vitis Patrum memoratur de duobus Anachoretis, eodè gurgustio inclusis, eodem animo & sensu præditis; nam nihil illis erat concordiùs, nihil conjunctius. Fortè sermo inter eos inciderat de hominum jurgiis & litigiis; igitur expeturi, quid esset contendere, ponunt in medio laterem; cumque alter diceret: *Hic meus est.* Debebat alter refellere contradicendo: *At meus est.* ut inde lis existeret inter aientem & negantem. Verùm aliter evénit. nam altero, lapidem suum esse, asserente; subjunxit alter: *Si tuus est, tolle eum.* Adeò ne umbratilis quidem contentionis experimentum capere potuère, memores illius Paulini. 2. Tim. 2. *Servum autem Domini non oportet litigare.*

Vercordia
Pentapolita
norum.

Sed quænam illa Pentapolitarum vecordia? Quid enim in oculis *Bæzæ* Sodomæi fieri potuit, vel à Melchisedechi sanctius, vel ab Abrahamo religiosius, humanius, munificentius? Doceri Pentapolitani (siquid sanæ mentis in eis fuisset) potuerant à *Melchisedechi* moribus, DEI veri cultum, ac Venerearum cupiditatum temperantiam; doceri, visis *Patriarchæ* tot virtutibus, fortitudinem, æquitatem, sacrorum reverentiam, avaritiæ fugam, ac liberalitatem; doceri denique *Loti* quoque divi sui, quotidianis à pravitae dehortamentis, vitæ purioris studia debuerant. Verùm illi (quod pessimis quibusque solenne est) receptis, quæ bello perdididerant, abiérunt; non ingrati modò DEO Liberatori, sed inemendati: porcorum ritu, devorare glandes satis habentes; parum autem solliciti, caput & oculos allevare, contemplarique, quoniam decussore beneficia tanta suscepissent.

NARRATIO X. HOSPITALITAS

ABRAHAMI. LIBERATIO LOTI

cum suis, ex incendio Sodomæo. Gen. 18.

Anno Mundi 2138. ante Christum 2915.



Edebat pro more suo, sub meridiem, ad ostium tabernaculi Abrahamus, in Convalle Mambraë, captans occasionem excipiendo cujuspiam hospitis, illac fortè transituri; (credebat enim opibus se gravari, nisi beneficijs eas exoneraret) cum juvenes tres conspicit, viâ publicâ contra se gradientes; (cælestes erant genij, peregrinorum habitu) nec mora; seniles impellit pedes, festinat in occursum, invitat perofficiosè ad divertendum; offert sedilia fatigatis, aquam pedibus lavandis, cibum recreandis viribus. Quid multa? capti senis humanitate peregrini, divertunt. Discumbitur; inferuntur epulæ; prandentibus inservit invitator alacritate haud minore, quàm si gratiam acciperet, non conferret. Remotis mensis accersitur Sara, non minus, atque maritus, in officijs charitatis sedula. Inijcitur ab hospitum uno, mentio, eam non multò post matrem futuram, adhuc enim improles erat. Illa stans à tergo convivarum, excipit dictum cum occulto risu, quippe spei tam lætæ sterili senecta obnuntiante. Hospes ut ostenderet, aliquid sibi supra hominem inesse, arguit inficiationem furtivæ risionis; editumque vaticinium iteratò confirmat; non sine tacito gaudio in piorum conjugum pectoribus gliscente. Ubi discubitu surrectum est, actis DEO & Convivatori gratijs, intendunt iter peregrini Sodomam versùs. Comitatur aliquò usque officij causâ Abrahamus. Inter eundem intelligit decretum Numinis adversus Sodomæos supplicium; quare de Loto nepote, Sodomæ habitante, sollicitus; paritèrque miseratione erga cæteros incolas commotus, deprecatur initio incolumitatè proponentibus, si fortè quinquaginta innocentes in tanto flagitiosorum numero reperirentur; cumque tã multi non essent; eò denique obsecrando delabatur, ut diceret Angelus, quocum loquebatur: si vel decem infantes, ætatis adultæ, in amplissima Sodomorum civitate invenirentur, propter eos omni sceleratæ Sodomæ divinam Clementiam parsurâ esse. Sed cum nec deni possent reperiri, foedis cupiditatibus intaminati, ventum est ad poenas, à nefandis expetendas.

*Hospitum tres
Angeli sa-
scipiuntur
ab Abraha-
mo.*

*Abrahamus
pro Sodomæ-
is deprecatur.*

F 3

Inter

Loti hospitalitas in Angelos.

Angeli Lotum cum uxore & filiabus ex urbe Sodoma educunt.

Inter hæc cœlestium spirituum unus in astra, unde advenerat, revolavit; Abrahamus quoque suum repetijt tabernaculum; cæteri duo genij sodomam versus prosequuntur iter. Quò postquã advenerunt, statim à Loto, non secus ac Abrahamus fecerat, humanissimè domum suam non invitantur modò, sed pertrahuntur etiam; nam in publico pernoctare constituerant. Apponitur cæna divertentibus, cæteraq; juris hospitalis officia prolixè præstantur. Cœnatos jam Angelos (si tamen cænârunt) Sodomorum cives, concursu factò, tanquam homines & juvenes, à Loto postulant produci, per corporis contumeliam illudendos. Recusantem, & alias conditiones offerentem, vi facta propemodùm cogunt ac plurimùm affligunt, additis ad verborum convitia minis. Lotum retrahunt Angeli in ædes : Sodomorum cives repentina cæcitate multatos reprimunt : Lotumque hortantur, ut ex urbe sese cum suorum charissimis quamprimùm proripiat. Eum generi duo exhibilant, & ad colligenda vasa tardiorẽ efficiunt : ac fortassis etiã super urbis interitu subdubitantem. Instant Angeli, Lotumq; cum conjugè, & filiabus geminis, cunctantem ac resitantẽ, extra mœnia educunt, seriòque vetant ullò locò vel subsistere, vel retrospicere. Ille tam festinationis præceptò, quàm impendentis ruinæ metu consternatus, *Sigorem* sibi urbeculam deposcit ad latebras & securitatem, cæteroquin eodem exitiò involendam. Impetrat, quod petit; id enim hospitalitatis erat & pietatis præmiũ. Digrediuntur ex urbe, mox ruentibus à cœlo flammis arsurã. Exportant, quidquid auri, argenti, vestium, comœdatus in sarcinis efferrì posset. Nihil autè preciosius, quã DEI FAVOREM secũ ferebant.

DOCTRINA.

Laud Hospitalitatis.

„ **D** Isce, *inquit Ambrosius lib. 1. de Abrah. c. 5.* quàm impiger esse debeas, ut possis prævenire hospitem, ne quis præveniat, & te boni muneris defraudet copiã. Abrahã pro hospitalitatis mercede fructum posteritatis recepit. Lot quoque „ nepos eius, non solum genere, sed virtute proximus, propter „ hospitalitatis effectum (nam personatos Angelos tectò recepit) sodomitana à se, suisq; supplicia detorsit. Chrysostomus ubi factum hoc Abrahami exquisitè expendit, laudavitque, sub „ jungit *hom. 22. in Gen.* Et quia magna alacritate venationem pro „ secutus est, prædam quoque inter retia conclusit. Inde sen ex „ citatus est juvenilis vigor, neque secus exultavit, quàm si the „ saurum invenisset. Familiam Abrahami laudans Origenes. „ *Homil. super Gen. c. 18.* Senex; *inquit* currit, Sara accelerat, puer festinat, nullus piger invenitur in domo.

Illustre profectò Abrahami virtus præmiũ tulit. Nam primò, Messia ex ipsius progenie nascituri præfagiũ accepit. 2. De causa

HOSPITALITAS ABRAHÆ &c.

43

causa futuræ in impios animadversionis edoctus, didicit suos in DEI timore, & pietatis officio continere. 3. Impendentis certior factus calamitatis, imitandò nobis exemplò, pro improbis deprecatus est. 4. Documentum fuit, quanti DEUS & ipse faciat bonos, & cupiat apud alios esse in pretio; Quorum in gratiam, etsi pauculorum, paratus sit ad indulgentiâ impertiendam maximæ sceleratorum multitudini. *Melior*, inquit Siracides Eccle., siasti. c. 16. *est unus timens DEUM, quàm mille impij.* Et Ambros. Unde „discimus, quantus murus sit patriæ vir justus, quemadmodum „non debeamus invidere viris Sanctis, nec temerè derogare. „Illorum enim fides nos servat, illorum justitia ab excidio defendit; Sodoma quoque, si habuisset decem justos, potuit non perire. Et notandum, quòd tres hospites, tanquam unum allocutus, dixerit: *Domine si inveni gratiam in oculis tuis, ne transias secum tuum.* Nempe ut canit Ecclesia, *TRES vidit, & unum adoravit.* Ut intelligas, Abrahamum SS. Triadis mysterium edoctum fuisse.

Clamor Sodomorum (inquit præcipuus Angelorum, DEI maxime personam gerens) *& Gomorrha multiplicatus est, & peccatum eorum aggravatum est nimis. Descendam, & videbo, utrum clamorem, qui venit ad me, opere compleverint: an non est ita, ut sciam.* Lentè nimirum „& prudenter procedendum ad pœnam & vindictam. Veritatem, „inquit Seneca lib. 2. de ira. dies aperit, potestquæ pœna dilata „exigi: exacta revocari non potest. Sæpe enim sinistro rumori malignitas dat exitium, credulitas incrementum. Si DEUS, Philo ait, dicitur ad videndum descendere, qui omnia, priusquam fiant, providet manifestissimè; quantò minus homo de absentibus, & futuris, & incertis potest conjecturam facere? Visus enim certus potius, quàm fallax auditus, est adhibendus testis. Et S. Greg. lib. 19. Moral. cap. 23. exponens illa verba Jobi: *Et causam, quam nesciebam, diligentissimè investigabam* c. 29. sic ait: „DEUS, cum omnia illi nuda & aperta sint, mala „Sodomorum punivit non audita, „sed visa.



NARRATIO XI.

NARRATIO XI. SODOMÆ, ET SOCIARUM URBIVM

Deflagratio. Gen: 19.

Anno Mundi 2138. ante Christum 2915.

*Flagitia So-
domorum
& Gomer-
rharum.*



Allis erat Palæstina (quod indicavimus) juxta Jordanem fluvium; omnium amœnitatum patria. Civitates in ea quinque; quibus nomen commune *Pentapolis*, Videl. *Sodoma*, *Gomorrha*, *Sebois*, *Adama*, *Segor*. Incolæ, præsertim Gomorrhæi, Sodomæque mortalium omnium flagitiosissimi. Summa pravitatis hæc erat: Immodicus animorum ex præsentī felicitate tumor, aliorum, præcipuè alienigenarū aspersionator: tum ex copia rerum, ingluvies, & coïnessationes assiduæ, quodq; consuetudine erat, sordium animi cunctarum fecunda nutrix, otium, & ex otio omnium portenta libidinum; usque adeo, ut nec Loti, viri omni virtute cultissimi, Civis sui, quotidianis dehortamentis & exemplis ad vitæ purioris se studia adduci sinerent; & enormia illorū peccata cælum non jam tantum incessere clamoribus, sed obtundere dici possent, inque sui poenam importunā violentiā pertrahere.

*Incidium
Pentapolis-
tarum.*

Jam Lotus, trësque fugæ comites mœnibus, & omni Sodomorum solò relictis, in campi libertate constiterant, & in oppidulum quoddam, *Balam* nomine concesserant, quam Hebræi *Segorem* vocant, quæ vox pusillam sonat. Paulatim interea solis adventabāt ortus, (nam & tempus nôsse juvat) ac funestæ super Pentapolitis tragædiæ supremus actus. Sub crepusculum itaque matutinum, Numinis irascentis imperiò, vapores excitari, fuliginea cælum omne facie fuscari. Cum ecce, Sodomâ pleraque vel in lectis stertente, vel infandæ Veneri indulgente, sub temporis momentum unum, flare venti, furere, turbines ac procellæ, quassari terra; Jordanes in fluctus ac fremitus assurgere; cælo fulgura micare; tonitruis horrendis aëris omnis imugire; tenebris plusquam nocturnis univerfa repente vallis inhorrescere; simul tenebræ frangi, discindique fulminum jactu:

INCENDIUM PENTAPOLITANUM. 45

factu : cuncta ferientibus , incenditibusque cœli flammis. Quo tanti mali terrore percussi Pentapolitæ , rapientes alij de stratis corpora , nudi , semitectique discurrunt. Quod si qui (sanè paucissimi) jam ad opera fortè diurna surrexissent , in urbibus ac pagis tecta repetebant. Qui verò foris in campis , aut agris erant , jumenta , gregesque secum ad tutiora reducere properabant. Sed interclusit utrisque viam omnem , nova , nec antehac mortalibus comperta calamitas. Dictu citius , unâ turbines , tonitrua , fulmina , tumultus aëris , terræque tremor , ac disruptis è nubibus , in nimbos igneos Cœlum omne resolvi ; torrentis & ecnephix more , terrificè rubens flamma , sulphure , nitro , pice , bulliente sale , flagrantique bitumine mixta effundi. Strepit ignium insano stridore cadens supra tecta , turres , palatia , viarumque strata pluvium incendium : natantque non undis & eluvionibus , sed gehenna quâdam stagnante Siddæa vallis , omnes ubique campi , prata , colles , agri , nemora , viridaria ; pagi cuncti , quatuor ingentes urbes , Sodoma , Gomorrha , Sebois , Adama , suis cum suburbijis. Fluitant in ignis imani lacu volucres ; pecora , greges ovium , armenta jumentorum , hominumque sexus , & ætas omnis : & quidquid antè paullo Siddæam vallè libidinibus ambuserat , communibus nunc flammis exurit.

Lotus inter hæc , percomodum *Balam* oppidulum , quod fuxæ suæ metam ac diviticulum , ab Angelis pactus fuerat , intra se cum comitibus incipiebat. Jamque suburbium tenebant : jam audiri post tergum horrida tempestas , ac Sodomorum incendium tragicum , insanæque brutorum ac incolarum voces , & lugubris in cœlum clamor , ac flammarum , tectorumque ruentium funestus fragor occæperant. Quæ res Lorum , ac suos tantò magis , ut properarent , incendit : partim quia , nisi *Sigoris* in umbilico , securitas illa promissa non fuerat ; partim , quod respectandi , consistendique curiosa mora , præceptò fuerat Angelicò discedentibus interdita. Nec immemores illius imperij Lotus , ac filix , cursim perebant , quam sibi destinaverant , *Sigorem*. Quanquam eâ recepti , ne illic quidem fixere stationem ; sed in montana latibula pernici sese cursu subdixerunt , veriti , ne *Sigorem* quoque , sicut scelus , sic & paris exitij societas cum urbibus cæteris inflammati , tandem involveret. At non æquè vel memor mandati , vel obsequens uxor Loti , tantos ad fragores terræ pariter ac cœli ruentis , sollicitata femineò cognoscendi studio , retrospectit : & ut erat reflexa cervice , momentò temporis in columnam *Salis* versa , fatuæ curiositatis perpetuū stetit , ac sapiens monumentum. Dictu mirum , sed verissimum , ac plurimorum insuper oculis usurpatum , eodè semper vestigiò , quo se circumegit

*Lotbi Libe-
ratio.*

*Uxor Lotbi
in statnam
salis conver-
titur.*

cumegit aspectu, defixum mulieris simulacrum, cum brachijs, humeris, capite, totóque reliqui corporis trunco, defluentisque talorum tenuis vestis habitu, post viginti & plurium seculorum circumvolutionem perstitisse. Bissel. in Dec. 1. Ruin. illust. testibus confirmat.

*DEl vindi-
Et in ipsam
etiam regio-
nem.*

DEUS, cujus mundissimus oculus, sceleris etiam reliquias persequens, ipsúmque, quò peccatum erat, locum, regionem quondam simillimam paradiso, & vallem, quæ *Ilustris* appellabatur, in *Tenebrasam* convertit: cujus nihil, quod videre velis, videre queas. Lacus *Asphaltites* (à bitumine sic dictus) fumosa nunquam non fuligine ebulliens, nomen *Mariæ Mortuæ* obtinuit, quodd nihil in eo vivum reperiatur. Terra horrido squalore stérilis luget, æstuante nebularum, ac fumorum intolerabili, ac pestilente mephiti, intermortuò vernantium, & gignentium omni foru. Poma, solâ coloris futilitate, per orbem celebrata, manu vel dente compressa, in favillam, vel pulverulentam nebulam resolvuntur, ut cum vestigio flammæ hæreat etiam memoria pœnæ, & quæ pœnam meruit, culpæ.

DOCTRINA.

*Flamma li-
bidinis, flā-
mis plectun-
tur.*

Hoc habet Libido, vitiorum omnium scēdissimum. His pluvij extinguendus erat Cupidinis æstus. Summus ardor igni; maximus fætor inest sulphuri. Ita supplicium responderebat peccato. Quod olim contigit, in futuro sentient, qui, quorum pœnas intuentur, flagitia non perhorrescunt. In lasciviam ignis, & sulphur Avernale grassabitur. O ignis infernalis, inquit D. Hieronymus, luxuria, cujus materia, gula; cujus flamma, superbia; cujus scintilla, prava colloquia, cujus fumus, infamia; cujus cinis, immunditia; cujus finis, gehenna! Et Bern. *Super Cant.* Luxuriæ currus quadriga volvit vitiorum: ingluvie videlicet ventris; libidine coitus; mollicie vestium; otij, soporisque resolutione; trahitur equis duobus, prosperitate vitæ, & rerum abundantia, & qui his præsident, duo, ignavia torpor, & infida securitas.

*Leves quā-
doque culpa
severè puni-
untur à Deo*

Femina quoque in statuum versa, documento est, minimarum etiam, & in speciem vilium culparum, qualis oculorum esse curiositas censetur, aut mandati mediocris rupti obsequium, severis quandoque pœnis plecti. Muri salis acrimonia condimento sit levitati & inconstantia femineæ. Hic sexus illicitur vetando, augente voluptatem periculo. Christus hoc exemplo docet Luc. 17. divinis insistere jussibus, nec à bonis desistereceptis.

INCENDIUM PENTAPOLITANUM. 47

coeptis, respiciendo. Et si crimen fuit, ignes illos Sulpureos à longè spectasse; quid demum erit, ijs intus flagrare?

Neque minùs Lothus triste posteritati exemplum exitit; dum Sodomæis ignibus subtractus, in alias flammæ per temulentiam incidit, dum impos sui, ac penitùs ignarus, ex altera filiarum *Moabum*, ex altera creat *Ammonem*: duarum gentium profanarum patres, atque principes, suis etiam in posteris; ob infauftum ortum, infelices.

NARRATIO XII. ABRAHAMVS

ISMAELEM EX ANCILLA

AGARE GIGNIT; ISAACUM EX SARA;

Agarem cum filio ex ædibus eliminat; Isaacum imolat.

Genes 16. 21. 22.

Annis M. 2124. 2139. 2163. ante Ch. 1929. 1914. 1890.



Aktequam referamus admirandum Abrahami Sacrificium; operæ videtur pretium enarrare, quæ de *Agare* & eius filio *Ismaele*, deq; nativitate *Isaci* divinæ produnt litteræ. Abrahamus igitur suscepit ex *Agare* ancilla (polygamis enim tum esse licebat; & *Sara* ultro id consilij marito dederat, ut famulam in thalamum, longo tempore sterilem, superinduceret) *Ismaelem*. Cæterum *Agar* ferens, uterum, nesciit suam intra fortunam se continere; corpore tumuit, animoque. Hinc insolentior fieri in dominâ, nulla dum prole sæcundam; nam ea tempestate, ut suum erat probrum sterilitas; ita decus maximum, sæcunditas. Indignè tulit insultationem ancillæ domina; potestate igitur à marito accepta, non prius *Agarem* exagitare destitit, quam ipsa profugeret ultro in solitudinem. Siti fatigatam & itinere, revocat DEUS per Angelum. Regreditur eò, unde fugerat, parit filium, nomen ei *Ismaelis* (hoc est *Exaudisio DEI*) imponit. Matrem quippe mororibus afflictam, perque devia, non sine multis ad cælum suspirijs errantem, exaudivit DEUS, pollicitus innumerabilem posteritatem ex eius progenie subnascituram; inde namque *Agarem* (nempe ab *Agare* vocati) vulgò *Saraceni*, (nam posterì à *Sara* malebant se appellare) sunt exorti.

*Agar parit
filium. Inde
Saraceni.*

G 2

Decimum

Isaacs natus.

Agar cum Ismaele ejicitur ex aedibus Abrahami.

Decimum quintum jam annum, thori maritalis confortem toleravit Sara, utique haud paullò modestiorem à reditu, quippe ad id instructam ab Angelo; cum DEUS Saræ, quanquam annis provectæ, matris impertiturus honores, fecunditatem contulit. Genuit filium ætatis anno nonagesimo; cum Abrahamus ageret centesimum. Nomen puero ab inexpectata lætitia inditum; *Isaacs* enim *Risum* significat. Aliquantò post tempore oblata est Saræ occasio, Agar & Ismaëlis domò exigendi. Ismaël namque majores, quàm pro filio ancillæ, spiritus conceperat, sèque pro herede & primogenito gerens, cœpit Isaacum, tum quinquennem, despiciatui habere, eiúsque imbecilli ætati illudere. Id sibi non ferendum existimans Sara, accedit maritum, postulat, ut ancillam cum filio eliminaret domò. Durius id accipienti Abrahamo, DEUS auctor accessit postulationis uxoriæ. Abrahamus igitur, cui nihil erat antiquius, quàm voluntati divinæ obtemperare, dimittit abs se Agarem ac Ismaëlem, tum quidem pane tantum & aquâ instructos; curam tamen, ut par erat, eorum haud quaquam deponit; sed mox à discessu, necessaria subministrat in solitudine (cui *Bersabea* nomen) degentibus. Cæterum in locis solitarijs oberantibus, vires aliquando & penus defecerunt, præsertim aqua. Adolescentem (viginti annorum erat) vehementia sitis tanta accendebat, ut languidum corpus non amplius sustentare valens, subter arborem abijceret; excussit suprema necessitas tam matri lacrimas, quàm filio. Numinis opem uterque flens implorat; nec incassum. Nam & Angelus è cœlo submissus, puteum siticulosus ostendit, & sui matrem officij commonefecit. Eo in loco diutius sunt commorati, hinc Abrahamo eorum curam gerente; inde Ismaële sagittis venationem exercente, vitamque agrestem ac ferocem ducente. Hunc in modum liberata Sara domesticâ molestiâ, tantò Isaacum educabat diligentiore curâ, quantò majores in eo spes repositas, ex oraculis divinis sciebat. Sed, ô mira DEI consilia! Afflictione non simplici defunctis, haud paullò difficilior virtutis experimentum subeundum fuit tunc, cum Isaacum, lumen oculorum, column domûs, solatium & præsidium sequestutis, spem posteritatis, in ipso ætatis flore (quintum & vigesimum agebat annum) victimam sibi depoposcit DEUS. Rei gestæ pathos exactius paullò prosequemur.

DEUS Abrahamo mandat filium immolare.

Fortè nocturnæ se quieti commiserat Abrahamus; cum vox è cœlo ad aures allabitur, quâ jubetur tollere filium, quem è Sara grandæva susceperat, *unicum*, corculum, gaudium, delictum parentum: cumque manibus suis jugulatum, DEO ho-

stiam

stiam immolare, in eo monte, qui designandus esset à Numinis interprete Genio. Novum imperium, & antehac inauditum, meritòque paterna viscera concussurum. Erat hoc, non filij modò, sed parentis quoque jugulum petere. Quid hìc Abrahamus? num vel voci cœlesti; vel suis ipse fidem auribus non adhibet? num de cruento mandato dubitat, disputatue? Nihil minus. Naturam prius exuit, quàm obsequium. Satis fuit, imperâsse; parat manum operi, pedes itineri. Non dubitavit credere, quando filius promittebatur; haud trepidavit offerre, cùm exigebatur. Qualis religio credentis, tale fuit obsequium obtemperantis. Nihil cunctatur in negotio tam luctuoso; sumò confurgit manè, accingit se profectioni, nulla rei mentione uxori factâ, ne lamentis moram inijceret festinanti voluntati: parat necessaria Sacrificio; comitem ire jubet Isaacum, adjungit duos è servulis, quique baiulus sit lignorum & foculi, asellum.

*Abrahami
obedientia.*

Triduò aberat mons, quem cœlum monstraverat; nomen monti *Moria*, plures in colles distincto; quorum qui Orientem respexit, *Sion* appellabatur; qui Occasum, *Golgotha*, postea *Calvaria* dictus; qui Septentrionem, *Ara*. Ex *Moria* quia longè latèque prospectus patebat, ei *Terra visionis* nuncupatio est facta. Ad eius montis radicem, quò bidui itinere ventum est, iussi servi cum jumento subsistere; lignorum fascis in Isaaci humeros transfertur; parens foculum ferens, & gladium, cum filio viam in montis usque jugum pergit.

*Mons Mo-
ria.*

Quis jam explicet, quibus tum affectibus paternum pectus misceretur, dum intuetur innocentis vultum filij, nihil triste suspicantis, & mox genitoris manu morituri? Quot patris hìc taciti gemitus, quot anhelitus, quàm graves? qui murui aspectus? quid ultima filij in montis ascensu interrogatio: *Pater mi, ubi est & filium, víctima holocausti?* quo demum colore vultus, quo sensu animi, suum illud pronuntiavit pater: *DEUS enim sibi providebit, sili mi.* Quid porrò in superando jugo, per unius spatium diei secū volvere potuit afflictiſſimus pater? Ergo sacrificiò filium sibi dari præcipit DEUS, in cuius funere parentū mœstissima orbitas; cum quo spes promissorum decollat nepotum. Ubi propagatio, numerò cum stellis vertatura? hic precum mearum fructus? hæc pij generis immensitas? Jam illi jungenda uxor, jam dulces suscipiendi liberi; & jubetur interfici? an parricida ut essem, factus sum parens? pro tædis nuptialibus funestum. accendam, rogum? an *Rifu* hic meus, quem cœlestes Genij Mambraâ sub quercu prædixere? hoc meum est gaudium? Quid ad hæc Sara conjunx? quibus oculis aspiciet redeuntem

*Affectus in-
ter Patrem
& filium.*

à jugulatione filij? illa pueri indoles, illa morum suavitas, illa corporis & animi integritas crudeli ferro subijcietur? Mox con-jectis in filium oculis, ô mea lux, (tacitis suspirijs loquebatur) mea vita, quis dabit, ut moriar pro te? Tunc membratim concidendus es in holocaustum? tu cremandus in pyra, & redigendus in cinerem, sine reliquijs, quas inferam tumulo? Rursus se- ipso fortior; quid enim? DEO jubenti non parebo? Illi? datam qui fidem, promissumque non potest fallere. Absit hoc, absit. Mille mihi sint filij, mille mactabo Numini; repetit, quod suum est. Cur; quem dedit, non reddam exigenti, cum auferre possit no- lenti? Atque hos inter fluctus ita sibi constitit viri virtus, ut in- spem contra spem pugnans, ne gemitu quidem altiore, aut la- crimis tristitiam cordis exoneraret. Hactenus catastasis; nunc videamus Catastrophen.

*Instante Sa-
crificio, pa-
tribus utrin-
que.*

In montis ubi vertice constitere, ara manibus utriusque constructur opere tumultuario, componuntur desuper ligna; nihil restat, quam ut cædatur victima. Ibi tum pater (ô acer- bum temporis articulum!) cæleste mandatum exponens filio, Adest, ait, hora, Isaac fili, spes unica parentis ac timor; cœli munus, mox muneris futurus pretium: adest, inquam, tempus, quò fias patris, imò Numinis æterni, sic imperantis, hostia. Quem te mihi sceneratus est puerum, nunc reposcit adolescentem; hoc in Rogò cremandus es cœlo victima; di- vinis gere morem promptum obsequijs. Quid hic Isaacus? quid aliud, quam quòd paratissimus in jussa Numinis, sine querela, sine reluctatione, roboratus animi fortitudine incre- dibili, deponit vestimentum, ascendit in rogam, procumbit in genua, manus offert ad vincula, corpus ad cædem, patri vale- dicit illacrimans, animam commendat DEO, gladio nudat jugu- lum. O fortem mentem! ô animam religiosam, & huma- nis affectibus superiorem! O novum spectaculum, ac verè Deo dignum! Uter flebilior, uter fortior? Sacerdos, an victi- ma? Non percussoris, non percutiendi variat color: non mem- bra timore vibrantur, dum vibratur ictus; non demissi, non torvi sunt oculi: neuter rogat, neuter formidat: nec se excu- sat, aut turbatur. Ille exerit gladium, iste præbet cervicem ad feriendum, jugulum ad fodiendum; cedit affectus pietati, pie- tas religioni; medius stupet gladius, nullò impedimento su- spensus. Poterat Isaacus jam mortis horrore exanimatus, oculis caligine circumfusus concidere. Cum ecce vox de cœ- lo intonat, quæ inhibet filij cædem: prædicatque, sat ma- gnum esse captum de Patriarcha, fidei ac obedientiæ experi- mentum.

Abrahamus

IMMOLATIO ISAACI.

51

Abrahamus mutaturus hostiam, non mentem, dum de succedanea victima circumspicit, post tergum vider arietem, Angelicò utique ministeriò adductum; quem vepribus implexum corripit, offertque holocaustum pro filio, tantò majore utriusque lætitiâ, quantò propius abfuit uterque à cæde ferenda, & inferenda. Sic Isaacus iterum natus; Abrahamus iterum parens; Actor uterque corollam tulit, spectante cœlo, plaudente DEO; qui veræ cædis progymnasma meditatus in cæde ficta, eodem in monte Tragœdiam exhibebit, Filium immolando.

*Aries pro
Isaaco ho-
stia immo-
latur.*

DOCTRINA.

Ecce ancilla tua, in manu tua est, utere eâ, ut lubet, Gen. 16. Verissimè Sapientissimus regum: *Responsio mollii frangit iram.* Proverb. 15. Sara propior expostulanti, quàm conquerenti de injuria, per ancillam sibi illatâ, verbis acrioribus adorta maritum fuerat. Sed is calori femineo cedens, cùm potuisset excandescentem paribus verbis repellere; maluit frigidam affundere, eisque liberaliter potestatem permittere, Agarî compescendæ. Exemplum conjugibus imitandum. Nam unde rixæ, contentiones, jurgia domestica? nisi quia non auditur Apostolus monitor, cap. 6. Gal. *Alter alterius onera portate.* & Coloss. 3. *Supportantes invicem, & donantes (condonantes, remittentes offensas) vobismetipsis, si quis adversus aliquem habet querelam.* Cùm maritus est in fermento; molliùs agat uxor: cùm hæc effervescat, & ebullit spumosiùs, ille meminerit veteris dicti: *parce minori.* Ita fiet, ut, tametsi offensusunculæ quandoque intercurrant, procul tamen absint dissidia, & litigia.

*Abrahami
mansuetudo
erga uxore.*

Alterum eius rei specimen dedit Abrahamus, quando Sara concitator adversus Agarem: *Eijce*, aiebat, *ancillam hanc, & filium eius.* Gen. 16. Quid ad hæc Abrahamus? Sacra Historia refert: *Durè accepit hoc Abraham pro filio suo.* Recogitabat enim, promissiones, cœlitus de Ismaële factas. Et sanè humanitati; naturæque repugnare videbatur, filium ex se genitum cum matre exturbare domo; præsertim cùm non deessent modi, insolentiam & ferociam adolescentis coercendi. Non tamen, vir mitissimus objurgavit uxorem, aut nimis eam severitatis arguit; sed tacuit, altiùs secum rem perpendens. Meruit ea patientia, clariùs ut edoceretur à DEO, de uxoris voluntate amplectenda; cui se libens, volensque Abrahamus attemperavit. Nimirum jam tum id agebat DEUS, ut amandatâ Agare & Ismaële, in pace & concordia domestica, & sub optima parentum disciplina Isaacus educaretur. Et poterat

Et poterat sanè Ismaëlis consuetudo familiaris teneriori ætati affricare maculam, etiam adultiori hæsuram.

*Uter fortior
Abrahâus,
an Isaacus.*

*Rationes
pro filio.*

*Rationes
pro Paren-
te.*

*Laud obedi-
entia Abra-
hami.*

Extenditq. manum, et arripuit gladium, ut immolaret filium suum.

Gen. 22. Præstantissimum hoc parentis juxta, filique tacinus ex merito Divorum Patrum eloquentiam excitavit. Certatur inter eos, utrius fortitudo plus laudis habeat, & admirationis. Pro filio facit, quod fortius sit, necem pro DEO subire, quam inferre. *Deinde*, Abrahamum dolor tantum animi cruciabat; Isaacus adanimi, corporisque cruciatus, ac mortem ipsam sese promptum exhibuit. *Tertiò*, prævisa tela minus feriunt; Abrahamus per triduum itineris potuit componere mentem ad ministerium tragicum; Isaacus ante ipsam aram in hostiam est postulatus. *Quarid*, mors acerbior juvenibus accidit, quam senibus; Isaacus cū jugulo spes omnes vitæ & fortunæ præcidendas obtulit.

Pro parente pugnant. 1. Quia filium ardentius, quam vitam suam diligebat. 2. quia triduana facinoris atrocissimi meditatione cruciatus est; Isaacus verò, simul imperium mortis accepit, simul fatalem ictum expectavit. 3. quia divina, de subnascente sobole, promissa in omnes partes animum discerpebant. 4. quia funestius erat patri necare filium, quam filio necari; hic enim momentò fatum erat suum absolūturus, ille in longos dolores proviſturus.

Præstitæ virtutem obedientiæ acutissimus Origenes *hom. 3. in cap. 22. Gen.* mirè expendit per singula verba: *Tolle filium tuum*; & quidem, *unigenitum*; & *quem diligis*; & *Isaac*; & *offerres eum in holocaustum, super unum montium*. Quonam hæc spectant, nisi ut dulcium appellationū repetitione paterni suscitentur affectus, & amoris evigilante memoria, crescant tentationum augmenta? Ad longitudinem viæ adjungitur montis ascensio, ut in his omnibus spatium certaminis accipiat affectus & Fides: amor DEI & amor carnis: præsentium gratia, & expectatio futurorum. Magnitudinem victoriæ ostendit arduitas pugnae.

Abraham de nocte (id est, suisq. manè) consurgens, stravit asinum suum esse. Prima, obsequij gratia, est *celeritas*; altera, *fortitudo* in exequendo, quod arduum; tertia, *simplicitas* in subjectione judicij. Plerumque obedientia, quod est oculatior, hoc est in casum pronior; In mandatis DEI, tota facti ratio, penes est jubentem. At bene est, agnovit DEUS immolantem; tam Sacerdoti pepercit, quam victimæ; Nempe Obedientia si mactat, suscitatur; si perdit, redimitur; nec dat in pericula, nisi ut servet.

NARRATIO XIII. NVPTIAE ISAACI CUM REBECCA.

Genes. 24.

Anno Mundi. 2178. ante Christum 1875.

ISaaco quadraginta jam annos nato, Abrahamus genitor de uxore prospecturus, negotium dat *Eliezeri*, rei domesticæ procuratori, viro à fide & prudentia commendatissimo, ut abeat in Mesopotamiam, natalem familiæ suæ terram, sponsam inde adducat filio, de cognato sanguine; exactò in eam rem iuramentò, de mandatis cum accurratione exequendis. Eliezer imperata gnaviter facturus, accingit se itinери, seligit è jumentis camelos denos, imponit se, comites, munera aurea, argentea, vestem pretiosam. Jam constiterat non procul urbe *Haramæ*, ubi domicilium habebat *Bathuel*, filius *Náchoris*, nepos Abrahami ex fratre. Vicinus erat urbi puteus, hominum, & pecudum opportunus usui; ad eum puteum Eliezer non parùm sollicitus de negotio commissò benè gerendò, præsidium implorat Divinì Numinìs, cujus afflatu intelligat, quamnam cœlestis Providentia hero suo minori destinàrit sponsam. Discit arcand cœli responsò, consortem fausti futuram thalami, quæ haustrum frigida petenti, non modò prompta offerret; sed paratam insuper se præberet adjumentorum sitim extinguendam. Hæc eo cogitante, ecce mœnibus egressa, accelerat pedes *Rebecca*, filia *Bathuelis*, neptis avi *Náchoris*, propatruì Abrahami; onerabat scapulas hydria; quam ubi implerat undà, retro, unde venerat, flectebat gradum; erat puellæ rara venustas, quam rarior modestia decorabat. Relegenti viam ad urbem, obviam se fert Eliezer, ignotus ab ignota pauxillum rogat aquæ, lenimentum siti. Illa nihil cunctata, aequalem è capite in ulnas deponit, inclinátque sitienti; parùm id erat officiosæ humanitari, nisi puteanam iteratò haustam, camelis quoque propinaret, accedentè ad benignitatem obsequij, singulari verborum gratià, & virginali verecundià, quæ oculos animúmque Eliezeris ita rapuerunt,

*Eliezeris &
Rebecca vocatur.*

H

ut non

ut non dubitaret, divinitus sibi oblatam, cujus anquirendæ causâ, octo dierum iter peregisset. Omnia probabantur in puella, mores, ætas, forma, genus; quippe quam ex colloquio prehenderat, arcta cognatione cum Abrahamo connexam; quare jam certus, eam virginem, domino suo seniori nurum, juniori sponsam cœlitus constitutam, dona profert in pignus & arrham matrimonij, in aures, & armillas aureas.

Delectata muneribus Rebecca, sed magis spe felicitis connubij, invitat hospitem paternas in ædes, omnibus instructas rebus, ad homines & jumenta curanda necessarijs. Neque ignara, gratiam beneficij augeri celeritate officij, properè refert domum gressus, comunicatura cum domesticis gaudium, quod ex homine peregrino conceperat; Eliezere interim in laudes DEI, & gratiarum actiones eunte.

*Conciliatio
nuptiarum.*

Nuntiò de adventu hospitis acceptò, *Labanus*, natu major Rebeccæ frater (minor vocabatur *Bathuel*, cognominis parenti, jam defuncto) properat in occursum, verbisque humanissimis bene jubet venire Abrahami, propatruj sui, legatam. Quid multis? exponuntur causæ itineris, produntur signa ducendæ conjugis, consensus matrimonij à matre geminisque virginis fratribus exposcitur; nec difficulter obtinetur, cum Rebeccæ, in cujus voluntate rei cardo vertebatur, modestum silentium quavis lingua facundiùs loqueretur; cui accedebat verborum suavitas, quibus paratam se demonstrabat ad profectionem suscipiendam cum *Eliezere*, exoptati conjugij pronubo atque interprete; nova hic promittit munera, ad parentem, fratresque sponsæ ornandos & demerendos. Nuptiarum nequid pompæ decisset, instruitur epulû geniale, nox inter mutuas hilaritates agitur; dies intercedunt aliquot, quibus antidóra, & quæ in longam viam necessaria, expédiantur; post eos, nova nupta faustissimas inter apprecationes dimittitur cum ancillarum, quibus assueverat, comitatu.

*Exceptio
sponsæ ab
Isaaco.*

Exactò itineris ostiduo, pedem ponunt in terra non modò Chananæa, sed in ipsa adeò provincia *Gérara*, ubi tum Abrahamus cum *Isaaco* degebat. Fortè hic inclinata jam die, prodeambulans in agrum, liberiolem captabat auram; animum cœlestium rerum contemplatione oblectans; cum agnoscit camelos adversum se adventantes: festinat in occursum; quem, ut amor est oculatus, conspicata Rebecca, ubi didicit ex *Eliezere*, virum esse, felicibus auspicijs sibi desponsum, mox verecundiæ causâ, injectò capiti *theristrò*, de jumento descendere, in desideratissimi conjugis amplexus, oscula, & cetera amantium officia properare. Inducitur sub hæc sponsa ab *Isaaco* in tabernaculum, quod mater nuper (triennium

(triennium effluxerat) ætatis anno 127. è vivis evocata, inhabitat; ibique inter suavissima salutantium & gratulantium studia, suo cum gynæceo excipitur, Abrahami non minus; quàm filij luctum, è Saræ funere haustum, novâ lætitiâ plurimum temperante.

DOCTRINA.

VXor bona, donum DEI insigne. Quærendi conjuges, non tam conciliatione hominum, quàm DEI. Magis spectandi educatio & mores probi, quàm opes, forma, genus. Sapientis dictum est, Proverb. 19. v. 12. *Domus & divitiæ dantur à parentibus: à Domino autem propriè uxor prudens.* & Prov. 18. v. 22. *Qui invenit mulierem bonam, invenit bonum, & hauriet jucunditatem à Domino.* Quàm, ut inveniret filio Abrahamus, quid non egit? Ad eam procurandam misit non lenonem, non parasitum, sed œconomum domus suæ, virum prudentem, & virtute probatum. Obstringit insuper juramentum, ne quo sinistro abripiatur affectu; cum fide summa negotium agit Eliezer paranymphus: adhibet preces ad cœlestem gratiam obtinendam: spem certam divinæ concipit providentiæ; nec aliter, atque speravit, experitur. Contigit Isaaco sponsa bene educata, labori, hauriendæ aquæ, hydriæ gestandæ assueta: benigna ac liberalis, quæ plus, quàm peteretur, etiam incognito & extraneo offerebat: non curiosè garrula; sed modesta; quæ visû Isaacò, statim è camelo se demisit, in reverentiâ & reverentiæ erga sponsum, nobile Argumentum. Merebatur mulierem bonam, vir bonus, juxta Siracidem Eccli. 26. v. 3. *Pater bona, mulier bona; in parte bona, sumentium DEUM, dabitur viro pro factis bonis.* Contrà, pudicitix suæ decoctoribus, & raptoribus alienæ, in pœnam peccati cedit mulier mala, tantò graviore plaga, quantò diuturniore; in totam durat vitam. Quæ tum miseriarum ilias in domo? *Non est caput nequius super caput colubri; & non est ira super iram mulieris; commorari Leoni & Draconi placebit, quàm habitare cum muliere nequam.* Ecclesi. 6. 25. v. 17.



NARRATIO XIV.

ESAV IVS PRIMO GENITI, PARTIM GULA. PARTIM ASTV FRATERNŌ PERDIT.

Genes. 25. & 27.

Anno Mundi 2223. & 2276. Ante Christum, 1830. & 1777.

*Diversa u-
triusque in-
doles.*

DUOS Isaacus ex Rebecca filios suscepit; ma-
jori natu nomen *Esau*, (Latini *Esavum* dicerent) mi-
nori *Iacobus*; gemelli quidem, partu nam eodem edi-
ti, sed habitu corporis, animique perdisiimiles. Ma-
jor naturā ferocior, atque ingenio agresti, à pueri-
tia ruri multus erat, & addictus venatui, Isaacò primùm dissimu-
lante, qui sciret, nihil invitā dicendum, faciendūve Minervā; de-
inde etiam approbante, eoque nomine ipsum diligente. Iacobus
verò, ingenio facilis, moribus elegans, mitiora studia frequenta-
bat, assiduus domi, quippe quem sua ferebat indoles magis ad
excolendum animum, quàm exercendum corpus; quæ adole-
scantis placiditas, suavitāsque, ut matris ipsi benevolentiam & a-
morem mirè conciliabat; ita hispido alterius genio, quem etiam
pilo corpore præferebat, haud parùm offendebar. Accidit,
ut ea pulcillam ex lente, pro ævi illius simplicitate, Iacobo suo
apponeret; quā dum is vespitur, fortè supervenit Esavus, oppi-
dò lassus de venatione, & ut fieri solet, famelicus; vix oculos in
edulium conjecerat; cum dentibus etiam in cibum prurit, adeo,
ut eum saturandæ fami, præfervidus postularet. At Iacobus,
qui intentus erat in occasionem recipiendi Juris Primogenito de-
biti, quod sibi nascendi sorte vindicabat Esavus: ille autem cæli
privilegiò ad se pertinere, è matre didicerat; pultem ea condi-
tione concedit, si sibi prærogativam natalem cedat. Hic turba-
tus alter, cupiditate gulæ, cum putaret, eam cessionem, etiam ju-
ramento firmatam, quippe ridiculam, & à ludibundo factam, ni-
hil de jure suo detracturam, addicit, quod poscebatur; simulq; cum
vili lenticula decoquit principatum familiæ, dignitatem Sacerdo-
tij, opimiorem hæreditatis partem, & quidquid bonorum cum
fausta

*Esau jus pri-
mogeniti
lenticulā
vendit.*

IACOBVS PRÆRIPIT BENEDICTIONEM 57

fausta patris precatione conjungebatur. Quam ipse seu venditionem, seu perditionem, initio contempsisse visus est, tanquam irritam, aut certè ferro refutandam; quod postea minatus est; sed Rebecca antevertit cruenta consilia, titulisque juris nascendi in Iacobum, astu pio, translatis, salutem periclitanti expedit. Id qua ratione factum, porro narrabitur.

Isaacus decrepita jam ætate senex, ferinæ tenebatur desiderio; quare vocat ad se Esavum, dat in mandatis, venatum eat, sibi que ex præda silvestri cœnam apparet, id obsequij liberali remuneratione non cariturum. Proficiscitur in venationem filius, cum suo studio, tum patris voluntate. Mater interea pro Iacobo sollicita, faciliè advertebat, nisi astum aliquem intenderet, beneficium primogeniti (Sacrae Literæ Benedictionem appellant) filio suo non obventurum. Quid comminiscitur? Iacobum ad ovillum gregem amandat, duos jubet afferri hædulos, morem is gerit impigrè; neque segnior mater, utrumque hædorum pelle spoliat; alterum cocturâ tam exquisitâ, conditâque parat, ut planè crederet Isaacus ferinam ad se allatam. Illator cibi Iacobus, vultu, collo, manibus, pelliculis tectus hædinis, fratrem hirsutum mentiebatur; neque sine periculo. Senex quippe caligantibus jam oculis, tactu explorabat, quod visu non poterat. Sed hirsuta hædorum tegmina hispidam Esavicutem referentia; odor quoque vestimentorum (quibus major natu sive sacrificando, sive alia quapiâ actione solenni uti solebat) Iacobum circumdantium, sensus optimi senis ita afficiebant, ut Esavum præsentem esse, sibi persuaderet. Sola vox Iacobi, dubitationem aliquam relinquebat; quia tamen reliqua signa primogenitum loquebantur, conjecit, eum omnino esse, ad quem primæ, felicitate nascendi, pertinerent. Comedit igitur de ferina, non in silvis, sed stabulo captâ; recreatusque venatoris obsequio, osculis Iacobum, & primogenitorum privilegij impertit: abundantiam imprecatur frugum terræ; honorem & reverentiâ apud externos: auctoritatè, dominium, jurisdictionè in domesticos, ac nepotes. Quibus vixdum actis, adest ecce redux è silvis Esavus; qui re intellectâ, magno clamore irruire, plenusque indignationis in fratrem, semel iterumque patrè urgere, se quoque fausta precatione felicè redderet. Sed cum transcriptæ in Iacobum gratiæ revocari non possent, inferioris quædam notæ munera tulit, primogeniti tamen jura, & dona perdidit. Hinc ingens in fratrem odium, non nisi cede exaturandû, ubi primû è vivis excessisset genitor. Quæ causâ fuit, ut Iacob, consilio matris, bonâ patris veniâ, in Mesopotamiâ ad Labanû avunculû profugeret, secundate omnia cœpta Deo, cui tantò existeret gratiosior, quantò frater erat invisior. Ceterû Iacob

*Iacobus sub
persona Esavi
paternâ
benedictionem
impetrat.*

sexagenario patre natus est; *benedictionem* ab eo accepit, annum a-
gente trigessimum octavum, supra centesimum. Vitam porro in-
densis oculorū tenebris Isaacus produxit annis quadraginta duo-
bus; universim annos explevit centum octoginta. Vir magnarum
virtutū, & typica Christi imago, cuius adventu præcognito, non
tantum ærumnas suas levabat; sed futura cum præsentibus cō-
ponens, *spiritu*, non secus ac parens Abrahamus, *exultabat*; oritu-
rum ex sua progenie Messiam, omnibus gentibus desideratum.

DOCTRINA.

Gula.

Eccelesiasticus monet c. 37. v. 32. *Noli avidus esse in omni epula-
tione, & ne effundas te super omnem escam.* Non cibus, inquit
„ Greg. l. 30. *moral.*, sed appetitus in vitio est. Unde & lautio-
„ res cibos plerumque sine culpa sumimus, & abjectiores non
„ sine reatu conscientie degustamus. Et Augustinus in illud Rom 14.
„ *Noli propter escam destruere opus DEI.* ait: Non propter porcum, sed
„ propter pomū, mortem primus homo invexit, & Esau prima-
„ tum suū non propter gallinam, sed propter lenticulā perdidit.

Officium
Parentum.

De officio parentū eleganter Ambros. lib 2 de Iacob. c. 2. Accipe,
„ ait, bonum certamen inter parentes. Mater deferat affectum,
„ pater iudicium: mater circa juniorem tenera pietate propen-
„ deat, pater circa seniore naturæ honorificentiam servet: hic
„ magis honoret, illa plus diligit: compenset alter, quod alter im-
„ minuit.

Mysterium
huius symu-
lationis.

„ Augustinus lib. contra mendacium, tom. 4 Iacob hædinis pelli-
„ bus membra contexit, hocque fecit, ut putaretur esse, quod non
„ erat; quod factum ad illud, propter quod significandum revera
„ factum erat; per hædinas enim pelles peccata: per eum verò,
„ qui eis se operuit, ille significatus est, qui non suā, sed aliena
„ peccata portabat.

Arcanum
Prædestina-
tionis.

Major serviet minori. Iacob dilexi, Esau autem odio habui. Rom. 9.
v. 13. Arcanum Prædestinationis Divinæ, Esavum cum sua po-
steritate reiicientis, id est, nullis peculiaribus beneficijs afficien-
tis; Iacobum verò, eiusque progeniem raris, & magnis gratijs
prosequentis: Igitur non volentis, neque currentis (Esavi in ve-
natum excurrentis) sed miserentis est DEI v. 16. & v. 21. *Ad non
habet potestatem figulus luti, ex eadem massa facere aliud quidem vas in bono-
rem,* (ad usum honorificum) *aliud verò in contumeliam.* loc. cit. v. 21.
(ad usum vilem & abjectum) scilicet, ut in scholis loquuntur
Theologi, permissivè & indirectè, dando auxilia sufficientia, non
tamen efficacia, quia non debita.

Esavo, nomē quoq; *Seir* fuit, quod *pilosum* sonat: idēq; *Edom* vo-
cabatur, à capillis rufis. Iacobus appellationē à *supplantando* traxit,
quia, dū eodē partu edebatur cū Esavo, plantā eius tenebat: cuiq;
benedictionem

IACOBVS PRÆRIPIT BENEDICTIONEM 59

benedictionem paternam erat dolò bonò prærepturus. Collidebantur gemelli in utero materno, non sine gravi puerperæ dolore, dum uterque prior in lucem exire luctatur. Gen. 25. ut jam tum ostenderetur, eos fore patres, & capita duarum gentium, hoc est, Judæorum, & Idumæorum, sibi acerbè adversantium. Nimirum citò se prodit indoles, & præfagia suâ, ante lucem spargit. Verum hic illud fuit, quod postea de se Jeremias scripsit. cap. 1. *Præquam te formarem in utero, novi te.* Felix, quem DEUS jam infantem novit, hoc est, amat. Triste verbum illud: *Novi novi te.* Matth. 7. Esavum, qualis futurus esset, jam tum Natura signavit; Iacobum Gratia victorem fecit, antequam in stadium vitæ mortalis procurreret. Hi duo parvuli nondum nati de prærogativa honoris certabant; usque adeò insitum est humanis mentibus, præcellere. Honorum cupido cum lacte materno bibitur. Ex hoc loco SS. PP. refellunt astrologorum ex Horoscopo, seu natalis astri influxu, divinationes. Iacob enim & Esau, eodem concubitu, ut inquit Paulus Rom. 9. sati, eodémque tempore nati, dissimillimis tamen ingenijs, studijs, moribus, & eventis fuerunt. Vide Pererium. *lib. 2. in Genes.* & S. Augusti. *lib. 5. de Civit. DEI.* & *lib. 2. de Doctrina Christiana. cap. 22.*

Notanda verba Sacri Scriptoris: *Det tibi DEUS de rore cæli, & de Diversa b. pinguedine terra.* Dixit ea Isaacus, apprecans Iacobo suo, prius *benedictio in cæli rorem*, ad benedictionem, postea fruges fertilis soli. Ad *duobus fr. Esau* verò vota vertens: *In pinguedine*, inquit, *terra, & in rore cæli tribus.* *desuper eris benedictio tua.* Non sine numine, occultoque spiritus altioris instinctu, prius munera terræ, postea cæli impertiri cupiens homini superis inviso, & in rerum terrenarum cupiditates abjecto; quas sibi dari petijt cum rugitu & clamore valido. Cui similes, qui neglectis cæli opibus terræ crepundijs inhiant.



NARRATIO XV.
PROFECTIO
IACOBI IN MESOPOTAMIAM
ET EIVS IBI SERVITIVM.

Genes. 28.

Anno Mundi 2276. Ante Christum 777.

Iacobus, cùm ob præceptum piò, quemadmodum narravimus, dolò natalium primatum, in invidiam, & odia fratris natu majoris, incurrisset, simul iras eius effugiturus, simul uxorem è sanguine, & terra cognata, ducturus, auspice DEO, Parentibus benè precantibus, iter ingreditur in Mesopotamiam, Syriæ Provinciam, ætatis anno septuagesimo octavo. Terminus erat itineris *Haran* Urbs, ubi tum debebat *Labanus*, ipsius avunculus, quippe frater Rebeccæ, homo tã avarus, quã opulentus, & idolorum cultor. Primum peregrinationis diem, dum magnis urget itineribus, solis occasus, corporisq; fatigatio festinantem oppressit, prope urbem *Luzam*. Idoneum igitur sub dio quieti locum capit, puluilli loco, capiti lapidem subiicit, facili somno corripitur. Dormienti scala obijcitur, è terra in Cælum protensa, quot gradibus, tot arcanis plena mysterijs; commebant per eam sursum deorsum Genij Coelites; cacumini DEUS ipse majestatem suam inclinabat; præsignante ostento, Messiam olim nasciturum, in cuius persona Cælum Terræ, Divinitas Humanitati erat conjungenda. In summo quippe, Æterni Pater Verbi, seu Filij; In imo Iacobus, eiusdem secundùm hominem progenitor repræsentabatur; interjecti gradus indicârunt ceteros Majores, quorum progenie Christus erat oriundus. De quò Cœli secreto nequa Jacobo relinqueretur dubitatio, is, qui scale innitebatur, mœstum, & rerum futurarum sollicitudine suspensum, crexit commemoratione felicitatum, quibus omnis ejus posteritas erat affluxura. Sacer initid horror animum peregrini perstrinxit; mox liquida voluptate permulsus, lapidem, cui indormijt, statuit in modum cippi, illudq; mirificæ apparitionis monumentum oleo perungit, consecratq; DEO. Ex eo eventu,

nomen

*Scala mystica
 Iacobi
 objecta.*

IACOBI SERVITUS PRO RACHELE. 61

nomen vicino oppido *Luz* in *Bethelam* est mutatum; Hebræis, DOMUM DEI, quæ id loci spectabilem Iacobus habuerat. Is, qui nova tum spe pollicitationum Cœlestium confirmatus, voti sese nuncupatione, in arctiora Numinis obsequia, & peculiarem famulatum obstringebat.

Exinde septem dierum itinere confecto, in agrum *Harani* proximum pervenit; ubi sciscitanti è pastoribus de familia avunculi sui, commodum offert se *Rachel*, in qua cum ætate & formâ, *Iacobi & Rachelis agnitio.* flos pudicitiz certabat; paternas ea tum oves pascebat ruri, pro ævi illius genio, quo simplicitas & innocentia inter prima virginum decora numerabantur. Erat id fortè temporis, quod ad adequandorum gregum Rachelem admonebat, quibus, quoniam lapis puteo impositus accessum negabat ad aquam, Iacobus, ignoto sibi, puellæ gratiam conciliaturus beneficiò, saxum revolvit, viam pecori, copiamque facit bibendi. Hauriunt lympham oves, amorem Rachel; utique postquam verbis ultro, citroque datis eventum est in notitiam consobrinæ propinquitatis; Iacobus igitur basio casto, dulcibus mixto lacrimis, salutationis, & amoris officium initiat. Nec mora; calentibus animis, calent pedes. Rachel festina, consanguinei Juvenis adventum nuntiat domum, patri Labano; hic properat in occursum, introducit gratissimum nepotem in ædes, inter amplexus, oscula, mutuos, de causis susceptæ profectionis, sermones: colit omni humanitate advenam; hospitium simul & perfugiū offert, spem nuptiarum cum una filiarum facit. Neque hospes adventor quidquam obsequiorum in se desiderari passus; cum integro jam mense virtutem industriamque egregiè probasset avunculo, gregis universi curæ præficitur.

Omnino septennium ei servituti, & desiderijs potiendæ Rachelis impenderat indefessus pastor, empturus à socero nuptias famulatu, quas ære non poterat. Sed hic, ut erat parvus in promissis, ita fallax in promissorum fide; vafre substituit pro Rachele *Liam*, annis majorem filiam, longè minorem formâ, quippe oculorum lippitudine laborantem. Alterū proinde servitutis septennium pro Rachele exigitur; quod ubi pari alacritate, fidēque Iacobus expleverat, demum Rachel ei in manum convénit, seroque Iosephum peperit; cum ex Lia complurium liberorum pater efficeretur, pensante fecunditate, quod deerat formæ. Iacobus multa jam auctus prole, petit à socero facultatem reviscendæ patriæ; sed homo ingenij duri & illiberalis, non contentus tam diuturni servitij impendiò, septennem insuper famulatum paciscitur; nec abnuat, pro indolis suæ facilitate, Iacobus; pactio- *Iacobi servitus pro Rachelis.* nis erat conditio, ut oves & capræ cum nigræ, tum vario sparsæ vellere,

vellere pilôve, separatim pascere ab ijs, quibus lana cande-
bat; & harum quidem cura Iacobo : illarum, Labani filijs comit-
teretur; ex albis porrò quæ provenirent maculosæ, pertinerent
ad generum; quæ sine maculis, essent Labani.

*Iacobi fili-
citas in fa-
tura pecoris*

Videbatur hic astus omnem mercedis spem ademisse Iacobo,
cùm ex matribus unicoloribus fætura non posset expectari di-
scolor. Didicit artem è cœlo fidissimus opilio, quâ simul va-
fritiem hominis versipellis eluderet, simul laboris longi ferret
pretium. Virgas striatim decorticat populeas, & amygdalinas,
easque ex albo & viridi variatas, proponit in canalibus, unde po-
tus fluebat fœtis gregibus. Ibi tum miraculum naturæ videre li-
cuit; agnæ, varietate virgarum oculis & imaginationi objectâ,
maculosum pleræque fundunt partum. Id ubi Labanum adver-
tit, causæ nequaquam intelligentem, mutatur pactum; diversi-
colores fœtus vendicantur focero, reliqui permittuntur genero;
non meliore infidi locatoris successu; bacillorum namque objectu
variatae fœturæ, serotinae seu Autumnales, utique deteriores, ce-
debant Labano; meliores autem & vernæ, sine virgarum ab undis
relucentium imagine conceptæ, simplici colore lanatæ, in
Iacobi incrementum pariebantur: consiliò utique divinò, quò
vicennis operæ merces pastori, & dos uxorum reponeretur
marito. Itaque fortunis ampliter ditatus Iacobus, præter li-
berorum copiam, (*undenos* enim tum numerabat filios, quorû no-
mina, *Rubē, Simeon, Levi, Iudas, Dan, Nephtali, Gad, Aser, Issachar, Zabulon;*
Iosephum Rachel peperit; & postea in Chananitide Beniaminum, ex
cujus partu decessit, filiam genuit Iacobus unam; cui *Dina* nomē
ex Lia susceptam) ancillarum quoque, & servorum numerosum
famulitium, minorumque greges pecorum; & armenta majorû,
nempe camelorum, boum, asinorum comparavit, secum in Palæ-
stinam abducenda. Adeò prosperitatis fœcunda parens est virtus,
cujus pretiû longè aliâ metitur æstimatione DEUS, aliâ homines.

DOCTRINA.

*Varia expo-
sitio Scala
mystica.*

Scalæ hujus Mysticæ, & variæ & elegantes sunt explicatio-
nes; præcipuâ indicavimus in narratione, ubi addendum, per
descendentes Angelos Incarnationis mysteriû hominibus an-
nuntiari; per ascendentes, ardentia Patriarcharum desideria, & o-
rationes sursum ferri ad DEUM; per duo scalæ latera misericor-
diam, & veritatem, seu fidelitatē DEI, de promisso Messia, designa-
ri. Est eadem, symbolum Gubernationis divinæ; nam quid DEUS
innitens aliud, quàm Causa Prima, & primum omnium MO-
VENS?

qui tempus ab ævo

Ire jubet,

IACOBI SERVITUS PRO RAGHELE. 63

Ire jubet, stabilisque manens, dat cuncta moveri.

Genij sunt executores Providentiæ divinæ; scala à cœlo in terram pertingens, indicat, inferiora regi per superiora, videl. angelos: duro scalæ latera, suavitas & fortitudo DEI, in gubernando mundo; varij scalæ gradus, sunt varij modi Providentiæ DEI, rerumque species, & perfectiones inde manantes. Sic Homerus Iliade 8. DEI providentiam describit, & repræsentat, per catenam auream, à Jove è cœlo demissam in terras, quâ Jupiter omnia comprehendit, cōstringit, & ad se retrahit. Philoni Iudæorum disertissimo Scala significat hujus vitæ inconstantiam, in qua alij è sulis deijciuntur in imum, alij ex imo evehuntur in sumum, idque ad DEI nutum & voluntatem, qui scalæ huic incumbens, eam regit & dirigit. D. Bernardo scala designat profectum in virtute: Vidit, Jacob in scala Angelos ascendentes, & descendentes. Nunquid stantem quempiam, sive sedentem? Non est concessum, stare in pendulo fragilis scalæ; neque in incerto hujus mortalis vitæ quidquam in eodem statu permanet. Non habemus hic, manentem civitatem, aut futuram possidemus, sed inquirimus. Aut ascendas necesse est, aut descendas; si attentas stare, ruas necesse est. Minimè pro certo est bonus, qui melior esse non vult. Et ubi incipis nolle fieri melior, ibi etiam desinis esse bonus. *in epist. ad Abbates Sueffion.* Hieronymus verò *epist. 34. ad Julianum. tom. 1.* Scalæ hujus significatione utitur ad incitamentum resurgendi post lapsum. Vidit, *inquit*, Iacob scalam de terra usque ad cœlum, & ascendentes, per eam Angelos, & descendentes, & desuper innitentem Dominum, ut lassus manum porrigeret, ut ascendentes, sua ad laborem provocaret aspectu. Unde & vocatur locus ipse Bêthel, id est domus DEI, in qua quotidie descenditur & ascenditur. Et Sancti enim cōsuevunt, si fuerint negligentes, & peccatores pristinum recipiunt gradum, si sordes fletibus laverint. Hoc ideo dixi, ut non te terreant descendentes, sed provocent ascendentes. Augustinus *in ps. 44.* per scalam Jacobæam officium Concionatoris exponit. In scala Iacob, ait, Angeli ascendeabant, & descendeabant. Angeli Dei Prædicatores sunt veritatis; ascendant, ut erigant magnos; descendant, ut nutriant parvos. Vide ascendentem Paulum: *Sic mentis excedimus DEO.* Vide descendentem: *sive sobrii sumus vobis.* Vide ascendentem: *Sapientiam loquimur inter perfectos.* Vide descendentem: *Luc vobis potum dedi, non escam.* Cæterum ad literam, scala significat tres Iacobi afflictiones, divina consolatione mitigatas. Quasi diceret DEUS: tria te gravant, patria, parentes, frater. Patriam deseruisti, peregrinus in terram alienam tendis; at vide scalam, quæ tibi cœlum referat, quæ viam tibi in astra paratā ostendit. Deinde

parentes dereliquisti, & profugus ad incognitos pergis; at scito, DEUM hoc iter tuum dirigere, tibi adesse, te ducere, te protegere; tēque beatorum felicitatibus maximis. Tertiò fratri es exosus, & solus peregrinaris; at scito, tibi Angelos esse comites & duces, qui te saluum ducent in Mesopotamiam, hoc enim descendendo innuunt; ijdēque te incolumem reducent ad parentes in Chanaan, quod ascendendo indicant. Cornel. à Lapide in hunc loc.

Iacobo Scala est objecta, in loco deserto, sub Jove puro, ubi terram pro lestulo, saxū pro pulvino habuit, à turbis domesticis semorus; nimirū ita cœli negotia suavissimè spectantur. Animus avellendus à rebus caducis, si vult delectari mansuris.

Amorū dñ.

Iacob avunculo suo Labano pro filia Rachel septē annis servivit, & videbatur illi pauci dies pro amorū magnitudine. Quantò magis amores nostros rapiat illa felix æternitas, animi corporisq; summa beatitudo! illa Rachel formosa nimis & decora; tota pulchra, & sine macula &c.

*Propter pios
felicitantur
impj.*

Disce, quanta virorum proborum apud DEUM auctoritas, qui prosperitatē, impiorum inferunt ædibus. Deinde Fortunam non cæcam esse quampiam deam, mortalium spes volubili globo rotantem; id quod vel idololatra Labanus intellexit; cujus verba sunt: *experimento didici, quia benedixit mihi DEUS propter te*, scil: Iacobū. Alios esse fortunatos, alios infortunatos, id totum ex Divina pendet Providentia.

~~~~~

## NARRATIO XVI. IACOBVS AUCTUS LIBERIS. ET OPIBUS REDIT IN PATRIAM CHANANITIDEM.

Genes. 31. 32. 33. Anno M. 2296. ante Ch. 1757.



Am fluxerat annus vigesimus conformationis Haranée, cūmlacobus consilium capit de deferendo Labani famulatu, adornando in patriā reditu. Suadebant discessum cūm aliæ causæ, tum maximè, iniqui oculi, ac linguę filiorū Labani, quibus affinis incrementa dudum erant unguis in ulcere; accedebant tristes Labani vultus; quippe contra cujus spem, desiderium, & conatum nimium

nimiùm creverant opes generi ; adhæc, quod erat palmarium, urgebant profectiõnem iussu cælestia. Iacobus igitur, comunicatõ cum uxoribus consiliõ, suamque adductis in sententiam, anno ætatis admodum nonagesimo octavo, parat demigrationi necessaria tam diligenter, quàm occultè ; cuius expediendæ percomoda sese obtulit occasio. Labanus ad oves, quæ tridui à Iacobi pascuis aberant, tondendas abit. Iacobus utitur odiosi hominis absentiâ in rem suam ; uxores & liberos camelis imponit, insalutatõ focerõ, nequa vis aut remora iniiceretur abeuntibus, discedit. Rachel, incertum, an auri fulgore capta, an patrè ab avita superstitione advocatura, clam idola domestica convasat, & asportat.

*Iacobus clam  
à socero dis-  
cedit.*

Non potuit adeò clanculum adornari discessio, quin nunciõ ad Labanum perlato, ira & indignatio concitaretur in profugos. Insequitur continuato septem dierum itinere, cum valida suorum manu ; assequitur in Galaade monte ; graviter expostulat (nam nequid sævius tentaret, à DEO prohibitus erat) avunculus cum nepote, focer cum genero ; arguit plagij & sacrilegæ rapinæ. Iacobus, ut qui nihil de furtivis idolis resciebat, conscientia fretus, jubet expostulatorem investigare ; si quod caput in toto comitum esset agmine, quod furti teneretur, sese illud daturum noxæ. Abdiderat Rachel simulacra sub clitellis cameli, cui infidebat ; in hanc, cum frustra excussis cæterorum sarcinis, manum inquisitor iniiceret, illa muliebri delusit astu hiantè corvum, caussata morbum, per quem de jumento descendere haud liceret. Hic Iacobus animos & ipse fumens, vicissim Labano exprobrat calumniam furti, innocentibus impactam ; malèque collocatam tanti laboris, tantique temporis servitutè ; decies repetitam pactæ mercedis mutationem ; hancine gratiam suis rependi meritis ? hunc amorem liberis ? quid sibi vellent tam atroces minæ ; quæ quòd meditatam in facinus non erumperent, id quidè DEI clementiæ deberi, haud persecutoris armati voluntati ; DEUM sese iudicem, vindicemque appellare. Quibus auditis, fedatior Labanus, utiq ; maiore vi adactus, ultro descendere ad fœdus cum genero ineundum ; moxque in eius rei memoriam magnus lapidum congerit tumulus, unde nomen Galaadis factum est monti ; in extremo acervo utrinque adstituta saxa, tanquam columnæ & termini, neutri paciscentium transgrediendi ; quorum alter Mesopotamiam, alter Chananitidem respexit ; ibidem victimæ immolatæ Numini, cum adjuncta hilaritate convivij. Redit ad sua Labanus ; cœptum prosequitur Iacobus iter.

*Labanus in-  
sequitur ge-  
nerum.*

In ipsis Chananæ finibus obviam in aëre se tulerunt Angeli, eius Provinciæ Protectores, inde locum appellationè sortitus est Castrorum, nam & Genij Mesopotamiæ custodes, instructa veluti

*Iacobo obvi-  
am se ferunt  
Angeli*

veluti acie comitati sunt ad limites regionis Iacobum, & præfides Chananitidis Genij, venientem, tanquam præfidiarii milites exceperunt. Id loci per torrentem (*Iacobus* vocatur) agmine tracto, Iacobus cis amnem solus restitans, & intentus de nocte precibus, spectabilem habuit sub diluculum, Angelum Tutelarem, virili specie, ultro ad luctam provocantem. Ille tametsi grandævus, videns necessitatē sibi impostam congregiendi cum adversario, descendit in arenam, manum conferit manui, pedem pedi, ut palæstritæ solent, ea virium contentione, ut vidēretur palmam homini concedere cælestis colluctator; tamen ostensurus antagonistæ suo, quis esset, quocum iniisset certamen, os ei femoris luxavit, nervumque distorsit. Ne huic quidem dolori succubuit Iacobi virtus, quæ magis & magis sese colligens, injectis implicat adversarium brachijs, arctoque stringit complexu tamdiu, donec illucescens dies aperuit, luctationem eam cum cœlite commissam fuisse; mox subeunte animum meru, ne parum reverenter dimicatio suscepta fuisset, petit ab Angelo, in signum ut benevolentia illibata sibi bene precetur, utque velit adesse præsidio, in proximo, cum fratre, congressu. Obtinuit, quod rogavit, indēq; nomē *Israëlis* tulit; in testimonium fortitudinis, arduo luctamine probatæ; ex eo tempore gens omnis Hebræa Israëlitarum; locus verò certaminis appellationem *Phannela*, seu Visionis DEI traxit.

*Iacobus la-*  
*batnr cum*  
*Angelo.*

*Iacobi & E-*  
*savus occur-*  
*sus.*

Cæterum Iacobo ex ea lucta claudicanti, venit in occursum frater Esavus cum quadringentis viris armatis, ad quem jam antè pastores famulos cum muneribus præmiserat Iacobus. Agmen autem suum in tres turmas providē distribuit, charissimis quibusque in tertiam turmam receptis, ut si hostilis manus priores duas invaderet, spes suas in ultima fugiendo servaret. Post hæc progressus cum muneribus, singulari verborum humanitate conditis, ita placavit animum hominis, cæteroquin horridi & asperi, pristinis ut odiis in amorem versis, exciperent sese mutuis amplexibus & osculis, multa cum officiorum significatione; quibus persolutis, ab invicem digressi, Esavus Idumæam (quæ & *Seir*, & *Edom* dicitur) repetijt; Iacobus quoque profecutus iter, locum, ubi tentoria fixit, *Socotham* denominavit, indēque post aliquot menses discedens, juxta urbem *Salemum*, ditionis Sichimorum, consedit in agro centum agnis cœmptō, arā ibidem Numini erectā, cum inscriptione *ARA DEI FORTIS ISRAEL*. ut etiam lapides loquerentur illum, cujus, ut validam erat opem expertus Iacobus, ita cupiebat monumentis æternis religionem propagatam.

DOCTRINA.

## DOCTRINA.

**L** Aban abeuntem generum, velut fugitivum insecutus, in monte Galaad comprehendit, & Cur, inquit, ignorante me fugere voluisti, nec indicare mihi, ut prosequer te cum gaudio, & tympano, & citraria. *Hypocrynica lingua,* O linguam hypocrisis plenissimam!

*Ter peccat, qui se bonum illis simulat, cui facit malū.*


*Fuerintque ei obviam Angeli DEI. Quos cum vidisset, ait: Castra DEI sunt hæc.* Mira DEI providentia, & Angelorum erga suos cura.

In unius tutelam hominis, militia cœli stat in excubijs. Ite Cæsares & Pompeij, unôque pedis ad terram allisū, armatis orbem inundate. Ite capita coronata, densôque latera obsepitate satellite. Iacobo pedum est pro gladio; probitas, pro clypeo; Armigeri cœlestes pro custodia corporis. Sic itur in hostem à pijs. Huc facit illud Psalmi 33. *Immittet Angelus Domini* (subintelligitur, ipse se) *in circuitu timentium eum.* In Hebræo habetur: *Castra metatur Angelus Domini in circuitu timentium eum, & eripiet eos.* *Custodia Angelica erga pios.* Mira potentia Angelorum, ut unus vicem exercitus suppleat. Mira felicitas hominū, quos, ut S. Basilus in hunc psalmi locum ait, tanta virtus undique securitate circumvallat.

*Et ecce vir luctabatur cum eo usque mane.* Quicumque sub DEO *Pis precatio* militas, rebus in adversis præsidium à precibus pete; laudatissima importunitas, quæ Numen stringit, nec antè dimittit, quàm dederit, quod rogatur.

Quàm decorum pulverem hac in arena collegit Virtus! singuli gressus claudicantis victoris, erant argumenta fortitudinis.

Pulcherrimo titulo Olympionicem fecit palma, ex Olympico antagonista, reportata.



NARRATIO XVII.  
 DINAË, IACOBI  
 FILIAË, VIOLATIO, ET  
 INDE CONSECVTA SICHEMITARVM CLA-  
 DES. Gensl. 34.

Anno M. 2035. ante Ch. 1748.



**V**RBS erat in Chananitide, cui nomen *Sichem*, aut *Sichar*, (secundum quosdam *Salem* postea, aut *Salemum* dicta, dissentiente Saliario) In eius urbis vicinia, agrum emerat Iacobus, ubi constitutis tabernaculis, araque (uti memoravimus) exstructa, cum familia ampla habitabat. Urbi & provinciae imperabat *Hemor*,cujus filius *Sichem*, in voluptates effusior, licentiam vivendi ducebat à potentia dominandi. Fortè *Dinam*, Iacobi filiam, jam nubilem, formae supra ceteras puellas venustae, curiositas impulerat urbem Sichimorum visendi, morésque feminarum urbicos, & studia cognoscendi; virgines enim coaevae tunc magno numero sive ad nundinas, sive festum quodpiam solenne convenerant; quas ut ipsa videret, videri simul cupiebat. Rarè sine periculo prodit in publicum cultiore veste formaeque castitas. Vix oculis libavit puellam *Sichemus*, cum flammam in pectus attraxit, coepitque ardere simul & amare, efflammamque deperire. Mox abreptus cupiditate Virginis potiendae, cum lenocinijs ad flagitium pertrahere non posset, vitium obtulit reluctantem. Illam, ut par erat, illati dedecoris injuriam, indignissimè ferentem, vindicésque minas spirantem, conatur pudoris praedo blanditijs lenire, spem facere conjugij, quo culpae simul & ignominiae macula abstergeretur. Nec ipsa, ut feminarum est ingenium, visa est aspernari nuptias. Quare *Sichemus* amoribus suis, jam honestis fruiturus, adit patrem *Hemoram*, instat, urget, obsecrat, sibi ut Iacobum, *Dinae* patrem, exoptatasque nuptias conciliet. Cæterum eius rei rumor jam antè ad Iacobum pervolàrat, & ab hoc ad filios, *Dinae* fratres. Oritur omnium indignatio gravissima, & abolendae

*Castitas in  
publico pa-  
rum tuta.*

*Amoris ve-  
lania.*

& abolendæ injuriæ cupiditas. Inter cæa adest Hemor, petit filio suo uxorem Dinam, offert mutua connubiorum fœdera ac commercia; munera præterea dotalia, & quidquid pro delicto satis dandum exposceretur. Simulant fratres Dinæ, eam Societatem haud displicere sibi, modò affinitas, ut esset stabilior, circumcisione corporum, juxta ritum Hebraicum sanciretur; gliscente interim sub pectore meditatâ sævitiâ. Acquiescunt sectioni Hemor, & filius, eamque suis persuadent civibus. Fluit undique sanguis, unius ad hominis libidinem extinguendam. Itaque stratis omnium voluntario de vulnere corporibus, die tertia, quâ maximè dolor exacerbatur, Israëlitz occasione vindictæ utendum rati, consurgunt furiose, ductoribus Simone & Levi, armatique urbem ingressi, crudelem edunt stragem inter Sichimitas, ex recentifectura decumbentes, ac invalidos ad resistendum; mares omnes interfecti. Irrumpunt suis cum manipulis cæteri quoque fratres, non tam cædis, quàm prædæ participes futuri; urbs omnis diripitur, greges, armenta, uxores parvis cum liberis in captivitatem abducuntur. Tanti stetit vel ira, cum in rabiem vertitur; vel amor, cum libidine insanit. Vesana crudelitas meritò gravissimè Iacobum affecit, quippe cujus mores ab omni sævitiâ plurimum abhorrebant; tantòque detestabilior accidebat ei juvenum furiosorum immanitas, quod videbat illam conjunctam, cum summa perfidia & sacrilegio; quando ad dirum facinus perpétrandum non dubitârunt præferoces ultores, Sacramento circumcissionis, quod nihil religiosius apud eam gentem habebatur, abuti. Et erant illi facinorosa quoque scelera involuta. Quid enim tanta supplicij atrocitas in eos, qui pro damno illato facere satis, darèque paratos se ostendebant; quid cædes tot innocentium, & nulli culpæ affinium; quid direptio ædium, fortunarum, agrorum; quid in servitutem abstractio peccorum, hominûmque, in quos nullum jus hostilitatis, nulla justi furoris cæssa? Accedit maxima temeritas, quæ Iacobum cum omni familia in præsentissimum internecionis discrimen conjecit, quod imminebat ab ijs, quorum communia odia & arma, barbaræ crudelitatis exemplum provocavit; hæssissetque dubio procul ultio in tergis nocentium, nisi vicinarum civitatum vindices manus avertisset Divini providentiæ Numinis, mirifico favore Iacobum protegentis. Auxit gravitatem sceleris obstinatio peccantium, dum cædium & rapinarum auctores, objurgati a parente, nihil pacati respondent; & tanquam furor tot sævitiæ argumentis nondum exsatiatus esset, perseverant justiciam prætexere vindictæ, juris omnis & modî limites excedentis. Nempe cum pudorem profligavit contumacia, virtutum nomina sce-

*Crudelitas  
filiorum Iacobi.*



leribus imponuntur; & quod malè sit, longè peius defenditur.

## DOCTRINA.

*Curiositas  
castitati  
inimica.*

**P**udorem cum pedibus Dina extra domesticos parietes extulit; ad nundinas venit, ut castitatem venderet; virgo do-  
,, mi mansura. Exijt Penelope, redijt Helene. Tenera res, ait  
,, Hieron. *epist. 9.* in feminis fama pudicitiae est: & quasi flos pul-  
,, cherrimus, citò ad levem marcescit auram, & statu corrumpi-  
,, tur. *Et epist. 22 ad Euslob.* Hortus conclusus, soror mea sponsa,  
,, hortus conclusus, fons signatus. Cave, ne domum excas, & velis  
,, videre filias regionis alienae, quamvis fratres habeas Patriar-  
,, chas, & Israël parente læteris; Dina egressa corrumpitur.

*Impurus a-  
spectus.*

Videre & videri, magnus est ad concupiscendū aditus: nam,  
quod Clemens Alexand. l. 3. *Pædag. c. 11.* sapienter monet: dū  
,, nesciūt oculi, calefcūt appetit<sup>9</sup>. Prima libidinis sagitta est oculus.  
uritque videndo femina. Virg. 3. Georg.

Mulier est tactu viscus, visu basiliscus. Est hæc ipsarum fallacia,  
quòd ita fugiunt, ut velint videri: ita pugnant, ut velint vinci: ita  
exercent odia, ut tunc ament maximè. Cornel. à Lap. in c. 4. Prov.

Miserum te Sichemum! ut vidisti! ut perijsti! nimirū homo  
libidinis amans, compedes gerit in oculis, quibus vinciat; glu-  
ten, quò affigat; hamum, quò inuncet; flammam, quibus adurat;  
sagittas, quibus confodiat, & suum animum, & alienum. Et Chrys.  
,, *Serm. in Ozia.* Sicut ignis, ubi calamū apprehenderit, mox attractā  
,, materiam suā flammā accendit. Ita ignis concupiscentiæ, ut  
,, primū formositatem & venustatem visu attigerit, animum  
,, statim inflamat.

*Perfidia ve-* Turpissimā perfidiæ notam autores cædis, sibi suæq; familiæ  
*prehenditur* inusserunt Unde Iacobus eos detestatus Gen. 49. *Simeon*, inquit,  
*& Levi vasa iniquitatis bellantia* (instrumenta sceleris & furoris) *in*  
*consilium eorum non veniat anima mea, & in catu eorum non sis gloria mea.*  
*Maledictus furor eorum.* Quasi diceret, absit, ut gloriè tam impio fa-  
cinore; detestor, execror sanguinariam fraudem, & crudelem se-  
viendi libidinem. Atque, ut malè imprecatus est, ita malum sense-  
runt mali. Salomon Prov. 3. ait: *Abominatio Domino est omnis illusor.*  
Fraudem & fallaciam Ethnici quoque detestati sunt. Cicero *lib. 3.*  
*offic.* graviter hortatur, ne quid insidiosè, ne quid simulatè, ne quid  
,, fallaciter committatur. Et Val. Max. *lib. 9. c. 6.* Perfidia tantū incom-  
,, modi humano generi adfert, quantum salutis bona præstat fides.

*Cur Simeon  
& Iuditha  
laudetur.*

Quòd si libro Iudith. c. 9. laudari videtur hoc factum, Iustitia  
tantū Dei laudatur, quā Sichimitarum impuritas & violentia  
vindicata est; Deūque dicitur gladium Simeoni dedisse, ad eum  
modum, quò datus est postea Chananæis & Assyrijs, ut divine Ju-  
stitiæ administri essent, ad puniendā peccata Judæorum, sceleris  
ipsi interim non immunes.

NARRATIO XVIII.

# NARRATIO XVIII. VARIA IOSEPHI PATRIARCHÆ FORTUNA

Genes. 37. & seqq.



**I**osephus filiorum Iacobi ut pulcherrimus, ita sanctissimus, Rachele natus, à fratribus ceteris, inter pasqua, per invidiam & odium innocentiae, crudeliter oppressus, Ismaëlitis institoribus, illac fortuito prætermeantibus venditur : & ab his in Ægyptum abducitur, cum ætatis ageret annum septimum, supra decimum. Illic iterum *Putiphari* cuidam, supremo regiae militiæ Praefecto venundatus; pro mancipio servit, quem liberum mater genuerat : quémque pater fratrum conspirante mendaciò deceptus, flebat, tanquam à silvestri bestia laceratum. Sed Iosepho tamen interim, ob virtutes ac Numinis assistentem opem clemens fuit, ac tantum non Dominica servitus. Fuiisset eadem & felix; nisi præstantis formæ bonò, parum fausto, pudicissimus juvenis in oculos dominæ descendisset profundius, quàm ipse voluisset. Hujus ille sollicitationibus primùm venereis; deinde ( cum eam repulsâ castissima rejecisset ) calumnijs appetitus, in iram herilem, carceremq; regium insons detruditur, annos natus septem ac viginti. Triennio lapsò, cum Ægyptio regi *Pharaoni* perplexum de septenis bobus pinguibus, ac macilentis, totidemque spicis opulentis, & exes, perspicua dexteritate somniù enodasset: de servitio translatus in libertatem, deque carcere productus in palatium, Ægypti Prorex renuntiatur. Eius dictatis, consiliisque, quidquid septennio primò fertililitatis enascitur, in horrea congeritur, & in pyramidum illa spatiosa granaria, famis subsecuturæ provido remedio præparata. Successit septennium alterum, sterilitatis: quâ, neque cœlo terras, neque Nilo campos influente; passim omni, non Ægyptò tantum, sed Arabiâ, Palæstinâ, Syriâque laboratum est. Tunc apertis in tempore frumentarijs cellis, frugibusque divenditis, per compendia fiscus regius in inensum auctus: Ægyptus argento, pecore, libertate fuit exhausta; volens tamen ac lubens, & ob id

# NARRATIO XIX. EADEM HISTO- RIA FUSILUS EXPOSITA.

Anno Mundi 2319. Ante Christum 1734.

**I**osephus Iacobi Filius, mirâ DEI vel indulgentiâ, vel virtutis mercede, è carcere promotus in regnum, utriusque fuit exemplar fortunæ. Is patri longè charissimus, cùm per invidiam venditus esset à fratribus, & apud Putipharem Dominum gratus, placuisset & Domini; pudicitia tamen posthabens omnia, per heræ calumniam conjectus in carcerem, trienniò castitatem amavit in vinculis. Nec ultra DEUS præmium distulit; Iosephus per interpretationem arcanorum, Pharaoni notus, ad regni administrationem evectus est, triginta natus annos, in qua per octoginta perseveravit, inaudita aulici felicitate; verè castitatis Martyr & Corona. Historiam multò amœnissimam, & eventuum varietate mirabilissimam, per membra sectam dabimus.

## CAVSSA INVIDIAE FRATERNÆ ET VENDITIO IOSEPHI. Gen. 37.

Anno Mundi 2306. Ante Christum. 1747.

**I**osephus ocellus patris sui Iacobi, & senectutis, nam grandævus eum genuit, delictum, sedecim annorum adolescens, in gravem apud fratres, quos numerabat decem (undecimus *Benjaminus* admodū puer erat) invidiâ & odium incidit, non nisi innocentis interitu extinguendum. Flammas livori subiecit causâ non una; exulcerabat enim fraternos animos inquisitio criminis, nescio cuius; *pessimi* tamen, ut divinæ loquuntur paginæ, cuius ipsi adparentem à Iosepho erant delati; tum imagines quædam adolescenti per somniū objectæ, quas ipse, de sua metiens alios innocentia puerili candore aperuerat, dum per quietem vidisse se narrat, & se, & fratres colligare manipulos; suum ex illis manipulum stetit erectum, visumque adorari à fraternis manipulis

*Causa vult  
fraterni in  
Iosephum.*

circumstantibus ; aliàs quoque, solis & lunæ speciè , undecimq; siderum oblatam , sese devenerantium. Quas illi narrationes intolerabilem arrogantiam interpretantes , indignabantur, puerum inter viros affectare dominatum. Ussit quoque invidorum oculos vestis polymita , togula scilicet multicolore filo eleganter contexta, quam Iosepho fieri parens curavit , deditque ferendam, in amoris præcipui insigne. Amandaverat is fortè adolescentem ad fratres pascendis gregibus occupatos, exploratum, quid agerent, quibûsq; in pascuis curam gererent gregum. Iosephus imperij paterni tenacissimus, oberrabat sollicitè , dum inveniret non jam fratres, sed penè carnifices. Vix enim procul venientem intuiti, continuò de cæde illius deliberant, somniatorem per convivium appellant; atque, ut patri os oblinerent, à feris discerptum dicere statuunt. Intercessit cruento consilio fratrum unus, *Ruben* nomine, suasitque, sicca morte afficerent puerum , inque cisternam abiectum enecarent fame potius , quàm tenero manus imbuerent sanguine. Placuitque genus necis. Versicolore igitur prætexta adolescens exiit, quidquid ille precibus, lacrimis, questibus, obsecrationibus instaret, modò singulos, modò universos, per DEI clementiam, perque parentis senectutè deprecando. Nihil potuit frigidus sudore pavor, blandus rogantis decor, fraterni pietas sanguinis. Ab obstinatis per funes in profundam demittitur foveam, lenta fame conficiendus. Non diu latuit in illo cavo, sepultus antequam mortuus ; cum auctore *Iuda* retrahitur in lucè, & *Madianitis* negotiatoribus, fortè prætervehentibus, viginti venundatur argenteis; à quibus in Ægyptum abducitur, Putiphari, viro principi, militiæq; sub rege Pharaone duci, denuo pro pretio addicendus. Interea per plagarios fratres illuditur parenti seni, persuadetur ei , Iosephum filium , in prædam cruentæ belluæ cessisse : fidei faciendæ, pueri tunica, hœdino sanguine tincta exhibetur ; nec difficile fuit viro candido fucum facere ; mox igitur miserabilis senex ire in lacrimas & lamenta nullo solatio , nisi morte lenienda. Adeò scelus ex scelere nascitur. Qui fratrem invidendò dederunt exitio ; parentem mentiendò vivum funus fecere.

## I I.

## IOSEPHI PUGNA PRO CASTITATE, ET CONIECTIO IN CARCEREM.

Gen. 39. A. M. 2316. ante Ch: 1737.

**D**EUS Iosephum, domi ut servavit, ita nec peregrè destituit. Hinc in rebus omnibus secundus successus ; hinc gratia & benevolentia heri Putipharis , famuli sui prudentiam fidemq; mirè suspicientis ; & adeò domûs ei totius curam comitentis, eò quidè emolumentò, ut omnes heri facultates maximis augmentis

*Iosephus  
à fratribus  
venditur.*

augmentis locupletarentur. Sed ò nihil tutum in rebus humanis, nihil ab omni parte beatum ! erat Iosephus eleganti forma, ideóque gravior, pulchro veniens in corpore virtus. Hæc dominæ irritamento fuit amoris impudici. Iam illa liberius, quàm castam decebat, oculos in adolescentem conijcere, & veluti raptis in fomite igniculis, occultum sub venis ignem alere ; mox observare tempus, quo sine arbitris posset ephebus ad flagitium invitari. Animosè non semel repugnanti, fidemque hero, Deóque debitam opponenti, iterum iterumque admove re preces, blanditias, munera, terrores ; instare quotidie importunior, tandem etiam manum iniicere recusanti, & ad facinus tantum non compellere. At ille victoriam in fuga positam esse ratus, palliò, quod lena prehenderat, in manibus improbis relicto, foras sese proripuit, quamvis potius calumniam, quàm iacturam castitatis subiturus. Irritata juvenis verecundiâ Venus, tantum exarsit odio, quantum prius flagratat amore: nimirum aut amat, aut odit mulier, nihil est tertium. Et sævissima tunc est, cum stimulos odio pudor admovet. Primò apud domesticos innocentem infamiâ onerare ; deinde ad maritum cum pallio accurrere, cum lacrimis & questionibus famulum in crimen intentatæ turpitudinis vocare, in testimonium defensæ integritatis amiculum, violento pudoris aggressori ereptum, ostendere. Credidit inconsulta temeritas mulieri ; reo decem ipsis annis, exploratæ probitatis argumentis suffulto, locus purgandi non datur. Innocens in carcere & vincula abripitur, fiducia bonæ causæ, etiam in illa fortuna, animum sui securum comitante.

### III. VATICINIA JOSEPHI IN CARCERE. Genes. 40.

Anno Mundi 2317. Ante Christum 1736.

**T**Enuit igitur custodia vinctum, si teneri vincisquæ potuissent conscia recti; aut deprimi calumniâ, quem perpetuus Numinis favor erexit ; Gratiam, quam apud Putipharemeritis suis inierat, captivo quoque virtus apud carceris Præfectum conciliavit. Fortè in eodè carcere attinebantur duo, de Pharaonis palatinorû numero, quorû alter pincernis, alter pistoribus præfectus. Utriq; aliquanto post tempore, eadè nocte, objectu fuit somnium, cum officiis, quæ gesserant, tum rerû eventui congruens. Utrumque species oblatae tristem & futurorû expectatione suspensum tenebant; nec libertas dabatur conjectores pro gentis illius superstitione consulendi. Obtulit operâ Iosephus, spe fretus, DEUM, arcanorum omnium cognitorem, illa visionum abdita

*Somnium  
pincernæ  
explicatur.*

*Et pistori.*

abditā sibi referaturum. Somnium pincernæ erat objecta vitis cum tribus palmitibus, è quibus gemmæ primum erumpebant, tum paullatim dilatæ frondescere, fructus minutos emittere, & hi florentes grandescere, adque maturitatem perducī, à pocillatore in calicem Pharaonis exprimi, regique porrigi videbantur in potum. Explicavit visum Iosephus, & *tres visu propagines* totidem dierum intervallum interpretatus, prædixit, hominem elapsò triduò, muneri suo restituendum. Ex ea conjectatione spem melioris fortunæ etiam Pistor concipit, quidq; somniasset, exponit; visa nimirum tria canistra viminea, capiti suo imposita, in quorum medio & imo panes inerant candidi, è polline confecti, in supremo varij servabantur cibi, arte pistoria confieri soliti, quos advolantes depascerent aves. Neque hîc vel fides interpretide fuit, vel veritas. Prænuntiat misero Vates omnia alia fata & effata exspectanti, fore, ut intratium dierum intervallum, suspensus de patibulo, cederet in escam corvis. Nec aliter, quàm vaticinatus est, utrique evenit. Inter hæc qui ad regios stabat cyathos, gratiæ, unde exciderat, redditus, & conjectoris oblitus fui, & datæ fidei, quā receperat, se apud regem libertatem captivo impetraturum, in causâ fuit, quare Iosephus bienniò insuper hæreret in vinculis, DEO famuli sui tolerantiam exercente, & ad majora reservante. Inter illos, quos per somnium viderat, manipulos, spicam diceres, etiam Iosephum fuisse, tantò honorum fertiliorē, quantò ad terram inclinatiorem.

## IV.

IOSEPHUS SIBI REGIS  
PHARAONIS GRATIAM CONCILIAT

VATICINIJS. Gen. 41. A.M. 2319. ante Ch: 1734.

**L**ibertatem, cujus spem explicatio somniorum, jam antè Iosepho fecerat, Vates ferè divinus, à rege Pharaone hunc in modum, cum magno felicitatis incremento, reportavit. Videbatur sibi rex per quietem stare juxta Nilum fluvium; ex hoc cernebantur emergere septem boves pingues, in locis humentibus atque herbidis pascentes, remotius à fluminis alveo. Totidem aliæ indidem ascendebant, sed macie confectæ, inque ipsa amnis ripa tenue carpentes pabulum; quæ tametsi strigosæ & macilentæ, habitiores illas, & corpulentas devorare visæ sunt; quò alludebatur ad fertilitatem & sterilitatem Ægypti. Nam in tenui Nili incremento, sterilecebat ægyptia terra, id quod significabant jumenta in ipsa ripa cibū quærentia; secus pinguioribus accidebat



accidebat bobus, quippe quibus pabulum suppetebant remotiora pascua, & fluminis humore abundantia. Accessit ei somnio alterum, materiâ diversum, significationis eiusdem. Videbantur septem uberes spicæ culmò attolli unò, juxta quas aliæ septem graciles, & uredine afflatae surgerent, priores absumentes. Terruit ea res Pharaonem jam vigilem; petit à divinatoribus conjecturam somnij; aptam nullus dedit. Hic pincernarum præpositus, sui memor interpretis, Pharaoni auctor est, Juvenem ut divinandi peritum advocari jubeat è carcere. Vocatur, ritûque attensus Ægyptio, ac vestitus, in regis conspectum admittitur; geminum ei somnium narrantis. Respondet expeditè Iosephus, ijs somniantis spectris indicari magnam tam copiam, quàm inopiam pecoris ac frumenti, septem annos ubertatis, exceptum iriâ totidem annis ingentis sterilitatis; suadet unum aliquem virum sapientiâ & industriâ præditum, summa cum potestate frumentationi præficiendum; frugumque in annonæ vitæ coemptarum, maximum comeatum in regis apothecis & horreis condendum, ingruentis subsidio famis. Placuit consiliû tam regi, quàm optimatibus; præficitur Iosephus (quis enim alius aptior?) universæ rei frumentariæ, & regijs decoratus insignibus, annulo signatorio, purpura, torquæ, curru, totius prærex Ægypti proclamatur. Palmam diceres Iosephum, quæ pressa resurgit, tantò altior, quantò pressior.

*Septem pingues boves,  
& septem graciles  
quid significarint.*

## V. IOSEPHI IN FRATRES MITIS AUSTERITAS.

Gen. 42. 43. A. M. 2327. ante Ch: 1726.

**S**eptenniò fertilitatis exactò, sterilitas ingens non Ægyptum modò, sed totam Chananitidem, & vicinas provincias afflixit; quare Iacobus, còmpertò, frumenta apud Ægyptios esse venalia, denos mittit filios, triticum comparaturos. Qui delati *Memphim*, aut potius *Tanin*, non procul inde sitam, tunc urbem regiam; adductique ad proregem (fratrem non agnitum; multum enim viginti annorum spatiò & facies erat, & vox immutata) supplici demissione Principem venerantur, & rogant, annonæ sibi coemendæ fiat copia. Iosephus vultu ad severitatem composito, paullatim eos interrogationibus adducit, genus ut omne suum, familiamque declarent; inde occasione sumpta imperandi, ut *Beniaminus* fratrum minimus ad se adducatur; imperijs terrores addit, hostiles exploratores appellat. De quo crimine cum ipsi se venerabundi purgarent, nomenque parentis,

I.

& alia



& alia Innoeentiae suae argumenta prætenderent, Iosephus graviores fingens iras, jubet omnes custodiae tradi, quasi per otium in quaestionem dandos. Triduô post eductos è carcere, domum remittit cum tritico, repositâ clâm in ore saccorum frumentariorum pecuniâ, annonae coëmpthæ pretio, additis in viam cibarijs; *Simonem* retinet obsidem, non eximendum vinculis, donec natu minimus, primo quoque tempore sisteretur. Quæ dum fiebant, collatis inter se capitibus fratres, regressi in memoriam veteris delicti, calamitatis causam referunt in crudelitatem, quâ fratrum in sanguinem olim sæviebant, intelligente (quod non rebantur) sermonem Iosepho, & se cum lacrimis ultro fluentibus, avertente. Non pôtuit enim animus tam nobilis diutius reprimere humanitatis sensum, & cum invita natura luctari generosus spiritus.

## IOSEPHI AGNITIO, ET FRATRUM, AC PARENTIS LÆTITIA.

Gen. 44. 45. 46. A. M. 2328. Ante Christum. 1725.

Iacobi obitus & Iosephi. A. M. 2345. 2399. ante Ch.

1708. 1654. Gen. 47. Exod. 13.

Quibus rebus domum ad Iacobum renuntiatis, reveſtâq; quam pro mercede debebant, pecuniâ, duo comprimis optimi ſenis animum affiſtabant, alter filiorum (*Simeonis* erat) captivus; alter dimidium cordis ſui, *Benjaminus* in exteras terras abducendus. Simul fame magis ac magis ubiq; graſſante, altera adornatur profectio; adjicitur alterum tantum emptionis pretium: adduntur munera *Ægyptio* Principi ferenda; ipſe quoque *Benjaminus* non ſine maximo mœſtiſſimi parentis dolore, extorquetur itineris ſocius. Redeunt in *Ægyptum*; accipiuntur à *Iosepho* perhumaniter: *Benjaminus* præſertim, cujus præſentia amoris lacrimas excuſſit ignoto fratri: adhibentur epulo: primæ lautitiæ *Benjaminus* dantur, iterumque dimittuntur cum ſaccis annonarijs, & pecuniâ in ijs abſconditâ, ſcyphôq; argenteo in *Benjaminus* ſacrum impoſitô, ſed ecce novus actus fabulæ! Dum abeunt, ſibi ſuæque familiæ de humanitate Venditoris gratulantes, ſubitô miſſis equitibus retrahuntur ex itinere: repoſcitur non pretium tantum tritici ſaccis iterum frumentarijs abditum, ſed ſcyphus inſuper argenteus, veluti furto ablatus. Quid multis? aperiuntur ſacci; adoleſcens (pro cujus ſalute vadem ſe parenti *ludas* obtulerat) reus ablatis argenti tenetur, & in ſervitutem depoſcitur. Omniû hîc conſternatio, nec, quid obtenderent, quidve excuſarent,

*Scyphus argenteus in ſacco Benjaminis frumentario abſconditur*

cusarent, satis habebant. Agnoscunt facinorum quondam patrum Ulteriorum DEUM, humique prostrati, genua Principis amplectuntur, manu ferientes pectora, perque parentis miserandam canitiem pro Beniamino deprecantes, causam imprimis perorante Iuda, & ultro se fratris loco, servituti addicente, ac Beniamino impactam sibi culpam decoris lacrimis diluente. Non potuit ultro se cohibere Iosephus, affectibus & lacrimis inter se certantibus; jubet arbitros à loco facessere, solisque retentis fratribus, in flentis simul, & gestientis vocem erumpens, dat sese agnoscendum, *Ego sum*, inquit, *Ioseph, frater vester, quem vendidisti in Ægyptum*. Nolite pavere animis, DEUS DEUS est, qui vestrum in bonum in has me terras præmisit. Festinate, & patri nunciate, Iosephum filium vivere; maturaret igitur cum omni domo sua iter in Ægyptum; quinquennium superesse famis; & Pharaoni constitutum, non ultra frumentum extra regni limites divendere. Quibus dictis singulos suavissimè complexus, cum largo fletu in Beniamini collum ruit, lacrimas miscens lacrimis. Fama rei, primò per omnem Pharaonis aulam didita, deinde ad regem perlata, implevit omnes gaudijs. Mox jussu regis expediuntur currus, jumenta, munera, ad subvectionem conjugum, liberorum, omnisque suppellectilis. Venit Iacobus cum universa familia & facultatibus suis in Ægyptum; Iosephus acceptò de patris adventu, nuntiò, curru sublimis procedit obviam in terram *Gessenam*; redditur parens filio, filius parenti postliminiò vivus; itur in lacrimas, amplexus, oscula; regio *Gessena* assignatur advenis; in qua, rem cùrantes pastoritiam, adeò numero sunt & divitijs aucti, ut intra quindecim annos & ducentos, quo tempore Hebræi Ægyptum incoluerunt, ex septuaginta capitibus, quæ cum Iacobo immigrarunt, (superadditò Iosephò cum duobus filijs) posteritas succreverit ad virorum milia sexcenta; non putatà puerorum, mulierum, servitiorum multitudine. Adeò crevit semen, quod olim Abrahamo DEUS interastra spectandum dedit. Genes. 22.

Cæterum centum triginta natus erat annos Iacobus, cum ex Chananitide profectionem in Ægyptum suscepit. Ibi cum annis decem & septem comoratus, magnas comparasset opes, in supremam ægritudinem incidit. Ad decumbentem invisit Iosephus, tunc temporis Ægyptius princeps, duobus cum filijs, *Ephraimo* & *Manasse*. Senex recreatus filij, nepotumque præsentia, erigit sese in lectulo, demissis in terram pedibus, comodiùs admissurus in amplexus charissima capita. Adduxit utrumque Iosephus adparentis genua, auspicas avi preces excepturum. Manasses (quippe primogenitus) stabat ad dextram Iacobi, Ephraimus ad sinistram,

*Iosephus se  
fratribus  
aperit.*

*Iacobus cum  
omni fami-  
lia in Ægy-  
ptum migrat.*

*Mors Iacobi*

Iacobus cælestibus mysterijs edoctus, natu posteriorem antefert priori, decussatis brachijs, lævam imponit Manassi, dextrâ Ephraïmo. Monitus de adolescentum ætate, manibus quoque paternis in alium situm à Iosepho translatis, respondet, id à se factum, haud quaquam futurorum ignarò, nam Manassæam tribum ab Ephraïmitica longè superatum iri tam ditionis amplitudine, quàm multitudine colonorum. Invocato deinde super eos non DEI solum, sed Angeli quoque Custodis sui nomine, copiosam utrique posteritatem est imprecatus. Ipsi autem Iosepho, in grati signum animi, terram *Sichimorum*, belli jure ab Amorrhæis obtentam, dedit munerì. Advocatis sub hæc, cæteris ad se filiis, monita Salutis, & faustam precationem impertit; quæq; seris post temporibus essent eventura, prædicit; Judæ præsertim, nascituri ex ipsius progenie *Messie*, Vaticinium edit.

Ad curas postea supremi conversus officij, petit à filijs, (id quod jam antè à Iosepho, religione juramenti interpositâ promissum ei fuerat) ut cadaver suum in Chananitidem revehant, & in agro *Ephronis Hethei*, non procul urbe *Hebrone*, ubi Abrahamus & Isaac in spelunca conditi, avito monumento inferant. Quibus dictis, sese in lectulo composuit, & sanctam animam placide exhalavit, anno ætatis quadragesimo septimo supra centesimū. Clausit ei oculos filiorum amantissimus Iosephus, largas funeri lacrimas cum oculis impendens. Eam pietatem fratres secuti reliqui. Corpus exanime, jussu Proregis, à pollinctoribus vario conditum est aromate. Luctus ad septuagesimum usq; diem extractus. Quibus peractis Iosephus cum fratribus paternum funus in Chananæam regionem, & desideratum conditorium, magna cum pompa deduxit. Ab eo tempore Iosephus provixit in Principatu quatuor & quinquaginta annos, universim octoginta; vitæ centū & decem. Ejus lipsana, uti fratres adjuraverat vivens, annis abhinc amplius trecentis, à Mose in Chananitidem sunt asportata.

## DOCTRINA.

*Invidia nolis prodest.*

**V**irtus Iosephi, & apud parentem gratia, fratrum odium, & invidiam concitavit, quæ dum nocere cogitat, invita prodest. Iosephus nunquam ad Proregis Ægyptij dignitatem ascensurus fuisset; nisi eum invidia fraterna ad illud culmen extulisset. Est enim invidentia testimonium virtutis, signum innocentiae, argumentum laudis, incitamentum indolis generosæ. Misera fortuna, quæ caret inimico, Virtus agitata crescit, marcescit sine hostibus.

*Encomia Iosephi.*

Quàm multiplex encomium in adolescente Iosepho. 1. admiranda formæ, & pudicitiae mixtura. 2. servitus libertate nobilior, animò nullis vitijs subjectò. 3. constantia in adversis; quò afflictior,

Etior, hoc DEO conjunctior. 4. Felicitas heri, fidelitas servi. 5. servus exemplar servis, & dominis. 6. arduus in oppugnata castitate triumphus. Fuit enim periculū à juventute; agebat Iosephus annum vigesimum septimum. Ætate tam florida, non opus oleū affundere camino, ardet ultro. Aspectus Dominae quibidianus. Verba dulcissima, admistis forsan lacrimis ponderosa. Diurnitas sollicitationis & importunitas; decem ipsos annos tenuit oppugnatio castissimi pectoris, eius generis victoriæ exempla ante se non habentis. Munuscula & dona, lautissimis promissis aucta. Fiducia latendi. Terrores ac minæ frequentes. Unde meritò Chryso-  
 „ stomus exclamans, Magis miror, inquit, Iosephum in hoc igne  
 „ penitus illæsum, quàm tres pueros in fornace Babylonica non  
 „ combustos. Victori magni Viri acclamant: Vicisti, vicisti Iose-  
 „ phe, quia in igne fuisti, & non ardisti. Quò difficilior hæc pugna,  
 „ hoc pulchrior victoria. Parempalmam desideras; paribus ar-  
 „ tibus pugna; trilici pro clypeo, erit *Timor Numinis*; Iosephi ver-  
 „ ba sunt: *Quomodo possum hoc malum facere, & peccare in DEUM meum?*  
 „ Deinde, *matura fuga*. Iosephus fugiendo vicit, & pro trophæo  
 „ pallium in manu lenocinantis reliquit. Tertiò *consideratio finis*;  
 „ prius expende pœnam, quàm audeas noxam; lætum est libidinis  
 „ initium, tristis exitus.

Sed innocentia carceri includitur. Quid tum? animus in-  
 „ teger vitæ, scelerisq; purus, etiam inter vincula liber est. Egre  
 „ giè Chrysost. *Hom. de Ioseph vendito, tom. 1.* Intrat, ait, Ioseph Sanctissi-  
 „ mus custodiâ, visitator magis, (custos enim carceris omnia Iose-  
 „ „ pho crediderat) quàm reus; provisor, non focius; medicus, non  
 „ „ ægrotus. Adeò sit cunctorum præpositus, sit in reorum sola-  
 „ „ tium procurator. Gaude innocentia & exulta; gaude, inquam,  
 „ quia ubiq; illæsa es, ubique secura. Si tentaris, proficis; si hu-  
 „ miliaris, erigeris; si pugnas, vincis; si occideris, coronaris. Tu  
 „ in servitute libera es; in periculo tuta; in custodia læta. Te po-  
 „ tentes honorant, suspiciunt principes, magnates exquirunt. Ti-  
 „ bi boni parent, mali invident, Zelant æmuli, inimici succumbūt.  
 „ Nec unquam poteris victrix non esse, etiam si inter homines tibi  
 „ iustus defuerit iudex.

*Innocentia in  
vinculis est  
libera.*

Admiranda Divinae Providentiæ series. 1. Fratrum invidia. 2.  
 „ Transitus Ismaëlitarum. 3. servitus extra patriam. 4. accusatio  
 „ falsa. 5. Utriusq; aulici somnia. 6. Pincernæ liberatio & recor-  
 „ datio consectoris. Deinde honores injurijs & ærumnis oppositi,  
 „ 1. Pro odio fratrum, gratia regis & Principū. 2. Pro exilio, prore-  
 „ „ gia dignitas. 3. pro labore manuum in servitio, annulus aureus. 4.  
 „ pro pallio ab adultera detracto, amictus stolæ byssine. 5. pro compe-  
 „ „ dib, torques injecta collo. 6. pro ministerio victorū, principatus

*Divina Pro-  
videntia se-  
ries.*

in populum. 7. pro carceris humilitate, sublimitas currus regij. 8. pro contemptu, omniū genuflexio. 9. pro nomine servi, nomen Salvatoris Ægypti. 10. pro rejecta adultera, & turpi voluptate, uxor nobilissima, nam duxit *Asentham*, filiam Putipharis (diversi ab eo, cui Iosephus erat venditus) Sacerdotis Heliopolitani. Hinc pulchrè Chrysost. *bom. 64. in persona Ioseph.* Illa, inquit, servitus hunc principatū mihi conciliavit: illa venditio, in hanc me gloriā evexit: illa afflictio huius mihi occasio honoris fuit: illa invidia hanc mihi claritudinem peperit. Hæc nos non solum audiamus, sed & imitemur, & ita solemur eos, qui nos affligerunt, non imputantes eis, quæ in nos admiserunt, & omnia, ferentes magnā benevolentia, sicut ille admirandus.

## NARRATIO XX. EXERCITATIO PATIENTIS IOBI IN IACTURA BONORVM FORTVNÆ

lib. Iob. c. 1.

Anno M. 2398. ante Ch: 1655.



**C**ertamen egregium spectavit DEVS, & se dignum, cum dæmone, miserisq; omnibus Iobum compositum. Illustrior hic, quàm ex triumphato Pompeius Orbe; prælio triplici tergeminam confecit palmam. Liberorum inconcussus auditur funera; spectavit tranquillus bonorum iacturā; in cruciatus omnia obulit membra; ac demum carcinoma foetidum, vivū cadaver, & sterquilinio vicit hostem. Spectaculum patientiæ, fortitudinis, constantiæ dedit, omnibus seculis admirandum. Spectemus igitur virum in theatro versatili, jam opibus, jam inopiā: modò luctu, modò gaudijs: nunc prosperitate, nunc calamitate, in oculos incurrentibus.

Gen 36.

Iobus gente Idumæus, *Esaui* prônepos ex patre *Zara*, Princeps regionis *Hus*, seu Idumæe, inter malos bonus in medio nationis prævæ, ut virtutibus, sic opibus eminebat. Felicitatis comes fuit invidia, non tã ab hominibus, quã Orco concitata, qui tantā virtutē everurus, Iobū velut ad singulare certamē à superis depoposcit; urebat

urebat Acherontem integritas & sanctimonia viri, cuius fama terrâ cœlôque clara. In ejus rei experimentum obtinet à DEO potestatem, quibuscunque posset modis, Iobi vexandi, vis modò vitæ ne inferretur. Alastor in omnes nocendi vias intentus, continuò Sabæos, Hussææ regioni conterminos, excit, & armat; ut in Iobi ditionem (quæ tanta erat, ut inde regium nomen tueretur) irruptione facta, mille quingenta (cum Divino scriptore numeremus) majoris capita pecoris, boum scilicet & asinorum abigerent, custodibus ferrò peremptis, præter eum, qui perferret calamitatis nuntium, quem credibile est fuisse cacadæmonum quempiam, qui concutiendo Iobo, famuli pagani habitu, scissis vestibus, vultu & manibus cruentis, silens, ægro singultiens anhelitu, totus in lamenta compositus, animum excelsum deijcere laborabat, damno tam repentino, quàm gravi. Qui frustra cum esset aries, mox alter superveniens, stupens sensu, vocèque torpente (ut contingere solet, quibus tetrum aliquod prodigium apparuit) Numen inquit, ô Princeps à salute nostra aversum, ad-  
*Calamitas  
test Iobi mul-  
tiplices,*  
versum cœlum; iratus DEUS voracem ignem in tuos ovium (erant septem millia) greges iaculatus, unâ cum opilionibus, sævò incendiò delevit, ne ullâ quidem victimâ, quâ DEUM placare possis, relicta; Me è flammis volitantibus incolumem evasisse, quò tibi hæc nuntiarem, nescio, quo numine factum dicam. Sed in scopulum & hic immotum incidit. Extrema verba secundi, tertius famulus lugubriori nuntiò profecuturus excepit. Hæret enim in vestigio tertia stygis larva, pavitansque memorat, Chal-deos equites, gentem raptò vivere assuetam, tres in turmas divisos, tria camelorum millia in prædam abstraxisse, cæsis famulis, extra se unum, tristissimæ stragis testem. Adfuit mox quarta plaga, septem filios, tres filias, eadem in domo convivantes, vehementi turbine concussis à fundamento, quatuor ædium angulis, unâ sepultas esse ruinâ. Potuit hoc ab ictu dejectio sperari, si pectus aliud ferisset. Iobus tot cladibus acceptis, nec prædones, nec fortunam, nec dæmones ipsos, malorum omnium auctores, accusans, satis habuit vestium dilaceratione dolorem suum testari, caputque, pro more lugentium, radere. Deinde coram luctuosis nuntiis, intentæque ora tenentibus prostratus in genua, Deoque se flagellanti demississimè subiiciens: Nudum, inquit, me nascentem, & venientem in lucem, terra mater protulit; nudum me hinc euntem, & discedentem eadem me iterum in gremium suum recipiet; è tenebris & angustijs materni uteri, imparatus ab omnibus vitæ præsidijs, prodij in uterum vitæ, spoliatus fortunis omnibus, in sepulchri tenebras concedam

concedam. Nihil hic fatum, aut fortuna, aut casus egit : DEUS, quod dedit, abstulit ; ipse dominus, ego manceps, quæ commo-  
dato accepi, libens reddo ; redeant ad fontem, unde manârunt ;  
maximo est solatio, DEO sic placuisse, cui placere injustum nil po-  
test. Fecerint sanè hostes per suam injuriam, quod factum est ;  
meum est æquò perferre animò, quidquid intulerunt illi ; DEO  
debentur hymni, & gratiarum actiones, pro sua æquitate & pro-  
videntia, præclare mecum agentis. Ille, quos amat, flagellat ;  
virtutem probat, dum exercet ; Ille spectator, ego sum actor ;  
felicem me, si in hoc theatro viri personam probi rectè sustine-  
rim. Ita dixit, ita fecit ; ringente Satana, & ad quatiendam  
tanti animi constantiam novas machinas moliente.

## NARRATIO XXI. PROBATIO IOBI IN AERUMNIS CORPORIS, ET ALIIS CALAMITATIBVS

lib. Iob. c. 2. &c.

Recuperatio Prioris felicitatis. c. 42. A. M. 2405 ; ante Ch. 1648.

**H**ostis, ubi primo congressu turpiter loco  
motus ; pedem cum ingenti damno, & ignominia  
ex prælio retulit, novis collectis viribus, novisque  
artibus, & dolis pugnandi conceptis, de integro bel-  
lum apparat, invictum Iobi animum perpetua  
calamitatum serie dejecturus. Impetratâ igitur à DEO faculta-  
te in ipsum Iobi corpus sæviendi, & si non animum, certè lingua  
in maledicta adversus cælum impellendi ; lugentem adhuc, & in  
filiòrum funeribus occupatum invadit, maxima qua potest vi,  
horrendo mox ulcere totum corpus affigitur, & cum illo, mor-  
borum omnium cohors incumbit Iobo, nulla membrorum par-  
te, à calce ad verticem, relicta incolumi. Sunt, qui morbo-  
rum genera viginti quatuor enumerant, quibus Acheronticus  
rotor in omne viri patientissimi corpus desæviit ; per intervalla  
tamen ; ut qui cupiebat miserum in pœnas diu provivere, & de-  
nique in desperatione præcipitari, vitam ne adimeret afflicto,  
coelesti

*Morborum  
cohors ex-  
cruciavit  
Iobum*



cælesti interdicto cautum erat. Initiò, quod dixi ulcus, seu phagedæna maligna, tetra, verminosa, serpens undique, misereque depascens artus, peredebat carnes. Accessit sacer ignis, seu erysipelas, flamma per poplites & tibias maximè grassans; cui adjunctus cancer, totum corpus puri ac tumori objecit. Nec abfuit frequens animi defectio, unde similior expiranti, quàm viventi crederetur. Lepra ad ipsa descendit ossa, & plumbeum sanguinem, mœrores, somnia terrifica, & angores peperit. Podagra infestavit pedes, ut chiragra manus; arthritis, seu morbus articularis, omnibus in membris horribiles cruciatus excitavit. Ebullierunt hinc inde vermes; innata sunt ulcera, seu tabes purulentæ naribus, auribus, ori, & gingivæ, quas comitabantur vehementissimi capitis & dentium dolores; cum cordis palpitatione, singultu, tremore. Adde putredinem viscerum; nephritin seu exulcerationem renum; malè olentem halitum; saniosum sputum; pleuritidem latus instar gladii transverberantem; asthma, seu respirandi difficultatem; anginam seu phlégmonem, palatum & colli glandulas tumore incendentem, & exasperantè; profluvium alvi; bulimiam seu appetentiam caninam, cibos semper expetentem, sumptos revomentem; marcorem seu corruptionem corporis ex inedia & siccitate ortam, cum febris hectica, insomniâ, mœstitiâ, & atra bile penè ad insaniam excruciante. Quid multis? Spectrum erat, non homo, cuius aspectus oculis, fœtor naribus intolerabilis, mephitim exhalabat, omnia tæta inficiens; unò verbò, pus merum erat & vomica Iobus.

Hinc, omnium domesticorum tanquam ab extremo busti cadavere fuga; præsertim, cum inegrò septenniò ea lues teneret, & pecunia quamvis copiosa, tot medicinis & medicis adhibitis, dilaberetur omnis, ut adeò princeps nuper opulentissimus, jam ad incitas redigeretur, alijs alia compilantibus, & ut fieri amat, ex aliena miseria suum quæstum facientibus. Desertissimus igitur, metùque contagionis, suis ipse proscriptus ædibus, velut vivum funus, à libitinarijs & vespillonibus in publicum fimetum, extra urbis regiæ (*Denaba* cui nomen) portas effertur, ex omni facultatum copia ne vili quidem centunculo reliquò, quo pus extegeret; pro strophio aut spongia servijt testula, temerè in sinum abjecta, qua vel saniem siccavit, vel eam strigilis loco abrasit.

In tot, tamque acerbis malis cum temporis diuturnitas, morborumque ac dolorum immanitas nihil viri fortissimi constantiam frangerent, validissimum aliud tormentum instaurat hostis, quò hominem dei ciat; atque eò periculosius, quò magis molle atque effeminatum, neque verberibus, sed verbis conficiendum. Nam uxorem (quæ ei sola ex tam magna familia,

M

levaminis

*Iobus ab omnibus desertissimus.*

*Uxor infortunio insulatio.*

levaminis gratiâ relicta videbatur ) . comuni plagâ adversarius exceptam voluit, ufurus, non aliò, ad virum expugnandum aptiore instrumentò. Illa igitur, princeps antehac femina & regina, tot tamque diuturnis calamitatibus fracta, memor pristinæ fortunæ, & præsentis egestatis, quacum conflictabatur, ut marito unguis esset in ulcere, suggerit amaro cum sarcasmo ultimæ desperationis remedium, ut post ulcricia in DEUM convitia, sua sibi manu consciscat necem, sic finem tot malis inventum iri, hanc virtutis ipsius mercedem, hunc pietatis honorem esse. Hic tum Iobus, qui nullam hætenus in dirissimis cruciatibus vocem ediderat, dolorum indicem, auditò mulieris nefariò consiliò, vultu ad severitatem composito: Quænam, inquit, est stulta hæc & impia suasior hæccine tu ex mea disciplina & institutione? ita didicisti de Numinis providentia & sentire & loqui? *Si bona suscepimus de manu DOMINI, mala quare non suscipiamus?* An non æquissimum est de præpotenti manu, pari affectu fortunâ admittere, sive blandientem, sive sævientem? ille læta mutat tristibus, tristia lætis, nunquam non pater, sive severius nobiscum agat, sive mitius; nostrum est in utraque sorte ipsam amare timendo, timere amando.

*Iobus à cognatis regum inuifitur.* Interea tanti Principis, aut regis potiùs calamitas non modò per Hussæam provinciam, sed longè latèque per omnem viciniâ, rumore propagata, excivit cognatos, tres regulos, quorû nomina *Elipbaz, Baldad, Sophar*; qui suscepto simul itinere, cum ad mœnia urbis *Demaba* appropinquâssent, ecce tibi, Iobum regio sibi sanguine junctum, conspiciunt in fimeto sedentem, sædè deformatu, & ad extremum usque spiritum cum morbis & Orco luctantè; spirantis instar cadaveris. Hic illi miserabundi, ejulatum & lacrimas edere, vestibus discissis, capiti pulverem aspergere, velut in funere luctum testari; mox humi se prosternere, septem ipsos dies calamitoso spectaculo attoniti assidere, reputantes animo, mirificam viri afflictissimi patientiam, & cum voluntate divina conjunctionem; qui ex secundissima fortuna, ex amplissimis honoribus, quibus nuper affluebat, nunc illo felicitatis gradu deturbatus, fortunis omnibus exutus, liberis spoliatus, foedissimis morbis oppressus, omnisque miseriarum genere cumulatus, cunctorû ludibrium & purgamentum abjectus esset. Diebus illis tristi silentio evolutis, insistent disputare magis cum amico, quàm consolationem adhibere misero, eoque collimare argutationibus suis, ut ostendant, improbum omnino atque impium esse, existimare, à DEO longè Optimo Justissimòque, quemquam innocentem supplicij affici, adeoque miseras omnes & ærumnas Iobi in vitæ antectactæ pœnas, esse referendas; quibus ille sese opponere, vitæ suæ innocentiam,

innocentiam, quoniam ita cogerent, pertexere, docere, nequaquam Divinae sive Sapientiae, sive benignitati adversum esse, quod calamitatibus exerceantur innocentes, & supplicia differantur noxentum. Disceptioni DEUS ipse silentium & finem imposuit, excitato turbine, perque nubem oraculo edito, quod controversae sententia pro Iobo pronuntiabatur.

Is vero, Sathanâ in hunc modum turpissime victo ac profligato, pristinae mox, aut meliori etiam valetudini restitutus, & *Iobus felix. Viti restitutus.* de caelo ob virtutem commendatus, cum prior fortuna Amicos recepit; à quibus inter applausus & congratulationes reductus est in regiam, certatim omnibus inopiam eius munerum largitione levantibus, dignitatem ornantibus, atque amplificantibus; tantis quidem incrementis, ut fortunae amissae altero tanto redirent copiosiores; excepto filiorum & filiarum censu, quos eodem, quo priores, numero suscepit ex uxore, utique jam saniore; & tanto feliciore, quod posteriores liberi, & pulchritudine praestarent, & indole; nec in terrae modo ampliorem, sed caeli hereditatem geniti; quibuscum parens rerum omnium affluxu, & praeteritorum malorum recordatione beatus, centum insuper & quadraginta annos provixit, universim ducentos & septemdecim. Decessit anno Mundi 2544. Ante Ch. 1509. Sepulchrum habuit juxta Iordanem in regione Trachonitide, pyramide insignitum. Fuit is, Patriarcha populi DEUM extra Israelitas colentis, sive genus ipsius spectes, sive vivendi rationem. Fuit Propheta, qui inter alia arcana, Oraculum de Resurrectione corporum admirabili claritate profudit. Fuit Martyr, non tantum suppliciorum acerbitate, sed etiam causa. Fuit Doctor, & gentium Magister & verbis & factis. Fuit Sacerdos, cuius ipse munus saepius pro filijs & amicis sacrificando ostendit. *Encumbrat Iobi.*

## DOCTRINA.

**V**ixerat in terra Hus. lib. Iob. c. 1. v. 1. Rara virtus est versari *Rara virtus inter malos bonum esse.* inter sceleratos sine scelere. Neque enim, inquit Gregorius *moral. initio.* valde laudabile est bonum esse cum bonis; sic enim gravioris culpae est inter bonos bonum non esse; ita inmensi est praeconijs, bonum etiam inter malos extitisse.

Dominus dedit, Dominus abstulit; sicut Domino placuit, ita factum est: *Iobi conjunctio cum voluntate divina.* Sit nomen Domini benedictum. Ibid. v. 21. Tuba dustilis erat Iob, inquit Augustin. in ps. 97. quando repente percussus tantis damnis, tunc illa tantae tribulationis, tactus sonuit: Dominus dedit & c. ò sonum fortem, ò sonum dulcem! & Origines in 2. r. *Iob.* Dominus dedit, Dominus abstulit. Dedit sua, & iterum abstulit

„ abstulit sua ; ego nihil amisi , nullum passus sum detrimentum .  
 „ Merito , postquam usus sum , reddidi mutuante ea mihi , gratias  
 „ agens . Omne , quod placuerit DEO , bonum & iustum est . Pla-  
 „ cuit illi , ut daret ? bene placuit . Placuit illi itidem , ut auferret ?  
 „ iuste placuit . Sic oportet omnes Christianos dicere , facere ,  
 „ cogitare .

*Si bona suscepimus de manu DEI , mala quare non suscipiamus ? Iob . c. 2 .  
 v. 10 .* Eadem DEI voluntas est , quæ mulcet , & quæ punit :  
 quæ muneratur , & quæ punit . DEUS æquè pater est , & æquè  
 bonus ac liberalis , cum negat , & cum annuit : cum recreat , &  
 cum flagellat : cum vulnerat , & cum sanat . Origenes *in eundem*  
*locum* ait : cum tibi ( uxorem Iobus alloquitur ) esset honoris  
 „ sublimitas , cum gloriâ lætareris , cum in delicijs degeres , cum  
 „ multitudo te antè & retro , de palatio exeuntem , & illò re-  
 „ vertentem , cum honore exaltans circumdaret : cum filij ante  
 „ oculos gaudio te replerent : tunc non dixisti , ô mulier ; dic ver-  
 „ bum , & morere ; tunc mortem omnino nec nominari , nec au-  
 „ diſti passa es . Subdit . Nescis , neque credis DEI bonorum pro-  
 „ missionibus , quæ de longè videt eius æternitas .

*Feminarum  
 est maledi-  
 centia .*

Convitia ab uxore in Iobum sparsa , seminarum supellex  
 sunt , ait noster Pineda *in hunc locum* . Et Aristoteles *lib. 9. de histo-*  
*ria animalium* . Mulier magis invida , & querula , & maledicentior ,  
 „ & mordacior est ; præterea anxiosa & desperans magis , quàm  
 „ mas ; atq; impudentior , & mendacior , & facilius decipi , memi-  
 „ nisseque aptior .

*Bona malis  
 temperanda .*

*Si bona suscepimus &c.* Hæc est illa bonorum , malorumque  
 collatio , quam ad animi tranquillitatem , ægritudinem , consola-  
 tionem Philosophi magnò opere commendant . Plutarchus sapien-  
 „ ter *de tranquill. animi* . Debemus , ait , in animo , sicut in ta-  
 „ bula picta varijs coloribus res floridas , & splendidas ob ocu-  
 „ los ponere , atque ita intexere & premere , quando expungere  
 „ omni ex parte , atque obliterare non licet acerbis . Est enim  
 „ mundi , ut lyræ concentus , & ut musica sonis gravibus constat  
 „ & acutis , ita calamitosorum cum prosperis mixturâ iun-  
 „ genda .

*Vir fortis est  
 immutabi-  
 lis .*

*In omnibus hiis non peccabis Iob labijs suis . Iob . c. 2 .*

Quemadmodum amnes , flumina , fontes non mutant sapo-  
 rem maris , ita rerum adversarum impetus , viri fortis non vertit  
 animum . Manet ille in statu , & quidquid evenit , in suum co-  
 lorem trahit . Quid fortius illa Herois huius voce ? *Etiamsi occi-*  
*deris me , in ipso sperabo . Iob . 13 .* Tametsi DEUS mecum sic agat ,  
 ut desertus , rejectus , omni gratia excussus videar , ego tamen in  
 Domino sperabo . *Si consistant adversum me castra , si exurgat adversum*  
*me prælium*

*me pralium psal. 28. si totus in me malorum ruat exercitus, ego tamen in Domino sperabo. Fulminet super caput meum cœlum, aperiantur subtus me profundissimæ abyssi, Orcus suas in me vires exerat, Mors ipsa crudelis me succidat, Ego tamen in Domino sperabo. Ut omnia rapiat adversarius, spem tamen non eripiet. Exturbari potest anima, non evelli spes.*

# NARRATIO XXII.

## MOSIS ORTVS,

### EIUSQUE AD PHARAONEM.

#### ÆGYPTI REGEM LEGATIO.

Exodi 1. 2. 3. 4.

Anno M. 2451. ad Annum 2543. ante Ch: 1570.



Sraclitæ, postquam in Gessenam, Ægypti regionem descenderunt, annorum centum & decem intervallò, in imensum excrecentes, benevolis semper regibus usi sunt; Iosephi meritorum in Ægypto gratâ memoriâ. Post cuius decessum alius Pharao, propria nuncupatione *Amenophites* vel *Amenophis* Ægyptijs imperavit, perinensus Hebrææ genti, quam pecunijs primum exfuxit; deinde mutuum sumere coactos, nec tamen solvendo pares, per creditores in nexum, nervum, servitutem traxit. Per operum quoque locatores, mercede justa defraudantes, ad acerbitatem & laboris detestationem eos perduxit. Detestantes nihilo secius ad opera per exactores & præfectos adegit: ut luto subigendo, latere coquendo, faxis cœdendis, calce miscenda, convectando sabulo, corradendis arenis, egendo limo, glebis effodiendis distinerentur: & quidquid in omni regno fordidi negotij, vel despecti ministerij reperiri posset aut excogitari, manibus id Israëliticis universum tractaretur. Id nō facerent, tergo luerent. Additum crudelius imperium obstetricibus, ut Hebræos masculos omnes, simul ac editi forent, elisis faucibus suffocarent. Quam barbariem cum obstetrices, pijs fraudibus elusissent, ipsis mandari parentibus captum est, inaudita legis immanitate, Parvulos ut mares statim ab ortu, Nilo demergerent: femellas, Ægyptiorum famulitio, libidinisque reservarent. Qui secus fecissent,

M 2

fecissent, capite luerent. Cùm autem ne sic quidem Hebræa virilitas imminueretur, tyrannus structurarum & ædificiorum omne genus (præter duas urbes *Phithonem* ac *Rameffen*, opum & thesaurorum custodias, eductas) cõnexus est, in alijs insuper urbibus ac castellis instaurandis, permuniendis, obvallandis, Nilo in multas fossas diducendo, & aggeribus eas cingendo, ad miseris diris modis delassandos; donec uno, trigintaque regiminis expletis annis, infelicem animam Tartaro, vicissim torquendam transmisit.

*Pharao Cen-*  
*cbrü.*

Quem in regno post alios secutus est *Cenchrü*, cognomento & ipse Pharao (nam hoc nomen commune omnibus Ægypti regibus) eousque progressus est immanitatis, ut Israëlita, qui sub iugo tyrannidis hucusque regum aliquot servierant, sub isto potissimum genuisse, tanquã in fornace ferrea, perhibeantur. Quibus ærumnis finem ut DEUS faceret, *Mosen*, *Amrami* & *Isachabide* filium, *Levi* nepotem, libertatis vindicem adhibuit Anno M. 2543. Ante Ch. 1510. Eius ortus ita se habet.

*Moses in-*  
*fans in fi-*  
*scella Nilo*  
*flumini cõ-*  
*mittitur.*

Satellites Ægyptij tertio quoque mense Hebræorum domus scrutantes, curam iniecerant parentibus, ut infantem (tunc nominis expertem) ob oris venustatem, sagaci tegerent custodia, ne rumor nati, ne vagitus sentis, ad cuiusquam aures exirent. Quando verò ad eam ventum erat necessitatem, ut incertæ morti puerum committere præstaret, quàm illum, totamque familiam tyrannico furori obijcere, mater filiolum in fiscella seu corbula de scirpis contexta clausum, rimis diligenter bitumine & pice oblitis, demittit in Nili, quã tenuissimus tunc aronia ripam lambebat, vadum, & in taresto abscondit, datis filia puelle mandatis, ut, quid illo tandem futurum esset, velut aliud agens, cominus exploraret.

*Thermutis*  
*Armenophæ*  
*filia, jubet*  
*tollis infan-*  
*tem.*

Fortè sic res, imò cæleste consilium tulit, ut eodem illo, quo puer expositus erat die, *Thermutis*, Armenophæ regis filia secundum flumen descenderes, meridiani temporis calorem lavacro temperatura. (Nymphæum ad Nili ripam fuisse videtur, parietibus circumunitum.) Igitur illa cùm in hærentem carici fiscellam incidisset, & aperuisset, vagientem in ea puerum, forma conspicuum invenit, & ex abspecta pellicula, statim Hebræum esse cognovit. Partim autem misericordia stimulante, quam infantis decoræ lacrimæ provocabant; partim, quòd liberis ipsa magnas inter opes, carens, ex adoptione saltem, sterilitatis remedium quæreret, tolli parvulum iussit, ac nutriri. Puellæ sororis accurrentis, & operã suam in adducenda nutrice pollicentis, sedulitate factum est, ut eum non alia lactaret, quàm eadẽ illa, quæ pepererat. Hæc à lacte tandẽ depulsum Thermutidi reddidit; quæ

Mosis

## MOSIS AD PHARAONEM LEGATIO 91

Mosis seu *Moyſis* ei nomine ( propterea quòd ab undis extractus eſſet ) hauſto, filium adoptavit. Septimum deinde ætatis annum ingreſſum, ſuperinductis inſtructoribus, Ægyptiorum omni litteraturâ curavit imbuendû, & liberalibus in Aula diſciplinis expoſiendum. Qui poſtquam adolevit, nuntium Aulæ regiæ remiſit, & idololatrarum profana comœrcia vitans, Iſrâëliitarum cœtus frequentavit. Unde Sacrificulorum Ægyptiorum indignatione, criminationibûſque labefaſtatus, regique delatus, quod Ægyptium quendam, Hebræi percufforem, neci dediſſet, ut ſupplicio ſe ſubduceret, ex Ægypto in *Madianitida* regionem profugit, ibique *Raguel*, cognomento *Jethronis*, filiâ *Sepphora* in uxorem ductâ, ex eâque duobus ſuſceptis filiis, gregum ſoceri ſui cuſtodē & paſtorem in ſolitudine *Pharan* egit.

*Moyſi unde nomen.*

*Ex Aula profugit.*

*Exod. 2.*

*Moyſes paſtor*

Nam Moſes ſibi, Deoque vacaturus, vitæ ſeſe paſtoritiæ ad-dixit in regione, ubi minimè noſceretur. Fortè federat ad puteû fatigatus, cûm ſupervenêre ſeptē filiæ Sacerdotis Madianitici, Vi-ri Principis, ad hauriendâ aquâ Moſe officioſe earû operâ adju-vante. Cûmq; cuperent greges adquare ſuos ex alveis, quos undâ repleverât, prohibentur à paſtoribus, alieno labore per vim fruitu-ris. Moſes, quæ erat & corporis dignitate, & animi robore, inſurgit unus contra plures, fugâtque rudem & agreſtē ferociâ. Puellę be-neficiò hominis peregrini domû nuntiatò, jubentur à parente redire ad fontē, & invitare in ædes hoſpitē tã humanum. Eiûſ præſentia adeò delectavit Jethronē, ut filiarû unam in matrimoniû ipſi daret; vicifſimque à genero veri Numinis cultû jam tum, ut Salianus vult, acciperet, anno ſcil. Mundi 2506. Exod. 2. Interea Moſes cuſtodē pecoris agere perſeveravit, annos omnino 40. Do-nec anno M. 2543. ad radices Horebi montis ( qui pars eſt jugi Si-næi ) paſcenti, Angelus DEI vices repræſentans, in rubo flagrante quidē, nec tamen conflagrante, aſpectabilē ſe fecit, denunciavitq; irēt legatim unere regē ad Ægyptiû, Iſrâëliticę gentis oppreſſorē: ut illius ſive gratijs, ſive ( quod certiùſ futurû ) ingratijs, He-bræos omnes ex Ægypto deduceret in opulentas Palaſtinæ regio-nes. Adverſus id imperium, humili de ſe ipſo ſenſu, niten-tem Moſen, & excuſationibus ſuper imperitiâ ſuâ, varijs tergi-verſantem, animat gemino, novôque prodigio; primû quidē, virgæ paſtoritiæ; quam proijci juſſam, verti vidit in colubrum, ac de colubro rurfus in virgæ naturam, formâque rêverti. Deinde manûs in ſinum ſuum imiſſione mundata: quam Moſes primò, leprâ coopertam retraxit; altera mox retractione penitus ſibi reſtitutâ, ac ſanâ recepit; adjeſta his pollicitatio, Nili fluminis in ſanguinē olim tranſmutandi, & fratris ei Aaraonis eloquentiâ

*Exodi. 3.*

*Legatus à DEO ad Pharaonem deſtinatur.*

valentis



valentis (linguæ enim balbutiem excusarat Moses) adjungendi,

*Repellit le-  
gatos Ty-  
rannus.*

Tot ac tam gravibus exstimulatus hortamentis Moses co-  
cto Procerum Hebræorum & Seniorum cætu, expositoque man-  
dato sibi cælitus commissio, baculique in viperam versi, & ma-  
nus in sinum immissæ leprâ correptæ, luëque depulsa retractæ;  
Nili præterea haustæ lymphæ repentino cruore infectæ, speci-  
mine edito, cum Araone fratre, omnibus approbantibus, ad  
Pharaonem regem adit DEI mandata disertis verbis exponit:  
Isrælitarum omnè nomen, itinere triduo, poscit in Arabiæ  
deserta emitti; DEO cæli victimis illic certis, ac lege præscri-  
ptis, sacrificaturum. Adquæ postulata Tyrannus graviter ex-  
candescens, eos non tantum à se repulit, ejecitque; sed mox di-  
rius etiam Hebræos haberi jussit, adigique ad stipulas, paleas,  
& omnis generis quisquilias undique comportandas, sectasque  
luto miscendas, & laterum pensum severius præstandum; instan-  
tibus operum præfests, quâ verberibus, & nudata terga, lo-  
ris ac flagris scindentibus. Ita furentem Tyrannum, cum Mo-  
ses & Aaron, mandato divinò, rursus convenissent, & populi di-  
missionem nequicquam ursissent, denique expugnandæ, plesten-  
dæque pertinaciæ, ad prodigia & supplicia ventum est. Nam  
Vindicta divina à mitioribus remedijs ad acriora; & à minoribus  
supplicijs ad extrema procedit.

## DOCTRINA.

*Ingratitudo  
mortalium.*

**S**urrexerat interea rex novus, qui nō noverat Ioseph Exodi c. i. v. 8. Citò mor-  
talibus subrepat beneficiorum oblivio. Iosepho servatam in  
fame Ægyptum debebat rex, & Ægyptij, & quidquid præte-  
rea felicitatis sapientissimi Proregis providentia contulerat; sed  
homines beneficia pulveri, maleficia inscribunt marmori. Hu-  
mana gratia tardissimè acquiritur, celerrimè perditur. Ac-  
cepisse quidam putant injuriam, si bene de se merentium ju-  
beantur meminisse. Multum pro beneficio rependit, qui  
agnovit.

*Cur DEUS  
tam dura  
& diutina  
servitute op-  
primi He-  
bræos per-  
miserit.*

Sed cur DEUS tam dura & diutina servitute permisit He-  
bræos opprimi in Ægypto? Primò propter impios mores, quos  
nonnulli eorum imberbant apud Ægyptios, quorum *Apis* & ido-  
la colebant. 2. Stimulus addebatur hac servitute averfandi ido-  
lolatras, & ad promissam Chananitidem; desideria convertendi.  
3. Ut in longi servitij pretium facultas daretur spoliandi Ægy-  
ptum indeque ditescendi. 4. Ut offerretur occasio, plurima &  
maxima edendi portenta per decem plagas Ægypti, ad patefa-  
ciendum toti Orbi Numinis potentiam & vindictam in impijs;  
paternam

## MOSIS AD PHARAONEM LEGATIO 93

paternam clementiam in suos. 5. Ut cresceret Hebræorum virtus rebus adversis. *Quantòque opprimebant eos, tantò magis multiplicabantur.* v. 12. 6. Ut hoc quasi felle, mel & deliciae Canopi redderentur inspidæ Hebræis, ne postliminiò ad eas anhelerent.

Vexatio dat intellectum; Prosperitas januam aperit ad vitia; labor & afflictio acuit mortalia corda.

Luxuriant animi rebus plerumque secundis,

Nec facile est æqua comòda mente pati Ovid. lib. 2. de arte

„ Prospera, teste Gregorio *Pastoral* p. 1. c. 3. sæpe per tumorem cor „ inquant, & adversa per dolorem purgant: in prosperis se ani „ mus erigit; in adversis etiam, quando se erexit, sternit; in „ prosperis homo sui obliviscitur; in adversis, nolens etiam „ coactùsque ad sui memoriam revocatur. In prosperis sæpe „ & antea facta bona depereunt; in illis autem longi quoque tem „ poris admissa terguntur. Hæc ille.

Non casu Moses in viminea fiscella expositus, à filia Pharaonis repertus, & adoptatus est, inque ipsa aula educatus; ut aliquando de parvulis secum in flumen abjectis, vindictam sumere, ret. Novum miraculum, inquit Augustinus, filia parricidæ, fecit opus maximum misericordiæ; non est sapientia, non est prudentia, non est consilium contra Dominum.

*DEI provi-  
dentia erga  
Mosem in-  
fantulum.*

Moses virum Ægyptium jure occidit, quippe auctoritatem ex divina inspiratione, & judicariam potestatem adeptus, quamvis nondum satis evulgatam. *Fecit ultionem,* inquit S. Stephanus Actor. 7. *percusso Ægyptiò; existimabat autem fratres (Israelitis) intelligere, quoniam DEUS per manum ipsius daret salutem illis.*

*Moses band  
injustè occi-  
dit Ægyptiū*

Moses Exodi 4. v. 10. & c. 6. v. 12. honorificæ legationi detrectandæ quinque defectus suæ linguæ accusat. 1. quòd esset dicendi jejunos. 2. quòd inelegans. 3. quòd tardiloquus. 4. quòd exili & gracili voce. 5. quòd linguæ hæsitantis & balbutientis. Hac tamen quantumcunque tardescence lingua omnem Ægyptiorum & facundiam, & sapientiam in ruborem dedit; nam DEO moderante sermonem, quævis infantia, facunda fit & eloquens.

*DEUS lin-  
guam facit  
esse disertā.*

*Moses fugiens, moratus est in terra Madian.* Exod. 2. v. 15. Mosen egressum aulâ, glomeratim invadunt paupertas, ignominia, contemptus, non ab Ægyptijs tantum, sed & ab ingratis Israelitis, insidiæ regis, pericula mortis, fuga, exilium; minime tamen labefacta est vel pietas, vel constantia. Nimirum DEUS; juxta dictum veteris Anachoretæ, non solet alicui quid magni conferre, nisi prævia calamitate. Et Hugo Victor. l. 3. *Didascal.* c. ult. De-

*Deus suas  
exercet du-  
ria.*

N

licatus,

„licatus, inquit, ille est adhuc, cui patria dulcis est : fortis verò ,  
 „ cui omne solum patria est : perfectus, cui mundus totus exi-  
 „ lium est. Ille mundo amorem infixit; iste sparfit; hic extinxit.

*Solitudo con-  
 jungit cum  
 DEO homi-  
 nem.*

Moses in deserto venit ad montem *Horeb* ; mysticum vidit ru-  
 bum ardentem, & non conflagrantem. Cælestis Philosophia se-  
 cessum requirit. Quantò quis remotior à Mundi turbis, tantò  
 propinquior est DEO, & Divinorum capacior.

*Rubus ar-  
 dens, ima-  
 go magistra  
 tus.*

Ignis in rubo, est Rector populi : in eo conjunctæ sint sapien-  
 tia ad regendum, ut ignis illuminans; & Rubus, spinis severita-  
 tis & justitiæ delinquentes coercens ac puniens.

*Demissio a-  
 nimi.*

Mirificam illam, & thaumaturgam Mosis manum, DEUS le-  
 prâ infecit, ut ostenderet, prodigiosa opera, non hominis viribus,  
 sed DEI potentiæ tribuenda. Nemo aptior ad efficienda maxi-  
 ma, quàm qui sentit de se minima.

*Moses Deus  
 Pharaonis.*

*Ece constitui te DEUM Pharaonis.* Exod. 7. Quanta potestas ser-  
 vorum DEI! qui factis mirabilibus, & nomen & vires supremi  
 rerum Domini repræsentant. Moses timuit ante oculos Phara-  
 onis consistere; & ecce cum legationis munere, non verba tantum,  
 sed opera tremenda Regi Ægyptio ostendit; ita ut Numinis instar  
 terrorem sui iniiceret puniendo : ideòque serviliter timeretur à  
 tyranno barbaro, & demissè observaretur, plagis ut faceret mo-  
 dum.

## NARRATIO XXIII. DECEM PLAGÆ AEGYPTI

Exodi 7. 8. 9. 10.

Anno M. 2543. Ante Christum 1510.



**P**osteaquam missionem deneganti Pharaoni,  
 & inani potius cupiditate, quàm obsequendi vo-  
 luntate, legationis indubitabilem veritatem, jubenti  
 prodigijs obsignari, innoxia primùm spectacula ex-  
 hibita fuerunt, virgâ Mosis pastoritiâ, ab Aaraone  
 ante Regis oculos projectâ, & in serpentem conversâ, colubrôsq;  
 magorum incantationibus productos, devorante; horrendæ  
 tandem plagæ & obstinato Tyranno, & toti Ægypto incubue-  
 runt, excepta regione Gessenâ, ab Hebræis inhabitatâ. *Prima*  
*itaque*  
*Nili, muta-*  
*sio in cruo-*  
*rem.*

itaq; *plaga* fuit, Nili virgâ Moseâ percussî mutatio spissum in cruorem; cujus unda, piscibus & crocodilis extinctis, putrefacta, ad potum inhabilis Ægyptijs est effecta. Quæ pœna cæteras etiâ aquas, lacustres, fluviales, ac fontanas involvit: ut ad effodiendorum fontium novorum laboriosam necessitudinem adigerentur Ægyptij.

Non multò post ipsê in undis, è quibus primùm cruor eductus fuerat, *Ranarum* imanis protracta multitudo; coaxatione, lue, *fuditæ*. sordibus, ac saltu, quidquid in Ægypto publicum erat & penetrabile, complet; ne cubilibus quidem, lectulorûmque recessibus illi fœditati relictis inaccessis.

Ranas secuti sunt *Cinipbes*, seu culices è terræ pulvere producti; genus animalculi minutissimi, pennatum; quod in aëre suspensum, ingentium instar nubium, sed si singuli volent, oculis indeprehensum, stimulet prius ac vulneret, quâ prævîsum caveri queat. Eorum examina, velut extensa nubes, totam obumbrabant Ægyptum, aculeatis corpora stimulis terebrantes, nares etiâ auresque pervadentes, & in oculos involantes.

Ciniphibus *Musca* successerunt, omnis generis ac nominis: muscæ; quæ copiâ, volatu; proboscide, maculis, & inquietudine; quin & admorsu, linctuque fœdo gravabant homines, mordebant jumenta, contaminabant mensas, inquinabant vestes ac vasa, pervagabantur omnia: Terram tantummodò Gessenâ relinquebant intactam. Quod idem discriminis alio quoq; tempore videre fuit, Ægyptios inter & Gessenos inquilinos. Cùm illos quidem, muscis jam depulsis, pecorum *pestilentia* ac strages; humanorum item corporum *ulcera* turgentia torquerent: Cùm itê magnitudinis inauditæ *grando*, fulminum discursu mixta: grandinîq; succedens *locustarum* innumerabilis multitudo; post locustas verò *tenebra* triduanæ densissimæ cruciarent. Hebræis autê in Gesseno tractu, suum pecus, sanitas, segetes, horti, lûxque serenissima constarent indemnia. Graves hæ, non antehac mortalibus auditæ cõpertæque plagæ, necdum quidem obstinatum regem, & Ægyptios permoverant: ut æqua mente, quod Israëlita petebant, eis concederent; fluctuante Pharaone semper animo, & nunc abitum promittente, mox negante, ac pernegante: nunc portentis territò, ac pertinaciæ pœnitente; paulò post in veterem pervicaciam relapsò, tanquam ludus quidam ac voluptas esset, *iratum variè sentire DEUM*.

Ad insitam Tyranni cruditatem, & moribus sævis irrobortâ duritiê, haud parùm momêti attulerunt, consultores mali, pessima regiarum pestis, duo superstitionum Ægyptiarum præsides, ac sacrificuli, *Iannes* ac *Mambres* perpetui Mosis ac divinæ Legis oppugnatores. Erant hi præstigiatores ac Magi, simiæq; Moïsi & Aaraonis,

Aaronis, conati, quidquid egissent illi, Tartareis & ipsi viribus agere: miraculorum verè divinorum elusione fallaci. Tentant hanc elusionem impostores illi, quoad Numinis permisso concessum est: virgarum in viperas mutatione, rivorum in cruorè conversione; ranarum ex undis evocatione: Ciniphum autem è pulvere suscitaturi copias, altiore vi prohibiti, defecerunt: *DEI digitum illic*, non hominis aut Dæmonis operam esse, confessi. Peste verò iumentis, & ulceribus immissis Ægyptiæ genti, ne consistere quidem coràm Mose sano valentèque, nedum incantare Magi sustinuerunt, doloris magnitudine subigente.

*Israëlites spoliant Ægyptios.*

Has inter DEI Legatorum, ac Regis contentiones atq; certamina, dilapsò jam annò, Moses Numinis præceptò protectionem indicit suis: qui ab Ægyptijs, ad ea, quæ forent in futurum exsequenda sacrificia, multa vasorum suppellectili, tum ex auro, tum ex argento, vestibúsque pretiosis mutuatis, pretiosissimis eos rebus sub specie mutui exspoliarunt, DEO, Prætorè sumò, jus dicente, cujus est terra, terræque plenitudo. Cæterum atrocissima præ ceteris plaga hunc in modum inflicta est. Agnus ubi præscriptus in cænâ, ex lege ritùque consumptus ab Hebræis erat, lumborù tenus præcinctis, manu baculos tenentibus; mediò noctis intempestæ cursu, silentibus omnibus, altùmque stertentibus, Angelorum sub unius è præcipuis vexillo, repentè de cælo decurrit innumèrabilis exercitus. Hic somnijs primùm horrendis, Ægyptiorum perturbat quietè. Mox districtis imperij divini romphæis, quidquid in Ægypto tota primò natum aut jumentorum esset, aut hominù, inaspecta trucidat plaga: thalamis ac stabulis Hebræorum, quorum postes Agni cæsi sacro cruore erant illiti, cunctis prætermisiss. In ea strage Pharaonis quoque cecidit filius, in spem ac successionem imperij destinatus. Clamor erat morientium; cum clamore parentum mixtus; & ululatu vesano, planctibúsque cælum feriebatur; illethabilis ubiq; questus, confusique luctus ac funera.

*Cedes primogenitorum Ægypti.*

*Israëlitarum ex Ægypto festinatus discessus.*

Primus Phraeo cum Optimatibus, mox omnis Ægyptus urgere Hebræorum abitum, rogitareque, ne cunctarentur; neque venerat in mentem, ut quæ paucis antè diebus pretiosa vasa cū vestimentis ac suppellectili commodatò dederant, ea nunc, ante protectionem repeterent. Haud minori studio, quàm urgebatur, Israëlitarum quoque discessum festinabant; raptim omnes ac singuli, pro se quisque pecora sua, filios, jumenta, sarcinas, ac, quæ portari possent, fortunas eripere. Quoddè verò costì jam cibi nihil, nisi quod sale forsàn conditum, & in diuturnitatem sepositum esset, ad manum occurreret, farinam conspersam, & aquà tantummodò, sine fermenti mixtura, madefactam pallijs involvere: tum humeris iniicere, sive suis, sive famulorum & ancillarum.

rum. Inter cetera verò, quorum simul efferendorum eos cura stimulabat, non oblitus est Moses ossium, reliquiarumq; corporis Iosephi, castissimi Patriarchæ, ne voluntatē ipsius supremam præteriret. *Et alioquin vivorum felix comes est, Vir Sanctus, etiam extinctus*: quippe virtute celestis hominis in mortuis etiam ossibus, adhuc spirante.

## DOCTRINA.

**I**nduravit Dominus cor Pharaonis. Exod. 9. & alibi. Induratur, qui à DEO suæ voluntati permittitur, & gratia subtrahitur, quâ cor emolliretur. Ita sol indurat lutum, ex fugendo humorem, qui temperabat, & mollebat. Cornel. in hunc loc. Sicut pueri nequam, & perversas verberibus fiunt duriores, ita scelerati flagellis à DEO incussis.

Cordis duritiem depingit D. Bern. *lib. 1. de Consid. ad Eugen.*  
 „ Cor durum, inquit, est, quod nec compunctione scinditur, nec  
 „ pietate mollitur, nec movetur precibus, nec cedit minis, quin  
 „ etiam flagellis duratur magis. Cor durum est ingratum ad bene-  
 „ ficia, ad consilia infidum, ad judicia sævum, in verecundum ad  
 „ turpia, impavidum ad pericula, inhumanum ad humana, teme-  
 „ rarium ad divina: præteritorum obliviscens, præsentium negli-  
 „ gens, futurorum improvidum; & ut brevi cuncta complectar,  
 „ cor durum est, quod nec DEUM timet, nec homines reveretur.

*Cor induratum quid sit*

Obstinata pravitas non audit salutaria monentes; *letatur, cum male fecerit, et exultat in rebus pessimis* Prov. 2. *contemnit, cum veneris in malitia profundum.* Prov. 18. proscribit pudorem, emendationem nescit, conscientiæ stimulos non sentit, vitiorum catenam è consuetudine nescit. Tunc est consummata infelicitas, ait Seneca, ubi turpia non solum delectant, sed etiam placent; & definit esse re, medio locus, ubi, quæ fuerant vitia, mores fiunt. Denique fit unus iræ divinæ & peccatorum cumulus.

*Hinc, qua diligentibus DEUM, cooperantur in bonum.* Rom. 8. cedunt improbis in supplicium. Sugunt inde venenum, unde probi remedium; hinc malarum libidinum felices successus, caducarum opum affluxus, rerum secundarum inturbati cursus; adulantium palpi, male suadentium doli, pravorum exempla, bonorum odia; insidiantis Orci frequentes insultus, & validi, quia nullis piorum hominum, vetante DEO, precibus repulsi.

Symbolicè DEUS punit peccatores decem plagis. 1. sanguine, id est, discordiâ: aquæ enim potabiles Ægyptijs in sanguinē conversæ signabāt discordiâ in intima Reip. viscera ac venas serpentē. 2. Ranis, id est, rixis & tumultibus, qui ex discordia manant. 3. culicibus, id est, curis & sollicitudinibus, quæ peccatores mundo

*Decem symbolica peccatoris plaga.*





## SVBMERSIO PHARAONIS.

99

præire iussam, Angelus itinerum moderator insidebat. Hæc de die quidem, lucis ac spissitudinis temperamentò: de nocte verò flamman- te fulgore, conspicuam se præstabat. Eâ proinde columnâ, sed magis Angelò, Deoque ducibus, non rectâ viâ Palæstinam petebant, cum noller DEUS, præliorum minùs, quàm flagellorum scientem populum, Philistæorum bellicosæ gentis occurfu pro- teri, sed eos per ambages, & loca deserta, retrorsum expeditione flexa, circumduxit.

*Duces itine-  
ris ignis &  
Columna  
nubis.*

Tertiò, postquam profectionem iniverant, die, Pharaon per ex- ploratores compertò, non id ab Hebræis agi, ut Numini suo litent, sed ut occultâ se fugâ dominis subducant, indignatus suemet, quâ tam inconsideratè multitudinem tantam dimisisset, indulgentiæ, quidquid virium per sumam celeritatè contrahere potuit, contra- xit, & adversum fugientes eduxit; In cetero terrore quadrigarum ro- tarumq; fomidabiliù, erant sexceti falcati currus; ex his gladij pro- minebant & hastæ, crudeliter accursantes laceraturæ. Iosepho teste, scutati Ægyptiorum pedites ducenta millia, equites quin- quaginta millia impleverunt.

*Insecutio  
Pharaonis.*

Sextus ibat à suscepta profectione gentis Hebræe dies; quo die stabant hi quidè, Columnâ nubis antistite, supra rubri maris orâ, subjectos insani freti fluctus, oculis, ac mente futurorù incertâ, de- spectantes. Rex autè, & Ægyptus armata, cum in fugitivorù tergis hærent; ingensque omniù pavor, & adversum Mo sen expostula- tiones orirentur, Angelus se in Columna nubis, mediù inter He- bræorù terga, frontemq; barbarorù insequentium collocavit; illos quidè, longè latèq; fuso lumine antrorsum illustrans, ut certo ve- stigio graderentur; in hos verò tenebras à columnæ dorso spargès, & spissè caliginis interposito, fulgurumq; terroribus viâ præpediès. Ibi tum Mo ses, cum prius admittendù conceptù pavore, & ponen- dâ in Deo fiduciam suos adhortatus fuisset; manum, quâ solitam sibi virgâ tenebat, super Erythræi maris æquor extendit; quod con- tinuò in geminù latus discedens, utrinq; se, murorum in formam & altitudinè erexit, undiq; sublimè suspensis, siccâ transeuntibus Israëlitis viâ pandit; trepidantè multitudinem præeunte Mo se; mox Aminadabo Iudæe tribus principe, cæterisq; horù exemplò certatim subsequen- tibus; quos dum caliginosæ nubis protectione mu- nitos insequuntur hostes; & alij Hebræorum in litus evadunt; alij pendentes inter gurgitum montes viribus summis, ne vel à flu- ctibus coeuntibus, vel ab imminente cervicibus Pharaone inter- cipientur, effugium intendunt; alijs, num pergerent fugientes, an potius ultro se Pharaoni dederent, ambigentibus; ecce tibi è co- lumna nubis Angelus, mediâs inter tenebras, quas Ægyptijs op- posuerat, terribilem formam, & mortali quacunq; specie vene- rabilioris oris majestatem indutus, minacibus primùm ac flam-

*Transitus  
per mare  
Rubrum.*

mantibus

*Turbatio Ægyptiorum.*

*Ægyptiorum submersio.*

mantibus oculis perfringere cœpit hostem; mox conglobatis spississimis undequaque nubibus: & infra quidem fremente mari, superius autem æthere tonante, crebri fulminum, ignitorumque telorum ac lapidum iactus in hostica spargebantur ora, tempestatem horribilem intorquente, castrorum, quem dixi, Angelo mirificæ nubis infessore. Strages erat vnâ virorum, equorum, curruum falcatorum, ac militarium quadrigarum. Feriri fulminibus equites, pedites, iumenta, tela: subverti currus, & in frustra dissilire rotæ. Clamor interim, & increpatio, Pharaonis; ringentis victoriam turbari sibi. Clamor invicem & ducum ac bellatorum; Pharaonis irritum imperium esse, vociferantium, & ad fugam potius ac receptum, quàm ad pugnam mutuo sese cohortantium, DEUM enim cœli bella gerere pro suis Hebræis. Jàmque pergentibus alijs ad imperata regis exsequenda, plerisque verò regressum in littus Ægyptium urgentibus; inter se studijs ac vijs diversis impliciti, nec quid agerent, omitterentve, nec quorsum viam intenderent, Ægyptij certum habebant: pergentibus interim, ac summa celeritate nitentibus in littus extremum Isrælitarum residuis. Pharaonem, tandem ipsum cœlum, mare, strages exercitus, ac victoriæ desperatio compulerunt in fugam. Sed hanc interclusurus DEUS, in medio recedendi furore, mandat Mosi; Virgam suam pastoritiam ac manum, super undas explicaret: quaque viâ se reciperent Ægyptiarum legionum reliquiae; fluctibus utrinque stantibus missionem daret, ac reditum in locum suum. Id exsecutus Moses, sub ipsum surgentis solis ortum, Pharaoni cum suis omnibus induxit occasum. Recurrentibus enim, quâ fugiebant illi, conjunctisque denuo fluctibus; Cenchres rex, & quotquot tempestas cœlestis reliquos fecerat, cum omnibus bellici furoris instrumentis, apparatusque, sepulti sunt, Arabici sinûs voragine, ne nuntiò quidem tantæ cladis superstite emergente. Hebræi enatantia cadavera læti spoliârunt, armatque detractis, quæ proxima nocte formidârunt, telis, salutem ex inimicis induerunt; loricas illas, & galeas, ac thoraces ferreos in sui tegumenta vertentes, quæ fornaces olim Ægyptiæ procuderant in eorum exitium. Secutum est epinicium, Mose quidem viris, *Mariâ* vero Mosis sorore, suo sexui præcinentibus. Hic finis Cenchræ fuit Pharaonis; Regis quondam Ægyptiorum; exagitatoris Hebræorum; contemptoris magni DEI; ludicatoris, divinæ voluntatis; contumacium omnium exempli singularis; & hodie Tartaræ fornacis incolæ; cuius ille sempiternos ad ignes, descendit, Ægypto comite, medias per undas.

# SVBMERSIO PHARAONIS. DOCTRINA.

101

**S** Bernard. ferm. 39. in Cant. comparat Pharaonem cum diabo-  
lo, Ægyptum cum sæculo, seu Mundo. Ibi, ait, populus e-  
ductus est de Ægypto; hic homo de seculo. Ibi prosternitur  
Pharao; hic diabolus. Ibi subvertuntur currus Pharaonis; hic  
carnalia & secularia desideria, quæ militant adversus animam,  
subruuntur. Illi in fluctibus; isti in fletibus. Marini illi; ama-  
ri isti. Puto & nunc clamare dæmonia, si fortè contingat inci-  
dere in talem animam: fugiamus Israëllem, quia Dominus pu-  
gnat pro eo.

*Pharao ty.  
pus diaboli.*

Pulchrè Gregorius Nyssenus in vita Mosis, quomodo vitia  
nobis cum armis suis sint mergenda. Ægyptiorum enim e-  
quites, inquit, pedites, & currus, sunt animi passionum, quibus  
servitute homo subijcitur. Quid enim ab illo Ægyptiorum ex-  
ercitu ira effusa, voluptas effrænata, dolor immoderatus, ava-  
ritiæ sæditas differt? nōne quasi hasta tremens, iræ impetus  
est? nōne quasi effrænati equi huc & illuc currum trahentes  
nimiae voluptates animum vexant, &c.

*Mala Cupi-  
ditates nos  
persequun-  
tur.*

Columna Israëlitas ducens per diem apparebat instar nubis; per noctem, instar ignis. Symbolum. Lux nocte, Umbra die. DEO  
Duce inter prospera & adversa securus ibis. Sapient. 10. *Deduxit bis & ignis  
eos in via mirabili & fuit illis in velamento diei, & in luce stellarum per no-*

*præcursus.*

*Item.* Aliter S. Gregorius explicat. c. 3. lib. 1. Reg. DEUS, inquit,  
Mosi non semper in igne apparuit; sed in igne aliquando, ali-  
quando in nube; in igne quippe terror iudicii est, unde & dese-  
cundo Redemptoris adventu per Psalmistam dicitur. psal. 96.  
Ignis ante eum præcedet, & in circuitu tempestas valida. In  
nube autem protectio miserationis exprimitur, quia eiusdem  
protectionis suæ blandimentum electis suis promittens Do-  
minus, ait: *Tunc videbunt filium hominis venientem in nube.*

*Filij autem Israël ambula verunt per siccum &c. Exod. 14.*

Et tu si filius Israël es, potes ambulare per siccum in medio  
mari. Si fueris in medio nationis pravæ atque perversæ,  
sicut lumen solis, verbum vitæ continens ad gloriam: potest fie-  
ri, ut in medio peccatorum incedentem te non confundat hu-  
mor peccati: potest fieri, ut transeuntem te per hunc mundū,  
nulla libidinis aspergat unda. Qui Ægyptius est, & sequitur  
Pharaonem, ille vitiorum fluctibus mergitur. Qui verò sequi-  
tur Christum, sicut ille ambulavit, & ipse ambulat. Origen. in  
c. 14. Exod.

Idem *hom. 5. in Exod.* Jubetur Moses virgâ percutere mare,  
ut ingredienti populo DEI dehiscat, & cedat, ac voluntati divine

O

elemento-

*Obediens*  
*DEO, obe-*  
*dientia ha-*  
*bet cetera.*

„elementorum famulentur obsequia, & aquæ, quæ timebantur,  
„dextra lævæque, famulis DEI murus effectæ non solum perni-  
„ciem nesciant, sed munimen exhibeant. Cogitur ergo fluctus  
„in cumulum, & unda in semetipsam repressâ curvatur: Soli-  
„ditatem recipit liquor; & solum maris arefcit in pulverem, ut  
„siccâ plantâ populus DEI transiret. Bonitatem DEI creatoris  
„intellige, si voluntati eius obtemperes, si virtutē facias, si legem  
„eius sequaris, ipse tibi elementa, etiam contra sui naturam ser-  
„vire compellit.

*DEUS su-*  
*perbis resi-*  
*stit.*

*Dixit inimicus: (Pharao) Persequar & comprehendam, dividam spō-*  
*lia, implebitur anima mea; evaginabo gladium meum; interficiet eos manus*  
*mea. Exod. 15. Abyssoperuerunt eos, descenderunt in profundum quasi lapis*  
*Ibid. Huc demum reciderunt sceptræ, currus, castra, fastus Pha-*  
*raonis. Nunc ubi verba tua, thrafo? Quis est Dominus, ut audiam vo-*  
*cem eius, & dimittam Israel? nescio dominum, & Israel non dimittam. Exod.*  
*5, v. 2. Enimvero sentis, qualem lacessiveris Dominum. Iaces*  
*æternū perditus, tecūque jacebunt, quicunque putant, sese*  
*posse illudere Divis.*

## NARRATIO XXV. ISRAELITARVM PROFECTIO PER DESERTUM, ET MIRABILIA DEI IN EOS

beneficia. Exodi 15. 16. 17. Anno M. 2544. ante

Ch. 1509. Anno primo ab exitu ex Egypto.

*Aqua ama-*  
*ra dulcan-*  
*tur.*

**P**ost siccum Maris Erythræi transitum, cum  
triduo integrò nulla potabilis aquæ fieret copia, ve-  
nerunt Hebræi ad locum (nomen ei *Mara*) undis qui-  
dem divitem, sed quarum amarities, sitientiū elusit  
desiderium; unde querulum exortum est murmur;  
cui compescendo Moses certi generis lignum à DEO ostensum,  
immittit in aquas, easque momentò reddit dulces, & gustatu sua-  
ves; sive vis ea nativa fuerit ligni, hætenus ignorata, sive tum  
primū ad præsentem usum à DEO indita.

*Murmur ad-*  
*versus Deū*

Unum jam mensem in itinere faciendo, & commentum ab-  
sumpserant, cum infelicitatis suæ cum priore fortuna, quam sibi  
stolidè

## ISRAELITARUM PROPECT. PER DESERT. 103

stolidè finxerant, & inopiæ, cum copia contentione, in improbas iterum querelas & minas, adversus Mosen & Aaronem, duces suos, prorumpunt malè domita capita, reposcunt cum expostulationibus ollas carniū in Ægypto relictas, flagellorum & diræ servitutis proteruè oblitī Apellæ. Quorum murmuratio cū *Coturnicibus pluit.* ipsum pugnaret in DEUM, is tamen quasi aliquò provocatus obsequiò, non necessitati tantū alimenta, sed gulæ quoq; delicias subministrat, convolante tanta vi coturnicum, ut tertium in mensē omni multitudini sufficerent.

Nec eo munere contenta Divina Liberalitas, suavissimum ex æthere manna effundit, in pruinae modum, per omnem castrorum circuitum latè terram obtegentis, quod sive elixum cacabis, sive frixum in furnis; sive incoctum etiam, seu crudum, neq; fractum, ut quemvis desiderabilem proborum palato saporem repræsentabat: sic impijs murmuratoribus, in pœnam & nauseam cessit, siliquas & furfura se mandere credentibus; adèd lingua maledica gustum omnem perdiderat. Concurrerant in eo cibi prodigio complura miranda; nam dimensum in singula quotidie capita, cælitus præscriptum, (Hebræis *Gomor* Græcis *chœnix*) erat commune viro, pueròque; neq; plus colligere poterat manus avarior; neque minus, parciore; esca nec servanda in diem posterum, nisi putridam vellent: nec æstuante sole relinquenda in agro, quippe calore diffluxura; sexto quovis die cadebat copiosior, etiam in septimum seu Sabbathum suffectura; idque per annos omnino quadraginta; totò nimirum peregrinationis Israëlitiæ, per deserta, tempore. Et tamen inventæ sunt fauces, quæ nauseabant has delicias. Ægyptio cucumere, peponèque corruptæ.

Vix ea seditione compositâ; quis credat, aliæ super alias sunt *Seditio Is-* exortæ. Nam cū progressi, castrâq; metati in regione *Rapidin* rælisarum penuriâ laborarent, aquæ dicam, an hauriendæ è DEO fiduciæ; *propter a-* rursus ad superba jurgia, & impias adversus cælestē Numen *que penu-* relas convertuntur; erant in medio beneficiorum divinorum *riam,* cursu, quibus diu noctūq; fovebantur; erant in clara luce miraculorum, quæ omnium perstringebat oculos; illi tamen pro eo, demissis ut à cælo precibus siti remediū efflagitarent, tumultuosis vocibus Mosi lapidationem intentant, nisi mox aquas unde eliceret; insolentiâ suâ, Divinæ quoque Præsentia ac gubernationis, tot jam prodigijs demonstratæ experimentū capturi. Meruisset hæc linguæ protervia, siccæ ut intra fauces contabesceret, nisi cum perduellium contumacia maluisset certare *Petra per-* DEI clementia, beneficijs odia pensandò. Percutitur igitur Numinis jussu petra *Horeba,* eâ ipsâ virgâ, quâ Moses potentiam, cælo *cussa dat a-* *quas.* terræque

terræq; dominantem, sæpius jam per prodigia palàm fecit. Et ecce! erumpit latex non minore limpидitate, quàm copîa, sitim-que simul & obmurmurationem extinguit.

*Amalecita  
vincuntur.*

Hanc cæli gratiam statim consecuta est alia, quando in Arabiam Petræam delati, *Amalecitarum* fines attigerunt. Erant ijab *Amalece*, Esavi nepote, oriundi; quorum rex partim inveteratò in Iacobi posteros odiò, ob præreptam patris *benedictionem*, partim metuens populationem agris; excità oppidatim juventure, petentibus transitum, negavit; quòd si armis viam sibi aperire conarentur, sperabat integris viribus, & recenti milite, se fessos itineribus & comèatuum inopià, facillè superaturum. Qua re per exploratores Moses cognitâ, fortissimum quemque bellatorum deligit, iisque *Josuen* seu *Jesum* imperatorem præficit, aleamque pugnæ comittit. Ipse cum fratre *Aarone*, & *Hure*, Mariæ sororis marito, ascendit collem montis Horebi, procumbit in preces, extensis cælo brachijs. Conferitur interea prælium; mira res! pendet victoria ab inermi. Vincit Hebræus, levantem manus in altum Mose; succumbit, succumbente precantis habitu. Aaron igitur & Hur sustentant fatigati Ducis brachia simul, & victoriam; quæ cum die finem habuit, Amalecitis cum suo rege fuis, fugatis, trucidatis, & opimis inde spoliis relatis. DEO victoriæ datori exstructa ara, patrata sacrificia, beneficij memoria dicata; Amalecitarum omnis posteritas, decretò Numinis, diris & cædibus devota. Vsq; adeò severa vindicta incumbit illis, qui in eos, quos DEUS in oculis habet, crudelitatem exercent, quemadmodum Amalecitæ Hebrææ genti innoxium transitum petenti ferrum & furorem obiecerunt.

## DOCTRINA.

*Crux Christi  
edulcat  
amara*

**C**um lignum Moyses misisset in aquas, in dulcedinem versa sunt Exod. 17. In Cruce Christi, pijs mentibus labor omnis & dolor dulcescit, scit. Augustinus *sermon. 101.* Quid dulcius, quid suavius, vel cogitari, vel dici potest, quàm sanctæ Crucis mysterium, per quam non solum ab inferis revocari, sed etiam in cælos elevari, meruimus? Multum etiam ligni Crucis umbra & figura valuit. Nullum Moyses signum sine ligni Sacramento peregit, ut enim signa & prodigia in Ægypto faceret, virgam accepit à Domino. Si Rubrum mare dividendum, jubetur Moyses elevare virgam, & mare cognoscens venturi ligni figuram mox iter populo pandit insuetum. Si ad aquam amaram venit in *Mara*, nisi lignum in se suscepit, non dulcescit; quæ res erat indicio, amaritudinem gentium, per lignum Crucis in usum dulcedinis quandoque vertendam. Si autem non habet populus, unde

,, bibit,

## ISRAELITARUM PROPECT. PER DESERT. 105

„ bibat, petra ligno percutitur, & dat per gratiam, quod non  
 „ habuerat per naturam. Si Amalech sævus hostis occurrit, Iosue,  
 „ filius Nave virgam tenere manu iubetur, & Moyses brachia sua in  
 „ modum crucis extendere, ac sic per figuram Crucis vincitur in-  
 „ superabilis inimicus.

*Quando sedebamus super ollas carniū.* Exod. 16. O voracem cras-  
 sæ plebis ingluviem, quæ, ut pecora herbis, incumberebat caca-  
 „ bis carne bullientibus! Verè Hieron. *in Matth.* Cor habet in  
 „ ventre gulofus; lascivus in libidine; cupidus in lucro. Excordes  
 Hebræi, tot prodigiorum obliti, respiciunt Ægyptum, laturo fla-  
 „ gella & vincula, modò voraturi. Doctè Hugo *in clausl.* DEO  
 „ ventri templū est coquina: altare mensa: ministri coqui: imo-  
 „ lata pecudes, coctæ carnes: fumus incensorum, odor saporū.

*Crassa in-  
gluvies.*

Sed quæ pulchrior præsignatio, quàm Corporis Christi per  
 Manna adumbrati? 1. Idem est color specierum Eucharistiæ,  
 & mannæ. 2. Sapor dulcis utriusq; ; natura quippe mannæ melli-  
 tam dulcedinem referebat. 3. Non nisi relictis ollis Ægyptiacis &  
 carnis voluptatibus invenitur, aut sapit utrumq; 4. Infidelibus,  
 & avaris in venenum & noxam vertitur utrumq; 5. Ut manna post  
 transitum maris, ita Eucharistia post baptismum datur. 6. Post  
 acceptionem mannæ, pugnatur & vincitur ab Hebræis; sic Eu-  
 charistiæ virtute superantur hostes animæ, & vitia. 7. Manna abs-  
 que semine, confectum ab Angelis; Christi Corpus ex sola Virgi-  
 ne & spiritus S. irroratione. 8. Manna Hebræis omnis saporis  
 varietatē dabat. *Sapientia* 16. Ita cibis Eucharisticus mors est ma-  
 lis, vita bonis &c. 9. Manna erat minutum; Christus parvā hostiā  
 circumscriptus, 10. Manna pilo tufum; Christus pilo crucis, mor-  
 talitate exutus est. 11. Fideles admirabundi cum Hebræis excla-  
 mant: Manhu. Quid hoc, ut nobiscum DEUS? 12. Omnes de  
 manna æqualem mensuram colligebant; sic totum Christum  
 omnes æqualiter recipiunt. 13. Sex diebus tantum colligebatur  
 in deserto manna; sic in Sabbato æternitatis, & in terra promif-  
 sionis velamen Sacramenti cessabit, Christūq; facie ad faciem in  
 summa quiete perfruemur. 14. Sole liquefcebat manna; sic re-  
 solutis calore speciebus Sacramentum dissolvitur. Cornel. à Lap.  
 in hunc loc.

*Manna fi-  
gura Eu-  
charistiæ.*

Hæc petra significabat Christum, teste Apostolo. 1. Cor. 10.  
 qui pro nobis percussus & vulneratus, *adaquavit nos velut in abyſſo  
 multa*, meritorum suorum Psal. 77. Ipse ait: *Siquis sitis, veniat ad me,  
 et bibat.* Ioan. 7. *Et eduxit aquam de petra.* Psal. cit. Potest exponi tropo-  
 logicè de corde humano, quod licet instar saxi obriguerit, virgā  
 tamen crucis, id est, meditatione Passionis Dominicæ percussā &  
 compuncta, salutiferas pœnitentiæ lacrimas fundit, juxta illud  
 Christi apud Ioan. 7. *Qui credit in me, flumina de ventre ejus fluent aqua  
 viva*, gratiarum scilicet & charismatum.

*Petra figu-  
ra Christi.*

NARRA-



NARRATIO XXVI.  
 LEGISLATIO  
 DECALOGI. ADORATIO  
 VITVLI AVREI. VLTRICES GVLOSORVM  
 POENÆ; ET MARIE, SORORIS MOSIS.

Exodi. 19. 20. 24. 32. 34. Numer. 11. 12. 20. An. M. 2544. & 2545.  
 2575. Ante Ch. 1507. & 1508. 1478.

**M**otis ex Horebo castris, ad montem ubi Sinam confederunt Hebræi, Moses interpres & inter-nuntius inter DEUM & populum, ascendit in jugū, accipitque responsa Numinis, quibus gens Israëlita in peculiarem favorem deligitur, & adoptatur, magnis adjunctis promissis, si vicissim obsequia, fidemque spondeat. Quod omnium mox consensu, verbis magis præstitum, quæ factis. Sub hæc constituti per circuitum montis termini, ultra quos, poenâ mortis propositâ, non progredi, non consistere liceret. Tertia post die cœperunt magno fragore sonare tonitrua, micare fulgura, clangere buccinæ, in modum lampadum coruscare nubes, mons contremiscere totus & fumare; in cuius vertice Angelus, DEI legatum agens, igneo splendore circumdatus, omnibus ad terrorem concurrentibus (nam ad contumaciam gentis in officio continendam, erat Numinis reverentia, metu incutienda) Mosén ad se evocat & Aaronem, vocéq; terribili leges Decalogi promulgat; quas deinde, Mosi seorsim accersito, post quadraginta-diale jejunium tradidit, geminis tabulis lapideis comprehensas, cælesti scriptas manu. Quo tempore Vates multa cæli arcana didicit, Ritus, Sacrificia, Leges judiciarias, constructionem Arcæ fœderis seu testamenti; in hac quoniam duæ Legis tabulæ continebantur, ideo summa ejus religio & veneratio omnium mentibus infusa. Erat ea cista quadrangula, longa duos cubitos cum dimidio, sesqui-cubitus alta, ex ligno Sétino (quod nescit cariem) auro obtecto. Eam operiebat tabula, seu operculum aureum; quod *Propitiatorium* vocabatur, cui insistebant duo juvenes alati, Angelorum specie, partim alis, partim corpore tabulam regentes; *Cberubini* in sacris litteris appellantur. Accepit quoque idéam Tabernaculi seu Tentorii Castrensis, tribus parietibus è tabulato ligneo

*Promulga-  
tio Decalogi*

*Arca fœde-  
ris Mosi de-  
signata  
à DEO.*

## DECALOGUS. ADORATIO VITULI. &c. 107

ligneo constantis, duobus longioribus, triginta cubitorum singulis; unò versùs Austrum, alterò versùs Aquilonem; tertio brevior, decem cubitorum; qui ab occasu prædictos duos longiores clauderet, parte Orientali apertà relictà. Hoc septum quaternis velis operiri jussum, scilicet primo byssino preciosiore, *altero* cilicino, *tertio* de pellibus arietinis, *postremo* de pellibus hyacinthinis (tassorum, ut in Hebræo habetur.) Apellatur verò sacris in Litteris Tabernaculum hoc, sanctuarium, quòd esset Arca fœderis in eo reposita, & Divina Majestas ibi tanquam in Oraculo responsa consulentibus dando, præsentem se, & Præsidem, Tutoremque populi sui præberet, certis solennibusque diebus, ad preces, sacrificia, laudesque DEI celebrandas, ejusque legem audiendam, eò convenientis. Præter structuram Arcæ & tabernaculi, Mosi in eo secessu descriptum, designatúmque, quidquid ad universum sacrorum apparatus pertineret.

*Idea Tabernaculi seu sanctuarij Mosi dictata.*

Quis non crederet, eò quadraginta dierum intervallò, quo religiosissimus Hebræorum Ductor, DEI consuetudine in *Sinæ* jugo utebatur, populum ad radicem montis, latè tendentem, pari religione, datam cælo fidem culturam fuisse? Alia omnia. Ducis absentia vertitur in occasionem sceleris, & nefandæ superstitionis licentiam. Nihil jam memoria gratiarum, largè cælesti sinu fluentium: nihil fæderis cum DEO initi, pactiq; sacrosancti ratio valet; itur in sacrilegum nefas ab omni multitudine, solis exceptis Levitis, neque cunctis tamen; & siqui alij impietati resisterunt viri boni. Aaron Mosi frater, & imperij confors, religiosi cæteroquin in DEUM animi princeps, sed æquò timidioris, importunis juxtà & nefarijs postulationibus adigi se patitur (cunctabundus tamen, credibile est enim, spem habuisse discutendi scelesti consilij, tum sui procrastinatione consensùs, tum maturato fratris è monte descensu) ut ex pretiosis aurium ornamentis certatim oblati, vel vitulum integrum, vel caput certè vitulinum ex auro confari permetteret. Itaque fabricatur idolum, ad exemplar simulacri Ægyptij, quod bovinà sistum formà, *Apidis*, *Serapidis*, *Osiridis* nomine, ei genti colitur; urgente celeritate operis & adjuvante malo dæmone. Nec mora; erigitur detestabile signum, tenduntur manus bubulo capiti, curvantur genua, ponitur ara (non jam consentiente tantum, sed manum etiam admovente Aarone) adolentur thura, mactantur victimæ, tanquam libertatis vindici & assertori DEO. O portentosa dementia! ò nefanda scelestissimorum mortalium vecordia! Ab impio sacrificio fit gradus ad cetera flagitia, ad lascivas epulas, choreas, cantus; estur, potatur, luditur; omnia sacrilegis vocibus personant;

*Adoratio Vituli.*

perfonant ; Novus DEUS, summorum & infimorum gratulatione confalutatur.

*Moses con-  
fringit ta-  
bulas Deca-  
logi.*

Exarsit iustissimus DEI furor, non nisi gentis perfidæ excidiò restinguendus; obicem ruenti vindictæ opponit supplex Moses, suo pro aliena salute, capite devotò. Exiit de monte descendit, geminas Decalogi tabulas manu gestans, comitante Josua; qui percepto populi vociferantis tumultu, non est, inquit, hic clamor pugnam poscentium, sed tripudia agitantium; illi propior jam factus, cum suis ipse oculis auribúsq; Moses hausisset, in detestationem execrandi facinoris, lapideas, quas à DEO acceperat tabulas, allidit ad saxum, & confringit; simul indignos reputans cœlesti munere nefandos idololatrias; simul atrocitatem injuriæ, divinæ majestati, illatæ contestans. Mox accedens ad vitulum aureum, dissolvit igne metallum, redactam inde massam redigit in pulverem; hunc spargit in aquas, iugi miraculo è petra Horeba dimanantes; cumq; alius latex in potum non suppeteret, coguntur velinvi suum simul scelus, & sceleris poenam bibere. Innoxia fuit, criminis exortibus lymphæ; maleficis inflavit corpora, &

*Aqua petra  
Horeba alijs  
exitiosa, a-  
lijs non.*

*Zelus Moysi  
& Levitarũ  
in trucidã-  
dis idolola-  
triis,*

languida tæbe necem attulit. Nec stetit hic supplicium, Moses acerrimus honoris divini vindex, stans in ingressu castrorum, si quis, inquit, Domini est, jungatur mihi; palam faciet hæc dies, quo quisq; loco habeat vel ignominiam DEI, vel gloriam. Aliquorum sanguine omnium redimatur exitium. Agite, si viri estis, manum mecum & ferrum in piaculum tanti sceleris stringite. Accendite ea vox, vel Numinis potiùs inspiratio, Levitas; densi conglobantur; & gladijs, ut erant iussi, armati, facto per media castra transitu, obvios quosque, aurium elenchis destitutos (hoc enim idololatriæ signum erat) sine discrimine trucidant, cæde tantò expeditiore, quantò timidiùs, improvisiúsque in ferrum incurrebant, epulis, ludis, choreis marcentes. Occubuerunt ea strage non minùs viginti tria millia. Ita decuit expiari vitulum, quem impietas sacrilega excogitavit, timiditas ignava procudit, temulentia divinis honoribus affecit, Zelus gloriæ Numinis in pulverem dissipavit.

*Etiam pe-  
stis occulta  
in impios  
savit.*

Territis ea occisione vecordium pectoribus; redit Moses in montem, Actorem simul & reum pro pervicaci populo acturus; denuòque placato per preces & longa jejunia Numine; novas curat conscribi tabulas; quas in montem relatas, iterumq; Decalogo, cœlesti digito inscriptas, sancitis denuo DEUM inter & populum foederibus, reportat in castra, reperitq; novo supplicio consternatos, quos enim ex idoli cultoribus gladius ultor non absumpsit, vindex Numinis ira de medio sustulit, occulta quadam peste afflatos.

Iterum

## DECALOGVS. ADORATIO VITVLI &c. 109

Iterum ad spem erecti animi, deprecator Mose, iterum obsequia DEO jurata, & Ductori populi; cui majorem etiam apud omnes venerationem conciliavit facies, à divina colloctione fulgurans, & radios, quasi duo cornua ab extrema fronte utrinque emittens; cum ecce, castris tertiis à monte Sina promotis, tædium prolixi itineris novas turbas concitat. Mittuntur iterum, *Murmuratores ob longitudinem* (ò linguam inferis ignibus torrendam!) atroces in celum voces, tanquam ductrice columna produceret æquò longiùs, profectio- *gitudinem* nis spacia, cum unius anni veternosa quies indulta fuisset ad *Horevia, igne* *punitur.* *bum & Sinam* confidentibus. Quid iterum DEUS? erumpit ignis five ex alto, five profundo, invaditque extremam castrorum partem, quique ex omni tribu ignavi cessatores restitarent, absumit. Grassantis incendij furorem iteratæ Mosis preces stiterunt; locus à deflagratione nomen obtinuit *Incensio.*

Et verò, quis animum inducat, sibi que persuadeat, nisi divine pro testimonio paginæ loquerentur, neque his flammis incaluisse obstinata pectora. Ultrices nondum satis erant ignes extincti, *Carnivori* cum ad nova obtrectationum arma venitur. Fastidit manna *plectuntur.* cælo delapsum; esuriuntur carnes, pisces, allia Memphitica; neque sine seditione deposcuntur. Irritatus toties DEUS, ministeriò venti, imensam coturnicum copiam latè per castra effundit; quæ volatu fatigatæ, fractæque, nullo negotio converrebantur magis, quàm colligebantur in cumulum. E vestigio gulam secuta est pæna, dum ingluvies saginatur pennatâ prædâ, mors cum cibo deglutitur, multis mortalium millibus per id, quò vitam gulosiùs conservatam volebant, è vita exturbatis; ubi epulum, ibi tumulum habuerunt; què ne ignorarent posterì, epitaphiù Sacer historicus addidit: Sepulchra Concupiscentiæ. Populi in Mosen obtrectatiões & pœnas excepit oblocutio ac supplicii *Mariae* sororis; quæ ortò inter ipsam, & *Sepphoram*, uxorem Mosis, Madianitidem, jurgiò; (ob honoris, ut credibile est, prærogativam) dum altera uxoriò se titulò, altera sororiò præfert; cepit Maria obterere laudes fraternas, eiùsque culpæ parte aliqua Aaronem quoque, alterum fratrem, aspergere. DEUS simul famuli sui *Mariae soror* *Mosis punita.* dignitatem asserturus: simul improbitatem linguæ castigaturus, repentè fædissimâ leprâ feminam inficit, & ab hominum consortio excludit. Elatior spiritus repressit morbus & ignominia; gravia mala ei sexui; quæ ne ultra septiduum adhærent obmurmuratrici, preces Mosis, hominum mitissimi effecere. Modestiùs illa deinceps de se sentire docta, multis virtutibus ornata, extremum diem obiit *Cadibus*, in Idumææ finibus; ætatis anno centesimo, vigesimo primo; publico luctu, sumptuque elata. Aaronis, quia levius in ea re delictum, idèo mitior etiam pœna fuit; Sola DEUS reprehensione in eum animadvertit.

P

DOCTRINA.

# NARRATIO XXVI. DOCTRINA.

*Terrores in  
promulga-  
tione Deca-  
logi.*

**O**cto terribilia comitabantur legem in Sina datam. 1. Totus mons tremebat. 2. igne & fumo ardebat. 3. horrenda tonitrua reboabant, fulgura micabant. 4. caligo densissima montē operiebat. 5. erat pluvia & procella, ut ait Apostol. Heb. 12. 6. mons terræ motu concutiebatur. psal. 67. 7. sonus buccinæ perstrepebat. 8. Angelus voce horrida Decalogum proclamabat. Omnia hæc eò spectabant, ut Hebræi Sacro quodam horrore, timore, & reverentia tum Numinis, tum legis, quam accepturi erant, observandæ percellerentur.

*Quare Legi-  
bus divinis  
accuratè  
parendum.*

Quanta verò accurate Legibus Divinis parendum sit, docetur Levit. 26. Primò, ob magnitudinem præmiorū promissam. 2. ob supplicia violantibus intentata. 3. ob Legislatoris maiestatem, omni reverentia metūque colendam. 4. quia mors ipsa prius subeunda, quàm vel unum mandatum transgrediendum. 5. quia ne unum quidem, idemq; minimū perfringendum, hic etiam pilus facit umbram, ut vulgò dicitur. 6. Quia à primo rationis usu, per omnem vitam sanctè observandæ leges DEI. Unde Psal. 118. *Tu mandasti, mandata tua custodiri nimis.*

*Discrimen  
inter legem  
veteris &  
novam.*

Lex Vetus cum terroribus promulgata, lex fuit timoris: Lex nova & Evangelica, lex est amoris; illius jugum grave, huius leve. Matth. 11. *Venite, inquit Christus, qui laboratis & onerati estis, (jugò legis veteris) & ego reficiam vos.* Ibi servitus, hic libertas. Grave profectò jugum legum veteris Testamenti cum multitudine, quia numerantur 613. præcepta. *Affirmantia: 248. Negantia 365.* tum gravitate supplicij; in plurimis enim poena capitis constituta. Lex autem Evangelica, lex gratiæ & charitatis, cui nihil est difficile. Arcta quidem est via, ait Rabanus, quæ ducit ad vitam. Sed „ quod angustò initio incipitur, processu temporis, ineffabili di- „ lectionis dulcedine dilatatur.

*Terror Ma-  
gister est ob-  
sequij.*

Moralem explicationem habet, quòd Hebræi inter tonitrua legem acceperint, scèque ad parendum promptos obtulerint. Nimirum ad divinas leges, nunquam attentiores sunt mortales, quàm cum calamitatum fulmina in eos ruunt, cum grandine diverfarum cladum internuntur; tum arrectis adstant auribus, scèque omnia facturos amplissimè pollicentur.

*Amica est  
Venerigula.*

*Sedit populus manducare, & bibere, & surrexerunt ludere* Exod. 32. „ Epulas, inquit Greg. *lib. 1. moral. cap. 5.* comitatur voluptas, nam „ cum corpus in refectiois delectatione resolvitur, cor ad inane „ gaudiū relaxatur. Est quippe gulæ filia, inepta & impura letitia. Si- „ ne Cerere & Libero friget Venus; saturitas est invitamentū libidinis. *Projecit de manu tabulas, & confregit eas.* Exod. 32. Basilius, tabu- „ las, inquit, DEI digito scriptas, quas jejunium accepit, ebrietas „ contrivit

## DECALOGVS. ADORATIO VITVLI &c. III

„ contrivit, cùm indignum iudicaret Propheta, ebrioso populo le-  
„ ges à DEO ferri.

*Occidat unusquisque fratrem, & amicum, & proximum suum* Ibid. Mo-  
ses hominum mansuetissimus, irā induit & severitatem, injuriam  
„ DEO illatam ulturus. *Moses*, ait Creg. *Pastor. c. 23.* intūs ignibus *Zelus Mosi*  
„ amoris, foris accensus est Zelo severitatis: utrobique legatus *amore tem-*  
„ fortis, causam populi apud DEUM precibus, causam DEI apud *peratus.*  
„ populum gladijs allegavit. intūs amans, divinæ iræ supplican-  
„ do obstitit; foris sæviens, culpam feriendo consumpsit.

Mirabile certamen in hoc loco, Genes. 32. describitur DEUM  
inter & Mosen. Uterque ab eodem orditur classico. Clamat DEUS:  
*Dimitte me, ut irascatur furor meus contra eos, & deleam eos.* Reclamat Mo- *Orationis*  
ses: *Aut dimitte eis hanc noxam*, (adorationem vituli) *aut si non facis,* *potentia,*  
*dele me de libro tuo, quem scripsisti.* Mira utrinq; violentia! Hinc DEUS,  
quasi ligatus, ut Bernardus ait. *serm. de S. Magdalena*, ferendi li-  
centiam quærit à Mose, qui Mosen fecit. Quanta vis precum,  
quando DEUS se ijs ad resistendum velut imparē fatetur? Ita So-  
domæos cives puniturus, Lotho secessionem imperans Gen: 19.  
*Festina*, inquit, *& saluare ibi*: (in oppido Segor) *quia non potero facere* *Zelus ani-*  
*quidquam, donec pervenias illuc.* Moses verò ardentissimo animarum *n arum in*  
Zelo succensus, præelicebat Beatorum porius Albo expungi, quā *Moseis Paul-*  
videre populi, quantumvis scelerati & sacrilegi exitiū sempiter-  
num. Idem ardor Paulum Apostolum inflamavit, ut optaret *lo.*  
*anathema esse à Christo pro fratribus.* Rom. 9. hoc est, à Christo propter sal-  
lutem fratrum separari volebat. In utroque amoris divini sumus  
excessus qui, quò longius eos abripiebat, tantò viciniùs DEO con-  
jungebat. De quo excessu idem Apostolus 2. Cor. 5. *Sive mente ex-*  
*cedimus, DEO, sive sobrii sumus, vobis.* Quid enim? Paulus separetur à  
Christo? qui de se ipso Rom: 8. *Certus sum, quia neque mors, neq. vita &c.*  
*poterit nos separare à charitate DEI.* Hunc locum S. Thomas explicans,  
Optabā, ait, si fieri possēt, anathema esse, id est, separatus à gloria,  
vel simpliciter, vel ad tempus, propter honorem Christi, qui est ex  
conversione Judæorum. Eleganter & acutè S. Hieron. *q. 9. ad Al-*  
„ *gisiā.* Quæ est, inquit, ista tanta mutatio, imò inaudita pruden-  
„ tia, ut pro charitate Christi, nolit habere Christum? Tam Moses,  
quā Pauli Zelus & amor, magis ferebatur in DEUM, & Christum,  
quā erga Judæos; uterq; enim prætulit suæ gloriæ & saluti DEI  
gloriā, quæ major & illustrior erat futura, si totus Judæorum po-  
pulus salvus fieret, quā si ipse solus. Et hæc Charitas omnē con-  
cupiscentiæ amore non excludit, quæ non quærit, quæ sua sunt.  
Salmeron in epist. ad Rom. disput. 25

„ *Adhuc carnes erant in dentibus eorum*, & ecce Dominus per- *Gula da-*  
„ cussit populum plagā magnā nimis. Numer. 11. Ecclesiasticus *mna.*

monet c. 18. v. 30. *Si praestes anima concupiscentias eius, faciet te in gaudium inimicis tuis* & c. 37. Propter crapulam multi perierunt; juxta Proverb. *Plures occidis crapula quam gladius*. Sua sibi sepulchrum gula fuit. Paulus minatur gulosis 1. Cor. 6. *Esca ventri, & venter escia; DEUS autem & hunc, & has destruet*. Nam utrumque vertetur in sordes. Chrysostom. *Homil. 10. ad Philipp.* Ventrem accipisti, ut nutrias, non ut distendas: ut illi domineris, non ut dominum habeas; ut tibi inserviat ad ceteras partes alendas, non ut tu illi servias, ut fines transilias. Non tot malorum causa est mare fines supergressum, quot venter corpori, animaeque nostrae. Et Senec. Vis ciborum voluptatem contemnere; exitum exspecta. Et alibi: major sum, & ad majora natus, quam ut corporis mei sim mancipium. S. Gregor. *in illum versum psal. 77*. Adhuc escae erant in ore ipsorum; & ira DEI ascendit super eos. Majoris, inquit, iracundiae causa est, cum & hoc tribuitur, quod malè desideratur; quia & hoc quodque obtinuit, quod, DEO nolente concupivit. 15. *Moral. c. 10.*

*Locutaque est Maria & Aaron contra Moysen propter uxorem eius Aethiopi-  
pissam, & dixerunt: Num per solum Moysen locutus est Dominus? Nonne &  
nobis similiter locutus est?* Num. 12. Antiqua res est, feminarum inter se aemulatio, ambitio, contentio. Praesertim inter *Sacrum & n-  
rum*; inter *gloriam* (mariti sororem) & *fratrem*, (fratris uxorem) quales Maria & Sephora fuerunt. Sexus hic quod est infirmior, hoc est inflatior & tumidior; quod inanior, hoc est ventosior. Alias effert forma, alias divitiarum, alias honores; quae tria si concurrant, nihil est illis impotentius. Sephoram non dignitas formae, (nam Aethiopum de gente fuit) sed mariti extollebat; Mariae Spiritus addebant fratres gemini, quorum alter Hebraeae gentis Princeps, alter Pontifex. Accedebat ad arrogantiae incitamentum, quod ipsa quoque afflatus divinos sentiret; & ortum duceret ex Israëlitica nobilitate; cum Sephora esset alienigena & adventitia, ex idolorum cultoribus oriunda. Quam ut deprimeret, in fratrem ausa est insurgere, & pro adiutore alterum fratrem adhibere; est enim hoc proprium muliebrigenio, ut solus cupiat vincere, sed non solus pugnare. Non tulit autem DEVS hanc superbiam, etsi tulerit Moyses. Lepra horrida venustatem formae (quae in grandiore quoque aetate tum temporis florebat) extinxit; & quam collegit in populo sui admirationem ac venerationem, ejectione extra castra, in probrum & contemptum vertit. Remedium huic tumori praesentissimum.

NARRATIO XXVII.  
EXPLORATIO  
CHANANITIDIS,  
ET PVNITIO IMBELLIVM.

Num. 13. 14.

Anno Mundi 2545. Ante Ch. 1508.

**D**Emerfis Arabico sinu, cum ipso Pharaone, turmis Cohortibusque Pharaonis; Moses, & præ Mose, Ductor Angelus, qui populum, omni sine clade transportarat, ingentem sibi apud Israëlitas fidem, auctoritatemque comparaverunt. Unde factum est, ut; quocunque deinceps locorum, ac regionum traherentur, secuturos se promptis animis, ac pedibus præ se ferrent. Sed ut mobile plerisque mortalium esse solet ingenium; longè verò mobilissimum Hebrææ nationi; promptitudinis illius ac obsequij constantiam non tenuere diuturnam; multò minùs perpetuam. Mutavit eorum mentes mutata loci facies; ab Ægyptiæ terræ culta forma plurimùm abludens. Ducebantur (& hoc, per annos quadraginta) squalidissimis Arabiæ Petrææ solitudinibus; præcipitæque Deserti Pharanicò, cuius longitudo, latitudoque vel ipsi Germaniæ, regionum Europæ spatiosissimæ, certare queat.

Sed lenivit incommodorum pleraque; multà quoque sustulit, aut emendavit, DEI paterna Providentia: nam Hebræis oberrantibus (ut sæpe jam dictum est) Ductorem dedit Angelum: ambigentibus Directorem Mosen, & Oraculum; Sacrificaturis Pontificem Aaronem; famelicis cœlestem mannæ cibum: siti confectis aquas dulces, & vivos è scopulis fontes: arsuris æstu solis, nubis ingens umbraculum: nuditate laboraturis, vestium inviolatam durationem: destitutis ope medica, corporum firmitatem: domò carentibus; incorrupta pellium tentoria: vagis, in exiliò medio, patriæ nonnullam facièm: nihil

*DEI beneficia in peregrinantibus Israëlitas.*



habentibus denique, semetipsum impendit, hoc est, OMNIA. Quò factum, ut si verum se, suæque bona novissent æstimare: desiderare nihil, nisi modestiam, bonamque mentem potuerint.

Eò jam processerant in Deserto *Pharane*, ut non procul *Cadesbarne*, Moabitarum civitate, castra ponerent; suscipitur hic consilium de Chananitide, terrarum felicissima occupanda; quæ cum jussu divino, manu esset armata invadenda; illi suo magis timori, quàm DEI imperio audientes, mittunt, qui regionis illius non fertilitatem modò, sed militare robur explorent; quâ poenâ ignaviæ, mox recensebimus.

*Exploratio  
Chananiti-  
dis contra  
DEI volun-  
tatem.*

Constitutum erat DEO Populum Hebræum, maximis prodigijs ex Ægypto eductum, in promissam Chananitidem, terram lacte, mellæque, hoc est, rerum omnium ubertate manantem inducere, armis tamen & virtute capiendam. Nec erat difficilis futura pugna, quæ cælo auspice committenda. Sed quia contumacia non præter solitum capita, diffidentia opis ex alto ferendæ incessit, consultatur de re, quæ citra injuriam Numinis in deliberationem trahi non poterat. Mittuntur viri duodecim, totidem tribuum primarij, in quibus *Josue* & *Caleb*, cum mandatis, diligenter ut explorent regionem adeò decantatæ felicitatis, cumque fide referant, quæ viderint, compererintque: & quando regionis illius fecunditas tantopere prædicaretur, fructus secum reportarent beatò solò natos, argumentum & specimen exploratæ terræ. Lustrant illi provinciam diebus admodum quadraginta, omnibûsque exploratè cognitis, referunt diversissimi affectûs nuncium. Cæteros inter fructus apportatur ingentis magnitudinis palmes, recenti cum uva, supra Vestem duobus baiulis impositum. Ea telluris opimitas quantum allexit oculos, tantum absteruit animos eius potiundæ difficultas. Exploratores quippe cæteri, præter *Josuam* & *Caleb*, suo metu implere populum, malignis verbis in majus attollere regionis munimenta, urbium propugnacula, bellatorum robora, vastâ incolarum corpora, quibus ipsi compositi, locustæ possint videri. Contrà *Caleb* & *Josue* suscipiendæ expeditionis elevare pericula, addere animos timidis, victoriam audentibus polliceri. Cum verò explorationis focij non desisterent aggravare discrimina; vincente denique spem metu, solvitur indignatio in querelas & lacrimas. Quid enim? tot mensium & viarum labores frustra exantlatos: vanis promissis aures impleri; terram ostentari, cujus possessionem nunquã sint adituri: cum gigantibus bellum suscipiendû; graviora jam se perpeti fornacibus Ægyptijs; satius esse reverti eò, unde ventum, & inter homines servitutē pati non famelicam, quam

*Explorato-  
rum timi-  
dis, excep-  
to Josue &  
Calebo.*

## EXPLORATIO CHANANITIDIS &c. 115.

quàm cum liberis & uxoribus miserrimè perire in vasta solitudine. Res proximè seditionem erat; onerantur contumelijs ac convitijs gemini Ductores, Moses & Aaron; jámq; nihil restabat, quàm ut manus Iosuae & Calebo iniicerentur; quod ne fieret, absterruit concitatos insolitus de columna fulgor terrificis radijs supra tabernaculum evibratus. Stererunt aliquamdiu stupefacti eò spectaculò cervicosi homunciones; cùm vox etiam aures de cælo ferijt, cum minis pestiferam luem intentantibus; objecit iterum preces supplex Moses, irásque Numinis hæcenus mitigavit, ut iussu redire viâ, quâ venerant, (quid enim aliud murmuratio vesana quærebat?) longis annorum quadraginta ambagibus per deserta vagarentur; neminique omnium, qui vigesimum ætatis annum superârat, decretoriâ supremi Numinis sententiâ, pateret aditus in fortunatam Chananitidis terram, præterquam Iosuae & Calebo. Primi omnium decem exploratores illi timiditatem suam subita morte luerunt; quò suppliciò ceteri, more suo perculsi, dum aggrediuntur rebellionem ignavam fortibus factis corrigere, ut stulti, dum vitant vitia, in contraria currunt; præpostera ruunt audaciâ præcipites, & inconsultò Deò, Mosèque dehortante, movent in *Amalecitas & Amorrbæos*, alpeftres Chananææ regionis incolas; magnâque funduntur clade. Qui hostilem effugerunt gladium, feris lacrimis temerarium damnantes consilium, ad Arabica & inhospita saxa redierunt; mox etiam ad ingenium suum reversuri; id quod in *Coritarum* seditione, de qua statim memorabimus, nimis quàm palàm fecerunt.

*Populi seditione contra Moysen & Aaronem.*

*Seditio foris puniitio.*

## DOCTRINA.

**I**uxta adagium, ex ungue, leo noscitur: ex uva, vinca. Chananitidis opimitas, non è fructibus modò laudanda; sed etiam, si Hebræi fuissent viri, ferrò fuerat vindicanda. Nares sub Justiniano Cæsare, Belisarij successor, Longobardos ex Pannonia in Italiam allexit fructibus submissis. Paulus Diacon. lib. 1. Et Caius Julius Cæsar memorat lib. 1. de bello Gall. Helvetios comperta Galliæ fertilitate, relicto solo patrio, exustisque sedibus suis vim omnem ad eam invadendam contulisse. *Terra Promissionis*, cælum est; ignaviâ nimîâ torpet animus, quem eius obtinendi desiderium non exstimulat, cùm DEUS in promulsidem delicias suas, etiam in hac vita prægustandas, tot rerum creatarum condimentis propinet.

*Cælum vi obtinendum*

Et quæ nâ illa vecordia, cogitare reditum in Ægyptum, è cuius ærumnis tanta prodigia ingratum populû eduxerunt? quomodo superabitur mare, quod interjectû, & nuper siccis pedib' calcatû? quis

*Vecordia Hebræi populi.*

quis comectum suppeditabit rebellibus, cum manna haud amplius pluit cælo? Ita deseruntur à mente, quosunque fiducia deserit DEI.

*pæna diffidentia.*

Ex tot centenis hominum millibus, quos DEUS ex Ægypto asseruerat, nemo unus felices terras vel oculis quidem contigit, omnibus ad unum in ipsa solitudine extinctis: nimirum.

Audentes fortuna (imò DEVS) iuvat, timidósque repellit. Quidni absumeret mors ignobilis, qui Duce DEO generose pugnare, gloriosè vincere noluerunt.

Annis quadraginta erraverunt per Deserta, qui diebus quadraginta, indignante DEO, Chananitidem explorarunt. *Annus*, ait Sacra historia, *pro die imputabitur*. Num. 14. v. 34. Cave DEUM offendere; quod citò delinquitur, tardè expiatur.

*Pro cælo audendum.*

Fortitudinis, DEI fiducià nixæ, Caleb & Josua illustria sunt exempla. Magnis animis, magna responderunt præmia. Ad imperium DEI, formidabilia non tantum sunt spernenda, sed etiam appetenda. Quòd si pro uberiore telluris gleba, & viribus fuit opus, & animo, dextræque præsentis; qua confidentià sperant ignavi cœlesti patriâ se potituros, manibus in sinu compressis, cum tamen asseverante supremo Imperatore, *Regnum cælorum vim patiatur, & violenti rapiant illud*? Matth. 11.

-----

## NARRATIO XXVIII. SEDITION, ET INTERITUS CORAE, DATHANIS, ABIRONIS, AC SOCIORUM Num. 16. Anno Mundi 2546. Ante Ch. 1505.

*Coræ & sociorum ambitio, & narratio*



**A**ronem DEUS supremum Sacrorum Pontificem; Mosen verò, tum Civilium causarum Iudicem, tum Divinæ quoque voluntatis Internuntium declararat. Pungebat ea res *Coræ* quendam, de Optimatum numero, Leviticæ virum propaginis, qui ut Aaronem simul & Mosen, (quorum erat consobrinus, quippe *Isaacs* genitus, fratre *Amramis*, illorum parentis) exauktoraret, *Dathanem* sibi & *Abironem* adjunxit, homines potentes & factiosos: & per hos, spectatissimum quemque, populòque maximè

## CORÆ, AC SOCIORUM INTERITUS. 117

maximè venerabilem ad partes suas traxit, ut conjuratorum convenirent ducenti, quinquaginta, patritij generis omnes, consiliique publici Senatores; quorum omnium eò redibat Summa conjurationis, ut Mosen, Aaronemque magistratu depellerent: Huic Coren; illi, quemcunque visum foret, è corpore suo subrogarent: ceteri fortibus inter se jactis, sacerdotia minora caperent, quotquot Leviticæ stirpis essent: Aliarum autem stirpium tribules, populi præturas, præfecturas, tribunatúsque sibi partirentur. Quæ cuncta munia fastiosi spe jam devorârunt; adeo certâ quidem, ut, qui Sacris obeundis inhiabant, intra tentoria sibi quisque clanculùm acerras, thuribulâque præparanda curarent: uti, cùm primùm tempus postulâisset, ad adolendum accincti, progredierentur.

Jâmque satis omnibus compositis, cùm ingenti cuncta motu, tumultûque miscerentur, crescente pessimorum hominum colluvie, conveniunt *Corisæ* pro divini Tabernaculi foribus, cum suis singuli thuribulis æneis; aderant & Aaron, thuribulò Pontificis aureò, Moses autem virgâ Judicis instructus; hic coram maxima populi frequentia, quæ dixisset, fecisétque, Divini juxta præceptum Oraculi, non ambitionis suæ còmentò, dicta, factâque contestatus, dehiscentis terræ sepulchrum, & ignium inferorum supplicia interminatur rebellibus, linguas impias in DEUM potiùs ipsum, quàm in se distringentibus; quod impendens perduellib⁹ capitibus Vindicta mox palàm esset factura, & alterutram partem vel crimine absolutura, vel damnatura; orat in super obsecrat, dehortatur à nefarijs cœptis; illi contrà frendentes explodere, & seditiosa obstinatione in amentia sua persistere. Dictu formidandum! postquam jussu DEI & Mosis, pars populi proximè tendentis, ab impiorum tabernaculis recessit, tum illic, ubi *Dathan & Abiron*; tum alibi, quò locò, *Core* cum suis (frequens erat domesticorum atque participum turba) constiterunt, disrupta terra, voragine latè diductâ, præcipientes unò temporis articulò deduxit & ipsos, & eos, qui cum ijs constiterant. Hausta simul sunt, discissæ telluris immani cum fragore, ruentiùmque confuso clamore personante, tentoria, rebellium uxores, liberi, familiaræ, pecora, supellex; Omnia denique subsederunt horribili barathro devorata. *Core* tantummodò filios tres, impietatem parentis detestatos, divina vis tantisper in aëre vacuopendentes sustentavit, quoad in seipsam discissa terra recomponeretur; Num. 26. patris, ac sociorum animæ, vitâ priùs intra viscera terræ extinctâ, ad inferos, eò, quò sua ipsos merita vocabant, raptæ sunt.

*Core cum affectis terrâ absorbitur,*

*Core filios sustinet*

Exterruit hic interitus omnem, quæ totis circum castris,

Q

maxi-



# NARRATIO XXIX. NOVA HEBRÆO- RUM SEDITIO, EIUSQUE

CASTIGATIO. PETRA PERCUSSA FUNDIT AQUAS.

Æneus serpens, aspectu salutaris. Aaronis & Mosi  
obitus. Num. 20. 21. Deuteron. 33. 34. A. M. 2583. Ante Ch. 1470.

**A**NNO quadragésimo ab exitu ex Ægypto, ventum est ad urbem *Cades*, in extremis Idumææ finibus sitam. Ibi cæpit iterum sitire populus, iterumque cœli patientiam querulis vocibus laceſcere. Moses & Aaron nihil habuere prius, quàm ut irritatum Numen supplices propitiarent in Tabernaculo. Accipitur vox Oraculi, ut imperent petrae, (alia hæc est à Sinæa, Exodi 17.) neque dubitarent, quin ad imperium sint aquæ prorupturæ. Moses contrà, quàm mandatum erat (credibile est, perturbatione quadam animi, ob ingratiſſimi populi querelas concitatum subdubitasse, an DEUS toties rebellibus & incredulis sit è saxo lympham expressurus) arreptâ Aaronis virgâ (quam supra diximus in Tabernaculo asservatam) rupem repetita percussione verberat. Nec mora; ad alterum ictum, aquarum magna se effundit copia, & cum aquis, ira Numinis; indignissimè ferentis, ipsos populi Duces, suo dicto minùs audientes, incusso fecisse verbera, solo quod verbo effectum dari oportuisset; in neglecti igitur obsequij pœnam ingressu Chananitidis utrique interdicitur; mors proximè vicina denuntiatur. Ea, tertio post mense Aaronem sustulit, & brevi ex intervallo, Mosén quoque.

Urgentibus itaque suis Aaronem fatis, induitur is, jussu DEI, Pontificijs ornamentis, unaque cum filio *Eleazaro*, natu maximo, in montem *Hor* educitur à Mose. Ibi cum in Eleazarum sacra parentis vestes, munusque translata fuissent, diem claudit extremum, centum viginti trium annorum senex, omnium fratris peregrinationum, & curarum particeps: hoc felicior, quòd dormienti similior, quàm morienti, sine morbo, vitæ uè tædio (nam viribus integris montem conscendit) in præsentia, & quasi in gremio Mosi, germani fratris, & Eleazari filij, expiravit.

Q 3

Mortuo

*litterate ob  
penuriam  
aque queri-  
monia.*  
  
*Mosis & Aaronis deli-  
ctum in his  
percutienda  
petra.*

*Mors Aaronis.*


odium; circumtulit inimica Lingua; proflavit conspiratio; dispersit seditio; fovit pertinacia; restinxit *Gebenna*.

*Contagium  
malis exem-  
pli.*

*Recedite à Tabernaculis hominum impiorum* Num. 16. Nihil est contagiosius, malis exemplis. *Qui communicaverit superbo*, ait Siracides, Eccli. 13. *induet superbiam*; idem de alijs vitij sentiendum. Et Paulo teste, *Medicum fermentum totam massam corrumpit*. Præstat malorum æstuarè odio, quàm confortio. Si dextra sit offensionis, movente Servatore, est abscindenda; idem cum amico faciendum; (quod Corè & fociorum perduellium familiares cogitare debuerant) melius est enim iacturam facere amicitiae, quàm animæ. Habent hoc pravorum confortia; primò trahunt in culpam, mox in poenam; neque perire se putant, nisi pereant cum multis. Sceleris luem affricant non sentientibus, ut tantò ruant audaciùs in idem præcipitium focij, quantò cæciùs. Idèò recedendum ab ijs, ut nec tactu inficere possint; nam *qui tangit picem, inquinabitur ab ea*. Eccli. 13. nec visu. Basiliscus venenum ex oculis evibrat. Uvæque conspectu livorem ducit ab uva.

*Amygdalina  
Aaronis  
virga, vir-  
tutis symbo-  
lum.*

*Invenit germinasse virgam Aaron*. Num. 16. Plura simul in una virga miracula. 1. quòd Arida germinaret baccas. 2. quòd eodem tempore baccæ induerint flores. 3. quòd flores subito conversi in fructus. Quartum addunt SS. Script. Interpretes, quòd nunquam defloruerit, fructumve perdiderit. Liceat per hæc naturam sive virtutis, sive indolis ad virtutem factæ intelligere. 1. Amygdalus prima inter arbores floret; ingenuitas primis se prodit ab unguiculis. 2. Eadem postrema inter arbores amittit folia, ut testatur Philo lib. 3. de vita Moysis. Nempe, quòd se melest imbuta recens, servabit odorem Testa diu. 3. Virga Aaronica baccas simul, & flores, & fructus protulit. Non rarò virtus transilit annos, & cum herba exhibet messem. 4. Amygdalus cum inter arbores floreat prima, necesse est, ut prima, frigora, pluvias; grandines, & ventos excipiat, ac superet. Virtus crescit in adversis, & duratur asperis. 5. Amygdalini fructus duro reguntur cortice; frangat nucem, qui vult esse nucleum. Labor improbus omnia vincit.



# NARRATIO XXIX. NOVA HEBRÆO- RUM SEDITIO, EIUSQUE

CASTIGATIO. PETRA PERCUSSA FUNDIT AQUAS.

Æneus serpens, aspectu salutaris. Aaronis & Mosi  
obitus. Num. 20. 21. Deuteron. 33. 34. A. M. 2583. Ante Ch. 1470.

**A**NNO quadragésimo ab exitu ex Ægypto, ventum est ad urbem *Cadix*, in extremis Idumææ finibus sitam. Ibi cæpit iterum sitire populus, iterumque cœli patientiam querulis vocibus lacessere. Moses & Aaron nihil habuere prius, quàm ut irritatum Numen supplices propitiarent in Tabernaculo. Accipitur vox Oraculi, ut imperent petrae, (alia hæc est à Sinæa, Exodi 17.) neque dubitarent, quin ad imperium sint aquæ prorupturæ. Moses contrà, quàm mandatum erat (credibile est, perturbatione quadam animi, ob ingratiissimi populi querelas concitatum subdubitasse, an DEUS toties rebellibus & incredulis sit è saxo lympham expressurus) arreptâ Aaronis virgâ (quam supra diximus in Tabernaculo asservatam) rupem repetita percussione verberat. Nec mora; ad alterum ictum, aquarum magnâ se effundit copia, & cum aquis, ira Numinis; indignissimè ferentis, ipsos populi Duces, suo dicto minùs audientes, incusò fecisse verbere, solo quod verbo effectum dari oportuisset; in neglecti igitur obsequij pœnam ingressu Chananitidis utrique interdicitur; mors proximè vicina denuntiatur. Ea, tertio post mense Aaronem sustulit, & brevi ex intervallo, Mosén quoque.

Urgentibus itaque suis Aaronem fatis, induitur is, jussu DEI, Pontificijs ornamentis, unâque cum filio *Eleazaro*, natu maximo, in montem *Hor* educitur à Mose. Ibi cum in Eleazarum sacræ parentis vestes, munusque translata fuissent, diem claudit extremû, centum viginti trium annorum senex, omnium fratris peregrinationum, & curarum particeps: hòc felicior, quòd dormienti similior, quàm morienti; sine morbo, vitæ uè tædio (nam viribus integris montè conscendit) in præsentia, & quasi in gremio Mosi, germani fratris, & Eleazari filij, expirârit.

Q 3

Mortuo

*litterata ob  
penuriam  
aqua queri-  
monia.*  
  
*Mosis & Aa-  
ronis deli-  
ctum in his  
percutienda  
petra.*

*Mors Aaro-  
nis.*




odium; circumtulit inimica Lingua; proflavit conspiratio; dispersit seditio; fovit pertinacia; restinxit *Gebenna*.

*Contagium  
mali exem-  
pli.*

*Recedite à Tabernaculo hominum impiorum* Num. 16. Nihil est contagiosius, malis exemplis. *Qui communicaverit superbo*, ait Siracides, Eccli. 13. *induet superbiam*; idem de alijs vitijs sentiendum. Et Paulo teste, *Modicum fermentum totam massam corrumpit*. Præstat malorum æstquare odiò, quàm confortiò. Si dextra sit offensionis, movente Servatore, est abscindenda; idem cum amico faciendum; (quod Corè & sociorum perduellium familiares cogitare debuerant) melius est enim iacturam facere amicitiae, quàm animæ. Habent hoc pravorum consortia; primò trahunt in culpam, mox in pœnam; neque perire se putant, nisi pereant cum multis. Sceleris luem affricant non sentientibus, ut tantò ruant audaciùs in idem præcipitium socij, quantò cæciùs. Ideò recedendum abijs, ut nec tactu inficere possint; nam *qui tangit picem, inquinabitur ab ea*. Eccli. 13. nec visu. Basiliscus venenum ex oculis evibrat. Uvæque conspecta livorem ducit ab uva.

*Amygdali-  
na Aaronis  
virga, vir-  
tutis symbo-  
lum.*

*Invenit germinasse virgam Aaron*. Num. 16. Plura simul in una virga miracula. 1. quòd Arida germinaret baccas. 2. quòd eodem tempore baccae induerint flores. 3. quòd flores subito conversi in fructus. Quartum addunt SS. Script. Interpretes, quòd nunquam defloruerit, fructumve perdiderit. Liceat per hæc naturam sive virtutis, sive indolis ad virtutem factæ intelligere. 1. Amygdalus prima inter arbores floret; ingenuitas primis se prodit ab unguiculis. 2. Eadem postrema inter arbores amittit folia, ut testatur Philo lib. 3. de vita Mosis. Nempe, quòd semel est imbuta recens, servabit odorem Testa diu. 3. Virga Aaronica baccas simul, & flores, & fructus protulit. Non rarò virtus transilit annos, & cum herba exhibet messem. 4. Amygdalus cum inter arbores floreat prima, necesse est, ut prima, frigora, pluvias, grandines, & ventos excipiat, ac superet. Virtus crescit in adversis, & duratur asperis. 5. Amygdalini fructus duro teguntur cortice; frangat nucem, qui vult esse nucleum. Labor improbus omnia vincit.



# NARRATIO XXIX. NOVA HEBRÆO- RUM SEDITIO, EIUSQUE

CASTIGATIO. PETRA PERCUSSA FUNDIT AQUAS.

Æneus serpens, aspectu salutaris. Aaronis & Mosi  
obitus. Num. 20. 21. Deuter. 33. 34. A. M. 2583. Ante Ch. 1470.

**A**NNO quadragesimo ab exitu ex Ægypto, ventum est ad urbem *Cades*, in extremis Idumææ finibus sitam. Ibi cæpit iterum sitire populus, iterumque cœli patientiam querulis vocibus lacerare. Moses & Aaron nihil habuere prius, quàm ut irritatum Numen supplices propitiarent in Tabernaculo. Accipitur vox Oraculi, ut imperent petræ, (alia hæc est à Sinæa, Exodi 17.) neque dubitarent, quin ad imperium sint aquæ prorupturæ. Moses contrà, quàm mandatum erat (credibile est, perturbatione quadam animi, ob ingratiissimi populi querelas concitarum subdubitasse, an DEUS toties rebellibus & incredulis sit è saxo lympham expressurus) arreptâ Aaronis virgâ (quam supra diximus in Tabernaculo asservatam) rupem repetita percussione verberat. Nec mora; ad alterum istum, aquarum magna se effundit copia, & cum aquis, ira Numinis; indignissimè ferentis, ipsos populi Duces, suo dicto minùs audientes, incusfò fecisse verbere, solo quod verbo effectum dari oportuisset; in neglecti igitur obsequij pœnam ingressu Chananitidis utrique interdicitur; mors proximè vicina denuntiatur. Ea, tertio post mense Aaronem sustulit, & brevi ex intervallo, Mosén quoque.

Urgentibus itaque suis Aaronem fatis, induitur is, jussu DEI, Pontificijs ornamentis, unaque cum filio *Eleazaro*, natu maximo, in montem *Hor* educitur à Mose. Ibi cùm in Eleazarum sacræ parentis vestes, munusque translata fuissent, diem claudit extremû, centum viginti trium annorum senex, omnium fratris peregrinationum, & curarum particeps: hòc felicior, quòd dormienti similior, quàm morienti; sine morbo, vitæ uè tædio (nam viribus integris montè conscendit) in præsentia, & quasi in gremio Mosi, germani fratris, & Eleazari filij, expiravit.

Q 3

Mortuo

*Iterata ob  
penuriam  
aqua queri-  
monia.*  
  
*Mosis & Aa-  
ronis deli-  
ctum in his  
percutienda  
petra.*  
  
*Mors Aaro-  
nis.*

odium; circumtulit inimica Lingua; proflavit conspiratio; dispersit seditio; fovit pertinacia; restinxit *Gehenna*.

*Contagium  
malis exem-  
pli.*

*Recedite à Tabernaculo hominum impiorum* Num. 16. Nihil est contagiosius, malis exemplis. *Qui communicaverit superbo*, ait Siracides, Eccli. 13. *induet superbiam*; idem de alijs vitijs sentiendum. Et Pauloteste, *Medicum fermentum totam massam corrumpit*. Præstat malorum æstquare odiò, quàm confortiò. Si dextra sit offensionis, monente Servatore, est abscindenda; idem cum amico faciendum; (quod Corè & sociorum perduellium familiares cogitare debuerant) melius est enim iacturam facere amicitiae, quàm animæ. Habent hoc pravorum consortia; primò trahunt in culpam, mox in pœnam; neque perire se putant, nisi pereant cum multis. Sceleris luem affricant non sentientibus, ut tantò ruant audaciùs in idem præcipitium focij, quantò cæciùs. Ideò recedendum abijs, ut nec tactu inficere possint; nam *qui tangit picem, inquinabitur ab ea*. Eccli. 13. nec visu. Basiliscus venenum ex oculis evibrat. Uvæque conspecta livorem ducit ab uva.

*Amygdali-  
na Aaronis  
virga, vir-  
tutis symbo-  
lum.*

*Invenis germinasse virgam Aaron*. Num. 16. Plura simul in una virga miracula. 1. quòd Arida germinarit baccas. 2. quòd eodem tempore baccæ induerint flores. 3. quòd flores subito conversi in fructus. Quartum addunt SS. Script. Interpretes, quòd nunquam defloruerit, fructumve perdiderit. Liceat per hæc naturam sive virtutis, sive indolis ad virtutem factæ intelligere. 1. Amygdalus prima inter arbores floret; ingenuitas primis se prodit ab unguiculis. 2. Eadem postrema inter arbores amittit folia, ut testatur Philo lib. 3. de vita Mosis. Nempe, quòd semel est imbuta recens, servabit odorem Testa diu. 3. Virga Aaronica baccas simul, & flores, & fructus protulit. Non rarò virtus transilit annos, & cum herba exhibet messiem. 4. Amygdalus cum inter arbores floreat prima, necesse est, ut prima, frigora, pluvias, grandines, & ventos excipiat, ac superet. Virtus crescit in adversis, & duratur asperis. 5. Amygdalini fructus duro reguntur cortice; frangat nucem, qui vult esse nucleum. Labor improbus omnia vincit.

—§3(\*\*\*\*\*§3—

—§3(\*\*\*\*\*§3—

—§3(\*\*\*\*\*§3—

—§3(\*\*\*\*\*§3—

—§3(\*\*\*\*\*§3—

—§3(\*\*\*\*\*§3—

¶

# NARRATIO XXIX. NOVA HEBRÆO- RUM SEDITIO, EIUSQUE

CASTIGATIO. PETRA PERCUSSA FUNDIT AQUAS.

Æneus serpens, aspectu salutaris. Aaronis & Moſis  
obitus. Num. 20. 21. Deuteron. 33. 34. A. M. 2583. Ante Ch. 1470.

**A**NNO quadragesimo ab exitu ex Ægypto, ventum est ad urbem *Cader*, in extremis Idumææ finibus sitam. Ibi cæpit iterum sitire populus, iterumque cœli patientiam querulis vocibus lacessere. Moſes & Aaron nihil habuere prius, quàm ut irritatum Numen supplices propitiarent in Tabernaculo. Accipitur vox Oraculi, ut imperent petræ, (alia hæc est à Sinæa, Exodi 17.) neque dubitarent, quin ad imperium sint aquæ prurpturæ. Moſes contrà, quàm mandatum erat (credibile est, perturbatione quadam animi, ob ingratiſſimi populi querelas concitatum subdubiſſe, an DEUS toties rebellibus & incredulis sit è saxo lympham expreſſurus) arreptâ Aaronis virgâ (quam supra diximus in Tabernaculo aſſervatam) rupem repetita percuisse verberat. Nec mora; ad alterum iſtum, aquarum magna se effundit copia, & cum aquis, ira Numinis; indigniſſimè ferentis, ipſos populi Duces, suo dicto minùs audientes, in cuiſo feciſſe verbere, ſolo quod verbo effectum dari oportuiſſet; in neglecti igitur obſequij pœnam ingreſſu Chananitidis utrique interdicitur; mors proximè vicina denuntiatur. Ea, tertio poſt menſe Aaronem ſuſtulit, & brevi ex intervallo, Moſen quoque.

Urgentibus itaque ſuis Aaronem fatiſ, induitur iſ, jūſſu DEI, Pontificiſ ornamentis, unaque cum filio *Eleazaro*, natu maximo, in montem *Hor* educitur à Moſe. Ibi cùm in Eleazarum ſacræ parentis veſtes, munuſque translata fuiſſent, diem claudit extremū, centum viginti trium annorum ſenex, omnium fratris peregrinationum, & curarum particeps: hòc felicior, quòd dormienti ſimilior, quàm morienti, ſine morbo, vitæ uè tædio (nam viribus integris montè conſcendit) in præſentia, & quaſi in gremio Moſis, germani fratris, & Eleazari filij, exſpiravit.

Q 3

Mortuo

*Iterata ob  
penuriam  
aqua queri-  
monia.*  
  
*Moſes & Aa-  
ronis deli-  
ctum in his  
percutienda  
petra.*

*Mors Aaro-  
nis.*

quis comēatum suppeditabit rebellibus , cū manna haud amplius pluet cælo? Ita deseruntur à mente, quosunque fiducia deserit DEI.

*pæna diffidentia.*

Ex tot centenis hominum millibus , quos DEUS ex Ægypto asseruerat, nemo unus felices terras vel oculis quidem contigit , omnibus ad unum in ipsa solitudine extinctis : nimirum.

Audentes fortuna (imò DEVS) iuvat , timidosque repellit. Quidni absumeret mors ignobilis, qui Duce DEO generose pugnare, gloriosè vincere noluerunt.

Annis quadraginta erraverunt per Deserta, qui diebus quadraginta, indignante DEO , Chananitidem explorarunt. *Annus*, ait Sacra historia, *pro die imputabitur*. Num. 14. v. 34. Cave DEUM offendere; quod citò delinquitur, tardè expiatur.

*Pro cælo audendum.*

Fortitudinis , DEI fiducià nixæ , Caleb & Josua illustria sunt exempla. Magnis animis , magna responderunt præmia. Ad imperium DEI , formidabilia non tantum sunt spernenda, sed etiam appetenda. Quòd si pro uberiore telluris gleba, & viribus fuit opus , & animo , dextræque præsentis; qua confidentià sperant ignavi cœlesti patriâ se potituros, manibus in sinu compressis , cū tamen asseverante supremo Imperatore , *Regnum cælorum vim patiat, & violenti rapiant illud*? Matth. 11.

-----

## NARRATIO XXVIII. SEDITIONE ET INTERITUS CORÆ.

DATHANIS, ABIRONIS, AC SOCIORUM

Num. 16. Anno Mundi 2546. Ante Ch. 1505.

*Coræ & sociorum ambitio, & narratio*



Aronem DEUS supremum Sacrorum Pontificem; Mosen verò, tum Civiliū causarum Iudicem, tum Divinæ quoque voluntatis Internuntium declararat. Pungebat ea res *Coræ* quendam, de Optimatum numero, Leviticæ virum propaginis, qui ut Aaronem simul & Mosen, ( quorum erat consobrinus, quippe *Isaacs* genitus, fratre *Amramis*, illorum parentis ) exauctoraret , *Dathanem* sibi & *Abironem* adjunxit, homines potentes & factiosos : & per hos , spectatissimum quemque , populòque maximè

## CORÆ, AC SOCIORUM INTERITUS. 117

maximè venerabilem ad partes suas traxit, ut conjuratorum convenirent ducenti, quinquaginta, patritij generis omnes, consiliisque publici Senatores; quorum omnium eò redibat Summa conjurationis, ut Mosen, Aaronemque magistratu depellerent: Huic Coren; illi, quemcunque visum foret, è corpore suo subrogarent: ceteri sortibus inter se jactis, sacerdotia minora caperent, quotquot Leviticæ stirpis essent: Aliarum autem stirpium tribules, populi præturas, præfecturas, tribunatúsque sibi partirentur. Quæ cuncta munia factiosi spe jam devorârunt; adeo certâ quidem, ut, qui Sacris obeundis inhiabant, intra tentoria sibi quisque clanculùm acerras, thuribulâque præparanda curarent: uti, cùm primùm tempus postulâssêt, ad adolendum accincti, progredirentur.

Jámque satis omnibus compositis, cùm ingenti cuncta motu, tumultúque miscerentur, crescente pessimorum hominum colluvie, conveniunt *Core* pro divini Tabernaculi foribus, cum suis singuli thuribus æneis; aderant & Aaron, thuribulò Pontificis aureò, Moses autem virgâ Judicis instructus; hic coràm maxima populi frequentia, quæ dixisset, fecissétque, Divini juxta præceptum Oraculi, non ambitionis suæ coméntò, dicta, factâque contestatus, dehiscantis terræ sepulchrum, & ignium inferorum supplicia interminatur rebellibus, linguas impias in DEUM potius ipsum, quàm in se distringentibus; quod impendens perduellib⁹ capitibus Vindicta mox palàm esset factura, & alterutram partem vel crimine absolutura, vel damnatura; orat insuper obsecrat, dehortatur à nefarijs coëptis; illi contrà frendentes explodere, & seditiosa obstinatione in amentia sua persistere. Dictu formidandum! postquam jussu DEI & Mosis, pars populi proximè tendentis, ab impiorum tabernaculis recessit, tum illic, ubi *Dathan & Abiron*; tum alibi, quò locò, *Core* cum suis ( frequens erat domesticorum atque participum turba ) constiterunt, disrupta terra, voragine latè diductâ, præcipites unò temporis articulò deduxit & ipsos, & eos, qui cum ijs constiterant. Hausta simul sunt, discissæ telluris immani cum fragore, ruentiùmque confuso clamore personante, tentoria, rebellium uxores, liberi, familiaræ, pecora, supellex; Omnia denique subsederunt horribili barathro devorata. *Core* tantummodò filios tres, impietatem parentis detestatos, divina vis tantisper in aëre vacuopendentes sustentavit, quoad in seipsam discissa terra recomponeretur; Num. 26. patris, ac sociorum animæ, vitâ prius intra viscera terræ extinctâ, ad inferos, eò, quò sua ipsos merita vocabant, raptæ sunt.

*Core cum  
affectis ser-  
vâ absorbe-  
tur,*

*Core filios  
servavit*

Exterruit hic interitus omnem, quæ totis circum castris, maxi-

Q

*Part rebellium flammis absumitur.*

maximèque cum Mose, steterat, multitudinem. Hæc, & terræ disruptæ cum multis, & intereuntium miserabili conspectu, vocibusque consternata, terga fugæ dedit. Sub idem tempus, quò terra contumaces absorbebat, ducentorum illud ac quinquaginta virorum collegium, quod totidem cum acerris ad Tabernaculum Dominicum, Mose jubente, convenerat: dum totum est in Sacerdotij presentatione, totum abit in flamas. Forcipibus enim, ab Altari, rapta prunâ, dum incendere thus, & adolere parant, incenduntur ipsi: flammâ, vel de cœlo jactâ; vel ab ara prosiliente; vel quod credibilis, ex ipsis singulorum thuribulis in ora succenditum provolante. Cùmque vim ignis, quippe cælestem, opes humanæ nullæ nec evitare valerent, neque restinguere: ceciderunt ad aram ipsam, ad quam adolere cogitarant, simul omnes: pro Sacerdotibus, quod esse voluerant, facti victimæ, quod esse volebant. Cæterum æs thuribulorum, incendio colliquefactum, divino jussu conflatum, ac productum in laminas, altari suffixum est, tam prodigiosi reorum supplicij perenne monumentum.

*Novæ sedis contra Moysen & Aaronem.*

Nec stetit hic vel rebellio, vel rebellionis pæna. Nam ecce! quos aliquis pridie, triū perduellionis principum favor ac studium infecerat, aut cognatio devinxerat, ij per noctis otium circulos atque cœtus facere, tot procerum, totque charorū capitum mortes lamentari; Mosen, Aaronemque peremptorum invidiâ gravare; DEUM denique ipsum querelis incessere. Castris commotis universis concursatur ad Sacrum Tabernaculum, & ad illi vicina Mosis Aaronisque tentoria: per manipulos & agmina inclamantur Interfectores, ac Latrones, & interfecti populi Carnifices; redderent sibi, redderentque vitæ grandem illam, quam pridie necavissent, multitudinem; quæ DEI fuerit, non homicidarum natio. Fratribus autē duobus in hæc placidè responsuris, obstitunt vocibus insanis alij aliud succlamantes. Jámque pugnos intentâtes, & arma, vix manus ab eis, lapides, ferrum abstinabant. Moses & Aaron in Tabernaculum, tanquam in Asylum refugiunt, nebula densissimâ, diduciente in latum se columna, involutum. Angelus Castrorum in Sacri papilionis culmine formidabilem splendore majestatem expromens, DEUM ipsum adeste, furoris Ultorem, indicavit. Intonuit & vox DEI clarè missa; quæ Mosen juberet, cum fratre tota Castra relinquere, se namque, quod pridie minatus esset, etiâ tum exsecuturū, omni deleta rebellis gente, supplicium.

*Multa milia caelestis incendio percunt.*

Nec cassæ volabant minæ; exortus enim repentinus ignis, vastare cœpit ab ipso Tabernaculi Divini vestibulo, quidquid castrorum, ac multitudinis inde se porrigebat. Ubique luctus & ejulatus; in uno natabant æstuario, terra, viri, mulieres, jumenta, tabernacula, facultates; ibatque morientium, in cœlum clamor: in favillam

## CORÆ, AC SOCIORUM INTERITUS. 149

favillam corporis artus : in Tartarum scelestorum Spiritus, quipedeprehensus in flagranti tum corpore, tum contumacia. Ullulatu, duorum ad Ducum aures perlatò, Aaron correptò thuribulò, vivisque carbonibus ex ara repletò, thus sacrum, per media deportatum castra, celeriter adolendo, residuam castrorum partem ab incendio servavit intactam. Ita spatium pœnitendi concessum factiosis : supplicium, pro malefactis irrogatum obstinatis; quorum uno flamarum cursu, tanquam ventoso fulminum præstere, quatuordecim millia tunc, & septingenti sunt absumpti. Quibus si connumeret, qui pridiana clade, vel terra, vel igne, perierunt, numerò fortasse non inferiores : ad millia, viginti novem, interfectorum sumam facillè perducas.

*Grassanti  
flamma Aa-  
ron occurrit*

Finijt tandem Numinis iram, Sacerdotique diremit litem, Aaronis virga : quam arentem, juxta duodecim alias, totidem tribuum virgas, itidem siccas, collocatam; divino jussu Moses in Oraculi tentorioper noctem asservarat. Eam enim manè posterò, solam amygdalino vernantem flore, cum aviti duodecim Principes invenissent; suas è contrario, sicut attulerunt, emortuas, dubitare porro nequierunt, quin, cujus unius virga flore se vestisset, ejusdem solius & caput, & stirps Infulam deinceps Pontificalem indueret. Ea virga perpetuo virens flore, cum Manna cœlesti in Tabernaculo deinceps asservata est in memoriam rei, & ambitionis discordiæ metum.

*Aaronis vir-  
ga flores, &  
litem Sweet-  
dogy dirimi-  
t.*

## DOCTRINA.

**I**uvat exclamare, divinis Jacobi verbis: *Ecce, quantus ignis, quàm magnam incendit silvam!* Tota planè Castra, gentis Israëlitarum. Et quamam scintilla fuscitante? Nimirum eà, quæ nunc quoque; cœtus, domos, urbes, respublicas, ac regna terrarum inflamat: *Ambitione* videlicet; cum *Invidia* livore conjuncta. Coren, omnium primum Pontificatus & Ambitio stimulavit, & Invidia. Secutæ mox cogitationes turbidæ; Principatus adipiscendi nefaria consilia; clandestina quæsitæ conciliabula; socij reperti, non disparis pravitatis. Hi fomites erant, hæ scintillæ; conceptrices incendij futuri. Supervénit his, calumniatricis fax lingue; criminandique fratres duos, & traducendi pestifera licentia, *plena mortifero veneno*; volitans *odiorum ignis*; obreptationum nocturna diurnaque rota; labia maledica; dolosum os impræsentiarum; in absentes autem Infectiones Satyricæ: sub extremum denique, concors tot millium, & hostilis, adversus legitima capita conjuratio. Donec & in sumam Numinis majestatem, obliquus incedere contemptus cœpit. In quo quidnam erat aliud, quàm *Universitas iniquitatis*? Incendium igitur omne concepit ambitus; peperit invidia; nutrivit

*Tantum in-  
cendium  
Ambitio &  
invidia con-  
flavit.*

Psalm. 140.

Q 2

odium




odium; circumtulit inimica Lingua; proflavit conspiratio; dispersit seditio; fovit pertinacia; restinxit *Gebenna*.

*Contagium  
mali exem-  
pli.*

*Recedite à Tabernaculis hominum impiorum* Num. 16. Nihil est contagiosius, malis exemplis. *Qui communicaverit superbo*, ait Siracides, Eccli. 13. *induet superbiam*; idem de alijs vitijis sentiendum. Et Pauloteste, *Modicum fermentum totam massam corrumpit*. Præstat malorum æstuarè odiò, quàm confortiò. Si dextra sit offensionì, monente Servatore, est abscindenda; idem cum amico faciendum; (quod Corè & sociorum perduellium familiares cogitare debuerant) melius est enim iacturam facere amicitiae, quàm animæ. Habent hoc pravorum confortia; primò trahunt in culpam, mox in pœnam; neque perire se putant, nisi pereant cum multis. Sceleris luem affricant non sentientibus, ut tantò ruant audaciùs in idem præcipitium socij, quantò cæciùs. Idèò recedendum ab ijs, ut nec tactu inficere possint; nam *qui tangit picem, inquinabitur ab ea*. Eccli. 13. nec *visu*. Basiliscus venenum ex oculis evibrat. Uvæque conspecta livorem ducit ab uva.

*Amygdali-  
na Aaronis  
virga, vir-  
tutis symbo-  
lum.*

*Invenit germinasse virgam Aaron*. Num. 16. Plura simul in una virga miracula. 1. quòd Arida germinârît baccas. 2. quòd eodem tempore baccae induerint flores. 3. quòd flores subito conversi in fructus. Quartum addunt SS. Script. Interpretes, quòd nunquam defloruerit, fructumve perdiderit. Liceat per hæc naturam five virtutis, five indolis ad virtutem factæ intelligere. 1. Amygdalus prima inter arbores floret; ingenuitas primis se prodit ab unguiculis. 2. Eadem postrema inter arbores amittit folia, ut testatur Philo lib. 3. de vita Mosis. Nempe, quòd semel est imbuta recens, servabit odorem Testa diu. 3. Virga Aaronica baccas simul, & flores, & fructus protulit. Non rarò virtus transilit annos, & cum herba exhibet messëm. 4. Amygdalus cum inter arbores floreat prima, necesse est, ut prima; frigora, pluvias, grandines, & ventos excipiat, ac superet. Virtus crescit in adversis, & duratur asperis. 5. Amygdalini fructus duro teguntur cortice; frangat nucem, qui vult esse nucleum. Labor improbus omnia vincit.



# NARRATIO XXIX. NOVA HEBRÆO- RUM SEDITIO, EIUSQUE

CASTIGATIO. PETRA PERCUSSA FUNDIT AQUAS.

Æneus serpens, aspectu salutaris. Aaronis & Moſis  
obitus. Num. 20. 21. Deuteron. 33. 34. A. M. 2583. Ante Ch. 1470.



ANNO quadrageſimo ab exitu ex Ægypto,  
ventum eſt ad urbem *Cadix*, in extremis Idumææ fi-  
nibus ſitam. Ibi cæpit iterum ſitire populus, ite-  
rúmque cœli patientiam querulis vocibus laceſce-  
re. Moſes & Aaron nihil habuere prius, quàm ut

*Iterate ob-  
penuriam  
aqua queri-  
monia.*

irritatum Numen ſupplices propitiarent in Tabernaculo. Ac-  
cipitur vox Oraculi, ut imperent petræ, (alia hæc eſt à Sinæa,  
Exodi 17.) neque dubitarent, quin ad imperium ſint aquæ  
prorupturæ. Moſes contrà, quàm mandatum erat (credibile  
eſt, perturbatione quadam animi, ob ingratiſſimi populi quere-  
las concitatum ſubdubiſſe, an DEUS tóties rebellibus & in-  
credulis ſit è ſaxo lympham expreſſurus) arreptâ Aaronis virgâ  
(quam ſupra diximus in Tabernaculo aſſervatam) rupem repe-  
tita percuffione verberat. Nec mora; ad alterum iſtum, aqua-  
rum magna ſe effundit copia, & cum aquis, ira Numinis; indi-  
gniſſimè ferentis, ipſos populi Duces, ſuo dicto minùs audien-  
tes, incuſſo feciſſe verberare, ſolo quod verbo effectum dari oportu-  
iſſet; in neglecti igitur obſequij pœnam ingreſſu Chananiti-  
dis utrique interdicitur; mors proximè vicina denuntiatur. Ea,  
tertio poſt menſe Aaronem ſuſtulit, & brevi ex intervallo, Moſen  
quoque.

*Moſes & Aa-  
ronis deli-  
ctum in his  
percutienda  
petra.*

Urgentibus itaque ſuis Aaronem fatiſ, induitur iſ, juffu DEI,  
Pontificijs ornamentis, unâque cum filio *Eleazaro*, natu maximo,  
in montem *Hor* educitur à Moſe. Ibi cum in Eleazarum ſacræ pa-  
rentis veſtes, munuſque translata fuiſſent, diem claudit extremû,  
centum viginti trium annorum ſenex, omnium fratris peregrina-  
tionum, & curarum particeps: hóc felicior, quòd dormienti ſi-  
millior, quàm morienti, ſine morbo, vitæ uè tædio (nam viribus  
integris montè conſcendit) in præſentia, & quaſi in gremio Moſis,  
germani fratris, & Eleazari filij, expirârit.

*Mors Aaro-  
nis.*

Q 3

Mortuo

*Repetita  
Judæorum  
querela.*

*Puniantur  
murmura-  
tores serpen-  
tium mor-  
sibus.*

*Mosis obitus*

Mortuo parentatum est triginta dierum luctu; vixque siccatibus lacrimis solita de cibo & potu querela, quasi nænia redintegratur; longæq; viæ denuò subeunte fastidio, cum Mose expositulatur abijs, qui ob recentem adversus *Aradem*, gentis Chananæ & *Ogum* ac *Sebonem* Ammorrhæorum, reges, opimam spolijs Victoriam, DEO felicitatis Datori gratias, quantas maximas poterant, debuerant meminisse. Pro sceleris modo, supplicium fuit; pestilens oris virulentia serpentibus est castigata, quorum morsibus inflamata corpora, & veluti carbunculis usta contabuerunt, non sine magna mortalitatis strage. Saluti denique fuit pereuntibus simulacrum serpentis æneum, longa super pertica in omnium oculis erecti. Et verò solus hic juvabat aspectus; convaluerunt, quicumque oculos in signum intenderunt. Adeò potens jam tum illius fuit umbra, qui secuturis post seculis erat pro nobis exaltandus in crucis stipite, animoq; scelerum pœnitente contemplandus.

Jam *Mosen* quoque, tot laboribus & ærumnis mors erat abolitura. Elapsis ab obitu fratris, mensibus non amplius octo, jubetur à DEO, comitatus *Eleazaro* novo Pontifice, & *Josua*, filio *Nunis*, fido in omni fortuna ministro, ascendere montem *Abarim*, & ex eo, *Nebenem*, alterum montis jugum; in cujus ubi vertice (*Phasga* nomine) constitit, subrogato sibi Imperatore belli, Josuâ, cum jam ante cum bonorum omnium imprecatione, & repetita Legum promulgatione populo suo valedixisset; circumfert oculos per Chananæam (*PROMISSIONIS* terram) cujus ingrediendæ multis annis desiderio unice tenebatur, sed frustra; DEO diffidentiae ab ipso in percutienda petra admittæ pœnam exigente; cujus ipse providentiæ suavissimè acquiescens, placidam oppetiit mortem vegetus & validus, anno ætatis vicefimo supra centesimum; funus curarunt Angeli, & in valle *Moab*, seu *Moabitis* confini, terre mandarunt. Anima in sinum Abrahæ, in quem frater Aaron jam antè fuit receptus, est deportata. Mortuum populus integro deflevit mense.

*Encomium  
Mosis.*

Fuit *Moses* prodigiorum patrator illustris, naturæ, quam ad nutum regebat, propemodum dominus, & in pertinacissima gente supra fidem humanam mansuetus, DEI charitatis & patientiæ magnum exemplar. Quadraginta primos annos in aula veritatis inter principes, medios in Madianitide inter pastores atque cælitæ; postremos in horrenda, vastaque solitudine, inter Israëlitarum turbas, æumnasque diuturnas transegit. In primæ vitæ periodo castè delicias regum attigit: in altera, corporis labores fortiter pertulit: in tertia, heroicâ virtutis constantiâ tantas animi curas expertus est, quantas patientissimo Rectori improbißimus populus inferre potest.

DOCTRINA

# DOCTRINA.

**V** *Erſi in ſeditionem, dixerunt : Utinam periſſemus inter fratres noſtros.* Num. 26. Vox ea fuit ſeditioforum, odioſam ſibi vitam projicientium. Non ideo tamen excelfus Moſis animus deterripotuit à ſtudio benefaciendi. Regium eſt enim, cum benefeceris, audire malè, dicebat Antiſthenes Philoſophus. Vicit furorem manſuetudo, vecordiam delinquentium, clementia parentis ſimul & judicis. *Ingreſſuſque Tabernaculum fœderis.* Ib. Ad impetum veſanæ multitudinis retundendum, validiſſima ſunt arma, quæ à DEO petuntur; neque efficaciùs contra ſceleratam ſtultitiàm pugnatur, quàm conſilio è Mente divina hauſto. *Num de petra hac vobis aquam poterimus ejicere?* Hac ſola de cauſſa, inquit Baſi-

*Moſis benignus;*


„lius *in libro Eſthicor. tom. 2.* quoties conſidero, Moſi denuntiatum fuiſſe, non ingreſſurum illum in terram Promiſſionis; quoties orantem hunc reputo, & nihil exorantem, ut veniam tam brevi verbo impetraret, verè, ut eſt apud Apoſtolum Rom. 11. „rigidam DEI ſeveritatem video, verèque illud dictum perſuadeo „mihi: Si juſtus vix ſalvabitur, impius, & peccator ubi parè „bunt? 2. Pet. 4.

*PARVUM Moſis delictum ſeverè puniunt.*

*Quia non credidiſti mihi, ut ſanctificaretis me coram filiis Iſraël, non introducetis hos populos in terram, quam dabo eis.* Num. 21. Trifte ſanè ac luſtuoſum in talibus, tantis que viris ſpectaculum; poſt tam multa, tamq; ſingularia divinæ in ipſos benevolentie arguementa, poſt tot prodigia in cœlo, in terra, in aquis, in igne, in inferis, in Ægypto, in mari, in deſerto, in omnibus locis & elementis, tam conſanter, tamque glorioſè perpetrata, Moſen tamen & Aaronem Numinis offenſam incurriſſe, ſpèque terræ toties promiſſæ excidiſſe. Nimirum permiſſi ſunt labi, ut meminiſſent ſe homines, & fruſtrato delictù expiarent deſiderio. *Qui ſtat, videat ne cadat. 1. cor. 10.*

*Nemo etiam probus, ſervus à lapſu.*

Nemo, quamdiu vivit, ſecurus eſt à lapſu. Proximus eſt ruinæ, qui extra caſum ſe putat poſitum. Ingredimur in lubrico; nemo ſibi firmis blandiatur de veſtigijs, antequam abſolverit viam.



NARRA-

NARRATIO XXX.  
**ASINA BALAAMI**  
**ARIOLI LOQUITUR,**  
 IPSE, QUANQUAM INVITUS, BENE PRE-  
 catur Israëlitis Num. 33. & 34. Anno Mundi

2583. Ante Christum 1470.

**D**Ebellatis & interfectis tribus regibus, *Arâde Cbananzorum, Ogo Basanitarum, & Sebone Amorrhæorum*, cōrūmq; provinciis à gente Hebræa occupatis, ingens terror vicinas regiones concussit. Iam fulmen belli etiam *Moabitis* afflaverat, in quorum oculis castra fixerunt Israëlitis. Imperabat tum Moabitis *Balaacus*, qui cū plus præsidij in magicis incantationibus, quàm in militari classico reponeret, advocat è Mesopotamia *Balaamum*, Ariolum famosum, & carminibus potentem; si fortè ejus operâ victoriam obtineret incruentam, quam sese reportaturum armis desperabat. Proposita erat Mago per legatos, ampla vis pecuniæ, si execrationibus & detestationibus Hebræos vel deleret, vel certè protulà Moabitis repelleret. Stimulavit auri fames hominem, ut non ægrè sequeretur legatos. In itinere, dum illi plusculum præcedunt, obijcit se Balaamo Spiritus cælestis, ferro stricto viam intercludens. Jumentum, quò Ariolator vehebatur, erat asina; hæc Angelum conspicata exerto gladio minitantem, semel, iterūmq; declinat à via; quam dum insector repetitis verberibus in semitam reducere laborat, illa redacta in angustias, geminas inter macerías, cū hinc obstaret fulgurans mucro, inde cāllis in arctum compelleret, attrivit ad murum, sedentis pedem; ferocius inde pulsata, sub plagis concidit; hīc herus inclementius furere, & fuste latera bestię validè tundere. Rupit indignatio vocem asinæ, movente linguam Angelo; & quid est causæ, inquit, quòd sævias tot ictibus in immerens animal? Ille contrà, nihil motus prodigiò (credibile est talibus assuetum fuisse monstris) convitia in refractariam pecudem ingerere, & jam gladium demandæ contumaciæ poscere. Perrexit asina causam suam agere, & ingrato homini pristina servitutis obsequia in mentem revocare; semper adhuc se habenis obtem-

obtemperantem, rectoris ductum secutam, recto tramite processisse; molliter, securéque herum suum absque cespitatione vexisse; jam verò pro tot annorum ministerio atrociam verbera reponi, barbara planè sævitie ne bestiis quidem tolerandâ. Non potuit inficias ire fidelem expostulantis jumentum operam vector, neque tamen causam tergiversationis intelligere. Cum abstergâ nebulâ, conspicit & ipse minacem formidabilis Genij gladium, territusque ingenua provolvitur. Cui Angelus, ecquid, ait, furis in infontem bestiam? ego sum, qui tibi viam sceleratam intercepti, ego remoram asinæ tuæ vestigijs objeci, absque cujus declinatione fuisset, tu funus esses, illa viveret incolumis; nunc perge, licet, viam, quam cæpisti; sed cave, quidquam loquaris aliud, quàm ego præcepero tibi. Ita monitis & pecudis, & Angeli instructior Divinator, persecutus est iter.

Interea temporis avida tenebat expectatio *Balaacum* advocati Incantatoris; cujus adventu nuntiato, in ipsis occurrit ei regni finibus, & quò potest, lautissimo apparatu hospitem excipit, aureis promissis onerat, carmen ut in execrationem componat, quo nomen omne juguletur Hebræum. Eum in finem excitantur aræ, immolantur victimæ idolo *Baali*, ijs in montibus, unde prospectus patebat, in castra Israëlitarum, latè tendentium infrâ. Nihil deerat, nisi, ut diris omnibus devota Hebræa capita, ultimò exitiò involverentur. Intercessit Genius cælestis, & Arioli linguam ac mentem impulit, ut alia omnia, quàm cogitârat, sentiret & loqueretur. Pro malis devotionibus audiuntur imprecationes faustæ, cum vaticinijs à DEO suggestis, de futura gentis Hebraicæ felicitate; deque Christo, stellæ instar Matutinæ, ex ejus posteris futuro; ringente interim suis cum optimatibus rege, & Ariolum cum indignatione à se reiiciente. Qui tamen speratis ne muneribus excideret, aliam viam inijt, quâ Hebræis noceret; quibus cum per auguria, & divinationes maleficium inferre non posset, auctor est Balaaco, per mulieres ut *Moabiticæ* & *Medianitidæ*, ut erant eximia formâ præstantes, ad amorem eos prius, deinde ad *Beelphegoris* idoli cultum pelliciat, ita futurum, ut suò se laqueò, simul & irâ Numinis induerent, cujus destituti præsidio, haud dubiè essent sine armis perituri. Quale consilium, talis eventus; utrumque pessimum. quod deinceps referemus,

## DOCTRINA.

Quid non mortalia cogis pectora,

Auri sacra fames? auro venalia jura,

auro venalia sacra:

Verè Siracides, Eccli c. 10. *Avaro nihil est scelestius.* & 7. 11. *vibilest ini-*

R

*Imitatores  
Balaami.  
qui,*

quidus, quàm amare pecuniam; hic enim & animam suam venalem habet. Minator Jacobus in epistola: *Pe illis, quia in via Cain abierunt, & errore Balaam mercede effusi sunt.* Via Caini, est DEI contemptus, invidia, homicidium, hæresis, atheismus, vita vaga, desperatio, damnatio. Balaamum sequuntur, qui toti projecti in lucrum; in maledicta pariter; & impia consilia, atque alia se scelera effundunt, ut sacra profanæque permisceant, & perdant.

*Magi.*


Balaamus paratam in maledicta linguam gerebat, quæ benedictis ut verteret, altiore vi compulsus est. Egregium Angelicæ adversus probos argumentum providentiæ, Impiorum execrationes & diras, vertentis in bonum pijs. Credibile est Angelum hunc, fuisse Michaëlem, Judaici protectorem populi, de cujus Internecone agebatur, si magicis incantamentis dementatus, hostium fuisset expositus furori. Apparet quoque, quanta pestis humani sint generis præstigiatores, conjectores, aruspices, augures, incantatores, quibus nunquam deest nocendi voluntas; sæpe, prohibente DEO, facultas. Exod. 22. *Maleficos non patieris vivere.* Et Levit. 20. *Vir sive mulier, in quibus fuerit divinationis spiritus, morte moriatur.* Et juxta Jura Canonica, Omnis inquisitio, curatioque, quæ vel à divinis, magicisq; petitur artibus, vel à dæmonibus ipsis, mors est potius, quàm vita dicenda; Quisque ista sectantur, sempiternum ad interitum tendunt. cap. qui sine causs. 26. q. 2.

*Asina magistra bruti hominis.*

Vfus est DEUS voce asinæ, tum quia congruè bruta mens per brutum docetur; tum ut erudiretur, & castigaretur vanitas auguris, qui ruditum asinæ, & garritum avium, quasi futurorum omnia observare solebat.

*Asina carnis symbolum.*

Tropologicè, juxta S. Greg. 3. *Part. Past. admonit. 13.* Asina retardata Angelum videt, quem Balaam necdum videbat: quia plerumque caro tarda, per molestias flagelli indicat menti DEUM, quem ipsa carni præsidens non videbat. Asina ergo, est corpus morbis & incommodis vexatum, quod sæpe Balaamo, hoc est, menti cæcæ & depravatæ, DEUM revelat, & virtutis officium ostendit.



NARRATIO XXXI.  
 HEBRÆI DANT  
 POENAS SACRILEGAE  
 LIBIDINIS, CUM MOABITICIS

Et Medianiticis feminis commissæ. Num. 25.

Anno Mundi 2583. Ante Ch. 1470.

**R**oximè superius diximus, *Balaamum* præstigiatorem, Israëlitis imprecari nefasta conatu, à DEO semper in contraria raptum: necquicquā repetitis sæpius, & aris, & Sacrificiis, ac vaticiniorum carminibus, Hebræo populo fortunatis Numinis afflatu; coactūque, in Mesopotamiam denique suam esse reuersum. Eò tamen antequam perveniret, *Balaac* regi, ne penitus mali nihil homo pessimus patraret, suaforem fuisse, ut Israëlitas, oblati, obtrusisque per feminas illecebris, in ea præcipitare studeret scelera: propter quæ DEO, Tutori suo, vel maxime fierent execrabiles; & idè, quibusvis deinceps, etiam imbellissimis, superari perfaciles. Gavissus consiliò nefariò *Balaacus*, ut cui satis esset, in regno suo pàcatas sibi res esse; seu per fas id, nefàsve, sive per Inferos, aut Superos, assequeretur: electissimæ formæ mulieres, ex omni, tam *Moabitarum*, quàm *Medianitarum* regno conquirendas curavit, & ad se perducendas: quæ mox, speciem suam, amictus insuper apparatus, perpolientes, ad Hebræorum extrema castra, *per sacrificandi causam*, velut pudibundæ; cunctantésq; subreperent. Sacrificio delecta erat, *Séthima*: locus, illius incorrupti ligni nemoribus frondosus: ac valle, quam *Sattim* appellabant, amœnus. DEUS autem, cui litaturas se feminæ profitebantur, *BEELPHEGOR* erat, *Priapus* aliàs, vel ipsa nominatione pendendum simulacrum; vocatur etiam *Pbegor*, *Pbogor*, *Baal*, *Bel*.

Tales igitur, *Moabitiæ* illæ, & *Medianitiæ* confederant in extrema Sethimæ vallis parte: lascivis gestibus, procacibúque verborum irritamentis: choreis quoque, fractisq; in mollitiem, cantilenis juventuti militari fraudè struentes. Cum non desint; inquit lenocinantes, domi facultates amplæ: nec parentum ac domesticorum affectus; nec corporis formam

*Lenocinũ  
feminarum  
gensilium*

R. 2

huc



*Luxuria &  
idololatria  
Hebraeorum.*

*Gravissima  
Dei vindic-  
ta in pec-  
catis,*

„ huc nundinaturæ venerimus; sed ut viros famâ inclytos hospi-  
„ tali gratia, obsequiôque demeremur, faciliores nos amoribus  
„ vestris præbuimus. Nunc verò, cum vereamur, ne libidine exa-  
„ tiatâ, retrò cum injuria, contumeliâque ablegemur ad parentes,  
„ cupimus legitimis vobiscum nuptijs copulari; si tamen, quem-  
„ admodum corpora erunt communia, sic etiam eadem esse Sa-  
„ cra velitis; neque enim sat fidis junguntur thalamis, qui dis-  
„ sident aris; patriam vobis cum dijs patrijs offerimus; per vos  
„ stat, diutius errare per alienas terras, an stabilem hîc domici-  
„ liorum, & amorum sedem esse malitis. Quid multa? frons,  
„ oculi, vultus, forma feminarum quavis suadâ potentius perorârunt.  
„ Vicit viros invictos libido, & ex pectoribus animum,  
„ a vitâque Religionem excussit. Non plebs duntaxat, sed &  
„ de nobilitate, numerôque Principum nonnulli meretricijs amo-  
„ ribus sunt implicati; & quod magis abominandum, iisdem  
„ quoque impurissimis Sacris, ne delicias illas suas aut amitte-  
„ rent, aut contristarent, operari non dubitârunt. Sacrilegis in  
„ vestigio supplicium hæsit; pestilente divinitus immisâ, vastari  
„ castra cæpta, punitumque bubonum, & carbunculorum ardore,  
„ quod libidinoso corporum igne peccatum erat. Nec eò conten-  
„ tus suppliciô DEUS: in eos primùm gravius exarsit, qui præter  
„ vetitam corporum inquisitionem, insuper & Priapi Sacerdotiû  
„ accepissent; turpissimi simulacri cæremonijs initiati. Quos il-  
„ le cunctos, Procerum habitò per Mosen (nam hæc ante eius  
„ mortem contigerunt) conciliò, conquistos, ac sacrilegij convic-  
„ tos, duci iussit; & è regione micantis solis, in crucem tolli:  
„ quò supplicij fierent, qui sceleris fuerant, plebi spectaculum.  
„ Post hos, qui quoquo modo Priapéis se maculâssent, nec tamen  
„ adhuc vel lue, vel fune pœnas dedissent; necari ferro præcep-  
„ pit: nullo propinquitatis, aut generis habito, per eos, qui cæ-  
„ dis ministerium exsequerentur, discrimine. Quò factum est,  
„ ut exiguum intra tempus, nocentium capitum, vel peste, vel re-  
„ ste, vel glagiò sublata sint, quatuor, ac viginti millia. Nimirum  
„ in febris tam pestilenti & vulgari plurimis debuit mitti sanguis,  
„ ne contagio traheret omnes,


## DOCTRINA.

**Q**uid non facit pellar femineo in corpore forma! quanta est  
„ illecebra & vis pulchritudinis! Quòd armatorum vigor  
„ non potuit, feminarum potuit mollires; vincuntur specie,  
„ qui non vincebantur præliò. Pugnatur osculis, non spiculis: de-  
„ litijs, non tormentis: gratiâ, non terroribus: nectare, non cruore:  
„ lenoci-

lenocinijs, non classicis: voluptate, non clade: lepóribus, non machinis: Veneribus, non vulneribus. *Propter speciem mulieris* inquit Siracides, cap. 9. *Multi perierunt, & ex hoc concupiscencia, quasi ignis exardescit. Dulce venenum, & dolosa fax femina,*

Urit enim vultu, visu, risu, cutē, cultu.

Pellaciæ formæ accesserunt blanditiæ verborum, & munculorum lenocinia. Circumferebant secum puellæ Moabitides & Madianitides, idolorum suorum sigilla, nec non idolothyrta, hoc est, cibos illis immolatos & consecratos, ad quos comedendos alliciebantur Juvenes Hebræi, tum etiam ad ipsa idola colenda; ante omnia verò in amplexus, & nefarios concubitus invitabantur, unde pronus in cetera lapsus. Jubet cavere Salomon Prov. 5. *Ne intenderis fallacia mulieris. Farnus enim distillans labia meretricis; & nitidius oleo guttur eius; novissima autem illius amara, quasi Absynthium, & lingua eius acuta, quasi gladius biceps.* Sub melle, fel: absynthium sub oleo; triste gaudium, & mors hilaris; gladius biceps, animum simul & corpus perimens. Femina Sphinx, vultu & manibus puellam refert; medio corpore canem lascivam; alis avem, ob petulantiam & levitatem; unguibus leonem, lacerantem opes & famam; caudâ draconem, perdentem & occidentem; voce hominem, insidiosè blandientem. Appositè „ Hugo Victorinus *lib. 1. de Carnal. Nupt.* In favo mellis, inquit, „ duo sunt, scilicet mel & cera. In facie meretricis similiter duo, „ scilicet decor & gratia, hoc est, pulchritudo oris, & dulcedo „ sermonis. Cera succendit ignem, mel præbet dulcedinem. „ Sic pulchritudo meretricis igne libidinis inflamat carnem; „ blandimento lenocinantis sermonis subvertit mentem; stillat „ mel ex cera, dum verba mollit & facit dulcia. *Melior est iniquitas viri, quam mulier beneficiens.* Eccli. c. 42. Potes ab illo tibi cavere, quippe apertè invadente; hæc dum benefacere videtur, id agit, ut decipiat, & illaqueet incautum.



# NARRATIO XXXII. ZELVS PHINEAE IN VINDICTA FOEDI

Concubitus sumenda. Internecio Madianitarum

Num. 25. & 31. Anno Mundi. 2583. ante Ch. 1470.

*Pecordiala-  
sciva cupi-  
ditatis.*



Tragis, quam memoravimus, tam ingentis, oculis objecta gravitas, nondū sanavit tamen animos omnium libidine fascinatorum. Vsq̄ adeo tenax est, ac lentum hominis malum, Lasciva cupiditas: ut, quem semel infederit, eum in furoris cursum pertinaciter propellat; ac sine præcipitio vix unquam dimittat. Poenas non videt, dehortamenta non audit; futura non præmeditatur: &, in summa, nec oculos cæca, nec aures surda, neq; cor fatua circumfert. Ipsa circumfertur interim; quocunque demens eam animi morbus impulerit. Jacebant ecce tot in conspectu, peste peremptorum funera; tot crucibus suffixorum corpora; tot ensibus trucidatorum cadavera. Flebat eos, ac demonebat stratus ante Sacrum Oraculum, dux Moses. Cum Mose, populipars sanior, & optimus quisq̄, sævientem tum vel maxime, vindicem DEI manum lacrimis propitiabant. Nec adhuc tamen, aut *Madianitides* puellæ cunctæ castris abscefferant: nec Hebræa juvenus universa, desierat ad earum contubernia commeari.

*Cozbae pro-  
stibuli Ma-  
dianitici  
protervia.*

Sed ex omnibus, unius imprimis feminæ, sicut præcipuum genus & forma, sic contumacior fuit; ad castra, desidia. *Cozbae* nominabatur; *Saris* Madianitarum quinque Regulorum potentissimi filia: quæ Priapæi quoque Sacerdotij partes principes obibat. Hæc tabernaculum sibi, præ cæteris omnibus conspicuum, & juvenibus infidiosum extenderat: in quo scelestâ, tanquam in lupanari, Venerem ex professo cauponari, sui muneris gloriam ducebat & palmam. Id nobilioribus præsertim Iuvenum frequentatum ac patulum; comessantium, scortantiumq; perpetuis vocibus personabat.

*Impudentia  
Zambris,  
Hebræi  
principis*

Incendit inter alios *Zambris*, virum Hebrææ stirpis, *Salsæ* Patre, tribuque *Simeonitarum* ortum: &, quod dedecoris caput erat,

erat, illius universæ stirpis principem, ac Ductorem. Hujus tam intemperans fuit in *Cozbaam* amoris ardor: ut luce palam, omnique castrorū aspectante multitudine, Mosis in oculis, nulla fronte, verecundiæque, prostibulum peteret. Erat nemo, quem viri tanti tam perspicua nequitia, non aut improbitatis admiratione percelleret, aut indignatione justa commoveret. Tacebant tamen omnes; Mosis, Deoque sceleris, vel vindictam, vel dissimulationem permissuri. Tacebat & Moses ipse; solas ac supplices in lacrimas effusus. Quid enim, ipsis jam Ducibus exemplō turbam trahentibus, Imperator ageret? nisi fortè, deletis jam tot millibus, insuper & reliquias populi de medio tolleret: aut, quod proclivius erat, novos sibi *Coras, Datbanes, & Abirones* excitaret.

*Impudentia  
Zambris,  
Hebrai  
principis.*

At non eādem, quā cæteri, patientiā, Pontificis Eleazari filius, *Phinees*; usus; instinctu Numinis, ac divinæ violatæ legis dolore, stimulatus: primò quidem intimo mentis exarsit sensu. Corrupto deinde pugione subalari; neminiq; suorum, quorsum eruptura consilij sui vis esset, apertò: *Zambris* vestigia, concitato gradu persequitur: & animum ingentem, sub fulminantibus oculis, ac ferrum latens, sub veste minimè suspectā gerens; in *Cozbaæ* tentorium usque, cunctis apertum se penetrat. Ibi deprehensos utrumq; , *Zambrin* & *amicam*, foedæ jam reidantes operam, nec præ dementia flagitij, quid instaret sibi mali, sentientes: tribus interpellans verbis; **HOC HABERE SCELESTI!** pugione simul utrumque transverberat. Et quidem, ut manum percussoris agnosceres, divina directam manu; perfodit ambos, in ipsa sceleris ministra membra vulnere perlato. Quibus in hunc modum perfectis; placato jam Numine, lues est omnis consopita: data venia populi reliquijs; *Phineas* Sacerdoti constabilita promissi Pontificatūs æternitas. At, extincti momentò, duo miserabiles amantes, *Zambris* & *Cozbaæ*, funus jacebant sempiternum.

*Phineæ Ze-  
lus in libi-  
dine ulciscen-  
da.*

Ne verò *Madianite* impunè ferrent (*Moabitis*, qui magna sceleris & cladis pars & causa fuerant, est parsum ob merita *Loti*, eorum progenitoris; & *Ruthæ* Moabitidis, unde Christus erat originem ducturus) geminum nefas, quòd & devotionibus perdere tentārint *Hebræos*; & permissas feminas, eosdem ad Sacrilega Sacra induxerint; DEUS imperavit Mosis expeditionem ultimam; (nam paullo post erat à vitā migraturus) qui delectis, è guavis tribu, mille militibus, cum exercitum duodecim millium confecisset, jussit eos, Duce *Josua*, in hostem numerosissimis copijs superbum movere, comitante Arca, eiúsque Custode *Phineā*, Sacerdotumque, tubā clangentium Præfektò. Nec

difficilis

*Madiani-  
tarum exci-  
dium.*

difficilis erat victoria, auspice DEO. Primo mox congressu tanta Madianitarum est cæsa multitudo, ut numerus cadaverum iniri non posset, ne unò quidem ex Hebræis desideratò; ut agnosceres manum, ex alto dimicantem. Jussu Numinis ( penes quod vitæ necisque potestas in omnes) occisi mares omnes, & mulieres virum passæ; quinq; Madianitarum reguli, *Eui, Recen, Sur* (Cozba:æ memoratæ parens) *Hur, & Rebe*. Occubuit eò quoq; præliò *Balaamus*, qui ex patria Mesopotamia, quò nuper abierat, reversus, sive ut novò quodam maleficiò affligeret Hebræos, sive divinationis ut suæ lucrum aliquod reportaret; quidum alienis intendit malis, interitum sibi iminentem prius non vidit, quàm communi implicitus cladi sensit. Credibile est, ipsum ( ut hoc genus hominum ignavissimum, & mortis timidissimum esse solet ) inermem, suis confisum artibus cecidisse. Id certum, DEO Iudice; multis degravatum sceleribus caput, in malè agendi pertinacia, præcipitatum in Tartarum.

*Spolia ex  
Madianitù*

Fusis hostibus, urbes omnes, vici, castella, jubente DEO, flammis vastata, & solum, in detestationem sceleris, inhabitabile redditum. Præter ingentem vim auri facti, infectique, quod ultro à milite victore, DEO Servatori dedicatum, capta sunt ovium sexcenta, septuaginta quinque millia; boum septuaginta duo millia; asinorum sexaginta, unum millia; puellarum triginta duo millia; quæ sunt omnino capita octingenta, & quadraginta millia. Sic ferit Vltio Divina, mortalium flagitijs provocata. Quædam ulcera non satis inciduntur, nisi radicitus excindantur.

## DOCTRINA.

*Horrenda  
libidinoso-  
rum suppli-  
cia.*

**H**orreant ista, pariaque fata mortales illi; quibus vitæ fructus sunt, libidinum oblectamenta. Quot, & quàm misera- biles casus sunt, non modò singularium hominum, sed ur- bium & regnorum, quos ad interitum animi, corporisque libido rapuit! Hinc Sodomæorum ignes; hinc Sichimorum cædes; hinc Beelphegoritarum clades; hinc Madianitarum strages; hinc Benjaminitarum ( de quibus infra narrabitur ) plus quàm vigin- ti quinque millium interfectio; hinc Trojæ, ob Spartanam adulte- ram, decenniò circumfessæ excidium; hinc Trojanorum sexcen- torum septuaginta sex millium exitium; hinc Græcorum octin- gentorum, sex & octo millium deletio. Olatum, ò profundum damnatæ voluptatis barathrum! In hoc descendunt, exactis desi- deriorum suorum annis *gigantes* (Prov. 9.) & pumiliones; Princi- pes ac plebei, viri, feminaeque; domus privatæ, resque publi- cæ; Civitates, Insulæ, Regna, Mundus. His omnibus una mors,  
Voluptas

Voluptas est; Sepulcrum Gehenna, Libitina Venus; Vespillo Diabolus; Rogus funebris æterna flamma.

Et ecce unus de filiis Israël (Zambri videlicet) intravit coram fratribus suis ad sortum Madianitidem. Num. 25. Quid turpius? quid ad exempli pravitatem perniciosius? Zambri tribus suæ Caput & Dux, in ipso castrorum, & Mosis Imperatoris aspectu, subit detestandam ganeam; & quidem in recenti Divinæ punitionis sensu. Usque adeo, quos illecebris suis cepit Venus, dementat, & cæco furore præcipientes agit. Verè Sapiens in Proverbijs cap 7. Sequitur (homo libidinosus) *velut bos ad victimam, & quasi agnus lascivians, & ignorans, quod ad vincula stultus trahatur.* Dum stolidus pecus, injectâ collo resti, lascivit, exilit, ad præsepe se duci credit, abstrahitur ad macellum, & mactatur.

*Cacalibido.*

*Phineas zelatus est pro DEO suo.* Ibid. Justissima ira, quâ Numinis honor vindicatur. In injurijs proprijs, ait Chrysostomus, patientem esse, laudabile est; injurias autem DEI patienter ferre nimis est impium. Nemo putet amicum, quem DEUS pro hoste habet. *Zelus domus tuæ* (ait Psalter Psal. 68.) *comedit me*, hoc est, consumpsit, & absorbuit me. Quis comeditur Zelô domus DEI? quærit Augustinus ibidem. Qui omnia, quæ fortè videt perversa, satagit emendare; nec quiescit; si emendare non potest, tolerat, gemit, & apud se dicit: Tabescere me fecit Zelus meus, quia oblii sunt verba tua inimici mei. Psal. 118.

*Phineas laudabilis zelus.*


Bonis nocet, qui pepercerit malis. Facile turba trahitur in furoris societatem, exempli magisteriô, præsertim illustris.

Omne animi vitium tantò conspectius in se

Crimen habet, quantò major, qui peccat, habetur. Juven.

Sat. 8.

„ Ambrosij Sententiâ. Melius est, ut unius aut duorum damnatione, plurimi liberentur, quàm duorum absolutione, plures periclitentur.



NARRATIO XXXIII.  
**RAHABAE MVLIE-  
 RIS IERICHUNTINAE, FIDES  
 ET OFFICIUM ERGA EXPLORATORES EJUS-  
 DEM URBIS, à JOSUA SUBMISSOS; ET RELATUM  
 PROEMIUM. Josue. cap. 2.**

Anno Mundi 2584. Ante Ch. 1469.



*Iosue Suc-  
 cessor Moysi.*

**C**um impendentem Rebellium cervicibus Ju-  
 stitiam Divinam sæpe sæpius mitigasset Moses, de  
 quo suprà memoravimus, & ad extremum ipse  
 quoque pœnas aliquas, obsequij minùs accurate  
 præstiti, dedisset, dum in populi repetita jam tertiu-  
 um, quartumve, ob aquæ penuriam, obmurmu-  
 ratione, non, ut mandatum erat, *Horebam* rupem, solò vocis impe-  
 riò profundere iussit aquas, sed eas bis incussâ virgâ provoca-  
 vit, id quod Numini, severa lege exigenti imperata, displicuit adeò,  
 ut & ipse, & frater Aaron desiderijs suis, adeundæ Palæstinæ, quam  
 in conspectu habebant, quàmque annis omnino quadraginta per  
 tot viarum asperitates unice anhelârunt, sint immortui; Mosi in  
 magistratu successit *Iosua*, is, qui jam antè arcanorum omnium con-  
 scius, familiæ Moysi præerat universæ; qui divinus Poliorcetes,  
 sine machinis urbes expugnavit; qui, ne tardius vinceret, solem  
 stare iussit; Israëlitas in Chananæam, promissam olim terram, in-  
 duxit; inque ejus possessionem immisit; Summus Imperator, qui  
 DEO fretus, non rariùs vicit, quàm pugnavit. Ex rebus ejus  
 mirabiliter gestis, quasdam commemorabimus; & primò qui-  
 dem *Ierichuntin* explorationem, fidemque in ea re per *Rahabam* præ-  
 stitam.

Iosue, ut in ipso sui muneris aditu omnes boni Imperatoris  
 partes obiret, non priùs expeditionem (Numinis iussu decretam)  
 in Chananæam, suscipiendam putavit, quàm per exploratores  
 emissos recognosceret Vires hostium, urbis præsertim *Ierichunti-  
 nae*, inter primas adoriendæ. Ii tamen si non ignari, quanto disci-  
 mini objicerent capita, non dubitârunt tamen, fiduciâ divini præ-  
 sidij, sese viæ periculossæ committere. Superato Iordane, quâ  
 maximè vada aperiebat, veniunt sub occasum solis (nam hoc  
 cum Sacra Scriptura meminisse juvat) ad urbis *Ierichuntis* portas,  
 & in-

## RAHABÆ FIDES ET PROEMIUM. 135

& inter alios plures subeuntes ementito se penetrant habitu; mōxq; conjiciunt in ædēs, mœnibus vicinas. Inhabitabat eas *Rahab* prostituti corporis femina (Divina pagina meretricem vocat.) Ibi quiete noctis transactā, postridie urbē dissimulanter ob-  
eunt, seq; sub vesperam ad suum referunt hospitium. Non potuerunt esse tam inobservati, quin re ad regem delatā, mitterentur listores, qui emissarios comprehenderent, & oneratos vinculis in custodiam darent. Id agi præsentens callida mulier, abscondit peregrinos in solario, seu parte domicilij superiore, eosque lini stipulis, quas ad solem expansas siccabat, cooperit. Superveniunt interea regij apparitores, & advenas perquirunt. Mulier à mendacio, ut credebat pio, consilium capiens, respondet, viros quosdam ignotos paullo antè apud se cænatos, discessisse; qui si prodicionis suspecti sint regi, posse eos negotiō parvō, de via retrahi ab insequentibus; esse tantum opus celeritate. Illi feminæ verbis circumventi, omissā perscrutatione domūs, ne cunctatione spatium darent fugientibus, excurrunt festinanter per viam, quæ ad *Jordanem* fluvium ducebat, rati, fugam insidiatoribus, undarum, obstaculō interclusum iri. Interea mulier adit hospites, indicat, in quanta mortis vicinia versentur, quos tamen ipsa vel capitis sui periculō servatos cupiat, haud nescia, Chananitidis possessionem jure divino genti Hebrææ concessam; marcere dudum incolarum animos, perterritos famā rerum mirandarum, quas terra, mariq; , & recenti Amorrhæorum strage supremus omnium Dominus edidisset; id unum se rogare, ut memores, quanto suo discrimine ipsorum saluti consuluisse, urbe per vim occupatā, sibi suæq; familiæ gratiam rependerent pro beneficio; ejusq; rei fidem juramentō confirmarent. Illi præsentēs ei gratias agunt, & in futurum abunde relatu-  
ros jurati pollicentur, porrectō in manum funiculō coccinēd, in urbis expugnatione suspendendō pro fenestra, per quam demissi fugam expedierint; agnitō illo tutelari symbolō, domum universam, cum omnibus propinquis, qui in eam se recepturi essent, in tuto fore, & quavis injuriā liberam. Itaque demittuntur per fenestram, in eodem cum urbis mœnibus pariete apertam; moniti, consensūs ut montanis, vitarent viam campestrem, perquisitoribus infestam, triduoque laterent, in abdito, donec investigatores in urbem redijissent. Consilium non min⁹ eventu felix, quàm inventu sagax. Ita dictum, factūque. Nam insecutoribus ad urbem reversis, quod crederent Hebræos prima nocte *Jordanem* trajecisse, descendunt hi de monte, seq; ad suos referunt, magnō affectōs gaudiō, si-  
ve quoddē eorum Salute conclamatum videretur; si-  
ve quoddē reduces ostenderent, in manu esse victoriam, hostibus timore jam devictis & prostratis; nam quos fregit metus, nulla servant arma.

*Explorato-  
res Chana-  
nitidū &  
Rahab ex-  
cipiuntur  
hospitiō.*

*Palatium ex-  
ploratorum  
cum hospita*

*Explorato-  
res elabun-  
tur.*



## DOCTRINA.

*Pretium hospitalitatis.*

**R**ahaba fuit atavia Davidis, materq; Booz, ex quorum progenie oriundus Christus. Fidem feminæ Paulus laudat ad Heb. 11. *Fide*, inquit, *Rahab meretrix non perijt cum incredulis, excipiens exploratores cum pace.* Et quænam illa fides? In Chananitidis possessionem Inducendum à DEO populum Israeliticum. Unde factum, ut peregrinos illos homines exciperet, non ut proditores sed ut Deinuntios, ingenti hospitalitatis pretiò; dum absterfa turpitudinis simul & idololatriæ labe, meruit Salmonis, Hebræorum nobilissimi connubium, & ex ea stirpe nascituri felicitatem Messia. Chrys. *homil. 5. de panit.* Erat Rahab in fornice, velut in volutabro confusa margarita, aurum in lutum abjectum; flos spinis confossus: per fidem verò vivam margarita è volutabro; aurum è luto; flos è spinis emerfit. Jacobus quoq; in epistola commendavit Rahabam à charitatis officiis: *Similiter*, ait, *et Rahab meretrix ubique ex operibus justificata est, suscipiens nuntios, et alia via eiciens?* Quod si calix frigida sitienti porrectus inter eximia merita in Dei tabulas refertur, quânto magis Numinis in se liberalitatem provocârit, officio quæ quisque charitatis ita numeros absolveret, ut salutis suæ discrimine, caveat alienæ.

*Natalium vilis non erubescenda.*

Non puduit Christum profapiam suam ad Rahabam & Thamarem profanati pudoris mulierculas referre, ut memineris non erubescere Natalium vilitatem; quandoq; generant aquilas columbæ & è squilla nascitur rosa. Non carnis Successio quæritur, inquit Hieron. *in cap. 3. Matth.* Sed fidei hæreditas. Potens est enim Deus de lapidibus suscitare filios & filias Abrahæ. Et Chrys. *in unum dñ locum* Quid enim prodest ei, quem sordidant mores, generatio clara? aut quid nocet illi generatio vilis, quem mores adornant? Melius est enim alicui, ut in eo glorientur parentes, quia talem, filium habent, quàm ut ipse in parentibus gloriatur. Ille nobilis est, qui suis se metitur factis, nec alienæ incubat gloriæ.

*Funiculi coccinei Symbolica significatio.*

Funiculus coccineus, juxta Augustinum *homil. 3. in Iosue*, sanguinem Christi denotat, in quo uno salus hominum. Per domum Rahabæ Ecclesiam intelligit Orthodoxam, cuius ostium qui ingressus fuerit, sanguis ipsius erit super caput ejus, quippe æternum perituri. Rupertus *in eundem lib. cap. 12.* Per funiculum explicat Crucis signaculum, jugiter in fronte pingendum, & in fenestra, tanquam ante oculos habendum, in memoriam Christi Patientis, & vires ejus ab exemplo hauriendas.

NARRA-

## NARRATIO XXXIV.

SICCUS ISRAELI-  
TARUM PER JORDANEM  
FLUVIUM TRANSITVS, DVCE DEO AC JO-

SUA. Lib. Josue. c. 3.

Anno Mundi 2584. Ante Ch. 1469.

**R**osteaquam Josuæ ab Exploratoribus ex Palæstina, quò miserat eos, reversis intellexerat, regionis ejus habitatores, samâ rerum trans Iordanem ab Hebræis gestarum, vehementer esse perterritos; non cunctandum ratus, dum suorum calerent animi, hostium marcerent; movet versus fluvium castra, *lerichuntem* Chananitidis (seu Palestinæ) firmissimum trans Iordanem munimentum, invasurus. Trajectus fluminis prodigiosus ita se habuit. Ubi ventum est ad amnem, tum temporis (æstas erat) vel maximè exundantem, primi omnium talorum tenuis ingressi sunt Sacerdotes, Arcam sacram humeris impositam præferentes. Et ecce, continuo cœperunt ex unâ parte à septentrione (ubi ad montem *Libanum* fons Iordanis) undæ fluviales intumescere; deinde paullatim altius, altiusq; consurgere, & montium speciem referre, immotæq; consistere; ex altera verò parte, meridiem versus & mare mortuum seu lacum *Assalitum*, præcipiti fluxu decurrere. *Unde Iordanis fluxus suspensus.* Seq; dilabendo consumere, ut alveus humore deficcato nudus, fabulosi campi mare relinqueretur.

Primi omnium Sacerdotes cum sacro ferculo ad medium fluminis progressi, tamdiù substitērunt, donec populus omnis per arentem transiret alveum. Ibi tum quidquid Hebrææ penè fuit gentis (nam aliquot millia circa Iordanem confederant) armatum & inerme, validum, imbellèq;, prohibentè nemine, sicco pede in ulteriorem ripam, *lerichuntem* versus evasit, eo quidem ordine, ut qui priores tenuerant littus adversum, expectarent posteriores, donec signò ab Imperatore datò, Arca divina, quæ postrema efferebatur in ripam, in fronte agminis constituta, universam multitudinem, bis mille cubitorum intervallò post se relictam, velut dux itineris, populi præsidium, hostium terror anteiret, vicēsque præstaret columnæ, antehac nubis & ignis specie, errantes per deserta Hebræos ducentis. *Ordo transitus.*

Prius

*Monumen-  
tum in sicco  
alveo ere-  
ctum.*

Prius tamen, quàm undas sublimè suspensas exportatio Arcæ, in cursum suum remitteret, constituuntur à Josua valentissimi quique de singulis tribubus viri singuli, qui totidem Saxa ex alveo Jordanis sublata, in proximum castrorum locum, (sex millibus passuum, & amplius à Jordane distabat) cui deinde nomen inditum *Galgala*, à resectis inibi gentis Hebrææ præputijs, deportarent, statuerentque in tanti monumentum Prodigij; in ipso, quoque fluminis umbilico, alia duodena saxa ab iisdem erecta, quæ vel visu, decrescentibus undis; vel auditu, circumstrepente aquarum vi, memoriam mirabilium DEI ingererent Posteris.

Quibus omnibus peractis, Jordanis, velut suis in Arcam obsequijs defunctus, sensim ad pristinam molem fluctus revocavit; Hebræi verò, regionem ubi Chananæam pede contigerunt, quidni gaudiò exultantes, terram tot antè seculis promissam, tot & tam ardentibus votis optatam, tot jam annis, tantis erroribus, molestiis & ambagibus quæsitam, nunc verò tandem inventam, & aditam consalutârint; quidni hymnos & grates DEO persolverint, cum argumentum tam illustre, tamque recens erga ipsos bonitatis divinæ, tamque prodigiosum miraculum ab omni oblivione animos avocaret, ipsaq; sui admirabilitate, gratissimâque novitate, invitaret ac exsuscitaret. Ipsum equidem Josuen, nihil dubitem, vel ingenua procidentem, vel stantem ad cælum manus & oculos sustulisse, seq; ad fæderis Arcam, divinæ præsentiae testem, ac sedem, venerabundum convertisse, sanctissimòque Numini toto animo, gestu religiosissimo, castissimisque vocibus gratulatum. In eo, quem dixi, castrorum loco, cum iam manna ningere defuisset, cæperunt agi prædæ, segetes Chananæorum maturæ demeti; rerum omnium affluere copia, Hebræi circumcidi, Paschatisque Solennia celebrari. Neque enim dignus est beneficiò posteriore, qui grates & laudes non refundit in beneficij Datorem prioris. Josue, ut DEO duce, transivit aquas sicco pede; sic immotâ manu dejecit hostium mœnia. Cujus rei narratio proximè sequetur,

## DOCTRINA.

*Duce JESU,  
felix ex hac  
vita transi-  
tum.*

**I**osue, seu JESUS, Hebræos per Jordanem in terram lacte, mellè-que manantem traduxit; Christus verior Josue, & JESUS, suis militantes sub signis inducit in æternæ patriam felicitatis. Et verò, quid aliud vita nostra, quàm jugis per varias mundi huius solitudines peregrinatio? quâ confectâ, devenitur ad Jordanis ripas, ad extremum vitæ tempus, & mortem ipsam. Exundat in hoc transitu Jordanis; surgunt ingentes tentationum fluctus, hœc


## SICCUS PER JORDANEM TRANSITUS. 139

hòc maximè rerum articulò , à Cacodæmone excitati. Natura ipsa horret corporis & animi dissolutionem ; accedit vis ægritudinis, dolorum acerbitas ; quæ sunt veluti magnæ moles aquarum ; stant angorum, molestiarum, mæstitudinum dextrà, lævâq; gurgites. Quis per has procellas incolumis , & sicco vestigio pervadat ? Equidem punctum est temporis , quò transeundum ; Scriptura de Hebræis Ios. 4. *Festinantq; populus & transit.* Subitò enim aquæ istæ diffunduntur , & festinanter trajiciuntur. Quantulum est hoc, spiritum bis, terve efflare ? Quantula mora inter hanc, & alteram ripam, inter *Vigilat & dormit* , inter *vivit* , & *vixit* ? Felix tamen transitus præeunte IESU, comitante cœlesti Arca (Cibo Eucharistico, Marréq; DEI) & Angelis , quod in Iordanis aquis fecerunt, intumescences fluctus velut fræno cohibentibus , viâque siccam sternentibus. Sic delati Pij in regionem Paradisi, *inebriabuntur, ò DEVS, ab ubertate domûs tuæ, & torrente voluptatis tuæ potabis eos.* Psal. 35.

*Sacerdotes autem, qui portabant Arcam, stabant in Iordanis medio, donec omnia complerentur, quæ præceperat Dominus.* Ios. 4. Meminerint, qui Sacerdotum Sacerdotali funguntur officio, pericula subire, difficultates, labores ; juvare subiectos, non verbis tantum, sed exemplis. Sunt qui linguâ interdum Arcam (Evangelium) portant, Operum manus non admovent ; aut manum quidem movent, sed eam à terra vix efferunt, dum vita nihil sublime prævulgo habet.

*Defecitq; manna, postquam comederunt de frugibus Terræ.* Ios. 5. DEUS Hebræis ob inopiam alimenti largitus fuerat manna ; hoc, oblata alterius cibi copiâ , subtraxit ; perinde ut aves afferunt cibum pullis, dum in nido sunt teneri ; at cum crescendo validiores facti, sibi sufficere possunt, eos sibi relinquunt, ut suo volatu annonam parent. Divina quippe Bonitas, ut non deest in necessarijs, sic nec redundat in superfluis.

Qui voluptates terræ ambiunt, & gustant, privantur cœlestibus ; gustato spiritu, desipit caro ; & vice versa, cui sapit caro, „ desipit spiritus. Audi S. Hieronymum *Epist. 34 ad Iulian.* Difficile, imò impossibile est, ut præsentibus quis, & futuris fruat, tur bonis ; ut hic ventrem, & ibi mentem expleat ; ut de delicijs, „ ciji transeat ad delicias ; ut in utroque seculo primus „ sit, ut in cælo & terra appareat „ gloriosus.



NARRA-

# NARRATIO XXXV. MIRA IERICHVN- TIS URBIS EVERSIO.

Jof. 6.

Anno Mundi 2584. Ante Ch. 1469.



Rajecto in eum, quem diximus modum, Jordane, progressus in agrum Josue, è castris, vix dimidiâ leucâ Jerichunte distantibus, dum intentus in curam urbis jussu Numinis excidendâ, locum expugnationi opportunum circumspicit, spectabilem habet Angelum, viri armati specie: acinace districto terribilem, bellique simulacrâ cientem (Michaël is erat, Tutelaris gentis Hebrææ præses) auxiliatorem cœlò submissum; quem principio haud agnitum; deinde, quisnam esset, professum, veneratione, quæ Cœlestes decet, affecit. Ab eo (quod exitus postea docuit) capiendâ Jerichuntis omnem didicit rationem: non armis profectò, nec machinis, aut scalis, aut incursum militari; sed sacrâ quadam pompâ, cæremoniisque constaturam. Præmiserat enim tum in omnes universim Chananæos, tum in Hierichuntinos præcipuè, terrorem quandam insolitum Deus. Quo terrore consternati Rex, optimates, cives, & quotquot ex suburbijis undique Jerichuntem confluerant; militare nihil nec pectore retinebant, nec foris præ se ferebant. Nulli Jordanis ad ripam defensores, non miles pro portis; non excubiæ vel stationes in val-  
lis; non propugnatores in moenibus, atque munimentis. Tanquam enim fortius lapides ac feræ, quàm homines, bellarent; obicibus sese portarum, & erectis in cœlum muris circumcluserant: & in eo salutis suæ summam constituerant: nihil super eruptione, super torquendis in hostem telis, aut missilibus spargendis solliciti. Infregerat animos rerum ab Hebræis trans Jordanem gestarum, sparsa latè fama; tum novissimè Jordanes, alvedo per miraculum apertò, transmissus.

Inter hæc Josue quid ageret, partim ab Angelo; mox ab ipso Numinis oraculo, plenius ex Arca præmonitus, septiduum indicit exercitui; quò, semel quotidie digressi castris, Jerichuntis moenia circumirent. Pompæ series hæc erat. Antecedebant armatorum

*Angelus  
armatus  
Josue sit  
spectabilis.*

*Imbellis Ie-  
richuntino-  
rum,*

*Septiduo  
cum tuba-  
rum clangore  
circum-  
dantur Ieri-  
chuntis  
moenia,*

## JERICHUNTIS EVERSIO.

141

matorum plusquam sexcenta millia ; formidabile sine dubio, Jerichuntinis clausis , palpitantibusq; spectaculum. Sequebatur Arca, Sedes Oraculi, Sacerdotum humeris gestata : ponè quam Sacerdotes alij, numero septem, suas singuli buccinas, quas *Iubilam* appellant, inflabant. Claudebat agmen promiscua multitudo reliqua ; cornibus & ipsa ; tubisq; militarius perstrepsens. Iste quotidianus fuit, per sex continuos dies circumeuntium habitus & ordo : nemine vel vocem interim aliam (præterquam classicorum) vel clamorem tollente ; quòd id Iosue vetuisset. Die septimo, pro concione præmonitis, quid fieri præterea velle, simul ac buccinarum sonitum, solito productiorem, concisioremque cæpissent accipere : captum iri Ierichuntem prædixit. Addebat autem, ut urbis captæ prædam auream, argenteam, æneam ac ferream, in *Sacrarium* inferre *Dominicum* meminissent. cæterorū nec abriperet quisquam, quidquam, nec attingeret : sed ut à Numine Diris, & excidio devota tractarent, Ferrō viros, feminas ; armatos, inermes ; Senectutem & infantiam ; puberes, impuberēsque ; cum brutis acumentis ; delerent. Urbem reliquam incendiō darent, ac cineris *sempiternum sumulum* efficerent. Processum sub hæc, ut alijs diebus omnibus, è castris, Hierichuntē versūs.

*Edictum  
Iosua circa  
pradam, &  
internecio-  
nem hosti-  
um.*

Urbs expectatione futurorum animi pendens ; cū jam antehac, singulos ad circuitus ; stupido metu trepidasset ; eò postremo, fluatæ formidine, multò maioribus ex causis, cæpit : ac, cū spissari negotium, crebriusque repeti viderent incolæ, quòd antea semel duntaxat, unum in diem, acciderat, atrociora meritò suspicabantur. Septies enim luce septimā ( præcipiente Iosua, Numinēque ) circumobita *Ierichus est* : indefessò tot millium studio ; sacrōrumque rituum, triumphō verius ; quàm incessu, vel pompā : buccinarum præterea, cornuūmq; ululatu nunquam intermissō ; trementibus interim intus incolis ; ac quorsum erupturus hic esset rerum anfractus, attonitè præstolantibus. Timebant igitur hi, terrebant isti : cū repente, datò per Iosuen signò, sub ipsum septimum Arcæ circumductum, horrendus tot millium Hebræorum tam armatorum, quàm inermium, tollitur adversus urbem, in cælum clamor, circumjectis undiq; montibus percussus. Murisq; simul ex omnibus circumquaq; partibus, non arietibus impulsis, neq; ballistis verberati bellicis ; sed Angelorum occultis viribus afflicti, subsidunt in exterioris pomærij fossas. Quibus æqualiter undequaq; , per conventuum faxorum congeriem, impletis, facilis fit in urbem, unò momentò temporis, ab Hebræis irruptio. Simul urbis captæ confusus clamor exoritur : parvulorum, ac mulierum lamenta ; cædes (ut imperatum fuerat) pecorum, hominūmq; promiscua. Non ætatis, non

T

formæ

*Excidium  
urbis.*

*Rahabæ par-  
citur.*

*Jericho ana-  
themati sub-  
iecta Alosuo.*

*Causa exci-  
dij.*

formæ; non conditionis, aut deprecationis, ulla miseratio. Nec tamen hæc ipsa, laude sua carebat, immisericordia. Nam, quam DEUS iussit, implacabilitas, ea demum gloriosa sola crudelitas est. Passim itaque preces; nec venia: fuga; nec effugium: vulnera, cruor, mortes, cadaverum acervi; cæsorum in alto sanguine, natatio. Non infans, non puella virgo, non senex decrepitus, ac ne canis quidem, ostij custodia, relictus. Omnia ferro populante funus unum; flamma depascente, bustum unum; extirpante Josua, Deoque, rudus unum ac ruina fiunt. Rahabæ scorti solius, domus muro cohærens non est subruta; quàmque ab exploratoribus fuerat, per dominam suam, stipulata fidem: eam imperiò Josuæ servatam sibi sensit. Funiculi quippe coccinei, quem ex compacto de fenestra suspenderat exteriore mulier, indicio notata, cognitaque tamdiu stetit inexcugnata; quoad educta materfamilias, cum parentibus ac propinquis, & omni familia, facultatibusque, consistere cæpit in tuto. Post hæc enim in cumulum Jerichuntis ruentis etiam has ædium accessisse reliquas, extra controversiam est. Superadjecit urbis excidio, tristissimum Josue Dux epitaphium, & impropitium omne cælum ei; quicumque Jerichuntem posteris ausus esset ætatibus instaurare. Tropæum præterea victoriæ super urbis excisæ squalentem tumulum defixit, *Patibulum*, in quod Jerichuntis captum regem compingi iussit, ac necari: dignam publicæ calamitatis coronidem, ob scelera; quæ tyrannus patrârat: ut, qui civibus nequam, exempli nequiorum facem fuisset præferre solitus; regibus quoque secuturis, ad supplicij paritatem præluceret. Ut adeò, verum si fateri velimus, Jerichuntem, & reliquam Chananitidem everterint Scelera sua, simulacrorum fictilium adoratio, veneficiorum & incantationum præstigiæ, ac crudelitas; dum parentes liberos, vel per sacrilegas flammæ lentè traducerent; vel, quod immanius, in statuarum ex ære fusili candentibus brachijs torrendos darent; præterea libidinum nec finis, nec limes, aut modus, aut reverentia. Pœnas igitur extremas jam olim merebantur; eas divina iustitia suis de causis in longum dilatas, evoluto tandem dissimulationis circulo, flagitiorumque numeris omnibus impletis; ingenti cum fœnore tarditatis, inflixit.

## DOCTRINA.

*Deus per crabrones, Heb-  
raeorum bo-  
nes affixit*

**M**isique ante vos crabrones, & ejeci eos (Reges Amorrhæorum) de loco suo. Jos. 24. Exod. 23. Sap. 12. DEUS Chananitidem in manus Hebræas traditurus, præmisit crabrorum & vesparum (velut levioris armaturæ, sagittariorumque) copias, quibus attritos

## JERICHUNTIS EVERSIO.

143

attritos Amorrhæos Hebræorum gladijs, & Sagittis conficiendos objecit. Usq; adeò nullum est tam exiguum animal, quod non possit hominis superbiam comescere, Conditor DEO, robur illi addente. frænūve laxante. Innumera DEUS habet instrumenta suas quibus injurias de nobis ulciscatur. Quid te jactas Thralo? crabronem aut vespam non potes pati circa aures sonantem, quomodo fremitus averni, & avernales sustinebis in orco belluas?

In Regionem Chananitidis melleam, lacteāque DEUS ejētis conscleratis incolis, Hebræos induxit, illis in scelerum pœnam; his in virtutis præmium; quos & ipsos exturbabit impietas sua, & Benefactoris oblivio. *Mensura scelerum,*

Jerichus excisa funditus, tanquā Primitiæ, Iræ Divinæ immolandæ. Deinde mensura scelerum impleta hoc repoposcit. Austâ in immensum peccandi licentiâ, vindicantem denique gladium provocavit. Christus minatur Matth. 23. *Et vos implete mensuram patrum vestrorum.*


*Septiesq; circumbita urbem.* Jos. 6. Concessit improbis pœnitendi spatium Divina Clementia, ut si vellent, excidium evaderent. Sed obbrutuerunt mentes conscientia simul malefactorum, & instantis metu supplicij stupefactæ. *Dei clementia, peccatorū supeditas.*

*Armati præcedent Arcam Domini.* Ibid. Quid opus armatis, erant si muri flatu casuri? Laboribus sua vendunt. Superi; cum homine DEUS movet manum, & conantem adjuvat.

*Clangentibus tubis muri corruerunt.* Ib. Jericho (id est, Luna) typus Vana Mundi mutabilis. Quā vana gloria, quā fragilis potentia, di gloria. quæ solis tubarum flatibus ruit?

Augustinus Serm. 106. de tempore, per clangores buccinarum intelligit Sacerdotum voces, *annuntiantium populo Scelera eorum.* Isa. 58. Cadit hoc sonitu suis cum turribus Superbia; cum concupiscentiis Avaritia; cum libidinibus Luxuria. *Exaltanda vox tubæ,*

hæc, instar tubæ, quæ non solum peccantium aures penetret, sed cor concutiat; nec delectet cantu, sed castiget auditu.



T 2

NARRA.



# NARRATIO XXXVI. ACHEN SACRILE- GUS LAPIDATUR.

Jofue 7.

Anno Mundi 2584. Ante Ch. 1469.



Versâ Jerichunte, non quievit ira Dei vindex, vel vindictæ minister, bellicosus Iosue gladius; victoriarum tamen cursum aliquantum interrupit hominis unius culpa, plurimum sanguine expianda. Tam Numinis, quam Iosue interminatione severè fuerat interdictum, ne quis de urbe, anathemati subjecta, funditusque delenda quidquam sublegeret, aut sibi usurparet. Infregit mandatum cujusdam avaritia militis, cui nomen Achan, de tribu Iudæ, hic in direptione Ierichuntis conspicatus inter spolia chlamydem purpuream, auro contextam; laminam insuper auream (vulgata Latina *Regulam*: Hebraica *Linguae* vocat, nimirum in linguæ formam, fusam vel extensam) quinquaginta siclorum, scilicet aureorum. (Nostrate monetâ, trecentis, viginti florenis Rhenanis æstimandam) Hæsit in vestigio Ultio Divina Sacrilegio. Miserat Iosue ad expugnandam *Haïam* (pulcherrimam ijs temporibus, ac montanam urbem, non perinde civibus, ut opibus copiosam.) tria pugnatorum millia; negârunt enim pluribus opus esse, qui locum explorârunt; hi dum agressionè moliantur, prorumpit ex urbe subitò miles, perterritos in fugam vertit, perq; prona fugientibus imminens, triginta tres ex eis cædit. Cladis acceptæ nuntius ut in castra pervenit, majorem, quam pro cæsorum numero, mæstitiam attulit. Ratinamque ea se regione jam potitos, & exercitum, uti promiserat DEUS, habituros illæsum, cum viderent eo successu hostium animos vehementer elatos, luctui sese, lacrimisq; dederunt.

„ Iosue ea maximè calamitas affecit; quare coram Arca  
„ prostratus, cum fiducia DEUM alloquens, Nos, inquit, ô Do-  
„ mine, non nostra temeritate, sed tuis promissis, & prodigijs ad-  
„ ducti sumus, ad terram hanc armis subigendam; nunc verò,  
„ contrâ quàm sperabamus, clade, casuq; territi; post talia belli  
„ exordia, quos nobis progressus polliceamur? Non nostrum, sed  
„ tuum Nomen agitur. Quid enim sit inexpectatum, perire ho-  
„ munciones, è terra prodeuntes, in terram redituros; sed tua  
gloria,

*Achan abscondit furtivam prædâ.*

*Idè cadunt ex fugantur Hebraei.*

*Iosue cum Deo amica querela.*

## ACHAN SACRILEGUS LAPIDATUR. 149

„ gloria, tuus honor vindicandus ab opprobrijs , & ludibrijs gen-  
 „ tium. Quis enim te colet ; tibi quis genua ponet, adolebit thu-  
 „ ra, patrabit Sacrificia, si perdis eos , quos tuis sacris imbuisti,  
 „ tuo Cultui consecrasti ? Quodd si nostum supplicium merentur  
 „ scelera ; Magnum certè Nomen tuum non meretur ignominio-  
 „ , sè traduci, & conculcari ; huic consule, hoc tuere. Hæc ille. Nec  
 „ cassæ fuere preces. Responsum enim ab Oraculo accepit, sur-  
 „ geret, Sacrilegio pollutum exercitum lustraret : præsentis cala-  
 „ mitatis causam esse, religionem violatam. Itaq; recurritur ad for-  
 „ tes; nomina Tribuum per familias & domos jaciuntur in urnam;  
 „ deprehenditur rea Tribus Judæ ; & in ea, familia *Zabdi*; in hac, *A-*  
 „ *chan*, occultò furtò devinctus. Hic quâ forte, quâ suamet confes-  
 „ sione convictus, cum locum ostendisset in tentorio, ubi sacrilegam  
 „ prædam defoderat, jussu Numinis , Josuæ ; ducitur in vallem *A-*  
 „ *eborem*, & ab universo populo, tanquam catharma & communis  
 „ perniciës lapidibus obruitur; deinde in rogam conjectus , cum  
 „ uxore, liberis, omni supellestile, gregibusq; comburitur, DEO, ab-  
 „ soluto vitæ necisq; Domino, etiam innocentum morte in scelus  
 „ unius, ad aliorum terrorem, & exemplum sævientem.

*Achan la-  
 pidatus  
 cum suis  
 comburitur*

## DOCTRINA.

**V**nius delictum omnia castra contagione sceleris involuit, &  
 iræ ac vindictæ divinæ subjecit. Tantum valet seu bona, seu  
 mala societas, in qua perinde virtutū ac vitiorum, quàm vi-  
 „ tæ & conditionis est cōmuniō. Augustinus *in quæst. 8. hic*. Sic, inquit,  
 „ disciplina fancitur, ut non se solum quisq; curet in populo, sed  
 „ invicem sibi adhibeant diligentiam, & tanquā unius corporis, &  
 „ unius hominis, alia pro aliis sint membra sollicita. Deinde ostendi-  
 „ tur, quanta connexio societatis, ut non in seipsis singuli, sed et-  
 „ iam tanquam partes in toto existimentur. Præterea significatum  
 „ est, quantum mali fieret, si universa illa congregatio peccasset,  
 „ quando ne unus quidem ita potuit judicari, ut ab eo possent ce-  
 „ teri esse securi.

*Vnius culpa  
 redimdas in  
 plurimum pan-  
 nam.*

Quantum malum sit effrænis Avaritia, Ambros. *audilib 2. offic.*  
 „ *cap. 26*. Jesus Nave, inquit, qui potuit solè sistere ne procederet; a-  
 „ varitiam hominum non potuit sistere, ne serperet. Ad vocem e-  
 „ jus sol stetit, avaritia non stetit. Sole igitur stante confecit Jesus  
 „ victoriam ; avaritia procedente penè amisit triumphum.

*Avaritia*

Sed quo jure, peccante patre , cum eo plestuntur filij & filiaë ?  
 Nam Deus Ezech. 18. sanxit. *Filius non portabit iniquitatem patris*. Verifi-  
 „ mile est filios, & filias Achanis grandiores paterno furto consensit-  
 „ se, & cooperatos fuisse. Sin liberi fuerunt parvuli, & crimi-  
 „ nis immunes, venerunt in pœnæ societatem pro jure su-  
 „ premi rerum Domini. Adde , non luere liberos culpam pa-  
 „ rentum , fato functorum sed superstitum ; ut in filiis quoque

*Cur punitur  
 cum parente  
 et liberi.*

*puniti*

puniti tantò gravius sentiant supplicium, quantò plus doloris inde hauriunt.

*Quando licet adhibeantur sortes*

Ad sortis arbitrium non temerè deveniendum. Sors juxta D. Thom. 2. 2. quæst. 95. art. 8. triplex est. *Divisoria*, quâ res aliqua, vg. hereditas dividitur. *Consultoria*, cum per illam, quid in dubijs faciendum deceditur. *Divinatoria*, quâ quæritur veritas rei arcanæ, vel futuræ. Duæ primæ licitæ; tertia illicita & superstitiosa; nisi DEO palàm jubente, vel interius instigante, uti hic factum. Nam Prov. 16. *Sortes mittuntur in sinum, sed à*

*Domino temperantur.*

## NARRATIO XXXVII. VRBS HAIÀ AB HEBRÆIS EXCISA Josue 8.

Anno Mundi 2584. Ante Ch. 1469.

**D**iesaderat, qua *Haita* quoque, recenti victoriâ insolentiores, ultrici Nemese pœnas parent. Iosue Numinis Oraculo de ratione urbis capiendæ commonefactus, didicit, hostem industriâ magis & arte, quàm viribus esse vincendum. Id hunc in modum contigit. Ex omni Hebræorum exercitu triginta millia fortissimorum virorum delecta, Iosue adversus *Haiam* ducit præmissis quinque millibus, qui non procul urbe locum càperent insidijs; se quippe proleſturum oppidanos in certamen; illisque fugæ simulatione longiùs à mœnibus, abstractis, suis daturum urbis invadendæ spatium; quam ubi occupâſſent, indicium facerent fumò altius excitatò; ipsum cum reliquo exercitu post jugam montium subſeſſurum, ne hostium audaciam reprimeret conspecta obsidentium multitudo. Succellit è sententia strategema *Haitæ* contempta Hebræorum paucitatè, erumpunt ex urbe; fugam simulant Israëlità; instant illi magnis clamoribus; & tanquam in manu gestarent victoriam, non tam ad periculum, quàm ad cædem & prædam evocant, quotquot armati tenebant urbem præſidiò. Quæ res ubi Iosuen advertit, sublatò in altum clypeò, dat signum suis, quos diximus, quinq̃ue millium numerò proximè urbem in insidijs collocatos, ut per neglectas portas,

*Haita ex urbe proleſti, per insidias caduntur.*

## EXCISIO URBIS HAIÆ.

147

tas, in vacuum. Defensoribus oppidum, irrumpât. Illi ex ea parte, quæ ab hostili milite averſa ſeſe urbi infundunt; atq; ut juſſi erant ædibus igne ſuccenſis latè fumum ſpargunt. Tum verò Joſue in hoſtem perſequentem converſus, omnia permiscet cædibus; Simulque, qui ceperant urbem à tergo coorti, undique cinctos, impunè trecidant, ne uno quidem ſuorum deſiderato, hoſtium nullò, ne *ſtragù* quidem nuntio relictò. Quà clade edità, victor miles in urbem irrumpit; nulli ætati nec ſexui parcit, (duodecim millia cæſa traduntur) locumque flammis vaſtatum, æquat ſolo; rege in furcam actò. Jumentorum, pecorum, & auri præda dives egeſta, militi, tum qui præſens dimicaverat; tum qui juſſus ad caſtra *Galgala* remaſerat, univerſa permittitur; nec, ut in Jerichuntis exciſione, ferrò flammisve corrumpitur. Captis exinde montibus *Hebale* & *Garigi*, nihil habuit antiquius Imperator, quàm ut in Hebale, arà Numini dedicatà, viſtimas immolaret, inque lapidibus Lege Decalogi perſcriptà, veterem Religionem novo fædere ſanciret cum DEO. Nam ſine pietate nullum eſt pondus armis; & qui victoriam religione coronat, auſpicium novis triumphis præmittit.

*Urbem occu-  
patur.*

## DOCTRINA.

**D**ixit Dominus ad Joſue: *leva Clypeum, qui in manu tua eſt, contra Urbem Hai*, Iof. 8. v. 18. Et verſu 26. *Joſue non contraxit manum, quam in ſublime porrexerat, tenens clypeum, donec interficerentur omnes habitatores Hai.* Quidni jam antè potuerit dici Imperatori Joſuæ, quod poſtea Constantino, fulgentem è cœlo crucem ſpectanti: IN HOC SIGNO VINCES. Sunt enim, qui aſſerant, Clypeum hæcæ ſuffixum fuiſſe, ut ab inſidijs, à tergo urbis diſpoſitis, conſpici poſſet. Veriſſimè de Cruce Chriſti illud Prov. 30. aſſeritur: *Clypeus omnibus ſperantibus in ſe.* Et 2. Reg. 22. *Dediſti mihi clypeum ſalutis;* Chriſti nimirum Patientis merita, in quibus pugnandum, & vincendum.

*Clypeus Io-  
ſue, crux  
Chriſti.*

„Armatur pro nobis DEUS, inquit Auguſtin. in *Pſal. 34.* ut, nos armemur pro DEO. Hinc *Pſal. 5. Scuto bona voluntatis* (benevolentia & proteſtionis tuæ) *coronaſti nos*, hoc eſt, undique circumdediſti, nulli ut iſtui eſſemus expoſiti. Et hic auxiliator nobis eſt cum Regio *Pſalte* invocandus. *Pſal. 34. Apprehende arma & ſcutum, & exurge in adiutorium mihi.*


*Militia eſt vita hominis ſuper terrâ.* Iob. 7. nemo vincit, nemo coronatur, niſi qui legitime (conſtanter) certaverit. 2. Tim. 2. Joſue nō contraxit manum, non remiſit brachium, non inclinavit clypeum, ut conſtantia doceret

*Christiano  
homini sem-  
per pugnan-  
dum.*

„ doceret pugnandi. Ad eam nos exhortans Hieronymus *Epist.*  
 „ *1. ad Heliod.* Erras Frater, inquit, erras, si putas nunquam  
 „ Christianum persecutionem pati. Tunc maximè oppugnaris,  
 „ cùm te oppugnari nescis. Adversarius noster insidiatur in  
 „ occulto; sicut leo in spelunca sua; insidiatur, ut rapiat paupe-  
 „ rem, & tu frondosæ arboris rectus umbraculò, molles somnos,  
 „ futurus præda, carpis? Inde me persequitur luxuria, in-  
 „ de avaritia conatur irrumpere; inde venter meus vult mihi  
 „ DEUS esse pro Christo: Compellit libido, ut habitantem in  
 „ me spiritum sanctum fugem, ut templum ejus violem: per-  
 „ sequitur, inquam, me hostis, cui nomina mille; mille no-  
 „ cendi artes: & ego infelix victorem me putabo; dum capior?  
 „ Ad hanc pugnam arma si requiris, suppetitat ea Paulus in *Epist.*  
 „ ad Ephes. cap. 6.

*Josue robur  
in clypeo.*

Mirum sanè est, Josuen stragem edidisse clypeò, qui de-  
 fensionem magis, quam pugnam spectat; hinc scipio objecta-  
 vit militi de clypei ornamentis sollicito: plus illum præsidij  
 collocare in clypeo quàm gladio. ut *Pier. l. 42.* Tanta vis est  
 in armis, quæ non humanis, sed divinis reguntur consilijs. Et  
 quid causæ est; quòd gens Christiana; haud paulò DEO di-  
 lectior, quàm olim Hebræa; tot atteratur cladibus; nisi quia  
 Duces belli nec animum attollunt cœlò; nec arma? Cly-  
 peus Josuæ quò sublimior à terrâ, hoc validior:  
 tegit, & ferit.



NARRA.

NARRATIO XXXVIII.  
**GABAONITAE**  
 FOEDUS AB HEBRAEIS  
 DOLOSE IMPETRANT.

Josuc 9.

Anno Mundi 2584. Ante Ch. 1469.



**L**erichuntinorum & Haitarum clades late rumore nuntio propagata, ingentem ubiq; terrorem sparsit. Itaq; *Gabaonitæ* ( ab urbe Regia *Gabaone* dicti, quam tum *Hevæi* tenebant, gens una de septem *Chananaïis*) non communi solum omnium Chananaeorum timore, sed proprio etiam, vicini periculi causâ, commoti, sibi quoquo modo consulere studuerunt. Cum enim neq; armis quidquam ( quamquam Scriptura teste, bellatores fortissimi habebantur) DEO pro Hebræis pugnante, neq; precibus se effecturos sperarent, ad fraudem animos intenderunt, compositis in eam rem Legatis, cibariis, vestibus, ceterisque ad fucum mendacio illinendum accommodatis. Veniunt igitur, qui missi erant à Gabaonitis, ad Josuen, in Galgalis tum stativa habentem, aiunt se famâ rerum admirandarum non humana virtute gestarum, ipsiusq; comprimis Imperatoris fortibus factis excitos, advenisse, cum ut gratularentur victorias de regibus Amorrhæorum partas; (de excidio *Lerichuntis* & *Maia* tacuerunt, quia illud novum & recens erat, nec poterat ad longinquos, quales se fingebant, tam citò pervolare) tum ut in societatem fœderis, & communia Sacra admitterentur; neq; enim religionem ullam sibi potiore esse, quàm ejus gentis, à qua ceterorum Numinum omnium Cultores profligarentur. Haud quibat dolus tam adornari callidè, quin suspicio quædam tangeret sagaciores Israëlitarum; quare non omittunt sciscitari, missi ne gentis Oratores adessent, longius à Chananitide remotæ, an regionis ferro suo devotæ incolæ; non enim fas esse per leges suas amicitiam cum ijs inire, quos Numinis effata funditus perditos vellent, & excisos. Hic illi negando persistere, natale sibi solum inter Chananaeos esse; sed prodigiis ab Hebræorum DEO patris evocatos, è terra longinqua profectos, non dubitasse se, sa-

*Gabaonitarum callida simulatio.*

lutémq; suam Israëlitis credere. Atq; ut de fide dictorum suspicio nulla relinqueretur, ostendebant panes, quos recentes itineris commeatum sumpserant, mucore consumptos; utres vini novos, ruptos & solutos; vestes & calceamenta longitudine viæ pertusa & detrita; indicio hæc esse, se nihil ex vano referre. Cæterum tam cibaria, quam vestimenta de industria jam domi ad fallendum (non procul enim Hierosolymis distabant) præparata, fraudi conciliârunt fidem.

*Gabaonita  
recipiuntur  
in amicitia-  
ap.*

*Etiā men-  
tionibus  
data fides  
servatur.*

Josue, qui ceteros suo meriebatur affectu, vera dixisse ratus (ad eam sancta temporibus illis erat fides) explorato præsertim Legatorum habitu, commeatuq; & adhibitis in consilium proceribus, recipit in deditionem, & amicitiam Gabaonitas. Vix triduum intercessit, cum intellectum est (forte à pabulatoribus) Gabaonem, urbem inclitam, civibus & copijs affluentem, in vicino sitam, ab Hebræis, viris bello clavis habitari. Quare reclamare quidam è Ducibus Hebræis, mortisq; victimas pronuntiare simulators perfidos; non tamen immutavit animum Josuæ deprehensa fraus; ne, dum alienam perfidiam arguit, suam ipse fidem solveret; tantumq; valuit juramenti reverentia apud animos religionis tactos, ut fidem etiā hostimententi, datam nolent infringere. Donantur vitæ Gabaonitæ; damnantur servitute (nam fraude jusjurandum extorserant) jubentur ligna cædere, & aquas ferre ad publicos omnium usus, præsertim Tabernaculi & Altaris, tam parentes, quam Nati natorum, & qui nascentur ab illis. Et ideo *Nathinai* sunt dicti, quasi in perpetuum Templi (quod postea Salomon exstruxit) famulatum donati. Itâ fieri amat; decipit se ipsum, quisquis decipit alios, Fallacem linguam luere mancipatæ manus & scapulæ. Mendaciò redempta vita, empta longa servitus. Potuisset hanc avertere, & illam servare supplex veritas:

## DOCTRINA.

*Fraudulen-  
ta lingua.*

**F**raudulentæ sunt imago linguæ, Gabaonitæ, cujus est axioma:

Doli non sunt doli, nisi astu colas.

Lysander Rex Spartanus, cavillator vaferrimus fuit; cui cum quidam probro daret, quod pleraq; dolo & fraude gereret, subridens dixisse fertur: Ubi quis, quod vellet, non assequeretur leonis exuviis, vulpis esse assuendas; arbitratus, quod honestis rationibus non posset effici, fallacibus id efficiendum.

*Triplex Is-  
raelitarum  
error in  
præpropere  
credulitate.*


Tripliciter peccârunt Israelitæ. 1. Quod in re tam gravi DEUM non consuluerunt, nam Jos. 9. *Os Domini non interrogaverunt.* 2. Quod nimis facile dictis crediderunt. 3. Quod nimium sua quamquam laude visi sunt capi, & oblectari, dum ex tanto intervallo dis-

sitis

litis regionibus, ad se legatos destinatos audiunt, præsertim tam demissè agentes, & pacem postulantes. Totidem hinc monita 1. *Innocens*, ait Salomon Proverb. 14. *credit omni verbo: astutus considerat gressus suos*. Nimirum innocens, simplex, & candidus fuit Jo-  
 „ sue, adhuc ignarus locorum, atque incolarum inscius. Quia  
 „ sicut non tallebat ipse, ita nec ipse putabat alios possè fallere.  
 Ambros. *lib. 3. de offic. c. 10.* Astutus verò, cautus & prudens præ-  
 videt pœnitenda, dicitque præscius: tanti pœnitere non emo.  
 Nimia credulitatis comes est pœnitentia. Siracides c. 19. *Quici-*  
 „ *to credit, levis est corde*. Rectè tamen Seneca: Et omnibus, inquit,  
 „ & nemini credere, vitium est; alterum honestius dixerim vi-  
 „ tium, alterum tutius. *Secundum* Monitum. Nihil ordiri re-  
 rum, ope divinâ prius non imploratâ. A Jove principium. Pru-  
 dentis est, nihil aggredi temerè, hoc est, Deo per preces non con-  
 sultò; *Sunt enim cogitationes mortalium timida & incerta providentia.*  
 Sap. 9. nempe consilia multis fallacijs obnoxia. *Tertium* Moni-  
 tum. Laudis titillatio, Hebræorum oculis glaucoma objecit,  
 hinc parùm habuere pensi, unde, & quinam essent laudatores sui;  
 ultimò omnium vincitur vana gloria; è virtutibus crescit, & vi-  
 res acquirit è prosperis successibus. Rara avis, magna tacere,  
 & magnum se nescire.

*Venerunt servi tui in nomine Domini Dei tui.* Jos. 9. Timor, Gabao-  
 nitis magister virtutis fuit; metu percussus, majestatem Veri Nu-  
 minis, potentiam, divinitatem agnoscunt; & merentur, præ cæ-  
 teris ut Chananæis, in superstitione sua obstinatis, servarentur,  
 fierentque inter Israelitas profelyti, quorum Sacra non tantùm  
 susciperent, sed quotidianis etiam ministerijs adjuvarent. Bene  
 „ Augustinus *Epist. 50 ad Bonifacium*. Sicut, inquit, melio-  
 „ res sunt, quos dirigit amor; ita plures sunt,  
 „ quos corrigit timor.

*Timor vir-  
 tutis magi-  
 str.*





NARRATIO XXXIX.  
 PLVRIVM CHA-  
 NAANITIDIS REGUM EX-  
 STIRPATIO VICTORE JOSUA, COELO,  
 SOLE, LUNA JUVANTIBUS.

Lib. Jos. cap. 10. 11. 12.

Anno Mundi 2584. 2585. 2586. &c. Ante Christum. 1469.  
 1468. 1467. &c.

*Conjuratio  
 regum ad-  
 versus Is-  
 raelitas.*



**G**abaonis amicitia cum Hebræis inita, quan-  
 tum novis fœderatis, ex securitate salutaris; tan-  
 tum vicinos apud reges ac populos, ex transfu-  
 gio, fuit invidiæ. Quare concitante totam latè  
 viciniam, *Adonisedeco*, Jerosolymorum rege; (abe-  
 rat namq; Hierosolyma Gabaone haud amplius duabus leucis,  
 seu horis) priusquam communi consilio, copiisque, Chana-  
 anitis universa, quæ conjurârat in Josuen, conveniret; Ohas in-  
 terim, Hebrónis *Pharus*, *Jerimothæ*; *Japhias*, *Lacbis*; *Dahir*, Eglonis,  
 reges, stirpis Amorrhææ posteritas, belli facere principium in-  
 stituunt. Peditatûs igitur & equitatûs ingenti collecta manu,  
 primùm Adonisedeco se jungunt. Deinde concordibus & co-  
 piis, & animis ad Gabaonem castra locant. Gabaonitis ab hoste  
 tam multiplici circumfessis, & in arcto jam positis; Josue la-  
 turus opem, è castris Galgalæis properat in hostem. Validissi-  
 mam ducebat, alacremque manum, & ideo nihil neque laboris,  
 neque periculi detestantem. Quò factum est; ut nocte tota  
 strenuè profectus, & indefessè; priùs, quàm matutina lux alla-  
 tum subsidium aperiret, & amicis pariter inexpectatus, & hosti-  
 bus improvisus superveniret. Soporitos adhuc & semisomnes, ac  
 partim arma contrà parentes, partim per trepidationem omit-  
 tentes, immani cæde vastat, ac disturbat. Auditò, quod foris  
 gerebatur, circumclusi castris ab hostilibus Gabaonitæ, portis  
 etiam ipsi erumpunt, ac cædem adjutant.

*Adonisede-  
 co rex sum-  
 distor.*

Vincendi quinque reges erant, cum totidem exercitibus,  
 quibus tamen cum res Hebræa, locis omnibus, superior esset, pro-

profligati tandem, dare terga fugæ cæperunt. Sed quantum illi celeritatis in fuga ; tantum in iisdem insectandis Josue ponebat, qui terga trepidantium assidue cædendo, vias omnes cadaveribus implebat. Juvabat autem cladis magnitudinem, è Cælo DEUS, Josuæ commilito. Cum enim fugæ principium, (ut fieri suevit) ardentissimum, Amorrhæos *Bethoronum* celeriter pertulisset ; prius, quàm oppidi fines, in arduo siti, declivi collium descensu, post se relinquerent : ecce tibi, nubes insolenti repentè tempestatis procella, caloræque conglomeratæ, vim lapidum ingentem ac densam, grandinis prodigiosa magnitudine , super fugientes effundunt. Horum, plerosque cum nec scuta tegerent , (quippe cursûs expeditioris, ac studiû fugæ celerioris, abjecta ) nec cæteros hostis insequens, feriendo, vulnerandoque sternere cessaret : saxa cœlestia cooperuere, funere longè numerosiore deletos, quàm quos in acie fugâque ferrum hostile sustulerat. Quantum *Bethoronem* inter & *Azicam* interiaceret spatij , quod ferè decem millium est passuum : trucidatorum corporibus omne completum , natabat sanguine, grandinèq; sensim liquefcento.

*Prodigiosa  
grando in  
hostes saevit.*

Sed nihilofecius eorum , qui grandinem , & furentem Hebræum evaserant, tanta superfuit sparsa per agros, viasque copia ; victoribus ut admirationi pariter essent, ac dolori. Sollicitudinem enim ac metum injecerant, ne tam ingens ex omni penè *Chanaanitide Superiore*, suis excita sedibus, barbarorum vis , si cladem evâsisset, denuò conflueret : ac cæterorum addita regum copijs, laborem Josuæis in immensum augeret. Lucis ac diei perexiguum erat futurum reliquum : tametsi prælium cœptum ante diluculum in vespèram usq; productum esset. Josue Dux igitur, mentem impellente Numine, dum est in medio victoriæ cursu, versus primùm ad Solem (qui tunc, ut in æstivo solstitio, Gabonem affulgebat ab Cyprio mari) mox ad Lunam quoq; quæ contra vallem *Ajaloniam*, jam jam albescebat : & hanc stare jubet, & illum. Solem quidem, ne properaret ad occubitum ; Lunam, ne plenior radio noctem inchoaret antè , quàm Amorrhæorum quinq; regum universus esset extirpatus exercitus. Et imperio paruit utrumq; sidus : ab eo præcepti momento , prorogato splendore Solis, quantum unius æstivæ lucis esse spatium consuevit : quod quindecim, ut minimùm, & aliquantè plus, horarum est. Quò tam longò, Solis ac Numinis, usus beneficiû miles ; DEO fatigatis suppediante vires novas : cædendi, sternendiq; finem non antè fecit , quàm ad internecionem funderetur Amorrhæus, & sol tum demum, ubi nullam vidit, Hebræo gladio debitam, restare victimam, lumen suum, dièmq; clausit.

*Sol & Luna  
stans ad  
imperium  
Josue.*

At effugerant Adonisedecus, Ohas, Pharas, Japhias, ac Dabir, reges,

*Quing. re-  
ges suspen-  
diō necan-  
tur.*

reges. Hos fuga sociata, Macédam usque pavitantes abstulerat. Ibi ex fuga in speluncam se conjiciunt, asylum ac latebras, uti sperabant, reperturi. Quò Iosue compertò, mox jubet obstrui specus os, immanibus advolutis petris; appositis, qui cum cura, ne fortè per astum elaberentur, excubias agerent. Ipse verò reversus Macédam cum omnibus copiis, revolutis saxis, imperat produci latitantes; exsangues metu, supplices, & conditione quavis incolumitatem pacisci paratos, sed nullam merebantur clementiam, quos Dei severum imperium, & sua, correctionis impatiens, pravitas, Iosue puniendos, delegaverat. Hic ergo surdis ad tyrannorum ploratus auribus, humi primum eos sterni: deinde principum ac tribunorum, proteri pedibus stratorum tolla, præcepit. Ad extremum, frustra Deorum, quos impios impiè coluerunt, opem inclamantes, defixis, pro numero reorum, stipitibus, in suam quemq; crucem tolli jubet, ac mori. Post suspendium autem, ac mortem detractorum, ad Solis occubitus corpora, reddita speluncæ sunt: quam occludi Iosue mandavit; saxis grandibus in monumentum ignominiae sempiternum, ad os specus aggestis. Perfectò supplicio regum, ac legionibus ad Macédam, eodem adhuc die, raptis; impetu primo capit urbem: captam, interfectis incolis omnibus, ferro, flammâ, directionibus exhaurit.

*Jabinus Rex  
cum auxi-  
liaribus co-  
piis caditur.*

Post hæc, urbes *Lebham, Lachin, Eglonem, Hebrona, Dabiram*, seu *Cariatb-Septem*, Chananæorum Academiam adoritur: easque cum regibus suis, & incolis, capit ac evastat. Novas interim turbas & bella ferit, adversus Iosuen, *Jabinus*, rex *Achori*; urbis, & regni omnium potentissimi. Is inferioris, seu Aquilonaris Chananitidis reges, & regna omnia concitârat in Hebræos: coram & per legatos. Dum lustrantur copiae ad aquas *Merom*, seu *Lacum Samachoniten*, improvidis supervenit Iosue, consternatosque Hebræorum vocibus, armis, insultu quaquaversum horribili, DEO præsertim territis terrorem superaddente, fundit, fugat, cædit. Ac ne curribus quidem falcatis, imperio Numinis, illius belli ministris, & comitibus data venia: quò minus, & hi, cultris varices incidentibus, ad gressum redderentur inhabiles; & illi, cum harpis simul suis, incendio pabulum, rogusque fierent. Præda ingens, quantam in castra portare tot myriadum hominum potuere manus, ac jumenta, capta, & in *Galgala* avecta. Sed prius quæsi reges & tyranni, qui cædi superfuera: ac mactati sunt. *Jabinus* imprimis cum regia simul urbe, captus tandem; urbs incensa, incolæ omnes trucidati, rex gladio necatus est. Ita sexennij circuitu tota ferè subacta, divisæque victoribus est, Chanaanitis regio; Chana-

Chananæum autem nomen omne sic accisum, ut censeretur quodammodo posset eradicatum. Quod factum est, ut in castra Galgalorum redeunti Josuæ, desig, jure quàm optimo potuerit, *Vnius, ac triginta Regum* superatorem, memorabile tropæum: qui partim ipsi, Mosique; partim Josuæ soli, sine bellorum collega, procubuere victi, sublatique. Recensete eos omnes ac singulos, nominatq; sacer Josuæ libellus. Ubi velim, intelligas, *Reges* ad eum ritum, ac potentiae modulum appellari solitos esse, reipsaq; fuisse: quicunq; regio more, juréq;, locis haud in celebribus, (ab urbe principe plerumq; regium nomen capiebant) dominationem obtinerent; alienis arbitrijs aut penitus non obnoxiam; aut, si multum, non nisi stipendiariam, fiduciariamve. Cæterum laudem omnibus Imperatoribus invidendam, duo continent verba: JOSUE STATOR SOLIS.

*Josue tropæum.*

## DOCTRINA.

**S** *Tetit Sol in medio caeli &c. obediens Deo voci hominis Isf. 10.* O prodigium, ô stupor, ô dignatio (exclamat Bernardus) nunquam in cælis vel terris audita, quod Creator Creaturæ, DEUS obediat homini. Erubescere cinis, DEUS se humiliat, & tu te exaltas. Erubescere pulvis, DEUS obedit homini, & tu nec homini, nec DEO obedis.

*Deum obtemperas homini, et non Deo homo?*

Vis ut DEUS te exaudiat; audi tu DEUM; scriptum est enim: *Voluntatem timentium se facies.* Psal. 144. Josue imperat cælo, quia sibi prius imperavit ipsi; habet ad jussa obsequentem Solem & Lunam, quia morigerum is se præbuit DEO.

Disce, quanta vis sit precum, si fiducia sit in precante, sed non vana, verum meritis bonæ vitæ nixa. Jacob ex lucta cum Angelo, vocatus est, Israël, hoc est, dominans DEO Josue, ea voce, quâ DEUM supplex invota vocare suevit, suum ad imperium sidera habuit præstò.

*Vu precum.*

Ad perennem tanti miraculi memoriam, solis est imago inculpta Josuæ sepulchro. Pulcherrimum Boni Principis monumentum. Omnibus idem.

Sol terrigenis, Princeps Subditis.

Sine labe micat.

Sol clarus in cælo, Princeps in terra.

Illuminat Orbem.

Sol radijs, favore Princeps.

Nubila vincit.

Sol tempestatis, invidiæ Princeps.

In motu semper.

Sol cælum, Princeps obeundo regni negotia.

Vigilant bella magistro.

*Cum*

Cum introduxerit te Dominus Deus tuus in terram, quam possessurus ingrederis, & deleveris gentes multas coram te, Hebraeam, Gergezeam, Amorrhaeam, Chanaanem, & Pherizeam, & Hevaeum, & Jebusum, & septem gentes multo majoris numeri, quam tuas, tradideris, eas Dominus Deus tuus tibi, percussus eas usque ad internecionem. Non inibis cum eo foedus, nec misereberis eorum, neque Sociabis cum eo conjugia, Deut. cap. 7. & cap. 20. Ne forte doceatis vos facere cunctas abominaciones, quas ipsi operati sunt diu suu; & peccatis in Dominum Deum vestrum. Septem populi ab Hebraeis exterminandi, sunt septem vitia capitalia. Gergezeus dicitur

Septem Chananitidu  
populi, sep-  
tem peccata  
capitalia.

NUM EFFICIENS, nempe Adamum Paradiso, ob saltum; Eritu sicut Dii. Superbiae typum gerit. Chanaanus possessorem vel negotiatorem sonat, denotatque; lucrionem, seu hominem lucri avidum, nempe Avarum. Pherizeus dicitur terram disseminans, indicat Libidinem late per orbem diffusam. Amorrhaeus ab amaritie nomen habet, & Invidiam refert. Jebusaeus Latinis praesepe vertitur, Gulae comparatur, tanquam jumento ad pabulum stanti. Hevaeus quasi lapides colligens, Iracundum significat. Hebraeus idem quod stupor seu formido, quid aliud quam inertiam & pigritiam, labores formidantem designat? Omnes hi hostes sunt nobis stirpitus eradicandi, si exoptatam illam Chananitidem, terram lactis & mellis; hoc est, coelestem felicitatum omnium patriam possidere desideramus.

Curtam at-  
trociter in  
has gentes  
sacrum.

Sed cur tam atrociter in has gentes saevitum est? Superius ex Scriptura Sacra indicavimus. 1. Ne confortio & commercio malorum corrumperebunt boni. 2. Ut scelerum poenas darent impij, & in bella obstinati.

Cur non o-  
mnes reli-  
quia potue-  
runt excim-  
di.

Non ita tamen excindi potuere hostes à Josua, quin aliquae Chananitidis reliquiae superessent. Inde Judic. 2. v. 21. 22. loquitur DEUS. Et ego non delebo gentes, quas dimisit Iosue, & mortuus est, ut in ipsis experiar Israel, utrum custodiant viam Domini. Nempe adversarius cos est virtutis, & ignaviae remedium; Ad Hebraeos in officio continendos acer stimulus, metus hostium. Et si omnia in pace summa fluere ad votum, ubi cura demerendi precibus Dei? Ubi exercitium fiduciae & persequij?

Regna prop-  
ter scelera  
transferuntur  
à gente  
in gentem.

Chananitidis quondam terrarum felicissimae Cultores, urbes, oppida, regna, reges perierunt (ò fata!) ab stirpe, ferro, facibus, ruinis, ac vastitate. Populorum ista sunt, & celeberrimarum urbium ac ingentium regnorum funera, quoties praesertim aequo licentius vivitur, & agitur. Regnum inquit Sacer Ecclesiasticus c. 10. à gente transfertur, in gentem; Propter injustitias, & injurias, & contumelias, & diversos dolos. Intelligite, vos quoque capita populorum, ista, & erudimini, qui iudicatis terram. Servite Domino: Disciplina (morum) apprehendite. Ne quando sit, qui rapat; & non sit, qui raptos eripiat. Psal. 2. & 49. Pavete Tonantem: formidate ferientem.

NARRA-

PVN. ADONIBEZECI, CIV. LAISÆ ET GAB. 157

ADONIBEZECI TYRANNIS LAISARUM IDOLATRIA, GABAITARVM LIBIDO VINDICATA.

## NARRATIO XL.

# ADONIBEZECI TYRANNIS LAISARUM IDOLATRIA, GABAITARVM LIBIDO VINDICATA.

Judic. 1.

Anno Mundi. 2601. Ante Christum 1452.

Et Judic. 19. 20. 21.

Anno Mundi 2622. Ante Ch. 1431.



*Ezecam* Adonibezecus obtinebat: regiam, & *Tyrannus Adonibezeci.*

opere, sitûque firmam imprimis urbem Palæstinæ. Ingens erat viri fama, quippe qui bello, quoscunq; libuisset, aggressus, nullo juris & iniqui discrimine, semper jus totum in armis habuisset. Reges enim, quales tum errant, septuaginta, alium ex alio lacescens, nunquam non discedebat superior. Victos autem non ut victor ingenuus, sed ut crudelis ac superbus tyrannus habuerat. Namq; bello subactos, summis manuum ac pedum articulis truncavit, quod prælijs pariter, & fugæ præliorum deinceps inhabiles; ac belli simul, pacisque tractandis armis penitus inutiles redderentur. Quæ cum tyrannidi non sufficerent, miserè deartuatos, tanquam canes sub mensam retrusit, solis epularum retrimentis, in famelicos projectis. Sed Vindex DEUS eadem lege *Talionis* regessit in caput crudele mala. *Oxboni* quippe, Josue successor, & *Caleb*, frater ejus Hebraicorum copiarum, maximè tribuum Judæ & Simeonis, Duces, tyrannum decem millibus suorum amisissis, in fugam actum, *Bezeca* obsederunt; unde cum profugisset, Hebræi insecuti, retraxerunt e fuga, inq; castra perduxerunt. Ibi totius exercitus in conspectu, regem supinum humi stratum, ac religatum, cultris immanibus incessunt ij, quibus id imperatum erat: & manuum, pedumq; supremis digitis minuunt, atq; mutilant: ejulantem, ac multis fortunarum suarum versas condiciones deplorantem; Numinis æquissima lege, quod quisq; nefandè fecerit in alium, id ut in se ipsum experiatur, pèrque ea, quæ peccat, torqueatur.

X

latraria

*Micheum  
idolum.*

*Laisa urbe  
excinditur.*

*Gabaita-  
rum libido,  
& Benjami-  
tarum ex-  
cidium.*

*Infelices Is-  
raëliitarum  
pugna.*

Hoc supplicium crudelitas tulit; quod jam narrabo. Idololatria Civium urbis *Laisa* subiit; Jud. 18. 19. Anno Mundi. 2622. Habebat id loci *Micheum* quidam, Ephraimita; is matris viduæ pessimis exemplis inductus, idolum sibi confluxit ex argento hereditario, illudque civibus insuper suis colendum proposuit, præfectorum Sacris detestandis filiorum unum, & *Jonatham*, homine Levitico, vagabundo, egeno, impio. Cujus rei famam ad *Daniticam* forte Tribum, perlatam, sexcenti viri bellatores corripunt arma, idolum pariter & Sacrificulum *Jonatham*, non invitum rapiunt, incolas occidunt, urbem incendunt. Quam deinde resuscitatam ex ruderibus, & *Danem* à sua Tribu appellatam inhabitant; haud sane meliores prioribus incolis, quorum nefanda Sacra idolo *Micheo* instituta, usque ad captivitatem Assyriam (quando *Theglathphalasa* Rex Assyriæ subita irruptione Galilæam invasit, & tres ac dimidiam Tribus abduxit) hoc est in annos 657. propagarunt.

Non minus luctuosum est relatu, quod circa eadem tempora contigit; Jud. 19. 20. 21. quando Tribus *Beniamina* à cæteris tantum non occisione deleta est; occasio capiebatur ex *Gabaitarum* libidine; apud quos *Levita* hospes diverterat; Bellum id erat civile primum Judaicum; DEO, ut fit, incontinentiæ fædissimæ maculas, balneo sanguinis eluente.

Cum enim juvenis quidam de genere *Levitico*, *Sichem* oriundus, domum ex oppido *Bethleemo* reversurus, de via diverteret in urbe *Gabaa*; & ab ejus loci incolis flagitiosissime illudum esset uxoris corpori, etiam vitam per libidinem insatiabilem ereptam, statuit atrocissimæ turpitudinis vindictam à communi duodecim Tribuum petere tribunali. Desert igitur & flagitium, & ejus testes; Secta conjugis membra in totidem, quot erant tribunalia, frustra. Atrocitas injuriæ vehementer commovit Judices; quare de consilio Tribuum publico, mittuntur legati ad *Benjamitas* (horum enim ditioni *Gabaa* suberat) qui postulent, dedi sibi ad supplicium nefandi criminis non tantum autores sed etiam fautores. Frustra fuit legatio. suscipiunt sceleris execrandi patrocinium *Benjamitæ*, & numero viginti millia *Gabaan* movent, ad eam armata vi propugnandam. Irritavit magis hæc contumacia cæteras Tribus. Igitur conveniunt *Muspha*, scq; juramento obstringunt, neq; connubia cum *Benjamitis* sociaturos, neq; suorum quemquam, sancitam capitis poenam, abesse passuros à bello, perduellibus inferendo. Constituitur Imperator summus *Osboniel*; è Tribu *Judæ* delectus. Concurritur adversis præliis *femel*, iterumque vincunt *Benjamitæ*, tantam editam strage, ut priore pugna viginti duo *Israëliitarum* millia, posteriore decem & octo millia ceciderint. Premisit id DEUS, tametsi in *Tabernaculo* *Siluntico*

## PUNITIO ADONIB. CIV. LAIS. ET GAB. 159

Iuntico. consultus, autor belli suscipiendi fuisset, ob culpam idololatriæ Laïensium lentiùs castigatæ. Ad extremum tamen conciliant victoriam repetitæ preces, Sacrificia, cæteraq; poenitentium animorum præsidia. Cæduntur propè Gabaam, Benjamitarum octodecim millia. In fuga septem millia pereunt. Ex toto exercitu vix evaserunt sexcenti in Petram *Remmonem*. Non Gabaam modò, sed tota Benjamitarum regio ferro, flammâq; excinditur; nulli sexui nec ætati parsum. Exinde gratijs Numini ob victoriam persolutis, inquisitum in eos, qui Sacram militiam vel deseruerant, vel non adierant. Deprehensi *Galaaditæ, Jabessam* urbem trans *Jordanem* incolentes. Etiam in hos sævitum, nullo discrimine. Urbs funditus diruta; servatis duntaxat quadringentis puellis, totidem viris in matrimonium tradendæ. Nam, ut fieri solet, ubi exsatiato furori misericordia successit, bårbarum videbatur, Benjamitæam Tribum penitus delere. Ergo Galaaditæ Virgines illæ despondentur Benjamitarum reliquijs, quas ad sexcentas fuga servârat. Ducentis quoq; sponsæ quærebantur apud siluntinos, quas cum per religionem jurisjurandi non viderentur à parentibus impetraturi, suâsu Principum Israëliticorum, adoriuntur Benjamitæ puellas, fortè choros ducentes, & in uxores rapiunt, felici successu, & novæ Sobolis incremento. Hunc finem habuit bellum Benjamiticum, quod paucorum vefana libido incendit, multorum millium sanguis extinxit.

*Benjamitarum excisio,*

*Et Jabessam urbem Civium.*

*Reparatio Tribus Benjamitica.*

## DOCTRINA.

**F**uit documento mortalium secundis rebus, hic Adonibezecus, de se modicè; de cæteris non contemptim sentiendi. Primum quidem in victorijs; nequid insolenter, ac per arrogantiam in debellatos, aut dicant victores, aut gerant: memores, *Aquilam* felicitatis alas habere; quibus volare de castris in castra queat; ac dominos mutare. Nostra quidem esse recordemur, quæ capiuntur ex hostibus; sed interim, & nos olim hostium fieri posse, cogitemus: quòdque prudenter Publius, in Iambis, postea monuit: *Cuius accidere posse, quod cuiquam potest.*

*Victores ne insolentius se gerant in villos.*

Deinde præclarum, & in hoc, audaciæ nostræ, quævis ad scelera proflienti, dehortamentum: Rex iste detruncatus, in theatrum producit; *Sicut fecisset, ita reddidisse sibi Deum* Judic. 1. confessus. Nimirum omnis delicti mensuram, talionis mensurâ compensat Divinæ justitiæ statera. Hoc est sibi malam rem arcescere jumentò suò; & gestare compedes fabrum, quas ipse fecit; & incidere in foveam, quam fodit alij. Ovidius canit;

*Talionis pœna.*



Et Phalaris tauro violenti membra Perilli  
Torrui; infelix imbuit Author opus.

Laisense Idolum docet, quàm citò propagentur scelera, & unius  
è noxâ inficiatur populus. Origo mali, femina, superstitioni  
dedita, quæ Michæ filio mille & centum argenteos ( coronatos  
Gallicos circiter quingentos ) in sculptile simulacrum destinârat  
ex testamento, multorum in animarum millium perniciem cessu-  
ro. Benjamitarum clades documento est, quàm funestos exit-  
us Libido habeat. Sed de hac alibi recurrit agendi locus. Is-  
raëlitarum detestanda est crudelitas, nullo discrimine in fontes  
& insontes Jabefenos effusa. Zelus præposterus juramenti ser-  
vandi; cum in malè promissis sit rescindenda fides, & in  
turpi voto mutandum decretum.

NARRATIO XLI.  
AODVS INTERFE-  
CTO EGLONE MOABITA-  
RVM TYRANNO, HEBRÆOS E SERVITU-  
TE IN LIBERTATEM ASSERIT.

Judic. 3.

Anno Mundi 2669. Ante Christum. 1384.

Hebraei Rei-  
publ. sub ju-  
dicibus va-  
riatio.



**S**I quando verum ullâ fuit in Republica,  
quod de singulis hominibus proverbî circumfer-  
tur; Unumquemq; fortunæ suæ, seu secundæ,  
seu lævæ, certissimum esse fabrum: id de popu-  
lo sine dubio verum fuit Israëlitico, post Mosis ac  
Josuæ tempora; sub Prætoribus, quos *Judices* nominabant. Cum  
enim Ducibus illis mortalitate functis, paullatim adversus inter-  
dictum Numinis, exterarum se connubijs implicarent Hebræi;  
moxq; nuptiarum persuasionibus illecti Dijs earum, Deabûsq; se  
dedicare cœpissent: in DEI veri justissimam indignationem pro-  
lapsi premebantur ijs à populis, quorum ipsi religiones, suæ re-  
ligioni prætulerant; rerum civilium statu, unâ cum variatione  
sacrorum, variante; ad Regum usq; tempora, Saulis ac Davidis,  
annis paullò minùs quadringentis.

Judicum primus *Othoniel* fuit. Is annis quidem, post Josuen,  
quadraginta, vitam; sed non nisi decem postremis, Judicis no-  
men ac jus, reipsa, magnâq; cum laude sustinuit. Othonieli suc-  
cessit Aodus, generosissimus juvenis ex tribu Benjaminis, am-  
bidexter,

bidexter, Romanò scævola fortunatior, Eglonem Moabitam Judæos vexantem, cultro interemit, pingui abdomine hauriente mortem cum ferro. Huic occasio liberandi sui populi à jugo octodecenni Moabitarum, oblata fuit ex legatione, quam unà cum aliis suscipere cogebatur ad tributa & munera, Egloni Moabiticò tyranno perferenda. Fortè is ex Moabitude secesserat in agrum Jerichuntinum, ubi validum imprimis, ac permunitum propugnaculum ex ruderibus Jerichuntis constituerat; Voluptatis pariter domicilium & Hebræorum terror; (Sacer scriptor, Urbem *Palmarum* vocat.) Venit eòdem Aodus, populi nomine legatus, cum sociorum, ac familiari comitatu; quæq; publicè mittebantur seu tributa, seu dona, procerum in conventu, regi tradit. Perfunctus officio, regi; jam, novis de causis, multò, quàm antè commendatior, præsidij munitiones diligenter perlustrat, admirantis potiùs, quàm explorantis fronte.

*Aodus interfectior  
Eglonis, &  
vindex libertatis.*

Remensus iter cum socijs, ubi pervenit in *Galgala*, Urbem ut religione olim inclytam; ita nunc Deorum sculptilium simulacris publicis impletam; tum suapte pietate, tum incitamento Numinis incensus, statuit nefas illud evertere. Cunctis igitur, qui comitabantur, dimissis, vel solus, vel non nisi cum pueo pedissequo, Jerichuntis in castellum, adque regem Eglonem revertitur, gladiolum secum consuetum, & insidiarum vetus propositum; occultè portans. Postulat intromitti, tanquam secreti *magni* bajulus; cuius cum rege communicandi, necessitas eum ab itineris mediò revocasset cursu. Reperit haud difficilem aditum, remotis cunctis arbitris. Non optimates modò, sed & corporis soliti custodes, sese longiùs, quàm pro consuetudine segregarant: & incustoditum regem, sub *hosti* quondam, & tunc *servi* manu, reliquerant; fatuà, sine dubio, tum regis ipsius, tum procerum ac satellitum incolumitatis fiducià.

*Aodus insidiarum fruit  
Egloni.*

Introductus igitur Aodus: ac, reductis post se foribus, adoratoque rege, professus, à Galgalorum delubris, ad quæ divertisset ex via, redeuntem, efferre se Divinum, & ingens, & ad regis caput pertinens, arcanum; permovit virum superstitiosum, ut tanquam Deorum suorum excepturus Oraculum, eorum honoribus assurgeret: qui sedens hucusq; de folio legatum exceperat. Eum igitur, hoc corporis erectiore situ nactus Aodus votis suis opportuniorem, ac stare jam incipientem, inobsequans adoritur: & unò simul temporis articulo, *crassum* alloquens, allevans, percutiens; raptam è femore dextro sicam lævâ manu, ventri surgentis infigit, impetu tam valido vulneris: ut, præter morem non mucro tantum extremus, ac media ferri lamina, sed planè capulus ipse, pinguißimam alvum intraret, cum parte ferientis manus. Confestim diffuxit

*Interfectio  
Eglonis.*

diffluxit anima; Aodus, relicto ferro in vulnere quamprimum in pedes se coniecit, obseratis cœnaculi foribus. Elapsus, mox belli Moabitici classicum insonat; ingentem populi Hebræi collectam multitudinem, in Moabitas ducit; omniumq; primò in locum, ubi cædes regis erat facta. Interim Eglonis satellites, & consiliarij diutissimè foris expectantes, & aliud quidpiam cum agere suspicantes, tandem insertâ clavi, cœnaculi fores aperunt; Eglonis interitum inveniunt, ac deplorant; Aodus improvise cum suis eos opprimit: & reliquos ad Jordanem usq; persequitur. Ibi nova, & atrocior pugna cum Moabitis, qui transire Jordanem amnem conabantur, ijs locis, quibus erat siccissimus. Sed cædente terga fugientium Aodo; vada verò tentaturos barbaros, Ephræmita milite, custode fluminis, prohibente, hostium decem millia concisa sunt. Ita pacata Palæstina, soluta servitus Moabitica: *Judex*, ac Tribuum Hebræarum *Prætor*, Aodus declaratus: ut idem, qui bellorum fuisset, etiam *Æquitatis* esset, *Vindex*, in utramq; lancem *ambidexter*.

*Moabitarum clades.*

## DOCTRINA.

*Pinguis venter non gignit mentem tenuem.*

**E**glon, sive nomen, sive personam spectemus, est imago hominis ventri dediti. Nomen enim hoc Palæstinis idem, quod nobis *Vitulus*, hoc est, lascivus & petulans, semperq; ingluvie demersus. *Erat autem Eglon crassus nimis.* Judic. 3. Ut obesus & adipatus corpore, ita hebes animo. Ventribus enim ingenia, tametsi non semper, plerumq; tamen respondent; & qui toti vel in patinis sunt, vel in cyathis, ac saginâ, cum Marte vix aliquid: cum Minerva nihilominus gerent, nisi valde pingui. Unde Hieron. *Epist. 2. ad Nepotian.* Pulchrè dicitur apud Græcos, & nescio an apud nos æquè resonet: *Pinguis venter non gignit mentem tenuem.*

*Zelus Aodi pro honore DEI.*

Conspecta multitudo idolorum in Galgalis excitavit in Aodo fervorem vindicandi honoris divini; cui asserendo non dubitavit, vitæ sese periculo involvere; suumq; pro totius Reipublicæ salute caput in discrimen dare; altiore videlicet, nempe DEI impulsus spiritu, Hostem Numinis, hominumq; publicum ac promulgatum interfecit. Nimirum ut DEUS tyranno Egloni potestatem permisset gentem sibi dilectam invadendi, sic deniq; suas ipse quoq; pœnas, aliorum carnifex pendit. Prov. 22. *Qui seminat iniquitatem, metet mala; & virgâ ira sua consummabitur.* Revertetur in caput sævitia, sentiétq; plagas, qui plagarum fuerat instrumentum. Tales posteris temporibus fuere Attila, Totila, Tamerlanes, qui se *flagella DEI* appellabant.

Sed quid est hoc, quod Scriptura asserat Jud. 3. v. 12. *DEUS confortavit adversus eos (Judaos) Eglon, Regem Moab.* Ergone DEUS excitavit

excitavit Eglonem ad bellum injustum contra Hebræos, suscipiendum, ut tyrannicè eos opprimeret; adeoq; ad peccatum & tyrannidem? Minimè gentium. Sunt enim duo *malorum genera, Cur permis-* culpæ & pænæ; quod in doctrina Narrationis LXVIII. indicavimus. Priora illa verè vult DEUS, aut ad poenam impijs, aut ad disciplinam pijs; Posteriora nequaquam *vult, sed permittit. sus Eglon Hebræos multis an-* Boni enim exercentur ad præmium: lapsi aut lapsuri castigantur ad profectum: improbi puniuntur ad supplicium. Addidit DEUS Egloni vires, animos, consilium, dexteritatem præliandi; item socios fæderatos, milites, arma; Hebræis contra pavorem im-misit & terrorem; Prævidit quidem DEUS Eglonem Regem ex mala sua voluntate, imperij ambitu, dominandi cupidine, malè usurum victoriâ, id tamen permittere decrevit ad Hebræos casti-gandos. Et utiq; mirandum est meritò, hominem, tam inutile terræ pondus insultare per ipsos octodecim annos Hebrææ gen-ti bellorum jam sensim experientissimæ, potuisse. Sed videlicet; *Leonum* cervicibus, jugum *Vitulus* injecerat, & injectum adstrin-gebat, nullo suo, sed altioris potestatis robore formidabilis.

On est nobis silentio prætereundum, robo-

# NARRATIO XLII. FORTISSIMUM FACINUS SAMGARIS, TER- TII HEBRÆORUM JUDICIS.

Judic. 3.

Anno Mundi 2709. Antè Ch. 1344.



On est nobis silentio prætereundum, robo-ris insigne specimen, quod samgar Hebræus Agri-cola dedit. Ubi vicinas apud gentes, perpetuò Is-raëliitarum odiò flagrantes, rumor increbuit, vitâ decessisse fortissimum Principem Aodum, multa-rum palmarum Ducem, Philisthæi (quos septuaginta Interpretes *Allophyls* seu alienigenas appellant) incolæ regionis, Phœnicio mari adsitæ (unde Palæstinis origo nominis) excurrerunt in terram Is-raëliitarum, more latrocinantium, ad prædes abigendas, homi-nésque in servitutem abducendos. Quæ si processissent ex voto initia, haud dubium relinquebatur, quin in apertum bellum erat eruptu.

eruptura hostilitas. Nemo tum securè faciebat iter, passim vias insidentibus prædatoribus, & omnia intuta reddentibus. Unde Judic. 5. *In diebus Sangar, &c. quieverunt seraita, & qui ingrediuntur per eas ambulaverunt colles devios; omiſſis quippe viis publicis, passim infestatis, cogebat periculum sectari semitas invias & occultas.*

*Prædatores  
caduntur à  
Samgare.*

Agrum fortè colebat *Samgar*, junctis aratro bobus; cum de repente prædatoria Philistinorum manus, sese in conspectum dat; exspoliât villas & pagos; inq; Sámgarem factò impetu, conatur boves eripere, ipsum in servitutem abstrahere. Vim & iram suscitavit injuria; ministravit arma furor; cum enim telum aliud ad manum non esset, arrepto dentali, cum vomere, quo terram proſcindebat, proſilit in pugnam, strenuèq; circumductò partem in omnem ferrò, plagas, vulnera, funera dividit; nec antè cædendo absistit, quàm Philisthæorum omnino sexcentos straverit; utiq; facinore memorando, Samsoniæq; maxillæ præludente. Ita repressa latrunculorum audacia: restituta viarum libertas: commeantibus securitas: urbibus, & agris quies.

*Iterum Chana-  
næi in  
Hebræos in-  
surgunt.*

Fama facti mox latius cum terrore propagata, latrunculo- rum audaciam aliquamdiu compescuit; donec laxatis iterum impietati frenis (Mors namq; tam Aodi, quàm Samgaris, prætu- ram anno non integro tenentis, obicem in scelus ruentibus remo- verat) DEUS, in Hebræos ad vomitum redeuntes, Vindicem immisit, *Jabinum* Chananæum, Regem Aſoris, unum ex illius Jabi- ni posteris, qui maximum, contra Jousem, bellum annos antè centum, & quadraginta conflaverat. Hic sive angustos imperij fines prolaturus, sive avitam ignominiam deleturus, conti- nuatis viginti annorum cladibus contumaces Iudæorum cervi- ces attrivit, uti mox narrabimus.

## DOCTRINA.

*Viro forti  
obvium  
quidvis pro  
sclo est.*

**S**Amgaris vomer docet, nihil esse tam vile ac simplex, quod non ad magna quæq; possit instrumentum esse, si DEI concurrat manus. Quid enim ad bellum vomis? quid ad tantam hostium stragem unus, & solo armatus aratri dente? Hic hæstæ, gladij, armorum omnium vicem præstitit. Nimirum animus in corpore præfens, & bona Causa ex Aratore bellatorem reddiderunt, & Victorem. Qui cum tam fortiter pro patria, & popularium salute staret, dignus est, ut Camillos inter, & Curios, Cincinnatos, Fabricios, Romanorum heroës, ab Aratro ad Distaturum vocatos *Laureatos* Fasces & vomerem omni posteritati ostentet.

Possis etiam Vomerem hunc, manu apprehensum, aptare Symbolo non uni. Nam primò denotat, victoriam sæpe magis *robore*, quàm *arti* deberi. Adscribe lemma: MARTE, NON ARTE:  
Vel:

## SAMGARIS FORTITUDO.

165

Vel: ICTUS AB ARATRO. Quod servit id, quod Pausanias narrat in Eliacis, lib. poster. *Glaucus*, puer Bæorius, cum Agriculturæ daret operam cum patre, vomeremq; dilapsum, manu pro malleo usus restituisset, conjecit parens ex eo, fortem fore; & duxit in Olympia, in quibus certavit: cumq; ab adversario, ut certaminis imperitus, graviter urgeretur, exclamavit è multitudine, pater: O puer istum ab aratro, scilicet istum inflige: hac voce inflammatus adolescens, ingenti plagâ adversarium percussit & vicit.

Deinde, cum vomer splendens, pacis significet tempus, & Samgari fuerit pro telo; indicabit virum fortem, ad utrumque paratum. Adscribe: PACE, BELLÔQUE.

Tertiò, non in armis, sed in modo tractandi arma, victoriâ esse positam, docebis per epigraphen: NON TELUM, SED MANUS.

## NARRATIO XLIII. SISARAE CHANA- NAEI DUCIS, FATALIS HAUSTUS, ET SOMNVS.

Judic. 4.

Anno Mundi 2741. Ante Ch. 1312.



*Baracum* quartus Hebræorum Prætor, luculentam, de *Sisara* Philisthæo victoriâ reportavit; cujus susceptæ, & perfectæ laus omnis, penes mulieres fuit. Nam & *Debbora* Prophetis, ad castra profecta, Baracum in hostem immisit; & *Jabel* fugientem *Sisaram*, haustu lactis consopitum, trabali clavo transfixit. Quippe feminae, quocunq; se vertant, semper immodicæ, vel extrema vitia, vel virtutes summas persequuntur. Historia narrationem hanc accipie.

Vigesimum jam annum ingemiscebant Hebræi, sub *Jabin*, quod suprâ, indicavi, *Asororum* in Chananitide, regis, supremiq; copiarum ejus Ducis *Sisara*, duris imperijs, & acerba servitute. Libertatis pristinae vindicem enixè flagitantibus à cælo, DEUS salutem per feminas tulit. Erat eâ tempestate divinitus afflari sueta, *Debbora* vidua, (juxta mentem D. Ambrosij) post virum è vivis sublatus, tota Numini mancipata; quam DEUS Prophetidem repente suscitavit, jam non ad responsa tantum, & jura;

*Debbora Prophetis exstimulatrix belli.*

Y

sed

sed etiam adversus tyrannum, arma danda, præsentiq; ductu tractanda. Et quia, postquam Sacris exciderant Hebræi, robur quoque gentis collapsum erat; placatum suppliciiis Numen, existimavit præcipuo quodam impetu tribuum quorundam Duces, præsertim *Baracum*; qui hortatrice *Debbora*, comparato decem millium exercitu in hostem movit, adjunctaque sibi expeditionis comite Prophetide, montem *Thaborem* cum copijs insedit, exciturus ad bellum Sisaram, summum rei militaris, apud Jabinum regem, præfectum. Ad quem ubi perlata est fama defectionis Baráci, & montis Thaboris manu non maxima occupati; quanta potuit festinatione contraxit ingentem militum manum, cum nongentis curribus falcatis, & maximo belli apparatu; montemque Thaborem circumfedit. Non fessellit Baracum, ejusque militem, instantis magnitudo periculi: quippe quibus Thaboris è vertice despectantibus, hostium esset omnis in conspectu multitudo. Formidinem tamen eis Debboræ Prophetidis eximebat, non oratio tantum, sed & omni facundior eloquiò, comitatus. Nonminùs Sisara Dux, curru sublimis, aurò gemisque conspicuò, agminibus obvolitans, instigabat omnes ad conflictus audaciam.

*Pro Hebræis  
contra Chana-  
næos è  
cælo pugna-  
tur.*

Cæterum Baracus victoriæ minimè dubius, cunctorum militum animos, novo quodam subeunte robore, instructa cum acie, receptâ in medium agminis Debborâ, se demittit ex altiore loco, in Chananaeos, tempestatis ritu, ferociter invehitur, sibi que per obstantes, latè viam ferrò patefacit; strenuè Ducem sequente milite, & cælo quoque, nimbo, grandine, dejectis flammarum globis ac facibus; Angeloque districti gladij fulmine, vultusque formidabili splendore, terribiliorem hostibus Baracum reddente. Jámque perruptis hostium cuneis, & agminum, turmarumque disiectis ordinibus, fluctuare barbarorum acies: turbari signa, dissolvi pedestres ordines, & æquestres alæ; dispersæque per incertum volitare paventium hostium legiones: & implicari, mutuo se turbantium agmina bellatorum; simul tellure contremiscente, nutante solo, silvis ac rupibus horrendum sonantibus, fremente *Cisrène* flumine; cælo tonante, mistisque flammæ fulguribus auram incendente: punctò penè temporis omnia procella fiebant. corporumque strages una. Ruere milites, duces, equi, virique; falcigerique; currus; quos incussus cælo terror, lymphatis, attonitisque; similes, cum jumentis, & insefforibus & quadrigarum agitatoribus; partim per plana retro; partim per præceps in flumen; alios in obvia rupium, valliumque; sursum ac deorsum raptabat: diffractis falcium ac telorum cuspidibus, & immani cum sonitu, rotis in frustra dissultantibus.

Sisara cum frustra turbatam aciem restituere conatus esset; surdas

furdas enim aures habet pavor; desperatis omnibus, fugæ Con- *Sisara fu-*  
 lium ipse quoq; cepit; ne verò noscicaretur, aureo desilit curru, *gatur.*  
 abjctòq; paludamentò, cum ceteris imperatoris insignibus, pede-  
 stem init, & incommutatam fugam, nulli facile nisi se familiariter o-  
 lim uso,prehendendus. In ea fugiendi festinatione, defertur ad  
 tentorium cujusdam *Haberi*, natione *Cinei*; (qui sub pellibus habita-  
 re solebant) cujus uxor *Label* (maritus cum servis aberat domò)  
 currentium pedum excita sonitu, cum Sisaram conspexisset, suspi-  
 cata, quod res erat, eum è malè pugnato prælio fugere, metum om-  
 nem jubet ac diffidentiam ponere, inq; tentorium blandissimis  
 verbis invitat. Qui partim suavitate sermonis demulsus, partim  
 confusus amicitia & fœdere, contracto Jabinum inter & Cinæos,  
 (Jethronis posteros, Moïsis cognatòs, Aradæa deserta sparsim sub  
 papilionibus incolentes) succedit tabernaculo; & ut lateret tutius,  
 in abstrusorem seductus locum, operitur stragulo, excubias semet-  
 ipsam ante tentorij fores obituram esse, Jahele promittente. Priùs  
 tamen, quàm in somnum se componeret, longissimæ viæ cursi-  
 bus exhaustus, sitiq; per fugæ laborem confectus, potionem fla-  
 gitat frigidæ; illa indulgentior, quàm petitum erat, ex utre coria-  
 ceo, lac recenter expressum, in phiala præbet. Inde fopore altissi- *Sisara laEle*  
 mo captum, conspicata; sumptis animis, ultura communem Nu- *fopitus, cla-*  
 minis, gentisq; Hebrææ hostem; clavum ferreum prælongum, *vo terra affe-*  
 quò tabernaculorum tensi funes solò depanguntur, tollit humò: *gitur.*  
 alteraq; manu correpto fabrilis malleo, suspensòq; molliter incessu,  
 per summum oris ac pedum silentium, accedit ad Sisaræ sopitum  
 caput; vulneriq; designans locum, paxillò ferreò validissimè per  
 tempora transadactò, terræ caput affigit. Hoc HABET. Adver-  
 sus injustam tyrannorum vim, dolò justò pugnatum est, clavusq;  
 (quod in adagijs fertur) clavò pulsus. Supervenienti deinde Bara-  
 co Duci, Tragædiam actam, dimotò sipariò, per compendium Ja-  
 hel aperit: eumq;, quem is tot laboribus, per montes, vallésque  
 quæsisset hostem; monstrat in plano jacentem, & quasi per otium,  
 infelici sempiternòq; somno stratum. Ita virago generosa, verbo-  
 rum nullâ jactantiâ, factò nudò probavit; prophetidem docuisse  
 vincere: Baracum vicisse: se verò, victoriam, in corpore Sisaræ  
 defixo trophæo, coronavisse.

## DOCTRINA.

**S**ed quid est hoc? Licuit ne Jaheli Sisaram occidere, hominem *An Sisara*  
 fœderatum, amicum, hospitem, gravissima calamitate oppres- *justè per in-*  
 sum, dormientem; & quidem, ultro comiter invitanti, dataq; *fidias occi-*  
 fide securitatem promittenti? Nonne hoc erat jus gentium infrin- *sus?*  
 gere; pacta, conventa, jurata violare? Respondetur; pactum in-  
 ter Jabinum & Cinæos initum, vel fuisse metu extortum; vel in-



validum eo tempore, quod à Cinqæis Hebrææ genti sanguinitate junctis, tanquam à Reipubl. membro, communis & publicus hostis; imò re ipsa inuasor, proclamatus & proscriptus, erat arcendus & tollendus, seu per Martem apertum, seu per insidias, & artem occultam. Et quidni dicamus, qualecunq; sædus illud extiterit, fuisse à DEO dissolutum; idq; per prophetidem Debbóram declaratum, Jahelq; divina inspiratione insinuatum. Cur enim, DEUM Impulsorem, Jussoremq; cædis non confiteamur, in justissimis exigendis pœnis de Sisara, jurato Religionis hoste; superstitionum, & impietatis propagatore sacrilego; Jabinicæ tyrannidis stimulo; bellicæ flammæ folle; expeditionum cruentarum classico; tot injustarum cædium & magisterio, & instrumento? Cujus ductu, tot Israëlitis illatæ fastitates sint; tot impleti diris prælijs, & inundati campi; tot pulsi sedibus suis cives & coloni? Cujus atroci ferro, divisi mortales in armis; dissecti matrum ventres inermes; elisi pueri, puellæq; sine numero; tot passim excisæ Numinis aræ?

*Aquam petenti lac dedit, & in phiala principum obtulit butyrum* Judic. 5. v. 24. lactis nimirum florem & pinguedinem propinavit in pretiosa phiala. Quàm multa hic discenda, cavendâq;! Primò, quàm stolidè creditur improbæ mulieri virilis salus, cùm ea tunc, vel sub optima, perniciem adierit. Deinde, quàm noxia sunt feminarum blandimenta: ore lac, & mollitiem butyri porrigere videntur, sed tegunt arma, quibus afferant mortē. Pf. 54. *Molliti sunt sermones ejus sicut oleum, & ipsi sunt jacula.* Qualia vibravit, blandum quidem, sed exitiale pomum *Fenella* (de quo Cardanus lib. 12. c. 56, de rerum varietate) quot gemmis, tot insidijs fuisse refertum. Tetigisse, fuit perijsse; erumpentibus enim subito jaculis curiosus inspector, qualis fuit *Rennetibus* Scotorum Rex, periit. Habet hoc Voluptas & Libido; toxicato philtro lactat, confopit, perimit; unde Poëta:

Hostis Voluptas dulcis est,  
Et carnifex amicus;  
Figit labellis oscula,  
Nectitq; fune colla.

Threnorum 4. *Lamia* (mali socij, & sociæ) *nudaverunt mammam, lactaverunt catulos suos.* In fabulis *Lamiæ* sunt monstra, umbilicò tenus muliebris specie; deorsum ferinâ; mammis lactantium more protuberantibus; sed eos, qui lambebant allekti, devorantia. Egregium malè blandientis feminæ, aut Voluptatis Symbolum. Prov. 1. v. 10. *Fili mi, si te lactaverint peccatores, ne acquiescis eis.*

*Sic pereant omnes inimici tui, Domine; qui autem diligunt te; sicut Sol in ortu suo splendet, ita rutilens* Jud. 5. v. 31. in Epinicio Debboræ. Votum & precatio gravissima, duobus constans contrarijs. Sisara, cum sui similibus, DEI perduellibus, execratione devovetur. Quod etiam David fecit Pf. 52. *Fac illis, sicut Madian, & Sisara, sicut Jabin in torrente*

*Femina non  
sciendum.*

*Nec Volu-  
ptati.*

*Execratio  
improbo-  
rum.*

## GEDEONIS DE MADIANITIS VICTORIA. 169

*torrente Cifon. Nec bruto fulmine vibrantur illæ ejusdem minaciæ, Pf. 67. Exurgat DEUS, & dissipentur inimici ejus; & fugiant, qui oderunt eum, à facie ejus, Sicut deficit fumus, deficiant; sicut finis cera à facie (præsentia) ignis, sic pereant peccatores. Verè enim execrandus est, qui propter amicitiam rei creatæ, cohtemnit amicitiam Creatoris.*

E contrario Dilectores Numinis, inflar orientis amæno jubare solis fulgent, continuòq; virtutum motu profecti, splendorem augment & lucem, donec stent in meridie, in summo perfectionis vertice. Hinc Prov. 4. v. 18. *Justorum autem semita, quasi lux splendens, & crescit usq; ad perfectam diem.* Et Psal. 83. *Ibunt de virtute in virtutem, videbitur (donec videatur) Deus Deorum in Sion, in Olympo, beatitudinis aterna clarissima sede.*

*Proborum  
felix pro-  
gressus.*

## NARRATIO XLIV. INAVDITA GEDE- ONIS DE MADIANITIS VICTORIA.

Judic. 6. 7.

Anno Mundi 2768. Ante Christum. 1285.

**R**ost Debbóræ, Baraciq; mortem, gens Hebræa more suo ad sacrilegam Deorum superstitionem est revoluta, erectis Jovi Belo passim aris, lucis, simulacris. Offensus populi perfidiâ DEUS, instrumentum vindictæ facillimum reperit, & immisit è propinquo Madianitas, Ammonitas, Moabitas, Amalecitas, ac cæteros ad Orientem incolentes populos; qui transito Jordane, maxima peditum, equitum, jumentorum assumpta multitudine, brevi omnem Hebræorum regionem, sui juris fecerunt, impunè cuncta ferentes, agentésque.

*Orientis po-  
puli iterum  
Judæam va-  
sant.*

Ibat calamitas hæc in orbem, ac redibat; cum, simul ac frugum ac vinearum maturitas anniversaria revertisset: reverterentur & hostes: demersisque vitæ subsidijs, & oleo, vinoque collectis, cætera camelorum & hominum equorúmque pedibus proculcarent. Ita locustis & numero similes, & ingluvie, campis ac collibus evastatis, unde venerant, eodem revolabant. Cum interim mortalium omnium timidissimi, (robur quippe animorum, cum DEI veri cultu amiserant) rerum domini, delitescerent in speluncis ac scopulis, & silvarum editiorum recessibus ad sui

fui

*Michael  
Archange-  
lus Gedeonem in ho-  
stes animas  
prodigiū.*

*Prandium  
calidus in-  
flammat.*

*Prodigiosa  
velleris bu-  
miditas et  
siccitas.*

*Gedeon aram  
idolorum  
paternorum  
eversit.*

*Bellum Ma-  
dianiticum.*

fui dispoliationem ne hircere quidem auderent. Deniq; defessi tot vastitatis malis, septenniō continuatis, serō tandem, ac ferijs cum lacrimis amicitiam ac favorem ambire institerunt Numinis, cujus toties antē cultum proculcārant. Post aliquantum temporis, ubi DEO visum est, haud ultrā differendas esse suppetias, cōelo demissus Angelus (*Michael* fuisse creditur) juvenilem induit speciem, baculūque gestans viatorium, *Gedeonem* in torculari suburbano excutiendō fortē & repurgandō frumentō occupatum, humaniter allocutus, virum *fortissimum* compellando, salvere iussit; spem & animum concipere meliorem rebus in afflictis, quippe qui populi dirē vexati futurus esset *liberator*. Cunctantem, tergiversantēq; , confirmat tergemini cōlestium operum ostentō. Nam & prandium (carnes erant hōdinæ cum azymis panibus) apportatum à Gedeone sibi, supēq; scopulum vicinum, appositum, baculi supremi contactu vertit in sacrificium: erumpente de saxo, subitā flammā, cibōsque consumente.

Tum prāter hāc Gedeon, & vellus ovillum in area subdiali, duabus continuis expansum noctibus; conditionibus mutatis, alterā quidem *rosidum* in venit, omni circumquaq; reliquo campo retinentē siccitatem: alterā verō, *Siccum* sustulit; terrā reliquā cunctā rore tinctā. Sed inter hāc Gedeon, priusquam cum Madianitis manus confereret; bellum simulacris Deorum inferre iussus: expugnādi principium ab Idolis patris sui *Joas* sumpsit. Horum aram, nocturni temporis usus commoditate, subvertit: nēmus aræ circumpositum, decem servorum adjutus operā, succidit. E diverso autem, super eandem petram illam, in cujus vertice prodigiosa flammā cibos in sacrificium, atq; cinerem, converterat, Aram Numini verō suscitavit. In ea patris sui tauros duos immolat; freudentibus quidem, cum patre, domesticis: & ad necem deposcentibus autorem facinoris oppidanis, *Ephram* inhabitantibus; quippe qui diluculō stratum Idolum, eversam Baalis aram, excisum lucum, & bovem alterum super altari novo semiuustum invenissent. Sed nihil indignatione sua proficiebant; nam qui superstitionis illius stragem Gedeoni mandārat, DEUS: idem & ora, minasq; querulorum, injecto mentibus eorum metu, compescebat, ne quam ei vim adferrent.

Igitur & oderant cum pariter, & reverebantur Ephraei cives: donec tempus incidit, cujus iniquitate per Gedeonem fortiter expediti, vertere metum in amorem, odium in virtutis admirationem ceperunt. Id tempus, belli fuit Madianitici; more suo recurrentibus in Palæstinam evastatoribus illius, populis, trans Jordanem amnē colentibus. Centum ac triginta millia bellatorum erant, ex omnium barbarorum delectu conglobata. Ductores suorum quisque populorum, & agminum, *Oribus* a C  
Zebus,

# GEDEONIS DE MADIANITIS, &c. 171

*Zebus*, reguli Madianitidis: & *Zibeus*, *Salmanasárque*, gentis ejusdem Principes, sed nomine, dignitatēque regali prae cæteris eminebant. Gedeon evulgatō velleris prodigiō, tanquam omine viſtoriae ſecundo, Hebræorum triginta duo millia contraxit, quos latē circum *Arādi* fontis crepidinem collocavit: diverſo tamen in exſpectationem prælij, animiorum habitu comparatos.

Diſplicuit DEO, qui gaudet in paucis oſtendere potentiae ſuae vim, tot millium accincta multitudo; Qui propterea Gedeoni præcepit, ut per univerſa caſtra circummiſſo præcone, trepidis, & animi fluctuantibus, militiam remitteret, eosque Sacramentō relaxaret. Quā diſceſſionis copiā cunctis factā, caſtris, exceſſere viginti duo millia militum, quos Gedeoni ſubmiſſerant *Gadita*, Regionis Galaaditidis, tranſamnant incolæ. Poſt diſceſſum Galaaditarum, cum decem ſola millia Gedeoni ſuperreſſent, quæ centum ac triginta hoſtium millibus opponerentur: & jam hæc ipſa paucitas, nimia DEO viſa, redigi jubetur ad numerum multo contractiorem. Experimentum autem, quinam Madianitis delendis idonei, capitur è diverſo bibendi (quis non admiraretur?) ritu. Ducuntur, quo tempore cæli calor corpora militum, ac ſitim imprimis accenderat, ſub meridiē, ad Aradum fontem univerſi. Plerorumq; tam effrænis bibendi cupiditas fuit, ut popliti-  
bus inflexis, & in fontem ore, corporēq; toto proni, frigidam intemperanter haurirent. Trecentorum verò ſolorum ea fuit ſitis ſedandæ moderatio, ut hauſtam volā fontanam applicantes ori, canina potiùs conſuetudine lambere, quàm more boū glutire deprehenderentur. Et hos trecentos ſolos pronuntiavit DEUS, uſui ſibi, Gedeoniq; futuros ad viſtoriam patrandam.

Dimiſſis ergo reliquis, id ſolum ab eis belli ſubſidium poſtulavit Imperator, ut retentis ad incerta periculorum armis, partem utenſilium; lagenas fiſtiles, tædas cerā compactas, cornicinum tubas ſibi relinquerent. Id quod ab eis, nullo negotio, impetravit. Copiam ſacularum ac hydiarum naſtus, ſingulas ſingulis, è trecentis ſuis, cum tubis corneis ferendas dedit; quos inſuper animavit omine, quod clam de nocte captavit cum armigero ſuo *Phara* cum proximus ſtationibus hoſtium audiit narrari ſomnium à quodā excubitorum de maſſa panis hordeacei è monte *Gelbonao* in caſtra Madianitarum, devoluta, cum ſtrage tabernaculi prætoriani, cujus ruinā hoſtilis exercitus clades, fuga, interitus pertendebatur.

Cum eo quem dixi manipulo, in tres centurias diviſo, de nocte adverſus hoſtem profeſtus eſt; omiſſis, ut imperatum erat, gladiis, ſuam quolibet lagenam Semi apertam, cum face flagrante, manu læva: tubam altera manu capiente, ac præeunte Gedeone. Qui nocte intempeſta, diſpoſitis tribus circa hoſtium caſtra, à lateribus tergōq; centuriis, ubi ſilentium paſſim altum, & tam ſuorum quàm

*Gedeon jubetur copias imminuere.*

*Ex 30000. militum tantum 300, Gedeon retinet.*

*Madiani-  
tarum con-  
sternatio ex  
sonitu tuba-  
rum & con-  
cussione te-  
stium.*

quàm hostium quietem immotam Dux animadvertit, primus ipse buccinâ pro fronte castrorum, classicum inchoat, & obliquè, luridèq; rutilantem ex hydria facem, Madianitis obvertit. Sequuntur vestigiò temporis trecenti, per omnem castrorum ambitum, tubis horrendum clangentes: tædas semitectas hostilibus oculis ingerentes; ac vocibus indefessis tumultuando, *Gladium Domini, Gladium Gedeonis* ingeminantes. Excitati re subitâ Madianitæ, cum densas inter tenebras, maligno tamen undiq; lumine tabernaculis intermicante, nemini de Gedeone pugnam ausuro, veniret in mentem: instantibus sine fine, modòq; tubis, clamoribus, tædis; nullâ non castrorum parte, tanquam ad formidabiles hostium copias, ex Arabia erumpentes, trepidabatur. Semisomnes igitur, semiq; nudi discurrunt; pars ad arma, jumentâq; pars ad imperia capienda; quæ tamen nemo dabat; nemo, si darentur, præ tumultuoso tubarum sonitu, audiebat. Pleriq; quidnam agerent, aut omitterent incerti, nec stare sustinebant, nec fugam expediebant, non cessantibus inter hæc Hebræis formidinem barbarorum augere: præter ululatum tubarum, concussionemq; luminum, ac minaces conclamationes, etiam lagenas inter se mutuo complodentibus, non sine rauco è testis sonitu, & auribus ignorantibus horrifico ac funesto.

*Horrenda  
clades.*

Postquam autem & hydriæ singulorum, ad Gedeonis exemplum, sub unum temporis articulum, toto castrorum ambitu confringi sunt cæptæ: tum enimverò, tenebris horrorem densantibus, Madianitæ, ruere castra simul ac tabernacula, cum machinis unâ, cumq; quadrigis, & utensilibus, & apparatu belli cuncto suspicati, trepidatione fatiscebant. Mox in lugubrem ululatum, ac fugam effusi, portâ, quâ cuiq; visum esset, proximâ, sese castris ejiciunt. In ipsâ multitudine festinantium, inter se compressi, ad certamen tandem, & arma versi, quæ debuerant in Hebræos, hæc in seipsos tela, vulneraque, Numinis impulsu, densant: alternâq; se cæde, medijs adhuc in castris, conficere non cunctantur. Qui fugâ evaserant, inciderunt in manus eorum, qui nuper à Gedeone missionem acceperant; nam & canes timidi fugientibus instant; & Gedeon cum suis, hostium obviis instructus armis, fugientium cædere dorsa cæpit ac persequi. Ita factum, ut quidquid obvium esset Madianitarum, contrucidaretur. Inter quos fuerunt *Oreb* & *Zebui*; quorum alter in petra latitans: alter in torculari deprehensus, sine mora, clementiâq; jugulati; *Zebui* quoq; & *Salmanasar* devia petentes, Gedeon affecutus, fratrum suorum, præteritis annis, intra Thaboris montis latibula se tenentium, interfectores, præcisis latronum suo gladiò cervicibus, & publico satisfecit, & privato dolori nemine suorum amis-

## GEDEONIS DE MĀDIANITIS VICTORIA. 173

so nemine hostium servato. Tam immensa nimirum strage contuderunt Orientis opes, trecentæ confractæ testæ.

### DOCTRINA.

**F**erax est salutarium monitorum, Gedeonis historia. E plurimis, quædam delibabimus. *Addideruntq; filij Israël facere malum Israëlita- in conspectu Domini, post mortem Aod &c.* Jud. 4. & Judic. 6. *Fecerunt rum in DE- autem filij Israël malum in conspectu Domini &c.* Et Psal. 106. *Clamaverunt UM ingra- ad Dominum, cum tribularentur &c.* Et Psal. 105. *Cui fecerunt, obliti sunt tui animus, operum ejus &c.* Euripo similes fuere Judæi, fluebant, & reflue- & *incom- bant*; jam DEUM, jam DEOS colebant; toties bello castigandi, *flans.* quoties emendandi. Et tam bonus est DEUS, ut calamitatum toties perfidorum miseratus, jam Baracum, jam Gedeonem daret, quirebelles, & nihil tale meritos è manu hostium liberaret. Nos quoq; lusum hunc quoties ludimus? quoties ad ingenium & perfidiam redimus? Juvenal. Satyr. 13.

Peccandi finem posuit sibi? Quando recepit

Ejectum semel attrita de fronte pudorem?

Quisnam hominum est, quem tu contentum videris uno  
• flagitio?

In flagellis infirmitas nostra teritur, & iniquitas non mutatur; Si DEUS expectat, non corrigimur: Si vindicat, non duramus; Si ferit, clamamus ut parcat: Si pepercit, iterum provocamus, ut feriat.

*Extendit Angelus Domini summitatem virgæ, &c.* Jud. 6. Fuerunt apud gentiles celebratissimæ virgæ tres. 1. *Palladia*, seu Divina homines felicitans, de qua Homerus & Cic. lib. 1. officior. Altera *Mercurialis*, legationum & eloquentiæ Symbolum. Tertia *Circea*, quarum contactu fingebantur consopiri homines, è juvenibus reddi senes, è senibus juvenes, ex hominibus pecudes, è pecudi- bus homines. Urinam Angelica hæc virga cordis nostri petram tangat, indèq; Zeli, charitatisq; flammam eliciat, quæ *carnales* *concupiscentias* consumat.

Virgâ quoq; seu flagello Gedeon ex aristis excussit grana; ut intelligas, rebus duris animum ad virtutem: corpus ad militare robur informari. Nescio enim quomodo minus mortem timet, qui minus deliciarum novit in vita Veget. 1. cap. 3. Symbolum constans è flagello Gedeonis & gladio, cum epigraphe: Hoc Exc- cutit, hic percutit.

*Atq; purgaret frumentum.* Quisquis in conscientiam suam di- ligenter inquirat, bonum à malo, triticum à paleis secernit; deniq; fiet *Gedeon*. hoc est, *Succisor iniquitatis*; qui & *Jerobaal* dictus, id est, *vertans cum Baal*, cujus lucos succidit, aras evertit, idola commi- nuit;

Z

nuit;

nuit; quod fit per discussionem sui, quâ destruuntur idola, quæ quisque sibi in mente pingit, fingit, erigit; noxiæ scilicet cupiditates.

*Vellus Sym-  
bolicè.*

*Expresso vellere, comebam rore implevit.* Iudic. 6. Ros in vellere, est Christus in Virgine. *Descendet sicut pluvia in vellus.* Psal. 71. Et Isa. 45. *Rorate celi, &c.* Deinde Vellus Gedeoniticum, Symbolum est fortitudinis heroicæ. Hinc Iasonis, & Ordinis Equitum, auctore Philippo Bono, Burgundiæ Duce anno 1430. vellus aureum, epigraphe, *pretium non vile laboris.* Obtinendum quippe nec sine sudore, cujus imago: phiala rore plena; nec sine ope, gratiâque divina; ros enim de cœlo depluit.

*Cur DEUS  
paucis ad  
victoriam  
utitur.*

*Ne gloriatur contra me Israël, & dicat, meo viribus liberatus sum.* Ibid. Valet hoc ad contundendam mortalium superbiam, quorum bona magis voluntate DEUS utitur, quàm manu. *Quia non est difficile Domino, salvare vel in multis, vel in paucis.* 1. Reg. 14. *Elegit infirma Mundi, ut confundas fortia.* 2. Cor. 1. Per rudes Piscatores Orbem convertendo. Usurpares hîc illud Virgilianum.

Nos numero pauci, sed bello vivida virtus.

*Qui formidolosus & timidus est, revertatur* Iudic. 7. Ne scilicet formidinem suam alijs affricet. Deut. 20. *Quis est homo formidolosus, & corde pavido? Vadat & revertatur in domum suam, ne pavere faciat corda fratrum suorum, sicut ipse timore perterritus est.*

Audentes fortuna (imò DEUS) juvat, timidosque repellit. Æncid. 10. Et Luc. lib. 6.

Degeneres animos timor arguit.

Miles timidus, lepus est galeatus, cui nec in victoria decus est, nec in fuga flagitium. *Fuit itaque numerus, qui manu ad os projiciente, lambuerant aquas, trecenti.* Iudic. 6. Multitudo vires non habet, sed pondus. Senec. Et Quint. lib. 8. cap. ult. In agmine interdum duplex numerus, non duplex virum. Scitè monuit Synesius Epist. 79. Manibus opus est bello, non multis nominibus. Leonides cum trecentis Lacedæmonijs sese Xerxi objecit ad Thermopylas, vicique. Mira probatio virorum fortium; quippe non timiditatem modò, sed mollitiem quoque corporisque indulgentiam, & intemperantiam abesse à bellatoribus oportet. Rectè Tacitus 2. hist. Degenerat à robore, ac virtute miles assuetudine voluntatum. Si quid ardoris ac ferociæ habuit, popinis & comestationibus deditur. Hoc maxime dicitur milici sub signis Christi, crucè præferentis, stipendia facienti. Disce præterea temperantiam; tanquam ignavi repudiati, qui totos se in aquam inclinârunt; animi cura ergo est: corporis verò, *paregon.*

*Facta, non  
verba.*

*Quod me facere videritis, hoc, facite* Iudic. 7. Brevi, sed efficax, adhortatio, quæ fit factis. Gedeon exemplis prævit. Facta, non dicta, vos milites sequi volo: nec disciplinam modò, sed exemplum etiam à me petere. Lucan. 9. lit. de Catore. Ipse



## ABIMELECHI CRUELITAS, ET INTE. 175

Ipse manu sua pila gerens, præcedit anhel  
Militis ora pedes, monstrat tolerare labores;  
Non jubet.

Et Actor. 1. *Primò capit JESUS facere, deinde docere*

*Dedit tubas in manibus eorum.* Judic. 7. 4. Allegoricè, (factæ lagenæ,  
sunt facta, inq; cinerem) redacta fictilia corpora nostra nempe  
mortis meditatio; tubæ, memoria Judicij extremi; lampades,  
consideratio ignis tartarei; his superatur, criminum, mundi,  
dæmonumq; exercitus.

*Lagenæ, la-  
be, faces  
Symbolicæ.*

### NARRATIO XLV.

## ABIMELECHI GE- DEONIS FILII, CRUELI- TAS ET INTERITUS.

Judic. 9.

Anno Mundi 2801. Ante Christum. 1252.

**G**edeon optimi per omnia Judicis, seu Præto-  
ris Hebræi, ac Ducis, functus officio, posteaquam  
& DEO constanter, & populi commodis utilissimè  
servissset: annis in prætura gentis quadraginta de-  
cursis, abiit è vitæ stadio. Quò vivis exemptò,  
Tribus omnes Israëliticæ desciscentes, unà cum filiis Gedeonis,  
quorum erant septuaginta, ad impura Jovis *Beli* seu *Baalis*, cete-  
rorumq; Deorum sacra relabantur. Digni proinde, quibus Ju-  
sticia DEI Vindex, peccati supplicium, fuisset è visceribus exci-  
tare: hoc est, Tyrannum, non jam alienigenam, sed domesticum  
& consanguineum.

*Filiorum  
Gedeonis &  
Hebraeorum  
impietas.*

Erat inter filios Gedeonis *Abimelechus*, è matre *Sichimitide*  
genitus: & ob illipsum, quod mater conditionis inferioris u-  
xor; (Gedeon enim erat polygamus, pro illorum temporum ra-  
tione) nec inter primarias fuisset habita, cæteris fratrum ple-  
risq; posthabitis, utpote qui patris, matrumq; nobilitate glori-  
ari possent ex æquo. Quæ res homini, cæteroquin non ambi-  
tioso modò, sed etiam feroci, offensionumq; tenaci, causa fuit  
ad ultionem, decessu genitoris, explendam, & altius sese effe-  
rendum. Post justa igitur Patri soluta, simulat ad fratres cæte-  
ros, pietatis, officique causâ, visendam sibi maternam esse  
domum: & *Ephrâ* (natali sede) *Sichimiam*, præcipuam Ephræ-  
mæ Tribus urbem, proficiscendum. Quò ubi pervenit, con-

*Abimelechi  
iuxta ma-  
tribus*

Z 2

ceptum



*Abimele-  
chus exerci-  
tum ex face  
populi com-  
trahit.*

ceptum animo facinus invadendi regni, non dissimulante effundit; haud multo post etiam vindictæ cruentam cupiditatem profusus. Adjutores ei se præbuerunt, magno numero, materni sanguinis propinqui, homines factiosi, & novis rebus studentes. Horum consilio, & operâ, depromitur pecunia ex fano Baalis, in conductionem, stipendiumq; militis; nemine tamen ingenuo, aut viro forti, suisq; laris, nomen dante. Illecti numis, ac spe prædandi lurcones, obærat, latrones, fures; quique rem domesticam luxu profigarunt: ac propter flagitia, patrijs expulsi terris, vitam inopem, vagamq; mendicitatem, ad incerta fortunæ circumferebant.

*Abimelech,  
adversus  
fratres cri-  
minatio.*

Cum hac hominum sæce, suis armis instructa, è Sichimis Ephraim versus movet; urbem nihil tunc minus, quam belli cogitationes alentem; ac potissimum ab alumno, civèq; nil metuentem invadit. Quâ, celeriter captâ, in domum paternam irrumpit, fratres rerum omnium securos, ac periculorum incogitantes comprehendit: & excepto Joathamò solò (quem latebrantisper, Deiq; cura discrimini subtraxerant) in custodiam, catenâsq; compingit. Deinde die dicta, productos in forum, dicere caussam ex vulnibus cogit; varijs, iisque potissimum criminibus oppressos, quæ Sichimis nuper in eos per calumniam concinnarat, atq; congesserat: videlicet Jerobaalis, hoc est, vastatoris *Beli*, filios, fratres suos, quantumcûq; nunc *Ephraim* suo (Epomidi Sacrificali, artis raræ, pretiisq; à Gedeone, victoriæ, religionisq; monumento hæredibus relicto) Beloque, studere videantur: ipsa paterni nominis recordatione perpetua stimulos; simulac dominari cœperint, in *Baal*, ac simulacrorum excidium tota mente incubituros; eo ipso nomine se exosum, ijs; effecturum se, si rei summa sibi à Sichimitis deferatur, ut non focus tantum, sed aris, lucisq; optimè sit consultum; neq; verò salvam esse posse Rempublicam, quam totidem reguli, quot Gedeonis filij, in factiones distrahant; remotis æmulis, imperium unitu-  
to committi.

*Abimele-  
chus ès fra-  
tres securi  
foris.*

Illi miseri, cum nec seipfos adversus potentiam armatam, defendere satis possent; nec ab alijs, hostilitate perterritis, audent defendi, capitis damnantur omnes: dièq; constituta, miserandò crudelitatis spectaculò trahuntur ad supplicium, à fratre fratres duodeseptuaginta. Supplicio locus deligitur (ò theatrum acerbum!) scopulus urbis Ephraë publicus, in summo plus latitudinis habens, quam fastigij. Feriuntur secuti post alium alius, in oculis civitatis illius, quæ patri Præturæ sedes, ac patria fuerat, Gedeonis omnes filij: nemine contrâ vel manum; vel, quod minimum fuerat, os saltem ac linguam connovente. Adeò nec Ephraëorū quidem, nedum reliquorum ex Hebræis, ad patrocinijs misericordiam

## ABIMELECHI CRUDELITAS, ET INTER. 177

sericordiam, fraternus à fratre fundendus cruor quemquam inflexit. Non DEI memoria; cujus ope Gedeon, pater eorum, gentem universam in libertatem asserverat: non ipsius Gedeonis grata recordatio; cujus tuba, gladius, victoria, triumphus, & annorum quadraginta clementissima prætura, bonis omnibus Israël cumularat. Cæde tam atroci perfectâ, Abimelechus Ephrâ Sichiman recurrit, & in Regem, re ipsa Tyrannum, non sine cæremonijs inauguratur. Exortâ brevi seditione civium, odio tyranni corripientium arma; confligitur ante urbem; cæduntur magna strage conjurati, Duce *Gaal*. Abimelechus urbem oppugnat, & fraude *Zebul*, urbis præfecti, captam incendit: quodque incolarum in ea repertum est, nullo sexus, ætatisve discrimine trucidat; Salem per omnes passim urbis ruinas ac rudera spargendum mandat: ut Sichima, ne fundus quidem aliquando arabilis fieri posset. Confugerat magna vis hominum in arcem mœnibus confertam, turritam & propugnaculis permunitam; cui Tyrannus circumpositis in orbem ingentium frondium acervis, primus ipse subdere cæpit facem; exemplum Imperatoris strenuè sequentibus cæteris omnibus; humidâ ramorum materiæ, quanto malignius primò flammam concipiente, tanto spissius, copiosiusque flammæ fumum evolvente: donec spatio moræ, ventorumque flatu, convalescens tandem incendium, & ab imò volutum ad superiora, arcem comprehendit, & absumpsit.

*Abimelechi crudelitas in Sichimitar.*

Hunc in modum Sichimitæ meritas DEO, & Gedeoni pependerunt pœnas; nec sua diu Tyrannum fata morata sunt. Nam annò post tertio, *Thebes* oppidum, Sichimitarum fugientium receptaculum oppugnare adortus; occupavit, ac diripuit. Urbe in potestatem redactâ, plurimi mortalium in turrim se receperant, sitam in medio civitatis, & propter egregias ædificationes ac propugnacula, Arcis nomine insignitam. Eodem non armorum modo, sed misilium, ac fortuiti generis instrumentorum vim ingentem apportarant, quibus subeuntes oppugnatores arcerent. Cerabatur igitur, hinc quidem telis & fundis, ac per catapultas adactis, perque tormenta molibus: inde verò regestis jaculis, ac devolutis in oppugnantes faxis; arborum truncis, ædium trabibus aqua, glareaque fervente: denique, quodcumque defendendi sui causâ, telum fors dedisset in manum, aut desperationi proximus furor ostendisset. Fervebat ætus certaminis: & inter certantes fortissimus, ac virtutis ostentator Abimelechus, quærebat omnem capiendæ turris aditum. Postremò, cum nihil succederet, ad incendiarias suas conversus artes, propius portæ succedit arcis, aggestisque virgultis, subdere facere conatur, ad Turrim unâ cum infestioribus inflammantem. Hæc molientem, una ex propugnatricibus conspicata, fragmen

*Abimelechi à semina lapide sternitur.*

molæ

molæ lapideum deiecit? hominēmq; craniō contractō prostermit. Ille cerebro defluente, mistum sanguinis rivum advertens, nec auctorem vulneris ignorans, in ea mortis necessitate, mandat ex armigeris uni, proximē stanti, ut se ferrō conficiat, mortēmq; jam cēptam absolvat, ne cēdis gloria manui muliebri tribueretur. Ita mortis dedecus parriciōdō propriō geminavit, & fædam animam Tartaro transmisit.

## DOCTRINA.

*Lapis Abi-  
meleebum  
opprimens,  
rationem  
rependit.*

**M**ERITO sic cecidit, qui dum viveret, turpissimis vitiorū mon-  
stris subjacuit; nimirum furori mentis, simulationi pieta-  
tis, fallaciæ, dolis, criminationibus, ambitioni, mendacijs,  
immanitati, sitiq; fraterni sanguinis; adhæc oblivioni cæli, desi-  
deriō rerum fluxarum, violentiæ, rapinis, & summæ scelerum,  
idololatriæ. Tot jam pridem animi propudij subactus, erubescere  
non debuit, à lapide, feminae manu jacto, semel occumbere.  
Saxum, quod olim utiliter in molis trivit fruges, utiliùs longè, cūm  
que Boni Publici commodis obtrevit hominem, non frugi; Suūq;  
jactu sapiens ac justus lapis, ultus est erectos Dijs profanis lapi-  
des in impias aras, atq; victimas: ultus est altarium *DEI Peri* sub-  
versa Saxa: & feralem illum lapidem, in cujus theatro nefarius  
parricida fratrum duodeseptuaginta lanienam instituit. Lapis igi-  
tur *istam* rependit: ut agnosceres, JUSTITIÆ DIVINÆ, non mu-  
lieris, fuisse dextram illam, quæ jactu tam perito caput noxium  
elisit.

*Fecitq; ex eo* (aurō, ex inauribus ceterisq; hostium ornamentis  
constatō) *Gedeon Ephod* (amiculū humerale pro sacrificijs cum  
reliquo Sacrorum apparatu) &c. Judic. 8. *Et factum est ei, et omni do-  
mū ejus in ruinam.* Nam cū eum ornatum Legitimo Numini de-  
dicatum, filij verterent in Baalis & idolorum cultum; eam ob cul-  
pam tota Gedeonis posteritas excisa est. Adeō exitiale est, res  
DEO Sacratas, in profanos usus transferre. Deinde, multa nos  
sæpè rectè sentimus; nec pèrperam agimus: quæ postea ta-  
men, alienā malitiā, rapiuntur in transversum. Præterea, salubri-  
ter destinata, malum exitum sortiri possunt, si in pravam volun-  
tatem detorqueantur: haud minùs, ac dulci de flore sugi pro-  
melle, viris solet, postquam apud pulvèrē, succedere cæpitaraneus.

*Abusus ve-  
rum Sacra-  
rum.*

Quàm vana spes & gloria parentum in liberis? Et sep-  
tuaginta Gedeonis filijs, nemo patri successit in principatu.  
*Heroum* Et quoties, heroum filij sunt noxæ! Religiosissimus parens,  
*filij noxæ.* filios post se reliquit: idola sectantes. Reputanti mihi ait in Seve-  
ro, Spartianus, neminem propè magnorum virorum optimum  
, & utilem filium reliquisse, satis claret. Deniq; aut sine liberis  
, viri interiunt, aut tales habuerunt pleriq; , ut melius fuerit,  
de

## ABIMELECHI CRUELITAS, ET INTER. 179

, de rebus humanis sine posteritate discedere. Idq; exemplis confirmat. Sed hæc pœna idololatriæ fuit.

Superbiæ & Ambitionis genius, exemplum sui in Abimelecho dedit; est enim præceps, amens, audax, novarum rerum cupidus, veterem exosus Religionem, novos amplectitur ritus, novosq; DEOS; sceleri virtutem prætexens; in proprium etiam sanguinem crudelis.

*Genius superbiæ & ambitionis*

Habes etiam in hoc fratrum, & civium parricida, imaginem Tyranni; sub quo fuit sanguinarium initium, processus atrox, feralis exitus. Ingressus est in dominatum, ut vulpes, regnavit, ut leo, mortuus, ut canis, non baculo, sed lapide percussus. ô quàm

*Tyrannorum supplicium.*

Multos timere debet, quem multi timent!

Ad generum Cereris, sine cæde, & vulnere pauci

Descendunt reges, & sicca morte tyranni. Juven. Sat. 10.

Et verissimum illud: Nullum violentum, diuturnum. Triennium tenuit Abimelechi tyrannis. Quàm rectè Thales; rogatus, quid rarum in humanis vidisset, respondit: *Tyrannum senem.*

*Misistq; DEUS spiritum pessimum inter Abimelech, & Habitatores Sichem.* Judic. 9. Ita est. Virtus ut ipsa sibi, merces est, ita scelus, pœna. Sichimitas ubi puduit, pœnituitq; se, rémq; suam publicam parricidæ permisisse, torquente reos conscientia, mutuis odijs, & discordia conflictati, ferrum in se Tyranni verterunt. Nam quæ pax sit impijs? aut quæ fides, Gedeonis & religionis proditoribus? Videlicet ad extremum nequitia seipsam perdit & magnam veneni sui partem bibit.

*Merces perfidia.*

Tyrannidis indolem eleganti apologo expressit *Joathamus*, (quem diximus, ex omnibus Gedeonis filijs, unicum, crudelem Abimelechi manum effugisse) quò Sichimitis exitium intentat, ac pronuntiat, quod Tyranno imperium commiserint. Non secus, ac si olea, fico, vite, lignis fructiferis (id est, viris bonis) principatum recusantibus, Rhamno, seu rubo summa rei crederetur, qui cum sit spinosus frutex, & sentibus plenus, tenet quidquid attigerit, & retentum vulnerat, quasq; delectatur vulneratorum sanguine. Et is tamen umbrâ, protectionem, securitatem polliceri non veretur; cum sub eo confidentibus, nec brachium porrigere liceat, nec corpus commovere, quin spinarum aculeis compungaris, quod tyrannorum ingenium est; qui si non fiant omnia promptè, quæ præcipiunt, excandescunt, & iram non in vulgares tantum homines, sed in primores etiam, qui per cedros libani significantur expromunt. Vide c. Jud. 9. Symbolum igitur tyrannidis est, rhamnus, in speciem arbusculæ, aculeis horrentis, dilatata, in apice flammam spargens, sub eo homo sedens complicatis brachijs. Cum lemmate: *Cæde umbram vel: quos protego, lacero. vel: quos in umbro, comburo, vel: Si te movérû.*

NARRA-

NARRATIO XLVI.  
 RVTHAE MOABI-  
 TIDIS AD CULTUM DIVI-  
 NUM TRANSDUCTIO, ET FELICES  
 NUPTIÆ.

Lib. Ruth.

Anno Mundi 2810. Ante Christum. 1243.



Equum est Divinæ manum exoculari Pro-  
 videntia, siue mitiorem se nobis præbeat, siue auste-  
 riorem. Meruerunt Abimelechi, & sichimitarum,  
 præ alijs, flagitia, omnem ut Chananitidem no-  
 vum flagellum, fames scilicet, castigaret. Quia ta-  
 men multorum innocentia, calida mittebat in cœ-  
 lum suspiria; ita Justitia Divina strinxit virgam, ut ei frondem o-  
 livæ innecteret Misericordia. Sterilis Palæstinæ squalor, felicitat-  
 um omnium Copiæ Cornu, Messiam, acceleravit. \* Ejus rei  
 narratio hæc est.

*Fames Eli-  
 melechum  
 cum fami-  
 lia in Moa-  
 bitidem ex-  
 pulis.*

Terram nuper melle, lacteq; & rerum omnium ubertate ma-  
 nantem, immissa coelitus fames affixit adeò, ut multis, si vitam  
 vellent conservatam, non modò solum natale vertendum, sed dum  
 Saluti corporis consulitur, animi discrimen esset subeundum, a-  
 pud gentes à vera Religione alienas. Inter eos, civis quidam fuit  
 Oppidi Bethlemij; (quod tametsi ob agrorum fertilitatem Do-  
 mus PANIS appellaretur, adeò tamen exhaustum erat frugibus,  
 ut necessitas incolas adigeret ad alias sedes quærendas) nomen  
 ei *Eli melechus*; vir lautis, dum terra favebat, opibus; nunc com-  
 muni pressus malò, cum uxore *Noëma*, geminisq; filijs, *Maba-  
 lone* & *Chelione*, in Moabitidem concedere coactus; non diu pòst,  
 extremum peregrè diem obiit. Filij cum non incommode ha-  
 bitarent inter Moabitas, fixerunt domicilium in Arabia (cujus  
 pars est Moabitis) urbe principe, quæ *Petra* dicebatur, ob loci Si-  
 tum, circumquaq; rupibus ac præcipitijs munitum; (Sunt, qui  
 opinentur, esse hodiernam Turcarum *Mecham*, ubi desestandum  
 Mahometi sepulchrum visitur) ibi duxerunt uxores, gentilitatis  
 tenebris involutas, quarum alteri nomen *Orpha*, alteri *Rutha*.  
 intra decennium mors utriusq; maritum extinxit; uni ta-  
 men nuruum, religionem & salutem dedit, focruì patriam reddi-  
 dit.

dit Noëma quippe, cum nihil esset, quod ipsam ultra extorrem à patria retineret, non filij, non maritus, non frugum inopia, desiderio natalis soli, & avitæ religionis, destinat revivere Chananitidem; offerunt se viæ comites, nurus. Illa, cum nesciret, quod loco res essent domi suæ, suadet, ut remaneant in patria, neque incertum in eventum, miseram socrum cupiant sequi; distringebat nimirum animum piæ matronæ, religio, quæ vetabat alienigenas feminas, superstitionis irritamenta, in fines Hebræos, thalamosq; inducere; quod si verò melior de cælo mens eis injecta esset, putabat constantiam difficultate admissionis experiendam. Quare bene precata ambabus, osculum benevolentiae impertit, & collaudatas ob fidem & amorem erga maritos, abs se dimittit. Quod suavior valedictio, hoc ægrior accidebat divulsio; quare ne mutuo disjungerentur, multis lacrimis institerunt. Sed ut feminarum mutabiles sunt in utramq; partem impetus, cessit *Orpha* Noëmæ hortatui, & patrijs in laribus, superstitioneq; à qua socrus eam abductam mallet, permansit. *Rutha* verò, certa Noëmam non deserere, negat ab ea se recessuram, sed communem potius patriam, communemq; DEUM habituram.

Reditur igitur tempore, quod Thola prætutam gerebat, in Chananitidem, inq; *Bethleemum* oppidum, patriam Noëmæ sedem; (quæ *Ephrata* quoq; appellatur) excipiuntur perhumaniter, cum vicinarum gratulatione mulierum, quam tamen haud parum temperavit Noëmæ luctus, marito, filijs, fortunis in decennali exilio viduatæ. Cogebat itaq; paupertas Rutham, jam Sacris judaicis initiatam, deciduas post demessam fegetem spicas colligere. Et ecce, non tam fortuna, quam DEI voluntas tulit, ut spicilegium institueret, in agro cujusdam viri opulenti, appellatione *Booz* Bethleemitæ civis, & Elimelech consanguinitate juncti. Qui animadversa puellæ sedulitate & diligentia in colligendis spicis hordeaceis, blandius cum illa agere cæpit, factaq; non legendi tantum, sed metendi quoq; gratiâ, insuper ad messorum prandium advenam invitare. Tantæ comitatis argumento, magis accensa puellæ modestia, verbis, factisq; gratæ, demissæq; mentis specimen, reponere; uti liberalitate viri, interq; ancillas metentes quotidiana consuetudine discumbere. Ingenuus puellæ, quamquam peregrinæ, pudor, omnium sibi animos demerebatur, ut bona eorum veniâ non modò cibi, (polentæ seu farris rossi,) reliquias seu apophoreta, quotidie domum ad Socrum; sed hordeaceum quoq; manipulum reportaret; quem vesperi cum exeuteret virgâ, tres omnino modios extrivit, quorum proutraq; dierum annonam.

Messe peracta, Noëma nurui suæ, cujus virtutem abunde

A a

pro-

*Alteram nuntium cum Noëma in Judæam se confert, altera remanet in patria.*

*Rutha apud Boozum ejuſq; messores gratia.*

*Boozus Rutham sibi matrimonio jungit.*

probârat, de honello conjugio prospectura, auctor est ei, ut cultiore (quantum ferebat fortunarum tenuitas) ornata vestitu, ad dormientem in area, sub dio, Boozum, clam per tenebras adreperet, seq; ad pedes hominis abijceret. Esse virum illum sibi propinquum, esse provectum ætate, sine uxore, sine liberis. Rutha pro simplicitate ejus ævi, proq; obsequendi studio, morigeram se præbet consilio. Boozus de Somno experrectus, ubi mulierem nocte sublustri conspexit, didicitq; , quænam esset, quidq; peteret; tacuit ille tum quidem, & se iterum sopori permisit. Manè summo, priusquam famuli ad opes surgerent, excitatam, jussit hordei, quantum ferre posset, capere, & ad focrum reverti, spe facta conjugij, nisi esset, qui pro jure propinquitatis arctioris, eam ex lege duceret, & Sobolem defuncto Mahaloni marito suscitaret. Cum verò Boozo, & possessio agrorum Elimelechi, & Ruthæ matrimonium legitimè cederetur; publica contestatione & congratulatione omnium contractæ sunt nuptiæ; quarum nobilissimus fructus annò post extitit, natus filius, nomine *Obedus* ex *Obedo* prognatus *Jesse*, ex hoc *David*: ex Davide, per Successionem Progenitorum, CHRISTUS JESUS, MESSIAS, perditæque salutis REPARATOR. Sic paupertas non bonas tantum artes, sed seculorum omnium felicitatem extudit.

## DOCTRINA.

*Exemplum Prædestinationis Ruth: reprobationis Orpha.*

**O** Rpha osculata est Socrum ac reversa est, cap. 1. lib. Ruth. In hac historia (inquit noster Ludovicus de Ponte, initio Tractatus primi cap. 1. de perfectione hominis Christiani) abyssus continetur *Prædestinationis*, *Vocationis*, & *Justificationis* Ruth; *Reprobationis*, verò, damnationisque Sociæ ejus Orphæ, culpâ suâ. In qua re locum habuit, quod dixit ipse Salvator noster. Matth. 24. *erunt duæ molentes in mola: una assumetur, & una relinquetur*; in mola enim infidelitatis erant hæ duæ mulieres, quarum altera assumpta est, & electa ad cælum; altera relicta, ut iret ad infernum. Id jam antè cecinit Prudentius, in Hamartigenia seu Origine Peccati:

En tibi signatum libertatis documentum,  
Quod voluit nos scire DEUS, quodcunq; sequendum est,  
Sub nostra ditione situm: passimq; remissum  
Alterutram calcare viam.  
Aspice Ruth generis Moabitidis, & semel Orphem,  
Illa focrum Noëmin fido comitatur amore,  
Deferit hæc &c.

*Virtutes Noëma.*

Io Noëma elucet multiplex virtus. 1. Constantia in vero DEI cultu, etiam cum in idolatrarum regionem extrusa. 2. Zelus, dum

dum ad eundem cultum, nulum suam Ruth adduxit. 3. Prudentia, dum tam peritè hujus exploravit animum, & confirmavit. 4. In adversis, asperisq; rebus tolerantia, maximè in fame, egestate, & quodam quasi exilio. 5. Patriæ amor: dum ad illam vetula jam, & decrepita redire voluit. 6. Sapientia in Rutha conservanda, dirigenda, & ad felicissimum tandem connubium provehenda, è quo Salus Mundi, Terræ gaudium, cœlorum lætitia, Christus JESUS prognatus est.

Multarum quoque laudum est Rutha speculum. 1. amoris observantiæ, fidelitatis erga focum, quâ patriam cum externa regione, domesticam religionem cum peregrina commutare non dubitavit. 2. Demissionis animi, laboris, industriæ in colligendis hordei spicis. Nimirum labore non opes tantum, sed & virtutes parantur. Verè Salomon Prov. cap. 12. *Melior est pauper sufficiens sibi, quàm gloriosus & indigens pane.* Multi namq; malunt domi esurire, foris splendere; unde ipsa splendida paupertas. 3. Frugalitatis, & abstinentiæ, dum parvo contenta, naturæ desiderijs, polentâ, messorum cibo, satisfecit. 4. Officiosæ Charitatis erga focum, cui quotidie apophoreta tenuis mensæ in cœnulam afferebat. 5. Modestiae & prudentiæ in benevolentia Boozii concilianda. 6. Constantiæ, nam Ruth cap. 2. *Collegit in agro viæ, ad vesperam, & quæ collegerat; virga cadens & excutiens.* Constantiæ monet pertinax hic labor, & exigendæ ab animo actionis sub serum vesperum. Dicta, cogitata, facta diei sunt in manipulum colligendâ, & collecta diligenter excutienda. Matrimonialis pudicitiae, & conjugalis fidei; dum non tantum pia fuit in virum viventem, sed etiam in mortuum, al-laborando ut sine liberis defuncto Successor familiæ suscitaretur per matrimonium cum propinquo, quanquam imparis ætatis; cum domi suæ potuisset juvenibus nubere. Hinc, cap. 3. *Benedicta es à Domino filia &c. quia non es secuta juvenes pauperes, sive divites.* Propter has aliâsq; virtutes, meritis eam laudibus afficiens Boozus, Ruth. c. 2. ait: *Scit omnis populus, qui habitat intra portas urbis meæ, mulierem te esse virtutis.* Viraginem scilicet strenuam, sedulam, laboriosam, industriam. Ecce quid virtus possit, quæ puellam peregrinam, advenam, tam citò omni populo commendavit.

Boozii laudes. Jam Boozus quoq; varia meretur encomia. 1. Ob curam rei æconomicæ, dum sua ipse prædia, & operas revisit. Plin. lib. 8. c. 6. Majores, ait, fertilissimum in agro oculum, domini esse dixerunt. Et Aristot. lib. Oeconom. Optimum agro, rum stercus inquit, sunt domini vestigia. 2. Ob liberalitatem & humilitatem in pauperem, & peregrinam puellam. 3. Ob frugalitatem & duritiem vitæ, dum vir potens & locuples sub Jove fr-



gido, substrato hordei manipulo, somnum capit. 4. Ob infignem castitatem, qui Rutham ætatis floridæ puellam, ad pedes cubantem, contingere non sustinuerit. 5. Ob legis divinæ observantiam, qui uxorem duxit alienigenam, pauperculam, non libidini, sed fidei: non delectationi, sed religioni: non voluptati, sed iustitiæ & charitati, ad suscitandum semen cognato sanguini.

*Unde malitia libero-  
rum.*

Et verò, quales parentes, talis erat partus, id est, optimus, & parentibus aliquando obsequijs suis, baculus senectutis futurus, nam *Obed* idem est, quod serviens, sustentans, sublevans. S. Chrysost. homil. 1. in Matth. subditum interpretatur. Audiamus Sanctum Patrem: Talis, inquit, Booz ex tali conjuge Ruth, qualem filium genuit? Obed, qui interpretatur, subditus. Nunc autem qui divitias eligunt, & non mores: pukritum; dinem, & non fidem; & quod in meretricibus solet quæri, hoc, in conjugibus optant: propterea non generant filios subditos, vel sibi, vel DEO, sed contumaces & contra se, & contra DEUM; ut filij eorum, non sint fructus justæ conjunctionis eorum, sed pœna condigna irreligiositatis ipsorum. O felicem igitur, Rutham! de qua Abulensis illud Isaïæ 16. explicat: *Emitte agnum Domine dominatorem terra, de petra deserti, ad montem filia Sion.* Nimirum intelligebatur de Metlia, qui futurus erat de filijs David: & ipse David futurus erat de stirpe Ruth, quæ oriunda ex urbe Moabitidis, quæ vocatur *Petra Deserti*.

*Felicitas  
Rutha,*

## NARRATIO XLVII. IEPHTES HE- BRAEORUM PRAETOR IX. UNIGENAM FILIAM SACRIFICAT

Judic. cap. 11.

Anno Mundi 2850. Ante Christum 1203.

*Hebræorum  
in veterata  
malitia, &  
reposita cla-  
des.*



Contrita sæpius bellorum calamitatibus Hebræorum idololatria, identidem vitiosa de radice, velut herba mala repullulavit. Cum DEUS extenderet manum, facienda promittebant: cum suspenderet gladium, promissa non solvebant. Iterum iterum Ammonitarum armis vicenniò totò oppressi, ultima quæque expectabant. Ubique luctus & clamor, DEUM in auxilium, rebus

rebus afflictissimis, vocantium. Certamen videbatur susceptum, nunc Justitiam Numinis detestandis defectionibus provocando: nunc Clementiam, coactis tot calamitatum tempestate lacrimis, sollicitando. Supplices igitur prostrati humi coram Fœderis Arca, exterminatis idolis *Baalis* ( seu Jovis Beli ) & *Astaroth* ( seu Astartes sive Veneris ) non antè desistunt pulsare cœlum precibus, quàm misericordiam everberarent, toties *Confidentes Rei*.

Reconciliatō per supplicia Numine, cœptum est humanis de auxilijs consultari. Deliberantibus igitur de strenuo belli Duce, nemo omnium visus est potior *Jephtâ*, Galaadite, è tribu *Gad*, quem fratres, quod è Concubina susceptus esset, hæreditate paterna, domoq; depulerunt. Eum tamen virtus reddidit illustrem, & frequentes de Ammonitis & Philisthæis relatæ prædæ, quos cum armata militum, eandem Fortunam sequentium manu acriter infestabat. Is ergo cū crebris jam antè velitationibus incurstantes Ammonitarum latrunculos ita compescuisset, majoribus ut copijs, & auctoritate videretur muniendus, summæ, rei militaris præficitur. Cū verò nollet nisi vim vi pulsurus ad arma venire, missis ad hostes legatis, sperabat litem, quæ Ammonitas inter & Galaaditas ob cōfinia intercedebat, sine sanguine componi posse. At illis mitiora spernentib' consilia, suūmq; jus in ferro ferentibus, Jephthes pro Bono publico, patriæq; libertate, justas in iras furgit: animos addente non tam insita alacritate, quàm altiore, de cœlo, virtute. Ante alios Hebræorum, Galaaditas, populares suos, ad arma vocat; quorum cū validam contraxisset manum, bellum translaturus in hosticum, movet in Ammonitidem; conceptō prius voto, se, si victoriâ contingeret potiri, hostiam DEO mactaturum, quod animalium victori sibi, lares domesticos repenti, primum occurrisset. O mentes hominum futuri improvidas! erit, cū volet, sapientius optasse, & vovisse Jephthes. Itur in hostem, pugnatur acerrimè, funditur, fugaturq; Ammonitarum exercitus, manubiæ hostiles, & urbes complures capiuntur; jacent ingenti prostrati clade, & jam de dominatu desperant suo, qui libertatem perditum ibant alienam,

Lauros Victoriæ & libertatis Vindici, gratulantium voces ubiq; personant. Patria se Patri suo effundit in occursum; jo triumphe! debellatori hostium occinitur; inplausum victoriæ sexus omnis & ætas venit. Dux ipse Jephthes jactata per ora populi vota, gratus DEO, tanti gaudij Datori remittit. Iamq; triumphali pompâ in urbem *Maspham* invehebatur; cū ecce; ô triste spectaculum! testa subituro parenti, obviam se primò omnium fert filia, in qua virtutes cum forma certabant, spes una, & lux familiæ; dux ipsa virginei

*Iterum DEUS propitiatur.*

*Jephthes in Ducem eligitur.*

*Votum Jephthes.*

*Sternuntur hostes.*

*Occursus unigenæ filia.*

chori, festo tympanorum sonitu, Patri, Libertatis Hebrææ Af-  
fectori victoriam gratulatur; Dianam dices inter comites, ve-  
lut Lunam inter sidera minora gradientem:

natat ignis in ore

Purpureus, fulvôq; nitet coma gratior auro.

*Affectus in  
parente.*

*Filia forti-  
tudo.*

Ad occursum tam insperatum quò se verteret afflictissimus ge-  
nitor? utrius magis pœniteret illum, victoriæ, an voti? trium-  
phus abit in luctum; epinicium in nœniam. Atonitus primùm  
crudelitatem voti sui damnabat; exin revocatò in mentem Ab-  
rahæ filium immolantis exemplò, in ejus imitationem æstua-  
bat; rursus impiam pietatem abhorrebat; mox, quid DEO de-  
beret, recurrebat; sed reclamabat natura. Ita secum ipse luctans,  
& altos pectore gemitus premens, tandem collecto fortius spi-  
ritu; Vicinus, inquit, vicinus filia, sed tuo sanguine, & cum di-  
cto, vestem in geminas scindit partes. Nec moratus, niceteria  
canenti, funus indicit: nuncupati religionem voti exponit, non  
alio, unicæ nisi filiæ Capite exsolvendam. Hic puella, nescio,  
promptior an obsequiò; an durior imperiò pater; contra nihil  
obtendere, nihil errori voventis opponere, nihil deprecari. Hoc  
unum petere, lessum ut liceat prævertere; indulgeret parens bi-  
mestre non amplius spatium, quo juga montium cum Sodalium  
choris obeundo, & suæ virginitati sine prole mórituræ, & parentis  
orbitati, hærede carituri, vivo funere parentaret. Obtinuit, quod  
rogabat; neq; enim decebat, statim, quasi amentem in arenam de-  
scendere, in gladium ruere, in flammam insilire; sed temporis &  
judicij maturitate in scenam tam insolitæ tragœdiæ prodire.

*Ephraimi-  
tarum sedi-  
tiogravi  
clade re-  
pressa.*

Interea dum in luctu duo menses abeunt motus Ephraimi-  
tarum, unius è duodenis Hebræorum tribubus, intervenit; ni-  
mia gloriæ cupiditas, & rerum à *Galaaditis* gestarum invidia stimu-  
labat animos, ut superbè expostularent cum Jephthe, quòd ad belli  
Societatem vocati non essent. Cujus mollibus responsis cum con-  
vivia & atroces minas illi reponerent, res ad manus venit. Victi  
sunt *Ephraimitæ*, qui transito Iordane bellum ultro intulerant. In fuga  
repetentes eadem littora, ignoratio tesserae militaris prodidit,  
& perdidit; à *Galaaditis* quippe intercepti, sese *Ephraeos* metu  
mortis negabant. Unica Syllaba fraudem aperuit; *Scibboleth* (Lati-  
nis spicam) aspiratè pronuntiare nequibant; sed blæsa voce *Sib-  
boleth* dicebant; quare mox apprehensi, jugulati, inq; profluentè  
abjecti, mentis elatæ, & intemperantis linguæ pœnas dederunt,  
cæsis non minùs quadraginta duobus hominum millibus:

Cæterum elapsò, quod dixi, temporis spatiò, Jephthias  
(quam *Seilam* vocatam aiunt) pari fortitudine, quâ nuntium  
subeundæ mortis acceperat, è montibus ad urbem revertitur,  
ad

ad patrem filia, ad aram victima; quam nec fletus æqualium movit, nec dolor inflexit, nec gemitus retardavit, nec fefellit hora. Procumbit in genua, devota Numini hostia, vultuq; in hilarem mortem composito, dat accipitq; supremum à patre osculum, nudat virgineum collum, præbet cervicem interrita: excipit ferrum in pietate crudele. Decusso vertice, saliens è vulnere sanguis stridet, facundus sine lingua testis & orator, quousq; se expórrigat obsequium patri, patriæ, DEO debitum. Inde corpus exanime, recompositum cum capite, collocatur in rogo, ad id extructo, & in holocaustum concrematur, cinere in urnam illato. Exinde mos inolevi, ut puellæ Galaadinæ non tam tristissimi funeris, quàm præclarissimi facinoris memoriam quotannis iterarent, lugubres nænias, & carmen exequiale quadriduo canentes, mixtis planctui encomijs Jephthadis imolatæ. Sunt, qui votum hoc Jephthæ, factumq;, impietatis & crudelitatis damnent. Sunt, qui præposteram viri militaris religionem, ob ignorantiam absolvant. Sunt deniq;, qui laudibus effertant Sacrificium, à DEO inspiratum, in prototypon illius, qui olim, non pro aliquo terræ angulo, qualis Palestina fuit, sed pro totius salute Mundi, vitam erat, sanguinemq; daturus. Certè potuit Jephthæ obijci illud: Turpe est in re militari dicere: NON PUTARAM. Et fortuna (imò DEUS) plerumq; eos, quos pluribus beneficijs ornavit, ad duriores casum reservat.

## DOCTRINA.

**V**erosimilius, inquit noster Cornelius à Lapide in cap. 11. Judic. est, votum Jephthæ fuisse illicitum, & impium, quod contra jus omne, naturæ, divinum, humanum, mactârit hominem, imò filia. Potest tamen excusari. 1. Ob ignorantiam & ex inconsultum Religionis Zelum. 2. Sperabat, ut indicat Augustinus, si Sacrificium DEO gratum non esset, id impeditum iri, exemplo Abrahamici. 3. Credebat bonæ Virginis animam Piorum sedibus receptum iri. 4. Putabat, nisi votum expleret, ejus rei supplicium toti reipublicæ, cujus erat peramans, luendum fore. 5. Voti sanctitatem metiebatur eventum; nam si Displicuisset DEO, victoriam relaturus non fuisset. Quid quid sit, verè pronuntiavit Ecclesiastes cap. 5. *Displicet DEO infidelis, & stultus, & promissio*. Huc pertinet illud Mercurij Trismegisti ad Statium, apud Stobæum, sermon. 11. de veritate. Siquidem, inquit, inter homines, tres extant causæ, propter quas pollicita violant, & mentiuntur. Aut enim statim à principio quispiam aliud, quid per fraudem dicit: aut ejus, quod dixit, postea ipsum pernitet: aut ad perficiendum invalidus est factus. Ex his primum, est prævæ voluntatis; alterum imbellicis judicij; tertium infirmæ facultatis.

Sed

*Jephthadis  
excelsus a-  
nimus.*

*Votum Je-  
phthæ alio  
probatur,  
alio impro-  
batur.*

*Cur permiffa à DEO  
cades Jephthæ  
sindii.*

Sed cur DEUS permiffit mortem Jephthæ? 1. Ut effet figura clariffima Chrifti, pro nobis necem fubituri. 2. Ut fplendefceret magis Jephthæ fides, & fuma erga DEUM religio. 3. Ut pariter virgunculæ tenerrimæ, in patrem, patriam, Deumq; pietas, & animi magnitudo, velut fpeculum Orbi terrarum præluceret. 4. Ut omnes intelligerent, quàm accuratè, diligenter, inviolatè, quæcunq; vel confilio bono, vel divino monitu & infinctu effent vota, DEO reddenda.

## NARRATIO XLVIII. SAMSONIS DECIMI TERTII HEBRAEORUM JU- DICISSEU PRÆTORIS, MIRA FACINORA,

**S**amfon ad profligandos Philiftæos natus, ætatis anno vicesimo, in fortitudinis rudimentum, leonem inermis difcerpsit; ac pofttea, afini maxillâ, quafi Herutles clavâ, mille hoftes mactavit: *Gaza* obsessus, portas urbis non modò repagulis emovit, fed & humeris, quafi victoriæ ferculum detulit. At vir tantus impingens in fcopulum, amatâ Dalilâ, proftituti corporis feminâ, (adèd difficilior effe continentem effe, quàm fortem) atq; arcandò, de crine, detectò, captus, illufus, excæcatus à Philiftæis, in piftrinum viliffimi bruti infar adactus, pænas amoris impuri dependit. Morte tandem fuas, divinasq; ultus injurias, excufsis columnis, dejectò tectò, contrivit omnes hoftium principes, quadragesimò ætatis annò. Vidit licet cæcus, fe gloriofius mori non poffe. Hæc de heroè, compendio. *Mox* Robur, Captivitatem, Interitum, tribus narratioibus diftinctius referemus.

ROBUR

## ROBUR SAMSONIS

Judic. 13. 14. 15.

Annis Mundi 2880. 2881. 2882. 2884. Ante Christum

1173. 1172. 1171. 1169.



**I**sraëlitæ legum ac beneficiorum DEI, sicut sæpius ante hac, rursus obliti annos admodum quadraginta, postquam à Jephtha, hostili oppressione liberati sunt, vestigales Philisthæis, idolorum, & Palæstinæ (regionis, quæ secundum litus maris Phænicij extenditur, quinq; insignioribus urbibus inclytæ, nempe *Geibâ, Accarone, Azoto, Ascalone, Gazâ,*) cultoribus, Afertorem libertatis suspirabant; quem DEUS nullis populi mali bonis meritis, sed suapte benignitate provocatus, submisit. Fuit is Samson, natus Patre *Manué* viro de Tribu *Dan* qui à puero Nazaræorum instituta, Angeli monitu, sectatus, vino, & quavis alia inebriante portione, juxta legem abstinerebat, in tonsilémque cæsariem alebat, in qua roboris à DEO concessi erat innexa gratia.

Adultioris jam ætatis, nactus annos, multa, memorandæque Fortitudinis suæ documenta præbuit. Primum enim omnium ad vineas oppidi Philistinorum *Thamnata*, catulum leonis, jam prævalidum, & infano rugitu, ferociam suam professum; obvium prior occupavit: rictuq; comprehensum, frustatim discrepsit; idque nudis, & armorum omni præsidio destitutis laertis. Cujus ipsius feræ palatò, jam exanimatò, paucis post diebus, examen apum infedisse, casu deprehendent: favum mellis inde raptum partim absumpsit ipse: partim parentibus, viæ comitibus, impertijt. Inter epulas deinde nuptiales, quas Thamanatæa cive ductâ (nam inter Judæos, & Philisthæos, tributaria servitute contentos, commercia miscebantur) coævis suis apparârat, ænigma triginta convivis proposuit in hæc verba: *De comedente exivit cibis, et de forti (leone scilicet) egressa est dulcedo* (mellis) Solutionis pactò, totidem ut eis subuculas lineas, & tunicas superiores deberet. Sin' ipsi eadem conditione passionis tenerentur. Cùm quatrividò frustra in eo nodo solvendo laborâssent, jamque dies septimus illuceret, & nuptiarum festivitati, & Oediporum moræ finem impositurus, Samson importunis novæ nuptæ blanditijs, & querelis victus, arcanum ei problematis aperit; illa pro genio muliebri convivis, minaciter id exigentibus patefacit; explicatur ænigma; Samson fit reus promissi præmij; quod ut dependeret, incitante spiritu descendit Ascalonem, maritimam Philisthinorum urbem. Ibi, seu provocans ipse prior,

*Fortia facinora Samsonis. Catulum leonis interfecit.*

*Problema de interem pro leone.*

B b

seu

*Triginta  
Philistheos  
necat.*

*Vulpes cum  
facibus in  
segetes  
Philistinorum  
immit-  
tit.*

seu (quod vero similis) à barbaris per contemptum servitutis provocatus : triginta Philistheos interficit ; ac spoliatorum vestimentis, Thamnatæo contubernio debiti sui fidem exsolvit. Cum autem nuptijs jam perfectis, Samson cum parentibus, negotiorum causâ, domum paternam repetisset : & focer, seu perfidiâ barbaricâ, seu poenitentia, detestationeq; generi circumcisi ; si-ve deniq; cum sponso, pariter etiam sponsæ memoriam abijisse ratus, alij filiam suam collocasset : gravissimè Samson hâc irritatus injuriâ, minas genti Philistinorum, & clades, undecunq; sibi facultas offerretur, indixit ; indictasq; multis & mirandis modis præstitit. Nam segetes, vineas, oliveta barbarorum incendit ; illigatis ad caudas vulpium trecentarum facibus ; quas ille captas in spelæis montium Modinæorum, & binas inter se colligatas, sparsim in agros, hortosq; cum incendijs immittebat. Austore mox tantæ cladis cognito : Socer Samsonis, ac filiæ socii, cum ædibus, & omni familia, decretò Procerum Philistinorum exuruntur.

Nec tamen hâc vindictâ contentus Samson ; obvios quoq; Palæstinorum invadit ; ac maximo numero trucidatos, per agros, atque suburbia dispergit : mæstò barbarorum spectaculo ; quodque consiliorum incertis, & stuporem pariter, & animorum consternationem iniiceret. Quibus perfectis, Samson aliquantum respiraturus, in Judæam, seu regionem Tribus Judæ abit, ac viaticò secum deportatò, se recipit in altissimum *Eshbæ* petræ recessum. Hebræi cum viderent se peti, Philistinorum armis, nisi profugum, è latebris ultro protraherent ; polliciti Philisthæis legatis, se vivum cum tradituros, ter mille fortissimorum hominum, ad Samsonem in specu delitescentem, mittunt, qui vel precibus, vel vi & armis in hostium potestatem adducant. Samson, fide data ne trucidaretur, prodit è specu, vinciendumq; gemino fune recens plexo, se suis permittit, à petra deportandum in castra Philisthæa. Barbari lætitiâ successus, oblataque vindictæ, in clamores elati, certatim in occursum, & gratulationes mutuas effunduntur. At multitudinis hostilis conspectu, tantum abfuit, ut animo frangeretur ; magis ut etiam, quàm unquam antehac, exardesceret, ac spiritu roboris in eum, insolitis quibusdam stimulis illabente, dirumperet ambabus manibus utrūq; funem : vincula projiceret, in campi medium prosiliret : ac fortuitò conspectam asini maxillam, jam carne nudam, ac dentibus adhuc armatam, tanquam enssem sustolleret. Iis instructus armis, in confertos hostium cuneos irrumpit : ac sævi leonis more, partes ad omnes, imperterritum corpus circumagens ; dextrorsum lævorsumque cædebat, sternebatque, quidquid usquam infestum obstaret. Ita mille

*Rumpit funes.*

mille viros, vir unus, jumentum maxillâ confecit; nescias, duellone potius, an prælio dixeris? an utroque? Philistæorum exercitum in fugam verſo, ipſe labore confectus, ac ſiti cruciari cæptus, cum fontariam circumſpiceret, nec in propinquo tamen reperiret, fontem precibus è dente molari maxillæ elicit. Victoriæ porro præmium fuit *Judicialis poteſtatis*, quam exercere jam antè cœperat, confirmata Samſoni poſſeſſio, ſuæ gentis publicò decreto. Qua tamen ille poteſtate, non, ut ante ſe cæteri Prætorum, eductis in aciem exercitibus, ſed privatis potius viribus, ac dimicationibus uti conſuevit, manente in Philisthæis odij veteris æterno ſemine, vindictæq; cupiditate.

Fortè negotij rationes ſic ferebant, ut Samſon fiduciâ fæderis, quod inter Philisthæos & Hebræos, illorum ſtipendiarios intercedebat, intraret *Gazam*, urbem inter Palæſtinas claritate nobilem. Ibi feminæ cujuſdam impudicæ aſpectu captum, amoribus & technis utentem, Gazæ poſitis ad urbis portas excubijs, feram in reti credunt implicitam tenere. Expergefactus de medio noctis Heros, inſidias divinitus edoſtus, ſurgit, ac repletus ingenti viroboris, ad portam ab ea, quâ pridie Gazam intrârat, averſam ultro pergit, ſtationem, excubiâſque fugat, utramque portæ forem cum Seris ſimul & poſtibus, atque cardinibus evelit; mox humeris ambas ſublataſ aufert, nemine Gazenſium perſequi diſcedentem auſo nec deponit onus, quoad in jugum evadat montis, urbem *Hebronem* è propinquo reſpicientis, ſeptem ut minimùm milliaribus Germanicis inde diſtantis. Ibi tum demum laboris finem, & Gazenſium illuſioni monumentum poſuit: *Saraam*, urbem ac domum ſuam reverſurus.

## DOCTRINA.

**D**ilaceravit leonem, quaſi bœdum in fruſta diſcerpens Jud. 14. Vulgatum eſt illud:

Dulcia non meruit, qui non guſtavit amara. Idem alijs verbis Plato: *difficilia que pulchra*. Amarus labor, dulcis fruſtus, juxta Poëtam Senec. Herc. Fur.

Quod fuit durum pati

Meminiſſe dulce eſt.

Et Plaut. in Curcul.

Qui è nuce nucleum eſſe vult, frangit nucem ſinis ſpectandus rerum difficillum, non initium.

Non terruit Samſonem, etiamnum adoleſcentem, ferocia, & rugitus leonini catuli, quippe qui ſciebat, virtutem rebus arduis exerceri, probariq; Mel in riſtu leonis docet, virum fortem nec adverſis (leonis occurſu) frangi: nec proſperis (ſavo mellis) enervari. *Mel invenisti*, ait Salom. Prov. 25. comedere, quod ſufficit tibi.

*Maxillâ aſſinâ mil-le Philisthæos cruciat.*

*Fons è maxilla aſſini proſiliit.*

*Confirmatur Samſoni prætoria poteſtas.*

*Portam Gazæ urbis aufert.*

*Per amara ad dulcia.*

*Vir fortis*



*rihi.* Samson solus leonem occidit : fructum laboris dimidium, favum mellis, cum parentibus communicavit.

„*Leo nullius parer ad occursum*; Virtus, nec ad leonis. Opus est „ad notitiam sui, experimento, ait Senec. lib. 2. de Provid. Quid „quisque posset, nisi tentando non didicit; DEUS illis, quos esse „quàm honestissimos cupit, materiam præbet aliquid animosè, „fortitèrque faciendi. Contrà quàm solet piger, cuius vox est Prov. 21. *Leo est in via, & leana in itineribus.* Terretur non leonibus, sed leonum larvis.

*Samson  
cum vulpi-  
bus vulpi-  
natus est.*

*Cepit trecentis vulpes, caudasque earum junxit ad caudas* Judic. 15. Vulpes, juxta Isidorum, dicitur, quasi volupes, est enim volubilis pedibus, & nunquam rectis itineribus : fraudulentum animal, insidijsque decipiens. Imago hominis aliud in corde conditum, aliud in lingua promptum habentis. Qualem describit, Persius Satyricus :

Astutam vafro servat sub pectore vulpem.

Tales erant Philisthæi, fortissimo Samsoni, quàm insidijs occultis, quàm odijs apertis perniciem struentes. Sed vulpina ingenia sunt elusa vulpibus, juxta adagium : cum vulpibus vulpinari.

*Vulpes Sam-  
sonia sunt  
heretici.*

Per vulpes significantur hæretici, quorum religiosa sunt in speciem principia : in fine seu caudâ, fax incendiaria alligata. Dissociantur capitibus, ut vulpes Samsoniæ, quot enim capita, tot illis sententiæ; sociantur caudis, conspirationibus ad impugnandam Ecclesiam Orthodoxam, omniâque licibus, bellis, cædibus, incendijs devastanda. Hinc Cant. 2. hortatur Ecclesia, Christi sponsa :

*Capite nobis vulpes parvulas, quæ demoluntur vineas : nam vinea nostra flo-*

„ruit. Quid, quod juxta D. Bernard. Serm. 63. in Cant. Quilibet „homo bonus bona est vinea : cujus virtus, vitis : cujus actio „palmes : Cui vinum, testimonium conscientiæ. Vulpes par- „vulæ, sunt affectiones pravæ, quæ primis in fibris elidendæ.

*Sunt pravæ  
affectiones.*

*Interfecit in ea (maxilla asini) mille viros.* Judic. 15. Samson maxillam asini vertit in clavam Herculis; Philisthæi, homines stolidè feroces, & in brutas voluptates abjecti, quo telo melius castigantur, quàm asinino?

*Asino casti-  
gantur asi-  
ni.*

Deinde, quid nobilius hoc fonte? sitim Herois exinxit, pulverem athleticum abstersit, saniem cruoris hostilis abluit. Sed quid ignobilius origine? è putri maxillæ asininæ dente scaturijt. Disce non superbiere stemmate; ex asinis quandoq; leones prodeunt, ex leonibus asini. *Satius est* (inquit Cicero orat, contra „sallustium, generis sibi ignobilitatem obijcientem) meis gestis „florere, quàm majorum opinione uti; & ita vivere, ut sim po- „steris meis nobilitatis initium, & virtutis exemplum. Et Poëta Juvenal.

*Non super-  
biendum  
stemmate.*

Et genus, & proavos, & quæ non fecimus ipsi.

Vix ea nostra voco.

Aliena laudat, qui genus laudat suum. Et Solon, apud Aufonium: Pulchrius multò paratur, quàm creatur nobilis.

Præterea, quid vetat è putrescente scatebra limpidum doctrinæ fontem haurire; Cum Virgilio ex Ennij stercore aurum colligere; è scriptis Gentilium, variæ doctrinæ succum haurire? Nam & Moses Egyptiorum, & Daniel Chaldeorum sapientiâ imbutus est. Imitandæ nobis sunt apes, quæ nec omnibus insident floribus, nec ex his, ad quos advolant, omnia auferunt. Et mel, herbis etiam de amaris elaborant. Eleganter Basilii Magnus: Ut plantæ propria virtus est fructum producere, afferunt tamen aliquem ornatum & frondes ipsæ, circa ramos diffusæ: Ita profectò & animæ præcipuus quidem fructus est, veritas; non inamænum tamen est, hanc extraneâ circumdari sapientiâ, quæ tanquam frondes quædam & fructui regum præbeat, & speciem intuentibus lætiorem ostendat.

Vir quid possit; vel unus strenuus; & suprà in Samgaris vomere mirati sumus, & nunc in Samsonis asinina maxilla stupemus: Tanti refert, non quibus armis, sed quibus pectoribus sive vis hosti inferatur, sive illata propulsetur. Unus, solusque erat Horatius Coclès, qui contra Porfennam, in ponte sublicio toti exercitui se opposuit, magna suæque gloriâ, suorumque bonò. Quintus Mutius Scævola, unus solusque & primus è trecentis conjuratis, Hetruscum regem à Romano Capitolio avertit. Unus, ac penè solus Camillus fuit, qui Romam, jam propè bustum factam de manu Brenni, & Gallorum ferroliberavit. Unus, solusque Hercules fuit, qui monstris Orbem inauditis repurgavit. Ergo sive speres, sive metuas virtus in consilio habenda, quæ sæpius una, rem leviolem quàm multæ reddunt manus.

*Unius viri  
virtus pro  
pluribus est.*



# NARRATIO XLIX. SAMSONIS CA. PTIVITAS.

Judic. 16. cap.

Anno Mundi 2894. Ante Christum 1189;

**P**ORTIARUM urbis, cum seris, postibusque sub-  
latarum furtum inultum : opprobrij sempiterni  
stigma, manebat Gazæorum animis insoletum, in-  
sculptumque memoriæ mærenti. Quod illi pro-  
inde dedecus, quibusnam artibus, aut quibus  
vindiçtæ compendijs, expungerent, obliterarentve,

sedulo secum ; semperque volutabant. Et cogitantibus , neque  
consilium tandem, neque successus longè fuit. IMPUDICA mu-  
lier, uti Tartari, sic omnium ceteri generis malorum, JANUA, quæ-  
rentibus occasionem , aperuit aditum, ac stravit accessum in  
hunc, quem dicam, modum. In amænissima valle, cui nomen  
*Soreia* ; non procul urbe *Affalone*, sedem ac domum defixerat *Da-  
lila* quædam, natione Philisthæa, prostituti corporis femina. In  
hujus flammæ æquæ, quàm in Gazææ nuper meretriculæ cu-  
pidinem, Samson incidit. Ad quam, cum ex urbe sua præto-  
ria, *Saraa* sæpius commearet ; Philisthæi cognito, mulierem esse  
gentis suæ, cæperunt cum ea, grandis pecuniæ promissò depa-  
cisci, quò captum tandem insidijs, Hebræum illum Herculem,  
pertraheret in perniciem. Mulier non avara minùs, quàm libi-  
dinosa, sive verè Samsonem amavit aliquando, muliebri levitate  
fidem mutans ; sive potius amorem simulavit, scelestâ perfidiâ  
grassans : caput ejus Philisthæi Proceribus addicit, Samsoni sce-  
leratas insidias tendit ; sed non penitus per omnia vel improvi-  
do, vel suspicionis experti. Nam is blandimentis fallacibus, ac  
sciscitationibus astutis, aliquoties aggressam se, responsis alienis-  
simis læstavit : ac dolo dolum repellens, ludere se per lenocinia  
fingentem, ipse verè ludificavit.

Philisthæi Principes, ad prædam evocati, nunciò mulieris ;  
& intra parietes Dalilæ domûs, in insidijs delitescences, quoties  
cum pecunia promissa venerant, toties decepti, cumq; sui ludi-  
brio recesserunt. Dixerat enim Samson, imbellem ad resisten-  
dum se fore, si septem vinculis, nervo crudo, recentiq; plenis, &  
adhuc humidis nectetur ; quos tamen, superveniente hostium  
manu

*Samson Da-  
lila amori-  
bus capitur.*

*Insidia Da-  
lila in Sam-  
sonem.*

*Eruduntur  
insidia à  
Samsonem.*

manu tanquam imbecille lini filum dirupit ; quod iterum fecit, cum restibus recentissimis, & adhuc ligaminum intactis, adstringeretur. Idem tertium repetijt, cum septem capillorum discreti cincinni, liciò colligati, & in nodum redacti, circumvolutoque clavo, pavimento cubilis infingerentur ; nam irruentibus Philisthæis, tanquam ad signum pugnae, à fraudulenta amica datum, subito evigilans, emicansq;, capus cum clavo, crinibus, & nodo de terra retraxit.

*Samson  
rumpit vim.  
culpa sapiens.*

Mulier metuens periculi, quod toties deceptis Philisthinorum Satrapis, impendere posset capiti, meretricijs lacrimis importuna Samsoni, non antè destitit esse, quam in quonam *Firmitas* ejus lateret vis, pro compertissimo didicisset. Ad lacrimas accedebant aurium blanditiæ : risus inter & epulas canuntur à Sirene, Herois Hebræi, Delicij sui, præclara facinora, maxillæ strages, venatus vulpium, disruptæ leonis fauces ; versatur partem in omnem amantis animus, suspirat, hæret, lustratur ; non elustatur tamen ; cum enim & corporis sensim, & mentis viribus fatisceret Samson, nec jam sibi perferendam duceret importunitatem rogatricis ; tandem amoris impatientiæ manus dedit : aperit, à puero, cunabulisque Nazaræum esse se, Deoque conceptis verbis consecratum : ideoq; religione voti, quod parentes nuncuparunt, & Angelus dictavit, adhuc primigeniam, novaculaque nesciam se gestare comam, cui vis omnis roboris sui divinitus innexa sit.

*Lemocinia  
expugnat.  
Samsonis  
animus.*

Dalilæ facile fuit, orationem animò concordem deprehendere ; revocat igitur Philisthinos Satrapas, & latebras veteres insidere jubet. Exinde Samsonem amore, somnòque demersum alto, quem papaveribus ac mulso conciliaret, genibus excipit, & dormienti, tonsoris ministeriò, septem illos cincinnos, & quidquid crinitum fuerat, refecat ; moxque incipit à gremio ; deque genibus miserum aspellere. Nec ille reluctatur, dum DEO vires pristinas subtrahente languidus, debilis, & ad quemvis etiam femineæ manus motum ac nutum, impulsu facillimus, vix pedibus consistit ; illa ad veteres suas reversa voces : Perijmus, exclamat, ô Samson : perijmus ! Philisthæus nobis hostis in cervicibus est. Tum è latebris subito profluentes eum funibus, & catenis Philisthini Proceres, Samsonem, necquicquam veteres pugnas spirantem, aggrediuntur ; comprehensum arctissimè, tumultuosè vinciunt : constrictumque, nec jam ulla sui parte repugnare validum, crudelibus cultris exoculant : ac pretiò perfidiæ muliebri persolutò, ( quinque millia & quingenti erant argentei, seu sicli, quorum singuli sedecim sestertijs æstimantur ) captivum in triumpho, *Gazam* urbem perducunt.

*Samsoni  
raduntur  
septem cin-  
cinni ab a-  
mica.*

*Samson co-  
prehendi-  
tur.*

Ibi

*Samsonis  
servitium.*

Ibi retrusus in carcerem, & duabus revinctus catenis, trusatilem versare molam cogitur, adjuncto puero, qui mancipium ad altiduum laborem Sannis, diſterijs, amaris exprobrationibus; flagris etiam, & verberibus adigebat, victum ac fontanam arſtè, tenuiterque præbens. Samſon Numinis vindictam agnoscens, & admiſſorum pœnitens, cum oculis jam non poſſet, animo lacrimabatur: quare Divina liberalitate, in gratiam recepto, cum coma ſenſim crescente, redijt & *gratuitum* roboris antiqui donum, cujus periculum faciendi non ita multò poſt, præclara ſe obtulit oportunitas.

## DOCTRINA.

*Periculum  
à feminis.*

**I**mproba quid poſſit femina, recurrit locus, & quia luculentus, pluribus tractandus. Ecquis enim, inquit Salianus noſter, in annum Mundi 2899. Sine gemitu, hominem tot DEI donis illuſtrem, vilis mulierculæ captivum contempletur; & cum ea turpiter conſpurcatum, quæ digna ſit, ut juxta Eccleſiaſticum c. 9. *quæſi ſtercus in via conculcetur.*

Verè Eccleſiaſtes c. 7. *Inveni amariorem morte mulierem; qua laqueus Venatorum eſt* (ſicut Dalila Philiſthinis ad capiendum Samſonem: ) *& Sagena corejus. Vincula, ſunt manus illius. Qui placet DEO, eſt fugiet illam. Qui autem peccator eſt, capietur ab illa.*

Cumque moleſta eſſet ei, & per multos dies jugiter adbareret, (Dalila Samſoni) *ſpatium ad quietem non tribuens, deſecit anima ejus* (Samſonis) *& ad mortem uſq. laſſata eſt.* Judic. 16. Nervosè Biſſelius noſter in Décade 2. Ruinarum Illuſtrium, in Ruina Gazenſium. Ibi tum Samſon experiri ſeriò cæpit; quanta regni muliebris, in amatores, tyrannis; quantum mulierosæ ſervitutis, & quàm intolerabile jugum eſſet: ubi, nec ab amore diſcedere perditis ſcordatoribus conſeſſum ſit; nec ab odio ſibi temperare ſœdæ conſuetudinis, tot malefactis procos ſuos cruciantis. Ibi miſer didicit; Non abſinthium ullum amarius; non taxum, non cicutam, non aconitum, aut venenum ullum nocentius eſſe: quàm Feminam, & malam ſimul, & indeclinabilem; cujus in contubernio, quod exuere nequeat infeliciffimus amator, & lupum (quod aiunt) auribus, & lupam teneat, neceſſitate conſiſtens. Sed hæc culpâ ſunt virorum, animi mollietiem femineâ circumferentium; & obviâ ire libidinis violentiæ tergiverſantium: cum hujus vitij catenam, non, ut alios animi morbos, longa môra vel dies, tanquam rubigo ferrum conſumere ſoleat; ſed virilis ſui victoria proſtigare debeat. In articulo temporis rumpendus eſt amoris nexus, non lentè ſriand. *Quod conſilium ſeipſum invenit*

invenisset in Samsonis animo: profectò multis ille partibus, & suæ consuluisse rei melius, & publicæ. Nam hic populi Dei Prætor, auctoritate sua, cæterorum plerisque factus est offendiculo, quibus esse debuerat ad continentiam documento. Hæc ille.

Idem ibidem, Samson autem, Abrahæ sinu feliciter receptus, documento posteris æterno sit; Nequid cuiquam bono cum muliere mala commercij sit. *Jabel* etiam optima, Sifaram tamen evertit. *Thebaa* mulier, qualiscunque; tamen Abimelechum stravit. *Bacæ* furiosæ, laceraverunt Orpheum. Quem eundem amor etiam legitimæ conjugis, transversum tamen egit malas in artes. *Coxbaa* pessima *Zanbrin*, exitio secum pari, detraxit in Tartarum. *Helena* Græciam: Troiam, & Asiam unâ secum evertit. Et quis omnia, terris invecsta per scelestas mulieres, excidia colligat; cum in una satis sit, quod Orbi perdendo sufficiat. „ Quid est enim; (ut cum Ephræmo, viro sanctissimo loquar tom. 1. „ operum Serm. in mulieres improbas) quid est Imbroba mulier? „ Naufragium terrarum, fons nequitiae, thesaurus immunditiæ, „ repositorium malitiæ, perniciēs oculorum, animarum exitium, „ cordis spiculum, Juvenum charybdis, virorum scopulus. „ Quid est femina nequam? Amor flagitiosus, impudens bellua, „ præceps & incontineus impetus, Os effræne rerum arcana- „ rum, infatiabilis cupiditas, procella domûs, quotidiana cala- „ mitas, voluntaria rixa, diversorum adulterorum, vipera vesti- „ ta, requies inferi serpentis, caminus successus, expedita rabi- „ es arma Diaboli, Dæmonum officina, mors exornata: deniq; „ malitia; præ qua, cætera cuncta, nulla sit malitia. Declamavit „ hæc, & his, plura divinus Ephræmus in Thaidas, Dalilas, He- „ rodiadas. Quibus si quis offenditur: adversus illum injuria- „ rum agat; non nobiscum. Quod namque Cælitibus laude fuit „ scribere; Nobis vitio, religionisque non fuerit, *exscripsisse*. Hæc Bis- „ felius.

„ Graviter S. Ambros. Apologia 2. David c. 3. Samson, in- „ quit, validus & fortis leonem suffocavit: sed amorem suum „ suffocare non potuit. Vincula solvit hostium; sed suarum non sol- „ vit nexus cupiditatum. Messēs incendit alienas: & unius ipse „ mulieris incensus igniculò, messēm suæ virtutis amisit. Unde Poëta quidam acutè. Qui leones straverat, à lupa sternitur. Et noster Cornel. in cap. 16. Jud. Vide quàm perniciofa sit mulier. Quid fortius Samfone? quid Sanctius Davide? quid Sapientius Salomone? Ethos viros perdidit mulier; æque ac Eva Adamum, & omnes ejus posteros.

Non possum non huc apponere elegantissimum Carmen,  
C c (quibus

(quibusdam omiſſis, brevitatis cauſſâ) noſtri Jacobi Balde, qui  
Lyricorum lib. 1. ode 10. reſpiſcentem Samſonem ita inducit:

Per fretum Scyllæ, Libicæſque Syrtes,  
Fide fallaci, fugitive, vento,  
Fide, quantumvis fremat unda: ſed ne  
Fide puellæ.

Illa non uno ſinuofa tractu,  
Mille natura variante fraudes  
Circinat retro, totidémque in orbem  
Damna retorquet.

Larga verborum, ſed avara veri,  
Emicat quovis dubitanda niſtu.  
Vultus ut mendax, ita quæ ſequuntur  
Gaudia vultum.

Supplicem formam fuge, quæ capillos  
ſparſa procumbit. Tenero peritur  
Flentis à queſtu, lacrimæque pondus  
Fortius addunt.

Hic labant turres. Etiam virile  
Peſtus his tandem precibus liqueſcit.  
Hic ſuas vires, ſua novit arma

Sexus inermis.

Dum tacet, clamat facies venuſta:  
Dum negat, poſcit. dolor eſt diſertus.  
Ah! loqui fruſtra prohibebis ullam:

Muta perorat.

Mollior cera Mulier fluente:  
Durior ſaxis eadem marinis,  
Fleſtit aut frangit: violenta durum,  
Lubrica mollem.

Donec optatâ potiatur horâ,  
Donec arcanum penetret mariti;  
Nec ſibi parcit, nec in Orbe quidquam  
Linqvit inauſum.

Ni vetes tangi, moriere cæcus.  
Quot tibi crines male ſana demit;  
Fila tot vitæ, gemina tot annos  
Forſice tondet.

Feminæ certum ſinus eſt phæretrum,  
Funis, amplexus; tumulus, cubile:  
Verba ſunt Leſſus; glaciale letum  
Infana voluptas

Teſtor

## SAMSON OCCISUS.

199

Testor expertus mala. Testis horum  
Nostra *Thamnis*. Properate Diræ  
Vindices : SAMSO, geme! testis, cheu!  
Dalila nostra.

## NARRATIO L.

# SAMSONIS GLORI- OSUS OCCASUS.

Anno Mundi 2899. Ante Christum 1154.



Um Samson aliquammultum jam tempo-  
ris in ferro, vinculisq; solis ac lucis expers ageret, &  
calamitatis illius ac molæ fama latè sparsa esset;  
Philisthinos optimates cum Populo, cupido inces-  
sit, fructum aliquem, ac voluptatem ex hostium suorum  
Ductore cæco, molentéque capiendi. Inci-

*In delubro  
Dagonis i-  
doli multi-  
tudo Philis-  
thinorum.*

dit igitur, ipso temporis procurfu Solemnior Sacrorum dies, à  
Gazæis victimarum, ludorumq; cæremonijs anniverfarijs, ma-  
gnificentius exigendus. Is autem dies, & ea celebritas *Dagonis*  
honori, Philisthæorum Idolo, debebatur; in cuius Fani, ampli-  
tudine, structura, capacitate cultorum magnificentissimi, solò te-  
stò, more Syrorum planò, (unde liber in interiora templi despe-  
ctus) tria circiter mortalium millia, stationes ac loca ad specta-  
culum habebant, Tanta hominum multitudine gravata moles æ-  
dificij superior, ne deduceretur in præceps, duæ faciebant potis-  
simum è marmore columnæ, quæ mediò basilicæ spatiò non ita  
magno distantes, firmitate sua Fani totius pondus sustinebant: At  
inferiùs per templi subcellia, quinq; Philisthinorum Satrapæ cum  
suis familijs & comitatu; per reliquum autem loci spatium, Sa-  
crificuli, Popæ, Sacrorum Ministri, cives, advenæ confidebant.  
Omnes hi victimis intenti, Dagonisq; supersticioso cultui: confu-  
sis in unum vocibus, atq; carminibus Dagonem, Ter optimum  
Maximúmq; Numen suum laudibus efferebant; & inter ea macta-  
bant, adolebant, libabant; ac cyathis operam, lancibúsq; dabant.

Jámq; finem mensis saturitas ac vinolentia fecerant; cum  
primò Princeps, mox temulentissimus quisq; Samsonem postu-  
lant accersiri, qui ludat, deliciásq; saltatione faciat. Adducitur

C c 2

exsolutis



*Samson à  
puero exa-  
gitatur.*

exsolutis tantisper catenâ manibus ac pedibus ; & mediodun-  
taxat corpore, lumborum tenus, revinctus ; pueri ductu , qui  
cæcum nunc agens ante se, mulionis more ; nunc post se tra-  
hens à crasso fune : spatia deambulationis aliàs laxabat in liber-  
tatem ; aliàs arctabat in servitutis recordationem. Ad Sum-  
mam ! tanquam passerem è funiculo lascivientes adolescentuli ;  
sic mediastinus iste tractabat hominem , Heroëm illum , jam  
muscâ contemptiorem.

*Samsonis  
ludificatio.*

Ut primùm igitur in conspectum theatri, templumque ve-  
nit Samson : multitudo , quæ Fanum, repleverat, ex omnibus  
undique loci partibus strepere pedibus : complodere manus ;  
ore sibilos & clamores in altum tollere ; denique signis omni-  
bus effusæ gratulationis habitum , ac lætitiæ declarare magni-  
tudinem, quam ex hostis sui præsentibus ærumnis haurirent.  
Simul imperiò Magistratûs, ac præconis voce , sientiò factò ;  
consistere Samson inter duas illas columnas jubetur : & Senatui,  
Populòque Gazensium, omnique nomini Philisthino ludos atque  
delicias facere. Quæ cum invictissimâ patientiâ Samson devo-  
raret ; ac pœnam etiam istam erroribus suis irrogari meritò,  
persuasum haberet : injecit ei mentem DEUS, quibus modis  
tandem, & se malis suis expediret, & gentem nequam debi-  
tis cladibus implicaret. Animum adverterat, cum inter saltan-  
dum, contumelijs, labore manuum, motu pedum, ac totius  
corporis agitatione fatigatus, in pilas marmoreas aliquoties, in-  
genti cum cachinno spectantium, impingeret, pilas eas inter  
se, pedes admodum paucos distare, quas proinde contracturum  
se brachijs simul ambobus non desperaret. Incitatus igitur non  
tam sui, quàm honoris divini, suæque gentis in libertatem vin-  
dicandæ cupidine gloriosa ; sentiensque pristinam fortitudinem  
cum renatis sibi capillis renatam esse, utrique columnarum ma-  
nus fessas, & caput applicat, permittente puero, nec invitis  
spectatoribus. In auxilium inde DEO vocatò, dum creditur ad  
ludicrum cæptum rediturus, manuum ambarum, & humerorum,  
ac totius corporis omni conatu, columnas aggressus, succussione  
ter quaterque repetita, terribiles inter fragores, columnas, tabu-  
lata, testum, solarium, omnemque templi molem, in vestigio tempo-  
ris trahit in ruinam. Simul & quidquid Gazæorum spectatorum  
aderat : Populus, Proccres, viri, feminæque ; cum clamoribus hor-  
rendis, confusæ, pereuntisque multitudinis, unum omnes in cu-  
mulum sternuntur, oppressisque jacent. Cum his & Samson, benè  
secum felicitèque ratus actum : quod, quantò nullus veterum He-  
room, sepulchrò tectus esset, tantò constرات ipse requiesceret :  
quippe totius Palæstinæ ruinâ contumulatus. Sunt, qui præter  
illa tria millia, de suprema templi parte devoluta, asserunt vigesies  
mille

*Samson  
subductis  
columnis  
ingentem  
hominum  
multitudi-  
nem secum  
ruinâ im-  
voluit.*

mille homines per inferiora subfella & stationes fani dispositos, ea strage occubuisse. Potuerunt tum Judæi, si viri fuissent, & jugum servitutis Philisthinæ à se excutere, & armata manu hostium metu consternatorum provinciam occupare. Cæterum cum Samson ab Apostolo ad Heb. 11. inter Cœlites memoretur, minimè dubitandum est, heroëm eo fâcinore, ipsi à DEO, inspirato, mortis pro salute publica, Numinîsq; honore fortiter contemptæ, virtutis arduæ strenuè probatæ, vindictæ de hostibus justissimè sumptæ, gloriosam æternamq; memoriam promeritû, suò, ut Ambrosius loquitur, triumphò rectum, tumulatûmq; fuisse. Occidit ætatis anno trigésimo nono, Præturæ vicesimo. Corpus à cognatis; cum bona Gazæorum, graviora metuentium, veniâ, avito sepulchro illatum est.

## DOCTRINA.

**C**ertum est, multas Poëtarum, Gentiliûmque fabulas è veris historijs, & sacris etiâ Literis originem ducere. Hinc fabula Titanum, ex historia gigantû Gen. 6. monstrositate flagitiorum, bellum cœloinferentium. Hinc diluvium Deucalionis ex diluvio Noë Gen. 7. 8. Hinc incendium Phaëthontis ex conflagratione Sodomæ & Gomorrhæ. Gen. 19. Hinc campi, hortiq; Elysij ex paradyso terrestri. Gen. 2. Hinc fabula de Nisi Megarorû regis fatali coma, quâ servatâ, nec vinci, nec regno pelli posset; eâ refectâ per scyllam, Nisi filiâ, victus, regnôq; deturbatus est. Quò comento nonne Samsonis & Dalilæ historia clarè indicatur? Et verò, quis alius fuit fabulosus ille Gentilium Hercules, quàm verus Samson, qui robore corporis, & fortitudine animi præstans, ambitioso Græcorum mendacio suum ipsis fingendi Herculem locum fecit?

Nam 1. Hercules in ipsis cunis, documenta fortitudinis edidit, duos; angues arctato gutture, elidendo. Et Samsonem à primæ ætate *Spiritus Domini* implevit robore, atq; ad ardua molienda agitavit. A teneris assuesceremultû est. 2. Hercules in servitutē Eurytheo datus, pro se in libertatē vindicando labores ingentes exantlare debuit. Non minùs Samsoni, pro asserenda populi sui libertate difficillima cū Philisthæis certamina subeunda fuerunt; Nimirum Heroës non nascuntur sibi, sed Patriæ. 3. Hercules stravit leonē Nemeæum; Samson Thamnathæû; ille pro spolio exuvias leoninas; hic ex leonis ore mellitâ dapē retulit. Nempe virtutis præmium, vel sunt honores (quod per Leonis pellē significatur) vel opes; quod mellis favus designat. 4. Hercules non gladiò, non hastâ, sed clavâ armatus domuit hostes; Samson pro telo maxillam asini vibravit in hostes. Tanti refert, qualis sit manus, unde veniat ictus; Et quis clavam Herculi, quis asininam maxillam extorqueat Samsoni? 5. Hercules

*Comparatio  
inter Hercu-  
lem & Sam-  
sonem.*

Hydrum, Harpyias, aliâque monstra superavit. Pariter Samson feroces Philisthinorum impetus fregit; quos Hydrum diceres, sæpius ab Hebræis cæsos, sæpius in arma resurgentes. Harpyis quoq; similes, ex aliena terra prædam agere suetos. Senec in Herc, Fur.

Virtutis est domare, quæ cuncti pavent.

6. Hercules apud Omphalem feminam, fædam servitutem serviens adeo effæminatus est, ut etiam fila duceret. Non secus Samson, in gremio Dalilæ virum exuit, feminam induit.

Notumq; furens quid femina possit. 5. Ænid. Virg.

7. Hercules adamantinas inferorum portas effregit, Cerberum, tricipitem canem, victum catenis in auras extraxit. Samson Gazensium portas, in dislitum montem asportavit. In via Virtuti nulla est via. 8. Hercules pro laborum suorum termino geminas in mari Gaditano columnas ex ære posuit; cum inscriptione: *Non plus ultra*. Samson in laborum suorum meta duas columnas cum superimposito testæ evertit, seque unâ cum oppressis hostibus tumulavit. Dulce periculum est, sequi Deum. Horat. lib. 3. od. 25. vel spectaculum perimit Spectatores. vel Samson odijs felicior, quàm amoribus; Veneris (Dagonis) idolum moriendo comminuit, eamque perdidit, quâ periit. vel: Impavidum feriunt ruinæ. Horat. libr. 3. Od. 3. 9. Hercules averruncator malorum dictus; quod rebus pro communi salute gestis, Orbem tyrannis, & monstis liberârit. Idem Samson fecit Philisthæorum tyrannide, non una clade, repressâ, & jugo servitutis à cervicibus Hebræorum amotâ. Viri fortes suo periculo pugnant, alieno bono vincunt.

Samson ty-  
pus Christi.

Maxima autem Samsonis laus est, Christi Servatoris imaginem Actis suis prætulisse? Ex Sanctorum Patrum sensu Dalila naturam adumbravit Humanam, cuius amore captus *Gigas ille (qui exultavit ad currendam viam; à summo calo egressus ejus Psal-18.)* usque adeo robur Divinitatis suæ exuisse videtur, ut exclamârit in cruce: *DEUS meus, DEUS meus, ut quid dereliquisti me?* Matth. 27. Samsonem Dalila quinque millibus & quingentis nummis argenteis; Christum Judas triginta vendidit. Dalila blandimentis insidiosis Samsonem in manus hostium tradidit; Christum Judas osculo, doloso amoris signo, prodidit. Samsonem crinito robore spoliatum, Philisthæi tumultuosè comprehensum, funibusq; ligatum exoculârunt, fannisque; & ludibrij affece-

affecerunt. Christum crudelitatis satellites, vinculis dirissimè constrictum, traxere captivum, eiquè velantes oculos, & capillos non tam detundentes, quàm evellentes, spineaque coronâ lace-  
rantes, totâque nocte illudentes, varias contumelias intulerunt. Samsonem in pistrino molere Philisthæi coëgerunt; Christus totâ vitâ ærumnarum molam circumegit; in ultimis præsertim tormentis, quibus initium in horto Oliveti sudor sanguineus dedit. Samson duas columnas ambabus manibus apprehendens, fanum Dagonis subruit, magnâmq; hostium multitudinem delevit. Christus moriens, manûsq; ad duo crucis extrema extendens, regnum Dæmonis, Peccati, Mortis evertit; suâq; nece nobis vitam, suis vinculis libertatem peperit; verissimèque *plures interfecit moriens*, (quod de Samfone sacra pagina asserit) quàm vivus occiderat. *Ubi est mors victoria tua? Ubi est mors stimulus tuus?* 1. Cor. 15. Samson Gazensium portas humeris sublatas de nocte, in montem Hebroni vicinum abstulit; Christus post mediam noctem è sepulchro resurgens, amoto monumenti lapide, nequicquam excubantibus custodibus; mortis insuper portas, & inferorum claustra disjecit, veteresq; Patres cum triumpho eduxit. Denique Samson à cognatis, Majorum suorum sepulcro honorificè illatus est; Christus à suis discipulis, Nicodemo & Josepho, in monumento novo gloriosè conditus est.

Audiamus super hoc S. Chrysostomum hom. 4. ex varijs in  
„ Matthæum. Is explicans, de Christo Domino illa verba: *Quo-*  
„ *niam Nazareus vocabitur* Matth. 2. ait. Dictus est Samson Naza-  
„ ræus, vir potens in spiritu roboris, & virtute; cujus gesta si  
„ consideremus, in eo quoque exempla Domini præfigurata co-  
„ gnoscimus. Ille septem crines habuit; huic septiformis spi-  
„ ritus est; Illi omnis virtus in capite fuit: huic omnis virtus in  
„ DEO est, quia caput Christi DEUS est. 1. Corinth. 11. in illo vir-  
„ tus non obscura: in hoc celata Divinitas; Samson iter faci-  
„ ens, leonem manibus enecavit; Dominus ac Salvator noster  
„ per suscepti corporis Sacramentum, leonem diabolum exten-  
„ sis in cruce manibus interemit. Samson de ore leonis favum  
„ mellis abstraxit; Dominus de faucibus diaboli plebem suam,  
„ quæ sibi per viam facta est dulcis, eripuit. Samson popu-  
„ lum Israël debellatis hostibus; Dominus extinctis dæmoni-  
„ bus, populum suum de morte perpetua liberavit: Samson  
„ obseratis portis clauditur in civitate; Dominus obsignatô  
„ clauditur monumentô. Samson fractis feris, subtraçtisq;  
„ portis securus evadit; Dominus ruptis infernæ sedis obicibus,  
„ apertô sepulchrô, recepto corpore liber egreditur. Postremô  
„ Samson

rum ministerijs debuisset, id quod ei per Samuelem etiamnum adolescentem, (de quo postea) iussu DEI, graviter exprobratum, adjunctæq; cladium minæ, ad aurium usq; tinnitum formidandæ. Nec diu post Divinæ rigor sententiæ Philisthinos excitavit, ut collatis, cum Hebræis signis, Israëlitarum quatuor circiter millia ceciderint, reliquo se exercitu trepidè recipiente in castra. Habitò deinde militari consiliò, quidnam esset insolitæ rei, quòd plus valuisset eo die, divinis in oculis impietas Philisthina, quàm Hebræa causâ, decernitur mittendum esse Siluntem: accersendam cum custodibus suis *Arcam*; & hac in medium acceptâ, prælii denuò tentandam fortunam. Heli quamvis multum invitò, deque capiendæ periculis sollicitò, deniq; tamen permittente, devehitur in Hebræa castra; Moſis *Arca*. Mittuntur unâ, qui deducant ac tueantur duo Sacerdotes impuri, Pontificis filij: gladijs & ipsi suis, armisq; cincti; sed longè pluribus animi vitijs, ac Tartareis satellitibus stipati. Cæterum, Arcâ Hebræi conspectâ, mox clamoribus animorum testari lætitiâ; Philisthæi contrâ, repercusso vicinis è montibus, ac hemoribus, Hebræi clamoris sonitu, labare, conciderèq; mentibus: pavidèq;, tam effusæ lætitiæ sciscitari causam: Arcæq; præsentia intellectâ, malè de rebus suis ominari.

*Cades Is-*  
*raëitarum.*

*Arca in ca-*  
*stra dedu-*  
*citur.*

Recollectis ex ea trepidatione animis, ac viribus, statuunt aleam prælii subire; quippe medium esse nihil, sive Judæis, sive Philisthæis. Aut vincendum alterutris, aut esse serviendum. Iterum igitur in aciem utrinq; descenditur. Ab Hebræis in medium agmen *Arca* recipitur: & ad *Arca* latera Sacerdotes ambo fortissimè pugnam cient. Post multum certaminis laborem, insistentibus vi summa Philisthæis, succumbunt Israëlitæ; *Arca* capitur, & ex hujus captivitate, cunctos desperatione subeunte, deficiunt animis Hebræi, remittunt de pristina contentione; turpitèq; tandem in fugam effusi, pars in conflictu, pars sparsim per agros, cadunt; triginta millia pedestrium copiarum.

*Clades Heb-*  
*raorum.*

Pontifex cum audisset infelix prælium, populi numerosam stragem, fugam multitudinis, geminæ prolis interitum, & super hæc omnia, captam *Arcam*, animo simul ac vitali spiritu linquente, cum sella pariter, corporisq; decrepiti fragili mole, retrorsum lapsus, ad fores ac postes seu Tabernaculi, seu Urbis Siluntis (in portis enim sedebant Judices) impacto capite, cervicem fregit, ac finijt.

*Helu lapsu*  
*cervicem*  
*frangit.*

Ejus victoriæ brevis lætitia fuit Philisthæis, nam dum *Arcam* per oppida, & delubra sua circumductam ostendant, & in Fano Azotio ante statuam Idoli *Dagonis* (erat simulacrum, superiore parte mulierem referens; inferiore desinens in piscem, specie

D d

Nereidum

*Ex Arca  
capta cala-  
mitates Phi-  
listhaeorum.*

Nereidum & Sirenum ) tanquam victam in oculis victoris consti-  
tuunt, majorem ab ea captiva, septimestri spatio cladem acce-  
perunt, quàm à liberâ plurimis annis antè. Dejectum namq;  
loco suo Dagonis Simulacrum ; nunc in faciem effigie stratâ :  
hunc capite, manuumq; palmis abscissis, portendit, quantò suò,  
cultorumq; suorum malò , illa Hebræi sedes Oraculi, in præ-  
dam, inq; viciniam venisset. *Azotij* quippe , & accolæ pessimis,  
pudendisq; morbis sunt afflicti ; posticæ corporis partes, ulce-  
rum doloribus cruciatæ (ficos & mariscas vocant :) tabefacta  
viscerum intestina ; agri, villæ , penates , murium multitudine  
repleti , *Segetes*, fruges , fructus depascentium : pestilitate  
sævissima, pagi, civitates, regiones exhaustæ. Adde his stra-  
gem populosissimam *Betsamitarum* (erant hi de gente Hebræa) ac  
finitimorum ; qui fortè metentes in agro triticum, quòd præ-  
tervehentem Arcam, & ex captivitate Philisthæa, cum donarijs,  
morborum ac calamitatum piaculis, redeuntem, operimentis  
renudassent suis , inspicere curiosius ausi ; repentina percussu  
internectione perierunt septuaginta de viris eminentioribus ; quin-  
tuaginta verò millia de sæce vulgi. In una clade quot clades invo-  
lutæ ! Has unius Helis perniciosus in liberos amor inchoavit :  
protrusit filiorum eius improbitas ; præcipitavit in Hebræos ju-  
xtà, Philistæosq; justissimus DEI dolor, & indignatio.

*Betsamita-  
rum curio-  
sitas quanti-  
flateris.*

## DOCTRINA.

*Liberi à te-  
neris ungui-  
culis domā-  
di.*

**N**imiam Helis in filios indulgentiam Sacer Historicus indicat  
hisce verbis, 1. Reg. 3. *Propter iniquitatem, eò quòd noveris (Heli) in-  
dignè agere filios suos, & non corripuerit eos.* Locus illustris de educa-  
tionè, & disciplina Liberorum. Sapienter Siracides c. 7. *Filij tibi sunt  
erudi illos, & curva illos à pueritia illorum.* Ut enim plantæ cum teneræ  
sunt, facile hinc atque hinc quaquaversum flectuntur ; sic animi  
puerorū ; qui si obdurerint, & jacuerint, nulla superest spes eos  
deinceps erigendi. Idem c. 30. *Equus indomitus evadit durus, & filius  
remissus evadit princeps.* Equus ut tractabilis efficiatur, frenis & calca-  
ribus opus est ; adolescens in vitiorum præcipitiū ne devolvatur,  
disciplina & castigatione est coercendus. Virgil 3. Georg. mōnet.

Viamque insiste domandi ,

Dum faciles animi juvenum, dum mobilis ætas.

„ Verè Quintilianus : Mollis, inquit, illa educatio, quā indulgentiā  
„ vocamus, nervos omnes & mentis, & corporis frangit. Hinc  
tritus versiculus.

Planda patrum fegnes facit indulgentia natos.

Aquila pullos alis flagellat, adversi solis radijs exponit , rostro ad  
sanguin-

nem pungit , ut excitet ad volandum , vegetosque reddat ac validos. Consentit Salomon Prov. 23. *Noli subtrahere à puero disciplinam : si enim percusseris eum virgà , non morietur , & animam ejus ab inferno liberabis.* Licentior educatio , & disciplinæ neglectus parentes facit auctores non vitæ , sed mortis : non cœli sed orci ; nimia Helis lenitas & Patrem , & filios perdidit. Audiamus Chrysostomum hom. 9. in 1. Timoth. 3. Heli propter filios periit : illos quippe cum acrius coercere debuisset , ver-  
bis tantum lenibus monuit , dicendo : *Nolite filij mei : non est enim bona fama , quam ego audio.* Neque enim ideò , quòd malos habere , ret filios , puniebatur , sed quia ultra debitum , increpationi per-  
pererat , ut cum DEI leges violarentur , severius in illis ultus non est. Sanctissimi parentes quandoque perversos habuere filios , ut Jacob , Samuel , David , &c. nec ideò pœnas alienæ nequitiae dederunt ; sed qui malos malè tolerarunt.

*Helis nimia indulgentia perdidit.*

Est tamen in liberorum castigatione miscenda lenitas cum severitate , nam ut Plato lib 7. de legibus docet , in educatione filiorum duo vitanda extrema , scilicet delitiae , & nimia severitas ; quòd illis dissolvatur animus , hanc fiat servilis : Hæc inquit Plato , nostra est sententia , delicias , puerorum mores reddere difficiles , morosos , iracundos , & qui levibus occasionibus , vehementer percellantur. Contrà verò nimiam , & feram severitatem , mores reddere humiles , illiberales , ab Humanæ societatis commercijs abhorrentes. Et Apostolus Coloss. 3. *Patres nolite ad indignationem provocare filios vestros , ut non pusillo animo fiant.* Nimirum laxiores fides in cithara absonum reddunt sonum ; æquò contentiores rumpuntur. In Arca Fæderis cum tabulis Decalogi asservabatur Manna , & Aaronis virga. Per Leges Informatio morum intelligitur ; per Manna præmia : per virgam pœnæ denotantur ; quorum temperatione disciplina Constat.

*Moderata disciplina adhibenda.*

Cæterum lib. 1. Reg. c. 2. taxantur quatuor scelera filiorum Helis , ex gula manantia. 1. Ignorantia officij Sacerdotalis. 2. Rapina victimarum , nam cum ex victima , tantum pectusculum & armus dexter Sacerdoti deberetur. Levit. 7. ipsi quaslibet victimæ partes , præsertim pinguiore & delicatiores sibi usurparunt. 3. Quòd id facerent vi , rapientes eas , invitis offerentibus. 4. Quòd id facerent , antequàm victima DEO per cremationem ab ipsis esset immolata , & caro cocta , lixaque : Primum enim debebat DEO hostia pacifica offerri , coquique ; deinde pectusculum & armus dexter dabatur Sacerdoti ; reliqua caro offerenti. Adde his inexpiabilem Sacrorum Despectum , Religionis detrimentum , publicam omnium offensam , execrabilem Sacrilegi concubitum turpitudinem.

*Scelera filiorum Helis.*

Vellem hic (exclamat Illustrium Ruinarum Scriptor, Ioannes Bisselius) Sacer ut Ordo, Prophetarum Ezechielis, Osee, Jeremie, Malachie clamorem ad aures admitteret. *Audite Sacerdotes! Et attendite; quia vobis Judicium est: quoniam laqueus vos estis facti: retis super Thaborem (Ecclesie montem) expansum ad intrincandas animas; et victimas declinastis in profundum. Vos de via recessistis; et in lapsum provocastis quam plurimos. Vos irritum fecistis pactum Leviticum. Propter quod et ego contemptui vos exposui; populis omnibus viles, ac despectos: Ac merito quidem. Nam et ipsi contempnistis legem meam; ut Phineas & Ophnis: Polluistis sacraria mea; sicut Phineas & Ophnis: inter sacrum et profanum non distinxistis; ut Ophnis & Phineas: inter pollutum et mundum discriminis nihil statuistis; sicut nec Phineas, nec Ophnis. Osee, c. 5. Malach. 2. Ezechiel: 22. Unde tandem & ego post longam pœnæ dilationem, sicut interfeci Phineam & Ophnin, sic interficiam & vestrum unumquemque; cum suprenum ei diem suum imifero, sedebitque, vos Sacerdotes, talium rei, quo loco Phineas Ophnisque nunc sedent, quorum inter mortuos, spes est & conclamata salus. Hic merito tinniant aures illis Sacerdotibus, qui non verentur (quod Divus Clarevallensis Abbas deplorat), rat) iisdem manibus & filium Virginis in altaribus; & victimam tenere Veneris, in cubilibus. Hæc ille Scriptor.*

*Sint Sacerdotes, quod Siracides monet. Eccl. 31. à v. 5. Quasi stelle matutine, medias inter nebulas; et quasi Luna plena radians nitor. Quasi sol resurgens, in templo DEI. Quasi cœlestis arcus, renidens inter nebulas gloria. Quasi flos Rosarum, diebus Vernis; et quasi Liliâ, juxta præterfluens rivus; ac sicut thui redolens diebus æstivis, inter campos Sabæos. Quasi vas auri solidum, exornatum omni genere lapidum pretiosorum. Tanquam oliva pululantes, viroresque sui delectantes; et tanquam in ardua surgentes Cedri montium Libani.*

Et si hoc de Sacerdotibus Veteris Test. tanquam in umbra; „ quid in Luce Evangelica? Quod non, exclamat Chrysost. *Hom. 80. ad populum*, oportet esse puriorem, tali fruente sacrificio? „ quod solari radio non splendidiorem manum, carnem hanc (Christi in Eucharistia) dividentem? os, quod igne spiritali repletur? „ linguam, quæ tremendo nimis sanguine rubescit? Consonat Autor sermonum ad fratres in Eremito, Serm. 22. & 36. Si animi, ma iusti, sedes est DEI, multo magis vos Sacerdotes esse debetis, sedes & thronus eius, mundus & sine macula. Si sepulchrum, ubi corpus eius mortuum positum fuit, debuit esse „ gloriosum, ac novum, in quo nullum aliud prius positum fuisse: „ set: magis gloriosa & renovata debent esse corpora vestra, & „ animæ vestræ, in quibus eiusdem Domini Corpus vivum & „ glorificatum esse debet. Si beatus fuit venter, qui per no-



„vem menses illum portavit: æquum est, ut corda vestra beata  
 „sint, quæ Filius DEI elegit in suam quotidianam habitationem.  
 „Et si beata sunt ubera, quæ infans suxit: etiam os debet esse  
 „beatum, quod comedit eius carnem, eiúsque sanguinem su-  
 „git tanquam lac.

Tragicum sacrilegi concubitus exemplum narrant Trithe-  
 mius in Chronico Hirsaugiensis Monasterij, & Nauclerus, gene-  
 rat, 34. in annum Christi 985. de Udone, Episcopo Magdebur-  
 genſi, cujus aures terribilis vox è cœlo ferijt: *Cessa de ludo, satis*  
*luffi Udo.*

.....

## NARRATIO LII. SAMVELIS PRO- PHETAE, ET ULTIMI HE- BRÆORUN IUDICIS ORTVS, EDVCATIO, G E S T A.

Lib. I. Reg. c. I. 2. 3. 7. 8.

Anno Mundi 2900. & seq. Ante Christum. 1153.

**E**li Pontifice simul ac Iudice populi, rebus  
 mortalibus, in eum, quem superiore narratione  
 retulimus, modum exemptò; subrogatus in divi-  
 nis Aчитóbus est, Helis ex *Phinea* filio, nepos; in  
 profanis autem, ac civili republica Samuel, qui ra-  
 men præter Iudiciariæ dignitatis Ordinariam pro-  
 vinciam, privilegiò beneficij, functus extraordinario Sacerdotiò,  
 Sacris nonnunquam operabatur. Parentem is habuit *Elcanam*, ur-  
 bis *Ramáthe* incolam, virum nobilem & opulentum. Hic cum pro  
 anniversaria religione, Paschalia, unà cum familia celebraret in  
*Silunte*, ubi tum Oraculi Divini constitutum erat Tabernaculum;  
 accedit, ut *Annæ* uxori, tam virtutibus diviti, quàm liberis inopi,  
 altera conjunx, eaque secundaria, *Phœnenna* nomine (polygamis, *Anna*, *Samuelis po-*  
 enim id temporis esse licebat) sterilitatis probrum objiceret; *stea matrú,*  
 que cum filijs inter epulas sacrificales superbè circumspiciens *afflictio.*  
 (nam ex mactatis victimis dapes pro numero capitum distribue-  
 bantur) sæcunditate sua gloriaretur; Annà simul quidem, sed quia  
 sine prole, ideò sine honore, discumbente.

D d 3

Excussit

Excussit ea res lacrimas afflictissimæ matronæ; præsertim cum non tam epulas, quam opprobria sibi videret apponi. Maritus non minus Sapientiâ, quam pietate præstans; haud ignarus, decus matrimonij magis animi, quam fortunæ bonis esse metiendum, testari suos amores Annæ: docere felicitatem conjugalis confortij, non ex numerosa tantum prole, sed maximè, nobilitate & virtute conjugum æstimari oportere; mœstitiam uxori multis verborum officiis abstergere; denique mentem in epularem hilaritatem erigere. Illa cibo, maritique contestatis affectibus recreata, finitis mensis, se confert ad Oraculi sedem, fiduciæ plena; mixtisque fletu suspirijs, effictum instat apud DEUM, matrem ut se faciat; promittitque, se prolem, si masculam esset genitura, religioso eius famulatu, perpetuo mancipaturam. Valere preces. Concepto Voto, concipitur fœtus; annò post nascitur filius, nomen cui parentes, *Samuelis* hausere, Puer etiamnum trimus, in Tabernaculo Divino cum sacrificijs sistitur, curæque Sacerdotum, imprimis Pontificis Helis committitur; cujus fausta præcatio, Annæ trium insuper filiorum, duarumque filiarum fructum contulit, quintuplici scœnore, unius Oblationem filij pensante, qui septennis admodum, sacris admotus ministerijs, præclaram indolem ac pietatem mirè omnibus probavit. Adolescentem deinde vaticus spiritus afflavit, rerumque arcanarum cognitorem effecit; cujus illustre cumprius documentum fuit, prænuntiatio cladis, Pontificiæ familiæ impendentis.

*Anna sit  
quinq; li-  
berorum  
mater,*

Fortè noctu somnū intra Tabernaculi septa pro more capiebat; cum à cœlesti genio, vocem Pontificis Helis assimilante expergefit; nihil cunctatus adolescens, sopore confestim excusso, advolat ad Pontificem, senio; curisque confectum; seque vocatum adesse indicat. Id cum tertium jam factum esset; neque tamen senex, ullò verbò Samuelis Somnum interpellasset; suspicatus id, quod erat, jubet puerum in lectulum se recipere: denūque excitatum, compellantis voluntatem exquirere. Redit aspectabili specie Angelus, aperit minas à Divina Justitia cum Helianæ Domui privatim; tum Israëlitis omnibus incubituras; nam & *dream* Sacram à Philisthæis capiendam: & præter publicam populi stragem, extremas omni familiæ Pontificiæ calamitates superventuras; causam earum cladum esse, nimiam Helis in sceleratos filios lenitatem. Quibus ad Pontificem à Samuele renuntiatis, præclaram vocem edidit, quæ præparatum in divinam animadversionem animum declarabat, religiosa mentis æquitate, sese; futuras in clades componens.

*Samuelis  
puero futu-  
ra Helis cla-  
des prænu-  
tatur ab An-  
gelo,*

Cæterum Samuelis virilem ætatem ingressi gloria, magnis apud populum incrementis augebatur; reverentiam quippe & observantiam insignē conciliabant secretorum divinitus præmonstratorum enuntiationes, eventis ipsis confirmatæ, adeo, ut à Mo-  
*Samuel præ-*  
*clarus pro-*  
*pheta.*  
 sis usque temporibus, nemo Samueli, ne comparandus quidem, postsamuelme verò, oppidò pauci superiores illò fuisse, videantur. Quare Præturę gubernaculis admotus illicò, sub Helis excessum, eam Reipublicę tractandę rationem sequi cœpit, ut meritò *Juris* omnis ac legum, & æquitatis, dici *Sacerdos* meruerit: munerum omnium, quę vulgò corrumpere tribunalia solent, osor ac detestator; præsertim verò idolorum cultum, aliąque vitia, Helis negligentia vel exorta, vel roborata, mirā facundia, constantiaque ex Hebræorum manibus, animisque extorsit.

Subinde comitiis omnium Tribuū convocatis, eiusdem Prætoris auctoritate, conventum est *Maspham, Benjaminica* Tribus urbē. Quò locò, cum & aquę cæremoniā, situlis ac hydrijs effusę, suas animas effundere se totas DEO, & idolomaniam eliminare peccatoribus, testarentur: & precibus, jejunijs, impietatisque confessę detestatione, clamoribus magnis, cum Numine foedus integrarent; Non potuit latere Philisthæos ille Hebræorum conventus, quorum rebelles, ut falsò opinabantur, molitiones disiecturi, mox valido cum exercitu superveniunt, rati, sese ad pugnam im-  
*Precibus.*  
*Samuel à*  
*magna cla-*  
*deste celo*  
*Philistinis*  
*inferitur.*  
 paratos, nullò negotiò oppressuros. Consternati re subita Judæi, ad Samuelē, tanquam ad comunem parentem trepidè, concurrunt, consilium rebus dubijs petunt, eiusque, pro salute publica preces, & auxilium implorant. Samuel ad divinam conversus opem, arripit properè lactentem agnum, integrumque sacrificat super aram, in holocaustum. Dum ardet victima, trepitātque metu populus, ecce tibi; hostis in conspectu aciem explicat, præsentemque stragem omnibus intentat. Tum verò DEUS repentē pro suis arma expedit; nam conglobatis, momentò, densis totò cælò nubibus; ac fragore tonitruum aures, fulguribus oculos, ignēque cœlesti barbarorum capita ferientibus, terręque sub pedibus intremente, hostes in terrorem dati, spem omnem in fuga posuere. Insequitur cum suis Samuel, & dorsa fugientium cædit. Nec cædendi finem facit, quoad *Bérbebaris* ad campos, eos longò spatiò profigaret; cum videlicet ad vicum, in quo cæsus, cum filijs Helis, Israëlites, strage novissimā, Philisthæis & Arcam cesserat, & victoriam

& victoriam. Loco in memoriam accepti beneficii perennem *Lapide* est impositus, *Admorij* nomine; à Samuele insignitus. Philisthæi post eam cladem, instaurare bellum non ausi, se fines intra suos ex eo tempore continuere; Hebræi vexatione tributi liberati, civitates amissas recuperarunt, alias vi capiendo; alias in deditiōem accipiendo.

*Filij Samue-  
lis de gene-  
res,*

Quibus rebus gestis, Samuel conventibus Juri dicundo, per certas urbes institutis, ipse quotannis eas obibat, & judicia tractabat; donec senio gravante, filijs *Joeli* & *Abia*, aliquem in finibus regni principatum, & Reipublicæ curam tradidit; qui relictis paternis institutis, diversissimam ingressi viam, muneribus corrupti, jus non dicebant, sed vendebant: solutiq; in luxum ac delicias, tum DEI iussa; tum patris (cujus absentia, quippe in urbe Ramatha habitantis, ad scelera sua abutebantur) contemnere, graviterq; apud populum offendere; tanta tamen dissimulatione, ut ea filiorum labe ad aures Samueles non penetraret; tantum familiæ suæ dedecus minimè laturi, si compertum habuisset; cum innocens esse nemo possit, qui suos tolerat nocentes. Non latuit tamen multitudinem popularem; unde digna visa res est Tribuum optimatibus; cujus expositio deferretur ad Samuelem: Sed præter hanc causam, aliunde quoq; cupidè, tam populus quàm Primores, eam querelæ publicæ, tam votis suis opportunam occasionem amplexabantur: quòd hoc ingressu videbant, sibi pariter & Judicum abolendorum, & Regis efflagitandi, præclarissimam ansam offerri. Importunis igitur vocibus à Samuele contendunt; ut, quoniam ipsi per senium deesset facultas: filijs autem voluntas bene gerendæ Reipublicæ, subrogaret aliquem, qui nomine regio, toti genti cum imperio præficeret, togæq; muneribus & militiæ moderaretur.

*Hebræi à  
Samuele pe-  
sunt regem.*

Samuel etsi jure poterat ferre gravius & suam de re communi optimè meriti exauktionem; & filiorum, præter juris ordinem, nulloque concessio emendationis tempore, repudiationem; neq; enim ab extremo continuo veniendum ad aliud extremum: sed media prætentanda; nullum tamen durius sibi verbum elabi passus, id unum respondit, se super ea re Divinum Oraculum consulturum. Responsio Numinis accepto, cum enarratis, regij dominatus acerbitatibus, populum à perficaci rerum novarum studio dimovere nequiret; pollicitus sese petitores, male rei privatæ, publicæq; consulentes, voti facturum compotes, discessit. Nec multo post Comitibus, in Maspham indictis, regem eis, quem jam antè, divinitus edoctus, secretò inunxerat, per sortitionem dedit, *Saul*em, filium *Ciss* de Tribu Benjamitide; de quo mox infra, ubi reliqua quoq; samuelis gesta persequemur.

DOCTRI-

## DOCTRINA.

**D**E Elcana Samuelis parente S. Scriptura ait: *Fuit vir unus de Ramathaimfopbin.* 1. Reg. 1. Præclare Origines in hæc verba. Fuit vir unus, inquit; Nos qui adhuc peccatores sumus, non possumus illum titulum laudis acquirere; quia unusquisque nostrum non est *unus*, sed multi. Intuere namque alicuius vultum, nunc irati, nunc iterum tristici: paullo post iterum gaudentis, & iterum turbati, & rursus levis. Vides, quomodo qui putatur Unus Esse, NON EST Unus; sed tot personæ in eo videntur, quot mores.

*Porro illa (Anna) flebat, & non capiebat cibum.* 1. Reg. c. 1. Anna Phenennæ æmulæ calumnianti, & irridenti, nihil respondit, sed flebat, egregio modestiæ documentò; cujus iteratò rarum specimen edidit, cum labiis fervore precum crebrius motis, & oculis fletu rubentibus, nimij potius argueretur à Pontifice Heli; quod illa conviciu, sexui suo maximè pudendum, mira verborum demissione & mansuetudine à se removit, meruitque bonam à Pontifice precationem: à DEO autem filium: præclaram apud omnes, feminas præsertim, commendationem. Quarum in convicijs & maledictis inferendis quantò exercitatio est lingua: tantò est imparatio in ijs perferendis animus. Eleganter in hanc rem S. Chrys. *hom. 11. in 1. ad Thessal.* Non vides, inquit, in ædibus quando ex adverso, & directè steterunt duæ januæ, sitque ventus vehemens; si alteram clauseris, nihil potest ventus, sed magna pars eius virium præciditur. Ita nunc quoque duæ sunt januæ, os tuum, & eius qui te contumelijs afficit & convitijs. Si tuam clauseris, extinguis totum Spiritum; sin' autem aperueris, non potest cohiberi.

*Puer autem erat adhuc infantulus, id est, triennis Samuel, Dei servitio dedicabatur.* Bonum est enim viro, ait Ierem Thren. 3. cum portaverit jugum ab adolescentia sua: *Sedebit solitarius, & tacebit.* Quem locum exponens S. Ambrosius in psal. 118, ait, Qui à juventute jugum portaverit, & habenis maturi moderaminis, teneriora volens colla subdiderit; sedebit singulariter remotus à strepitu interpellantium permotionum, & quietus filebit: cui necesse jam non est jurgari cum corpore, decertare cum varijs cupiditatibus. Pulchrè in hanc rem Hugo de S. Victore lib. de claustra anime. In illa, inquit, ætate, quando crines flavescunt, caro nitescit eburnea, oculorum gemmis facies rosea decoratur, valetudo corporis vires subministrat, & ætas juvenilis longioris vitæ spatium repromittit: quando viget ratio, vigent etiam corporis sensus, visus acutior, auditus promptior, incessus

E c

rectior,

„rectior, vultus jucundior : qui in hac ætate se domant , &  
 „DEO sociant , præmium Ioannis Baptistæ expectant. Tales  
 „enim offerunt hostiam viventem , DEO placentem , & imma-  
 „culatam , non aure , non oculo , non pede , non linguâ caren-  
 „tem. Et Chrysost. *in psal. 14.* Si nullus, inquit, vestrum vult pos-  
 „sidere servum senem; quanto magis DEVS vult adolescentiam,  
 „& tanquam intactam virginem eam sibi jungit : ut eius vitæ  
 „primitias ambiat ; ne quis , cum iuventutem peccato exhausse-  
 „rit , languidam & enervatam senectutem virtuti reseruet : &  
 „vitæ faciem.

*Ex studijs suis ait Salomon Prov. 22. intelligitur puer, si munda & recta sint opera eius.* Sicut venæ auri & argenti, à peritis investi-  
 gantur; sic adolescentes signa virtutis in prima pueritia edunt: est  
 enim hæc aurota totius vitæ, similem plerumque (si recta insti-  
 tutio accedat) secum vehens vesperum. Et ut aqua in areola di-  
 gitum sequitur præcedentē : sic ætas mollis & tenera in utramq;  
 partem flexilis est, & quocunque duxeris, sequitur. Molli mate-  
 riæ facile sigillum imprimitur; non item, si dureseat. Doctē Plu-  
 tarh. in Moral. Nulla ferè est arbor, quæ non sterilescat, ac tortuo-  
 sa fiat, si cultura desit: Ita, nullum tam felix ingenium, quod  
 non degeneret citra rectam educationem. Multum igitur situm  
 „est in vitæ primordijs. Difficile enim, ait S. Hieron. *epist. ad La-*  
 „tam, eraditur, quod rudes animi perbiberunt: neque lanarum  
 „conchyliæ ad pristinum candorem revocari possunt.

*Dominus est, quod bonum est in oculo suo, faciat. 1. Reg. 3.* Religiosi  
 vox animi, & poenitentis signū; hinc credibile est, Helin, cladibus  
 temporaneis castigatū, æquitate sua meruisse, ne poenis æternis  
 addiceretur, ita sapienter necessitas, in rationē & virtutē vertitur.

Samuel idea  
 boni Princi-  
 pis;

*Et ibat per singulos annos circueiens Bethel, & Galgala, & Masphat. 1. Reg. 7.* Ideam hinc perfecti Judicis & Principis exhibet Samuel,  
 circumeundo urbes Israël; totūque se subditorū commodis  
 impendendo. Nervosè quidā Politicus : Curet, inquit, Princeps,  
 ut in foro sit fides, in civitate justitia, æquitas in iudicijs, auctori-  
 tas in magistratibus; in senatu majestas, & in iudicijs gravitas.  
 Discordiam à curia submoveat; omnibus rectè faciendi aut incu-  
 tiat volutatē, aut imponat necessitatem; dominium à latrocinio-  
 rum metu servet immune, fortuita non civium tantummodò, sed  
 urbiū damna munificentia vindicet; honor dignis paratissimus sit.

*Loquimini de me coram Domino, & coram Christo ejus, utrum bovem cu-  
 jusquam tulerim, aut asinum: si quempiam calumniatus sum, si oppressi aliquem,  
 si de manu cuiusquam munus accepi: & contemnā illud hodie, restituāq; vobis.*  
 1. Reg. 12. Verba sunt Samuelis, & tacta. Discant hinc Judices,  
 Præsidēsq; cuncti generis, multitudinem subiectam, non ut duri  
 exactores

exactores, sed ut mitissimi patres tractare. Secus, quàm faciunt illi, qui cùm publicum esse debeant inopiæ remedium, plebis publica sunt, calamitas : & gregem improbè tonsum, improbius deglubunt.

*Acceperunt* ( filij Samuelis ) *munera, & perverterunt iudicium.* 1. Reg. c. 8. Iterum boni patris, mali filij. Sed de hoc alibi. Hic Iudices monendi, ne muneribus se corrumpi sinant, nam Horatio teste, *Satyr. 2. lib. 2.*

— malè verum examinat omnis

Corruptus Iudex.

Munerum fallax, sed suavis est eloquentia. Aurum est occultus tyrannus, vim affert cupidis. Est ossa medicata; latratum auferit Cerbero, Severitatem Iudici. Vnde Vetères pingebant Iudicum imagines, truntas manibus, ut ostenderent Iudiciorum innocentiam, & integritatem à munerum corruptela alienam esse oportere. Nam juxta Salomonem. *Prov. 17. Munera de sinu im-*  
*pius accipit, ut pervertat sententias Iudicis.* Præclare beatus Petrus Damiani lib. 2. epist. 2. Filij, ait, Samuelis, nullum aliud crimen habuisse leguntur, nisi quia munera dilexerunt : & quia paternæ munditiæ non sequebantur exemplum, irrecuperabiliter amiserunt plebis Israëlitiæ principatum. Et notandum, quod Scriptura dicat : *DECLINAVERUNT POST AVARITIAM, ACCEPERUNT MUNERA;*  
*protinus intulit : PERVERTERUNT IUDICIUM.* Mens quippe percepti muneris conscia debilitat judicialis censuræ vigorem; reprimat muta eloquentia libertatem. Accedit B. Greg. Nazianz. in Distichis, Auro loquente, iners est omnis oratio; persuadet enim illud, etiã si nullam edat vocem. Unde Exod. 23. *Non accipies*  
*munera, quæ etiam excæcant prudentes, & subvertunt verba ju-*

*Munerum  
corruptela.*

*storum.* Et Tatianus : Munera sunt hami

„ cibis illiti : & laquei

„ prædâ operti.



NARRA.

# NARRATIO LIII. SAVLIS IN RE- GEM HEBRAEORUM ELE-

ctio. 1. Reg. 9. 10. 11. 12.

Anno Mundi 2962. Ante Christum. 1091.



Aulem producimus, exordiô suî latum, mediô varium, exitu lacrimabilem, & execrandum. Israëlitaë, ut suprà memoravi, cum nollent amplius per ora *Iudicum* sibi jura dari, *Samuelem*, qui Prætoriam Præfecturam ultimus administrarat, adeunt, & *Regem*, cæterarum more gentium sibi præfici possulant. Quem dum ille circumspicit; factorum tunc ignaro, non tam *Casus*, quàm mirifica *Providentiæ* cælestis manus obrulit. Erant *Ciso*, Saulis parenti, *Gaba* civi, complures ad sæturam, & venturas asinæ, quarum, ut saltuosus in locis sit, per incuriam pastoris, numerosa pars aberrarat ab armento. Saules cômite servorum uno, requisitis necquicquam per varia loca jumentis; in *Samuelem* Vatem incidit, ac super asinarum statu consulit. Hic jubet eum securum esse pecudum, & animum ad potiora destinata, repositaque Palæstinæ bona porrigere; quippe mox futurum Regem. Simulque DEI tam in eum beneficii timorem ac reverentiam ingentem iterum iterumque cômendat, & inculcat. Exin saulem, arbitro jam nullò, in secessu quodâ suburbij *Ramâthæ*, regem sciscit, & in augurat, super capitis verticem aliquot effusis olei guttis, addens, DEI se, non suis auspicijs agere, quidquid eorum ageret. Post impensum genis illius osculum, cum crexisset humò tremantem, ac rei novitate palpitantem, vaticinijs diversissimorum eventuum animat, monetque graviter, ut meminerit, quanto eunque premeretur hostilitatis articulo, ne *Sacræ* pecudis, aut aræ, sacrificiique quidquam, nisi se præsentem, sacrificandique ritum præscribente, tex attingeret; vel ipsa religionis omisione, religiosus esse litaturum. Ita vale dicto *Ramâtham* ipse; saules *Gabaam*, repetituri, viæ se dabant.

*Saul Rex inauguratur  
clâm à Samuele.*

*Saul repentinus Propheta.*

Dictu mirandum! Vix à Samuele digressus erat saules, cum rus omne pectoris, ac morum, excuti momentò, dilabique; regio

& diverso



## SAVLIS ELECTIO.

217

è diverso spiritus & indolem, in se intrare sensit. In reditu domū versus, fortuito offendit in Cantorum *Propheticum* agmen, quibus se associans, repente mirum psalter inter psallentes egit. Inde comitiis à Samuele *Maspham* urbem indictis, & sortibus super eligendo Rege ductis ex urna, fors Tribus Benjaminæ, & in ea ante omnes, nomen Saulis, divina temperatione emerfit. Is non ignarus, regnorum securiorem aditum nullum esse, quàm qui fieret per regni fugam, in pedes & latebras se concecit; ex quibus extractus, & in populi medium productus; cum proceritate corporis, humerorum, capitæque tenuis, omnium altitudinem superaret: primò confestim sui aspectu, cunctis speciem approbavit suam, præjudiciò futuræ majestatis, etiam è corporis magnifica forma plebeijs animos, & opiniones occupante. Solutis Masphæ comitiis, & sortitione Regis, Saul, qui necdum omnis populi sibi conjunctos & obnoxios animos experiebatur, ad privatæ fortunæ conditionem tantisper se recepit; nec eum puduit ad pristinam agriculturam reverti, exemplo posteris seculis imitabili.

*Saul Rex eligitur publicè.*

Interea subitæ tempestatis more Rex Ammonitarū *Nahaf*, ingenti cum exercitu in Galaaditidem regionem effusus, *Iabessam* urbem, operibus, sitûque loci munitâ, tanta vi oppugnat, ut conditione paciscentibus, non alia fuerit conditio proposita, quàm, ut singuli civium, dextrum oculum præbeant exsculpendū. *Iabessam* impetratis septem dierum induciis, Legatos *Gabaam* ad regē novum dimittunt, suppetias rebus in arctis rogaturos. Fortè Saules ab aratro domū redibat, boves ante se geminos agens; qui intellecta Iabessitarum calamitate, confestim ex Aratro, fortissimum se populi sui Ducem, gentisq; Regē ostendit; irruente in eum spiritu cœlesti, qui veteres gentis illius heroas stimulavit, nam protinus, universo Civium adstante, spectantēque cœtu; arrepto, quē casus obrulerat, acinace militari, boum suorum utrumque mactat, dissecatque complures in partes; quas totidem ad ministerium. Illud delectis baiulis partitur, per omnē circumquaq; Palæstinam circumferendas; additâ denuntiatione cladis, ac vastationis domesticæ, si quis decreto adversus Ammonitâs bello, præliq; defuisset. Conveniēte mox ad imperiū Régis trecenta triginta pugnatorum millia. Pridie, quàm septiduū induciarū exierat, Saules Ammonitarū adoritur castra; prorumpunt è portis quoq; ac mænibus animosè Iabessitæ. Fit in hostes, partim sopitos, partim semisomnes & incompósitos, atrox ex omnibus undiq; partibus prælium: ora fodiuntur & oculi (id quod minati fuerant Hebræis) si qui congressi sustinuisent ex adverso. Sed paucis hostium tantum animi fuit ad resistendum; pleriq; ne primo quidē Israëlitarū impetu sustentato, vel prælij tentatâ fortunâ, paventes, & inermes fugæ se

*Saules orditur regnum à victoria Ammonitarum.*

Ec 3

mandare,

mandare; vel, si qui cum armis venissent, ijs abjectis, ad salutem in latibulis ac saltibus quærendam; omnes in partes, incerti dispergi: deviaq; peterè, cùm pervia nusquam invenirent, ut jam non prælii, vel certaminis, sed laniensæ facies in castris esset, ne uno quidem, qui gladium levaret, in acie superstite, aut fugâ.

Hôte debellato, Samuel Vates, & Saules Rex, lætas inter acclamationes, & triumphales plausus, cum populo *Galgani* urbem ad ineunda nova regni auspicia se conferunt. Ibi de novo Rex inauguritur, regniq; insignibus induitur; populus sacrificijs, & epulis datoperâ Samuel ingratis exprobrat divina beneficia, nimis quàm sæpe maleficijs repensa. in eo, quantũ cœlestis indignationis promeruerint, demonstrat prodigiosa, repentinâq; sudò cœlò concitata tempestas, suscitatis enim momentò procellis, omne cœli lumen extinguitur; nubibus & caligine densissimâ, dies in faciem noctis inhorrescit, tonitruis insoliti tumultus, atq; fulgetris insuetæ formidinis, sævit aër: mistæq; fulminum jactibus, immanes pluviae, spissâq; grandò, tecta domuũ, stratâq; platearum persultant; unôq; temporis articulo, Galgalorum urbs, locaq; finitima diu prius sicca, latissimè diffusis undis, tanquàm maris æstu stagnant. Tenduntur supplices Samueli manus; hic satis formidinis salutaris pertinaci genti injectum ratus, quibus precibus concitaverat tempestatem, iisdem serenitatem cœlo, & perculsis terrore mortalibus tranquillitatem reduxit. Post quæ, nunquam Regis neq; multitudini, vel suis ad DEUM votis, vel fideli consilio defuturum, quoad in officio permanerent ipsi, contestatus; universos, ne recederent ab incorrupto, sincereq; DEI cultu; nisi *Regem* pariter atq; *Regnum* pessum ire vellent, novissimè, gravissimèq; cohortatus est. Id promittentibus omnibus, quod erant præstituri pauci: Ramatham Samuel; Gabaan Rex Saules; populus suam quisque domum repetunt: omnes non minùs belli gloriâ, quàm spolijs, ovantes & opulenti. Saules primò imperij bienniò charus mortalibus, charior longè DEO, quippe qui mentis innocentiam, animique demissionem, fraudis ac fastus ignarus, Divinæque Legi per omnia morem gerens, egregiam præ se, tulere; felicissimus Principum, si quo pede cœpit, eodem progressurus fuisset. Sed quia bene inchoatis constantia defuit, se, familiamq; suam in exitium præcipitavit. Id quâ ratione contigerit, sequenti narratione expediemus. Nunc discendum.

*Saul prodigiosa tempestate Judæos officij admonet.*

*Saulis iniuria bona.*

## DOCTRINA.

Quæ adhuc de Saule memoravimus, multarũ feracia laudũ sunt. Enumeremus quasdam cū scriptore sacro. Isr. 1. Reg. c. 9. v. 2. *Et non eras de filiis Israël melior illò.* Vide virtutẽ viri; & miserece lapsum.

Hinc

Hinc cap. 13. vers. 1. dicit idem divinus Historicus : *Filius unius anni erat Saul , Cùm regnare cepisset , duobus autem annis regnavit super Israël.* Ecce innocentiam Regis , tanquam pueri unius anni , fraudis & fastûs ignari. In qua innocentia non amplius biennio perstitit , ut adeò viginti duobus , quibus regnavit annis , non nisi duo fuerint , quibus officium Regis & viri boni præstiterit. Quæ Saulis defectio , commonefacit nos incredibilis humanarum voluntatum inconstantiæ , volubilibusque mutabilitatis : Quæ mortalium omnium , ex æquo , statum , ac conditionem percurrit , evertitque.

*Inconstan-  
tia hominû*

Omen Regis Sauli fuit , asinarum inquisitio. Disce Nobilitas , ex agalonibus reges fieri ; & ad proavos regrediendo , viliorû ne sperne lacernas , nepotum inflatus purpurâ. Memineris , quod legimus in lib. Jud. cap. 10. & 12. *Filios Principum debi super asinas ;* ut ex ijs conscendant equos.

*Non inni-  
tendû stem-  
mati.*

Saul monitus à servo , Samuelë inquisivit. Magna laus , quod consilio famuli inductus , quem aspernari poterat , Vatis congressum appetierit. Inde plurimi Principum ad altû decus enixi , tum verè ceperunt imperare , cùm sapientum monitis parère didicerunt.

*Virtutes  
Saulis.*

Alterum decus est , quodd monentem Samuelem attentissimè audierit , seque in omnibus morigerum præstiterit , non incredulus ad stupenda ; & ignobilitatem generis fastus ingenuè , nec desperabat ardua , nec ambiebat iniussa ; spes premebat optimas , nec tamen præcipitabat.

Deinde capessit imperium , similis fugienti , & acceptum demissius gerit , rusticanae adhuc affixus vitæ ; aratrum laureis consecrat. Nolebat infuetos populorum animos terrore magnitudinis obruere ; securius se regnaturum aestimans , si pro illis magis , quàm supra illos positus videretur.

*Et prophetavis in medio eorum.* cap. 10. vers. 10. Saul inter Prophetas Prophetam egit , id est , Psalten. Bonæ hic fructus Societatis est. Ortum exinde adagium : *Num & Saul inter Prophetas ?* Quasi anser inter olores , Acutè Epictetus : philosophari desideras ? para te ipsum , quasi irridendus sis , & audire debeas : unde novo huic supercilium philosopho ?

*Bona Socie-  
tas.*

Cæterum

Cæterum, viri illi, qui Prophetæ vocantur, futura non prædicebant; federant viri Religiosi, qui à turba secedentes vacabant DEO, illique hymnos & laudes concinebant, tum voce, tum instrumentis musicis, quos Samuel instituisse videtur. Hinc igitur unde primi Religiosi, primi quasi Religiosi, quos in S. Scriptura invenimus. Pro quibus postea David psalmos composuit. *Cornel. à Lapide (in hunc locum.)* Eos Chaldæus vocat *scribas*, quippe Sacræ Scripturæ describendæ, legendæ, discendæ, meditandæ vacantes.

*Saul altior fuit universò populo, ab humero, & sursum. c. 10. v. 23.*  
*Dignitas statura.* Multum confert ad regiam majestatem dignitas corporis, & proceritas staturæ. Sic Anchises à Marone celebratur *Aneid. 8. cunctis altior ibat.* & Tutnus *lib. 7. toto vertice supra est.* & Traianum, suū laudat Plinius (*in Panegyrico*) Quod non humeris hominum, ut alij superbi Imperatores veheretur: sed sola corporis proceritate elatior & excelsior, non de patientia civium, sed de superbia Principum triumphasset. Et Latinus Pacatus ad Theodosium Magnum *in Paneg.* quem animo & corpore magnum prædicat, ubi inter alia: Non frustra, inquit, opinione sapientum augustissima quæque species, plurimum creditur trahere de cælo. Sive enim divinus ille animus, venturus in corpus dignum prius metatur hospitium; sive, cum venerit, fingit habitaculum pro habitu suo; sive aliud ex altro crescit: & cum se paria junxerunt, utraq; majora sunt. Et subdit: Virtus tua meruit imperium: sed virtuti addidit forma suffragium; illa præstitit, ut oppoteret te Principem fieri; hæc, ut deceret. Et Euripides ait: præstantissima forma digna est imperio. Et hæc causâ est, quare proceritatem corporis Veteribus heroibus affinxerint Poëtæ; est enim ea sedes animæ dignior, & ad obeundas operationes insignes congruentior.

*Filij verò Belial (homines rebelles) dixerunt: num salvare nos poterit iste? Ille verò dissimulabat se audire. c. 10. v. 27.*  
*Locus Saul à clementia.* Egrediè Seneca *lib. 1. de Clementia:* Regibus, ait, certior est ex mansuetudine securitas: quia fræquens vindicta, paucorum odium reprimat, omnium irritat. Et quare Reges unctione consecrantur, nisi ut meminerint, lenitatem cum majestate miscere. nam Seneca testis: Qui vult amari, languida regnet manu. Quis enim invisa imperia retinuit diu? Vsurpandus amor apud populares, metus apud hostes. Et S. Bernard *ad Eugenium Pont.* Pauca, inquit, castiges, multa dissimules.

*Confusum in re subita.* Et assuens utrumque bovem, concidit in frustra. 1. Reg. 11. v. 7. In re subita, opus est animo heroico, & excelsio. Urgebant novum Regem, milite destitutum, hostium vis, & angustia temporis.

Itaque

Itaque subditorum animos ut ad celerem vindictam accenderet, pro face, terrorem admovit; juxta veterem Trochaicum.

Ad bonum, quos non traducit ratio, permovet metus.

¶

## NARRATIO LIV. SAVLES A DEO REPROBATUS, MALE PERIT.

1. Reg. cap. 13. 13. 28. 31.

Annis Mundi. 2968. &c. & 2979. Qui fuit ultimus Sauli.

Ante Christum 1085. &c. & 1048.



Quantam obsequii promptitudinē exigant, & constantiam, quæcunque vel apertè, divinitus; vel humanitus quidem, sed tamen sic quoque DEI jubentur auctoritate, luctuosos non minùs documento, quàm perpetuo monumento Saules est, primus gentis Hebrææ Rex, cujus causam, modumque *Reprobationis* exponemus.

Philisthini, jurati Israëlitarum hostes, illatam, per *Jonatham* Saulis filium, cladem ulturi, *Galaaditidem* regionem valido cum exercitu invaserant, latèque formidine circumlatà, etiam urbi *Galgala* imminentes, Saulem, qui tum ibi morabatur, magnas in angustias conjecere, dilabentibus plerisque per summam ignominiam, Israëlitarum non modò copiis, sed etiam viritim in singulos dies militibus. Perstitit tamen Rex, præceptorum Samuelis memor, sex ipsos dies. Restabat septimus, quem Samuel discretè, signatèque præfinierat. In quo mandato, quoniam DEI fuerat, non hominis; quærendum non erat: curnam dies sex expectationi tam periculosa, non sufficerent? sed septimus insuper requireretur, ad populi trepitationem, ac periculi magnitudinem augendam? cum enim quidpiam à DEO præcipitur, vetaturve: tota præcipiendi, vetandique ratio, ipse sibi DEVS est: qui leges & jura dat; legum autem causas, & demonstrationes dare neque solet, neque debet. Illuxerat dies septimus, & verò magnis jam passibus procedebat. Nondum præstò Samuel erat, A tergo, lateribusque Philisthæus instabat hostis: & qui pellendo hosti collectus miles Hebræus erat, adhuc in singula momenta, tanquam autumnii frigore folia, divolabat. Neque tamen adhuc id, cujus causâ Galgala Rex petierat, & ibidem tot dierum

Ff

moram

*Saul gravi-  
ter delin-  
quit Sacri-  
ficando in-  
tempere.*

*Pena Pe-  
cati Saulis.*

moram devorârat, perfectum erat sacrificium, destinatum ad DEI favorem & gratiam, bello tam duro, præmolliendam. Tot igitur ac tantis gerendæ rei difficultatibus circumvallatus saules, sacrificium aggressus; non fuisset quidem (quod aliqui volunt,) fortasse manibus (quippe Regno, non Sacerdotio consecratis) sed Pontificis *Abie* operâ, quem in castra secum adduxerat: litavit quidem, & perfecit hostiæ flammam atque cineres. Sed quantum victimam, tantum Numinis indignationem accendit: cujus testis & interpretes statim factus est Samuel. Is namque Sacrificio jam consummato superveniens, cum obviam egressum, honoris ac reverentiæ causâ Saulem interrogasset, idque succensentis, non ignorantis, *Stonachô*: QUIDNAM FECISSET? eum nequaquam, pro spe regis excepit. Nam ipsum purgare se, necessitatis extremæ legibus conantem, graviter increpare, severèque cæpit: quippe qui non expectando septidui novissimam lineam, haud inobsequentem duntaxat præcepto Numinis, sed planè rebus quoque fuisset malè consulentem, ac stultum sese præbuisset. Obtemperandum fuisse DEO, tametsi morte quoque sua, residuèq; multitudinis internectione, cælestis imperij statum fuisset obsequium. Ac potuisse DEI potentiam non modò vivos in tutum, & libertatem: Sed etiam interfectos, in vitam, aciemq; revocare. Quanquam minimè gentium id in fatis fuerit, ut à Philisthæis tunc delerentur: quorum gladios, sicut à cervicibus Hebræorum, divinæ manûs præsidium sex antecedentibus suspendisset diebus; ita cohibere potuisse, reipsaque cohibiturum esse, sub septimæ quoq; lucis finem atq; fugam. Potius id delinatum (cum exceptione tamen) fuisse; sub idem hoc tempus, & populi sui securitatem, hostium occidione, præstare tranquillam: & Saulis domum atque stirpem æternitate regni constabilire. Nunc autem vitio regis (quippe DEO suo nec innitenti, in rebus artibus, nec ad præscriptum obtemperantis) neque radices porro, neque ramos aut frondes trusurum esse Saulææ familiæ sceptrum: sed exarescente propagine dominatûs, in ipsis sui principiis, habiturum finem. Jam enim alio de rege subrogando cogitari, qui rex, spretum à priore Numinis imperium, obsequendi promptitudine resarciret. Idque non tantummodò deliberatum in cœli curia, sed penitus etiâ conclusum esse: decretumque jam factum irrevocabile.

Samuelis tam vehemens, tamq; inexpectata regiis auribus increpatio, divinationi conjuncta, quantos in animo Saulis cogitationum fluctus excitârit: tametsi perscriptû sacris in Voluminibus non sit, conjecturæ tamen difficultatē, apud humanarum affectionum intelligentes, nullam habet. Sauli quidē certè, tam multis antehac nominibus probato regi, brevissimâ unius dieculæ morâ non pertulisse,

tulisse, gradus fuit primus, ad omnes deinceps reliquæ vitæ luctuosos dies. Nimirum nihil unquam censeriparvum debet; quod mandat ille, cui sua minimis etiam in rebus, summa semper majestas constat.

Samuel cum tristi illa denuntiatione perculsum Saulem reliquisset, concessit in urbem Gabaam, ubi tunc cum præsidio mille virorum Ionathas, Saulis filius, agebat, ad Philisthæorū, vicina loca insidentium, excursiones prohibendas. Fortissimū Regij juvenis facinus, cum pari gloria conjunctū, non possumus non hoc loco, ita ferente historiæ serie, commemorare. Philisthæorū castra stabant medio, inter *Masmas* (urbem tribus Ephraimæ australē) loco, prærupto, & pænè inaccessō; ideōq; minus custoditō. Ea re animadversa Ionathas, cui & sua dignitas, & ætas, & conscia virtus, & quod caput est, singularis Numinis afflatus animos faciebant; circumspicit opportunitatē egregij alicuius facinoris perpetrandi; communicat consilium cū adolescente armigero suo, ad Principis mores ac voluntatem facto, fectōque. Adrepunt duo soli per asperrimas cautes ad Philisthinorum stativa: invadunt excubitores, iisque proximos; nec pauciores, viginti prosterunt. Inijcitur trepidatio totis castris, terrorem augentē inusitato terræ motu, & hostiū animos ita perturbante, ut, dum in fugā alij alios aut retrahunt, aut implicant, in se ipsos arma converterent (quod etiam tempore Gedeonis factum) & mutua se cæde trucidarent. Saules quoq; recollecto exercitu facit impetū in terribitos, magnamque cladem edit. Sed quia copiarū hostilium multitudo non uno in loco erat vincenda: Saules prosequendæ victoriæ cupiditate incensus, juramento suū, & uniuscujusque caput obstringit, vitæ propositō suppliciō, si quis ex omni militū numero cibum antè sumpsisset, quā univēsum hostilē exercitum rex delevisset. Victoriā partā, consultum Oraculum, num ea strage satis litatum esset Vindictæ bellicæ; cū responsum nullū redderet, perfortes inquisitum est, in causā silentij; compertūque *Jonathas*, & propria confessione deprehensus mel linxisse silvestre, summitate virgæ ad favū extenta, ignarus tamen adjurationis paternæ, & gravis inediæ necessitate adactus. Fuerat tamen ille linctus capite staturus, nobilissimo & fortissimo Juveni, nisi populi deprecatio intercessisset, negantis victoriæ suæ principem, & auctorem, fieri victimā oportere. Quod quidem Saulis edictum, ei que pœnam adjunctā dum alij nimis severitatis damnant, alij absolvunt, nos in medio relinquemus; & alterā *Reprobrationis* miseri regis causam referemus; quæ fuit alterius mandati neglectus.

Jussus quippe à DEO Saules erat, *Amalecitas*, gentē Palæstinæ, cujus scelera mensuram expleverant, radicitus excindere: non sexus ullā, non ætatis, aut formæ misericordiā: neque gregum

*Fortissimum  
facinus Io-  
nathe, Filij  
Saulis.*

Ob inobedi-  
entiā Saulis,  
regnum  
in Davidem  
transfertur

& armentorū, ceteriq; pecoris ullo respectu neq; rerum ac fortunarum hostilium, aut spoliolum ulla cupiditate; si quis hostili jugulo pepercisset, hunc in proprium caput crudelē fore: daturūque pœnas, quia pœnas non sumpsisset. *Saules*, prostratis magna cæde Amalecitis, regnōq; devastatō, cū omnia, quæ viva, iussu DEI trucidanda; quæ capta, ferro, flammæque destruenda fuissent; cū ipse, tum milites regem Amalecitarū *Agagum*, è fuga retractum, conservandū sibi sumpserunt pro triumpho; vestimentorum insuper pretiosiora: gregum & armentorum pinguisima quæque: denique supellectilium, & opum potiora, magisque speciosa sibi quisque, vel regi suo reservarunt. Nec aberat improbitati titulus, opimior DEI cultus, & pinguiore in Sacrificia victimæ: donariæq; Tabernaculi, captivum aurum, ac vestes. Quâ re intellectâ *Samuel*, irati Numinis vindictâ iterum *Sauli* denuntiat, ob contumacē arrogantiam. Simulq; bobus omni bus obessorē *Agagum*, graviter ob tyrannidis crudelitatem increpitum, ac mortis propinquitatem contremiscentē, superque acerbitate vicini fati quiritantē, ad arā trahit; impellentēque DEO, gratissimam cœlo victimā facit, suapte dextra concisum in frustra. Quod peractō, *Ramathaim* ipse, relicto perpetuō *Saulis* consortiō, se refert. Ibi multum, sed incassum, deplorato *Saulis* casu; à DEO *Bethlehemum*, oppidum Iudææ Tribus, ablegatur, Iesseque filium *Davidē*, novendecim tunc annos natum *Sauli* substituit, ac Regē inungit, septē eius fratribus, ætate majoribus, neglectis. Ex quo temporis puncto *Saules*, tametsi pro rege se gereret, ad extremum usque vitæ spiritum: mortalibus quidē plerisque Rex; *Samueli* verò, Deoque regni tantummodò procurator esse cœpit, *Davidis* vices obiturus.

*Saulis* scolaria.

Hanc autē rerum, ac functionum mutationē invexerat repentina *Saulis* è viro bono, degenerē in virum, transmutatio: potissimum cognitæ divinæ Voluntatis, nec tamen operibus expletæ, culpa. Spiritu dehinc privatus est illo, qui Regibus ad idoneā gubernationē pernecessarius est; & in vicem nefariō bilis atræ Geniō inessus, in alia super alia delicta præceps ruit, ingens mortalibus omnibus exemplū, suopte damno, primos ut post lapsus, quàm maturrimē resipiscant, nisi tristius perire velint. Nam & *Davidem* optimē de se, deque regno suo meritum, generū insuper suum, sæpius lanceâ transverberare, aliōve mortis genere, de medio tollere conatus est; & *Abimelechum* Pontificem, cū octoginta quinque sacerdotibus, quod fugienti *Davidi* receptaculum concesserant, cū universis Nobæ urbis incolis contrucidavit, restatque succendit. Ad artes denique magicas confugit, *Samuelē* è tumulo excitaturus; cuius minax spiritus ultro se aspectabilem reddens,



reddens, postridianam cladē interminatus est. Saul enim tribus cum filijs, à Philisthæorum exercitu cæsus, ac profigatus est. In fuga, spe salutis abjecta, furijs agitato conscientie, timensq; , ne hostium insequentium in manus incideret ( à quorum sagittis jã vulnus acceperat) consilium interficiendi sui concipit; direptum vaginã gladium pronus in medium defigit corpus; quē continuo, furoris eodē genere sectatus armiger, & ipse necem infert sibi. Hostes in promiscua strage, Saulis & filiorū corpora deprehendunt; illum regijs ornamentis exuunt; cadavera foedē truncata, denudatāque, ex mœnibus urbis Bersamis suspendunt; quæ de nocte à Isabelfitis civibus ablata, publico civitatis luctu, terræ *Et scelerum supplicia.* mandata sunt. Caput verò Saulis præcisum, in templo Dagonis idoli, tanquã anathēma suspensum à Philisthæis.

Sed quid juvant Saulem honores tumuli, si anima sepultā sit in Tartaro? Itaque filiorū ( quod mireris ) optimi quique, fortissimique prælio sunt cæsi: deteriores reservati, non ad gloriam, Saulis, sed ad opprobrium. *Isbosethus* enim, animi nequaquã militaris, à latronibus, meridianis, dormiensque trucidatus; de quo postea. Ionathæ verò filius, *Miphibosethus*, patris optimi, natus non malus; DEO tamen *Avi* scelera, vel in nepotibus castigante, caprus pedibus fuit: &, fortunã sæpe magis, quã pede claudicans, alieno vivere coactus est arbitrio, cibo, tribunali. Filij præterea, quos è *Rispha* concubina suscepit *Saules*, carnificū manibus transmissi, in crucem sunt acti. Patruelis *Ahner*, à *Isabo* copiarum Davidis duce, turpi, foedusque vulnere missus est ad plures; ne superaret, qui Saulis familiam, in regni propagandi spem, excitaret unquam, aut fulciret. *Micbôli*, Saulis filia, ne liberos quidem unquã, è Davide marito, largiri DEVS dignatus est: ut nec femina quidem ulla, *Saulæ* stirpis aliqua favilla superesset.

## DOCTRINA.

**I**N Saule eluxerunt virtutes aliquæ, quas supra indicavimus, *Præbatio Saulis cum meritis.* sed eas vitia longè plura obtenebrarunt. Prima illi labes, *animus anceps, & bifidus*, qui DEO non erat affixus, sed pendulus, sua circumspiciens, nec divina satis æstimans, Regni magis cupidus, quã Regnanti DEO subiectus; Religionis non expers, sed præposterè curiosus. Cùm omnia illi à DEO per Samuelem obtigissent, hunc spectare, hunc colere, hunc sequi, nisi læva mens fuisset, oportuit. Et dum nimis pius esse studebat, fit impius, & de sacrificio sumit pœnam, qui de obsequio debuit auspicari decus.

Altera labes, *consumacia obsequendi*. Amalecitas funditus

delere iussus, parcit Regi, & opimis gregibus, perficaci misericordiâ, & avaritiâ clemente, servans in suum exitium, quod perdere in DEI honorem debuit. Quod ei exprobrans Samuel, ait 1. Reg. c. 15. *Nunquid vult Dominus Holocausta & victimas, & non potius, ut obediat voci Domini? Melior est enim obedientia, quam víctima.* Quia, „ inquit S. Gregorius, per victimas aliena caro, per obedientiam propria voluntas mactatur. Et Salom. Proverb. 21. v. 28. *Pro obedientius loquetur victorias,* & triumphos canet de hostibus victis. Vicit Saul, dum iussus pugnat; victus est, dum injussus, imò contra iussum, parcit:

Tertia malorum radix, feralis in Davidem *invidentia*; quam ingens viri celebritas in dies accendebat, imbecillitatis suæ confcio. Hinc odia manifesta, & cædes Sacerdotum tragicæ. Præclare Seneca *lib. de Clementia*: Principibus quidē, inquit, invideri, & invidere cognita mala sunt: sed invidere majus malum est: invideri enim virtutis est; invidere infirmitatis & insanitæ.

Quarta exitij causa, *Magia*. Ubi Superos flectere non potuit, Acheronta movit, Pythonissam consuluit, hoc est, anum divinatricem, necromanticam, Sagam. Hic apex scelerum, & malorum omnium cumulus in hominibus, ubi per artes illicitas tentant scire, quæ Numen voluit ignorari. In qua re tantò Saules detestabilior fuit, quantò laudabilior antè, cum regni initio, magos, ariolos, pythones, mulierésque pythonissas ex Israëlitis omni regione eradicavit.

Quinta perditionis, & quidem æternæ, causa, *sui ipsius interfecio*. Deliquerat Saules, & graviter, & frequenter: milliésque mortem commeritus erat. Hanc igitur eum DEVS opperiri voluit, interprete Samuele: moréque *Rei*, capitis damnati, cervicem hosti, tanquam immisso carnifici præbere. Non erat ergo sumenda mors capiti nocenti; sed acceptanda: nec præripienda, sed pacatè toleranda. Delevisset sanguine, quidquid improbâ vitâ maculârat. Nunc, quoniam sibi ipse violentas manus intulit, priusquam tumultum corpus in terris acciperet, anima sepulta fuit in Tartaro. *Solus enim DEUS vitæ & necis potestatem habet.* „ Sapient. 16. Et agnovit Tullius, *Tuscul. 1.* Vetat, inquit, dominans ille in nobis DEVS, injussu hinc nos suo demigrare. Et Seneca, *Epist. 24.* Vir fortis & sapiens non fugere debet è vita, sed exire. Et Curtius *lib. 5.* Fortium virorum est, magis mortem, contemnere, quàm odisse vitam. Et Plato in *Phedone* censeret, majori supplicio afficiendum desertorem vitæ, quàm desertorem militiæ. Convenit in Saulem eppigramma Martialis *lib. 29.*

*Hoftey*

Hostem cum fugeret, se Fannius ipse peremit.

Hic rogo, non furor est, ne moriari, mori?

Ad extremum dicant Reges & Principes, Homines esse se, non hominum Deos, sciântque, quàm ipsi jus dicunt populis, tam, de se quoque iudicium à Numine factum iri. Propterea, què quàm reverenter haberi volunt ipsi à suis clientibus in terra, tam ipsi DEUM habeant in cœlo: nec agant ex Arbitrio cuncta, sed è Legibus. Fit enim ut plurimum; ut, qui plus sibi licere putat, quàm par est; plus quoque velit, quàm liceat. Id quod in Saule res ipsa docuit: qui parvis ab inijs, simulac indulgere cœpit animo suo; prorumpere paullatim ausus est in fanda pariter, infandâque: Sacra, profanâque, victimas atque cædes, humana denique divinâq; permiscendo; donec is tandem, qui sine fræno dominari voluit, nec ad præscriptas à DEO, regni leges tractare regnum; licentiæ suæ neque cursum potuit, neque metam, tenere.

*Saulis periculoso Sapiens reges,*

## NARRATIO LV.

DAVIDIS DVEL  
LUM CUM GOLIATHO  
GIGANTE.

1. Reg. 17.

Anno Mundi 2971. Ante Christum. 1082.



Ethlemiô David oriundus oppidô, Tribus Judæ, patrem habuit *Isai* seu *Jesse*, virum rusticanum, sed agri divitem, & copiosum. E septem fratribus, natu minimus, pascendis gregibus erat admotus. Commendabat adolescentem præ cæteris, formæ dignitas, peritia tractandæ citharæ vocisque suavis singularis; quâ jam tum inter silvas ac pascua compositos à se, diversis carminum mensuris, psalmos modulabatur. Ac ple- *Davidis*  
stro quidem ad barbiti chordas: manibus autem ipsis, quo- *pastorculi*  
ties casus & res exigent; ad pugnas utebatur. Prima certami- *preludia*  
num ei rudimenta, silvestres adversum feras, oviliur, vastatrices, *fortitudinē.*  
inciderunt. Quibus cum adeò non operosa fuit ei luctæ moles; ut  
(quod *Siracides* festivè dixit) cum leonibus, quasi cum agnis, & cum ursis,  
quasi cum oviculis, victor luderet. Ferocissimas quasq; bestias, aut caulis  
imminentes, aut inde cum præda revertentes, ultro prior ipse velo-  
cissimo

ciffimo persequeretur cursu; comprehensas manibus nudis, arrepto mento, jugulove conficiebat. Hæc certamina prælium fuerunt, illius periculossissimi cum Philisthæo *Goliatho* duelli: quod in ætatem *Davidis*, vicenniò paulò majorem incidit. Ea pugna ita se habuit.

*Goliathi  
terror.*

Turbantibus iterum pro inveterato odio Philisthæis, & arma movētib; in Hebræos, David ex aula regia Saulis, ubi p falten egerat, ad pascua sua remissus est, haud inter se conveniente, cytharæ, tympanorūmq; sonitu. Vicina locārant inter se castra Hebræi, Philisthæiq; , hinc & hinc in colle, parati ad pugnam, si forte hostis in vallem interjectam, certamen conferturus descenderet, quod mutuis clamoribus sæpius poscebant. Quadragesimum jam diem, ducebatur magis bellum, quàm gerebatur, neutris aleam tentantibus; quo tempore, *Goliathus* quidam, gigantæâ staturâ, & armis robori paribus ferox, in medium progressus, truculenta voce provocabat ad pugnam, si quis ex omni Hebræorum numero prodire contrâ, secūmque componi sustineat, deque imperio gentis utriusque dimicare. Quæ minæ, & convitia, cum arrogantiâ, fastūq; barbaro quotidie jactarentur, neminem tamen Hebræorum excitârunt, ut vel publico dedecore, vel privatâ gloriâ, vel promissis à Saule divitijs, & tributorum immunitate, vel regiæ filiæ conjugio, ad ineundum singulare certamen se promoveri pateretur. Tantum omnium animis incusserat terrorem oris truculentia, & corporis in hostili provocatore vastitas.

Sub idem ferè tempus venit in castra David, admodum, ut dictū, adolescens, missus à parente cum commeatu ad fratres, & munusculis ruris, ad tribunum perferendis; cum more suo procedit gigas, consuetâque ferocia, & insultatione laceffit, si quis esset, qui secū cominus congrediretur, suæque genti vel æternam servitutem victus, vel imperium afferret victor. Vbique rursus trepidatio, & fuga inter Hebræos; ut idcirco suam illis timiditatem quotidianis contumelijs exprobraret barbarus, qui in tot bellatorum millibus non inveniant vel unum, totius qui gentis abstergat dedecus: & periculò suò, ceterorum pudori consulat. ubi nunc cum suis armigeris Ionathæ, qui nuper Philisthæis castris tantas trepidationes intulissent: ubi Saulis gloriose de Ammonitis & Amalecitis victoriæ? ubi ceteri heroës circumcisi, tot egregijs bellorum facinoribus clari? Hic *David* non magis ferocem hostis superbiam, quàm imbellem suorum consternationem miratus, intellectis, quæ victori promissa erant, præmijs, spiritus concepit DEO plenos, & ad dimicationē paratos. Quod advertens *Eliab*, fratrum natu maximus, jussit eum cū objurgatione ad sua se pascua referre, & inconsultam.

fero-

*Davidis a-  
nimus con-  
tra gigan-  
tē pugnandi*

## DAVIDIS DUELLUM CUM GOLIATHO. 229

ferociam in tuendis gregibus ad cæteros opitiones ostentare; linqueret arma viris; quæ puerorum essent, tractaret ipse puer. Non ideo tamen ab incepto destitit juvenis, vires & animos suggerente Numine. Res deferitur ad aures Regis: sistitur coram adolescens: imparitas ei certaminis obijcitur, & inexperta adversus veteranum bellatorem militia; quibus ipse reponit victorias à se de belluis relatas, haud sanè formidabiliorem ijs esse thrafonem illum allophylum, Martem in lingua magis, quàm manu gestantem. Delectatus ea Rex animi magnitudine, pugnam poscenti permittit; utque humana cum divinis præsidia conjungeret, armis ex armamentario suo depromptis jubet indui adolescentem, magis id patientem, quàm optantem, quippe, quem fiducia Numinis, omni firmior chalybe obarmarat. Sed cum ijs corporis munimentis plus impedimenti, quàm inesse subsidij videret, exutà cataphractà, ad arma ruris, aculaculum, peram, fundam, & lapides, quos fortè de torrente selegerat, convertitur, atque in pugnam procedit.

Graditur ex adverso Philisthæus, magna se mole ferens, qui juveniculum intuitus inermem, nulloque dimicationis apparatu formidabilem, in quo debellando plus pudoris, quàm gloriæ colligeret, indignabundus jussit è conspectu facessere imbellem canem, nisi portinus mallet proteri pedibus, & corvis fieri pabulum; conjectis etiam in Hebræorum DEUM contumelijs, minisque cælo intentatis. Non minus animi, ac linguæ Davidi fuit in repellendis minacijs, quàm Philisthæo in inferendis, præsertim, cum spiraret iras, non ab humano robore, sed à præsentis Numinis auxilio metuendas. Post velitationem verborum, ad decretorium certamen venit, spectantium mentibus varia expectatione suspensis; Philisthæi certa jam spe victoriam devorarent; Judæorum alij temeritatem adolescentis damnabant: alij rem incertæ fortunæ committebant. Jam Goliatus toto corpore cataphractus, obviàm se tulerat, ingentem manu hastā vibrans; cum David, ocyus emicat, silicem rapit è pera, imponit fundæ, librâtque istu tam destinato, ut excussus, mediam Philisthæi feriret frontem, fractoque cerebro hæreret fixus. Bovis instar, vasta procumbit moles; David superstantes jacenti, caput amputat gladio, ex adversarij vagina educto, cumque opimis spolijs ad Regem Saulem contendit.

Eò spectaculo fracti animis Philisthæi, in effusam mox fugam se dederunt attoniti, persequentibus Hebræis, & terga cadentibus, tanta strage, ac si omnium capita, unius in Goliathi corpore stetissent. Fugatis, concisisque hostibus, reversus est in civitates suas victor exercitus, lætitiâ triumphans, & spolijs dives.

*David Goliathum prostermit.*

*Triumphus ex victoria.*

dives. Rex Saul, cum Ionathâ, cæterisque filiis, curru regio sublimis ibat; hinc *Abner*, aliique militiæ Duces vehebantur, & inter eos David, publicæ lætitiæ fons, & caput, vestimentis, armisque Ionathæ refulgens, manûque famulari caput inimicum in conto præferens; (gladium hostilè postea in sacro Tabernaculo dedicavit) omnes redimiti coronis, & palmis insignes. Ante currus agebatur multa Philisthinorum in vinculis turba, servituti mancipata: interstrepentibus militari clangore tubis, & lituis, festoque bellicorum tympanorû fragore. Huic agmini triumphali, obviâ ex urbibus undequaque prodierunt puellæ Hebrææ, festivis cantibus & choreis, victores salutantes. Summa *epinici* erat: *Percussit Saul mille, David decem millia*. Atque ut felicitatis comes est invidia, mulierum illo minus temperatò laudandi studiò, David in bellum aliud pertractus est, priore diuturnius, molestiusque; in quo cum Saulis invidi Regis odijs, amore: cum illius malefactoris ac perfidia, beneficijs ac fide concertavit, octo ipsis annis, in varia, atrociâque mala, per omnes Chananitidis regiones circumactus. De quibus subinde plura.

*Et invidia.*

## DOCTRINA.

Quemadmodum Spiritus Domini Davidem suaviter affecit: ita impiû Saulem deseruit. Quod facti Regii testantur: *Spiritus autem Domini recessit à Saule* 1. Reg. 16. Sauli velut degeneri filio, jam repudiato, subtraxit DEUS spiritû *principalem* illum, rebus necessarium, spiritum sapientiæ ac fortitudinis, concessitque eum Davidi. Ab eo tempore, Saul nihil egregij facinoris patravit. Qualis autè Rex fuerat, talis & exercitus illius, timidus, imbellis, effeminatus. Unius hominis Goliathi vox fugavit omnes. Nimirum totis castris Saul metû infudit. Tanti militiæ dux est. Et rectè dicere solebat Chabrias, Atheniensis Dux clarissimus: Terribiliore exercitû esse cervorum duce leone, quàm exercitû leonum, duce cervo.

*Aulicorum Saulis sinceritas.* Ecce Spiritus Dei malus exagitat, &c. 1. Reg. 16. Laudanda libertas Palatinorû, apertam Regi veritatè in os ingerentiû. Fuissent, qui blandissimè dixissent, non esse nisi atram bilè, seu paulò graviore melancholiâ; at isti nihil tegunt, nihil dissimulant; affirmant, quòd res est. O magni Principes, quoties defunt, qui vobis verû enuntiant! Tegunt, fucant, comunt, dissimulant, centû larvis obvelant veritatem Placentini vestri, dicam, an Palatini.

*David exercitiû virtutis in Aula habuit.* Suavis DEI Providentia voluit Davidem, Aulicum aliquamdiu agere in Aula Saulis, idq; ante occupatû Regnû; ut sensim disceret, suo se tempore rebus gerendis applicare; utq; per adversas, variâsque insidias, ad sublimitatè regni eluctaretur. Vult nimirû deus, ut ad soliû aureum, sed per gradus ferreos ascendamus.

*Stupebant*



## MALEFICIA SAULIS IN DAVIDEM. 231

*Stupebant ac metuebant nimis* 1. Reg. 17. Reliquis trepidantibus, imperterrito animo David constitit, cui spes erat victoriæ in solo DEO posita. Sic, sic, ait August. *Serm. 5. de Verb. Apostoli*: „ aliter non, omnino aliter non prostermitur inimicus. Qui pugnat viribus suis, antequam pugnet, prostermitur. Et Chrysost. *homil. de David & Goliath*: David dixit ad eum: Tu venis ad me fidens in gladio, ego in DEO; tu terrenis armis dimiccas, ego cœlestibus pugno; tu in lancea, ego in fide; tu in clypeo, ego in pace; tu venis ad me in armorum virtute, ego in potentissimo adjutore. Denique in te tua arma vertentur, in te tuus gladius exeretur. DEI est enim hæc pugna, DEI erit & ipsa victoria.

*Victoria à Deo.*

Quinque sibi lapides selegit David, quorum unicus Philisthæo bello finem dedit. Hoste uno exarmato, ad plurimum victoriam facilior fit gradus, Goliatho cæso, omnes Philisthæi jugulati sunt. Uti suos quisque patimur manes, ita suo quisque velut natio, & perquam familiari attrahimur, & implicamur vitio. Quisque suum noverit hostem, cum quo dies, noctesq; digladietur. In hunc unum collineet, adversus hunc unum vires convertat omnes; Vno dejecto, gravit cunctos.

*In uno stentur plurima vitia.*

*Non rectis ergo oculis Saul aspicebat David à die illa, & deinceps.* 1. Reg. 18. Vox illa gratulantium: *Perussit Saul mille, & David decem millia*, tantum una scintilla, odiorum incendium excitavit. Nullum sine sale sacrificium, nulla sine invidia felicitas. Crus ægrum Socrates fricabat, non sine voluptate; sed mox dolorem sentiens. Quam Natura, inquit, nihil admittit gaudij sine mœnore! nusquam sine felle mel est; sine absynthio saccarum; ignis sine fumo. Merum mel & rosas sparserat triumphus iste; gaudijs & gratulationibus faustis resonabant omnia; Repentinos felis imbres effudit Livor, & omnem diei hilaritatem fœdavit. Sed nec ista David tempestate terretur, DEO suo nixus: Iam tum regnare didicit; nam Seneca teste: *Arts prima regni est, posse invidiam pati.*

*Invidiæ temporis Dæmonia.*



# NARRATIO LVI. MALEFICIA SAULIS IN DAVIDEM.

1. Reg. 18. 19. 22. 23. 24. 25. 26.

Annis Mundi. 2971. 2972. 2973. 2974. 2975. 2976.

Ante Ch. 1082. 1081. 1080. 1079. 1078. 1077.



**S**aul, ut supra exposuimus, odij & invidiæ Furijs instigatus in Davidem, omnes machinationes adhibuit, ut hominem de se, regnôque suo meritum optimè, tolleret è medio. Epinicium Davidi cantatum, erat ulcus in pectore livido, quod altera mor post victoriam, & cæsum Goliathum die, sese aperuit; Sauli namque ab oreino spiritu, exagitato, cum David adduceretur, ut malo Genio citharæ suavitare pulsò malaciam reduceret insanienti, conatus est (non ignarus quid faceret) lanceâ transverberare psallentè; peregrisèque crudele fatinus, nisi David capitis declinatione, ictum frustrâssset, eiùsque impetum in parietem deflexisset. Quod scelus cum non successisset, ut fraude perficeret, quod aperta vi non poterat, simulat rex impius, tanquam in seio sibi & invito hasta fuisset elapsa, moxque aliam indutus larvam, statuit homicidium moliri, nec sine specioso vaframento. Constituitur David tribunus militum, ut periculis objectus tantò petiret citius, quantò promptius in belli discrimina ruebat impiger juvenis. Nec ea vafritie procedente, alia sangvinaria fallacia excogitatur. Pro *Mitoba* filiarum Saulis natu grandiore, Davidi in victoria præmium promissâ ac desponsâ, sed perfidè alteri collocatâ, *Micbala*, soror illius in nuptias offertur, adjectò quasi dotis pactò, *centum* è Philisthæis cæsis, præputiorum. Horum difficili præsefectione circumventum Davidem, sperabat saules, in infidias atque perniciem esse præcipitandum. At ille non contentus centum, etiâ duplum annumeravit impudentis illius postulati victor hostium, ac gener regis utrisque licet invitis, factus. Paulò post, celebritate famâque generi sui, veterem retractus in invidiam saules; ad ingenium suum, & Davidis ad odium reditimpellit ad eius necem maturandam non tantum amiciores suos, atque domesticos, sed insuper Ionathâ filium suum, Davidis amicissimū; ut hic eum, ceu Regni, quod morte patris ad eum esset transitorium, subfessorem è medio tolleret, Nihil ponderis habuit crudelis instigatio

*Saulis in  
Davidem  
inimica ma-  
chinationes.*



# DAVIDIS DVELLVM CVM GOLIATHO. 233

gatio; plerisq; Davidis gloriæ, magnanimitatiq; faventibus; Jonathâ comprimis patrē à cruento consilio avertente. Verum nec ista reconciliatio fuit aïosa. Nō enim multò pōst, redeuntē tū invidiæ, tū furoris æstu, cithara ludentem, canentēmq; coram se generū, aggressus hastæ solitæ coniectu Saules; iterum nifus est trajecere: fugientēmq; suas in ædes, & in uxorio thalamo latitantē; per emissarios insecutus, ad se perducī, catenis injectis, imperavit. Occidissetque; ni conjugis Micholæ sedulitate, per averfam domūs partē; è valvis demissus, David & ministros sefellisset regios, & iniquissimum regem; Ramátham versūs, ad Samuelē, institutā per tenebras fugā. Quo tempore Michola conjunx; ne viro facultas deesset elabendi, quāmq; longissimē recedendi: simulacrū lignēum, ad hominis longitudinē figuratum, ac pelle capræ fulvæ vittatum, in lectulo, tanquā ægrotantis mariti corpus, collocavit: & aliquantisper satellitis, eo dolo circumscriptos detinuit; donec ex rege, quid agendū esset, intelligerent. Fraude Micholæ tandē, Davidisque fugā, compertis: non destitit tamen Saules eū, etiam Ramáthā usque, tum per lictores suos, alios ex alijs, inmissos; tum per seipsum quoq; persequi. Nec abstinuisset ab eius eadē manus; nisi vis altior ei tunc, homicidæ mente subtractā, mentē ac spiritū injectisset hominis entheati, eūmq; cætero *Prophetarum* choro vaticinantis. Quare manibus tunc quidem incruentis & innoxijs, Gabaam reversus; non diu tamen innocens esse perseveravit; sed pōst paulō ad Davidis insectationē se retulit. Quem iterum, uti proximē, purgare patri, reconciliariq; Ionathas conatus; non eadem, quā tunc, est usus patrocinijs felicitate, successūque. Nam, elatus iracundiā, longē quā unquā antehac, ardentior Saules, & verbis contumeliæ plenis, & assuetæ sibi lanceæ cuspide, Defensorem Davidis impetivit, cum Davidem ipsum non posset. Nec deinceps eō minūs in proposito perstitit, invisi sibi juvenis occidendi: quibuscunque contingeret eum in locis ac latebris deprehendi.

Sed jam David à Jonathâ præmonitus, ad tutiora se contulerat: Gabaaq; sinibus excedens, *Nobem*, urbē in Tribu Benjaminæ Leviticā, ac Pontificis, Sacerdotūmq; tunc sedē, confugerat. Ibi ab *Achimelēcho* Pontifice, paucissimō eū comitatu, comiter exceptū: & *Gladio Goliathi, panibusq; sacris* pro rerum necessitate, viaticatum; *Dægu*, (Idumęus qui *circumcisionem*, & Hebręorum ritus, acceperat) regionū pastorem præfectus, Sauli prodidit. Hic tum, ut tyrannus, qui sacrum inter & prophanū jus, caputq; nihil distingueret: ad se, nullā morā, per lictores Achimelēchum accersit. Venientem, & in conspectum perductum cum octoginta quinque Sacerdotibus, acerrimē primū, ob hospitium & amicitiam *Davidicam*, summam per calumniam increpat; deinde cunctos imperio

*Micholæ conjugalis fides in Davidem.*

*Chimelēchus Pontifex cum 85. Sacerdotibus caditur.*

*Achimelēchus Pontifex cum 85. Sacerdotibus caditur.*

*Insuper Nobes urbis incolæ,*

imperiò suo, Doëgique famulari ferro, contrucidat. Nam cæteri, quibus id mandatū à Saule fuerat, injicere sacrilegas, cruentasq; manus DEI ministris detrectarant. At ille virorum octoginta quinque, sumique sacerdotis cæde nondum satius; mittit eundē carnificē suum: qui Nobēs urbis incolās universos, nullo sexūs, ætatis, atque causæ discrimine, cum gregibus & armentis, unum in cadaverum acervum redigat; urbisque testā, mœniāque, flammā, demolitione perdat. Adeo fœvit furor invidiæ & ambitione cæcus. Unicus è tanta strage, sacerdotis supremi filius, *Abiathar*, elapsus fugā; Davidi, quæ circa patrē, ac Noben urbem essent gesta, dolenti dolens exposuit: ac mutuas optimo Principi lacrimas suis fletibus expressit.

*Davidis fuga ex alia in aliam.*

Porro David inter hæc, fugam ex fuga trahens, latebrāsque latebris commutans: ad *Acbū* primò, Gethæum Regē se contulit. Deprehensò verò confestim, se digitis ac murmure notari plurimorum; simulatā mentis invaletudine; vitæ, & libertati suæ consuluit. *Gethā* profugit in speluncā petrae cujusdam, adjacentis *Odollæ*, Judaicæ tribūs Vrbi; eodēque traxit alios, numerò ferè quadringentos; universāque cognationem suā; quorum plerosque res angustæ domi; multos etiam, Saulis exagitatio; tanquam oppressorum omniam capiti conciliārat. sed nec hōc locò diuturna mora. Relinquitur *Odollæ* spelunca: transitur Iordanes; venitur Massēpham, urbem permunitam, Moabitarum ad regem. deponitur illuc, majoris securitatis causā, quod in terris habere charissimum David debebat, paternę domūs residuum, unicūque pignus; *pater matrem, Davidis*. Ipse cum suis, præsidium agitat regium eodē in loco. sed nec istud in longum, dissuadente; per *Gadum Prophetam* DEO, loci barbari, simulacrorūmq; cultui dediti, periculosum hospitium. Reditur igitur in Judæam; degitur ali quantisper in saltu *Hareteo*. Inde quoque cōhātus eum extrahere Saulis furor: dum curis inutilibus alijs rex occupatur; spatium Davidi vel invitus dat, in *Ceilam*, Judaicæ tribūs oppidum, haud ita procul *Odollæ* situm, transeundi. Sub idem tempus Davidē, sexcentorum jam numero capitū auctum, ac Ceilā adversus Philisthæos tutantē; secundissimōq; cum his præliò, non sine victoriæ magno lucro, congressim: Saules omni gentis Isrēliticę robore, multitudinēq; sub signa cōvocatā, festinabat opprimere. Verū David, ab oraculo per Abiathanē pontificē, uti periculo se subduceret, instructus: post multiplicēs errorum ambages, in *Ziphe* tandē solitudinis opacissimum montē, *Hacbilā*, cum omni suorū manu, perfugit. Hic quoq; proditus ab accolis & incolis eius loci, *Maonia* desertos montes & saltus fugā petijt: in latere petre *Maone* delitescētē, adeo, circumfusus radici montis copijs, Saules obsedit, atq; conclusum tenuit: ut ad omnis effugij supremā desperationē eū adegerit, certū

ultimis

## MALEFICIA SAVLIS IN DAVIDEM. 235

ultimis illū, exquisitissimisque cruciatibus laniare. Nec destitisset propositō : nisi, consilia regis disturbante DEO, Philisthīni, Saulis absentiam in suam opportunitatem vertentes, in regnū illius irrupissent ex improvīso; prædas agentes, & hostilia facientes. Ad cuius rei nuntiū Saules, rebus suis, regnōque suo malè metuens; trepidus obsidium Davidis solvit : ac, qua parte, publicum intellegebat hostem grassari, totis illuc regni viribus ire properavit.

Eò discusso *Reipublica* periculō; continuò rex ad hostē, quem ipse sibi fingeat, *privatum* revertitur : ac, *Maōne* transgressum *Engaddæ* in montes Davidem, tribus millibus fortissimorum Israëlitarum stipatus, eòdem continuò sequitur : è latebrosis illius saltūs jugis, quantumcunque naturā permunitis, eum extracturus. Sed Davide etiam inde evadente in *Pbaranzam* solitudinem; Saules scelus novum, & contumeliam in Davidem cōmentus, improbitatem suam exsequitur. Filiam namque *Micholam*, in matrimonio Davidis jam olim degentem; & nec repudiatam à viro suo, nec ullo modò legitimò segregatam; invito genero veterē, genero repentē novo, *Phaltæ* Laifæo collocat, & è temporis exigui vidua ( sicuti, per Davidis absentiam, & exilium videri poterat ) perpetuā facit adulteram. Nec hic tamen illius substitit infatigabilis improbitas; nam compertō, Davidē relicto *Pbaranis* & *Maōnū* desertō, in petrā *Hachilzæam* redisse : succinctus electissimorū prætorie cohortis tribus millibus, adversus Davidē castra locat, munitissimò contra petrā locō. Noctis beneficiò, etiam huic discrimini se David subduxit, & *sicellegam* ( Simeonæ tribus urbem; sed Philistinæ nuper ditionis factā, sibi que ab *Achi* Gethæo concessā ) cum suis infedit. Quam subinde ab Amalecitis ( Davide cū socijs, in Philisthæorū castris cōmorante ) incensam & despoliatā, cū nuntius retulisset : David eos persequens, ductu cuiusdam pueri Amalecitæ, epulantibus, & tripudiantibus supervénit, editaque magnā strage, captivos & prædam ablatam reduxit. Quò locò, cū annum solidum, ac menses quatuor morā traheret : ibique de finitimis barbarorum terris, tanquā ex gentiliū suorum agris, prædas identidē ageret; in Achis regis intimā gratiā, amicitiāque penetravit. Inter quæ, Sauli quoque, qui decimum jam, octavūque regij dominatūs agebat annum, suprema sua dies, & ineluctabile flagitiorum supplicium, in montibus *Gelboæ* advénit. Occasio verò, quæ noxium caput ad poenā rapuit, *bellum* fuit à *Philisthinis* reparatum, in quo Saules cum filijs suis periit, quemadmodum superius enarratum est.

David  
Amalecitas  
vadit.

DOCT.

# NARRATIO LVI. DOCTRINA.

*Prudentia  
declinat.*

**L** Ethalem lanceæ jactum exivit David, *declinando*. Prudentis est, minantibus se plagis subducere, iramque alienam aut molli sermone, aut silentio mitigare. Vitat fulmen, qui non responderet tonanti.

*Mala San-  
lis conscien-  
tia.*

Saul Davidis prudentiam, successus rerum prosperos, & favores divinos, indies expressius observans, magis cepit timere, quem amare debuerat. Mala conscientia semper sibi metuit, & velut sub gladio carnificis trepidat; præsertim cum obruta sceleribus, magno impetu procurrit ad flagitia, & in noxam vertit etiam salubria. Pessimè cum ægroto agitur, cum medicinæ transeunt in venena.

*Subita mu-  
tatio ex  
confortio  
bonorum.*

Missi Apparitores, qui Davidem ex *Naiob* (collis erat urbis Ramathæ, seu Domus Doctrinæ, & Schola Prophetarum) extraherent, & ad Saulem raperent; ecce tibi! ad conspectum Prophetarum, subito & ipsi corripiuntur entheo spiritu, Deumque hymnis celebrare incipiunt. Fecerunt idem alij, eandem ob causam submissi; fecerunt tertij. Quin ipse Saul, cum tigridis instar, eundem in locum contenderet, sanguinem, & cædem Davidis anhelans, afflatur repente enthusiasmo, totamque diem & noctem psallendo transigit. Hæc est DEI in impios & obstinatos potentia, ut etiam invitos cogat esse bonos, ne noceant bonis. David interea fugæ spatium nactus, evasit. Rex, & sanguinarij satellites, nisi in pervicacia sua obduriissent, debebant ea mentis imutatione, ad se, & scelerum poenitentiam redire; sed quia vecors duritia cum DEI clementia, malitia cum beneficentia pugnavit, tantò facti sunt peiores, quantò plus adjumenti habebant, ut evaderent meliores.

*Fiducia in  
DEO.*

O miram DEI providentiam, pro salute piorum semper per- vigilem! Dum David in omnem horam, Saulis irruptiones me- tuit, subito ad Regem Saulem nuntius pervolat, qui præsentissi- mum ab hoste periculum indicat, & cœptam obsidionem solvit. Quantumcunque res turbulentæ sint, & desperatæ, nunquam est abijcienda fiducia in DEVM, Namque plerumque ubi spei huma- næ nihil est, auxilij divini plurimum est.

*Specimen  
amoris con-  
jugalis.*

Amoris & fidei conjugalis exemplū præclarum Michol est, quæ iminentem viro suo perniciem, etiam cum gravi salutis suæ discrimine avertit. Est enim hoc officium conjugij, ut vir ac mulier, alter, altri, in communi vitæ consuetudine, victu, ve- stitu, in adversis, in ægritudine, in omni necessitate, auxilio sit, & mutuis obsequijs opituletur. Id DEVS jam tum spectavit, cum mulierem de costa Adami formans, *Faciamus, inquit, homini adjutorium*

## MALEFICIA SAVLIS IN DAVIDEM. 237

*adjutorium simile sibi.* Genes. 2. Id egregiè præstitit Michol, quæ non dubitavit, parentis in se furorem concitare, modò vitæ periculo subduceret maritum. Et notandum est, quod Anonymus „ in aphorismis Politicis observans : Mulieres, ait, in extrema „ necessitate, & periculo subito, inveniunt remedium, & consili- „ lium repentinum; nam in sexu femineo primus impetus natura, solet esse optimus & felicissimus, adeoque plurimum „ valens in casibus improvisis. Unde Siracides c. 36. *qui possidet* (id est; acquirit) *mulierem bonam, inchoat possessionem:* (firma jactat familiæ fundamenta) *adjutorium secundum illum est, & columna, ut requies* (columna domum fulciens, cui maritus quietò animò possit inniti).

Superi! quibus modis David jactatus est in Aula; repenti Sauli charissimus, repenti exosissimus; jam placet, aures demulcens cantu, plestri perinde doctus ac fundæ: adhibetur mensæ regiae: inter primos, tot factis inclytus gener accubat; mox, ceu capitalis inimicus, regni perduellis ab irato rege, & socero, lanceâ confingendus petitur: profugus per latebras omnes ad cædem quæritur. Iterum reconciliatur: iterumque exagitur. Hæc est imago vitæ aulicæ. Infidus regum & instabilis favor, quoties pro meritis reddit odia? Graves offensæ, leves gratiæ. Beneficia dedisse Princeps vult videri; cum accepit. Satis ad odium est, *Nimium placuisse*; præsertim si Perfidia, Ambitio, Invidia, Crudelitas tyrannidem occupent. Anaximenes rogatus, quid ad familiaritatem difficile esset, respondit: *Tyrannus*. Nam magis timet, quàm timetur, & ad omnes suspiciones pavidus est. Rectè Claudianus 4. *de Honor. Consulatu*.

*Imago vitæ  
Aulicæ.*

Qui terret, plus ipse timet; fors ista tyrannus  
Convenit, invident claris, fortèsque trucident:

„ Et Salustius *de Conjurat. Catil.* Regibus, inquit, boni, quàm „ mali suspectiores sunt, semperque his aliena virtus formido- „ losa est. *De Nerone* Sueton. c. 37. Crimen erat publicum „ omnibus, virtus, opes, nobilitas; atque ob eam causam vel si „ bi mortem inferebant, vel ab eo trucidabantur. Expertus id „ est David, qui, ut Siracides ait Ecclesi. 9. v. 20. *in medio laqueorum* „ *ingrediebatur, & super dolentium arma ambulabat*; id est, super & inter „ arma tyrannorum, qui semper dolent, & aliena felicitate torquen- „ tur. Et Prov. 28. *Leo rugiens, & ursus esuriens, Princeps impius*. Leo crudelitate, ursus dolo & astutia. Utriusque documenta Saules dedit.

*Trucidavit in die illa octoginta quinque viros 1. Reg. 23.* scil. Sacerdotes & Levitas in Nobè. Heli, eiusque scelerati filij in hisce nepotibus

H h

*Pena trans-  
sit in nepo-  
tibus*

tibus suis innoxijs, puniti, & impletum Oraculum DEI contra eos. 1. Reg. c. 2. *Parv magna domus tua morietur, cum ad virilem aetatem pervenerit.* Qui tamen, cum pro virtute misericordiæ & charitatis Davidi profugo exhibitæ necem subierint, videntur martyrij laurum obtinuisse.

¶

## NARRATIO LVII. DAVIDIS BENE- FICIA IN SAULEM.

1. Reg. c. 16. 17. 24. 26. & 2. Reg. 1.

Annis Mundi. 2971. 2976. 2978. 2979.

Ante Ch. 1081. 1077. 1075. 1074.



**C**ertamen inter se susceperunt Saules, & David; ille hostilitatis, hic humanitatis; ille odiorum, hic obsequiorum: ille superbiæ, hic demissionis: ille perfidia, hic fidei: illæ sævitia, hic mansuetudinis: ille machinationū nocendi, hic insidias evitandi. Quo quidem ex certamine David, Chrysostomo teste, plus gloriæ collegit, quam ex Philisthæo gigante fundā dejecto. Id nunc exponemus.

Saules in sacrificio primū Galgalæo (quod narravimus) diem expectationis septimum non explens; posthæc in Amalecico bello, prædāq; gravius offendens: à delictis in pœnas, à pœnis ulterius in delicta, gradum facere cœpit; semperq; posteriora quæque, vel scelus, vel suppliciorum, antecedentibus atrociora sunt deprehensa. Reversus igitur ex urbe Galgalorum, in Gabaæ suæ regiam urbem Saules, à nefario bilis atræ Genio, quasi per causam latentis invaletudinis insidetur. Huic mitigando, de Medicorum ac familiarium consilio, Davidem adolescentem, Bethlehemitem à custodia gregum advocant: cujus peritiā fidium, atque psalterij tractatione Dæmon exagicator sopiretur. Nec cunctatus est ille venire, harmonicq; vocis & lyrae concentu, magis verò precibus ad DEVM fufis, malignos humores discutere, regisque animo ad hilaritatem reducto, malum Genium fugare. Qui subinde reversus, cum Saulem infestaret, rediit ad suam quoque citharam David, & solitum à carmine remedium adhibuit, adeo, ut iteratione cantus, denique planè victus recederet à saule Tartareus inquilinus. Tanta vis inerat Musicæ, pietatē canentis

*David atrum geniū ex Saule expellit.*



## BENEFICIA DAVIDIS IN SAVLEM. 239

canentis cum suavitate fidium consonante. Ingens hinc amor regis in juvenem pastoritium ; qui proinde in armigerum , & prætoriam cohortem adlectus , omnium sibi Palatinorum gratiam conciliavit ; sed minimè diuturnam ; nam cum rege , etiam Aulicorum versa sunt studia. Saules , ne videretur beneficium accepisse , dum agnoscit ; post pulsum atrum dæmonem , & stratum manu Davidis Goliathum quærit ex Abnere belli duce , quis & qua stirpe oriundus esset adolescens ille , quem tamen paullo antè , familiariter notum citharædum habuerat.

Sed qui mentem insano , citharæ modulatione , victoriam desperato , fundæ jaculo reddidit ; cum nihil nisi internecina odia & insidias referret , mirifica lenitate atrocitatem infestissimi Principis excepit. Latebat cum suis sexcentis profugus , in spelunca quadam , longo recessu opacâ , solitudinis *Engaddæ* (quod suprà memoravimus ) & cingebatur à saule , tribus millibus fortissimorum bellatorum stipatus. Fortè naturæ levandæ causâ Rex ad os eiusdem spelæi secesserat ; hic commilites Davidem , vehementer incitare , occasionem tyranni interficiendi oblatam , ne dimitteret è manibus , faceret demum miseriarum finem , facinus auderet pulcherrimum , & jugulato unò , omnium Sauli consuleret. His vocibus , & suomet impetu concitatus David , tacitus adserpit ad Saulem , capitali hosti necem illaturus ; sed mox consilij pœnitens , satis habuit chlamydis regię particulam , non sentienti refecare ; nefas ratus , in eû sævire , quem D E U S ipse ad Imperij fastigium , electione sua prove-xerat. Egresso è spelunca saule , David quoque in apertum , progressus , Regem inclamat , & cum ad agnitam vocem se convertisset , primò submissa veneratione infensi Principis animum mitigare ; deinde modestè conqueri , se , cum ne justæ quidem ultioni indulgere voluerit , iniustis ab eo simulatibus , odiisque infestari : nihilo enim majore negotio potuisse caput regis , quàm regię vestis laciniam præscindi : D E U M justissimum Judicem facturum palàm , uter æquiore causâ nitatur , simulque oram chlamydis abscissam exhibet , verbis fidem adstruaturus. Quibus auditis , aspectisque , Saules vehementer obstupescere , illacrimari ( sed crocodili lacrimis ) : se , *reum* ; & illum *innocentem* , confiteri : denique recedere paucos ad dies , Gabaam ; ac Davidi tutiores petendi , opportunitatem relinquere. „ Mox autem patuit : quantò facilius esse soleat improbis , promittere probis bonitatem ; quàm promissam præstare : simulque lenitatem , quàm factis repræsentare. Vix enim interea in Desertum *Pharanis* David secesserat , cum Saules , morte Samuelis , projectior in scelera , quia metu reprehensionis

*David in  
spelunca  
Engaddæ  
Sauli parit*

*Iterumque  
à Saule ma-  
num absti-  
net propè pe-  
tram Hachi-  
leam.*

solutior, Davidem in petra *Hachilæ* latitantem, trium millium prætorianorum manu circumsepit; ille discrimine cognito, non distulit, (audendi vires addente cœlo) *Abisæ* sororis filio, comite, de nocte tenebris spissâ, non in castra modò, sed in ipsius etiam Regis tabernaculum penetrare. Illic, per circuitum foris, & intus, sparsim humi jacebant, tum *Abner*, copiarum ductor, cum legatis, ducibusque; tum imprimis ipse *Saules*: quos omnes, sopor altissimus, ac divinitus immissus, tenebat oppressos. Nihilò secius tamen David, Sauli se non ut hostem, sed ut vitæ servatorem exhibuit. Cum enim & opportunitate rerum, ac temporis admonitus: & *Abisæ* monitis stimulatus; confodere, necaréque virum posset; cuius ipse furij implacabilibus quotidie moriebatur; etiâ nunc pepercit ei, *sacrata Majestatis* reverentiâ, contentus, dormientis ad caput defixam humi sarissam, ac poculum aquarium auferre. Inde summo cum silentio, in verticè adversi montis evadens, dormientes adhuc hostes, clamoribus excitat; cæteris quidem neglectam sui regis custodiam exprobrat, quam eos præstare decuerat, adversus hastæ Regiæ, scyphique prædatorem; Regi verò vitæ supremum, in quo versatus modò fuerit, discrimen exponit; flebili vocis & querelarum habitu contestatus; sine causâ, meritòque suo, se tot jam annis exagitari; simul & vaticinatus magis quàm imprecatus; ut unicuique iustitia secundum fas, nefasque suum, quidquid meruissent, redderet. Quantum enim in hostium suorum consilijs esset, extrudi se terrâ, quæ sola veri Numinis cultû adhuc retineret: & in terras ablegari barbarorum; à quibus ad execrabilem posset simulacrorum adorationem compelli. Quâ quidè tum in regiam vitam clementiâ, tum allocutionis aculeis, tunc quoque Saulis animum, ad recessum ac reditum inflexit; sed malefidâ etiam illa reconciliationis constantiâ. Quare David omnem deinceps persequendi sui spem ac successum, hostibus suis præcisurus, ad *Acchin* Gethæ regem, cum omni suorum copiâ per fugit. Atque hic & illi ulteriorum ambagum ac fugarum terminus: & Sauli demum insectationum eius finis fuit; non autem pietatis & reverentiæ, quâ in Regem ferebatur David; in cuius contumeliâ ne videretur ablata spolia vertisse, hastâ etiam, & scyphum restituit.

Cæterum Davidis in Saulem pietas nunquam clariùs eluxit, quàm cum ad eum nuntius de Regis & filiorum cæde perlatus est ab Amalecita quodam; apportante simul diadema regium, & auream brachij armillam, exanimi regi detractam. Ibi tum vir piissimus, vestem more gentis suæ conscindere: (quod in magno luctu amabat fieri) largos fletus profundere: aliorum etiam



etiam lacrimas comovere, jejunióque, & lugubri carmine interfectis parentare; cladis verò nuntio, qui mentiebatur, à se ultimum sauli sic postulanti, spiritum, validiore cuspidis adactu exturbatum; caput amputari jussit, in pœnam perempti regis, qui tantum crimen nec imperare potuit; nec imperanti parendum fuit. Et verò cùm mox à Saulis morte, regia licuerit uti potestate Davidi; licuit in reum quoque (quippe Amalecitam, Hebræi nominis hostem) ultro confitentem, ferro animadvertere. *labefitas* autem, quòd Saulis & filiorum corpora exequijs cohonestassent; non modò præclare collaudavit: sed etiam officium funeribus impensum, regià sese benevolentia remuneraturum, non largiùs appromisit, quàm sanctiùs præstitit.

*David animadversis in Saulis occisorem.*

*Remuneratur officium funebre, Saulis & filijs impensum.*

## DOCTRINA.

**Q**uibus laudibus efferamus Davidis mansuetudinem, demissionem animi, continentiam vindictæ? Capitalē hostem compellans. 1. Reg. 24. *Pater mi*, ait, *vide, & cognosce*. Etate Saul pater fuit Davidis, nam annum sexagesimū excefferat; David viginti septem annorum erat. Delin affinitate Saul pater dici poterat, quia socer. Subjungit: *Quem persequeris Rex Israël, quem persequeris? canem mortuum persequeris, & pulicem unum*. Quid abiectius, cane mortuo? quid vilius, pulice? Et hoc David, jam in regem unctus; jam triumphalis victor? sed longè pulcherrima illa sui ipsius victoria, quando infensissimum hostem jam unguibus concluderat; & cùm plurima suaderent cædem, tamen ei pepercit. Nec suadebant tantum; sed impellebant, sed penè cogebant. Ipsius inimici aspectus: cohortatio militum; metus à commilitonibus, ne aversantem cædis Davidem tollerent; facinoris patrandi facilitas, præteritorum memoria, futuro- rum formido, homicidium à Saule sæpius intentatum, perpetuæ insidiæ, nulla uspiam locorum securitas, necessitas defensionis. Et tamen pepercit, & pro gloriosissimo trophæo hastam hostilem erexit, eique scyphum, & laciniam chlamydis regiæ pro vexillo appendit. In laudes exurgens Chryso-

*Demissio Davidis.*

*Continentia vindictæ.*

H h 3

spolia

„spolia reposuit Hierosolymæ, sed in cælo, inque superna illa ci-  
 „vitate: nunc haudquaquam in choris obviam veniebant femi-  
 „næ, excipientes illum cum laudibus: sed Angelicus popu-  
 „lus è sublimi applaudebat; admirans eius philosophiam & hu-  
 manitatem.

*Vindictæ  
 cupiditas  
 vincenda.*

Ulciscendi, nocendique cupido magnos in humanis pecto-  
 ribus fluctus excitat; est perturbationis plenus affectus, ac nun-  
 quam sine tormento fuit, violentus. Nobilissimum vindictæ ge-  
 nus est parcere. Difficile quidem negotium, sed divinitati, si fas  
 est dicere, nihil similis, ubi proprius dolor ultionem suadet;  
 & occasio offert. Ibi tum experimentum das tui, an iræ sis man-  
 cipium, an amicus clementiæ. Senec. lib. 2. de ira ait. Non ut  
 „in beneficijs honestum est, merita meritis repensare; ita iniu-  
 „rias iniurijs. Illic vinci, turpe est; hæc vincere, inhumanum.  
 „Et lib. 3. de ira. Ultio, doloris confessio est. non est magnus ani-  
 „mus, quem incurvat iniuria. Aut potentior te, aut imbecil-  
 „lior læsit, si imbecillior, parce illi: si potentior, tibi. Et Iuven.

*Satyr. 3.*

————— Quippe minuti  
 semper, & infirmi est animi, exiguique voluptas  
 Ultio.

Monet sapiens, Proverb. 20. *Ne dicas, reddam malum; expecta Do-  
 minum, librabit se.* Expectavit David, & liberatus est. Præcla-  
 re à Xenophonte dictum est, prudentis, cordatque viri esse,  
 etiam ex inimicis utilitatem capere. Quemadmodum enim  
 non solum ex domesticis, verum etiam ex feris animantibus:  
 non solum ex fructiferis, sed etiam ex silvestribus arboribus:  
 non solum ex dulci, sed etiam ex salta & amara aqua; ita etiam  
 non solum ex domesticis, fructiferis, dulcibusque amicis, sed  
 etiam ex feris, silvestribus, amarisque inimicis utilitas ca-  
 pienda.

*Etiam im-  
 probi Prin-  
 cipes vene-  
 randi.*

David à cæde Saulis abstinuit, quod religioni sibi duceret,  
 Regem suum, à DEO constitutum, & unctum, occidere; ut do-  
 ceret; Principes etiam improbos, & nobis adversantes, reveren-  
 tiâ prosequendos esse. Impium est enim, etiam in impium Prin-  
 cipem insurrexisse. De C. Julij cæsaris percussoribus Sueton.  
 Percussorum autem ferè, neque trienniò quisquam amplius  
 supervixit, neque sua morte defunctus est. Damnati omnes,  
 alius alio casu periit: pars naufragio, pars prælio, nonnulli se-  
 met, eodem pugione, quo Cæsarem violaverant, interemerunt.  
 S. Petri præceptum est 1. epist. c. 2. *DEVM timeo, Regem* (Nero-  
 nem) *honorificate. Servi subditi estote in omni timore Dominis, non tan-*  
*tum bonis & modestis, sed etiam dyscolis* (pravis & asperis,

*Dixit*

## JONATHÆ AC DAVIDIS AMICITIA. 243

*Dixit Saul: Nunquid vox tua est, fili mi David? Et levavit Saul vocem suam, & flevit.* 1. Reg. 24. Saul mentitus ore amicitiam, dolos agitavit pectore. Iuxta Siracidem Eccl. 12. *In oculis suis la-* *Crocodit lacrima.*  
*crimabitur inimicus, & si invenerit tempus, non satiabitur sanguine.* Et Salomō Prov. 26. *Labijs suis intelligitur inimicus, cum in corde tractaverit dolos.*

Spem vultu simulat, premit altum corde dolorem. Mel in ore, fel in pectore; in oculis lacrimæ, in manibus cruor: in verbis officia, in factis funera.

Sed, *qui fodit foveam, incidet in eam.* Prov. 26. Saul Davidem velut regni æmulum persequens, eique tendens laqueos & foveas, in speluncam ingressus, incidit in manus Davidis ibi latentis; qui, quod in inimicum tam mitis & lenis fuerit, meritò præmium à DEO postulare, & dicere potuit: *Memento Domine David, & omnis mansuetudinis eius.* Psal. 131. Pulchrè Chrysost. hom. „ *de Saule & Davide.* Non perinde miror, Moſen, quod è Saxo „ prærupto fontes elicit aquarum, ut admiror Davidem, quod „ ex oculis lapideis, fontes eduxerit lacrimarum. Siquidem il- „ le vicit naturam; at hic vicit animi decretum; ille virgâ per- „ cussit lapidem, hic sermone perculit cor.

Saul verò cognitis tot beneficijs, eliminare è pectore de- *Sauli de-*  
buisse, quidquid in eo simultatis latuisse. Verum, *confidera,* *cordia.*  
inquit Ecclesiastes, c. 7. *quod nemo possit corrigere, quem DEUS despe-*  
*xerit.* Qui Samueli pro Saule deprecanti, respondit. 1. Reg. c. 16. *Usque quo tu luges Saul, cum ego projecerim eum, ne regnet supra*  
*Israël.* Quid enim? post tot luculenta testimonia pro Davide dicta: post tot irritos conatus suos, post tot evidētia innocentia Davidis argumenta resipiscere, omnēque odium evomere debuisse. Verum tam constanter nequā esse solet, quem affectuum tyrannis mancipavit.



NARRATIO

# NARRATIO LVIII. IONATAE, AC DA- VIDIS AMICITIA.

Lib. 1. Reg. cap. 18. 19. 20. 23. & 2. Reg. c. 1.

Annis Mundi 2971. 2973. 2975. 2979.

Ante Christum. 1082. 1080. 1078. 1074.

**I**Nter amantium paria ; quæ antiquitas laudibus celebravit, meritò sunt adnumerandi, *Jonathas & David* ; quorum cum alter regio esset ortus Sanguine ; alter pastoritio, morum tamen & studiorum similitudo rarum inter eos amoris certamen excitavit. Uterque generosus animo, manu strenuus, amans honesti, à simulatione & invidia alienus. Itaque Jonathas David jam tum in oculis & visceribus hæere cœpit, cum ausus congredi Goliatho, præclaram victoriam de superbissimo hoste reportavit. Commendabat adolescentem ad omnes , animus bellicosus, & quæ

Gratior est ; pulchro veniens in corpore virtus. Neque aliter triumphales Victoris laudes accipiebat Ionathas (secus , quam pater fecerat) quam si ad suas lauros pertinerent. Nec immeritò ; nam amor duobus in corporibus , jam unam animam effecerat. Et quia amicitia pares aut facit, aut accipit, non satis erat regio Iuveni Davidem sibi conjunxisse intimè ; nisi exteriore quoque habitu in amicum transiret. Eam ob causam, se vestibus, quibus erat indutus, spoliatur : ijs Davidem induit ; & armorum quoque exuvijs exornat : arcum manibus, dorso phatram, baltheum renibus, gladium lateri circumdat, ut pastorem in virum militem verteret, præsentem suæ memoriæ ubique circumlaturum.

Atque ut ea voluntatum confessio esset æterna, foedus inter utrumque, est ictum , perpetuæ stabilimentum amicitiae ; accessit mutua vitæ consuetudo ; nam annitente Ionatha, David inter Palatinos, & Tribunos bellicos est adlectus. Nec diu post opportunitas incidit, quâ, Ionathas non affinem modò (nam, Davideius sororem Micholem duxerat) & amicum ; sed planè vitæ Custodem, fidumque Patronum apud patrem se exhibuit.

Cum

*Jonathas  
Davidem  
suis vestibus  
induit,*

## IONATHÆ AC DAVIDIS AMICITIA. 245

Cum enim Saul interficiendi Davidis consilium filio aperuisset, ut, cujus maximè interesset, subsefforem regni è medio tolli; is tamen datam fidem, juramentoque firmatam, habuit antiquiorem paternâ benevolentia cum scelere copulatâ, atq; adeo debitò sibi, ac speratò regnò. Insidias ergò paratas Theseo suo manifestat; & cum nec posset pro amico adversus patrem arma capere: nec deceret, innocentis incolumitati deesse; quod proximum fuit, egregiè præstitit, ut patrem à sententia dimoverè conaretur, & amicum moneret, studiosius ut salutis suæ curam gereret; quippe cuius cædi præstitutum sit manè sequentis diei; se verò daturum operam, ut pater abiret à crudeli proposito, & mandatum revocaret; occuleret se tantisper latebris, donec certiora à se nuntiarentur. Ita ab utroque constitutum, ita factum, Ionathas comemoracione meritum, quæ David interfessione Philisthæi gigantis in universam gentem Hebræam contulit, placavit iram parentis; revocatur in Aulam & gratiam David, qua tamen ipsi nunquam uti securè licuit, gliscens sub dolofo cinere, invidiæ ac furoris Scintilla.

*Ionathas  
Davidis  
patronum  
agit.*

Haud multum temporis intercessit, cum David novis instationibus appetitus, confugit ad Jonatham, fidam sibi anchoram, ostenditque, quantum à reconciliata nuperrimè gratia, capitis discrimen adjerit; quippe qui, nisi Micholis amor & fides conjugalis intervenisset, domi suæ à satellitibus regijs comprehendendus, & ad necem rapiendus fuisset; exardescere tantò acrius jracundi in se regis flamas: quantò vehementior esset calor amantis sui Ionathæ. Si moriendum sit, malle se amici manu cadere, mortemque luctu perimentis solari; quam moriendi poenam ex inimici lætitia, novo dolore cumulare. Hic verò Ionathas amoris igniculis, velut aquâ aspersâ extimulatis, iterum, iterumque amicitia sacra jura testari, & polliceri, se vel suo capite insidias amicissimo capiti structas amoliturum; id si minus posset; patefacturum certè; nihilque omitturum, quod ad tesseram initi foederis integrè conservandam pertineret. Et mox, qua ratione factis potius quam verbis inter se loquerentur ( nihil enim erat tutum ab exploratoribus ) secretò consiliò constituerunt, in hunc modum.

Davide, utimemoravimus; velut inter *sacrum & saxum* hærente, quippe cui satis exploratum non esset, quâ demum fiducia se se fallaci regis gratiæ committeret, jam minas in ore, jam blanditias habentis: aliàs ad cædem, aliàs ad mensam vocantis; machinationes demum Ionathas ingenioso detexit astu.

Fortè epulum solenne agitabatur in regia; in eo cum David, gener regis, desideraretur; saules avidior sanguinis, quam vini

hauriendi, institit quærere causam absentiae filij Isai; sic enim per contemptum, eum appellabat. Ionathas officiosè mendaciò cauturus amico capiti, ait, Davidem, Bethlehemi, in patrium oppidum excurrisse, ad Sacrificium cum paterna familia ibi celebrandum. Non potuit Saules iram premere, cujus alioquin potens non erat; iurgiò adoritur filium, proditorem & hostem patris, regiae stirpis probum, progeniem mulieris virum ultro rapiantis, appellat; qui non vereatur cum inimicis conspirare, & sceptri paterni decus, in vile caput, regni æmulum transferre. Simulque jubet Davidem accersi, meritas daturum poenas; cumque Ionathas scire vellet, quam ob causam reus esset capitis generis & affinis regius; Saules, non jam intra verba, furorem continens, arripit lanceam, quam semper habebat ad manum, confixurus innocentiae defensorem, nisi intercurso amicorum fuisset cohibitus. Proripuit è conspectu se Ionathas, & periculum suum, tum Davidis jam neci destinati dolens, noctem illam in mœnore exegit.

*Jonathas  
Davidi periculum vite  
inducat per  
sagittarum  
jaculus.*

Prima luce in agrum urbanum, specie quidem artis jaculatoriae exercendae, reverà, discrimen amico indicaturus procedit, solo comite puero, arcus & sagittarum baiulus. Ibi coepit sagittas quasi ad scopum jacere: puerumque inclamare, ut colligeret, & referret jacula, *ultra ipsum* cadentia; id enim (ut ei cum Davide convenerat) signum erat, salutem esse in fuga repositam. Quod si res periculo caruisset, id ipsum præmoniturus erat, jubendo pedisequum, tela intra se & herum intercidentia sustollere. Jaculatione his, quæ promiserat, peractis, ablegatòque in urbem Gabaam puero, David solitudinè nactus ad colloquium, surgit è latebris, procumbensque ad pedes Jonathæ, vitæ suæ conservatorem salutatur; ille erectum à terra, complectitur: hærent mutuis in amplexibus, deplorantes iniquam sortem, quæ suavissimam ipsis consuetudinem invideret, & invicissimo à se invicem distraheret, quod ipsa morte durius videbatur. Quis explicet, quos par hoc amantum affectus miscuerit, quibus oculis se mutuo aspexerint, quibus verbis valedixerint; plura pectora loquebantur, quam linguæ; amor & dolor decurtabant voces, prolixiùs in corde sonantes. Alter in alterius non jam aure, sed pectore, sensa depromebat, reddebátque. Intellexit Ionathas muta Davidis suspiria, neminem suorum, nec seipsum, abrupto sermone, commendantis; vicissim David tantis amici vocem percepit, operam omnem sibi, familiarique suæ disertò silentiò deferentis. Vix tandem fletibus exfatiati, obtestatique se invicem, ut mutuae fidei perpetuò meminissent; uterque digreditur: Jonathas in urbem regiam;

David

## IONATHÆ AC DAVIDIS AMICITIA. 247

David fugiens crudelem regem, in oppidum Noben ad Achimelech Pontificem ( de quo supra ) contendit.

In Ziphæa deinde solitudine, & magna rerum necessariorum penuria Davidem versantem, non omisit Ionathas invisere: renovatisque fœderis, & amoris pristini monumentis; ad alacriter omnia ferenda, regni que certissimam expectationem, excitare. Tanta veræ dilectionis vis erat: ut, quidquid in Davidem, *Alterum se*, transferret; id tanquam sibi datum, amicissimus animus reputaret. Et quamvis ex eo tempore uterque ex alterius abierit oculis, non tamen abiit pectore; manet alta mente repositus nexus amicitiae, in omnes posteros propagandæ. Nec ea vis amoris restincta est, cum luctuosa facta Saulem, & filios extinxerunt; David enim intellecto, Ionatham in prælio cecidisse; quibus non gemitibus & fletibus charissimi capitis funus luxit; Ibi tum, auditæ voces: *Doleo super te, frater mi Jonatha, decore nimis, & amabilius valde super amorem mulierum. Sicut mater unicum diligit filium, ita te diligebam.* 2. Reg. c. 1. Quid posset amor ipse loqui, vel ad affectum tenerius: vel ad amicitiam constantius: vel ad mœrorē tristius? Verè rarum par, & speculum amantium Ionathas & David.

## DOCTRINA.

**S** Alomonis pronuntiatum est; Proverb. 18. *Vir amabilis ad societatem, magis amicus erit, quam frater.* Tales inter se fuerunt Ionathas & David, amicitiae Idea. Memorant veteres aliquot amicorum pœria; & amoris mutui exempla: videlicet, Pytladem & Orestem; Theseum & Pirithoum: Achillē & Patroclum: Pythiam & Damonem: Æneam & Achatem: Nisum & Euryalum; inter quos, velut majora sidera tantò illustrius amoris reciproci documentum dederunt Hebræi *Amantes*, quantò pulchriores causas amandi habuerunt. Nam si prima lex *Aman-tium* est, ut amicitia sit ex virtute conflata; consequitur, ut sicut sine vera religione, nulla sincera virtus, ita nec amicitia esse possit. Jam verò par in *Amantibus* nostris elucebat religio; par pietas, DEI timor, patriæ amor, honesti tenor, promissorum fides. Unde meritò jucundissima amicitia, similitudine morum conjugata. Nam, ut Tullius ait, nihil amabilius virtute; „ nihil quod magis alliciat homines ad diligendum. Allexit ea Ionatham ad amorem Davidis, & quidem intimū, tenerri-mum-que. Sacer scriptor testatur. 1. Reg. 18. *Anima Ionathæ conglutinata est anima David, & dilexit eum Ionathas, quasi animam suam.* Est enim amicus, alter idem; & una duobus in corporibus habitans anima.

*Ionathas & David idea amicorum.*

*Et indicavit Jonathas David, dicens: Querit Saul pater meus occidere te: quapropter observa te.* 1. Reg. 19. Ecce amantis specimen. Non ignorabat Jonathas, paternum diadema in Davidis caput transferendum. Quid ni cupiat igitur eum tolli, quem videbat suis spebus obstare? Amor hoc potuit; qui ut amati fortunis & dignitatibus consulat, gaudet fraudari suis. Jonathas patrem, honores, opes, regnum postposuit Davidis amicitiae. Nimirum *amicorum omnia sunt communia*; quod accedit uni, non decedit alteri.

*Locutus est ergo Jonathas de David bona ad Saul.* 1. Reg. 19. Et verbis coluit amicitiam Jonathas, & factis; pro amico non fortia tantum ausus dicere, sed etiam sustinere paratus, suum caput, in alieno periculo, furioso patri objecit; non minore dignus laude, quam Damon olim & Pythias, quorum alter pro alterius capite se vadem Dionysio syracusarum Tyranno dedit, adeoque permovit, ut crudelitatem verteret in admirationem, odium in amorem, poenam in amicitiae beneficium (cupiebat enim tertius in eam societatem recipi) tormenta in venerationem. Debuerat idem Saul fecisse, si quidquam sanæ mentis in eo fuisset.

*Et introduxit Jonathas David ad Saul, & fuit ante eum, sicut fuerat heri, & nudius tertius.* 1. Reg. 19. Non quievit amor Jonathæ, donec alterum se, Davidem sibi videret simillimum, non virtute tantum, sed fortunâ quoque. In pectore quem ferebat, ne ab oculis quidem abesse, pati poterat; familiaritas enim, quæ apud alios parit contemptum, inter amicos conciliat gratiam, & ex vicinitate calorem auget amandi.

*Et ait Jonathas ad David: Quodcumque dixerit tibi anima tua, hoc faciam.* 1. Reg. 20. Novum justæ, veræque amicitiae argumentum: *Idem velle & nolle.* Eleganter Cyprianus amicos oculis confert, quorum alter absque altero, neutram in partem flecti potest. Idem explicatur per imaginem è speculo, relucentem, cujus motus omnis & flexus se componit ad habitum, intuentis.

*Pepigit ergo fœdus Jonathas cum Domo David.* 1. Reg. 20. Jonathas amicitiam sancit, quam nec mors ipsa divelleret, nec aboleret oblivio, nec temporis diuturnitas consumeret. Jonathas in Davidis posteritate: David in Jonathæ propagine vivere volebat, & amari. Et hoc est, quod Tullius asserit, amicitias æternas esse oportere. Et S. Hieronym. Amicitia, quæ deficiente potest, nunquam fuit.

*Et osculantes se alterutrum, steterunt pariter; David autem amplius.* 1. Reg. 20. Quam sincerus, & fidus, atque ab omni fraude & furo



& fūco alienus eſſet amor, lacrimæ teſtantur. Procul hinc fiſtio & ſimulatio, dum aliud ore promitur, aliud corde clauditur; inter veros amicos omnia candida & aperta. Neſciunt mentiri lacrimæ, quas amor eliquat. Et quis miretur; cū jam non corpora duntaxat ſeparanda, ſed animæ quoque dividendæ. Erat enim alter alterius dimidium animæ: magis ibi præſentis, ubi amabat, quàm ubi animabat.

*Et Surrexit Jonathas, & abiit ad David in Silvam, & confortavit manus eius in DEO* 1. Reg. 23. Infelicitas, eſt lapis Lydius amicitiae, nam juxta Salomonem in Proverb. c. 17. *Omni tempore diligit, qui amicus eſt, & frater in anguſtijs comprobatur.* Et Tullio teſte: Amicus certus in re incerta cernitur; non mutatur cum fortuna. Et Seneca; Amicos ſecundæ res optimè parant, adverſæ certiffimè probant. Navis in tempeſtate dignoſcitur; amicitia in rebus duris & aſperis. Eleganter Cicero: Ut hirundines æſtivo tempore præſtò ſunt, frigore pulſæ recedunt. Ita falſi amici, ſereno vitæ tempore præſtò ſunt; ſimul atque fortunæ hie mem viderint, devolant. Et Seneca: Paravit amicum adverſus vincula laturum opem: cū primūm crepuerit catena, diſcedet. Hæ ſunt amicitiae, quas temporarias populus appellat. Florentes amicorum turba circumſidet: circa everſos ingens ſolitudo eſt. & inde amici fugiunt, ubi probantur.

*Planxit autem David planctum ſuper Ionatham.* 2. Reg. 1. Amicitia vera, ne cum morte quidem deponitur; nam & qui ſuper eſt, amari memoriam colit, eò validiùs, quò negata fortiùs amamus. Inhæret animo amor, etiam defuncti, virtute nixus: ſolvi poſſunt corporum vincula, non animorum. Poſt funera quoque vivit amans in amato: Nam etiam mortuus mori non potuit, in alio ſe ſuperſtes,



# NARRATIO LIX. ABIGAIL, NABALIS UXOR, DAVIDEM

PLACAT. 1. Reg. 25.

Anno Mundi 2977. Ante Ch. 1076.

**D**Avidem Saulis regis odia, quemadmodum memoratū est, nullo patiebantur loco consistere, acerbam credentis esse vitam sibi; suam innocenti nisi eripuisset; quod factum, ut fugitivo, cum viro- rum sexcentorū comitatu de silva in silvam per loca deserta fuerit demigrandum, in magna rerum penuria ac egestate. Habibat non procul monte *Carmelo*, *Nabal*; homo tam factuosus, quā opulentus ruris, pecorisque; moribus agrestibus, & ab humaniore vita remotis. Instruxerat is fortē domi suæ convivium lautum & splendidum, tonsuræ ovium tempore, ex qua priscis suæ ferē redibant opes. David usus opportunitate hilaritatis convivalis, mittit ex solitudine *Pharanis*, ubi tum delitescerebat, decem ē suis, qui sportulas ac stipem petant, militi vago & egeno; cum mercedem pro defensione pecoris exigere potuissent; quippe, qui non tantum ipsi, quamquam obærat, & ex rapto vivere assueti, nullam gregi noxam intulissent; sed insuper ab illo latrocinantium Arabum incursiones avertissent: ejus rei, fideique testes appellant ipsos Nabal's pastores; tribueret igitur rogantibus, sive mallet, merentibus, quod vel famem solarentur. Debit ea petendi modestia avarum etiam pectus emollire, nisi homo durus & asper, hominem exuisset; rejicit igitur rogatores non modò stipe militari vacuos, sed præter id, oneratos contumeliā; quid enim sibi negotij cum Davide, Isai filio, & socijs erronibus, ab ira dominorum profugis: æquum haud esse, ut exedant fugitivi servi, quod suis ipse tonforibus intrivisset: irent vias suas vagabundi prædatores, & alias in silvis excuterent quercus, se commeatum malè feriatis ventribus non præbiturum.

Quibus ad Davidem, alia omnia expectantem renuntiatis, justò

*Nabal, bo-  
mo solidus  
& durus.*

justo ferventiùs exardescens, ut læsa patientia sit furor, jubet accingere se ferro comilites, omnino quadringentos, reliquis ad sarcinas remanentibus: iurátque, se occidione occisurû, omnē Nabalis familiam, ne cane quidem ad servandas fores relicto. Et atrocitati minarum respondiſſet eventus, nisi furoris æstum, prudentia mulieris restinxisset. Nam interea famulorû quispiam, qui colloquio interfuerat, nuntiat *Abigaili*, quàm contemptim & barbarè respondiſſet herus æquis militum precibus, quorum, vicinia non solum innoxia pecoribus, sed utilis etiam & necessaria adversus prædones Arabes fuisset; nunc irritatos vecordia herili militares animos, in gravē haud dubiè tempestatem erupturos, eam nisi averteret solertia & comitas heræ. Quæ cum accepisset *Abigail*, pro eo, ut periculum monebat, sollicita, constituit muneribus placare Davidem, vulnerique, quod avaritia & acerbitas mariti fecerat, sua lenitate & liberalitate mederi. Sine cunstatione componit in viam ducentos panes, duos cados vini, quinque costos arietes, quinque modios fari-næ, centum sportulas uvæ passæ, ficuum fiscinas ducentas, eamque asinis annonam imponit, cum mandato, ut servi maturarent, seque præcederent, confestim secururâ. Mox abit & ipsa, in salutatò maritò, ne homo versipellis & morosus, inijceret moram profectioni.

*Abigailis  
uxoris pro-  
dentia.*

Ad pedem Carmeli montis asinâ vehenti, occurrit David cum armata virorum manu, neces & funera spirans; quibus illa conspectis, ocyùs è jumento desilire; Ductoris ad pedes accidere, melleâ linguæ suadâ viam veniæ parare ac gratiæ: Esse maritum hominem bardum, recordem, ebrietati deditû, decóri ac honesti expertem: contemptu proinde digniorem, quàm irâ; se verò longè abesse à culpa, illatæ per ipsum, injuriæ, puiſſe domo absentem; secus, prolixè se testaturam fuisse officia, ac liberalem voluntatem; id quod nunc faciat muneribus allatis; amplas autem se Numini debere gratias: gratulationem Davidi; qui divinitus prohibitus sit, innocentem ne sanguinem misceret cum noxio; exoptare se votis omnibus, ut quosquos in hostibus is numeraret; eos subijceret sub sedes, in præmium clementiæ, & condonatæ inimicis offensiæ; & verò non optare se modò, sed præſagire quoque magnis ipsum prælijs victorem, in regium esse solum à DEO evahendum, magnisque felicitatibus beandû: inter eas principem occupare locum, animum rectè sibi conscium, & sceleris integrum; ad ultimum rogare se, ne omitteret suis, ancillæ postremæ meminisse, quando vel votis, vel præſagijs suis,

*Abigail pla-  
cat Davi-  
dem.*

suis, esset eventus fidem facturus. Erat hoc aquam affundere flammis. David matrice tam eloquente mitigatus, mox omnem ulciscendi cupidinē abijcere: dicere gratias Divinæ Providentiæ de submissa in occursum prudentiæ tam facundæ feminæ, cujus eloquium a cogitato scelere sese abduxisset; acceptis inde muneribus, multa cum benevolentia, & remissæ injuriæ significatione, Abigailem ab se dimittere. Hæc domum reversa, medijs epulis, & convivantium lætitiæ cum supervenisset, maritum, qui pro more se vino liberalius invitârat, discriminis, quod impenderat, monere supersedit; quid enim carmen afino? distulit igitur commonitionem in lucem alteram, quando exhalatâ crapulâ, aditum haberet ad aurem, sensumque sobrium. Cohorruit ad narrationem uxoris; Nabal, stuporeque percussus, tantum non in saxum obriguit; paucisque post diebus, DEO pœnas inhumanitatis & præposteræ tenacitatis reposcente, morbo sublatu est repentino. Agnovit David & fructu suæ clementiæ, & oculum divinæ Justitiæ, tum maximè vigilantem, quando ad injurias acceptas connivent homines; Et quia Abigailis rarâ cum virtutē conjunctâ venustas, meliorem pridem virum merebatur, adjecit ad eius nuptias animum David; in cujus ipsa manum, ubi funus eluxit maritale, convenit, inque dotem omnes præclaræ matronæ laudes attulit. Felix utique connubium, quod eximia modestia & prudentiâ est auspicata: insignis liberalitas conciliavit: egregia animorum moderatio utrinque copulavit.

## DOCTRINA.

*Insania peccatoris.*

**N**abal homo fatuus, jam morti destinatus, post dies decem moriturus, inter epulas tamen tripudiabat ebrius: *Cor Nabal jucundum erat.* 1. Reg. 25. Patulis post diebus, funus umbra, cinis. Ita homines noxis gravioribus implicati, more phreneticorum securissimè ridet, quia propinqua supplicia non vident. Hinc hilaris furor, hinc suavis insania. Aliter Damocles, infelix parasitus, qui conspicatus fulgentem, & è seta tenuissima pendentem gladium; suis cervicibus imminere, cœpit omnibus artubus contremiscere, & Dionysium tyrannum rogare, ut abire liceret, quod jam beatus nolle esse. Cicero *Tuscul. quest. libro. 5.*

In Oratione Abigailis singulariter observandum illud: *Eritque anima domini mei custodita, quasi in fasciculo viventium.* l. c. Quasi diceret, sicuti flores colliguntur, & constringuntur filo, ne diffluant, ita DEUS sanctiores homines plerumque durius tractat, & vinculis ligat, eos tamen hac ratione servat vivos & in columes adver-

adversus omnem machinationem hostilem. *Inimicorum inorum anima rotabitur, quasi in impetu & circulo funde.* Ibid. Inimici tui stabiles nunquam erunt & securi, sed sicut lapis prius gyrauntur in funda, demum maximo impetu excutientur in orbem. Egregiæ matronæ colores depingit Siracides cap. 36. *Si est lingua curationis, est & mitigatiois, & misericordia: non est vir illius secundum filios hominum.* Id est, si in uxore ad speciem & pulchritudinem accedat lingua blanda & prudens: quæ noverit curare viri, familiæque molestias & afflictiones: mitigare mœrores, iras, acerbitates: & ad misericordiam ac benignitatem inflectere; tunc sanè maritus eius, non est similis alijs hominibus; sed longè omnium fortunatissimus, comunem mortalium conditionem excedit. Præditus hac felicitate Nabal fuisset, nisi cum eo stultitia fuisset. 1. Reg. 25.

De Abigail verò prædicandum illud eiusdem Ecclesiastici, cap. 6. *Verbum dulce multiplicat amicos, & mitigat inimicos. Et Lingua eucharis* (gratiosa, comis) *in bono homine abundat,* id est, plurimum emolumenti adfert; quemadmodum attulit Abigaili, totique familiæ, cæteroquin crudeli ferro perituræ, nisi labia Matronæ prudentissimæ, *savus desillans mel & lac sub lingua ejus.* Cant. 4. amaritum pectoris Davidici edulcassent. Lacte dicuntur restingui fulminum ignes; Abigail lacte Davidis furorem repressit. Primò enim obtulit largiter munera, (quæ Nabal stultus negavit) iramque sopivit, & benevolentiam conciliavit. Deinde summè se demisit, prosternendo in terram, & culpam deprecando; quâ modestiâ extersit superbum & contumeliosum mariti responsum, quod Davidem vehementer irritarat. Tertiò rationes affert sapientes & blandas, quibus ostendit, quàm noxia Davidi futura sit ira, & vindicta, quàmque salutaris & commoda eius oblivio & condonatio. Qua sermonis suavitate & Davidis & socijorum animos mirè demulsit, ac placavit. Cicero *de offic.* Difficile, inquit, est distu, quantopere conciliet animos hominum comitas, affabilitasque sermonis. id quod Siracides *Linguam eucharin*, appellavit.

*Vix placida  
lingua.*

Ex his discimus, iram alienam nostra lenitate refringere; quemadmodum globi è tormentis bellicis excussi, faccis lanâ fartis impunè excipiuntur. Nam juxta Proverbium Salom: cap. 15. *Responsio molliis frangit iram: sermo durus suscitât furorem.* Prioris exemplum dedit Abigail; posterioris Nabal. Id explicans Chrysostr. *hom. 3. de Saule & Davide;* sicut, inquit, si infles in scintillam ignis, excitas incendiû; si inspuis, extinguis: idem fit in inimicis proximi: si inflatos ac vecordes ingeras sermones, excitas ignem: sin' mites ac moderatos, eam extinguis.

Deliquit verò David quoque, jurando, sese Nabalem cum.

K k

omnibus

omnibus domesticis jugulaturum; nam & juramentum hoc ab affectu vindictæ profectum est: & nullo jure in tot innoxia capita sævire licebat: & quia gravior peccatō pœna, neque privata auctoritate statuenda erat. Hinc S. August. *in hunc locum*: David, „ inquit, juravit temerè, sed non implevit jurationem majore „ pietate.

## NARRATIO LX. ABNERIS, DVCIS BELLICI, GESTA ET FUNUS. 2. Reg. cap. 2. & 3.

Annis Mundi 2982. 2985.

Ante Christum. 1071. 1068.

**A** Saulis obitu, David consultō Dominō, ex urbe *Scelēga* (quam ei Rex Gethæorum Achis donaverat) in urbem *Hebronem* (Tribus Judæ metropolin, trium Patriarcharum sepulchrō nobilem) migravit. Ibi rex secundū unctus, & promulgatus est; miserrimo tamen Reipublicæ statu; nam duo capita in uno corpore: duo soles in uno cælo malè conveniunt. Post saulem quippe violenta morte sublatum, mox *Abner* (filius *Neriz*, patrui Saulis) militiæ Princeps, *Isbosethum* Saulis filium, per castra circumduxit ut regem; cujus in obsequium jurarunt undecim Israëlitis Tribus; sola Judæ tribu, sed longè fortissima, Davidem sequente. Hinc itaque *Isbosethus* jure hæreditario se regem ferre; inde David, sibi Saulis successionem, divina electione collatam, vindicare. Tenuit controversia, seu bellum potius civile, annos septem cum dimidio. Initium eius, quem diximus, *Abner* dedit, qui solo regis nomine *Isbosetho* relicto, cætera ipse pro rege agebat.

*Duo adversantes reges, Isbosethus & David.*

Fortè is cum suis copijs urbe *Manaim* egressus, *Gabaonem* versus movebat, urbem tribus Benjaminæ, sed *Juda* contemnam. *Ioab* Exercitus Davidici Imperator, compertō *Abnerem* trajecisse *Iordanem*, cum expedita manu obviam procedit, vim, si ingrueret, vi prohibiturus. Utræque copię occurrunt sibi, juxta lacum quendam, non procul Gabaone; sacrae paginæ

Piscinam



Piscinam vocant. Ibi Abner prudentiâ consilij, necessitatem periculi occupaturus (putabat enim, Davidis se gratiam honestius colligere non posse, quàm militari ambitu) captâ Joabi amicitia, persuadet ei, ut idloci, utriusque armati confideant. Id ubi factum, suorum Abner ostentaturus fortitudinem militum, (ne videretur aliqua timiditate ad prensandam Davidis benevolentiam adduci) *Surgant, inquit, pueri, & ludant coram nobis.* Ludum intelligebat gladiatorium, quo duodeni selectiorum suorum militum, singulis congressi Joabæis, ludicrum exhiberent spectaculum, magis artis militaris ostendendæ gratiâ, quàm sanguinis faciendi. Sunt, qui existiment, certamen illud non tam militaris gloriolæ studiò, quàm desiderio suas, aut hostium vires experiendi susceptum fuisse, in omen quoddam, aut præjudicium fortunæ præliaris. alij opinantur, velitationem eam decretorijis armis institutam, ut paucorum seu victoriâ, seu cæde, controversia bellica decideretur. Quæcunque demum mens Abneris fuerit, acquievit ei Joabus. Concurrent animis feroces juvenes; apprehensis alter alterius crinibus, invadunt se pugionibus tam pertinaciter, ut omnes ad unum cæsi, mutuis vulneribus conciderint. Non ludus fuit, sed prolusio acris prælij. Irritæ suorum sanguine, utrinque spectantes copiæ, infestas inter se manus conferunt. Vincit Joabi miles; Abner cum suis ceditur, & fugatur, interfectis trecentis sexaginta; decem tantum & novem ex parte Davidica desideratis; atrocius ne pugna produceretur, & virtutem accenderet desperatio, Abner, licet hostis, amicè & sapienter Joabum monuit; cujus ipse consilio audiens, cani receptui jussit.

*Ex gladiatorio præludio fit prælium inter Abnerem & Joabum.*

In ea fuga cum *Asael*, Joabi frater, non minùs manu promptus, quàm cursu strenuus, Abnerem concitatus invaderetur, opimi cupiditate spolij; Abner, qui nolebat speratæ pacis negotium abruptum, monet, alium sibi quæreretur, & paris fortunæ adversarium; ne, gravi fratris eius Joabi invidia, cogeretur ipsum ferro suo immolare victimam; at ille, de capto militiæ principe, sibi gloriam ambiens non antè destitit vestigia fugientis premere, quàm Abneris aversâ confossus hastâ, interijt. Incensis eâ pugna bellatorum animis, crebris deinde excursionibus & velitationibus certatum est, victoria semper à Davidicis stante; quia tamen pro Isbosetho jus regiæ successionis pugnebatur, & populus in legitimum Principem multa veneratione ferebatur, unicâ tantum ex duodenis tribu, Davidis signa amplectente, longiùs protractum est bellum. Cui deniq; finem imposuit dissidium, quod ex intempestiva objurgatione inter Isbosethum & Abnerem, ortum, omnium Israël's agminum defectionē ad Davidem, promovit;

*Isael ab Abneris confoditur.*

*Ex orta offensione Abner Isbosethum deseruit.*

*Abner hu-  
maniter  
à Davide  
excipitur*

Fuerat Sauli concubina, *Respha* nomine (sive libeat eam interpretari uxorem secundariam, sive pellicem) cuius amoribus, ut illex est pulchritudo, Abner captus, impudicè cum ea consuefcebat, id indignè ferente Isbofetho, ideòque severius Abnerem redarguente. Hic verò tam impotens iræ, quàm impatiens reprehensionis, vehementius in monitorem exandescit, cui merita sua non essent potiora, quàm unius caput mulierculæ: suis ipsum regnare beneficijs: suis humeris sustentari: suæ virtutis præmium esse, sceptrum in aliena manu, simulque minas ingerit, execratione capitis firmatas, se regnum Saulis, Davidi haud paulò meliori Domino, in manus traditurum. Nec aliter fecit, ac dixit. Nam certus, populum, militiamque à suis consilijs non discessuram, mittit quamprimum ad Davidem nuntios, qui nomine suo regnum Isbofethi, & amicitiae secum sanciendaæ fœdus offerant. Accipit lætus conditionem David, qui sciebat totius Hebrææ gentis sceptrum jure sibi divino deberi. Abner, pro ea, qua pollebat apud suos auctoritate & eloquentiâ, persuadet primatibus, ut juxta responsum Oraculi divini (nolebant enim prodictionis nomine suspectus esse) unum sequerentur Principem, qui universo nomini Israëlítico moderaretur: eum esse Davidem, Regem à DEO, Vindicemque populi Hebræi, interprete Samuele, designatum. Consensu omnium habito, adjungit sibi viros viginti, quibus comitatus, per speciem deducendæ Micholis (nam eam sibi restitui David repoposcerat) venit ad regem; excipitur tantò majore benevolentia, quòd & desideratissimam conjugem reveheret, & undecim tribuum subjectionem, suâ operâ, impetratam deferret. Instruitur in signum lætitiæ, epulum regale: Abneri, viro ætate, prudentia, rebus gestis, & novis erga Davidem meritis inclyto, amplissima in Aula munera promittuntur. Ussit id Joabum, alterius incrementa, sua decrementa interpretantem; igitur partim studio vindicandæ cædis fraternæ; partim metu, ne se in ordinem redactò, Abner militiæ Davidicæ imperium obtineret, incitatus, adit regem, & pro fiducia consanguinitatis (nam ex *Sarvia*, Davidis sorore erat genitus) cum eo expostulat, quòd transfugæ, & dolos malos haud dubiè meditati, suam, regni que salutem committere, in animum inducat: paratam esse homini simulationem: sub amico vultu coqui consilia, brevi post in publicam perniciem eruptura; neque enim aliud habere sibi propositum Abnerem, quàm ut spectaret ipse præsens, qua se ratione David aut contra apertam vim, aut contra occultas insidias munisset; quid designasset animo,



animo, & quomodo illius cogitationes eludi, ac bellici apparatus dissolvi, certè infirmari possent. Eas criminationes ut vidit, ad animum non admitti, constituit ipse, manu sua tollere, quem mallet regio mandato videri interemptum. Jam Abner, reditum eò, unde venerat, properabat, totas Hebrææ gentis vires, abdicatò Isbosethò, Davidis imperio, uti convenerat, adjuncturus; cùm Ioabius nuntios mittit, qui abeuntem, regis nomine revocent, tanquàm per oblivionem, quiddam maximè ad rem pertinens, illi significare omisisset. Abner nihil eorum, quæ eventura erant, suspicatus, reflectit iter. Occurrit ei ad ipsa *Hebron* mœnia Ioabius: post amicam salutationem, à cætero comitatu seducit suū securum, tanquam secreti aliquid cum eo collocuturus; &, ut timida est in ipso facinoris articulo improbitas, sceleris participem & adiutorem adhibet fratrem *Abisaium*; mox improvisò sicam in Abneris nihil minùs metuentis ilia demergit, simulque vulnus gravissimum animo Davidis infligit, probè intelligentis, maximò reipublicæ detrimentum eam eadem perpetratam; dolebat, malè turbari bene susceptam ab Abnere regni totius conjunctionem: principem virum, regio sanguini arctissimè connexum, prudentiæ & fortitudinis laude clarissimum, deque regno suo optimè meritum, contra jus gentium crudeli nece sublatum: ejusque rei invidiam in se derivari. Timebat, ne abalienatis Israëlitarum voluntatibus, civile bellū magnò utriusque partis damno recrudesceret; quocirca publicè contestari, se procul à conscientia ejus criminis abesse: diris imprecationibus cùm auctores necis, tum omnem eorum posteritatem execrari: convocare populum ad exequias heroi frequentandas: ipsemet cum primoribus, scillis vestibus, habitu lugubri, largo flectu funus prosequi, eique supremis honoribus parentare. Corpus magnificè sepulchro juxta Hebronem illatum est, & à Davide, repetito planctu, epicediòque honestatum; quod stans ipse super monumentum primus deploravit, suòque exemplo cæteros ad idem faciendum provocavit, adeò graviter Abneris morte affectus, ut nullis amicorum precibus adduci potuerit, ad cibum, ante solis occasum, capiendum. Quod sanè non mediocrem ipsi gratiam apud multitudinem conciliavit; nemine amplius suspicante, Davidis voluntate Abnerem interfectum; sed pro se quisque egregià regis benignitatem prædicare, & eadem quoque sibi ab eo polliceri. Cæterum præna in reos, cùm sine periculo exigi non posset, cū quidè dilata est, sed minimè ablata; erit enim, cùm Ioabū quoque; nō sicca morte, ultricia fata de numero mortaliū exturbabūt.

*Joabius per-  
fide Abne-  
rem interi-  
mis.*

*Davidis  
luctus fune-  
re Abneris.*

Nihil irritat acrius Nemefin, quàm fraus cruenta, & privato scelerè in communem Societatem injuriosa.

## DOCTRINA.

*Dactorum  
desania.*

**S**urgant pueri, & ludant coràm nobis. 2. Reg. 2. Crudele ludicrum, & durum spectaculū, velle occidere, & occidi ad robur ostendendum, aut alios oblectandos. Sumitur obtentui, speciosi, sed inanis honoris umbra, quoties in monomachijs, seu duellis lasciviens nobilitas, mutuis stragibus, ad usque infamiam jugulatur. Funesta vanitas, & petulans crudelitas; ubi pro consilio temeritas est, & pro salute æterna, spes improba vindictæ, vel larva falsæ gloriæ.

*Vocatūque est nomen loci illius, Ager Robustorum.* Ibid. En mercedem cruenti ludi! ut robusti audiant, furore præcipientes in terram ruunt. Hoc proleſti duellatores spectant; ut à robore celebrentur ibi, ubi non sunt; & ibi ligatis manibus pedibūque torqueantur, ubi sunt. Tanti est *Honoris punctum*; ut eodem, quo se feriunt, puncto pereant, & inferos petant.

*Invidia &  
Perfidia  
Comites.*

*Ignoras Abner, Filium Ner, quoniam ad hoc venit ad te, ut deciperet te.* 2. Reg. 3. Verba Joabi, Abnerem apud Davidem criminantis. Agitabant hominis ambitiosi pectus duæ Furie, *Invidia & Perfidia*. Cum malignè obtreſtando nihil proficeret; vim adhibuit, amicitie palliolo velatam. Rectè *Cicero*, cum duobus, *inquit*, modis, fiat injuria, aut vi, aut fraude; fraus quasi vulpeculæ, vis leonis, videtur, utrumque verò ab homine alienissimum. Nimirum in Aulis Principum regnat Invidia, Dolus, Fraus; ibi potentior debiliorem opprimit, & per cuniculos, aliena consilia, quamvis salutaria, evertit. Ibi frons, vultus, oculi persæpe mentiuntur, oratio autem sæpissimè. Unde Pseudopolitici præceptum: Illud tecum statuito, ne quid cui credas, quantumvis in speciem amico, quantumvis arridenti, complexanti, pollicenti, dejeranti; nec quemquam existimes tibi ex animo amicum, nec tu sis cuiquam amicus ex animo; tamen perinde, quasi neminem non ames, ita blandus & comes esto singulis. O everforem sinceræ fidei, & ipsius societatis humanæ!

*In Aulis re-  
gnat Invi-  
dia.*

Aula, natale solum est Invidiæ, quam elegans Scriptor ita depingit: Invidia est malum, genitum à bono; Caligo est, à splendore oriens; à pulchritudine, nata Deformitas; à risu, Lacrima fluens. Rivus est fellis, à fonte mellis promanans; E planta honestatis, nequitie Fructus; proprius, ab aliena lætitia, Dolor; Calamitas domestica, ab externa gloria proveniens. Intestinum Infortunium, quod fortuna creavit prospera. Umbra est, non

## ABNERIS FACTA, ET FVNVS.

259

est, non corporum, sed animorum. Aegritudo voluntaria, Crux fixa malevolis, & necessarius Virtutis Hostis.

Talionis poenam Vindicta Divina in Abnere quoque ostendit. Nam qui proditione abducebat populum ab Ibosetho; proditione abductus à via sua, perimitur. Asaëlem in inguine percussit, ipse ibidem percussus interiit, ut ejus quoque libido punita intelligeretur; & qui per vindictam deserebat regem suum, per vindictam à vita desertus est.

*Talionis po-  
na-  
mus Ab-  
ner.*

*Retribuat Dominus facienti malum.* 2. Reg. 3. Non deorat Davidi studium vindicandæ cædis: deorat modus & vires, regnò nondum confirmatò; differendum itaque supplicium sceleris, donec venerit opportuna illius ulciscendi maturitas; sunt enim vanæ sine viribus iræ. Non debuit totius regni salus periclitari, dum unum caput ad poenam deposcitur.

David Abneris funeri talia pietatis officia exhibuit, qualia præstitisset fratris aut patris inferijs. Is demum beneficium gratus agnoscit, qui etiam post funera gratiam reponit. Qui viventibus pro meritorum ratione, vicem non reddidit, tunc maxime ingratus esse incipit, cum ne mortuis quidem, quod debet, hoc est, *lussa* persolvit.

*Davidis  
gratus aut-  
mus.*

## NARRATIO LXI.

### ISBOSETHVS

SAULIS FILIUS, VNDECIM  
ISRAELIS TRIBUUM REX, PER INSI-

DIAS INTERFICITUR. 2. Reg. 4.

Anno Mundi 2986. Ante Ch. 1067.



**A**Bnere, quod narravimus, perfidiosè cæso, ejusque nece pervulgata, *Isbosethus* rex imbellis, animo frangi, regnum nutare, totaq; Saulis familia in certum interitum ruere coepit, omnium studijs ad Davidem spectantibus. Inclinatam *Isbosethi* fortunam, tristis casus in hunc modum evertit. Gemini fratres, *Rechab* & *Baanà*, sub Abneris signis stipendia fecerant, commendati bellica fortitudine, regiæq; cohortis præfecti. Hi ob noxam, nescio quam, è castris & Aula proscripti, cum Davidis sibi gratiam, Abneris exemplo, demerendam insigni aliquo beneficio putarent, statuunt *Isbosethum*, Davidis æmulum, è medio remove-  
*Rechab & Baanà in-  
terfecto-  
ris Isbose-*

Ad facinus tibi,



Ad facinus audendum invitabat spes impunitatis ; nam & *Abner* occidisse noverant ; & *Miphibosethus*, Ionathæ filius, cum ob ætatem ( septennis erat ) tum ob debilitatem corporis ( altero namque crure, ex casu, claudicabat ) non habebatur idoneus, qui succederet in regno. Sceleri perficiendo captatur tempus meridianum, quo Somnum suadebat æstus cæli ferventior ; & ostium pallatij unica servabat muliercula, cui grana tritici in polentam, seligenti, labor juxta calorque clauserat oculos. Regij quoque custodes corporis, cæterique Aulici, alius aliò dilapsi, quietem in umbra captabant. Rex ipse suaviter in lectulo meridiabatur. Ergo sicarii, sanguine & scelere fratres, specie, habituque mercatorum, spicas manu præferentes, tanquam triticum empturi ( ex horreis quippe regijs frumenta vendebantur ) penetrant in regiam inobservati, atque adeò in ipsum conclave regis ; adrepunt ad lectum, offendunt dormientem ; mox confodiunt impotem sui, & obruncant. Ocyus exinde arreptâ fugâ, nocte cum die jungunt, itineri continuando ; donec ex urbe *Manabim* ( ubi sedes regia ) *Hebronem* ad Davidem pervenirent ; coram quò, prolatò *Isbosethi* capite, En, inquit, caput inimicum ; per hoc unum stetit, quò minus Imperares secure, minúsque latè. ex hoc prorupit civile bellum, cruentò septenniò, tecum gestum. Hujus diademâ coelesti suffragio tibi debitum, nunc sine æmulo cape. Iacet *Saul* perpetuus hostis tuus : jacet *Isbosethus*, paternorum hæres scelerum ; & cum his tota sanguinaria Domus prostrata jacet ; impio sanguine pias dexteras imbuimus ; meridianò somnò oppressus tyrannus, ad inferos missus est. Assertum nostra manu sceptrum habes, nunc extra discrimen & invidiam positum ; Hebræa gens omnis in tua jura transit. id modò vide, ut ijs, per quos hanc tibi felicitatem Numen æternum contulit, memineris gratiam referre. Dixerunt hæc, amplum facinoris præmium expectantes à Davide, cujus rebus *Isbosethus*, si vixisset, haud exiguum moram investurus credebatur. At rex averfatus perfidiâ, & atrocitatem sceleris, Nuntio, inquit, occisi Saulis, pro mercede, quam captabat, vitam auferri jussi ; & vos proditores, vos sicarios execrandos, patiar impunes ? patiar autem ? etiam gratiam nefando sceleri reponam ? Vos, qui virum infontem, vestrum regem, in suamet domo, in suo lectulo quiescentem per insidias invasistis, latronû more jugulastis : flagitij præmiû à me speratis ? Ita vobis Davidis nota pietas, nota justia ? In malam cruce terribi parricidæ. Cum dicto, negotium dat satellitio, ut in nefarios irruat, & interficiat. Extemplo factum. Vivis manus, pedesque præcisi, & in medio Hebronis foro, juxta fontem ( exactius hæc cum Divino Scriptore memoramus ) suspensi ; cadavera in cruce

David fac-  
tor meri-  
tis penes  
afficit.

cem acta; ut monumentum tam auctorū nefandi scelēris, quāmpietatis Davidicæ extaret. Isbosethi caput in Abneris tumulo conditum est. Utrumque rara perfidia sustulit, rarior pietas extulit, & in amplissimo regno dissidentes, angustum spēlæum conjunxit.

## DOCTRINA.

**D**ormiebat super stratum suum meridie. 2. Reg. 4. Principis est, vel per se, vel fidos per amicos excubare. Securitas multos perdidit. Contra improvifum ictum nunquam non vigilandum. Lætus & lethum vicina nomina; somnus frater est mortis. Plus vigilare, juxta Chrysologum, plus est vivere. Plaut in Rudent.

*Vitiosa securitas.*

—Vigilare decet hominem,

Qui vult sua tempori conficere officia.

Nam qui dormiunt libenter; sine lucro, & cum malo

Quiescunt.

Expertus id Isbosethus. Somniculosi Principis ad exemplum, in soporē procubuerunt Ministri; adeo patuerunt omnia ad insidias; Primus ad ruinam gradus est, NIHIL TIMERE.

*Percutientes, interfecerunt eum.* Ibid. Exitabile scelēris portentum est, in vitam Principis conspirare, & sanguine tam verendo scelestas temerare manus. *Nolite* (ait Spiritus S. psal. 104) *tangere Regum vita*  
*Christos meos*, (id est, unctos reges) *& in Prophetia meo nolite man-* *Sacrosancta*  
*signari.* David in Saule rege impressam DEI veneratus effigiem, quo animo perpetuum vitæ insidiatorem servavit, eodem interfectores Isbosethi sustulit, quibus pro gratia meriti diros cruciatus rependit. Alius subsultasset gaudio, & alienū scelus in suam regnandi libidinem convertisset.

*Præcidentesque manus & Pedes eorum, suspenderunt eos super piscinam* *Proditores*  
*in Hebron.* Ibid. Digna merces proditoribus & parricidis. Trunci *detestandi.*

artus in exemplum pependerunt. Nescio quis apud Plutarchū, audet dicere. *PRODITIONEM AMO, PRODITOREM NON LAUDO.* Utrumq; meritò David est execratus, neque enim regna stare possunt, quorum fulcimentum est perfidia. Qui alios per proditionem evertit, docet modum, quo perire queat, debeátque. Vilis animus per dolos & insidias ad destinata nititur; Excelsus virtutē & gloriam in consilio habet.

*Timor DEI*  
*sit ostiarius*  
*cordis.*

*Isbosethum* S. Gregorius *virum confusionis* interpretatur. Rectissime. nam quomodo nomen viri, nisi dedecore pleni, tueatur, qui non *ostiarius* domus suæ, sed ostiarium habuisse dicatur, & quidem dormitantem. Malè salus Principis mulierculæ committitur. *Allegoricè*, Domus Janua, est Cor hominis, de quo Prov. 4. *Omni custodia*

*custodi*

*custodi cor tuum.* Hebræis hæc custodia *stationem* seu *speculam* significat, è qua vigiles & excubitores solent speculari, & lustrare omnia circumcirca, nequâ hostis vel occultè subrepat, vel violenter irrumpat, id est, mala cogitatio se penetret. Servet igitur fores Timor DEI, masculi pectoris excubitor, & flammæ manu gladium, ut ille Paradisi Cherubinus, tenens, absterreat ab aditu malæ illicium voluptatis.

Somnus Is-  
bofetbi.

Aliam doctrinam suppeditat illud Evangelicum, Matth. 13. *Cum dormirent homines, venit inimicus &c.* Desidia magistratuû, detrimentum est publicum. Nahum. 3. *Dormitaverunt pastores tui, Rex Assur: sepelientur principes tui: latitavit populus tuus in montibus, & non est, qui congreget. Pessima est plaga tua.* Id est, ô Rex Ninives, somnolentia ducum tuorum in causa fuit, cur à Chaldæis Ninive caperetur. Principes enim sepulti veterno fuere, & populus, quò se reciperet, non habebat. Isbofetho somnus suus capite constitit. Pessima plaga, quæ cum capite seu Principe, totum corpus perdit. Allegoricum alium sensum hinc S. Hieronymus elicit. Diabolus, inquit, non potest oves decipere, nisi pastores ante consopierit. *Beda* in locum illum Evangelij: *cum dormirent &c.* Imbecillitas, est demon, vigilantes non vincit, sed dormientes. Et S. Chrysologus. *Serm. 17.* Maximæ infirmitatis est, dormientibus irruisse. Imbellis Dalila Samfonè fortitudine spoliavit, sed dormientem. Jahel Sifarâ vita privavit, sed dormientem. Juditha Holofernem obruncavit, sed dormientem. Isbofeth occisus est, sed dormiens, & dormientibus, domûs ac corporis custodibus.

## NARRATIO LXII. DAVID INTEMPE- RANTIAM SITIS TRI- UMPHAT.

2. Reg. 23. 1. Paralip. c. 11.

Anno Mundi. 2988. Ante Christum 1065.



Sbofetho rege per sicarios confosso, regnum ipsius in Davidem inclinare, & denique transferri cœpit. Comitij enim Hebronem urbem indictis, tantò numero Israëliticæ tribus, studiis, ut memoravimus, in Davidem versis, conflue-  
runt

runt armatorum ut trecenta quinquaginta septem millia censerentur; à quibus omnibus rex salutus est David. Inaugurationem regiam excepit epulum, triduo magnis sumptibus celebratum. Rex tanto omnium consensu creatus, animorum voluit uti calore; Suscipit expeditionem ad arcem Solymæam, quam in jugo montis *Sionis*, situ operæque munitissimam *Jebusæi* tenebant, expugnandam; urbem Hebræi jam antè occuparant. Missis igitur ad *Jebusæos* caduceatoribus, arcem æquis sibi conditionibus dedi postulat. At illi confisi munimentò, armis, viris, comæatu, propugnaculis instructissimò, per ludibrium regi nuntiari jubent, non eadem ipsum & incolas æstimatione loci firmitatem metiri: scire se, adversus quamlibet vim ei defendendo, cæcos etiam claudosque propugnatores suffecturos: qui primis ubi de propugnaculis fuerint depulsi, tum enimvero oculos, manibusque valentes & pedibus occursuros; hostemque deturbaturos. Stimulavit iram regis contumelia responsi, quam ut à se amoliretur; propositis ingentibus præmijs, incitat militem ad arcem invadendam; ei, qui primus in muros evasurus esset, supremam militiæ præfecturam decretam. Mira continuo bellatorum alacritas emicuit, certatim scalas admoventium. Ante alios omnes Joabus, supremus dux militiæ, in altum enixus, dignitatem imperatoriam, quam privandus ob necem Abneris erat, recuperavit, confirmavitque. Arx capta; Jebusæi ad unum omnes jugulati. David repurgatò loco, domum ibi ædificavit regiam, juxtaque basilicam, in cujus Aula media Tabernaculum postmodum cum *Arca Fœderis* constituit.

*David ab omnibus tribubus rex salutatur.*

*Arx Sionis à Davide occupatur.*

Philisthæi expugnato munimentò tam valido, suum agi periculum rati, fortunam gemino tentant prælio, turpiter utroque victi, profligati. Quo tempore Davidem in castris versantem, laborèque fessum, vehementior sitis accendit; sed quam cuperet aquam non aliâ restingui, quam cisternæ Bethlemiticæ, cui pastoritius etiamnum puer assueverat. Credibile est, magnanimitatis regis desiderium, magis amore patriæ (Bethlemum erat oppidum) quàm tum in Philistinorum potestate erat, recuperandæ, quàm frigidæ ex ea apportandæ cupiditate exarsisse. Audierant fortè regis desiderium, qui proximi stabant Proceres; è quibus viri tres fortissimi, quorum nomina *Ishbaam*, *Eliazer*, *Semman*; hi suam regi fidem, fortitudinemque probaturi, (in scid tamen ipsos) suscipiunt negotiù longè audacissimum (sunt enim desideria Principum, pro jussu subditis) *David affertur aqua ex cisterna Bethlemistica.*

penetrant per media Philisthæorum castra, & Bethlehemū firmō hostium præsidio infessum, perrumpunt; desideratam regi lympham referunt. Quam is ut oblatam sibi vidit, absit, inquit, absit, ut pericula tam pretiosa bibam, & virorum fortium sanguine ardorem meum temperem; quod si dux ego sitiam; universus biberit exercitus: si bibero, sitiet. Discam commilites mei necessitatem virtute vincere: rationem ante habere cupiditati. Non recte imperat cæteris, quisquis non imperat sibi. & cum dicto, omnium in conspectu, aquam effudit, DEO in libamen, suique victoriam consecrans, parvo impendio maximam cæli gratiam collegit.

*David sui  
victor.*

## DOCTRINA.

**L**ibavit eam Domino. 2. Reg. 23. Sacrificium profectō DEO gratissimū. VINCERE SE IPSUM. Salomonis dictum est Prov. 16. *Melior est sapiens viro forti; et qui dominatur animo suo, expugnare urbium.* Appetitus subijciendus Rationi: & licitis quoque substringendus, ne trahat ad illicita. Nemo spumantibus merō pateris felicius libavit, quā David, aquā humi sparsā; ita se *Cupiditates Fortem simul, Piūque probavit.* Natura blandus hostis: sed difficilis vinci; sæpe cupiditatem pro necessitate obtendit. Davidem ut superaret, ei bibendi desiderium objecit, non malum; nisi intempestivum, & cum alienō periculō conjunctum. Haud tamen fefellit heroem intemperans affectus, quem velut hostem intestinum pulcherrimē fudit, cum in poculo latentem effudit.

*Cupiditates  
domanda.*

Animi sibi temperantis egregium documentum dederunt complures belli Duces. In ijs fuit Alexander M. qui in magna aquæ penuria, & cōmuni militum siti, oblatam sibi lympham noluit bibere. Tunc enim, *Curtio teste, lib. 7.* poculo pleno sicut oblatum est, reddito, nec solus, inquit, bibere sustineo, nec tam exiguum dividere possum omnibus. Et Hannibal, Dux Pænius non rarō cū maximē sitiret, fontem adiit, seq; ipsum, non magis tolerando, quā torquendo sitim vicit. Poëta Silius id jure prædicat.

Exercetque sitim, & spectato fonte recedit:  
Idem fecit Julius Cæsar; idem Caro, qui ad suos Milites ait apud *Lucan. lib. 9.*

Fatōque pericula vestra  
Prætentate meo; sitiat, quicunque bibentem  
Viderit.

Idem præstitit Rudolphus Imperator Austriacus, qui cū in bello, quod contra Ottocarū Bohemiæ regem gessit, potu laboraret cum toto exercitu, oblatam à rustico hydriam non admisit, red-dite, dicens, homini vasculum suum, nam ego exercitui, non mihi sitiebam.



## DAVID ARCAM REDVCIT HIEROSLYM: 265

sitiebam. Præclarissimè tamen omnium, David, qui non contentus naturæ desiderium vicissè; id insuper in præstantem religionis cultum vertit.

Quid non potest etiam in re parva, cupiditatis violentia? non tantum odia, sed etiam desideria nimium constant magnò. Lysimachus rex Thraciæ, Plutarcho memorante, victus siti, se suumque regnum Gethis tradidit. Tanti stetit unicus frigidaë hauustus. Post quem exclamavit: O me hominem miserum, qui tantillæ oblectationis gratiâ, tantum perdidit regnum! Imperandum igitur cupiditatibus, non seruendum; quia faciliùs recipiuntur, quàm exeunt. *Seneca* dictum est: Vis volu-  
ptatem contemnere. exitum specta. *Gregorij M.* dictum est.  
lib. 5. *Moral. c. 2.* Solus in illicitis non cadit, qui se aliquando, &  
à licitis cautè restringit.

## NARRATIO LXIII. DAVIDIS RELIGIO IN ARCA FOEDERIS HIEROSOLYMAM REVEHENDA.

2. Reg. 6.

Anno Mundi 2989. 2990. Ante Ch. 1064. 1063.

**V**bi primùm Davidi licuit, stabilem regni sedem figere, principem sibi curam esse voluit *cultum divinum*. Idcirco *Arcam* velut exulem & neglectam statuit ex urbe *Cariathiarim*, quod annis abhinc quinquaginta deuecta fuerat à Philisthæis, magnis claudibus ad eam transvectionem, & *Arce* captivæ restitutionem impulsis, transferre, comuni omnium Israëlitiçi populi consensu. Servabatur eò temporis spatiò, *Divini sedes Oraculi*, in ædibus *Abinadabi Levite* collem quemdam in memoratâ civitate colentis, Hebræis *Gabaa* dictû. Hanc *Arce* transmissionem Rex sumis studijs, solennitate celeberrima, maximis sumptibus instruxit, In via calcitriones boves periculû, aut certè metû creârunt *Arce*, nuntante plaustro. Hic *Oza* (Levita, cû fratre *Abione* alijsq; curâ deducendæ *Arce* habebat; parens *Abinadab* jam antè, vitâ excesserat) *cam susten-*  
*tatam.* auxiliare operâ comodaturus, admovit manus. Sed DEUS adjutori  
intem-

intempestivo iratus, temeritatem ejus morte subita punivit; ad ipsam namque corruens *Arcam*, subito exspiravit. Funere repentino territus David, *Arcam* deduci jussit in sedes *Obededomi*, Levitico quoque genere prognati, propè Hierosolymam habitantis. Quem ubi David intellexit, ob commodatum *Arcæ* trimestre hospitium, omni rerum opulentia à DEO ditatum, eam Sacerdotum humeris in Sionis Arcem evexit, singulari ad id domo structa, dum aliquando Templo admoveretur manus. Ducta est pompa, maxima symphoniarum varietate, admiranda Sacrificiorum multitudine, concursu hominum incredibili, lætissimis tripudijs, expensis omnino regijs, celebritate summa, laudatissima pietate. Inter tubas & lituos sonabant carmina triumphalia ob victorias de Philisthæis reportatas. Rex ipse ovans gaudio, & voluptate gestiens, ante *Arcam* non tam incedebat, quàm præfultabat, pedibus sese ad pulsatæ modulòs citharæ moventibus. Ne habitus quidem Regis erat à cæteris Cantoribus diversus; stola ipsum amiciebat byssina (Saceras pagina vocat *Ephod*, carbasinum amiculum; *polymitum*, folius erat Pontificis.) Hunc in modum cum festos inter concentus, & decòras (quales militares sunt saltus) choreas, *Arcæ* in Sionæam Regiam, (Divinæ litteræ, Civitatem Davidis appellant) non sine maximo victimarum apparatu, & lautijs in populum regali munificentia distributis, investa esset; David se ipsum præ sacra lætitia non capiens, ubi constituit *Arcam* in Aula quadam magnifica, & circa eam tabernaculum è pellibus hyacinthinis tetendit, *Abiathar*q. Sacerdos sumus; benè precatus est populo, cum largis sportulis, suam quemque domum remisit. Ducenta viginti quatuor hominum millia, singuli pro se collyridam seu artoptitij panis quadram, cum assatura bubulæ, & lágano in escarium munus acceperunt.

Pompa in  
deducenda  
*Arcæ.*

*Michol* u-  
xor insul-  
tat David.

Res è Sententia, & publico gaudio successerat, cum turbarum aliquid *Michol*, Davidis uxor dedit. Hæc cæteris reginis, matronisque triumphalem pompam comitantibus, dedignata misceri, regiarum stirpis arrogantiam, transvectionem *Arcæ* de fenestra arbitrabatur. Movit tumidæ feminæ stomachum demissa Regis pietas, ad saltatorios modos animo corporeque exultantis. Quare redeuntem mox adorta, salutem amaro cum sarcasmo, tanquam immemor fortis regiarum, non verendus esset Rex ipse, linigeros inter cantores linteatus, sine paludamento, sine diademate, ad concrepantes symphoniacos subsilire; divideret jam servis & ancillis imperia, quorum

## DAVID ARCAM REDVCIT HIEROSLYM: 267

quorum inter choros, despiciendum se, deridendumque largiter propinâset. Quodd si nollet se regem meminisse: meminisset certe, thori sui consortem & reginam esse, & regis filiam. Poterant hæc tonitrua in tempestatem solvi, nisi rex mitissimus magis insitam modestiam, quàm maledicam uxoris linguam in consilio habuisset. Ne tamen existimaret importuna obiurgatrix, sibi cum scurra, quod per contumeliâ effutiebatur, negotiû esse, muliebrem fastû regia severitate compressit. Quid enim, aiebat, est, quod arroganti tumore te impleas, femina, & à generis fiducia sumas audaciam? An nescis, parrem tuum ex agalone regem, & ex rege rejectamentû esse factum? Diadema eius vertici detractum, meo capiti DEUS imposuit; Sceptrum, quod gessit, mihi, meoque sanguini ferendum dedit. Non erubesco meminisse baculi, peræque pastoralis; tam me conditionis admonent meæ, quàm beneficii divini. Utramque didici fortunam pati; pietate, si nescis, & modestia stabiliuntur regna, superbîâ evertuntur. Suprema majestas potentiam suam in mortalium impotentia ostendit. Elatos attenuat: humiles exaltat. Is demum regnat, qui regnantî Domino demissam servitutem præstat. Parens tuus, si, qua subjectione mentis exorsus est regnum, eadem administrare perseverâset, per casus tam miserandos in præceps devolutus non fuisset; Propiore DEUS respicit oculo, quicumque vilescunt sibi; inflatos spiritus è longinquo cognoscit. Ludam ego, & vilior fiam, (si tamen vilitas est, æterni Regis obsequijs servire) dummodo ludentî applaudat cœlû. Ita dixit, ita fecit David, à caula vocatus ad Aulam, ab abolla ad purpuram, à pedo ad sceptrum, à pera pastoritia ad diadema regale. Michol verò suæ pœnas persolvit arrogantiae, quibus majores illa ætate expeti non poterant; nunquam effecta est mater; extremû id erat apud Hebræas matronas probum, & illius ignominia sexûs. Maritus contrâ, piò promeruit ludò, ex eius ut progenie prodiret ille, qui MATRE natus VIRGINE, typicam *Arca Peteris* umbram, in admirabilem *Arca Nova* lucem, Eucharisticum Ferculum, cœlestium gratiarum prodigium, transferret.

*David re-  
promis ma-  
ledicâ ux-  
oris linguâ.*

## DOCTRINA.

**I** Ratûs est indignatione Dominus, & percussit eum (Ozam) super temeritate. 2. Reg. 6. Quid est, quod Oza nec subidâuerit officium in speciem religiosum, cûm *Arcam* labantem sustentaret? Varij varias hujus supplicij causas adferunt; nobis probantur duæ. Prima; quòd sine reverentia ac necessitate tetigerit *Arcam*; bos quippe paululû inclinaverat eam 1. Paral. 13. Altera, quòd, cûm non esset Sacerdos, ausus tamen sit manum admove-re *Arca* fulciendæ;

*Cur adeò  
graviter  
punitur Oza.*

fulicendæ. Ubi discendum, quanta puritate ac reverentiâ accedendum sit ad SS. Eucharistiâ, in qua non manna terrestre, ut olim in *Arca*, sed cœleste ac divinum, Christus ipse DEUS & homo, continetur. Audi S. Pacianum in *PARANES*. Vos appello, qui criminibus admittis poenitentiam recusatis, vos, inquam, post impudentiam timidos, post peccata verecundos, qui cum malâ conscientia DEI Sacra contingitis, & altare Domini non timetis: qui ad manum Sacerdotis in conspectu Angelorum, sub fiducia innocentia acceditis, cum tanta fuerit divina cura Providentia, ut audaces manus nec ob auxilium, sustineret. Magis etiam sibi timeant, quibus concessa potestas, Divinissimi hujus Sacramenti conficiendi ac distribuendi, ne rei fiant Corporis & Sanguinis Domini, sibi pro gratia poenam, pro misericordia iudicium, pro vita fumant mortem, quod Paulus minatur. 2. *Corinth.* 11.

*Davidis  
moderatio  
animi.*

Quam illiberali fronte regina Michol in regium conjugem, convitia plenis buccis effudit, dum prorumpit: *Quam gloriosus fuit hodie rex Israel, discooperiens se ante ancillas servorum suorum, & nudatus est, quasi si nudetur unus descurrens.* 2. Reg. 6. Protervum nimis & petulans convicium in tantum Principem, qui deposita regia veste extima, amiculum lineum seu stolam byssinam, inter Levitas & Cantores psallens, sibi circumdederat. Quis maritorum ad hanc dicacitatem & maledicentiam continuisset manum? non strinxisset vel pugnum vel pugionem? Continuit se David, &, *Ludam*, inquit, *& vilior sum plus quam factus sum, & ero humilis in oculis meis.* Quot hic virtutum decora! patientia contumeliae, modestia, submissio, despicientia sui. Eleganter Bernard. *epist.* 87. *Ludam*, inquit David, ut illudar. Bonus ludus, qui hominibus quidem ridiculum, sed Angelis pulcherrimum spectaculum praebet. Bonus, inquam, ludus, quo efficitur opprobrium abundantibus, & despectio superbis.

*Pietas ad  
omnia utili-  
lis.*

*Et David saltabat tota viribus ante Dominum.* Ibid. Verissime Doctor Gentium. 1. *Timoth.* 4. *Pietas ad omnia utilis est;* etiam ad Coronas & Sceptra roboranda; divinis enim auxilijs imperia firman- tur potentiùs, quam armis & opibus. Tanto Religionis documentum insignius David dedit, quanto demissiùs se abjecit ad eius honores attollendos, à quo regnum acceperat. Pietati Rudolphi I. in ferulâ Eucharisticum Austriaca Potentia suam felicitatem debet, ex vaticinio perpetuandâ; qui, ut venerabundus DEUM sub panis nube latentem coleret, desiliit ex equo, & inde per depressionem suam, ad solum Imperatoriae Majestatis ascendit. Ita nempe sunt humana divinis aut nexa, aut obligata, ut illa, et si non

non quæras, per ista obtineas; Et quantò cœli Domino mortalem factum profundius submittis, tantò ad dignitatis fastigium altius eleveris.

NARRATIO LXIV.  
HANON AMMONI-  
TARUM REX, OB VIO-  
LATOS DAVIDIS LEGATOS, ATROCES  
CUM SUIS POENAS SOLVIT.

2. Reg. cap. 10. & 12.

Annis Mundi 2996. 2997. 2998. 2999. Ante Christum 1057.  
1056, 1055. 1054.

**D**AVID ubi intellexit *Naaseu*, Regem Ammonitarum, sibi fœdere junctum, vitâ decessisse, regnumque ad *Hannouem*, Naasis filium, etiamnum adolefcentem, esse translatum, Legatos misit, qui pro mutua amicitia consolationem adhiberent, funus paternum lugenti. Quod cum Legati, honorificè & amanter excepti, fecissent prolixè; Suspiciosa Satraparum temeritas eò impulit regem juvenem, ut ei benevolentia ac commiserationis officio, insignem referret ignominiam. Legatos namque pro exploratoribus per summam calumniam habitos, inauditâ causâ, locò nullò defensionis datò, nullâ ad Davidem quærelâ delatâ, velut sceleris convictos, contra jus gentium damnavit, & ignominiosæ poenæ subjecit. Raditur viris honestissimis, in publicum ludibrium, pars dimidia barbæ ac capillitij; togæ præciduntur ad eas usque partes corporis, quas nudari vetat pudor. Ejus contumeliæ nuncius ad Davidem delatus, non secus, ac par erat, Regem affecit. Jussi sunt Legati tamdiu Jerichunte subsistere, donec recrescentibus pilis, turpitudinis nota aboleretur. Cæterum ea Legationis violatio, fatalis ac funesta fuit *Ammonitis*; cum enim minimè dubitarent, tantam se injuriam, Regi, opibus armisque potenti factam, haud impune laturos, ingentes *Syrorum* copias, mille talentorum mercede conduxerunt. Israëlitarum non erant plures, viginti quatuor millibus, qui cum validissimo hoste prælium inirent. Infesti stabant

*Contumelia  
in Legatos  
Davidis.*

M m                      exercitus



*Ammonitæ  
vincuntur  
ab Israël-  
itis.*

exercitus ad ipsa regiae Ammonitarum urbis (*Rabbatha*, seu *Rabba* vocabatur) moenia; aciem à fronte Ammonitæ disposuerant; à tergo Syri premabant; Israëlitæ in medio concludendi erant. Quare animadversa *Joab*, ut erat militaris artis apprime gnarus, copias suas bipartito divisit; ipse cum flore militiæ, Syros invadit: reliquum militem frater *Abisai* in Ammonitas ducit. Præliò vix tentatò, vertuntur in fugam Syri, (DEO pavorem eis immittente) nec constantiores Ammonitæ, salutem & ipsi perunt à pedibus; *Joabus* ad obsidendam *Rabbatham* necdum satis instructus, Hierosolymam in hiberna revertit, victoria contentus.

*Altera de  
Ammonitis  
victoria.*

Anno sequenti Syri bellum redintegrant, ad accepti dedecoris infamiam delendam. Confluxère ad signa regis Syrorum, *Adarezer*, & *Sobachi*, eius militiæ principis, subquatuor alijs regulis, centum triginta octo millia, præter septingentos currus militares, & septem millia militum ex illis dimicantium, ut planè videretur, de summa rei, & Orientis imperio decernendum. Contraxit non minus David, quidquid poterat virium, priora decora novis victorijs cumulaturus. Exorto utrinque prælio, acriter aliquamdiu pugnatum est, donec Syri divino iterum concussi metu, maxima strage succubuerunt, cæsis non minus octoginta & septem hominum millibus, & in ijs *Sobacho* quoque supremo belli duce. Rex *Adarezer* maturè sibi fugâ consuluit, vitamque tributaria servitute, & renuntiatione fæderis Ammonitici redemit.

Itaque nota belli moles, Duce *Joab*, in Ammonitas, & ipsorum regiam civitatem, *Rabbatham* conversa est. Annum amplius duravit obsidio, victoriæ moram adferente, Davidis adulterio & homicidio interea temporis commissò. Iam ad extrema deducti erant obsessi, cum *Joabus* per litteras significat regi, ut adesset urbis excidio, & hunc quoque titulum victorijs suis apponeret, munimentiq; expugnati gloriam occuparet. David collaudatò Ducis sui officio, fidèque, proficiscitur cum selecta manu ad *Rabbatham* evastandam. Miles præsentis auspicio regis, & ductu animatus, magna alacritate facit in muros impetum, effractisque per vim portis irumpit in urbem. In ipso aditu acerrimum certamen conferitur: hinc Hebræis ad vindictam & prædam anhelantibus: inde Ammonitis pro aris & focis, pugnantibus; donec ad extremum Hebræo superante, urbs tota in potestatem victoris irati venit. Promiscua cæde in omnes sævitum. Quidquid vasorum erat aureorum & argenteorum, DEO consecratum; reliqua præda militi cessit, longè opulentissima; quòd in eam urbem totius regni opes, belli metu, fuissent congestæ. Imprimis memorabilis fuit *Corona*, quam simulacro suo *Moloch*o, regiam in formam effecto, Ammonitæ publicis impensis imposuerant, auro

*Rabbatha,  
urbs Am-  
monitarum  
evertitur.*

solido

solidò fabricatam. Eam David cum cæteris spoliis avexit, redégitque partim in diadema, suomet vertice gestandum; partim Divini *Sacrarij*, *regiæ*, ornamentis impendit. Urbs propter oppidanorum contumacem malitiam, inque contumeliæ Legatis illatæ ultionem stirpitus destructa, & solo a quata; incolarum reliquæ tam Rabbæ, quàm cæterarum urbium carpentis feratis, super eas agitatis, frædè laceratæ: cultris & ferris dissectæ, gladijs, securibusque truncatæ, ignibus fornacum lateritarum, crematæ, crudeli utique supplicio, & pernicioso in genus humanum exemplo, nisi justam victoris iram, impietatis & flagitiorum immanium odia stimulassent.

*Incola crudeliter dis-  
cerpuntur.*

## DOCTRINA.

**A** Cres habet ultionis stimulos læsa majestas. Nec est alia vindictæ justior causâ, quàm injuria Legatis illata; quos qui violat, jus gentium violat. Si statuarum violatores tam severè vindicantur; quid de Legato censendû, qui Principis sui, patriæque velut imaginem & dignitatem repræsentat? Romani, Tullio teste, Corinthum, totius Græciæ lumen extinctum esse voluerunt, quòd ipsorum Legati, erant appellati superbijs.

*Gravissimū  
crimen, Le-  
gatorum  
violatio.*

Sunt, qui ob hoc vindictæ genus, Davidem crudelitatis imsimulant; alij sævitiam facti excusant atrocitate injuriæ acceptæ. Nam Amōnitæ non tantum ipsi crebrò invaserant Judæam, sed alias etiam gentes ad belli societatem concitârunt. Ideoque fuisset medios dissectos ferris, qui Legatorum vestes sumâ ignominia disciderint; Cultris truncatos & gladijs, quòd capita & barbas hominum, quos sacrosanctos habere debuerant, pari scditate, injuriæque, abraferint: meruisse carpentis & curribus substerni, conterique, qui Legatos regiones vehiculis impositos in turpissimum ludibrium circumduxerint. Et cum Amōnitæ idolo *Moloch* seu *Melchom* imania sacra instituerint, infantes partim per ignes, traductos, crudeliter ustulando: partim inter brachia candentis idoli crudeliùs concremando, meritò & ipsos per incensam fornacem traductos, aut in eam etiam coniectos fuisse. Præsertim si (quod probabilius est) David hoc supplicium de Ammonitis sumpserit tum, cum per scelorum pœnitudinem DEO reconciliatus, in eius rei præmium, hanc ab eo victoriam retulit.

*Ut investigares, & explorares civitatem, & everteres eam, misit David servos suos ad te. 2. Reg. 10. Ita Consiliarij Hanonis adolescentis, amici benevolentis officium in pessimam calumniam detorserunt. Misera vocatur terra, cujus Rex puer est. Ecclesi. cap. 10. quia ipse utpote multarum rerum ignarus, quarum scientiâ affert usus*

& experientia, faciliè aliorum consilij abducitur. Et nimis quàm verum est, quod Assuerus rex conqueritur, Esther cap. 16. eò quòd Consiliarij, Principum abutantur simplicitate, gravia in Rempublicam detrimenta redundare. *Dum aures, inquit, Prin-*

*Principes* *facile deci-* *Testis est Hanon, qui dum alijs se facilem nimis, & credulum,*  
*piuntur à* *præbet, violato gentium jure, & Legatis regijs per ludibrium in-*  
*consiliarijs.* *honestè tractatis, seipsum, & regnum perdidit. Hinc monet Sira-*  
*cidus cap. 37. à consiliario serva animam tuam, non temere creden-*  
*„ do & fidendo. Rectè quoque Sallustius in Catilin. Omnes homi-*  
*„ nes, inquit, qui de rebus dubijs consultant, ab odio, amicitia,*  
*„ ira atque misericordia vacuos esse decet. Haud faciliè animus*  
*„ verum pervidit, ubi ista officiunt.*

*Nunc igitur &c. cape eam, ne cum à me vastata fuerit urbs, nomini meo adscribatur victoria. 2. Reg. 12.* Miranda fidelitas & modestia

Ducis Ioabi, qui gloriam urbis mox capiendæ, quam belli duces adeò solent ambire, ex toto in regem suum Davidem transcribit.

*In Aulis fre-*  
*guens amu-*  
*lacio.*

*bit. Ita fuit extra invidiam, non tamen extra gloriam, quam auxit à se removendo. Potentia in Aulis, est in loco lubrico posita, præsertim si inter magnitudinis æmulos, ipse Princeps existat; quantum alieno splendori lucis accedit; tantum caliginis, suæ claritati offundi putat. Hinc Salomon Proverb. 25. Ne gloriosus appareas coram rege. Ita Philippus Macedo, inquit Demosthenes, omnia præclara facinora, sua esse volebat: magis indignabatur ducibus & præfectis, qui prosperè & laudabiliter aliquid gesserant, quàm ijs, qui infelicitè & ignavè. Patrem Philippum secutus filius Alexander, vinci quidem hostes volebat, sed Antipatrum vicisse indignabatur; suæ demptū gloriæ existimans, quidquid cessisset alienæ. Curt. lib. 6. Ita Gobrias in venatu interfectus est ab rege Assyrio, quòd ursam & leonem fortius confixisset Xenoph. lib. 4. cyripedia*

*Spolia Im-*  
*pietati de-*  
*tracta.*

*Et tulit diadema Regis eorum Melchun (idoli, quod formam Melch, seu regis habebat) & imposuit super caput David. 2. Reg. 12. Ne videretur David suas tantum injurias persequi velle, DEI negligere; falsorum Numinum cultores cum idolis suis stravit; pulcherrimam ratus victoriam, quæ de Impietate triumpharet; & spoliolum præclarissima, tenebrarum Principi detracta. Nec poterat Trophæum meliori loco statui, quàm in vertice regio, ut ibi, unde ex lasciuo oculorum coniectu prædam Orcus egerat, prædam reponere cogeretur.*



# NARRATIO LXV. DAVIDIS IN CRIMINA PROLAPSIO.

2. Reg. 11.

Anno Mundi 2998. Ante Christum 1055.

**P**ost tot victorias illustres de hostibus relatas, cum David quadragesimum jam & octavum vitæ annum, regni verò decimum nonum inoffenso pede decurreret; prohi dolor! sædæ demum libidini turpiter succubuit; principium ipse ruentis in se Domus, quam erexerat; ingens omnibus exemplum, nequid à casto tutum sibi quisquam spondeat. Miserabilis prolapsio ita contigit.

Expeditione, jussu Regis, adversus Ammonitas susceptâ, Duce militiæ supremo Ioabo, post devastatos hostium agros, pagos, oppida, vis ultima barbarorum urbi Rabbathæ (utî narravimus) erat admovenda, ut ejus expugnatione, hostilitatis, & mali radix omnis excinderetur. Inter primos in expeditionem cum prætorianis Davidis copiis jverat *Urias* (cognomento *Hebæus* à loco natali *Heb*) miles & bello spectatissimus, (quippe *Triginta Davidis Fortibus* adnumeratus) & probitate morum insignis. Reliquerat hic domi *Betsabæam* conjugem, ceu minime necessariam castrorum appendicem. Fortè Rex David, qui & ipse Jerosolymis remanserat, die quodam æstuosiore, post epulas ac meridiem, grabato se quietique mandarat. Soporis, quantum satis esset, perceptò; marcidum (ut fieri solet) à somno diurno corpus, agitatione reparaturus, in solarium domus regię se recepit; ambulandi pariter, & refrigerantis auræ captandæ causâ. Contigit, ut eodem tempore Betsabea, contra solis ardorem, corpus in horto domestico ablueret ad salientem fontanam, incautiùs aliquantùm renudatâ, quàm egregiè castam decuisset; *David a. formæ mulier perinde elegantis, ut ætate florentis, & integræ; more Betsa- quippe vicenni non major. In quam Rex ut oculos coniecit, bea incen- ut perijt. Mittit, qui nomen, genus, vitæ conditionem exquirat. ditur.* Discit omnia singillatim: interque cætera; fortissimo suorum militum Uriæ collocatam esse. Rex, quem hic imperare sibi

M m 3

convenerat,

*Adulterium  
Davidis.*

convenerat; statim exardescere, hoc ferventius, quia *contra vetitū*. Arcessitur mulier in regiam, interpellaturque de corporis usura. illa nihil oblectata, venit, committit scelus. Cujus infamia quò tegetetur, nam trimestri jam maritus abfuerat, evocaturè castris Urias; variàque per speciem de belli fortuna interrogatur. Inde domum remittitur ad uxorem conveniendam, cœnâ regiâ, & lautijs eum prosequentibus. Sed is, generosum militē non decere ratus, belli tempore ad conjugis blandimenta, & uxoriâ consuetudinē divertere; maluit portē regię custodibus se somnūmq; suum, ea nocte, sociare. David intellectâ spei suę vanitate, accusare militē inhumanitatis, urgere, rediret ut domū, uxore conviseret, necessariam quietem caperet; commeatūque roganti, in lucem posterâ polliceri. Detinetur interim ad cœnam *Urias*; aliquantò longiūs hilaritate (quam rex sermonibus, ac poculis iuvabat) protractam; oneratur vino supra sobriorū legem; deniq; temulentus domum se conferre jubetur. Verū etiā tum regis elusō machinamentō; titubans Urias, ac longioris progressūs impatiens, ante fores statim regias, lectulo se commisit. Rex ubi vidit, omnē humanitatis conatū frustra esse, consilium à crudelitate capit; scribit Iobo litteras, *Rabbiāham* tunc obsidenti, quibus mandat, ut Urias iniquissimo certaminis, acerrimōq; loco, pro fronte, constituatur; præmonitis commilitonibus, ut pugnātem, & in extremo discrimine versantem, medios inter hostes destituant, ipsēque circumventus, ea, quæ meruit, exsolvat. Perlectâ Iobus epistolâ, quod imperatū erat, exsequitur. Urias fortissimè dimicans deseritur; & cadit. Sunt, qui scribant, Uriā cum promptissimis quibusq; propiūs ad muros subeuntem, repentinā telorum, procellâ, desuper missâ, unā cum cæteris obrutum, oppressūmq; fuisse; adeōq; Davidem haud simplicis reū cædis se fecisse. Nuntiū interitūs eius, *David* ac *Mulier*, animis lætis, & verbis tamen per summam simulationē tristibus excipiunt. Illa funebre insuper luctū induitur; quem mox tamen, amoris impatienciâ, quæ rex eam deperibat, in peplū nuptiale vertit: eique jam *matrimonio* iungitur, cui prius *adulteriō*. Dos uxoris est, *uteri vitium* & *onus* & arrha maritalis, *cædes* prioris viri. Nascitur, octavo post nuptias mense, puer, partus alijs præmaturus, parentibus autē flagitiij conscijs, præfstinatus. Amantes duo, quantum in conjugio, tantum in delicti sui contemptu pergunt, obliti Numinis, pudoris, famæ. Adeo non cæca tantum, sed surda, sed vecors est libido.

*Urias mandato Davidis, vita discrimini obijciunt.*

## DOCTRINA.

**A** *Credit, ut surgeret David de strato suo post meridiē 2. Reg. 11. v. 2. A somno & cibo, proclivis ad Venerē transitus. Animi curā vacātis affectio,*

affectio, est Libido. Et juxta *Diogenem*, negotium otiosorum est amor ac cupiditas. Quot scintillas eiacularur fornax ardens, tot mala desideria suscitatur mens otio æstuans. Pulvillo dormientis Davidis Cupido incubuit; mollietates ex molliortum habuit. Somnus ei diurnus, *demon fuit meridianus*. psal. 90. nam de meridie incurrit in torpentem, & ex intempestivo sopore marcentem. Qui vigilantem timuit, semisomnem oppressit. *Sagitta volabat in die*. psal. 90. & mortiferum vulnus infixit.

Orium in-  
vitamen-  
tum libidi-  
nis.

*Viditque mulierem se lavantem ex adverso*. Ibid. Domus quippe Uriæ respiciebat ex adverso regiū pallatium. Insidiosum pulchritudo speculum, etiam procul aspicientes urit; dolosus Arcus, simulicit, & jactit; blandum facit vulnus, sed lethale. Rectè *Seneca* partem innocentiae, dicit, esse cæciratam. Et *Augustinus*, in psal. 50. Delongè vidit David illam, in qua captus est. Mulier longè; libido propè. Alibi erat, quod videret: in ipso, unde caderet. Et juxta *Greg.* Lascivus aspectus scintilla fuit, quæ dum in paleam, femineam formam, incideret, momentò rapuit, flammam, & fœdi amoris incendium excitavit. Intueri non licet, quod non licet concupiscere.

Et oculo-  
rum curio-  
sitas.

*Missi igitur David nuntii, tulit eam*. Ibid. Hoc habet libido, pudorem simul & prudentiam eliminat. Animi vulnus tam fædum non dubitavit servis suis aperire; neque enim credibile est, ignorasse nuncios, quid animo designasset rex, cum ad se feminam evocavit, ignotam antea, nobilissimoque viro copulatam. Prò miserum! quem nec leo, nec ursus, nec Hebræorum terror Goliathus, nec mille tela frangere aut domare potuerunt, femina fregit, domuitque. Verè *Seneca*: Amans quid cupiat, scit; quid sapiat, non videt. Amare & sapere vix diis conceditur. Expressius Salomon, Prov. 6. *Qui autem adulter est, propter cordis inopiam perdet animam suam*. O quanta mentis inopia, quanta recordia, cum lascivus homo, brutæ voluptatis æstro agitatus, in præsentissimum casum & barathrum ruit, secumque trahit alios! Nam qui thorum violat alienum, viro facit injuriā, uxorem contaminat, liberos suspectos & incertos reddit; & cum DEUS iusserit, ambos (Adamū & Evam) esse in uno corpore, & in uno spiritu; adulter unum separat corpus, unum dividit spiritum. *S. Ambros.* lib. 5. *Hexam.* c. 7. Adulterij vesaniam more suo facundè *Chrysostomus* explicat *homil. 3. de verbis Isaie*. Nam quæ potest esse voluptas, ait, ubi metus, ubi discrimen, ubi tantorum malorum expectatio, ubi tribunalia, ubi accusationes, ubi iudicis ira, ubi ruina, ubi gladius & carnifex, ubi barathrū ac deploratio? Et potest namque hæc omnia tolli. Quomodo feret conscientia redarguentem; quomodo sustinebit cælestis curiæ sententiā, tribunal illud, quod neque

Cecitas libi-  
dinosi bo-  
minis.

„ neque pecuniâ corrumpitur , nec adulationibus acquiescit,  
 „ nec potentiâ reprimitur , nec mendaciô eluditur.

*Miles Chris-  
 tianus.*

*Et ait Vrias ad David : Arca Dei , & Israel , & Juda habitant in papilionibus ; Es ego ingrediar domum meam &c. Ibid. v. 11.* O militem fortem & Sanctum, qui tam indignam sua fide, robore, pietate mercedem à Davide retulit ! Frustravit vir fortissimus vafrum regis consilium , indignum reputans indulgere voluptati , & in molli stragulo lentos captare somnos , cum dux Ioabus , & qui illius sequebantur signa , humi cubarent in tentorijs , quietem interrumpente buccinarum clangore , & hostili fremitu. Discat hîc miles Christianus facere fortiter , & sub Christo , *Spinoso Capite* „ ( quod Bernardus monet ) non esse *membrum delicatum*.

*Inductio ad  
 ebrietatem.*

*Et inebriavit eum. Ibid. David Uriam. S. Augustinus serm. 231. de Temp.* Quia alterum cogit , ut se plus , quàm opus est , bibendo „ inebriet ; minus malû eierat , si carnem eius vulneraret , quàm „ eius animæ per ebrietatem noceret. Tolerabilius est in carne „ mori , quàm per ebrietatem in anima interfici. Minatur Habacuc Propheta cap. 2. *Vg. qui potum dat amico suo , mittens fel suum , & inebrians , ut aspiciat nuditatem eius.*

*scelera libi-  
 dinem Da-  
 vidis comi-  
 santia &  
 consequen-  
 tia.*

*Scriptiste David epistolam ad Ioab , misitque per manum Vrie. Ibid.* Jam David ex adultero homicida efficitur ; Necis suæ tabulas Urias innocens & inscius perfert. Hinc in adagium abierunt , *Vrie , & Bellerophontis* litteræ , latoribus suis perniciosæ. In hunc modum , scelus hæsit sceleri , & per gradus Libido præcipitavit Davidem. Prius cæpit lapsare , antequam corrueret. Nam *primò* , uti recensuimus , opportunitas ad prolapsionem extitit , somnus pomeridianus , præsertim in molli lectulo vocatus , mollioris animi & delicijs fracti argumentum. *Alter* ad vitia pronubus fuit , Otium ; David enim in solario domus regiae ambulans , nihil serij cogitabat. *Tertiò* , Oculi emisitij ductores ad flagitium certissimi. Incustoditus visus , incustoditæ mentis est nuncius. Per oculorum lasciviam , prima pugnæ præludia init Cupido. *Quartò* , secutus est Amor cæcus , & cordis adulterium. Rex oblitus majestatis suæ , mittit , qui suâsione & prece , formosam feminam adducant. *Quintò* , in vestigio hæsit , ipsum adulterij flagitium. *Sextò* , Urias redditur ebrius ; quæ Rex necabat , antequam necaretur ; prius ebrietate , postea gladio. *Septimò* , palliolum sceleri ut obtederetur , alienus foetus erat Vriæ supponendus , grandi iniustitia. *Octavò* , Libido sibi blanda , alijs fit sæva & crudelis. Infamatur vir integerrimus , tanquam nescio quid capitali supplicio dignum commississet , & per summam fraudulentiam ac calumniam morti obijcitur. *Nonò* , consecuta est publica offensio , & pessimum exemplum Aulæ , civitati , toti regno , vicinis gentibus , idolorum cultui



cultui deditis, præbitum. Nam quid? si hoc licet Regi, cur non etiam gregi? Davidem præeuntem, quis vereatur sequi? Ita scelus ex scelere gignitur, & in nefas, per aliud nefas, itur.

Quærat hic aliquis, cur DEUS permiserit Davidem in hæc dedecora incurrere? Respondetur, ut Iustitia & Misericordia divina clarius in Rege hoc elucerent. Unde ipse psal. 100. *Misericordiam & iudicium cantabo tibi Domine.* Deinde, ut maximis cœli gratijs affluens, disceret seipsum, suamque fragilitatem nōsse, hominēmq; meminisse. Præterea, ut scaperent alij tanti Viri lapsu. „ Pulchrè *Ambrosius Apolog. s. David. l. 3.* Si David infirmus, tu fortis? Si Salomon lapsus est, tu immobilis? Si Paulus primus peccatorum, tu potes primus esse Sanctorum? Quarto, ut si nos labi contingat, ne despondeamus animum, sed cum Davide per poenitentiam resurgamus. Sit lapsus, virtutis stimulus; ut usurpari possit illud Poëtæ:

Si non errasset, fecerat ille minus.

Præclare *Augustinus Bomil. 21. in Jer. 30.* Multicadere volunt, cum Davide, & nolunt resurgere cum Davide. Audiant, qui non ceciderunt, ne cadant: Audiant, qui ceciderunt, ut surgant. Non sit delectatio minorum, lapsus majorum; sed casus majorum, sit tremor minorum.

## NARRATIO LXVI. DAVIDIS POENITENTIA.

2. Reg. 12.

Anno Mundi 2999. Ante Ch. 1054.



**D**um suis David securus voluptatibus indulget, puerè furtiva Venere, & adulterino concubitu nascitur, ingenti parentū lætitiā; quam tamen mox turbavit inexpectatus nunciū, a DEO submissus. *Nathan* is erat Vates, Davidi per familiaris; qui per quietem admonitus, ad Davidē se confert, nihil minus metuentem; sceleris admissi gravitatem in conspectu ponit, pro meritisque pœnas denuntiat. Ne verò plus exulceraret obiurgatio, quàm sanaret regis animum, pravis amoribus abreptum; per ambages Davidem aggreditur, tantòque validius conscium.

*Nathanis parabola ad Davidem.*

Nn pectus

pectus ferit, quanto id obliquius petit. Narrat duos esse cives, ejusdem urbis, à fortunis dissimillimos; *copiosum* alterum ovium gregibus, & boum armentis; alterum *tenuem*, & unius oviculæ dominum, quam in delicijs & amoribus haberet unicè, sua cibaret manu, suo foveret sinu. Fortè usavenisse, ut ad civem locuplerem hospes peregrè adveniens diverteret; quem ut exciperet pro meritis, oviculam pauperi viro abactam, in cænam jugulasse; quanta rei indignitate, Davidem appellari judicem. Hic enim vero vehementer rex exandescere, detestari facinoris iniquitatem, reum capitis pronuntiare raptorem ovis, & quadrupli restitutione damnare. Audita regis sententiâ, continuo Nathan, Tu, inquit, vires ille, tu dives, tu raptor, tu jugulator pecudis, tu reus; ac tu opte judicio supplicium; & exempla novissima commeritus. Tu civis es opulentus ille, sine ænigmate loquor, rex terræ lacte mellèque manantis. Civis autem comparatione tui pauper, Urias fuit Hethæus, Ovicula ejus unica, Bethsabea conjunx; Peregrinus, quem in diversorium admisti, Tartareus Cupido fuit; qui te mulieris alienæ desiderio succendit. Huic tu malè cautus obsecutus es; & cum haberes uxorum gregem, alterius thorum contra jus & fas invasisti: ingratus, immemor beneficiorum, quibus te DEUS cumulavit & obruit. Ille te à pedo & petaso ad diadema & solium evexit, tot Saulis insidijs subduxit, è periculis plurimis maximisque eripuit, in domum opulentissimam induxit, Israël's & Judæ regnum tibi tradidit; majora etiam adjecturus, si legis divinæ frenum pati potuisses; tu verò non contentus jugalem pudicitiam nefariè commaculasse, vetitum insuper cubile, insoniti sanguine respersisti. His flagitijs refundet pœnas ultrix Justitia, & paria paribus rependet. Domum alienam tu malis involvisti; malis tu vicissim, è tuamet domo fuscitatis, involveris. Uxorem extraneam rapuisti, & contaminasti, sed *unam*; in vicem tuæ rapientur & opprimuntur uxores detem, & ab eo quidem, quò nemo tibi propinquior erit. Tu nefas in tenebris, cubiculique caligine admisti; nefas majus admittet ille, quisquis erit matrimoniorum tuorum involator, sole meridiano totis Ierosolymis, & omni populo tuo spectante. Sic Cubile fœdum, cubili fœdiore vindicabitur. Tu Gladium denique, manibus Ammonitarum, in Uriam insontem, crudeliter distrinxisti, mori coactum, quia te, morte dignum in uxore, non occiderat. En, è diverso Gladius divinà stringendus dexterâ, tuam ex omni parte vastabit domum: tibiq; capitiq; tuo, filiisque, quin & omni generis tui posteritati, pertinaciter semper impendens; furtum universa, deorsumque vertet: & à cervicibus Davididarum,

*Explicatio  
parabola.*

*Invectiva  
in Davidem  
de re comminatio.*

darum, nullis unquam sæculis abscedet; donec supereffe desinat in terris, qui se Davidis oriundum stirpē, gloriari verē sustineat. Militis unius homicidium; regalium capitum cædibus stabit infinitis: & quorumcunque tandem manibus aut imperiō, mors illata Davidicis; ab Auctoribus quidem suis aliter aliterque nominabitur: reipsa, semper *Uria* ferrum erit. Urias jugulatus semel; in omnes tuorum cædes, vivet alliduo: vindictamque tamdiu bibet è singulis; donec Davidem exhauriat universum.

Hæc Nathane proloquente, non potuit rex ultra cohibere vocem; intus immenso cordis æstuante sensu, facinorumque suorum execratione flammam ruboris accendente; crebris jam singultibus corda verberabantur altissimo tandem ducto gemitu, lacrimis infusus, *Peccavi*, exclamat, *Peccavi Domino*. Cætera, quæ nequijt exprimere labijs; supprimente verba vi doloris; secum ipse fusiùs animo loquebatur. Nondum finierat tacita lamenta David; cùm Nathan ad flentem conversus; Quoniam, inquit, peccati tam impensè te pœnitet: en, & culpæ tibi gratiam & vitæ Majestas æterna facit. Pœnas DEO sempiternas debebas. Has remittit; ac transfert in Temporis, ac morte finienda supplicia. Casurus eras rebellium, hostiūve gladio. Decedes nunc, pacatō regnō, siccāque morte. Cætera quoque, quæ te, tuosque manent, clades temperabuntur. Quamquam ijs in universum non carebis. Hæc namque, Peccatorum erunt pœnæ: quas divinæ rigor Justitiæ, plerumque, condonatā quoque jam offensā, reis infligit. Initium autem animadversionis justæ fiet ab eo, quō tu minimè voles, capite: filio scilicet infante; qui de Betfabæa tibi susceptus, in cunis vagit. Nam hujus & conceptus & ortus, ac, nunc Spuriij, nomen in legitimæ prolis dignitatem translatus, non Israëlitis modò sermonem, sed barbaris quoque finitimis, maledicendi Sacris nostris, ansam exhibuit, Hebræorum religionem ex rege suo metientibus, & ex cultorum flagitijs, ipsum Israëlitarum DEUM criminantibus; in ejus offensionis pœnam puer fato præmaturo tolletur, non quia deliquit, sed quia delicti fructus est, & opprobrium. Ita Numini fixum, ita constitutum est. Cūque dicto, regiā Nathan egressus, abiit, unde missus erat. Per ordinem cuncta suum, expleta mala sunt, quæcunque Vates prænuntiavit; DEO non severius scelerum vindictam interminante, quàm verius exigente.

*Davidis  
vox peni-  
tens.*

*Et remissio  
culpe.*

## DOCTRINA.

**E**T dixit David ad Nathan : Peccavi 2. Reg. 12. Breve verbum, sed ex intimo cordis sinu profectum, & acerbi doloris, demissionis, charitatis plenum. *Rugiebam*, inquit, *David* psal. 37. *à gemitu cordis mei*, quem ut *D. Augustinus* exponit, audit DEVS ; non à gemitu carnis, quæ audiunt homines. Gemitus hic editus non ob sceleris infamiam, non ob vulgi sermones, non ob intentatas pœnas, sed ob summi benefactoris, & super omnia diligendi Numinis offensionem. Nulla hic excusatio, nullus sceleris prætextus ; reprehensio amara æquissimo animo admissa. Hinc facilitas veniæ, illis data, à quibus gravissimè læsus ; quales fuerunt nequam *Semei*, rebellis *Abšalon*, superbus *Adonias*, alique. Hinc voluntariæ pœnæ, ultro susceptæ, & commissæ crimina in se ipso acerrimè vindicata ; Hinc morbus severâ inediâ & longis vigilijs contractus ; quod ipse testatur. psal. 108. *Gemitus meus infirmatus sum à jejunio*. Hinc lætus, turpitudinis instrumentum ; per singulas noctes, non pauculis tantum lacrimarum guttis aspersus, sed largiter rigatus & lotus. psal. 6. *Lavabo per singulas noctes lectum meum, lacrimis meis stratum meum rigabo*. Hinc oculi ad flagitium duces, lacrimarum imbribus inundantes. psal. 118. *Exitus aquarum deduxerunt oculi mei, quia non custodierunt legem tuam*. Hinc rupta gemitibus & suspirijs densis præcordia, quibus fatigatus & delassatus succubuit. *Laboravi*, ait eodem Psal. *à gemitu meo*. Hinc obversantis ob oculos, sceleris amarissima memoria. *Quoniam*, ait, *iniquitatem meam ego cognosco, & peccatum meum contra me est semper*, psal. 50. Hinc cineribus conspersi cibi, & lacrimis potus temperatus. *Quia*, (de se loquitur psal. 101.) *cinerem, tanquam panem manducabam, & potum meum cum fletu miscebam*. Hinc firmum & efficacax propositum emendandæ vitæ, nec commissæ repetendi. Id „ peracutè *Augustinus* observans. Sed quia, inquit, in isto virò „ immoderatæ huius libidinis non permansio, sed transitus fuit „ propterea etiam à Propheta (*Nathane*) illicitus ille appetitus, „ hospes seu Peregrinus vocatus est.

*Vix penituitia.*

*Dixitque Nathan ad David : Dominus quoque transulit peccatum tuum.* loc. cit. O miram DEI clementiam ! *Peccavi* ; in tribus syllabis, ut *Ambrosius* ait, flamma sacrificij ascendit, juxta illud psal. 50. *Sacrificium DEO spiritus contribulatus* ; & mox „ è cœlo, misericordia descendit Vix reus agnovit culpam ; cum Judex supremus concessit veniam. Apud divinum Tribunal citijs audiuntur gemitus, quàm verba ; penituisse, est facundè di-



dè dixisse; nec ampliatur iudicium, ubi causam agit dolentis animi suspirium. Lacrimis mollior sententia, quantumvis rigida; & crimen diluitur, dum flendo agnoscitur, & singultibus explicatur.

Sanctorum super his Patrum instructiones audiamus. De „ illicita Venere *Bernard. de intern. Dom. l. 39.* Hac peste, qui ad- „ strictus tenetur, divelli ab ea vix potest; quoniam stimulos „ eius confiteri aut nescit, aut erubescit. Hinc Salom. Prov. 28. *Qui abscondit scelera sua, non dirigitur: qui autem confessus fuerit, & reli-* „ *queris ea, misericordiam consequetur.* Cujus rei symbolum: Canis „ vulnera lambens. cum lemmate: FERT LINGUA MEDELAM. *D. Am-* „ *brof. Apologia 1. Davidis, cap. 4.* Peccavit David, inquit, quod „ solent reges: sed poenitentiam gessit, flevit, ingemuit, quod „ non solent reges. Confessus est culpam, obsecravit indulgen- „ tiam, humi itratu deploravit ærumnam, jejunavit, oravit, „ confessionis suæ testimonium in perpetua sæcula vulgato do- „ lore transmisit. Quod erubescunt facere privati, Rex non „ erubuit confiteri. Qui tenentur legibus, audent suum nega- „ re peccatum, dedignantur rogare indulgentiam; quam pete- „ bat, qui nullis legibus tenebatur humanis. Quod peccavit, „ conditionis est; quod supplicavit, correctionis. Lapsus com- „ munis, sed specialis confessio. Culpam igitur incidisse, naturæ „ est: diluisse, virtutis.

Idem Theodosium Imperatorem arguens, quod ex ira tot millia Theſſalonicensium ob deſectam uxoris suæ statuatim occidisset; cum ille diceret, Davidem quoque peccasse eadē *David spe-* „ Uriæ; subiecit: Qui secutus es errantem, sequere poeniten- *culum po-* tem. Et revera secutus est. Nam poenas ab Ambrosio pro De- *nitentis* „ licto inſunctas cum magna ſubmiſſione ſuſcepit, explevit *peccatoris.* que.

*S. Auguſtin. lib. 22. contra Fauſtum, cap. 67.* Saul, inquit, & Iu- „ das proditor dixerunt & ipſi: Peccavi; ſed in ſimili voce diſſi- „ mile peccatus erat, quod divinus oculus diſcernebat. *Et homil.* „ *21. inter 50.* Audi, ait, Davidem, clamantem, & ſimul clama: „ audi gementem, & congemiſce: audi flentem, & collacri- „ mare.

„ Eleganter *Salvianus lib. 2, de Gubernat Dei.* agnoſcit, in- „ quit, David reus culpam, humiliatur, compungitur, confi- „ tetur, luget, poenitet, gemmas regias abdicat, crepantia „ auro textili indumenta deponit, purpurâ exuitur, diadema- „ te exoneratur, corde & cultu mutatur, totum regem cum or- „ natibus ſuis abiicit, jejunio exugitur, ariditate ſiccatur, fletu „ effunditur, ſolitudine carceratur.

Non minùs egregiè *S. Hilarius in psal. 118.* David, *inquit, tunc* „Nathan Propheta arguente, crimen suum recognovit & flevit: „nunc quoque non desinit veræ pœnitentiæ lacrimis facti veteris crimen abluerè; dicens: Exitus aquarum deduxerunt oculi „mei. Hæc enim pœnitentiæ vox est, lacrimis orare, lacrimis „ingemiscere, & per hanc confidentiam dicere: Lavabo per singulas noctes lectum meum, & lacrimis meis stratum meum rigabo. Hæc venia peccati est, fonte fletuum manare, & largo „lacrimarum imbri madefieri.

Addamus his *S. Eucherium in hunc loc.* Vulnus, *inquit, apparuit, & sanitas redijt.* Sed non fuit his Propheta contentus: „Nam post correctionem, post pœnitentiam, post peccatorum „absolutionem, Psalmum eam ob causam scripsit, ut etiam „posteræ generationi fiat illius morbus medicina: & illius naufragium, sit alijs portus.

In hoc lacrimarum speculum inspiciant illi, qui mille causas flendi habent, nec tamen salutarem emittunt guttam. David non iteravit lapsum, & tamen dies noctesque illum expiavit. Isti cum omnium flagitiorum sordibus inquinentur, sperant, se sine pœnitentis animi gemitu, sine lacrimis, illotos, & illuvie obsitos, inter astra refulsuros; Cumque immemores sui, cœli, DEI, voluntur in carne & sanguine aurium tenus; nihilque nisi libidines somnient, ruscant, perpetrent, nihilofecius ab obscœna vita, pulchram sibi mortem promittunt, & ab impuris cubilibus, ganeis, lupanaribus ad Æterni, omniæque pervidentis, & severè castigantis Judicis tribunal, securi & ludibundi ambulant. O cæcitatem, & proterviâ sempiternis ignibus vindicandam!

*Verum tamen quoniam blasphemare fecisti inimicos Domini &c. Loc.*

*Malum exitu  
plu in principio.*

cit. lib. Reg. Atque hoc fuit, quod inter cætera gravius exprobravit Nathan Davidi; scandalum, seu perniciosum exemplum; quod Amonitis, Philisthæis, aliisque gentibus datum. Quid enim? si justus Hebræorum est DEUS, cur regem tam injustum, ingratum, crudelè, turpi libidine infamem regnare, & florere patitur? Ita Davidis scelus in ipsius Numinis Divini contumeliâ cessit. Ubi notandum, quàm grave piaculum admittant, qui suis flagitijs etiam alios eunt perditum; ij præsertim, qui imperium in cæteros exercent; corrumpunt enim vitiorum exempla, magnis cum subeunt auctoribus. Validum munimentum est privatorum, scelerum, publica Regis iniquitas: Nam cum nemo credat improbandum à principe, quod agit ipse; ea quisque licenter audet, quorum ideâ ab ipso sumpserit. Ut proba imperantium vita est censura improborum; sic impia, est exhortatio ad impietatem.

NARRATIO

NARRATIO LXVII.  
 AMNONIS, FILII  
 DAVIDIS INCESTUS, ET  
 CÆDES. ABSALONIS EXILIVM,  
 ET REVOCATIO.

2. Reg. 13. 14.

Annis Mundi 3000. 3002. 3005. 3006. 3007. Ante Christum  
 1053. 1051. 1048. 1047. 1046.

**P**rimum statim filiorum Davidis flagitium (incestus Amnonis cum Thamare sorore) à DEO (uti diximus) permissum est, Davidis patris adulterio castigando. Nulla sunt vincula, aut pudor, aut fides, quæ non rumpat inhonestus amor; qui neq; novit parere frenis, neque naturæ legibus coerceri. Amnon maximus natu filiorum Davidis, viginti juvenis annorum, oculos coniecit in Thamarem sororem, pro nefas! non ut amaret, sed deperiret. Illicium nefariæ cupidinis erat forma puellæ, longè omnium venustissimæ & Regia virgine dignæ. Ausus est frater tentare; quod ne cogitare quidem licebat. Sed vicit pudorem libido, timorem audacia, ratione amentia, & sanguinis communione improbitas. Simulat morbum, quo non laborabat; dissimulat, quo urebatur, accersit sororem, sorbitiunculam sibi parari rogat: flagitium offert reluctanti. Vix eò patrato, mutantur in feritatem blanditiæ: eiicitur ex ædibus fraternis puella regia: amor succedit odium. Illa tantò miserior, quanto pudoris, amisso pudore, plenior, sortem suam lamentari, capiti cinerem inspergere, vestes pro acerbè lugentium more discindere, quiritatu & ploratu urbem implere. Denique quo se verteret, non habere. Fortè incidit in fratrem Absalonem, qui ex suo ingenio alienam odoratus libidinem, crimen in auctorem non alium, quàm Amnonem coniecit; nec illa negavit. Statuit in praesens rem habere tacite, patiq; Absalon, donec opportunior se ferret ultionis occasio; sororè interea domū recipit suam, ne quicquā de fratris injuria conquerentem, longoque luctu tabescentem.

Res ad regem parentem delata, ut magnos tristitiæ fluctus excitavit; ita pro eo, ut merebatur indignitas facinoris, severi-

*Incestus Am  
 nonis cum  
 sorore Tha-  
 mare.*

*Nimia David in li-  
beros indul-  
gentia,*

*Absalonis  
fratris  
in insidiis  
fratri Am-  
noni stru-  
endis.*

*quod rex ei  
vult tunc  
vult tunc  
vult tunc*

severitatem iudicij non invenit; sive ut parceret filio in regnum succelluro; sive, quia paris criminis conscientia, libertatem puniendi adimebat. Sed quod peccavit indulgentia patris, id DEUS, graviore scelere Absalonis vindicari permisit. Absalon vindictæ cupiditatem bienniō protraxit; donec opportunitate captata, Amnonem extra civitatem Solymam, patrisque conspectum extraheret, in locum aliquem solum, tantōque insidijs aptiorem, quanto remōtiorem à narium palatarum sagacitate. Comodum haberat tempus tōndendarum ovium, qui dies genialibus apud Hebræos convivij agitari fuetus, facile speciem humanitatis, larvæ crudelitatis prætexuit. Et erat Absaloni minùs tum effugium difficile, quòd cædes ruri peragenda; nec deesset fida famulorum manus, in omnia promptorum obsequia; quippe in domini sui prædio, fundoque. Invitatur ad convivium, quod regiâ munificentia paraverat, primò locò rex; non quia illum adesse vellet; neque enim funestis consilij satis erat opportunus hospes; sed quia volebat omnem sceleris à se jam animo destinati suspicionem depellere: maxime, cum sciret regi non facile persuasum iri, ut illud admitteret invitantis officium. Respondit itaque rex, se nolle filij sui rationibus esse gravem, neque placere sibi, ut convivarum multitudo graves illi sumptus afferret. Eò tamen parentem adduxit homo perinde vaser, ac cruentus, ut bona cum ipsius venia, cum cæteri fratres omnes, tum Amnon maxime conveniret ad epulum; Destinatum quippe erat, fraterhis in oculis fratrem interficere; partim ut ignaviam in plectendis flagitijs exprobraret publice parenti; jam tum enim sub vapido pectore mala consilia coquebat; partim, tantò ut esset vindicta dulcior, quanto plures audaciæ ac temeritatis haberet testes.

*Amnon temulentus  
occiditur.*

Itaq; inter epulas, id negotij dat hospitibus Absalon, omnes ut Amnonem; tanquam convivij regem, largioribus poscant poculis; suis autem præcepit, ut eum, cum jam vino gravis esset, signò à se constitutò, interficerent. Quid multa? Circumfertur merum liberalius; Amnon bibendo longius provehitur; nec quid agat, caveatque, satis in consilio habet. Famuli, quod jussi fuerant, stupratorem sororium, temulentum, nihil de imminente morte, nihil de admissò flagitio cogitantem; & nondum, ut apparet, cum sorore, cum fratre, cum DEO reconciliatum, ad æterna supplicia, illata nece præcipitant. Interea, metu omnia, clamoribus, tumultuque repleri; cumque sicarii idem de cæteris regis filijs; quod de Amnone, facturi putarentur; raptim illi mulas conscendere, & se quamprimum in fugam dare. Præceperunt eorum cursum alij, qui non expectato tragediæ exitu,

*cum*

## AMNONIS INCESTVS. ABSALONIS EXIL: 285

cum putarent regiam omnem sobolem cum Amnone trucidatam, tristissimo nuntio regis aures, animumque impleverunt. David peremptum pariter, peremptoremque lugere, tanto sensu acerbior, quanto crudelius erat vulnus, quod frater fratris inflixerat animo, quam corpori. Et quamvis aliquid de luctu detraxerint posteriores nuntij, solius cædem Amnonis referentes; David tamen memor gladij Domui suæ, Nathanis ex vaticinio, impendentis, dolentissime universa cum Aula deplorabat tam diram regiae familiae, adhuc florentissimæ calamitatem; non ignarus, injuriam Thamaris à se male dissimulatam, & prunas cineribus mollioris indulgentiæ coopertas, hoc incendium suscitasse. Lugebant filij regis, sororis dedecus, & ejus causâ, fratrum alterum trucidatum: alterum, sicarium exulantem; Absalon quippe metu commèriti supplicij ad avum maternum *Tholomaium Gesiuris* regem simulacrorum adoratorem, fugâ se recepit; apud quem triennium non sine metu consumpsit; cum in parente signa videret non obscura, offensus, & durum aliquid meditantis animi. Nec difficile fuerat Davidi fugientem in pœnas retrahere, si, quo debuisset conatu, insequi placuisset. Sed quia vindictam, quam facinoris excitabat atrocitas, reprimebat similitudo delicti; nam & Amnoni libidinis exemplum, & homicidij dederat Absaloni, dolor & indignatio ultra minas non processit; male quippe vindicem sceleris agit alieni, par si culpa redarguit ipsum Judicem.

*David in-  
de luctus.*

*Fuga Absa-  
lonis.*

*Davidis  
dissimula-  
tio.*

Cæterum Ioabus advertens, Davidem de Amnonis cæde nihil conqueri, nihil acerbius de Absalonis parricidio loqui, ipso die regis exulceratum animum mitigante; consilium inijt eius omnino expugnandi, & filio reconciliandi. Eius rei gratiâ mulierem subornat *Thecuitidem* (urbe *Thecua* oriundâ) sapientiæ famâ celebrem; hæc lugubri cultu ad regem ingreditur, narrat, se pridem marito viduatam, nunc etiam filijs geminis orbandam; inter quos exortâ rixâ, cum alter alterius manu sit interfectus, autorem cædis vocari in iudicium, haud dubiè luiturum capite, nisi regis clementia intercedat; restare ultimâ familiæ suæ scintillam, quæ si carnificis ferro extinguatur, totam stirpem in mœstos cineres desessuram. Rex callida permotus oratione (mulier enim advocata, suorum sub filiorum persona, causam Amnonis & Absalonis agebat) vivere iussit fratricidam, eadêmque sententiâ (quod Ioabus intenderat) Absalonem ignarus absolvit. Hic Thecuana parabolam mox evolvere, & apertam pro Absalone deprecationem adhibere; David sub constrictus iudicio, Ioabo dat in mandatis, filium ut ab exilio revocet Hierosolymam, ea tamen lege, suum ut conspectu ne subeat. Reducitur profugus, & intra

*Absaloni re-  
conciliatur  
David.*

O o

domesti-



domesticos parietes bienniò, non sine acri doloris morfu continebatur; credibile est, ignominiae impatientem, in suburbano praedio habitasse; inde, cum per submissos saepius ad Iobab nuntios, rogaret, paternam ut in gratiam restitueretur penitus, isque moras faceret; agrum eius vicinum à suis incendio vastari iussit, injurià pertracturus in colloquium, quem precibus inducere non poterat. Nec fefellit opinio. Iobab re cognita, venit expostulator de accepto damno; ille necessitatem excusat ejus, vel per vim conveniendi; pollicetur pensionem detrimenti, obtestatur & obsecrat, ut se dedecore & acerbitate fortunae liberet, paternis oculis reddat. Iobab, regij juvenis vicè miseratus, promittit, quod rogabatur; redit ad regem, deprecatur pro filio, impetrat condonationem poenae; recipitur priorem in locum Absalon; redit, ad genua parentis, multis cum lacrimis affunditur; ceteraque poenitentis prodit signa; ut genitoris, ad oscula quoque flexi, & procerum animos mirifice caperet, optimisque spebus impleteret.

Vanas fuisse, brevi post ostendit ingenium versipelle, tantò projectius ad audendum, quantò certius facilitatis paternae, & ad omnes, gratiae; quam ei rara formae praestantia conciliabat; flava comprimis & densa caesarie intuentium lumina rapiente; sed suis ipse demum captus erinibus, luctuosò didicit fatò, non tam se capillos oculorum illices, quam laqueos, ambitionis vindices, circumtulisse.

## DOCTRINA.

*Amor furor est.*

**I**ta, ut majus esset odium, quò oderat eam, amore, quò antè dilexerat. 2. Reg. 13. Impurus amor inconstantissimus, homini à fronte formoso, in draconem desinenti simillimus, Amnon sororem ita deperijt, ut maciem contraxerit; flagitiò commissò, procul à se abegit. Ut ira, sic amor, furor brevis est; amara dulcedo, triste gaudium, blanda mors. Rectè Plautus Cistell.

Amor melle, & felle facundissimus,

Gustu qui dat dulce, amarum ad satietatem usque oggerit. Verè quoque Boëtius:

Habet hoc omnis voluptas  
Stimulis agit furentes,  
Apiumque par volantum,  
Ubi grata mella fudit,  
Fugit, & nimis tenaci  
Ferit ista corda morsu.

Ubi rosa, ibi spina; ubi dux est luxuria, ibi comes est tristitia.  
Quod factum est, fecisse est pudor, & ideo dolor: ex dolore timor,

## AMNONIS INCESTVS. ABSALONIS EXIL: 287

timor, ex timore angor, ex angore horror. Hæ sunt rosæ hujus, ubi emarcuit, spinæ. Ubicunque stimulus est carnis, ibi est aculeus cordis. O amarus libidinis fructus! audi Apostolum. Rom. 6. *Quem ergo fructum habuisti tunc in illis, in quibus nunc crucificus?*

Spurcus amor, similis est Hypani fluvio, à suo fonte dulces aquas volenti; deinde amarescenti; nec potando: initia voluptatis inconcessæ, merum mel & saccharum videntur: extrema desinunt in amarum aloë & absynthium. Libido Amnonë in corporis interitum, animique rapuit. Amor impurus, in fine amarus.

Porro sicut Absalon, vir non erat pulcher, in omni Israël. lib. 2. Reg. c. 14. Absalon hoc fædior animo, quò pulchrior corpore. Sapienter Isocrates: Si pulchrum tibi corpus est, & anima malà, bonam habes, navim, sed malum gubernatorem. Capillis præcipue superbiebat. Mirum est, quod sacra pagina refert: *Et quando tondebat capillum (se-mel autem in anno tondebatur, quia gravabat eum cesaries) ponderabat capillos capitis sui ducentis siclis, pondere publico.* 2. Reg. 14. Hoc pondus quidam referunt ad capillorum gravitatem: alij ad pretium, quò vendebantur feminis, eos ad fictitia capillamenta expetentibus. Si de pondere sermo; coma Absalonis pendebat octo libras communes; si de pretio; (quod probabilius) ducenti sicli, valebant Drachmas 800. hoc est sestertius 3200. seu nostrates crucigeros 6400. nempe florenos Rhenenses 160. crucigeros 40. sex Philippicos aut Fernandicos numos vulgò thaleros 71. crucig. 10. five Aureos Ungaricos 35. cum floreno & 40. crucig. Vah, quanta vanitas in volatica capitis umbra! quanta levitas in cuncto pondere! quam magnum impendium in exili pilo! Absalon bis mille & amplius florenorum censum in capillis circumferebat. Verissimè Siracides cap. 11. *Non laudes virum in specie, neque spernas hominem in visu suo.* id est, ex aspectu & despiciabili forma; nam juxta Catonem:

Ingenio pollet, cui vim natura negavit.

Querit S. Ambr. lib. de Institut. Virg. c. 3. Cur, cum Deus Gen. 1. omnia opera sua laudaret, cælum, terram, maria, noctem & diem, feras bestias; ubi ad hominem ventum est, solus non videtur laudatus, propter quæ omnia procreata sunt? Quæ igitur causa est, nisi forte ea, quia alia in specie sunt; homo in occulto? Nihil in bestiis plus reperias, quam quod videtur: in homine nihil est inferius, quam quod videtur: qui cum ex animo constet & corpore, hoc utique in eo servit, quod videtur: illud autem in eo regit, quod non videtur. Merito ergo alia in exordio (Mundi) laudantur; istius laudatio non promittitur, sed reservatur; quia aliorum gratia Non forma, sed virtus commendat hominem.

„foris,hujus intus est: aliorum in nativitate, hujus in corde.  
Hæc ille.

Absalon pulchro corpore atram mentem tegebat; quot enim scelera, & quam enormia in hoc juvenili pectore stabulabantur! 1. Odium intestinum & capitale in fratrem. 2. Atrocis cupidō vindictæ, sub dolo cinere flammâ iracundiæ fovens. 3. Simulatio falsæ amicitiae. 4. Cruenta consilia hauriendi fraterni sanguinis. 5. Perfidia, plus quam Punica, palliolo lætitiæ convivalis testa. 6. Crudelitas in poculis propinata. Ut totus periret frater, per temulentiam prius fuit occidenda anima. 7. Imperium inane trucidandi, eodem patre genitum, & quidem natu maximum, hæredem & successorem regni. 8. Impietas summa, per geminam fratris necem, patrem quoque in funestissimos ludijs præcipitandi. Ex hoc catulo qualis fiet bellua! Ex his præludijs, qualis tragœdia! Ebrius fraterno sanguine, proxime paternum sitiet. Quam tristes formæ versantur in hoc theatro! Ammonis libido, temulentia, interitus animæ, corporisque. Absalonis fraus, furor, crudelitas; quas excipiet Ambitio, incestus, parricidalis rebellio, & dirum exitium. Hæc monstra, spectator, metue, & cave.

## NARRATIO LXVIII. ABSALONIS AD. VERSUS PARENTEM DAVI- DEM REBELLIO. DAVIDIS FUGA.

2. Reg. 15. 16. 17.

Annis Mundi 3008. 3009. Ante Ch. 1045. 1044.



Absalon inter clades Davidicas exemplum non postremum, degener filius, juvenis varij, insolentis, elati, indomiti ingenij, postquam Ammonem, fratrem natu primum, uti narravimus, specie quidē ulciscendi flagitij, reverà jus primogeniti involaturus, temulentum inter pocula per servos suos interfecit, epulasque, quibus fratres adhibuerat omnes, funere, ploratu, fuga convivarum turbavit, ad Gessuritarum regem profugus, fœdos in corpore formoso mores, idololatrarum contuberniò, fœdiores reddidit. Post exilij triennium, patris in gratiam reductus; patrem



patrem paullo post depellere regno, vitæque meditatur. Biennium effluxerat, ex quo Ierosolymam reversus, in parentis decum conspectum admissus est, patrociniò Ioabi, supremi militiæ Ducis. Ex reconciliatiõne haud paullo deterior evasit, quàm fuerat; & qui manus fraterno jam sanguine cruentârat, eas paterno quoque cruore imbuere statuit, nihil non movens in Aula, patris ut vitam & diadema raperet; quare domum curribus & equis instruit, viros sibi circum-pedes adiungit manu promptos, & ad quidvis audendum paratos. Deinde blandis asiaticis captare subditorum benevolentiam, arguere patris negligentiam in tractandis negotijs publicis: tribunalium iustitiæ requirere: summo manè ad regiæ vestibulum consistere: advenientibus studia sua deferre, polliceri obsequia, honorem habere se venerantibus manu etiã levare, si quos reverentia profundius inclinasset; in amicitia tesseram, oscula partiri. Atque ut pellax est forma, miram ei gratiam conciliabat species, imperio digna, & florens juventus; humanitas præterea & comitas agendi, loquendique, cum acri ingenio, mentisque vigore conjuncta. Rex parens, quod esset animi minimè suspicacis, & indulgentioris æquò in liberos, eum dominatûs apparatus juvenili magis fastui, quàm ambitioni tribuebat.

*Absalonis  
versus in  
conciliandis  
subditorum  
animis.*

Interim filius telam cæptam pertexere, religionem sceleri prætere, *Hebronem*, urbem natalem, & Divorum Patriarcharum lipsanis religiosam, machinationibus suis idoneam, bona cum patris venia petere, tanquam vota DEO nuncupata, sacrificijs exsoluturus. Euntem, præter domesticos, & amicos, consiliorum participes, ducenti comitabantur armati, proditiõnis ignari. Hebrone res curatur non divina, sed bellica; miles colligitur, audacissimus quisque in partes trahitur. Præcipuos inter numerabatur *Achitophel*, vir primi nominis, & Davidi à consilijs, homo versutus, & mirus fraudum artifex; oraculum Hebrææ curiæ, cum ætate, tum experienciã longè omnium sagacissimus. Is quia dudum aversum à rege gerebat animum (propter Betfabeam, neptem suam, adulteriò pollutam, & maritum eius Uriam, malis artibus interemptum) ad partes Absalonis se adiunxit, ei que adiutor exitit, patris è solio, vitæque deturbandi. Mittuntur itaque quaquaversum nuntij; ingens hominum multitudo confluit; Absalon consonis omnium vocibus rex proclamatur. Hic vires ab recenti dignitate, & calentibus conjuratorum studijs adeptus, mox in genitorem arma, legiones, castra, regni que totius robur movet.

*Absalon ad-  
iungit sibi  
Achitophé-  
lem, rebellio-  
nis directo-  
rem.*

David haud nescius, se premi malo; juxta Nathanis

vaticinium, *sua de domo suscitando*, noluit se munimentis Arcis Sionæ includere, ne videretur velle cum DEO pugnare; fugam arripit deserta versus loca, jam olim nota, cum pauciores, sed meliore clientium parte (in quibus erant reginæ, filij, sexcenti Prætoriani milites; flos bellatorum à S. Scriptore *Celesthi* & *Phelethi* nominantur) nudis pedibus, flens, & operto capite, quemadmodum rei solent; comitibus pariter luctum ore, habitūque testantibus. In eo comitatu fuit etiam *Etbai*, Gethæus; (filius Achis regis, juxta Hebræos; qui Davidi profugo *Sicelégum* oppidum donodederat.) qui recēns ad Davidē cum quodam sociorum manipulo Solimam venerat, & que Judaicis sacris addixerat. Ei cum David reditum in urbem frustra persuadere cōnaretur, permisit fidos inter amicos tandem, secum aleam subire.

Regem fugitivum, superato jam *Cedrone* torrente, secuti sunt *Abiathar* Pontifex; *Sadocus* Sacerdos, cum universo Levitarum Ordine, & Arcæ Divinæ præsidio; ex qua cū Oraculum, de profectione consultum, nihil responsi Pontifici redderet, rex silentium, Numinis offensi indicium interpretatus, magna se demissione, & animi æquitate, cœlesti arbitrio subjecit, virōsque sacros Hierosolymam remisit, monitos, ut in omnes Absalonis molitiones intenti, si quid accideret, se ignorare ne paterentur. Cæterum compertō, Achitophelem cum filio conjurasse, enixē DEUM obsecravit David, hominis ut callidissimi consilia frustraret, & propriam in perniciem averteret. Indē consensu montis Olivarum verticē, lacrimabundus respicit Solymæam urbem, præsertim Sionis regiam, Divini sedem Oraculi, nunquam fortē revidendam. Erant tum pariter in oculis, & animo commissa scelera; provocatus ad iram DEUS; rebellis filius; regnum tot laboribus partum, jam tripiendum. Resonabant in auribus perduellium voces, Absalohem Hebrone Regem, ipsō repudiato, salutantium.

Id loci obvium habet, amicorum principem, *Chusai* nomine, scissa veste, & capite inspersum cinere, regię calamitati indolentem, seq; in omnes fortunæ vices socium offerentem. Hunc quoq; redire iussit Hierosolymam, simulatōq; partium adversarum studiō, hostium secreta; Achitophelis imprimis consilia perscrutari, iisque se opponere. Quod ille non minore fide præstitit, quam curā David mandavit. Non longē hinc occurrit *Siba*, famulus *Miphibosethi*, filij *Jonatha*, quem domestici lares

*Siba in Miphibosethum*  
*apud Davidem calum-*  
*nias.* utroque claudum pede Hierosolymis attinebant. Duos secum adduxerat asinos, vino & cibarijs onustos; ijs sibi muneribus viam ad Davidis benevolentiam, suamque perfidiam muniturus. Rogatus de herō, cur fugæ comitem se non addidisset, per

per suam calumniam respondit, Miphibosethum domi desiderare, novis spebus restituendi aviti regni (nepos enim erat Saulis) imminentem. Nec dubitavit David fidem adhibere criminationi, utique absurdissimæ; quid enim in illo tumultu, aut se-rebatur, aut metebatur Saulicæ familiæ; aut quid ineptius ad regnum, quàm Miphibosethus, homo corporis elumbis, & pedibus captus? Invenit tamen improbissimi capitis fallacia locum apud virum prudentiâ præstantē; sed partim artificio, & impudentiâ calumniantis, partim nimia credendi facilitate circumventum. Quid multa? Miphibosethus, tanquam ingratus cliens possessionibus suis spoliatur; sibi proditor domini sui ijs donatur. Sed hunc prolapsus, admirabilis patientia, adversus impurissimi Oris maledicta excepit. Cum enim Rex *Baburim* usque, oppidum Tribus Benjamiticæ progressus esset, sese in conspectum dedit, *Semei* quidam, homo potens opibus & cognatione Saulicæ stirpis. Is non satis habuit, regem atrocissimis maledictis insectari, invasorem regni alieni, adulterum, & sanguinarium tyrannum proclamare, diris omnibus execrarij; Sed cum convitijs, & verborum contumelijs etiam lutum ac lapides, in Davidem, fugæque Socios iactavit. Vindictæ cupiditas cum cæteros milites, tum *Abisaium*, militarem ducem, *Sarviam*, Davidis sorore genitum, meritas in iras stimulavit; nec erat manum à cæde abstenturus, nisi gladium impio jugulo iminentē, Davidis mansuetudo repressisset, haud ignari, sceleribus suis vindicem, etiam hunc licentem immissum esse.

*David nimis credulus proditori, Miphibosethum fortunis suis evertit.*

*Semei Davidem lapidibus insectatur.*

*Davidis patientia.*

Interea Absaloni cum Achitophèle Jerosolymam ingressus, concursu populi factus, etiam Chusai se stitit; adoratoque rege, perpetuum ei imperium precatus est. Rogatus, cur, qui præcipuos inter & fidelissimos regis amicos esset habitus, nunc ab eo transfugeret, respondit compositis ad quævis obsequia verbis, sequi se, quæ plures præeant, & DEUS ipse ducat; qui cum meliori faveat causæ, par esse, ut ipse quoque auspicijs se divinis accommodet; mutare se dominum, non fidem; eam patri probatam, sperare etiam filio, legitimo regni Successori, non improbandam. Quibus verbis omnem Juveni suspicionem exemit; eumque honoris invenit locum, quem apud Davidem habuerat; temporis, si quisquam alius, prudens arbiter, & officiorum simulator. cuius rei mox insigne specimen dedit, pari fidelitatis in veterem dominum, & personæ novo imperio servientis, commendatione.

*Chusai se Absalonis amicitia calidè infirmat.*

Fortè consultabatur de rationibus gerendi belli; Achitophel auctor est Absaloni, parentis ut regiam, & solium occupet: regi;

*Consilium Achitophelis nequissimum.*



reginis, in custodiam palatij relictis (uxores erant Davidis secundariæ, quas S. Historicus, *cōcubinas* appellat) publice stuprum inferat; (scilicet sub tentorio; palam supra regis solarium erecto & cortinis velato) ita populum, sublata reconciliationis spe, obfirmatius in defectione perstiturum, ipsūmq; stabiliora imperij fundamenta positurum. Cui detestabili consilio cum juvenis impurissimus paruisset; insuper ei hortator fit, Davidem ut, quanta maxima posset celeritate; festinet opprimere, antequam se opportuno loco comuniret; collectoque exercitu, fortior evaderet ad resistendum; offert se ducem expeditionis, si ex omni hominum multitudine, quæ Hebronem confluxerat, duodena bellatorum milia sibi committerentur. Consilium non vane minus excogitatum; quam exitiale regi, si successum habuisset; quod pari astutia disturbavit Chusai ad dicendam quoque sententiam vocatus. Negat hic cum ea militum manu; Davidē posse in potestatem redigi, latebris forsan inaccessis delitescentem: opus esse majoribus copiis, contrahendas cunctas regni vires, & ipsius summi Imperatoris ductu, in Davidem mittendas. Sic in victoria plus securitatis, gloriæque futurum. Itum est in sententiam Chusai, id callide agentis, ut David interea, dum exercitus colligitur, moram nactus, incolumitati suæ longiore fuga confuleret. Respondit eventus consilio. David per *Ionatham* & *Achibnaam* Sadoci & Abiatharis filios, de periculo certior factus, *Iordanem* ad tutiora loca petenda trajecit, seque in urbem *Mabanaim*, munitissimam recepit. Achitophel autem indigne ferens consilium Chusai, suo prælatum, præ impatientia dedecoris, sibi laqueo gulam fregit, exitūque docuit; CONSILIUM MALUM, CONSULTORI PESSIMUM EXTITISSE.

*Chusai evenit Achitophelis consilium.*

*Achitophel ob rejectum Consilium se suspendit.*

## DOCTRINA.

*Causa rebellionis Absalonis.*

**Q**Uæ tanti motus & seditionis fuere causæ? Quinæ referuntur à scriptoribus. *Primaria*, Permissio Numinis, pravæ filij machinatione, parentis facinora punientis. *Ecce*, inquit, ego suscitabo super te malum de domo tua. 2. Reg. 12. *Alter*a causa, Ambitiosa imperandi cupiditas. *Tertia*, Nimia parentis in liberos indulgentia, Apposite *Chryssostomus tom. 1. homil. de Absalone*: Semper enim scelera dum non refecantur, crescunt. Omnia virginitatis semina parentes in liberis corrumpunt, quando non prius annis puniendi puniunt. Dum in Absalone, fratris occisi, facinus non vindicatur, in parricidium, facinus recidivum iteratur. Siracides in eam rem præmonens Eccles. 30. *Læta*, inquit, *filium tuum, & paventem te faciet: lude cum eo, & contristabis te.*

Et S. Gregor,

„Et S. Greg. 20. Moral. c. 3. Qui præest, debet & arridens timeri, & iratus amari; ut eū nec nimia lætitia vilem reddat, nec immoderata severitas odiosum. Rarò felix est, nimia in filios indulgētia: in hostes propè semper pernicioſa; Audaciùs machinantur plura, quibuscū plura diſſimulantur. Et indulta primo ſcleri venia, ſecundi eſt occaſio. *Quarta* cauſa, cæcus populi furor, quē non ratio, ſed aliena rapit libido. Populo placebat Abſalon, ſolus ē fratribus, reginā natus, juvenis formoſiſſimus, humaniſſima vulpes, audaciſſimus veterator, promiſſor liberaliſſimus. Ita factum, ut, quod *Cbryſoſtomus* dixit, unius parricidæ furor, tot millia inſanire com- pelleret. Nimirum novitas ipſa placuit. Plures enim Orientem ſolem, quā Occidentem adorant. *Quinta*, Achitophel, qui facem admovit, jam furere paratis. Amor vindictæ ob vitiatam Betſabeam, neptem, ipſum adegit; ille ceteros exemplò ſuò impulit. Quis enim dubitaret ſequi partes, à quibus ſtabat vir omnium conſultiſſimus? Creduntur felicem exitum habitura negotia, quorum adminiſtrum homines advertunt eſſe illum, cujus ſapientiam ſuſpiciunt. Deſertus eſt à ſuis David, quia à fortuna quoque deſerendus putabatur.

*Egreſſus eſt ergo Rex, & univerſa Domus eius pedibus.* 2. Reg. 15. v. 16. & v. 30. Porro David aſcendebat olivæ arborum, ſcandens & ſlens, nudis pedibus incedens. Regis ad exemplum componebatur Aula. Regina quoque, liberique tenerrimi, pedites incedebant. Orator potentiffimus exemplū, factis perſuadet. Sic Cato milites ſuos ad omnia fecit promptiſſimos, quos ipſe per confragofa & ardua, per rupes & ſaxa præceſſit. Lucano teſte,

Ipſe manu, ſua pila gerens, præceſſit anhelī

Militis ora pedes: monſtrat tolerare labores,

Non jubet.

*Rex quoque tranſgrediebatur.* Ibid. v. 23. Hæc verba indicant, poſtremum omnium regem trajeciſſe torrentem *Cedronem*. Ultimus tranſgreditur, ut, ſi hoſtis irruat, in ipſum primum, imò fortaiſſe ſolum, faciat impetum. Sciebat enim, ſuum maximè caput ab Abſalone peti; quippe quod ſolum ambitioſæ ſpei obſtabat. Videbat, propter ſe ortam tempeſtatem; neque fas eſſe, ut illa infelici naufragio obrueret innocentes; quare ſuum in caput tumentes allidi ſtuctus cupiebat; quos aut frangeret, ſi DEUS ipſius cauſam benignè reſpiceret; aut certè demergeretur, ſi DEO aliter viſum eſſet. Hinc verſu 25. & 26. Sadoco Sacerdoti curam religionum commendans: *Reporta*, inquit, *Arcam DEI in urbem. Si invenero gratiam in oculis Domini, reducat me, & oſtendet mihi eam, & tabernaculum ſuum. Si autem dixerit mihi: non places; præloſum, faciat, quod bonum eſt coram ſe. Si Dominus dixerit, nolo*

nolo te regem, nolo te victorem; *præsum*. Si voluerit exulem, fugitivum, mendicantem viventem; *præsum*. Si voluerit probris omnium & ludibrijs affectum; contumelijs vexatum; à sceptro & diademate ad pedum & peram revolutum; *præsum*. Atque hæc fuit illa voluntas divinæ per omnia subjecta, quæ DEUM ipsum laudatorem habuit. *Inveni*, ait, *David, filium Jesse, virum secundum cor meum*. Actor. 13.

*Vis armorum  
à consilijs.*

*Insatus quæso, Domine, Consilium Achitophel.* 2. Reg. 15. Non videbatur rex prudens magis timuisse Absalonis arma, quam Achitophelis sagax ingenium, & explorata consilia. Sciebat enim, vim consilij expertem, mole sua ruituram. Optime *Plutarchus in Lycurgo* dixit, consilia senum, hastas esse juvenum. Futilis enim esset hastarum petitio, nisi illis senum prudentia adderet amentum. Quare David orat Dominum, ut Achitophelis consilium, quod quasi oraculum aliquod habebatur, vanum & inutile reddat.

*Achitophel  
artifex  
mulandi.*

Quærit *Procopius*, quomodo David, vir perinde sanctus ac prudens, tam diu viri usq; adeo scelerati consilij sit usus; & respondet: Certum est, Achitophelē se rebus præsentibus accommodasse, & pro utriusq; (Davidis & Absalonis) ingenio ac moribus consilium dedisse; erga bonum malitiam celans, erga pravam ostendens. Comune Aulicorum vitium, servire scenæ, ancipiti fide fortunam sequi, & in omnes se formas cum Proteo vertere; cum polypo alios & alios colores inducere, pro diversitate rerum, quibus adhærescunt; & instar speculi quemvis vulturn referre. Chusai cum Achitophelē tanquam vulpes cum vulpe vulpinatus est. est enim fatum dolosi, dolos pati. astus deluditur astu. & inde quisque decipitur, unde decipere voluit. Achitophel suis exemplis perijt.

*Davidis  
iniquitas  
in condemnando  
Miphibosetho.*

*Tua sint omnia, quæ fuerunt Miphiboseth.* 2. Reg. 16. Sunt verba Davidis; quibus Sibam in omnes domini sui fortunas injustissime imittit. Quid enim? Mantissimi Ionathæ, deque se optime meriti filium, quem nuper cum insigni benevolentia & liberalitate, aspidum regie mensæ alumnum adhibuerat, bonis omnibus exutum, Sibæ, domestico eius procuratori, perfidiose mentienti, in prædā tradit, munusculis quibusdam ab eo delinitus. Quid indignius? Miphibosethus indicta & inaudita causâ condemnatur, accusante servo. Hoc calumnia potuit. Hæc humani generis pestis latissime sævit, ubiq; provenit, & se ipsam profeminat. Hinc tot innocentium gemitus & lacrimæ, *Cyprianus ad Donatum* scribens: *Paulisper, inquit, te crede subduci in montis ardui verticem celsiore; speculare inde fluctuantis mundi turbines. Jam sæculi & ipse misereberis, cernens itinera latronibus clausa: maria prædonibus obsessa: Orbem mutuo sanguine sævientem: forum litibus mugiens & insanum; patronum prævaricantem; Iudicem*

„ Iudicem sententiam vendentem; calumniatorem impugnantē;  
 „ testem infamantem; venalis vocis audaciam grassantem. Con-  
 „ sensere jura peccatis, & cœpit licere, quod pulchrum est, adde,  
 „ quod lucrosum est. Erravit David præcipitando. Sedata rebel-  
 „ lionis tempestate, & in solum suum restitutus, aliter de tota  
 „ causâ judicavit, cum Miphibosetho innocentiam suam modestè  
 „ tuenti, respondit: Tu, & Siba dividite possessiones. 2. Reg. 19.  
 „ Iniquum & hoc. Pudu itempe Davidem revocare dicta & judica-  
 „ ta, communi Magnatum vitio, qui nolunt videri errasse. Ever-  
 „ ratur innocens suis fortunis, famâ, vitâ; illi cum Pilato respon-  
 „ dent illud Ioan. 19. *Quod scripsi, scripsi. Quod dixi, dixi. Non retracto.*  
 „ Tostati opinio est, Davidem religione ductum, alteram fortuna-  
 „ rum partem Miphibosetho adeptam, aliunde regia liberalita-  
 „ te pensasse.

Semei maledicebat, mittebatque lapides contra David, & contra uni-  
 versos servos regis. 2. Reg. 16.v. 6. & v. 7. Egredere, egredere vir sangui-  
 num, & vir Belial &c. Et v. 9. Dixit autem Abisai filius Sarvia, regi: Qua-  
 re maledicis canis hic mortuus domino meo regi? Vadam & amputabo caput  
 eius. Et v. 10, ait Rex: dimittite eum, ut maledicat; Dominus enim præcepit  
 ei, ut malediceret David: & quis est, qui audeat dicere, quare sic fecerit? Et  
 v. 12. Si fortè respiciat Dominus afflictionem meam, & reddat mihi Domi-  
 nus bonum pro maledictione hac bodierna. Luculentum hoc est speci-  
 men animi sibimet imperantis. Ambros. lib. 1. de Davide. cap. 8. Docuit  
 inquit, David, quod injuriarum tempora, sint examina probationū  
 Et S. Chrys. in Psal. 37. Cum maledictis me inceserit Semei, peccatum  
 „ à me commissum, revocavi in memoriam, considerans, quod pro-  
 „ pter ipsum maledictis appetor, & punior, & regiâ expulsus,  
 „ fugâ cogor saluti meæ consulere. Unde S. Gregor. 31. Moral.  
 „ c. 17. Tunc, ait, illata convitia bene toleramus, cum in secre-  
 „ to mentis ad mala perpetrata recurrimus, & majora nos meri-  
 „ tos videmus. Iterum Chrysost. homil. 88. Si tunc solum quiesci-  
 „ mus, quando nemo irritat, in quo belluis præstabimus? Illæ  
 „ plerumque moventur concitatæ; duce natura. Tu verò in  
 „ ferarum incidens morem, unde tibi excusationem parabis?  
 „ Cogita, quia de mentis potestate exijt, qui vituperat, & non  
 „ molestè feres contumelias eius; nam & dæmoniaci plerumque  
 „ nos verberant, nec solum non movemur, verum etiam eos de-  
 „ flemus. ita igitur tu facito, misereat te convitiantis; magnâ  
 „ enim belluâ irâ scilicet, & furore, & pernicioso dæmone de-  
 „ tinetur. Discant hîc iram suam substringere, qui verbulo læsi,  
 „ cædes & funera spirant.

Davidis  
virtus in  
perferendis  
contumelijs.

Davidis  
conformi.

Dominus enim præcepit ei, ut malediceret David Ibid. Quomodo  
 DEUS præcepit, quod ipsi contrarium DEO? Absit, DEUM esse  
 tunc cum di-  
 vina volun-  
 tate.



*DEI per-*  
*missio &*  
*immissio*  
*malorum.*

autorem maledictionis & peccati. Quid est igitur, *præcepit*? Respondeo: Ordinavit permittendo. Malam Semei convitiandi voluntatem frænavit & impedivit, ne in alium, quam in Davidem virus contumeliæ effunderet. Sic dicitur molossus immittere in feram, qui laxato fune eum dimittit, & finit, ut feram invadat. Sunt enim duo malorum genera. *Primum* eorum, quæ molestiam, dolorem, iacturam inferunt, ut paupertas, vincula, morbi, exilium, mors; quæ non tam dicenda sunt mala, quam medicamenta paulò amariora, divina manu admota. Et hæc *Vult & immittit* DEUS, aut ad pœnam impijs, aut ad disciplinam filijs. *Alium* genus malorum est, quæ vero nomine vocantur *mala*, ut sunt peccata. Atque hæc DEUS neque *vult*, neque *immittit*, sed *permittit*, & in bonum finem ordinat. Absque ea permissione esset, vindicem DEI iustitiam vix agnosceremus. Verissimè *S. Augustinus in sentent. apud Prosp.*

„ Nihil fit in ista totius creaturæ amplissima quadam, immen-

„ sâque republica, quod non de summi Imperatoris aula aut ju-

„ beatur, aut permittatur, secundum ineffabilem iustitiam præ-

„ miorum atque pœnarum.

*Absalonis*  
*incestus.*

Absalon impurius nescias, an crudelior, quia interficere patrem non potuit parricidiò, sædat incestu, ut Salvianus loquitur. „ Eloquentè *Chrysost. tom. 1. homil. de Absalone.* Quis te, *inquit*, „ in hoc facinus proflire, parricida deterrime, docuit? Quis te „ furor audere tam immane facinus provocavit? Si offendit, pa- „ terest; si læsit, genitor. Quinimò neque offendit, neque læsit. „ Vincat timorem pietas, affectus insaniam superet, crudelita- „ tem natura debellet. Bestiæ, & mutæ pecudes pietatis jura „ conservant; innocentem perimere nefas est, patrem occidere, „ execrabile scelus. Cessâ jam ab isto scelere, cessâ, inquam, ne „ te boni omnes semper exhorreant: ne audaces ex te, quod „ non noverunt, discant. Cessâ, inquam, ne, qui post te tantum „ facinus perpetraverit, te utatur autore. Cur mundo novum „ facinus tradis? cur doces, quod natura non novit? cur „ audes perficere, quod novò supplicio cogatur „ DEUS vindicare? Hæc ille.

—(3)—  
—(3)—  
—(3)—  
—(3)—  
—(3)—  
—(3)—  
—(3)—



# NARRATIO LXIX. ABSALONIS INTE- RITVS.

2. Reg. 18.

Anno Mundi 3009. Ante Christum 1044.

**A**bsalon intellecto parentem cum suis trans-  
misisse Jordanem, haud nescius, spem victoriæ in  
celeritate positam esse, copias & ipse suas trajicit  
fluvium, inque regione *Galaaditide* castra locat, non  
procul urbe *Mahanaim* (cui jam olim *castrorum* no-  
men, ob Angelos ibi *Jacobo* spectabiles, est inditum) ubi David in-  
tra munimenta se incluserat. Exercitus Absalonici ductor erat  
*Amasa*, Davidis ex sorore *Abigea* nepos. Rex quantò viribus infe-  
rior, tantò bonitate causæ superior, non expectata obsidione,  
copiolas suas (quas *Iosephus* historicus non ampliùs quatuor  
millium fuisse refert) trifariam divisit; iisque præfecit *Joabum*,  
ejusq; fratrem *Abisai*, & *Ethai*, principem è Gethæis oriundum,  
Davidi in paucis fidelem; regem ipsum aleam prælij primos in-  
ter subire cupientem, amici prohibuerunt, quippe in cuius ca-  
pite salus verteretur omnium. Id sanè curâ sumâ ducibus, militi-  
bûsq; mandavit, manus ut abstinerent ab Absalonis cæde; sed vi-  
vum servarent sibi, quò pœnitentiæ locus daretur parricidæ. Cæ-  
terum cum *Joabus* ex adverso hostium aciem explicuisset in pla-  
nitie, quam à tergo silva claudebat; Absalon quoque suos contrà  
eduxit. Utrinque in pugnam calebant animi; hinc Davidicis regi  
suo sceptrū tueri ardentibus; inde Absalonij experturis ultima,  
ne victi, comēritas solvant perduellionis pœnas. Sed mox appa-  
ruit, quantò fortius dimicent, quibus pro virtute res est, quàm  
quibus pro scelere. Vix enim conserto certamine, cœpit barbari  
Absalonis acies, neque ferre imperū militis Davidici, multis bel-  
lis exercitati, rei que militaris comprimis periti. Vertuntur igitur  
in fugā ordines dissoluti, & quò quemque spes evadendi ferebat,  
eò se proripit. Quos gladius non sustulit, saltus absumpsit; à tergo  
namque hoste premente, præcipientes in terræ voragine, & cæ-  
cas foveas agebatur; aliq; super alios, ut sit in pavore, cōrruentes,  
& sese opprimentes, mutua sibi clades, sepulchrūmq; fuere. Sunt  
qui

*Exercitus  
Absalonis  
& Davidis.*

*Absalonici  
caduntur.*

qui scribant, plurimos à fame, siti, feris confectos perijsse. Vigin- ti omnino millia occubuisse, Sacra historia memorat.

In fuga non erat ultimus, belli qui primus incentor, Absa- lon, mûli quidem celeritate persequentibus ereptus, sed DEO in pœnam reservatus. Penetrârat effuso cursu subter conden- sam quercum; cùm ventilante cæsariem aurâ, subito hæret capillis implicitus ramo, longiùs protento, tralabente jumento. Id conspicatus quidam de gregarijs militibus, regij memor præ- cepti, continuit manum; Joabo tamen nuntiavit; hic, insuper habitò Davidis imperiò, arripit tres lanceas (nempe breviores) seu jacula, & in pectore pendentis defigit. Hærentem in arbo- re, & palpitantem armigeri Ducis circumstant, & pluribus vul- neribus inflatis interimunt. Cadaver quercu solutum in profun- dam abijcitur fossam, ingenti lapidum acervò super illud ingestò. Extincta belli face, Joabus civili ducens parcendum sanguini, ju- bet cani receptui, ne victoriæ laudem crudelitate corrumperet.

Ad Davidem interea, in ipsa urbis Mahanaimis porta, ex tur- ri, tanquam ex specula, avidè præstolantem decretorium pugnae eventum, Achimaeus & Chusius pervolant, reportatæ victoriæ nun- tij. Regi de salute Absalonis quærenti, prior cautè respondens,

dissimulat se scire. Alter, quod res erat, fatetur. David ingenti mærore percussus, dum victor miles Absalonis interitum lætis carminibus, ipse lacrimis & lamentis celebrat. Quare solus in su- periora testorum conscendere, fletibus indulgere, & lugentium habitu, funebrem planctum identidem ingeminare: *Fili mi Absa-*

*lon, Absalon fili mi; quis mihi det, ut ego moriar pro te; Absalon fili mi, fili mi Absalon!* Causâ tantiluctus, mali mores degeneris filij, qui totidem parenti vulnera fuerunt & clades; doluit, æternum perijsse. Tu- lit permolestè Joabus majorem in rege significationem mæroris de morte filij; quàm victoriæ ex hoste tam feliciter, tamq; brevi

relatæ; quare ad eum, hominum consuetudinem vitantem in- greditur, & magna linguæ libertate dehortatur à luctu; esse ani- mi parùm grati, & regij, illorum vultum tacita quadam reprehensionem confundere, qui laterum suorum oppositu caput ipsius ab hostili petitione defenderint; per quos consecutus esset, ut ne regnum, & quidquid cum regno possederat; amitteret; odio habe- ri, qui salutem ejus & dignitati serviant; in amore & desiderio esse,

qui comunè ei lucem & spiritum adimere conetur; satis indicare la- mentis suis, unius vitæ Absalòis, omniù capiti, qui ejus se causâ in apertum periculù conjecerat, anteferri, ad extremum monere, nisi da- ret se in conspectum suorum militum, fore, ut eò relicto, de alio sibi rege, dominq; consulerent, vanasq; lugendi causas, in veras, nimiumq; acerbis converteret. Valuit oratio ad mœsticiâ absterge dâ, reddidit

se

*Absalon in-*  
*terfecit.*

*Davidis lu-*  
*ctus ob ita-*  
*dem Absa-*  
*lonis.*

*Joabus cor-*  
*data ora-*  
*tione regem*  
*à luctu de-*  
*hortatur.*

se luci David, & regalique cultu resumpto, omnibus fecit sui adeundi, & salutandi copiam. Perduelles quoque in spem veniæ erecti, redierunt ad pristina obsequia. Honestissima nempe victoria est, quâ animi magis prosternuntur, quàm corpora; & verum est illud *Taciti*: Ubi satis terrueris, parcendo, rursus irritamenta pacis ostenta, & juxta *Senecam*.

Quæ corumpi igne, quæ meti gladio jubes,  
Aliena credis.

## DOCTRINA.

**Q**uam facilis, contiguusque sit transitus à magna cupiditate, ad magnum scelus, à magno scelere ad par supplicium, Absalon, infame pondus arboris didicit, docuitque. Hic ambitio suo sibi jumento accersivit malum; Absaloni mulus carnis, crines laqueus fuerunt. Supplicium iustâ DEI vindictâ, sceleribus parricidæ per omnia comensum est. Patris solum affectavit; pro throno patibulum accepit. Diademate ambivit cingi, pro corona coma capitis arbori implectitur. Cæli terræque medius pendet, neutrobi dignus recipi. Capillorum superbiam, quâ multorum oculos caput, ipse captus, interijt. Amnonem fratrem ferro trucidatum, impotem sui demisit ad in feros; eandem ipse viâ à consobрино Ioabo deturbatus eodem est. Cor exæstuans triplici crimine, ambitione, libidine, crudelitate, totidem jaculis configitur. Parentis decem conjuges violavit, à totidem juvenibus, pendulus sædum in modum confinditur. Obedientiam patri præstandam abiecit; paratam patris misericordiâ non invenit. Qui tot viros fortes in partes suas abstraxit, neminem unum habuit, qui miserè luctantem, ferali nodo absolveret. Quem pater servare voluit, noluit salvum Deus, Omnem populum civili turbavit bello; cunctis detestabilis, saxorum acervò tumulatur. Et qui sibi marmoream, cum superimposita statua sua, columnam crexit, eius impios manes etiam hodie Viatores maledictis prosequuntur, lapides in aggestum cumulus cum diris devotionibus jacentes. Quæsit nomen in terris, & nihil nisi detestationes & execrationes secum tulit ad inferos. Huc facit *Chrysostomus*, „ in *psal. 7*. In cor inquit, excordis tres sagittas Ioab infixit, illic „ eum feriens, ubi erat receptaculum iniquitatis, & cum in arbore sublimis penderet, pulchrum ei epitaphium David cecinit: „ *Vidi impium superexaltatum, tanquam cedros libani: & transivi, & ecce „ non erat.*

*Talonis  
pena in  
Absalone.*

*Absalon filius* *Eccl. 2. Reg. 18.* Gravissimè *Augustinus. lib. 3. de tam amare „ doct. Christi. c. 21.* Rex David cum hoc ab impio atque immani desceverit „ filio passus esset, non solum ferocientem toleravit, sed etiâ planxit „ *occisum Absalonem.*

*CHR. DAVID*

*tam amare*

*desceverit*

*occisum Absalonem.*



„ extinctum. Non enim carnali zelo irretitus tenebatur, quem  
 „ nullo modo injuriæ suæ, sed peccata filij commovebant. Nam  
 „ ideò, si vinceretur, cum occidi prohibuerat, ut edomito ser-  
 „ varetur poenitendi locus. Et quia non potuit, non orbitatem,  
 „ doluit in eius interitu, sed quia noverat, in quas poenas tam  
 „ impiè adultera & parricidalis anima raperetur. Ita non despe-  
 „ rando desleverat vivum; spe finita flevit occisum. Et *Chry-*  
 „ *sostomus homil. de Absalon.* Quid plangis, gloriose pater (alloqui-  
 „ tur Davidem) quid lamentaris, quasi Absalon quod ausus est,  
 „ comprobares? Quid fles scelestum; quasi eum parricidium  
 „ perpetrare volueris? Plangis gloriam victoris exercitus, si fle-  
 „ tur hostis interitus; nec lætitia esse poterit in victoria, si par-  
 „ ricidæ plangitur poena. Ille tuus non fuit filius, qui sic pater-  
 „ nos violavit affectus. Ille tuus dici non meruit, qui jus patris  
 „ sanctissimi temeravit. Te non contempserunt exercitus, non  
 „ duces, quibus parci scelèsto mandasti; sed illa arbor, illa te  
 „ primum ulta est: illa defendit læsi patris injuriã; quæ te non  
 „ audierat, vindicavit. Novò enim suppliciò debuit interire, qui  
 „ sæculo novum scelus per patris exitium voluit inferre. Hæc  
 „ ille, non suam hîc pater doluit orbitatem, non filij juventutem,  
 „ non mortis genus, non sepulchri vilitatem; æternitatis doluit  
 „ irreparabilem jacturam. Peccatis involutum mori, hoc demum  
 „ est damnum, nullis seculis gemendum satis, & lugendum.

NARRATIO LXX.  
 REGIS SALOMO.  
 NIS INITIA; CONJURATIO  
 ADONIÆ ET EJUS EXITIVM.

3. Reg. cap. 1. & 2.

Anno Mundi 3022. Ante Christum 1031.



Ambitio ut est cæca, ita quos occupat, præ-  
 cipiti perdit impetu; papilionibus similis, qui lucer-  
 næ splendore capti, eam tamdiu circumvolant,  
 donec adustis alis pereant. *Adonias*, filiorum Davi-  
 dis, quartus natu, fatalem parentis senio & ægri-  
 tudine decumbentis necessitatem, pro regnandi ansa arripiens,  
 ausus

ausus est sibi sceptrum paternum polliceri, contra quam parens testamentò caverat, quò *Salomonem* regni hæredem destinàrat. Viderat homo immodicus honoris, fratrem *Abfalomem* in conatibus audacissimis oppressum; non idèò tamen timidiùs in discrimen non tam coronæ, quàm capitis se dedit; adeò pertinax est spes, quam gloriæ cupiditas devoravit. Viginti tùm annòrum erat juvenis, & privilegio nascendi, & formæ liberalitate, in vulgus commendatus; (*Abfalom* enim, & *Amnon*, & *Betsabea filius*, etiamnum infans morte fuerant sublatus) quare regnum ad se pertinere ratus, currus sibi, & equites, & servos à pedibus, & familiam aulicā copiosam adscivit; *Davidè* nec ignorante, nec reprehendente, tametsi severitatis eum, *Abfalomis* scelera admonere debuissent. Primò omnium, veteri jam pseudopoliticarum machinationum arte, improbis consilijs titulus religionis prætenditur; Sacrificium extra urbem *Solymam*, simulque regium convivium instituitur: invitantur fratres omnes, omisso *Salomone*. diceret *Abfalom* similem per omnia fraterculum, & gemellū ex ovo malo pullum. Regium uterque sanguinem, malis moribus infecit; uterque corporis elegantiam & humanitatis genium, pro vitiorum invitamento habuit. Ad epulum etiam belli ducēs convenerant, ut robur accederet sceleri; in ijs *Ioab*, exercitus *Davidici* princeps, & *Abiathar*, Sacerdotum summus, firma conjurationis fulcra. Convivij hilaritas jam eò processerat, ut *Adonias* inunctus à Pontifice; rex ab omnibus salutaretur.

Non potuit tam in occulto res esse, quin ad eorum pervaderet aures, qui *Salomoni* studebant; præsertim *Nathanis* Prophetæ, quem fidissimū *Salomon* educatorem & institutorem habuit. Is factionem defert ad *Betsabeam*; hæc ad *Davidem*. Rex, ne quid periculi per moram accerferetur, continuò *Sadoco* Sacerdoti, vatiq; *Nathan*, & militiæ duci *Banaia*, committit *Salomonis* filij inaugurationem. Convocatur hinc robur exercitus, *Salomon* mulæ regiæ imponitur, in arcem *Gibbonem* deducitur, non procul *Rogele* fonte distantem, ubi cum suis *Adonias* regijs in hortis convivabatur. Ungitur ibi novus rex; faustisque cum acclamationibus *Hierosolymam* relictus, in paterno solio cum publica congratulatione collocatur; *Davidè* præsertim, in lectulo suo, in quo eum senilis infirmitas attinebat, summas DEO grates ob exoptatum successorem memorante.

Terruit hæc fama conjurationis participes, *Adoniam* præcipuè, qui videns se desertum ab omnibus, in fæderis se tabernaculum, quod *Gabaone* religione magna celebrabatur, recipit, asylum apud aram quærit, & reperit. Non sivit tamen ambitiosum pectus quiescere elata cupiditas; alios & alios excitavit

*Novus Adonias conjuratio,*

*Adonias interficitur.*

*Et Joab.*

*Amasa à Joab dolose interficitur.*

fluctus, donec mergeret. Infiabant animum juvenilem seditionis principes, *Joabus* & *Abiathar*; ille dolebat summam militiæ præfecturam sibi ereptam, *Amasæ* substitutò; hic indignè ferebat, pontificatum à se in *Sadocum* esse translatum; *Adonias* præferri sibi *Salomonem* pati non poterat. Ad novam conspirationem addebat animòs *Davidis* è vivis excessus, & infirma, recens electi regis ætas, fraudique opportuna. Cùm autem vis aperta non succederet, visum est agere per cuniculos. *Abisag*, relicta *Davidis* uxor, longè omnium formosissima, & intacta viro, dudum *Adonias* oculos rapuerat; ea quia credebatur pro dote, coronam regiam in manus ambitiosi juvenis illatura, expetitur in conjugem; nuptiarum consiliatrix *Betsabea* requiritur; hæc ignara, quid conjurati molirentur, suscipit negotium tantò libentius, quantò cupidior erat pristinas inter fratres offensiones abstergendi; accedit *Salomonem* filium, aperit desiderium *Adonias*. Advertit rex illicò gliscentem sub doloso cinere scintillam, quæ ne in flamas erumperet, incendium toto regno, sparsuras, opprimendam maturè duxit; autorem seditionis *Adoniam* manu *Banajæ*, cohortis prætoriæ tribuni interficit; *Abiatharem*, quoddam curam, Arcæ divinæ à parente commissam habuisset, supplicio exemptum, rus amandat. Quibus rebus *Joabus* auditis, ad sacri Oraculi sedem fugit, aramque complexus, impunitatem sibi à loci religione promittit; sed quia virum, regis majestatis læsio, & duorum imperatorum *Abneris* & *Amasæ* injusta cædes ab impunitate asyli excluderat, jussu regis caput ei præcidit, qui *Adoniam* interemit, *Banajas*, summum exinde militiæ imperiù adeptus.

Non omittam hic referre, quoniam mentio injecta est *Amasæ*, qua ratione ab ejus æmulo, *Joabo*, sit sublati; de *Abnere* suprà exposuimus. Erat *Amasa* filius *Abigailæ*, (cum *Iosepho Abigæam* suprà vocavimus) sororis *Davidis*; cum *Abfalon* in suas partes abduxerat, ducemque rebellium copiarum constituerat; qui quoddam validissimam omnium, tribum *Judæ*, *Davidi* reconciliarat; exauctoratò *Joabò*, destinatus erat supremus regis militiæ præfectus. Id *Joabus*, tot nominibus de regno *Davidico* benè meritis; atrocem injuriam interpretatus, curas in omnem occasionem intendit, *Amasæ* de medio tollendi; quod ut securius perficiat, per speciem amicitie hominem aggreditur, salutem perhumaniter venientem obviat; & dum osculum, amici tesseram animi ferre simulat; altera manu mentù *Amasæ* apprehendit, alterà dolosum pugionem, immergit in ilia, nihil admodum timentis; quo mæore *Davidis*, non facile est explicare; quamquã negandum non est, *Amasam* quoque perfidiæ, quã ad *Abfalonem* desciverat, pœnas dedisse.

Restabat,



Restabat, ut etiam *Semei* maledicentia supplicio vindicaretur. Is quidem vitæ gratiam impetrarat à Davide; sed quæ cum eodem expiravit; ne tamen in eo plectendo Salomon suæ magis severitatis, quàm clementiæ paternæ, rationem videretur habuisse, noluit veteri delicto, nisi novò cumaretur, supplicium irrogare. Nec diu fuit, cum *Semei* capitali noxâ irâ in se regis provocavit; poena namque capitis ei fuerat constituta, si pedem Hierosolymâ efferret, quippe homo ingenij turbulenti & seditiosi; at is, cum amplas ruri possessiones haberet, compertò, duos fervorù inde profugissè, festinavit eos à fuga reprehendere, majore suò, quàm transfugarum malò; nam violatæ reus custodiæ, mox in vincula & supplicium raptus, contumeliosæ in Davidè linguæ; manûsque, poenas pendit. Hunc in modum sublati inimicis & regni turbatoribus, sceptrum Salomon pulcherrimè stabilivit, gubernationem à justitia, *qua tbronius firmatur*, Prov. 25. exorsus.

*Semei quoque dat poenas.*

## DOCTRINA.

**F**ucatus Religionis titulus, jam vetus est Ambitionis, & Pseudopolitices palliolum; semper enim scelera aliquod virtutis integumentum quærunt: & suo colore omnibus exosa, sub alieno prodeunt. Sed tenuis est omnis mendacij vestis, & facile perlucet. Adonias fratris Absalonis exemplo, sub specioso Sacrificij nomine, conjurationis initia positurus, dum regnandi libidinem maximè tegit, maximè prodit. Facile enim diffamantur scelera, quæ patrantur in magnos; ut procul videtur nubes, quæ est in solem injuria. Non fecellit perfidia Nathanem, & Banaian, meliores Aulæ Ministros; in tempore circumspectum est remedium; nam rebellionibus idem est ingenium, quod caldis morbis: celeritate indigent, ut opprimantur. Ubi vires sumpserrint, omnis malò infirmior est medicinâ.

*Religionis titulus, Ambitionis palliolum.*

Abiatharè & loabum Adoniæ cinifiones privata odia, cupiditatèsq; stimulabant; nam loabus sperabat à rege suis studiis evectò, impunitatem patratum cædium, confirmationem principatus bellici, perpetuitatè gratiæ. Nec minùs Abiathar, regè officijs devinctus, credebat in potestate se habiturum; promittebat sibi pontificatus securitatè, Sadocò æmulò, què jam sibi exequari, & penè præferri videbat, in ordinè redactò. Nec deerant è militia; & Levitica tribu clientes, qui adjuvabant Adoniæ partes; præcipuè verò omnes, præter Salomonem, regis filij. Quis à tantis substructionibus timeret ruinam? Sed spes inanes! baculò nituntur arundinè, qui per mortaliū favores, injustè comparatos, eò grassantur, quò neque sine periculo pertingere,

*Substructiones pseudopolitice.*

nec ubi sine vertigine consistere possunt. Cum aranea telam ordiuntur, & suomet implicati textu, dum captant alios, capiuntur ipsi, & pereunt. Certissimus ad exitum gradus est, malis artibus honores venari; præsertim inter Palatinos; alius in aliū velut canis incurrit, & pro fera habet, quem suis spebus ob stare putat. Et dum cuncti Principis inhiant gratiæ, quid, nisi dentes mutuos, & morsus exspectes?

*Dixitque Ioab ad Amasam: Salve mi frater; & tenuit manu dextramentum Amasæ, quasi osculans eum* &c. 2. Reg. 20. Osculum fronti tulit, pugionem infixit lateri: salutem auribus ingessit, sicam visciferibus intorsit; fallacissimā & fucatissimā usus linguā, fratrem vocabat, velut amicorum intimus, & jugulabat ut latro; luculentum fictæ amicitiae prototypon. O quoties

Læteolam indutus ovem, sub vellere molli

Cruda per agninos exercet funera victus! *Prudent.*

*Falsi amici  
in Aulis.*

Sic Iudas Iscariotes proditor Magistrum amantissimū osculō perfidissimō nefandis sicarijs tradidit necandum. In Aulis maximè vigeni Ioabi & Judæ oscula. Eleganter hos basiatores describit „*Scribanianus noster in Instit. Politico-Christi.* lib. 2. c. 11. *Servi sunt, inquit,* „ omnes, manuum oscula loquuntur, etiam pedum: & manci- „ pia habes in singulis, ad omnia etiam calceorum paratos obse- „ quia. dolent indignos se haberi, qui opem, studiūque suum „ impendant; nec eas facultates esse, nec gratiam, nec poten- „ tiam, ut merita, debitæque obsequia præstent. omnia se debe- „ re, fortunas, vitam, sanguinem; nihil posse, magni scilicet il- „ lis mæroris causa est. ut meritò ignores, quid, aut cui cre- „ das. tam varius pro temporum, locorum, personarum varie- „ tate sermo: tam incerta, pugnancia, mutuoque se interimen- „ tia reperias, ut certius nihil credas, quàm aliquid. *Et cap. 13.* „ Ostentant se velle, quod nolunt: nolle, quod volunt; ambire, „ quod averfantur, averfari, quod ambiunt. Damnant improbos, „ ipsi improbißimi: laudant probos, prohibitatis ignari: pietatem „ vultu præferunt, omnis impietatis servi. Senties deinde vene- „ rabundos, ore ridente, oculis ad hilaritatem compositis, ad „ genua etiam tua decrescientes, & infra illa; corda felle & mæro- „ re plena sunt. Si quid illis adversi occurrerit, infra feminas sunt „ si prospera, supra homines videas: ita nihil illis, si deprimas, „ submissius; nihil, si sustuleris, elatius: omnium amicitias am- „ biunt dejecti, omnium aspernantur erecti, Monstra narro: sed „ timenda, sed fugienda. Hæc ille.

*Sequitur  
vindicta  
nocentem.*

Amasæ Davidi perfidus, ad Absalonem descendit; haud impune, Ioabi ferrò interijt. Rarò transit pœna nocentem; quin si desit iusta Nemesis, scelus scelere plectitur. Neq; Ioabū remorata est divina



est divina Vindicta; ad aram ipsam mactatur victima, scelerum enormitate 'jus ei asyli adimente; juxta illud Exod. 21. *Si quis per industriam occiderit proximum suum, & per insidias; ab altari meo aucler eum, ut moriatur.* Commendanda Salomonis justitia, qui publica scelera publico supplicio plexit. Nam, qui sceleratis parcit, bonos it perditum; & damnat innocentes, qui nocentes absolvit. Salomon tactis ostendit, quod verbis docuit c. 16. Prov. Abominabiles regi, qui agunt impiè: quoniam justitiâ firmatur solium. probos tuendo, improbos puniendo. Ubi Justitia, Pietasque dominatur, vigent, florent, roborantur, prosperantur regna. Salomon ut ostenderet, se justitiâ fortiter administratâ ad solium ascendisse, curavit illud sustentari à duodecim leonibus ex auro elaboratis, & gradatim dispositis; ut exprimeret symbolum Fortitudinis, Justitiæque robustæ, atque in improbos Vindictæ. Memorabile est Imp. Traiani dictû, Præfesto Urbis cum ense stricto potestatem tradentis: Cape ferrum, & si quidem rectè imperium gessero, pro me: sin' aliter, contra me hoc utere.



# NARRATIO LXXI. DAVIDIS EX PEC- CATIS CATENATÆ P O E N Æ.

2. Reg. 12. 13. 14. 15. 16. 18. 19. 20. 21. 24.

Et 3. Reg. c. 2. & c.

Ab Anno Mundi 3000. ad an. antè Ch. 1054. usque ad obitum Davidis, id est, ad Ann. M. 3019. ante Ch. 1033.



Uàm prona sit ex uno casu prolapsio in plures, nimis quàm clarû & horrendû paradigma David exhibet. Is, qui ante fœdam cum adultera consuetudinè, clementiæ poterat, Justitiæque exemplum proponi, ostendit in expugnatione *Rabbasba*, quàm procui abesset ab illa mansuetudinis laude, quâ se prius DEO eximiè probârat. Justitiæ verò integritatem pessimè corruptit, cum *Sibam*, perfidiosissimû servum, contra dominû suum Miphibose- rthum audivit, & indictâ causâ innocentè condemnavit. Sed ut peccatum unum, est alterius supplicium; ita Dàvid hanc quoq; injuriam aliâ luit injuriâ, Numinis justa lege sic exigente, ut, qui unum

servum iniquè locupletârat, per alium gravissimè castigaretur; Semei is fuit, quinefcians executorem divinæ Vindictæ egit.

Cæterùm Autores non aspèrandi, inter argumenta manûs Dei vindicis, numerant primum statim filiorum Davidis flagitium; incestum *Ammonis* cum Thamare sorore, permissum à Deo, Davidis patris adulterio castigando. Eodè referunt Ammonis eiusdem postea interfectionem; Thamaris mœrore fraterni stupri tolerati tabitudinem; *Abfalonis* rebellionem & interitum; Adoniæ factionem ac necem; *Salomonis* molitiem, senilèmq; dementiam; *Robæami* stoliditatem, ac decem Tribuum à regnatrice Davidis Domo avulsionem; *Joabi*, Davidis sorore geniti trucidationem; longasq; posterorum vel improbitates, vel calamitates, quas adulteratæ *Betsabea* Thorus, Gladiusq; trucidator *Pria*, Davidicum in caput, seramq; progeniem extendit.

Porrò inter primas Adulterij & Homicidij perpetrati poenas fuit, pueri vix nati lethalis ægrotudo, quam tam impotenter tulit David, ut septem ipsos dies, non se passus induci ad cibum degustandum, abstinerit publico, incesserit atratus, saccòque opertus, humi jacuerit prostratus, DEO nequicquā supplex pro infantis salute.

Subinde profligato, cæsoque Absalone, reductus in regnū, antequam Ierosolymam reverteretur, periculum seditionis, ne ab intentatis supplicijs interquiesceret, adit: rixantibus inter se, deque reductionis ambitu contendentibus, hinc quidè Iudeis ac Benjamitis; illinc verò decē cæteris tribubus. Ubi Parum absuit, quin ad manus denuò veniretur. Ingreditur post hæc Ierosolymā, dat perpetuam in custodiam uxores ab Absalone fœdatas. Videtur ipse sibi restitutus tranquillitati priscæ: sed continuò, novis rebellionum fluctibus involvitur. Insurgit enim, adhuc in via, reditūque *Seba* vir Benjamites, contribulis Saulis; & hinc insensus Davidi successori Saulis. Is buccinæ signo, seditiosiq; concionibus, undecim ipsas tribus abstrahit à sui regis obsequio, Judæ solam tribum ei relinquit; quoad & hanc, si possit, ad defectionem impellat. Nec desperat deijcere solio, modò recuperatò, alienum: quem Regnò jam inveteratò dejectum nuper, viderat in filio. Sed vincitur ac fugatur Seba: Fugatus obsidetur: obsessus obtruncatur. redit ad Davidem omne regnum. Historia pluribus verbis à sacro scriptore refertur. Fugiens quippe Seba, receperat se in urbem *Abelam*, validè comunitam, insequentis Ioabi manus evitaturus. Ea re cognitâ, Ioabus urbem obsidione cingit, impressionem in muros molitur. Cives de sua non minus salutē, quàm de urbis incolumitate solliciti, statuunt periculo

*Seditiosus  
Seba ob-  
truncatur.*

periculo eximere sese, deditione Sebæ, hominis advenæ. Id ut Joabo nuntiaretur, mittitur super muros mulier, quam & sexus ab hostium armis facillè defenderet, & facundia, quâ pollebat, Joabo conciliaret. Habent enim hoc seminarum illecebræ, tela gerunt in lingua, quibus fortissimum quemque seu vinctum, seu vincunt. Ergo stans in mœnibus matrona, sapientiæ laude inter suos inclyta, evocat Joabum ad colloquium, & hortatur, ne unius obnoxam, plurimorum salutem perdat. Illi Sebam sibi dedi poscenti, promittit mulier caput noxium. Neque diutius factum est; eius consiliò, caput turbatori regni præciditur, eoque è muris ad obsessores projectò, finis bello imponitur. Hoc malò sic depulsò; mox aliud Davidi incumbit. Inter hæc enim (quòd suprà memoravimus) *Joabi* Ducis ambitiosâ perfidiâ, *Amasa* cadit. perit ei Dux *Amasa*; Joabo successor destinatus, & præturæ militaris collega factus. Secutum, post hæc, triennium omni Davidis regno grave: terrarû, siderûmque siccitate. Fames & luctus in omni Chananitide. nec calamitatû finis; donec Oraculi responsò, pœna, propter Saulis crudelitatem inflicta, Saulæ stirpis excidio relaxaretur. Gabaonitas enim Saules, quasi Iosue circumscriptores, adversûs fœderû ac jurisjurandi religionem, eradica-rat. *Talionis* ergò lege compellitur David, quantumvis invitus, in colle *Gabaæ*, oppidi Sauli natalis, tres Saulis regis, è Respha concubina, filios; cum quinque nepotibus eiusdem, & *Mitroba*, filia, quos Michol sibi, soror eius, adoptarat, in crucem agere. Non est hic silentiò transmittenda egregia Respha in cadavera suffixorum pietas, quæ licet in regia, delictijs, & molibus stratis enutrita sub ipso patibulo cubile sibi erexit, petram cilicio instratam; cui incumbens, corpora pendentium à ferarum & volucrum rapacium injuria, perdia pernox defendebat; neque in unû tantum, aut alterû diem, sed tamdiu, donec post sex, ut volunt Hebræi, menses delapsa coelo pluvia, simul Saulæ criminis piaculum, simul placatæ iræ divinæ argumentum & sterilitatis remedium, eâ curâ feminam absolvit; David enim cadavera de cruce tolli, inferrique mandavit in avitum familiæ Saulæ monumentû. Trigesimus hic quartus erat regni eius annus: & à patre, cû Betseba flagitio decimus quintus, nec adhuc tamen flagellorum quies.

Anno vertente cû jam annos natus sexaginta quatuor rex esset: contemptu deficientis in eo sensim pristini roboris; à Philisthæis, diversis quatuor bellis ac prælijs incurritur, *Iesibeni* nobilissimi, cui David impar congressus erat, furore, viribusq; premitur: extremum adit vitæ periculû: & ab *Abiseo* tamen, sororis sarviæ filio, letho subducitur. A prælijs igitur deinceps abstinere, vacareque

*Amasa* cadit.

*Excisio Saulis stirpis.*

*Respha pietas in filios.*

*Periculum capitis adit David.*

*Atrox pesti-  
lencia ob  
numeratum  
populum.*

*Morbus Da-  
vidis.*

*David &  
tribus pæ-  
nis pestem  
eligit. cur?*

*Principum  
peccata (sub-  
ditis luenda  
da.*

vacareque militiâ jubetur. Sed hoste Philisthæo liber, haud multo post in hostem relabitur *Sathana*; cujus impultu, præcipitatus in arrogantiam; anno regni tricesimo septimo censum agit; ac numerum init populi: Ioabð numeratore multum invitò; DEO verò plurimum offensò. Cujus proinde iusto furore, pestilentia feriuntur Israëlitarum, sub unius diei diluculum; ad sacrificium usque vespertinum; millia septuaginta; melioris omnes, ac militaris sexus. Flet David: insontisq; populi dolet vicem: se reum clamat: cinere caput inspergit; sacco cilicino corpus macerat, ac dehonestat: in se, suosque transferri cladeni exoptat. Sed non illicò tamen supplicij finis. *Arcus* (seu *Orus*) *Jebusei*, super aream, sublimis stans Angelus percussor; districtò cruentòq; gladiò Davidem non exterret modò; sed formidinis magnitudine, grandem insuper & imedicabilem in morbum involvit. Inflaverat Davidis animus amplitudo dominatùs regij; cujus potentiam æstimaturus; lustrum indixit; nec diu post religione tactus, inconsultæ superbiæ condonationem supplicibus à DEO precibus oravit. Hic ut aliquid iræ; aliquid clementiæ daret suæ, submitit *Gad* Prophetam; quò internuntiò; triplicem optionem subeundæ divinitus pœnæ obtulit; eligere iussu, aut famem septennio grassaturam: aut bellum trimestri spatio multas clades daturum: aut pestem triduo in subiectum populum sævituram. Miser rex, inter saxum & cultrum positus, cum non haberet, quò se verteret, præoptavit diram pestem; malum sibi commune cum subditis futurum; ut veniret in partem supplicij, qui pars maxima fuisset irritatæ Numinis vindictæ; nam cum posset à regia sua damnatam agrorum infelicitatem avertere horreis commeatu plenis: hostem verò munimentis à se excludere; mortalitatis pœnam elegit sibi quoque, si ita ferret DEI voluntas, subeundam. Placavit ea submissio vindicem DEI manum, desijt pestilintas; utique postquam etiam Sacrificium accessit; eo peractum in loco (monte *Moria*, quì pars montis Sionis) ubi Angelus minacem vibravit gladium; & jam olim Abrahamus mactaturus filium, ferrum strinxerat. David ibidem in grati & religiosi memoriam animi altare consecravìt; templum quoque exstructurus, nisi piè destinata DEUS in successoris filij curas transferre maluisset. In his supplicijs pendendis David memorabili documento fuit, Principum peccata non raro subditis luenda, juxta illud:

Quidquid delirant reges, plectuntur Achivi.

Aded verum est, Magna capita neque solis sibi vivere, si sanctè & feliciter vivant; neque solis sibi cadere, si à virtute contingat ex-cidere. quanquam neque populus extra culpam ponendus, cujus cum Seba



cum Seba, homine perduelli, contra Davidem conspiratio inulta non potuit esse illi Tribunali, nihil quod impunitum abire finit.

Pestem depulsam, annus vitæ septuagesimus, regni quadragesimus, & utrinque supremus insequitur: nec ipse per omnia tranquillus. Rex corporis assiduo pæne rigore, paralysis in morem, confictatus, vestimentorum ope nulla calefit. *Adonia* prætera filij, sese regem creantis turbis & conjuratione; *Betsabæ* verò lacrimis ac sollicitudine pro filio *Salomone*; partium *Davidis acta*, nique studijs, hinc in Adoniam, illinc in Salomonem ardentibus *& mors*, agitur. Non ergo magna sine mole, turbata componit: comitia regni, pæne jam moribundus agit: ac vitâ tandem excedit. At nec postremus hic actus, acerbæ necessitatis expers erat: quando rex optimus, veniæ quidem per se pronior, iustitiæ tamen ad ultimum tenax; oculis rorantibus, Salomoni successori, Semei & maledici, Ioabique sicarij, majestatis crimine pollutorum, cædem delegat. Ita non dierum, quàm calamitatum plenior, expirat. Ut interim angores prætereamus, ac formidines, quarum in Psalmis assiduo meminit: quibûsque regis omnis posterior vita, tanquam lanceis hostilibus circumfessa, dispungebatur. Tanta malorum ilias, ex unico lascivior oculorum, in feminam conjectu, originem traxit.

## DOCTRINA.

**N**on recedet gladius de domo tua usque in sempiternum. 2. Reg. 12. Terribiles minæ per Nathanem Davidi intentatæ. Verè *Longa scel-*  
*borrendum est* (quod Paulus interminatur ad Heb. 10.) *rum pœna.*  
*deret in manus DEI viventis*, & videntis, & ulciscentis. Noctis unius nefaria voluptas, annorum unius ac viginti perpetuis doloribus pœnitenti regi petit; nec expiavit tamen; secuta namq; ærumnarum est ingentium longa series, & à Domo Davidis jugis calamitatum continuatio non recessit; id quod lacrimas eius ex oculis diu noctûque prolicuit, expendentis hinc gravitatem injuriæ DEO illatæ, hinc causam consequentis pœnæ. Peccatum admisum semel, adversus eum pugnavit semper: plagarum omni genere, diversissimòque cruciatu. Quod, quidnam lucidiùs demonstrat: Delicti concessâ veniâ, non continuò, neque semper totius pœnæ fieri condonationem? Quod momentò nonnunquam peccatur; momentò fortassis & remittitur: sed in longû adhuc castigatur. Id Davidi videmus evenisse, citò culpâ, non citò supplicij culpæ defuncto.

*Tu fecisti absconditè: ego autem faciam verbum istud in conspectu Israel. ma flagitia*  
*rati, & in conspectu solis.* 2. Reg. 12. O incredibilem mortalium DEO pa-  
Rr *stupidita-*  
*tens.*

stupiditatem & cæcitatem, qui credunt, se posse effugere illos oculos, de quibus Siracides, cap. 23. *Quoniam oculi Domini multo plus lucidiores sunt super solem, circumspicientes omnes vias hominum, & profundum abyssi, & hominum corda intuentes in absconditas partes.* Unde merito obstupescens quærit Psalter psal. 91. *Qui plantavit aurem non audit? aut qui finxit oculos, non considerat?* Usque adeo dementat luos cultores Venus, ut illorū vox nefanda audiat Eccli: loc. cit. *Quia me videt? Tenebra circumdant me, & parietes cooperiunt me, & nemo circumspicit me: quem vereor? delictorum meorū non memorabitur altissimus.* Mox subjungitur. *Et non intelligit* (non credit, vel si credit, non considerat) *quoniam omnia videt oculus illius; quoniam à se expellit timorem Dei* (ut liberius sine metu vindicis peccet) *huiusmodi hominis timor.* (quod ad- ulter timet ab hominibus videri, non à DEO) Consonat. Iob. c. 24. *Oculus adulteri observat caliginem, dicens: Non videbit me oculus: & operiet vultum suum.* Pro stoliditatē! sic infantes mantili caput obvolvunt, & licet pedes emineant, à nemine tamen videri se putant, quando ipsi vident neminem. Existimabat David flagitiū suum, in occulto esse, sed erupit in lucem & infamiam omnium sæculorum. Illi oculorum lascivi de solaris jactus, & gliscentes sub pectore, libidinis igniculi, in facem exarserunt, & flammam parentis sparserunt in filium; Absalon in solario & sole, coram toro Israël patravit in uxores patris, quod iste pessimō exemplō peccavit in conjugem Uriæ. Ite nunc impuritatū mancipia, & Cardiognosten illum, DEUM, tenebris excludite.

*Dimissa  
culpā, non  
idē dimi-  
situr pena  
temporaria.*

*Accidit autem die septima, ut moreretur infans.* 2. Reg. 12. Acutō Salvanus, Massiliensis Episcopus; natum ex crimine puerū, crimen ipsum occidit, quod creaverat. Diluerunt pœnitentis lacrimæ Davidis peccatū, non supplicium peccati. Remisso scelere erant luendæ pœnæ; sed temporariæ. Ubi nunc, qui *satisfactio* etiā nudū vocabulū & odisse se clamant, & sublatū cupere. Iis omnes propemodū divini codices reclamant: cum etiā, condonata grandi noxa, creberrimè tamen adhuc noxæ piaculum, pœnamq; temporis exposcunt; cum non pœnitentiam tantū mentis, sed opera fructusque pœnitentiæ foras etiā prodeuntes requirunt. Sic Aaroni, Mariæ, Mosis jam in amicitiam DEI receptis, terræ tamen Promissæ præcisa spes, & in exilio mortes irrogantur; Idē Davidi factū.

*Princeps sit  
omnibus  
idem.*

*Omnis autem populus Iuda traduxerat regem (reduxerat Ierosolymā) profligatō & occisō. Absalone) & media tantū pars adfuerat de populo Israël.* Hinc decē tribuū adversus unam æmulatio, & seditio, concitatores seba. Ubi docentur Principes, ut diversis, quibus imperant, gentibus, æquabiles se exhibeant; nam ut DEUS, inquit Plā, *tarcus moral*, in cœlo pulcherrimū ac jucundissimū sui simulacrum constituit solem; sic in rep. Principem, qui prudentiā, justitia,

„ iustitia, benignitate se erga omnes repræsentet. Neque enim sol alius est pauperi, alius diviti, sed omnibus communis.

*Et addidit furor Domini irasci contra Israël, commovitque David in eis, dicentem: Vade, numera Israël & Iudam.* 2. Reg. 24. Commovit DEUS Davidem, non per se suggerendo ei, & dicendo: *Vade, numera populum*, (sic enim incitasset eum ad peccatum, quod facere nequit) sed permittendo diabolo ad id parato, & anhelanti, ut Davidem ad superbam hanc populi numerationem concitaret. DEUS ergo *indirectè*, diabolus verò *directè* incitavit Davidem ad hanc lustrationē, uti exprimitur 1. Paralip. 21. *Consurrexist Satan contra Israël, & concitavit David, ut numeraret Israël.* Tribuitur tamen idipsum DEO, ut ostendatur, iustò Numinis iudiciò contigisse, ut permitteretur peccare David in censu populi agendo, quo simul etiam puniretur populus, paulò antè cum Seba rebellis. Atque hæc *positiva* (ut Theologi loquuntur) permissio, vocatur actio & commotio. De his dixi paulò antè.

*Melius est, ut incidam in manus Domini (multa enim misericordie ejus sunt) quàm in manus hominum* 2. Reg. 24. Cum David, in quamcunq; partem oculos verteret; sibi que impendēre, rei que publicæ grandem videret calamitatē, in illis rerum angustiis maluit à peste, id est, à Domini manu, quàm ab hominum gladiò, qui obstinatò furore persequuntur injurias, exerceri ac pati. Neque dicas contrarium Davidi, elegisse Susannam, Daniel. 13. dicentem: *melius est mihi absque opere incidere in manus vestras, quàm peccare in conspectu Domini.* Susanna enim loquitur de culpa; præstat enim offendere homines, quàm DEUM, cujus offensa & vindicta est æterna. At David loquitur de poena à DEO infligenda; à quo satius est puniri, quàm ab homine; hic enim sævus est & implacabilis; DEUS autem misericors, & pœnitundine delinquentis placatur.

*Et ait Angelo percutienti: sufficit, contine manum tuam.* 2. Reg. 24. Ut criminum apud DEUM mensura, sic plagarum modus est; quarum administratos adhibet Angelos tam bonos, quàm malos. Hic bonus fuit; qui mox jussu DEI *convertit gladium suum in vaginam.* Nimirum cuncta, ad quæ gemimus, quæ expavescimus, quæ perperimur, in numeratō, & ad iustitiæ lancem expensa sunt Numini. Ferit & parcit, sanat & vulnerat, premit & erigit juxta æquissimas Providentiæ suæ leges; facitque, quod citharæodus, qui citharæ fides tamdiu tendit, attrahit, remittit, dum assonent. David certè ad hanc fidium seu plagarum contentionem suavissimè consonans, *Ego, inquit, peccavi: ego inique egi; isti, qui oves sunt, quid fecerunt? vertatur obsecro manus tua contra me, & contra domum patris mei.*

Propter me mota est, propter me desinet ira,  
Simque ego sævitæ caussa, modusque tuæ.

Rr 2

Post

*Quomodo melius est incidere in manus DEI, quàm in manus hominum.*

*Mensura plagarum apud Deum.*



*Quomodo  
avertenda  
clades.*

*Davidem  
spectra in-  
festant, va-  
riisque sti-  
muli.*

Post quæ, *ceciderunt tam ipse* (David) *quàm majores natu vestiti cilicij, proni in terram* 1. Paral. 21. Oblatoque sacrificio, cujus victimarum ignis de cœlo lapsus absumpsit, approbavitque, atra lues defævijt. Habent hic exemplum obnoxia cœlesti Vindictæ capita, quæ ratione fatalem à se gladium vel avertant, vel mitigent. Habent speculum Principes & Præsides, ne privatis delictis publicas invehant calamitates: & investas quomodo agnoscant, expientque.

Ad has Davidis pœnas accesserunt mœrores & angores animi. Obversabantur ob oculos gemina potissimum spectra: alterum, Vetita Libido, anguineis comis horrida, spuriam prolem manibus tenens, & occlamans: Cur alienum thorum violasti? alterum, Uriæ Umbra, pallida, sanguine conspersa, torvis oculis conuens, & ingeminans vocem: Cur me occidisti? In his angustiis David multo sudore, lacrimisque perfusus exclamabat illud Psal. 50. *Peccatum meum contra me est semper*. Flagitium commissum nunquàm ab oculis, & memoria mea recedit. *Libera me de sanguinibus DEVS, DEVS salutis mea*. Uriæ cruor occisi terret me, & vindictam exposcit. Videbatur David instar feræ tot telis exagitari, quot patratorem scelerum stimulis & aculeis fodiebatur; hinc illa suspiria psal. 37. *Sagittæ tuæ infixæ sunt mihi*; quæ non sinunt diu noctuque me quiescere; neque animum tantum, sed corpus quoque & ossa intima miserrimè affligunt, extenuant, concutiunt. *Non est sanitas in carne mea, à facie iræ tuæ: non est pax ossibus meis à facie* (recognitione) *peccatorum meorum*, eodem psal. Et quia cernebat plura crimina uno in crimine cumulata; dum Uriæ innocenti & optimè merito uxorem, vitam, famam eripuit; Bersabeam ad peccandum induxit: proprijs uxoribus fidem conjugalem fregit: gravissimam offensam, etiam alienigenis, præbuit: ingratiſſimus divinis erga se beneficijs extitit; ideo videbatur sibi tot quasi fluctibus obrui, tot ponderibus opprimi, quot peccata menti recurrebant; Unde ingemuit cit. psal. *Quoniam iniquitates meæ supergressæ sunt caput meum; & sicut onus grave gravata sunt super me*. Idcirco quasi indignus cœlum aspicere, tristis & deſecto in terram vultu incedebat. *Miser factus sum, & curvatus sum usque in finem* (hoc est, valde): *tota die contristatus ingrediebar*. psal. cit. Bellum insuper sentiebat intestinum (libidinis fructum) insurgente carne adversus spiritum, & pravas, ac pudendas commotiones concitante. Quod ipse deplorat eodem psal. *lumbi mei impleti sunt illusionibus*. Ut adeo totus David considerata scelerum suorum magnitudine, & pœnarum acerbitate, perpetuis in doloribus versaretur, juxta illud ejusdem psalmi post lapsû compositi: *dolor meus in conspectu meo semper*. Et quia pœnator ictus, suôq; doctus casu sciebat, in quas miseras per libidinè turpè devolu-



## DAVIDIS CATENATÆ POENÆ.

313

devolutus eſſet , petijt à DEO caſtum & ſalutarem timorem, quò veluti quibuldam clavis cupiditates improbæ configerentur, arctèque ſtringerentur, ut ſe comovere non poſſent. *psal. 118. Conſige timore tuo carnes meas, à judicij tui in ſuis timui* : expertus ſupplicia criminum ultrica. Timeamus & nos, memoriàmque poenarum Davidi inflictarum, tanquam frænum adhibeamus ad indomitos Cupidinis motus coercendos.

Apparet ex Davidis calamitatibus , acriùs divinæ Majeſtatis ſeveritatem , in atrocibus delictis adverſus eos exardeſcere conſueſſe, quos inſignioribus illa præ cæteris, exornavit dotibus atq; beneficijs : & aſpicere tamen eos poſtea cogitur, ingrata mente ſuam proculcare familiaritatem & amicitiam auſos eſſe. Unde diſcamus, Davidico perculſi caſu, *Fortunam* à DEO nobis colatam, reverenter in omnibus habere : quantòque chariores nos eſſe Numini deprehendimus ; tantò caſtius ſemper formidemus. Cryſtallus enim eſt incautis amicitia DEI : ſollicitis autè Adamas. Illis, quando vel ardentiffimè ſplendet , elabitur manibus atque diſfringitur ; iſtis contrà, compreſſionis ipſà curà, duratur ac perennat. Gravior ex alto caſus venit : ac ſanctiſſimū quemque, nequitia ſupervenienſis ſpurcius inquinat. Sed David ex lapſu fortior ſurrexit, & vindicem DEI iram, pro virtutis incitamento habuit, unde *psal. 118. Bonum quia humiliavi me, ut diſcam juſtificationes tuas.* Malè ijs, quibus *vexatio* (afflictio) non dat intellectum *Iſa. 28.* fiunt duriores vapulando , quod Ieremias conqueritur *cap. 5. Percuſiſti eos, & non doluerunt ; attriviſti eos, & noluerunt recipere diſciplinam.* Et Ezechiel c. 24. *Multo labore ſudatum eſt, & non exivit de ea nimia rubigo eius, neq; per ignem;* obbrutuit & obriguit ad verbera. Longè aliter David, qui poſt caſum cautior & ſanctior, ſapijt ex flagellis, quæ animo ſubmiſſiſſimo excepit ; *in flagella*, ut *psal. 37. teſtatur, paratiſſimus* ; ferientem DEI manum exoſculatus, exclamavit *psal. 118. Juſtus es Domine : & rectum judicium tuum.*

Davidi à ſenio frigeſcenti, quærebatur per omne regnum, virgo ſomoliſſima, quæ ſenili corpori fomentum aliquod caloris daret. Inventa Sunamitis *Abiſag*, quæ regi dies, noctesque ſerviebat ; quam ipſe, etiam in illa ætate, & frigore corporis, ſuæ non nimium ſiſus caſtimoniæ, duxit in conjugem ; cum uxoribus enim pluribus illò ævò matrimonium conjungere non fuit illicitum. Hanc tamen virginem David perinde ut ſororem, prorsus intactam & inviolatam in maritali toro ſervavit, tantò æſtuantior curis , quantò gelidior membris. Ille tamen inter eas afflictationes, mente conſtans, & voluntate cum DEO conformata, *adoravit in lectulo ſuo, in ſuper & hac locutus eſt. Benedicſum Dominum DEUS Iſrael.* 3. Reg. 1.

R r 3

Moriturus

David ex lapſu fortior ſurrexit.

Moriturus Salomonem filium, regniq[ue] optimates accersens, ad regalem sanctimoniam gravissimè regem juvenem exhortatus est: cui & paternas religiones, Cultum divinum, DEI timorem exactissima oratione commendavit. Inter alia, hæc prolocutus verba: *Tu autem Salomon, filium, scito DEUM patris tui, & servo ei corde perfecto, & animo voluntario. Omnia enim corda scrutatur Dominus, & universas mentium cogitationes intelligit. Si quaesieris eum, invenies, si autem dereliqueris eum, projiciet te in aeternum.* 1. Paral. c. 28. Pulcherrimum testamentum, & omnium pectoribus inscribendum. Utinam Salomon novissimas parentis, ac fidelissimas voces magis cordi habuisset; in tam profundas scelerum, voragines non præcipitasset! David verò hortatibus suis ostendit, qualis laxerit, qui talis moriebatur; quanto studio & integritate (si lapsus quosdam excipias) DEO servierit: eius præsentiam ob oculos habuerit: offensas timuerit: gratiam quaesierit, inveneritque.

## NARRATIO LXXII. REGIS SALOMONIS DECORA:

3. Reg. 3.4-9.10.

Ab Anno Mundi 3032. Ad Annum 3043. Ante Christ.  
1030. Ad Ann. 1006.

*Salomonis  
egregia in-  
doles.*



Salomon, Davidis ex Bethsabæ filius, regni-que successor, mortalibus est documento, DEI non tantum iras, sed etiam dona timenda esse. Cujus initia cœlestis orditur favor, & sequentes progressus, initijs pares; extrema, plena sunt infamiâ & horrore. *Mens bona*, quam à DEO sortitus fuerat, donorum maximum, & inestimabile, in regijs præsertim pueris: Odisse malum: in bonum propendere: ferri in sapientiam virtutisque, præclara ingenij tractabilitate: in omnes formas, velut cereum flecti; meritò Salomonis primas inter laudes memorantur. Non gratius ridet aurora diei serenissimæ; quam ætas illa (cui se DEUS largiter infundebat) amabilitatem quandam, velut prodromos magnarum virtutum radios, in oculos, animosque

animosque omnium sparfos evibrabat, & intuentes mirifice sibi devinciebat. Inhæsit Salomoni ab adolescentia sitientissimus ardor, & a stimatio scientiæ immensæ; hanc vigilans perpetuò cogitabat; hujus amabilissima species recurrebat in somno; hanc à DEO enixè flagitabat. Unde persolutis parenti supremis honoribus; sublatissque de medio turbatoribus imperij; nihil habuit prius, quàm ut gubernandi rationem disceret, non tam Magisteriò humanò, quàm cœlesti. Ad eos favores consequendos, conciliatricem adhibuit pietatem, & fervens precandi studium. Vingt duorum annorum adolescens; mille DEO hostias imolat in *Gabaone*, (colle frondoso & excelsò, ubi *Tabernaculum divinum* religiosè vivebatur; fuerat autem jam antè *Arca fœderis*, à Davide in montem Sionem inde transvecta) id unum ardentissime supplicans, ut, quando populo longè numerosissimo jura danda, & imperatum æternæ Majestati Templum esset educendum; vires sibi, viæque suppeditarentur, ad demandatam divinitus provinciam rectè sustinendam.

Quibus desiderijs æstuanti, spectabile de nocte offert se Genius, æternæ Speciem Sapientiæ præferens; jubetque, votis minimè parcis optare, quidquid cupienti animo allubesceret. Ille nihil cunctatus, iterat desideria sua, & anhelantia ad sapientiæ donum fuspiria. Placuisse Superis castæ preces. plus accepit, quàm rogavit; cum acerrima mentis intelligentia, divitiæ & gloria à cœlo data, Salomonem omnium mortalium felicissimum, reddiderunt.

*Salomon  
sapientia  
à cœlo com-  
fertur.*

Specimen muneris cœlestis mox præclarum prodidit in famosa mulierum duarum concertatione, pro vindicijs ambigui infantis. Erant illæ corporis vulgati, eodémque sub tecto, atque adeò cubiculò, eodémque tempore fœtù solutæ; quæ tamen non eodem curabant studio. Altera quippe, cum incautâ corporis incubatione, de nocte suum oppressisset partum, vivâ alteri, profundius dormienti, surripuit prolem. Plagium istâ repetente, illâ degante, itum est ad tribunal Salomonis. Causa intricata videbatur, & plena caliginis; clamor utrinque, rationes nullæ. Quid faceret in ancipiti lite Judex? veritatem nullis argumentis rimandâ, eruit è litigantium pectoribus; cum ex ore non posset. Latentes feminarû affectus scrutaturus; jubet vaginâ nudari gladium, vivum puerû disseari mediû; suam matrû utriq; partē in jure dubio tradi. Visa est populo sententiâ juveniliore, & crudeliore, quàm sapientiore; cujus tamen eventus mox summam admirationē & comprobationē tulit. Genuina parens auditò regis judiciò, commotis illicò visceribus exclamare; cedere se jure suo, cupere salvâ prole; cupere

*Salomonis  
prudentissi-  
mum judi-  
cium in lite  
duarum  
feminarum.*



cupere vivam; E contrario Plagiaria, crudelem ex alieno dolore voluptatem captura, dividi postulabat infantem. Sorex, quod aiunt, suò se indicio prodidit. Rex sagacissimus veram matrem deprehendit, & pietatis præjudicio litem finivit. vicit, quæ vinci non metuit, sed orbari; cecidit causâ, quam natura prius, quàm sententia iudicis, damnavit. Fama iudicii longè sapientissimi continuò longè, latèque vulgata maximam Salomoni, non modò apud suos, sed etiam externos reverentiam & gloriam comparavit.

*Scripta Salomonis.*

Prodidit autem Salomon (cui cognomen *Iedidia*, quod est, *amabilis Domino*, fuit) sapientiæ suæ magnitudinem non factis duntaxat, sed scriptis quoque. Nam præter *Ecclesiasten*, *Proverbia*, *Cantica*, *Sapientia*, librum; octo præterea millia librorum alterius argumenti, composuisse fertur: in quibus Carminum, Odarumque mille, & quinque: dramatum millia tria, magnæque Similitudinum & Parabalarum varietas. Artes omnes & scientias percalavit; nihil tam abditum aut obscurum, quod eius perspicaciam fugeret; *disputavit super lignis* (quod Sacra pagina memorat, 3. Reg. 4.) *à cedro, quæ est in Libano, usque ad hyssopum, quæ egreditur de pariete*; (herbam parietariam, quam origanum aliqui, adiantum alij, saturiciam vocant alij) hoc est de maximis, minimisque tantâ sapientiâ disseruit, ut ex cunctis orbis terrarum mortales affluerent ad hoc scientiarum omnium Miraculum, & Oraculum spectandum, audiendumque.

*Artes & scientia Salomonis.*

*Divitia Salomonis.*

Ad imensam sapientiam acceperunt opes pares, & populi subiecti multitudo: ac domi, forisque gloria. Nam & argenti tanta fuit illi, quanta pæne lapidum congeries; atque vilitas, Ierofolymis: & præter argentum ac gemas, exoticasque margaritas; auri transmarini, probatissimique quadringenta, quinquaginta, talenta magna, ponderis Hebræici, Tyrijs in classibus tertio quodque anno ei supportabantur: quo comæatu, præter pavones, aliæque barbæræ peregrinitatis animalia; naves pariter, elephantorum quoque, laboratis, & infectis ossibus constipabantur: ad Ierofolymam ebore complendam. Sed parùm hæc erant (quippe tertij. cuiusque duntaxat anni) si cum annuis, ac perpetuis affluentibus, opum censibus conferrentur. Nam supra pecuniæ copiam illam, quàm Salomon, è legationum donis ac muneribus in fiscum inferebat: super quæstum item, & lucra negotiationum, ac diversi generis mercimoniorum; super ea quoque, quæ regis ærario satrapæ, principes, Arabumque cuncti reguli, Salomonis stipendiarij, conferebant: tributum erat annum, auri talenta magna, sexcenta, sexaginta sex, hoc est, juxta Saliani nostri calculum, octo milliones, numorum coronatorum Gallicorum; seu viginti quatuor milliones florenorum Belgicorum.

sive

five florenorum Rhenensium duodecim milliones, & insuper septingenta, quinquaginta millia; computando florenos Belgicos seu Brabanticos singulos pro quatuor siclis, seu numis fester-tijs sedecim; Talentum enim Hebræum (argenti) continebat tria millia siclorum seu duodecim millia florenorum Belgicorum. His accedebant ea, quæ spontè; præterque debitum, & solam ad gratiam, diversi diversa dono dabant; qualia, crateres ingentes argentei; pocula, vasq; prægrandia purioris auri; vestes ac telæ pretiosiores; multa purpura, sericum Indum, aromatum Orientis vis magna: quin & arma politissimi splendoris; equi, muliq; notæ commendatoris.

Quibus omnibus fortunæ muneribus (si tamen Fortunæ dicenda sint, ac non potius Dei) rex Salomon instructus; non solum armamentarium, in altissima pace semper bello cuivis, etiam asperrimo, præparatum habebat; sed armorum etiam, ornamenta, maximo rege digna; paucisque cæterorū, ante vel post Salomonem concessa. Nam & hastas fecerat, ex auro solidò & scuta, clypeos, peltas, magnò numerò. Solium quoque regium ex ebore & aureis laminis refulgebat, senis utrinque per gradus leonum ex auro simulacris stantibus. Duodecim equorū millia ad ephippium; quadraginta millia curulium & vestiariorum ad præsepia consistebant, ingens gentium malè quietarum, in sine continendarum, frænum ac formido:

Et quantum illud potentiæ argumentum, quod imperio suo teneret obnoxii; quidquid gentium ac dominantium ab Euphrate *Potentia* pertinebat ad primos Ægypti fines, ac mare Palestinum; præ- *Salomonis.* ter Hebræorum; & à Davide quondam domitarum, nationum, barbararum multitudinem imensam; eorum, qui *Profelytorum* nomine circumcisionem ac leges Mosaicæ amplexi fuerant, numerabantur centum, quinquaginta millia, ac insuper tria millia, & sexcenti. Ex quibus septuaginta millia delecta baiulorum; lapidariarum octoginta millia. Sexcenti quoque, qui operarum præfecti erant ac magistri. Sunt, qui scribant, Salomonæi famulitij capita fuisse quadraginta octo millia, sexcenta. E sacra historia constat, annonam quotidianam fuisse triginta coros (corus unus modios Romanos habet triginta, justum onus cameli) simile (siliginis, seu floris triticeæ) & sexaginta coros farinæ (vulgaris); Decem boves pingues, (saginos) & viginti boves pascuales, & centum arietes, excepta venatione cervorum, caprearum, bubalorum (dorcadum seu damarum), & avium altitium.

Porro divitijs potentiæque Salomonis respondebat fama gloriæque, mortalium etiam remotissimos quosque, desiderio tanti, tamque sapientiæ clari regis videndi inflamabant. In ijs erat

*Regina Sa  
ba Salomo-  
nem in dyfis.*

Æthiopicæ Sabææ Regina (quam *Makdam* appellant) quæ à meridie septentrionem versûs, dierum plurimorum itinere Ierosolymam contendit, inensis cum opibus, ac multo, regiôque comitatu. Ea cunctis Salomonis inspectis, & regiæ miraculis, & peñtoris, philosophiæque penetralibus: admiratione defixa, didicit experimento, confesâque verbis est, famâ longè maximâ, majora fuisse visa auditâque. Redijt igitur in Æthiopiam suam, admiratione non minûs, quàm oblati à Rege donis, opulenta. Cùmque Salomoni prior ipsa centum ac viginti dedisset auri talenta, cum gemis & aromatis infiniti pretij; longè plura tamen, & pretio superantia à regia liberalitate reportavit: imprimis vero DEI veri solidam cognitionem atque cultum; aliâque suis congrua postulatis; tanta sui admiratione relicta Ierosolymis, quantam ipsa Regis Hebræi famam, ad suos detulit populos.

## DOCTRINA.

*Cum sapien-  
tia omnia  
bona con-  
iuncta.*

**L**ander Cyro juniore gratulaturus, Rex, inquit, te beatum. ferunt, quoniam sapientiæ tuæ fortuna iuncta est. Jure multo potiori Salomoni gratulandum, cujus sapientia fortunæ, fortuna sapientiæ iuncta fuit. Est autem Sapientia, rerum divinarum & humanarum scientia; cujus teste Lactantio, primus gradus est, falsa intelligere: Secundus vera cognoscere. Addunt alij tertium: Ea, quæ cognoveris recta, in opus deducere. Salomon jam tum inchoatæ sapientiæ specimen dedit, cùm sapientiam unicè adamavit, & adamatam à DEO efflagitavit. nempe, quod magni æstimamus, magnis desiderijs anhelamus. Salomon de se Sapient. 7. *Propter hoc, inquit, optavi, & datus est mihi sensus: & invocavi, & venit in me Spiritus sapientiæ; & proposui illam regnâ, & sedibus, & divitiis nibile esse duxi in comparatione illius.* Sanè feliciter. Nam ut ipse testatur, eodè cap. *Venerunt mihi omnia bona pariter cum illa.* Hinc ipsa Sapientia. Proverb. 8. de se proloquitur: *Mecum sunt divitiæ, & gloria, opes superba, & justitia.* Id quod Salomon luculenter expertus est, qui etiamnû adolescens (decimum octavum ætatis agebat annum) pulchritudine sapientiæ raptus, Hanc, ait Sap. 8. *amavi & exquisivi à juventute mea, & quasi sponsam eam mihi assumere, & amator factus sum forma illius.* Audiant hoc Reges, & Regnorum candidati; quos alloquens sapientissimus & felicissimus regû, Sap. 6. *Si ergo delectamini, inquit, sedibus & sceptris, & reges populi, diligite sapientiam, ut in perpetuum regnetis* Et ibid. *Multitudo autem sapientium, sanitas est orbis terrarum: & Rex sapiens, stabilimentum populi est.* Unde beatas fore respublicas Plato affirmavit; si Philosophi, hoc est, sapientes clavo præessent.

Sed

## REGIS SALOMONIS LAUDES.

319

Sed quænam est illa forma sapientiæ tantopere Salomoni ad amatæ? Spiritus S. eam depingit toto libro, qui inscribitur, Sapientia. Inter alia c. 7. *Dicitur esse in illa Spiritus intelligentia, Sanctus, unicus, multiplex, subtilis, disertus, mobilis, incoinquinatus, certus, suavis, amans bonum, acutus, quem nihil vetat, benefaciens, humanus, benignus, stabilis, securus, omnem habens virtutem, omnia prospiciens, & qui capiat omnes Spiritus.* Huius formæ præstantiam Seneca, quamquam lippi-  
 enti oculo, & per transennam contemplatus, si nobis, *inquit e-  
 pist. 115.* viri boni animum liceret inspicere; & quam pulchram  
 faciem, quàm sanctam, quàm ex magnifico placidèque fulgentem  
 videremus? hinc iustitia, illinc fortitudine, hinc temperantia,  
 prudentiæque lucentibus. Præter has frugalitas, & continen-  
 tia, & tolerantia, & libertas, comitāsque, & (quis credat?) in ho-  
 mine rarum humanitas bonum, splendorem illi suum affunderent.  
 tum providentia, tum elegantia, & ex istis magnanimitas eminen-  
 tissima quantum; dij boni, decoris illi, quantum ponderis, gravi-  
 tatisque adderent? quanta esset cum gratia auctoritas? Nemo  
 illam amabilem, qui non simul venerabilem diceret. Si quis vi-  
 derit hanc faciem altiore, fulgentiorémque, quàm cerni inter  
 humana consuevit, nonne velut Numinis occursum obstupefactus  
 resistat, & ut fas sit vidisse, precetur; visæque attonitus dicat?

*Sapientia  
amabilis.*

O quam te memorem Virgo? namq; haud tibi vultus

Mortalis, nec vox hominem sonat.

Sis felix, nostrumque leves quæcunque laborem.

Aderit, levabitque, si eam colere voluerimus. Colitur autem non  
 taurorum opimis corporibus contrucidatis; nec auro, argentoque;  
 suspenso, nec in thesauros stipe infusa, sed pia & recta voluntate.  
 Nemo, inquam, non amore ejus arderet, si nobis illam videre  
 contingeret.

Quibus verò modis prensanda, & obtinenda hæc sponsa? Id *Sapientia  
 ipsa docet Prov. 8. Ego diligentes me diligo, & qui me vigilant ad me, desiderium  
 invenient me. Mand,* id est, tempestivè, à pueris, à teneris annis,  
 Salomonis exemplò. Vigilandum est, inquam, & sollicitè quæ ca-  
 lentibus à DEO votis petenda sapientia, quæ multo labore & in-  
 dustria comparanda. Iobus cap. 28. cum rogasset. *Sapientia ubi in-  
 venit?* respondet. *Nescis homo pretium eius, nec invenitur in terra sua-  
 viter vivendum.*

Quæsitv eam Salomon, & invenit. Sed quomodo? Primò fer-  
 vidè flagitando. Id testatur de se, sap. 8. *Adj,* inquit, *Dominum, &  
 deprecatus sum illum, ex totis precorâys meis.* 2. permodestè petendo.  
 Solam quippe gubernandi sapientiâ postulavit, & longè ampliora,  
 quàm desideravit, obtinuit. 3. magna cum fiducia. *Dabû,* in-  
 quit 3. Reg. 3. servo tuo cor docile. 4. eximiam submissione suis

Sf 2

rogatibus



rogatibus adjunxit: *Puer sum, ait loc. cit. parvulus, & ignorans egressum & introitum meum. videlicet rudis & imperitus artis gubernandi.* Pulcherrima sanè via, omnibus sapientiæ amatoribus ineunda. Interest enim plurimum, non tam quid petas; quàm quomodo petas. Cum Salomonis modestia, DEI liberalitas certavit. *Quia* inquit, 3. Reg. 3. *postulasti verbum hoc, & non petisti tibi dies multos, nec divitias, aut animas inimicorum tuorum, sed postulasti tibi sapientiam ad discernendum judicium: ecce feci tibi secundum sermones tuos, & dedi tibi cor sapiens, & intelligens, in tantum, ut nullus ante te similis tui fuerit, nec post te surrecturus sit. Sed & hoc, quod non postulasti, dedi tibi: divitias scilicet & gloriam, ut nemo fuerit similis tui in regibus, cunctis retro diebus.* O beatum Salomonem, nisi suam ipse felicitatem, morum pravitate corrupisset! Sapientia namq; sicut in malevolam animam non introibit; ita nec habitabit in corpore subito peccati. Sap. 1. Salomon ubi corpus fœdis voluptatibus permisit, & mentē simul, & sapientiam bonæ mentis hospitem, amisit. Memorabile dictū de Alphonso Arragonum rege circumfertur; qui rogatus, quomodo in tantis divitijs pauper effici posset? Respondit: si sapientia venditaretur. Ea verò, quamvis nullo mortali pretio venalis sit, casta tamen prece, castaque mente in superum foro comparatur.

*Salomonis  
Justitia, &  
Judicis offi-  
cium.*

*Tunc venerunt duæ mulieres meretrices ad regem, steteruntque coram eo* 3. Reg. 3. statim atque sapientiā Salomon divinitus accepit, illius illustre documentum dedit in duabus feminis, (quas aliqui negant scorta fuisse, sed tabernarias, & arte atque opificio quæstū facientes) de infantis vivi materno jure, certantibus. Scitè dixit & verè, Augustus Imperator: *Pietate & justitia Principes Dī sunt.* Pietatē Salomonis in exoranda à DEO sapientia didicimus; nunc justitiā eius arbitremur. 1. Salomon duorum regnorum (Israhelis & Judæ) Rex potentissimus, non dedignatur aures præbere duabus mulierculis de infantulo litigantibus, ut doceat Principes audientiam benignam, & adiri facilitatem. 2. Eminuit in eo judicio, cognitio causæ penitissimæ. Salomon suum litigio impetum nonstitit, testes nulli, probatio vix ulla, clamores absoni. Ubi autem causam probè cognovit, gladium petijt, sententiam tulit. Justitia diligentiam poscit accuratissimam. Non causæ tantum penitus inspicienda, sed & rectè proponenda; levi momento invertitur rei cardo, evertiturque. Iobus dese c. 29. *Et causam, quam nesciebam, diligentissimè investigabam.* Hinc in pectorali summi Hebræorum Pontificis & Iudicis ornamento, inscriptæ duæ vocēs: DOCTRINA ET VERITAS. Exod. 28. Est enim Judicis nōsse causam, eiúsque veritatē perspectam habere. Unde in curijs & tribunalib<sup>us</sup>

tot

## REGIS SALOMONIS LAUDES.

321

tot revisiones, & relectiones, tot appellationes & provocaciones, nisi ab ignorantia & ignavia *Indicantium*, & judicanda *Referentium* ? Sed cui jam licet, quod Machétas olim miles fecit ; qui cum apud Philippum Macedonem causam diceret, visus est Rex non attendere, & contra jus & fas litem abjudicare militi. Hic Machétas Macedonica libertate : Appello, inquit. Tu à Rege, & ad quem ? Ad ipsum te, ait miles, sed vigilantem & attentum.

3. Salomon ubi pravos alterius mulierculæ affectus deprehendit, justissimam contra eam sententiam dixit. Capitalis Justitiæ hostis est affectionum perversitas, sive ea Iudicem, sive Actorem & Reum occupârit ; unde Areopagitæ in tenebris, & obductis velis judicabant.


4. *Affectuum vacuitatem*, sequitur *Sagacitas inveniendi veri*, præclara & necessaria Justitiæ pars, quæ placidò silentiò indagat, quærit, explorat, dum Verum inveniat.

5. Apparuit *Vigilantia & Zelus*. Salomon cum in neutram partem duarum feminarum controversiam vergere videret : *Afferre*, inquit, *mibi gladium*. Hòc, implicatum nodum strenuè solvit. Judicum insignia, sunt *Gladius*, & *Bacillus*, seu *Virga* oblonga. Hieremias cap. 1. *Virgam vigilantem, & Ollam bullientem* vidit. Olla bulliens est provincia vel regnum vitij exuberans ; diabolus ignem subdit, ligna ingerit, flammâ statu impellit. Hic justitiæ *Virga* vigilet, ut olla reprimatur ebullitio ; ut vitia passim vulgata castigentur, & seriò ; non puerili ferulâ, aut vulpinâ caudâ.

6. *Auditio utriusque partis, non habet à dignitatis, aut ordinis ratione*. Notissimum est illud „ Seneca Tragedi : Qui statuit aliquid parte inaudita alterâ, „ æquum licet statuerit, iniquus est. Salomon in illam muliebrem rixam, utriusque procacitati aures dedit. Alexander Rex Macedo eò corporis habitu audiebat causas, tanquam aurem alteram obturaret. Rogatus à familiari homine, cur id faceret ? *Clausula*, inquit, *aurem servatur reo*.

7. *Patiens constantia*. Salomon cum patienter litigantes audivisset, vivumque infantem, medium dissecari jussisset, advertit utique populi eam sententiam tacitè damnantis motus, propositi nihilominus tenax, gladium afferri, stringi, ad secandum puerulum vibrari jussit patientiam constanti.

Hoc munus est Judicis, non cedere tergiversantium per-  
vicaciæ : è verbis facere facta, sententiæ  
robur à constantia addere.



S f 3

NARRATIO

# NARRATIO LXXIII. MAGNIFICENTIA TEMPLI SALOMONICI.

Lib. 3. Reg. cap. 6. 7. 8. 9.

Ab Anno Mundi 3023. Ad Ann. 3030. Ante Chr. 1030.

Ad Ann. 1023.



**M**agnificencia Templi à Salomone constru-  
cti quanta fuerit, multiplici nomine licet æstima-  
re. Nam si finem perpendas, erat Majestati Di-  
vinæ Sedes præparanda; si ideam spectes, fuit ea  
ab ipso Numine Davidi, & per hunc Salomoni di-  
ctata; si sumptus & impensas cogites, sunt eæ factæ à duobus  
opulentissimis regibus, Davide, filioque Salomone; si Condi-  
torem attendas, fuit is idem Salomon, longè omnium mortalium  
sapientissimus; si structuram consideres, erat opus ab omnibus  
pro Mundi miraculo, summæque venerationi habitum; si ope-  
ras advertas, multa hominum millia in eo per septennium la-  
borarunt; si artificium architectonicum; erant lapides prægran-  
des ita secti, dolati, politi & ad unguem inter se quadrati & com-  
missi, nullum ut intuentibus mallei aut cujuslibet instrumenti fa-  
brilis vestigium præberent, sed conflata potius omnia, quàm arte  
cònnexa & coagmentata viderentur; unde, teste Scriptura 3. Reg.  
6. *Malleus, & securis, & omne ferramentum non sunt audita in Domo, cum  
adificaretur*, Saxis videlicet jam antea ibi, ubi excidebantur à lato-  
nis, mira perpositione ad juncturam aptatis. Si denique magni-  
tudinem, amplitudinem, firmitatem, ornatum, suppellectilè Tem-  
pli expendas, simile nihil terrarum vidit orbis. Hinc psal. 77. Mo-  
noceroti seu Unicorni comparatur. *Et edificavit sicut unicornium san-  
ctificium suum in terra.* Per cornu, robur; & quia unicum, raritas o-  
peris indicatur.

*Magnitudo  
templi Salo-  
monici,*

Cæterum locus, cui mirifica structura imposita, mons erat  
*Moria* (de quo jam alibi meminimus) antiqua Abrahami, filium.  
immolaturi, religione clarus; quem à contermino *Sionis* jugo  
ingens vorago, cui *Mello* nomen, discriminabat. Quare ad laxan-  
dam ædificij aream, & valles implendas, necesse erat maximas  
substructiones excitare, ut alicubi murus cubitos trecentos, plures  
alibi

alibi altitudine ; quinquaginta latitudine æquaverit. Magnitudo verò Templi, speciem civitatis bene magnæ, & procularspicientibus, montem ( Iosepho memorante ) niveum, mixtis auri radijs, non sine oculorum pavore referebat. Altitudo univèrsa ( pluribus enim contignationibus ædificium intercipiebatur ) in centum viginti cubitos assurrexit : sexaginta cubitos in longum ; aut septuaginta, si vestibulum annumeres. Viginti in latum continebat, & gemino cingebatur atrio amplissimo, multisque porticibus distincto. Porro tripertitum erat ædificiũ ; primò vestibulũ seu porticus prætendebatur Templo, longitudine viginti cubitorum, latitudine decẽ. Pars ei contigua in longitudinem, quadraginta cubitorũ, in latitudinẽ, viginti excurrit, dicebaturque *Sanctum*, seu strictiore appellatione *Templum*. Ab hoc, murò cedrinò, multis genis interpolatò, separabatur pars tertia, quod Penetræ, Adytum, intimũ Sacrarium dicas ; sacer Historicus *Sanctum Sanctorum, & Domum Propitiationis*, appellat, minoris dimidio amplitudinis : soli Pontifici, & semel duntaxat in anno adeundum. Muri è marmore candidissimo ducti : intus tabulis cedrinis vestiti, & hæ auro inestectæ, variæque cælatura sculptæ ; ipsum pavimentũ auro constratum. Trabes quoque & tigna, maximam partẽ cedrina aureis laminis testæ ; quibus subnexa laquearia, artifice non minũ sculptura elaboratæ, multo auro refulgebant. Verbo, *nihil erat in Templo, quod non auro tegeretur.* 3. Reg. 6.

*Tres partes Templi.*

*Omnia auro testæ.*

Imprimis visenda duo Cherubinorum simulacra quæ stabant alis juxta Arcam Fœderis ( Cherubis & ipsam, sed longè minoribus signis, juxta præscriptum Mosis, obumbratam ) ad utrumque Sacrarij latus exporrectis, proceritate decem cubitorum, è ligno oleagino, aureis laminis incrustato. Adde his Altare *Thymiamatis*, ( ita appellatum, quòd in eo aromata manè, vesperique cremarentur ) è cedro, auro induta, confectum. Adde Mensas denas *Propositionis* ( nam in eis Panes Sacri, quot Sabatis proponebantur ) cum totidem candelabris aureis. In ipso Templi limine prostabant duæ columnæ, quarum alteri *Sachin*, alteri *Boaz* nomen, scapo in octodecim cubitos, epistilio in quinque surgente, ambitu duodenum cubitorum, auro ad digiti crassitudinem obductæ. Postes & ipsi ære rigeant. In exteriori Templi circuitu complura loca subterranea, firmissimo opere constructa, cryptoporticus, culinæ, gazophylacia, horrea, cellæ venariæ & oleariæ, adèd capacia, ut in illa inferri possent, ac conservari omnes primitiæ & decimæ totius gentis Israëlitiæ, suisque temporibus multis Sacerdotum & Levitarum milibus distribui. Super his per gyrum inædificata varia habitacula, & exedræ, in usum Ministrorum Templi, In

*Templi ornamenta.*

*Mare æneū.* In atrio Sacerdotum (alterum enim profanorum erat) ingens altare æneum visebatur, ad holocausta incendenda, viginti cubitorum latitudine. Ibi amplissimum aquarum receptaculum, ex ære fabricatum, duodecim boum dorsis, ex eadem materia, sultum (*Mare æneum* Sacræ literæ vocant) Sacerdotum manibus ac pedibus abluendis; tria millia metretarum capiebat, metretæ singulæ triginta sex mensuras nostrates, seu septuaginta quatuor sextantes Romanos faciunt. Ibi varia labra & conchæ ad intestina & pedes victimarum purganda. Ibi mirabilis subterraneorum conceptaculorum amplitudo, quæ ad quinque usque stadia per circuitum templi penetrabat; plumbeis ad ea fistulis quâcunque per muros & templi solum, quibus omnia abluerentur, mundarenturque, descendentibus.

*Vasa templi.*

Jam quanta vasorum aureorum & argenteorum (ut nihil dicam de æneis) multitudo. Si Josepho fides, erant ex auro decem millia mensarum minorum: Totidem minora candelabra, Mensuræ, Tubæ, Thuribula, Phialæ, litatoria viginti millia. Instrumenta ex electro quadraginta millia. Crateræ aureæ ad subigendam similam sexaginta millia. Canthari vinarij, & lances aureæ, octoginta millia. Phialarum aurearum centum millia. Summa vasorum aureorum quadringenta, & viginti millia. Argenteorum verò mille millia, & quinquaginta millia. Villalpandus noster summam vasorum aureorum auget, asseritque, fuisse sexcenta, sexaginta millia; additque firmandis dictis; hoc tantum auri non capiendum cubiculo decem cubitos alto, totidemque longo, & quinque lato. Unde colligas, quantus etiam fuerit Pontificiæ & Sacerdotalis vestis apparatus.

*Operarum numerus.*

De Operarum numero ne quis dubitet, eum distinctius referemus. Et Hierosolymis quidem in extruendo Templo laborabant hominum supra centum millia, sexaginta quinque millia. Præfectorum tria millia trecenti. Profelytorum (qui è Gentibus ad Religionem Judaicam accesserunt) in monte onera portantium septuaginta millia. Latomorum, & saxa templo parantium, octoginta millia; Præfectorum in hos, tria millia sexcenti. Summa omnium trecenta, viginti unum millia; alij parciore calculo, paulum ultra ducenta millia extendunt numerum, nihilominus stupefendum. Vide Chronicon Reg. lib. 3. c. 5. & 2. Paralip. c. 2. His omnibus septennio alimenta à Rege præbita, singulisque operarijs finitò templo, decem sicli (singuli sedecim sesterios valent) donati. Jam quanta eorum copia, quæ in ministerium Domus Domini delecta & distributa. Sacerdotes pæne innumeris; Levitarum viginti quatuor millia; Præpositorum & Judicum sex millia; quatuor millia Janitorum, totidemque organis canentium.

*Ministrorum templi multitudo.*

Neque

## TEMPLVM SALOMONICVM.

325

Neque minus admirationis habent sumptus in hoc ædificiū collati; David enim filio pro impensis Domūs Domini reliquit auri talenta centum millia, & argenti mille millia talentorum (quæ tantumdem conficiunt) lib. 1. Paral. c. 2. Ea summa juxta

*Sumptus in  
structuram  
facti.*

computationē Cornelij in eundem locum, facit bis mille quadringentos milliones aureorum Gallicorū; ratione monetæ Italicæ, ter mille ducentos octoginta duos milliones, insuper centum triginta quatuor millia, & viginti quatuor scutorū aureorum. Pineda ad tria millia millionum auri ex Hispanicis *Ducatis*, propè accessisse autumat, Salianus, de amore DEI lib. 8. c. 7. bis mille, septingentos, quadraginta quinque milliones, unum & quinquaginta millia, sexcentos & sexaginta sex aureos numos Gallicos confecisse existimat; asseritque, hanc auri vim non latum iri decē millibus curruum, nongentis & octoginta, quamvis singuli currus ducenta & quinquaginta millia aureorū ferrent. Tantas opes collegit David partim ex vestigalibus, partim ex navigatione Orphirica, partim ex hostiū spolijs & tributo, partim ex annuo Israëlitis censu, quō quisque pendebat quotannis templo dimidium siclum juxta legem Exodi. 30. quam capitationem mittebant Iudæi per totum orbem dispersi; ut adeo Davidis & Salomonis reditus annui superārent tributa & opes Romanorū, Chaldæorum, Persarum, omniūque regum & monarcharū. Accessit Davidis munificentia, liberalitas populi, qui, computante Saliano, puri puti auri septuaginta duos milliones, nongenta & viginti sex millia, sexcentos sexaginta sex aureos numos Francicos in collectā repræsentavit. Pineda (in Salomone Prævio) cum divinis libris, 1. Paral. c. 29. calculū movens, tantum, inquit, populus ferri, æris, argenti, auri contulit, ut id Hispanicæ monetæ efficiat mille ducentos, & octo milliones, centum & nonaginta sex millia *ducatorum* Hispanicorum. Insuper, quod sacri codices loc. cit. apponunt, *apud quemcumque inventi sunt lapides ppretiosi, dederunt in thesauros Domūs Domini per manum Jabel Gersonitis.* An non hoc fuerit satis caussarum, quæ Reginam Saba in stuporem darent?

Atque hunc in modum exstructo Templo, cum præcipuum adhuc ornamentum deesset, Oraculum divinum; incredibili cum pompa est in Basilicam, & penitiorem adytum illatum. Ibi tum repente nebula, DEI præsentiam testata, non sine lucida caligine locum implevit, sacrumque cum voluptate horrore per Sacerdotum & Levitarum, (populus extra ea septa stabat) Regis comprimis, oculos atque animos diffudit. Salomon tenerrimo gaudio delibutus, cum post solennes preces ac gratiarū actiones, suos ad perseverantiam in timore & cultu veri Numinis

T c

cohortatus



*Dedicatio  
Templi.*

cohortatus fuisset, hostias ad Aram admoveri iussit. Et ecce, iteratum benevolentiae divinae argumentum! denuo nebula cum igne de coelo delapsa, religiosum omnibus terrorem incussit, flamma victimas depascente, & litationem approbante. Septiduum tenuit Dedicacionis solennitas, quo temporis spatio, in sacrificium mactata bouum viginti duo millia, arietum centum viginti millia. Quibus diebus festis inter Sacra & Epulas exactis, populus ingenti cum lætitia dimissus est, actis prius regi gratijs pro bene curata republica, & pro tantis operibus absolutis, precatus, ut præpotens DEVS tanto sibi Capite diu incolumi frui concederet. Exinde Rex per quiete iterum à DEO admonetur, gratū sibi fuisse Sacrificiū, vota exaudita, servaturum se Templum suū, semperq; inhabitaturum propitiē, donec & ipse, & ipsius posteri, cū subiecto populo iustitiā colerent, & à paternis præceptis non discederent. evehendum eum ad sumum felicitatis fastigium, ipsiusque progeniem per continuatas successiones regnaturā. Quod si proditō, & oblivioni traditō pietatis studiō, ad externarū religionum se ritus transferret, radicibus stirpē excidendam, Templūmq; quod tum recens exstructū esset cum Urbe, à barbaris diripiendū, incendendum, diruendū. Tristes minē tristiorē sortitē sunt eventum. Templum post quadringentos viginti quatuor annos, tempore Sedecie regis, à Chaldæis incensum in cineres desedit, porticus unica, quæ Salomonis, posteris quoq; seculis, vocabatur, instaurata remansit, de qua Apostoli admirabundi ad Christum: *Magister aspice, quales lapides, & quales structura?* Marc. 13. E cineribus diu post surrexit alterum (quod à Scriptoribus secundum appellatur) permissu Cyri, regis Persarum, post captivitatem Babylonicam, Duce Zorobabele, ædificatum, altitudine tamen non ultra sexaginta cubitos excrecente, caventibus id regijs Præfectis, ne moles sublimius educta, sub religionis specie, rebellionis fieret propugnaculum. Quod ipsum templum, multo post tempore, nempe Anno Mundi 4035. Ante Christum. 18. Herodes spatijs dilatavit, porticibus novis exornavit, minimè tamen novum (quod Iosephus vult) excitavit, reclamante Aggæo cap. 2. qui ex Oraculo Divino prædixit, *devisissimam hanc domum* (Zorobabelis) gloriosiores fore priore; eiusque præsentia cohonestandum, qui *venies Desideratus cum-  
lis gentibus.*

## DOCTRINA.

*Virtutes  
Davidis  
& Salomo-  
nis in ex-  
struendo  
templo.*

**M**agnificencia virtus, est verè regia, non privatorum hominum; quæ in magnis operibus ad DEI gloriam struendis se prodit; uti in Davide & Salomone eluxit, à quorum munificencia, fecunda felicitatis parente, haudquaquam se  
vinci



vinci passa est Divina Liberalitas. Equidem ad tantas molitiones animo erat opus magno & excelfo. David certè veritus, ne filius vel sola cogitatione tanti moliminis consterneretur, animos ei additurus, *viriliter*, inquit, *age, & confortare, & fac: ne timeas, & ne paveas*, Dominus enim DEVS meus tecum erit. lib. 1. paral. c. 28. Egregia mentis celsitudo fuit ista, nullis rerum difficultatibus labefactanda, quia DEI præsidio, tanquam inconcussò fundamento, innixa. Ad hanc magnanimitatem accessit eximia modestia, quam memorat Sacra historia lib. 1. Paral. c. 22. *Ecce in paupertate mea*, ait David, *preparavi impensas domus Domini, auri talenta centum millia &c.* Quænam hæc paupertas in tantis opibus? Utique maxima, si ad Numinis dignitatem & majestatem conferretur. Et quid ni tenuitatem suam profiteretur David, qui meminerat, fortunas suas omnes, munus esse DEI. quod contestatur lib. cit. c. 29. *Quis*, inquit, *ego, & quis populus meus, ut possimus hac tibi universa promittere? tua sunt omnia, & quæ de manu tua accipimus, dedimus tibi.* Quibus in verbis insignis quoque animi grati laus apparet. Eius præterea immensorum sumptuum fuit longè pulcherrimus: Gloria DEI. Id quod idem rex confitetur eod. cap. *Tua est, Domine, magnificentia, & potentia, & gloria, & tibi laus &c. nunc igitur confitemur tibi, & laudamus nomen tuum inclitum.* Regis exemplum secuti sunt Principes, populusq; lib. 1. Paral. c. 29. *Latatq; est populus, cum vota (donaria) sponte promitterent, quia corda toto offerebant ea Domino: sed & David Rex letatus est gaudio magno.* Nimirum, bilarem datorem diligis DEVS, 2. Corinth. 9. Maxima regum exemplis inest efficacia, Davidis liberalitas liberalem populi manum, pietas pietatem provocavit. Ad religionis, morumque Principis imitationem, animi Subditorum aguntur, instar umbræ, cum corpore se moventis: aut *primi* illius, quod vocant, *Mobilis* reliquos secum cœli orbes rapiens.

Et ecce reciprocam DEI munificentiam. Tempore Salomonis erat tanta abundantia argenti in Ierusalem, quanta & lapidum. 3. Reg. 10. Incredibiles regis non admodum latè dominantis opes. Palæstina quippe, seu Terra Sancta, longitudine ultra sexaginta septē leucas (horario spatio metiendas) non excurrit; latitudine verò, quæ vel maximè diffunditur, leucarum octodecim amplitudinem obtinet, & paulò ampliùs, si transamnam quoque Iordanis regionem complectatur. In his angustiis quanta seges gloriæ, divitiarum, felicitatum, DEO suorum pietatem remunerante. Videlicet, quod Apostolus. 2. ad Tit. 4. testatur: *Pietas ad omnia utilis est.* Hæc Constantinos, Theodosios, Carolos & Henricos, verè magnos, felices, gloriosos reddidit. Florent regna, florente religione; pereunt, hac pereunte. De quæstiosa in Superos pietate memorabile est, quod Gentiles quoque in superstitione sua, Pietatis  
fructus.

observârunt, de Alexandro M. quem scribunt, inter sacrificandū utraque manu thura ad evaporandū assumpsisse, ideôque à Leonida (qui mores adolescentis formabat) reprehensum, dicente, copiosius tunc adolenda thura, cum aliquando terris imperaturus esset, aromata ferentibus. Ei verò, devictâ Sabæâ regione, magnam thuris & myrrhæ copiam ab Alexandro submissam, monitumque, ut cum Dijs parvus esse desinat,

*Quod pietas  
adificat, in-  
gratitudo  
destruit.*

Dolendum, mirandumque ultra modum, tantâ ædificij maiestatem, corruptione morum corruptâ, pestum ijsse. Nobilissimâ fabricâ non tam manus Chaldæa, quàm Salomonis, populi que scelera in cineres dederunt. Id DEVS expressè interminans, 3. Reg. 9. *Si ambulaveris coram me, sicut ambulavit pater tuus, in simplicitate cordis, & in aequitate: & feceris omnia, quæ præcepi tibi &c. ponam thronum regni tui super Israël in sempiternum &c. Si autem adversione averti fueritis: vos & filij vestri, non sequentes me, nec custodientes mandata mea, & ceremonias meas, quas proposui vobis, sed abieritis & colueritis deos alienos, & adoraveritis eos: auferam Israël de superficie terræ, quam dedi eis: & templum, quod sanctificavi nomini meo, projiciam à conspectu meo, erisque Israël in proverbium, & in fabulam cunctis populis.* Ubi vides pactum conservationis divinæ, cum pietatis perseverantia conjunctum; neque enim in civilibus tantum, sed divinis quoque conventionibus locum habet illud: DO, UT DES. Faustitatem DEUS cultoribus suis promittit, certis tamen limitibus comprehensam: si constantes, si perseverantes fuerint. Equidem in his quoque suæ quemque fortunæ fabrum dixeris: bonæ, si bonum se præstiterit: malæ, si malum. DEVS neminem deferit, nisi desertus antè. *Perditio tua Israël*, DEVS per Oseam loquitur cap. 13. *santummodò in me auxilium tuum.* id est, tuò vitio ruis in exitium; ego verò semper bonorum causâ tibi fui, non autem malorum.

Quod Iudæis contigit, quos DEUS ob sua scelera Templo, patriâque exiit, id posteris temporibus, etiam Christianis obvenit, quibus ob paria flagitia possessione Terræ Sanctæ ejectis, barbari ea loca occupârunt, in quibus Servator noster natus, educatusque fuit; quæque pedibus suis perambulavit, sanguine rigavit, morte sacravit. Plenæ sunt omnes historiæ exemplis, DEI, Principum juxta populique peccata vel translatione, vel extinctione regnorum, plestentis. Siracidis effatum est, Ecclef. 10. *Regnum à gente in gentem transfertur propter injustitias, & injurias, & contumelias, & varios dolos.* Præcipue cum Religio laborat, & Reges, Subditique à veri Numinis cultu desciscunt.

Vide Thomam Bozium de signis Ecclesiæ

L. 5. C. 11. & lib. 24. C. 3.

# NARRATIO LXXIV. SALOMONIS DEDECORA.

3. Reg. 11.

Ab Anno Mundi 3048. ad ann. 3059. quò decessit.

Ab anno Ch. 1005. ad 994.



**P**rodigiosa antithesis! Salomoni quid dissimilius Salomone? è mortalium sapientissimo demeritissimum esse cerunt Vitia. Quid illustrius prior gloria; quid ignominiosius posteriore dedecore? corrumpit sapientiam stultitia, innocentem adolescentiam nequissima senectus, religiosam juventutem prodigiosa canities. Initium ruinæ eius, superbia. Potentiæ namque magnitudine, prudentiæ miraculo, cunctorum veneratione præcipitatus in arrogantiam: ab hac, *omnis nequitia radice*, gradum fecit ad nimium suum amorem & admirationem. Nam quorsum illa quinquaginta septem millium & sexcentorum equorum copia; quorsum tanta magnificentia in mensa, & familia regia; nisi ad inanem ostentationem & plausum? Amorem suum comitata est animi mollietas, omnis generis delicijs & oblectamentis fracti. Ingens convivorum & viniluxus, ut de se ipso usurpare non erubuerit verba illa, Ecclesiastæ cap. 2. *Vadam, & assuam delicijs, & sinuar bonis.* Et dum gloriatur ibidem, se plantasse vineas, non omittit meminisse scyphorum, & urceorum in ministerio ad vina fundenda; nec veretur confiteri, se omnia, quæ desideraverunt oculi, non negasse eis: nec prohibuisse cor suum, quin omni voluptate frueretur. Et quem alium, nisi se ipsum perstringit, quando principum manè commessantium meminit eodem libro, cap. 10. Quid aliud voluit instructio Betsabæ, matronæ prudentissimæ, quando filium etiamnum puerum sollicitè hortata est, ne quando temulentia & improbæ mulierum consuetudini se dederet, quippe quem sciebat, in utrumque vitium admodum proclivem esse. Verba parentis amantissimè monentis ipsemet memorat Proverb. 21. *Quid dilecte mi, quid dilecte uteri mei, quid dilecte votorum meorum? Ne dederis mulieribus substantiam tuam, & divitias tuas ad delendos reges,* (libido enim regum

*Mollietas  
animi in  
Salomone.*

regum opes exhaurit) *Noli regibus, ô Lamuel (ô DEI electe) noli regibus* (tibi inquam) *dare vinum:* (immodicum) *quia nullum secretum est, ubi regnat ebrietas.* quid dicam secretum? nulla fides, nullus pudor, nulla sapientia, cujus te studiosissimum volo. Præsaga malorum insequentium fuit genitrix. Nam Salomon ex his initijs ad voluptatum ac deliciarum quarumvis indulgentiâ, & experimenta prolapsus, in absurdissima mala cadere cœpit. Paulatim igitur pietatis studia refrigescere, rerum divinarum obli-  
vio induci; pro sacris cantibus; profanis cantorum & cantatricum vocibus regia personare. Ab his illecebris primum fuit, insanis feminarum amoribus irretiri; cum enim, quantum junior sapientiâ, tantum senex mulieres, & amplius adamaret, novas identidem sibi nuptias, ex omni puellarum Orientis numero suscitabat. In his non erant Israëlites modò; sed, (quod fieri lex verabat) filia regis Ægyptij; virgines Moabitides, Ammonitides, Idumææ cum Sidonijs & Hethæis, quas Salomon tantò flagrantiore, quanto minus concessò furore deperibat. Flagitiosum, pænè dictum, cogitatumque, nedum factu! mille feminarum thalamis unicâ impletam esse regiam. In quarum omnium amores non tantum, sed omnia vota æstuans, indulsit petentibus suorum cuique gentilitiorum. Deum ac Dearum (*Astartes* Sidoniorum, *Chami* Moabitarum, *Molochi* Ammonitarum, & aliorum gentium aliarum idolorum) aras, simulacra, cultum. Et qui soli Vero, Sanctissimoque Numini Templum antehac augustissimum ac toto terrarum orbe celebratum crexerat; idè postea singulis pænè peregrinis uxoribus suis, singula Dæmonum fana delubraque constituit. Idè simulacris eorum supplex, thus adolevit, victimas cecidit, vota precèsque nuncupavit.

*Amor insanus erga feminas.*

Quàm blandus autè mulleribus, tã asper populo fuit Israëlito: què exactionibus, Tyranno quàm Regi, propioribus exsuxit. Prodigus idè & Avarus, aurum & argentum unde unde corrasit, ut haberet, quod in Veneres suas effunderet; quid enim non exigebant tot mulierum delicatissimarum quotidiane mensæ, convivia, ludi, donaria, mundus muliebris, aurum, gemæ, res omnis vestiaria; quantum divitiarum una talis femina vel aure solet unicâ gestare; quoties inde bina vel tria patrimonia pendent! Quodd si *Reginæ* (id est, uxoribus primarijs & regiâ prosapia oriundis) septingentis, pro comitatu singulis addamus pedissequas seu ancillas ornatrices, sex: trecentis verò *Concubinæ*, ut Scriptura s. loquitur, (id est, uxoribus secundarijs, quæ non erant domine, seu matres familias, sed quasi proletariæ, & propagandæ tantum sobolis causâ quæsitæ) non nisi tres famulas concedamus; erunt universim feminarum quadringentæ, supra quinque millia. Hem, quantus

*Avaritia Salomonis.*

## SALOMONIS DEDECORA,

331

quantus sequioris sexus exercitus, quantas exhauriens impensas! Et quia libido hiantes requirit loculos; per fas & nefas ab effeminato rege coactum est, quod in tot lasciviam thalamorum expenderetur. Veteris dictum est Philosophi: Cui nihil satis est, eidem etiam nihil turpe est; de Salomone vice-versa: Cui nihil turpe erat, nihil etiam satis erat. qui eo denique redactus est inopia, ut qui annuis redditibus sex auri milliones ex oleo, vino, frumento habuit, præter tot insuper vestigalia, indictiones, tributa, collectas, dona; laborante tamen ærario, Subditos acerba contributionum vexatione flagellârit.

Hinc (ô incredibile præcipitium!) in magiam devolutus, *Magia Salomonis.* præstigijs deditus ac orcinis artibus, cepit curiosa & inconcessa scrutari, & in conjugum suarum fascinationes, incantationes, veneficia studiosius indagare; illæ regem amoribus ac philtreis potionatum, aliæ alijs præripere, & suis amplexibus illigare, magicis auxilijs laborabant. Ita post amissam sapientiam, innocentiam, pietatem, rectum de DEO sensum, & magnam partem dilapidatas opes, etiam famam, gloriam, potentiam perdidit: & *amabilis* ille quondam Domino, factus est DEO, & hominibus *execrabilis*: malis autem genijs familiaris & amicus.

Neque sic tamen præcipitato, defuit adjutrix DEI manus, si ad meliora invitanti, audiens esse voluisset. Semel, iterumque familiari Numinis affatu monitus, poenisque; imminentis adversonis propositis, cum ad sanio rem mentem nec quicquam revocaretur, & tam hortatus, quam minas cælestes haberet insuper, denique ablegatur ad eum *Abias* Propheta, qui cum severa ingrata mentis exprobratione, denuntiat impendentem tot sceleribus vindictam, tot annis, tam densa flagitiorum sæditate provocatam; commuisse quidē impietate sua, ut, qui à DEO, à quo regnum acceperat, tã nefariè descivisset, ipse quoq; à subjectis populis, fastigio regis deiceretur; id ne fieret, obstare promissa Numinis, Davidi facta; poenas tamen Roboam filium, mali milvi malum pullum, datum, & quâ sua, quâ parentis scelera, decē tribuum defectione luiturum. Tam triste vaticinium, etsi vehementi Salomone mærore afflixit, nihilo tamen effectus inde melior, libidinibus & varijs Gentium idolis operari perseveravit. DEUS, ut depravati contumaciâ animi asperioribus remedijs vel sanaret, vel castigaret, infestis eum hostibus exagitandū objecit. Primus in eum insurrexit *Adadus* Rex Idumee, Davidis tributarius; hic contemptâ Salomonis delicijs enervati imbelliâ, jugum excussit, regnumq; suum liberi Juris fecit. Post hunc arma corripuit *Razon*, Syrus, qui regnū Damasci præcariū à Davide obtinuerat; quod ut propriū sibi vindicaret, Israëlitarū ditionē crebris incursionibus vexabat, omniâq; rapinis & cædibus miscebat

*Salomonem  
Abias Pro-  
pheta frus-  
tra debor-  
tur à sceleribus,*

*Bella mota  
Salomoni.*



*Ieroboamus  
Rex desti-  
natur ab  
Abia.*

miscerat. Externis bellis intestina seditio accessit, quam *Ieroboamus*, vir è tribu Ephraimitica, conflavit. Is, cum annos jam aliquot, suam regi industriam, solertiâque in præfectura fabrorum multum probasset, ad quæsturæ munus evectus, duarum tribuum, *Ephraimiticæ*, & *Manassæ* tributis colligendis præpositus est. Fortè quæstorij officij rationes sic ferebant, ut extra urbem Hierosolymam, non sine forense comitatu progressus, regio fisco navaret operam.

Cum obviam fit Ahias, vates Silunte oppido oriundus; hic amice salutatum Ieroboamum, seducit non nihil à via, scissioque in duodecim frusta pallio, quod indutus erat novo, jubet Ieroboamum denas inde partes fumere, DEO sic jubente; nam illa scissione portendi ruptionem imperij Salomonici, cuius successuro filio geminæ duntaxat Tribus essent pariturae, reliquæ decem ipsum pro rege agituræ; quando verò hujus poenæ, stirpi Davidicæ irrogatæ, causâ non esset alia, quàm Salomonis impietas; sanctius ipse coleret jura regni, à Numine delati, territusque exemplo, meminisset reverentius habere Leges divinas; Davidis potius insisteret vestigijs, & illius in se virtutes, cum corona transferret, si eam perpetuam sibi vellet & stabilem. Cæterum abstinere tamdiu regis titulo, quamdiu vita superesset Salomoni: id enim Davidis meritis à DEO tributum, nequid de successoris filij imperio diminueretur. Quantum lætitiæ attulit Ieroboamo ea Prophetæ vaticinatio, tantum doloris & indignationis commovit in Salomone, quare multiplici affectus tristitia, luctu, ægitudine, omnem prioris vitæ dulcedinem in nauseam esse versam sensit. Potissimum afflixit Ahia fatidica scissura pallij; quare tam Vatem, quàm Vatis auditorem persecutus, utrumque compulit, arreptam in Ægyptum fugam sibi consulere, & tantisper apud *Sesacum* Regem in tuto latere, donec fata Salomoni vitæ, Roboamo eius filio potissimas regni vires ademerunt. Salomon itaque delicijs jam acerbis immortuus inglorie, olim Palæstinæ gloria, post orbis fabula, an poenitentia tot eluerit labe, incertum; sunt, qui flammis infelicem addicunt sempiternis; sunt, qui scelus poenitentem, piorum in sedes evectum autumant; sunt denique, qui neutram vergentes in partem, sibi non *liquere* aiunt. Nos cum ijs sentimus, qui Salomonem, poenitudine commissorum expiatum, cælo donant; interim eius nobis periculo timentes, qui sub extremum navigationis felicissimæ cursum, ad blandos Sirenium scopulos impactus, adeo luctuosum naufragium fecit; postquam anno ætatis decimo nono clavum imperij assumpsit, quadraginta annis tenuit, anno demum sexagesimo cum vita reliquit, ad seculari, ut graves viri scribunt, ætatē perventurus, si vesanæ libidini moderari voluisset. Nam voluptas enervat corpus, & corpus animum;

*Salomonis  
inertia fa-  
lus.*

DOCTRINA.

DOCTRINA.

**N**emo repente fit malus. Salomon paullatim nimis regni curis distractus, à pietatis studiis remisit, DEI familiaritatem negotijs posthabuit, sensimque ad voluptates deflexit. Potissimæ tamen causæ ejus lapsus prosperitas, opulentia, deliciæ, libidines, uxorum furiosus amor, juxta illud Siracidis, Eccli. 19. *Vinum & mulieres apostatare faciunt sapientes.* Et clarè historia Regum lib. 3. c. 11. *Averterunt mulieres cor ejus. Cùmque jam esset senex,* (Saliani calculò, annum ætatis agebat quadragesimum nonum, mollitiæ ac delicijs senectutem accelerantibus) *depravatum est cor ejus per mulieres, ut sequeretur deos alienos.* Ad eam depravationem una præcessit amatarum, & idolo suo fanum impetravit; mox secutæ reliquæ, execrandis delubris vicinis Solymæ montes, præsertim Oliveti, impleverunt. Anno regni tertio duxit Pharaonis, Egyptij regis filiam, ut potentem sibi socerum conciliaret, (quod hodièque cum religionis injuriâ fieri amat) eam, quia flagrantissimè adamabat (ira furor brevis; amor longus est) videtur ruinæ suæ causam principem habuisse; quippe quæ (ex opinione nostri P. Gasparis Sanctij in cap. xi. lib. 3. Reg.) initio larvam religionis Judaicæ assumpserat; advertens autè, ad regis thalamum sine discrimine peregrinas feminas advocari; ipsa quoque patriam superstitione palam non modò professâ est, sed uxorium quoque virum in eandem induxit, eisque nefandas aras persuasit.

Quæ gravissimè Salomoni exprobrans Siracides Eccl. 47. *Inclinasti,* inquit, *femora tua mulieribus,* (libidini & voluntati mulierum te prostituisti) *potestatem habuisti in corpore tuo.* Instar mancipij te corporis tui, & feminarum cupiditatibus subjecisti, & ad illarum imperium, non pudorè solum, & religionem, sed etiam mentem penitus abjecisti. Hoc enim potest amor impurus, viriles ut animos dementet, deijciat, sternat. Sic Hercules parvit Omphalæ, amicæ suæ, eiusque flagella & minas, monstrorum domitor extimuit, de quo Deianira apud Ovid.

Mœnias inter calathum tenuisse puellas

Diceris; & dominæ pertinuisset minas.

„Vah probrum! vah tyrannidè! Quàm verum est illud: amare, & sapere, negatū est etiā sapienti. imò sapientissimo Salomoni. Pergit Siracides. *Dedisti maculam in gloria tua,* deturpasti & infamasti tantam tuam gloriâ sæda & indelebili macula ignominiosæ libidinis, & consequenter idololatriæ) *Et profanasti semen tuum* cùm illud comiscuisti cum mulieribus impijs; *deinde,* quia filios ex eis procreatos, malè educari permisisti; *tertiò,* quia idolomaniam in posteris per multa secula, ad usque losiæ tempora propagasti;

U u

quartè

Salomonis  
vesana li-  
bido.

Salomon  
idololatria.



quartò, quia filios tuos idolo *Moloch* immolasti & concremasti (id quod Pineda, Salius, & Cornelius censent) pro conjectura est, quòd ex mille Salomon uxoribus non nisi duas filias, & unicum genuisse filium legatur; videaturque ceteros malè natos perdidisse insana patris religio, & Molochius ignis.

*Libidinis  
pœna, pro-  
les improba*

Aut certè tanta libidinis vefania, haud digna fuit, quæ fructum ex matrimonio tam portentoso referret. Nam ille idem, quem unicum sustulit filium, *Roboamus*, à Sacro Codice *stultus* appellatur; qui mœror inter alios, meritò patrem infelicem afflictauit, de se, Ecclesiastæ. 2. cap. dicentem: *Rursus desectatus sum omnem industriam meam, quæ sub sole studiosissimè laboravi, habiturus heredem post me, quem ignoro, utrum sapiens an stultus futurus sit; & dominabitur in laboribus meis, quibus desudavi, & sollicitus fui; & est quidquam tam vanum.* Rectissimè verò. tanta patris dementia quem alium foetum, quàm stultitiæ, progigneret?

*Triplex Sa-  
lomonis fa-  
tuitas.*

Porro triplex in Salomone fatuitas fuit. *Prima* naturalis, à delicijs & voluptatibus contracta. Quid enim Salomon Templo & regiâ finitis, aliud habuit agere, nisi *esse, bibere, vacare voluptati*? *Alterâ* fatuitas, naturâ superior, pœna fuit deserti Numinis. lib. 3. Reg. c. 11. *Igitur iratus est Dominus Salomoni, quòd aversa esset mens eius à Domino DEO Israël, qui apparuerat ei secundò, & praeceperat de verbo hoc, ne sequeretur deos alienos, & non custodivit, quæ mandavit ei Dominus.* Ubi notatur ingrati & protervi animi crimen. Cum enim Salomon tam projectè à DEO recessisset, DEUS etiam, quod suum erat, repetijt, & donum sapientiæ liberalissimè concessum, justissimè ablatum revocavit, ut Rex amens & fatuus suâmet pessum daretur ingeniosâ insaniâ. Hinc cæpit stultescere, & quasi semisomnis, bardus, ac stolidus stupescere miserabili ignorance veri, mentisque inscitiâ. *Tertia* fatuitas diabolum habuit adiutorem, qui comodissima nactus instrumenta subruendi Salomonis, quot uxores, gentilitia superstitione imbutas, tot ei decipulas comparavit, quarum philtis miser dementatus: nec sui, nec DEI memor, libidinum mancipium evasit.

*Causæ mor-  
borum Salo-  
monis.*

Morborum quoque tres in Salomone causæ. *Prima*, Mœror animi & tristitia; *Spiritus enim tristis exicat ossa*, Prov. 17. Vidit enim, Ultiore DEO, in quod profundum devenerit. *Secunda*, Libidinis intemperantia, quæ vitæ annos sano & vegeto, medicamentorumque apprimè perito præscidit. *Tertia*, vindicta divina, quæ laneis incedit pedibus, & plerumque serò venit, sed tarditatem, supplicij gravitate compensat.

*Cur videat-  
ur Salomon  
aeternum  
perditus.*

Jam de Salomonis salute aliquid in medium adferamus. Qui eam conclamatam putant (ut Tertullianus Cyprianus, Augustinus, Chrysostomus, Beda, Lyranus, Abulensis, Bellarminus, Pererius

Pererius &c.) has ferè rationes adducunt. Quòd flenda eius legantur, non fletus; quòd idololatriam primus admiserit Hierosolymis, regnùmque totum infecerit: idola non tantùm non sustulerit, sed impias gentium superstitiones confirmàrit ac propagàrit. quòd amplissimas DEI promissiones & gravissimas cõminationes impiè contempserit, seque, posteròsque contumaci auso præcipitãrit. quòd cum sapientia, DEVS omnem pariter gratiam ei ademisse videatur. quòd amplissimis in hac vita faustitatibus cumulatus, censeatur *recepisse bona in vita sua*; scelera luiturus in futura. quòd amor ardens feminarum, longa consuetudine roboratus, aded eum occupãrit, ut, etiamsi vellet, pœnitere non posset.

Ex adverso salutẽ eius in tuto repositam arbitrantur S. Hieronymus, S. Greg. Thaumaturgus, S. Ambrosius, S. Thomas Aquinas, Rupertus, Pineda, Salianus, Barradius, Serarius, Sanchez, Delrio, Drexelius, aliq; qui asserunt, eum, post lapsum, scripssisse Ecclesiasten, in quo quasi pœnitens admissorum criminũ, exclamavit: *Vanitas vanitatum, & omnia vanitas*. Sed de hoc non satis constat, probant autẽ sententiam suam, primò. quòd DEUS 2. Reg. 7. promiserit Davidi, se Salomonem, si peccaret, correpturum *Virga virorum*, quã scilicet homines castigari solẽt. 2. quia Prov. 24. v. 23. Septuaginta addunt: *Novissimè ego quoque egi pœnitentiam, respexiq; , ut eligerem disciplinam*. 3. urgent illud DEI de Salomone promissum 2. Reg. 7. *Misericordiam autem meam non auferam ab eo, sicut abstuli à Saul, quem amavi à facie mea*. Præsertim quia Christi typus & figura extitit. 4. Acerrimi conscientie stimuli monebant identidẽ & fodicabant: Quassatus Reip. status, & adversariorũ molimina in oculis erant. Diversa commovebat mutatio gloriæ in ignominiam, sapientie in dementiam, opulentie in penuriam. Urgebant morbi corporis, nuntij mortis, imminens DEI iudicium, & formidabile tribunal. Monere non desinebant Sacerdotes & Prophetæ, præsertim Ahias & Sadoc, qui eum in regẽ unxerat. Proinde, quod verosimillimũ, omnes Regni ordines convocavit, & publicas offensiones ac noxas, publica detestatione damnavit: vitã inter voluptates malè cõsumptam deploravit, ostenditq; , quanta rerum omnium esset vanitas, quã fallax quereretur felicitas in opibus, palatiis, hortis, copiis familijs, delicijs exquisitissimis. Neque verò artibus, scientijs, sapientie, dignitatibus, famæ & gloriæ quidquam fidendũ: Hæc enim omnia, si desit timor DEI, esse vanissima. Itaque se idololatriæ omni, & malæ voluptati renuntiare, & unam DEI misericordiam implorare: & proinde qui se iuvisset delinquentem, iuvent etiã dolentem & ingemiscentẽ. Epilogus concionis erat, quod ipse memorat Eccles. 12. *DEVM time, & mãdata eius observa*:

*Cur videatur Salomõ salvatus.*

*hoc est enim omnis homo. ( in hoc sita est felicitas hominis ) Et cuncta, quæ sunt, adducet DEVS in iudicium pro omni errato, siue bonum, siue malum sis.*

*Timor ex  
ruina Sa-  
lomonis.*

Denique Salomonis inconstantia quem cautum non faciat, impellâtque ad assiduas impetrandæ perseverantiæ preces! Tot sapientes, tot sanctos viros cernimus in perniciem extremam lapsos; hinc nemini non metuenda fovea, quæ tot magna forbuît non cadavera, sed animorum funera. Origenes & Tertullianus ( ut alios taceam ) ô Superi, quales, in quale abierunt præcipitium! Salomon præclare orsus, flagitiosissimè finivit. Quis igitur cum Davide non oret: *Ne projicias me in tempore senectutis, cum defecerit virtus mea, ne derelinquas me.* psal. 70.

~~~~~

NARRATIO LXXV. ROBOAMVS STULTUS SALOMONIS

FILII S. 3. Reg. 12. & 14.

Annis Mundi 3060. 3063. 3064. 3076.

Ante Chr. 993. 990. 989. 977.



Defuncto Salomoni successit in Principatu Roboamus, anno ætatis quadagesimo (quem unum masculum è tanta feminarum colluvione suscepit) multorum genitoris scelerum heres, gentis stultitia, cujus argumentum luculentum ipso statim regni exordio dedit. Nam cum *teroboamus*, de quo supra mentio facta, ab exilio à proceribus revocatus, nomine populi, in Comitibus Sichem congregati (ubi Roboamo regnum communibus erat suffragiis stabiliendum) suppliciter peteret, onus tributorum, quod Salomon nimium quantum subditos presserat, relevari; plurimum, enim impensarum & operæ, cum in Templo & regia domo ædificanda, tum in instauratione multarum civitatum, & variis uxorum fanis exstruendis exhaustum esse; evacuari æraria Principum, cum subiecti enervantur; daret hoc suorum fidei amorique, & contracta immodica sumptuum profusione, non modò regem sese, sed patrem quoque meminisset. paratiores habiturum in omnia iusta popularium animos, si intelligerent, Principem non minùs populi comoda, quàm suum fastigiù spectare, Rex auditis populi postulatis,

Consilia Seniorum Roboamo data.

geminam

geminam laudem, humanitatis & prudentiæ, in eam diem tulit; triduo namque ad deliberandum sumptò, réque sapienter ad seniorum (quos ætas & experientia Salomoni quoque parenti commendârat) consilium delatâ, eorum sententiam exquirat. Qui cum suaderent, ut regni auspicia à clementia peteret: esse populum ad obsequia ducendum, non trahendum; haud ullum majus regnorum præsidium, quàm subjectorum benevolentiam & studium, sine quibus nulla potentia diu stare possit; violenta imperia neminem continere diu, moderata durare; regium dominatum liberæ voluntatis inventum esse, non timoris aut violentiæ partum: indignum se regno præstare, qui ut regnet, vi utatur: infirmum coronarum custodem, metum: nihil cogi minus posse, quàm fidem & amorem: facile subire odium & perfidiam, ubi semper metuuntur graviora; & Salomonis parentis dictum fuisse: eum, *qui vehementer emungit, elicere sanguinem.* Prov. 30. quem quisque oderit, etiam perditum cupere. Remitteret igitur aliquid de rigore, & posito tantisper fastu regio, ad captandam multitudinis gratiam se accommodaret.

Sententia haud dubiè tam necessaria præsentì rerum statui, quàm in futurum utilis, si locum apud arrogantem animum reperisset. Aspernatus igitur saniora suadentes, convocat in senatum juvenes, ut ætate, sic stolidâ ferociâ æquales; & expositò seniorum consiliò, quid ipsis videatur, proferre jubet. Illi, partim ut spiritus elatos magis inflarent, partim ut assentando, Principis sibi gratiam conciliarent, asserunt, indecoram esse majestati lenitatem, & metu defectionis ad popularitatem inflecti; nunquam sine periculo firmum stare capitis decus, si, qui timere debeant, timeantur. Multa vi & metu extorqueri, quæ mititate non queant; sæpe vi frangi, qui jure nequeat flecti. primam artem regnandi esse, odia contemnere, libertatis affectationem, & novi jugi impatientiam, imperijs frenandam; eadem fronte gestandam galeam, quâ diadema fulget; ut rex cogat, quem timet: populus timeat, quem non amat, reverentiam ex metu crescere, nunquam plures fieri cælo supplices, quàm cum tonat & fulminat. quid filium par sit facere, Salomonem sapientissimū exemplis docuisse. Ad potentiâ Principis pertinere, ærarium opibus instructum; nec attendendū, quomodo id augeatur, lubentibus, an invitis subditis, modò augeatur. Vercordi multitudini per exactiones & tributa detrahendum sanguinem, ut etiam volens, non possit furere. Quibus, aliisque in medium allatis, auctores fiunt Roboamo, respondendi ad populum: *Minimum ipsius digitum esse crassiores, quàm patris lumbi fuerint;* & si ab ipso duriter habitos se putarent, durius

etiam in posterum tractandos esse; si scuticis cæsi fuissent antea, nunc aculeatis scorpionum flagris conscissum iri.

*Decem tri-
bus à Ro-
boamo de-
sciscunt,*

Delectatus rex feroci juvenum oratione, postquam tertia die populus ad audiendum convénit, omnibus expectatione suspensis, & benignitatem à novo regni capite sibi promittentibus, omisso meliorum consilio, è sententia imperitorum respondet, & Ahiaë vatis præsagium implet; qui Salomoni discessionem imperij, sub ænigmate pallij, quod superius memoravimus, decem in partes scissi, prænuntiârat. Irritatus namq; superbò responsò populus, per indignationem, uno ore exclamant: nihil sibi futurum amplius cum Davidis progenie: haberet ipse Templum, quod pater extruxisset: se religioni, fortunisq; suis aliâ viâ consulturos. Sensit hic Roboamus, quantam securim injecisset in Domũ, & Imperium suum; ideòq; recenti vulneri medicinâ facturus, magis etiam exasperavit malum. Destinat ad placandos vulgi animos *Aduram*, seu *Adoniram*, quæstorem regium; quod erat oleum flammæ addere; seu potius unguem in ulcere figere. quippe qui ob acerbis exactiones aded cunctis erat invisus, ut solo eius conspectu concitati in furorem, ne auditum quidem, lapidibus obruerint. Quò factò, Roboamus ratus, id quod erat, se in famulo saxi impetum, veritúsque, ne conceptum semel odium in ipsius caput effunderetur, trepidè conscenso curru, quanta potuit festinatione, *Sichemò* (Urbs erat in Regni umbilico sita) Hierosolymam properans, comitijs finem non minore dedecore, quàm damno imposuit; duabus duntaxat tribubus, *Juda & Benjaminis*, eum sequentibus; reliquis decem non ab rege modò, sed à Sacris quoque patrijs, recedentibus. Imperium hi ad Ieroboamum detulerunt, virum multâ rerũ experientiâ clarum, & Ægyptio regi *Sesaco*, affinitate junctum.

*Roboamus
in Jerobo-
amum mo-
vens, jube-
tur à DEO
bellum omis-
tere.*

Disiunctis hunc in modum animis, virisque, quid nisi bellum expectaretur? Roboamus jam serò sapiens, lustratis duarum, quas dixi, tribuum urbibus, & omni significatione lenitatis ac indulgentiæ devinciens sibi, aut devinctas retinens popularium mentes, centum octoginta millia bellatorum contraxit, ad Sichemum, ubi Ieroboamus regiam sedem constituerat, expugnandum. Stimulabat militares fortissimarum tribuum animos, vindictæ ardor, & ignominia amissi regni, certàmque victoriæ spem faciebat cum bonitas causæ (nam contra rebelles res agenda) tum robur ingentis exercitus. Cum ecce, DEO visũ aliter; qui non modò collectas copias à pugnæ cupiditate avertit, sed etiam terrorem, & victoriæ desperationẽ per *Semeiam* vatem injectit, nomine sup̄remi Numinis Roboamo denuntiantẽ, ut revocato milite, vim hostilẽ à Ieroboamo abstineret. Morẽ Rex gerit

gerit promptum, in summa rei bene gerendæ opportunitate, & re, coronatis capitibus imprimis, ardua; de imperio enim decertabatur.

Solutus belli timore, ac curâ Jeroboamus, DEO pro gratijs reddit malefacta; duos ex auro conflat vitulos, populôq; colendos proponit, quod in sequenti narratione, pluribus exponemus. Interea Roboamus multus erat in civitatibus suis instaurandis, & contra belli impetum permuniendis. Ad quæ Hierosolymis degentem, ex omni Israëlitarum ditione confluerunt sacerdotes, ac Levitæ; & quotquot vel cura veræ religionis, vel offensio tyrannidis Ieroboami (etiam invitos ad idolorum cultum adigentis) tangebant, se cum sedibus suis, ad avitam pietatem, referebant, auctis inde non mediocriter regni Roboamici viribus.

*Augetur-
gnus Roboa-
mi.*

Sed non ultra triennium tenuit ea Regis prosperitas; nam, eò temporis circumactò, primum ipse quoque Roboamus, genitoris institutò, densat sibi cubilia: ductisque primæ dignitatis uxoribus decem & octo; concubinis autem sexaginta: filios viginti gignit & octo, filias sexaginta. Simulque has inter voluptates, desertò verò Numine, sistos ad DEOS, insanus desciscit. Nec eò contentus, Judæos etiam, & Benjaminitas in scelus pertrahit; impieque, quod vitæ reliquum erat, transcurrens, regni decem ac septem peractis annis, ad plures, suisque similes abit. Causa ei defectio- nis à DEO, mulieres, quemadmodum Salomoni, fuerunt, *Naama* præcipuè mater, ex *Amanitis* oriunda, & *Maacha*, uxorum ut charissima, ita in nefas omne pellacissima; qua annitente, luci certatim super omnes colles plantari, aræ, statuæque dedicari, & inter alia idola, etiam spurcissimo *Priapo* sacrificari; ipsâ reginâ, prò pudor! inter effeminatorum greges, sacrilegæ obscænitatis sese du- cem, & nefandi sacerdotij antistitam profutentem.

*Roboamus
à Religione
desciscit,
pariterque
populus.*

Verùm DEUS hanc contumeliam, per *Sefacum*, Ægyptiorum *Sefacus* in Regem, (quem *Sesostrem* Herodotus nominat) ulcisci non distulit. Hic surgit in quintò Roboami annò, partim iussu Numinis; partim invitatu Ieroboami (sive ut attritis Roboami viribus, securius ipse regnaret, sive ut regnum Judæ, conjunctis armis sibi subijceret) cum mille ducentis curribus, & sexaginta millibus equitum, longèq; copiosiore peditatu sese Palestinæ infundit, flammis omnia & cædibus vastat; expugnatisque Judæ civitatibus munitissimis, ipsam Hierosolymam obsidione cingit. Non est ausus Roboamus hosti, signis infestis occurrere; malè quippe conscium deserti Numinis pectus, fortitudinem omnem excusserat, neque plus firmitatis in populo fuit, DEO, perduellibus antiquum, robur adimente. Igitur metus extorquet, quod pietas non poterat; animi, consiliique inopes sese circumspicere, ad DEI, à quo

Roboamum.

*Hierosolyma
à Sefaco
capta, spo-
liata.*

à quo indignissimè defecerant, opè recurrere, cœlum votis precibûsque pulsare. Terrorem auxit Propheta *Sameias*, qui trepidantibus superveniens, minas minis addidit: & ultima quæque teterrimis Religionis desertoribus denuntiavit. Hic illi magis etiam consternari, sêque confitentes reos, in pœnas comēritas offerre. O miram Numinis clementiam! audiuntur supplicationes ingratisimorū mortalium; & quia in magna sceleratissimæ gentis colluvie, non deerant innocentes animæ, DEUS harum, supplicijs placatus, non passus est nocentes extrema clade involvi. Deditur urbs hostibus, ea tamen conditione, ut cædibus, incendijs, rapinis, DEI præsertim Templo parceretur. Verum Sefacus pactis non stetit, sed deprædatus Templū, thesauros cūm DEO sacros, tū regio expilavit; exportatā auri argentique magnā vi, ablatīs nominatim clypeis, quos Salomon ex auro procudi curaverat; pro quibus Roboamus æneos substituit, Templum adeunti, à scutigeris præferendos. Ad eam jacturam ingens civium planctus exitit. felices lacrimæ, gemitûsque; si ex caducarum rerum detrimento, fidei ac pietatis damnum æstimare didicissent. Nam vel non seriū, vel haud firmum, stābilēque fuisse pœnitentium dolorem, ex eo palām fit, quod Roboamus, instinctu matris impiæ, mox ad Sacra detestanda redierit, tantō majore sacrilegio, quantō graviore Benignitatis divinæ contemptu. Decessit è vivis, exactā octo & quinquaginta annorum periodō, sceleribus suis inortuus. Perditiōnis ei causæ præcipuæ, quod diximus, Naama parens, quæ pueritiā eius corruptit; & Maacha conjux, quæ juventutē depravavit; cujus amoribus etiam hoc dedit, ut *Abiam*, ex ea susceptum, regno destinaret, reliquīs filiis, tamen nati majoribus, prætermisiss.

DOCTRINA.

*Qualis pa-
ter, talis fi-
lius.*

*Vitia Salo-
monis imi-
tatus est Ro-
boamus.*

IN adagijs fertur: è squilla non nascitur rosa; nec mala ex arbore boni leguntur fructus: nec turbido de fonte limpida hauritur aqua. Roboami stoliditas à parente Salomone cum sanguine fluxit. De utroque Siracides, Eccli. 47. *Et finem habuit Salomon cum patribus suis, & dereliquit post se de semine suo, GENTIS STULTITIAM, & imminutum à prudentia* (inopeim mentis) *Roboam, qui avertit gentem consilio suo* (causam populo præbuit defectionis, tam à cultu DEI, quā regno Davidis) Ubi nota: *Dereliquit post se.* Nā haud obscure stultitia filij, patri imputatur, malis exemplis præeunt. *Primò*: Salomon mille feminarū thalamis regiam implevit; Roboamus modestius lascivire se ratus, septuaginta octo tori focias habuit, ex quibus octoginta octo liberos genuit. 2. Salomon regium splendorē in equis, curribus, stipatoribus, fabricis, familia

familia & lautitia palatina, ceterisque rebus ostendit; eam magnificentiam & pompam, an prodigalitatem, Roboamus quoque imitari voluit. 3. Salomon suis cupiditatibus de pauperum sudore & sanguine litavit; inde facies Imperij detrita, squalor invisus & suppressi gemitus vel timore regnantis, vel spe regnaturi. Roboamus etiam crudelior parente, quod reliquum erat sanguinis, effudit; inde rebellio populi, & scissura regni. 4. Salomon mulierum amore depravatus, idola coluit; haud melior filius, prius feminis, postea execrandis feminarum simulacris, se mancipavit, secumque populum in sacrilegam impietatem traxit. Neque peccavit solum (quod etiam aliorum fuit) sed peccatis non indoluit, quod obstinatissimae malitiae fuit. Id colligitur ex 2. Paral. c. 12. *Fecit malum, & non paravit cor suum, ut quæreretur Dominum.* Quae verba Scriptores ad aeternum ejus interitum referunt. Terreant haec parentes, filiosque; illos, ut attendant, quae vestigia ex se natis relinquunt; istos, ut cautè sequantur praecedentes.

Quanta regni perniciēs sit Princeps, sapientiae expertus, *Stolidus* Roboamus docet, cujus imbellis stultitia dissipavit, quod David Princeps, vidis avi prudentia & fortitudo collegit. Salomonis dictum, *sibi, & suis* est. Proverb. 14. *In multitudine populi, dignitas regis: & in paucitate plebis, ignominia Principis.* E duodecim gentis Hebraeorum tribubus, duae in officio perstiterunt; ceteris avulsis. Equidem cum populus multiplicatur, opes crescunt, & census regis, & potentia; cum deficit populus, decrescunt illa pariter. Roboamus tyrannum magis, quam regem egit; cum supplicibus minatus, *Pater*, inquit, *meus cecidit vos flagellis, ego autem cadam vos Scorpionibus.* 3. Reg. 12. Tributorum onera, sunt animorum vulnera; ferit odia, quilibet subditorum fortunas metit. Benignitas, clementia, affabilitas sunt voluntatum illicia. Male imperat, qui libidinem suam ad potestatis terminos extendit. Ut feliciter regnes, primo tuos, tum tuorum affectus occupa; illuc se inclinant, ubi humanius tractantur. Nimius majestatis splendor plerumque ignes accendit, Bono Publico fatales; praesertim si crudelitas accedat, quae non tollit hostes, sed facit. Et Principum violentiae pertinaciter obfistunt, quibus nunquam non saeviora timenda. Inter alios documento sunt, (Caligula, qui, cum in quoslibet saevitia, libidine, rapinis, extorsionibus, caedibus grassaretur, monitus ab Antonia, avia, ut modestius ageret, respondit: Memento, omnia mihi, & in omnes licere; oderint, dum metuant. Inferus, turbae sibi adversanti, exclamavit: Utinam populus Romanus, unam cervicem haberet! ut scilicet unico eum ictu amputaret. Cassio Cherea tribuno, & familiari suo arridens, causam rogatus, dixit: Rideo; inquit, quia caput tuum in manu mea est, ut illud ad libitum tibi tollam. quare ab eodem praeventus, gladio percussus,

*Crudelitas
in Principe
quam detestabilis.*

percutus, trucidatus est. Et Nero senatores proscribens, spolians, occidens, ab ipsa hostis patriæ judicatus, fugiens persequentium manus, ipse sibi ferro pectus hausit. Aliter Tiberius Cæsar, qui Æmiliū Reetum, Ægypti præfectum, reprehendit, quod nimis tributis populum oneraret: *Tondeto*, ait, *pecus, non deglubito*. Alexander M. cuidā suggerenti, ut majora populo tributa imponeret: Odi, respondit, Olitorem, qui radicitus excindit olera. Sapienter Salomon in Proverb. c. 16. *In bilaritate vultus regis, vita, et clementia ejus, quasi imber serotinus*. Serena regis facies aliàs auroræ, aliàs vernæ pluvie comparatur; Illa noctis tenebras dispellit, solem, reducit, lætitiā rebus omnibus aspergit; hæc terram recreat, & fructibus ditat. Utrumque efficit benevolentia regnantis. Audi *Senecam*, 1. lib. *de Clem.* Utrum, inquit, mundi status, gratior oculis, pulchriorque sit, sereno & puro die; an cum fragoribus crebris omnia quatiuntur, & ignes hinc atque illinc micant? Atqui non alia facies est clementis ac moderati imperij, quàm sereni cæli atque nitentis. Crudele regnum, turbidum, tenebrisque obscurum est inter tremantes, & ad repentinum solutum expavescentes, nec eò quidem, qui omnia conturbat, inconvulsus. Et *S. Hieronymus* ait: Cito indignatur libertas, si opprimitur. Nemo plus impetrat à libero, quàm qui servire non cogitur. Qui scorpionibus cedit, & lumbis patris habere se putat digitos crassiores, cito regnum mansueti Davidis dissipat.

Qui (Roboam) dereliquit consilium senum, quod dederant ei, et adhibuit adolescenter, qui nutriu fuerant cum eo, et assishebant ei. 3. Reg. 12. Bella consultatio, ubi cæcus cæcum ducit. Monet *Siracides Eccli.*

*Summa
stultitia
Principis, et
eis placent.
Reip. clades,
sperne-
re Consilia
seniorum.*

8. *Cum fatuis consilium non habeas, non enim poterunt diligere, nisi que-
Bella consultatio, ubi cæcus cæcum ducit. Monet Siracides Eccli.* 8. *Cum fatuis consilium non habeas, non enim poterunt diligere, nisi que-*
Principis, et eis placent. Ferox juvenus, quid aliud, quàm ferociam & comi-
Reip. clades, sperne- nationes spiraret? Et fatuis quænam alia, quàm periculosa
re Consilia & damnosa placerent? *Cicero in Catone Majore, ait, Maximæ Res-*
seniorum. publicæ per adolescentulos labefactæ, à senibus sustentatæ, &
restitutæ sunt. Cum enim ad gubernacula Reip. temerarij
atque audaces homines accedunt, maxima ac miserrima nau-
fragia sunt. Iuxta *Hesiodum*, bella sunt juvenum, opera virorū,
consilia senum. Et *Orosius lib. 7. de Regis institut.* Imprimis neces-
se est, ut regis consiliarij sint maximo ingenio præditi, bonis arti-
bus exculti, longo rerum usuperiti, in historijs diligentissimè ver-
sati: neque præsentia tantum sagaciter odorantes, sed longè in
posterum, quod utile futurum Reip. sit, conjecturâ providentes.
Cræsus Lydorum Rex nimia felicitate ebrius, Solonis senis
sapientissimi monita, magnò suò malò neglexit, & juvenibus ipsi-
us potentiæ adulantibus aures dedit. Ita luit Xerxes repudiata
consilia patrui sui senis Artabani, deceptus Mardonij juvenili as-
sentatione

sentatione. Dionysius quoque Siciliae tyrannus à sceptro ad ferulam devolutus non fuisset, si Platonem audisset: Et Nero, si prudentissimi Senecae consilii paruisset, in tot flagitia & dedecora, & denique extremum exitium non incurrisset. Sapienter, *Cornel. Tacitus*: Adulatio perpetuum malum principum, quorum opes saepius assentatio, quam hostis evertit. Id quod Roboamo contigit,

Et quia Tullius naufragiorum Reip. supra meminit, confirmabo id sacro paræmiographo, qui Prov. 1. dat hoc monitum regibus. *Audiens sapiens, sapiensior erit, & intelligens gubernacula possidebit*. Quisquis artem gubernandi Remp. condiscere cupit, navarchum peritum imitetur, ut clavum teneat rectum per Iustitiam & Remp. ad pacem & prosperitatem tanquam navim ad portum dirigat. Ut optimos quærat nautas, hoc est, eos in consilium asciscat, quos probitas & prudentia commendat. Ut novarit vela ventis, consilium, modumque regendi occasione & tempori accommodare. Ut peritiam artis, maximè in tempestate (in tumultu populi) ostendat. Ut vectorum magis, quam sua commoda, id est, Bonum Comune spectet. Ut meminerit illius veteris: *Sapientiâ nauclerus navem torquet, non valentiâ*. Si diu imperare quæris, leniter impera. Non regit navim magister vi mera, sed leni manu. Qui vult amari, languida regnet manu; quæ nisi observentur, quid restat, nisi navis fluctibus & ventis quassata, aut scopulis allisæ, interitus? Concludat hæc omnia *Sallustius*: Omnia, *inquit*, regna, civitates, nationes, usque eò prosperum imperium habuerunt, dum apud eos vera consilia valuerunt. Ubique autem gratia, timor, voluptas ea corrumpere; post paullo imminutæ opes, deinde ademptum imperium, postremo servitus imposita est.

Reitor Reip. imitetur rectorem navis.

NARRATIO LXXVI.

IEROBOAMVS,
PRIMVS ISRAELITARVM,

(HOC EST X. TRIBUUM, à JUDÆ ET BENJAMINIS, SEGREGATARVM,) REX, PSEUDOPOLITICVS ET IDOLOLATRA. 3. Reg. 12. 13. 14.

Ab anno M. 3060. ad 3081. Ante Ch. ab anno 993. ad 972.

HActenus Israëlitarum nomine, totam Hebræorum gentem complexi sumus; nunc facta scissione regni decem Tribus, quæ Jeroboamum regem delegerunt, hanc sibi appellationem propriam vindicarunt; duabus reliquis tribubus, Roboamum, ejusque successores sequentibus, Judæ & Judæorum nuncupatione relicta.

*Ieroboami
ingenium
vaftrum.*

Inter alias Salomonis labe, mens incauta fuit in alliciendis sibi familiaribus, & hominibus discernendis. Adamavit Ieroboamum, juvenem (Ephraimitam, patre *Nabatbe*, viro inter suos nobili, & matre *Sarira*, longè imparis conditionis, genitum) præclaris naturæ dotibus instructum, industrium, & nunquam cessantem; cui se, cui fiscum commisit. Is continua familiaritate, arcana regis expiscatus, animi jam lapsi imbecillitatem, & socordiamprehendit. Filium quoque ejus Roboamum animadvertit delicijs à puero inierum, imparem regnis fore. Cœpit igitur agitare consilia regnandi, quæ Salomonis reverentiâ, pressa, postquâ naturæ concessit, in successorem erupere. Nimirû ambitio, nec populo parcit, nec principi; odissq; beneficia incipit, cum jam crescere non possunt. Ieroboamus quæsturæ præfectus, dum rem Principis suis strenuè auget, suam pariter fortunam non neglexit, eoque paulatim ascendit, ut divinis etiam suffragijs (uti narravimus) dignus imperiò haberetur; felix utique futurus, si, à quo regnum acceperat, ei se cultum debere meminisset. Sed arrogantia primò hominem in impietatem, postea in ruinâ impulit. Ingenium ei multiplex, tortuosum, & mirè vaftrum in versandis hominû animis. Erarium regiû curabat, ut crederetur id unum spectare, quomodo Principem locupletaret; rursus tributa sic exigebat, ut videretur subditorû potiùs fortunas, quàm regis, in consilio habere. Certè secessionis populi à Roboamo, causa non minima fuisse videtur, in turbido, ut aiunt, feliciter piscaturus. Cur enim, si tam acceptus erat populo, eam gratiâ non convertit in emolumentum Principis, & exulceratos animos leniore superbi responsi interpretatione non demulsi? cur in seditionis flagrantia callidè se subduxit, ex abdito speculaturus incendium? cur *Adura*, quæstori regio, jam mitiora ferenti, audientiam non fecit; nisi quia per alterius casum, ipse sibi gradus ad solium sternebat?

*Ieroboami
nequisia in
advertendis
Israhelitis ab
adiu Tem-
pli Solymai.*

Sed hæc per cuniculos agebantur paulò occultiores; donec animus ambitione distentus, in apertius, majusque nefas, non diu post prorupit. Cum enim, discutiente DEO, belli molem à Roboamo iminentem, obsidionis (de qua supra) metu liberatus fuisset, pro eo, ut grates Servatori solveret, injuriam summam reposuit. Adverterat frequentes suorum peregrinationes Ierosolymâ esse, Templi non minùs majestate, quàm religione cultores alliciente; timebátque, ne per specimen pietatis capti popularium animi, paulatim ad Roboamum inclinarent, à quo nuper præcipiti impetu desciverant; præsertim cum Sacerdotum plerorumq; & Levitarum exemplum in oculis esset; nec immeritò facilior ad Domum Davidis reditus speraretur, quidquid adhuc turbatû esset, Iudaici regis lenitate, promissisq; haud egrè componi posse; Israhelitarû mentibus altius insculpta manere Numinis de sceptro

Davidico

JEROBOAMVS ISRAELITARVM REX. 345

Davidico oracula : nec deesse auctoritatem virorum principum , domi militiaeque praestantium , per quos in veterem subjectionē reconciliarentur desertores regni Iudaici ; mutabilem vulgi genium , levibus momentis ad eas reflecti partes , quas paullo ante fastidierat ; maximè si religionis reverentiā percellatur ; ideoque nisi regno everti vellet , religionem potius avitā , rebus suis obstantem , esse evertendā . Instabant fortè Paschalia , quo tempore pro more gentis , maximi Solymā concursus fiebant ; quos ut impediret , ad artes suas vulpes confūgit , & speciosis plebem , quā rationibus , quā edictis circumvenit : esse protectionem illam , quam illi crederent religionis causā susceptā , bono publico , privatoque detrimentosam ; quod non citra magnum discrimen in urbem hostilem institueretur : ubi deserti Principis , rei , multorum se odijs , & tandem exitio involverent : ipsamque viā longitudinem , ut cetera omnia tuta essent , sine rei domesticæ dispendio obiri non posse ; se verò , quando Solymæi Templi tantò desiderio teneretur , effecturum , ut pro uno geminum excitaretur , in quo Sacris operari ; suāque possent vota perolvere ; neque enim DEUM loci unius angustijs circumscribi ; perinde esse , ubi ubi coleretur , modò cultores bonam mentem adferrent .

Ita coloraverat astum , ut , quantum vafricitie lateret , ne sagaciores quidem deprehenderent . Ergo jam fidentior , ut regnum suum confirmaret , Majorum religionem funditus extirpandam duxit . Incredibili celeritate duo delubra educit in principuis urbibus , regni sui limitaneis , alteri *Dani* nomen , ad Aquilonem sitæ : alteri *Betheli* Austrum spectantis , utraque colli inædificata , & profanis in excelsu lucis adstruendis opportuna . In eis duorum ex auro vitulorum simulacra collocat , qualia in Ægypto (ubi bienniō exulaverat) sub nomine *Apis* & *Scrapiidis* coli viderat ; populūque persuadet , hæc illa esse Numina , quæ Majores ipsorum quondam servitute Ægyptiaca liberarant , & publico cultu , *Aarone* auspice , affecta fuerant ; eam venerationem ad posterōs quoque permanaturam fuisse , nisi Moses injecto suppliciorum metu , & nescio qua prodigiorum ostentatione , obstitisset . Incredibile dictu , quanta gentis Hebrææ protervia , toties meliora doctæ , toties deteriora securæ . Callidis verbis persuasa , recedit à DEO suo , tot nominibus de se bene merito : in sententiā impij regis concedit ; ne ijs quidem exceptis , qui cū vanitatem , nefandæ substitutionis satis perspicerent , pluris tamen Principis improbi benevolentiam , & præsentia commoda , quàm Numinis Optimi Maximi leges , minas , futuras poenas faciebant . Ieroboamus , ne perfidis , ullum ad DEI , Davidique imperium , postliminium pateat , Dux ipse & Auctor impurissimorum

*Ieroboamus
idolis delu-
bra erigit.*

*Iſraëliſarū,
autore Iero-
boamo, in
idololatriā
prolapſo.*

Sacrorum, aſſumptā Pontificis perſonā, Sacerdotes pro ſuo arbitratu conſtituit, non ex tribu Levitica, quæ noluit huic impietati ſervire, ſed de ſæce populi; ut, quales erant aræ, tales eſſent miniſtri; id ſpectante hominis vaſerrimi nequitia, ut communicatō cum plebe ſacerdotio, fruſtuoſo comprimis atque honorato, animos omnium ſibi, ſuiſque ſacrilegijs obligatos teneret. Itaque regis ad exemplum, glifcente in dies ſuperſtitione impiorum (gratiam Ieroboami captantium) paſſim luci, & nemora altiorum montium, vitulorum ſimulacris conſecrari cœpta.

*Ieroboamus
fruftra mi-
nis eſt pro-
digys à ne-
faria ſuper-
ſtitione ab-
ſterretur.*

Jāmq̃ue novus Sacerdos, & Sacrorū antiſtes ſacrificale miniſterium adierat, & *Vitulo*, in urbe Bethēle, erecto, adolere thura, & libamenta diffundere parārat; cūm repentē intonat fulmen, *Addo* Prophetā, Hieroſolymis à DEO ſubmiſſus; iſ interminatur, naſciturū ē ſanguine Davidico ultorem (*Ieſam*) qui Sacerdotes impios, eadem in ara gladio hoſtias immolaturus, & pro thure, impoſtorum oſſa ſit incenſurus. id quod trecentis quinquaginta poſt annis, factum. Atq; ut nequis de vaticinijs veritate dubitaret, duo quamprimū ſigna in eius confirmationem ſunt edita; nam & altare, in quo ſacrilegium perpetratum, in medio ſciſſum, execrabiles victimarum cineres effudit; & regis manus adverſus Vatem extenta, ſubitō dirigit, exanimæ ſimilis. Intremuit tum quidem, præſenti animadverſione caſtigatus Ieroboamus, & præcibus Prophetæ, priſtinum brachij vigorem recepit, in obſtinata nihil oſecius malitia induratus (ſunt enim, quibus cūm benefeceris, pejores fiunt) quia perversē ſibi perſuadebat, ſecuram regni poſſeſſionem eſſe non poſſe, quamdiu populus veteri religione, & Templi Jerolſolymitani reverentiā tangeretur; unde factum eſt, ut nefaria ſuperſtitione perdidit, quod pietatis conſtantiā conſervaturus fuiſſet.

Ne tamen adverſus beneficium manūs reſtitutæ, ingratus videretur, Addonem per amicitiaſ ſpeciem ad menſam regiam invitat; muneribus etiam oblatiſ, inſidioſa liberalitate, quæ ille fortiter repudiāns, negabat ea in urbe, quidquam cibi potuſq; ſibi, per interdictum divinum, ſumere licere; vetitum inſuper, ne per viam, quā venerat, quippe idolorum cultu pollutam, revertatur. Ut dixit, ita fecit. Cæterū *Bethēle* habitabat quidam ex ijs, quibus ſua DEUS arcana revelat, & apud omnes Prophetā audiebat; vir ætate grandis, & inter improbos, probus. Cui cūm narrāſſent filij prodigia, quæ *Addo* patrārat, deſideriō viri familiariūs cognoscendi, ejusque refocillandi, abeuntem perſequitur, ē viā revocaturus in urbem. Fortē affecutus eſt interque ſcētē ſub arbore, quam ſacer hiſtoricus terebinthū nominat. ibi ſiſtō oraculō, perſuadet homini, ut mutatā Dei ſententiā, ipſe quoq; mutaret

JEROBOAMUS ISRAELITARVM REX. 347

mutaret mentem, & relecto Bethalem itinere, hospitio suo uteretur. Quid multis? officioso mendacio seductus *Addo*, condicit ad prandium. Discumbentibus, & familiari sermone se oblectantibus, receptor fatidico subito afflatur spiritu, accusat hospitem divini mandati violati, poenaeque modum denuntiât, iacturam paterni sepulcri. Nec fefellit vaticinatio. Nam *Addoni* redeunti Ierosolymam, leo factus obviam, detractum de jumento necavit, nihil læsô a sinô, cui infederat; nec interempti cadavere; cujus etiam custodem egit; donec Bethelensis Vates, re intellectâ, curavit exanime corpus in urbē referri, honorificèq; terræ mandari. In idem ipse conditorium, ex testamentarijs tabulis, postea illatus, confuso ossium discrimine, ultricem Iosifæ manum, propter communem sepulturam evitavit.

Addo Pro-
puncta prop-
ter inobedi-
entiam a
leone occi-
ditur.

Ieroboamus tam miris Vindictæ divinæ modis admonitus, nihilo factus melior, denique dignas obstinaciâ suâ poenas dedit. Initium factum à filio, cui *Abia* nomen; quô ad mortem decumbente, mater jussu mariti, immutato cultu, sumptoque privato habitu; & muneribus agrestibus (ne fortè grata potius, quàm vera nuntiaret Vates reginæ agnitæ; aut invisam, inauditamq; ob improbitatem conjugis sui reiiceret; aut ne populus intelligeret, à Ieroboamo suis divinatoribus diffidente, consuli alienû) ad Prophetam *Abiam*, *Siluntem* in oppidum proficiscitur, percontatura à viro, in prædicendis futuris mirifico (nam & regnum Ieroboamo prænuntiârat) essetne filius, præsentis morbi periculum evasurus. Sed frustra fuit ea simulatio; Vates enim è cœlo de adventu feminæ præmonitus, pro foribus stantem compellat, & interrogacione anteverâ, acerrimam in eius faciem objurgacionem effundit. imprimis exprobrat divini magnitudinem, beneficij, quod Ieroboamus, DEI gratiâ Israëlitarum Rex, in summam Benefactoris injuriam converterat, omnibus, qui ante eum fuerant, scelerum enormitate superatis; idcirco totam eius familiam radicitus exscindendam, omnésque à primo ad ultimum, eô unô exceptô, qui tunc lethali ægritudine tenebatur, præter ignominiam mortis, etiam honore sepulcri carituros, cadaveribus, in prædam canibus & alitibus, projectis. populum quoque, ut regis impietatis, ita cladis participem, post intestinas seditiones, & varias belli agitationes, denique captivum in Assyriam abducendum. Tam horrifico vaticinio territa mulier, nihil habuit, quod responderet, quam ne à principio quidem permiffa est quidquam effari; quare tacita recessit, domumque reversa, dum limen ipsa ingreditur, puer è vita discedit, publico populi luctu destitutus. At pervicax Ieroboami ingenium, neque tot terroribus

Pena Iero-
boamo à
DEO irro-
gata.

domitum

domitum, ad fata extrema properabat. *Abias* (Roboami filius) à DEO constitutus Vindex, in regnum Ieroboami (contrà, quàm narrat Iosephus) cum quadringentis pugnatorum millibus irrumpit; cui cum exercitu duplò majore (ostingenta erant bellatorum millia) in occursum venit Ieroboamus, haud dubiè multitudinem hominum circumventurus hostem, nisi cæleste auxilium formidabiles vires retudisset, Abiæque victoriàm contulisset; tantà strage edità, quanta in nullis vel Græcorum, vel barbarorum historijs, Iosepho teste, legitur. Cæsis enim quingentis millibus, tres munitissimæ urbes captæ, direptæque, DEO victoris gladiù, ne ultra grassaretur, inhibente; & quartò pòst annò Ieroboamum, per immisum dà monem aliquem, aut pèrussorem Angelum, è viventibus exturbante. Ita periit, qui, ne periret, sanctissimam Religionem perditum ivit; memorandò ad mortales exemplò, morà hac sacrà anchorà, regna regèsq; non fluctuare modò, sed frangi, mergique.

DOCTRINA.

*Ieroboamus
pseudopoli-
tica docu-
mentum.*

Dixitque Ieroboam in corde suo: Nunc revertetur regnum ad domum David, si ascenderit populus iste, ut faciat Sacrificia in Domo Domini in Ierusalem &c. 3. Reg. 12. Documentum Pseudopoliticæ lulentum est, Ieroboamus, unde in præcipitum idololatriæ, vel etiam atheismi lapsus, vestigia impressit, multorum hodie quoque, casibus infamia. Consilium politicà, ut rebatur, prudentià subnixum, in hunc modum adornavit. Cura prima, (secum cogitabat) est *Statûs* conservatio, vel etiam ampliatio; altera, *Religio*, magnum Statûs fulcimentum. Novus Princeps non tam attendere debet, quæ sit Religio verior, quàm quæ ad stabilendam potentiam aptior. Iam pro Roboamo contra Ieroboamum faciunt multa. *Primò*, hereditaria Davidici imperij successio; *deinde* innata populis in regias familias affectio; *tertiò*, amor Religionis avitæ, à qua difficillimè avelluntur. Templum præterea Solympæum causa est, frequentis meorum Subditorû cum Roboamicis commercij; ter enim quotannis ad agendas festorum celebritates dierum confluent Hierosolymam; verendum est, ut affectibus in Roboamum proptereius Sacra, paulatim translatis, ego meo diademate pericliter. Quid agam? abstrahendi sunt animi ab itinere Ierosolymitano. quomodo? aliæ aræ, aliique Sacrorum cultus instituendi: superstitiones qualesquales inducendæ. At hoc gravissimis DEI legibus est vetitum. Necessitas urget; ego met mihi propior sum, quàm civis alteri; etià DEO. Regnandum est, cuiuscunque demum ingratijs. At Regnum qui contulit, idem conservare poterit. An voluerit? sua cuiq; industria, sua prudentia DEUS est. Novi fundamentum regis, novæ sectæ superstruen-

JEROBOAMUS ISRAELITARVM REX. 349

superstruendum; nulla re magis capiuntur animi, quàm superstitione. Scio, quid faciam. In extremis regni mei finibus altaria constituam, & delubra, ut vota sua deponant, quos obire peregrinationes juvat, & quidem Hierosolymâ remotissimas. Quænam Numina adorabimus? Roboamicis contraria, ut nulla sperâda sit, animorum religione disjunctorum, reconciliatio. In plurimis, quæ placent? quæ jam quondam placuerunt: Genio, Veneriq; faventia; epulis & choreis amica. Ita sensim cum severis suis legibus & ceremonijs, in oblivionem abibit, non Moses tantum, sed David quoque, & qui ex eo sanguinem ducunt, cùmque illis Deus, quem colunt. Novum Ieroboami solum novis Dijs firmandum; si tamen novi sunt, quos Majores quoque nostri, ex Ægypto profecti adorârunt; Vitulorum, inquam, simulacris aras & fana dicabo. Exemplis ipse præibo, & cum regia, Sacerdotis & Pontificis personam jungam. Hæc & plura similia secum ratiocinata est pseudopolitica sapientia. Quo exitu? Scriptura testatur lib. 3. Chron. Reg: c. 13. *Et propter hanc causam peccavit domus Ieroboam, &versa est, & deleta de superficie terra.* Hoc habet *Prudentia Carnis*, ut eam Apostolus Rom. 8. appellat. Quânto satius ad regni perpetuitatem fuisset, DEI pollicitis constantem adhibere fidem. Quid enim? itâ flet populus Ierosolymam, votis & sacrificijs DEUM Patrum suorum adorâflet. minimè tamen Ierobami corona in discrimen ventura fuisset. DEUS enim, *in cujus manu sunt corda, non Regum modo*, sed populorum, Ieroboami subditis (id quod expresse promiserat) cum timore sui, etiam reverentiam regis, & obsequendi voluntatem immisisset, nec deerant mille modi id præstandi. Verum malefuada Politica, dum Idolo suo, quod RATIONEM STATUS vocant, religionem subternit, sese exitio, quod maxime fugit, maxime induit; & illò quidem sempiterno.

Hac Pseudopoliticâ sectâ Nicolaus Machiavellus, scriba Florentinus, imbutus, *Rationem*, quam diximus, *Status*, Reipubl. salute, imperij stabilitate, divitijs, splendore, viribus, alijsque extrinsecus petitis bonis circumscripsit; neglexit autem, vel exclusit, aut certè non necessario requisivit bona in veris virtutibus sita, tanquam à Politicis rationibus, & arte imperandi, aliena; quâ ratione fit, ut UTILE divellatur ab HONESTO; quâ nulla perniciet, major hominum vitæ potest afferi. *Tullio teste lib. 2. de offic.* De hominis illius Politica, ita scribit Ribadeneira, *de Instit. Principis Christiani*. „ Illud enim tanquam initium & fundamentum ponit (Machiavellus) propositum & scopum, in quem princeps collimet, & cetera omnia referat, Status & Imperij conservationem esse: „ eam proinde in rem adjumenta omnia, siue ea honesta sint, siue inhonesta, iusta æquè ac iniusta, dum tamen utilia, nullo dele-

Machiavelli
nequitia,

„ Etu aut discrimine, adhibere posse. Numerat autem inter ea
 „ subsidia Christianam religionem, cui eatenus solum habendam
 „ Principi rationem docet, quoad statui suo expedire iudicaverit.
 „ Quare fronte & vultu ad speciem præ se ferre nonnunquã de-
 „ bere pietatem, tamen si ab illa prorsus abhorreat, interdum etiam
 „ complecti quamcunque simulatam religionem, quamvis absurdã.
 „ Hujus impiæ doctrinæ sanè haud paucos nactus est discipulos,
 „ multasque clades & ærumnas iniecit, viamque ad hæreses, &
 „ denique atheismum aperuit.

*Religionis
 prima sit
 cura.*

Sinceram Religionem, Deiq; cultum & pietatem, esse Regni
 & Reipublicæ firmamentum, etiam Gentiles suis in tenebris perspe-
 „ xerunt. *Plato lib. 4. de Legib.* Ante omnia DEUM invocemus, ut
 „ civitatem nostram stabiliamus, obsecremusq; , ut nos exaudiat, &
 „ nobis propitius sit, atq; benignus, ad nos veniat, & leges ipse nos
 „ doceat, nostramq; civitatem adornet: Et *Pythagora* sententia
 „ est, accedendo ad DEUM effici unumquemq; optimum. *Et Ci-
 „ cero Orat. de Aruspici. respons.* Quam, *inquit*, volumus licet, P.C. ipsi
 „ nos amemus, tamen nec numero Hispanos, nec robore Gallos,
 „ nec calliditate Pœnos, nec artibus Græcos, nec deniq; hoc ipso
 „ hujus gentis ac terræ domesticum nativumq; sensu Italos ipsos ac
 „ Latinos; sed pietate ac religione, arque hac sapientia, quã deo-
 „ rum immortalium numine omnia regi, gubernariq; perspeximus,
 „ omnes gentes nationesque superavimus. *Et Valer. Max. lib. 1. c. 1.*
 „ Omnia, *ait*, post religionem ponenda semper nostra civitas du-
 „ xit, etiã in quibus summæ majestatis conspici decus voluit, qua-
 „ propter non dubitarent Sacris imperia servire: ita se humanã-
 „ rum rerum futura regimen existimantia, si divinæ potentie be-
 „ ne atque constanter fuissent famulara.

*Ob leviem
 culpam pa-
 nam ca-
 pitis inflixit
 Deus.*

*Non comedes panem, neque biberis aquam, nec reverteris per viam, qua
 venisti,* lib. 3. Reg. c. 13. Hæc DEUS iussu dederat Propheta Ad-
 doni, in detestationem idololatriæ, cuiusque cultorum Bethelita-
 rum, ea quidem severitate, ut potius vincula & famem ferre
 debuerit, quàm à divino mandato recedere. Unde hodie quo-
 que, vitæ consuetudine cum ijs interdictum est, qui Ecclesiastica
 potestate, à piorum societate & comunione seclusi sunt. Fuit
 autem invitator ille, Propheta divinus, ut plerique Scripto-
 rum, contra Iosephum, volunt, homo minimè malus, sed commi-
 seratione commotus, & studio hospitalitatis, abeuntem Vatem,
 etiam mendacij, levior tamen noxam haud excedentis, in-
 terpositione revocavit. Sed alter quoque, etsi nimis facile,
 temerèque invitanti credidit, gravius piaculum non admisit, cui
 tamen DEUS, summus vitæ, necisque omnium Dominus,
 capitis poenam inflixit, honore habito corpori, quod leo
 integrum,

JEROBOAMVS ISRAELITARVM REX. 351

integrum, intactumque servavit, ut, qui fuerat carnifex vivi, esset defensor mortui: & qui propter inobedientiam occisus credebatur, pro pœnitentia, saluus crederetur, ut Lyranus ait. Et „ S. Ambros. 4. Dial. 2 4. Stetit leo juxta asinā, & non comedit de cada- „ vere. Qui enim occidendi ausum habuit, de occisi cada- „ vere comedendi licentiam non accepit: quia, qui culpabilis in „ vita fuerat, punitâ inobedientiâ, jam erat justus ex morte; Leo „ ergo, qui prius peccatoris vitam necaverat, custodivit postmo- „ dum cadaver justî.

NARRATIO LXXVII. ABIAS ET ASA, R.E. GESIUDAE, QUORUM PRIOR DEPLORATÆ SALUTIS; POSTE- RIOR INCERTÆ.

3. Reg. 15. & 2. Paralip. 16.

Ab anno M. 3077. Christi. 979. ad ann. M. 3120. Ch. 933.

Salomonis nepos, Roboami filius, *Abias* fuit, Iudæ Rex; cujus fervidæ preces, cum tubarū à Sacerdotibus inflatarum clangoribus mixtæ, validissimū Ieroboami (uti retulimus) exercitum profligarunt, cœlo pro eo depugnante. Sed DEO victoriæ authori, gratiæ vice (jam sueto Hebrææ gentis more) refudit impietatem, & improbi patris imitationem. Triennium illud, quod regnarat (uno vix die, sui in DEUM officij memor) Idolis, eorūmq; sacrilegis cultibus, & uxoribus quatuordecim ductis; filijs maribus viginti duobus, femellisque sedecim generatis, memorabile reddidit; uxore regina *Maachâ* post se relicta, Sacrorū obscœnissimî *Priapi* Summa Sacerdote.

Filius hunc secutus est *Asa*, magis imperiò, quàm improbitate; diutissimè bonus ac felix; sub extrema demum regni tempora, non parùm à se ipso degeneravit, dum spem, ac victoriæ cuiusvis fiduciam, in solius ope Numinis antehac collocatam, transfert in vires & auxilia *Benadadi*, Syrorum regis, *Idololatæ*: cuius fœdus ac societatem, non profanò tantum ærarij sui, sed sacro quoque Templi, mercatur auro; tantò indignius, quantò pietatis suæ, & in divino præsidio confidentiæ lucu- *Regis Asa*
lentiora tulerat præmia. Principio statim aditæ potestatis, Deo- *Zelus Reli-*
rum mætuisque aris, ac lucis, fanisque, & impuritatum lustris *gionis*.

Yy 2

regnum

*Rex Asa &
calo iuda-
tur adver-
sus hostes.*

regnum omne suum repurgavit; intèrque sacrilegos idolorum, adoratores matrem quoque suam (aliqui aviam fuisse credunt) Máacham, & soliò simul, & Priapi fœdissimo Pontificatu deiecit. imperium suum urbibus, armis, exercitu, civiùmque multitudine firmavit. Ne tamen virtus inexercita languesceret; Numine permittente, bello laceffitus est ab Æthiopum ductore, Principèque *Zara*: qui supra Syenem, & ultimam Ægyptum, meridiem, versus, imperabat. Decies centena militum millia, cum trecentis falcatis curribus ducebat Æthiops in *Asam*; viginti millibus minùs, quàm sexcentis bellatorum millibus succinctum. Ideòque trepidabatur ab *Asais*: ab Æthiopibus contrà, jactanter agebatur, ac minaciter; fiducià multitudinis atque copiarum. Sed ubi ventum ad manus est; ad *Asa* regis preces, exterrente DEO superbià hostilem; cæsus, fugatus, castris exurus, & profligatus *Zaras*, cum suis omnibus deletus ad internecionem est. Urbs *Gerara* cum finitimis populis universis, qui partim Philistini juris erant; partim ab Iudæis ad barbaros defecerant, occupata: prædæque supra fidem humanam ingens, hominum, pecoris, gregum, ac jumentorum, & utensilium, aurique capta. Quo tempore patuit; sicuti, sine Duce, nihil exercitum quantumvis magnum; sic, sine DEO, nec Duces esse quidquam, atque turmas: barbaricæque castrorum quadrigas, tanquam puerorum equestres arundines à CURRU DEI, decem millibus multiplici, nullo negotio diffringi; quoties adversum homines Angeli (sicut tunc accidit) aurigentur.

*Regis Asa
diffidentia
erga Deum.*

Devicto hoste, cum spolijs amplissimis Hierosolymâ reverentibus, *Azerias*, Vates sit obviâ; is gratulatus regi, populòque victoriam, divino favore partam, præmium pietatis & in DEUM obsequij, prædicit in posterum quoque consecuturas felicitates, si à rectè cœptis non defecerint; secus, ingentem calamitatum, seriem inundaturam, jam tum enim homines ancipitis fidei præmunire volebat adversus socordiam & trepidationem, quâ postea concussi, Syrorum auxilia implorabant. Rex delectatus vaticiniò, strenuam dedit operam publicè, privatimque, ad religionē fartā tectam conservandam, dimissis per omne regnum, eius negotij curatoribus, Quo tempore non pauci Israëlitarum ab idolorum cultu ad pristina sacra se recipiebant, novo sese fœdere DEO devote; sed fidem, ut aliàs, parùm constantem tam isti, quàm Iudæi coluerunt. Cum enim *Baasa* rex Israëlitarum (de quo inferius plura) urbem *Ramam*, quadraginta stadijs Ierosolymâ distantem subito adortus, in potestatem redegisset, itaq; comuniisset, ut frequentibus inde excursionibus, totum *Asa* regnum vastaret; homo meticulosus plus præsidij humano in auxilio, quàm divino reponēs, *Benadadum* (ut diximus) Syriæ regem, magnis impensis, etiam thesauri

ABIAS ET ASA, REGES JUDÆ. 353

thesauri sacri jacturâ, in societatem belli evocat. Reprehensus eo nomine, Vatis *Hanani* libero sermone, (sic DEO jubente) exardescit irâ, culpâmq; culpæ adijciens, Prophetæ monitoris pedes in nervum mittit, ac carcere constringit. Nec eo facinore saturatus furor, crudeliùs in populum debacchatur, cujus numerosam multitudinem (tyrannidem quippe hominis damnabat) gladio ferit.

Ejusdem tyrannid.

Sed hæsit in tergo, sævitiae vindicta; pedum ipse vehementissimo dolore cruciari, puniriq; cæptus, anno regnitricesimo nono: bienniò post exinguitur; nec in ultimo quidem morbo divinis quæstis, aut imploratis remediis, eâdem, quâ nuper confidentiâ, Syri regis auxiliò; nunc Medicorum manu nixus, DEO neglectò. Sunt, qui putent pœnitentem obiisse, idolorum eversores, verique Numinis assertorem, dolorum acerbitate commissâ crimina castigante. Nec parùm ei favente sacro historico, cujus verba sunt. 3. Reg. 15. *Verumtamen cor Asæ perfectum erat cum Domino cunctis diebus suis.* Alij salutem eius aut omnino depositam, aut certè dubiam credunt, adducti eò Divini codicis locò. *Nec in infirmitate sua quæsit Dominum &c.* 3. Reg. 15. multarum reus cædium. illam verò *cordis perfectionem*, ad idolorum duntaxat extirpationem restringunt; Scripturâ sacrâ scelera ipsius arguente, nihil de illorum expiatione, memorante. Ipsa quoq; sepultura non eundem fert apud omnes calculum. Aliqui damnant eam luxûs immodici ac superbiæ; quòd impositus lecto ex aromatibus structo, unguentisq; meretricijs, (ut pagina 5. loquitur) pigmentariorum arte confectis, elatus & combustus sit, *ambitione nimia*; forsan ab ipsomet mandatâ. Alij malunt, busti magnificentiam, *Iosaphati* ejus filij, munificæ in parentem pietati adscribere; in eo quoq; honori paterni funeris, consulenti, ut fluentis è putredine pedum, fætorem tabis, aromatum depelleret odore. Nos re in medio relicta; quidquid demum cum *Asa* anima agatur, tot inter lubricitatis humanæ exempla, fortius figamus pedem, & meminimus, à DEO non coronari initia, sed finem.

DOCTRINA.

E*xcellsa autem non absulis.* 3. Reg. 15. Locus hic sæpius in sacro regum Chronico recurrit, ideòque non nihil excutiendus; Nam Tostatus, Episcopus Abulensis, vir ingentis doctrinæ; sed qui in tanta voluminum mole, non omnia discutere potuit, existimavit *Asam* tantum sustulisse illa *Excellsa* (delubra colibus inædificata) quæ à privatis fuerant excitata; non attigisse autem fana, quæ proavus Salomôn, in suarum gratiam uxorum eduxerat; eòque tempore clausa tenebantur. sed quis Idololatriam tot apud Iudæos istam fulminibus, tot

diris detestatam, tot cædibus hominū, & toties expiatam, putet tolerandam fuisse à Rege, pio Numinis cultore! Itaq; hic per *Excelsa*, intelliguntur Sacella, in montibus & locis celsioribus DEO vero dicata, in quibus post conditum Templum, contra fas, plerumque adhuc sacra fiebant, quæ prudenter *Aſa* permisit, ne consuetudo populi, immolandi in *excelsis*, repressa, ad idololatriam deflueret. Iudæis enim, cum Tabernaculum & Templum non suppetere, officium pietatis credebatur, *præfuebas*, certos nempe ad precandum locos destinare à tumultu, & contagione prave societatis segreges. Hos autem post Templi molitionem retinere, & in illis sacrificare vetitū fuit; quoddam minuire augustioris eius basilicæ religionem & magnitudinem putabantur. Primi enim Patriarchæ litabant in lucis & montibus, quos postea gentilitas sacrilegiō polluit, & inanibus dæmonum simulacris dedicavit. Hæc omnino sacris legibus prohibita, & severissimis addicta poenis. Inde & Christianorum tempore, *Paganis*, sunt appellati, qui se legitimis Sacris subducebant, ut in pagis & solitudinibus obscenos Gentilium cultus frequentarent. Illa porro *Excelsa*, id est, aras & lucos sibi sacratos, etsi DEUS ob periculum superstitionis averfabatur; tolerabat tamen, donec à salomone ædificaretur firmum & stabile Templum Ierofolymis. Hinc *Aſa* & *Iosaphat* contenti extinxisse nefarias religiones, metu seditionis permiserunt ea, quæ dixi, Numini erecta delubra, non tamen citra reprehensionem omnem, nam Siracides Eccli. 49. ait: *Præter David, Ezechiam, & Iosiam, omnes* (intellige, Reges Iudæ) *peccatum commiserunt.* Horum enim primus, cultum DEI religiosissimè ornavit & auxit; cæteri duo summò Zelò eundem collapsum instaurarunt, sublatis omnibus, quæ ei adversabantur. Nimirum vitium ex quolibet defectu; virtus ex integra causâ.

Cur ex Regibus Hebræis tam pauci boni,

Quærat aliquis, cur tam pauci Reges boni etiam in gente DEI? Respondet noster *Nicolaus Caussin* lib. de regno DEI, dissertat. 77. „Lubet, inquit, ad ceteras nequitie causas, (agnite veritatis con-
 „temptum, ingrati animi labem, perniciem exempli) Iudæorum
 „regibus pertinaciter inhærentis, addere tres à Tertulliano non
 „ignoratas: Corrupta videl. semina, deserta studia, exarmata jura.
 „Multum illis veneni infudit promiscua conjugiorum licentia;
 „inde gentiles feminæ omni impietate, luxuriâ & audaciâ famosæ
 „in regum thalamos invasere, & dedere partus ambiguos, qui pa-
 „trum relicta sæpe religione, in matrum superstitione, earum blan-
 „ditijs edomiti declinarunt. Ad hæc legis divinæ studia deserta,
 „fatale lascivientibus imperijs otium, & perceptor magnarum cogita-
 „tionum luxus, obsessos subjugarunt. Nec jam aderant, qui violentis
 regum

ABIAS ET ASA, REGES JUDÆ.

357

regum conatibus obfisterent, magnò illò Synedrio (septuagin-
ta duorum virorum senatu, vel terroribus prostrato, vel per
sædam adulationem emollito. Si qui adhuc divina spirantes
Prophetæ sese rebus tam præposterè fluentibus opponerent,
aut morte, aut exilijs multabantur. Instabat quoque Assyrio-
rum & Egyptiorum regum vicinia, qui omnes idolis devin-
bant, utilitatis specie delinitos. Hæc igitur mores illorum in-
fecere; mox contagio latè in populum serpsit, & ex optimis,
pessimi quique devenere. Hæc Caussinius.

Asa triginta sex annis præclarissimè se gessit; fiduciâ fuit
in DEUM magnâ, utinam constante. Illam certè DEUS sic re-
muneratus est, ut decies centena millia militum, quæ Ethiopiæ
rex sub signis habuerat, illustrissimâ victoriâ profligârit. Et tamè
gratiam tot annis collectam effudit omnem inconsulta in viribus
humanis confidentia. Id enim Vates Hananus, in faciem expro-
brans, *Quia habuisti, inquit, fiduciam in rege Syria, & non in Domino DEO*

Hannani
propheta
cordata ob-
jurgatio.

*tuo, idcirco evasit Syria regis exercitus de manu tua. Nōne Ethiopes & Libyes
multò plures erant, quadrigis, & equitibus, & multitudine nimia: quos, cum
Domino credidisses, tradidit in manu tua? Oculi enim Domini contemplantur
universam terram, & præbent fortitudinem his, qui perfectò corde credunt in
eum. Stulte igitur egisti, & propter hoc ex præsentis tempore adversum te bel-
la surgent. Iratusque Asa adversus Videntem (Prophetam) jussit
eum mitti in perrum; valde quippe super hoc fuerat indignatus: & inter-
fecit de populo in tempore illo plurimos. 2. Paral. 16. In qua objurga-
tione, comprimis observanda Asæ vecordia, qui post tam lucu-
lenta divini præsidij experimenta, spem suam posuit, in baculo, ut
Isaias loquitur, arundineo: nempe in homine Numinis inimico,
& odia summa merito. Quid enim armatorum multitudo, nisi
seges arundinum, statu sternenda, nisi robur è cælo accedat?
Idem Vates, cap. 30. fiduciâ in homine collocatam, appellat
umbram. *Habentes, inquit, fiduciam in umbra (milite) Egypti.* Quid
fallacius, fugacius, inconstantius umbra? *Neque enim Dominus (ut
psaltes ait psal. 146. in fortitudine equi voluntatem habebit, neque in tibys
virî beneplacitum erit ei: sed in eis, qui sperant super misericordia eius.**

Alterum in oratione Hanani animadvertendum, est:
Oculi Domini contemplantur universam terram &c. DEUS eadè provi-
dentiâ gubernat universos, quâ singulos. absq; ea ne pilus quidem
de capite, nec folium ex arbore defluet. *Ipsè flagellat, & salvat, dedu-
cit ad inferos, & reducit.* Tob. 13. Vita & mors in manu eius,
clades & victoria; neminem deserit, nisi quem antè sua spes
deseruit.

Tertium, quod notandû; *Stulte egisti.* Cordata & libera vox, sed
à DEO

diris detestatam, tot cædibus hominū, & toties expiatam, putet tolerandam fuisse à Rege, pio Numinis cultore? Itaq; hic per *Excelsa*, intelliguntur Sacella, in montibus & locis celsioribus DEO vero dicata, in quibus post conditum Templum, contra fas, plerumque adhuc sacra fiebant, quæ prudenter *Afa* permisit, ne consuetudo populi, immolandi in *excelsis*, repressa, ad idololatriam desisteret. Iudæis enim, cū Tabernaculum & Templum non suppetere, officium pietatis credebatur, *proseuchas*, certos nempe ad precandum locos destinare à tumultu, & contagione prævæ societatis segreges. Hos autem post Templi molitionem retinere, & in illis sacrificare vetitū fuit; quod minuere augustioris eius basilicæ religionem & magnitudinem putabantur. Primi enim Patriarchæ litabant in lucis & montibus, quos postea gentilitas sacrilegiō polluit, & inanibus dæmonum simulacris dedicavit. Hæc omnino sacris legibus prohibita, & severissimis addicta pœnis. Inde & Christianorum tempore, *Pagani*, sunt appellati, qui se legitimis Sacris subducebant, ut in pagis & solitudinibus obscœnos Gentilium cultus frequentarent. Illa porro *Excelsa*, id est, aras & lucos sibi sacratos, etsi DEUS ob periculum superstitionis averfabatur; tolerabat tamen, donec à Salomone ædificaretur firmum & stabile Templum Ierosolymis. Hinc *Afa* & *Iosaphat* contenti extinxisse nefarias religiones, metu seditionis permiserunt ea, quæ dixi, Numini erecta delubra, non tamen citra reprehensionem omnem, nam Siracides Eccli. 49. ait: *Præter David, Ezechiam, & Iosiam, omnes (intellige, Reges Iudæ) peccatum commiserunt.* Horum enim primus, cultum DEI religiosissimè ornavit & auxit; cæteri duo summò Zelò eundem collapsum instaurârunt, sublatis omnibus, quæ ei adversabantur. Nimirum vitium ex quolibet defectu; virtus ex integra causa.

Cur ex Regibus Hebræis tam pauci ei boni.

Quærat aliquis, cur tam pauci Reges boni etiam in gente DEI? Respondet noster *Nicolaus Caussin* lib. de regno DEI, dissertat. 77. „Lubet, inquit, ad ceteras nequitie causas, (agnitæ veritatis contemptum, ingrati animi labem, perniciem exempli) Iudæorum „regibus pertinaciter inhærentis, addere tres à Tertulliano non „ignoratas: Corrupta videl. femina, deserta studia, exarmata jura. „Multum illis veneni infudit promiscua conjugiorum licentia; „inde gentiles femine omni impietate, luxuriâ & audaciâ famosæ „in regum thalamos invasere, & dedere partus ambiguos, qui, partum relicta sæpe religione, in matrum superstitione, earū blanditijs edomiti declinârunt. Ad hæc legis divinæ studia deserta, „fatale lascivientib⁹ imperijs otii, & perceptor magnarū cogitationū luxus, obseffos subjugarunt. Nec jam aderant, qui violentie regum

regum conatibus obfisterent, magnò illò Synedrio (septuaginta duorum virorum senatu, vel terroribus prostrato, vel per sœdam adulationem emollico. Si qui adhuc divina spirantes Prophetæ sese rebus tam præposterè fluentibus opponerent, aut morte, aut exilijs multabantur. Instabat quoque Assyriorum & Ægyptiorum regum vicinia, qui omnes idolis devincti, Judæorum reges in suæ impietatis commercium abripiebant, utilitatis specie delinitos. Hæc igitur mores illorum insecere; mox contagio latè in populum serpsit, & ex optimis, pessimi quique devenere. Hæc Caussin.

Asa triginta sex annis præclarissimè se gessit; fiduciâ fuit in DEUM magnâ, utinam constante. Illam certè DEUS sic remuneratus est, ut decies centena millia militum, quæ Æthiopiarum rex sub signis habuerat, illustrissimâ victoriâ profligârit. Et tamè gratiam tot annis collectam effudit omnem inconsulta in viribus humanis confidentia. Id enim Vates Hananus, in faciem exprobrans, Quia habuisti, inquit, fiduciam in rege Syria. & non in Domino DEO tuo, idcirco evasit Syriæ regis exercitus de manu tua. Nōne Æthiopes & Libyes multò plures erant, quadrigis, & equitibus, & multitudine nimia: quos, cū Domino credidisses, tradidit in manu tua? Oculi enim Domini contemplantur universam terram, & præbent fortitudinem his, qui perfecto corde credunt in eum. Stultè igitur egisti, & propter hoc ex presenti tempore adversum te bella surgent. Iratusque Asa adversus Videntem (Prophetam) iussit eum mitti in peritum: valde quippe super hoc fuerat indignatus: & interfecit de populo in tempore illo plurimos. 2. Paral. 16. In qua objurgatione, comprimis observanda Asæ vecordia, qui post tam luculenta divini præsidij experimenta, spem suam posuit, in baculo, ut

Hanani
propheta
cordata ob-
jurgatio.

Isaias loquitur, arundineo: nempe in homine Numinis inimico, & odia summa merito. Quid enim armatorum multitudo, nisi seges arundinum, statu sternenda, nisi robur è cælo accedat? Idem Vates, cap. 30. fiduciâ in homine collocatam, appellat umbram. Habentes, inquit, fiduciam in umbra (milite) Ægypti. Quid fallacius, fugacius, inconstantius umbra? Neque enim Dominus (ut psaltes ait psal. 146. in fortitudine equi voluntatem habebit; neque in tibijs viri beneplacitum erit ei. sed in eis, qui sperant super misericordia eius.

Alterum in oratione Hanani animadvertendum, est: Oculi Domini contemplantur universam terram &c. DEUS eadem providentiâ gubernat universos, quâ singulos absq; ea ne pilus quidem de capite, nec folium ex arbore defuerit. Ipse flagellat, & salvat, deducit ad inferos, & reducit. Tob. 13. Vita & mors in manu eius, clades & victoria; neminem deserit, nisi quem antè sua spes deseruit.

Tertium, quod notandū; Stultè egisti. Cordata & libera vox, sed à DEO

diris detestatam, tot cædibus hominū, & toties expiatam, putet tolerandam fuisse à Rege, pio Numinis cultore? Itaq; hic per *Excelsa*, intelliguntur Sacella, in montibus & locis celsioribus DEO vero dicata, in quibus post conditum Templum, contra fas, plerumque adhuc sacra fiebant, quæ prudenter *Aſa* permisit, ne consuetudo populi, immolandi in *excelsis*, repressa, ad idololatriam, desisteret. Iudæis enim, cū Tabernaculum & Templum non suppeterent, officium pietatis credebatur, *præfuchas*, certos nempe ad precandum locos destinare à tumultu, & contagione pravæ societatis segreges. Hos autem post Templi molitionem retinere, & in illis sacrificare vetitū fuit; quod minuere augustioris eius basilicæ religionem & magnitudinem putabatur. Primi enim Patriarchæ litabant in lucis & montibus, quos postea gentilitas sacrilegiò polluit, & inanibus dæmonum simulacris dedicavit. Hæc omnino sacris legibus prohibita, & severissimis addicta poenis. Inde & Christianorum tempore, *Pagani*, sunt appellati, qui se legitimis Sacris subducebant, ut in pagis & solitudinibus obscenos Gentilium cultus frequentarent. Illa porro *Excelsa*, id est, aras & lucos sibi sacratos, etsi DEUS ob periculum superstitionis averfabatur, tolerabat tamen, donec à Salomone ædificaretur firmum & stabile Templum Ierosolymis. Hinc *Aſa* & *Iosaphat* contenti extinxisse nefarias religiones, metu seditionis permiserunt ea, quæ dixi, Numini erecta delubra, non tamen citra reprehensionem omnem, nam Siracides Eccli. 49. ait: *Præter David, Ezechiam, & Iosiam, omnes (intellige, Reges Iudæ) peccatum commiserunt.* Horum enim primus, cultum DEI religiosissime ornavit & auxit; cæteri duo summò Zelò eundem collapsum instaurarunt, sublatis omnibus, quæ ei adversabantur. Nimirum vitium ex quolibet defectu; virtus ex integra causa.

Cur ex Regibus Hebræis tam pauci boni.

Quærat aliquis, cur tam pauci Reges boni etiam in gente DEI? Respondet noster *Nicolaus Caussin* lib. de regno DEI, dissertat. 77. „Lubet, inquit, ad ceteras nequitiae causas, (agnitæ veritatis contemptum, ingrati animi labem, perniciem exempli) Iudæorum regibus pertinaciter inhærentis, addere tres à Tertulliano non ignoratas: Corrupta videl. semina, deserta studia, exarmata jura. „Multum illis veneni infudit promiscua conjugiorum licentia; „inde gentiles feminæ omni impietate, luxuriâ & audaciâ famosæ „in regum thalamos invasere, & dedere partus ambiguos, qui, patrum relicta sæpe religione, in matrum superstitione, earū blanditijs edomiti declinarunt. Ad hæc legis divinæ studia deserta, „fatale lascivientibus imperijs otium, & perceptor magnarū cogitationū luxus, obseffos subjugarunt. Nec jam aderant, qui violentis regum

ABIAS ET ASA, REGES JUDÆ.

357

regum conatibus obfisterent, magnò illò Syndrio (septuaginta duorum virorum senatu, vel terroribus prostrato, vel per sædam adulationem emollito. Si qui adhuc divina spirantes Prophetæ sese rebus tam præposterè fluentibus opponerent, aut morte, aut exilijs multabantur. Instabat quoque Assyriorum & Ægyptiorum regum vicinia, qui omnes idolis devincti, Judæorum reges in suæ impietatis commercium abripiebant, utilitatis specie delinitos. Hæc igitur mores illorum insecere; mox contagio latè in populum serpsit, & ex optimis, pessimi quique devenere. Hæc Caussinûs.

Asa triginta sex annis præclarissimè se gessit; fiduciâ fuit in DEUM magnâ, utinam constante. Illam certè DEUS sic remuneratus est, ut decies centena millia militum, quæ Æthiopiarum rex sub signis habuerat, illustrissimâ victoriâ profligârit. Et tamè gratiam tot annis collectam effudit omnem inconsulta in viribus humanis confidentia. Id enim Vates Hananus, in faciem expromens, *Quia habuisti, inquit, fiduciam in rege Syria, & non in Domino DEO tuo, idcirco evasisti Syria regis exercitus de manu tua. Nōne Æthiopes & Libyes multò plures erant, quadrigis, & equitibus, & multitudine nimia: quos, cum Domino credidisses, tradidit in manu tua? Oculi enim Domini contemplantur universam terram, & præbent fortitudinem his, qui perfectò corde credunt in eum. Stulte igitur egisti, & propter hoc ex præsentis tempore adversum te bella consurgunt. Iratusque Asa adversus Videntem (Prophetam) jussit eum mitti in verbum; valde quippe super hoc fuerat indignatus: & interfecit de populo in tempore illo plurimos.* 2. Paral. 16. In qua objurgatione, comprimis observanda Asæ vecordia, qui post tam luculenta divini præsidij experimenta, spem suam posuit, in baculo, ut

*Hannani
propheta
cordata ob-
jurgatio.*

Isaias loquitur, *arundineo*: nempe in homine Numinis inimico, & odia summa merito. Quid enim armatorum multitudo, nisi seges arundinum, flatu sternenda, nisi robur è cælo accedat? Idem Vates, cap. 30. fiduciâ in homine collocatam, appellat umbram. *Habentes, inquit, fiduciam in umbra (milite) Egypti. Quid fallacius, fugacius, inconstantius umbra? Neque enim Dominus (ut psaltes ait psal. 146, in fortitudine equi voluntatem habebit, neque in tibys viri beneplacitum erit ei, sed in eis, qui sperant super misericordia eius.*

Alterum in oratione Hanani animadvertendum, est: *Oculi Domini contemplantur universam terram &c.* DEUS eadè providentiâ gubernat universos, quâ singulos, absq; ea ne pilus quidem de capite, nec folium ex arbore defluet. *Ipse flagellat, & salvat, deducit ad inferos, & reducit.* Tob. 13. Vita & mors in manu eius, clades & victoria; neminem deserit, nisi quem antè sua spes deseruit.

Tertium, quod notandû; *Stulte egisti.* Cordata & libera vox, sed à DEO

diris detestata, tot cædibus hominū, & toties expiatam, putet tolerandam fuisse à Rege, pio Numinis cultore? Itaq; hic per *Excelsa*, intelliguntur Sacella, in montibus & locis celsioribus DEO vero dicata, in quibus post conditum Templum, contra fas, plerumque adhuc sacra fiebant, quæ prudenter *Afa* permisit, ne consuetudo populi, immolandi in *excelsis*, repressa, ad idololatriam deflecteret. Iudæis enim, cū Tabernaculum & Templum non suppetere, officium pietatis credebatur, *præfuchas*, certos nempe ad precandum locos destinare à tumultu, & contagione pravæ societatis segreges. Hos autem post Templi molitionem retinere, & in illis sacrificare vetitū fuit; quodd minuire augustioris eius basilicæ religionem & magnitudinem putabantur. Primi enim Patriarchæ litabant in lucis & montibus, quos postea gentilitas sacrilegiō polluit, & inanibus dæmonum simulacris dedicavit. Hæc omnino sacris legibus prohibita, & severissimis addicta poenis. Inde & Christianorum tempore, *Paganis*, sunt appellati, qui se legitimis Sacris subducebant, ut in pagis & solitudinibus obscenos Gentilium cultus frequentarent. Illa porro *Excelsa*, id est, aras & lucos sibi sacratos, etsi DEUS ob periculum superstitionis averfabatur; tolerabat tamen, donec à Salomone ædificaretur firmum & stabile Templum Ierosolymis. Hinc *Afa* & *Iosaphat* contenti extinxisse nefarias religiones, metu seditionis permiserunt ea, quæ dixi, Numini erecta delubra, non tamen citra reprehensionem omnem, nam Siracides Eccli. 49. ait: *Frater David, Ezechiam, & Iosiam, omnes* (intellige, Reges Iudæ) *peccatum commiserunt.* Horum enim primus, cultum DEI religiosissimè ornavit & auxit; cæteri duo summò Zelò eundem collapsum instaurarunt, sublatis omnibus, quæ ei adversabantur. Nimirum vitium ex quolibet defectu; virtus ex integra causa.

Cur ex Regibus Hebræis tam pauci boni.

Quærat aliquis, cur tam pauci Reges boni etiam in gente DEI? Respondet noster *Nicolaus Caussin* lib. *de regno DEI*, dissertat. 77. „Lubet, inquit, ad ceteras nequitiae causas, (agnitæ veritatis contemptum, ingrati animi labem, perniciem exempli) Iudæorum regibus pertinaciter inhærentis, addere tres à Tertulliano non ignoratas: Corrupta videl. semina, deserta studia, exarmata jura. „Multum illis veneni infudit promiscua conjugiorum licentia; „inde gentiles feminæ omni impietate, luxuriâ & audaciâ famosæ „in regum thalamos invasere, & dedere partus ambiguos, qui, patrum relicta sæpe religione, in matrum superstitione, earū blanditijs edomiti declinarunt. Ad hæc legis divinæ studia deserta, „fatale lascivientibus imperijs otii, & perceptor magnarū cogitationū luxus, obseffos subjugarunt. Nec jam aderant, qui violentis regum

„ regum conatibus obfisterent, magnò illò Syndrio (septuagin-
 „ ta duorum virorum senatu, vel terroribus prostrato, vel per
 „ fœdam adulationem emollito. Si qui adhuc divina ſpirantes
 „ Prophetæ ſeſe rebus tam præpoſterè fluentibus opponerent,
 „ aut morte, aut exilijs multabantur. Inſtabat quoque Aſſyrio-
 „ rum & Ægyptiorum regum vicinia, qui omnes idolis devin-
 „ ſti, Judæorum reges in ſuæ impietatis commercium abripie-
 „ bant, utilitatis ſpecie delinitos. Hæc igitur mores illorum in-
 „ fecere; mox contagio latè in populum ſerpiſit, & ex optimis,
 „ peſſimi quique devenere. Hæc Cauſſinius.

Aſa triginta ſex annis præclariffimè ſe geſſit; fiducia fuit
 in DEUM magnâ, utinam conſtante. Illam certè DEUS ſic re-
 muneratus eſt, ut decies centena millia militum, quæ Æthiopix
 rex ſub ſignis habuerat, illuſtriſſimâ victoriâ proſtigârît. Et tamè
 gratiam tot annis collectam effudit omnem inconſulta in viribus
 humanis confidentia. Id enim Vates Hananus, in faciem expo-

Hannani
 propheta
 cordata ob-
 jurgatio.

brans, *Quia habuiſti, inquit, fiduciam in rege Syriæ, & non in Domino DEO tuo; idcirco evaſiſi Syriæ regis exercitus de manu tua. Nõne Æthiopes & Libyes multò plures erant, quadrigis, & equitibus, & multitudine nimia: quos, cùm Domino credidiſſes, tradidit in manu tua? Oculi enim Domini contemplantur univerſam terram, & præbent fortitudinem his, qui perfectò corde credunt in eum. Stultè igitur egiſti, & propter hoc ex præſenti tempore adverſum te bella conſurgunt. Iratiſque Aſa adverſus Videntem (Prophetam) juſſit eum mitti in nervum; valde quippe ſuper hoc fuerat indignatus: & interfecit de populo in tempore illo plurimos.* 2. Paral. 16. In qua objurgatione, comprimis obſervanda Aſæ vecordia, qui poſt tam luculenta divini præſidij experimenta, ſpem ſuam poſuit, in baculo, ut Iſaias loquitur, *arundineo*: nempe in homine Numinis inimico, & odia ſumma merito. Quid enim armatorum multitudo, niſi ſeges arundinum, ſtatu ſternenda, niſi robur è cælo accedat? Idem Vates, cap. 30. fiduciâ in homine collocatam, appellat umbram. *Habentes, inquit, fiduciam in umbra (milite) Ægypti. Quid fallacius, fugacius, inconfantius umbra? Neque enim Dominus (ut pſaltes ait pſal. 146. in fortitudine equi voluntatem habebit; neque in tibijs viri beneplacitam erit ei. ſed in eis, qui ſperant ſuper miſericordia eius.*

Alterum in oratione Hanani animadvertendum, eſt:
Oculi Domini contemplantur univerſam terram &c. DEUS eâdem providentiâ gubernat univerſos, quâ ſingulos. abſq; ea ne pilus quidem de capite, nec folium ex arbore deſueta. *Ipe flagellat, & ſalvat, deducit ad inferos, & reducit.* Tob. 13. Vita & mors in manu eius, clades & victoriâ; neminem deſerit, niſi quem antè ſua ſpes deſeruit.

Tertium, quod notandû; *Stultè egiſti.* Cordata & libera vox, ſed à DEO

*Rex Aſa &
calo juven-
tur adver-
ſus hoſtes.*

regnum omne ſuum repurgavit; intéꝛque ſacrilegos idolorum, adoratores matrem quoque ſuam (aliqui aviam fuiſſe credunt) Máacham, & ſoliò ſimul, & Priapi ſœdiſſimo Pontificatꝝ dejecit. imperium ſuum urbibus, armis, exercitu, civiũque multitudine firmavit. Ne tamen virtus inexercita langueretur; Numine permittente, bello laceſſitus eſt ab Æthiopum ductore, Principéque *Zara*: qui ſupra Syenem, & ultimam Ægyptum, meridiem verſus, imperabat. Decies centena militum millia, cum trecentis falcatis curribus ducebat Æthiops in *Aſam*; viginti millibus minꝛ, quàm ſexcentis bellatorum millibus ſuccinctum. Ideòque trepidabatur ab *Aſaiſ*: ab Æthiopibus contrà, jaſtanter agebatur, ac minaciter; fiduciã multitudinis atque copiarum. Sed ubi ventum ad manus eſt; ad *Aſa* regis preces, exterrente DEO ſuperbiã hoſtilem; cæſus, fugatus, caſtris exutus, & proſtigatus *Zaras*, cum ſuis omnibus deletus ad internecionem eſt. Urbs *Gerara* cum finitimis populis univerſis, qui partim Philiftini juris erant; partim ab Iudæis ad barbaros defecerant, occupata: prædãque ſupra fidem humanam ingens, hominum, pecoris, gregum, ac jumentorum, & uſenſilium, aurique capta. Quo tempore patuit; ſicuti, ſine Duce, nihil exercitum quantumvis magnum; ſic, ſine DEO, nec Duces eſſe quidquam, atque turmas: barbaricãſque caſtrorum quadrigas, tanquam puerorum equeſtres arundines à *CURRU DEI*, *decem millibus multiplici*, nullo negotio diffringi; quoties adverſum homines Angeli (ſicut tunc accidit) aurigentur.

*Regis Aſa
diffidentia
erga Deum.*

Deſiſto hoſte, cum ſpolijs ampliſſimis Hieroſolymã revertentibus, *Azarias*, Vates ſit obviã; is gratulatus regi, populòque victoriam, divino favore partam, præmium pietatis & in DEUM obſequij, prædicit in poſterum quoque conſecuturas felicitates, ſi à rectè cœptis non defecerint; ſecus, ingentem calamitatum ſeriem inundaturam. jam tum enim homines ancipitis fidei præmire volebat adverſus ſocordiam & trepidationem, quã poſtea concuſſi, Syrorum auxilia implorabant. Rex delectatus vaticiniò, ſtrenuam dedit òperam publicè, privatimque, ad religionẽ ſartã teſtam conſervandam, dimiſſis per omne regnum, eius negotij curatoribus. Quo tempore non pauci Iſraëliitarum ab idolorũ cultu ad priſtina ſacra ſe recipiebant, novo ſeſe ſœdere DEO devotes; ſed fidem, ut aliàs, parum conſtantem tam iſti, quàm Iudæi coluerunt. Cùm enim *Baſa* rex Iſraëliitarũ (de quo inferius plura) urbem *Ramam*, quadraginta ſtadijs Ieroſolymã diſtanti ſubitò adortus, in poteſtatem redegiſſet, itaq; comuniſſet, ut frequentibus inde excuſſionibus, totum *Aſa* regnum vaſtaret; homo meticuloſus plus præſidij humano in auxilio, quàm divino reponēs, *Benadadum* (ut diximus) Syriæ regem, magnis impenſis, etiam theſauri

ABIAS ET ASA, REGES JUDÆ. 353

thesauri sacri jacturâ, in societatem belli evocat. Reprehensus eo nomine, Vatis *Hanani* libero sermone, (sic DEO jubente) exardescit irâ, culpâmq; culpæ adijciens, Prophetæ monitoris pedes in nervum mittit, ac carcere constringit. Nec eo facinore saturatus furor, crudeliùs in populum debacchatur, cujus numerosam multitudinem (tyrannidem quippe hominis damnabat) gladio ferit.

Ejusdem tyrannidis.

Sed hæsit in tergo, sævitæ vindicta; pedum ipse vehemētissimo dolore cruciari, puniriq; cæptus, anno regni tricesimo nono: bienniô pōst extinguitur; nec in ultimo quidem morbo divinis quæsitis, aut imploratis remediis, eâdem, quâ nuper confidentiâ, Syri regis auxiliô; nunc Medicorum manu nixus, DEO neglectô. Sunt, qui putent pœnitentem obijisse, idolorum everforem, verique Numinis assertorem, dolorum acerbitate commissâ crimina castigante. Nec parùm ei favente sacro historico, cujus verba sunt. 3. Reg. 15. *Verumtamen cor Asa perfectum erat cum Domino cunctis diebus suis.* Alij salutem eius aut omnino depositam, aut certè dubiam credunt, adducti eô Divini codicis locô. *Nec in infirmitate sua quæsit Dominum &c.* 3. Reg. 15. multarum reus cædium. illam verò cordis perfectionem, ad idolorum duntaxat exirpationem restringunt; Scripturâ sacrâ scelera ipsius arguente, nihil de illorum expiatione, memorante. Ipsa quoq; sepultura non eundem fert apud omnes calculum. Aliqui damnant eam luxûs immodici ac superbix; quôd impositus lecto ex aromatibus structo, unguentisq; meretricijs, (ut pagina S. loquitur) pigmentariorum arte confectis, elatus & combustus sit, *ambitione nimia*; forsan ab ipfomet mandatâ. Alij malunt, busti magnificentiam, *Iosaphati* ejus filij, munificæ in parentem pietati adscribere; in eo quoq; honori paterni funeris, consulenti, ut fluentis è putredine pedum, fætorem tabis, aromatum depelleret odore. Nos re in medio relicta; quidquid eum cum *Asa* anima agatur, tot inter lubricitatis humanæ exempla, fortiùs figamus pedem, & meminimus, à DEO non coronari initia, sed finem.

DOCTRINA.

Excelsa autem non absulis. 3. Reg. 15. Locus hic sæpius in sacro regum Chronico recurrit, ideôque nonnihil excutiendus. Nam Tostatus, Episcopus Abulensis, vir ingentis doctrinæ; sed qui in tanta voluminum mole, non omnia discutere potuit, existimavit *Asam* tantum sustulisse illa *Excelsa* (delubra colibus inædificata) quæ à privatis fuerant excitata; non attigisse autem fana, quæ proavus Salomon, in suarum gratiam uxorum eduxerat; eôque tempore clausa tenebantur. Sed quis Idololatriam tot apud Judæos istam fulminibus, tot

„ regum conatibus obfisterent, magnò illò Synedrio (septuagin-
 „ ta duorum virorum senatu, vel terroribus prostrato, vel per
 „ sœdam adulationem emollito. Si qui adhuc divina spirantes
 „ Prophetæ sese rebus tam præposterè fluentibus opponerent,
 „ aut morte, aut exilijs multabantur. Instabat quoque Assyrio-
 „ rum & Egyptiorum regum vicinia, qui omnes idolis devin-
 „ ti, Judæorum reges in suæ impietatis commercium abripie-
 „ bant, utilitatis specie delinitos. Hæc igitur mores illorum in-
 „ fecere; mox contagio latè in populum serpsit, & ex optimis,
 „ pessimi quique devenere. Hæc Caussinûs.

Asa triginta sex annis præclarissimè se gessit; fiduciâ fuit
 in DEUM magnâ, utinam constante. Illam certè DEUS sic re-
 muneratus est, ut decies centena millia militum, quæ Æthiopiarum *Hannani*
 rex sub signis habuerat, illustrissimâ victoriâ profligârit. Et tamè *propheta*
 gratiam tot annis collectam effudit omnem inconsulta in viribus *cordata ob-*
 humanis confidentia. Id enim Vates Hananus, in faciem expo- *jurgatio.*
 brans, Quia habuisti, inquit, fiduciam in rege Syria, & non in Domino DEO
 tuo, idcirco evasit Syria regis exercitus de manu tua. Nōne Æthiopes & Libyes
 multò plures erant, quadrigis, & equitibus, & multitudine nimia: quos, cum
 Domino credidisses, tradidit in manu tua? Oculi enim Domini contemplantur
 universam terram, & præbent fortitudinem his, qui perfectò corde credunt in
 eum. Stultè igitur egisti, & propter hoc ex præsentì tempore adversum te bel-
 la surgens. Iratusque Asa adversus Videntem (Prophetam) jussit
 eum mitti in perrum; valde quippe super hoc fuerat indignatus: & inter-
 fecit de populo in tempore illo plurimos. 2. Paral. 16. In qua objurga-
 tione, comprimis observanda Asæ vecordia, qui post tam lucu-
 lenta divini præsidij experimenta, spem suam posuit, in baculo, ut
 Isaias loquitur, arundineo: nempe in homine Numinis inimico.
 & odia summa merito. Quid enim armatorum multitudo, nisi
 seges arundinum, statu sternenda, nisi robur è cælo accedat?
 Idem Vates, cap. 30. fiduciâ in homine collocatam, appellat
 umbram. Habentes, inquit, fiduciam in umbra (milite) Ægypti. Quid
 fallacius, fugacius, inconstantius umbra? Neque enim Dominus (ut
 psaltes ait psal. 146. in fortitudine equi voluntatem habebis; neque in tibijs
 viri beneplacitum erit ei. sed in eis, qui sperant super misericordia eius.

Alterum in oratione Hanani animadvertendum, est:
 Oculi Domini contemplantur universam terram &c. DEUS eadè provi-
 dentiâ gubernat universos, quâ singulos. absq; ea, ne pilus quidem
 de capite, nec folium ex arbore defluet. Ipse flagellat, & salvat, dedu-
 cit ad inferos, & reducit. Tob. 13. Vita & mors in manu eius,
 clades & victoria; neminem deserit, nisi quem antè sua spes
 deseruit.

Tertium, quod notandû; Stultè egisti. Cordata & libera vox, sed
 à DEO

INFELICITAS REGUM ISRAELITICORUM. 357

crudelitatis libido incitavit. Et mirum! ausus est *Baasa* impijs Jeroboami (quem funditus in sua posteritate extirparat) vestigijs, nefarius idolorum cultor insistere; ejusque imitari crimina, cuius exhorrescere debebat pœnas. Adest igitur, more jam solenni, missus à DEO Vates, *Jehu* nomine, ut sceleratissimo tyranno interminetur supplicia, posterorum excidiò pendenda. Sed homo ferox, vaticinij minas elusurum se ratus, si Prophetam interficeret, non dubitavit sacrati viri sanguine crudeles manus imbueri. Remorante tamen ultionem, Numinis dextrâ, *Baasa* ipsos quatuor & viginti annos ex alio in aliud scelus circumegit, donec infelice spiritu in orcum ejectione, filium post se reliquit *Elam*, Eiusque interfector *Baasa* impiè mortuus. patris per omnia æmulum, & diris Prophetis devorum. In hunc insurrexit *Zambris*, mediæ partis equitum ductor; qui conjuratione facta, regem *Thersa*, in urbe regia, inter epulas temulentum, edemisit, quò genitor præcessit, cum vix secundum regnandi annum inchoasset. Quò facinore perfectò, ne esset, qui occisum posset ulcisci, secumque de regno contenderé, eadem truculentia in omnes regis consanguineos defæviit; propriòque scelere alienum ultus crimen, prædictioni fidem, sibi gradum ad interitum fecit. Nam exercitus Israëliticus, qui tum *Gebbet bonem*, urbem Philisthinorum, obsidebat, intellecta *Zambris* rebellionem, nefariæque regis cæde, diadema imposuit militiæ principi, cui *Ambri* appellatio; hic omisso obsidiò, celeritate usus, copias *Thersæ*, in qua se *Zambris* pro rege gerebat, admovet; ille metu & desperatione adactus, ut timida est pravorum conscientia, sese, regia cum domo succendit: Simul diris corpus supplicij, simul regias opes inimico erepturus. Tyrannicum ejus imperium non ultra septiduum se extendit. Et *Elam*.
Et *Zambris*.

Interemptò tyrannò; cum nemo de stirpe regia Jeroboami superesset, populus in contraria scissus est studia, *Ambri* non leve jus ad regnum contulerat prærogativa militaris; optimates autem favebant *Thebni*, viro inter suos claro. Triennium inter eas disceptationes effluxit, cum *Thebni* præliò inferior, vitæ finem & discordiæ fecit. *Ambri* æmulò sublatò, curis ad pacis studia conversis, novam sibi regiam (*Thersam* quippe cædes & rapinæ vastarant) in extremis Ephraimiticæ Tribus finibus ædificavit; quam *Samariam* appellavit, de nomine *Sameris*, à quo montem emerat, cui urbem imposuit, regni deinceps primariam, opibus & munimentis futuram. Sed *Ambri* quoque detestabilem reddidit memoriam impietas, quæ ante alios eminens, duodecimo regni anno ad inferos & ipse abiit. Et *Ambri*.

In regno & flagitiis successit, *Achab* filius, anno Mundi 3117. ante Chr. 936. homo ex asse nequam; qui cum scelera sceleribus, Et *Achab*.

instigante *Jezabele* uxore cum lāisset, spretis *Eliæ* monitis, & *Michea* vaticinijs, tandem à *Benadabo* Syriæ rege, quem antè vice-
rat, profligatus & cæsus, patientiæ DEI poenas dedit, post regni
annum vicefimum secundum. de quibus infrà plura. Reliquit
post se progeniem non minùs vitiosam, *Ochoziam*; qui cum for-
tè deambularet in supremo tecti solario, prolapsus per fene-
stram, quâ lumen in cœnaculum immittebatur; vel, ut alij

Et Ochozias volunt, per reticulatam solarij loricam, fatiscens & ruptis
cancellis, extremum vitæ periculum adiit. Conquassati cor-
poris remedium à *Beelzebube Ascaroniarum* idolo dum petit, inte-
ritum pro salute accipit, filioque *Ioramo* succedendi locum facit,

Et Ioramum homini, patrem cum alijs, tum maximè impio simulac-
rorum cultu, referenti. quem duodecimo regni anno, *Iehu*,
Magister equitum, sagittâ traijcit, simulque deletâ, Achabi famili-
liâ, regnum Israël invadit, & *Jezabelem*, criminum omnium femi-
nam, debita dudum morte mulctat: nec in mortuâ parsum poenæ,
nam à canibus discerptum cadaver, & septuaginta Achabi filij,
in divini vindictæ appendicem, ferro necati sunt. An. M. 3157.

Et Jezabel. ante Ch. 896. *Atbalia*, sola ex Achabi prole superstes, nupta *Ioramo*,
Iosaphathi filio, regi Iudæ, post mortem *Ochozias*, filij, (ad
quem paternum regnum devenerat) sibi asserit sceptrum, & in
suum ipsa genus ac sanguinem, nova furia debacchata, prolem
omnem regiam, quantum in ipsa fuit, peremerat, regnumque vi
occupatum, vi & cedibus administrabat. Tercio tyrannidis an-
no, adnitente *Ioiada* Pontifice, ferro occiditur, *Ioa* octenni in reg-
num assumptò, quem infantulum, *Aviæ* crudelitati substractum
Ioiadas clanculum educabat. Sic Achabi stirps evulsa radici-
tus, nullo termitè repullulavit. Neque *Iehu*, per quem DEUS
sacrilegam Achabi domum evertit, impunè tulit venerationem
vitulis *Ieroboamicis* impensam; nam post clades à Syris acceptas,
cum inglorius reliquum vitæ, regnique exegisset; anno vigesi-
mo septimo, ex quo dominatum gentis Israëlitiæ arripuit, im-
piè defunctus, sceptrum transmisit *Ioachazo* filio; ab hoc, mul-
tis calamitatibus, ipsis annis septemdecim, attritò, devoluta
potestas regni in hæredem *Ioram*: qui regni anno decimo sexto de-
mortuus in cultu idolorum, postquam eò DEUS est usus, tan-
quam virgâ ad Syros & Iudæos cædendos, in filium diadema
transtulit, *Ieroboamum* secundum; virum strenuum & bellicosum,
sed idolis deditum; unde parem sortitus est exitum, animo ta-
men funestior, quàm corpori.

Et Iehu. Post duodennium interregni, *Zacharias*, Ieroboami II. filius,
Et Ieroboamus secundus. in solium eVectus, quartus ab atavo *Iehu*, regnavit, in exter-
Et Ioram. minatæ

Et Ieroboamus secundus.

Et Ioram.

Et Ioram.

Et Ieroboamus secundus.

Et Zacharias.

INFELICITAS REGUM ISRAELITICORUM. 359

minatæ familiæ Achabânæ mercedem ; quæ cûm juxta oraculum divinum, intra quartam generationem staret, *Zacharias* post trimestre imperium, conspiratione facta, à *Sello*, Primatûm uno, interficitur, ultimus stirpis Iehu furculus. *Sellum* verò undò pòst annò sustulit *Manabemus*, exercitûs regij præfectus, paris perfidiæ & crudelitatis, cujus imperium cum urbis *Thapsa* incolæ detrectarent, admotis copijs eam capit, & promiscua in omnes cæde sævit, ferro quoque rimatus prægnantium viscera, ne quis locus carnificinæ subduceretur. Et quia tyrannidis perpetuus est comes, metus ; tantò jam timidior, quantò priùs immanior, magnis in auxilium impensis *Pbulem*, *Egyptiorum* regem vocat, pòstque decennium in regno, odiòque publico exactum, sicca morte (quod rarum in tyrannis) descendit in Tartarum ; succedente filio *Pbacciâ*, quem biennalem sceptri possessorem, de sede & vita deijcit *Pbacee*, Romeliæ filius, chiliarcha, cum quinquaginta conjurationis socijs. Hunc quoque, vigesimò pòst annò (postquam à *Teglatphalafare*, filio *Pbulis* Assyriorum rege, ob denegatum tributum, magna regni, populique in Assyriam transportati parte multatus est ; quinque enim tribus in captivitatem abductæ) consecuta Nemesis, per *Ofeam*, *Ela* filium, ferro interemit, & parricidæ talionem per parricidam rependit. Non minùs *Ofeam* vindex justitia, in pœnas rapuit ; nam annus imperij decimus & nonus tam regi, quàm toti regno Israëlítico fatalis fuit, multò antè, ab *Isaia* prænuntiatus ; eo enim tempore, *Salmanasar* Theglathphalasaris filius, quòd Israëlitàe tributariæ servitutis jugum excutere molirentur, ex Assyria in Palestinam irrupit, captâque, post tertium obsidionis annum, *Samariâ*, regni capite, populum unà cum rege compedibus vinctò (in quibus decessit) in Persidem & Mediam abduxit, (in cæteris captivis etiam *Tobias* fuit) regnûmque Israëliticum funditus evertit, postquam illud Ieroboami operâ, Roboami stultitiâ, à regno Iudæ distractum, per annos ducentos, quinquaginta quinque, perpetuò suis cum regibus, idolis serviisset, & severas, multiplicésque Prophetarum minas, obstinata mentis inductione rejecisset ; lento quidem, sed tremendo cœlestis Vindictæ processu.

DOCTRINA.

Hunc exitum habuit idolomania per Ieroboamum in regnum Israëliticum investa : hoc ex fonte tot annorum fluxerunt lacrimæ ; unius contagio, suppliciumq; sceleris duo secula cum dimidio corripuit, corripuit, afflixit. Quoties clementia

clementia Numinis per Vates suos ad sanio rem mentem desertores avitæ fidei revocare voluit! quoties repulsam tulit! Quoties poenas infligit, inflictasque immeritis favoribus mitigavit! Beneficia ob oculos posuit; & tamen qui agnosceret, non invenit. Hinc illæ Historiæ Sacræ repetitæ querelæ; *ambulasse reges Israel in via Ieroboam, & in peccatis eius, quibus pescare fecit Israel, fecisseque malum coram Domino.*

*Cur Ieroboam
ad scelerum eve-
ctus à DEO*

Quæres, cur DEUS exegerit Ieroboamum ad dignitatem regiam, quæ sciebat tam malè usurum? Respondet *S. Hieronymus lib. 3. contra Pelagian. c. 2. Vis, inquit, scire rationem? DEUS præsentia judicat, non futura, nec condemnat ex præscientia; quem noverit talem fore, qui sibi postea displiceat; sed tantæ bonitatis est, & ineffabilis clementiæ, ut eligat eum, quem interim bonum cernit, & scit malum futurum, dans ei potestatem conversionis & poenitentiae. Neque ideo peccavit Adamus, quia DEUS peccaturum præsciverat; sed ideo præscivit DEUS, quia ille propria voluntate erat peccaturus. Nec in eo, inquit *Ambr. brosius in cap. 9. epist. ad Rom.* læsus est vel Adam, quia mandatum accepit; nec Iudas, quia electus est: non enim necessitatem DEUS vel illi prævaricationis, vel huic proditiõnis imposuit; quia uterque, si, quod acceperat, custodisset, à peccato abstinere potuisset. Quos scit DEUS in bono mansuros, frequenter antè sunt mali: & quos scit malos permanuros, aliquoties prius sunt boni.*

*Tyrannorum
interitus.*

Ex Tyrannis Israëliticis, quorum alius alium de vita & solio deturbavit, apparet, imperium scelere acquisitum, etiam scelere fuisse amissum: neque enim regna diu manent apud eos, qui ea rapuerunt. Et verum est illud Senec. Oedip. Act. 3.

Qui sceptrâ duro sevus imperio regit

Timet simentes: metui in auctorem cadit;

Vetustque dictum est tyrannos principes quàm rarissimè senescere. Quod si longius vitæ spatium quibusdam indulget Mundi Rector, facit id in vindictam scelerum; sunt enim Principes impij flagellum DEI.

*Impiorum
eradicatio.*

Et ò vecordes & miseros, qui DEO contempto, sibi felicitates in purpura fingunt! qui tantò propius ad honorem & gloriam sese credunt accedere, quantò recedunt longius divinis legibus. Enimvero cæcorum instar, tot ruunt in præcipitia, in quot scelera devolvuntur. Salomon Proverb. c. 11. ait: *In impietate sua corruet impius.* Gravissimus lapsus è solio in Tartarum. Eò præcipites abierunt Israëliti reges omnes, victimæ nil miserantis Orci, *sumibus peccatorum suorum constricte.* Proverb. 5. *Va vobis impij* minatur Siracides Ecclesiast. cap. 41. *qui dereliquistis legem*

Altissimi

INFELICITAS REGUM ISRAELITICORVM. 361

Aliissimi. Et si nati fueritis, in maledictione nascemini, et si mortui fueritis, in maledictione erit pars vestra. Et psal. 20. Fructum eorum de terra perdes, et semen eorum a filiis hominum.

Quid verò potuit esse dementius, quam desertâ Religione tot prodigijs contestatâ, divinitatis cultum in conflatas ex auro vitulos. conferre? Prò Numinum pudendorum adoratores! Non minus stultitiæ & impietatis inest ijs, qui cum Ochozia terribimos dæmones, eorūque detestabiles ministros, Magos & Divinos consulunt, non sine gravissima Majestatis æternæ injuria, parique supplicio. Sic Saul occisus in prælio, qui pythoniſſam pro Oraculo habuit. 1. Reg. 28. Sic Achab telo confusus, quod à Prophetis Baal eventum sit belli sciscitatus 3. Reg. c. ult. Sic Ochozias gemina morte multatus est, quia arcanorum cognitionem ex Beelzebube, cacodæmone petijt. 4. Reg. 1. *mistiſſeque nuntios, dicens ad eos: Ite, consulite Beelzebub, DEUM Accaron, utrum vivere queam de infirmitate mea hac. Cui Elias: Ideo de lectulo, super quem ascendisti, non descendes, sed morte morieris. Hoc fulmine caput erat ferendum, quod incolumitatem ab orco sperabat.*

Debuiſſent idololatræ Israëlitas à nefandis superstitionibus abſtergere, vel ipsa turpiſſimorum Numinum propudiosa nomina. Quid enim aliud *Beelzebub*, quàm *muscarum DEUS*, quem Accaronitæ invocabant ad abigendas muscās, quibus ipſorum regio, quippe in solo humido & calido, ob maris viciniam, sita abundabat. Quid *Smintheus* Cretensium Iupiter, quàm *Dominus murium*? Quid *Parnopius* apud Atticos, quàm *culicum & locustarum præſes*? Quid deaſtri illi ex varijs gentibus in Samariam translati, & ibi culti, niſi numinum, nominūque monſtra? Nam 4. Reg. 17. legimus: *Et unaqueque gens fabricata eſt deum ſuum: poſueruntque eos in fanis excelsis, qua fecerant Samaritæ. Viri enim Babylonj fecerunt Sochothbenoth, id eſt, gallinam cum pullis ſuis. Viri autem Chutæ (Pergit S. Scriptor) fecerunt Nergol, id eſt, gallum gallinaceum. Et viri de Emath fecerunt Aſima, id eſt, hircum ſilveſtrem. Porro Hevæi fecerunt Nebabaz & Thartac, id eſt, canem & aſinum. Hi autem qui erant de Sepharvaim, comburebant filios ſuos igni, Adramelec & Anamec dijs Sepharvaim. id eſt, mulo & aſino liberos ſuos imolabant. Hoc enim ſignificant voces illæ Syriacæ, Chaldaicæque. At hæc denique portenta, Sacrilega infania delabitur. Verè Apoſtola b Philipp. 3. *Gloria in confuſione eorum.* His ſe propudijs proſternunt ſupplices, qui caſtiſſimo Numinis veri cultui tergū verterunt. *Confundantur omnes, exclamat psalter regius pf. 90. qui adorant ſculptilia, et qui gloriantur in ſimulacris ſuis.* Et cū illis omnes ij, qui*

Crimen conſulentiū magos.

Portenta idolorum.

sectas colunt impias, vel quocunque pacto comēciōvecum stygijs genijs tenentur. Ea superstitionum monstra, quæ Israëlitas olim in tam multiplices impietates distraxit, perdiditque; hodie quoque haud paucas gentes, provincias, urbes absurdissimorū errorum labyrinthis implicat & pessundat. Nimirū una & recta est veritatis linea, à qua si vel tantillū deflectitur, in alia super alia offendicula, lapsus, aberrationes, devia devenitur.

*Causa rui-
na regum
Israhelico-
rum.*

Juvat huc quædam transcribere ex ijs, quæ Ioannes noster Bisselius, eruditissimus historicus, in Parte 1. Decad. 4. Ruinarū Illustrium, subjungit Ruinæ Regum Israhelitarum, num. 12. ubi sic disserit: sed quis hanc tantam sempiternorum ignium, necessitatem, *Israhelitis* sive Regibus, sive *Populis* injunxit? Quis è solio, vitæque, florentes quondam, ad incendia sine caritura detraxit? Profecto, non DEUS; cui *proprium misereri semper, ac parcere*; sed singulorum & omnium, spontaneus impetus; prava voluntas; & peccandi libido. Nempe, DEO retrahente; Prophetis reclamantibus; lege Mosis contrà stante; prodigijs, beneficijs, minis, ac pœnis, dehortantibus; tamen suas singuli cupiditates pro DEO, Prophetis, lege, monitis, habere sunt ausi. Ac reges quidem Israëlitas, ut *Vitalorum* sacrilegum cultum excogitarent, & à semel excogitato nunquam avellerentur, *Ambitio* pessum dedit, Regniq̃ue retinendi præposterum studium. *Prudentia* sanè mortalium, *DEI spiritu* carentium, sed DEO planè *Stultitia*! sapientia non cœlo descendens, sed (pace vestra Pseudopolitici) *terrestres*, animalis, diabolica. Perdidissent, inquis, sibi, posterisque suis Israëlitis imperium, si populus ad Iudææ reges se retulisset. At ob idipsum perdididerunt, DEO diffidentiam eorum plectente: non amissuri, si DEO nixi, formidines humanas despuissent. Sed quæstus (inquis) ingens è populi defluxu, fisco fuerat regio decessurus vectigalium ac tributorum imminutione, quæ regnorum anima & succus sunt; & Populus *Vitalinorum* sacrificiorum dulcedine depulsus, alienior à rege prohibente, majestatem illius enervaturus erat. Hoc nimirum, hoc ipsum est, Interitûs regum Israhelitarum lethale punctum: quod idem novissimis his mundi sæculis, Principum haud paucos evertit, ut antiqua Sacra convellerent, novæque religiones permitterent, & amarent: *Populo* nempe *ne displicerent*; & suas interim opes amplificarent. Hæc regum Israhelitis, & omnium post hos, imitantium eos, Interitûs ac Rurinæ causâ fuit: Ambitio, radixque malorum Avaritia.

Populus

INFELICITAS REGUM ISRAELITICORVM. 363

Populus autem Israëliticus, undenam periit? Regibus nempe pessimis, in rebus longè peioribus libenter obtemperando; non sine quodam excusationis honestæ pallio. quando naturæ vitio comparatum sic est; Ut, ad quod sua quisque cupiditate fertur, id Obsequium, Necessitatēmq; nominet: & in scelere suo, tanquā in umbra virtutis acquiescat. Israëlitarum igitur pars maxima, non tam, quod regum suorum imperiis adigerentur, quā quod sacrificiorum, cœtuūque nefariorum genus crassę voluptarięque gentis sensus demulcebat, ad vitulos aureos adorandos convertebatur. Ibi confluebat uterq; promiscuē sexus & ætas. Edebatur, potabatur, ludi fiebant, ac saltantium chori. psallebant in lucis puellę; concinebant iuvenes; ingenuisq; virginibus ac matronis inistę meretrices & prostibula, similitudine morum suorum ac turpitudinum, accendebant etiam honestatem. Illic temulentorum clamores; amantium in lasciviam fractę voces & carmina, tibię, citharę, psalterięque depravabant animos etiam castos; quippe vinō jam præoccupatos. Tanquam id demum esset, quod ab *Vituli* cultoribus atque cultricibus exigetur: *Reique Divina* nulla dari consumatio opera, nisi Venere posset.

Perierunt igitur & Reges Israëlitis, & Populus; ab intestinis sibi vitijis eversis potiùs, quā ab exteris Assyriorum armis. Cūque (quod mirandum imprimis est) tum vel maximè, magisq; postea Judęæ Rex *Ezechias* floreret; cuius annō sexto regni *Salmanassar* *Oscām* & Israëlitas in *Mediam* abduxit: Samariticum contrā regnum adeo jam à radicibus inchoatā strage concidit; ut novēdecim Reges haud ampliùs ducentos annos, & quinquaginta quinque duratione culminis explērint; Intrāque regnum unius *Assę* Jerosolymitę, sex Israëlitę reges consumpti sint. A principio verò regni *Jeroboami* Vitulorum auctoris, ad *Oseę* supremam cladem, non nisi *Tredecim* Jerosolymitę reges; aut si cum Flavio *Iosepho* Reginam *Asbaliām* excludere placeat, *Duodecim* gubernaverunt. Sed *Israëliticorum* quidem Regum plerique, cecidere tantisper, alienę manūs arbitriō: *Judaicorum* haud plures quatuor-Israëlitas denique Reges non solitarij corrūere, sed cum ingenti populi sui multitudine, barbarorum ferro concisā: *Judaici* contrā florentibus adhuc, aut certè sub *Ezechia* saltem revirescentibus, plebis quoque fortunis. Sub eodem igitur annorum curriculo plures illic Principes; hīc *diuturniores*: & *regalium* capitū pauciores fuerunt in Judęa *Corona*; plures autem in *Israële cades* atque *victima*. Fit nimirum hoc; ubi *Sceptri* potior est, quā *Cali* Dei que cura. Hęc eruditus ille Scriptor.

*Causse ruinę
na populi
Israëlitici,*

*Discrimen
inter reges
Solymitas,
& Israëliticos
seu Samaritas,*

NARRATIO

NARRATIO LXXIX.
 IOSAPHATVS, IV.
 DAE REX, PIETATIS
 CULTOR.

3. Reg. 22. 2. Paral. 17. 18. 19. 20.

Ab anno Mundi 3121. Ante Christ. 932. ad annum Mun-
 di 3145. ante Christ. 908.



*Josaphati
 prudentia.*

AET regnum ac felicitatem *Josaphatus* excepit filius, abnepos Salomonis. Hic inter paucos probatus ac dilectus Numini, conceptam à teneris pietatem non regni modò principiò præ se tulit, sed eam toto vitæ decursu mirificè amplificavit. Fuit princeps ingentis animi, & curæ sagacissimæ. Perdidit omnia, quæ imperium antecessorum attriverant, eaque magna vi, aut vicit, aut amovit. Retractavit animo ambitiosas Salomonis divitias, in prædam congestas barbarorum; quòd in cogendo avidior fuisset, quàm in servando prudentior. Itaque non est imitatus avium speciosissimas, quæ plumas spoliantium aviditati nutriunt: roborare se maluit, quàm ostentare. Statim adjecit animum ad constituendas urbes munitissimas, quo scilicet obice erumpentem hostem aut frangeret, aut lassaret. Collocavit in locis opportunis præsidia, quæ in imperij tutelam vigilarent. Recensuit militiam, & ex tota gente elegit quinque duces probatissimos, quibus suas copias assignavit, ut parati essent ad subita, & virtutem æmulatione accenderent.

*Divitia Jo-
 saphati,*

Et quia sciebat, Salomonis & Roboami cruenta vestigalia, & acerbam vim exactorum, plurimum nocuisse, non quæsit artes parandæ pecuniæ subdolas, non armorum terrore expressit licita atque illicita; sed statim se boni publici, quàm studiosissimum professus, omnes in id contulit curas, ut sub eo populus non modò commodè, sed laxè viveret; magna interim molitus ad civium utilitatem & omnibus obvia; Ex quo tanta subditorum benevolentia est consecuta, ut ultro undique offerrentur tributa & munera. Ditabant ejus ærarium vestigiales Philisthinorum & Arabum reguli, ita ut in fiscum *divitia infinita*, teste sacrâ historiâ 2. Paral. 17. *multa cum gloria influerent.*

Potentia.

Par opibus, armorum potentia, militumque copiar. Præter enim

JOSAPHATUS, REX PIJSSIMUS. 365

enim valida, quas passim urbibus regni munitioribus imposuerat, præsidia; prætoriana Ierosolymis castra primus omnium regum antecedentium instituit: & in castris præstò semper cum suis quasque signis adducibus, legiones & copias; ac planè legitimos, & justos exercitus. Sub *Edna* namque, copiarum ductore, principèque, millia trecenta: sub *Ioanne* supra octoginta millia, ducenta præterea millia stipendia faciebant. Sub *Amasia*, *Zechris* filio, *Nazaræo*, millia ducenta robustissimorum virum. Sub *Eliada*, sagittariorum, & clypeis armatorum, millia totidem. Sub *Jozabado* denique, militum acerrimorum centum & octoginta millia. Summa militis prætoriani, millies mille, centum & sexaginta millia; Iosaphato semper expedita manus. Tantum potuit prudentia & humanitas religiosissimi Principis; quorum altera effecit, ut subsidia pacis, bellique nunquam deessent; altera Israëlitarum magnam multitudinem, ad pristini regni, religionisque amorem reduxit.

Itaque armis, opibus, & autoritate firmatus, renovationem regni à fundamentis aggressus est. Et quia DEI populum absque lege DEI stare non posse credidit, reliquias abominandæ superstitionis invictà constantiâ profligavit; cumque animadvertet, omnia inde scelera & flagitia suboriri, quod fons verbi divini exaruiisset, primus omnium Regum, suscepit dignam Evangelii curam: destinavit Principes, Sacerdotes, Levitas, qui omnes urbes & pagos indefesso labore lustrarent, & populum vel ingenio suo, vel administrantium socordiâ, rudem erudirent. Tanta inde regis veneratio, tanta populo addita est fiducia, ut qui antea dejecti, tum hostibus formidolosi existerent. Cui negotio suam ipse quoque interponens majestatem & operam, Iudæ, Benjaminque regionem omnè denuo lustravit, Deique veri sinceram colendi rationem, & ut *Prophetes* docuit, & ut *Rex* præcepit, imitandò tempestatibus etiam Christianis documentò.

Addidit religioni comitem iustitiam; namque præ cæteris, qui eum præcesserant, regibus, accuratissima sedulitate iudices constituit, qui in singulis urbibus à se munitis ita darent jura, ut meminissent, de ijs in supremo omnium Tribunali rationem reddere. Forum præcipuum Ierosolymis constituit, causâsque solertissimè distinxit, ut, quæ DEI essent, Pontifici relinqueret: quæ regis, regijs quoque iudicibus committeret.

Tam validum istis artibus constituit regnum, ut civibus reverentiam sui, terrorem hostibus maximum pareret. Israëlitarum, qui ceteros turbare reges Iudæ consueverant, sub Iosaphato quievère, vel timore potentia, vel nominis famâ. Sed *Moabita* & *Ammonita* acerrimè de Iude regno delendo cogitârunt, prævalido

A a a

exercitum

Zelus religionis.

Iustitia.

*Armonia
se ipsos con-
sidens.*

exercitu jam in fines Hebræorum irrumpente, & *Engaddum* tractum insidente. Rex cœlestibus semper armis intentus, solenne jejunium indicit, & longa oratione suis militibus spem & fiduciam inspirat. Inde secuta strages hostium, prodigio similis, ut non tã ad bellandum, quàm ad spolia diripienda, profectus ex urbe Iosaphatus videretur. Mirum namque dictu! ne gladiò quidem ullò strictò; nec pilò, spiculòve missò; nec pede collato, manùve consertà, victor *stando* magis ac *spectando*, quàm *dimicando* fuit. Furias quippe hostibus, & alternum cædium impetum, immitente Numine: barbari, pro Iudæis hostibus, Idumæos, auxiliares suos; pòst, seipsos, mutuis ensibus, ad internecionem usque confecerunt. Eodem itaq; vestigio temporis, & Iosaphatus cum suis, in *Valle* (quæ *Benedictionis* postea nomen ab evento tulit) omnium concordì studiò, divinas concinebat laudes: & barbarorù cædentium sese, cadentiùmq; mistus ibat in cœlum gemitus, atq; clamor. In Tartarum verò pereuntium animarum imensa ruebat strages, universà cadaveribus hostium constratà terrà; cum interim ex Hebræis, nec unus quidem, exercitùs regii numerum imminuisset. Spoliorum autem hostilium ac prædæ, multitudo tanta fuit, & opulentia: quanta vel avaritiæ, cui nihil satis est, sufficere potuisset; si suffecissent tot millium manus; quæ triduò solidò colligendis castrorum divitiis occupatæ, nec sic tamè exhaurire prædam potuerunt.

*Iosaphato
Societas cū
impio Achabo
perniciosa*

In hunc modum Iosaphati quàm religiosum, tam & potens, opulentumque regnum fuit: futurum itidem, & reliquis omnibus suis numeris absolutum; nisi pretiosæ vestis instar, pulvere fordidatæ, maculam ex *Achabi*, Samaritarum impii regis affinitate, (foramò quippe filio, Athalias Achabi sceleratam filiam in uxorem, infaustis auspicijs, dedit, & cum ea idololatriam in judaicū regnū invexit) scederetque contraxisset. Postèris principibus ea contagies, disciplinæ documentòque fuit, regè bonum, alienam malitià, conjunctione facere suam. Nimirum ingens animi tormentū est amicitia, quæ sæpe domat, antea indomitos, & blandè flectit in deterius, etià qui constantes pietate videbantur. Erat Iosaphato comis vita, & convictus facilis. Odisse poterat vitia, vitiosos à se undiq; arcere non poterat: subrepit in eius familiaritatē Achabus per delicias, & amœna vitæ, à quo magnificè exceptus, amorè hausit imprudentem & cæcum, ut non consideraret funestam odijs divinis, & detestabilem Achabi domum, per omnia libidine Iezabelis furie agitaram & turbatam. Ex eo malorum ilias in Iosaphati domum fluxit, & seris nepotibus lentæ pestes. Nam etsi nec Dijs consiliis, nec eorum simulacris supplicem se prostraverit, maculà tamen aspersus est jam tum, cum *Ase* patre conciliante, nuptijs se illigavit

JOSAPHATUS, REX PIJSSIMVS. 367

se illigavit filiæ sacrilegi regis *Amri*: quæ soror Achabi fuit, regum omnium Israëlitarum execrandissimi; deinde pessimū Achabi sanguinem, uti memoravimus, per matrimonium suo inmiscuit. Hoc illi objecit animosus Propheta *Iehu*, filius Hanani, 2. Paral. 19. *Impio præbes auxilium, & his, qui oderunt Dominum, amicitia jungeris. Et idcirco iram quidem DEI mereris: sed bona opera inventa sunt in te, eò quòd abstuleris lucos de terra Iuda.* Non minùs altera fœderis societas cum *Ochozia*, Israëlítico rege impijssimo initi, exprobrantis & indignantis DEI voces provocavit, quarum interpres *Eliezer Vates*; *Quia fœdus habuisti cum Ochozia: percussit Dominus opera tua; contritæ sunt naves* 2. Paral. Adeò displicet DEO piorum cum armis impijs armorum conjunctio. Iosaphatus certè bello, prælioque Syriaco minimò minùs abfuit; quin DEO charus ipse, pro devoto diris Achabo trucidaretur: & postea classis aurifera, quam junctis remis & impensis, Iosaphatus & *Ochozias*, in *Taprobanam* ac *Skumatram* (Sacra Scriptura *Ophir* & *Tbarsis* appellat) Salomonis institutò, missuri fuerant, neque lucrum tenuit, neque cursum: *Adiongàbere* statim, hoc est, in ipso sinùs, Arabici portu, naufragiò convulsa. quia boni Principis bona mens, mali Principis animæ malæ, spe quæstus, illigata; claudam fecit & fortunam, & expectationem lucri caducam. Sed Iosaphati tamen si non classis, at certè Salus anno regni 25. vitæ 60. tandem enatavit: *Ochozia* per omnia, quod suprà indicavimus, demersò.

DOCTRINA.

Iosaphatus Ideæ Principum est, quam imitandam sibi proponant; si quosdam eius nævos excipias, à quibus sibi caveant. Palmaria eius laus, Pietas. *Fuit Dominus inquit sacer Scrip- tor, cum Iosaphat, quia ambulavit in vijs David, patris sui,* 2. Paral. 17. En merces Virtutis, perpetua Numinis in hunc regem benevolentia, & auxiliatrix manus. Plurimum in omnem partē juvat probitas, & sincerus erga DEUM cultus. Nam ut ipse *Aristoteles Polit. 5.* fatetur, pietas verendos facit principes; & minimum sibi licere in eum Subditi putant, quem tuetur cœlestium favor; nec ab eo quidquā injustum expectant, cui sciunt religiosa quæque, & optima cordi esse.

*Iosaphati
pietas regi-
bus imitan-
da.*

Misit de Principibus suis, & cum eis Levitas & Sacerdotes, docebântque populum in Iuda, habentes librum legis Domini, & circumibant cunctas urbes Iuda, atque erudiebant populum 2. Paral. 17. Nec contentus eo religionis propagandæ studio, Ipse met regressus est ad populum de *Bersabee* (ab austro) usque ad montem *Epbraim* (versus septentrionem) & revocavit eos ad Dominum DEUM Patrum suorum. 2. Paral. 19. O insignem, & nullis sat laudibus prædicandum Religiosissimi Principis

*Ardor pro-
pagandi
Cultus di-
vini.*

Zelum! hic ei felicitatum omnium Cornucopia fuit; Hinc opes, gloria, potentia, & à barbaris gentibus veneratio. Hinc *Factus est parvor Domini super omnia regna terrarum.* 2. Paral. 17. Hunc olim sunt æmulati, S. Stephanus primus Hungarorum, rex, S. Ludovicus Francorum, & S. Wenceslaus Dux Bohemorum. Et nostrò ævò Reges Hispaniæ & Lusitaniæ, qui magnis impensis Indias utraq; subjugarunt, ut earum incolas ad veri DEI cognitionem & cultum per viros Religiosos traducerent.

Misit Iosaphatus cum Primatibus Aulæ Sacerdotes & Levitas; ne putemus profana miscuisse Sacris; nam fora distinxit, iura discriminavit: alteros Regis curare legem, alteros DEI iustitiam; conjunctâ tamen operâ, ut & Religio ab auctoritate Politica, & hæc à Religione splendorem duceret ac firmamentum. Unde Sacratî Præsides officium quoque suum discant, ut per Dioceses suas, quasi Angeli Provinciarum custodes, moribus integri, eruditionis laude insignes, prudentia seduli, tanquam benefici siderum fulgores omnia virtutibus accendant, & vim quandam salutarem ubique diffundant; ignorantie tenebras pellant, discordiam excitent, pravitates tollant, pietatis studia instaurent, Religionem Patrum sanctam testamque conservare studeant.

Et en aliud pietatis argumentum, & emolumentum, quod Iosaphatus dedit, retulitque in bello, à *Moabitibus, Ammonitis Idumæis* confiato. 2. Paral. 20. *Venerunt nuntii, & indicaverunt Iosaphat; venit contra se multitudo magna.* Quid faciat rex contra hostem triplicem, eumque validissimum? quò se vertat? Irruptio facta est ex improviso; ægrè subditorum arma licebat contrahere, nedum externa auxilia implorare. Quod humanum erat, passus est Iosaphatus, timuit; concussus est, haudquaquam dejectus. Rebus in arctis ad eum confugit, quem expertus fuerat certissimum spei suæ præsidium, ad DEUM, inquam. Scriptura ait. 2. Paral. 20. *Iosaphat autem timore perterritus, totum se contulit ad rogandum Dominum, & prædicavit jejuniis universo Indæ.* Et ô vim omnibus armis validiorem, preces! Pro suis in hostem dimicavit DEUS. *Hæc dicit Dominus:* (exclamat repente de medio populo *Iabaziel* Propheta) *nolite timere, nec pavetis hanc multitudinem, non est enim vestra pugna sed DEI.* loc. cit. Ut dixit, evenit. Citra pulverem DEUS victoriam contulit. Dum enim voce consona versiculus ille psalmi 135. *Confitemini Domino, quoniam in æternum misericordia eius.* à cantoribus exercitum præcedentibus ingeminatur, mutuis periegunt cædibus hostes. Iosaphatus venit, vidit, vicit, spolia superba legit. Sine temeritate epinicium ante victoriam canitur, si non milites tantum, sed preces quoque armatæ in hostem immittuntur.

*Per preces
prodigiosa
victoria.*

*Regis offici-
um.*

Post curam religionis, altera Iosapha o, Justitiæ fuit. *Constituitque
judices*

JOSAPHATUS, REX PIJSSIMUS.

369

*judices terræ in cunctis civitatibus Iuda munitis per singula loca, & præcipiens
judicibus Videte, ait, quid faciatis: non enim hominis exercetis iudicium, sed
Domini: & quodcumque judicaveritis, in vos redundabit. Sit timor Domini
vobiscum, & cum diligentia cuncta facite: non est enim apud Dominum DE-
UM nostrum iniquitas, nec personarum acceptio, nec cupida munusculum.* 2. Pa-
ril. 19. Ad Regem pertinet tueri cives suos, & paterna charita-
te amplecti, suis vigilijs eorum munire somnos, suis consilijs
tranquillitatem, suis armis pacem quærere. Jus omnibus red-
dere, in pietate, in morum honestate, in functionum omnium
libertate quasi materno sinu omnes fovere. Cleri coelestes in præ-
cibus excubias, Nobilium decus, Judicum auctoritatem, Litera-
torum otia, Agrestium labores, Mercatorum sedulitatem, omni-
um honestè negotiantium industrias sua majestate defendere. O-
lim in Clypeis Reges, dum inaugurarentur, sedere, quò intellige-
rent, se clypeos esse populorum, adversus omnia dura, & aspera,
invicto robore obijciendos. Inde etiam portant, orbem, (ut ait S.
Basilius Seleuciæ Episcopus) non portantur ab orbe.

Sed præcipua Justitiæ vis, atque utilitas fulget in dirimen-
dis popularium litibus, atque controversijs. Benè cum rebus
humanis ageretur; si pacata inter cives omnia esse, & stare diu
possent, Sed dum miseram mortalium vitam cupiditas inflammât,
rapit ira, præcipitat ambitio, avaritia discerpit, necesse est oriri
multa quotidie dissidia, inter opprimentium sævitiam, & gemitus
oppressorum, quibus Justitia Principis providere salutari-
bus remedijs debet. Hoc enim est planè regium, hoc divinum, solis in-
star lustrare universa, & obstare improborum cupiditati, atq; auda-
ciæ, occurrere solitudini desertorum, dare afflictis opem, lucem
ambiguis, ordinem omnibus. Hoc Moses innumerabilium dux po-
pulorum à DEO constitutus, improbo labore solus & ipse fecit,
donec Soceri consiliò vicarios sibi delegaret. His auspicijs Salo-
mon nascentis regni primordia consecravit; His Debbóra virili
pectore femina, principatum coronavit; His Josaphatus, Divum,
hominumque favores sibi conciliavit.

Principium verò constituendæ Justitiæ, à delectu judicum
est, quod sæpe in ancipiti loco ponit officiorum venalitas. Nove-
rit ergo Princeps Iudicum & Administrorum, quibus res agendas
committit, mores & habilitatem, nec ullum patiatur in dignitate,
aut majoris cuiuspiam momenti officio, cuius non sit perfecta
probitas & peritia, Deinde excubet animo, & diligentissimè pro-
spiciat, an omnes suo munere fungantur? an corrumpantur mu-
neribus? An causas extrahant? An pauperes opprimant? Dissol-
uta negligentia, propè dolus est. Jus non tantum reddi, sed citò
præstari debet. Pendentibus lis & vita supplicium est. Subditorum
preces & querimonie benignè audiendæ, libelli supplices exci-
piendi, iisque maturè respondendum.

Aaa 3

Iam

*Christi tribu-
tium.*

*Delectus ju-
dicum.*

*Judicis mu-
nus.*

Jam Judicis est non moveri litigantium vel minis, vel precibus, vel donis, vel dignitate, vel vilitate. Tribunal humanum ad regulam divini est componendum: Æquitatis libripens, sola sit veritas, affectibus nuda. Pessimè judicat, qui bilancis instar in eam vergit partem, unde plus accipit; & favet illi, qui dando prægravat. Neutrò inclinandum, sive ut premas, sive ut subleves. Non sit Iudex pro ratione: sed ratio pro Iudice. Cogitet, non quid ipse velit, sed quid lex & religio cogat; maximèq; existimanda, ut Tullius loquitur, mentis cōscientia. Nemo cæleste fallit forū: quomodo, cumq; tabellas & urnā verset inter homines. Munera admittere, nec in munero partē flecti, cogitari & dici potest, credi non potest.

*Regni mu-
nificētia & de-
fensio.*

Tertium, quod regi inter primā curandum, est regni munitio & defensio. Josaphatus constituit militum numerum in cunctis urbibus Iudæ, quæ erant vallatæ muris; Præsidiaque disposuit in terra Iudæ. 2. Paral. 17. & ibid. v. 12. Edificavit in Iudæa domos ad instar turrium. Propugnacula, munitiones, palatia, ornatui & necessitati. Nam regna parantur armis, & servantur armis; quidquid opulentum habet fortuna, aut magnificentia conspicuum, ut pax tranquillam, in eorum tutela est. In pace bella meditari, prudentis principis est: assuescere etiam bello in alta pace, sapientis. Quid autem sunt munimenta, si desint propugnatores? Josaphatus prudentiæ militaris callentissimus, firma loca præsidij strenuorum militum firmiora reddidit. Ducum imprimis habuit selectum; nam tanti est exercitus, quanti imperator. Imperium bellicum in plures divisit, ut ex æmulatione cresceret virtus: & si labarent alicubi partes, non idem fortunæ ictus feriret omnes. Nec tamen imperabant diversa, cum ad Regis nutum essent intenti cuncti. Unius auspicijs gerebatur bellum; plurium ductu.

*Moderatio
in exigen-
dis tributis.*

Nec perfunctoriè transmittendum illud 2. Paral. 17. Facta sunt ei infinita divitia, & gloria multa. Est enim gloria & honestas cum opulentia, jugenda. Quid enim sunt opes violenter partæ, quàm rapina? quid Principum æraria, duris exactionibus locupletata, quàm pauperum spoliaria? Josaphatum ditârunt non extorta per vim & nefas tributa ac vectigalia; sed moderata per clementiam imperia, & inde consequens tam civium, quàm exterorum amor. Reges olim *Erigetæ*, hoc est, Benefici vocabantur, quòd eorum esset, non tam opes & beneficia accipere, quàm largiri. Amari, coli, diligi, majus imperiò est. marmora quoque vetustas exedit, & ferrum ignis: animorum inscriptio immortalis perdurat, his nomen inscribit Princeps, si parentis induerit personam. Patrè se ostenderit: subditos, filios sentiet. Hinc quidquid Josaphato conferebant vel sui, vel alieni, munera putabant, non onera.

*Regibus ne-
cessaria o-
portet.*

Et verò instrumenta rerum administrandarum sunt pecuniæ; his bella gerere, moderari pacem, rueri fines, arcere hostes, officia digerere, fovere commercia datum est. Regem invalidum & paupere-

& pauperem, omnes difficultates premunt. E pecunijs, regni vis & splendor, & apud exteros nominis fama. Adeoque nulum felicitatis genus Iosaphato defuit, regum gemmæ, nisi hunc nitorem, cum foederis cum Achabo impiissimo initi, tum sceleratæ eiusdem filiæ, *Athalie*, cum *Ioramo* filio, connubiō junctæ, labe obfuscaffet.

NARRATIO LXXX. ACHABI ISRAELI- TARUM REGIS, ET JEZABELIS UXORIS IMPIETAS AC SUP-

plicium. Innocentis Nabothi lapidatio.

3. Reg. 16. 18. 20. 21. 22. 2. Paral. 18. 19.

Ab anno Mundi 3117. Ch. 936. ad ann. M. 3151. ante Ch. 902.



Cum *Iosaphati* pietate impietas *Achabi* certamen suscepisse videtur; ita contrarijs nitebantur studijs; Altero castam Religionem omnibus viribus propugnare: altero evertere contendente. Scelerum impulsrix ei fuit *Iezabel*, *Ethbhalis* Sidoniorum regis filia, mulier tam impia, quàm crudelis. Hujus instinctu *Achabus* ipso regni exordiō, *Samaria*, in urbe regia ad detestabilem *veulorum* cultum, adjecit nefandos *Baalis* seu *Beli* lucos, aras, Sacra, tantâ infania, brevi ut quadraginta supra octingentos *Baalis* sacrificuli numerarentur regio de penu liberaliter sustentati. Non deerant Israëlitis prophetæ; qui clamoribus & adhortationibus *Achabum*, eiúsque populum ad meliora provocarent; sed surdis cane-batur.

Vaticinijs ea tempestate clarus erat *Elias*, oriundus *Thebe*, vi-co Tribus Gaditanæ; is vindicandi honoris divini flagrantissimō succensus studiō, ultrices scelerū pœnas ex alto devocat; ut, quando *Achabus* mitiora remedia contempserat, asperioribus sanaretur. Cœlum claudit precibus (quæ aliàs id aperiunt) trienniō ampliùs. Suspensis rore, pluviiæque, immodicis æther terram Israëlitem (Iudæam pœnæ eximiam, sincerus Numinis cultus fecit) caloribus exurit; undique squalent agri, & longa sterilitas duram invehit famem. id jam ante prænuntiârât *Achabo* Vates, non aliō operæ pretiō, quàm ut cum minis è conspectu reijceretur. Quare in locum solitarijū juxta torrentem *Cariib* se recepit, corvis, quod

Achabus in-
duratus ad
pœnas & be-
neficia cali,

quod infra narrabimus, quotidianæ annonæ subveſtoribus. Iezabele interea crudeliter in Propheticos, & religioſos viros ſeviente. Lanienæ centum ſubtraxit *Abdias*, Achabi Oeconomus, patriæ religionis retinens; quos ſpeluncis abditos clàm ſubmiſtrato victu ſervavit. Elias, ubi ſe publico iterum reddidit, ante omnes Achabum, juffu DEI, convenit, pollicetur, cœli ſe duritiem propitios in imbres ſoluturū, ſi cum Beli ſacrificulis in religionis certamen venire permetteretur. Conceſſum eſt, non minore idololatrarum clade, quàm probro; quod in geſtis Eliæ exponemus. Nunc Achabi fata proſequamur. Is neque cœli contumaciâ, plus quàm triennali, nec ſæcunda pluviarum largitate, nec ſtrage Baälitarum, expugnatus, haud paullò, poſt prodigiæ peior, quàm antè fuerat; conceptum à Megæra ſua furorè, pari rabie in Numinis cultores effudit; juratus DEI hoſtis, cujus iram hoc etiam crudelitatis exemplo laceſſivit.

Reddiderant jam terris hilaritatem ſuam cadentes cœlò pluviæ; ridebant paſſim agri, vinæque; & oculos mortalium viriditate, ſœcunditatèque alliciebant; ſoli Achab livor & avaritia nullam voluptatem concedebant. Inter alios vitiferos colles, erat quidam, urbi *Jezraeli*, & regijs prædijs conterminus: à viro primario, cui *Nabothus* nomen, avitò dominiò poſſeſſus, Adjicit ad hunc oculos rex, poſtulat ſibi vineam vel prætiò permutari, vel aliò fundò; in animo eſſe, cum locum, exciſis vitibus, olerum & herbarum amœnitate veſtire. Nabothus, qui agellum inter manus Majorum ad ſe hæreditate tranſmiſſum ſciret, negat ſibi licere per inſtituta patria, fundum ab alienare. Fert eam repulſam tam impotenter rex, ipſum ut ægritudo animi cibò, hominūmq; conſortiò abſtineret. Advertit morbum mariti Iezabel, audaciæ & ſcleris projectiſſimi mulier; objurgare igitur velut nimio opere timidum & abjeſtum, & regijs uti neſcientem imperijs. Sibi quidem artes in promptu eſſe, quibus hominis pervicacia frangatur. Nec mora; ſcribit ad eos, qui judiciariam poteſtatem in Iezraelitas exercebant, litteras, regis nomine & annulo ſignatas, mandatque, prætextâ ſcleri pietatis ſpecie, publicum ut edicatur jejunium, tanquam in rei ad religionem attinentis atrocitate ſumma. Convocatur ſeniorum & optimatum conſeſſus, inter quos & Nabothus aderat. Conſtituitur judicium, ſubornantur accuſatores, apponuntur falſi teſtes, Nabothus læſæ majeſtatis divinæ, regiæque, tanquam iniurius & blaſphemus in utramque, reus peragitur. Quid multis? calumniis opprimitur innocentia, Jus viobruitur, Nabothus inauditus & indefenſus adjudicatur morti; lapidibus è vita & fundo ſuo exturbatur, & una quadrigæ-

*Achabus,
inſtigante
Iezabel,
Nabotho vi-
tam & vi-
neam eripit.*

ACHABUS ET JEZABEL SCELERATI. 373

quadrigemini filij, ne superesset, qui repetundarum postulare tyrannum. Ebria innocenti cruore Furia, gestire gaudio, & tanquam re bene gestâ, ad communionem lætitiæ invitare maritum; hic cruentâ non minus delectatus scenâ; suarumque jam compos cupiditatum, hilaris in vineam sese conferre, iniquis prius oculis usurpatam, nunc iniquiore pede calcatam. Obviâ, eunti objicit se Elias, tremendus iræ divinæ internuntius, tam ipsi Achabo, quàm nefariæ conjugii, cunctæque posteritati, incubituræ; quorum omnium sanguinem eò ipsò in agrò, quem infantis cæde funestâssent, canes essent lincturi, cadavera bestiis pabulum cessura. Nec aliter evenit, ac prædixit. Achabus quidem decretoriam DEI sententiam aliquantum distulit voluntariis pœnitentis animi, corporisque supplicij, non perinde abstulit; metu potius, quàm amore commissâ piacula averfante.

*Achabi
qualis Pa-
nitentia.*

Debuerant equidem Numinis beneficia, nisi in silicem incidissent, inflectere cervicem ad divinæ legis obedientiam. Nam obfessus in urbe Samaria, regiâ suâ, à Benadado, Syriæ rege, triginta duos secum inferioris fastigij reges ducente, hostes cæcidit, fugavit, disjecit; ducentis non amplius ac triginta duobus purpuratorum ac Satraparum pedisequis, cum Syrorum exercitu congregi ausis, hortatu cuiusdam è Vatribus: & vi divini terroris incussâ, formidinèque Panicâ hostibus injectâ. Quos persequens Achabus, maximam partem delevit. Rex ipse Benadadus, vix fugâ elapsus, cædi subtractus est. Qui vertente anno copiis multò, quàm antè, majoribus adversus Achabum instructus, ad Aphecâ, Issacharæ Tribus urbem, cum Israëlitis longè numero imparibus cum iterum confliceret, cæsa sunt Syrorum ea die centum millia. Rex Syrus cum viginti septem suorum millibus Aphécâ se recepit; quam recuperavit Achabus, renovatò Ierichuntis prodigiò, muri namque, impellente eos in casum manu cœlesti, sine admoto ariete collapsi, propugnatores omnes secum in ruinam tractos, obtritòsque Israëlitis contrucidandos objecere. Exoravit tamen vitam Benadadus ab intempestiva Israëlitiæ regis clementia; quem, si victoriæ fructum ferre voluisset, ex mandato divino, immolare ferro debuisset. quod ei Vates quidam (Michæam fuisse nonnulli putant) acriter objectans, quia dimissisti, inquit, virum dignum morte, erit anima tua pro anima ejus, & populus tuus pro populo ejus. Infaustæ denuntiationis omen, cruentatus & pulvere fœdatus, exhibuit vulnus, quod ab amica (ita enim petierat) inflictum manu, plagam portendit, paulò post Achabo, populòque à Syris inferendam. Eam interminationem Rex initio, velut delirium contemnere visus, composito cum Syris fœdere eisque tributi onere impositò Samariam victor redijt, plus tamen

*Achabi ite-
rata, ope
caelestis
gloria.*

*Josaphati
infelix so-
cietas cum
Achabo.*

secum furoris, quàm triumphii reportans; nam subeunte ani-
mum severitate castigationis, fatidicum vinculis, sese prænun-
tatis calamitatibus induit. Triennium intercessit à bello, & pace
cum Syris facta, contrà quàm DEI voluntas ferebat; (delendus e-
nim fuerat hostis, ex cuius amicitia, perniciosum contagium af-
flabatur genti Israëlitiçæ, domesticis jam antè flagitijs corruptæ)
cùm *Josaphatus*, Judæ Rex, invisit ad Achabum confocerum suum;
à quo regio more exceptus, ad ineundam Syriacæ expeditionis
societatem adducitur. Causa novi belli, urbs *Ramotha*, in Galaati-
tide sita, quam Benadadus, contra pacta, detrectabat restituere.
Ejus expeditionis Auctores fiunt Achabo Pseudoprophetæ Baalis
quadringenti; (adeò semen improbum post stragem ab Elia in
Carmelo illatam, repullulârat) è quibus unus, *Sedecias* nomine, fer-
reis caput efferaturn cornibus, ventilandam scilicet Syriam præ-
dicebat, in morem irritati tauri, straminea simulacra jactantis in
altum. Josaphati porrò jussu, de eventu belli interrogatus *Micha-*
el, arcanorum DEI confcius, alia omnia vaticinatus est; eam
ob rem à *Sedecia* pseudopropheta, colaphò multatur, consue-
tò veritatis præmiò. Itur igitur in bellum, movetur in hostem,
prævalente contra Prophetæ divini vaticinium, Baalitarum
mendaciò. Cæterum Achabus prædictionem *Michæ* (occultum
enim pectore gestabat aculeum) elusus, mutatò regiò in vul-
garem habitu, prodijt in aciem, Josaphato summâ imperij re-
lictâ, Dederat autem in mandato suis Benadadus, ut omnium
oculis, manibûsque in unum Achabum, tanquam facem belli,
intentis, eum sibi vel occisum, vel captum traderent. Unde fa-
ctum, totius ut robur exercitûs in Josaphatum, quem pro A-
chabo habebant, quippe regali exornatum cultu, incumberet.
Quod ille periculum partim precibus DEO fufis, partim aperta
nominis possessione, abs se in Achabum avertit; quem frustra
evitare fata conantem, cœlestis vindicta tot inter millia victimam
casu minimè fortuito stravit; cùm enim quidam è gregarijs mi-
litibus, telum in confertam multitudinem jaceret, Achabum
ex curru pugnantiem ceu destinatò scopò trajecit, sagittâ per
anteriorern loriceæ commissuram penetrante, & inter scapulas ac
cervicem validè erumpente.

*Achabus in
prælio vul-
neratus,
moritur.*

Accepto tam gravi, tamq; insperato vulnere, Achabus è lo-
copugnæ excessit, medicinam plagæ facturûs; superante verò
mali vi, cum sanguine spiritum infelicem effudit, vitæq; pariter ac
pugnæ finem imposuit, receptui canentibus Hebræis; neq;
Syris pertinacijs agentibus, sublato, quod præcipuè expete-
bant capite. Corpus exanime delatum *Samariam*, ibique sepul-
turæ mandatû; currus autè & habentæ cruore stillantes, ablutæ in
piscina

ACABUS, ET JEZAEEL SCELERATI. 375

piscina, non procul urbe, remotâ, canibus abstersam tabem ore lambentibus, juxta prænuntias Vatis Eliæ minas. Josaphatum pietas sua servavit, & incolumē Jerosolymam reduxit; adversus tamen, quod superius retulimus, *Iehu* Prophetes occurrit, gravissimus exprobrator fœderis & amicitiae cum impio Achabo junctæ.

Supereſt, ut fatalem *Iezabelâ* quoq; interitum, referamus. *Jehu* ex magistro equitum, Rex Israël primū ab Eliâ, tum à quodam Elisæi discipulo, inunctus, & à proceribus, in solum, detractis pallijs, opere tumultuario excitatum, impositus, cum expedita manu *Iezabellem* urbem, ubi tum *Ioramus*, Achabi filius, regiam sedem habebat, advolat; venienti obviam occurrunt tum *Joramus* ipse, tum *Ochozias* Rex Judæ, qui amicitiae causa, ad *Ioramum* inviferat; insidiarum nulla suspicio. Sed mox apparuit illum *Jehu* adventum, non officij, sed hostilitatis fuisse; nam ut primū *Ioramus* in conspectum venit, *Iehu* tetendit arcum, & regem, jam tergum fugæ obvertentem, inter scapulas transfixit, currūq; delapsū, projici jussit insepultum eo ipso in loco, ubi *Nabothi* vinea, fususq; sanguis, muta quidem, sed funesta voce vindictam clamabant; *Ochozias* quoq; lethali confossus vulnere, pœnas mali confortij dedit; revesctus tamen *Ierosolymam*, avito monumento infertur, non suô, sed avi *Josaphati* meritô.

Inter hæc, *Iehum* *Iezabelis* portas subeuntem, conspicata de fenestris *Iezabel*, fūco stibiōq; depicta, victorem cum convitijs excipit; ad huius imperium mox ex alto præcipitata per eunuchos, qui dominæ suæ adstiterant; equorum unguis obteritur; fœdè deformatam & contrucidatam, invadunt canes; à quibus membratim discerpta & distracta, sola calvariâ, summisque manibus ac pedibus reliquis, vaticinantis fidem, modūq; supplicij implevit. Ita mali perierunt malè. Sed miseranda, & planè tragica cædes est septuaginta Achabi & *Iorami* filiorum, quorum tota culpa fuit, in familia regis conscelerati natos esse. *Iehus* enim non inemor, quem ad finem in regē eveetus esset, ad prosequendâ Achabitarum stragē, utendū celeritate ratus, mittit ad Optimates Samarię litteras, jubet ad se deferri septuaginta principū capita. factū, quod imperatū; terrore mandati, reverentiâ omnē & miserationē erga regiam Sobolē expellente. Septuaginta capita in acervū collata, acerbū spectatōrē tam *Iehū*, quā populū magno numero confluentē habuerunt. Neq; finis funerū. Idem furor *Iezabellem* civitatē pervagatus, delevit omnes, quicunq; regiæ familiæ consanguinitatis aut affinitatis vinculo annectebantur. In censum interfectorum venerunt etiam quadraginta duo *Ochozie*, ex fratribus nepotes, quibus una necis causa fuit, ex *Athalia*,

Iezabelis
inſcriptum.

Achabi ſam-
aritanorum
capita ex-
ſcinduntur.

*Baal's fac-
rificuli
caduntur.*

*Iehu ingra-
tutudo in
DEUM.*

Achabi filia, susceptos fuisse. Iehus Samaritanos delatus, eodem, quo cepit impetu, ferrum in omnes stringit, quicumque aliqua necessitudine cum Achabæa domo tenebantur. Omnium verò iustissimè vindex gladius in Baalis Sacrificulos defævit, qui ad unum omnes in templum idoli sui, quod erat Samariæ capacissimum, tanquam ad Sacrorum celebritatem convocati, dum execrandis Sacrificijs magno apparatu operantur, Iehus munitis armata manu templi foribus, percussores immittit, qui dextrâ, lævâque, punctim, cæsîmque in condensatam turbam ferro grassantes, neminem ejus stragis reliquum fecerunt. Execranda quoque Baalis tam fana, quàm simulacra ubique locorum, in regno Israël everfa, magnum victtricibus Iehu trophæis ornamentum accesserunt. Sed tamen, quis credat, idem idolorum everfor, idem adorator fuit. Cui rei bene gesta amplissima de cælo præmia internuntius Vates promittit, si constantia cæptis accederet; is turpissima superstitione captus, veri Numinis cultum, cum Ieroboamicorum vitulorum veneratione copulavit. majore popularis auræ, quàm cælestis favoris amittendi metu. Quæ causa fuit, ut post annos centum & duos, Iehu quoque familia, quod superius meminimus, sit excisa. Itavigilat & vindicat in improbos Iustitia DEI, & in iræ suæ ministros redire jubet flagellum, quod luant, quod in alijs plexerunt.

DOCTRINA.

*Eliæ servi-
tus zelus.*

Vixit Dominus DEUS Israël, in cuius conspectu sto, non eris annis his ros & pluvia, nisi juxta oris mei verba. 3. Reg. 17. Quid his Eliæ verbis confidentius; quid pro honore DEI ardentius; quid fortius contra impios? Magna vis propheticæ dignitatis, exclamat Eucherius, humanus sermo est, divinus effectus. In terris homo loquitur, & imperio ejus cælestes obediunt potestates. Hæc est servorum DEI potentia, cæli fores ad libitum referare & claudere. Verè Siracides Eccli. 48. *Eliæ Propbeta quasi ignis, & verbum ipsius quasi sacra ardebat.* Ut Zelo religionis inflamaret pectora, terram caloribus accendit; pluvias quoque pro imperio daturus, ut impij regis & populi pœnitentes eliciat lacrimas. Incendium, quod agris induxit, eleganter describit Chrysost. tom. 2. de Eliâ tom. 1. „Cum Elias Propbeta sanctissimus populum prævaricatum aspiceret, cumque Baal & lucos, despecto Domino, coli à Sacrilegis pervideret, cumque creatore despecto figmentis sese, nemoribusque omnis populus addixisset; Zelo DEI commotus, iudicem terram siccitatis sententiâ & pluviarum sterilitate damnavit. Tunc subito anhelat terra, siccatur cælum, siccant omnes fontes

ACHABUS ET JEZABEL SCELERATI. 377

„ fontes ardescunt, omnis humor ima petit, supera deserit, aër
 „ fervet, serenitas torquet, tranquillitas poëna est, æstuant no-
 „ ctes, dies ardescunt, fata torrentur, arbuta ægrotant; iram
 Dei univërsa creatura testatur.

Avaritia furor.

Venit ergo Achab in domum suam indignans & fremens. 3. Reg. 21.

Quæ tanti caussa furoris? Avitam Nabothus vineam vendere re-
 cufavit. Inexplebilis est avaritia; quò plura consequitur, hoc
 plura appetit. Hic tortor animum & corpus Achabi cruciavit,
 nec ullam ei quietis partem concessit, donec Nabothi vineam
 cupiditatibus suis adjiceret. Insigniter *Ambrosius lib. de Naboth, c. 2.*
 „ Inflammatur lucrò avaritia, non restinguitur. Quasi gra-
 „ dus quosdam cupiditas habet, quò plures ascenderit, eò ad
 „ altiora festinat, unde sit gravior ruina lapsuro. Et post non-
 „ nulla: Denique nos docet Scriptura divina quàm miserè e-
 „ geat dives avarus, quàm abjectè mendicet. Rex Achab in
 „ Israël erat, & pauper Naboth; ille regni opibus affluebat,
 „ iste angusti soli cespitem possidebat: nihil pauper de posses-
 „ sionibus divitis concupivit; Rex sibi egere visus est, quia vi-
 „ neam habebat pauper vicinus. Quis igitur tibi pauper vide-
 „ tur? qui contentus est suo, an qui concupiscit alienum? Aut
 „ certè pauper censu videtur; alter est pauper affectu.

„ *Da mihi vineam tuam. 3. Reg. 21. S. Ambros. l. c.* Quæ vox
 „ alia est stipem publicè postulantis, nisi: Da mihi, hoc est: da
 „ mihi, quia ego. Da mihi, quia aliud vivendi subsidium habere
 „ non possum. Da mihi, quia non est mihi panis ad victum, numus
 „ ad potum, sumptus ad alimentum, ad indumentum substan-
 „ tia. Da mihi, quia tibi Dominus dedit, unde largiri debeas, mi-
 „ hi non dedit. Da mihi: nisi tu dederis, habere non potero. Da
 „ mihi, quia scriptum est: Date eleemosynam, hæc quàm abje-
 „ cta, quàm vilia?

Vi faciam mihi hortum olivum. 3. Reg. 21. Idem S. Pater ibid. cap.
 „ 3. Hæc erat igitur, inquit insania, hic omnis furor, ut spatium
 „ vilibus olcribus quæreretur. Non tam ergo ipsi, ô divites, qua-
 „ si utile possidere, sed alios vultis excludere. Major vobis cu-
 „ ra de pauperum spolijs, quàm de vestris emolumentis est. In-
 „ juriam vestram putatis, si quid pauper habeat, quod dignum
 „ possessione divitis videatur. Damnum vestrum creditis, quid-
 „ quid alienum est.

Vir quidam de filiis Prophetarum dixit ad socium suum in sermone Domini: In jussis di-
Percute me. At ille noluit percutere. Cui ait: quia noluisse audire vocem Domini, ecce visus non
recedes à me, & percusiet te leo. Cumq; paululum recessisset ab eo, invenit eum leo oportet cu-

Bbb 3

atque risum esse.

atque percussit. Sed & alterum inveniens virum, dixit ad eum : Percute me. Qui percussit eum, & vulneravit. 3. Reg. 20. En pœnam inobsequen-
 ,, tis animi. Audis. Chrys. Orat. contra Iudeos. Qui percussit Pro-
 ,, phetam, evasit incolumis ; qui pepercit, dedit pœnas ; nimi-
 ,, rum ut intelligeres, in iussis divinis non oportere curiosum ef-
 ,, se, examinareque rerum, quæ præcipiuntur, naturam, sed ni-
 ,, hil aliud quàm obtemperare.

*Feminarum
impotens
imperium.* Eò quod venundatus sis, ut faceres malum. 3. Reg. 21. Verba Eliæ ad Achabum. Quasi diceret, ô Achabe, nihil regiæ, neque inge-
 nuæ conditionis habes ; sed velut mancipium vile Jezabeli, do-
 minæ tuæ, venundatus es ; hac instigante peregrinam religio-
 nem induxisti, aras Baali struxisti, vineam Nabothi rapuisti, ipsum Nabothum cum filijs suis per summum nefas è medio sustulisti. Oquoties etiam hodie verum illud Isa. 3. *Populum meum exaltiores sui spoliaverunt, & mulieres dominatae sunt eis.* Calamitas calamitatum gravissima. Portentum est, si pedes, manúsve capiti imperent ; non minus ; si marito uxor dominetur. Nec deterior ulla servitus, quàm cum imperium mala femina obtinet ; ejus arrogantia, libidinique nec pudor est, nec modus. Vir uxorius non agit, sed agitur, imò rapitur, quocunque lubet ipsius Proserpinæ ; etiam ad inferos. Et regnum, & regiam Achabi familiam una Jezabele evertit. Monet Siracides Eccli. c. 9. *Ne des mulieri potestatem anima tua, ne ingrediatur in virtutem tuam.* id est, ne auctoritatem & imperium maritale uxori tradas, nisi vis ad indignissimam servitutem adigi. *Cato apud Liv. lib. 34.* monet viros, ne uxores sibi æquari sinant : Extemplò enim, inquit, simul ac pares esse cœperint, superiores erunt. Proinde date frænos impotentis naturæ, & indomito animali : desperate, ipsas modum licentiæ facturas, nisi vos faciatis.

*Achabus
non casu
ictus.*

Vir autem quidam tetendit arcum, in incertum sagittam dirigit, & casu percussit regem Israël, nempe Achabum. 3. Reg. 22. Fuit hic casus fortuitus respectu militis Syri sagittam ex arcu jacentis ; at respectu DEI non fuit casus, sed destinatus ictus : DEUS enim per Angelum direxit hanc sagittam, ut non alium feriret, quàm Achabum. Nimium quantum falluntur cæci homunculi, qui, quæ summò Divinæ Providentiæ consiliò fiunt, casu fieri putant. DEO nihil penitus fortuitum. Idcirco.

— nemo temeraria credat,

Fortuitòve geri mundana negotia casu.

Omnia lege meant, quam rerum Conditor illis
 Sanxit ab æterno.

Hiccius

ACHABUS, ET JEZABEL SCELERATI. 379

Hæcine est illa Jezabel? 4. Reg. 9. Sunt verba prætereuntium Jezabelis cadaver, à canibus per agros distractum, & dilaniatum usque ad calvariam, summósque pedes ac manus. Hinc illa semesa ossa spectantium & admirantium exclamatio: *Hæcine illa Jezabel?* Regum filia, uxor, mater; stibio nuper & purpurif- Femina-
rum Fucus. so ad illecebras intuentium fucata; nunc nausea & pestis oculorum ac narium. Ubi ille vultus decor, ubi oculorum splendor, ubi regiae coronæ majestas, ubi prophetarum & totius Israël's ter-
ror? En ignominiose projectam, proculcatam, discerptam, dilaceratam. Hoc sine mundi pompa clauditur: in hanc catastrophæ genus, forma, potentia desinit.

O quoties profuit, ista meminisse! Sanctus cettè Franciscus noster Borgias, Dux Gandiæ, permotus horrore aspecti cadaveris Isabellæ, uxoris Caroli V. nuper formæ miraculi, quod omnium in se oculos converterat, & alias quasvis venustates ex-
dinxerat; animum induxit ad falsa & fluxa bona contemnenda: & cœlestia terrenis, divina humanis, æterna caducis antepo-
nenda.

Elias vaticinando dixit. I. e. *Et erunt carnes Jezabel sicut stercus super faciem terra in agro Jezabel.* Ubi advertunt Expositores SS. Scripturæ, alludi ad Etymon nominis *Jezabel* id est, *e Zebel*, quasi dicas: ubi stercus? Unde nonnulli putant à *Zebel*, id est, stercus, diabolus per contemptum vocari *Zabulum*, videl. *stercorarium*; & *Beelzebub*, quasi demum stercoris, cui insidet *Zebub*, id est musca. Huc stulti feminarum. Amatores lascivos oculos & nares admove-
rete, & quas delicias insanè depereatis, ex Jezabelis contemplatione discite; quas putabatis rosas, lilia, balsamum; sordes, lutum, cœnum, oletum esse deprehendetis.

NARRATIO LXXXI. ELIÆ VATIS MI- RABILIA FACTA.

3. Reg. 17. 18. 19. 21. 4. Reg. 1. 2. 2. Paral. 21.
Ab anno M. 3123. ante Ch 930. ad ann. M. 3139. ante Ch. 914.



ELias, cui natalis vicus Thesbe, cognomen-
tū Thesbitæ fecit, religioso Numinis cultui deditus
à puero, postquā diu secretā à vulgi cōsuetudine vi-
tā egerat in Galaalitide regione, cōtulit se Samariā in
urbē ad Achabū Israëlitarū regē, cū ipsū tū populū
ejus

ejus ab idolomania ad Religionis avitæ Sacra reducturus. Mirandarum ei rerum initium fuit, prodigiosa (quod narravimus) pluviarum suspensio, & terris Israëlitis inducæ siccitas. Exinde, monitu divino, Iezabelis reginæ furori cessurus, vitæ solitariæ se reddidit, corvis dapiferis in quotidianum ministerium usus. Ex ea solitudine jussu DEI profectus, *Sareptam*, Sidoniorum urbem, idolis addictam, elusis emissariorum oculis pervenit. In ipso urbis ingressu offendit in mulierem viduam, coccula lingua frustatim colligentem. In ejus se colloquium vates insinuat, extinguendæ siti frigidam, mitigandæ fami buccellam panis petit. Excusat illa extremam egestatem, quam triennis agrorum sterilitas effecerat; neque plus farinæ in hydria superesse, quàm quantum manûs pugillò capi posset: oleum quoque ad ultimas in lecytho guttas redactum esse: restare hoc unum, ut collectitijs ligni fragmentis focum excitet, & illas penoris reliquias sibi, filiòque pareret suo, ad imminuentem mortis necessitatem tantisper remorandam. Hic Prepheta viam sequenti facturus prodigio, postulare, ut suæ prius, hospitis, inediæ levandæ panem extemporaneum in prunis torreat, deinde propriæ, filiisque salutis consulat; neque enim vel hydræ farinam, vel lecytho defuturum oleum, donec æther beneficas in terram pluvias effuderit. Mulier nihil cunctata, accelerat hospitalitatis officia; tantum panis è modica conficit massula, quantum satis erat non ad Eliæ modò, sed totius familiæ sedandam famem, miro repensæ charitatis sænore, dum ex tenui penu, jugis deinceps annona fluere.

*Eliæ viduæ
farinam
multiplicat.*

Ad hoc beneficium, accessit alterum, non minùs admiratione plenum. Filius ejus viduæ unicus ex ægritudine lethali decesserat; cùm bis orba mulier venit ad Eliam gemæbunda, & lacrimis infusa; queriturque sibi vitæ ab eo servatæ, fructum adeptum, filium, unicum orbitatis suæ solatium: dolores ex eo funere tantò acerbiores à se hauriri, quantò magis sibi sit conscia, illam mortis immaturitatem delictis suis deberi. Miseratus afflictam Propheta, susceptum de materno sinu parvulum desert in suum ipse cenaculum, reponit in testulo, in preces effunditur. Inde contrāctis ad modum puerilis corpusculi membris, os ori, oculos oculis, manus manibus, pedes pedibus componit, tertiumque repetito incubitu, & inhalatione spiritûs, animam exanimi corpori reducit.

*Filius ejus
à morte re-
suscitat.*

Interea trienniò ipsò sicca sterilitas cum idololatræ pertinacia pugnabat; cùm Elias veri DEI cultum contra Baalitas asserturus, promittit Achabo regi, se riguas è cœlo aquas in agros devocaturum, si corā frequenti populo Baalitæ pseudoprophetæ ad unum

ad unum omnes in Carmelo monte congregati, secum in disceptatione de Religione venient, capitis supplicio alterutri parti propositò, cuius sacrificam hostiam flamma cœlitus delapsa non cremaret. Confluit densè populus, rei novæ eventu suspensus; coguntur quoque Baalis Sacerdotes octingenti, quinquaginta. Experimentum Sacrificij, ut convenerat, bos in frustra sectus, strui lignorum ab ipsis imponitur; tripudia circa aram, inconditis cum clamoribus gyrauntur: cultris & lanceolis inciduntur artus ab insanè debacchantibus; nullo tamen operæ successu, nihil oritur flammæ, nihil fumi, amarum sacrilegis popis insultante Elia. A manè ad meridiem tenuit ea vociferationis & saltationis infania, cœlo nec imbrem dante, nec ignem. Itaque Vates duodenis è saxis, juxta tribuum Hebræarum numerum, aram ipse quoque erigit: in ara ligna, & super hæc, mactati bovis membra collocat, aquâ largiter perfusa, ut è contrarijs luculentius miraculum eluceret. Utque suspicio tolleretur fomitis ignarij sub altari, absconditi, fossam aræ circumducit, repletam undâ. Inchoatò vix sacrificiò, demissus è cœlo ignis momentò consumit non victimam modò, sed ligna, lapides, & ipsam adeò lympham serobi circum effusæ infusam; ut tanti magnitudinis prodigij magis percelleret adstantium oculos; mentesque ad Vêri Numinis reduceret cultum.

Elia belotussum è cœlo inflammat.

Neque frustravit spes sua Prophetam. Attoniti rei prodigiosæ novitate præsentès, sternunt humi corpora, supplicèsque Numinis æterni potentiam, cultumque contestantur, ac devenerantur. Elias animorum promptitudine tempestivè usus, auctor est Israëlitis, ut tandem agnitam veritatem in vindicias antiquæ Religionis vertant, manus iniiciant in detestabiles Baalistas, contactosque neci dent. Neque difficile fuit persuadere verbis, ubi jam facta quâvis linguâ potentiora præcesserant. Irruit concitata multitudo in sacrificulos, raptosque ad torrentem *Cisonem* (montis *Carmeli* radices alluentem) trucidat ad unum omnes, devolutosque in profluentem, ne scelestà cadavera terram & aërem inficerent, sepelitaquis; Achabò prodigijs territò, nihil contra Eliæ consilium, & populi conspirationem movere ausò. Impiorum sanguinem ruens cœlo pluvia diluit, agrisque fœcunditatè, mortalibus saturitatem & lætitiàm reddidit.

Confusi Baalis Sacrificuli, morte mulentur.

Ea cæde intellecta Jezabel, in rabiem versa, nullum non lapidem movit, ut Eliam tantæ stragis auctorem dirissimis modis excruciaret. Quare fugâ sibi consulens Vates, peragratis locis desertis, fortè sub junipero confederat, quiete vires refocillaturus. Ibi partim mærore animi, partim lassitudine itineris, coepit ipsum vitæ tædere, & desiderium subire linquendi tertam tot

Elias fugit Jezabelem.

scelerum colluvie impiatam. Languorem excepit sopor: hunc discussit Angelus cælo submissus, panem ferens & fontem, refectionem jejuno. Elias depulsa fame, relabitur in somnum, noctemque sub junipero transigit. Redit iterum genius celestis, dormientem excitat, hortatur, ut cibò resumptò ingreditur iter longius, seque extra discrimen in loco tuto constituat. Iterum igitur expergefactus, iterum comedit, bibitque, & redintegratis viribus, dies omnino quadraginta incœnatus & impransus ad montem *Horebum* contendit, ibique in spelunca quadam delitescens, Iezabelis insidias declinat. Secundum quietem, vocem denuo cœlestem percipit, quâ jubetur contra specum prodire, discereque, quàm providis DEUS consilijs, clementiâque cruentas Jezabelis molitiones temperet. Ingens namque exortus turbo, videbatur montes ipsos subversurus & saxa contriturus; cùmque remitteret illa ventorum violentia, concitatus infra terram tumultus, omnia concussit & tremefecit. Terræ motum excepit incendium, pari terrore flammam & minas spargens. Subsecuta leni sibilo spirans aura, & cum aûra, radians è nube splendor, deque splendore sonus allabens, prænuntiânsque *Hazælem* regem in Syria, *Iebum* in Israëlide excitandum ad pœnas de idolorum adoratoribus sumendas. Ejus rei nuntium utrique desert Elias, inque via comitem sibi Elisæum adseiscit; & demandato perfunctus munere, in montem Carmelum revertitur. Eò militarem manum *Ochozia* Rex Israëlis mittit, (impatiens reprehensionis ob imploratam in morbo, dæmonis opem) ad vatē comprehendendum & ad se adducendum. Credibile est, ad iram vindictæ, amorē vitæ accessisse, quam etsi conclamata, armatis tamen minis à mirabilium patratore Propheta, sibi prorogata volebat. Ad montē ubi superbis cū mandatis venit dux legationis, cum quinquaginta virorum manipulo, Elias peculiari Dei inspiratione concitatus, vocat è cœlo ignes, & formidoloso, horribilique spectaculo, manipulares illos exurit omnes. Mittitur altera quinquagenaria turma, pariterque concrematur, non aliam ob culpam, quàm quòd impio regi obtemperârint. Ablegatur tertia, quæ terrefacta nuntio iteratæ cladis, obsequiorū & precū demissione exitiū à se avertit, vatēmq; permovit, ut secū in regiā concederet. Ubi decumbenti *Ochoziæ* inevitabilē moriendi necessitatē non minùs animosa voce confirmavit, quàm antè prædixerat. Inde cū Elisæo discipulo ad *Iordanis* littora progressus, cū neque pontē, neque navicula fluvium trajicere posset, pallio, quod erat ex villosa pelle hirsutum, divisit fluminis undas, & sicco per mediū pede transijt cū comite, quem

*Elias ignem
è cælo devo-
cat in Sa-
tellites O-
choziæ.*

*Sicco pede
Iordanem
transit.*

„ se feminam pavit Elias. *Et Sancti Hieronymus epist. 10. ad Furiam.*
 „ Recordemur viduæ Sarephtanæ , quæ & suæ , & filij salutem
 „ Eliæ prætulit famem ; ut in ipsa nocte moritura cum filio, su-
 „ perstitem hospitem relinqueret , malens vitam perdere , quàm
 „ elemosynam ; & in pugillo farinæ seminarium sibi messis Do-
 „ minicæ præparavit, S. Chrysost. longa oratione ostendit, elee-
 „ mosynam, artium omnium esse quæstuosissimam.

Theodoretus laudans demissionis & pœnitentiæ spiritum in hac
 „ vidua, mortem filij, peccatis suis adscribente, Sunt, *inquit*, ad-
 „ miratione digna verba viduæ : Tuo, ait, lumine aperta sunt pec-
 „ cata mea , quæ occulta erant. Non dixit, fuisti mihi malum
 „ auspicium ; mala conciliavit mihi tuus adventus ; sed potius
 „ suis peccatis tribuit, quod acciderat. Tantum enim ei profuit
 „ prophetæ doctrina. Hic q. § 2.

Et expandit se, atque mensus est super eum. 3. Reg. 17. Mystica hæc
 est incubatio, & plurium arcanorum sensuum ferax. Inter alia
 significat animarum Zelum ; est enim peccator , quasi cada-
 ver exanime & frigidum , gratia cœlesti destitutum , quæ est
 vita animæ. Opus igitur viri , pietate ferventis , & ardore ,
 ad calorem amoris DEI , & detestationis scelerum ei inspiran-
 dum. Ita faciebat Paulus. 1. Cor. 9. *Factus sum, inquit, infirmus*
infirmis , ut infirmos lucrificam. Altera hujus actionis , est allegori-
 ca, eaque præcipua causa, repræsentatio Mysterij *Incarnationis* Dei.
 Nam Christi Deitas se expandit super Humanitatem nostram, ei-
 que quasi seipsam admensa est , & coæquavit , ut frigidam cale-
 faceret , exanimem animaret, mortuam vitæ redderet. Nam
 quidquid erat in homine bonæ mentis , refrixit & exaruit ;
 Christus inhalavit spiritum gratiæ , & in vitam reduxit. *Cum*
il amore valido ac lacrimis preces offerens , exauditus est pro sua reverentia.
 Heb. 5. *Hinc Verbum abbreviatum ,* Rom. 9.

*Quid signi-
 ficet incu-
 batio super
 cadaver
 pueri.*

Petivit anima sua , ut moreretur. 3. Reg. 19. Unde tantus pa-
 vor , tantæque consternatio in Elia , qui paullo antè cum A-
 chabo , & Baalitis impavidus concertarat ? Ut disceret, hominem
 se esse, & præclare , fortiterque gesta non sibi , sed DEO adscri-
 bere. Deinde metuebat non tam mortem , quàm Jezabelis furo-
 rem, in vera religione excindenda obstinatum.

*Causa mo-
 rista Elia.*

*Et ait (Angelus DEI Vicarius) ei : egredere , & sta in monte co-
 ram Domino : Et ecce Dominus transiit , & Spiritus grandis & fortis sub-
 vertens montes , & conterens petras ante Dominum : non in spiritu Do-
 minus ; & post spiritum commotio ; non in commotione Dominus ; & post com-
 motione ignis ; non in igne Dominus , & post ignem sibilus aura tenuis.* 3. Reg. 19.
Docebatur, inquit S. Irenæus lib. 4. cont. hæres. c. 37. propheta turbator ,
& concitator

*Moderatio
 fervoris
 vindicta,*

scelerum colluvie impiatam. Languorem excepit sopor: hunc discussit Angelus cælo submissus, panem ferens & fontem, refectionem jejuno. Elias depulsa fame, relabitur in somnum, noctemque sub junipero transigit. Redit iterum genius cælestis, dormientem excitat, hortatur, ut cibo resumpto ingreditur iter longius, seque extra discrimen in loco tuto constituat. Iterum igitur expergefactus, iterum comedit, bibitque, & redintegratis viribus, dies omnino quadraginta incenatus & impransus ad montem *Horebum* contendit, ibique in spelunca quadam delitescens, Iezabelis insidias declinat. Secundum quietem, vocem denuo cælestem percipit, quâ jubetur extra specum prodire, discereque, quàm providis DEUS consilij, clementiâque cruentas Jezabelis molitiones temperet. Ingens namque exortus turbo, videbatur montes ipsos subversurus & saxa contriturus; cùmque remitteret illa ventorum violentia, concitatus infra terram tumultus, omnia concussit & tremefecit. Terræ motum excepit incendium, pari terrore flammæ & minas spargens. Subsecuta leni sibilo spirans aura, & cum aura, radians è nube splendor, deque splendore sonus allabens, prænuntiânsque *Hazaëlem* regem in Syria, *Iebum* in Israëlide excitandum ad pœnas de idolorum adoratoribus sumendas. Ejus rei nuntium utrique desert Elias, inque via comitem sibi Elisæum adsciscit; & demandato perfunctus munere, in montem Carmelum revertitur. Eò militarem manum *Ochozia* Rex Israëlis mittit, (impatiens reprehensionis ob imploratam in morbo, dæmonis opem) ad vatē comprehendendum & ad se adducendum. Credibile est, ad iram vindictæ, amorē vitæ accessisse, quam etsi conclamata, armatis tamen minis à mirabilium patratore Propheta, sibi prorogata volebat. Ad montē ubi superbis cū mandatis venit dux legationis, cum quinquaginta virorum manipulo, Elias peculiari Dei inspiratione concitatus, devocat è cælo ignes, & formidoloso, horribilique spectaculo, manipulares illos exurit omnes. Mittitur altera quinquagenaria turma, pariterque concrematur, non aliam ob culpam, quàm quòd impio regi obtemperârint. Ablegatur tertia, quæ terrefacta nuntio iteratæ cladis, obsequiorū & precū demissione exitiū à se avertit, vatēque permovit, ut secū in regiā concederet. Ubi decumbenti *Ochoziæ* inevitabilē moriendī necessitatē non min⁹ animosa voce confirmavit, quàm antè prædixerat. Inde cū Elisæo discipulo ad *Jordanis* littora progressus, cū neque pontē, neque navicula fluvium trajcere posset, pallio, quod erat ex villosa pelle hirsutum, divisit fluminis undas, & sicco per mediū pede transijt cū comite, quem

*Elias ignem
è cælo devo-
cat in Sa-
telites O-
choziæ.*

*Sicco pede
Jordanem
transit.*

se feminam pavit Elias. *Et Sancti. Hieronymus epist. 10. ad Furiam.*
 „Recordemur viduæ Sarephtanæ, quæ & suæ, & filij salutem
 „Eliæ prætulit famem; ut in ipsa nocte moritura cum filio, su-
 „perstitem hospitem relinqueret, malens vitam perdere, quàm
 „eleemosynam; & in pugillo farinæ seminarium sibi mellis Do-
 „minicæ præparavit, S. Chrysost. longa oratione ostendit, elee-
 „mosynam, artium omnium esse, quæstuosissimam.

Theodoretus laudans demissionis & pœnitentiæ spiritum in hac
 „vidua, mortem filij, peccatis suis adscribente, Sunt, *inquit*, ad-
 „miracione digna verba viduæ: Tuo, ait, lumine aperta sunt pec-
 „cata mea, quæ occulta erant. Non dixit, fuisti mihi malum
 „auspiciū; mala conciliavit mihi tuus adventus; sed potiùs
 „suis peccatis tribuit, quod acciderat. Tantum enim ei profuit
 „prophetæ doctrina. Hic q. 52.

Et expandis se, atque mensus est super eum. 3. Reg. 17. Mystica hæc *Quid signi-*
 est incubatio, & plurium arcanorum sensuum ferax. Inter alia *ficiet incu-*
 significat animarum Zelum; est enim peccator, quasi cada- *batio super*
 ver exanime & frigidum, gratia cœlesti destitutum, quæ est *cadaver*
 vita animæ. Opus igitur viri, pietate ferventis, & ardore, *pueri.*
 ad calorem amoris DEI, & detestationis scelerum ei inspiran-
 dum. Ita faciebat Paulus. 1. Cor. 9. *Factus sum, inquit, infirmus*
infirmis, ut infirmos lucrificiam. Altera hujus actionis, est allegori-
 ca, eaque præcipua causa, repræsentatio Mysterij *Incarnationis* Dei.
 Nam Christi Deitas se expandit super Humanitatem nostram, ei-
 que quasi seipsam admensa est, & coequavit, ut frigidum cale-
 faceret, exanimem animaret, mortuam vitæ redderet. Nam
 quidquid erat in homine bonæ mentis, refrixit & exaruit;
 Christus inhalavit spiritum gratiæ, & in vitam reduxit. *Cum*
il amore valido ac lacrimis preces offerens, exauditus est pro sua reverentia.
 Heb. 5. *Hinc Verbum abbreviatum, Rom. 9.*

Petivi anima sua, ut moreretur. 3. Reg. 19. Unde tantus pa- *Causa mo-*
 vor, tantæque consternatio in Elia, qui paullo antè cum A- *stissa Elia.*
 chabo, & Baalitis impavidus concertarat? Ut disceret, hominem
 se esse, & præclare, fortiterque gesta non sibi, sed DEO adscri-
 bere. Deinde metuebat non tam mortem, quàm Jezabelis furo-
 rem, in vera religione exscindenda obstinatum.

Et ait (Angelus DEI Vicarius) ei: egredere, & sta in monte co- *Moderatio*
ram. Domibo: Et ecce Dominus transit, & Spiritus grandis & fortis sub- *servoris*
vertens montes, & conterens petras ante Dominum: non in spiritu Do- *viudicia,*
minus; & post spiritum commotio; non in commotione Dominus; & post com-
motione ignis: non in igne Dominus, & post ignem stilus aurea tenuis. 3. Reg. 19.
 Docebatur, inquit *S. Irenæus lib. 4. cont. hæres. c. 37.* propheta turbator,
 & concitator

scelerum colluvie impiatam. Languorem excepit sopor: hunc discussit Angelus cœlo submissus, panem ferens & fontem, refectionem jejuno. Elias depulsa fame, relabitur in somnum, noctemque sub junipero transigit. Redit iterum genius cœlestis, dormientem excitat, hortatur, ut cibò resumptò ingrediatur iter longius, sèque extra discrimen in loco tuto constituat. Iterum igitur expergefactus, iterum comedit, bibitque, & redintegratis viribus, dies omnino quadraginta incœnatus & impransus ad montem *Horebum* contendit, ibique in spelunca quadam delitescens, Iezabelis insidias declinat. Secundum quietem, vocem denuo cœlestem percipit, quâ jubetur extra specum prodire, discereque, quàm providis DEUS consilijs, clementiâque cruentas Jezabelis molitiones temperet. Ingens namque exortus turbo, videbatur montes ipsos subversurus & saxa contriturus; cùmque remitteret illa ventorum violentia, concitatus infra terram tumultus, omnia concussit & tremefecit. Terræ motum excepit incendium, pari terrore flammam & minas spargens. Subsecuta leni sibilo spirans aura, & cum aûra, radians è nube splendor, deque splendore sonus allabens, prænuntiânsque *Hazælem* regem in Syria, *Iebum* in Israëlitide excitandum ad pœnas de idolorum adoratoribus sumendas. Ejus rei nuntium utrique defert Elias, inque via comitem sibi Elisæum adseiscit; & demandato perfunctus munere, in montem Carmelum revertitur. Eò militarem manum *Ochozia* Rex Israëlis mittit, (impatiens reprehensionis ob imploratam in morbo, dæmonis opem) ad vatè comprehendendum & ad se adducendum. Credibile est, ad iram vindictæ, amorè vitæ accessisse, quam etsi conclamata, armatis tamen minis à mirabilium patratore Propheta, sibi prorogata volebat. Ad montè ubi superbis cùm mandatis venit dux legationis, cum quinquaginta virorum manipulo, Elias peculiari Dei inspiratione concitatus, devocat è cœlo ignes, & formidoloso, horribilique spectaculo, manipulares illos exurit omnes. Mittitur altera quinquagenaria turma, pariterque concrematur, non aliam ob culpam, quàm quòd impio regi obtemperârint. Ablegatur tertia; quæ terrefacta nuntio iterata cladis, obsequiorû & precû demissione exitiû a se avertit, vatèmq; permovet, ut secû in regiâ concederet. Ubi decumbenti *Ochoziæ* inevitabilè moriendi necessitatè non minùs animosa voce confirmavit, quàm antè prædixerat. Inde cû Elisæo discipulo ad *Iordanu* littora progressus, cùm neque pontè, neque navicula fluvium traicere posset, pallio, quod erat ex villosa pelle hirsutum, divisit fluminis undas, & sicco per mediû pede transijt cû comite quem

*Elias ignem
è cœlo devo-
cat in Sa-
telles O-
choziæ.*

*Sicco pede
Iordanum
transiit.*

se feminam pavit Elias. Et Sanct. Hieronymus epist. 10. ad Furiam. Recordemur viduæ Sareptanæ, quæ & suæ, & filij salutem; Eliæ prætulit famem; ut in ipsa nocte moritura cum filio, superstitem hospitem relinqueret, malens vitam perdere, quam eleemosynam; & in pugillo farinæ seminarium sibi messis Domini minicæ præparavit, S. Chrysost. longa oratione ostendit, eleemosynam, artium omnium esse quæstuosissimam.

Theodoretus laudans demissionis & pœnitentiæ spiritum in hac vidua, mortem filij, peccatis suis adscribente, Sunt, inquit, admiratione digna verba viduæ: Tuo, ait, lumine aperta sunt peccata mea; quæ occulta erant. Non dixit, fuisti mihi malum, auspiciū; mala conciliavit mihi tuus adventus; sed potius suis peccatis tribuit, quod acciderat. Tantum enim ei profuit, prophetæ doctrina. Hic q. 52.

Et expandit se, atque mensus est super eum. 3. Reg. 17. Mystica hæc est incubatio, & plurium arcanorum sensuum ferax. Inter alia significat animarum Zelum; est enim peccator, quasi cadaver exanime & frigidum, gratia cœlesti destitutum, quæ est vita animæ. Opus igitur viri, pietate ferventis, & ardore, ad calorem amoris DEI, & detestationis scelerum ei inspirandum. Ita faciebat Paulus. 1. Cor. 9. Factus sum, inquit, infirmus infirmis, ut infirmos lucrificam. Altera hujus actionis, est allegorica, eaque præcipua causa, repræsentatio Mysterij Incarnationis Dei. Nam Christi Deitas se expandit super Humanitatem nostram, eique quasi seipsam admensa est, & coequavit, ut frigidam calefaceret, exanimem animaret, mortuam vitæ redderet. Nam quidquid erat in homine bonæ mentis, refrixit & exaruit; Christus inhalavit spiritum gratiæ, & in vitam reduxit. Cum illo amore valido ac lacrimis preces offerens, exauditus est pro sua reverentia. Heb. 5. Hinc Verbum abbreviatum, Rom. 9.

Quid significet incubatio super cadaver pueri.

Petivit anima sua, ut moreretur. 3. Reg. 19. Unde tantus pavor, tantæque consternatio in Elia, qui paullo antè cum Achabo, & Baalitis impavidus concertarat? Ut disceret, hominem se esse, & præclare, fortiterque gesta non sibi, sed DEO adscribere. Deinde metuebat non tam mortem, quam Jezabelis furem, in vera religione excindenda obstinatum.

Causa mortis Elie.

Et ait (Angelus DEI Vicarius) ei: egredere, & sta in monte coram Domino: Et ecce Dominus transiit, & Spiritus grandis & fortis subvertens montes, & conterens petras ante Dominum: non in spiritu Dominus; & post spiritum commotio; non in commotione Dominus; & post commotionem ignis; non in igne Dominus, & post ignem stilus aura tenuis. 3. Reg. 19. Docebatur, inquit S. Irenæus lib. 4. cont. hæres. c. 37. propheta turbator,

Moderatio fervoris vindicta,

scelerum colluvie impiatam. Languorem excepit sopor : hunc discussit Angelus cœlo submissus , panem ferens & fontem , refectionem jejuno. Elias depulsa fame , relabitur in somnum , noctemque sub junipero transigit. Redit iterum genius cœlestis , dormientem excitat , hortatur , ut cibò resumptò ingreditur iter longius , seque extra discrimen in loco tuto constituat. Iterum igitur expergefactus , iterum comedit , bibitque , & redintegratis viribus , dies omnino quadraginta incenatus & impransus ad montem *Horebum* contendit , ibique in spelunca quadam delitescens , Iezabelis insidias declinat. Secundum quietem , vocem denuo cœlestem percipit , quâ jubetur extra specum prodire , discereque , quàm providis DEUS consilijs , clementiâque cruentas Jezabelis molitiones temperet. Ingens namque exortus turbo , videbatur montes ipsos subversurus & saxa contriturus ; cùmque remitteret illa ventorum violentia , concitatus infra terram tumultus , omnia concussit & tremefecit. Terræ motum excepit incendium , pari terrore flammam & minas spargens. Subsecuta leni sibilo spirans aura , & cum aura , radians è nube splendor , deque splendor sonus allabens , prænuntiânsque *Hazailem* regem in Syria , *Iebum* in Israëlide excitandum ad pœnas de idolorum adoratoribus sumendas. Ejus rei nuntium utrique desert Elias , inque via comitem sibi Elisæum adsciscit ; & demandato perfunctus munere , in montem Carmelum revertitur. Eò militarem manum *Ochozia* Rex Israëlis mittit , (impatiens reprehensionis ob imploratam in morbo , dæmonis opem) ad vatē comprehendendum & ad se adducendum. Credibile est , ad iram vindictæ , amorē vitæ accessisse , quam etsi conclamata , armatis tamen minis à mirabili patratore Propheta , sibi prorogata volebat. Ad montē ubi superbis cū mandatis venit dux legationis , cū quinquaginta virorum manipulo , Elias peculiari Dei inspiratione concitatus , devocat è cœlo ignes , & formidolosum , horribilique spectaculo , manipulares illos exurit omnes. Mittitur altera quinquagenaria turma , pariterque concrematur , non aliam ob culpam , quàm quòd impio regi obtemperârint. Ablegatur tertia , quæ terrefacta nuntio iteratæ cladis , obsequiorū & precū demissione exitiū à se avertit. Vatēque permovit , ut secū in regiā concederet. Ubi decumbenti *Ochoziæ* inevitabilē moriendi necessitatē non min⁹ animosa voce confirmavit , quàm antè prædixerat. Inde cū Elisæo discipulo ad *Iordanem* littora progressus , cū neque pontē , neque naviculā fluvium trajicere posset , pallio , quod erat ex villosa pelle hirsutum , divisit fluminis undas , & sicco per mediū pede transijt cū comite , quem

*Elias ignem
è cœlo devo-
cat in Sa-
ellites O-
choziæ.*

*Sicco pede
Iordanem
transiit.*

„ se feminam pavit Elias. *Et Sancti Hieronymus epist. 10. ad Furiam.*
 „ Recordemur viduæ Sarephthanae , quæ & suæ , & filij salutis
 „ Eliæ prætulit famem ; ut in ipsa nocte moritura cum filio, su-
 „ perstitem hospitem relinqueret, malens vitam perdere, quàm
 „ elemosynam ; & in pûgillo farinae seminarium sibi messis Do-
 „ minicæ præparavit, S. Chrysost. longa oratione ostendit, ele-
 „ mosynam, artium omnium esse quæstuosissimam.

Theodoretus laudans demissionis & pœnitentiæ spiritum in hac
 „ vidua, mortem filij, peccatis suis adscribente, Sunt, *inquit*, ad-
 „ miratione digna verba viduæ : Tuo, ait, lumine aperta sunt pec-
 „ cata mea , quæ occulta erant. Non dixit, fuisti mihi malum
 „ auspicium ; mala conciliavit mihi tuus adventus ; sed potius
 „ suis peccatis tribuit, quod acciderat. Tantum enim ei profuit
 „ prophetæ doctrina. Hic q. 52.

Et expandit se, atque mensus est super eum. 3. Reg. 17. Mystica hæc *Quid signi-*
 „ est incubatio, & plurium arcanorum sensuum ferax. Inter alia *ficiet incu-*
 „ significat animarum Zelum ; est enim peccator, quasi cada- *batio super*
 „ ver exanime & frigidum , gratia cœlesti destitutum, quæ est *cadaver*
 „ vita animæ. Opus igitur viri, pietate ferventis, & ardore , *pueri.*
 „ ad calorem amoris DEI , & detestationis scelerum ei inspiran-
 „ dum. Ita faciebat Paulus. 1. Cor. 9. *Factus sum, inquit, infirmus*
 „ infirmus , ut infirmos lucrificam. Altera hujus actionis, est allegori-
 „ ca, eaque præcipua causa, repræsentatio Mysterij Incarnationis Dei.
 „ Nam Christi Deitas se expandit super Humanitatem nostram, ei-
 „ que quasi seipsam admensa est, & coæquavit, ut frigidam cale-
 „ faceret, exanimem animaret, mortuam vitæ redderet. Nam
 „ quidquid erat in homine bonæ mentis , refrixit & exaruit ;
 „ Christus inhalavit spiritum gratiæ, & in vitam reduxit. *Cum*
 „ illo amore valido ac lacrimis preces offerens , exauditus est pro sua reverentia.
 „ Heb. 5. *Hinc Verbum abbreviatum* , Rom. 9.

Petivit anima sua , ut moreretur. 3. Reg. 19. Unde tantus pa- *Causa ma-*
 „ vor, tantæque conternatio in Elia, qui paullo antè cum A- *stissa Elia.*
 „ chabo, & Baalitis impavidus concertârat? Ut disceret, hominem
 „ se esse, & præclare, fortiterque gesta non sibi, sed DEO adscri-
 „ bere. Deinde metuebat non tam mortem, quàm Jezabelis furo-
 „ rem, in vera religione exscindenda obstinatum.

Et ait (Angelus DEI Vicarius) ei : egredere , & sta in monte co- *Moderatio*
 „ ram Domino : Et ecce Dominus transiit , & Spiritus grandis & fortis sub- *fervoris*
 „ vertens montes , & conterens petras ante Dominum : non in spiritu Do- *viudicia,*
 „ minus ; & post spiritum commotio : non in commotione Dominus ; & post com-
 „ motione ignis : non in igne Dominus, & post ignem sibilus aura tenuis. 3. Reg. 19.
 „ Docebatur, inquit *S. Irenæus lib. 4. cont. hæres. c. 37.* propheta turbator,

eius ab idolomania ad Religionis avitæ Sacra reducturus. Mirandarum ei rerum initium fuit, prodigiosa (quod narravimus) pluviarum suspensio, & terris Israëlitis induc̃ta siccitas. Exinde, monitu divino, Iezabelis reginæ furori cessurus, vitæ solitariae se reddidit, corvis dapiferis in quotidianum ministerium usus. Ex ea solitudine iussu DEI profectus, *Sareptam*, Sidoniorum urbem, idolis addictam, elusis emissariorum oculis pervenit. In ipso urbis ingressu offendit in mulierem viduam, coccula lingua frustatim colligentem. In ejus se colloquium vates insinuat, extinguendæ siti frigidam, mitigandæ fami buccellam panis petit. Excusat illa extremam egestatem, quam triennalis agrorum sterilitas effecerat; neque plus farinæ in hydria superesse, quàm quantum manûs pugillò capi posset: oleum quoque ad ultimas in lécytho guttas reductum esse: restare hoc unum, ut collectitijs ligni fragmentis focum excitet, & illas penoris reliquias sibi, filiòque pareret suo, ad imminensem mortis necessitatem tantisper remorandam. Hic Prepheta viam sequenti facturus prodigio, postulare, ut suæ prius, hospitis, inediæ levandæ panem extemporaneum in prunis torreat, deinde propriæ, filiisque salutem consulat; neque enim vel hydriæ farinam, vel lecytho defuturum oleum, donec æther beneficas in terram pluvias effuderit. Mulier nihil cunctata, accelerat hospitalitatis officia; tantum panis è modica conficit massula, quantum satis erat non ad Eliæ modò, sed totius familiæ sedandam famem, miro repensæ charitatis fœnore, dum ex tenui penu, jugis deinceps annona fluere.

*Eliæ viduæ
farinam
multiplicat.*

Ad hoc beneficium, accessit alterum, non minùs admiratione plenum. Filius ejus viduæ unicus ex ægritudine lethali decesserat; cum bis orba mulier venit ad Eliam gemæbunda, & lacrimis infusa; queritûrque sibi vitæ ab eo servatæ, fructum adeptum, filium, unicum orbitatis suæ solatium: dolores ex eo funere tantò acerbiores à se hauriri, quantò magis sibi sit conscia, illam mortis immaturitatem delictis suis deberi. Miserratus afflictam Propheta, susceptum de materno sinu parvulum desert in suum ipse cœnaculum, reponit in testulo, in preces effunditur. Inde contractis ad modum puerilis corpusculi membris, os oribus, oculos oculis, manus manibus, pedes pedibus componit, tertiumque repetito incubitu, & inhalatione spiritûs, animam exanimi corpori reducit.

*Filium ejus
à morte re-
suscitat.*

Interea trienniò ipsò sicca sterilitas cum idololatrarû pertinnacia pugnabat; cum Elias veri DEI cultum contra Baalitas asserturus, promittit Achabo regi, se rigas è cœlo aquas in agros devocaturum, si corâ frequenti populo Baalitæ pseudoprophetæ

ad unum

ad unum omnes in Carmelo monte congregati, secum in disceptationem de Religione venirent, capitis supplicio alterutri parti propositò, cuius sacrificam hostiam flamma cœlitus delapsa non cremaret. Confluit densè populus, rei novæ eventu suspensus; coguntur quoque Baalis Sacerdotes ostingenti, quinquaginta. Experimentum Sacrificij, ut convenerat, bos in frustra sectus, strui lignorum ab ipsis imponitur; tripudia circa aram, inconditis cum clamoribus gyrantur: cultris & lanceolis inciduntur arsus ab insanè debacchantibus; nullo tamen operæ successu, nihil oritur flammæ, nihil fumi, amarum sacrilegis popis insultante Elia. A manè ad meridiem tenuit ea vociferationis & saltationis insania, cœlo nec imbrem dante, nec ignem. Itaque Vates duodenis è saxis, iuxta tribuum Hebræarum numerum, aram ipse quoque erigit; in ara ligna, & super hæc, mactati bovis membra collocat, aquâ largiter perfusa, ut è contrarijs luculentius miraculum eluceret. Utque suspicio tolleretur fomitis ignarij sub altari, absconditi, fossam aræ circumducit, repletam undâ, Inchoatò vix sacrificiò, demissus è cœlo ignis momentò consumit non victimam modò, sed ligna, lapides, & ipsam adeò lympham scrobi circum effossæ infusam; ut tanti magnitudo prodigij magis percelleret adstantium oculos; mentèsque ad Veri Numinis reduceret cultum.

Elia holocaustum & cœlo inflammatur.

Neque frustravit spes sua Prophetam. Attoniti rei prodigiosæ novitate præsentés, sternunt humi corpora, supplicésque Numinis æterni potentiam, cultumque contestantur, ac devenerantur. Elias animorum promptitudine tempestivè usus, auctor est Israëlitis, ut tandem agnitam veritatem in vindicias antiquæ Religionis vertant, manus iniiciant in detestabiles Baalitas, conctòsque neci dent. Neque difficile fuit persuadere verbis, ubi jam facta quavis linguâ potentiora præcesserant. Irruit concitata multitudo in sacrificulos, raptòsque ad torrentem Cysenem (montis Carmeli radices alluentem) trucidat ad unum omnes, devolutòsque in profluentem, ne scelesti cadavera terram & aërem inficerent, sepelit aquis; Achabò prodigijs territò, nihil contra Eliæ consilium, & populi conspirationem movere ausò. Impiorum sanguinem ruens cœlo pluvia diluit, agrisque fœcunditatè, mortalibus saturitatem & lætitiàm reddidit.

Confusi Baalis Sacrificuli, morte mulantur.

Ea cæde intellecta Jezabel, in rabiem versa, nullum non lapidem movit, ut Eliam tantæ stragis auctorem dirissimis modis excruciat. Quare fugâ sibi consulens Vates, peragratís locis desertis, fortè sub junipero confederat, quiete vires refocillaturus. Ibi partim mærore animi, partim lassitudine itineris, cœpit ipsum vitæ tædere, & desiderium subire linquendi terram. tot

Elias fugit Jezabelem.

scelerum colluvie impiatam. Languorem excepit sopor: hunc discussit Angelus cælo submissus, panem ferens & fontem, refectionem jejuno. Elias depulsa fame, relabitur in somnum, noctemque sub junipero transigit. Redit iterum genius cælestis, dormientem excitat, hortatur, ut cibò resumptò ingrediatur iter longiùs, séque extra discrimen in loco tuto constituat. Iterum igitur expergefactus, iterum comedit, bibitque, & redintegratis viribus, dies omnino quadraginta incœnatus & impransus ad montem *Horebum* contendit, ibique in spelunca quadam delitescens, Iezabelis insidias declinat. Secundùm quietem, vocem denuo cælestem percipit, quâ jubetur extra specum prodire, disceréque, quàm providis DEUS consilijs, clementiâque cruentas Jezabelis molitiones temperet. Ingens namque exortus turbo, videbatur montes ipsos subversurus & saxa contriturus; cùmque remitteret illa ventorum violentia, concitatus infra terram tumultus, omnia concussit & tremefecit. Terræ motum excepit incendium, pari terrore flammæ & minas spargens. Subsecuta leni sibilo spirans aura, & cum aura, radians è nube splendor, deque splendore sonus allabens, prænuntiânsque *Hazaëlem* regem in Syria, *Iebum* in Israëlitude excitandum ad pœnas de idolorum adoratoribus sumendas. Ejus rei nuntium utrique defert Elias, inque via comitem sibi Elisæum adsciscit; & demandato perfunctus munere, in montem Carmelum revertitur. Eò militarem manum *Ochozia* Rex Israëlitis mittit, (impatiens reprehensionis ob imploratam in morbo, dæmonis opem) ad vatē comprehendendum & ad se adducendum. Credibile est, ad iram vindictæ, amorē vitæ accessisse, quam etsi conclamata, armatis tamen minis à mirabilium patratore Propheta, sibi prorogata volebat. Ad montē ubi superbis cū mandatis venit dux legationis, cum quinquaginta virorum manipulo, Elias peculiari Dei inspiratione concitatus, devocat è cælo ignes, & formidoloso, horribilique spectaculo, manipulares illos exurit omnes. Mittitur altera quinquagenaria turma, pariterq; concrematur, non aliam ob culpam, quàm quòd impio regi obtemperârint. Ablegatur tertia; quæ terrefacta nuntio iterata cladis, obsequiorū & precū demissione exitiū à se avertit, Vatēmq; permovet, ut secū in regiā concederet. Ubi decumbenti *Ochoziæ* inevitabilē moriendi necessitatē non minùs animosa voce confirmavit, quàm antè prædixerat. Inde cū Elisæo discipulo ad *Iordanis* littora progressus, cū neque pontē, neque navicula fluvium trajicere posset, pallio, quod erat ex villosa pelle hirsutum, divisit fluminis undas, & sicco per mediū pede transijt cū comite quem

*Elias ignem
è cælo devo-
cat in Sa-
tellites O-
choziæ.*

*Sicco pede
Iordanem
transiit.*

„ se feminam pavit Elias. *Et Sanct. Hieronymus epist. 10. ad Furiam.*
 „ Recordemur viduæ Sarephtanæ , quæ & suæ , & filij saluti
 „ Eliæ prætulit famem ; ut in ipsa nocte moritura cum filio, su-
 „ perstitem hospitem relinqueret, malens vitam perdere, quàm
 „ eleemosynam ; & in pugillo farinæ seminarium sibi messis Do-
 „ minicæ præparavit, S. Chrysost. longa oratione ostendit, elee-
 „ mosynam, artium omnium esse quæstuosissimam.

Theodoretus laudans demissionis & pœnitentiæ spiritum in hac
 „ vidua, mortem filij, peccatis suis adscribente, Sunt, *inquit*, ad-
 „ miratione digna verba viduæ : Tuo, ait, lumine aperta sunt pec-
 „ cata mea , quæ occulta erant. Non dixit, fuisti mihi malum
 „ auspicium ; mala conciliavit mihi tuus adventus ; sed potius
 „ suis peccatis tribuit, quod acciderat. Tantum enim ei profuit
 „ prophetæ doctrina. Hic q. § 2.

Et expandit se, atque mensus est super eum. 3. Reg. 17. Mystica hæc *Quid signi-*
 est incubatio, & plurium arcanorum sensuum ferax. Inter alia *fiet incu-*
 significat animarum Zelum ; est enim peccator , quasi cada- *batio super*
 ver exanime & frigidum , gratia cœlesti destitutum , quæ est *cadaver*
 vita animæ. Opus igitur viri, pietate ferventis, & ardore , *pueri.*
 ad calorem amoris DEI , & detestationis scelerum ei inspiran-
 dum. Ita faciebat Paulus. 1. Cor. 9. *Factus sum, inquit, infirmus*
infirmis, ut infirmos lucrifaciam. Altera hujus actionis, est allegori-
 ca, eaque præcipua causa, repræsentatio Mysterij *Incarnationis Dei.*
 Nam Christi Deitas se expandit super Humanitatem nostram, ei-
 que quasi seipsam admensa est, & cœquavit, ut frigidam cale-
 faceret, exanimem animaret, mortuam vitæ redderet. Nam
 quidquid erat in homine bonæ mentis , refrixit & exaruit ;
 Christus inhalavit spiritum gratiæ, & in vitam reduxit. *Cum*
il amore valido ac lacrimis preces offerens, exauditus est pro sua reverentia.
 Heb. 5. *Hinc Verbum abbreviatum, Rom. 9.*

Petivi anima sua, ut moreretur. 3. Reg. 19. Unde tantus pa- *Causa ma-*
 vor, tantæque consternatio in Elia, qui paullò antè cum A- *stissa Elia.*
 chabo, & Baalitis impavidus concertârat? Ut disceret, hominem
 se esse, & præclare, fortiterque gesta non sibi, sed DEO adscri-
 bere. Deinde metuebat non tam mortem, quàm Jezabelis furo-
 rem, in vera religione excindenda obstinatum.

Et ait (Angelus DEI Vicarius) ei: egredere, & sta in monte co- *Moderatio*
ram Domino: Et ecce Dominus transit, & Spiritus grandis & fortis sub- *fervoris*
vertens montes, & conterens petras ante Dominum: non in spiritu Do- *viudicia,*
minus; & post spiritum commotio; non in commotione Dominus; & post com-
motione ignis: non in igne Dominus, & post ignem stilus aura tenuis. 3. Reg. 19.
 Docebatur, inquit *S. Irenæus lib. 4. cont. hæres. c. 37.* propheta turbator,
 & concitator

scelorum colluvie impiatam. Languorem excepit sopor: hunc
 discussit Angelus caelo submissus, panem ferens & fontem, re-
 fectionem jejuno. Elias depulsa fame, relabitur in somnum,
 noctemque sub junipero transigit. Redit iterum genius coele-
 stis, dormientem excitat, hortatur, ut cibò resumptò ingre-
 diatur iter longius, seque extra discrimen in loco tuto consti-
 tuat. Iterum igitur expergefactus, iterum comedit, bibitque,
 & redintegratis viribus, dies omnino quadraginta incœnatus
 & impransus ad montem *Horebum* contendit, ibique in spelunca
 quadam delitescens, Iezabelis insidias declinat. Secundum
 quietem, vocem denuo coelestem percipit, quâ jubetur ex-
 tra specum prodire, discereque, quàm providis DEUS consi-
 lijs, clementiâque cruentas Jezabelis molitiones temperet. In-
 gens namque exortus turbo, videbatur montes ipsos subver-
 surus & saxa contriturus; cùmque remitteret illa ventorum vio-
 lentia, concitatus infra terram tumultus, omnia concussit &
 tremefecit. Terræ motum excepit incendium, pari terrore
 flammam & minas spargens. Subsecuta leni sibilo spirans aurâ,
 & cum aura, radians è nube splendor, deque splendore sonus
 allabens, prænuntiâsque *Hazæilem* regem in Syria, *Iebum* in I-
 sraëlitide excitandum ad pœnas de idolorum adoratoribus su-
 mendas. Ejus rei nuntium utrique deferret Elias, inque viâ comi-
 tem sibi Elisæum adsciscit; & demandato perfunctus munere,
 in montem Carmelum revertitur. Eò militarem manum *Ochozia*
 Rex Israël mittit, (impatiens reprehensionis ob imploratam in
 morbo, dæmonis opem) ad vatē comprehendendum & ad se ad-
 ducendum. Credibile est, ad iram vindictæ, amorē vitæ accessisse,
 quam etsi conclamatâ, armatis tamen minis à mirabilium patra-
 tore Propheta, sibi prorogatâ volebat. Ad montē ubi superbis cū
 mandatis venit dux legationis, cum quinquaginta virorum ma-
 nipulo, Elias peculiari Dei inspiratione concitatus, devocat è cœ-
 lo ignes, & formidoloso, horribilique spectaculo, manipulares il-
 los exurit omnes. Mittitur altera quinquagenaria turma, pari-
 terq; concrematur, non aliam ob culpam, quàm quod impio regi
 obtemperârunt. Ablegatur tertia, quæ terrefacta nuntio iterata
 cladis, obsequiorū & precū demissione exitiū à se avertit, vatēq;
 permovit, ut secū in regiā concederet. Ubi decumbenti *Ochoziæ*
 inevitabilē moriendi necessitatē non min⁹ animosa voce confir-
 mavit, quàm antè prædixerat. Inde cū Elisæo discipulo ad *Iordanis*
 littora progressus, cū neque pontē, neque navicula fluvium
 trajicere posset, pallio, quod erat ex villosa pelle hirsutum, di-
 visit fluminis undas, & sicco per mediū pede transiit cū comite,
 quem

*Elias ignem
 è caelo devo-
 cat in Sa-
 tellites O-
 choziæ.*

*Sicco pede
 Iordanem
 transiit.*

se feminam pavit Elias. *Et Sancti Hieronymus epist. 10. ad Furiam.*
 Recordemur viduæ Sarephthanæ, quæ & suæ, & filij salutem
 Eliæ prætulit famem; ut in ipsa nocte moritura cum filio, su-
 perstitem hospitem relinqueret, malens vitam perdere, quam
 eleemosynam; & in pugillo farinæ seminarium sibi mellis Do-
 minicæ præparavit, S. Chrysost. longa oratione ostendit, elee-
 mosynam, artium omnium esse quæstuosissimam.

Theodoretus laudans demissionis & pœnitentiæ spiritum in hac
 vidua, mortem filij, peccatis suis adscribente, Sunt, inquit, ad-
 miratione digna verba viduæ: Tuo, ait, lumine aperta sunt pec-
 cata mea, quæ occulta erant. Non dixit, fuisti mihi malum
 auspiciū; mala conciliavit mihi tuus adventus; sed potius
 suis peccatis tribuit, quod acciderat. Tantum enim ei profuit
 prophetæ doctrina. Hic q. § 2.

Et expandit se, atque mensus est super eum. 3. Reg. 17. Mystica hæc *Quid signi-*
 est incubatio, & plurium arcanorum sensuum ferax. Inter alia *ficiet incu-*
 significat animarum Zelum; est enim peccator, quasi cada- *batio super*
 ver exanime & frigidum, gratia cœlesti destitutum, quæ est *cadaver*
 vita animæ. Opus igitur viri, pietate ferventis, & ardore, *pueri.*
 ad calorem amoris DEI, & detestationis scelerum ei inspiran-
 dum. Ita faciebat Paulus. 1. Cor. 9. *Factus sum, inquit, infirmus*
infirmis, ut infirmos lucrificam. Altera hujus actionis, est allegori-
 ca, eaque præcipua causa, repræsentatio Mysterij Incarnationis Dei.
 Nam Christi Deitas se expandit super Humanitatem nostram, ei-
 que quasi seipsam admensa est, & coæquavit, ut frigidam cale-
 faceret, exanimem animaret, mortuam vitæ redderet. Nam
 quidquid erat in homine bonæ mentis, refrixit & exaruit;
 Christus inhalavit spiritum gratiæ, & in vitam reduxit. Cum
 ila amore valido ac lacrimis preces offerens, exauditus est pro sua reverentia.
 Heb. 5. Hinc Verbum abbreviatum, Rom. 9.

Petivit anima sua, ut moreretur. 3. Reg. 19. Unde tantus pa- *Causa mo-*
 vor, tantæque consternatio in Elia, qui paullò antè cum A- *stissa Elia.*
 chabo, & Baalitis impavidus concertarat? Ut disceret, hominem
 se esse, & præclare, fortiterque gesta non sibi, sed DEO adscri-
 bere. Deinde metuebat non tam mortem, quam Jezabelis furo-
 rem, in vera religione excindenda obstinatum.

Et ait (Angelus DEI Vicarius) ei: egredere, & sta in monte co- *Moderatio*
 ram Domino: Et ecce Dominus transiit, & Spiritus grandis & fortis sub- *ferdoris*
 vertens montes, & conterens petras ante Dominum: non in spiritu Do- *viuidia,*
 minus; & post spiritum commotio; non in commotione Dominus; & post com-
 motione ignis; non in igne Dominus, & post ignem stilus aura tenuis. 3. Reg. 19.
 Docebatur, inquit S. Irenæus lib. 4. cont. hæres. c. 37. propheta turbator,
 & concitator

scelerum colluvie impiatam. Languorem excepit sopor: hunc discussit Angelus cœlo submissus, panem ferens & fontem, refectionem jejuno. Elias depulsa fame, relabitur in somnum, noctemque sub junipero transigit. Redit iterum genius cœlestis, dormientem excitat, hortatur, ut cibò resumptò ingrediatur iter longius, séque extra discrimen in loco tuto constituat. Iterum igitur expergefactus, iterum comedit, bibitque, & redintegratis viribus, dies omnino quadraginta incœnatus & impransus ad montem *Horebum* contendit, ibique in spelunca quadam delitescens, Iezabelis insidias declinat. Secundum quietem, vocem denuo cœlestem percipit, quâ jubetur extra specum prodire, disceréque, quàm providis DEUS consilijs, clementiâque cruentas Jezabelis molitiones temperet. Ingens namque exortus turbo, videbatur montes ipsos subversurus & saxa contriturus; cùmque remitteret illa ventorum violentia, concitatus infra terram tumultus, omnia concussit & tremefecit. Terræ motum excepit incendium, pari terrore flammam & minas spargens. Subsecuta leni sibilo spirans aura, & cum aura, radians è nube splendor, dèque splendore sonus allabens, prænuntiânsque *Hazaïlem* regem in Syria, *Iebus* in Israëlitude excitandum ad pœnas de idolorum adoratoribus sumendas. Ejus rei nuntium utrique desert Elias, inque via comitem sibi Elisæum adsciscit; & demandato perfunctus munere, in montem Carmelum revertitur. Eò militarem manum *Ochozia* Rex Israëlitis mittit, (impatiens reprehensionis ob imploratam in morbo, dæmonis opem) ad vatē comprehendendum & ad se adducendum. Credibile est, ad iram vindictæ, amorē vitæ accessisse, quam etsi conclamatâ, armatis tamen minis à mirabilium patratore Propheta, sibi prorogatâ volebat. Ad montē ubi superbis cū mandatis venit dux legationis, cum quinquaginta virorum manipulo, Elias peculiari Dei inspiratione concitatus, devocat è cœlo ignes, & formidoloso, horribilique spectaculo, manipulares illos exurit omnes. Mittitur altera quinquagenaria turma, pariterq; concrematur, non aliam ob culpam, quàm quòd impio regi obtemperârint. Ablegatur tertia; quæ terrefacta nuntio iteratæ cladis, obsequiorū & precū demissione exitiū à se avertit, vatēmq; permovit, ut secū in regiâ concederet. Ubi decumbenti *Ochoziæ* inevitabilē moriendī necessitatē non min⁹ animosa voce confirmavit, quàm antè prædixerat. Inde cū Elisæo discipulo ad *Jordanis* littora progressus, cū neque pontē, neque navicula fluvium trajicere posset, pallio, quod erat ex villosa pelle hirsutum, divisit fluminis undas, & sicco per mediū pede transiit cū comite, quem

*Elias ignem
è cœlo devo-
cat in Sa-
tellites O-
choziæ.*

*Sicco pede
Jordanem
transiit.*

se feminam pavit Elias. *Et Sancti Hieronymus epist. 10. ad Furiam.*
 Recordemur viduæ Sareptanæ, quæ & suæ, & filij salutem
 Eliæ prætulit famem; ut in ipsa nocte moritura cum filio, su-
 perstitem hospitem relinqueret, malens vitam perdere, quàm
 eleemosynam; & in pugillo farinæ seminarium sibi messis Do-
 minicæ præparavit, S. Chrysost. longa oratione ostendit, elee-
 mosynam, artium omnium esse quæstuosissimam.

Theodoretus laudans demissionis & pœnitentiæ spiritum in hac
 vidua, mortem filij, peccatis suis adscribente, Sunt, inquit, ad-
 miratione digna verba viduæ: Tuo, ait, lumine aperta sunt pec-
 cata mea; quæ occulta erant. Non dixit, fuisti mihi malum
 auspiciū; mala conciliavit mihi tuus adventus; sed potiùs
 suis peccatis tribuit, quod acciderat. Tantum enim ei profuit
 prophetæ doctrina. Hic q. 52.

Et expandit se, atque mensus est super eum. 3. Reg. 17. Mystica hæc
 est incubatio, & plurium arcanorum sensuum ferax. Inter alia
 significat animarum Zelum; est enim peccator, quasi cada-
 ver exanime & frigidum, gratia cœlesti destitutum, quæ est
 vita animæ. Opus igitur viri, pietate ferventis, & ardore,
 ad calorem amoris DEI, & detestationis scelerum ei inspiran-
 dum. Ita faciebat Paulus. 1. Cor. 9. *Factus sum, inquit, infirmus*
infirmis, ut infirmos lucrificiam. Altera hujus actionis, est allegori-
 ca, eaque præcipua causa, repræsentatio Mysterij Incarnationis Dei.
 Nam Christi Deitas se expandit super Humanitatem nostram, ei-
 que quasi seipsam admensa est, & coequavit, ut frigidam cale-
 faceret, exanimem animaret, mortuam vitæ redderet. Nam
 quidquid erat in homine bonæ mentis, refrixit & exaruit;
 Christus inhalavit spiritum gratiæ, & in vitam reduxit. *Cum*
clamore valido ac lacrimis preces offerens, exauditus est pro sua reverentia.
 Heb. 5. *Hinc Verbum abbreviatum, Rom. 9.*

Petivit anima sua, ut moreretur. 3. Reg. 19. Unde tantus pa-
 vor, tantæque consternatio in Elia, qui paulò antè cum A-
 chabo, & Baalitis impavidus concertarat? Ut disceret, hominem
 se esse, & præclare, fortiterque gesta non sibi, sed DEO adscri-
 bere. Deinde metuebat non tam mortem, quàm Jezabelis furo-
 rem, in vera religione excindenda obstinatum.

Et ait (Angelus DEI Vicarius) ei: egredere, & sta in monte co-
 ram Domino: Et ecce Dominus transit, & spiritus grandis & fortis sub-
 vertens montes, & conterens petras ante Dominum: non in spiritu Do-
 minus; & post spiritum commotio; non in commotione Dominus; & post com-
 motionem ignis: non in igne Dominus, & post ignem sibilus aura tenuis. 3. Reg. 19.
 Docebatur, inquit S. Irenæus lib. 4. cont. hæres. c. 37. propheta turbator,
 & concitator

scelerum colluvie impiatam. Languorem excepit sopor: hunc discussit Angelus cœlo submissus, panem ferens & fontem, refectionem jejuno. Elias depulsa fame, relabitur in somnum, noctemque sub junipero transigit. Redit iterum genius cœlestis, dormientem excitat, hortatur, ut cibò resumptò ingrediatur iter longius, séque extra discrimen in loco tuto constituat. Iterum igitur expergefactus, iterum comedit, bibitque, & redintegratis viribus, dies omnino quadraginta incenatus & impransus ad montem *Horebum* contendit, ibique in spelunca quadam delitescens, Iezabelis insidias declinat. Secundum quietem, vocem denuo cœlestem percipit, quâ jubetur extra specum prodire, disceréque, quàm provisit DEUS consilijs, clementiâque cruentas Jezabelis molitiones temperet. Ingens namque exortus turbo, videbatur montes ipsos subversurus & saxa contriturus; cùmque remitteret illa ventorum violentia, concitatus infra terram tumultus, omnia concussit & tremefecit. Terræ motum excepit incendium, pari terrore flammæ & minas spargens. Subsecuta leni sibilo spirans aura, & cum aûra, radians è nube splendor, dèque splendore sonus allabens, prænuntiânsque *Hazael*em regem in Syria, *Iehu* in Israëlitude excitandum ad pœnas de idolorum adoratoribus sumendas. Ejus rei nuntium utrique desert Elias, inque via comitem sibi Elisæum adsciscit; & demandato perfunctus munere, in montem Carmelum revertitur. Eò militarem manum *Ochozia* Rex Israëlitis mittit, (impatiens reprehensionis ob imploratam in morbo, dæmonis opem) ad vatē comprehendendum & ad se adducendum. Credibile est, ad iram vindictæ, amorē vitæ accessisse, quam etsi conclamatâ, armatis tamen minis à mirabilium patratore Propheta, sibi prorogatâ volebat. Ad montē ubi superbis cū mandatis venit dux legationis, cum quinquaginta virorum manipulo, Elias peculiari Dei inspiratione concitatus, devocat è cœlo ignes, & formidoloso, horribilique spectaculo, manipulares illos exurit omnes. Mittitur altera quinquagenaria turma, pariterq; concrematur, non aliam ob culpam, quàm quòd impio regi obtemperârint. Ablegatur tertia, quæ terrefacta nuntio iteratæ cladis, obsequiorū & precū demissione exitiū à se avertit, vatēmq; permovit, ut secū in regiâ concederet. Ubi decumbenti *Ochozia* inevitabilē moriendī necessitatē non minùs animosa voce confirmavit, quàm antè prædixerat. Inde cū Elisæo discipulo ad *Jordanis* littora progressus, cū neque pontē, neque navicula fluvium trajicere posset, pallio, quod erat ex villosa pelle hirsutum, divisit fluminis undas, & sicco per mediū pede transijt cū comite, quem

*Elias ignem
è cœlo devo-
cat in Sa-
telites O-
chozia.*

*Sicco pede
Jordanem
transiit.*

„ se feminam pavit Elias. *Et Sanct. Hieronymus epist. 10. ad Furiam.*
 „ Recordemur viduæ Sarephthanae , quæ & suæ , & filij salutem
 „ Eliæ prætulit famem ; ut in ipsa nocte moritura cum filio, su-
 „ perstitem hospitem relinqueret, malens vitam perdere, quàm
 „ elemosynam ; & in pugillo farinae seminarium sibi mellis Do-
 „ minicæ præparavit, S. Chrysost. longa oratione ostendit, ele-
 „ mosynam, artium omnium esse quæstuosissimam.

Theodoretus laudans demissionis & pœnitentiæ spiritum in hac
 „ vidua, mortem filij, peccatis suis adscribente, Sunt, *inquit*, ad-
 „ miratione digna verba viduæ : Tuo, ait, lumine aperta sunt pec-
 „ cata mea , quæ occulta erant. Non dixit, fuisti mihi malum
 „ auspicium ; mala conciliavit mihi tuus adventus ; sed potiùs
 „ suis peccatis tribuit, quod acciderat. Tantùm enim ei profuit
 „ prophetæ doctrina. Hic q. § 2.

Et expandis se, atque mensus est super eum. 3. Reg. 17. Mystica hæc *Quid signi-*
 est incubatio, & plurium arcanorum sensuum ferax. Inter alia *fices incu-*
 significat incubationem Zelum ; est enim peccator , quasi cada- *batio super*
 ver exanime & frigidum , gratia cœlesti destitutum , quæ est *cadaver*
 vita animæ. Opus igitur viri, pietate ferventis, & ardore , *pueri.*
 ad calorem amoris DEI , & detestationis scelerum ei inspiran-
 dum. Ita faciebat Paulus. 1. Cor. 9. *Factus sum, inquit, infirmus*
infirmis, ut infirmos lucrificam. Altera hujus actionis, est allegori-
 ca, eaque præcipua causa, repræsentatio Mysterij *Incarnationis* Dei.
 Nam Christi Deitas se expandit super Humanitatem nostram, ei-
 que quasi seipsam admensa est, & coequavit, ut frigidam cale-
 faceret, exanimem animaret, mortuam vitæ redderet. Nam
 quidquid erat in homine bonæ mentis , refrixit & exaruit ;
 Christus inhalavit spiritum gratiæ, & in vitam reduxit. *Cum*
ilamore valido ac lacrimis preces offerens, exauditus est pro sua reverentia.
 Heb. §. Hinc Verbum abbreviatum , Rom. 9.

Petivit anima sua, ut moreretur. 3. Reg. 19. Unde tantus pa- *Causa mœ-*
 vor , tantæque consternatio in Elia , qui paullò antè cum A- *stia Elia.*
 chabo , & Baalitis impavidus concertarat? Ut disceret, hominem
 se esse, & præclare, fortiterque gesta non sibi, sed DEO adscri-
 bere. Deinde metuebat non tam mortem, quàm Jezabelis furo-
 rem, in vera religione excindenda obstinatum.

Et ait (Angelus DEI Vicarius) ei : egredere , & sta in monte co- *Moderatio*
ram Domino : Et ecce Dominus transit , & Spiritus grandis & fortis sub- *servoris*
vertens montes , & conterens petras ante Dominum : non in spiritu Do- *vindicta,*
minus ; & post spiritum commotio ; non in commotione Dominus ; & post com-
motione ignis ; non in igne Dominus , & post ignem sibilus aura tenuis. 3. Reg. 19.
 Docebatur, inquit *S. Irenæus lib. 4. cont. hæres. c. 37.* propheta turbator,
 & concitator

ejus ab idolomania ad Religionis avitæ Sacra reducturus. Mirandarum ei rerum initium fuit, prodigiosa (quod narravimus) pluviarum suspensio, & terris Israëlitis induc̃ta siccitas. Exinde, monitu divino, Iezabelis reginæ furori cessurus, vitæ solitariae se reddidit, corvis dapiferis in quotidianum ministerium usus. Ex ea solitudine jussu DEI profectus, *Sareptam*, Sidoniorum urbem, idolis addictam, elusis emissariorum oculis pervenit. In ipso urbis ingressu offendit in mulierem viduam, coccula lingua frustatim colligentem. In ejus se colloquium vates insinuat, extinguendæ siti frigidam, mitigandæ fami buccellam panis petit. Excusat illa extremam egestatem, quam triennalis agrorum sterilitas effecerat; neque plus farinæ in hydria superesse, quàm quantum manûs pugillò capi posset: oleum quoque ad ultimas in lecytho guttas redactum esse: restare hoc unum, ut collectitijs ligni fragmentis focum excitet, & illas penoris reliquias sibi, filioque pareret suo, ad imminens mortis necessitatem tantisper remorandam. Hic Propheta viam sequenti facturus prodigio, postulare, ut suæ prius, hospitis, inediæ levandæ panem extemporaneum in prunis torreat, deinde propriæ, filioque salutis consulat; neque enim vel hydriæ farinam, vel lecytho defuturum oleum, donec æther beneficas in terram pluvias effuderit. Mulier nihil cunctata, accelerat hospitalitatis officia; tantum panis è modica conficit massula, quantum satis erat non ad Eliæ modò, sed totius familiæ sedandam famem, miro repensæ charitatis fœnore, dum ex tenui penu, jugis deinceps annona flueret.

*Eliæ vidua
farinam
multiplicat.*

Ad hoc beneficium, accessit alterum, non minùs admiratione plenum. Filius ejus viduæ unicus ex ægritudine lethali decesserat; cùm bis orba mulier venit ad Eliam gemæbunda, & lacrimis infusa; queriturque sibi vitæ ab eo servatæ, fructum adeptum, filium, unicum orbitatis suæ solatium: dolores ex eo funere tantò acerbiores à se hauriri, quantò magis sibi sit conscia, illam mortis immaturitatem delictis suis deberi. Miseratus afflictam Propheta, susceptum de materno sinu parvulum desert in suum ipse cenaculum, reponit in tectulo, in preces effunditur. Inde contrāctis ad modum puerilis corpusculi membris, os ori, oculos oculis, manus manibus, pedes pedibus componit, tertiumque repetito incubitu, & inhalatione spiritûs, animam exanimi corpori reducit.

*Filius ejus
à morte re-
suscitat.*

Interea trienniò ipsò sicca sterilitas cum idololatrarū pertinacia pugnabat; cùm Elias veri DEI cultum contra Baalitas asferturus, promittit Achabo regi, se riguas è coelo aquas in agros devocaturum, si corā frequenti populo Baalitæ pseudoprophetae ad unum

ad unum omnes in Carmelo monte congregati, secum in disceptationem de Religione venirent, capitis supplicio alterutri parti propositum, cuius sacrificam hostiam flamma cœlitus delapsa non cremaret. Confluit densè populus, rei novæ eventu suspensus; coguntur quoque Baalis Sacerdotes ostingenti, quinquaginta. Experimentum Sacrificij, ut convenerat, bos in frustra sectus, strui lignorum ab ipsis imponitur; tripudia circa aram, inconditis cum clamoribus gyrantur: cultris & lanceolis inciduntur arrus ab insanè debacchantibus; nullo tamen operæ successu, nihil oritur flammæ, nihil fumi, amarum sacrilegis popis insultante Elia. A manè ad meridiem tenuit ea vociferationis & saltationis insania, cœlo nec imbrem dante, nec ignem. Itaque Vates

Eliz belocausum & cœlo inflammat.

Neque frustravit spes sua Prophetam. Attoniti rei prodigiosæ novitate præsentis, sternunt humi corpora, supplicesque Numinis æterni potentiam, cultumque contestantur, ac devenerantur. Elias animorum promptitudine tempestivè usurus, auctor est Israëlitis, ut tandem agnitam veritatem in vindicias antiquæ Religionis vertant, manus iniiciant in detestabiles Baalistas, conctosque neci dent. Neque difficile fuit persuadere verbis, ubi jam facta quavis linguâ potentiora præcesserant. Irruit concitata multitudo in sacrificulos, raptosque ad torrentem *Cisonem* (montis *Carmeli* radices alluentem) trucidat ad unum omnes, devolutosque in profluentem, ne scelesti cadavera terram & aërem inficerent, sepelit aquis; Achabò prodigijs territò, nihil contra Eliæ consilium, & populi conspirationem movere ausò. Impiorum sanguinem ruens cœlo pluvia diluit, agrisque fœcunditatè, mortalibus saturitatem & lætitiâ reddit.

Confusi Baalis sacrificuli, morte multantur.

Ea cæde intellecta Jezabel, in rabiem versa, nullum non lapidem movit, ut Eliam tantæ stragis auctorem dirissimis modis excruciat. Quare fugâ sibi consulens Vates, peragratils locis desertis, fortè sub junipero confederat, quiete vires refocillaturus. Ibi partim mærore animi, partim lassitudine itineris, coëpit ipsum vitæ tædere, & desiderium subire linquendi terram tot

Elias fugit Jezabel.

„ se feminam pavit Elias. *Et Sancti. Hieronymus epist. 10. ad Euriam.*
 „ Recordemur viduæ Sarephthanæ, quæ & suæ, & filij salutem
 „ Eliæ prætulit famem; ut in ipsa nocte moritura cum filio, su-
 „ perstitem hospitem relinqueret, malens vitam perdere, quàm
 „ eleemosynam; & in pugillo farinæ seminarium sibi messis Do-
 „ minicæ præparavit, S. Chrysost. longa oratione ostendit, elee-
 „ mosynam, artium omnium esse quætuosissimam.

Theodoretus laudans demissionis & poenitentiae spiritum in hac
 „ vidua, mortem filij, peccatis suis adscribente, Sunt, *inquit*, ad-
 „ miratione digna verba viduæ: Tuo, ait, lumine aperta sunt pec-
 „ cata mea, quæ occulta erant. Non dixit, fuisti mihi malum
 „ , auspiciū; mala conciliavit mihi tuus adventus; sed potiùs
 „ , suis peccatis tribuit, quod acciderat. Tantum enim ei profuit
 „ , prophetæ doctrina. Hic q. 52.

Et expandit se, atque mensus est super eum. 3. Reg. 17. Mystica hæc *Quid signi-*
 est incubatio, & plurium arcanorum sensuum ferax. Inter alia *ficit incu-*
 significat animarum Zelum; est enim peccator, quasi cada- *batio super*
 ver exanime & frigidum, gratia coelesti destitutum, quæ est *cadaver*
 vita animæ. Opus igitur viri, pietate ferventis, & ardore, *pueri.*
 ad calorem amoris DEI, & detestationis scelerum ei inspiran-
 dum. Ita faciebat Paulus. 1. Cor. 9. *Factus sum, inquit, infirmus*
infirmis, ut infirmos lucrificem. Altera hujus actionis, est allegori-
 ca, eaque præcipua causa, repræsentatio *Mysterij Incarnationis Dei.*
 Nam Christi Deitas se expandit super Humanitatem nostram, ei-
 que quasi seipsam admensa est, & coequavit, ut frigidam cale-
 faceret, exanimem animaret, mortuam vitæ redderet. Nam
 quidquid erat in homine bonæ mentis, refrixit & exaruit;
 Christus inhalavit spiritum gratiæ, & in vitam reduxit. *Cum*
ilamore valido ac lacrimis preces offerens, exauditus est pro sua reverentia.
 Heb. 5. *Hinc Verbum abbreviatum, Rom. 9.*

Petivit anima sua, ut moreretur. 3. Reg. 19. Unde tantus pa- *Causa mo-*
 vor, tantæque consternatio in Elia, qui paulò antè cum A- *stissa Elia.*
 chabo, & Baalitis impavidus concertarat? Ut disceret, hominem
 se esse, & præclare, fortiterque gesta non sibi, sed DEO adscri-
 bere. Deinde metuebat non tam mortem, quàm Jezabelis furo-
 rem, in vera religione exscindenda obstinatum.

Et ait (Angelus DEI Vicarius) ei: egredere, & sta in monte co- *Moderatio*
ram Domino: Et ecce Dominus transit, & Spiritus grandis & fortis sub- *fervoris*
vertens montes, & conterens petras ante Dominum: non in spiritu Do- *vindicta,*
minus; & post spiritum commotio: non in commotione Dominus; & post com-
motione ignis; non in igne Dominus, & post ignem sibilus aura tenuis. 3. Reg. 19.
 Docebatur, inquit *S. Irenæus lib. 4. cont. hæres. c. 37.* propheta turbatio,

& concitator ad vindictam, mitius agere. Igitur spiritus hic lenis, simul erat subtilis & acer. DEUS enim, Deique sapientia operatur & castigat, tam fortiter, quam suaviter. Eliæ Zelus moderandus erat, ut non procederet ex ira & perturbatione animi, sed ex lenitate & amore justitiæ. Unde mox eidem vindictæ ratio, modusque præscribitur, scilicet ut ungat in regem Syrorum, *Hazaelum*, & *Iebum* Israëlitarum, & Elisæum Prophetam, ultionis divinæ instrumenta futuros.

Instructio hic præclara adversus eos, qui iræ & vindictæ impetu longius abripiuntur, quales erant duo Christi discipuli Ioannes & Iacobus, qui, quoddam Samaritanorum castellum non erant admissi, volebant vindicem è cælo ignem in eos immittere; sed repressi sunt à Christo, illis verbis: *Nescitis, cuius spiritus estis* Luc. 9. nam spiritus Evangelicus non est vindictæ aut iracundiæ, sed mansuetudinis ac patientiæ. Hic spiritus designatus est per sibilum auræ tenuis, Eliæ perceptum. Neque enim Dominus est in spiritu grandi & forti, hoc est, superbo; non in commotione & perturbatione animi; non in igne iracundiæ, sed in sibilo auræ tenuis, id est, humili & mansueto. Correpturus Dominus Adamum, & punire volens Gen. 3. *Venit ad auram post meridiem*, non in igne & fervore mediæ diei, id est, in iracundia, sed in aura & sibilo mansuetudinis.

Hoc sibilus etiam significatur modus, quod DEUS poenitentes & perfectionis studiosos exercet, disponit, atque ad perfectam virtutem perducit. Primum enim eos terrore mortis, iudicii & gehennæ, quasi vento validissimo, terræ motu, & igne percellit, compungit, ciet lacrimas; ac deinde ut spiritus auræ lenis eos mulcet, recreat, ad teneritudinem amoris sui provehit.

Elisæus autem videbat, & clamabat: Pater mi, Pater mei! Currus Israël & auriga ejus. 4. Reg. 2. Quasi diceret: Vale ô Elia, pater mi, qui eras totum robur Israëlitiæ populi, eumque magis juvabas tuo zelo & oratione, quam magna curruum & equorum multitudo. Vel: Vale ô Pater mi, qui simul currus eras & auriga; regebas & regebaris tu subditus DEO, tibi populus. Quasi currus sustinebas onera Reipublicæ; tanquam aurigator dirigebas omnia ad Publici Boni, & Religionis emolumentum. Meruisti virtute tua, ut triumphalem tibi currum submitteret æther, eoque te eveheret, ubi familiaris Angelis, lauros expectas immortales, tibi, tuoque consorti Enocho olim imponendas. „ Huc faciunt verba S. Greg. hom. 22. in Ezechielem. Quid est (fratres charissimi) quod Elias currus & auriga Israël dicitur, nisi quia „ auriga agit, currus portat? Doctor ergo, qui mores populi & per

DEI modus
hominem
adducendi
ad perfe-
ctionem
virtutis.
Explicatio
verborum:
Currus I-
sraël & au-
riga.

quem quia disciplinæ suæ successorem constituerat, copiam ei fecit postulandi, quidquid luberet, in monumentum amicitiae, & impositi oneris benè administrandi auxilium. Petijt is duplicem spiritum, miraculorum scilicet & Prophetiæ. Dum eunt, dum colloquuntur, ecce nubes se offert in currûs & equorum igneorum specimen efformata, quæ inter utrûmq; super terram discurrens, Eliam subitò rapuit; statimque consurgens ventus, equos ac currum longiùs abstulit ab Elisæo, ultimum Magistro suo vale acclamante, & dejectum ejus pallium, entheûmq; spiritum excipiente. Cæterum Elias rediturus ad mortales est cum *Enoch* circa mundi finem, plurimisque à nefanda Antichristi secta revocatis, martyriò laureatus, Elysiæ sedes revisurus; interea in secreto quodam aëris, amœnòque secessu (S. Scriptores *calum* vocat) vitam degit quietam, & jugi Dei contemplatione felicem. Ex quo loco, novenniò post, quàm à mortalibus recessit, epistolam ad *Joramum* impium pijsimi Iosaphati filium, & successorem sua manu scripsit: cum exprobratione detestabilis impietatis, imitationis Achabi, crudelitatis in fratres; adjectis insuper atrocium poenarum, cladiûmq; minis ac vaticinijs, in caput scelerati regis, irrevocabili Numinis decretò, non multò post exonerandis; quod divina historia memorat lib. 2. Paral. c. 21. Labet hic ex Saliano nostro apponere Epitaphium seu Elogium, ad limen Carmelitanae speluncæ ab eo suspensum.

Elias in calum raptus.

ELOGIUM ELIAE.

Elogium Eliæ.

Hanc aliquando speluncam incoluit, Viator, qui præter naturæ ordinem factus est paradisi colonus, & immortalitatis in mortali corpore candidatus: magnum illud Prophetarum lumen Elias Thesbites, in veste cilicina, in horrido ac neglecto capillo, in Prophetico pallio, in melote, pelliceæque zona. Hoc ille solum rigabat lacrimis, has tenebras divinarum illustrationum copiâ efficiebat illustres; ipsum denique informe, olidumque antrum precum suarum balsamo reddebat odoratum. Hic spiritum fervoris Vates hauriebat, quò decem Tribus sacrilegæ impietatis reas, duorum & quadraginta mensum sterilitate affixit; quò impurissimæ vanitatis architectos, magos, ariolos, pseudopphetas, præstigiariû convictos, ad octingentos & quinquaginta morti dedit: quò profanû ipsum regè in suâ perniciem conjuratû increpuit palam: & verborû pondere afflictum, ad faccû & cineres, infimamque compulsit humilitatem. Hic ille est Elias, qui quadraginta dierum continentis jejuniij prolusione usus, ad bis mille, quingentos, & amplius aîos, jugem, ad hanc diem ac perpetem

„ & per patientiam sustinet, & sacri eloquij verbum docet, Cur-
 „ rus dicitur & Auriga: currus, quia tolerando portat; auriga,
 „ quia exhortando agit: currus, quia mala sustinet; auriga,
 „ quia populum bonis admonitionibus exercet. Adde, quodd hic
 currus, in quo vir Apostolicus adumbratur, igneus esse debet,
 qualis etiam à Poëtis dicitur, solis currus, qui, quocunque
 à spiritu versetur, omnia & splendore illustrat, & exurit
 flammâ.

Ascendit Elias per turbinem in cælum c. 2. lib. 4. Reg. Et de Eno-
 cho, Eccli. 44. *Enoch placuit DEO, & translatus est in paradysum.* De *In quod cæ-*
 hoc cælo & paradiso multi multa disputant. Aliqui enim, te- *lum sis ra-*
 ste Cornelio nostro à Lapide in hunc locum, arbitrantur cum S. *ptus Elias.*
 Ambrosio, eos inter Cœlitos agere; alij cum S. Thoma putant,
 eos in paradysum terrestrem raptos esse; alij, cum S. Gregorio
 autumant, ipsos in secreta quadam aëris regione felices de-
 gere. Quidam eos ad beatissimum Numinis aspectum admit-
 tunt; alij solo DEI & Angelorum consortio illos frui existi-
 mant. Multi cum S. Chrysost. inter incerta ponunt, quæ de
 ipsorum loco scribuntur; cum tamen de eorum raptu & in vi-
 tam reditu, mortisque pro DEO subeunda Sacra Pagina mi-
 nimè dubitare sinat. Nos cum pluribus S. Gregorij opinionem
 amplexi sumus.

NARRATIO LXXXII. ELISAEVSTHAV. MATURGUS.

[Lib. Reg. 3. cap. 19. 4. Reg. 2. 4. 5. 6. 7. 13.

Ab anno M. 3127. ante Ch. 926. ad ann. M. 3240. ante Ch. 849.

Elisæo natale solum fuit *Abelmela*, urbs Tribûs
 Manassæ, cis Iordanem sita, parenti nomē *Saphat*.
 Rerum mirabiliter patrandarum omen fuit (quod
 S. Epiphanius, & Isidorus in vita Elisæi memorant)
 mugitus aurei vituli, Ierosolymis auditus, quo por-
 tendebatur, puerū idolorū exterminio natū. Antequā ab Elia in di-
 sciplinā adficeretur, rus colebat non modicū, quippe duodenis
 boujugis possidendū. In eū arantē fortē Elias iter peregrē faciens
 incidit

*Elisæo-
 gatio.*

incidit; utque hominem instituti sui Socium faceret & sectatorem, pallium ei iniecit, & cum pallio animum, sequendi hunc vitæ ducem. Elisæus in morem Prophetæ inunctus, continuò relictis bobus, adjungit se Eliæ, id unum expetens, priùs ut liceat sibi ultimum parentibus vale dicere; & quia non fit uxoris mentio, credibile est, ipsum nullis matrimonij vinculis irretitum fuisse. Perfunctus eò humanitatis officiò, parique boum in epulum amicis mactato; aratrò quoque coquendis cibis combustò (ut ostenderet, se priori vivendi rationi prorsus renuntiare) in montem se Carmelum ad Eliam, perpetuus futurus assecla, recipit. Quò deinde in æthera translato, ipse prodigiosi hæres pallij, primum potentia specimen edidit, quando hirsuta, quam à Magistro acceperat, pelle, Iordanem fluvium percussit, geminàsque divisum in partes, siccus inambulavit. Steriles subinde ac noxias Ierichuntis aquas, injecto sale potabiles effecit, & sæcundas. Debeatur hoc beneficium supplicum precibus; at quæ sequitur pœna, derisorum petulantia.

Elisæus fluvium Iordanem siccus inambulavit.

Aquas amaras edulcat.

Illos pueri ab uris discerpunt.

Bethélem (oppidum tribùs Ephraimiticæ, monti inædificatum, aureòque Ieroboami Vitulo dedicatum, regni Israëlitiçi limittaneum) fortè petenti, illudunt pueri malè linguati, tum per colles vagabundi, senile calvitium exsibilantes; cā Vates offensus procaciâ, magis autem parentum scelere, quibus neque Religio curæ, neque filiorum educatio, supplicium illusoribus imperatur. Præstò habuit evocatam Numinis vindictam; momentò citiùs gemini de silvis ursi prorumpunt, & duo ac quadraginta puerilium corporum in frusta discerpunt, improbam linguam DEO per feras castigante.

Puerorùm cladem, haud paulò major virorùm excepit. Rex Moabita, (Iosephus *Misam* appellat) Israëlitarum vèstigalis, sub id tempus defecerat, tributariam subjectionem excussurus. Quem ut armis in officio contineret *Ioram*, tunc Israëlitiçi regni potens, adscitò in societatem belli *Iosaphat* Iudæ rege; quisque Idu-mæis imperabat, tertio expeditionis sociò assumptò, movet in Moabitas. Ut imparatis superveniant, iter instituunt per Idu-mææ desertam, quâ minimè expectabat hostis. Septiduò jam progressus exercitus, cepit vehementi siti laborare; In summa aquarum penuria Rex Israëlitiçus non veritus est, cum DEO ipso expostulare, quòd ternos reges, cum ingenti suorum multitudine in extremam necessitatem (quæ stolido potiùs ipsiusmet, quippe copiarum ducis, consilio imputanda) conjecisset. Displicuit, ut par erat, Iosaphato, hominis impij querimonia; jubet igitur perquiri, num quis in exercitu Prophetes adesset, per quem, quid faciendum, DEUS posset consuli. Indicatur, *Elisæus*, Saphati filium in castris

in castris versari. Itaque ad ejus tabernaculum conferunt se reges, consilium in rebus angustis petunt; Ioramus præcipuè Vatis responsum urgebat. Quem ille cum indignatione rejectum, jussit apud suos veridicos futura inquirere. Haud æquum esse, divina ut oracula impijs & indignis pandantur. Valuit tamen apud virum religiosum Josaphati pietas, ut accersito psalte, qui divinas laudes incineret, veluti quodam enthusiasmo correptus, o-

Elisæus s-
tienti exer-
citus aquas
evocat.

pem ferret laborantibus. nam ubi pro vatis imperio, aridus torrentis alveus, in complures, profundasq; fossas sulcatus est, tanta repente aquarum copia eas inundavit, ut & militi, & jumentis abunde ad bibendum suppeditaret. Rem miram mox alia consecuta est. Moabita audito hostium adventu, in regni finibus occurrunt; & quia subitæ torrentis undæ matutini solis radijs verberatæ rutilabant; illi viso colore sanguineo, rati, Hebræos rabie sitis stimulos, in semetipsos arma vertisse; impetum in hostilia castra velut ad paratam prædam faciunt. Confertim sine ordine irruentes, excipiunt Hebræi, & ad internecionem cædunt. Vastata latè regione, obsidio urbi regni primariæ, quò se rex Moabita cum paucis suorum receperat, admovetur. Erumpere tentantem, repellunt obsessores, & ad extrema desperationis consilia adigunt. Cùmque, quò se verteret, non haberet, commiserationem hostis, ab atroci facinore captaturus, arripit filium natum primum, regni successorem, productumque in mœnia, inspectante toto hostili exercitu, Dijs suis victimâ imolat. Qua re conspecta reges fœderati, humanam miserati sortem soluta obsidione recesserunt.

Moabita ad
Hebræis mi-
ro casu ca-
duntur.

Atq; hæc ad salutē publicā pertinebant; quæ jam memorabilis, in privatā sunt collata. Vidua quædā (uxor *Abdia*, œconomi regij, & in profligatis Prophetas benefici, de quo supra, fuisse creditur) ære sic gravabatur alieno, ut solvendo non esset, geminisq; filiis immineret servitus, à creditoribus imponenda. Hæc se ad prætereuntis comodum Elisæi pedes abijcit, & rebus afflictis auxiliū rogat. Motus feminae lacrimis senex, pauxillum olei, quod in gutti fundo reliquum, ungendæ vix sufficeret faciei, adeò copiosè jussit fluere, ut excipiendo vasa non superessent, etsi à vicinis non pauca suppeditata; olivatare diceres autumnalem, quæ nexus non tantum æris alieni, sed totius angustias familiæ laxavit. Atque sic cum libertate vitam Prophetæ conservavit miseris; nunc quomodo eam amissam restituerit, referemus.

Elisæus ole-
um pauper-
cule vidue
multiplicat.

Invisurus subjecta sibi Prophetarum collegia, solitam itabat viam per Issacharæ Tribus civitatem, cui *Suna* appellatio. Hic matrona quædam virtutibus æquè ac fortunis prædita, persuadet

*Elifæus Sunamitidi
filium im-
petrat; &
mortuum
ad vitam
revocat.*

marito, Vati ut divino sæpius illac transeunti cœnaculum ex-
struat, reliquis ab ædibus semotum, ea supellestilis tenuitate,
qua sciebat Elifæum delectari. Cùmque hospes jam frequen-
tius diverteret, & de Symbola hospitali solvenda cogitaret, ad-
vertit, ædium dominis ab omni re instructissimis, unum aliquid
ad felicitatem deesse; heredem. hunc promittit hospiti, vix
se præ gaudio capienti, & fidem adhibenti; quàm confirmavit
paullò post natus filius. Eam lætitiàm haud multo post tempo-
re, par mœror extinxit. Trimulus puer ex ardore solis (nam ad
patrem ruri cum messoribus agentem erat deportatus) malè ha-
bere cœpit, diemque supremum in ipsa meridie & genitricis gre-
mio clausit. Hæc non ignara, Prophetam æquè potentem esse
in reddenda viſa filij, quàm in danda fuerit, ad Thaumatur-
gum, in Carmelum proficiscitur, exponit luctum lacrimando po-
tius, quàm loquendo. Permotus mæstitudine parentis senior,
famulum *Giezi* amandat, suo instructum baculo, ut eò cadave-
ri impositò, animam in frigidos artus revocet. Subsequitur
cum matrona Vates ipse; recurrit in via famulus, nuntiâtque,
nihil virtutis in scipione fuisse. Itaque Elifæus *Sunam* usque pro-
fectus, reperit funus in lectulo cubiculi sui collocatum; mox i-
gitur incumbere precibus & exanimi corpufculo; membra mem-
bris, Eliæ exemplò, commetiri; Et ecce! caleſci puer, aperi-
re os & oculos, ducere spiritum, totus reviviscere, iterumque
parentibus renasci.

*Elifæus a-
maritiem
pulmenti
emendat.*

*Pauci pa-
nibus mul-
tos satiat.*

*Ferrum na-
tas.*

Post hæc Elifæus, suos ad discipulos revertitur in *Galgala*,
(locum, Iordanem inter, & Ierichuntem urbem, interjectum) utq;
in communi famis calamitate, aliquod eis levamentum adferret,
iussit herbas ruri colligi, in edulium famelicis; cùmque accide-
ret, ut is, cui hoc negotium erat mandatum, agrestes cucur-
bitas, quas colocynthidas vocant, decerperet, concisâsque in
lebetem immitteret, ac coqueret, ignarus insitæ amaritudinis;
non cibus, sed venenum in mensam venit. ab eo palati tormen-
to fames ipsa abhorruit; inspergit Elifæus modicum faris; &
ecce, quidquid erat fellis, emendat, inque saporem suavissi-
mum vertit, virtute condimenti non è terra, sed cœlo haustâ.
Cui miraculo mox alterû adjecit; dū viginti panum hordeaceorû
penu, vix totidè hominibus suffecturò, virorû omnino centû famè
explevit ita, ut etiâ saturatis reliquiæ supereſsēt. Aliàs cùm cuiplâ
è Prophetarû Collegio in succidèda pro ædificio materia, securis
de manubrio in Iordanis undas fugisset; Elifæus præcisum, in ma-
nubrij formâ lignû inmittit præterfluenti; Et, ô mirum! rectè illud
desertur

defertur ad fundum, & ad ferrum demersum, inque securis foramen ultro, atque ad lignatoris adnatat manum.

Plus etiam admirabilitatis habent, quæ deinceps memorabuntur. *Naamus*, vir ob res præclare gestas imprimis charus Regi Syriæ *Benadado*, ejusque militiæ princeps, tædum in modum aspersus lepræ maculis, omnium oculos offendeat. Auxilijs nequidquam in arte medica perquisitis, ibi reperit, ubi non quærebat. In famulatio domestico Hebræa serviebat puella, nuper in bello abducta; hæc dominæ suæ narrat mira per Vatem Elisæum patrata; narrata ad maritum defert uxor. Ille impetratis abs rege comiteatu, & commendatitijs ad Joramum Israëlitarum regem litteris, è regia Syrorum urbe *Damasco*, *Samariam* contendit, valetudinis spe recuperandæ. *Benadadus*, quod magis postulare, quàm petere videretur, suspicionem movit, occasionis belli captandæ. Turbavit ea res vehementer Ioramum; quem mox à timore erexit Elisæus, & hominis persanandi remedium à potenti Numinis manu ostendit. Venit ergo *Naamus* cum equis & curribus, & stetit ad ostium domûs Elisæi; sed is ne quidem extra limen prodire sustinens, satis habuit per internuntium (*Giezius* ministrum) significare, iret, & septies in Iordane tinctus illuviem corporis, scabiêmque ablueret. Civit indignationem homini gentili inofficiosus nuntius, reputanti, *Abanam* & *Pharpharem*, patrios fluvios, non minùs limpidas quàm Iordanem, undas trahere, quibus lavari possit, si frigida morbum abstergeret. Reditum paranti, intercedunt famuli, utque imperium non grave sequatur, demissè, amicèque hortantur. Paret *Naamus* modestis precibus, & ablutione septies repetitâ, maculas omnes morbi, atque adeo vestigia; & cum ijs patriæ superstitionis squalem detergit. Oblata in sostrum à discedente munera non minore constantia repudiavit Vates, quàm adventanti præsentiam suam negavit. Sed quæ herus sanctè recusavit, *Giezius* servulus ultro depoposcit, pœnam cepit cum munere; lepram *Naamo* absterfam, sibi suæque posteritati avita contagione contraxit; lûemque tradidit per manum avaram. Huic, quod jam narrabo, cum admiratione, etiam lepos adjunctus est.

Benadadus, quod aliàs memini, Rex Syriæ perpetuus Israëlitarum hostis, dolò eos vinceret an aperto Marte, perinde habens; cum collocatas regi Ioramo insidias, per Elisæi, nimis quàm oculatam sagacitatem, non semel elusas intellexisset, omnem hostilitatem in ejus caput convertit; mittit expeditam peditum equitumque manû, quæ *Dotbainum* oppidum (haud procul urbe Samaria remotum, ubi tum Prophetam morabatur) cû homine, consilij suis

Elisæus
Naamo le-
pram ab-
stergit.

adversissimo, in potestatem redigat. Terror ingens oppidanis injectus, vim extremam meruentibus. In ea trepitatione ad herum suum Elisæum famulus (alius à Giezio, quem elephantiasis non à Prophetæ modò, sed communi hominum consortio exegit) accurrit, civitatēque ab hostibus circumfideri nuntiat. Inconcussus ea consternatione Vates, jubet bonò esse animò, & castra castris contraria intueri, simulque ostendit ei montē, plenum curribus & equis igneis, cum infessoribus suis, utique Angelis, in auxilium contra *Syros*, è cœlo submissis: Eò spectaculo confirmatus minister, ultro cum Prophetâ extra oppidum progreditur, viamque intendit Samariam versùs ab hostibus maximè infestatam. Mirum dictu! *Syri* minaces occurrunt, & Elisæum de Elisæo sciscitantur; negat iste, rectam insisti viam hominis deprehendendi; quam si quærant, non defuturū se ipsis ducem. Nec multa, præit ille; sequuntur isti. Et ecce, dum procedunt strenuè, inhiantes prædæ; Subitum oculis glaucoma obijcitur; deferuntur, Elisæo ductore, ipsam in urbem Samariam, maximè hostilem. Poterant telis impunè configi, vel gladijs contrucidari, ceu clausæ in cavea feræ, nisi pietas Elisæi obstitisset, quæ regi persuasit, ut in hostes arte non tam humana, quàm divina captos, animadverteret bene faciendo. Quare non jam ut hostes, sed hospites excipiuntur lautò convivio, & post illud incolumes dimittuntur. Illi mirati & stupefcentes sibi pro morte victum, pro interitu cibum, epulum pro pœna paratum, insolitæ beneficentiæ præcones discedunt in *Syriam*, pedem eò non relaturi hostilem, ubi omnia alia meritis, summa humanitas occurrisset.

Malè tamen fuisse collocatam gratiam, docent sequentia. Etenim non diu post, Rex *Benadadus* Samariam arctissima obsidione conjecit in extremas angustias, ut ne obscœnis quidem cibus, & humanis corporibus abstineretur. Ex sacra historia constat, caput asininum vèniisse octoginta siclis, seu 22. florenis Rhœnanis, seu 660. festerijs; libram stercoreis columbini quinque siclis, (unò florenò & 20. crucigeris, seu 40. festerijs) matrēsque ad funestas filiorum epulas à fame compulsas esse. Inter eas calamitates Rex *Israëlis Ioramus*, furore concitatus in Elisæum, jubet eum ad necem rapi, tanquam accersitor malorum esset, qui averruncator non fuerat; mox tamen mutata mente ipsemet Prophetam adit, & desperatissimis cum eò questibus expostulat, ut cujus cōsilio retardata Samariæ deditio, cives ad ultima experienda adgerit. Mulcet exacerbatum animum placidis dictis Vates, promittit ingentem annonæ vilitatem in secuturam diem. Ei vaticinio fidem adhibentibus rege, satrapisq; unus aliquis Ducum militarium non sustinuit cedere, sed ut vanum derisit. nec impunè. Post-

ridie

*Elisæus ab
hostibus Sy-
ria non a-
gnoscutur.*

*Syrorū ex-
cacatio, &
humana
tractatio.*

*Samaria à
Syris obses-
sa, & affli-
ctissima.*

ridie namque Syri, obsidentes urbem, repentino pavore perculsi, cum putarent solvendæ obsidioni armatas copias à vicinis regibus supervenisse; fugâ sese præcipites abstulerunt, panicum timorem in pectoribus, salutem in pedibus; hostem, qui nullus aderat, in auribus circumferentes. Eius fugæ indices fiunt viri quidam leprosi. At Ioramus insidias veritus, mittit equites duos, (fames enim cum reliquas pecudes & jumenta, tum equos ita absumpserat, ut ex ijs non nisi quinque strigosi & malè habiti tota in urbe Samaritana superessent) certiora exploraturos. Illi renuntiant, se viam Iordanem usque spolijs constratam reperisse: jacere sparsim arma, vestes, vasa, commeatum, quæ Syri, expeditiùs fugituri abjecerant. Ad eum nuntium Rex, populûsque incredibili gaudio completus est. Fit continuò irruptio in castra, hoste vacua, prædâ refertissima; nam quidquid rapinæ barbara manus ex omni Israhelitide convexerat, multitudini cessit in direptionem. Cæterum cum turba fame rabida confertissimè ad cibum rueret, rex ad portam urbis constituit eum ipsum ducem, qui Vatis prædictionem ludibrio habuit, ut proruentis impetum multitudinis cohiberet, ne se invicem conculcando obtinerent; sed is, idem, quod prohibere debebat, passus, proterentium pedibus, juxta vaticinationem, interiit.

*Mirabilis
solutio ob-
sidionis.*

*Et hostium
internecio.*

*Irrisori vasi-
ciny malè
perit.*

Anno demum M. 3240. ante Christum 849. Elisæus annis & meritis gravis (ætatis enim seculum expleverat) post exhibita plurima divinæ mentis argumenta, non tam morbo, quam senectute solvitur. Ad decumbentem invisens Ioram, Israhelitarum rex, quamvis impius, pias tamen lacrimas spargere cœpit, & lamentari communem parentem, rei que clypeum publicæ, cujus protectione Israhelita semper invicti adversus Syros, capitales hostes, evasisse. quem jam rebus in arctis futurum præsidio, quem in dubijs oraculo; quem Numinis iram, quem calamitates publicas, privatasque à cervicibus aversum? optabilius esse, vitam cum ipso relinquere, quam sine illo, cum acerbissima fortuna consiliari. His querimonijs levamentum adhibiturus Elisæus, afferri arcum postulat, & intendi; deinde eum, superpositâ suâ regis manu, per fenestram orientalem, Syriam versùs cum fausta apprecatione, præfagiòque exonerari; rursumque repetita jaculatione terram feriri; cumque tribus emissis telis, rex destitisset; poteras, inquit Vates, totum Syrorum regnum exscindere, si quinquies, septiève sagittam retorsisses; nunc quia terna emissionem contentus, cessasti, totidem prælijs vinces Syros, & regionem patri tuo ademptam, recuperabis. Ita regis mœror haud mediocriter est relevatus. Prophetes autè, simul Ioram, discipulisque, jam per Israhelitidè propagatis, tunc morienti assistentibus,

*Elisæus mor-
ientis regi
Ioram victo-
rias de ho-
stibus prædi-
cit.*

salutis monita : simul DEO beatum spiritum tradidit. Ioas etsi meliora doctus, cum veri tamen Numinis cultu, superstitionem vitulorum Ieroboami, adimitationem Ioachazi parentis, sociare perseveravit. Adeo profundas radices agit pravitas, majorum exemplis irroborata, ut ne Dei quidem, quâ minis, quâ beneficijs trahentis, manum sequatur.

Elisæi porro funus magno luctu, honoréque curatum est; corpus illatum Mausolæo, quale sanctimoniam ejus decebat, in modum specunæ exciso; quisque vivus in signis edendis mirandus fuit, post vitam quoque à prodigijs non destitit; nam mortuus mortuum suscitavit. Cum enim in funeris è Samaria elati pompam, latrunculorum Moabiticorum excursio subitum terrorem sparsisset, illique, qui sandapilæ succollârunt, cadaver, in sepulcrum Elisæi, remotò, quo clauderetur, saxò, tumultuariè & raptim iniecissent; res mirissima! è sacrorum officium contactu corpus exanime statim revixit, inque pedes erectum, cum ceteris sese fugæ dedit, tantò ocyus, quantò mortis semel exantlatæ metuentius.

*Elisai cada-
ver mor-
tuum ex-
citat.*

*Elogia Eli-
sai.*

Adjungam hisce duo Magni Prophetæ elogia, quorum alterum Spiritus divinus Siracidi distavit; alterum ex divina historia, gravissimus Annalium Scriptor, Iacobus Salianus, calamo exaravit. Prioris, hoc est; Eccli. 48. *Elias quidem in turbine cœlus est, & in Elisao completus est spiritus ejus* (id est, Elias, turbine in cœlū subvectus est, & cum pallio entheum sectatori suo Elisæo spiritum pro hereditate reliquit.) *In diebus suis non pertimuit principem, & potentia nemo vicit illum.* (id est, nullius principis terror Elisæum ab instituti sui ratione dimovit. hinc 4. Reg. c. 3. Ioram Achabi filio in facie dixit : *si non vultum Josaphat regis Iuda erubescerem, non attendissem quidem te, nec respexissem.* Et lib. 4. Reg. cap. 6. de eodem intrepidus pronuntiavit : *Nunquid scitis, quod filius homicide,* (nempe Achabi Nabothū lapidantis misit, ut prœcidatur caput meum.) Auxiliares præterea angelorum copias habuit 4. Reg. 6. *Nec superavit ipsum aliquod verbum, & mortuum prophetavit corpus ejus* (id est, nullæ neque minæ, neque blanditiæ ipsum à recto dimoverunt. Declaratum in Naamo sanitati reddito, cujus munera ut reciperet, adduci non potuit, 4. Reg. 5. uti neque Benadadi regis lib. 4. Reg. c. 8. *Mortuum corpus dicitur prophetasse,* quia cadaver animando, sese prophetam probavit etiam mortuus) *In vita sua fecit monstra, & in morte mirabilia operatus est.* Ea, qualia fuerint, in præcedente Narratione retulimus, Salianum audiamus.

EPITAPHIUM

ELISÆUS THAUMATURGUS.

395

EPITAPHIVM, SEV ELOGIVM ELISÆI

Elogium.

Hic situs est magni Præceptoris major, si fas est dicere, discipulus Elisæus, qui humili loco natus, ab aratri tractatione, ad nobilem animorum curam, ad Prophetæ scientiam, ad dignitatem, ad prodigiorum editionem evocatus, impios bellis, obfidionibus, septenni fame, cædibusq; castigat: qui feras ad laceratione puerorum, in vindictam parentum vocat, turpisque lucri cupiditate fordidos, sordidissima, perennique lepra contaminat. Hic est, qui ad unam Prophetæ voculam, aut pallij injectionem, ad DEI famulatum incaluit, & patri, matrique valedicens, omnia in profectionem Evangelicæ paupertatis, abdicavit à se, atque contempsit. Hic est, qui religiosæ paupertatis thesauro dives, egentes, obæratasque viduas, inopes prophetarum cohortes, adeoque copiosos militum exercitus, deserto in loco, siti enectos, divina benignitate locupletat: qui innumerabilium Religiosorum parens atque propagator, ea semina annis penè octoginta jecit, quæ superveniens Evangelij gratia eduxit, excoluit, & ad debitam maturitatem perduxit. Qui ut populi sui clades prævidit, atque præluxit, ita ejusdem salutem ac libertatem moriens feliciter parturivit. Vixit annos C. atque eò amplius; in Religiosa disciplina XXX. sex regum temporibus, Achabi, Ochoziæ, Iorami, Iehu, Ioachaz, Ioas, Annis VI. & LX. Prophetæ munere functus; eoque unà cum vita perfunctus est anno Ioasi X. Amasæ regis Iudæ VIII. ante CH. ortum, DCCXIX. Mundi 3204.

DOCTRINA.

Tulit par boum, & maculavit illud; & in aratro, boum coxis carnes, & dedit populo, & comederunt. 3. Reg. 19. Elisæus quia festinabat, & gestiebat illicò sequi Eliam, usus est aratro pro lignis, ad coquendas carnes boum. Spiritus S. gratia, Dei que Vocatio, non patitur tarda molimina. Elisæus boves, aratrum, agrum, parentes, omnia reliquit, ut expeditior ad religiosum Institutum advocaret; & virtutis stadium, quod nudior, hòc ad luctamen paratior ingrederetur. Insignem alacritatem testatus est epulò, populari turbæ instructò; illis imitandò exemplò, quos sibi Deus secernit, & à mortalibus curis avocatos, ad imortales transfert.

Vocatio religiosa.

Egressi que sunt duo ursi de saleu, & laceraverunt ex eis quadraginta duos pueros. 4. Reg. 2. Appositè Deus immisit urfos, ad devorandos pueros ante ora patrum, ut, quos ad informandos liberos imitari neglexerant, eosdem experirentur in illorum internecione lictores. Ursi enim informes fœtus suos lambendo formant & figurant, teste Plin. lib. 8. cap. 36. Sunt qui putent, illos pueros vitulo aureo & idolis fuisse consecratos. Ubi notandum illud S. Historiæ: *Pueri parvi egressi sunt de civitate &c.* Tanti refert à teneris assuescere seu virtuti,

Quales parentem tales filij.

virtuti, seu vitio. Subſaſnantium vox erat : *Aſcende Calve, aſcende cal-
ve.* Luſit in eos Poëta :

Condite jam linguas pueri, nec poſcite calvas,

Calvas ſat multas unica calva dedit.

Credibile eſt, Sanniones improbos, id convitiij à parentibus, qui-
bus Vatis zelus exoſiſſimus erat, ſæpius audiſſe. Nimirum uti
canunt parentes, ita pipiunt filij; qualis avis, talis pullus. In
Elifæo irridebatur DEUS, cujus ille cultum ſummis ſtudijs pro-
movere contendit. Quid autem mirū, feras carnifices effrenatæ
& efferatæ pueritiæ fuiſſe, maledicōsque dentes, dentibus belluinis
plexos? Male moratos liberos prius occiderunt parentes prava
educatione, antequam ferinam in eos crudelitatem, per impre-
cationem Prophetæ, immiſit DEUS.

Cumque caneres pſalter, facta eſt ſuper eum (Elifæum) manus Domini,
(id eſt, illuſtratio prophetica) lib. 4. Reg. 3. Mira viſ Muſicæ, præ-
fertim Sacræ. Hæc Elifæum ad contemplationem, aſſatūmq; cœ-
leſtium excitavit, ſedavitque animum juſta in regem Iſraëlitam
indignatione commotum. Sic magnum Auguſtinum, ſic Franci-
ſcum Seraphicum moduli Muſici in amorem cœleſtium rapue-
runt. Et verò, animus perturbationum motibus agitatſ, nec
verum perſpicere, nec divinarum radios illuſtrationum in ſe ad-
mittere poſeſt, niſi compreſſis diſcordium affectuum fluctibus,
ſuavis quidam è cœlo ſpiritus eum in placidam tranquillitatem
compoſuerit, & reclinārit.

*Mens tran-
quilla capax
cœleſtium
influxuum.*

*Contra gu-
lam.*

Mors in olla. 4. Reg. 4. Sunt verba prophetarum de amaritie
pulmenti conquerentium. Uſurpes de projectis in paſtum ven-
tribus. Dum decumani ſpumant lebetes, ebulliunt immanes ca-
cabi, ſerculorum luxu ingemiſcunt menſæ; dum generis omnis
dapibus ſacrificatur gulæ; ſatietas tranſit in nauſeam, voluptas
in poenam, præſidia vitæ in instrumenta mortis, ingeritur, quod
putreſcat; & enervet vires, quod confirmare debebat. Non edi-
tur, ut vivatur, ſed ut vivendi ſpatia, gula carnifice, abrum-
pantur.

Descendit, & lavit ſepties in Iordane, & mundatus eſt, ſcil. Naamus,
lib. 4. Reg. 5. Elifæus tantò gratioſior apud Superum Rēgem, quan-
tò Aulicorum officiorum negligentior. Sperabat Naamus ſeprā
non magis corporis, quàm animi inſlatus, occuſurum ſibi adve-
nienti Prophetam, & ſalutationis officia, neſcio quibus elegantijſ,
redditurum. Sed Vates inanem pompam, & latentem ſub ambi-
tioſa purpura ſcabiem averſatus, per Gieziū ei ſamulū ſigni-
ficavit, quid opus eſſet factū. Ubi Naamus de faſtu ſuo remiſit, &
ſepties ablutionem repetijt, integer convaluit. Placuit nimirum
DEO animi paullo ante arrogantis demiſſio, quæ ſœdam potiùs
illuviem,

*Tumor ani-
mi.*

illuviem, quàm unda Iordanis, absterfit. Adeò præsens morbis aulicis remedium est modestia, & solitæ vanitatis depressio.

Sed et lepra Naaman adhaerebit tibi, & seminitus usque in sempiternum.

4. Reg. 5. Hic est pecuniæ sacrilegæ fructus. Munera, quæ sapienter & sanctè repudiavit Elisæus; non tantùm admisit, sed etiam gravi cum crimine petijt Giezius famulus. Argentum & vestes accepit; sanitatem & ipse, & ejus posteritas perdidit. Sunt dona quædam, quæ primo aspectu capiunt oculos, sed pestilentem tegunt luem. Nimirum, ut fertur proverbio: sunt *dona non dona* plus auferentia, quàm adferentia. De quibus in fabulis est, vestis à Medea ad novam Iasonis nuptam, Glaucam Creontis filiam, missa, quâ genialis domus tota deflagravit. Aut tunica, Centauri delibuta sanguine, à Deianira dono data Herculi, quibus miserrimè crematus interiit. Verè Salomon. Prov. 15. *Qui edid munera, videt.* Poterat Giezius feliciter, beatèque vivere, sanòque in corpore, mentem possidere sanam; eamque ad seros posteros felicitatem transmittere, si paupertate Magistra, Magistrisque doctus, noluisse fortunam suam, accipiendo, vendere. An non satis erat dives, cui in contubernio Prophetæ nihil defuit, & quomodo quidquid deesse potuit ibi, ubi, si quid vel fortuna, vel natura negavit, prodigia suppleverunt? Sed avaritia tum demum sua damna sentit, cum opes avidè haustæ strangulant fauces. Poenarum hic etiam exemplum habent, sacrorum nundinatores.

Insidiosa munera.

Sacrorum nundinatio.

Noli timere; plures enim nobiscum sunt, quàm cum illis. 4. Reg. 6. Plures, nimirum Angeli, qui de cœlo pro sanctis militant. Unde DEUS Sabaotb, id est, exercituum. Nihil novum, Superùm phalanges auxilio venire hominibus. Quòd si, ut dixit quidam: sapiens dominabitur astris; quantò verius de eo pronuntiemus, qui

Integer vitæ, scelerisque purus,

Non eget hominum armis, venientis è cœlo auxilij securus. *Fidentia in DEO.* Nos quidem homunculi cum Elisæi puero trepidamus, non tantùm ad pericula, sed ad ipsos periculorum timores; causa: mens malè sibi conscia, & ab interno hoste concussa; vel in ope humana fidentior, quàm divina. Quem autem virtus, & animus innocens, Numinis fiduciâ obarmat, *terribilis est, ut castrorum acies ordinata* Cant 6. nam DEUM pro se pugnantem habet.

Cumque ingressi fuissent in Samariam, (Syri) dixit Elisæus: Domine, aperi oculos istorum, ut videant. 4. Reg. 6. In his Syris imaginem quandam intueri licet illorum, qui dum humana curant & fugacia: dum potentiorum aucupantur gratiam, & illorum studiis ac libidini serviunt, felices se putant, quia quadam *aorasia*, cæcitate, & rerû, quas ante oculos habent, ignorantia laborant; at dum illis Deus oculos aperit, quos clauserat cupiditas, aut ambitio, aut alius

Cæcitas peccatorum.

Ecc

quivis

quavis immoderatus affectus, aut quibus falsæ rerum imagines illuserant, cum in platea Samariæ, ab hostibus undique conclusi, instare sibi sentiunt inopinatum exitiû; in hora videlicet extrema vitæ suæ, tunc reddito visu lamentantur & plangunt, tunc se captivos, tunc reos agnoscunt.

*Liberum
arbitrium.*

Si percussisses quinquies, aut sexies, aut septies, percussisses Syriam uquo ad consumptionem. 4. Reg. 13. Ubi nunc, qui negant homini arbitriû liberum? DEUS liberè disposuerat & decreverat, ut Ioas toties percuteret Syriâ, quoties telo percussisset terrâ; quod Dæi decretû sciebat Elisæus; sed iussu Dæi, noluit id indicare Regi, ut illius permitteretur arbitrio, toties vincere Syros hostes, quoties sagitta emissa feriret humum. Quod verò, ter tantum icerit terram, idèoque ter tantum Syros percusserit, ejus sceleribus, & vitulorum cultui imputandum. Mirunt enim fuit, & prorsus indignum, Regem toties ab Elisæo verbis, prodigijs, victorijs divinitus concessis monitum, in nefandæ tamen superstitionis pertinacia perstitisse.

*Preces, sunt
arma.*

Sagitta salutis Domini, & sagitta salutis contra Syriam. 4. Reg. 13. Verba Prophetæ, jubentis emitti telum per Orientalem fenestram, Syriam versûs. Ita bellum olim denuntiaturi, vel prælium inituri, jaculum in terram hostilem extorquebant. Discant hinc milites, à bonis precatibus, & acclamationibus pugnam ordiri, & tela jacere, *salutis Domini*, Victoriæ Datoris. Deinde sagittæ salutis, sint affectus nostri, per fenestram Orientalem, id est, Oriente mox die ad cælum evibrandi; & contra Capitalia Vicia (hostes utique capitales) debellanda, militarem in modum, pijs cum votis, & propositis ejaculandi.

*Sanctorum
reliquiæ bo-
moranda.*

Quod cum tetigisses ossa Elisæi, revixit homo. 4. Reg. 13. Ad aridorum ossium tactum, corpus exanime vitam & vigorem recepit. I nunc sectariæ, & Catholicos ride, Sacris Divûm cineribus & ossibus honorem deferentes. Ossa Elisæi primo contactu, vitam mortuo dederunt. Potuerunt hoc unius reliquiæ, cur non possint aliorum? & illæ quidem reliquiæ, hominis nondum coelo tum recepti? Tu hoc Cælitum exuvijs denegabis? Nihil eorum possint ossa post vitam, quorum corpora in vita, rerum mirandarum plurimarum, maximarumque fuerunt instrumenta? Aut igitur Elisæi ipsanis virtutem prodigiosam abjudica, aut de cultu SS. reliquiarum cum Orthodoxis judica.

NARRATIO

NARRATIO LXXXIII.
 IORAMVS IOSA-
 PHATI, OCHOZIAS SEU JOA-
 CHAZUS JORAMI FILIVS, REGES
 JUDÆ IMPROBI.

4. Reg. cap. 8. 9. 2. Paralip. 21. 22.

Ab Anno M. 3146. ante Ch. 907. ad annum M. 3150. ante Ch. 903.



Uid mulier pellax in animum juvenilem possit, cum alijs privatarum, publicarumque cladium exemplis docuimus; tum luculentum ejus rei documentum in *Joram* Josaphati filio, natu maximo, habemus. Nihil omisit parens optimus, quod ad institutionem successoris sui attineret. Hinc frequens ei monitor esse, Deo ut vivo & vero, inflexibili constantia adhæreret, detestaretur idola, & undique eliminaret; hinc enixè commendare amorem in fratres, charitatem in subditos; ostendere dereriorum exempla, tot funestis casibus implexa, proponere bonorum palmas, & decora per ævum victura. Sed quidquid demum moneret & instrueret, id omne in irritum cessit, dum illi incautus, & amicitiae blanditijs evictus, uxorem sociat *Atbali*am, Achabi filiam, mulierem ex asse nequam; de qua in Josaphato meminimus.

Mulier mala exitium viri.

Collegam regni, trienniò filium habuit Josaphatus: Hòc vis exemptò, *Joram* solus imperiò potitus, ipsò statim dominatùs initiò in scelera, quæ reverentia, metùsque parentis texerat, erupit. Nec jam rex, sed tyrannus, crudelitatis tirocinium fecit à cæde fratrum; quibus nomina *Azarius, Jabel, Zacharias, Azarias, Michael, Saphatias*, quos opibus auctos, regiâ fortunâ dignos, pater reliquerat. Verùm quia meticulosa & suspicax ambitio, *Joram* diadematis heres, ut sine æmulis regnaret, parricidales manus fraterna cæde cruentavit. Sitit enim tyrannis sanguinem, quem timet. Sed nihilo securiorem crudelitatem reddidit innocentum interfectio; fratrum cruore ebrius carnifex, ut se vindictæ metuliberaret, pari immanitate sustulit è medio nonnullos virorum Principum, quorum integritas & constantia ambitioni, & superstitionibus suis obstitura videbatur. Adeò

Joram fratrum parricida.

Et interfecit Primatum.

Ecc 2

tyrannis

*Impietas
Ioram.*

tyrannis consuetum est, quidquid eminet, suspicere: quidquid suspiciunt, odisse, & quos oderunt, extinctos velle. Nec tamen mirum est, si tam sævus fuerit in mortales, qui DEUM immortalem sacrilegijs irritare non destitit. Excelsa, quæ pater diruerat, ædificavit; idola, quæ contrivit, erexit; & prurientes in cultus dæmonum, ipsâ scelerum licentiâ incitavit.

*Obstinatio
Ioram.*

Non semper felix improbitas: Sic enim DEUS decrevit, ut, qui regum Iudæ furiosissimus haberetur, esset etiam infelicissimus. Concussus statim regni status, ex una parte, *Lobnâ*, urbe Iudaici regni potentissima, deficiente; ex altera rebellantibus Idumæis. Intus tamen, furenti Principi nihil resistere audebat; aded terror liberas voces oppressit. Venit grandis & minax ab Elia epistola (quod supra indicavimus) quæ infamem eius vitam argueret, clades horrendas, & feralem morbum denuntiaret. Non vanus hic nuntius; nam DEUS, ut sacra hystoria re-

*Odium Dei,
hominumq.*

fert, *suscitavit impium spiritum Arabum & Philistinorum*, qui statim ingentibus copijs in Iudæam exundârunt; eâq; direâ vastatâ, gazas opulentissimas diripuerunt; filijs quoque, & uxoribus in servituê, miserandum in modum asportatis; solô *Ochoziam*, natorum minimô, eiûsq; matre impia, *Athalia*, nescio quo fatô, cladi subtrahitis. Ita barbara manus cæde filiorum regis, fratrum regionum Manibus parentavit; iustô DEI iudiciô, sed nihil apud obstinatum profecturô. *Ioram* enim, suis ut sceleribus immoreretur, suisque funeribus superstes viveret, alvi doloribus cruciatus, & lenta tæbe per biennium confectus, ita ut vitalia quoque mœrens, sed non pœnitens, egereret, fontem spiritum ægrè tandem emisit, anno sive regni, sive tyrannidis octavô; quadraginta haud ampliùs annos natus. Addita cîneribus infamia, de qua Scriptura S. *Et non fecit ei populus secundum morem combustionis exequias, sicut fecerat maioribus eius.* 2. Paralip. 21. Grande regibus monumentum, ut Dominatorem rerum omnium supplices agnoscant, & à proximorum, civiûmque cædibus, religiosiùs abstineant.

Interitus.

*Ochozias
haud meli-
or parente
Ioram.*

Reliquit filium *Ochoziam*, viginti duorum annorum juvenem, haud sanè meliorem se. Nam & ipse, ubi regnantium attigit gubernacula, statim nefaria matre *Athalia*, & ab impuris, de ipsius *Achabi* Domo consiliarijs circumfessus, omnia impiè, stolidè, infelicitèr gessit. Prima hominis huius supplices agnoscant, & à proximorum, civiûmque cædibus, religiosiùs abstineant. Reliquit filium *Ochoziam*, viginti duorum annorum juvenem, haud sanè meliorem se. Nam & ipse, ubi regnantium attigit gubernacula, statim nefaria matre *Athalia*, & ab impuris, de ipsius *Achabi* Domo consiliarijs circumfessus, omnia impiè, stolidè, infelicitèr gessit. Prima hominis huius supplices agnoscant, & à proximorum, civiûmque cædibus, religiosiùs abstineant.

nistrandis

IORAMVS, ET OCHOZIAS REGES IMPII. 401

nistrandis rebus præceps. Cum expediret regni primordia, paci & salutis publicæ consecrari, Martem suscipit non suum, sed *Iorami*, qui tum Achabi filius, & hæres Israëliticum regnum obtinebat. Pugnârunt ambo adversus *Hazeilem*, Syriæ regem infelicitè: nam Ioramus multis vulneribus acceptis, coactus est *Iezarilem*, curando corpori secedere; discedentem è castris consequitur *Ochozias*, funestâ implexus amicitia.

Sævus interim utrique ludus apparatus, nam, *lebu* inter Iorami duces, animi ferocis, & instar flagelli, ad evertendam Achabi Domum, adhibitus, Ioramum sagittâ transverberat; Ochoziam rei atrocitate commotum, & fugientem, in curru per suos confici jubet. Reportatur in patrios lares cruentum cadaver, ipsis etiam, qui oderunt, miserandum. Ad hunc exitum post unius anni regnum, familiaritas Principis impij & pessima consilia, miserum juvenem adegere.

Ochozia regis Judæ interitus.

DOCTRINA.

Vnde Iorami tot scelera & ruinae? Causam referunt Litteræ Sacrae, 4. Reg. c. 8. *Ambulavitque in vijs regum Israël* (cùm tamen ipse Iudaico regno præesset) *sicut ambulaverat Domus Achab, filia enim Achab erat uxor eius.* Nempe uxor sacrilega, omnes doctrinae à genitore pijsimo satae radices evulsit, omnes pietatis igniculos extinxit; nihil ab illa intactum, nihil cum illa purum. Inde non leviter mutatus in alium Ioramus, sed totus planè everfus, coepit religionem simul avitam, simul humanitatem exuere, & in fraternas opes, sanguinemque grassari. Peior carnifice tyrannus; ille fontes interficit, hic insontes. Huc virum suum Athalia (Iezabelis filiam agnosceres) rapuit; quæ conjugali consuetudine, & multiplici blandimento captum maritum, primò in ambitionem, dehinc in parricidia, denique in nefanda idolorum sacra impulit. Usque adeò Venus improba sævit in animos, quos insidiosæ formæ pellacia sibi mancipavit: id quod alibi quoque deploramus.

Uxoris pellacia.

Porro fraternæ cædis ad truculentiam stimulavit hominè partim cupiditas auri, majorisq; potentia, (nam divitijs & munitissimis urbibus potiebantur) partim quòd Iosaphato genitori similiore essent, & antiquæ religionis observantes. Adjecit recis horum capitibus, Principū quoq; aliquorū (in quibus eandem necis causas invenerat) insontia capita. Pro quo scelere, cæterisque nefariè factis, ab Elia increpari meruit, non ore præsentis, neq; per internuntium; sed epistolâ (quis non exhorrescat?) ex ipso, quò raptus erat ante novenniū, paradiso scripta. Ex quibus apparet; quanta vis, gravitasque scelerū Ioramū presserit: quæ castigare Deus non ab alia

alia voluerit, quàm ardente manu: nec à scriptore, nisi qui totum
esset ignis ore, animo, moribus, decessu: nec ex alio denique lo-
co, quàm ex quo solo procellæ, tempestates, grandines, ac toni-
trua, fulminatim profilirent. In summa, grandem fuisse regis
hujus malitiam oportebat, quæ nubes transcenderet: & Elias,
mortaliù quietissimo, necessitatè Satyricæ turbulentæ imponeret.

Sacrilegum tyrannum, quod aliàs fieri solet, non ferrum, sed morbus, lentus quidem præmaturò tamen fatò extinxit. Nimirum DEUS manum omni conatu potentiorẽ iniecit. noluit per hominem cædi parricidam, ne violaretur auctoritatis signaculum, quod regibus impressit; nec voluit statim emori, ne videre evasisse. In dolorẽ servavit, & in exemplum. Sic enim impiorum supplicia disponit, ut mori se sentiant: ut torqueri se posse, obniti non posse, in tantã potetia cognoscant. Quam intulere vim, omnibus suis in visceribus sentiscunt; tot gladij, quot cruciatus; tot vulnera, quorũ remedia. Inferos portant vivi, quos æternũ experiuntur mortui, Joramũ fraternalis Manibus exagitatus, sibi gravis, omnibus invisus, magna imperij, quod cædibus extendere laborabat, parte exutus, pœnas scelerum temporarias, æternasque DEO hominibũque pendit, implevitque atavi sui sapientissimi dictũ Proverb. 22. *Qui seminat iniquitatem, metet mala; & virgã ire sue consummabitur.* Sive per virgam intelligamus sceptrum, quo tyrannicè abusus est; sive flagellum interpretetur, quo criminum ab ipso commissorum, ceu loliorum & tribulorum feges & messis à DEO excutietur, & igneis inferorum arẽis triturbabitur.

Jam ad *Ochoziam*, filij, perniciem incitamenta fuerunt, cum parentum exempla pessima, (matris praesertim moribus & la-
ete jam tum imbutus, *partus improbus improbum fecutus est ventris*)
tum eorum, quos in consilium adhibuit, summa pravitas. Testatur id divina historia 2. Paralip. c. 22. *Fecit igitur (Ochozias) malum in conspectu Domini, sicut domus Achab; ipsi enim fuerunt ei consiliarii post mortem patris sui.* Exitiale virus regnantibus, pessimi consultores, Nihil cum ijs bene, etiam Rex bonus facit: cum bonis non semper male, deterrimi quoque regum se gerunt. At ubi Principi in vitium prono perniciosi consiliarii, aut ministri accedunt, deploratus est rerum humanarum status. Praesto erat Doeg Sauli, cum in sacerdotum caede baccharetur. Praesto Salomoni Ieroboamus, cum delubra daemonum, arasque detestabiles in gratiam amasiarum strueret. Praesto fuerunt Roboamo stultissimi juvenes, cum jugo subditorum, & gravibus aerumnis insultaret. Nec aliter Nero ad palmaria erupit scelera, quam Poppaë meretricis, & Tigillini, hominum propudiosissimi consilij. Est aliqua etiam projectis

Jorami sce
lestissimi
pene.

*Regum per-
wices mali
confiliary.*

JORAMUS, ET OCHOZIAS, REGES JUDÆ. 403.

sæpe verecundia Retinent immania cogitantem, probi & prudentes ministri, avertunt occasiones criminum, flectunt iras, leniunt sæva, turbida componunt, erigunt lapsa, nonnunquam etiam restituunt desperata. At si bonæ indolis Princeps à facinoroso fuerit obsessus ministerio, eoque versipelli, captus oculis ducitur, quocumq; consulentium impetus tulerit, & graviora peccat, quod per speciem justitiæ peccat. Litare se DEO, cum prævaricatur, putat; nec scit, quod semper experitur, veritatis exiliū. Hæc noster *Nicolaus Caussin*, *Dissertat. 86. de Regno DEI*. Hoc confirmat regū experientissimus, Prov. 12. *Cogitationes justorum judicium*: (id est ad normā rectæ rationis, & legis divinæ directæ) *consilia impiorum fraudulenta* (id est, excluso Numinis metu & cultu, ad assentationem, & pseudopoliticam compositæ.) Idem ibidem cap. 25. *aufer rubiginem de argento, & egredietur vas purissimum*: *aufer impietatem de vultu regis, & firmabitur justitiā thronus ejus*. Hoc est, remove à conspectu & familiaritate regis, impios consiliarios, & adulatores; eorūque loco substitue viros probos, justos, sapientes, cordatos; tum rex justā sanctāque sanciet, regnūque suū justitiā & probitate stabiliet.

NARRATIO LXXXIV. ATHALIA, SANGUINARIA JUDÆICI REGNI FURIA.

4. Reg. cap. 11. 2. Paralip. cap. 22. & 23.

Ab anno M. 3151. ante Ch. 922. ad ann. M. 3157. ante Ch. 896.



Va aspidis Iosaphatus fovebat, cū Athaliā Achabi & Iezabelis filiam, in regiā induxit; inde statim sæva pestis, & ingens calamitas erupit. Justum Ochoziæ Manibus reddebantur, cū mulier furoris impotentissimi Regnum invadit, & Thronū non aliter stabiliri putat, quā si nepotes suos, *Ochoziæ* filios, adeoque Davidicum stema totum, tollat de medio. Itaque regnum vi occupatum, vi & crudeli superbia administrat, vastā & promiscua cæde, quidquid erat regij sanguinis extinguit. In tam cruentas iras rapuit feminam cupiditas dominandi; deinde metus supplicij; sola namque ex Achabi familia superstes, impurum

Athalia regina.

salutis monita : simul DEO beatum spiritum tradidit. Ioas etsi meliora doctus, cum veri tamen Numinis cultu, superstitionem vitulorum Ieroboami, adimitationem Ioachazi parentis, sociare perseveravit. Adeo profundas radices agit pravitas, majorum exemplis irroboreta, ut ne Dei quidem, quâ minis, quâ beneficijs trahentis, manum sequatur.

Elisæi porro funus magno luctu, honorêque curatum est; corpus illarum Mausolæo, quale sanctimoniam ejus decebat, in modum specuncæ exciso; quisque vivus in signis edendis mirandus fuit, post vitam quoque à prodigijs non destitit; nam mortuus mortuum suscitavit. Cum enim in funeris è Samaria elati pompam, latrunculorum Moabiticorum excursio subitum terrorem sparsisset, illique, qui sandapilæ succollârunt, cadaver, in sepulcrum Elisæi, remotò, quo clauderetur, saxò, tumultuariè & raptim inieciissent; res mirissima! è sacrorum ossium contactu corpus exanime statim revixit, inque pedes erectum, cum ceteris sese fugæ dedit, tantò ocyus, quantò mortis semel exantlatæ meruentius.

*Elisæi cada-
ver mor-
tuum ex-
cisat.*

*Elogia Eli-
sæi.*

Adjungam hisce duo Magni Prophetæ elogia, quorum alterum Spiritus divinus Siracidi distavit; alterum ex divina historia, gravissimus Annalium Scriptor, Iacobus Salianus, calamo exaravit. Prioris, hoc est; Eccli. 48. *Elias quidem in turbine cœlus est, & in Elisæo completus est spiritus ejus* (id est, Elias, turbine in cœlū subvestus est, & cum pallio entheum sectatori suo Elisæo spiritum pro hereditate reliquit.) *In diebus suis non pertimuit principem, & potentiâ nemo vicit illum.* (id est, nullius principis terror Elisæum ab instituti sui ratione dimovit. hinc 4. Reg. c. 3. Ioramò Achabi filio, in faciè dixit : *si non vultum Josaphat regis Iudæ erubescerem, non attendissem quidem te, nec respexissem.* Et lib. 4. Reg. cap. 6. de eodem intrepidus pronuntiavit : *Nunquid scitis, quòd filius homicidæ, (nempe Achabi Nabothū lapidantis misit, ut prœcidatur caput meum.) Auxiliares præterea angelorum copias habuit* 4. Reg. 6. *Nec superavit ipsum aliquod verbum, & mortuum prophetavit corpus ejus* (id est, nullæ neque minæ, neque blanditiæ ipsum à recto dimoverunt. Declaratum in Naamo sanitati reddito, cujus munera ut reciperet, adduci non potuit, 4. Reg. 5. uti neque Benadadi regis lib. 4. Reg. c. 8. *Mortuum corpus dicitur prophetasse, quia cadaver animando, sese prophetam probavit etiam mortuus)* *In vita sua fecit monstra, & in morte mirabilia operatus est.* Ea, qualia fuerint, in præcedente Narratione retulimus, Salianum audiamus.

EPITAPHIVM

EPITAPHIVM, SEV ELOGIVM ELISÆI

Hic situs est magni Præceptoris major, si fas est dicere, discipulus Elisæus, qui humili loco natus, ab aratri tractatione, ad nobilem animorum curam, ad Prophetæ scientiam, ad dignitatem, ad prodigiorum editionem evocatus, impios bellis, obfidionibus, septenni fame, cædibusq; castigat: qui feras ad laceratione puerorū, in vindictam parentū vocat, turpisque lucri cupiditate fordidos, scædissima, perennique lepra contaminat. Hic est, qui ad unam Prophetæ voculam, aut pallij iniectionem, ad DEI famulatū inculcit, & patri, matrique valedicens, omnia in profectionem Evangelicæ paupertatis, abdicavit à se, atque contempsit. Hic est, qui religiosæ paupertatis thesauro dives, egentes, obæratāsque viduas, inopes prophetarum cohortes, adeoq; copiosos militum exercitus, deserto in loco, siti enectos, divina benignitate locupletat: qui innumerabilium Religiosorum parens atque propagator, ea semina annis penè octoginta jecit, quæ superveniens Evangelij gratia eduxit, excoluit, & ad debitam maturitatem perduxit. Qui ut populi sui clades prævidit, atque præluxit, ita ejusdem salutem ac libertatem moriens feliciter parturivit. Vixit annos C. atque eò ampliùs; in Religiosa disciplina XXC. sex regum temporibus, Achabi, Ochoziæ, Iorami, Iehu, Ioachaz, Ioas, Annis VI. & LX. Prophetæ munere functus; eoque unà cum vita perfunctus est anno Ioasi X. Amasæ regis Judæ VIII, ante CH. ortum, DCCXIX. Mundi 3204.

Elogium.

DOCTRINA.

Tulit par boum, & una traxit illud; & in aratro, boum coxis carnes, & dedit populo, & comederunt. 3. Reg. 19. Elisæus quia festinabat, & gestiebat illicò sequi Eliam, usus est aratro pro lignis, ad coquendas carnes boum. Spiritus S. gratia, Desque Vocatio, non patitur tarda molimina. Elisæus boves, aratrum, agrum, parentes, omnia reliquit, ut expeditior ad religiosum Institutum advolare; & virtutis stadium, quò nudior, hòc ad luctamen paratior ingrederetur. Insignem alacritatem testatus est epulò, populari turbæ instructò; Illis imitandò exemplò, quos sibi Deus secernit, & à mortalibus curis avocatos, ad imortales transfert.

Vocatio religiosa.

Egressi que sunt duo ursi de sale, & laceraverunt ex eis quadraginta duos pueros. 4. Reg. 2. Appositè Deus immisit ursos, ad devorandos pueros ante ora patrum, ut, quos ad informandos liberos imitari neglexerant, eosdem experirentur in illorum internectione listores. Ursi enim informes fœtus suos lambendo formant & figurant, teste Plin. lib. 8. cap. 36. Sunt qui putent, illos pueros vitulo aureo & idolis fuisse consecratos. Ubi notandum illud S. Historiæ: Pueri parvi egressi sunt de civitate &c. Tanti refert à teneris assuefcere seu virtuti,

Quales parentes tales filij.

virtuti, seu vitio. Subſaſanantium vox erat : *ascende Calve, ascende calve*. Luſit in eos Poëta :

Condite jam linguas pueri, nec poſcite calvas,

Calvas ſat multas unica calva dedit.

Credibile eſt, Sanniones improbos, id convitiij à parentibus, quibus Vatis zelus exoſiſſimus erat, ſæpius audiſſe. Nimirum uti canunt parentes, ita pipiunt filij ; qualis avis, talis pullus. In Eliſæo irridebatur DEUS, cujus ille cultum ſummis ſtudijs promovere contendit. Quid autem mirū, ſeras carnifices effrenatæ & efferatæ pueritiæ fuiſſe, maledicōsque dentes, dentibus belluinis plexos ? Malè moratos liberos priùs occiderunt parentes prava educatione, antequam ſerinam in eos crudelitatem, per imprecationem Prophetæ, immiſit DEUS.

Cumque caneret psalmes, facta eſt ſuper eum (Eliſæum) manus Domini, (id eſt, illuſtratio prophetica) lib. 4. Reg. 3. Mira vis Muſicæ, præſertim Sacræ. Hæc Eliſæum ad contemplationem, aſſatūmq; cœleſtium excitavit, ſedavitque animum juſta in regem Iſraëlitæ indignatione commotum. Sic magnum Auguſtinum, ſic Franciſcum Seraphicum moduli Muſici in amorem cœleſtium rapuerunt. Et verò, animus perturbationum motibus agitatus, nec verum perſpicere, nec divinarum radios illuſtrationum in ſe admittere poteſt, niſi compreſſis diſcordium affectuum fluctibus, ſuavis quidam è cœlo ſpiritus eum in placidam tranquillitatem compoſuerit, & reclinārit.

Mens tranquilla capax celeſtium influxuum.

Contra gulam.

Mors in olla. 4. Reg. 4. Sunt verba prophetarum de amaritie pulmenti conquerentium. Uſurpes de projectis in paſtum ventribus. Dum decumani ſpumant lebetes, ebulliunt immanes cacci, ferculorum luxu ingemiſcunt menſæ ; dum generis omnis dapibus ſacrificatur gulæ ; ſatietas tranſit in nauſeam, voluptas in pœnam, præſidia vitæ in instrumenta mortis ingeritur, quod putreſcat ; & enervet vires, quod confirmare debebat. Non editur, ut vivatur, ſed ut vivendi ſpatia, gula carnifice, abrumpan-
tū.

Descendit, & lavit ſepties in Iordane, & mundatus eſt, ſcil. Naamus, lib. 4. Reg. 5. Eliſæus tantò gratioſior apud Superū Regem, quanto Aulicorum officiorum negligentior. Sperabat Naamus ſep̄a non magis corporis, quàm animi inflatus, occuſurum ſibi adveniēti Prophetam, & ſalutationis officia, neſcio quibus elegantijs, redditurum. Sed Vates inanem pompam, & latentem ſub ambitioſa purpura ſcabiem averſatus, per Gieziū ei famulū ſignificavit, quid opus eſſet faſtu. Ubi Naamus de faſtu ſuo remiſit, & ſepties abluſionem repetijt, integer convaleuit. Placuit nimirum DEO animi paulò antè arrogantis demiſſio, quæ ſœdam potiùs illuviem,

Tumor animi.

illuviem, quàm unda Iordanis, absterfit. Adeo præsens morbis aulicis remedium est modestia, & solitæ vanitatis depressio.

Sed & lepra Naaman adhaerebit tibi, & semini tuo usque in sempiternum.

4. Reg. 5. Hic est pecuniæ sacrilegæ fructus. Munera, quæ sapienter & sanctè repudiavit Elisæus; non tantum admisit, sed etiam gravi cum crimine petijt Giezius famulus. Argentum & vestes accepit; sanitatem & ipse, & ejus posteritas perdidit. Sunt dona quædam, quæ primo aspectu capiunt oculos, sed pestilentem tegunt luem. Nimirum, ut fertur proverbio: sunt dona non dona plus auferentia, quàm adferentia. De quibus in fabulis est, vestis à Medea ad novam Iasonis nuptam, Glaucam Creontis filiam, missa, quæ genialis domus tota deflagravit. Aut tunica, Centauri delibuta sanguine, à Deianira dono data Herculi, quibus miserrimè crematus interiijt. Verè Salomon, Prov. 15. *Qui odit munera, vivet.* Poterat Giezius feliciter, beatèque vivere, sanòque in corpore, mentem possidere sanam; eamque ad feros posteros felicitatem transmittere, si paupertate Magistra, Magistrique doctus; noluisse fortunam suam, accipiendo, vendere. An non satis erat dives, cui in contubernio Prophetæ nihil defuit, & quomodo quidquid deesse potuit ibi, ubi, si quid vel fortuna, vel natura negavit, prodigia suppleverunt? Sed avaritia tum demum sua damna sentit, cum opes avidè haustæ strangulant fauces. Poenarum hic etiam exemplum habent, factorum nundinatores.

Insidiosa munera.

Sacrorum nundinatio.

Noli timere; plures enim nobiscum sunt, quàm cum illis. 4. Reg. 6. Plures, nimirum Angeli, qui de cælo pro sanctis militant. Unde DEUS Sabaoth, id est, exercituum. Nihil novum, Superum phalanges auxilio venire hominibus. Quod si, ut dixit quidam: sapiens dominabitur astris; quantò verius de eo pronuntiemus, qui

Integer vitæ, scelerisque purus,

Non eget hominum armis, venientis è cælo auxilij securus. Nos quidem homunculi cum Elisæi puero trepidamus, non tantum ad pericula, sed ad ipsos periculorum timores; causa: mens malè sibi conscia, & ab interno hoste concussa; vel in ope humana fidentior, quàm divina. Quem autem virtus, & animus innocens, Numinis fiduciâ obarmat, *terribilis est, ut castrorum acies ordinata* Cant 6. nam DEUM pro se pugnantem habet.

Fidentia in DEO.

Cumque ingressi fuissent in Samariam, (Syri) dixit Elisæus: Domine, aperi oculos istorum, ut videant. 4. Reg. 6. In his Syris imaginem quandam intueri licet illorum, qui dum humana curant & fugacia: dum potentiorum aucupantur gratiam, & illorum studijs ac libidini, serviunt, felices se putant, quia quadam aorasia, cæcitate, & rerum, quas ante oculos habent, ignorantia laborant; at dum illis Deus oculos aperit, quos clauferat cupiditas, aut ambitio, aut alius

Cacitas peccatorum.

E e e

quivis

quivis immoderatus affectus, aut quibus falsæ rerum imagines illuserant, cum in platea Samariæ, ab hostibus undique conclusi, instare sibi sentiunt inopinatum exitiū; in hora videlicet extrema vitæ suæ, tunc reddito visu lamentantur & plangunt, tunc se captivos, tunc reos agnoscunt.

*Liberum
arbitrium.*

Si percussisses quinquies, aut sexies, aut septies, percussisses Syriam usque ad consumptionem. 4. Reg. 13. Ubi nunc, qui negant homini arbitriū liberum? DEUS libere disposuerat & decreverat, ut Ioas toties percuteret Syriā, quoties telopercussisset terrā; quod Dñi decretū sciebat Elisæus; sed iussu Dñi, noluit id indicare Regi, ut illius permitteretur arbitrio, toties vincere Syros hostes, quoties sagitta emissa feriret humum. Quodd verò, ter tantum icerit terram, ideòque ter tantum Syros percussisset, ejus sceleribus, & vitulorum cultui imputandum. Mirunt enim fuit, & prorsus indignum, Regem toties ab Elisæo verbis, prodigijs, victorijs divinitus concessis monitum, in nefandæ tamen superstitionis pertinacia persistisse.

*Preces, sunt
arma.*

Sagitta salutis Domini, & sagitta salutis contra Syriam. 4. Reg. 13. Verba Prophetæ, jubentis emitti telum per Orientalem fenestram, Syriam versus. Ita bellum olim denunciaturi, vel prælium inituri, jaculum in terram hostilem extorquebant. Discant hinc milites, à bonis precatibus, & acclamationibus pugnam ordiri, & tela jacere, *salutis Domini*, Victoriæ Datoris. Deinde sagittæ salutis, sint affectus nostri, per fenestram Orientalem, id est, Oriente mox die ad cælum evibrandi; & contra Capitalia Vicia (hostes utique capitales) debellanda, militarem in modum, pijs cum votis, & propositis ejaculandi.

*Sanctorum
reliquiæ bo-
moranda.*

Quod cum tetigisses ossa Elisæi, revixit homo. 4. Reg. 13. Ad aridorum ossium tactum, corpus exanime vitam & vigorem recepit. I nunc sectarie, & Catholicos ride, Sacris Divum cineribus & ossibus honorem deferentes. Ossa Elisæi primo contactu, vitam mortuo dederunt. Potuerunt hoc unius reliquiæ, cur non possint aliorum? & illæ quidem reliquiæ, hominis nondum cælo tum recepti? Tu hoc Cœlitum exuvijs denegabis? Nihil eorum possint ossa post vitam, quorum corpora in vita, rerum mirandarum plurimarum, maximarumque fuerunt instrumenta? Aut igitur Elisæi ipsanis virtutem prodigiosam abjudica, aut de cultu SS. reliquiarum cum Orthodoxis judica.

NARRATIO

NARRATIO LXXXIII.
JORAMVS IOSA-
PHATI, OCHOZIAS SEU JOA-
CHAZUS JORAMI FILIVS, REGES
 JUDÆ IMPROBI.

4. Reg. cap. 8. 9. 2. Paralip. 21. 22.

Ab Anno M. 3146. ante Ch. 907. ad annum M. 3150. ante Ch. 903.



Uid mulier pellar in animum juvenilem possit, cum alijs privatarum, publicarumque cladium exemplis docuimus; tum luculentum ejus rei documentum in *Joramo* Josaphati filio, natu maximo, habemus. Nihil omisit parens optimus, quod ad institutionem successoris sui attineret. Hinc frequens ei monitor esse, DEO ut vivo & vero, inflexibili constantia adhereret, detestaretur idola, & undique eliminaret; hinc enixè commendare amorem in fratres, charitatem in subditos; ostendere deteriorum exempla, tot funestis casibus implexa, proponere bonorum palmas, & decora per ævum victura. Sed quidquid demum moneret & instrueret, id omne in irritum cessit, dum illi incautus, & amicitiae blanditijs evictus, uxorem sociat *Atbaliam*, Achabi filiam, mulierem ex asse nequam; de qua in Josaphato meminimus.

Mulier mala exitium viri.

Collegam regni, trienniò filium habuit Josaphatus: Hòc vivis exemptò, *Joramus* solus imperiò potitus, ipsò statim dominatùs in initio in scelera, quæ reverentia, metùsque parentis texerat, erupit. Nec jam rex, sed tyrannus, crudelitatis tirocinium fecit à cæde fratrum; quibus nomina *Azarias, Jabel, Zacharias, Azarias, Michael, Saphatius*; quos opibus auctos, regiâ fortunâ dignos, pater reliquerat. Verum quia meticulosa & suspicax ambitio, Joramus diadematis heres, ut sine æmulis regnaret, parricidales manus fraterna cæde cruentavit. Sitit enim tyrannis sanguinem, quem timet. Sed nihilo securiorem crudelitatem reddidit innocentum interfectio; fratrum cruore ebrius carnifex, ut se vindictæ metuliberaret, pari immanitate sustulit è medio nonnullos virorum Principum, quorum integritas & constantia ambitioni, & superstitionibus suis obstitura videbatur. Adeò

Joramus fratrum parricida.

Et interfecit Elor Primum.

*Impietas
Iorami.*

tyrannis consuetum est, quidquid eminet, suspicere: quidquid suspiciunt, odisse, & quos oderunt, extinctos velle. Nec tamen mirum est, si tam sævus fuerit in mortales, qui DEUM immortalem sacrilegijs irritare non destitit. Excelsa, quæ pater diruerat, ædificavit; idola, quæ contrivit, erexit; & prurientes in cultus dæmonum, ipsâ scelerum licentiâ incitavit.

*Obstinatio
Iorami.*

*Odium Dei,
hominumq.*

Inferius.

Non semper felix improbitas: Sic enim DEUS decrevit, ut, qui regum Iudæ furiosissimus haberetur, esset etiam infelicissimus. Concussus statim regni status, ex una parte, *Lobnâ*, urbe Iudaici regni potentissima, deficiente; ex altera rebellantibus Idumæis. Intus tamen, furenti Principi nihil resistere audebat; adeo terror liberas voces oppressit. Venit grandis & minax ab Elia epistola (quod supra indicavimus) quæ infamem eius vitam argueret, clades horrendas, & feralem morbum denuntiaret. Non vanus hic nuntius; nam DEUS, ut sacra hystoria refert, *suscitavit impium spiritum Arabum & Philistinorum*, qui statim ingentibus copijs in Iudæam exundârunt; eâq, dirè vastatâ, gazas opulentissimas diripuerunt; filijs quoque, & uxoribus in servituè, miserandum in modum asportatis; solò *Ochoziam*, natorum minimò, eiûsq; matre impia, *Athaliâ*, nescio quo fatò, cladi subtraxit. Ita barbara manus cæde filiorum regis, fratrum regionum Manibus parentavit; iustò DEI iudiciò, sed nihil apud obstinatum profecturò. *Ioramus* enim, suis ut sceleribus immoreretur, suisque funeribus superstes viveret, alvi doloribus cruciatus, & lenta tæbe per biennium confectus, ita ut vitalia quoque mœrens, sed non pœnitens, egereret, sotentem spiritum ægrè tandem emisit, anno sive regni, sive tyrannidis octavò; quadraginta haud ampliùs annos natus. Addita ceteribus infamia, de qua Scriptura S. *Et non fecit ei populus secundum morem combustionis exequias, sicut fecerat maioribus eius.* 2. Paralip. 21. Grande regibus monumentum, ut Dominatorem rerum omnium supplices agnoscant, & à proximorum, civiùmque cædibus, religiosiùs abstinant.

*Ochozias
haud melior
parente
Ioramo.*

Reliquit filium *Ochoziam*, viginti duorum annorum juvenem, haud sanè meliorem se. Nam & ipse, ubi regnantium attigit gubernacula, statim nefaria matre *Athalia*, & ab impuris, de ipsius Achabi Domò consiliarijs circumfessus, omnia impiè, stolidè, infeliciter gessit. Prima hominis huius clades (ut multorum aliorum) à DEO defecisse, secutum patris exempla, matrisque blanditas preces. Inde aversi ab eo pliorum, fortiumque animi, avi illius *Iosaphati* pietatem reflorescere cupientes in nepote. Ex prava superstitione turbida mens, & in administrandis

IORAMVS, ET OCHOZIAS REGES IMPII. 401

nistrandis rebus præceps. Cum expediret regni primordia, paci & salutis publicæ consecrari, Martem suscipit non suum, sed *Iorami*, qui tum Achabi filius, & heres Israëliticum regnum obtinebat. Pugnarunt ambo adversus *Hazaëlem*, Syriæ regem infelicer: nam Ioramus multis vulneribus acceptis, coactus est *Iezarëlem*, curando corpori secedere; discedentem è castris consequitur *Ochozias*, funestâ implexus amicitia.

Sævus interim utrique ludus apparatus, nam, *lebu* inter Ioramiduces, animi ferocis, & instar flagelli, ad evertendam Achabi Domum, adhibitus, Ioramum sagittâ transverberat; Ochoziam rei atrocitate commotum, & fugientem, in curru per suos confici jubet. Reportatur in patrios lares cruentum cadaver, ipsis etiam, qui oderunt, miserandum. Ad hunc exitum post unius anni regnum, familiaritas Principis impij & pessima consilia, miserum juvenem adegere.

Ochozia regis Judæ interitus.

DOCTRINA.

VNde Iorami tot scelera & ruinæ? Causam referunt Litteræ Sacræ, 4. Reg. c. 8. *Ambulavitque in vijs regum Israël* (cum tamen ipse Iudaico regno præesset) *sicut ambulaverat Domus Achab, filia enim Achab erat uxor eius.* Nempe uxor sacrilega, omnes doctrinæ à genitore pijsimo satæ radices evulsit, omnes pietatis igniculos extinxit; nihil ab illa intactum, nihil cum illa purum. Inde non leviter mutatus in alium Ioramus, sed totus planè everfus, coepit religionem simul avitam, simul humanitatem exuere, & in fraternas opes, sanguinèmq; grassari. Peior carnifice tyrannus; ille fontes interficit, hic infontes. Huc virum suum *Athalia* (*Iezabelis filiam agnosceres*) rapuit; quæ conjugali consuetudine, & multiplici blandimento captum maritum, primò in ambitionem, dehinc in parricidia, denique in nefandâ idolorum sacra impulit. Usque adeò Venus improba sævit in animos, quos insidiosæ formæ pellacia sibi mancipavit: id quod alibi quoque deploramus.

Uxoriam pellacia.

Porro fraternæ cædis ad truculentia stimulat hominè partim cupiditas auri, majorisq; potentia, (nam divitijs & munitissimis urbibus potiebantur) partim quòd *Iosaphato* genitori similiores essent, & antiquæ religionis observantes. Adjecit recis horum capitibus, Principū quoq; aliquorū (in quibus easdem necis causas invenerat) infontia capita. Pro quo scelere, cæterisque nefariè factis, ab *Elia* increpari meruit, non ore præsentis, neq; per internuntiū; sed epistolâ (quis non exhorrescat?) ex ipso, quò raptus erat ante noveniū, paradiso scripta. Ex quibus apparet; quâta vis, gravitasque scelerū *Ioramū* prefferit: quæ castigare Deus non ab alia

alia

alia voluerit, quàm ardente manu: nec à scriptore, nisi qui totus esset ignis ore, animo, moribus, decessu: nec ex alio denique loco, quàm ex quo solo procellæ, tempestates, grandines, ac tonitrua, fulminaque proflirent. In summa; grandem fuisse regis hujus malitiam oportebat, quæ nubes transcenderet: & Eliæ, mortaliû quietissimo, necessitatē Satyricæ turbulentæ imponeret.

Sacrilegum tyrannum, quod aliàs fieri solet, non ferrum, sed morbus, lentus quidem præmaturò tamen fatò extinxit. Nimirum DEUS manum omni conatu potentiorē iniecit. noluit per hominem cædi parricidam, ne violaretur auctoritatis signaculum, quod regibus impressit; nec voluit statim emori, ne videretur evasisse. In dolores servavit, & in exemplum. Sic enim impiorum supplicia disponit, ut mori se sentiant: ut torqueri se possent, obniti non posse, in tanta potētia cognoscant. Quam intulere vim, omnibus suis in visceribus sentiscunt; tot gladij, quot cruciatus; tot vulnera, quorū remedia. Inferos portant vivi, quos æternum experiuntur mortui, Joramus fraternis Manibus exagitatus, sibi gravis, omnibus invisus, magna imperij, quod cædibus extendere laborabat, parte exutus, pœnas scelerum temporarias, æternasque DEO hominibûsque pendit, implevitque atavi sui sapientissimi dictum Proverb. 22. *Qui seminat iniquitatem, metet mala; & virga ire sue consummabitur.* Sive per virgam intelligamus sceptrum, quo tyrannicè abusus est; sive flagellum interpretemur, quo criminum ab ipso commissorum, ceu loliorum & tribulorum seges & messis à DEO excutietur, & igneis inferorum areis triturobitur.

Jam ad *Ochoziam*, filij, perniciem incitamenta fuerunt, cum parentum exempla pessima, (matris præsertim moribus & late jam tum imbutus, *parius improbus improbum secutus est ventrò*) tum eorum, quos in consilium adhibuit, summa pravitas. Testatur id divina historia 2. Paralip. c. 22. *Fecit igitur (Ochozias) malum in conspectu Domini, sicut domus Achab; ipsi enim fuerunt ei consiliarij post mortem patris sui.* Exitiale virus regnantibus, pessimi consultores, Nihil cum ijs bene, etiam Rex bonus facit: cum bonis non semper malè, deterrimi quoque regum se gerunt. At ubi Principi in vitiû prono perniciosi consiliarij, aut ministri accedunt, deploratus est rerum humanarum status. Præstò erat Doëg Sauli, cum in sacerdotum cæde baccharetur. Præstò Salomoni Ieroboamus, cum delubra dæmonum, arasque detestabiles in gratiam amasarû strueret. Præstò fuerunt Roboamò stultissimi juvenes, cum jugo subditorum, & gravibus ærumnis insultaret. Nec aliter Nero ad palmaria erupit scelera, quàm Poppææ meretricis, & Tigillini, hominum propudiosissimi consilij. Est aliqua etiam projectis

sæpe

Jorami sceleratissimi pœna.

Regum perniciēs mali consiliarij.

JORAMUS, ET OCHOZIAS, REGES JUDÆ. 403

sæpe verecundia. Retinent immania cogitantem, probi & prudentes ministri, avertunt occasiones criminum, flectunt iras, leniunt sæva, turbida componunt, erigunt lapsa, nonnunquam etiam restituunt desperata. At si bonæ indolis Princeps à facinoroso fuerit obsessus ministerio, eoque versipelli, captus oculis ducitur, quocumq; consulentium impetus tulerit, & graviora peccat, quod per speciẽ justitiæ peccat. Litare se DEO, cum prævaricatur, putat; nec scitit, quod semper experitur, veritatis exiliũ. Hæc noster *Nicolaus Caussin*, *Dissertat. 86. de Regu DEI*. Hoc confirmat regũ experientissimus, *Prov. 12. Cogitationes justorum judicis*: (id est ad normã rectæ rationis, & legis divinæ directæ) *consilia impiorum fraudulenta* (id est, excluso Numinis metu & cultu, ad assentationem, & pseudopoliticam compositæ.) Idem ibidem cap. 25. *aufer rubiginem de argento, & egredietur vas purissimum: aufer impietatem de vultu regũ, & firmabitur justitiã thronus ejus*. Hoc est, remove à conspectu & familiaritate regis, impios consiliarios, & adulatores; eorũque loco substitue viros probos, justos, sapientes, cordatos; tum rex justa sanctãque sanciet, regnũque suum justitiã & probitate stabiliet.

NARRATIO LXXXIV. ATHALIA, SAN- GUINARIA JUDAICI RE- GNI FURIA.

4. Reg. cap. 11. 2. Paralip. cap. 22. & 23.

Ab anno M. 3151. ante Ch. 922. ad ann. M. 3157. ante Ch. 896.



Va aspidis Iosaphatus fovebat, cum Athaliã Achabi & Iezabelis filiam, in regiã induxit; inde statim sæva pestis, & ingens calamitas erupit. Justatum Ochoziæ Manibus reddebantur, cum mulier furoris impotentissimi Regnum invadit, & Thronũ non aliter stabiliri putat, quàm si nepotes suos, *Ochoziæ* filios, adeoque Davidicum stemma totum, tollat de medio. Itaque regnum vi occupatum, vi & crudeli superbia administrat, vasta & promiscua cæde, quidquid erat regij sanguinis extinguit. In tam cruentas iras rapuit feminam cupiditas dominandi; deinde metus supplicij; sola namque ex Achabi familia superstes, impurum

*Athalia
rannia.*

impurum ferro spiritum, juxta interminationem Eliæ, debebat, sexenniō tyrannis ea grassata fuit, nepotibus ex filio *Ochozia* cunctis crudeliter interemptis, præter *Iosam*, anniculum infantem, aviæ truculentia, à *Ioiada* Pontifice clam substractum, uxoris industriâ & piâ fraude, *Iosaba* (seu *Iosabeba*) sororis *Ochoziæ*, quem sua cum nutrice in secretis Templi ædibus abscondit, aluit, educavit. Regnat interea *Athalia* gementibus omnibus, nemine recusante; tantus sævitia muliebris terror animos oppresserat.

Ioiada Pontifex providentia in rege conferendo.

Septennis jam erat puerulus *Ioas*, cum *Ioiada* Pontifex, vir ingentis spiritus, & rarissimæ prudentiæ, doluit cives suos non tantum à Regno, sed à servitute quoque degenerasse, dum feminæ tyrannicæ, & impietatis antesignanæ turpiter obsequerentur. Cœpit agitare grandia, & operosa consilia, de patria liberanda, & evertenda funditus tyrannide. Primates Regni, fortissimos tribunos ac centuriones, in secretum Templi seductos, postulata prius arcani religione, eaque per iusiurandum, ante conspectum DEI vivi exactâ, fidenti allocutione affatur.

Obijcit lugubrem regni statum, sacra detestabili cultu temerata, oppressa ferro iura, dominante contra patrias leges muliere, eaque extraneâ, de inimica gente, & idolorum cultrice. Nihil illi magis provisum, quàm omnia concutere, ut stet; omnia perdere, ne pereat. Et quid non dirum ab illa expectandum, quæ à filiorum cæde regnum sit auspicatâ? deturbandam intrepide de hoc rerum fastigio, antequam omnia cædibus & flammis deleat. Nondum esse, quod avidissime ipsa cupiebat, Regium omne semen extinctum, superesse ex illa veneranda & æterna *Davidis* progenie, puerulum unum, legitimum Regem, quem potestati asserere, toto conatu deberent. In promptu rem esse; dimicandum contra mulierem, libidine & fœcundia pari; nihil illi ab Israëlítico Regno auxilij expectandum, rebus nuperrima *Ierami* (regis Israëlita, cui cognominis fuit *Iudæ* rex, de quo supra) cæde turbatis, ac penitus confusis: nihil in hoc sperandum omnibus exosæ, & toties damnatæ. Expectari tantum, percussorem, nec DEI defuturam pijs conatibus manum. Hæc præfatus, septennem jam infantem educit è latebris; ad cuius conspectum, veneratione omnes & lætitia perfusi, sacramentum præstant, mori pro dilecto capite supra modum parati.

Tum Pontifex ordinem conjurationis pandit, & quem quisque locum obtinere, quid facere debeat, præscribit: arma quoque in Templo paratissima exstare monet; tantum viri essent adversus feminam. Negotium imprimis *Levitis* committitur, qui magno numero ex cunctis *Iudæ* urbibus confixere, ut omnes Templi aditus,

ATHALIA SANGUINARIA FURIA. 405

aditus, valida manu sepiant, neminemque, ne in atrium quidem exterius (quod Levitarum dicebatur) intrare patiantur. Atque, ut ne consiliorum aliqua suspicio ad Athalia emanaret, ij, qui constituti erant in excubijs, vices mutabant, alij atque alij, tanquam ad ministeria Sacrorum succedentibus, ut non ad arma conjurata, sed ad Templi officia convenisse viderentur.

Dies lecta tanto facinori; & certatim omnes præsto fuere. Rex puer acri custodia septus, in Templum ducitur, ornamentisque regijs indutus, Legisque Divinae volumen manu tenens, inungitur, profusisque vocibus heres sceptri Iudaici acclamatur. Tumultu excita, (regia namque domus erat Templo proxima) nec despondens animos Athalia, festinato gressu advolat familiari cum comitatu, & prætoriana cohorte: inter confusam turbam, clamoresque populorum, ad Aram (quæ in Atrio Levitico posita) pergit, exclusis, jussu Ioadæ, stipatoribus. Mox ubi Ioram sedentem in suggestu vidit, simulque arma & tubas, chorosque Musicorum; attonita rei novitate, scindit furiosè vestes, & exclamat: *Conjuratio, conjuratio!* si fortè suos ad resistendum provocaret. Sed vocem contra tollente populo, & novo Regi vitam ac felicitatem apprecante, Pontifex dat mandatum militum centurionibus, ut vociferantem, extra Templi septa abripiant, & interficiant. Extracta igitur è loco sacro, juxta palatium regium (ut ibi caderetur, ubi peccâret) gladio, & cum ea, stirps omnis Achabæa tollitur. Inaugurato Regi, & in palatium cum festa pompa introducto, fides clientelæ præstita, fœdera mutuo renovata, simulacra Baalis deturbata, delubra diruta, Hierosolyma expiata, Templum instauratum, Religio restituta, ædes Sacrae, Regiæque fortissimorum virorum præsidij munitæ, Ioadæ Principis optimi, Ioadæ Tutoris, Patris, Pontificis munia cuncta strenuè exsequente.

Ioras rex saluatur.

Athalia meritis puniatur.

DOCTRINA.

Athalia (Gotholiam Iosephus appellat) sexus sui probrum, & ambitiosæ crudelitatis monstrum, femina, supra omnes feras inanis & sæva, documento est, quid mulier audeat, sceptro armata. Eodem furore, quo Ioramum maritum in cedes fraternas stimulavit, in suorum ipsa nepotum, adeoque filiorum sanguinem debacchata est. Siracides cum suspirio pronuntiat, Eccli. 25. *Non est caput nequius super caput colubri, & non est ira super iram mulieris.* Et Chrysost. (serm. de S. Ioan. Bapt. Exclamat, ô mala, lum omni malo peius, mulier mala. malum intolerabile, vipera, irremediabilis, venenū insanabile! Si injuriam patitur, insanit: Fff

Mala femina.

, Si honorem

„ Si honorem accipit, extollitur : Si potentis uxor sit, non cessat
 „ die ac nocte, callidis stimulare sermonibus : blanditur nequiter,
 „ & quod vult importunè, rapit violenter. O quoties hoc ge-
 nus furiae infamarunt secula, & non familiarum tantum, sed
 regnorum exitijs ultimae steterè causae ! Nam si cupiditatem
 suam vel auctoritate mariti, vel suomet firmant nomine, nihil
 est tam periculosum, quod aggredi : nihil tam munitum, quod la-
 befactare : nihil tam Sanctum, quod violare non audeant. Atque
 ut Poëtis suas relinquamus Medeas, Medusas, Belides, Bacchi-
 des, Prognas, Phædras, Clytemnestras, aliâque seminarum
 monstra ; ex historijs notae sunt, Tulliae, Juliae, Fulviae, Messa-
 linæ Agrippinae, Pompeiae, Herodiades, Faustinae, Frede-
 gundes Drahomiræ, Bhrunichildes ; quarum ultima Brunichil-
 dis, multorum Franciae regum mater & avia, ut Regina morere-
 tur, decem reges suâ operâ, consilioque extinxit. Sed tandem à
 Clothario capta, ac camelo imposita, in populi ludibrium cir-
 cumducta, denique ad indomiti caudam equi per capillos alli-
 gata, raptataque, cerebrò calcibus equi elisò, dispersoque, reli-
 quis membris per aspera saxa, sentes, & rupes pertractis & dis-
 cerptis, pares sceleribus poenas dedit. Haud tamen ignoramus
 ex hoc sexu fuisse, easque, quae summâ prudentiâ, pietatēque,
 rem publicam, privatamque sustinerent. Quales fuere Zeno-
 bia Palmyrena, Pulcheria Byzantina, Indegundis Hispana, quae
 S. Hermenegildum maritum ab Arrij secta ad fidem Orthodoxam,
 & cum eo totam Hispaniam convertit, sub annu 600. Eaque sup-
 par Clothildis, quae Clodoveum, & per eum Franciam, ad Christum
 traduxit. Itēque Theodolinda, decus Bavariae, quae Agilul-
 phum regem maritum, ceterosque Longobardos ad religionem
 Catholicam pellexit. Taceo Hungarorum Giselas, Orientis Theo-
 doras, Gothorum Amalazunthas, Francorum Blanchas, aliâsque
 heroinas, quibus imperia, quasi illuminata sideribus refulserunt.
 Unde meritò Siracides Eccli. 26. *Sicut sol oriens mundo in altissimū DEI,*
sic mulieris bonae species in ornamentum domus ejus. Hoc est. Uti sol ma-
 nē oriens in cœlo, totum orbem nova, grata, roseaque luce illumi-
 nat, exhilarat, condecorat, vegetat, vivificat ; sic uxoris bonae pul-
 chritudo corporis, & magis animi, suae virtutis fulgore pellit om-
 nes mariti, domusque molestias & mœrores, totamque familiam
 (vel Regnum etiam) irradiat, lætificat, exornat, atque ad DEI co-
 gnitionem, amorem, & cultum accendit.

*Bona fe-
mina.*

*Joia da fide-
litatis.*

In Joia Pontifice suspicienda, Zelus religionis, forti-
 tudo, prudentia politica & militaris, & comprimis fidelitas in
 Ioam nepotulum suum. *Multi homines misericordes vocantur ;* inquit
 Salom. Prov. 20. *virum autem fidelem quis inveniet ?* Quasi diceret, Virū
 misericordiâ præditum facile est invenire, quia ad commiserationem

tionem invitat tum benignitas naturæ, tum laus hominum; sed virum fidelem, qui in rebus adversis, DEO, hominibusque maneat fidus; qui sibi in quavis virtute ubique constet; qui impijs animosè resistat: qui nec minis, nec promissis, nec donis ab officio se dimoveri patiatur; utique rarus est, & difficilis inventu. Talis, si quisquam alius, fuit Ioiada, non citra præsentissimum fortunarum suarum, dignitatis, familiæ, ipsiusque vitæ discrimen.

NARRATIO LXXXV. IOAS, REX IVDÆ, INCONSTANTIS

& ingrati animi exemplum.

lib. 4. Reg. cap. 12. 2. Paralip. cap. 24.

Ab Anno M. 3158. ante Ch. 895. ad annum M. 3196. ante Ch. 857.

Postquam magna omnium cum congratulatione & lætitia, *Joas*, ut diximus, imperij Iudæici sceptro admotus est, continuo cunctorum quoque votis expetitus *Ioiada* Pontifex, qui Regis infantiam, quique regnum administraret. quod ipse præstitit integre, sanctèque. Et primum curavit, quod Regibus pupillis fieri solet, ut esset alta pax rebus; etsi non deerant incitamenta bellorum; nam eodem tempore *Iehu* & per se, & in prole apud Israëlitas regnabat, à quo regis *Ochoziæ* fratres, & ipsius *Ioas* patrui, ferebantur occisi. Noluit tamen ob mala domestica bellum publicum accendere, sed privatas cicatrices felicitate populorum obduxit. Maluit tunc raptorem & homicidam ferre, quam fatigatis bello animis, novis motibus obstrepere.

Nec dissimili *Ioiadæ* consilio, *Ioas* *Hazaeli* fulmen eripuit: Erat is Rex Syriæ bellicosissimus, cui licet impio, & domini (Benadadi) cæde cruentato, *Elisæi* oracula dominatum ingentem promiserant. Ibat, infestis armis & signis, Hierosolymam deleturus: Tum *Ioas* juxta prudentissimi Pontificis mentem, nihil æquare ratus clades, quæ ex bellis tam exteris, quam civilibus oriuntur, ingenti pecunia tum ex thesauro regis, tum Templi depromptâ, pacè pactus, à mœnibus suis diram pestem avertit. Omnem deinde operam navavit, in regno per religionem & justitiâ

F f f 2

constituendo.

*Ioas vivente
Ioiada opti-
mus Prin-
ceps.*

constituendo. Mœrebant templi parietes, & DEI spolia ab impiissima Athalia direpta, Baalis fanum ornabant; destruxit sacrilegas ædes, dijs ipsis ruinarum pondere oppressis. Didrachmum, quod per Moyſis legem, Templo quotannis à singulis hominibus destinatum fuerat, per injustos Principes derasum, & in bellorum usus detortum, restituunt Sacro Ærario Ioas rex, & Ioiada Pontifex, missis undique Levitis, qui leniter exigent. Arca quoque ad Templi fores constituta, in quam quisque, quod vellet, pro Templi reparatione conferret; inde populo hilariter & effusè sua largiente, infinita pecunia congesta. Hanc à Sacerdotibus, & suo scriba numerari Ioas curavit. Mox laboriosissimè fategit, ut facta tecta templi instaurarentur, castigatâ etiam Sacerdotum, qui rem protrahebant, morâ.

Ioiada moritur.

Fecit igitur Ioas (ut ait Scriptura) quod bonum est coram Domino cunctis diebus Ioiada Sacerdotis. 2. Paralip. 24. Sed optimus senex, cui nihil deesse præter immortalitatem videbatur, anno ætatis centesimo trigésimo fatiſ concessit. Elatus est magnifico funere, certante in eius honorem populo, & Regum sepulcris velut Regis pater illatus.

Ioas fit pessimus.

Post eius obitum Ioas ferè ex optimo, evasit pessimus. Depravationis exordium à principibus & Aula proceribus, qui blanditijs & assentionibus permoverunt regem juvenem, (nam sextum supra trigésimum agebat annum) ipſus ut potestas fieret, ad imitationem instaurati templi Salomonici, Baalis quoque lucos, idola, fana restituere, & abolitos nuper per Ioiadam cultus, Astarta, ceterisque dijs suis reddere. ad amorem enim & benevolentiam Principi conciliandam, nihil valere magis, quàm mollè eorum, qui subsunt, tractationem; ingenuos animos ad obsequia non trahendos, sed ducendos, & cùm à natura comparatum sit, ut rebus charissimis maximè timeamus, qualis libertas est; enimverò sedulò considerandum regi, ne, si mentes suorum unius religionis limitibus circumscribere velit, timorem ijs iniiciat servitutis; arbitrium sentiendi mortalibus à DEO concessum, humanis legibus infringi non debere. id Ochoziam parentem, id avum Ioramum perspexisse; nihilque regiæ potestati aut reverentiæ detractum putasse, si quemque suos venerari Deos, suas aras sequi permisissent. Ioas partim ingenij facilitate, partim blandis Principum verbis delinitus, & in præceps actus, idolorum cultum non tantum permittit, sed ipse quoque, pro pudor & nefas! spreto DEI templo, quod magnificentissimè instaurarat, in superstitionem desecit. Adeo suos affectus facillè transfundit in eos principes, quorum speciosis obsequijs capitur.

Ioas à Proceribus depravatur.

Non tulit

JOAS, REX JVDÆ, INCONSTANS, INGRAT⁹. 409

Non tulit hanc vecordiam, qui cum eo adoleverat, *Zacharias*, Pontifex, Ioiadæ filius, vir severis moribus, & intrepida mente. Is spiritu DEI concitatus, summo vigore contra Sacrilegos cultus detonuit. Inde Principes accensi, & Rex efferratus, cum in ipso templi atrio, ubi tum concionabatur, lapidibus obrui, indignissimè jubet. Nihil patris honor semper venerandus, nihil infinita beneficia, nihil vita Regis servata, nihil dignitas asserta, filio contulere; adeò improba vis furoris fuit. Extremæ morientis voces exceptæ: *Vident DEUS, & requirat*; nec in irritum cecidere.

*Zacharias
Ioiadæ fi-
lius occidi-
tur.*

Annò evolutò Hazaël, Rex Syrus, permòdico exercitu immensam Iudæorum multitudinem cecidit, Hierosolymam cepit, primarijs capitibus excisis, ingentem pecuniam exportavit. In Ioam quoque regem Syri ignominiosissima exercuere iudicia, plagisque & contumelijs affectum, dein languore & mœnore confectum reliqueret. Tandem in invalidum, & morbo decumbentem, è primatibus duo *Zabad & Jozabad* (putantur fuisse cognatione Zachariæ annexi) conspirarunt, eumque in lecto oppressere, diro facinore, & adhuc Iudaicis populis insuetò. Sed vox sanguinis Zachariæ tam immaniter effusi, miserum urgebat. Ad-dita pereunti ludibria, ut Regum sepulcris excluderetur. Grande Principibus documentum, ne sacra, sacrosque viros lædant. Nihil auspiciatius hoc rege, dum septennis puer, per lætos populi clamores inciperet; nihil felicius ejus vitâ per tot annos, dum Ioiada viveret, innocenter & honorificè peractâ. Nihil fine lugubrius, quem gladius cruentat, infamia prostermit. Denique ob templum cæde & sanguine Prophetæ pollutum, Oracula & responsa divina deinceps cessâssent, radit Epiphanius in vita Zach. & ex eo Genebrardus in Chronol. Finem regnandi fecit Ioas annò principatûs quadragesimò; qui an tot acerbis casibus edomitus resipuerit, incertum: nam sævas calamitates desperatio magis, quàm pœnitentia sequi solet. Putat tamen Salianus, Ioram, Ioæ, aliisque eorum similibus, diro morborum cruciatu castigatis, æternam salutem non abjudicandam. Nam orco destinati, & gravibus onusti criminibus, ferè *ducunt in bonis dies suos, & in puncto ad inferna descendunt. Job. 21.*

*Vindicta
divina in
Ioam, pro-
ceres, popu-
lum.*

*Interfectio
Ioæ.*

*Incerta sa-
lus Ioæ.*

DOCTRINA.

Fecitque Ioas rectum coram Domino, cunctis diebus, quibus docuit eum Ioiada Sacerdos. 4. Reg. 12. Optima spes educationis magna ex parte est penes Institutores, quorû vitia & virtutes in alumnorû mores influunt. Tanti olim fecere præstanti virtute Præceptores; ut eos Patres animorû non vereretur appellare; multi etiam cum

*Multum est
suum in
Moderatore
Principis.*

Tutelarium geniorum honoribus conjungerent. Proclivis via est ad perniciem populorum, malus aut inutilis Rector appositus moderandæ Principum juventuti. Delectu hic opus est. Ambit sæpe hanc Provinciam nobilitas gloriâ tumens, & prudentiâ destituta, datúrque unius nomini, quod perit omnibus. Nec navim regendam, nec corpus ægrum generis claritati, sed peritiâ credimus; cur ingentiâ pignora tam vigili sapientia, tam acri custodienda curâ, speciosis & inanibus titulis commitemus? Atlantem suum jactat Hercules, Phenicem Achilles, Chironem Theseus, Alexander Aristotelem, Plutarchum Traianus, Alculnum Carolus Magnus. Putei olim coronabantur ab ijs, qui salubres inde liquores hauriebant; quanto digniores honore, mentéq; grata, à quibus fluunt præcepta sapientiæ.

*DEI Lex ob
oculos ha-
benda,*

Dederuntque in manu eius tenendam legem, scil. Deuteronomij librum. 2. Paral. 23. Prima pars honestatis, & regni securitatis est, DEI legem intueri, hanc sectari, ad hanc omnia dirigere, nihil securum, nihil utile, nihil gloriosum æstimare, quod tam beatos limites transiliat. Grande hoc magisterium est, sub DEO Præceptore discere, quid Numini, quid hominibus, quid tibi debeas. Idcirco jubetur hæc Lex perpetuo comitatu seipre regum otia, negotia, vigilias, somnos; cum illis bellare, judicare, peregrinari, rusticari. Hæc demum est honestas vitæ, hæc dignitas, si timeatur Dominus, si colatur Fide, Spe, & ardentissima Charitate. Si modestia & amore benevolo erga subditos, regnetur; si jura sacro moderationis temperamento dispensentur, & sua cuique reddantur. Sed nimirum corrugant ad hæc nares, qui de pseudopolitici Spiritus cæno hauriunt; qui de Religione nihil tenent præter larvam: qui cæremonias habent pro ludibrijs; qui, si ad Bibliorum Oracula vivitur, perdi regna existimant, & cedere superbis in risum, rapacibus in prædam. Nihil equidem istis hominibus, aut afflatu pestilentius, aut rerum etiam successu, si finis spectetur, infelicius. Expertus id Ioas est malò suò, nimum magnò. Nam

*Vix probus
in Aula,*

Postquam obiit ioiada, ingressi sunt Principes Iuda, & adoraverunt Regem, qui delinquit obsequijs eorum, acquievit eis. 2. Paral. cap. 24. Et quomodo acquievit? Dereliquerunt Templum Domini Patrum suorum, servieruntque lucis & sculptilibus. Multa hîc observanda. Primò, Quantum possit unius viri virtute & sapientiâ prædicti, & auctoritate valentis in Aula vis & efficacia. Quis melior Ioâ, vivente Ioiada? quis deterior, eò extinctò? Deinde, quanta ruina à pravis consilijs? Ioas in extremas misérias devolutus est, quia Consultores habuit pessimos, eos scil. quos jam antè

*Malitia cõ-
siliariorum*

Athalia

JOAS, REX JVDÆ, INCONSTANS, INGRAT⁹. 411

Athalia aut donis, aut artificio corrumpit, ut relicta Patrum Religione, peregrina Sacra in Reginæ suæ gratiam sectarentur. Tertiò, mortalium inconstantia. Hinc illud sapientis: *in vita ne laudes quemquam*. Nimiùm quantum initia distant, & finis, in moribus hominum. Joas quantum mutatus ab illo! Miratur hoc *S. Inconstantia humana*
Augustinus, & exclamat in *Soliloq. 4. 29*. Vidimus multos, Domine, & audivimus à Patribus nostris, quod utique sine magno tremore non credo, sine multo timore non confiteor, ascendi, disse primitus quodammodo usque ad cœlos, & inter sidera nidi, dum suum collocasse, postmodum cecidisse usque ad abyssos. Sequitur turpissimum ingratae mentis crimen à Joa commissum.

Non est recordatus Joas rex misericordiae, quam fecit ioiada pater illius secum, sed interfecit filium eius, nempe Zachariam. 2. Paral. 24. Reprehensorem sacrilegæ vecordiae, Ioiadæ Pontificis, Educatoris sui filium, conjectu lapidum occidit. Ita saxa reddit & excidium, illius stirpi domus, à qua salutem ipse, latebras, tutelam, regnum & coronam acceperat. Hanc gratiam retulit suæ custodi, & conservatori vitæ. Cum merita meritis obruere debuisset, salutaria monentem lapidibus oppressit, ne superesset, qui vel beneficia exprobraret ingrato, vel sese opponeret impio. Non impunè tamen.

Videat Dominus, & requirat. 2. Paral. 24. Dixit moriturus Zacharias, Zelò justitiæ, non vindictæ. Vidit DEUS, & requisivit. Nā
 1. Iudæi per Hazaëlem Syriæ Regem gravissimè sunt afflicti.
 2. Joas probris ac plagis ab hostibus affectus. 3. Morbus inde ab eo contractus, & cruciabiles dolores. 4. Servi in eum conjurârunt, mortèque violenta sustulerunt. 5. Quod in narratione indicavimus, Oracula Templi exinde siluerunt. Hanc necem perfidis Iudæis ipse Christus exprobravit, Matth. 23. *Pe vobis Scribæ, & Pharisei hypocritæ &c. ut veniat super vos omnis sanguis iustus &c. usque ad sanguinem Zacharia, filij Barachie* (seu Ioiadæ, ut Divus Hieronymus explicat) *quem occidistis inter templum & altare*. Lapidatus est enim Propheta in atrio Levitarum, quod templo proximum erat, in cujus medio erat Altare holocaustorum, quod modicò intervallò Ædem Sanctam ab Occidente habebat; unde credibile est, Zachariam, cum lapidum grandine ex atrio & porticibus undique quateretur, intra ipsam Ædem confugere voluisse, sed saxo quoque dejectum concidisse, ibiq; obrutum esse.

Pœna ob interfectum Zachariam Pontificem.

NARRATIO /

NARRATIO LXXXVI. AMASIAS VNDECIMUS REX IUDAE,

DEO hominibúsq; exosus.

4. Reg. 14. 2. Paralip. cap. 25.

Ab anno M. 3197. ante Ch 856. ad 3225. Ch. 822.



AMASIAS administrationem regni à Religionem in DEUM, & pietate in Ioam parentem, per insidias occisum, auspicaturus, interfectores eius, meritis supplicijs affecit. nec tamen poenam extendit in filios, quod Scriptura laudat, sed eam æquitate, non ulciscendi libidine definivit. Cæterum repetitæ Israëlitarum de Syris hostibus victoriæ ac triumphus, Amasiam quoque excitârunt ad laudem è Campo Martio referendam. Nec defuit causa belli. Recesserant quippe Idumæi à dominatu Regni Iudæ, tempore Ioram regis, ante annos admodum sexaginta. Igitur delectu habito geminis in tribubus, Iudaica & Beniamitica, conscribuntur è flore iuventutis trecenta armatorum millia, ad eas copias adiunguntur centum millia virorum, quos rex ex Israëlitis, grandi pecunia (centum talentis argenti) in militiæ subsidium legit. Cum tanto exercitu propediem moturus erat in hostem, cum interveniens Propheta (nomen eius in Sacra Historia non editur) jubet Amasiam Israëlitas à signis dimittere, neque enim licere pio Principi, per impios defendi. Mira Regis in re difficillima, animi modestia, & adversus imperia divina subiectio. Ac quiescit voci monentis, non secus, quam si ab Oraculo fuisset edita, exauctorat Israëlitas stipendiarios, præfatus, se ultro donare eis, quidquid mercedis nomine acceperant. Suam illi domum discedunt; patrius miles contra Idumæos educitur; magnò obsequij DEO præstiti emolumentò. Nam DEUS ut belli erat causa, ita comes quoque fuit. Hostis ingenti clade prosternitur, decem millibus in prælio occisis, toridemque millibus captis, & ex edita rupe (Divinæ litteræ *le Rebellum* id est, *Obedientiam* vel *expectationem DEI*, vocant, ad denotandam causam victoriæ) in præceptis actis. Hæc strenuè & piè; cætera impiè & stolidè.

Amasias tanti memoriam beneficii in lapide reliquisse contentus, DEUM, cui se, suaque omnia debebat, expellit è pectore, eoque

*Amasia
prompti in
Deum obsequij
premi-
um, victoria
hostium.*

AMASIAS, REX IUDAE, OMNIBUS EXOSVS. 413

etque dementiae delabatur, ut victos, debellatosque deos, ex Idumæis asportatos, sibi præ coeli Numine venerandos putaret. Repetit in larario domestico pudenda simulacra, eisque thura incendit, quæ flammis iniicere, & meliores in usus conflare debuerat, in eam væsaniam præcipitavit hominem cum insolentia ex rebus feliciter gestis nata: tum mali dæmonis ex idolis responsa dantis, fallacia. Ita factum est, ut & gloriam debellati hostis turpissimo idolorum mancipatu corruerit: & auxiliatricem Numinis dextram, in suam cladem armârit. nam paullo post sacrilega temeritas magnò ei stetit.

Amasia idololatris.

Initium vindictæ factum ab Israëlitis, qui ignominiam cum militari missione accepisse rati, facto in regnum Iudæ impetu, latè regionem sunt depopulati, jumentorum magnò abactò numero, cæsisque tribus colonorum millibus. Vates quoque, cuius monitu mercenarium militem dimiserat, gravis exprobrator accedit, quod execrandos Idumæorum deos intulerit Hierosolymis; eisque cælestes honores impertiat, qui suis ipsi cultoribus, nihil asferre opis, nihil securitatis præstare ab armis Hebræis valuerint. Rediret igitur ad mentem, & nefanda simulacra flammis aboleret, sêque tanti criminis detestatione, in Numinis offensi gratiam restitueret; nisi tristitia quæque in suum caput provocare vellet. Sed furor & impietas præcluserunt aures, maximè salutaria suadenti. Impatiens veritatis homo sceleratus, iram, quâ vindictam de se debebat sumere, in Vatem vertit, cumque à conspectu suo cum atrocibus minis reijcit. Sed nihil eæ terruerunt animum, DEI præsidio nixum; quin etiam minas minis opponit, & funestas scelerum pœnas impio capiti intentat, quarum evenus mox consecutus est. Nam dum suorum procerum consilia Rex, præ divinis audit, bellò sese minimè necessariò, gravique calamitate involvit.

Idumæi Judæam depopulantur.

Inflaverat animos nupera de Idumæis victoria, stimulavistque, ad Israëlitas Iudaicæ terræ populos, armis persequendos. Mittuntur, qui *Joë* tunc Israëlitis regi bellum denuntient. Is ad deprimentum *Amasia* factum, contemptim in modum apologi respondet: olim in monte Libano Carduum à Cedro petijisse, filiam, nuptijs cum filio suo jungendam; aliud verò responsum non impetrâsse, quàm ut immixtis in Carduum bestiis, earum vestigijs proculcaretur. quâ parabolâ *Ioas* innuebat, ut *Amasias* omitteret grandes illas cogitationes de regno Israëlítico ad Iudaicum, adiiciendò; neque enim deesse sibi milites, qui belluarum instar, pedibus obterant Iudæos, in aciem prodire ausos. Quibus renuntiatis *Amasias* longè, quàm antè concitator, in bellum exarscit, DEO sic permittente, & infandæ superstitionis sacrilegia

*Amasia vi-
ctus, vin-
ctus, ante
currum tri-
umphantis
Ioa æstus.*

Ggg

ulciscente

ulciscente. Vix in conspectum hostium erat ventum, cum tantus repente pavor & consternatio *Amasia* militem invasit, ut prius quam manus consereret, jam terga verteret: & alijs aliò dif-fugientibus, desertus à suis *Amasias*, in Israëlitarum potestatem veniret. Captivus *ioas* sistitur, (Carduus Cedro) & arbitrium victoris trepidus expectat. Quem toruo vultu intuens Rex Israëlita, extrema quæque ei minatur, nisi mox efficiat, ut apertis Hierosolymorum portis ipse cum victore exercitu admittatur. Antipiti malo pressus *Amasias*, quidvis vitæ postponens, persuadet Solymæis civibus, ut hostem in urbem reciperent. *ioas* dirutis ad quadringentorum cubitorum spatium mœnibus, triumphantis more Hierosolymam invehitur, *Amasiam* ante currum in vinculis agens, documentum futurum posteris, non tam sævientis fortunæ libidinis, quàm vindictæ Numinis, sacrilegam perfidiam castigantis.

*Videtur re-
spuisse.*

*Amasias à
suis obtrun-
catur.*

Expilatis Templi, regiæque thesauris, & obsidibus abductis, *Amasias* precario vivere, regnareque permissus, cristas haud parum demisit, & ut credibile est, à nefarijs superstitionibus, pœnitens criminum, recessit. Neque *ioas* diuturnum victoriæ fructū tulit, quippe qui rebus feliciter gestis, Samariam reversus, eò ipso annò diem supremum obiit. *Amasiam* verò jam contemptū, & omnibus odiosum, quòd temerariò bellò tantas patriæ calamitates accersissset, & gentem suam, antehac Israëlitis dominantem, nunc vestigalē fecisset, Proceres cū valida manu obsident in regia; inde clam elapsus, fugā evasit *Lachis*, urbem munitissimam; ibi temporum angustijs & conjuratorum vi oppressus, obtruncatur; utque Bono publico videretur occisus, corpus Hierosolymam refertur, & in regijs conditorijs deponitur; postquam annos ætatis implevit quadraginta novem, regni viginti quatuor, relictò filiò *Ozia* sedecim annorum adolescente. Ita perfidiam desertæ Religionis, alia perfidia plexit; sceleribus omnibus viam aperuit *Amasias*, cū unum idololatriæ admisit; frustra que speravit sibi homines fidos, qui perfidus fuerat DEO. Propius fidem est, causam cædis ejus fuisse, sinistram Procerum persuasionem arbitrantium, pactum tributi Israëlitis pendendi, unā cum pacificante sublatum fuisse, pessimò exemplò, juris & in Regem suum & in fœderatos violati.

DOCTRINA.

Et fecit rectum coram Domino &c. nisi hoc tantum, quòd excessu non abstulit. 4. Reg. 14. Omnia ferè, improborum etiam Principū initialia & illustria, progressus scelerum contagione sedantur. Nimirum nemo repente malus est; suum habent scelera ti-rocinium; nec statim in summum erumpit nequitia. Adde quòd
audacia

AMASIAS, REX IUDAE, OMNIBUS EXOSVS. 415

audacia adhuc trepida est, & tentat, quid subditi facere, quid perpetipossint, Pergit sacer historicus: *Juxta omnia, quae fecit Joas Pater suus, fecit.* Sicut enim Joas vivente Ioiada, DEUM Verum, solumque coluit, eoque defuncto deflexit ad idola; sic fecit Amasias filius, dum sub finem declinavit ad DEOS Idumæos, qui capti captivum eum reddiderunt. Nam plerumque genus & sanguis idem, eadem vitia trahit. Et probos etiam Principes facile evertit, vel rerum secundarum prosperitas, vel assentantium improbitas. *Fecitque rectum coram Domino, verumtamen non in corde perfecto.* 2. Paral. 25. Nam tamen sub regni initijs idola non coluit, aras tamen & lucos idolorum nec subvertit: nec eorum cultores poenis coercuit, pseudopoliticorum more, quibus magis est curæ Regio quàm Religio; sua jura unice tuentur, DEI convellunt, aut convelli sinunt, exitu nunquam non funesto.

Dixitque Amasias ad hominem DEI: Quid ergo fiet de centum talentis, quæ dedi militibus Israël? Et respondit ei homo DEI: *Habet Dominus, unde tibi dare possit multò tibi plura. Separavit itaque Amasias exercitum.* 2. Paral. 25. Fuit istud ingentis obedientiæ, & à Politicis legibus alienum. Nam Amasias centum talentorum (hoc est 80000. florenorum Rhenensium) non contemnendam (illo præsertim tempore) ærario pecuniam amittebat; irritabat deinde potentem exercitum (*centum millia robustorum,*) & quem pro se nolebat, contra se armabat, haud dubiè in suos agros erupturum, dum occasio alliceret, quod statim abunde præstitit. Prodebat apud suos levitatem ingenij, subita mutatione consilij, terrorem hostibus copiarum subtractione muniebat, augebat militibus advocatis, suâ diffidentiâ audendi contra se fiduciam, ex fœderatis inimicos habiturus. Hæc tamen omnia posthabuit, ut hominis DEI præceptis morigerum se præstaret. *Siputas* (inquit Vates) *in robore exercitus bella consistere, superari te faciet DEUS ab hostibus: DEI quippe est adjuvare, & in fugam convertere.* 2. Paral. 25. Auscultavit mox rex, & tantò validior in hostem extitit, quantò plus roboris humani sibi detraxit, pulcherrimo exemplo, victoriam ab eo exercitu abesse non posse, cujus Imperator Deum audiat imperantē.

Tunc misit Amasias nuntios ad Joas Regem. Veni, & videamus nos. 4. Reg. 14. Bella invitatio ad cruentam Martis aleam. Videntur hæc verba nescio quid magnum spirare; cum tamen angustj & infirmi sit animi, si quid ex voto à bona fortuna contingat, efferri immoderatè, atque ita sibi in posterum secunda promittere, ut nihil sibi adversi metuendum putet. Eos verò, qui tali sunt animo, secundæ res non modò insolentes, sed etiam fatuos & insipientes reddunt. Hæc autem vesania tum in alijs studijs, atque

Ggg 2 consilij

Obedientia
in re difficilis
magis
meriti.

Non oportet rebus secundis efferi.

consilij pernicioſa eſt, tum in rebus bellicis pernicioſiſſima. Quare, graviffima ſunt non ad profanos ſolùm, ſed etiam apud Sacerdos documenta. Sapienter *Paulus Conſul apud Liv. lib. 45.* In ſecundis, *inquit*, rebus nihil quemquam ſuperbè, ac violentè, conſulere decet, nec præſenti credere fortunæ, cùm, quid, veſper ferat, incertum ſit. Is demum vir erit, cujus animum, nec proſpera ſtatu ſuo efferent, nec adverſa infringent. Exierat planè novâ victoria temulentus de poteſtate ſua Rex Amasias, & ut ebrius ſolet, ſingebat ſibi ſucceſſus novos, & victorias majores, quas tam certa exſpectatione devorârât, ut hoſtem otioſum, & id temporis longè potentiorẽ ultro laceſſeret; id enim valet illud: *Veni, & videamus nos.* In quo (ut quidam volunt) nec ulciſci voluit illatas injurias, neque bello repetere, quod foret ablatum, ſed tantùm experiri, quantum viribus poſſet, & militari ſcientia, quæ, in ſe omnia ſumma eſſe, ſibi perſuaſerat, ex quo Idumæorum colla ferro domuit. Cladibus ſuis doctus Amasias, docet alios, magnam partem felicitatis eſſe, felicitatis ſenſu non nimium tangi; fortunæ indulgentiam, niſi modè habetur, unò momento everti.

Viri probi regibus audiendi.

Reſpondit ei (Rex Amasias increpanti Vati): Numquid Conſiliarius Regis es; quieſce, ne interficiam te. Diſcedensque Prophetas ſcio, inquit, quodd cogitaſſet DEUS occidere te &c. 2. Paral. 25. Amasias ex Vate quæſivit, num Conſiliarius Regis eſſet, quaſi de nefandis & publicis actibus Principum, Viri DEI, qui in Regium Senatum non ſunt allekti, reticere debeant. Nimis familiare eſt dominantibus, qui prava facere affectant, odiſſe veritatis aſſertores. Expedit aliquando, in aula comparere mentes excelfas, & veritati militantes. Sic Davidi Nathan adfuit; ſic Ioannes Herodi; Sic Anonymus iſte Vates Amaſiæ. non ceſſit minis, non gladio præne in eius cervicem exerto. Cùm cædem Princeps minaretur, niſi quieſceret; ille quid? cæleſtem illi plagam, & ferale morbis edictum pronuntiavit. Hos animos addidit DEUS, cujus cauſam agebat. Unde Principum ruinæ? niſi quia jubentur quieſcere & ſilere, quorum linguam movet DEUS; loquuntur autem, quos alius quivis honor ſtimulat, præterquam divinus. Illis ſermonaſcitur in corde; his in ore. Illi vitam præ virtute contemnunt; iſti virtutem deferunt, ne deferant vitam; imò Aulam & Principis gratiam.

*Cur tres reges Ochozias, Ioaſ, ziam Iorami, Ioam, Ochoziæ, Amaſiam Ioæ filium, quæſtio non Amasias in levis momenti agitatur, cur eorum nomina in Genealogia Prophetæ ge-
nealogia o-
miſſa.*

Circa Iudæ Reges proximè commemoratos, nempe Ochozias, Ioaſ, ziam Iorami, Ioam, Ochoziæ, Amaſiam Ioæ filium, quæſtio non Amasias in levis momenti agitatur, cur eorum nomina in Genealogia Prophetæ ge-
nealogia o-
miſſa.

Athaliam

Athalam duxit Ioramus; ex ea geniti, tres, quos dixi, Reges, ob maledictionem ab Elia, posteros Achab ad quartam usque generationem diris devovente, 3. Reg. 21. indigni visi sunt inter Christi proavos nominari.

NARRATIO LXXXVII. IONAS, MIRVS DEI PRÆCO.

Ex libro ejus Prophetiæ.

Anno Mundi 3216. ante Christum 837.



Ira vicessimam Amasæ regnantis annum, vaticinijs claruit *Jonas*, filius *Amatbi*, natione Hebræus, ex oppido *Getba*, ditionis Zabulonix, cujus expeditionem in Urbem *Ninum* seu *Niniven* referemus. Quo tempore *Sardanapalus* libidinum omnium mancipium, Imperij Assyrij sedem in Urbe *Ninive* habebat, datum è cælo negotium est Ionæ Prophetæ, ut iret, & *Ninivitis* ad ultima flagitiorum prolapsis, excidium denuntiaret. *Ionas* veritus, ne scelерum pœnitudo vibratum fulmen extorqueret Deo, ipseque vanus territor in ludibrium & pœnas traheretur, aliud quovis potius, quàm *Niniven* abiturus, defertur *Ioppen*, Mediterranei maris portum in Palæstina; conscensaque navi, *Tharsum* versùs, urbem Ciliciæ nobilem, vela facit. Sequitur ultor à tergo DEUS; venti & procellæ in hominis pertinaciam pugnant. iamque nubes undique obductæ tenebris, diem involvere, cœlum omne turbari, mare furere, naves decumanis fluctibus concuti; ea maxime, quâ *Ionas* vehebat, proximum interitum minari. Discurrunt nautæ ad officia trepidantes, vela subducunt tempestati, & quidquid navigio videbatur onerosum, jactant in undas. Ionam malè sibi conscium, interni magis tumultus, quàm clamores nautarum, & procellarum fragores circumsonant; dùmque quærit in ima navi latebras, mœrore pariter ac sopore opprimitur. Interea tempestas mandata fatorum peragit; mittuntur sortes à nautis, inquitur victima, irato Neptuno in fluctus præcipitanda; nomen Ionæ ex urna educitur. Confitentem reum, cùm naturæ

*Ionas consummator im-
pendio
jussibus di-
vinis.*

Ggg 3

nequic-

nequicquam tentâssent in terra exponere, vi tempestatis magis magisque inhorrescente, eijciunt in undas, ceupiaculum & placamen iræ cœlestis. Res mira! Aquæ, veluti lenitæ essent lustrali hostia, subito detumescere, ponere fluctus, cœlum & mare tranquillari, nautis ad repentinam mutationem attonitis, & Vero Numini vota ac sacrificia facientibus, cujus potentia unius obnoxam hominis defæviens, ministros vindictæ, ad nutum haberet elementa.

*Ionas in
mare pro-
jectus à ceto
excipitur.*

*Ninivita-
rum peni-
tentia.*

Sunt, qui tradant, cum Ionas à Nautis, qui hominis vitæ, parsum volebant, demitteretur collo tenus in aquas, rursusque innavim reciperetur, toties conquievissæ fluctus, quoties ille mergeretur; iterumque fremitu & furore effervuisse, cum sustolleretur; idèò naviculatores divinæ voluntatis certiores factos, noxium caput in pelagus excussisse. Quod ubi factum est; ecce tibi! prægrandis adest bellua marina, quasi satelles divinæ non minùs clementiæ, quàm justitiæ, quæ Ionam excipiat, eumque deglutiat ut vindex, servet ut custos. Triduo, belluæ alvo, velut vivo carcere circumvectus est; sepultus, antequam mortuus. Post illud temporis intervallum, Cetus remenso ad litora Ioppes itinere, hospitem suum multa precantem, vovetumque revomuit incolumem, in terram. Quijam è malis suis doctior, & iteratis DEI monitis obsequentior, iter in Assyriam arripuit, & ad urbem Niniven contendit, tridui itinere, seu vigintrileucarum spatiò, in longum porrectam; cujus tertiam ubi partem concionabundus, imminenti excidij præco perambulavit, minacis fama Oraculi ad ipsius *Sardanapali* regis aures defertur; qui, tametsi perditissimus esset luxu, territus tamen denuntiatione propinqui interitus, deponit insignia regia, imperatoriam purpuram cum cilicino sacco mutat, pro diademate capiti cinerem inspergit. Regis exemplum sequuntur Proceres, populûsque, scelerum pœnas à semetipsis exigentes. Audiuntur ubique flebiles commissorum detestationes, supplices dolentium preces; vindices corporum macerationes placando cœlesti Numini adhibentur; triduanâ inediâ, sitique, non sexus modò & ætas omnis, sed jumenta & pecora quoque affliguntur; eam afflictionè excepit quadraginta-diale jejunium, non nisi pane & aquâ, sub vesperam solvendum. Valuerunt tanta pœnitentium studia ad immutandum decretum Numinis; vertitur in misericordiam vindicta, suppliciorum minis succedit condonatio criminum, agnitione culpæ deletur pœna; Divini tribunalis sententiam mitigant suspiria, emolliunt lacrimæ, manûmque ad feriendum extantam reprimunt arida jejunijs ora, conspersa pulvere capita, horrida cilicij membra,

Quadraginta

Quadraginta dies effluxerunt, quos ex Oraculo divino decretorios & fatales Ninivæ credebat Ionas. Egreditur itaque ex Vrbe, cum incolis suis mox periturâ; conscendit altiorem collem circumfert oculos, spectaturus, si non excidium, ruinas certè aliquas Ninives. Dum sedet sub umbraculo, quod ipse sibi extemporaneum excitârat, dum præstolatur ignes cœlo voluturos, eruptura saxa, discessuram terram; neque tamen ullæ vel lapidum grandines, vel telluris hiatus, vel fulminum jactus sequuntur, ægrè habere cœpit, dolerèque comminationes suas in irritum cecidisse; maluisset perire nocentes, ne fides periret vaticinantis. DEVS medicinam facturus ægritudini, producit hederam folioso germine virentem; hæc tuguriolo superne aperit inferpit textili fronde, lætâmq; supra Vatis caput, umbram explicat. Videbatur sub frondoso tentorio suaviter quiescere Ionas, & languor omnis ac fastidium in magnam læticiam abiisse; cum unica bestiola eam jucunditatem turbavit. DEUS enim pari efficacia virtutis officium docet, sive pro magistro belluam marinam, sive repentem humi fermiculum adhibeat. Umbra, quam dixi, hederacea vix una die, nocteque testum præstiterat Vati, cum ad imperium DEI vermiculus prorepit, plantæ radicem erodit, simulque hederæ virorem, & Ionæ voluptatem extinguit. Succedit solis ardor, & per denudatam tegmine casulam, radios in inquilinum immittit, tanta vi, ut pertæsus vitæ, Deusque patientiæ, cuperet ipse umbra fieri, & cespere tegi, quem nihil jam ab inclementia cœli tegeret. Hic tum magisterium absoluturus, sua DEVS ipse voce quærit ex perturbato: Satisne causæ subesse crederet indignationi suæ, super caduci folij fluxum exardescenti? cùmque respondisset Ionas, meritò se irasci bestias suas delicias depascenti. Tum DEVS: Et verò tu jacturam fluxæ herbulæ tam fers impotenter, quam neque plantasti, neque rigasti, neque culturâ ullâ affecisti; quæ vix nata, vivere & videri desijt; Et ego radicitus evellam, evertâmq; Niniven, urbem longè populosissimam, & ad iram meam avertendam, voluntarijs supplicijs deditissimam; in qua licet reorum magna sit multitudo; innocentes tamen nulliusque sceleris labe contaminatæ, plus quàm centies vices mille numerantur animæ, quibus ob ætatis infirmitatem nullum lævi dextrique, nullum recti pravique sit discrimen. Et tu nimirum causam habes excandescendi ob dejectionem umbratilis folij; ego fons & origo clementiæ, nullo sensu tangar eversionis & excidij tot milliū mortaliū? Hæc Deus Ionæ; qua permotione audiētis, factis litteris haud proditur; verosimillimū est, Vate, ea rerū lōgissimè impariū cōparatione in rubo-

Iona refractarius generis.

DEI enim Iona dissipatio.

in ruborem datum, conceptam indignationē in semetipsum vertisse, sequē, iudiciūque suū divino, obsequentiū deinceps attemperasse.

Avertit igitur Ninive, tunc quidem, impendentem calamitatem; quam tamen, ad ingenium ex inolita flagitiorum consuetudine reversa, non effugit. Anno quippe à minaci Ionæ præconio, decimo septimo, *Sardanapalus*, mortalium omnium effeminatissimus, dignum vitā propudiosissimā exitum habuit. Cum feminis muliebri vivebat ritu, meretrice quavis corruptior; parietibus ac testis nequitiam occultabat: quasi quicquam tam tectum esse possit, quod non dies proferat in lucem. Hunc igitur *Arbaces* Medorum præfectus, purpuram in puellarum choro nentem conspiciatus, populo persuadet, ut feminæ, sibi non ferendum imperium putent. Arma contra regem capit, minime paratum ad resistendum, iamque luxuriā victum suā. *Belesō* quoque Babylonæ Præfecto, alijsque Ducibus rebellantibus, biennio Nini obsessus, tandem inundatione *Tigris* fluminis, muro labem passus, sibi desperans, gazas & opes, mulierum greges & eunuchorum, luxuriæ regiæ instrumenta, ac seipsum conijcit in rogam, idoneo sanē libidinis supplicio quæsito. Urbs Ninive ab hostibus, ruinis & incendijs fœdè deformata, tantūque non solo æquata (quod postmodum per Nabuchodonosorem factum) triste exemplum extitit, quām pervicaci provocatione inveterata libidinum turpitudine cū DEI Iustitia depugnet; nec desistat antè, quā misericordiam consumpserit omnem. Pudet verò, annis viginti, monstrum illud hominis, *Sardanapalum* Assyriorum Imperium tenuisse. Quod deinde Duces divisere; *Arbaci* Medo magna pars obtigit; *Belso* *Babylonia* cessit; *Phul* (alio nomine *Belochus*) sibi *Ninum* seu *Ninivem* seposuit: In quo & successoribus aliquot regnum Assyrium, licet graviter imminutum, stetit adhuc per annos centum; donec ad Babylonios, eversa planè Ninò, translatus est.

DOCTRINA.

Ionas, luculentum paradigma hominis est, multa tergiversatione cunctantis in deditionem divinæ voluntatis concedere; eaque de causā tamdiu variè afflicti, dum voluntatem suā omnem subijciat divinæ. Id quod nobilis ævi huius Scriptor, *P. Hieronimus Drexelius* Societatis nostræ, solerter expendit, in suo *Heliotropio* lib. 4. c. 4. §. 1. 2. 3. *Et igitur*, audiamus, inquit, quid voluntas divina præceperit Ionæ: *Surge & vade in Ninivem*. Ion. cap. 1. Hæc prima pars præcepti. Altera: *Et prædica in ea*. Surrexit quidem Ionas, & loco se movit, sed Niniven non ivit. *Surrexist* Ionas, ut fugeret in *Tharsis* à facie Domini. Duplex hinc inobedientia; in civitate, quā jubebatur, non tantum non concionari, sed nec in eam ingredi.

Sed

Ionas specimen hominis DEO reluctantis.

Sed mox DEUS ventis, & mari, & omnibus cœli injurijs pugnavit in obstinatam Ionæ voluntatem. Necdum tamen advertit fugitivus iste, in se has procellas ruere: *Et Ionas descendit ad interiora navis, & dormiebat sopore gravi.* Nihil pejus, nihil periculosius, malâ securitate. Debuerat Ionas nunc in prora, nunc in puppi, vel ad navis clavum consistere, & tanquam DEI viventis præco ac legatus cunctos alios admonere de illius providentia, potestate, judicij: de mortis contemptu: de cura salutis æternæ; sed ille malè sibi conficius, solus sese abdit, & procellas divinæ justitiæ fatelites timet. Dormientem excitat Nauclerus, legis quidem ignarus Hebrææ; monet tamen officij, & hortatur ad preces, quibus iram cœlestem compescat, & imminens periculum depellat. Sed nimirum Ionas sciebat suâ culpâ concitatam cœli intemperiem, latere malebat. Deinde, *Niniven* ire jussus est, non *Tbarsis*: Deprehensus igitur per sortes, quanquam superstitiosas, DEI tamen providentiâ moderatas, perversum caput in undas excutitur. Exceptus à balæna: *cum angustaretur*, inquit, *in me anima mea*, *Domini recordatus sum*, incepit igitur *velle*, quod diu malè noluit; *Niniven* proficisci decrevit. Sed heu inconstantiam & mobilitatem voluntatis humanæ! quæ modò DEI fuit, iterum incipit esse sua. *Et affliclus est Ionas afflictione magna, & iratus est.* c. 4. Quæ causâurbationis, novique inter voluntatem DEI & hominis, dissidij? *Scio, quia tu DEVS clemens & misericors es &c.* Prælagit animus, me frustra minas sparsurum: non successura minis supplicia: DEUM citò nimis placandum. Nihil ergo amplius videtur superesse, quàm rogare: *Domine, tolle quæso animam meam à me, quia melior est mihi mors, quàm vita.* Melior tibi est Iona, sed forsân DEO non gratior. Id autem propria voluntas non curat, hoc solum attendens, quid sibi gratum sit, & volupe. DEO id placeat, necne, juxta habet. *Et egressus est Ionas de civitate, & sedit contra Orientem civitatis: & fecit sibi umbraculum ibi &c.* Necdum quiescit voluntas propria, urbem deserit, ut commodius spectet excidium urbis. Cum frustra expectaret, & exarescente hedera, (aliqui cucurbitam interpretantur) quæ caput inumbrârat, sol desuper æstuosior feriret hominem; tum demum Ionas tantam DEI patientiam impatientissimè ferens, & feridè excandescens, *petivit anima sua ut moreretur, & dixit: Melius est mihi mori quàm vivere.* Interrogatus, num eam excandescentiam censeret æquam, respondet audacter: *benè irascor ego, usque ad mortem.* Quæ causâ tam impotentis iræ. *Quia non est factum ei, sicut cogitabat.* Quàm credula est voluntas propria, maximè sibi, suisque persuasionibus! Ecce, ô Iona, tam fers indignè miserationem & patientiam divinam? an nescis, DEI proprium esse, misereri & parcere? nunquid DEO

H h h

inducere

inducere vis impatientiam humanam, ut læsus, mox feriat; injurijs affectus, mox fulmina mittat. hoc hominum sapit indolem, non divinam. Sed ô Iona, quid indignaris periisse hederam? servata est Ninive; servatam & tu velis. Itâ visum Superis, tu arbitrium tuum ad cœli placita compone. Hinc videre licet, in quantos errores voluntas propria, sanctissimos etiam viros pertrahat. Hæc ille.

Mundi voluptas & lætitia umbratilis;

Aliud documentum. *Feit sibi met (Ionas) umbraculum, & sedebat subter illud in umbra, & latatus est Ionas super hederâ, lætitiâ magnâ, c. 4.* O lætitiâ & brevem, & inanem! Nam hederacea hæc diæta duplicem hostem habuit, *Solem & Vermem.* Ita uno die omnis hæc umbrosa voluptas evanuit. Orbem considera, & plenum reperies his talibus umbraculis. Florent hæc aliquanto tempore, sed proximum semper exitium imminet huic hederæ diversis à vermibus. Humanis ille favoribus nititur. Sed quamdiu? alij voluptatem affert placens uxor, & dulces liberi. Et hoc quamdiu? Alium opes & honores circumfluunt. At hoc quamdiu? Alium Lucullianæ mensæ, & Apicij dapes faginant. Hoc quamdiu? subitò DEUS aufert, quidquid hoc erat umbraculi, *Et paravit DEVS vermem, ascensu diluculi in crastinum, & percussit hederam, & exaruit.* Ionæ c. 4. Parati sunt vermes; sive hodie, sive crastinâ, hospitem te & escam in sepulcro habituri. Hoc sine Mundi felicitas cuncta clauditur. Quidquid demum irascamur cum Iona; nolentes, volentes; seriùs citiùs, ex hac nimis quàm fluxa rerum humanarum Umbra, ad Manes & umbras evocamur.


DEI in puniendo clementia.

Adbuc quadraginta dies, & Ninive subvertetur Ion. cap. 3. Formidanda denuntiatio! Similes clamores ad unumquemque nostrum percellendum, in libris divinis legimus & audimus. Clamat Ioan. epist. 1. c. 2. *Transit mundus, & concupiscentia ejus. Charissima novissima hora est.* Clamat Paulus 2. Cor. 7. *Tempus breve est.* Clamat Angelus Apocalypticus c. 10. *Post hoc tempus, non erit amplius tempus.* Clamat Christus ipse, supremus omnium Iudex. *Videte, vigilate, orate, quia nescitis neque diem, neque horam, quando filius hominis venturus est.* Felices ergo, si cum *Divo Hieronymo* verè dicere possimus: Ego cun-
,, tis diebus, ac noctibus operior cum tremore reddere novissi-
,, mû quadrantem. *epist. ad Florentium.* Notat hîc *Basilius Magnus*, proprium esse benignitatis divinæ, non tacitè ac clâm pœnas inferre, sed antè eas, per cōminationes prædicere, ad pœnitentiam eos vocando, qui se sceleribus contaminârunt. *Orat. 4. de penit. Et*
,, *Chrys. in psal. 7.* Hostes inquit, &, qui volunt supplicium inflige-
,, re, non modò id non dicunt, sed etiam id celantes, invadunt,
,, ne, qui sunt puniendi, si resciverint, caveant. At non sic
DEUS

JONAS, MIRUS DEI PRÆCO. 423

„DEUS, sed omninò contrariè: prædicit & differt, verbis
„terret, & parcit. Hoc etiam fecit Ninivitis; Nam illic quoq;
arcum tenditis, & gladium vibratis Psal. 7. jacula paravit, & ictum non
influxit.

Et crediderunt viri Ninivita in DEUM: & prædicaverunt jejunium, & vestiti sunt sacco à majore usque ad minorem. Prius crediderunt Ninivitæ, DEUM scilicet Hebræorum, verum & unicum esse Mundi hujus Conditorem, Rectorem, Iudicem, omniumque malè *Ninivitarum* factorum Vindicem; esse præterea misericordem & placibilem, *seria penitentia.* erga genus humanum, paratumque ad ignoscendum, si veniam rogetur: se verò scelerum suorum enormitate, extremum exitium commeruisse. Sed num crediderunt solum? Fidei adjunxerunt Opera; indixerunt jejunium, criminum de se pœnas poposcerunt. Quidquid gula peccaverat, voluntaria inedia expiat; molles & pretiosæ vestes in horrida cilicia migrant; capillum ornamenta, in cinerem: lasciva cantica, in lugubres obsecrationes & ploratus: Deliciarum instrumenta in scelerum supplicia. Et quia bruta quoque pecora propter dominorum flagitia, erant noxæ dedenda, ideo castigatio ad ea quoque extenditur. Quibus rebus quid consecuti sunt? audi, *Et vidit DEUS opera eorum, quia conversi sunt de via sua mala, & misertus est DEUS super malitiam, quam locutus fuerat, ut faceret eis, & non fecit.* Ecce opera cum dolore præteritorum, & proposito meliorum juncta, sunt criminum piacula! Ecce vim pœnitentiæ, & DEI bonitatis erga supplices pronitatem! Jam Ninivitæ ex fordidatis reis in DEI filios mutati, propitium cœlum, terramque habebant; Rex ipse Sardanapalus amicus non deorum, sed veri DEI effectus, poterant immortales faustitates sperare; nisi post reconciliatorem in pristinas Numinis injurias relapsi, tantò deteriores, quantò post agnitionem veritatis proterviores, scelerum suorum mensuram implevissent, divinæque modum Clementiæ exhaustissent.



Hhb s. NARRATIO

NARRATIO LXXXVIII. OZIAS SEVAZA. RIAS

Duodecimus Rex Iudæ, leprosus.

ETUS SUCCESSOR, ET FILIUS JOATHAN.

4. Reg. 15. & lib. 2. Paral. 26. & 27.

Ab anno M. 3226. ante Ch. 827. ad annum Mundi 3277.

ante Ch. 776.



Ccisò Amasià, remisit se populi furor, & atroces etiam animos cepit funestæ Domûs miserratio. *Oziam*, infelicis illius filium, mira conspiratione in thronum Davidis evehunt. Erat is adolescens annorum sedecim, ætate & ingenio gratus.

Prima illi felicitas fuit, quòd *Zachariam, Videntem, Hominem DEI* (nempe Prophetam) Joiadæ Pontificis nepotem, patri suo, quem suprà à *Ioa* interfectum diximus, cognominem & posthumum, in consilij principem allegit. Fuit hic regni spiritus, quem tot millia traxere, à quo laceratî imperij reliquiæ paulatim compositiæ, & pristini statûs fuligo deterfa. Ac statim Rex, cùm Hierosolymam, urbem regiam, videret patere prædantium incurfibus, munire eam aggressus, turres multas struxit. In turribus collocavit machinas diversi generis, quæ sagittas & saxa jacerent; constituit exercitum trecentorum septem millium, & quingentorum; quem omni armorum genere instruxit. Arcem *Ailam* in finibus Idumæorum ædificavit, qua prædones vagos, & manu promptos sisteret. Subactis sæpe in acie Philisthæis, muros *Azoti, Getbe, Iabnia* seu *Iamnia*, Solymis infensos, detraxit. Ibi dem sibi oppida munita, à fundamentis erexit; Arabas & Ammonitas debellavit; finitimas regiones partim nominis sui terrore, partim reverentia composuit. Et postquam alta pax rebus fuit, agriculturam, in qua fundantur regna, mirificè coluit. Vinitores in Carmelo monte, & alibi constituit; propecorum stabulationibus & pascuis turres excitavit; quæ futuræ, rei armentariæ ac pecuariæ curatoribus, non comoda tantum diverticula & receptacula; sed frugum quoque conditoria: cisternas fodit, greges aluit, nihilque eorum omisit, quæ ad industriû patrem familias pertineret. Fuit omnino bellicofus

Index
Q. 2.

OZIAS, REX JVDÆ, LEPROSVS. 425

bellicosus foris, domi sedulus; in providendo sagax, in gerendo navus, acer in exequendo, pompæ modicus, parcus verborum, utilium operum assertor, religionis avitæ tenax, & antiquæ probitatis amans.

Sed infinita propè decora magni Principis, miserabilis nævus infuscavit, quod manum thuribulo sacerdotum admovit; autoritate namque prævalida, & longo rerum successu tumens, transilire positos à DEO limites statuit, & Saulis exemplum, qui illud sub Samuele attrectavit, renovare. Igitur regio non contentus diademate, Sacerdotum insuper ac Pontificum involare tentat munus & infulas, ingreditur templum, thuribulum præter morem arripit, thura super altare thymiamatis incensurus. Obsistit *Azerias* Pontifex, octoginta Sacerdotum globo cinctus, dehortatur à temerario cæpto: nefas esse manus profanas sacris admove ministerijs; luculentis proditū exemplis, quantas pœnas dederint, qui ad aras non consecrati accessissent. At rex in iras effervescere, & mortis intentare minas, si odiosi esse pergerent. Irrumpentem in aras, illi nihilominus repellere; cūque summa vi reluctaretur, & ad destinatum opus tenderet; desuper majoris cohibuit; extenta de cœlo DEI manus, audentem sacrilega, percutit leprâ, quæ foedè in frontem sparsa, horrorem movit spectantibus. Rex prodigijs attonitus (nam eodem tempore Solymam horrendo terræ motu concussam esse, cum Hebræis tradunt S. Hieronymus & S. Cyrillus) de templo festinanter egreditur, impellentibus etiam Sacerdotibus, ut in solitudine positus lugeret, quæ in tanto hominum cœtu præceps admiserat. Itaque publica tractatione rerum abdicata, pulsus arâ, templò, soliò, privatis in ædibus, suimet exul regni, medijs non tantum Ierosolymis, velut *in Insulam deportatus*, extabescit. Finem vivendi fecit anno ætatis octavo supra sexagesimum, regni quinquagesimo secundo, si triennium ultimum computes, quò privatus vixit. Cadaver quoque horrore fuit sepultis regum ossibus, extra quorum Mausolæum tumulatur.

Qui verò paterni regni primùm administrator, & collega; postea verò, morte patris, hæres quoque factus est *Joathanes*; *Joathanes*, lieno doctus malò, sui genitoris infelicem *superbiam*, sua *modestia ejus filius* (per omnia felicitis) habuit *magistram*: regniq; sui decem & *laudabilis* sex annis, sæculorum omnium promeritus est laudem, atque *Princeps*. commendationem. Unum ad consummatam virtutem prætermisit, cū, æquò timidior, *lucos* unà cum *excessis*, arisque suis, dimisit inexcisos. In laudibus ejus numeratur, quòd regnum componere studuit magis, quàm augere. Bellum unicum

H h h ;

in Ammo-

in Ammonitas gessit, non cupiditate prædæ, non amore gloriæ, sed securitatis affectu. Victos hostes tributis subegit, ac pressit, non ut insultaret, sed ut rebellandi occasionem submoveret. Edificavit urbes, castella, turres, Templum illustri porta decoravit; totus in divinis, totus in rebus civilibus fuit. Sed in eo præcipue commendandus, quod patrem desertum ab omnibus, suo excepit sinu, nec languentis morbus illum sua fœditate deterruit, nec longa ætas fatigavit. Regnum, dum pater viveret, ut alienum consideravit, ut suum administravit, sine tædio filius, sine ambitione Rex, sine fastu Aulicus, sine arrogantia Pater, sobolem magis timuit, quàm concupivit. Annò ætatis quadragimò primò rebus humanis exemptus est, maturè quidem, ne sentiret acerbitatem fortunæ jam tum regno tempestatè minantis, quæ mox in filium Achazem erupit, Syris & Israëlitis ultricia scelerum arma Iudaico populo inferentibus.

DOCTRINA.

E *Texquisitis (Ozias) Dominum, in diebus Zachariæ intelligentis, & videntis DEUM. 2. Paralip. 26. Ozia lux & oculus fuit Zacharias Propheta. Unde ostenditur, Ecclesiasticos viros bene moratos, ministerijs regum perutiles esse, & gloriosos. Commendat eos imprimis veneratio dignitatis, vita melioribus disciplinis exulta, tranquilla mens, elisis aut remissis affectibus, benignitas paterna, mansuetudo consiliorum, quibus mitigari potest, quidquid in armis ferox; & pacari, quidquid in negotijs turbidum. Quidam sanctimoniâ verendi, quasi de cœlo missi in Aulas venerunt. Sic Eusebiò Nicomediensi Constantinus Magnus familiariter usus est: S. Remigio Clodovæus, S. Germano Childebertus, Audceno Dagobertus, Arnulpho Metensi Episcopo Pipinus, Turpinò Carolus Magnus, Guidone Craffo (qui postea Clemens quartus Pontifex creatus) Ludovicus sanctus: alii que alijs regibus ob vitæ probitatem, insignem modestiam, & præclaram prudentiam chari & fructuosi fuerunt,*

Cùmque requireret (Ozias) Dominum, direxit eum in omnibus, 2. Paral. 26. id est, res ei ad sententiam, auxiliante DEO, fluxerunt. Sed cùm roboratus esset, elevatum est cor eius in interitum, & neglexit Dominum DEUM suum. Ibid. vers. 16. Prosperi rerum successus cùm debuissent Oziam ad venerationem & amorem liberalissimi DEI magis accendere, arrogantiam & Numinis contemptum ei induxerunt; juxta Salomonem Proverb. c. i. Prosperitas stultorum perdet illos. Sapientes utuntur rebus secundis ad suum comodum, & virtutis profectum;

Viri Ecclesiastici Principibus utiles.

Prosperitas mores incantis,

OZIAS, REX JUDÆ, LEPROSUS.

427

profectum; insipientes ad superbiam, & *interitum*, quod de Ozia
S. Scriptor asserit. Pulchrè *S. Bern. lib. 2. de Consid. c. 12.* Prospe-
 ritas incautis, *inquit*, est hoc ad disciplinam, quod ignis ad ce-
 ram: quod solis radius ad nivem & glaciem. Magnus, qui
 in adversa incidens, non excidit à sapientia; nec minor, cui
 felicitas si arrisit, non irrisit. Quamquam faciliùs invene-
 rim, qui sapientiam retinuerunt contrariâ sibi fortunâ,
 quàm qui propitiâ non perdiderunt. Et *Chrysostom. homil. 3.*
de verbis Isaia: Non ferebat, *inquit*, Ozias Principatûs magnitu-
 dinem; sed quemadmodum ex edacitate nascitur inflatio: ex
 inflatione gignitur febris; deinde ex febris plerumque mors: i-
 tidem & hic ex actionum eminentia, nata est superbia: mox ex
 superbia nata est appetentia rerum ipsi non congruentium,
 nempe muneris Pontificij.

Ingressusque templum adolere voluit incensum super altare thymiamatis.

Ibid. Tentare injussis divina nunquàm impunè fuit. Nec plue-
 re solis est, nec pluvix illuminare. Sua cuique rei natura, *Principes*
 & fors, quam DEUS providentiâ regit, nectit constantiâ. Ut *profani non*
 magna maria brevi isthmô divisa, pacatè inter se degunt, dum *se immi-*
 suis se littoribus coërcent; sublato semel obice videâs mina- *scant rebus*
 cia & in sævas calamitates eruptura. Ita se res habet in Regi- *Sacris.*
 bus & Pontificibus; utriusque potestatis discrimen, sacra mo-
 deratione Christus divisit. Constantius Imperator cùm rebus
 fidei nimis intemperanter se immiscuisset, Arrianam contra-
 xit labem, non tantùm fœdus, sed crudelis in Orthodoxos.
 Idem morbus Iustinianum tetigit jam senem, jam orbe com-
 posito, & magnificis rebus clarum. Nimis res Ecclesiasti-
 cas urgebat, extra officium sedulus, & hinc Protector Eutychia-
 ni factus dogmatis, præclaras laudes corrumpit. Luctuosior rei
 Christianæ Heraclius fuit; qui post Cosroën calcatum, & ere-
 ptum hosti salutis nostræ pignus, in Monothelitarum hæresin
 lapsus, disputare senex incipiebat, qui bellare tam feliciter à
 pueritia didicerat. Quà ratio deerat, autoritate pugnabat,
 & volebat credi, quidquid per eam posset cogi. Dum rixatur
 in Græcia; exurgit in Arabia Mahometes, ferale portentum,
 quod opprimere confestim & potuit, & debuit; neglectum
 per dissidia gementis Ecclesiæ, in omnium perniciem emisit.
 Plura in hanc rem exempla brevitatîs causâ præterimus, eo-
 rum regum & Principum, qui funesto exitu Iura Sacra Profanâ-
 que confundere attentârunt.

Sanctius Constantinus M. cujus in Concilio Nicæno partes
 fuisse,

fuere, revereri Episcopos, sana sentientes audire, tumultus com-
pescere, studere paci, favere veritati, sectari solida magis, quàm
curiosa. Non disputare, non contendere; ire, quàm bonorum au-
ctoritas, & concors Ecclesia duxit.

*Sacerdotum
libertas in
officio suo
tuendo.*

*Sacerdotes resisterunt Regi, atque dixerunt: non est tui officij, Ozia,
ut adoleas incensum DEO, sed Sacerdotum, qui consecrati sunt ad hujusmodi mi-
nisterium 2. Paral. 26. Chrysostomus homil. 4. de verbis Isaia. Vide, inquit,
libertatem: vide mentem servire nesciam: vide linguam cœ-
los attingentem: vide orationem imperterritam, & nullò fasti-
giò humanò concutiendam. Hac libertate usus est magnus
Ambrosius, cùm Theodosium Imp. intra cancellos Chori, sacra-
torum hominum locum, rei divinæ assistentem, iussit inde rece-
dere, cum dicto: Purpura Imperatorem facit, non Sacerdo-
tem. Et ille non minùs promptè demissèque paruit, quàm fortiter
Ambrosius imperavit. Abeste ab aris profani; Nec quisquam sumat
sibi honorem, sed qui vocatur à DEO, quemadmodum Aaron. Heb. 5. In fa-
ciem Ozia, corporisque totius cutem vindicta de prunis profu-
liit, quibus adolere thus parabat; Subita lepræ illuvies frontem
maximè, insulæ locum, scedavit; decebat enim talem Pontificem,
talis lamina. Videtur tamen juxta mentem Saliani nostri, super-
bia regis hujus, & sacrilega temeritas expiata, quòd & vivens
hominum consortiò, & mortuus regum sepulchris sit exclusus.
Severiores SS. PP. in eum censuræ, conveniunt tempori, quòd, in
templo peccavit.*

NARRATIO LXXXIX. ACHAZ, REGVM IUDAE SCELERATISSIMUS.

4. Reg. 16. 2. Paralip. 28.

Ab anno M. 3294. ante Ch. 759. adam. M. 3309.
ante Ch. 744.



ATHANI successit filius, viginti anno-
rum adolescens, Achaz nomine, patri, avoque lon-
gè dissimillimus. Præceps ruit in idola, & infandos
gentilium cultus, impietatis portentum ultimum.
Hic primus omnium Iudæ Regum, adeò DEUM pe-
nitus ejuravit, ut, quod nec Salomon, nec Roboamus, & Abias,
Ioram,

*Detestanda
scelera
Achaz.*

ACHAZ, REGVM JVDÆ SCELERATISSIM⁹. 429

Ioramus, Ochozias, Athalia fecerant; ipse nec alijs, Majorum Sacra permitteret, & saniora sequentes, insuper pœnis insectaretur. *Baalus*, cæterorumque Deorum ac Dearum fictilium status is & aris, urbes Iudæ cunctas, & Urbis principis Ierosolymorum angulos omnes, per summam impietatem implevit. In *Tophus*, (vallis est Hierosolymæ proxima, quæ à nomine, ejus possessoris *Ennon*, *Bebennon*, aut Gehinnon, seu Gehenna dicta; ubi execrandæ & barbaræ superstitionis Antistites aram excitârunt, eamque idolo Molocho consecrârunt) natum ex se puerum in brachijs statuae Molochææ cremavit; filiorum cæteros, per eandem traductos flammam, ritu barbarico lustravit.

Hæsit nefandis supplicium peccatis. Primus, *Rasin*, Rex Syriæ, in eum fecit impetum, maximisque calamitatibus affecit, vastata latè regione, & opimis spoliis, unâ cum rege, Damascus asportatis. E captivitate reducem, & *Aila*, urbe nobilissima multatum, *Phace* Rex Israëlitarum invadit, centum viginti millibus bellatorum interfectis: ex imbelli multitudine ducentis millibus, cum immensa præda in *Samariam* abductis. Quo tempore, Propheta quidam, *Oded* nomine, spiritus Israëlitarum insolentes, & truces, gravi oratione repressit, perfecitque, ut captivos non solum intactos & incolumes, sed etiam cibo refectos, vestitosque ad civitatem usque Ierichuntinam, quæ non procul aberat Hierosolymis, deducerent.

Atque ut in bello primi successus hostilitatem, & spem majoris prædæ acrius exstimulant; fit conspiratio inter reges memoratos: junguntur copiæ; omnibus viribus Hierosolyma obsidetur. Achaz, cum à DEO, tot nominibus à se abalienato, auxilium nec petere, nec sperare sustineret, animum adjecit ad Assyriorum manum advocandam. Consilium *Isaiæ* Propheta discussurus, regem accedit, graviter eum à malè concepto proposito dehortatur, jubet spes suas potentiore in manu, DEI scilicet, reponere, & opem ab ea longè præsentiolem expectare. Quod si vaticinijs & promissis suis minus fidei habendum putaret, paratum se ad ea signis prodigiosis, juxta regis optionem, confirmanda. Sed nihil potuit apud animum malè conscium, Vatis adhortatio; quid enim (secum impius reputabat) mihi adjumenti è cœlo fingam? neque enim vel mea de Numine merita, vel illius erga me beneficia, sunt ita comparata, ut me in spes tam grandes inducere queant. Haud equidem otiosis victoria ab æthere in sinum devolat; pari robore opus est ad vim hostilem repellendam; fortunam quisque suam non in linguis vaticinis, sed in armata gerit manu. Itaque spretò *Isaiæ* consiliò, mittit legatos ad *Theglathphalsarem* Assyriorum regem, suppetias ab eo postulatu-
 111

Diversis bellis exagitatur.

Rejectione consilio Isaiæ, barbarorum auxilium invocatur.

gravissima

gravissima Numinis offensa, cujus auxiliarem manum aspematus, ad hominis impij præsidium, impius se convertit, cum privata, publicæque ruina.

Rex igitur Assyrius cum demissis Achazis regis precibus, tum magnis promissis illectus, sese cum ingenti exercitu infundit Syriæ. Qua re intellecta *Rasin*, Syrorum rex, soluta obsidione Solymorum, cum infestis signis occurrit; conferitur prælium; vincit Assyrius, Urbs *Damascus*, regni caput, occupatur & diripitur; Rex ipse cæditur; habitatores captivi in *Mediam* transportantur; Cumque populabundæ Assyriorum copię *Samariam* quoque infestarent, *Phacts*, Rex Israëlita, relicta Hierosolymâ, ad regni sui defensionem accurrit, brevique post per insidias interficitur. Ex eventu tam prospero cur non consilia sua metiretur Achazes? Bonam cum extero Rege fortunâ in regnum suum invitasse, credi poterat, communi mortalium vitio, qui præsentibus intenti, futura non perpendunt. Sed Achazes magno perfunctus discrimine, in majus etiam incurrit. Nam seu gratiam captaturus, seu gratias acturus, in regis Assyrij occursum, Damascum usque, ubi is cum exercitu victore resederat, contendit, Conservatorem suum Hierosolymam, triumphantis in morem induturus. Auspiciis benevolentię, munera fuerunt, ex auro & argento sacro, prophanoque corrasa. Quibus tamen irritavit magis, quàm saturavit barbaram cupiditatē, hircinis instar, non misuræ cutem, quàm sanguinē omnem exfluxisset. quod mox memorabimus; si prius exosuerimus, quid in urbe *Damascio* Achazes rerum egerit. Hic tō dementiæ venit, ut non regē modò ad ulandum, sed Damascenos quoque Deos sibi adorandos censeret. Ingressus idolorum fanum, & aram contemplatus, non vulgari artificio confectam, cepit ejus formâ capi, jam antè nefaria superstitione occupatus; ideam aræ mittit Hierosolymam *Pria* Pontifici, ad ejus exemplum imitandum. Pudenda res! parat Pontifex, altare curat extrui, quod diruere debebat, si quis alius exci-
tasset. Redit post menses aliquot Hierosolymam Achazes, una cum Rege Assyrio, quem suam, quâ potuit, magnificentiâ deducit; & in urbe regia excipit; primus ipse, in ara detestabili, rex simul ac sacerdos Dis Syriacis immolat, non tantum nihil Uriâ, & Sacerdotibus, contrâ nitentibus; sed insuper aram profanâ ad Sacrificia Hebræa adhibentibus.

Cæterum barbarus se Hierosolymis gessit, non ut socium & amicum, sed ut hostem & prædonē; pecunijs & opibus exhaust templum & urbem; tributum grave imponit regi ac regno, Achazes furore animi agitatus, indignationem, quàm in Theglathphalasarē non potuit; in DEUM ipsum per suam infaniam

Hierosolyma ab Assyria expulsa.

Achazis idololatris.

ACHAZ, REGUM JUDÆ SCELERATISSIM⁹. 431

infantiam effundit. Templum Salomonicum quater direptū, tandē & profanatum, confractis vasis sacris, altari dejecto, obstructis valvis claudit, ut nec ipse cœleste Numen coleret, nec illud à quoquam alio coleretur. In foribus pœna fuit.

Vix enim Assyrij, ingenti praeda onusti domum abierunt, in Orientem; cū Idumæi & Philisthæi ab Occidente prorumpunt, terris que Judæis ferro ac flammâ vastatis, præter urbes aliquot captas, recuperant etiam *Getbam, Azotum, Gazam, Ascalonem, Accaronem*; nobilem Palæstinæ tractum, Achaze nihil neque contra movere auso, neque valente. Is igitur tam animi, quam pietatis inops, & insuper tributorum oneribus oppressus, post multiplices injurias DEO illatas, etiam in homines injurius esse cœpit; ad extremas enim fortunarum suarum incitas redactus, leges institit iniquissimas condere, pauperes, viduas, pupillos diris exactionibus vexare. Denique sceleribus suis immoritur, cū trigessimū sextum ætatis annum ageret; (nam juxta Salomonem Prov. 10: *Timor Domini apponet dies, & anni impiorum breviantur*) cujus memoria non solum infamis, sed etiam execrabilis præ omnibus regibus Judæ, qui eum antecesserunt, utpote hominis, qui toto regni sui tempore impius fuit; & in eadem impietate diem clausit extremum; ejusque magnitudine actus in rabiem, ferrum quodammodo distrinxit in ipsum DEUM, cujus aram, quod diximus, evertit, templum expilavit, sacra contemneravit, indignus regum sepulchris; dignus gehennâ, quam infandis ignibus accendit. Successit Ezechias filius, annō ætatis vigesimo quinto, sanctissimus & religiosissimus Princeps: DEO providente, ut delicta patris Natus emendaret. Mirum, ex corruptissimo trunco, prodijisse ramum incorruptum.

Judæa restatur ab Idumæis & Philisthæis.

Achazes in impietate decedit à vita.

DOCTRINA.

P *Ete tibi signum à Domino DEO tuo, in profundum inferni, siue in exellsum supra.* Isaïæ. 7. Sunthæc verba Isaïæ Prophetæ, jussu

DEI, ad Achazem prolata, quibus conabatur fiduciam ei addere divini sperandi auxilij; in ejus confirmationem licebat Achazi petere prodigium, vel ex terra, vg. ut ea sese grandi hiatu diducat; vel ex alto, ut vg. Sol in medio cursu consistat immobilis, quod tempore Iosue factum. Sed Achazes respondit: *Non petam, & non tentabo Dominum.* ô hypocritin! ô improbum os! ô impietatem extremam! Quare non tentabis Dominum, perfide, nisi quia aversus à DEO, judicas eum impotentem ad te juvandum; fidenciam verò ponis in idolis Syrorum, & Assyriorum armis? Erubescis nimirū oculos & manus cœlo attollere, religionis nefande violator & desertor. Hinc illa abjectio animi & desperatio. Hæc vis est malæ conscientiæ, hic morsus; quod ipsi Gentiles

Quare Achaz à DEO noluerit petere signum.

„ perviderunt *Tacitus* 14. *Annal.* Perfecto demum scelere, magnitudo ejus intelligitur. Et *Curt. lib. 6.* Qui misericordiam consumpsit, amplius sperare non potest. Potuisset tamen, ac debuisset Achazes spe celestis opis niti, nisi voluntaria insaniâ in interitum suum ruisset. Quid quod grandius etiam nefas latet in illa tergiversatione petendi miraculi. Timebat quippe homo perditissimus, ne DEI reverentia editis signis cresceret, idolorum vilesceret; quô quid potest esse detestabilius? Verissimè Salomon Prov. 18. *Impius, cum in profundum veneris peccatorum, contemnis.* In hoc barbarum gradus sunt, audacia peccandi, cæcitas mentis, contumacia, contemptus DEI, desperatio.

Et quid indignius, quàm quôd homo in disciplina Ioathanis parentis optimi educatus; non ignarus victoriarum, quas Majores sui sæpius de hostibus reportarunt; non inscius beneficiorum DEI, quibus pios est remuneratus; & suppliciorum, quibus in impios animadvertit; poterant ejus rei exempla avus, proavus, abavus in memoria esse. Et quid fidei ac observantiæ non mereretur Isaïæ testatissima probitas, & spiritus arcanorû DEI conscius? Hic, ut secundis rerum futurarum vaticinijs ignavum excitaret, noli, inquit, timere, *es cor tuum ne formidet, à duabus caudis titionum fumigantium isforum* Isa. 7. scilicet *Rasis* Syrorum, & *Phacæ* Israhelitarum Regis; qui titionum instar in extrema sui parte ardentium & fumigantium, nescio, quas irarum flammæ videntur in Iudæos spirare; mox tamen extinguendi, & suis cum regnis evertendi. Quem non erigerent hæc oracula? quas spes non animarent tam fortia promissa? Nihil potuerunt apud Achazem, cui mentem eripuerunt omnem falsissimi dij. Quod sacer historicus dolenter exponens, 2. Paral. c. 28. *Insper,* inquit, *es tempore angustia sua, auxit contemptum in Dominum, ipse per se Rex Achaz immolavit Dñs Damasci victimas, percussoribus suis, es dixit: Dñs regum Syria auxiliantur eis, quos ego placabo hostijs, es aderunt mihi; cum è contrario ipsi fuerint ruina ei, es universo Israhel* (id est populo fidei, seu Iudaico) Huc denique prolapsa est sacrilega dementia; idolis aras ubique posuit, & sacra instituit in veri Numinis odium. Et quibus idolis? Dijs scilicet Damascenis, ut nimirum spurcissimos illos dæmones vel mulceret iratos (cladem quippe à Syris passus fuerat) vel exarmaret minaces: & haberet protectores, quos senferat hostes. O incredibilem vesaniam! post tot & tam luculenta divinæ potentiæ argumenta in gente sua edita, & ex Vatis promisso, edenda, convertit sese mortalium scelestissimus ad inania simulacra, & auxilium divinum à fictilibus truncis expectat. Nescio, an non hoc idem faciant, quicunque se crimine lethali

Peccatoris
extrema
dementia,

ACHAZ, REGVM JVDÆ SCELERATISSIM⁹. 433

lethali contaminant. Hinc enim eos DEUS invitat, uti Achazem per Isaïam invitavit; hinc diabolus, suis uterque pollicitis: DEUS veris, cacodæmon mendacibus. Sed prò dolor! repudiatur DEUS, Tartarei jugum Tyranni suscipitur. Quot pravæ cupiditates dominantur in animo, tot idola statuuntur, quibus ceu victimæ, cogitata, dicta, facta improba immolantur, tantâ injuriæ in DEUM atrocitate, ut merito pœnis nunquam finendis plestantur; quas Achazes in orco pendit æternumq; pendet.

Servus tuus, & filius sum ego: ascende, & salvum me fac de manu Regis Syria, & de manu regis Israël 4. Reg. 16. Hæc summa erat legationis Achazianæ ad Regem Assyriorum, utique vecordiâ & ignominia plenæ. *Servus tuus, & filius tuus sum ego.* Si hac verborum formula cœli Domino supplicasset, quàm formidabilem sese hostibus suis effecisset! Nunc contemptor Numinis, fit adulator hominis: renuntiat amicitiam DEO ter Optimo maximo; concedit in servitutem tyranni terribilissimi. Nomen ambit filij, apud eum, quem pro patre habiturus est prædonem, pro benefactore direptorem, pro servatore perditorem. Conqueritur DEUS apud Jeremiam cap. 2. *Mé dereliquerunt fontem aque vivæ, & foderunt sibi cisternas, cisternas dissipatas, quæ continere non valent aquas.* Oquoties neglecto bonorum omnium fonte, itur ad rivulos & cœnoscas lacunas: spreto Creatore amantissimo & liberalissimo, ad res creatas longè vilissimas, & ad ipsos adeo cacodæmones, nocendi cupidissimos. *Spes impij, ait Salomon sap. 5. tanquam lanugo est, quæ à vento tollitur: & tanquam spuma gracilis, quæ à procella dispergitur: & tanquam fumus, qui à vento diffusus est.* Expertus est Achazes, bonis pariter amissis, temporaneis & æternis. E contrario. *Quis permansit in mandatis ejus, inquit Ecclesiasticus cap. 2. & derelictus est? aut quis invocavit eum, & despexit eum?*

Quid sit relictus Creatore ad creaturam se convertere.

Fecit igitur Urias Sacerdos, juxta omnia, quæ præceperat ei Rex Achaz. 4. Reg. 16. O caput indignum Sacerdoti, & quidem summo. Uriam ab officio deduxit partim metus servilis, partim assentatio turpis. Non ignorabat, muneris sui partes esse, prius extrema omnia perpeti, quàm Sacra sibi commissa perfidiose prodere: quàm jussa hominis, DEI mandatis anteponeere. Sciebat, quantâ constantiâ, paucis abhinc annis Azarias Pontifex, cum sacerdotibus suis, Ozia Regi, Sacerdotale ministeriû involanti, restiterit. Ad quid mitra in capite, & lamina aurea circa frontem, gloria honoris, ut Siracides ait cap. 45. *& opus virtutis, si caput terræ cœlôq; venerandum nefandis idolis inclinavit; si Decus Pontificale ad execrandas aras prostravit; si Virtutem, fortitudinem religionem, honorem, gloriam, per summam ignominiam prostituit & projecit*

Curatores animarum ignavi & timidi.

& proiecit. In impios tã Reges, quàm Sacerdotes detonat Osee, c. 5. *Andite hoc Sacerdotes, & attēdite domus Israël, & domus Regis auscultate; quia vobis iudicium est, quoniam laqueus facti estis speculationi, (id est offendiculum & scandalum facti estis ijs, qui vestra speculationi seu curæ commissi sunt) & rete expansum super Thabor.* id est, similes estis laqueo & reti ad capiendas aves & feras in monte Thabore extento; vos quippe perniciosi exemplis, vos vestra fraude & malitia, implicatis cæterorum animos, & unã vobiscum in exitium trahitis. Hoc genus homines Isaias cap. 56. *canes mutos*, appellat, *non valentes latrare.*

NARRATIO XC. EZECHIAE, REGIS JUDAE, RELIGIOSISSIMA PIETAS.

4. Reg. 18. 2. Paral. c. 29. 30. 31.

Ab an. Mundi 3309. ante Christ. 744. ad ann. Mundi 3337.
ante Christum 716.



*Ezechia
fervor in
exscinden-
da idolo-
mania,*

Excranda parentis Achazis facta, successor huius *Ezechias*, Princeps longè optimus, quoad potuit, rectè factis emendavit. Principiò statim regni, quam ad res divinas mentè, sensibus insitã habuit & apportavit: eam omni populo suo, nullius obicis habita ratione, posuit in aperto. Nihil ei fuit antiquius, nihil in votis magis, quàm ut collapsam religionem restitueret, & quæ superiorum regum, & parentis proximè concussit impietas, instauraret, solidarètque. Quare quidquid fovere poterat superstitionem, & ad impium cultum incautos & ignaros allicere, illud undecunq; locorum removendum & perdendum curavit. Impij patris vix dum infosso cadavere (quod ipse quoque vetuit, meliorum regum sepulcris inferri, miscerive) primo gubernationis anno mensq;, Calendis Martiis, occlusum ab Achaze templũ recluserit, apertis, reparatisque, quas pater deformarat, valvis. Altare reposuit, quod à parente remotum, locum fecerat Damasceno, nefarijs Sacris dedicato. Idola, simulacrorum aras, & lucos ac delubra locis omnibus, non Judææ solùm, sed paullatim & Samaritanici regni destruxit, contrivit, exussit: cineribus ac bustorum sordibus cætesis, in *Cedrom* rivum, aliòsq; profluentes alibi

EZECHIAS, REX JUDÆ RELIGIOSISSIM⁹. 435

alibi, sparsis & abjectis. In his & *serpentem* illum confregit æneum; à Mose quondam benè, Numinis imperiò, propositum, & è sublimi monstratum; sed processu sæculorum, malitià Hebræorum, versum, in supersticiosum, sacrilegumque cultum. Quippe non thus duntaxat adolebant ei, ceu morborum depulso-
 ri DEO; sed illius, etiam, aliàsque similes, aut dispares, incisæ saxo figuras & imagines, in spiræ, vel aliam quamcunque formam ductas, abscindebant, abradebantque: collòque suspensas, adversus valetudinum omne genus, circumferebant; tanquam post ista, DEO, precibusque morbos avertentitati, nec usui futuris. Sustulit igitur Ezechias, Colubri priscum illud simulacrum. Pari quoque sollicitudine (siqua fides est Eusebio & Anastasio Nicæno) scrutatus est Rex; siquid in libris esset Salomonicis, super plantarum, omnisque generis animantiũ naturã, morborumque remedijs; quod in superstitionẽ pronis Judæis, irritamentum esse posset ad magica consecranda sacra. Quidquid autem generis ejus reperit: totum illud & edicto sustulit; & quã potuit, factis abolevit.

Non contentus tamen, noxia submovere; super hæc, etiam *Ezechia summa cura in instaurando DEI cultu.*
 universa, quæ valerent ad Religionem DEI priscam, tum reducendam, tum etiam amplificandam, excogitavit ac perfecit. Ipse; dimissis in omnem Chananitidem, & tabellarijs, & præconibus; ad Paschæ, vetustate pœne jam collapsi, quàm exactissimè peragendam sollemnitatem, Israëliticum omne nomen invitavit. Ipse, suismet ut plurimum impensis, illius eiusdem festi cæremonias, omni cum populo, non octo Tolis (sicut veteri receptum more fuerat) sed quatuordecim ipsis diebus, obiit alacriter. Idem, evocatos ex Iudæ, Benjaminisque, quin & Ephraimi, Manassisque tribubus mortales; eadẽ Paschæ celebritate, largis epulis excepit: ac religione sumã divinis operatos, denique domum quẽque suam remisit; scitiliũ Deorum, & omnis impietatis odiò conjuratò plenos & ardentes. Ipse restituto, sicut olim sub Davide, ministeriorũ Leviticorum, ordine; nequid ad Antiquæ Religionis ornamenta deesset, instrumenta concinnavit musica, quæ statis in templo temporibus resonarent. Ipse restituit *luge sacrificium*, cæteraque suo cū apparatu, Sacra. Quòque Divinis alacrius omnes, & ex animo, vacarent, dispensatores constituit; qui suã, principumque, totiusq; populi liberalitate, sacris ærarijs illata munera, largitionesque, sacerdotibus ac Levitis, cū fide dispertirent: & ad diem,

diem,annonam sacram admetirentur. Fecit denique, quidquid ad DEI verigloriam ampliorem, crederet esse conducturum; Ad cuius voluntatem rationes omnes suas & consilia referebat: in cuius leges & honorem unicè intuebatur, longè posthabitis iis, quæ captat vulgarium animorum aut infrenata cupiditas, aut præceps ambitio.

*Ezechia cura
Politica.*

Pro quibus meritis, quantum Ezechiam invicem & DEUS extulerit: argumento, tum alia complura, tum victoriæ, prodigiæque circa regis incolumitatem esse possunt; quæ cuncta, non de vulgo fuere, Numinis in eum beneficia; à nobis, sequentibus narrationibus referenda. Cæterum tantus in divinis cum esset, non fuit tamen civilibus curis impar; circa ærarium sedulus, infinitas congeffit opes, quas nulla vis extorsit, sed partim industria peperit, partim effusus civium amor obtulit. Urbes alias munit, alias à fundamentis extruxit, annonæ, & fontibus, cæterisque populorum commodis solertissimè ab eo provisum; nec pauperes neglecti, quos acerba tempora penitus exhauserant. Militiâ quoque instruxit, bello paratus magis, quàm intentus. Primus omnium divinis innixus opibus, Assyrium rupit & foedus, & jugum; quod tanti pater eius Achazes, formidine servili fecerat: ut illud omni tum sacro, tum prophano thesauro, turpiter egesto, redimendum sibi persuaderet. Cum gente deinde Philisthæa, semper adversus DEI populum insolente, & pro mobilitate ingenij, adversis æquè ac prosperis Iudæ casibus, inquietâ, prælio congressus, eam fudit, profligavit: exutâque castris & præda grandi; maritimis urbibus atque castellis, omnique circumcirca ditione, victor nudavit: victam stipendio, servitutèque multavit.

*Et milita-
res.*

Cum autem post hæc Assyriorum imperator *Sennacheribus*, ruptum ab Ezechia foedus, negatûmque stipendium, bellò vindicaturus, in Iudæam irrupisset: ac non solum copiis peditum, equitûmque longè maximis, sed maledicis insuper in DEUM regemque verbis, Ierosolymitas in terrorem ultimum coniecisset; DEUS regis, & Isaiaë vatis precibus, Davidisque præterea grata recordatione provocatus, Angelû cælo demisit: qui noctu barbarorum aggressus castra, centum & octoginta quinq; millia fortissimorum militum interemit; ac Sennacheribum, cum decem haud ampliùs comitibus superstitem relictum, rurem in fugam avertit; id quod fusiùs jamjam prosequemur.

DOCTRINA.

DOCTRINA

Perquàm sanè mirum est, Ezechiam ex Achaze, optimum ex pessimo genitum, ex spinis rosam, è tenebris lucem exortam esse. Cùm tamen plerumque genus & sanguis idem eosdem in mores fluat; & malæ stirpes malos fructus progenerent. Unde ergo tanta virtus Ezechiae? Ex divina historia intelligemus, cujus verba sunt: *Nomen matris ejus* (Ezechiae) *Abi, filia Zachariae*. 4. Reg. 18. Videlicet Martyris, de quo in Joa rege, neptis Jojada Pontificis. Ex hac matre quid aliud, quàm pietatem sugeret Ezechias? Unde Scriptura mox subdit: *Fecitque, quod erat bonum coram Domino*. Observant scriptores sacri, profanique, ex improbo patre probos non rarò prodire filios; vix tamen unquam ex matre moribus corrupta, prolem existere incorruptam. Documento sunt plerique Iudææ Reges, quorum improbitas ab impietate matrum profluxit. Causa ejus rei non una. Nam primò, quanta vis partem in utramque, lactis est materni, quocum non corporis modò vitia, sed animi quoque imbibuntur? *Deinde novem illa mensium in visceribus genitricis cōmoratio*, quas & quàm diversas affectuum intemperies maternorum subire non debet? *Præterea institutio & educatio à teneris unguiculis est penes matres*. quid rasæ tabellæ hinc non imprimitur? Adde matrum cum liberis in ætate etiam firmiore familiarem consuetudinem, & quotidiana in oculos & aures ingesta exempla. In quem finem licet usurpare illud Pauli, Rom. 11. *Si radix Sancta; & rami*. Nempe liberi sunt frondibus & fructibus arborum similes, pater stirpi, mater radici; hæc si est bona & sana, arborem quoque felicem reddit. sin' radix vitiosa, nihil tibi bonorum fructuum ex hac stirpe promitte. *Juvenalis* versus sunt:

Scilicet exspectas, ut tradat mater honestos

Atque alios mores, quàm quos habet?

Ezechias quòd bonus fuerit, bonæ debuit parenti, quæ, siquid pater depravasset sanguine, disciplinâ correxit.

Præclaro & brevi elogio Spiritus Sanctus laudes Ezechiae, hoc est, regis pij, fortis, sapientis complexus 4. Reg. 18. *In Domino*, inquit, *DEO Israël speravit*. Principium commendationis ducitur à spe in DEO fixa. Quò verbò multa continentur ad laudem religiosi pectoris pertinentia. Nam qui in aliquo sperat, eidem servit diligenter, illum amat, colit, consulit; nec ab eo divertit animum aut oculos. Fiducia in DEO locata excelsum & magnanimum Ezechiam reddidit, & ad excutiendam Assyrij tributi servitutem animavit; & ad dissipanda sacrilega fana & idola, à quo cæteros reges popularis vel aura, vel timor absterruit.

K k k

Sequitur:

Ex mala matre vix unquam boni liberi.

Ezechia magnanimus.

*Ezechia
quomodo
nullus re-
gum similis.*

Sequitur: *Itaque post eum non fuit similis ei de cunctis regibus Iuda, sed neq; in his, qui ante eum fuerunt.* Mirum hoc. quis enim nescit, quanta sanctimonia excelluerint, quantisque laudibus efferantur David & Josias. Nempe comparatio non tam ab æqualitate, quàm similitudine desumpta est. Quia dissimiles inciderunt occasiones & tempora, quibus alia atque alia virtus magis in uno, quàm in altero eluxit, idèd tres isti reges omnium laudatissimi, similes in dispari virtutis argumento non fuerunt.

*Constantia
in bene cap-
tis.*

Pergit Sacra pagina. *Et adbasit Domino, & non recessit à vestigiis ejus.* Rex optimus benè cœptis constantiam addidit, & ab innocentia sua, quod de se Iobus cap. 5. pronuntiat, non recessit. Nullæ rerum humanarum vices Ezechiam à vestigijs in via mandatorum DEI positis, abducere potuerunt.

*Exempla
efficaciter
imperant.*

Hinc est, quod subjungitur: *Fecitque mandata ejus, quæ præceperat Dominus Moysi.* Exemplis præivit, quibus nihil est efficacius. Quæ fieri voluit à suis, prius ipse præstitit. facienda iussit non tam verbis, quàm factis. Nervosè *Numenius Stoicus* dixit: Regem esse opus DEI, legem Regis, legis Iustitiam, justitiæ felicitatem. Per pietatem & justitiam regna stant, vigent, propagantur. Nec immeritò dixit *Polybius* optabilem illum esse principatum & firmum, in quo & privatim, sanctè & innoxie vivitur, & publice justitia ac clementia vigorem suum obtinent. Quamobrem invigilandum Principibus, ut justè, sanctèque in regno omnia administrentur, & ipsi exemplo præluceant, quibus convenit esse „ innocentiae templa, arasque justitiæ. Nihil in suis penatibus, „ ait *Cassiodorus lib. 4. epist. 12.* venale habeant; nihil ambitioni atque „ avaritiæ pervium; omnia favori potentium, & libidini clausa. Quid, quòd subditi vehementer ad virtutis studium excitantur, si vident eos, qui præfunt, incitamenta magis factis quàm præceptis præbere, nam, ut *Plutarchus in Nicea* docet, oportet Principem (& quemlibet magistratum) moribus imperium docere.

*Unde regū
felicitas.*

Prosequitur encomium divina Scriptura: *Unde & erat Dominus cum eo, & in cunctis; ad quæ procedebat, sapienter se agebat.* Minime dubia consequentia: DEO duce procedunt expeditè cuncta. Magna & necessaria virtus in rege, Sapientia, non tam labore parta, quàm de cœlo indita. Ezechias sua consilia ex DEO hausit, inque honoris divini, Bonisque publici incrementa refudit. Unde superiorum labe regum, nisi, quia cæcos sequebantur cæci, & neglecto Æternæ Sapientiæ fonte, emolumenta, sua in humanæ prudentiæ rivulis confectabantur? Sapienter Aristides: Reges optimè res humanas administrant, cum se reddunt DEO similes. Ezechiam pietas cum DEO conjunxit: DEI familiaritas.

EZECH. PRODIGIOSE CONVALESCENS. 439

familiaritas sapientiam ei peperit : sapientia thesauros & opes attulit, tam regni, quàm animi, nullis fortunæ incurfibus eripendas. Ex his consecuta est illa felicitas, quàm DEUS 1. Reg. 2. promisit : *Quicumque honorificaverit me, glorificabo eum : qui autem contemnunt me, erunt ignobiles.*

NARRATIO XCI. EZECHIAS AE. GROTANS, ET PRODIGIOSE CONVALESCENS.

4. Reg. c. 20. Isaia 38.

Anno Mundi 3322. ante Christum 731.

Rost Sardanapalum cum omnibus luxuriæ instrumentis, in rogo deflagrantem, Assyrium imperium Duces diviserunt, uti narravimus in Iona, *Arba-ai* Media & Persia, Beleso Babylonia, Phuli Ninus seu Ninive cessit, in quo & Successoribus species quædam imperij Assyriaci mansit per annos centum, donec id ad Babylonios, eversâ planè Ninive, translatum est. *Phuli* successit *Tbeglatpalsasar* filius, qui luctuosa cæde Israëlitas affecit, vastata penitus regione, captivisque abductis ingenti numero. Eodem genitus, *Salmanasar*, recusante tributum pendere Israëlítico seu Samariticò rege *Osea*, Samariam regni sedem obsedit, expugnavit, Israëlitas omnes, in quibus Tobiam cum familia, Ninum in captivitatem deduxit, *Salmanasari* vitâ functo, subrogatus *Sennacheribus*, cognomento *Sargon*, tributariam, in Iudæos quoque reges, tyrannidem, quantò patre ferocior ac tumidior, tantò constantius & imperiosius exercere perseveravit.

*Salmanasar
rursus furor in
Iudeos.*

*Sennacheri-
bi ferocia.*

Quæ principio quidem ab Ezechia, Solymæo rege, tacito cum dolore tolerabantur ; ubi verò rerum indignitas & insolentia crevit, excutiendum suis à cervicibus Assyriacum sibi jugum existimavit. Igitur consueti tributis stipendia *Sennacheribo* solveredetrectat, divina sibi, humanâq; ad bellum sustinendû præsidia multò antè præparat, Ierosolymam præcipuâ diligentia firmat, ac cõmunit operibus, milite, commeatu, & introductis in urbem subterraneis aquarum canalibus. *Sennacheribus* ob negata tributa inensum diversis ex gentibus exercitum in terrâ Chananiticâ

*Ezechia
providentia
militari.*

Kkk 3

ducit

ducit, complures urbes capit, evastatque, infestus non hominibus modò, sed Deo quoque. Fastum eius inflabant victoriæ varijs in provincijs per Duces relatæ, tanto omnium terrore, ut Ezechias quoque argenti talenta trecenta, & auri triginta (faciunt duos milliones, trecenta, sexaginta duo millia librarum, seu florenorum Gallicorum, singulos, viginti sestertijs computando) exactionis nomine penderet; collectis in eum finem undique thesauris; valvis quoq; & laminis aurcis, ita necessitate cogente, Templo detractis.

*Legatio
Sennache-
ribi ad E-
zechiam.*

Eâ pecuniâ receptâ, non stetit pactis barbarus. Mittit è Ducibus legatos Ierosolymam cum militari manu, qui deditionem suaderent; Legatorum cæteris ferocior *Râbsaces*, per internuntios regem Ezechiam, (ad colloquium enim venire, vel hostes in urbem intromittere detestabatur) & ipsum etiam Hebræorû Deum superbè, sacrilegèque infestatur. Ezechias interea Deo per preces & hostias placando intentus, ab *Isaia* propheta, Numinis interprete, spe successus optimi completur, promissa Ierosolymorum securitate, & Assyriorum contrâ interitum. *Râbsaces* cum legationis socijs, postulatorû irritus, ad regem suum redit. Qui cognitâ Ezechia in abnuenda deditione constantiâ, totis exercitus sui viribus ad oppugnandam Ierosolymam accingitur. Sed retrahit ab eo proposito nuntius, de *Tharaca* rege Æthiopum, adversus Assyrios exercitum ducente. Contra quem maximis & ipse cum copijs festinat: missis prius ad Ezechiam iteratò mandatis, de Solymorum deditione: litterisque in Deum blasphemis, & in Ezechiam arrogantibus; quas ipse litteras, & causam suam in Templo, cognoscendam Deo committit, servidis in cælum supplicationibus effusis.

*Superba li-
tera Sen-
nacheribi.*

*Gravis
morbus E-
zechia.*

Inter hæc, dum Sennacheribus apud Ægyptios & Æthiops sursum omnia deorsumque versat, Ezechias implicatur morbo gravissimo, ulceris intestini, lethiferòque pure collecti; quod humanis artibus immedicabile, non per homines tantum medicinæ peritos, sed per Oraculum quoque divinum, *Isaia* denuntiante, declaratum. Ei morbo causam suppeditasse creditur turbatus ab Assyriorum armis ac vastatione, Iudææ status; & qui Ierosolymam nuper, imprimisque regem ejus, à Sennacheribi minis circumvallavit, terror; in corporis, uti fit incommoda; pestemque se diffundente trepidantis animi sollicitudine. Nec parum ægritudinem promovebant, contumeliæ Divinæ Majestati per barbaros illatæ; quibus accessit occultior providentiæ cœlestis ratio, clientis sui virtutem, infirmitate tam experientis, quàm illustrantis. Divus Hieronymus existimat immissum Ezechia à Deo morbum, ne de victoria, adversus Assyrios triennio

EZECH. PRODIGIOSE CONVALESCENS. 441

trienniō post obtinendā, inolescet. Hæc ut ut se habeant, gravis & periculosa invalerudo attinebat regem. Ad decumbentem invisit Ifaias, Deique, summi Dictatoris nomine, jubet ad abitum se parare ægrotantem. Indicta supremæ necessitas horæ, largas regi lacrimas, preces, obtestationes expressit; altum ingemiscenti, telam sibi vitæ in ipso ætatis vigore (quintum & trigessimum agebat annum) præcidi; moriendum sine liberis, sine herede (*Manasser* enim nondum erat natus) qui promissum Davidis solium occuparet, qui genus ad venturum Messiam extenderet. Ponderis habuere gemitus. Redit jussu Numinis Vates, pollicetur non liberationem tantum ab hostibus, sed integram quoque valetudinis restitutionem, intra tridui spatium; In confirmationem adjecta prodigij, ceu pignoris, sponso.

Placuit siderum & astronomicæ disciplinæ perito, signum è cælo petere; quodque petijt, DEUS indulxit: Ut, quot in *Abazaræ* horologio (id ab eo sacrilegè ex altari templi æneo conflatum, tradunt aliqui) gradibus, umbra radij ferrei regrederetur; totidem etiam diei partibus in cælo sol retrocederet; quare, cum perdecem umbra lineas sub ipsum meridiē retroageretur in solario, seu horologio Sciatherico, sole quoque pari se intervallo, cum orbibus cælestibus, aut certè orbium sideribus regyante, accesserunt ad consuetas diei horas quinæ, fidemque fecerunt ægroto recuperandæ valetudinis; quam etiam mox reduxit cataplasma ficuum, ulceri superimpositum; salute, quindecim insuper vitæ subsequentiis annis accumulata. quanquam inficiandum non est, plus divinæ virtutis in illa medicina, quam naturalis efficaciam fuisse. Eō DEUS ostentō palam fecit, & terris se dominari, & astris; tantique à se unum probum fieri hominem, ut non dubitet ejus in gratiam naturæ leges immutare. Ezechias ex integro confanatus, nihil habuit prius, quam Soteria Numini in templo persolvere, ejusque beneficii memoriam compositō à se carmine evcharistico posteritati consecrare,

*Ezechia
prodigiosa
confanatio,
& solis re-
trocessio.*

DOCTRINA

IN diebus illis agrotavit Ezechias usque ad mortem. 4. Reg. 20. DEUS, quos amat; arguit, castigat. Religiosissimus olim senex discipulo suo ægrotanti dixisse fertur: Ne tristeris, fili, ob morbum corporis. Si ferrum es, per hunc ignem, rubiginem exues; si aurum es, novum nitorem indues. Eleganter *S. Augustinus* *serm. 3. de tempore barbarico*. Si aurum, inquit, es, quid times ignem? Si frumentum es, quid times tribulam? non apparebis, qualis anteas eras in spica, nisi tribula conterendo, à te separaverit paleas. Si oleum es, quid times pressuram preli? non declarabitur species tua, nisi etiam pondus lapidis à te seceverit amurcam. Et

*Res adver-
sa probans
hominem.*

in Psal. 61. In fornace ardet palea, & purgatur aurum; illa
 in cineres vertitur, hoc à sordibus exuitur. Fornax est mun-
 dus, aurum iustus, ignis tribulatio, palea reprobi. *Et lib.*
1. de civit. DEI, c. 8. Sicut sub uno igne aurum rutilat, palea
 fumat; ita una eadèmq; vis irruens, bonos probat, purifi-
 cat, eliquat; malos damnat, vastat, exterminat. Morbus est
 lapis Lydius, examinador virtutis, scrutator conscientia, ex-
 citator pœnitentis animi, monitor æternitatis. Ezechias ini-
 tiò ægritudinis, non dubitavit ad Deum in vota flectendum, in-
 nocentiam suam prætere. *Obsecro, inquit, Domine, memento qua-*
so, quomodo ambula verim coram te in veritate, & in corde perfecto, & quod
placitum est, coram te fecerim. At ubi acrior subiit doloris sensus,
 penitiùs sese introspicens, minimas etiã labe deprehendit,
 & suæmet accusator vitæ, *Recogitabo, ait, tibi omnes annos meos in*
amaritudine anima mea. Isa. 38. Hoc est, quod *Augustinus* dicit: Væ
 etiã laudabili vitæ hominum, si eam semotà misericordiã di-
 judices. Deinde virtus Ezechia, quod Apostolus asserit, in in-
 firmitate perficiebatur; nam, quæ nocent, docent. Iterum *Augusti-*
nus: Quàm multisclerati sani sunt, qui innocenter ægrotarent.

In morbo
 Ezechias se
 cognoscit.

Præcipe (Isa. 38. *Dispone*) domui tuæ: morieris enim tu, & non vi-
 ves. 4. Reg. 20. Hæc est peremptoria sententia in divina Curia con-
 tra Regem decreta, & ab Internuntio Isala liberè pronuntiata.
Dispone, id est, ad supremam necessitatem te para; inevitabilis
 est enim.

Omnes eodẽ ducimur, omnium
 Versatur Urna.

Meditatio
 mortis.

Fatalem nulli licet proferre diem, vel advenientem præcavere:
 Quid namque morte certius; quid incertius mortis horâ? *Au-*
gustini sapientissimum monitum est: Later ultimus dies, ut ob-
 serventur omnes dies; serò parantur remedia, cum mortis
 imminent pericula. Miser homo, ait *Bernardus*, quare non omni
 hora te disponis? cogita te jam mortuum, quem scis necessa-
 riò moriturum. Et *Gregorius*: Horam ultimam idcirco DEUS
 nobis voluit esse incognitam, ut semper possit esse suspecta.
 Et *Seneca*: Venientem nemo hilaris mortem excipit; nisi qui ad
 illam se diu composuerit. *epist. 12. & 101.* Incertum est, quò telo-
 cò mors expectat: itaque tu illam omni loco expecta. Et Chri-
 stus ipse, Dominus vitæ & mortis, in Evangelio Matth. 24. *Vigilate,*
quia nescitis, quâ horâ Dominus vester venturus sit. Et apud Luc.
 cap. 16. *Redde rationem villicationis tuæ.* Nam juxta Ecclesiastẽ c. 12.
Cuncta, quæ sunt, adducet Dominus in judicium. Ecclesiastẽ verò
 cap. 11. *In fine hominis denudatio operum ejus.* Mors remover sparium
 & in apertum

EZECH. PRODIGIOSE CONVALESCENS. 443

& in apertum producit, quidquid dictorum, factorum, cogitatum in intimis pectoribus latebat.

Morieris enim tu, & non viues. Hoc tonitru surdas etiam percellit aures. Moriendum est, velis, nolis; siue propitiò Deò, siue iratò. Humanæ vitæ prologus est, *Nasçi*; Narratio, *Dolere* Epilogus, *Mori*. Nulli mors parcat capiti; æquo pede pauperum tabernas pulsat, regumque tures. Moriendum, id est, convalescendum est, & hinc emigrandum. Lessum *Venusinus* Poëta canit:

Linquenda tellus, & domus, & placens

Uxor: neque harum, quas colis arborum

Te, præter invisas cupressos,

Ulla brevem dominum sequetur.

Sed quid ais, ò Propheta: *morieris, & non viues.* Enimvero contra tuum effatum provixit Ezechias. Nempe si vis morbi secundum naturam spectaretur, conclamatus erat Ezechias, nullaque curabilis arte humana; Si auxilium divinum attenderetur, poterat fieri per prodigium, quod effici nequibat per naturam. Est verò duplex vitæ periodus; Una, à natura: altera, à Deo Duplex vitæ periodus. constituta; Hæc semper certa est & fixa, nec augeri potest, nec minui; illa verò potest à Deo contrahi, extendique; uti prolata est Ezechiae. Iobi assertio est cap. 14. *Constituiſſi terminos ejus, (hominis) qui præteriri non poterunt.* Quidquid in cœlesti diphthera consignatum est, ratum manet & immobile. Terminum vitæ naturalem, post Ezechiam, etiam Siracides sibi prolongari petijt, Eccli. c. 5. 1. *Pro morte defluente deprecatus sum.* Est enim mors instar fluvij impetu ruentis, & nunc istum, nunc illum secum rapiens. Per nativitatem fluimus in ortum & vitam, per mortem diffluimus in interitum & occasum. ipsaque vita nihil est aliud, quam continuus ad mortem fluxus. Siracides igitur deprecatus est, ut, quoniam mortis lethifer incurſus, pro communi mortaliū sorte, à se averti non posset, paullisper tamen à se deflecteretur, seque ad aliquot annos intactum illæsumque relinqueret.

Fluxit itaque Ezechias sletu magno. 4. Reg. 20. Isa. c. 38. Lacrimas morituro excussit primò, orbitas; nam carebat prole (Mannasses enim primùm post triennium fuit genitus) in Davidis solio successura, & genus ad Messiam propagatura. Deinde timor mortis, amor vitæ. Nam mors senibus est matura, juvenibus acerba. Ezechias viridi florebat ætate. hinc vox ejus lugubris: *Ego dixi, in dimidio dierum meorum vadam ad portas inferi,* id est, ad sepulchrum; Isa. c. 38. ad quadragesimum namque annum deerat unus. Eum in modum etiam Iob conqueritur c. 20. *Et sic repente præcipitas me?* Est enim dulce vivere, triste mori. Mortis horror. *Annai* iudiciò,

„ iudiciò, *epist.* 82. Mortem terribilem reddit, sui amor, & per-
 „ manendi, conservandique se insita voluntas, atque aspernatio
 „ dissolutionis : quia videtur multa nobis bona eripere, & nos ex
 „ hac, cui assuevimus, rerum copia educere. Illa quoque res
 „ morti nos alienat, quòd hæc jam novimus: illa, ad quæ transaturi
 „ sumus, nescimus, qualia sint, & horremus ignota. idem *epist.* 101.
 „ Quid tandem est vivere, nisi diu mori? Tanquam vita expetitur,
 „ supplicij mora. Cui vita sua quotidie fuit tota, securus est. Quid
 „ est autem vita nostra nisi unius mora dieculæ, Ezechias triginta
 „ novem annos quomodo computat. *De manè*, inquit, *utque ad vesp-*
eram fines me. *Is.* 30. Volucris (de culicum genere) ad Hypanim
 „ fluvium est, Hemerobios dicta, quæ non ultra diem vivit, sed ea-
 „ dem omnino luce, qua lucem inchoat, finit; morientique soli
 „ commoritur: eodem die pueri, juvenis, senis ætatem experta.
 „ Manè nascitur, meridie viget, vesperti consenescit. *Plin. lib. 11. c. 30.*
 „ His limitibus circumscribitur Area, in qua tam grandia molimur.

*Vana homi-
 num studia.*

Hic anni nostri sicut aranea meditantur. *psal.* 89. Hic telas teximus,
 quæ repente præciduntur. Ezechias hoc expertus : *Præfata est*, in-
 quit, *velut à sexente vita mea: dum adhuc ordire, succidit me.* *Isa.* 38. Ara-
 nea laboriosè telam suam orditur, diu multumque discurrit, hac
 illac circuit, in idem sæpius redit, seipsam consumit, exenterat,
 eviscerat, dum suam illam multiplicium filorum rotulam absol-
 vat. Denique labor omnis & opus textile ad levem scoparum du-
 ctum intercidit & perit; misella aranea vel in telâ suâ interfici-
 tur, vel eâ velut laqueo trahitur ad mortem, pede obterenda. Ita
 prorsus mortales discurrunt, fatigantur, sudant, enervantur: &
 cum omnia fecerint, reticulum texuerunt ad muscas capiendas.
 fit sepulchrum, quod palatium esse censebant. Verè, maximam
 partem meditantur tantum; pauca faciunt, & plerumque quæ
 rectius non facerent; & medijs in cæptis interrupti, opera im-
 perfecta, vitamque relinquunt. *Va vobis*, inquit *Jeremias. c. 6. quia*
longiores fecistis umbra. Ad vespem vitam tenditis, & tamen vi-
 tæ filum abscindi non advertitis. Ezechias queritur: *Dum adhuc*
ordire, succidit me. Vix in auras prodimus, cum abimus. Morimur,
 dum orimur. Omni momento aliquid de vitæ stamine præcidit
 feralis illa dea, quam Poëtæ *Parcam*, nos moriendi necessi-
 tatem appellamus. Felix, qui telam pertexit, non
 tam vivendo diu, quam benè.

NARRATIO XCII.
SENNACHERIBI,
REGIS ASSYRIORUM,
STRAGES.

4. Reg. 19. Isaïæ 37.

Anno Mundi 3324. Ante Christum 729.



Adpropiam ruinam festinatò pervenit, qui impotenter graditur ad alienam; documento est *Sennacheribus*. Qui, ubi superbi victoris partes, variae crudelitatis exemplis apud Aegyptios & Aethiopas implevit; jamque nullius nomen, gentibus illis terribilius esset, quàm Assyrii regis, & exercitus ejus, repetita adversus Iudæos expeditione, Palaestina sese, cum equis, viris, armis, quadrigarumque bellicarum multitudine infudit. Quacumque ferebatur, foeda locorum ubique, miserandaque facies. Qui suas ubi copias propius Ierosolymam admovit, tum verò pars populi major ac teterior, non lacrimas, non questus, non lamenta continere; adversus Regem *Ezechiam*, ejusque Vatem *Isaiam* quiritari, deditionem urgere, urbem coitionibus & turbis miscere. Rex contra cum Proceribus, & meliore parte civium, cilicino poenitentium habitu, DEO supplicare votis ardentissimis, cinere capita perspergere, in pavementum corpore, vultuque se abijcere; turbidos, & turbatores, quà verbis ad tempus accommodatis, quà minis iræ divinae propositis castigare. Cum interim Assyrii epulis ac vino, profundissimum in somnum provoluti, totis passim campis collibusque sparsi, sub tentorijs & dio sterterent.

*Obfessi a
Sennacheribo
Ierosolyma
in quantis
angustijs.*

Iamque nox adultior cœlum & terram obtexerat, cum missu Numinis Angelus, spississimas inter tenebras, in Assyria descendens castra: momentò temporis, solò cum paucis exceptò Sennacheribò, barbarorum universum circa Ierosolymam delevit exercitum. Ferebantur delectarum tot simul animarum millia (nam centum octoginta quinque millia ceciderunt) in profunda Tartarorum: adhuc ignorantium quomodo, vel quonam funeris auctore cecidissent.

*Assyriorum
strages per
angelum
facta.*

Modus porrò tam atrocis interfectionis à Scriptore Sacro non traditur; potuit Genius Percussor singulorum cervices, &

LII

maximè

maximè somnò stratorum, unico statim istu resectas, in mortem absolvere; potuit cum violentia repentè vel spiritum intercludere: vel compressione corda elidere; potuit suscitatis & immixtis incendijs intestinis (quod non paucis videtur factum) unico temporis puncto sigillatim ac viritim, Assyrios in cineres ac favillas redigere, salvis per prodigium armis, atque vestimentis; cadaveribus autem simulacra & facies hominum animà carentium foris retinentibus. Clades hæc non antè patuit, quàm omni demum nocturna depulsa caligine, sol reductus diem, & dies rerum omnium faciem aperiret. Sennacheribus manè postero experrectus, frustra suos ad ministeria solita præstolatur, inclamat, quærit. Oculis tandem suis mer credere coactus, videt exercitum suum altiore quadam vi, internecione deletum. Idem pauculi nonnulli adhuc superstites (non plures erant denis) ab Angelo relictis, regi nuntiant: & ad fugam incitant. Quibus acquiescens, eorum in comitatu, relictis omnibus, celeriter & ignominiosè suam repetit Assyriam. Quorum strage & fuga per exploratores compertà, Solymæi catervatim urbe egressi, prædam inveniunt longè maximam, diripiunt, asportant, avehunt. Eaque tam se ipsum quisque, quàm regem Ezechiam, præ cæteris ditant, Deoque prodigiosa victoriæ auctori meritas grates persolvunt. Sennacheribus Niniven reversus, omnium in se odijs jam antè concitatis, tumultuantium seditione exterritus, ad delubrum confugit, dumque idolo suo *Nefrocho*, de filiis suis duos, natu majores, *Adramelechum* & *Serafarem* victimam humanam, votò promittit; ab ijs, consilio patris cognitò, ad ipsam aram trucidatur. Parricidæ in Armeniam profugi, *Assaraddoni* natu minimo, regnum reliquerunt; quò deinde victo cæloque à *Merodacho* Babyloniorum Prætorè, Imperium Assyriacum penitus est eversum, vastata Ninus, & *Merodachus* (seu *Berodachus*, & nomine regio *Nabonassar*, privatò *Baladan*) Babyloniorum, totiusque Orientis Dominus evasit. Ita tyrannus tyrannum subjugat, & potentia scelere parta per aliud scelus opprimitur. Vaticinium Isaïæ fuit cap. 33. *Va tibi, qui prædaris, nonne & ipse prædaberis? & qui spernis, nonne & ipse sperneris?*

Sennacheribus à filiis trucidatur.

DOCTRINA.

Impij instrumentum ira divina.

Væ Assur, Virga furoris mei, & baculus est. Isa. 10. Væ tibi Sennacheribe, rex Assyrie, quem ad plectendas gentes flagellum adhibui, & lictorem ac satellitem iræ meæ. Volebam te Virgâ esse ad probos castigandos, baculum ad obduratos peccatores contundendos,

non ad delendos, & exstirpandos. *Sed tu dixisti: In fortitudine manus meae feci, & in sapientia mea intellexi: & abstuli terminos populorum, & principes eorum depradatus sum.* &c. Isa. 10. Nunquid gloriabitur securio contra eum, qui secat in ea? aut exaltabitur serra contra eum, a quo trahitur & quomodo si eleveur virga contra elevansem se, & exaltet baculus, qui utique lignum est, *ibid.* Quid potentiam & vires tuas iactas, qui merum es instrumentum ultionis meae, & ultra limites tibi à me positos in nocentes, innocentésque desævis? Quàm parùm securis, serra, virga, baculus de se moveri potest; tam parùm habes causæ, cur tuo robori successus adscribas bellicos, & subjugationem gentium.

Sinebat DEUS Sennacheribum, victorijs alijs ex alijs insolentem, volitare per diversas regiones & provincias, quamvis deteriora multò promeritum: improbósque flagellabat, sed per Lorarium improbiorem. At nimirum id illud est; quod divinè jam olim Salomon observavit, Proverb. 16. *Universa, quantumvis humanæ prudentiæ discoloria videantur, propter semetipsum, & ad sapientiæ suæ pertexendam telam, operatum esse DEUM.* In his autem, & *Impium ad diem malum.* cuius nigra fata suis ipsa quoque decurrerent, & evolverentur horis. Et cùm Abominatio Numinis sit omnis arrogans, (uti porrò rex sapiens subjungit): *DEUS flagellat eos,* quantò minùs vindicem illius effugere manum Sennacheribus debebat, arrogantiae Luciferianæ simulacrum? Differebatur *per quos flagellat alios.* gitur, umbraticæ suæ felicitatis interea quasi pastu quodam pinguioribus in pœnas: uti luxurians aliquis in herbis, sed jugulatur cultro, jam nunc destinatus, *Vitulus Falsus.*

Hic observandum, quod *Augustinus* commonet in *psal. 42.* „Noli timere inimicum; tantum facit, quantam acceperit potestatem. Eum time, qui, quantum vult, tantum facit, & qui injustè, nihil facit. Et in *psal. 93.* Quidquid acciderit iusto, Voluntati divinæ deputet, nò potestati inimici. Quid sibi ergo plaudit iniquus, quia flagellum de illo fecit pater meus. Illum assumit ad ministerium, me erudit ad patrimonium. Nec attendere debemus, quantum permittat injustis, sed quantum servet iustis. Facit hoc DEUS, quod plerumque facit & homo. Aliquando iratus homo apprehendit virgam jacentem in medio, fortasse quaecunque sarmentum, cædit inde filium: ac deinde proijcit sarmentum in ignè, & filio servat hereditatem. De malitia mali flagellatur malus, & de servo emendatur filius. Idem in *psal. 98.* DEUS, & cùm blanditur, pater est, & cùm cædit, pater; blanditur, ne deficiamus: cædit, ne pereamus. Quàdo bene est, lauda misericordiam; quàdo male est, lauda justitiã. Neque tamen existimes, DEUM, cùm per malos punit, & exercet bonos, esse tyrannidis auctorè;

permissor & director est voluntatis pravae, ad demonstrandam suam vel misericordiam vel justitiam, uti ex Augustino retulimus.

Ita flagella DEI fuerunt, seque nominantur Artala, Tamerlanes, Totila, alique prædones orbis, ebrii semper, & nunquam saturi humano sanguine. Pulcherrimè, memoratus Ecclesiæ Doctor, in psal. 37. Ad DEUM tuum, refer flagellum tuum: quia nec, diabolus tibi aliquid faciet, nisi ille permittat, qui desuper habet potestatem, aut ad poenam, aut ad disciplinam, Ad poenam, impijs, ad disciplinam filijs: *flagellat autem omnem filium, quem recipit.*

Incredibilis Sennacheribi jactantia, & in DEUM contumelia. Prioris, est testis Isaias c. 36. ubi introducit hominem tumidissimum, ita loquentem: *Quis est ex omnibus dijs terrarum, qui erueris terram suam de manu mea? Cum enim non gentes modò, sed gentium insuper deos, deasque prostravisset, Iudæorum quoque DEO bellum inferre decrevit, terror ipse cœli terræque & quorūvis Numinum contemptor. Posterioris meminit liber quartus Reg. cap. 19. Cui exprobrasti, & quem blasphemasti? Contra quem exaltasti vocem tuam, & elevasti in excelsum oculos tuos? Contra sanctum Israel.* O homuncule, ò lutum, ò cœnum! contra quem infurgis! quem injuria & convitio lacestis? Eum, quem *Columna cœli contremiscunt, & parent ad nutum ejus* Job. 26. Cujus unus unicus ex infinitis milibus minister angelus, tantam una nocte in castris tuis stragem edet, *Maledicti erunt, inquit Senior Tobias, qui contempserint te; & condemnati erunt omnes, qui blasphemaverint te* Tob. 13. Verissimè Ecclesiasticus c. 27. *Qui in altum mittis lapidem, super caput ejus cadet. Maledicta in DEUM, Dei que amicos jacta, saxa sunt, in caput jaculantium relapsura. Id Sennacheribo contigit.*

Blasphemiae parens fuit, intoleranda superbia. Sennacheribum depinxit Siracides cap. 5. *Ne dixeris: quomodo potui? (efficere & consequi, quod volui & concupivi.) aut quis me subijciat propter facta mea? (quis me deprimet, perdomabit, substernet?) DEVS enim vindicans vindicabit. DEUS DEUS est, qui tibi cornua franget superbe; qui te propter facta tua fræno constringet, & circulum ponet in naribus tuis. DEUM apud Isaiam audiamus cap. 37. Cum fureres adversum me, superbia tua ascendit in aures meas; ponam ergo circulum in naribus tuis, & frænum in labijs tuis, & reducam te in viam, per quam venisti.* Quasi diceret: Tu me, clientemque meum Ezechiam admotis Ierosolymæ copijs, subsannasti, linguâ petulantem exerta, ore turpiter distorto, naso ridiculè crispato. Hinc contumeliæ attemperabitur supplicium; plesteris ibi, ubi peccasti, inglorius & ignominia plenus, instar reluctantis bubali, inserto naribus annulo, retraheris fugâ in Assyriam tuam, & funestum interitum. Nam

Sequitur

Sequitur superbos ultor à tergo DEUS.

His thrafonibus sapienter occidit *Prudentius*, in *psycbom*. Humilitatis & superbiæ:

Define grande loqui, frangit DEUS omne superbum,
Magna cadunt, inflata crepant, tumefacta premuntur;
Disce supercilium deponere.

Dejecit castra Assyriorum, & contrivit illos Angelus Domini. Nam fecit Ezechias, quod placuit DEO, & fortiter ivit in via David patris sui, quam mandavit illi Isaias propheta magnus, & fidelis in conspectu DEI Eccli. 48. Describuntur hic arma, quibus Ezechias dejecit hostem crudelissimum. 1. Fecit, quod placuit DEO. Hoc est, divinæ voluntati morem gessit in omnibus; hinc Deus Ezechiae quoque voluntati & desiderijs facilem se præbuit, 2. Fortiter ivit in via David, nefarias superstitiones eliminando, & avitam religionem stabiliendo, cum non deessent plurimi, qui reclamarent, & vim ostentarent. 3. Audijt consilium Isaiæ, viri undequeque sanctissimi, usque adeò, ut videretur id pro mandato habere. Unde spes in arduas erectus auxiliarem è cælo manum habuit, Tanti interest, quibus auctoribus reges, vim vel inferant, vel propulsent. Id certe consecutus est Ezechias, quod Regius Psalter jam ante prædixit psal. 144. Dominus voluntatem timentium se faciet, & deprecationem eorum exaudiet, & salvos faciet eos. Custodit Dominus omnes diligentes se: & omnes peccatores disperdet. Utriusque exempla Ezechias & Sennacheribus. Non est validius rebus in artibus præsidium, quàm contra hostes impios, pietate dimicare, & armis humanis, divina opponere. Ezechias tamen ita spem in auxilijs cæli posuit, nihil ut negligeret eorum, quæ militaris providentia requirebat. Feliciter navigat, qui remis utitur & velis; illis everberat fluctus infrà frementes: his excipit ventos ex alto juvantes. Et sapientum pronuntiatum est, sic præsidij utendū humanis, tanquam si abessent divina: sic nitendum divinis, tanquam si non adessent humana.

Quibus armis superbū hostem frerit Ezechias,



NARRATIO XCIII. EZECHIAE OSTENTATIO A DEO PUNITA.

4. Reg. 20. 1. Paralip. 32. Isa. 39.

Anno Mundi 3324. Ante Christum 729.



Non raro laus, quæ in rebus adversis efflorescit, in secundis corrumpitur; & qui ferocientem repulit hostem; blandientem non cavit, id Ezechiae evenisse, narratio hæc ostendit. Rebus Assyriaci immensa clade prostratis, *Merodachus*, hæcenus Sennacheribi, in Babylonia-Prorex, aut certe vestigalis, vicariam potestatem convertit in absolutum dominatum, liberumque sibi regnum, contractâ cum alijs regibus amicitia, stabilire cœpit. Unde factum, ut etiam ad Ezechiam legationem expediret, partim ut regi gratularetur valetudinem recuperatam, regni-que tranquillitatem; partim ut exploraret ostenti cœlestis causas; nam fama prodigij, solis scilicet viam retro legentis (quod toti mundo commune factum) apud Babylonios imprimis inclauit; partim, ut regem ad mutui foederis nexum invitaret; non sine splendido munerum additamento. Delectatus est adventu Legatorum Ezechias, quippe à magno se Principe honorari sentiebat, videbátque delatam ultro amicitiam, magno sibi præsidio fore adversus quamvis hostilitatem. Ut verò ipse quoque majestatis aliquod regis specimen Babylonijs exhiberet, non temperavit sibi, lætitiæque suæ, Rex alioquin modestissimus, quò minùs opes regias universas, quas ex præda Assyria mirum quantum instruxerat, auxeratque: & se ipsum insuper barbaris ac profanis illis aperiret, improvida simplicitate. Aurum, argentumque copiosum; unionum ac gemmarum, & aromatum peregrini pretij thesaurus ingens. Abacorum vas plurima, magnòque constantia: refertissimum castrensibus instrumentis armamentarium: olei, vini, frumenti divites apothecæ. Pecoris, ac jumentorum & gregum vis innumeralis: urbes regni validiores, aut ex integro recentes conditæ: aut muris, turribusque, siquâ concidissent, instauratis repositæ. Lethales sanè divitiæ, quas nec celare tutum, nec proferre.

Hoc

*Merodachi
legatio ad
Ezechiam.*

*Ezechia
ostentatio.*

EZECHIAE OSTENTATIO PUNITA. 451

Hoc facilius (ut sanè facillim⁹ est ab ostendente transitus ad ostentantem) jactantiæ non omnem speciem evitavit. ac tametsi veniâ dignum; DEI tamen incurrit reprehensionem, & Isaïæ Vatis in seros posteros præfâgas minas; futurum quippe, ut, quos erat geniturus liberos; & thesauros, quibus intumesceret, Babylonij in terras suas prædando deportarent. Adeo DEUS suos, quantò majores efficit, tantò cupit in seipsis contractiores. Elucet hinc divinorum severitas judiciorum, quæ, cum ad gravissimâ impiorum scelera, non raro conniveat; minoris proborum delictis acre supplicium constituit. Hos enim, ut Augustinus loquitur, hic urit, hic secat, ut ibi parcat; Illis hic parcat, ut æternum cruciet. Severo Numinis decreto, mira se demissione rex pientissimus subjecit, id unum obtestans, vindicem vellet DEUS manum suspendere, vitæ tempore, ab ejus sibi clementia concessæ. Obtinuit, quod rogavit; post exactos quindécim indulgentiæ cœlestis annos, in alta regni optimè constituti pacè, extremum, diùque prævisum clausit diem, apparatè ductis exequijs, Majorum conditorijs illatus; Etatis anno quinquagesimo quarto, regni vigesimo nono; Mundi trigesimo septimo supra ter millesimum, trecentesium; ante Christum, septingentesimo, decimo sexto. Fuit pessimi patris natus sanctissimus; & pessimi nati pater sanctissimus; nam Manassè genuit, quò pejorem, si finem demas, nulla vidit ætas.

D O C T R I N A.

E *Levatum est cor ejus (Ezechia): & facta est contra eum ira, & contra Iudam, & Ierusalem. 2. Paral. 32.* Humanum aliquid passus est Ezechias: erravit, plusculum felicitati tribuit, & laudi suæ. Huc convenit illud Horatianum

— Tacitus pasci si posset corvus, haberet

Plus dapis, & multò rixæ minus, invidiæ quæ.

Sic Ezechias thesauros Assyrijs ostendendo, invitavit rapaces manus ad dulce spectaculum; & per aureas species sitim cupidis & potentibus, in regni perniciem accendit. Meritò *Cassianus* ait, Ezechiam sole & morte retrogressis, elationis telo, concidisse. Accomodatè *Bernardus*, time sagittam, (gloriam vana, nam) leviter volat, leviter penetrat; sed dico tibi, non leve, vulnus infligit. Vana gloria vitium subtilissimum, & tam multiplici vaframento insidiosum, ut evitari possit difficillimè: Crescit à virtutibus, & vires acquirit. Cetera vitiorum

Pessis vana gloria.

„vitiorem genera, *Cassianus ait lib. 11. c. 6.* solent eos tantum impug-
 „gnare, quos superarint in certamine; hoc vitium suos victo-
 „res acrius infectatur. Irruit audacius in eos, in quibus plus
 præsidi cernit. Ut pirata non aggreditur navim, nisi onustam;
 nempe animum virtutibus locupletem. Ezechias, non Fortunæ,
 sed Favoris divini corculum, displicere cœpit DEO, quando paul-
 lō elatior placuit sibi. Stabat excelsus, dum mentis cum demissio
 deprimebat; curvabatur, cum animo extollebatur, juxta Magni
 Augustini verbum.

*Ezechias
 propter le-
 vem culpā
 graves pœ-
 nas dedit.*

Qualiscunque tamen hæc culpa erat, gravis non erat. Opum
 ea ostensio, signum erat exultantis, nec satis, depulso timore, se
 capientis animi. Labet hic attexere, quæ in *Annalium epitome, Sa-*
lianus noster pro Ezechia adfert, ad annum M, 337. Præterire non
 possum, *inquit*, animi demissionem, & propriæ apud DEUM volun-
 tatis depositionem in re tanta, quanta illa Isaïæ postrema commi-
 natio continebat. Lætatus erat Rex in Legatorum longinquæ re-
 gionis adventu, gratulatus sibi erat, suam ab exteris regibus ami-
 citiam expeti, Deique erga se benevolentiam, prodigijs declara-
 tam, agnoscere: ostentarat opes suas, & hostibus erepta spolia, quod
 vulgò principes non in crimine, sed in laude ponunt. Et tamen au-
 dit: *Ecce dies venient, & auferentur omnia, quæ sunt in domo tua, & quæ con-*
diderunt patres tui, usque in diem hanc, in Babylonem. Non remanebit quid-
quam, ait Dominus. 4. Reg 20. Fortunæ igitur omnes, avitæ, recen-
 tisque regi peribunt. Et quod amplius est. *Sed & de filiis tuis, qui e-*
gredientur ex te, quos generabis, tollentur, & erunt eunuchi in palatio regis
Babylonis. Durissima sunt omnia. Quæ tamen audit sine murmure,
 sine excusatione, sine querela, ac penè sine gemitu: non lacrima-
 tur, non percutit femur, non elevat culpam, non dilacerat purpu-
 ram suam.

*Ezechia de-
 missio ad
 penas in-
 tentatur.*

Dixisset aliquis: quid feci? quod est peccatum meum, ut
 tam severa animadversione puniatur? Num ostentatio bonorum
 meorum, impiorum rapinis & latrocinij vindicanda est? Quis
 mercatorem merces suas, populis inaniter commonstrantem,
 prædonibus propterea addicendum putet? Sed esto, superbi-
 a mea, & ingratus in DEUM animus, qui me tot promeritis & pro-
 digiis in altum exulit, dejectionem istam mereretur: quid meru-
 ère filij mei, pueruli, damnati antequam nati? servituti addicti,
 nondum degustata libertate? Nihil horum ille; *Sed bonus sermo Do-*
mini, quem locutus es, & Isaia. O demissionem animi singularem! &
 religiosam, ac planè regiam obedientiam, & longè plebeios animos
 transcendentem! Meruit sanctissimus princeps, ut regum omni-
 um Principi Christo, tanquam figura illius nobilissima
 conferatur. Hæc ille.

NARRATIO

NARRATIO XCIV. VTRIVSQUE TO- BIAE MULTIFARIA VIR- TUS, ET FORTUNA.

Ex libro Tobiaë.

Potissima contigerunt ab anno M. 3315. ante Ch. 738. ad ann.
M. 3335. ante Christum 718.

Tobias Senior, patriâ Galilæus, tribu Nephthalæa, familia non ignobili ortus, castæ religionis à puero cultor, maturitate morum annos supergressus, procul habuit animum ab ijs rebus, quibus puerilis ætas delectari solet; impietatis præsertim osor acerrimus, execrabatur nefariam superstitionem *aurei Vituli*, quâ plerique Israëlitaë, in quibus ipse fuit, insanissimè tenebantur; & ne quid contagij sibi, sulsve afflaretur; ab hominum improborum consuetudine non secus, quàm à veneno abhorrebat. Ardua res inter malos bonum esse, & in media pestilitate, nihil luis contrahere. Etiamnum puer, orbatu utroque parente, sub aviæ *Deboræ* sanctissima disciplina adolevit, & contribulium plerisque idolorum delubra frequentantibus, ipse Ierosolymam se ad Religionis arcem conferre solebat, avitis ibi, statisque Sacris adstiturus, & frugum primitias, decimasque pensurus.

*Tobias à
puero pro-
sati addi-
tus.*

Cæterum ea tempestate, quæ totam Israëlitidem oppres-
sit, Tobias quoque involutus est. Cum enim *Osai*, Israëlitarum
seu Samaritarum Rex, (quod suprà quoque meminimus) vesti-
gal anniverfarium *Salmanasari*, Assyriorum Regi, exolvere renui-
set; hic cum validissima peditum, equitumque manu, regnum
omne Samariticum pervagatus, obsistente nemine, prædas, in-
cendia, quæque cætera belli licentia secum affert, exercebat. *Vi-
tulum* item *aureum*, qui *Betbele* jam solus restabat, dejectâ columnâ,
cum cæteris sacris, profanisque spolijs asportavit: Ut adeò mi-
serrimis Israëlitis Numen superesset nullum; quippe qui DEUM
verum jam olim à se proscripissent: & tunc DEOS, etiam falsos
amississent. Pervastatò verò, magna celeritate, nec minore pas-
sim clade, regnò, *Salmanasar* eodem adhuc anno, qui fuit *Osai* se-
ptimus, & *Ezechia* Iudææ regis quartus, belli vim omnem in re-
gni caput *Samariam* (Ægyptio rege *Sua* suppetias pactas altum
dissimulante,

Mmm

*Salmana-
sar captâ
Samaritâ,
Isrâelitâs
in Assyriam
transportas.*

distimulante, contra spem Osæ) convertit. Hanc omnibus copijs circumfessam; postquam armis, viris, machinis, ac ballistis, fame denique quibusvis tormentis bellicis potentiore, diutissimè, sed frustra fatigâisset (tanta murorum firmitas erat, & oppidanorum intus obstinatio) post triennium tandem expugnavit: Osæam vivum cepit; captum in catenas & carceres, ut plebejum ac servile caput, compegit: urbem diripuit: incolis arma detraxit, ac libertatem. Omnibus denique, quorum causâ venerat, in regno Samaritico compositis, ac sub arbitrium suum redactis; Regnum ipsum Samariticum, quod sub Isrâelitici nomine, uti supra indicavimus, ducentis annis & quinquaginta steterat, funditus evertit: Regemque, compedibus, ferreisque manicis oneratum, custodiâ quidem eduxit; sed in arctiorem aliam, secum trahens in Assyriam, conjiciendum dedit. Quibus in vinculis Osæas, non ut Rex, sed ut exemplanovissima meritis *flagrio* consenuit, atq; consumptus est. Ne verò superessent in posterum, qui more suo reges, ubi non invenirent, è corpore suo, per factiones fuscitarent; indeque nunquam finis & modus fieret adversum Assyrios, in populo seditionum amantissimo rebellandi: *Salmanasar*, quidquid electioris aliquantò populi superfuit, quod non aut in Iudæam, aut trans Iordanem, ad Moabitas & Arabas, aut in speluncas denique profundasq; silvas, fugâ se recepisset; in Assyriam primò secum transportavit. In *Medorum* deinde regiones, urbesque; nominatim autem, *Halam* & *Hâborem*, aliasque flumen *Gozanem* (seu *Araxem*) adjacentes, eos trajecit. Qui deinde fabulosi pulveris aut palarum instar, è vaticinio Moïsis ad *quatuor celi cardines*, ac *Ventos* diffusi. Vicissim in regnum Samariticum coloniæ deductæ, improbæ, sacrilegæque nationes; progeniem Isrâeliticam, quæ *Salmanasar*is manum effugerat, colluvione sua, mixturâque corrumpebant. Edocti postea legem, cæremoniâsque Mosaicas coloni illi; in impietate tamen sua nihilo segnius pergebant: singule gentes, singula sub simulacris suis dæmonia barbarica venerantes; ut tandem nomen esset infamiæ, *Samaritam*, hoc est, partim *Moscolam*, partim *Cacodæmonum* cultorem esse.

*Samarita,
nomen in-
fame.*

*Tobias est in
gratia apud
Salmanasa-
rem.*

Sed ad *Tobiam* redeamus; qui inter alios, quos dixi Captivos, unâ cum *Anna* uxore, & *Tobia* filio anniculo, *Ninum*, in urbem regiam, abductus est. Atque ut virtus in hoste quoque probatur, & barbaros etiâ oculos ferit probitas, *Tobias* brevi apud *Salmanasarè*, eum gratiæ locû invenit, ut ob perspectam fidem & industriam rei præficeretur Oeconomicae, quod ille munus non minore integritate gessit, quàm beneficentiâ in miserorû & exulû comoda convertit. Postea verò quàm *Salmanasar*is successor *Sennacherib*us, barbara crudelitate in Isrâelitâs, maximè post acceptâ ab Angelo Percussore cladem,

VTRIVSQ. TOBIÆ VIRTVS ET FORTVNA. 455

cladem, sæviebat; passimque interfectorum cadavera in sterquilinia, viasque publicas abjecta, miserandum oculis spectaculū præbebant. Ibi cum Tobia se pietas præclare exeruit, in conqui- rendis occisorum reliquijs, & corporibus terræ mandandis. Quo nomine regi delatus, ad cædem ipse quoque deposcitur. Non repertum verò (quoniam virum hunc propter mores sanctos, tam suis, quàm exteris amabilem, ipsi quoque *Ninivita*, cum uxore, filioque parvo celabant) tyrannus domo, fortunis, ac proscri- ptione multat. nec erat alius poenæ titulus, quàm quòd impro- bissimo sub rege, pæne solus ipse, probitate contenderet super omnes eminere. Dies porro novemdecim hæ Tobia latebræ te- nuere, cum inter hæc Ninivitarum adversus regem suum orto jam pridem murmure; posteaque paullatim, ex eius in captivos innoxios crudelitate, magis ac magis increbrescente: res ad se- ditionem tandem, & è multorum conjuratione privata, publicas ad turbas spectare cœpit; eoque demum eruperunt odia, ut suis- met à filijs homo crudelis jugularetur. Redijt ad domum, & pri- stinas fortunas, ac officia charitatis Tobias, egentium & afflicto- rum portus, & commune perfugium: interemptorum verò no- bilis vespillo; quorum ipse cadavera, furtiva pietate rapiens, quæ interdiu suis in ædibus texerat, medijs de noctibus sepeliebat, non sine amicorum acri reprehensione, quòd plus curæ fusciperet in componendis mortuis, quàm in servandis vivis; Tobiam tamen nullæ vel insectationes, vel pericula à funebri officio dimovere potuerunt.

*Tobia pietas
in sepelien-
dis mortuis,
& vita di-
scrimen.*

Fortè accidit, ut eo humandi labore fatigatus, reveniret do- mum, seque ad quietem componeret, oculis, animoque, in cœ- lum prius intentis. cum ex hirundinum nido delapsæ sordes, utri- usque luminis usum abstulerunt. Orbitas illa oculorum, cujus ipse tam patiens erat, quàm studiosus sepulture, adeo rem turbavit fa- miliarem, ut ei utcumq; sustentandæ non aliud esset fulcrū, quàm textrices uxoris manus; cujus propterea, amicorumq; exprobra- tionibus aures viri patientissimi nō leviter vapulârunt. Ille tamen innotus, felicitatem suâ, tolerantia legibus metiebatur, Annū jam, quartū cum cæcitate, paupertate, ac propinquorum cavillis, im- properiisq; luctabatur, ætate (sexagesimum agebat annū) & mul- tis ærumnis confectus. Institit igitur, à Deo finem vivendi petere, ea voluntatis in divinâ transcriptione, totus ut ab illius pendere arbitrio, cujus devinctum obsequijs spiritū à prima pueritia duce- bat. Inter suprema, ut credebat, hortamenta, & præceptiones pietate plenissimas, filiū *Tobiam* comonuit de pecunia (decē erant argenti talenta; nostrate moneta, floreni Rhenani octies mille) apud *Gabelum*, contribulē, *Ragibus*, civitate *Medorum*, habitantem, de-

*Tobias exse-
catur.*

*Tobias junior
Raphael
angelum
pro duce &
comite iti-
neris nanci-
scitur.*

positâ, & juxta cautionem Syngraphæ, recipiendâ; iret igitur, & itineris adjuncto sibi sociò, fidòque duce, pergeret in *Mediam* cum chirographò, & reveheret argentum concredutum. Morigerus ad omnia filius, promptus obtemperat mandatis; nullâ interpositâ morâ in forum provolat, quærît viæ comitem ac ductorem; citò offendit in juvenem facie perquam liberali, accinctum itineri, personatum Angelum, qui se *Azariam* appellabat, cum in cœlo audiret *Raphael*. Adducitur is ad Tobiam patrem: de nomine, gente, domo, viarum noticia rogatur; cùmque se per omnia probâisset seni, spémque fecisset brevi recuperandi visus, filique salvi & incolomis reducendi; suscipitur profectio, dicitur vale parentibus, haud mediocriter ex filij discessu mœstis, matre præfertim, unicum senectutis suæ solatium ægrè à se dimittente, & fausta omnia cum marito discedentibus precante.

*Tobias ceti
capit, & e-
viscerat.*

Prima profectionis die ad *Tigrim*, fluvium delati, ubi diverso successerunt, Tobias simul fatigationem, simul pedum pulverem abstersurus, egreditur ad amnem. Hic subito aquatica bellua caput undis effert visu terribilis, serratis dentibus, oculis in summo vertice fixis, ore inter oculos hiante, *Callionymus* seu *Vranoscopus* piscis fuisse creditur. Qui dum fauces immanè diducit, jam jam invasurus juvenem, & in alvum absconfurus. Tobias insolito partim belluæ aspectu, partim periculo imminenti territus, anxius opem comitis implorat. is consternatum animat ad audendum, jubet balenam branchijs fortiter apprehensam ad ripam extrahere, sepositoque in medicinam *corde, felle, jecinore*; quod reliquum esset piscis, assare, saléque conditum in comœatum accipere. Strenuè jussa peragit Tobias, capit piscem, eviscerat, & in usus præscriptos servat, mirâ Numinis providentiâ, remedium diversis malis, ex fluviali præda parantis.

Hunc in modum cibarijs instructi, cœptum prosequuntur iter, mutuis illud sermonibus levantes, argumentum præbebat virtus variè salutaris viscerum dissesti ceti. Inter ea colloquia deveniunt *Ecbatana*, metropolin *Media*; divertunt apud *Raguel* quendam, inter alios ex Chananitide in ea loca transportatum. Excipiuntur multa humanitate, docet enim miseria succurrere miseris & Mosis lex, peregrinis benigna; fit sciscitatio de patria, de familia, de parentibus; agnoscitur filius *Tobia*, non Tribu tantum, sed sanguine quoque conjunctissimè. Itur in gratulationes, in complexus, in oscula, in lacrimas, quas *Anna* comprimis *Raguelis* uxori, & *Sara* filiæ dulces eliquit cognati, primâque specie rapientis oculos forma juvenis. Igitur properantur officia, parantur epulæ, accurantur cætera, quæ in adventu charissimorū fieri solent. Antequam discumberetur, Tobias cupidior, sponsa,

UTRIUSQ. TOBIÆ VIRTUS ET FORTUNA. 457

sponsæ, quàm cibi, quippe à comite sibi laudatæ, promissæque petit de Angeli consilio, matrimonio sibi copulari *Saram*, unicam *Raguelis*, & *Anna* filiam. Cohorruit ad eam petitionem parens, qui sciret, quò fatò septem mariti, Saræ deinceps conjuncti, tumulum in thalamo reperissent, occulta spiritûs stygij manu suffocari; quare veritus, ne idem cognato sanguini, primò flore juventæ vernanti, contingeret, distulit annuere, tacito plura gemitu, quàm voce locutus. Hic Angelus, nuptiarum conciliator, jubet timorem ponere, connubiali vinculo Tobiam & Saram securè colligare; quorum pietas & pudicitia innoxium esset redditura thalamum, hominum intemperanti libidine flagrantium interitu funestatum. Quid multis? Tanta vis orationis erat Angelicæ, ut Raguel morâ, metuque abjecto, Tobia filiaque manus & connubium jungeret, solennisque formula sponsis cœlestes favores apprecaretur. Scribuntur connubiales tabulæ, dos despondetur, sponsalia dantur, nuptiæ geniali convivio celebrantur.

Tobias uxorem ducit.

A sponsis in thalamum ubi secessum est, Tobias memor morati, quod ab itineris comite acceperat, partem jecoris de pisce exenterato prunis imponit; &, quod mirum, fumo, nidoreque, utique arcaniorem è cœlo vim trahente, libidinum incitorem cacodæmonem, *Asmodæum* nomine, fugatum in Ægypti deserta aspellit, ubi religatus à Raphaële, tenetur, necubi fædæ scintillas flammæ diffare queat. Novi verò conjuges precibus ac votis intenti, auspiciò jugalis consortij à pietate ductò, trinoctiò abstinent usu genialis thori; multum inter hæc sollicitò socerò, merumque jam positum revocante curâ, nequid tristius accidat genero. Effossum igitur sepulchrum, & libitinarij parati. Sed periculum stetit intra sollicitudinem; noctis innocentiam diluculum ostendit; nihil potuit Orcus in tam castè amantes. Quare geminantur gratulationes inter parentes, amicos & vicinos, epularumque hilaritates in plures dies sequentes producuntur.

Asmodæus cacodæmon fugatur.

Quæ dum fiunt, Raphaël rogatu Tobia, pergit iter ad Gabælum, Ragibus Medorum, ut diximus, habitantem. Abeo recipit crediram pecunia, ipsùmque Gabælum ad nuptialem celebratam summa omnium cum lætitia adducit. Diebus peractis genialibus, institit Tobias discessum à socero exorare; qui traditâ genero filiâ, pijs monitis sapienter institutâ, ambos denique cum dimidia fortunarû parte (altera dimidia hæredes post fata parentum manebat) faustaque cum prece, & multâ familiâ, impedimentisque dimittit.

Pecunia à Gabelo recipitur.

Raguel filiâ cum amplâ dote dimittit.

Parentes interea Tobie, absentia filij, moras peregrè trahentis gra visollicitudine, mœrore, luctu afficiebat; matrè præcipuè, quæ

Tobias ingenti cum gaudio domum reuenit.

Tobias senior visum recipit.

Angeli oratio ad Tobias.

Gaudium et gratiarum actio ob accepta per Angelum beneficia.

multis infusa lacrimis, dies computabat & horas, redituro filio præstitutas; quæ cum sefellissent, mors videbatur, quidquid temporis sine Tobia suo viveret. Ille verò cum amplo comitatu jam pervenerat ad urbem *Charan*, medio spatio inter *Ecbatana* & *Niniven* interjectam. Ibi cœlestis genius auctor est Tobia, iter ut ipsi duo accelerent; lentiore dum pede, familia sequatur. Intra triduum deferuntur *Niniven*, præcurrente & caudam blandè agitante cane, quod divinus Scriptor non omisit meminisse. Adventantes conspicata de supercilio montis (unde quotidie speculari solebat) grandæva genitrix, nihil habuit prius, quam ut gressus properaret aniles, ad maritum lætò nuntiò exhilarandum. qui & ipse, ducente puero, quâ poterat festinatione, tardos impellere pedes, obviàm cum uxore se ferre filio, venientis collum brachijs invadere, dissuaviari, gaudiorum lacrimis rigare. Mox laudes DEO, & gratias dicere; felicemque animæ suæ dimidio, reditum magis affectibus, quam verbis gratulari. Expletis primæ salutationis officijs, confidetur; & quia salus parentis, ante omnia curæ & cordi erat juniori Tobia, omisis alijs, promittit è pera collyrium, sel pisci exemptum, eoque linit patrios oculos. Et ecce! dimidiæ post horæ spatio, albugo superfusa, in modum membranulæ abstergi, caligo discuti, dies cæco reduci, visus integer restitui, incredibile dictu, quanta omnium cum læticia & congratulatione. Septiduo post accessit in gaudij cumulum adventus Saræ, cum lauto utriusque; sexus famulatio, magnâque auri, argenti, supellectilis, jumentorum, pecorumque copia. Inde Tobias uterque ad curas remunerandi viæ ducis conversi, deliberant, de præmio tantæ fidei rependendo. placuit dimidiam offerre partem omnium, quæ advecta erant ex Media. At ille gratias DEO comprimis, cunctorum Largitori bonorum habendas docet; tum memorat, quò loco sint apud Superos rectè factorum promerita, à Tobia frequentata, cœlique ærario, sua manu illata: commendat *jejunij* & *elemosynæ*, cum oratione conjunctionem: addit de necessitate virtutis per ardua & difficilia periclitandæ, cuius illustrissima documeta ipse cæcus dedisset; denique nomen suum edisserit, & dignitatem inter septem Angelorum proceres. Quæ narrationis tam insperatæ novitas cum piam oppidò turbasset familiã, procumbunt in facie tremebundi omnes; quos Genius comiter erigens, iteratò monet, de gratijs, laudibusque Numini persolvendis, ejusque mirandis operibus evulgandis; simulque se in astra, unde venerat, recepit. Illi tres ipsas horas humistrati, DEUM præconijs amplissimis efferunt, agendisque gratijs concelebrant. In pedes ubi se retulerunt, divinorum famam

VTRIUSQ. TOBIÆ VIRTVSET FORTVNA. 459

famam & memoriam beneficiorum passim spargunt, eamque ad posteris etiam seculis propagandam, litterarum monumentis consignant. Ætas porro, ne quid ad felicitatem deesset, in multos annos, cum constanti pietate, prolongata, seniore Tobiam, ad annum centesimum secundum; Juniorem ad nonagesimum nonum, & generationem quintam vivendo, perduxit. Nimirum virtutis præmium, proluxior vita. Salomonis dictum est, Prov. 10. *Timor Domini apponet dies, & anni impiorum breviantur.* De Tobia filio Sacra historia, Tob. 14. *completis annis nonaginta novem in timore Domini,* abijt ad piorum sedes; ubi jam antegenerator in sinu Abrahæ quiescebat. Fuit belluæ marinæ domitor, cacodæmonis profligator, Angeli discipulus, socius, herus: patris medicus, paternæ virtutis heres, exemplum, in longa secula profeminator. Parens verò inter impios pius, inter hostes amicus, inter aulicos modestus, inter funera officiosus, suæ vitæ contemptor, alienæ mortis honorator, inter pericula intrepidus, inter insectationes placidus, inter ærumnas constans, in adversis felix, in paupertate dives, in cæcitate perspicax, in varia fortuna immutabilis, omnia bona reliquit filio, dum ei prius factis, deinde verbis, *Timoris DEI* præcepta, & Angelum præceptorem dedit.

DOCTRINA.

Tobiæ utriusque historia tota, quid est aliud, quam præclara ad omnem virtutem institutio? Hinc meritò vocatur à quodam libellus verè aureus, haud secus ediscendus à pueris, quàm decalogus, & in imo pectoris diligentissimè condendus; in quo nihil nisi mera pietatis semina, imò flores & fructus inveniuntur. Inter historias, ait alius, primum tener locum liber Tobiae; nam & exemplis vivis omnia, & salutaribus præceptis demonstrat. Nos pro more nostro, de multis, aliqua libabimus.

Quem (filium Tobiam pater) *ab infantia timere DEVM docuit, & abstinere ab omni peccato.* lib. Tob. c. 1. Quod germinibus, idem sanguini evenit, bonæ stirpes bonos fructus progignunt. Vita parentum, est disciplina liberorum. Tobias genitor cum esset junior omnibus in tribus Nephtalim, nihil tamen puerile gessit in opere, teste S. Scriptura, Tob. 1. Quid mirum igitur, filium quoque, vestigia paterna sequentem, timorem DEI, & innocentiam vitæ in primis curis habuisse? Plurimum sanè refert, quod etiam alibi inculcamus, *Quamvis* quid ætati imbecilli, tanquam chartæ puræ inscribatur, quàm *in primæ educatione* que in partem arbuscula tenera flectantur. Lycurgus Spartiarum Legislator, quod Plutarchus memorat, in geminis *suum sp.* catulis

catulis, altero ad ollam, altero ad venatū educato, ostendit, quā ingens momentum sit consuetudo & disciplina. Ieremias cap. 7. conqueritur: *Filij colligunt ligna, & patres succendunt ignem.* Certum est, non naturā, sed disciplinā, ut Clemens Alexandrinus docet, viros bonos & honestos fieri. Quoties educatio corripit, quod naturæ defuit! Ingenium excellens, disciplinā non excultum, plerumque declinat ad deteriora; sicut terra ipsa, quod melior est naturā, eō magis corrumpitur, si negligatur, ait Plutarchus.

*Timoris
DEI fru-
ctus.*

Extimore DEI, omnis felicitas utrique Tobiae profluxit. *Radix Sapientie*, ait Siracides Eccli. c. 1. *timere DEVM, & rami ejus longevi.* Virtutem pariter & progeniem ad feros posteros extenderunt Tobiae. De eodem Numinis timore, quem perpetuū cum Sapientia conjungit, aut ipsam sapientiam vocat Salomon, est ejusdem pronuntiatum Prov. c. 3. *Longitudo dierum in dextra ejus, & in sinistra ejus divitiæ & gloria.* Unde tot bonis affluerunt Tobiae, nisi quia timorem DEI ingenuum intimis pectoribus infixū habebant. Hic fuit eis magister virtutis, custos innocentiae, dux vitae, in utraque fortuna praesidium, & quādam quasi bonorum Cornucopia.

Hic, eos ex hoc mortalitatis stadio, post cursum inoffenso pede peractum, eduxit ad felicitatis metam. *Timenti Dominum*, ait Ecclesiasticus c. 1. *benè erit in extremis, & in die defunctionis benedicetur.* An non benedicti Tobiae, Tobaeque posteritas, de qua Historia Sacra, Tob. c. 14, *omnis autem cognatio ejus, & omnis generatio ejus in bona vita, & in sancta conversatione permansit, ita ut accepti essent tam DEO, quā hominibus, & cunctis habitantibus in terra.* An quidquam gloriosius dici, scribique potest de ulla familia in terris clara?

*Aequitas a-
nimi in re-
bus adver-
sis.*

Non est contristatus (Tobias Senior) *contra DEVM, quod plaga cecitatis ceciderit ei. Sed immobilis in DEI timore permansit, agens gratias DEO, omnibus diebus vitae suae.* Tob. c. 1. Paucis verbis, laudum Panegyricus Tobiae contextus. Tobiam cecitas, paupertas, aliaeque ærumnae graviter uulnerunt, immobilis tamen in timore & obsequio DEI permansit. Hic locum habet illud Horatii: Justum & tenacem propositi virum, non civium (imò domesticorum & propinquorum) ardor prava jubentium; non vultus instantis Tyranni (Sennacheribi) nec fulminantis magnæ Iovis manus (Numinis calamitates immittentis) mente quatit solida. Rupem dixisses inter circumsonantes miseriarum fluctus immotam. *Agens gratias, DEO, Nihil, inquit Chrysostomus hâc linguâ sanctius est, quæ in rebus adversis, gratias agit.* Sic David ad regem Achis exul, & pænè malis simul omnibus oppressus: *Benedicam inquit, Dominum in omnitempore.* psal. 33. Sic Iobus jam omni pecore abactō, inter tot liberorum funera, ulceribus scatens, inter vermium agmina, ad fimetum veluti cadaver elatus, canit tamen & gratias agit:

VTRIUSQ. TOBIÆ VIRTVS ET FORTVNA. 461

agit: *Sit nomen Domini benedictum.* Sic Hebræi iuvenes in flammis Baby-
lonicis, velut in æstiva pergula canunt; *Benedictus es in throno regni
tui, & super exaltatus in secula.* Daniel 3. *Joannes Avila* peritissimus in-
terioris hominis magister, dicere solebat: Plus valet in ærum-
nis, & doloribus unum *DEO gratias*, quàm sex millia in rebus
prosperis, & bona valetudine. Nam *DEO gratias* agere, *inquit*,
tempore consolationis, est omnium: atqui tempore calamita-
tis, propriè proborum. Qui enim tunc solum gratias agit, cum
ei quis beneficium tribuit, is debitum reddit: qui verò gratias
agit, cum quis eum affligit, is debitum acquirit. Hæc altitudo
mentis unde consurgit, nisi ex intima voluntatis humanæ cum di-
vina conjunctione? Egregiè *Hieronymus*, ad *Paulam de obitu Blasilla*.
„ Bonus est DEUS, *inquit*, & omnia, quæ bonus facit, bona sint
„ necesse est.

Sed cur DEUS Tobiam virum integerrimum tot malis con-
flictari vel voluit, vel passus est? Hæc quæstio non Tobiam modò
attinet, sed homines omnino omnes, quorum virtus rebus du-
ris & asperis exercetur. Hujus rei causas aliquot enumeremus.
1. Ut illustri virtus & patientia Tobiae singularis se DEO dignam
præberet, & luctando inter adversa cresceret. 2. Ut eadem virtus
alijs quoque innotesceret. Eruditè canit Poëta.

Quæ latet, inque bonis cessat non cognita rebus,

Apparet virtus, arguiturque malis. *Ovid. 4. Trist.*

3. Ut eminentissimam Tobiae virtutem, non solum alij scirent, sed
& imitarentur, velut ideam actionum illustrium. Hanc assignans
causam sacer Historicus; *Ut, inquit, posteris daretur exemplum patien-
tia ipsius.* Tob. c. 2. 4. Ut probaretur Tobiae virtus, & ejus apud
DEUM promerita plurimum augecerent. Id indicavit Raphaël
Angelus c. 12. *Quia acceptus eras DEO, necesse fuit, ut tentatio probaret
te.* 5. Desiderium ac sitis DEI in promovenda salute nostra. Quod
„ expendens *Ambrosius*; *Quanta est, inquit*, circa nos DEI nostri sol-
„ licitudo! illos examinat, ut nos erudiat; illos conterit, ut nos
„ acquirat; eorum cruciatus, nostros vult esse profectus. 6. Ut
virtutis studiosi non nimis altè sapiant, & sese plus æquò extol-
lant, aut ab alijs extollantur, DEUS illis præcidit alas, opes subdu-
cit, valetudinem affligit, obrectatores & adversarios non reprimi-
t, in communes cum alijs miseras deijcit. 7. Ut immensa
DEI potentia hinc effulgeat, quæ suis animum, vires, tolerantiam
suppeditat, & demum à periculis, & malis universis liberat. 8. Ut
mundus tam turbulentus, ut præsens vita tam amara despere in-
cipiant: atque ut hoc vitæ tædium cogitationes crebras & san-
ctas de habitu ad meliorem vitam, de beatitudine, de paradisi gau-
dij inflammet. 9. Ut ij, qui plura & graviora patiuntur,

Nnn

documento

documento & solatio sint cæteris, ne in rebus acerbis à DEO recedant. 10. Ut afflictiones & ærumnæ velut piaculares flamme, commissas noxas aboleant & extinguant. Deus enim cùm solvendo nō simus, suæ justitiæ satisfaci de nostro tergo, idq; ex gratia. Melius est hic uri & secari, ut in æternū parcat. Exemplo sunt purpuratus Epulo, & Lazarus. Ad rerum adversarum tolerantiam, „ egregie animans *Seneca lib. de Provid.* Quare, inquit, viri boni quædam dura patiuntur? Ut etiam alios pati doceant, nati sunt in exemplar. Puta itaque DEUM dicere: Quid habetis, quod de me queri possitis vos, quibus recta placuerunt? Alijs bona falsa, circumdedi, & animos inanes, velut longo, fallacique somnio, lusi, auro illos, argento, & ebore ornavi. intus boni nihil est, Vobis dedi bona certa, mansura. Permissi vobis, metuenda, contemnere, cupienda fastidire. non fulgetis extrinsecus: bona vestra introrsus obversa sunt. Sed Tobie DEUS non interiora tantum bona, sed exteriora quoque in calamitatum mercedem rependit. In exilio Tobias longè felicior fuit, quàm in patria; DEUS illum periculis plurimis subduxit, & eas concessit facultates, quibus familiam honestissimè aluit, insuper & egenos juvit. Macello destinatus & lanienæ à Sennacheribo Rege, incolumis evasit, Angelum negotiorum suorum curatorem habuit, à Gabelo pecuniam mutuò datā recepit, optatissimū sibi matrimōnium vidit, visum perditum recepit, ætatem longissimam vixit. *Sic DEUS fecit cum tentatione proventum.* 1. Cor. 10.

Audi fili mi, verba oris mei, & ea in corde tuo, quasi fundamentum construe. Tob. c. 4. Moriturus opinione sua Tobias (longius enim multò provixit,) ultima mandata, præceptaque filio dabat, quæ non possum non hic apponere tanquam ideam & prototypon vitæ Christianæ. Primò docuit illum, qui se gereret erga Deum; deinde, qui erga homines; tertio, qui erga seipsum. Officium erga Deum ternas præceptiones complectitur. *Prima est Religio & Pietas: Omnibus diebus vita tua, in mente habeto DEUM.* Quibus verbis filio assiduam divinæ præsentiae venerationem commendavit. Altera est, Laudatio DEI continuā: *Omni tempore benedic DEUM, & pete ab eo, ut vias tuas dirigat, & omnia consilia tua in ipso permaneant.* Tertia est, Aversio ab omni peccato perpetua: *Cave, ne aliquando peccato consentias, & prætermittas præcepta DEI nostri.*

Officium erga homines, quod in charitate potissimū & justitia consistit, præceptionibus senis comprehenditur. *Prima est erga Parentes: Honorem habebis matri tuae omnibus diebus vita eius.* Secunda, erga pauperes: *Ex substantia tua fac elemosinam: Quomodo poteris, ita esto misericors.* Ubi etiam docet, quibus, quomodo, ex qua crumena, quo fructu sit largiendū. *Tertia, erga mercenarios: Quicumque*

*Præceptio-
nes à senio-
re Tobia, ju-
niore data.*

tibi

UTRIUSQ. TOBIÆ VIRTUS ET FORTUNA. 463

tibi aliquid operatus fuerit, statim ei mercedem restitue. Quarta, erga consiliarios : Consilium semper à sapiente perquire. Quinta, erga defunctos : Panem tuum, & vinum tuum, super sepulturam iusti constituere (id est, epulas seu sportulam pauperibus eroga, ut ad preces pro mortuis fundendas moveantur) Sexta erga quoscunque alios : Quod ab alio oderis fieri tibi, vide, ne tu aliquando alteri facias. En sapientissimum Charitatis & Justitiæ breviarium.

Officium erga se ipsum, est victoria sui, & decórum, quod præceptionibus tribus continetur. Prima est, Submissio & Modestia : Superbiam nunquam in tuo sensu, aut in tuo verbo dominari permittas. Secunda, Omnis lasciviæ & adulterij fuga : Attende tibi, fili mi, ab omni fornicatione, & præter uxorem tuam nunquam patiaris crimen scire. Tertia, paupertatis & aliarum ærumnarum tolerantia : Noli timere, fili mi, pauperem quidem vitam gerimus, sed multa habebimus, si timuerimus DEUM. Atque hoc est vitæ secundum virtutis normam exigendæ compendium.

Tunc egressus Tobias, invenit juvenem splendidum, stantem præcinctum, Angelorum & quasi paratum ad ambulandum. Tob. 5. Raphaël is erat Angelus, in hominē officia. vestitu viatorio, & nomine Anania personatus ; in quo, velut in imaginē subijciuntur oculis præcipua Angelorum in hominem officia. Duxit is Tobiam juniorem, & reduxit ad parentes. Stat juvenis iste, Angelus, à primo uniuscuiusq; ortu præcinctus, & paratus ad ambulandum, iter monstraturus ad cælum, patriam nostram. suam nobis tutelam & fidem obligat. In rebus adversis perpetuum solatij rorem instillat. Cacodæmonis technas detegit ; ab eius insultu defendit ; ut fratres nos amat, ut dominis servit. In periculis protegit : In rebus dubijs illustrat : Ad opera pietatis instigat, & ad omnimodas virtutes inducit ; Preces in cælum desert. Omni bonorum genere cumulat : Denique in mortis lustrâ tuetur.

Dæmonium, nomine Asmodeus occiderat eos (septem Saræ maritos) mox ut ingressi fuissent ad eam. Tob. 3. Causam occisionis dat Angelus cap. 6. Hinc namque, qui conjugium ita suscipiunt, ut Deum à se, & à sua mente excludant, & sua libidini ita vacent, sicut equus & mulus, quibus non est intellectus, habet potestatem dæmonium super eos. Asmodeus, quasi perditor & vastator truculentissimus dicitur ab Hebraico Schamad, id est, perdere & vastare ; Rex geniorum, qui ad libidinem, & corporis voluptates, hominum genus inflammant. In hujus Tyranni ditione sunt incestus, adulteria, stupra, concubinatus, verborum obscœnitates, impuræ tactiones, sordidæ cogitationes, profubula, & quidquid fuliginosis illis voluptatum gurgustijs oblectū. Ad hunc Veneres omnes, earumq; ministri, & instrumenta spectant, lenones, perductores, philtrea, carmina,

Asmodeus
incensor li-
bidinis.

theatra, & quidquid flagitiosos amores incendere confuevit. Innumeros habet satellites, qui incredibili quadam celeritate totum terrarum orbem pervolant, ad eumque de flagitijs omnibus referunt. Ex spurcis hisce spiritibus fuit importunissimus ille, qui purissimam adolescentis Antonijeremitæ mentem cogitationibus polluere, frustra studuit, adeo, ut tandem coram eo, qualis est meritò, talis appareret & vultu, puer horridus & niger. (bellus scilicet matris Veneris pufio, toties in fabulis & historijs decantatus) Qui, ut refert *S. Athanasius in vita S. Antonij*, ad Antonij se genua provolvens, humana voce flebat, dicens: Multos „ seduxi, plurimos decepi: nunc autem ut à ceteris Sanctis, ita „ & tuo sum labore superatus. Quem cum interrogaret Antonius, quisnam esset, qui talia loqueretur, ait: Ego sum fornicationis amicus, ego multimoda adversum omnes adolescentes, turpitudinis arma suscepi, hinc & spiritus fornicationis vocor. Quantos pudicè vivere disponentes fefelli? quot tenuiter „ incipientes, ad fordes pristinas redire persuasi? Ego sum, propter quem propheta lapsos increpat, dicens: Spiritu fornicationis seducti estis: & reverà per me illi fuerunt supplantati. Ego sum, qui te ipsum sæpe tentavi, & semper repulsus sum. Confessio vera ex ore mendaci.

*Conjugalis
castitas.*

Occisi sunt septem illi Saræ mariti propter effrenatam libidinem, quæ instar equi & muli adhinniebant uxori. Rectè *S. Fulgentius episc. l. c. 3.* Conjugalis potestatis inculpabilis est usus, officio gignendi divinitus attributus, si justitiæ terminum transgredi, libidinosus non permittatur excessus. Et *Clement Stromate. 2.* Matrimonium propter liberos, non propter voluptatem esse debet. Ideoque *Menander* ad Seminandos, *aietas*, liberos, tibi meam trado filiam. Sapienterque *lib. 6. de legibus Plato.* Oportet parentres gignere, & educare liberos; qui vitam tanquam lampadem posteris tradant, ut sint semper aliqui DEUM colentes juxta ipsius legem: Et *Xylus* Pythagoricus Philosophus: Adulter inquit, est in suam uxore, omnis impudicus amator ardentior; quia „ solâ quærit voluptatem, non prolem. Unde *S. Francisci* discipulus *Egydius* uxorato cuidam de castitate conjugali, & fide thori, „ glorianti: Vide, *ait*, quem te laudes, potest enim quis inebriari viño, quod ex propria cella & dolio venit. Propterea monitum est. Apostoli ad Heb. 10. *Honorabile conjugium (sit), & sibi sibi immaculatus.*

NARRATIO

MANAS. RESIPIS. AMON MALE PERIENS. 465

NARRATIO XCV. MANASSES RESI- PISCENS. AMON EIUS FILIUS, MALE PERIENS.

4. Reg. 21. lib. 2. Paral. 33.

Ab anno Mundi 3338. ante Christum 715. ad annum Mundi
3393. ante Christum. 660.



Chazû in *Manasse* sanguis, qui per *Ezechiâ* fuerat defæcatus, in eo rurius se per fæces agere, & ebullire supra modum, visus est. Successit in regno Judæe laudatissimo Principi, sceleratissimus filius; cuius vita quid aliud erat, quàm vitia? Fuit is (utin compendium scelera contraham) simulacrorum instaurator, Deorum fictilium adorator; religionis publicæ corruptor; prophetarum interfector; somniorum observator; auguriorum sectator; maleficarum artium discipulus simul ac magister, tyrannus & homicida, si quis alius usquam gentium ac terrarum, cuius gladius Jerosolimam cætorum innocentium cruore replevit. Denique quæ cæteri regum ad id usque temporis singuli deliquerunt, hæc omnia *Manasses* patravit, genitoris per omnia antithesis, hoc unò patris speculum, quòd eius imaginem reddidit è contrario. Nam *Ezechiâ* initio statim regni sui, quidquid in cultu divino violatum erat, summa religione reparavit; *Manasses*, quæ parens circa pietatem stabiliverat, contumeliose pessunderat. Ille errorù tenebris involutos ad veram religionis lucem perduxit; iste pietatis avitæ cultores ad impietatem pertraxit. Ille nefanda simulacra è Templo sustulit, iste in Templum intulit. Ille lucos sacrilegos excidit; iste instauravit, & restituit. Ille DEI Sacerdotes & levitas accivit in ministeria Templi; iste proferpsit, eorùque locò idolorum sacrificulos subrogavit. Ille ariolos & magos regno eliminavit; iste sibi eos inter familiares & domesticos afcivit. Ille DEI prophetâ *Isaiâ*, reliquosque Vates, tanquàm Numinis interpretes & arcanorù conscios, ac prodigiorù effectores maxima veneratione profectus est; hic, inter alios viros DEO sacratos, *Isaiâ*, multa canitie veneradû, sanguine proximû, triù institutorè regû, sapientia, sanctitate, eloquio, supra humanû omne cõstitutû, plagis antè malè mulctatû, deinde acerbissimo cruciatûs

*Antithesis
inter Eze-
chiâ &
Manassè.*

Nnn 3

genere

genere necavit, medium crudeli ferra diffectum. Ille prolem masculam calentibus à DEO precibus & lacrimis impetravit; hic filium execrabili ritu, lustratum igne, malis dæmonibus consecravit. Ille DEUM per Prophetas, Sacerdotesque consuluit; iste spiritus orcos incantationibus, & maleficis artibus sollicitavit. Ille famulantem sibi habuit solem, & cum sole sidera universa, omnium Creatore DEO, desiderijs ipsius obsecundante; iste in contumeliam Conditoris solem & lunam, cæteraque sidera (quæ Sacra Pagina *cæli militiam* vocat) honore divinitatis affecit. Ille nocentibus, & scelerum reis, DEUM supplicationibus conciliavit; iste innocentum sanguine Solymæam urbem inundavit. Ille divinitus de hoste potentissimo victoriam, sine sanguine & sudore obtinuit; iste ulciscente Numine, in hostium potestatem redactus, catenis servilem in modum vinctus, in carcerem Babylonicum abreptus est. Adeo caput impium prius patrem; deinde hominem exiit, & suis ut libidinibus terrorem sociaret, proborum omnium hostis in DEUM ipsum, omnibus scelerum machinis pugnavit.

*Unde corruptelam
addimus,*

Duodecimerat annorum, cum regnum adiit, mox aulicorum falsis obsequijs in fraudem inductus, idolomania habenas permisit infelix puer. Causa corruptionis, orbitas; aberat paterni jus imperij: aderat summa agendorum licentia, & actorum impunitas. Accessit juvenum leve, & solutis moribus contubernium. Illi fuere venti, qui tam sævum mare continuis flatibus concivere. Repressa castis Ezechiae censuris, audacia erupit; nihil non movere isti: nihil ille detrectare, nulli flagitio parcere. Non defuere grandes, & vitæ contemptores animi, qui furenti obstitissent, sed omnes, quos potuit, inaudita sevitia trucidavit.

*Manasses à
Babylonijs
captivus
abducitur.*

Iratum tot sceleribus Numen, vindex adstitit pede non lento. Nam vix septennium exegerat in regno, cum *Babylonijs*, aperta jam per Achazem januâ, crebris in Palæstinam excursionibus volitantes, Manassem sanguini & saginæ immersum, abjectis regni curis improvidum, & fœcundum cepere. Direpto regno, vinctum catenis atque compedibus, cum flore nobilitatis Regem ipsum Babylonem asportant, & carceri mancipant, sceleribus jam antè constrictum. Felix ei fuit calamitas. Ubi libertatem amisit, mentem recepit: inter custodiæ tenebras, lux ei divinorum oborta, vidit, quæ patravit; acerrimo dolore cordis infractus ingemuit, preces & suspiria ad Dominatorem Regum convertit, detersit squalore peccatorum sordes, lavit fletu crimina, abluvit manus tot innocentum cædè cruentatas; exosculatur vincula, scelerum suorum pœnas; perditus & pernox tundit pectora, rumpit suspiria, se detestabilem æterno Vindici accusat, lamentabili voce misericordiam cæli inclamat.

*In carcere
redit ad
mentem.*

O inexplica

MANAS. RESIPIS. AMON MALE PERIENS. 467

O inexplicabilem Numinis clementiam ! Is, qui flagitiorum teterrimorum enormitate diras omnes in caput provocârat, qui mille fulminum jactibus obnoxium se reddiderat, auditur à DEO. imittitur *Merodacho*, (seu Nabuchodonosori) qui miserum habebat in vinculis, cogitatio de fortuna Regum, & rerum humanarum vicissitudine; jubet exsolvi captivum, & exceptum comiter ac magnificè, remittit in patriam, eo ipso tempore, quò Ducem suum *Holofernem* immenso cum exercitu universis immisit gentibus, terrarum orbem imperio suo subjugaturum, non advertens, Manassén, si regno suo fuerit restitutus, consilijs suis in Iudæa remoram injecturum. Sed nimirum haud temere humana volvuntur negotia, DEO barbari regis animum ad destinatos à se fines vertente. Manasses in libertatem asseritur, in solio suo reponitur, novis felicitatibus mastratur; adèd vincebant scelerum atrocitatem pœnitescentes lacrimæ. Cæso, cum exercitu, *Holoferne*, reflorescit res Judaica; Manasses alius à se ipso, pristinae fortunæ redditur, particeps fit triumphalium patriæ plausuum. Ad victoriæ plenitudinem ne quid deesset, seipsum debellare aggressus, ædificat, quæ nuper destruxerat; destruit, quæ nuper ædificârat, lucos exscindit, idola exterminat, aras nefarias evertit, DEI cultum instaurat, sacrificia frequentat, malè facta benè factis emendat; verbo, de impio se pium, de sanguinario mitem, de sacrilego sanctum præstat; & qui nuper impietatis vexillum publicè sustulerat, nunc omnes antesignanus ad virtutis exempla præcedit. Itaque recuperatò regnò, felix, pius, potens, ætate proventus, (nam annum agebat septimum supra sexagesimum) denique decessit vitâ, reductus in spem felicitatis æternæ, qui tam multis, & verbis, & exemplis aditum ad perpetuas calamitates patefecit. Accessit honor sepulchri; nam in mausolæo, ab ipso met magnificè excitato, conditus est. Neque tamen post factam culpæ gratiam, vindex DEI manus pœnam removet, quam à Manassis posteris per Nabuchodonosorem exigere perseveravit. Quæ postea namque Judæam pessum dedere mala, Manassis omnia sceleribus (etsi ab auctore suo desieris) originem debuerè suam, implacabilem se præbente posterorum fortunis DEO, propter inextinctam in illius memoria Regis unius, plus quam carnificis, immanitatem.

Post eum *Amon* filius, annoqum imperij paterni (quingenta quinque) flagitia cuncta, per compendium pravitatis, in unicum biennij sui, quò regnavit, curriculum ita congeffit: ut nequitia non modò par, sed planè superior evadens; consummatus in brevi (nec enim ultra vicefigitiosissimum quartum progressus est annum) expleris improbitatis multa mun.

tempora

*Mira DEI
dispositione
rex Babylo-
nia Manas-
sem liberta-
ti restituit.*

*Manassis
felicitas &
probitas.*

*Manassis
scelerum
pena in o-
mnem po-
steritatem
redundat.*

*Amonis bi-
ennale im-
perium fla-
gitiosissi-
mum.*

tempora : pœnitentiæ verò, nec horam, aut momentum. Ita non refert, nec ad bonitatis, nec ad malitiæ summam ; quamdiu male quis, sed quantum, quàmque vehementer agat. Oppressus est autem à suis domestico scelere, DEO celeriter eius sceleribus finem, & aditum secuturi regis pietati faciente. In interfectores animadvertit populus ; ipsum in paternum monumentum intulit, & regnum eius filio *Josæ* tradidit, octo tum annorum puero. Posslet Improbilas sibi ex Manassis salute felicitatem promittere, nisi in Amone filio documentum acciperet, unius gratiâ, multorum spes in ruinam trahi.

DOCTRINA.

Fit pœnitentia.

Qui (Manassès) postquam coangustatus est, oravit Dominum DEUM suum : & egit pœnitentiam valde coram DEO patrum suorum. 2. Paral. 33. Porci (ut aiunt) nunquam cœlum aspiciunt, nisi supinè prostrati ; nec Manassès de divinis cogitavit, antequam ferro victus esset, & in carceris profundum abiectus, Quædâm arbores adeò tenaces sunt fructuum suorum, ut non facile quidquam dent, nisi percussæ. Eius generis sunt nuces, amygdalæ, quercus, nihil impetrabis, nisi fustibus in eos pugnaveris. Ita DEUS Manassèn excussit, ut saperet ictus, & pœnitentiæ redderet fructus. Potuit dicere, quod David olim. *Bonum mihi Domine, quia humiliasti me.* psal. 118. Misericordiæ divinæ grande paradigma Manassès est, caput impium, & adeò sceleratum, omnes ut antecessores atrocitate flagitiorum superârit ; sed dolentes lacrimæ non vincula tantum corporis, verum animi quoque rupe-
runt. Flendo *dissolvit colligationes impietatis.* Is. 51. Pœnitentia commissorum magna res, & in Regibus stupenda. Totante Manassèm Iudæ reges flagitiis & sceleribus contaminati, ubi unus, excepto Davide, peccata deflevit ? ubi habitum mutavit ? ubi se jejunijs & corporis afflictationibus maceravit ? Achabus quod fecit, plus timoris servilis, quàm animi seriò crimina detestantis fuit. Et illa ipsa dolentis species quàm citò evanuit ! Postrema
„ fuerunt deteriora prioribus. Atqui, juxta *D. Gregoriū* Pœnitentia
„ est, perpetrata peccata plangere, & plangenda non committe-
„ re. Magnas illa vires habet ; gladium divinæ Vindictæ extor-
quet, & majestatis terrorem, in patris amorem convertit. Egre-
„ giè *Cyprianus de laude panis* : O pœnitentia, quid de te non referat ?
„ Omnia ligata tu solvis, omnia clausa tu referas, omnia adver-
„ sa tu mitigas, omnia contrita tu sanas, omnia confusa tu luci-
„ das, omnia desperata tu animas. *Et Bernard. super Cant.* Lacrimæ
„ pœnitentium sunt vinum Angelorum. O beatum lacrimarū
pluviam,

MANAS. RESIPIS. AMON MALE PERIENS. 469

pluviam, (ait D. Ambrosius) uberrimam gloriæ segetem, proferentem. Et Tertullianus lib. de pœnis. Lætantur (inquit) Angeli pœnitentiâ hominis Luc. 15. Heus tu peccator, bono sis animo; vides, ubi de te gaudeatur. Dolet peccator, cœlum gaudet; lacrimatur peccator, cœlum exhilaratur; pœnitentiam agit peccator in terra: gaudium magnum est in cœlo.

Et ô immensam Numinis misericordiam, tam detestabili reo, tot annis parcentis non modo, sed etiam, tam immanium scelerum condonationem impertientis. Verissimè Psaltes psal. 50. *Contritum, & humiliatum DEUS non despicies.* Testis est Ezechiel cap. 33. qui clementiæ DEI constitutus est internuntius hisce verbis. *Dic ad eos: Vivite ego, dicit Dominus DEVS: nolo mortem impij, sed ut convertatur impius à via sua, & vivat.* Et ibid. *Impietas impij non nocebit ei, in quacunque die conversus fuerit ab impietate sua.* Basilus ait: Peccata & numero, & magnitudine possunt definiri; miserationes autem DEI, neque numero, neque magnitudine possunt circumscribi. Extollens DEI misericordiam Siracides Eccl. 2. *Secundùm, inquit, magnitudinem ipsius (DEI), sic & misericordia illius cum ipso est.* c. 2. Tanta nimirum est mensura misericordiæ divinæ, quanta majestatis. Et quamvis Justitia, Sapientia, Potentia, cæteraque DEI attributa sint cum DEO; Misericordia tamen, in intimis DEI visceribus inhærerè videtur, unde Zacharias Ioannis Baptistæ parens, *per viscera misericordia DEI nostri*, hoc est, ex infinita misericordia Solém illum æternum, Christum Jesum, Messiam, mundo exortum esse dicit, Luc. 1. Iterum Ecclesiasticus, c. 17. *Quàm magna misericordia Domini, & propitiatio illius convertentibus ad se!* Alia versio habet: *Quàm ingens est misericordia DEI nostri, quàmque obvia sanctis conversis ad eum, ipsius placabilitas!* Vis scire, quanta sit misericordia hæc: Metire primò, quanta sint inferorum tormenta; horum enim mensura, est mensura misericordiæ DEI; hæc enim illis peccatorem liberat. Metire deinde vilitatem & miseras hominis peccantis: has enim omnes absorbet misericordia DEI, sicut mare guttas pluviae. Unde abyssus miseriæ nostræ, invocat abyssum misericordiæ divinæ. Metire tertio multitudinem & enormitatem peccatorum omnium: hæc enim cuncta in imensum transcendit DEI misericordia, condonat, & abolet quoad culpâ & offensâ; nec raro quoad pœnam quoq; , aut aliquâ certè partem pœnæ. Verè ergo *super exaltat misericordia iudicium.* Iacobi 2. *& miserationes eius super omnia opera ejus.* psal. 144. Huc facit illud Sap. 11. *Parens autem omnibus, quoniam tuam sunt, Domine, qui amas animas;* juxta Græcū textum. O amator animarum ardentissime, *Diligè enim omnia, quæ sunt, & nihil odisti eorum, quæ fecisti;* ibid, tanquam pater amantissimus.

Manasses partes omnes verè pœnitentis implevit, quod

O o o

ostendit

Magnitudo
misericor-
diæ divinæ.

Oratio pe-
nitentiæ
Manassæ.

ostendit in illa lugubri deprecatione, quæ tametsi inter Canonicos S. Scripturæ libros non sit recepta, tamen à nonnullis SS. Patribus citatur, & in calce Bibliorum apponitur. In ea Manassæ peccata non excusat, non minuit, sed pleno ore extendit: *Peccavi*, inquit, *super numerum arenæ maris*. Subit magnanima voluntate poenæ sibi pro delictis impositas. *Non sum dignus intueri altitudinem cali, incurvatus sum multo vinculo ferreo, ut non possim atcollere caput meum, & non est respiratio mihi*. Tandem à misericordissimo implorat veniam; *flecto genua cordis mei, precans à te bonitatem*. Emendationem vitæ plenissimam spondet, cum ait. *Et laudabo te semper omnibus diebus vite meæ, quia te laudas omnis virtus colorum, tibi est gloria in secula seculorum*. Dignos poenitentiae fructus fecit Manassæ, dum criminum à se commissorum punitionem vel sponte suscepit, vel à DEO impositam, cum maxima demissione accepit. Non sufficit enim, ait *Augustinus in homily. 50.* mores in melius commutare, & à factis, malis recedere, nisi etiam de ijs, quæ facta sunt, satisfiat DEO, per poenitentiae dolorem, per humilitatis gemitum, per contriti cordis Sacrificium, cooperantibus elemosynis. Fructus sunt post flores; flos quidam poenitentiae apparet in contritione; sed fructus in executione, *Membra juxta Apost. 6. servientia iniquitati, serviant & justitia.*

Unde gra-
tia poeni-
tentis ani-
mi.

Sed unde hæc Manassæ gratia? Donum DEI fuit, DEI perditam gratiam agnoscere, & lugere. *Non est voluntas* (ait Apostolus) *neque currentis, sed miserentis DEI*. *Augustinus de predestinatione & gratia*, Pharaonis & Nabuchodonosoris exempla adducit. Quantum ad naturam, inquit, ambo homines erant: quantum ad dignitatem, ambo Reges: quantum ad culpam, ambo captivum DEI populum possidentes: quantum ad poenam, ambo flagellis cle-
menter admoniti; quid ergo fines eorum fecit esse diversos? Nisi, quod unus manum DEI sentiens, in recordatione propriæ iniquitatis ingemuit: alter liberò contra misericordissimam DEI pietatem pugnavit arbitriò. *Et S. Greg. in psal. 7.* Poenitentia, ait, est unum de perfectis donis, descendentibus à patre luminis.

DEI vindi-
ces ira in
scelera Ma-
nassæ.

Habemus itaque reconciliatum DEO Manassæ quoad culpam, sed non absolutum quoad poenam. Nam lib. 4. Reg. c. 1. *Locutusque est Dominus in manu servorum suorum Prophetarum dicens: Quia fecit Manassæ Rex Iuda, abominationes istas pessimas &c.* Ecce ego inducam mala super Ierusalem & Iudam, ut, quicumque audierit, sinnediant ambe aures eius. Et extendam super Ierusalem funiculum Samarie. & pondus domus Achab: & delebo Ierusalem, sicut deleri solent tabula: & delens veritatem & ducam crebris sylum super faciem eius. Qui aliquid non temerè, atque inconsideratè faciunt, sed prudenter & attentè, illi rem totam diligenter explorant: atque ideo ad amussim, ad regulam, normam, mensuram, pondus, facere dicuntur.

MANAS. RESIPIS. AMON MALE PERIENS. 471

dicuntur. Deus quia nihil in populo Judaico, tum sua sponte, tum pessimis Manassis exemplis in omne nefas ruente, invenit solidum aut rectū; ideo nihil fuit, quod non dissiparet & perderet. *Pondus domūs Achab*, significat, pœnas Achabo inflictas etiā Manassis sceleribus, instar gravissimi ponderis incubituras: Altera similitudo desumpta est à tabulis ceratis, in quibus stylo characteres exarare solebant antiqui, quos cum delere volebant, conversa posteriori, & latiore parte styli, exiguos illos fulcos complanabant, ita ut planè non apparerent & legi possent, quod *inducere characteres* Latini dicunt. Ita dixit DEUS: *Delebo Ierusalem, sicut deleri solent littere in tabulis cera obductis exarata.* Et primò induxit in eam styllum regis Babylonis, cum ex ea Manassem, & primores regni in Babylonem captivos abduxit. 2. Paral. 33. Secundò, cum *Pharao Nesba* Rex Ægypti *Ioham*, qui tota erat Judæorū spes, occidit, eiusque filium *Ioachazem* in Ægyptum abripuit. 4. Reg. 23. Tertiò, cum Nabuchodonosor *Ioachim* fratrem *Ioachazis*, cepit & vinxit. Quartò, cum idem, *Ioachim* filium *Ioakimi* cum magno nobilium & populi numero in Babylonem transmisit. Quiptò & ultimò, cum idem *Sedeciam*, ultimum Iudææ regem cum reliquis abduxit, urbemque Solymam & templum concremavit. Atque ita juxta minas DEI, Iudæa excisa, deleta, obliterata, erasa est instar characterum ceræ inscriptorum. Hic stylus, atque hic est gladius Iusti Numinis, in impios, ingratos, & misericordiæ suæ contemptores, animatvertentis.

Fecitque (Amon) malum in conspectu Domini, sicut fecerat Manasses pater eius. 4. Reg. 21. Et 2. Paral. 23. *Non est reveritus faciem Domini, sicut reveritus Manasses pater eius: & multò majora deliquit.* Imitatus est Amon patrem peccantem, sed non poenitentem. *Glycas in Annual. re.*, fert, Amonem dixisse: Pater meus à puero multa scelera fecit, ac in fenestra poenitentiam egit; quare & ego in hac ætate pro animi libidine me geram, & deinde ad Dominum me convertam. Idem asserit *S. Clemens lib. 2. Constit. Apost. c. 23.* Terreat hoc juvenes, quos licentior ætas audaces facit ad spes vitæ & frugis in longum jaculandas. *Non tardes* (inquit Ecclesiasticus c. 5.) *converti ad Dominum* (id est, emendandæ vitæ remoras omnes abrumpe & perfringe) *& ne differas de die in diem* (usurpando corvinum illud Cras Cras) *subito enim veniet ira illius, & in tempore vindictæ disperdes te.* Nemesis divina lancos habet pedes, sed ferreas manus improvisa venit, & graviter ferit, uti contigit Amoni. Hinc illa sapientis cautio Prov. 27. *Ne glorieris in crastinum, ignorans, quid superventura pariat dies* Et Eccles. 9. *Nescit homo finem suum, sed sicut pisces capiuntur hanc, & sicut aves laqueo comprehenduntur; sic capiuntur homines in tempore*

in tempore malo (instantis subito mortis) *cum eis exemplo supervenerit*. Sic omnino juvenes improvidi, velut pisces in undis, in delicijs & vanitatibus natantes ac ludentes; & instar avium, insita levitate ac superbia in sublime tendentes, repente mortis implicantur reti, & breve gaudium longa æternitate luunt. *S. August.*

- *serm. 17. de Verbis Dom.* Ipsa res est, *inquit*, quæ multos occidit, „ cum dicunt: Cras, Cras; & subito ostium clauditur; remansit „ foris cum voce corvina, quia non habuit gemitum columbi- „ num. *Idem. in psal. 114.* Deus, *ait*, poenitentiae tuæ indulgentiam „ promisit, peccanti diem crastinum non promisit. *Et S. Anselmus „ epist. 1.* Qui differt in futurum, & forsitan non futuram æta- „ tem, suam vitam corrigere, certum bonum dimittit pro du- „ bio, & contemnendo quod perdit, probat, se non amare, quod „ expectat, & meretur non accipere. Quocirca David, *psal. 94* „ *Hodie si vocem eius audieris, nolite obdurare corda vestra.* Quin & *Seneca „ lib. de brevitate vite*; Non pudet, *inquit*, te reliquias vitæ tibi reti- „ nere, & id solum bonæ menti reservare, quod in nullam rem „ converti possit? Quàm ferum est, tunc incipere vivere, cum „ desinendum est! Præsumptio est, quæ hominem, sola DEI mi- „ sericordiâ confidentem, & ad peccandū audacem facit, uti fecit „ Amonem. *Ne dicas*, *inquit* Siracides cap. 5. *Miseratio Domini magna est,* „ *multitudinis peccatorum meorum miserabitur.* *Miseratio enim & ira ab* „ *illo citò proximant, & in peccatores respicit ira illius.* Triste documen- „ tum Amon est. Rectè igitur Propheta *psal. 100.* *Misericordiam „ & iudicium cantabo tibi Domine.* Mediò iustitiam inter & Misericor- „ diam tutissimus ibis.

NARRATIO XCVI. ISAIAS PROPHETA EVANGELICUS, ET MARTYR.

4. Reg. 19. 20. ex Prophetia. Isa & Martyrol.
Ab anno Mundi 3277. ante Christum 776. ad annum Mundi
3340. ante Christum. 711. quò occisus est.



IN ceteris Manassæ crudelitatis exemplis, etiâ *Isaias*, quod supra indicavimus, fuit; vir si quisquā alius, cœlo charus & vaticiniorum celebritate eminens. *Amosus* ei parens, regio natus stemmate, quippe *Amasie* regis Iudæ frater & Manassis, uti *S. Hieronymus*

ISAIAS, PROPHETA ET MARTYR. 473

S. Hieronymus tradit, prófocer. Numinis acturus Interpretem, ante omnia linguam ad id officij attulit, *Seraphico* quodam ardore succensam. Nam ex eo Cœlestium Geniorum Ordine quispian advolavit, & calculum, seu carbunculum flammeum manu præferens, eiúsque tangens labia, Prophetam ipsum consecravít. Eâ flammâ non lingua modò, sed pectus quoque exarsit adeò, postularét ut à DEO, munus sanè arduum, & plenum discrimine, Præconis Oraculorum divinorum ad Judæos agendi; utique postquam per extasin extra se positus, conspexit DEUM ipsum in solio præfulgido Majestatis suæ, speciem exhibentem, audivitque à cœli choraulis cantari trisagion illud: *SANCTUS, SANCTVS, SANCTVS*; non sine horrore sacro, nec Templi magis, quod oculis obijciebatur, quàm mentis concussioné; & utrique superfusa caligine; quæ tamen mox tanta luce Vatis collustravit animum, ut de Christi venturi mysterijs edoctus, videretur de præteritis porius historiam texere, quàm de futuris vaticinari; unde factum, Vatis ut Evangelici meritò encomio condecoretur.

*Isaias ab
Angelo ini-
tiatur Pro-
pheta.*

Nec à vaticinio vita ablusit; verbis accefferunt facta, eaque prodigiosa. Constat Angelum illum, centum octoginta quinque millium Exercitus Assyrij interfectorem, eius potissimum precibus è cœlo devocatum: Solem retractum: annos Ezechia jam conclamati, in tria lustra productos. Ad Christum, præconijs, non tantum fatidicis, sed ærumnis quoque exantlatis, & rebus cum eximie virtutis fama gestis, accessit quàm proximè. Emicuit in eo sui contemptus insignis, cum rara sanctimonia conjunctus. Nam quid despicabilius, quàm virum canitie venerandum, regio ortum genere, auctoritatis summæ, Hierosolymis, in urbe patria, publicæque luce, plateas obire, tribus omnino diebus, sine calceis, sine pallio, sine toga, brevi succinctum lacerna, lymphatici instar, cum risu multorum & ludibrio, eum pro fanatico habentium, cum aliorum verò, quibus viri sapientia magis perspecta, admiratione atronita, & tristi rerum eventurarum expectatione. Eius rei imperium accepit à DEO; triduana Vatis obambulatione, triennalem Egypti, Ethiopiaeque sub Assyrio jugo calamitatem præsignante. Jam quanto miserationis affectu suos in cives ferebatur; quæ pietas in cõsolandis afflictis; quæ teneritas animi in alienis miserijs sublevãdis: *Consolatus est*, inquit Si-
racides c. 48. *lugentes in Sion*; illo præcipuè tẽpore, quo *Sennacheribus* ultima quæq; Solymæ intentabat; & quia non barbarorũ modò hostiũ, sed *Manassis* quoq; tyrasij in optimum quemq; crudeliter deserviebat, haud destitit Isaias animos fractos erigere, & ærũnosi

*Isaia con-
temptus
fuit.*

*Charitas &
fortitudo.*

spem addere, ab adventu Messiae promissi. Nec minor in eo fortitudo, constantia, libertasque reprehendendi Regum ac Principum vitia, imperterritaque vis in cominandis, prædicendisque poenis, à DEO infligendis; cum haudquaquam ignoraret, quanta sibi, suæque familiæ ob eam causam essent odia subeunda. Tanta laudatorem virtus merito Paulum habet, qui ad Rom. 10. *Isaias* (inquit) *audet, & dicit*. id est, ardentem, liberèque hortatur, arguit, denuntiat Summis Infimisque, quæ de mandato Numinis erant edicenda.

Sed hæc obsequia, quantum gratiæ apud Deum, tantum invidiæ apud homines collegerunt. Rasit auriculas Veritas, exulceravit animos; saluberrimis monitis, extremam carnificinam repositit furor. Causa necis & Martyrij præcipua, (quod graves auctores scribunt) quod Propheta non dubitaverit, impios idolorum & flagitiorum omnium cultores, appellare *Principes Sodomorum, & Populum Gomorrbæ; gentem peccatricem, populum gravi iniquitate, semen nequam, filios sceleratos*. Isa. c. 1. quos proinde DEUS sit reprobaturus, & pro eis gentes vocaturus. Quidquid horum sit, Manasses certè, Manassisque purpurati proceres, cum invisum Monitorem aliter reprimere non possent, capitis ei supplicium intulerunt, longè immanissimum; à summo quippe ad imum ligneâ ferrâ dissectus est; hoc acerbior cruciatus, quod lentiore. Ut inde non mireris, alias quoque cædes, flagitia, magiam, parricidia, & quæ audet in potestate summa improbitas, erupisse. Honos à populo habitus est funeri: diffissum corpus, humatum sub quercu, cui à vicino fonte, *Rogelu* appellatio. Filium reliquit *Isabem* nomine; vir omni laude major, Prophetarum clarissimus, in media lege Mosaica, quod Sallianus asserit, Christianus; integrum pænè sæculum, vivendo exegit, virtutum omnium coronide, fusi que pro DEO sanguinis laurea nobilitatus. Eius meritis debetur Manassis in vinculis poenitudo, revocantis in mentem, verissimi Vatis præfagia, & intonatas scelerum poenas. Hanc vindictam expetit Innocentia.

Elogium I.
Isaia.

DOCTRINA.

ET dixi: *ve mihi, quia taci, quia vir pollutus labijs ego sum, & in medio populi, polluta labia habentis ego habito, & Regem Dominum exercituum vidi oculis meis*. Isa. 6. *Isaias* audita suavitate, & ardore, quo DEUS à Seraphinis, mirabili illo trifraglo laudabatur: *Sanctus, Sanctus, Sanctus Dominus exercituum, plena est omnis terra gloria eius*. Mutum se putavit & elinguem, quod suas ipse laudes

ISAIAS, PROPHETA ET MARTYR. 475

laudes concentibus Angelicis jungere non posset; agnovitque, quàm imparis esset conditionis præ cœlestibus illis Majestati. Divinæ Encomiastis; quàmque indignus, qui tam tremendi Domini præconem ageret; præsertim cùm videret Seraphinos faciè, pedè, alis, sumàmque Conditori suo reverentiam exhibentes gestu, habitu, voce, aspectu, & ipsa denique itatione, ut S. Chrysostomus advertit Homil. 1. de verbis Isaia. Habet nimirum hoc, DEI cognitio, ut homini profundos suæ met despicientiæ sensus ingeneret. Nam qui DEUM videt, seipsum videt, advertitque, quanto intervallo pulvis & cinis ab illa Numinis majestate distet; quàm nihil omnino sit homunculus, ad æterni Regis immensitatem comparatus. Quòque clariorem notitiam, tam DEI, quàm sui ipsius adipiscitur, eò majore admiratione & reverentia æternæ Majestatis afficitur; sui verò deprimendi, deiiciendique studiò fertur. Sic Abraham locuturus cum Domino, se pulverem & cinerem appellavit Gen. 18. Sic Tobias cum suis, agnito Raphaële Archangelo, prostratus per tres horas, benedixerunt DEVM. Tob. 12.

DEI cognitio ingenerat homini despicientiam sui.

Sic Daniel videns Antiquum dierum in throno, ait, non remansit in me fortitudo, emarcui, nec habui quidquam virium c. 10. Sic Ezechiel viso Deo in curru Cherubico, cecidit in facièm, & quasi in deliquium mentis c. 2. Sic viginti quatuor Seniores coram throno DEI procidebant. Apoc. c. 4. Sic S. Franciscus spiritu elevatus, dicebat: Quis tu Domine, quis ego? Tu abyssus essentiæ, veri-
tatis & gloriæ: ego abyssus nihili, vanitatis, & miseriæ.

Et volabat ad me unus de Seraphin, & in manû eius calculus, quem for-
ripetuleras de altari, & tetigit os meum. c. 6. Is. 6. Calculus hic fuit gem-
meus, seu carbunculo, seu pyropo similis, miro relucens igne,
quippe sumptus non ex terrea quadam ara, sed cœlesti; designat
virtutes Evangelici præconis, nihil ut ab eius ore sonet, nisi purû,
(quod igneus splendor denotat) nisi Evangelicum, nisi divinû. Spi-
rent labia ignem illum cœlestem, quem Christus venit mittere in
terram, Luc. 12. quò accensi Apostoli die Pentecostes, terrarum
orbem inflammârunt; ardentes sibi, lucentes alijs: ardentes in-
tus; lucentes foris, ardentes animo, lucentes linguâ. Nam
ut Bernardus testatur, tantum lucere, vanum est; tantum arde-
re, parum; ardere autem & lucere, perfectum.

Evangelici concionato-
ri munus.

Et audiði vocem Domini dicentis: Quem mittam, & quis ibit nobis? Prompta &
Et dixi: Ecce ego: mitte me. Is. 6. Non cogit, inquit Hugo, Deus,
sed quærît DEUS voluntatem hominis; quæ sola meretur præ-
mium. Et quis ibit nobis? ad nostram gloriam, non ad suam
jactantiam.

jaſtantiam. Per *mittam* eſſentiae unitas; per *nobis*, demonſtratur perſonarum Trinitas. *Quem mittam?* (ad Iudaeos promiſſionum; & minarum mearum internuntium). Interrogantiſ hae vox erat, non iubentis. Audiſt eam Iſaias; neque opus erat expreſſo mandato; ſatis ei fuit, ſignum deſiderantiſ accepiffe. Hinc illa promptitudo: *Ecce ego: mitte me.* Video enim me deſignari a te, DEUS Optime Maxime; eo, quod ſentiam labia mea calculo mundata, linguam ſolutam, & animo meo libertatem, deſideriumque prophetandi a te inferi; ſtimulatq; me gloria maieſtatiſ tuae, quam attonitus conſpicio; accendunt me Seraphini, quos volantes, & paratos ad omne tuum obſequium intueor. Hae rationes addebant animos, ut magnanimè ſeſe offerret, ad rem valde arduam, voluntatiſ divinae apud perſeverantes & impios interpretandae; a quibus ſciebat, ſe muneris ſui præmium, diſſam necem relaturum. Unde Apoſtolus, quod in Narratione ſignificavi: *Iſaias, inquit, audet.* Utique fortiffimè, & longè gloriſſimè, Schema viri Apoſtolici: Idea obedientiae perfectae, quã, DEO non imperanti, ſed inſinuanti duntaxat, ultro ſeſe obtulit ad omnia diſcrimina pro gloria divina, exantlanda. Obſervatè notandum, quod Iſaias cupiat *mitti*; nam qui ſe officio Verbi DEI annuntiandi ingerit ſine legitima Vocatione, *Lupus* eſt, non *Pæſtor*.

NARRATIO XCVII. IOSIAS ABSOLVTA BONI REGIS IMAGO.

4 Reg. 22. 23. lib. 2. Paral. 34 35.

Ab anno M. 3395: ante Chriſtum. 658. ad annum Mundi 3427.
ante Chriſtum 628.



*Nomen eſt
facta Joſia
diu ante
pænuntia-
ta.*

Amon, quod narravimus, ſcleratiſſimo bipedum, poſt alterum regni annum, per domeſticam prodicionem interempto, filius eius *Joſias*, puer octennis, Judaeorum regno inauguratus eſt. Cordis paternae auctores, meritiſ ſtatim ſupplicijſ affecti. Novi regis nomen auſpicatiſſimum, jam annos ante trecentos & quinquaginta (juxta computationem Saliani) divinitus fuerat editum. Quo tempore Propheteſ quidam, Judaicæ tribuſ, *Jerobo-* amo prædixit, Iſraelitarum regi: naſciturum è domo Davidica, qui idola, eorumq; cultores extirpaturus, religionem inſtauraturus, & populares

& populares, ad avitam pietatem revocaturus esset, adjecto quoque JOSIÆ, quod ortu suo puer ille sortiturus esset, expressissimò vocabulò. id verò significat *DEI* vel *munus*, vel *ignem*, ob Zelum videlicet regis optimi, & ignita sacrificia. Is post nequissimi parentis brevè, turpissimùmque; dominatū ita successit in regno, ut in Iudæ regibus nemo fuerit illo melior. Vivendi modum cum instituit, DEUM ut ubique locorum præsentem haberet, & ad ea unice animum intenderet, quæ existimabat illi placitura. Quare ut ei nihil antiquius aut potius fuit, quàm ut divinus honor magis in dies singulos ac magis augeretur, quæque ad illius spectant cultum, magnificè semper ac legitimè fierent; sic eò primùm appulit animum, ut, quæ ad religionem pertinent, eo essent ordine ac loco, ut neque indecorè peragerentur, neque unquam intermissa deficerent; aut in illis obeundis Sacerdotum, aut Sacerdotum hominum studia languerent.

Zelus religionis ardens in Jo. fia.

Neque hic pietatis ardor Hierosolymis sese, aut intra fines duarum tribuum *Juda & Benjamin* continuit; ultra progressus, Idolorum, & omnis sacrilegi cultus excidium, in terras etiam tribuum *Simeonis, Ephraimi, Manassis*, ac *Nephtalorum* extendit & circumtulit. *Bethle* potissimùm, Ephraimitarum oppidò præcipuò, jam antiquitus, ob *aurei Vituli* sacrilegam adorationem infamè, non solum altaria destruxit, & cum simulacris impijs, *Lucos & Excessa* vastavit, delubra diruit; quidquid vasorū in tēplo Solymæo repertum idolorū sacrificijs dicatum, combustis, cineremque dispersit; cæteraq; idololatriæ sive instrumenta; sive monumenta (quæ jam antè per *Manassè* disturbata, ab *Amone*, omnium scelerum turpitudine corruptissimo, fuerant reparata & reposita) evertit, confregit, combustis, sustulit. In ijs fuere prostibula & lupanaria, in quibus intra ipsos Sacratissimi Templi parietes promiscuæ libidini operabantur: Currus etiam *Solis*, & equi; vel artificiosè elaborati, vel vivi; ei Planetæ, Gentilium more, mactandi & sacrificandi. Pythones insuper, ariolos, augures, divinos, & quidquid id generis impietatis & spurcitæ erat, exterminavit. Hebræos sacerdotes, impuris Sacris contaminatos, ab aris castis removit; & passim, per oppida *Samaritarum*, quos vivos reperit, Deorum sacrificulos; eos super suasmet aras interemptos, fecit victimas: & quos invenit jam olim sepultos; eorum super eadem altaria reliquias, ossaque concremavit. *Bethle* cum esset, & eius urbis loca omnia circumspiceret, in sepulchrum incidit illius ipsius Vatis, qui tribus amplius antè sæculis, Nomen *Iosæ* virtutemque prædixerat; agnitum è signis illi monumento impressis (quale *leboza* nomen esse potuit); pepercit tumulo, &

honorem cineribus habuit; Sacrificulorum autem omnia cum ossibus atque buis, monumenta profanavit, & evertit.

*Inductio li-
brorum Sa-
crorum.*

Parum fuit malorum omnium omnem occasionem subtrahere; totum se bonis impendit. Templum toties deformatum, nec satis unquam post deprædationes restitutum, summo vigore ad pristinum splendorem & ornamenta reduxit. Reparatum quidquid vel longo attritum usu, vel hominum injuriâ, temporumve collapsum, aut ruinæ proximum. In ea cura dum totus est, Domusque DEI facta tecta restaurat per fabros, accidit, ut cæmentarij librum invenirent ruderibus obrutum; vel, ut alij cum Josepho scribunt, in Arca repositum, & à Pontifice *Helcia*, dum aurum deponit, repertum. Fuit is liber, *Deuteronomium*, (aliqui totum *Pentateuchum* fuisse volunt) qui à Sacerdotibus, ne cum libris sacris pietas omnis interiret, absconditus creditur sive in muro perfosso, sive in ærarij sacri scrinio regnante *Achaze*, & divina volumina, impietatis suæ testes, flammis abolente. Neque *Achaze* melior, si ultima tempora excipias, *Manasses*, eiusque filius *Amon* extitit, in quibus par contemptus tam legis divinæ, quàm librorum legis fuit. Ut improbitati plus esset licentiæ impudentiæque, remoti sunt ex oculis sacri codices, officij monitores, sacrilegij exprobratores. Rex certe *Iosias*, tanquam novum aliquid inaudisset, toto cohorrui corpore, cum *Saphan* scriba recitaret inventum legis divinæ librum; restandoque dolori, vestem dirupit, perpendens, quàm amplis DEUS præmijs ad virtutem alliceret: quàm gravibus minis à vitijs absterret; Comparabat inter se hinc justitiâ, majestatemque, legem ferentis; inde contumaciam ac vecordiam, legem accipientis. Vidit, quàm omnia alia DEUS præcepisset; alia verò majores sui, populusque fecissent. Majoribus igitur studijs ad DEUM placandum conversus, ex Prophetis discere voluit, quibus rationibus tantorum immanitas criminum expiaretur.

*Holda Pro-
phetidis re-
sponsum.*

Helciam itaque Pontificem, cum viris alijs primarijs mittit ad *Holdam* Prophetidem, (aberat enim tum *Jeremias*, totum regnum concionibus suis obiens) à qua intelligerent, quibus piaculis propitiandum esset Numen. Legatis respondit fatidica mulier, decretas à vindice DEO pœnas, nullis posse supplicationibus averti; gentem Judaicam sedibus suis ejiciendam, & varijs propter commissa scelera calamitatibus jactandam; Vatum sacrorum hortatus & minas, adhuc protervè spreto, tristissimis eventibus comprobatur iri. injectam tamen imminenti tempestatum moram esse à regia pietate; *Josia* vivis excedente, velut rupto obice, omnia mala Judæam inundatura. Quibus regi

regi renuntiatis, nihil prius duxit, quàm ut quaquaversum nuntios dimitteret, qui ætatis omnis & conditionis Hebræos Hierosolymam convocarent. Ingens brevī multitudo confluit; quā in templum congregatā, rex in editiore consistens loco, sacramentō adegit universos, ad Divini Numinis cultum, legesque omni contentione tuendas & conservandas. Non ardentius id Iosias exegit, quàm ipsi se præstituros receperunt; sed more suo, inconstanter, quod in Jeremia docebimus. In confirmationem eius fœderis, cum DEO initi, magno mox apparatu sacrificia patrata; Paschalisque celebritas, quanta potuit solennitate, peracta; *Ieremiā & Sophoniam* Prophetis tam Regis, quàm populi studia, ferventi cchortatione inflamantibus.

Atque hic tantus, ac factis suis tam inclitus Rex (ô mira DEI judicia) à *Necbaone* tamen Ægypti rege, interimitur in acie! *Ieremiæ* Vatis lesio, lacrimisque, tunc statim exequias illius rigantibus, ac deinceps funeris eius favillas rigaturis. Nihil in vita gessit omni, tam pœnitendum; quàm quòd optima mente, conscientiaque, sed inconsultò militaris ardoris impetu, nulloque prævio Numinis oraculo, regi congressus Ægyptio; ceciderit acie, qui steterat semper à DEO. Belli causa *Nechæoni*, cognomento Pharaoni, si *Iosepho* credimus, fuit cupiditas potiundæ Asiæ. Cui cum innoxium per Iudæam transitum petenti, negasset Iosias, sive quòd hominis fidem suspectam haberet; sive quòd Assyrijs, in quos movebat *Nechao*, amicius, quàm cautiùs consultum vellet, alienum periculum in sua damna transfudit. Nam ventum est ad arma, confertum prælium in campo *Mageddone*, vulneratus sagittâ Iosias, lethali que collapsus plagâ, traxit secum in ruinam, nulla sua voluntate, *Iudæa* rem, ac fortunam omnem, *Sacram & Civilem*, juxta *Holdæ* vaticinium. Exanimè corpus Hierosolymam relictum, communi omnium luctu, funere magnifico paternis monumentis illatum est, *Ieremia*, quod dixi, epicedium ei lugubre canente. Vivendo explevit annos triginta novem, regnando triginta unum.

Iosias à barbaris inter-
ficitur.

Erratum
Iosia.

Ex occasu
Iosia Iudæa
in ruinam
trahit.

DOCTRINA.

Quid causæ est, quòd DEUS Iosiam regem, vitæ longè probatissimæ, & religiosissimæ, morte non tantum præmatura, sed etiam cruenta voluerit è medio tollere? Princeps longè innocentissimus de vita extruditur ævo viridi; lethali jacet sagittâ prostratus, pius ab impio, à profano sanctus, misericors à crudeli. Ubi religio? ubi acta per tot palmas virtutum vita? ubi vigiles bonorum Angeli? ubi Protector DEUS?

Ppp 2

Responder

*Cur p̄j ci-
tius ali-
quando,
duriusque
è vita revo-
cantur, se-
rius impij.*

Responder Cornelius noster à Lapide, in hunc locum. Ne videret mala gentis suæ, scilicet excidium regni & templi, ob Judæorum delicta, jam supremo in Tribunali decretum. Ita Ludovicus rex Galliæ pietissimus, in medijs Terra Sancta recuperandæ conatibus, captus, iterumque liberatus, denique peste absumptus est; qui in omni fortuna sibi similis, tantò ardentius regno cœlesti inhiavit, quantò pluribus pro DEO exantlatis laboribus, eius obtinendæ certiores spes habuit. Vicissim verò impijs non rarò tyrannis longa obtingit vita; nimirum diu vivunt, ut diu crucientur, sibi graves, omnibus exosi. Et si quid boni per tot mala fecere, remuneratur id æquissimus Iudex vita temporali, qui æternâ sunt carituri. Deinde aggregitur eos DEUS, feralibus sæpe morbis, & lenta morte cruciatus demittit ad inferos. Evaderent hîc, si liceret festinanter perire. Exempla Herodes, Tiberius, alij.

Præterea DEUS viros Sanctos citius, vel etiam durius è vita evocat; tum quia improbi non sunt digni diuturniore proborum consortiò; tum ut acerbioris mortis genere, expiati noxis, quas humana fragilitas contraxit, sine tormentis ignis lustrici, rectâ in cœlum evolent. Verissimè Salomon Prov. 11. *Si iustus in terra recepit* (pœnas, ob labes minores) *quantò magis impius & peccator* (ob gravissima scelera castigabitur).

*Elogium Io-
sifæ.*

Memoria Iosifæ in compositionem odoris, facta opus pigmentarij. In omni ore quasi mel indulcabitur eius memoria, & ut musica in convivio vini. Ut enim thymiana (ad quod alludit Ecclesiasticus) varijs ex odoramentis componebatur, sic memoria, famâque Iosifæ variorum spargebat odorem virtutum; pietatis præsertim ac religionis, quæ miram fragrantiam in cœlum usque exhalabat. Unde nomen eius, laudésque apud omnem posteritatem manebunt. Neque contentus Sacer Panegyristes suavitatem memoriæ Iosifianæ per odoratum expressisse; gustum addidit, dulcedine mellis palatum oblectantem; & quasi nondum satis explicasset tantæ virtutis per ora hominum, mentésque volantis laudationem, adjecit similitudinem ab auditu, quem jucundissimè pascit, mulcétque delicata musica, genialibus epulis inspersa. Idque ita accidisse, liquet ex 2. Paral. c. 35, ubi de mortuo Iosia dicitur: *Universus Juda & Jerusalem luxerunt cum Jeremias maxime: cuius omnes cantores, atque cantatrices usque in præsentem diem, lamentationes super Iosiam replicant, & quasi lex obdormit in Israël*, ut de ijs, quasi de re usitata, & omnium ore celebratâ, dicatur:

JOSIAS OPTIMI REGIS IMAGO. 481

dicatur : *Ecce scriptum fertur in lamentationibus* , hoc est , in Epicaëdio Josiæ per Jeremiam scripto , cantatôque . Quæ tamen lamentationes (utique diversæ ab eiusdem Prophetæ threnis) jam non extant .

Habet hoc Virtus , ex oculis exempta , ut suavissima sit *Memoria* eius , gratissimâque recordatio , fama , gloria . Neque monumentum est magnificentius ullum , quàm quod erigit sibi vita integra ; nec sceleris tantum pura , sed etiam rebus ad honorem DEI præclare gestis impensa . Lapidés & metalla vetustas exedit , aut vis inimica deiicit ; cippi , columnæ , tituli , pyramides intereunt ; sed *memoria iusti cum laudibus* , Proverb. 10. *perennabit* . Et psaltes Regius psal. 111. *In memoria æterna eris iustus , ab auditione mala non timebit* . Quidquid ogganniat os impiorum , Virtus intaminatis fulgens honoribus , rapit in admirationem etiam malos ; in commendationem verò & amorem bonos . Non moritur apud mortales ; & semper vivit inter immortales . *Æternat eius memoria , quia deleri non potest , quæ scripta est in libro Vita* .

Atque hic est Josias ille , de quo Siracides cap. 49. *Præter David , & Ezechiam , & Josiam omnes* (reges Iuda) *peccatum commiserunt* . *pauci reges* Nam cæteri , dum *Exielfa* non auferunt , id est , delubra in montibus excitata , etiam ea , in quibus DEO Vero , contra vetitum tamen , sacrificabatur , vitia vel induxerunt , vel indulserunt . Hi verò soli Regum Judæorum , scelus idololatriæ nec commiserunt , nec permiserunt . Nimirum rarum est in natura spectaculum rex immaculatus . Rerum potentibus , stat virtus omnis in lubrico ; per tot hominum obsequia , per tot delicias aut sopitis , si mulceantur ; aut irritatis , si quid sensibus adversetur . Stimulat undique ambitio , inflammant libidines , ira præcipitat , urit ardor vindicandi , laxat fræna cupiditatibus infinitis , omnia audendi , faciendique licentia . Præter indolem bonam , Josiæ pondus ad pietatem ingens addidit optimi libri lectio , quæ Helcias Sacerdos in templo reperit , regiq ; tulit . Accessit magna vis ex Ieremiæ prophetæ consilij saluberrimis , quæ Regis animum ad omne pietatis studium accenderunt . Tanti interest , quibus Institutioribus Principem informandum committas . Josias etiam tum ostennis , in ipsa herba fructus protulit , quia satum è cælo accepit ; E pueritia probè culta , in juvenem excrevit & virum , cuius odor esset , *sicut odor agri pleni* . Gen. 27. raræ virtutis , & famæ sempiternæ fragrantiam spargentis . Ite alij reges , funera balsamo condite , busta de cinnamo

P p p 3 fruite,

strictæ, urnas imbre croceo rigatæ; Josias vivit extinctus, & sine pollinctore redolet unguenta sepultus; si tamen sepeliri potuit, cuius gloriosa memoria mori non potuit.

*Epitaphi-
um Josiæ.*

Hic est ille Josias, qui Principum sanctissimus, stetit invicta pietate contra tot scelera; qui portenta domuit, qui religionem in plenam libertatem asseruit; qui ruentis imperij ruinas per annos triginta sustentavit; qui ereptus mundo, cum jam patriæ tempus immineret, quod nullus esset mundus. Ea morte extinctus est, qua florentissimi duces solent; in campo Martis, in ipso honoris throno; suo trabeatus sanguine, ad Mausolæum, velut ad Capitolium processit, Primusque post obitum triumphavit. Si dura eius fata, si miseram mortem, quia violenta est, judicamus, mendacem DEI spiritum arguimus, qui per *Holdam* prophetidem, Josiam ad sepulchrum in pace colligendum manifestissime prædixit. Nimirum magnarum mentium profectus & coronæ per adversa computantur. *Hic est habitus innocentia, bac palmata vestis, hoc curru triumphamus,* ait Tertullianus.

NARRATIO XCVII.

IOACHAZES, SIVE SELLUM; ELIAGIMUS SEU JOAKIMUS; JOACHINUS SEU JECHO- NIAS; REGES JUDÆ IMPIJ, MISERI.

4. Reg. 23. 24. 2. Paral. 26.

Ab anno M. 3425. ante Christum. 628. ad annum Mundi 3436.
ante Christum 617. quo Iechonias captivus
Babylonem abductus.

*Joachazes
invasor re-
gui, & 13-
vannus.*



*I*osia terris subducto, universa, quod retuli-
mus, felicitas Hebræa corrui. Primas turbas dedit
Joachazes, filius Josiæ secundò genitus, qui factione
populari (sive quod animos promissa religionis li-
bertate corruerit; sive quia militaris eius ferocia,
patriæ præsidio contra hostes futura credebatur) regnum in-
auspicatum invasit; annò ætatis vigesimo tertio exclusò per in-
juriam *Eliacimò*, fratre majore, viginti quinque annos natò.
Exordio statim dominationis nuntium DEO, paternæque pie-
tati remisit, populòque nihil admodum religionis sinceræ,
præter externam speciem præferenti, dux ad omnia scele-
ra fuit. Et quia metus, perpetuus comes est mentis
malè

JOACH. ELIACIMUS. JECHONIAS, IMPIJ. 48;

malè conficiæ; *Joachaz* veritus, ne vel interinis seditionibus à fratribus, (*Eliacimo* & *Matbania*, postea *Sedecia* dicto, natu minimo) vel externis armis ab Ægyptijs pereretur, cœpit avarè, crudeliter, unde unde potuit, pecunias, belli nervum corradere. Sed nulla est diuturnitas in regno iniquè parto; post trimestre dominatûs spatiûm, *Necho*, Rex Ægypti indignè ferens, Regem sine sua auctoritate, folio sibi tributario impositum, magnis iterû cum copijs Iudææ infunditur, præliôque cum *Ioachaze* confertò, victoriam reportat; non incruentam tamen; capûtque belli victum in Ægyptum abducit. id, quod Ezechiel cap. 19. vers. 4. indicare videtur: *Et audierunt de eo (Ioachaze) gentes, & non absque vulneribus ceperunt eum: & adduxerunt eum in catenis in Terram Ægypti.* Alij scribunt, *Ioachazem* non vi, sed dolo, in potestatem hostium venisse, quippe *Necho*ni post commissam inteliciter cum *Babylonijs* (quos etiam *Assyrios* vocant, ob horum imperium ad illos translatus) pugnam, redeunti per *Palæstinam*, occurrisse *Eliacimum*, & tanquam ad arbitrum, fratris injuriam detulisse: opem, non sine muneribus, majorum exemplò postulasse: veltigalem se, si sceptrò sibi debitò donaretur, pollicitum. *Necho* nem per simulationem componendæ controversiæ, *Ioachazem* quoque evocasse in urbem *Reblam*, seu, quod aliqui putant, *Reblam*, (*Galilæi tractus*) quem ut intra casses habuerit, conjecisse in vincula, & in Ægyptum amandasse. Ut ut sit; certum est, *Ioachazem* captivum abstractum, squalore & mœrore obrutum, extremum in Ægyptio carcere spiritum exhaustisse.

Itaque subrogatus est *Eliacimus*, quem mox immutandò vocabulò, Rex Ægyptius *Ioachim* dici iussit. Is ut apud *Pharaonem* (cognomen est *Necho*niis) graciosus esset, acerbis exactionibus plebem vexavit, auròque & argentò per fas & nefas coactò, se, regnûmque suum superbo tyranno substravit.

Diutius ille quidem, fratre suò *Ioachaze*, rerum est potitus, sed pari, vel etiâ majori crudelitate. Undecim enim annorum rex, sed potentioris regis (*Nabuchodonosoris*) stipendiarius, ob-jurgatorem ac vastationis imminentis Vatem *Uriam*, DEI Prophetam ex Ægypto, quò profugerat, retractum, impiè trucidat; cadavérque trucidati, super plebejorum tumulos abjectum, à prophetarum sepulchrali societate discludit. Quâ tamen infamia funeris neque Prophetam obscuravit; quem tantopere profectò posterî non scirent, nisi latere rex illû etiâ in cineribus, laborasset; & ille vulgus præterea cadaverû ignotorû nobilitavit; cum eorû tumulos promiscuos, omnique nomine carentes, velut pyramis quædâ, & epitaphiû gloriosum, deinceps insigniret ac coronaret.

Urias

Ioachaz
victus &
captus.

Crudelitas
Eliacimi
seu *Ioachim*.

*Virtutis se-
pulchrum.*

Urias Propheta superinfectus. Ita nimirum frequenter dum obtegere scelera conamur, illultramus.

*Nabuchodonosor Je-
rosolymam
capit, loachinum
cum proce-
ribus capti-
vum abdu-
cit.
Ioakimus
rebellans
necatur,
& insepul-
tus abiici-
tur.*

*Ioakimus
magiā in-
fantis.
Ioachinus
seu Iechonias
laud
melior patre
Ioakimo.*

Cœpit ea tempestate regnum Judaicum miserabiliter inter Ægyptios & Babylonios (seu Chaldaeos) velut inter Scyllam & Charybdin iactari. Hæc enim Principum fors est, qui potentiores intermediij sunt, ut pax unius, sit bellum alterius. Non placuit Nabuchodonosori, regi Babylonio, tantum sibi Ægyptium sumpsisse, ut reges suo arbitrio conflatos & exsufflatos, gauderet. Irritabat quoque superbi hominis iram, societas armorum & animorum conjunctio, quam Joakimus cum Pharaone Babyloniorum hoste perpetuo, (cuius operâ ad regnum pervénit) iniecit. Venit igitur insperatus, Ierosolymam milite cingit, eamque brevi, quod ad obsidionem ferendam minimè parata esset, seu vi, seu fraude, seu terrore capit, regemque catenis vinctum cum parte vasorum, & electis proceribus (in quibus *Daniel* cum socijs fuit) Babylonem transportat. Tandem miseratione commotus, (nam incertæ sunt mortalium vices; & reges præcipuè, adversa fortuna sui miserabiles facit) eundem in regnum restituit, indicto grandi, & supra spoliati vires tributò. Hoc tribus annis ægrè persolvit; quarto in Ægyptium prœior, si qua inde acerbæ lenimenta fortunæ inveniret, rebellavit. Fluxa jam Ægypto fides, & robur invalidum. Redit Nabuchodonosor, & cruorem spirans, indefensum capit, & anno regni undecimo interfectum atque insepultum abiicit, tristi regis sortis spectaculo. Sic illi ab Hieremia propheta denuntiatur c. 22. *Sepultura asini sepelietur, paterfactus & projectus extra portas Hierusalem.* in modum cadaveris asini, feris & volucribus depascendi. Flos juventutis Ierosolymitanæ unâ cum rege interfectus est. Perfidia *Joakimus*, & crudelitatis pœnas dedit; alteras debuit rupto cum Babylonijs fœderi: alteras *Uria* Vati sceleratè occiso, sceleratius honore sepulcri, spoliato. Hic idem Joakimus Jeremiam quoque, sanctissimum Prophetam, indignis exagitavit modis. Quem Regem, omnis impietatis juratum mancipium satis constat, à morte *notis* in cadavere *magicis* passim dispunctum, & insignitum fuisse repertum, prodidisseque post vitam, cuiusnam disciplinæ fuerit ante mortem.

Substitutus Ioakimo, filius *Ioachinus*, parum nomine diversus à nomine genitoris: omni verò regni tempore (quod trium mensium, ac dierum fuit decem) moribus, & institutò patri similis, & Idololatra. Porro *Ioachinus* hic, est is, quem omnes passim, & cum his Matthæus Evangelij conscriptor etiam *Iechoniam* appellant. Hunc admodum adolescentem (octavum & decimū agebat annum) non passâ est divina Nemesis diutius paternæ impietatis

JOACH. ELIAC. JEC HONIAS, REGES IMPII. 485

impietatis sequi vestigia ; incitavit in eum Regem Babylonium, ut regium, quod nuperrimè dederat, beneficium auferret ingrato ; imminente Ieremiâ cladem nequicquam prænuñtante. Obsidet igitur *Nabuchodonosor* (qui postea *Magnus* dictus est, *Nabollaffaris* seu Nabuchodonosoris senioris filius) Hierosolymam, veritus ne *Ioachinus* memor patris *Ioakimi*, per injuriam occisi, regionem ad defectionem perPELLERET ; cui cum resistendo *Ioachinus* non esset, datis obsidibus, cavit barbaro de fide servanda, tributoque pendendo. Sed Nabuchodonosor pactis non stetit ; (quod in idolorum cultore minus mirandum) simul enim Urbem, quam amici specie ingressus est, in potestate habuit, vim & animum hostilem exeruit. Capit regem cum matre & uxoribus, omnique gaza ; & siquid in viris dignum irâ, aut servitute restabat, Babylonem abducit. Inter captivos fuere Principes regni, tribuni militares, & fortissimus quisque, unâ cum Sacerdotibus, Sacris Vatribus, populique decem millibus. Rex ipse *Iechonias* annos omnino septem ac triginta, degens in carcere Chaldaico, precariò, mendicique sorte, victitavit : donec vix serò tandem, caput illotum, ad nuntium emissionis, ac libertatis allevaret. Causa liberationis fertur familiaritas cum *Eulmerodacho* Nabuchodonosoris filio (quem in eandem custodiam à patre conjectum fuisse *Herabrai*, & cum his graves scriptores tradût) in vinculis contracta ; Animos enim non rarò similitudo fortunæ conciliat, & experientia miseriarum ad misericordiam infleçcit. *Eulmerodachus* de carcere ad solum evehctus, *Iechoniam* quoque exemit è custodia, & regiæ dignitati restitutum, inter primos amicos coluit. Eius salus, sicut & *Sedecia*, in ambiguo est ; diu toleratus carcer, in expiationem criminum : & Danielis præsentia : tum divina circa *Nabuchodonosorem* prodigia, credibile est, meliorem ei mentem, & præteritorum poenitentem iniecisse. Juxta Chronologiam Saliani, attingit ætatis annum undesagesimum ; ab adito regno quadragésimum primum.

Cæterum ei dejecto, successor à Babylonio rege datus est *Mattaniah*, immutato postea nomine *Sedecia* appellatus. Is *Iechonia* fuit patrus ; *Ioakimi* frater, ac *Iosia* regis filius : rex constitutus misellæ & exhaustæ plebis ; à patrijs & ipse degener, nihil autem à fraternis institutis. Miser, qui quotidie salutaria denuntiantem *Ieremiam* Propheten, fame, siti, nervò, taureis, canòque lurulentis puteis torquere maluerit ; quàm audire cum profectu. Qua proinde regis contumaciâ factum est ; ut sicuti *Surdoprius* cantabantur Oracula, tanquam *fabula* : sic *Cæc* postea *Tragedia* daretur in catenis ; sine lacrimis *proprijs* (quippe raptis jam oculis) sinèque lamentis *alienis*. Vix unum enim inveniebat, sui

causâ dolentem: eo, quod retinerent omnes memoriam, investâ per eum regno cladis; everſâ religionis; rupti fœderis; violatâque jurisjurandi: quod interpolito veri DEI nomine, Babylonio regi ediderat. Nec enim deſleri dignus eſt, qui ſcelere ſuo facit, ut nemo, niſi flere, poſſit. Sed de hoc Rege in ſequenti narratione plura.

DOCTRINA

Vaticinium
Ezechielis
de tyranno.

Hanc egregiam nobis ſuppeditat Ezechiel cap. 19. Ibi DEUS Prophetam, hunc in modum alloquitur. *Et tu (Ezechiel) aſſume planctum ſuper Principes Iſrael, (deplora, & luge calamitatem Iudaicorum Principum & regum) & dices: Quare mater tua leæna* (quare Ierofolyma, ſimilis leænæ ob nobilitatem, audaciam, ſævitiam incolarum) *inter leones cubavit* (intrepida olim quievit inter vicinarum gentium reges, velut inter leones) *in medio leuſculorum enutrivit catulos ſuos?* (inter alios Regum & Principum filios, brevi tempore multos genuit reges, nempe Joachazem, Ioakimum, Ioachinum, Sedeciam) *Et eduxit unum de leuſculis ſuis,* (Ioachazem ad regium ſolium extulit) *& leo factus eſt:* (ſuperbo & crudeli dominatu cœpit inſtar leonis rugire, & ſæviſſe in ſubditos) *& didicit capere prædam, hominemque comedere* (ſubditos per avaritiam pecunijs: per crudelitatem vitâ exuere. *Et audierunt de eo Gentes* (Nechao, rex Ægyptius) *& non abſque vulneribus ſuis ceperunt eum.* Præliò cruentò decertantem, vulnerârunt, & vulneratum ceperunt Ioachazem, juvenem bellicoſum, & more leonis ferocem. Heb. *Captus eſt in fovea eorum.* quibus verbis inſui videntur inſidiæ, in quas conjeſtus eſt. *Et adduxerunt eum in catenâ in Terram Ægypti.* quod ſuprà narravimus.

Qua (leæna, nempe Ierofolyma) *cum vidiffet, quoniam infirmata eſt* (orbata catulò ſuò, & rege Ioachaze) *& peris exſpectatio eius;* (quòd res, ut ſperaverat, non ſuccederent.) *tulit unum de leuſculis ſuis* (Eliacimum, ſeu Joakimum) *leonem conſtituit eum.* (à Nechaone ſeu Pharaone cum conſenſu populi factus eſt rex.) *Qui incedebat inter leones;* (fœdera cum vicinis regibus iniit, & inter tyrannos inceſſit tyrannus.) *Et didicit prædam capere, & homines devorare: didicit viduas facere,* (occifis earum maritis, & bonis occupatis) *& civitates eorum* (hominum ſcilicet, quos occidit) *in deſertum adducere:* (civitates fecit deſertas, & civibus ſpoliatas) *& deſolata eſt terra, & plenitudo eius, à voce rugitus illius.* (incolæ namque ſævitia Ioakimi territi, profugerunt, ſicut fugiunt animalia auditu rugitus leonis.) *Et convenerunt ad verſus eum Gentes undique de provincijs, & expandunt ſuper eum rete ſuum, in vulneribus earum captus eſt.* (Babylonij ſuis copijs, quaſi reti ceperunt Joakimum, & abduxerunt eum in Babylonem,

JOACH. ELIAC. JECHONIAS, REGES IMPIJ. 487

in Babylonem, non sine vulneribus inflictis, acceptisq;) & miserunt eum in cavēam &c. ne audiretur vox eius ultra super montes Israël. (Hoc habet tyrannus, qui alios leonino rugitu perterrefecit; nunc inclusus caveæ, & denique mactatus, solvit dignas scelerum suorum poenas. In eandem foveam inciderunt reliqui quoque duo, Soly-mææ lænæ catuli, Joachinus seu Jechonias, & Sedecias.

Aptissimè sanguinarij tyranni leoni comparantur, quibus idem præstat potentia, quod leoni ferox spiritus, & sitiens sanguinis furor. Fertur enim in prædam, eamque ut vestiget, & capiat, agros omnes ac silvas aspectu suo, fremituque conturbat; atque in eam ubi primùm inciderit, concerpit & devorat. Idem fecerunt regij hi catuli; quorum tamen non minùs brevis, quàm funestus fuit exitus. omnes simul, vix annis 22. regnârunt. Verè „ Seneca lib. 1. de Clementia : Reges, ait consenescent, liberisque „ ac nepotibus tradunt regna. tyrannorum execrabilis ac brevis „ potestas est. Meritò Salomon, Proverb. 19. Sicut fremitus leonis : ita & regis ira. imò cujuslibet scelerati Principis, aut magnatis; grassatur illa per rapinas. cædes, expilationes, in subditos. Talis fuit etiam Nero, de quo Apostolus 2. Timoth. 4. Liberatus sum, inquit, de ore leonis, videl. Neronis. Senec. Tragad. 6. Gravis regum ira est semper. Et alibi: Fulmen est, ubi cum potestate habitat iracundia. Per iram homo hominem exuit, feram induit, Iracundus cum apris spumat ore, dentes acuit attritu; cum tauris, jactat cornua, & arenam pulsu pedum spargit; cum leonibus fremit, & rugit, cum serpentibus irritata colla inflat, cum rabidis canibus tristis ei & minax aspectus; Tuta tamen est inter feras similitudo morum. Homo homini leo, lupus, canis est.

Inter alias Iudaicarum calamitatum causas, etiam hæc fuit: Societas cum Gentilibus regibus contracta. Hic Ezechiel: Incedebat inter leones. (Joakimus, aliique Soly-mæi reges, jam ad Ægyptios, jam ad Babylonios, aliásque Gentes animum adijcientes, pessimo semper eventu.) Ex apologis. nota est, Societas Leonina. Leo, inquit Æsopus, cum asino & vulpe societatem contraxerat, ut, quod venando cepissent, id inter se dividerent. Ergo cum venatu prædam essent nacti, mox jubet Leo, ut asinus eam dividat. Ille, ut erat stolidus, in tres æquas portiones partitus est. Ob eam partitionem indignatus leo, quòd ceteris æquaretur, asinum adortus discerpsit. Inde jussit vulpem divisorem esse prædæ; hæc asini clade cautior, omnem partem prædam attribuit leoni; sibi particulam exiguam reservans. Leo, probata distributione, rogat, ecquis illam dividendi artem docuisset. Cui vulpes: calamitas, inquit, asini. Id expertus est Joakimus dum Joachazem fratrem ad Nechaónem detulit; Utrúmque leo discerpsit.

Qq q 2

De Jechonia,

Tyranni
leonibus
comparan-
tur.

iracundus.

Societas leo-
nina.

Abominatio peccati le- thalis. De Iechonia; & quovis peccatore, terribile est, quod DEUS per Ieremiam intonat, cap. Ierem. 22. *Vivo ego, dicit Dominus: quia si fuerit Iechonias filius Ioachim regis Iudæ, annulus in manu dextera mea, unde evellam eum.* Quasi dicat, si Iechonias mihi esset tam conjunctus (quod revera non erat) quam est annulus vel amantis, vel signantis, nunquam deponi solitus; projiciam tamen à me, & proteram pedibus. Concedamus homini tot meritorum o- pes, quot omnium omnino coelitem sinu continentur; hunc si vel unâ graviore noxâ infici contigerit, illico omnis illa merito- rum congeries in auram dissipabitur; & fiet ex amico DEI inti- mo, hostis execrabilissimus, æternorum reus ignium. *Odio sunt enim DEO impius & impietas eius Sap. 14. Et Ezechiel 18. Si averteris se justus à justitia sua, & fecerit iniquitatem &c. omnes justitia eius, quas fece- rat, non recordabuntur.*

Peccati da- mna virtu- tis pramia. Nunc videamus, quas poenas etiam temporarias peccatum invexerit in Iudæam impiam. O quantum diversi à pientissimo parente Iosia, tergemini filij Ioachazes, Ioakimus, Iechonias! (quartus *Jobanani* nomine, præmaturò fatò è vivis subductus est.) Degenetem indolem DEUS per os Ieremiæ exprobrat, cap. 22. *Pater tuus (Iosias) nunquid non comedit & bibit, (rerum omnium abundantia affluens) & fecit iudicium, & justitiam, tunc cum bene erat ei? (nunquid eius felicitas ortū habuit ex æquitate & integritate reg- endi?) Iudæa vitæ causam pauperū, & egenti in bonum suum, iuste iudicando, & neminem, quamcunq; exilis fortunæ hominē opprimendo, non tam pauperum consuluit commodis, quam proprijs; Deo prosperos successus eius virtuti largiente) Nunquid non idcirco, quia cognovit me, dicit Dominus & (Unde rerum ei prosperitas haulta, nisi ex studio me religiosè colendi, mihi que placendi?) Tui verò oculi, & cor ad avaritiam, & ad sanguinē innocentem fundendum, & ad calumniam, & ad cursum mali operis? O studia nitriū contraria, ideòq; contraria merces!* Id prædictus Prophetæ eodem capite minaciter into- nat: *Terra, Terra, Terra* (ter repetit vocem Terra, quia ter Iu- dæa monita est à DEO, puta, in trina trium regum clade, nem- pe Ioachazis & geminorum fratrum) *audi sermonem Domini.* Et quis ille sermo, nisi futurorum malorum horrida denuntiatio? Præter Ieremiani, audiamus Ezechielem cap. 19. *Mater tua, quasi vinea in sanguine tuo super aquā plantata es: fructus eius & frondes eius creverunt ex aqua multâ. (Ierusalem mater tua, O Ioakime, imò ma- ter vestra, O reges Iudæ, instar frugiferæ vineæ seu Vitis, juxta a- quā plantatæ, & riguo humore sæcudatæ, pampinorū & palmitū ornatu luxuriavit; In sanguine tuo, hoc est regio sanguine & proge- nite tumida, familijs, civibus, potentia, divitijs, gloriâ aucta est.)*

Ezechielis vaticinium de interitu Iudaorum regum.

JOACH. ELIAC. JECHONIAS, REGES IMPIJ. 489

est.) *Et facta sunt ei virga solida in sceptrum dominantium, & exaltata est statura eius inter frondes: & vidit altitudinem suam in multitudinem palmarum suorum* (Palmites sunt; soboles Regia, sceptrum nata; frondes, Principes opibus potentes; proceritas statura; multitudo palmitum (intellige minorum) seu sarmentorum aut flagellorum, nempe multitudo civium & incolarum; quam ubi vidit Ierosolyma, videndo sibi placuit, & superbivit. O superbiam ruinæ proximam! Time, Ierosolyma, tempestatem & naufragium; jactaris. Surgunt in altum fluctus, ut deruant violentius. Imò, ut ad *vitem & vineam* redeam, time tibi inflata Ierosolyma; jam securus ad radicem posita est; excideris, & eradicaberis; veniet frigidus aquilo, qui exurat germina tua, & perdat opes tuas. Comminatur id porro Ezechiel loc. cit. *Et evulsa est (Vinea) in ira, in terramque projecta, & ventus urens siccavit fructus eius: maruerunt & arefacta sunt virga roboris: ignis comedit eam. Et nunc transplantata est in desertum, in terra in via & siccanti. Et egressus est ignis de virga ramorum eius, qui fructum eius comedit; & non fuit in ea virga fortis, sceptrum dominantium. Placuit est, & erit in plantam. Ventus urens est hostium Chaldeorum in Iudæam impetus; siccati fructus, cives Solymæi & opes exhaustæ; arefacta virga, Principes, regum filij, reges fortunis suis eversi. Ignis adurens & depascens, ultio divina. Transplantatio, est abductio & Translatio in Babyloniam, ubi captiva Ierosolyma rerum omnium tenetur indiga, tanquam in solo arenti & deserto. Ignis ille vindictæ divinæ egressus est, id est, excitatus est ab impietate regum & principum; præcipue, sufflante Sedecia, qui fuit causa excidij, & quo regnante, funditus vastata Hierosolyma; Nec remansit virga aut palmes, heres aut filius, qui in regnum succederet; nam cum parente Sedecia, nati in captivitatem abstracti, & interfecti sunt; pater exocularis & ærumnoso carceri mancipatus. Quod jam paullo explicatius*

referemus.

NARRATIO XCIX. SEDECIAS, IOSIAE FILIUS, REX JUDAE ULTI- MUS, IMPIUS, PERIURUS, PERFIDUS, CALAMITOSUS.

4. Reg. 25. lib. 2. Paral. c. 36. Jerem. 39. 40. 41. 205
Ab anno M. 3463. ante Christum. 617. ad annum Mundi 3446.
ante Christum 607. quò anno Jerosolyma cum re-
ge suo Sedecia capta est.

NArravimus, binis Assyriorum seu Babylonio-
rum in Judæam irruptionibus, præter depræda-
tiones ac mala cætera, captivorum insuper aba-
ctiones (quas Transmigrationes nominant) in Ba-
bylonicam servitutem esse factas. Abactione qui-
dem prima, *Joakimum*, Solymorum Regem, in catenis Babylo-
nem abductum; iterumque remissum in patriam, stipendiarii
nomine; sed cum deserto Babylonio rege, fidem amplexus fuis-
set ac sœdus Egyptij regis: à Chaldæis denuo comprehensum,
& extrema calamitatum expertum. Transmigratione verò pro-
ximè sequente, *Jechoniam* Joakimi filium, & à patris obitu suc-
cessorem, cum multa præda & flore nobilitatis in eandem captivi-
ratem abstractum. Nunc tertia nobis in Babyloniam abductio
memoranda, quæ septuaginta jugum annorum collo recepit;
ac neque postea quidem, tam longum sub intervallum, id sa-
tis cervicibus suis excussit. Ea *Sedecia* Rege, comitèque, quin
& auctore conflata, confectaque: traxit una secum, quasi ma-
lorum omnium uno quodam involucro, regem *Nabuchodonosorem*
Magnum, insuperabilem Judæis hostem, & avitæ potentiae everforem.
Sedecias igitur, quem à parente *Iosia* Matthianiam vocatum
diximus, *Ioakimo* fratre à Chaldæis interempto, eiusque filio
Jechonia Babylonem traducto, à *Nabuchodonosore* regnum patrium
accepit; prius adactus in Sacramentum clientelare, vo-
catoque in testem DEO, se Babyloniorum stipendiarium, datam
regi fidem servaturum integram, illibatamque. Annū agebat vice-
simum primum; cum regni gubernaculis admotus, luxuriare sta-
tim potentiā cepit, DEI, sacrorumque contemptor; neque faciē Ie-
remiæ Prophetæ saluberrimè monētis erubuit, neque tot DEI nun-
tios extrema minitantes. Septenſid cliēs Babylonij regis, & vectigalis
fuerat;

SEDECIAE, REGUM CALAMITOSISSIMUS. 491

fuerat; cum munita jam urbe, ubi satis praesidij visum, ad libertatem fatali dementia aspirare coepit. Sollicitabat animum Aegyptus, progenitorum olim hospes, sed dura. Trita in eam magis via, & vis propior ad nocendum, ad auxiliandum promptior. A Babylonij nihil expectabatur, nisi arrogans & durum, factum regnantium, & praeteritorum experientiam reputantibus. Itaque ex clandestinis simultatibus in apertam se rebellionem coniecit; foedus iniit cum Aegyptijs adversus Babylonios, communes hostes. Eius defectione comperta, Nabuchodonosor instructis celeriter copiis, in Iudaeam armatus irrumpit, Hierosolymam vallatam & clausam acerrima vi obsidet. Accendit obfessorum animos salutis desperatio, implacabilis regis avaritia; & fiducia subsidij Aegyptiaci. Neque prorsus ea vana fuit. Nam obsidionem Pharaonis Aegyptiorum regis, cum auxilijs adventus, tantisper disiecit, & in se Chaldaeorum arma convertit. Quod profligato, arctius quam ante, Hierosolyma circumfideatur ab hostibus.

Sedecias rebellat Babylonio regi.

Deditionem continuis vocibus Jeremias, à DEO monitus, suadebat; sed obstinatis. Principes male multatum, ut impatiens est melioris consilij superbia, derinuerunt in vinculis, oppressa veritate. Surrepsit tamen auribus Regis & Reginae, obtestans & adiurans, ut urbe dedita, hostis animos placarent; omnia mitiora fore, victoris arbitrio maturè se permittentibus. Inclinabat interdum Rex in tutiora consilia; sed mente invalidum, ac nutantem, Procerum animi abripiebant in praecipitum. Propè bienniū jam steterat obsidio, & dirissima fames urbem urgebat; è fame pestis, è peste cadaverum copia; & ex hac sepulturae neglectus; hinc belluae, quae funeratos juxta, semivivosque lacerabant; hinc in oppugnata civitate nihil nisi pavor & pallor, ac lamenta. Defecerant animi bellantium, nec jam enectis corporibus, idem ardor pectoris.

Babylonij Hierosolymam obsident. Jeremias frustra deditionem suadet.

Extremum malorum, in fuga perfugium, sed serum. Rex tandem urbem clam deferit, quam tenere ultra non poterat. Beneficiū noctis per regios hortos, mœnibus contiguos, elapsus scribitur, cum aliqua bellatorum manu. Fugientem senserunt excubitores Chaldaei, & insecuti sunt. Ibat per avias solitudines Regiae familiae agmen miserabile, paucis, ut dixi, militibus cinctum. Infiliiunt in eos Chaldaei, aquilus perniciores; & dissipatis custodibus, Regem cum suis capiunt. Interea luctuosissima Hierosolyma dies illuxit; post decimum nonum oppugnationis mensem, venit & ipsa in barbarorum potestatem. nihil tum ad sumam crudelitatem

Sedecias suū capitur.

*Ierosolyma
vastatur.*

tatem desideratum. Crudelis Chaldaeorum in urbem irruptio; crudelior per urbem discursus, praeda, caedes. Miscentur truculenter Sacra profanis; victoris furori, rapinis, contumelijs, libidini cuncta cedunt. Populi nongenta millia trucidata feruntur: captivorum innumera raptata multitudo; Pontifex ipse *Iosedecus* inter eos fuit. *Arca* tamē, & *Tabernaculum*, & *altare Incensi*, cum *igne Perpetuo*, nonnullaq; , quæ facile asportari poterant, jam antè Templo subducta, & subterraneo in quopiam loco abscondita, *Jeremias* potissimum hortatu & curâ.

*Nabuchodonosor ira
in Sedecia.*

Mensem in ea vastatione absumpserunt Chaldaei, cum diripientium manus non sufficerent praeda. *Sedecias* verò cum suis adductus est ad *Nabuchodonosorem*, tunc *Reblatha*, urbe peramœna, & quatuor dierum itinere Hierosolyma; distante, agentem, eminusque belli Iudaici successus spectantem. Coram irato Victore ut victus stetit, mox ardere libidine vindicandi sævus domitor, nec usitata feritate contentus, tetra & horrenda machinari. Inde fremens, & truci vultu captivum contuens: Et hæc, inquit, gratia meritis nostris refertur? huc reciderunt promissa tua impie, fœdissime, perduellis? hæc pactorum fides? hæc clientis in dominum suum obsequia? Siccine potestatem regiam, quam à me accepisti, in beneficij auctorem armâsti, DEO, hominibusque injurie, perjure, perfide? Dabis, dabis nunc perfidiæ tuæ, meique, tuique spreti Numinis pœnas, detestandum caput. Magnus ille dominator siderum, quem perjurio, scelestissime, violâsti, tradidit te ultrici furori meo. Ut sentias te mori, per mortis dispensabo funera; per liberorum corpus, tua rimabor viscera. I, miles, in conspectu latronis, execrabilem sobolem interfice: impurus sanguis hauriendus est ad guttam, ne repullulet. Interemptis catulis, caput arripe canis, exscinde oculos, in catenis Babylonem rape; ubi lancinantis inter animi tormenta, & squalorem carceris longa scelerum supplicia solvat. Disto audientes satellites, catenatos in conspectum victi patris, adducunt filios, & sub eius, ac cæterorum captivorum oculis, regios puerulos, quos ætas tenera poterat miserabiles facere (genitor quippe trigessimum secundum nondum excesserat annum) obtruncant, parente miserorum sanguine resperso, & in singulis moriente. Qui satis ubi suorum in funera fuit oculatus, eruuntur illi lumina, & informe jam cadaver cladibus suis superstes, Babylonem abducitur. Oneratum ferro, & inclusum cayæ, accedente ad crudelitatem ludibrio, Ducē funesti faciunt agminis; hoc uno feliciorē cæteris, quod suam, ipse miseriam, exsculptis oculis non videret. Sequuntur captivi bini, ternive longo agmine. In ijs filia eius, quarum *Ieremias* meminit nominatim, cum cæteris

*Sedecia filij in conspectu parentis trucidantur.
Sedecius ex oculatus Babylonem abducitur.*

SEDECIAS, REGUM CALAMITOSISSIMUS. 493

cum cæteris mulieribus, uxoribus, & concubinis. Sed eæ sunt *Godolia* cuidam, natione Iudæo (qui maturò transfugio sibi Nabuchodonosoris clementiam concillarat, & ab eo præfecturam Iudææ acceperat; in qua nihil ferè, præter vinitores, agricolas, vulgusq; proletarium, relictum) permiffæ, privatamq; in sortem redactæ. Quò deinde ab Ismaële quodā, de regio Iudæorū sanguine, per proditiōē interfectò; (nam invidebat eam dignitatem *Godoliae*) cum Iudæorum reliquias ultima desperatio (obstante nequicquam *Ieremia*, & divina oracula opponente) in Egyptum transfugas egiffet, eò uxores, & Virgines etiam regiæ, ad majorem ignominiam, & corporum contumeliam raptatæ sunt.

Cæterum, ubi satis cædibus, & populationi datum; consulunt Nabuchodonosorem militiæ Principes, quid urbe *Soly-mæa* fieri placeat. Ille negotium committit ducum cuidam, *Nabuzardan* nomine, ut vastatam urbem intret, totamque flammis succendat. Neque segnius effectum est, quàm imperatum fuerat. Urbs, urbis muri, regiæ Davidis & Salomonis ædes, omnisque Hierosolyma flammis deletur; Templi prius spoliati gloria fundamentorum tenus excisa; quæ quadringentis viginti quatuor annis à primò jacto lapide vigerat, in cinerem & lapidū cumulū desidet; *Judææ* regnū, quod à Saulè quadringentis & octoginta quinq; sustentarat annis, concidit, & in Chaldæorū arbitria concedit. Arsit, quidquid auferri non potuit. Faces ædibus subjecit ex intimis cavernis exegerunt latentes, & Chaldæorum furori objecerunt. Sedeciam mæror animi, oculorum cruciatus, liberorum orbitas, templi, regniq; interitus, vinculorum & carceris durities sensim confecerunt. Qui si ex catenis illis Babylonis in Inferorum ergastulū non est detrusus, id enim uero *Ezechielis* & *Danielis*, captivitatis Sociorum, adscribendum est precibus, & pijs monitis, è quibus didicit, futura mala præsentibus redimere. Tradunt Hebræi, eum cum plangore, Babylone sepulcrum more regio; argumentum lessi fuisse: *Hæu cecidit Sedecias, qui facem bibis omnium seculorum*; miserrimus scilicet supra omnes antecessores suos; quippe cuius perfidiosa Babylonici foederis, pactique violatio, supremum Regni Iudaici fatum, & irreparabilis vastitas fuit. Usque adeò sancta debet esse jurati reverentia verbi.

DOCTRINA.

Locutus est cum eo iudicium. 4. Reg. 25. Nabuchodonosor Accusatorem & Iudicem egit; postulavit Sedeciam violati jurisjurandi, reūque condemnavit in *Reblatba*; quam aliqui Provinciam Syriæ interpretantur; alij *Ematbiam* vocari putant, & murato postea nomine, *Epiphaniam*, ab Antiocho

R r r

Epiphane

Uxores & filia Sedecia ludibrio affecta.

Soly-mæa urbs funditus excinditur.

Sedecias mærore contrahens.

Pena violati iurijurandi & fidei.

Impj consiliarij.

Fides etiam hosti servanda.

Epiphane dictam; longiusque remouent ab urbe Ierosolyma; Nos cum multis eam ad Libani radices ponimus, non ultra quadraginta leucas Solymâ dislitam. Sed ad *Judicium*, quod Babylonius Rex cum Judæo rege constituit. Reus, ut dixi, actus est fractæ fidei, damnatusque; nec injuriâ. Sedecias enim cum Nabuchodonosori, interposita Numinis Veri auctoritate, fidelitatem jurâisset, vocavit eum Babylonius rex Sedeciam, hoc est, *justitiam DEI*; nomen ut ipsum fidei, justitiæque commoneret, sanctè, constantèrque colendæ; injuriam enim ruptæ fidei, non tam in ipsum Nabuchodonosorem, quàm in Hebræorum DEUM redundaturam, Respondit pœna peccato. Sedecias juramentum præstaturus, suspexit in cœlum, Deumque dictorum & promissorum testem, ultorèmque vocavit, Hinc oculorum supplicium, occisi in conspectu filij, & lumen frontis ademptum, quod jam antè perjurio temeravit. Altera excæcationis causâ, impiorum consiliariorum cæca consilia, Ieremiæ *Videntis* divinis effatis præhabita. Verè Salomon Proverb. 29. *Princeps, qui libenter audit verba mendacj, omnes ministros habet impior.* Nam si rex religionem juramenti contemnat, quis Procerum idem sibi licere non putabit? Sæpius tamen Principes ipsi impelluntur in ruinam, quàm impellunt; Sedecias quòd Ieremiam non audierit, Palatini obstituerunt; communi Aularum vitio, quibus splendida placent magis, quàm solida; & hostes debellantur verbis, non armis. Ultimas fert Religio, primas Assentatio.

Disce, quàm fides etiam hosti sit servanda, quàmque fractæ vindex sit DEUS. Sic perfidiosus Sedecias se, suam stirpem, regnum evertit. Sic Saulis familia vitam & genus suum in cruce finivit; Gabaonitæ quamvis fraudulentis, contra fidem tamen datam à Saule occisi, DEUM ipsum injuriæ Vindicem, supplicijque Dictatorem habuere. *Non decet Principem labium mentiens,* asserit Principum sapientissimus Prov. 17. In omnium ore turpe mendacium; turpissimum in ore Principis; cuius verba divinis eò similitudine debet esse, quòd propius ad DEUM dignitate & imperio accedunt. Monet *Isocrates* Principē: Verbis tuis, *inquiens*, major sit fides injuratis, quàm juratis aliorū. *Fama stant imperia*; quâ si Princeps exciderit, quid erit nisi Larva, amicis pariter, inimicisq; ridenda? Fides, ait *Seneca epist.* 89. Sanctissimum humani pectoris bonum est. Fides stabilis regna; perfidia evertit. Tolle fidem, tolles religionē, societatem humanam, DEUM. Unde Pseudopoliticorum vox illa de, testabilis apud *Euripidem*: Jus, regnandi gratiâ violandum est; alijs rebus pietatem cole. Quos refutans Salomon, Proverb. 19. *Qui mendacia, inquit, loquitur, non effugiet.* Certè non effugit Sedecias, cuius, S. Chrysostomo teste, perjurium Hierosolymam incendit,

muros

SEDECIAS, REGUM CALAMITOSISSIMUS. 495

muros subvertit, & atrocius quàm flamma, gladiusque hostilis grassans, cives cum civitate sua, Regemque cum liberis & regno perdidit. Memorabile est, quod *Bonsinius* de Uladislao Rege Hungariæ tradit *lib. 26*. Hic contra fidem, pactaque, bellum Amurathi Turcarum Imperatori; sibi verò, regnòque maximam cladem intulit. Videbatur initium prælii favere perfidiæ; magna cæde fugantur Turcæ: quod animadvertens Amurathes, depromit e sinu codicem initi sanctissimè foederis, intentisque in cœlum oculis, contestatur Christum JESUM, ut & nominis sui, juramento interpositi, & Turcarum ulciscatur injuriam. Audijte vindex DEUS; fortuna vertitur; Hungari cæduntur, fugantur; Rex ipse Uladislauus, mali causâ, trucidatur. Possunt equidem falli homines; non fallitur DEUS; Testis simul est, & Ultor: vocatus adest. Malè illudenti.

Nabuzardan, Princeps militia, servus regis Babylonis, venit in Jerusalem, & succendit domum Domini, & domum regis: & domos Jerusalem, omnemque domum combussit igni &c. 4. Reg. 25.

Nabuzardan princeps cocorum, gulam designat.

Septuaginta vertunt Archimagirus, seu princeps coquorum. Hebræ. princeps mantantium. Unde per eum *S. Gregorius* mysticè accipit gulam, quæ templum animæ nostræ evertit. Audi eum *3. p. Pastor. Admonit. 20*. Princeps cocorum destruxit muros Jerusalem. Princeps, namque cocorum venter est: cui magnâ curâ obsequium à cocis impenditur, ut ipse delectabiliter cibis impleatur: Muri autem Jerusalem, virtutes sunt animæ, ad desiderium supernæ pacis (quam significat Jerusalem nomine suo) elevatae. Cocorum igitur princeps muros Jerusalem dejicit; quia dum venter ingluvie extenditur, virtutes animæ perluxuriam destruitur. Et *lib. 30. Moral. c. 22*. Nullus palmam spiritualis certaminis apprehendit, qui non prius per afflictam ventris concupiscentiam, carnis incentiva devicerit. Neque enim ad conflictum spiritualis agonis assurgitur, si non prius intra nosmet ipsos positus hostis, gulæ videlicet Appetitus edomatur; quia si non ea, quæ nobis sunt vicina, prosternimus, inaniter ad ea, quæ longius sunt, impugnanda transimus. Incassum namque contra exteriores inimicos in campo bellum geritur, si intra ipsa moenia civis insidians habetur. Quocirca Abbas *Pamens in Vita Pat. Nisi, inquit, Nabuzardan princeps cocorum venisset, templum DEI non arsisset; hoc est, nisi desiderium gastrimargiæ irrepisset, anima libidine non conflagrasset.*

Stupeat verò quis, inquit *noster P. Nicolaus Caussin, Dissertat. 96. de Regno DEI*, tam severa per misericordem DEUM flagella, in ipsius DEI populum immissa. Sed tantam abominationum seriem recogitanti, cui non parva & sera Numinis vindicta cen-

R r r 2

sebitur?

Cur Indsi tam graviter à DEO flagellati.

sebitur? Toties spreta religio, toties sacra conculcata, toties effusus prophetarum sanguis, cœlum, & DEUM sollicitabant. Incisa tum etiam *Manassis* peccata in cornu altaris stylo ferreo, ungue adamantino, cuius etsi reatum pœnitentia absolvit (de quo nos etiam suprà meminimus) pœnas tamen divina Iustitia in ferros nepotes reservavit. Scripta tum in cœlo lex de Solymæ interitu, quam *Iosias* distulit, non delevit. At cur in *Josia*, Principis optimi, filijs Regnum desijt? mirabitur quis fuisse miseros, qui tam improbi fuerunt? *Caini* interfector septuplùm punitur, quòd *Cain* nullum habuerit pœnæ exemplum, quòd deterreretur à scelere. At verò *Lamech*, cùm *Cainum* videret propter admissam cædem tam horrendis, tam diuturnis cruciatibus exagitatum, audaciùs in crimen irrupit, nec cœlestibus minis avocatus, quòd factum, ut graviùs puniri mereretur. Obversabatur *Josianis* Regibus imago pœnarum horrenda, quas impij Reges in se concitaverant. Erat etiam in manifestissima luce parentis integerrimi pietas: nihil erat, quod non revocaret à facinore, nihil quod non incitaret ad decus. Perfregerunt omnia pudoris claustra, ut venalem animam gentium superstitioni, sacrisque abominandis, & flagitijs innumeris prostituerent. Debuit DEUS injustus esse, si adulteri legis, & Prophetarum irrisores per eum viverent, per eum regnarent, quos Regno & vita privari, ipsorum delicta sanxerant. Non pepercit Ascensor cœli suo sanctuario, non throno; omnia concussit, ut iustitiæ satisfaceret. Reservari non oportuit ad nova flagitia, qui crimen unum, alterius gradum continuò fecisse gloriabantur. Deletum igitur hoc regnum Iudæ, antequam attingeret unius è longævus Patriarchis ætatem, ut Christo soli Regi sæculorum deberi censeretur æternitas.

Cur p̃ij affliguntur impij prosperantur.

Exoritur hîc alia quæstio, quam cap. 12. movet *Ieremias*, magna pars cum plurimis alijs innocentibus, harum calamitatum. *Quare*, inquit, *via impiorum prosperatur; bene est omnibus, qui pravaricantur, et impij agunt?* Quid enim? *Babylonij*, mortalium sceleratissimi, victorijs latè grassantur, & orbem sibi terrarum subijciunt. Et multos, è populo DEI infontes, in servitutem abripiunt. Iactabatur hac fluctuatione etiam *David*, cùm ait psal. 72. *Mei autem penè moti sunt pedes, penè effusi sunt gressus mei; Quia zelavi super iniquos, pacem peccatorum videns.* Quasi dicat: Nutare cœpi, & parum abfui à lapsu, dubitando circa iustitiam & providentiàm DEI, res iniquorum adeò prosperantis. Unde minùs mirum, quòd tanta proborum infelicitas, & improborum felicitas gentes idolorum cultrices in varios errores induxerit. Est enim hinc factum, ut vel omnino negarent, Deos esse. Unde canit ille:

Errores Gentilium circa felicitatem improborum.

Marmoreo

SEDECIA, REGUM CALAMITOSISSIMUS. 497

Marmoreo Licinus tumulo jacet, at Cato parvo.

Pompeius nullo; credimus esse deos?

Et *Claudianus lib. 1. in Rufinum.*

sæpe mihi dubiam traxit sententiam mentem;

Curarent Superi terras; an nullus inesset

Rektor, & incerto fluereut mortalia casu.

Mox subdit causam huius dubitationis:

Nam cum res hominum tanta caligine volvi

Aspicerem, letosque diu florere nocentes,

Vexarique pios; animo labefacta cadebat

Religio.

Alter ethnicorum error fuit, quodd credereut quidem, esse deos,

sed terrena & humana non curare. Ita sensit *Plinius lib. 2. c. 7.* Ir-

ridendum est, ait, agere curam rerum humanarum illud, quod est

Summum. Et causam addit: An tam tristi, atque multiplici

ministerio non pollui credamus, dubitemusve? Tertius error,

à Dijs universo duntaxat generi humano; non autem singulis

hominum consuli ac provideri. Quasi verò Mentem illam æ-

tèrnam, infinitam, immensam, omnipotentem: omnia videntem,

audientem, scientem; omnibus vel meritis pœnas, vel præmia

retribuenteut, quidquam vel effugere possit latendo, vel distrahe-

re providendo. Quod autem fontes florere sinat, & præmi in-

fontes, id ipsum ad sanctissimam eius Providentiam pertinet.

Unde David abjecta priore dubitatione: *Noli ait psal. 36. amu-*

lari in malignantibus, neque zelaveris facientes iniquitatem. Quoniam

tanquam sanum velociter arcescent, & quemadmodum olera barbarum citò

decident. Vult dicere: Non te conturbet impiorum prosperitas,

quasi DEUS humana nec sciat, nec curet. Non est enim impio-

rum solida felicitas, sed fluxa, caduca, fallax & instar vitentis gra-

minis mox falce metenda, vel solis calore exurenda. Vidit hoc i-

psum Gentilis Poëta, quem supra adduxi:

Abstulit hunc tandem Ruffini poena tumultum,

Absolvitque deos; jam non ad culmina rerum

Injustos crevisse queror; tolluntur in altum,

Ut lapsu graviore ruant.

E contrario DEUS probos in hac vita deprimit: ut altius extol-

lat invita futura. Id confirmans *S. August. in sententijs n. 239.* DEUS,

inquit, per malos erudit bonos, & per temporalem potentiam

damnandorum, exercet disciplinam liberandorum. Non enim

DEUS inittit tyrānis voluntatē nocendi innocentibus, quod Calvi-

nus vult, sed eorū voluntariā malitiā, & à se prævisā, utitur tanquā

licitore & executore justę Vindicte sue. Hinc, Jer. 25 *Mittā inquit, Nabu-*

chodonosor regē Babylonis, servū meū, & adducā super terrā istā &c. Servū dicit,

Et circa
DEI provi-
dentiam,

& suum quidem; cur? Quia non interest, qualis sit carnifex, sed qualis iustitiæ Præses. Sed num impune aliena scelera plecter sceleratus? Neutiquam. *Cum impleti fuerint* (ait DEUS) *septuaginta anni, visitabo super regem Babylonis, & super gentem illam &c. & ponam in solitudines sempiternas.* Lictorem lictori immisit, perque Persas, Chaldæos perdidit, talione tyrannidi repenso.

NARRATIO C. IEREMIAS SACER- DOS, DOCTOR, PROPHE- TA, MARTYR.

Ex libro Prophet. Jerem.

Ab anno M. 3407. ante Christum. 646. ad annum 3448.

ante Christum 605.



Ieremias oriundus oppido *Anathoth*, non procul Jerosolymâ dissit, patre *Helcias* Sacerdote, tribus Benjaminæ; antequam lucem aspexit, illustratus à DEO, & labe purgatus originariâ, Prophetâ consecratus est. Argumentum prophetiæ, Solymæum excidium per Chaldæos inferendum. Cujus tela ut minus ferirent prævisa, ipse fatidicus, arcum ostendit, è coelo minantem; tantò oculatior in arcanis DEI perspiciendis, quanto puriorem in ea secreta immisit oculum, virginitatis per omnem vitam cultor. Admodum adolescens (neque enim quartum aut quintum supra decimum, ætatis annum superaverat) primas futurorum imagines objectas habuit *Virgam amygdalinam* floribus oculatam, & ad feriendum mobilem: *lebesem* præterea fervide ebullientem: præfaga Judaicæ cladis signa. Postquam innotuit, adolescentem Spiritu prophetico divinitus afflatum, mox supra ætatē crevit eius auctoritas & reverentia. Ipse verò non contentus Oracula de cælo hausisse, nisi, quæ didicerat, doceret alios, & quasi lumen de lumine accenderet, rerum occultarum cognitionem ad popularium salutem transtulit. Igitur cœtibus sese concionabundus immittere, entheâ quadam verborum vi, hominum aures percellere, mirè versare animos, & impendentium seriem calamitatum ob omnium oculos ponere, atque ad vindictis iram Numinis placandam exhortari. Cuius iræ, post *Virgam vigilantem & ollam* igne fervescentem, symbolum vidit *Calicem*, cunctorum peste malorū spumantem, cum cæteris ex-

*Jeremia propheta si-
gna: Vir-
ga, olla, ca-
lix, jumbæ-
re, saguncu-
la, calathi-
scorum.*

JEREM. SACER. DOCT. PROPHETA. MART. 499

hauriendum gentibus, tum Judæis maximè. Idem ei repræsentatum, per *lumbare* seu Cingulum lineum, lumbis accinctum, juxtaque fluvium *Eupbratem*, defossum; iterumque, ubi computruit, protractum. Huic ænigmati velum removit consecuta Hebræorum in Babyloniam deportatio, longæque servitutis squalor ac illuvies.

Aliàs obtutui Prophetico *laguncula* obversabatur, merò plena, præsignans, cœlestis mensuram vindictæ completam, ludæos instar testæ collidendos & dispergendos. Iterumque species ei duorum calathorum oblata, quorum alter agrestes & exsuccas, alter matras & dulces ficus exhibebat; ostendente DEO, bonorum, malorumque de gente Hebræa discrimen, suæque in alteros benevolentiae, in alteros aversionis disparem affectum. Sed hæc visio magis animi, quàm corporis fuit; quæ sequuntur, manifestam lucem habuerunt.

Jeremias ut factis magis, quàm verbis servitutem Chaldaicam denuntiaret, DEI jussu, ligneum cervici jugum adaptavit; cumque palam illud circumferret in collo, tanquam prognosticum subjugandæ Judææ signum; opponunt se infaustis vaticinijs falsidici Vates quidam & arioli; quos inter, *Hananias* collum Jeremiæ invadit, numellas, seu collare ligneum deripit, & in conspectu populi diffringit; ea se ratione Numinis oraculum elusisse ratus; cuius ipse veritatem non diu post sensit, morte præproperâ, uti Jeremias prædixerat, abreptus ad Tartara. Persistit in sententia Numinis interpres Jeremias; & quia sub illud tempus diversorum Regum legati Hierosolymam convenerant ad Sedeciam, in novum fœdus adversus Chaldæos consociandum, Vates de libertate asserenda cogitantibus, durissimam servitutem minatur: & ijs, qui legati aderant, dat fragmenta jugi sibi detracti domum ferenda, tristium fatorum, & multis populis communium portenta.

Jeremias ligneum cervici jugum circumdat.

Sed hæc præfagia plurimorum odijs, constabant Vati; quisque primi debebant esse ad fidem adhibendam, præ cæteris adversabantur. In ijs fuit quidam, *Phassur* nomine, de Sacerdotum numero. Hic cum aspiceret Prophetam in corona circumfusi populi vas quoddam fictile arripientem, inque frustra cominuentem, cum dira casuum iminentiû interminatione; impariens mali præfagij, cum verbis illud refellere non posset, verberibus refutandum putavit. alapam liberalem incutit faciei, & insuper odiosum Vaticinatorem in nervum & tormenta mittit: nihiloscius in funestis Solymorû ruinis prædicendis perseverantem. Mox igitur libertati redditur, cum nexis frustra pedibus, manibusque, lingua vinciri non posset. Sed ea dicendi libertas, aliquantò post iterum est arctata carcere; non còpressa tamè. Sedecias

Jeremias alapa infligitur.

Jeremias in nervum mittitur.

terrītus

terrītus denuntiatione impendentis exitij, iussit inuisum augurē in vinculis luere, intentatas barbarorum catenas. Etiam has minas spreuit constantia viri divini. emittitur iterum ē custodia, paullo post in tetriorem conijciendus. Nunquam enim vel Odio vel Invidiæ deest ansa, innocentiae in suspensionem & poenas trahendæ.

*Jeremias
flagellu ca-
sus, in spe-
cum horri-
dam demis-
situr.*

Adverterat Jeremias Regem *Sedeciam*, Procerū pravis consilijs magis atque magis in suam, regniq; perniciem transversum agi; quare maluit Hierosolymis excedere, quàm diutius canere sordis. Eum abitu *Ierias*, Hananiae nepos (qui tum ad portam Urbis Beniamiticam excubabat) cupiditate ulciscendi avi, interpretatur transfugium ad hostes; itaque virum innocentem calumniā conditionis opprimit, efficitque, ut flagellis cæsus, in foveam subterraneam, tenebris & foetore horridam detrudatur, non nisi sceleratissimis subeundam. In eo horrore duobus, tribusve mensibus exactis, redeunt ad obsidionem Solymæam (quod proximè præcedenti narratione scripsimus) Chaldæi; redit ad novos metus *Sedecia*, & Jeremiam in mitiorem custodiam transfert, in vestibulum scilicet comuni carceri præstructum, ubi ab omnibus adiri audiriq; poterat, manicis tamen, compedibusque ligatus. Cùm verò etiam hoc in loco, ultima quæque prænuntiaret, suaderetque deditiōem Solymæis civibus, ancipiti tunc malo pressis; foris enim territabat obsidentium Chaldæorum gladius; intus cum fame & peste confligendum erat; novo furore concitantur in eum Primates, nec antè quiescunt, quàm consentiente rege, Jeremias, tanquam suis concionibus dissolveret civium animos, & enervaret, rapiatur ad supplicium, sanè crudele. Cœnosus ac profundus erat puteus; in hunc seminudum collo tenus demergunt, ut ibi frigore, fame, pædore, diutina crudelique morte extinguatur. Adfuit DEUS deplorato, & auxilium, unde non sperabatur, submisit. Degebat in Aula *Sedeciae*, Evnuchus quidam, *Abdemelebus* appellatione, æthiops gente, inter paucos apud regem graciosus; hic cōsolatione erga virum innocentem, & vitæ sanctimoniā præstantem, motus, accedit regem, accusat procerum adversus inmeritum sævitiam, rogat sibi copiam fieri, eius ē profundis ffordibus educendi. Conceditur. *Abdemelebus*, assumpto secum triginta virorum præsidio ad vim, siqua inferretur, arcendam, confert se ad puteum (S. Scriptor *Lucum* vocat) demissisq; in altum funibus, extrahit captivum, penè exanimem, restituitque carceris atrio seu vestibulo, vinculis tamen innexum.

*Per Abde-
melebum
inde libera-
tur.*

Venit interea tempus ineluctabile; effringunt Chaldæi portas urbis, factaque irruptione, scedant & vastant omnia promiscuâ

JEREM. SACER. DOCT. PROPHETA. MART. 501

miscua cæde, rapinis, incendijs. Ieremias inter alios captivos, Babylonem abducendos, *Nabuzardan*, Chaldaicæ militiæ principem, in catenis sistitur; & pro fama virtutis, benevolè accipitur; vinculis solutus, ad protectionem Babylonicam humaniter invitatur; id si minùs allubesceret, datur optio, vel remanendi in patria, vel aliò quòcunque commigrandi. Maluit Vates in patrio solo subsistere, ut & Iudaici reliquias naufragij colligeret, & acerbius lugeret miseras, quibus præsens aderat.

*Ieremias in
devastata
patria re-
manet.*

Cæterùm quæ facies fuerit Solymorum urbis à Chaldæis devastatæ, testantur threnodiæ, seu lugubria Prophetæ carmina, quibus lamentatur civitatem illam *decòris perterriti, dominam gentium, principem provinciarum, gaudium universæ terre*; templum illud Salomonicum, Hebraicæ gentis gloriam, mundi miraculum, exemplar divinæ architecturæ: in disjectorum murorum acervos, everfarum ædium cumulos, rudera, parietinas afflatas fumo, fuligine nigricantes, in cinerem abiisse. Porro *Godoliâ* Iudææ Præfecto (cui Nabuzardanus, nomine regis sui, Ieremiam præcipuè commendatum volebat) per insidias (quod suprà narravimus) interfecit, veriti Iudæi, ne suspitione cædis in ultrices Babyloniæ manus inciderent, fugam in Ægyptum arripiunt, ducti secum Ieremiâ, ejusque scribâ *Baruch*, utroque nequicquam reclamante, promissâque divinitus incolumitatem, si in patria persisterent, inculcante. Invitò igitur tam Deò, quam Vate, fit fuga in Ægyptum; ibi tantùm abest, ut hominibus desperatis poenitentia sensum fortunæ acerbitas iniiceret, ut etiam projectiores in idolorum cultum redderet, causam calamitatis, quam impietas intulerat, pietati imputantes. Quorum pervicacissima malitia, cum diuturnas & vehementes Prophetæ objurigationes terre nequiret, eò denique furor insanus prorupit, ut crudeles in eum manus armarent, qui suas toties manus cælo tollebat, ad iram cœlestem ab eorum cervicibus avertendam. *Tanis* seu *Tapbnis* urbe (regum Ægyptiorum sede) tunc agebat Ieremias, & iminentem, etiam id loci, Numinis perduellibus à Chaldaico ferro cladem in obduratas aures ingerebat. Terror præditionis haudquaquam vanæ, egit in rabiem, suâ dudum conscientia reos. In communem patrem insurgunt parricidæ, & poenam sceleribus suis debitam, vertunt in caput innocentis; Ieremias inter hostes securus, inter barbaros tutus, lapidibus obruitur à civibus suis, & à DEO post tot relatas palmas, martyrij laureâ coronatur, anno ætatis quinquagesimo quinto, prophetici muneris quadragesimo primo.

*Ieremias à
Iudæis in
Ægyptum
vi abducitur.*

*Ieremias
martyr.*

Imanitati popularium, æterni notam dedecoris inussit alienigenarum (ut Epiphanius scribit) humanitas. Memoria viri

*Jeremias ex
tumulo pro-
digiosus.*

*Jeremias
melioris
Philosophia
in Ægypto
auctor.*

*Laus Iere-
mias.*

clarissimi magnificum Ægyptij sepulcrum exstruxerunt; qui ut vivus serpentum depulso fuit; ita ex tumulo quoque esse perseveravit, abradi pulveris virtute, morsibus aspidum medente, crocodilos profigante. Porro Ieremiam *Taphnis* melioris Philosophiæ incunabula posuisse, non ignobiles auctores tradunt; cuius famâ excitati Græci, peregrinationes in Ægyptum susceperunt, Philosophicæ scientiæ in Græciam derivandæ causâ. *Plato*, tametsi Jeremiâ ducentis annis posterior, sapientiam tamen ab Ægyptijs, quam ipsi à Jeremiâ & Hebræis hauserunt, perdidicisse fertur. Adeo DEUS novit è malis elicere bona: & siccatis alibi fontibus, riuos aliò rivos deducere. Jeremias verò magisterium virtutis fortiter dicendo inchoavit, fortissimè patiendo absolvit; purpuratus veritatis testis, constantiæ decus, viva imago non tantum hominis, felices inter ærumnas probati; sed etiâ DEI, inter eas morituri.

DOCTRINA.

E*T dixi, A, a, a, Domine DEUS: ecce nescio loqui, quia puer ego sum.* Ierem. 1. Verba sunt Ieremiæ, à DEO ad prophetandum vocati: Nimirum, ut ait *S. Greg. lib. 35. Moral. c. 2.* Sancti „ viri dum divinitatis arcana audiunt; quantò magis contem- „ plando proficiunt, tantò amplius despiciendo, quod sunt, aut „ nihil, aut propè nihil se esse cognoscunt. Sic Moses etsi omni Ægyptiorum sapientiâ instructus, impeditioris tamen & tardioris se linguæ arguit. Exod. 4. Sic Jobus insipienter se locutum, & quæ ultra modum excederent scientiam suam, c. 42. Idem isè confitetur. Sic Isaias virum labijs pollutum se appellat c. 6. Sic Ezechielis quatuor animalia, cum fieret vox supra caput eorum, stabant, & submittebant alas suas. Ezech. 2. Sic Ieremias hic defectum ætatis, scientiæ, eloquentiæ, per totidem interjectionis litteras profitetur. Et verò, quisquis à DEO destinatur ad magna; tantò paratior ad illa accedit, quantò sese imparatiorè agnoscit. Animus ipsi sibi vilis, vas est, hoc cœlestium capacius gratiarum, quò per exinanitionem sui, vacuum magis & inane sibi videtur. Est autem *facile in oculis DEI subire bonestare pauperem.* Eccl. 11. & *linguas infantium disertas facere Sap. 10.* Ita Ieremiam & Danielelem, etiamnum pueros repente Prophetas dedit, regibus & populis formidabiles. Atque ut Isaiæ labia Seraphinus ignito calculo ad prophetandum inauguravit; sic Ieremiæ quoque submissus est Angelus, qui tetigit os eius, ei que verba indidit divina, & accipiti gladio penetrabiliora.

*Officium sa-
cri Doctōris.*

*Ecce constitui te hodie super Gentes, & super regna, ut evellas, & de-
struas, disperdas, & dissipes, & adifices, & plantes.* Ibid. Hoc est officium
Doctōris

JEREM. SACER. DOCT. PROPHETA, MART. 503

Doctoris & Concionatoris, *inquit Greg 3: p. Past. c. 35.* ut prius evellat & destruat, postea aedificet & plantet. Quia nisi perversa destruat, ædificare utiliter recta non potest; & nisi ab auditorum animis prius evellat vitiorum spinas, frustra in eis sanctæ prædicationis verba plantat. Prius dedocenda sunt mala, quam doceantur bona. Semen etiam bonum inter urticas & tribulos jactum, perit male.

Virgam vigilantem ego video. Ibid. Nimirum DEI Vindicta semper excubat & vigilat in nocentes. Cum minimè timent, feriuntur. DEUS totus est Oculus, qui nunquam clauditur; etsi quandoque connivere videatur. Hinc Ægyptij, Osiridi Numini suo, sceptrum tanquam Regi appingebant apertò supernè oculò insculptò. Et Phryges Virgam proponebant sole illustratam. Licet his thema addere: VIDET, ET FERIT.

Oculata

virga quid.

Et dixi: Ollam succensam ego video. Ibid. Explicat hoc S Hieron. in c. 1. Jerem. Vigilat Virga, inquit, cuncta peccata populi conficiens, ut percutiat, & corripiat delinquentes. Septuaginta vertunt Baculum nuceum, sive amygdalinum. Sicut enim nux, vel amygdalum amarissimum habet corticem; & testâ durissimâ fructus eius dulcissimus cingitur. Sic omnis correptio & labor, amarus quidem videtur ad præsens, sed fructus parit gratissimos. Unde vetus verbum: Litterarum radices amaræ, fructus dulces. Olla verò succensa designat supplicium æternum, præparatum ijs, quos impenitentes virga correctionis non emendavit. Hæc Hieron.

Quid virga ex amygdalo, & olla succensa.

Ne formides à facie eorum: Nec enim timere te faciam vultum eorum: Ego quippe dedi te bodie in civitatem munitam, & in columnam ferream, & in murum æreum, super omnem terram, regibus Iuda, principibus eius, & Sacerdotibus, & populo terre. Ibid. Mirus est Agonòtheta DEUS; non tantum spectat Athletas suos, sed etiam roborat. Jeremias puer erat; quid infirmius? DEI legatus erat; quid difficilius? extremorum denuntiator malorum erat; quid odiosus? *Ne tamen formides* Jeremia. Arduum munus aggredieris; sed viribus cæli; non tuis. Impugnent licet reges, principes, sacerdotes, populus terræ; *Civitas* es, munita Fortitudinis propugnaculis; expugnari non potes. Irruant probra, alapæ, verbera, fames, carceres, saxorum grandines; *Columna ferrea* es, deiici non potes. Crude litas arietem mille terrorum & minarum admoveat, *Murus æreus* es, lædi non potes. His nimirum certaminibus DEUS O-

Virtus duris probatur.

lympionicas exercet suos, hoc robore firmat, hac victoria donat, hoc præmio coronat,

NARRATIO CI. IVDITHA, HEROI- NA, VICTRIX, TRIUM- PHATRIX.

Ex lib. Judith.

Anno Mundi 3346. ante Christum. 707.

EXposita Regni Judaici variâ fortunâ, quâ cum per Reges suos, tum per hostes externos iæpius concussum, per Ægyptios labefactum, denique per Chaldaeos radicitus evulsam concidit; & Ierosolyma, velut triste funus, inter cædes, rapinas, incendia, elata, ipsa sibi rogos & bustum fuit, lessum ei canentibus Jsaïa, Jeremiâ, Ezechiele, aliisque Prophetis; restat, ut lugubribus lætiora subjungamus: *Iudithæ*, Hebræorum Amazonis, Victoriâ & Triumphum. qui tamen si nonum Manassici imperij annû incidit; duximus tamen cum suo temporî non reddendum, ne historia Regum Iudæorum interrumperetur; quæ, ut inter se cohæret, ita scriptione conjungi, commodius videbatur. Illis igitur expeditis, nunc in conspectum dabimus Heroïnam Iuditham, Formæ & Virtutis miraculum.

Merodachus (is, qui regem Ierosolymorum *Manassæ*, Babylona tractum, in vincula, pœnitentiæque necessitatem compegit) occisô *Debe Arphaxâdo* Medorum rege, rebus elatus secundis, Orientis se Monarcham, assumptô *Nabuchodonosoris* cognomentô, ferre cœpit. Cui cum constitutum esset, totum terrarum orbem sceptro suo subijcere, communicatô cum ducibus ac dynastis consiliô, præ cæteris *Holofernem*, natione Persam, virum bellicosum ac ferocem, militiæ Principem delegit, ei que negotium dedit, uti cum numerosissimis peditum equitumque copiis; quidquid in Occidentis terris adhuc Deorum, hominumque, juris esset externi, Babylonio substerneret imperio. Tota igitur bellandi causa, libido dominandi quàm latissimè.

Regnabat autem apud Iudææ reliquias, (nam incolarum plurimos Babylonia captivitas tenebat) ea tempestate *Manassæ*, Ezechiae filius, jam novennium, sed exiguis admodum, nuperimèque reparari cœptis potentiæ viribus: ut, quem in custodiam (quemadmodum memoravimus) abductum Babylonicam, arstèque

Nabuchodonosor cogitat sibi terrarum orbem subijcere.

arctēque catenatum, vixdum precariò tandem solutum, è compedi-
bus in libertatem *Merodachus* remiserať. Quiescebat hic igitur,
ac tacitus quamcunque belli fortunam opperiebatur. Atque hec
caussa fuit, cur *Holofernes*, cum in universa circum regna, populòs-
que impetum faceret; & ipsam adeò Galilæā bello premeret, ac
Samaritis ei finitimis imineret: Iudæam tamen, ac regē eius Ma-
nasse, armis hætenus intactos vel negligeret, imbecillitatis cõ-
temptu; vel in victoriarum suarū quasi mantissam differret; cer-
tissimus interim, Ierosolymorum nihilominus Templum (ut alia
gentium aliarū omnia) redigere tandē in potestatem suā: & vel in
Merodachi venerationem illud penitus transferre; vel, si Iudei re-
fragarentur: id everfione, flammisq;, sicut iussus erat, eradicare.

Cumque belli tempestas multas regiones sæviendo percur-
risset; Victor urbium, gentiumque cunctorum in Chananitide sub-
stitit, donec omnes undique copię, quę varias provincias depopu-
labantur, unum in locum confluerent. Cæterum tantus terror
nationes omnes ac terras pervaserat, ut non hominū, sed voracis-
simarum agripestium ac locustarum innumerabiliū, ac tigrisum
Hircanarum imago quædam esset horrida. Quacunque comu-
nis, Asię Syrięq; tyrannus in cesserat; inde pecora, jumenta, facul-
tates abigebat: oppida, castella, munitiões exscindebat: segetibus
ac messibus, abundans ipse frumento, flammam iniiciebat: oliveta
cum vineis & hortis exstirpabat. Dis præterea sacratos lucos ac
nemora, nullo Verę divinitatis studio, sed omnis omnino, cuius-
cunq; Numinis, abolendi furore, deijciebat, ut *Merodachū* suum
extolleret. Ad hæc mares, bello vel inhabiles, vel invitos, bellò tol-
lebat. Iuventutis omne robur, ac fortissimum quemque, sua sequi
castra compellebat. Quod verò feminarum esset, id omne vel in
servitutis ludibrium, vel in libidinis ministeriū abstrahebat. Quod
autem aspectu, sensuq; miserrimum erat; crudelitātē illius animi,
furorisque violenti rabiem ne obsequium quidem, ac deditio sup-
plex; nec in servitutem inclinatę cervices, ac preces legationum,
emollebant.

*Holofernis
ferocia, &
immanitas.*

Tantis fortune, victoriarūmq; successibus inflatus, & in dies
factus elatior: ad extremum, eò dementia, quā carere non po-
test ulla superbia, progressus est: ut ne Veri quidē, in his, quę bel-
lo necessaria, salutarięq; forent, patiens, adulatoribus solis totum
se daret: quorū ore ter maximus, & omnis ævi, memorięq; mor-
taliū, imperator agminū invictissimus, ac belli Fulmen procla-
mabatur. *Acchiorem* contra, gentis Amōniticę, fidū sibi, tributariūmq;
ductorē, quòdis super Isræliticę natiōis, quę Galilęę montanas re-
giones infederat, origine, viribus, & urbibus interrogatus, ex aña-

*Holofernes
gentiū ter-
ror; arro-
gantissimus.*

§ § §

*Achiore re-
jeditur.*

*Bethulia ob-
fidetur.*

lium priscorum, & famæ fide retulisset id, quod res erat; sedque non sine laude gentis illius, nec sine fida pro Duce sua sollicitudine; truculentus ille, partim purpuratorum indignatione, partim insitæ sibi superbæ stimulis agitated, tanquam vaniloquum explosit. Nec contentus arrogantiaë plenis verbis, quibus æquæ Cœli DEUM, ac mortalium omne genus & robur præ se, suoque rege despiciebat: cum ingenti stomacho, fastidioque submovit à castris suis Achiorem. Cùmque certissimæ, nec multo post secuturæ necis interminatione, contemptim eum, à partibus deinceps *Circumcisorum* stare jussisset; ad arborem insuper hostilis soli, manibus revinctum ac pedibus, Israëlitarum exposuit arbitrio. Plura quoque, nec inferioris insolentiaë, sævitiaëque specimina, dum ad *Bethuliam*, Zabuloniarum Tribus oppidum in Galilæa, sedet, edidit: obsidij malis omnibus, quæcunque commatibus & aquatione prohibita, pati possunt oppida circumfessa; DEI populum innoxium, mœnibus illis conclusum excrucians: ad supremam vitæ desperationem, quantum consilij, mentisque suæ fuerat, compellens. Sed hunc talem Deorum pariter, hominumque fastigia fastu suo, barbariæque deiicientem, DEUS superborum destructor, post dies Bethulienensis obsidionis minus, quàm triginta, dejecit invicem: non sanè centum viginti millibus peditum, equitumque viginti duobus millibus, quibus *Holofernes* Bethuliam premebat; sed unius Feminaë quinque digitis, quibus hæc complexa acinacem illius (S. Scriptor pugionem vocat) ebrietate tunc natantis, ac Veneris certissima designatione sopiti, caput à cervicibus recidit. Ea, Juditha fuit, *Merari*, viri inter suos potentis, filia; Bethulienensis vidua; de Tribu Simeonica, formæ cum virtute certantis, raritate præ cunctis illius ævi viraginis conspicua: fortitudine verò manûs, & animi, seculorum omnium heroidas longissimè supergressa.

Liberatæ porro civitatis series hæc est. *Achior* vinculis ab ijs solutus, qui exploratum ex urbe egressi fuerant, adducitur Bethuliam, amicè, honorificæque habetur. Is ubi exposuit insolentiam, & minas truculenti *Holofernis*, vehementer auxit curam, *Ozie* jam antè, ceterisque Principibus civitatis iniectam, omni suppliciorum genere Divini Numinis propitiandi. *Eliachimus* quoque seu *Iachimus*, *Solymæus* Pontifex nihil omisit earum rerum constituere, quæ vel ad DEI, vel ad hostis iram arcendam pertinere videbantur; ab hoc *Oziam*, virum primæ dignitatis, & belli peritum, confirmandis Bethulienensium animis Hierosolymâ submissum, idonei Scriptores volunt. Interea de die in diem cuncta fiebant obsessis arctiora; Bethulia cum extrema aquarum penuriâ conflatur, incisis & aversis fontium canalibus;

canalibus; aut militari custodia præseptis. Unde complorationes, lamenta, desperatio: nihil jam restare salutis ad ultimam necessitatem reductis; foris instare hostem; intus deficere vitæ subsidia; DEO se invisos, atque ab eo desertos tradi barbarorum in manus; incusare magistratus, quod protollendo deditionem, crudelitatem obfidientium exasperarent; satius esse, vivos in arbitrium Holofernis concedere, quàm acerbissimo mortis genere, siti enecari. Rursus revocata in mentem superbi victoris immanitate, & vicinarum urbium exemplis percussi, divinæ spem misericordiæ in se ipsos reflectere, sublatisque cælo manibus, Numen æternum, sui Vindicem honoris obtestari, magnis planctibus clementiam implorare. Quibus fatigati clamoribus & fletibus, primores civitatis, & omnium princeps Ozias, pollicentur se urbē hosti, nisi quintum intra diem cælo veniant suppetiæ, permissuros.

*Bethulien-
sum despera-
tio.*

Intellexit eam animorum abiectionem Iuditha; evocat Oziam ad se (tantum auctoritatis fuit in præclara matronæ virtute gravitatēque, ab arrogantia fastūque; procul alienæ) & duos è primatibus, *Charmium* ac *Chabrium*; habere se, quæ ad comunem patriæ salutem cum ipsis communicaret. Neque dubitârunt illi, sanctimoniâ vocantis permoti, venire. Præsentes gravi oratione coarguit, quod certorum præfinitione dierum, divinæ modum Providentiæ statuere non vererentur; viderent etiā atque etiam, ne diffidentiâ, usque adeo Bonitati Numinis injuriosâ, furorem accenderent potius, quàm misericordiam provocarent. Nunquam adesse DEUM propius, quàm cum longissimè abesse videtur; nihil non posse apud eum preces demissas, confitentium reorum suspiria, flexas in obsequium cervices, & animos quidvis antè perpeti, quàm religionem prodere paratos. Sic Abrahamum, sic Isaacum, Iacobum, Moysen, DEO per omnia probatos, viam sibi, adversarum tolerantia rerum, ad magnas felicitates munisse. minora peccatis esse supplicia; nec certius ad ea avertenda remedium suppetere, quàm mentem æquam, & in quacunque fortunæ concussione, divinò præsidio nixam. exemplis se Majorum doceri, populum DEI jactari posse, mergi non posse. Id ita sentire eos præcipuè, par esse, quos suprema potestas officio patriæ, religionisque tutandæ admovisset; ipsos esse columina, quæ nutantes sustentare, non autem in ruinam impellere debeant labantes. Urbes defendi magis pectoribus, quàm propugnaculis; sanguinem in causâ tam honesta propinantibus, vel è pumice fluxuras aquas, quibus suam ipsi sitim, hostium ferociam extinguant. Meminissent autem, DEO nec diem posse dici, nec præscribi.

*Iuditha for-
titudo in re-
prehenden-
do timido
magistratu.*

Dedit in

*Iuditha
virtutes.*

Dedit in ruborem viros constantia femina, conciliante dictis eius fidem ac reverentiam, rara laude, famaque apud omnes, integritate vitæ, collectâ. Quid enim illâ castius; quid pudicius? quantum jam annum viduata marito, (*Manass* nomen erat,) ita vivebat domestico cum gynecæo, domus ut eius schola probitatis, illa verò magistra haberetur. Hinc in ea, amplis quamvis opibus affluente, ætate formæque florente, summa vestitus modestia, corporisque edomandi severitas; nam *lumbos* (quod facer historicus meminit) aspero cilicio stringere solebat, & quotidianis penè jejunijs illud affligere; Precandi verò studio sic erat addicta, superiorem ut ædium partem in formam, cuiusdam facelli conformaret, ubi ab aditu hominum, strepitûque remota, cum puellari contubernio, pijs meditationibus, precibusque vagabatur. Hæc pietas effecit, ut DEO juxta, hominibusque chara, facile suam in sententiam flecteret Proceres. Citra quorum consensum, cum nemini, noctis præsertim tempore, patefierent urbis portæ, exitum nocturnum Iuditha petijt; cuius causam ut nollent tantisper cognitam, rogans, donec eam eventus aperiret: Esse quædam consilia tamdiu tuta, donec testa; id modò agerent, & meditati progressum facinoris, communibus DEO precibus commendarent. Quid non persuaderet facunda prudentia; cum non posset non subesse arcanior vis, cæteroquin de die quoque publicum fugienti? Domum redeunt suam Primates; ipsa sublimiore acta spiritu in familiare se sacrarium (sacræ litteræ *Oratorium* appellant) refert. hîc pugnae sese instanti præparans, cum lacerna ex pilis horrida, tanquam latiore *lorica*, hispitum cingulum mutat; galeam suppeditat *spes*, in auxiliari Numinis dextra collocata, pro *selis* sunt ardentium suspiria precum, in cælum evibrata. Prælium diceres, sed totis exercitiis fatale.

*Iuditha ar-
matura in
bystem.*

Atque hæc in umbra. Mox in campum præditura, satis ubi munitam se vidit ad vim propulsandam; ad vim quoque inferendam, se comparavit. Oris venustati nativæ ornatum addit vestimentorum cultu; pretium formæ excandefacit muliebrimundo; aptatur mitra capiti, digitis induntur annuli, appenduntur auribus elenchi, pedibus sandalia inducuntur; totû corpus spirat balsamum; spicula hæc erant ad pectus barbari Ducis faciendum; tormenta ad potentiam ferocem sternendâ. quamquam ipsa, quidquid hoc illiciorum blandiebatur, non ad libidinem, sed ad patriæ salutem, Numinisque honorem referebat. Holofernis amorem excitare voluit, sed honestum; parata etiam ad connubium cum eo ineundum, ut vel ad DEI Veri cultum traderet,

*Iuditha ca-
ssa intentio
in ornanda
se.*

ceret, vel è Iudæa, aut etiam vita (idenim facultatis ab altiore potestate acceperat) eijceret hominem. Et verò nihil in eius ornatu, consilioque improbum fuisse, divinæ paginæ testantur, quæ Iudithæ *pulchritudini incomparabilem è cœlo decorem* adjectum fuisse memorant. Fuit itaque hic belli apparatus haudquaquam ad lasciviam incitandam, sed ad victoriam de hostibus DEI reportandam, instructus. Nunc ad certamen veniamus.

Nox erat adulta, & Iuditha, comitante *Abra* famula, comœtūque frugalem (nam & hic pio strategemati serviturus erat) in ascopera, gestante, mœnibus urbis egreditur, fausta Primum apprecatione eam prosequente; nemine tamen conscio proposito. Post partem noctis in precibus positam; adeò nihil sine Numinis auspicio tentabat; die jam illucescente, in speculatores Assyrios incidit; transfugium simulat; accipitur humaniter, gratiam ei & benevolentiam comparante mirabilioris majestate. Dea aliqua videbatur in casses incidisse, digna Imperatoris connubio. Adducitur ad Holofernem lætissima præda, mox futura prædatrix; tantò namque vincebat facilius, quantò minùs timebatur. Sedebat barbarus sub conopéo purpureo, auro & gemmis radiante; prosternitur in faciem venerabunda Iuditha; statim sublevata, capit Ducem, antequam retia explicaret; quot nictus ex oculis, tot faces jaculari; quot verba promere, tot amoris illecebras spargere visa, rapuit attonitum tantæ venustatis miraculò.

*Iuditha ad
Holofernem
adducitur.*

Successit ex voto prima velitatio; graviore de hinc manu pugnabitur. Diverforium advenæ assignatur, illud ipsum Tabernaculum, cui Holofernes thesauros suos crediderat, & inter eos, hanc feminarum gemmam. Accurantur cætera; quæ ad demerendam hospitam tam nobilem idonea credebantur. In ijs erant dapum lautitiæ, de mensa imperatoria ei constitutæ; quas illa modestè recusans, negabat sibi per religionem fas esse, alijs vesci cibis, quàm quos secum attulisset. Hoc unum, magni beneficii locò se petere, ut liceat sibi sub noctem, & diei crepusculum extra tentorium se efferre, ad statas ablutionum & precum vices, pro more gentis suæ, obeundas. Nihil negatur petenti. Per tri-noctium igitur iterum & reditum iterantem, procul suspicione habebant excubitores. Post quadriduum in castris astum, jubet Holofernes apparari convivium Assyrio splendore, & Iuditham ad id vocari. internuntius est *Pagao*, Eunuchorum princeps, & Duci à cubiculis, artis lenocinandi callidissimus. Conditit invitata, comparet, assidet, bibit, edit; sed non alijs de cibis, quàm quos secum in sportula domo extulerat. Babylonij Proceres epulari hilaritate longiùs proveci, postcūt majoribus se poculis, coronant

*Holofernes
inebriatur.*

T t t

in orbem

in orbem vina, donec offusa capiti caligo temulentos. deposuit. Ante omnes ratio pedesque lababant modimperator; quare merò, somnòque gravis defertur cubitum. Inducitur idem in conclave Juditha; obserantur fores; omnia parata sunt ad flagitium. Columbam diceret in accipitris unguibus, nisi fortior protegeret manus. Sed nimirum Spiritus ille, qui Juditham excitavit ad facinus supra sexum suum moliendum, adfuit in arena consistenti, seque flagrantibus votis ad ictum paranti. incendebat animum adaudendum sobrius pudor, patriæ amor, fiducia DEO plena.

Tyrannus interea altos de pectore somnos proflare, & sui, & cogitati immemor, impòsque flagitij. Monuit opportunitas matronam exequendi consilij; quare facinus longè fortissimum aggressura. novum è cælo robur precatibus haurit; arripit deinde acinacem, seu gladium Persicum, ad caput lectuli pendentem (lampas de tholo suspensa lumen præbebat) quantòque potest virium nisu, in obesam cervicem incutit; geminatum ictum, sequitur caput. id illa mox conopeo (sub quo Tyrannus confidere assueverat) involvere, truncum corpus in terram evolvere, caput abscissum pedisequæ foris præstolanti tradere; hæc illud peræ suæ immittere; inde properanter ambæ castra & vigilias prætergredi, mœnibus Bethuliæ silentiò noctis succedere, datòque adventûs sui indicio, in urbem admitti. Ingens continuo civium & magistratuum concursus, tantò majori omnium noscendi aviditate, quantò minore revidendæ Judithæ expectatione. Fastò silentiò, rem omnem enarrat Virago, caputque Holofernus cum conopeo ostentat. vix habetur fides oculis; hærent aliquamdiu attoniti in aspectu truculenti vultûs. mox securi cædis peractæ, incredibile dictu est, quantis congratulationum & gratiarum actionibus DEO, Judithæque laudes ingeminatæ. Evocatus nominatim Achior, ubi verticem barbari Ducis oculis subjecit, in stuporem & animi defectionem datur. Sibi redditus, provolvitur ad pedes Heroinæ, deosculatur manus triumphales; & ne quid ad comunem lætitiâ deesset, se quoque victû professus, ejuratis idolis Amœniticis, Iudaica Sacra amplectitur.

Cæterum ubi illuxit, & dies suspensum pro mœnibus Bethuliæ, Holofernus caput ostendit; tantum hostibus terroris, quantum audaciæ civibus injectum est. Erumpitur è civitate; magnis animis & clamoribus in Barbaros itur. Turbatur, & tumultuatur totis Assyriorum castris. Concurso, & confusio ad arma conclamantium, ac Imperatorem ad curas militares vocantium. Accurritur ad Ducis tabernaculum, excitatur nequicquam strepitus; denique per fores surdas irrumpitur. Et ecce, horrendum spectaculum! truncum, taboque cruentum Holofernus cadaver

*Ebrius &
Juditha ob-
truncatur.*

*Juditha re-
ditus: A-
chioris con-
versio ad
Iudaica Sa-
cra.*

*Assyriorum
fuga & ca-
der.*

apparet, humi provolutum; Juditha frustra quæritur; *Mulier Hebræa*, cædis auctor, per omnia castra diris, devotionibusque jactatur. Tum verò, ubi hinc Bethulienſes ferociter imminebant; Inde, nec qui imperia dividerent, nec qui acciperent, erant; velut amentes & lymphati, quæ cuique ad fugam patuit via, per campos & colles, præcipites feruntur Babylonij, ſine ſignis, ſine ordinibus. Nec arduum fuit Judæis, undique jam concurrentibus, palabundum exercitum, ſine capite truncum concidere. Paſſim cædes, ſpolia, triumpho; colligendæ prædæ vix ſpatio menſis ſufficiente. Opimæ Ducis manubriæ, prout par erat, omnium inter applauſus & gratulationes Victrici Heroidi cedunt; quas tamen ipſa pro ſuo modæſtiæ & religionis affectu, DEO Victoriæ Largitori pro anathemate & trophæo, in Templo Solymæo conſecravit; ubi votis & gratijs ſolemniter inſtauratis, tanti memoriæ beneficij, auctore Joachimo, Pontifice Summo, trium conſequenter menſium feſti dies celebrârunt, & redeuntibus aſiis iterârunt.

Annos erat natâ triginta tres Juditha, quando nobiliſſimum facinus patravit; provixit ab eo tempore ſeptuaginta duos: univerſim centenos quinos, omnium laudum, æternæque gloriæ femina; virtutis ac pietatis, etiam inter Chriſtianos admirandæ, imitandæque. Longè clarior ex triumpho, quem de ſe ipſa, quàm quem de Babylonio hoſte egit. In ætate florida caſtitas ſine labe, inter diſcrimina pudicitia ſine læſione, in formæ prodigio, concordia honeſtatis; viduitas inter opes, afflictiatio corporis inter illecebras vitæ; frequentia precationum in ampla familia; demiffio mentis in ſummis honoribus; tenor probæ juventæ in longæva ſenectâ; conſtans præconium in inſtanti vulgo, totidem ſunt Triumphales Tituli, quos ſecum intulit monumento laureato; conſors eius in tumulto, cuius fuerat in thalamo; reſiſtadeum mortua, poſt quem, admiffit alium nullum viva, communi cum Manaſſe marito, ſepulcro condita. Virtutis odor, poſt tot annos à relatâ victoria lapſos, ſpiravit etiam tum, cum publico luſtu elatæ, ſenatus, Populûſque Bethuliens ſeptiduum exſequiale impendit. Sed encomiorum omnium ſumma eſt, eius fuiſſe Typum Virginis, quæ pedibus contrito Serpente, Holoferne infernali, Populo DEI in extrema miſeriarum adducto, præſentem ſalutem & triumphum attulit, dum Filium ſuum, Mundi Salvatorem dedit. Huic nobiliore titulo conveniunt illa Judithæ præconia; *Tu gloria Jeruſalem, Tu lætitia Iſrael, Tu honorificentia populi noſtri.*

*Encomium
Judithæ,*

DOCTRINA.

Historiam enarravimus ſcitu non minùs amœnam, quàm morum informatione fœcundam. E multis, pro more noſtro quædam ſeligimus.

T t t 2

Cumque

Cumque introisset (Iuditha) ante faciem eius, statim captus est in suis oculis Holofernes. Cap. 10. Mirum illicium, in feminea forma & lingua. De Iuditha *Salianus* noster, in *Annal.* Hæc est, quæ mellitam linguæ facundiam, quæ Angelicam taciei dignitatem, quæ fulgurantes oculos, quæ frontis hilaritatem, quæ genarum purpuram, quæ corallina labra, quæ totius oris honestatem, in arma & sagittas convertit, quibus barbarus caperetur furor, & irrita potentia sterneretur. *Salomon Proverb. 6. Non concupiscat pulchritudinem eius (mulieris) cor tuum, nec capiaris nutibus.* Syrus vertit: *Nes sis prada venationis oculorum eius, & palpebris suis captivum te faciat.* Nimirum in oculorum nutibus, in palpebrarum ictibus sunt feminarum retia, fulgura, sagittæ. *Carnades Philosophus, Forma, inquit, est regnum absque satellitio.* Vim adhibet sine vi; impetrat, quid quid vult; blandus tyrannus, suave tormentum. *Siracides cap. 9. Virginem ne conspicias, ne forte scandalizetis in decore illius.* Impellunt in ruinam ætas florens, forma nitens, mollities sexûs, blandimenta linguæ, vestium cultus. Præclare *Alexander M.* abstinens oculos à „ captivis Darij filibus; Non committam, *ait*, ut, cum viros vicerim, „ à mulieribus vincar. Iuxta Noniû, Forma à forvo, seu ferveo dici- „ tur. Urit aspicientem. Hinc illa *Tbaïs apud Apul. lib. 2.* Discede, *ait*, „ à me miselle, à foculo discede: nam si te vel modicè meus igniculus afflaverit, ureris intimè. Sensit Holofernes ignem, arsit, periit.

*Libidinosus
vilissima re
capitur,*

Et mirum est, quod cap. 9, dicitur: *Sandalia eius (Iudithæ) rapuerunt oculos eius (Holofernis).* Tantum potuerunt involucra pedum, ex animalium pellibus, aut bombycum tela, confuta. Calcei, quibus humû terimus, sordes calcamus, ignobilissimam corporis partem, plantas contegimus, rapuerunt oculos Tyranni, superbo fastu deos, hominésque despicientis. Cui supplex ad pedes magna pars orbis accidebat, is affectus suos, & altos illos spiritus, mulieris pedibus substernit, sandalijs subiicit. Tot gentium domitor adhærescit captivus ad feminæ crepidas. Hæ fuerunt huic Prometheo Caucasus, ad quem suis libidinibus alligatus tenebatur. Habet hoc amor impurus; vilissimæ rei sese mancipat. Trahitur uno crine colli, quid levius? unde calceolò capitur. quid abjectius? textili quadam nebulâ irretitur. quid inanius? Opudendum Cypridis imperium, quæ Martis fulmina, vertit in mancipia, calcibus suis subjecta! Quid, quòd (nefas est dicere) effeminati juvenculi Bacchum ducant è calceis, Veneris pædore infectis. ô probrum! ô dedecus! ô porci, quibus nectar est illuvies; pincerna, spurca cupiditas; calix, calcium sentina!

Non vere-

Non vereatur bona puella introire ad Dominum meum; ut honorificetur ante faciem eius, ut manducet cum eo, & bibat vinum in jucunditate. c. 12. Verba sunt Bago seu Vagaois turpissimi lenonis & perductoris, Juditham ad flagitium invitantis. Apparet hinc pestilentissimum virus lenocinij. Quàm callidè nebulo aggreditur hanc pudicitiae Arcem expugnare! Primò vocat *Puellam*, quasi dignam & aptam amoribus, dum suadet ætas, dum vernat forma; dum calet sanguis. Addit: *Bonam*, id est, promptam & facilem in obsequia; non difficulter exorabilem. Adjungit: *Ne vereatur introire*. Adimit timorem periculi, & jacturæ pudoris, tantò pretiò pensandi. Nam ibit: *ad Dominum meum*. qualem & quantum! qui in maximo seminarum delectu, ad ipsam adjecerit oculos & animum; à quo summos honores, divitias, faustitates expectet. Subjungit: *Ut manducet cum eo, & bibas*. Nam sine Cerere & Baccho friget Venus. Distentus epulis venter, facile despumat in libidinem, ait Hieronymus. Vicinissima sunt, Vinum & Venus. Poëta canit:

*Insidiosum
lenocinium.*

Et Venus in vinis, ignis in igne furit.

Adnectit: *in jucunditate*. O insidiosam hilaritatem! ô triste gaudium! cuius initium, risus & blanditiæ; extrema flagitium & luctus. Cave tibi, quisquis, aut quæcunque pudicitiam amas, ab his lenonibus & lenis. *Vir iniquus*, ait Salomon Prov. 16. *lasciat amicum suum: & ducit eum per viam non bonam*. O quoties innocentia per huiusmodi conciliatores & conciliatrices à virtutis & castitatis tramite, in turpitudinis lustra pellicitur. Verè sapiens loc. cit. *Semita iustorum declinat mala: custos anima sua servat viam suam*. Cui propositum est, duce & custode Timore DEI, in via mandatorum eius ambulare, cane peius & angue fugit, oditque Veneris emissarios, inflammatores libidinis, pudicitiae proditores, castitatis prædones; quibus fœdari, est *honorificari*, quod Vagao impurissimus nequam dixit.

Sed quid est, quodd Juditha, castimoniae speculum, sanctimoniae exemplum, petierit à DEO c. 9. *Capiatur laqueo oculorum suorum in me, & percussus eris ex labiis charitatis meae*. Græci habent: *Da mihi labia dolosa*. Nonne hoc est, à DEO ter Optimo postulare prava. An verò dolis, fallacijs, deceptionibus uti licet, etiam in hostem? an perpetrare mala, ut eveniant bona? *An non virum dolosum* (pariter feminam) *abominabitur Dominus?* psal. 5. Et illa unguentorum fragrantia, ornamentorum splendor, sermonis blanda suavitas, quid spectabant aliud, quàm lapsus Holofernis? Quid erant illa lenocinia, nisi toridem offendicula, ad hominem evertendum! Deinde, quis eat inficias, præsentissimo vitæ, castitatisque periculo exposuisse se Juditham! In Assyriorum castra vadit sola, inermis, mulier. & formæ tam pellacis: & ad barbaros, tam in flagitium projectos.

*Quomodo
Juditha ali-
cere Holo-
fernem: se
verò pericu-
lo castita-
tis & vitæ
exponere
potuerit.*

Ttt 3

Respondent

Respondent Auctores graves, & in ijs Nicolaus Serarius Soc. nostræ, duplicem esse Dolum, bonum & malum. Gratia vultus, venustas orationis naturæ sunt Desque dona, ex se media, boni, mali; & quæ possunt invitare ad amorem seu honestum, seu flagitiosum. Stabat penes Holofernem, utro capi vellet. Et quia facundè, suavitèrque loquendi facultas, est quædam veluti Sua-da per sese illex animorum, fit ut eâ decipiatur alius in bonum, alius in malum; sic Paulus 2. Corinth. 12. *Cum essem astutus, dolo vos cepi.* Dolo captus est Holofernes bono, nam ad finem honestum directus; quem quod in pravitatem deflexerit, ipsius effrenis concupiscentia in causa fuit.

Ad secundum, negatur, cultum & ornatum Iudithæ vitiosum fuisse. Nam si pulchritudo à natura infinita, expers est delicti; cur in crimen vocetur vestium elegantia? Naturam imitatur ars. Naturalem venustatem corporis adjuvat, augètque artificium vestimentorum. At, inquires, Cultus iste proritabat ad lasciviam. Respondeo, id etiam facere naturalem corporum speciem. an ideo in culpa? Deinde vestium forma à more patrio non abhorrebat. Et Iuditha amorem intendebat castum; perque eum, religionis ac patriæ propugnationem. Testimonium habemus à Spiritu S. cap. 10. *Cui etiam Dominus contulit splendorem: quoniam omnis ista compositio non ex libidine, sed ex virtute pendebat.*

Ad Tertium; quod vitæ, castitatisque gravissimum periculum adierit, Respondetur, potuisse sibi Iuditham meritissimè persuadere, se cum DEI gratia & auxilio (quod tot precibus, lacrimis, jejunijs, austeritatibus implorârat) omnia vitæ & pudicitie discrimina evasuram; præsertim, cum sentiret, se cœlesti quodâ impulsu instinctuque agi ad facinus, arduum quidem, sed unde Numinis honor, patriæque incolumitas penderet, audendum & perficiendum.

*Principes Bethulien-
ses ob va-
ria peccata,
merito re-
prehensi à
Iuditha:*

*Hos quinque dies expectemus à Domino misericordiam. Si autem trans-
actis quinque diebus non venerit adiutorium, faciemus hæc verba, quæ locuti
estis. c. 7.* Merito reprehendit Iuditha hanc hominum istorum de
divino auxilio diffidentiam. Unde ait cap. 8. *Et qui estis vos, qui
tentatis Dominum? Non est sermo iste, qui misericordiam provocet, sed
potius qui iram excitet, & furorem accendat.* Peccârunt Bethuli-
enses Principes multifariam. Primò enim, idè certum præ-
stituerunt diem, ut DEUM veluti cogerent, ut, si quidem reli-
gionem, templum, & sacra sua facta testa vellet, interibi o-
pem ferret. Unde & fuit quædam contra DEUM ira, murmu-
ratio, vindicta. Fuit etiam quædam DEI tentatio, quia expe-
riri voluerunt, an posset ac vellet intra id, quod suo ipsi arbi-
tratu definissent spatium, obsessos liberare. Tertio, quia

non petierunt eo modo, ac tempore juvari, quò DEI bonitati ac sapientiæ videretur, sed quasi DEO ipso sapientiores essent, certum ei temporis orbem circumscribunt, exploraturi sapientiam Numinis ac bonitatem. Quartò nondum, quod in se esset, totum fecerunt. Difficillimè, *inquit Veget. lib. 4. c. 10.* vincit sitis eos, qui, quamvis exigua aqua, ad potum tamen in obsidione sunt usi. Quintò de fontibus cum hoste manus nondum conseruerunt. Centenarios, quos per singulos fontes, in gyrum constituerat Holofernes, propellere nunquam conati sunt. Miraculum videlicet volebant, & divinos è cœlo imbres, uti Græcus textus innuit vers. 29. Sextò, non rationibus & exemplis aut majorum, aut malorum, populares consolari, excitare & confirmare conati sunt, sed eis deditionem præproperè sponponderunt. Quid enim in tali rerum articulo non tentandum, dicendum, ferendumque fuit? Nam de templo, religione, gentèque propemodum universa jam agebatur. Septimò, summa, qua pollebant, auctoritate satis usi non sunt. Octavò, deditionem Ozias etiam jurejurando interposito promisit. Quid si interea auxiliari vellet DEUS? quid si Joachimus Pontifex magnis cum copiis affuturum se scriberet? an jusjurandum violaret? Unde liquet, meritò ipsos à Juditha reprehensos fuisse.

Et jucundus factus est Holofernes ad eam, biblique vinum multum nimis, quantum nunquam biberat in vita sua. c. 12. Attulit Holoferni mortem ebrietas, & temulentum ad inferos detrusit. Et se, & tantas equitum peditumque copias vino perdidit. Ingens præterea dedecus & infamiam per omnes regiones, quas victorijs emensus est, contraxit, præsertim in Assyria, ubi innouit, tanti calamitatem exercitus, Ducis intemperantiâ contigisse. *Et caput eius non erat in illo. c. 14.* Ebrietas non rationem modò, sed caput etiam Holoferni abstulit. Quoties hoc usurpes de calicum trahonibus, qui postquam potando sanæ mentis sensum profligârunt, meritò dici possunt esse sine capite; & sine pedibus, quibus se sustentare nequeunt. Verissimè Salomon Prov. 12. *Qui suavia est in vini demorationibus* (quem delectant Symposia & compotationes) *in suis munitionibus relinquit contumeliam.* Domos, arces, urbes castra, exercitus ignominiosè prodit, & evertit. Pulchrè *S. Ambrosius lib. de Eliâ, & jejuniis c. 9.* Unius mulieris (Judithæ) jejunium innumeros, rosstravit exercitus ebriorum. Sic Troia indulgens genio, capta est à Græcis; juxta *Virgil. 2. Æneid.*

*Ebrietas in
Duce mili-
tia, aut ma-
gis trahit.*

Invadunt urbem vino, somnòque sepultam. Nam certissimum est naufragij exitiù, si Gubernatori (Duci exercitus, præfecto urbis, patrifamilias &c.) clavum, hoc est, rationem excussit temulentia. Hæc, *inquit Seneca epist. 83.* acerrimas gentes, belli cosâsque

coſaſque hoſtibus tradidit, hæc multorum annorum pertinaci bello deſenſa mœnia patefecit; hæc contumaciſſimos, & jugum recuſantes in alienum egit arbitrium; hæc invictos acie, merò domuit. Alexandrum tot itinera, tot prælia, tot hiemes, per quas, victa temporum, locorùmque difficultate, tranſierat, tot flumina ex ignoto cadentia, tot maria totum dimiſerunt; intemperantia bibendi, & ille Herculanus ac fatalis ſcyphus condidit. Quæ res tot victorias jam partas iterum extorſit è manibus, niſi vincentium in dolia vino plena væ ſana invaſio. Quem enim Bacchus ſtravit, Marti debetur victima, & quod miſerrimum eſt, Plutoni.

Laudes In- *In ſuperioribus domus ſua ſecit ſibi ſecretum cubiculum, in quo cum puellis ſuis clauſa morabatur. Et habens ſuper lumbos ſuos cilicium, jejunabat om-*
diabâ. *nibus diebus vita ſua, præter Sabbathæ, & neomenias, & feſta domus Iſrâel.*

c. 8. Egregia laus Matronæ integerrimæ, continuum precandi ſtudium, ſeceſſus à turbis, inſtitutio puellarum ad pietatem, jejuniorum austeritas (quæ apud Iudæos ante vesp̄eram non ſol-
vebantur) & aſperitas cilicij. S. *Fulgentius in epiſt. 2. cap. 15.* Ecce
vidua præclara natalibus, facultatibus dives, ætate juvenis,
ſpecie mirabilis, divitias contempſit, delicias reſpuit, carnis in-
centiva calcavit. Pergit ſacer hiſtoricus eodem cap. *Erat vir-*
tutis caſtitas adjuucta, ita ut non cognoviſſet virum omnibus diebus vita ſua, ex
quo deſunctus eſt Manaſſes vir eius. Rarum encomium, non ea tantum,
ſed noſtra quoque tempeſtate. Iuditha ab anno vigefimo nono,
quo maritum extulit, uſque ad annum centefimum quintum, hoc
eſt, annos omnino ſeptuaginta quinque, viduum torum coluit.
Erat ei ætas ad nuptias habilis, juvenus viridis, forma inſignis,
facultates ampliffimæ, honor & gloria ſumma, maxime poſt tri-
umphum nobiliſſimum ab Aſſyriis reportatum, magna rerum om-
nium in Republicę tranquillitate proſperitas; inſitus amor &
ſui, & generis, & nominis propagandi; nam prole carebat, &
illuſtri ſtemmate erat oriunda. Ad hæc multi conjugium eius
ambiebant, opulentiâ, ſtirpe, pietate, religione præſtantes. Et
exemplum eo tempore nullum ſupp̄erebat viduitatis præmatu-
ræ, per annos tam longos, ad uſque vitæ finem perductæ. Quis
igitur neget Heroidem hanc, quandam veluti Pandorâ fuiſſe,
omnium virtutum & gratiarum decoribus exaggeratam, nomi-
nis invidendi, & tamen omni invidiâ majoris? nam cap. 8. de ca-
dem additur: *Erat hæc in omnibus, famoſiſſima, quoniam ſimulabat Domi-*
num valde, nec erat, qui loqueretur de illa verbum malum. Tam ſingula-
ris virtus per ora omnium volitabat, & nullius tamen den-
tem ſentiebat: Res prædigio ſimilis inter mortales!

NARRATIO CII. SVSANNÆ CASTI- TAS FORTIS.

Daniel. cap. 13.

Anno Mundi 3437. ante Christum. 616.

Postquam Nabuchodonosor cognomento Magnus Ioaquim, Solymorum regem, cum flore Iuventus interfecit, (quod superius exposuimus) eius, quæ filium Ioaquimum seu Iechoniam cum decem nobiliorum Iudæorum millibus abduxit in captivitatem, Daniele cum socijs admodum pueris regio sanguine orundis, aliisque gentis Hebrææ primoribus, jam antè in Babylonicam servitutem abstractis, mirabile castitatis & fortitudinis specimen femina, puerque Hebræus ediderunt.

Tenebatur Babylone cæteros inter captivos Matrōna, cui *Susanna* appellatio (Lilium Chaldæis dicitur) pulcherrimæ rei cum nomine convenientiâ, nam ut Luna minores inter stellâs, Lilium inter flores, sic illa formæ castimonixque præstantiâ Hebræas inter nurus eminebat. Quibus ornamentis accessit cum præclara Legis divinæ intelligentiâ; tum singularis in DEUM religio cum lacte matris imbibita, & diligenti educatione nutrita ac aucta. Patens ei *Helcias*, maritus *Ioaquimus* nomine, vir compressis nobilis & copiosus, Iudæorum, qui Babylone degebant, facile princeps. Habebat is hortum, ædibus suis vicinum, varij generis arboribus confutum, & ad omnem amoenitatem excultum. In cæteris Viridarij gratijs Piscina visebatur, inquam defilientes ex alto lymphæ, vitreo liquore oculos ad contemplandum, artus ad lavandum, temperie frigoris invitabant. Eo se meridiani sub æstus solis conferre *Susanna* solebat, opacas inter frondes tam calorem fratrura, quàm vires deambulatione excitatura. Advertit ea res lascivos duorum senum oculos, qui *Ioaquimi* domum frequentabant, ibique ius dicebant populo, (*Achazem* & *Sedechiam* appellant) iudiciorum detestabiles corruptores; quippe qui per speciem iuris dandi, matrimonia maculabant, intentatis, siquæ verecundior eorum libidini refragaretur, capitis ac fortunarum excidijs; repugnantes amicarum maritos supplicijs adjudicabant; alia re

U u u

nulla

Corruptiffi-
mi duo Se-
nes.

nulla reos, quam quod rem haberi cum sua prohiberent: dum è diverso nocentissimum quemque, pessimumque, dummodò cupiditati suæ, velificantem, pronuntiarent innocentem, liberatúmque poenâ dimitterent. Cæterum iudiciorum inter suos, & privatis in negotijs exercendorum potestatem Reges Babylonij Iudæis fecerant, ut illa qualicunque patriæ libertatis specie, patientius servile jugum tolerarent.

*Sener nam-
cibi insidiâ.
tur pudici-
tie Susan-
ne.*

Atque hæc duo non minus tribunalium, quam senectutis probra, Veneris mancipia turpissima, cum impuro castissimæ viraginis flagrantes amore, cæcum in venis ignem alerent, cumque mutuo confiteri non erubescerent, (diversâ namque viâ ad idem flagitium dum properant, mœchus in mœchum incidit) statuerunt, captata die & occasione, libidinis suæ prædam, in pomario Joakimi venari. Fortè Susanna, contra solis ardorem, parabat corpus ablueri, frondibus arborum & fruticosis septis occultata; atque, ut est solliciti plena timoris castitas, diligenter obserari curârat ostia Viridarij, duabus, quas secum habebat, puellis, per posticum dimissis, olei & smigmati afferendi causâ. Solam se credebatur, & innocentia suæ securam; cum duo lenones, dudum flagitijs, nunc arborum ramis cooperti, advolant ex insidijs, ad scelus velut equus & mulus adhiñnentes. Sollicitant integerrimæ matronæ pudicitiam: reluctanti vim minantur, & capitale supplicium. Quid faceret deprehensa sine teste castitas? undique constricta tenetur. hinc fides conjugalis, timorque Numinis prohibebat flagitium; inde mortis & dedecoris metus ad curam tuendæ vitæ, famæque revocabat. Reperit consilium generosus animus, atque, si pudicitia (cogitabat secum) in eum discriminis coniecta est articulum, ut ipsa vel sit morte redimenda, vel cum atroci Majestatis divinæ injuria profliganda, occumbam antè millies, quàm tantum ut nefas in me admittam. Satiùs est alieno mori scelere, quàm meo, non perit, quæcunque pro virtute perit. Simulque rupto gemitu, suppetias alta voce postulat; tollunt contra clamorem flagitiosi senes, reclusisque pomarij foribus, in vindicias deprehensi sceleris, servos advocant; mentiuntur, juvenem quendam perpetrato cum hera crimine, suis eluctatum manibus, fugâ dilapsam, flagitij consorte in eo, ubi peccarant, loco relictâ. Audiunt famuli, quod ne cogitare quidem audebant. fidem ut adhiberent dictis, obstabat explorata integritas dominæ: ut abnuerent, testantium auctoritas reclamabat; in ancipiti hærentium vultus, tacitus pudor suffudit, porruit is ruborem quoque perditorum senum injicere fronti, nisi eam inveterata libido dudum perfricasset.

Vocatur

*Susanna
rea ad tri-
bunal tra-
bitur,*

Vocatur igitur in iudicium, cui præmium propugnatae vir-
tutis debebatur; frustrata lascivia in odium vertitur; sedent ju-
dices iidem, qui accusatores & testes. Susanna rea sistitur; ad-
sunt cum innocente parentes, filij, propinqui, non tam de sua
fama, quàm tribunalis iustitia solliciti. Squalor & luctus habe-
bat omnes, quibus tanta virtus erat perspecta. Et cui non es-
set? stabat matrona pudicissima, ad causam dicendam, calum-
nijs oppressam, suis infusa lacrimis, alienis pudefacta, astantium
fletu magis absoluta, quàm deplorata. Impurissimi verò solli-
citatores, nunc Judices, ut vel aspectu satiarent libidinem, ju-
bent ora velata reteri; sceleratas manus imponunt innoxio
capiti, accusant adulterij, ignoto cum juvene commissi; men-
tiuntur, se præsentis flagitio intervenisse, tenuisse adulteram
adulterum verò, quippe viribus validiorem, eluctatum è mani-
bus. Iret igitur populus in suffragia, & de criminis manifestâ,
ferret ex præscripto legum, sententiam. Quò se verteret accu-
sata? quem patronum eligeret in causa, in qua testes erant o-
mni exceptione majores; cum quibus loquebatur veneratione se-
nectutis, auctoritas magistratus? Igitur criminatione iudicium,
& clamoribus plebis prostrata, solâ conscientia fiduciâ nixa, o-
culis in cælum sublati, DEUM innocentia vindicem appellabat;
Jamque ducebatur innocens, lapidanda; non illam nobilitas pa-
rentum; non honestissima educatio; non sanctissimum conju-
gium; non vitæ præteritæ optima fama; non amantissimus ma-
ritus; non luctus & lacrimæ cognatorum à calumnia liberârunt.
Ibat ergò deserta ad locum supplicij, fortiter vitam positura
pro castitate, quam flagitio servare potuisset. Cum ecce, subito
prodiens in medium adolescens, annorum haud amplius duo-
decim, *Daniel* nomine; divino concitatus spiritu, palam profi-
tetur, iniquæ cædis se innoxium esse; postulat retexi iudicium
impium, & de causâ penitus cognosci. Stitit ea vox impetum
populi, cum DEUS in puero, & sapientia supra ætatem loque-
retur. Ei, qui per annos, nec testis esse poterat, partes Co-
gnitoris & Judicis imponuntur; quas non admisit prudentius,
quàm integrius est executus; Iubentur in diversum secedere
accusatores, interrogantur seorsim à Daniele, ecquanam sub
arbore vitium offerri vidissent Susannæ. cumque alter respon-
deret, id factum sub *Schino*, (seu lentisco, arbore resinam exsudante)
alter verò diceret, sub *prino* (quæ ad genus illicum pertinet)
indignatus impudentia mendacij Quæsitòr, utrumque cal-
umnia, convictique criminis condemnat; eadem, quam perjuro
testimonio meruerat, pœnâ, & lege *Talionis* morituros. Equitas sen-
tentia

*Susanna à
Daniele de-
fenditur.*

*Et libera-
tur.*

tentiæ summis, infimisque probatur; nequissimos senes, attentati flagitij, falsæ accusationis, perversi iudicii reos, populus lapidum grandine è numero mortalium ad inferos exturbat. Hanc catastrophën consecuta est publica lætitia, laudes DEO, gratulationes Susannæ ac Danieli solventium, cuius sapientia innocentiam calumniâ, honestatem infamiâ, castitatem suppliciô, populum Hebræum injusta cæde liberavit.

DOCTRINA.

*Susanna
longè ante-
ferenda
Lucretia.*

Melius est mihi absque opere incidere in manus vestras, quàm peccare in conspectu Domini. Daniel cap. 13. Heroica Susannæ in extremis angustiis constitutæ Conclusio. Ite nunc Romani, & Lucretiam vestram, tanquam incomparabilis pudicitia exemplum, laudibus ad cælum tollite. Habet enim verò Hebræa gens Heroidem, quæ inter captivos libera, in servitute Babylonica, non serviens; extra patriam, patriæ religionis fervans, virtutis domesticæ inter barbaros tenax, castimoniam in secreto propugnatrix, famam antè maluit & vitam perdere, quàm pudorem. Quid simile Lucretia? Hæc enim vel mortis metu, vel dedecoris; alienæ cessit libidini, Tarquinio consensit, flagitium admisit. At Susanna nec timore supplicij, nec horrore infamiæ dimoveri potuit à firmissimo castitatis conjugalis proposito. Illa sceleris patrato, aliud scelus addidit, seipsam occidit, crimen non excusavit, sed exaggeravit; Benè Poëta:

Ante scelus, castæ mors subeunda fuit.

Susanna mori maluit, quàm foedari; non ignarâ, Ei honestum vile esse, cui nimis chara est vita.

*Unde hor-
ror peccati
in Susan-
na?*

A matrona Hebræa discendum est Christianis, quantò satius sit, vitam corporis perdere, quàm animæ, id est, gratiam DEI; Quantòque tolerabilius sit, in hac vita, incidere in manus DEI viventis Heb. 10. quàm incidere, in futurâ; quia nunc misericordiam exercet mitis, tunc iustitiam exercet iratus. Horror peccati horrorem ademit mortis. *Serius in vita S. Anselmi Episcopi Cantuar.* scribit, eum dicere solitum; Si hinc peccati horrorem, inde inferni dolorem corporaliter cernerem, & necesseario uni eorum immergi deberem, prius infernum, quàm peccatum appeterem. Et notanda verba: *Quàm peccare in conspectu Domini.* Susanna vidit videntem se, & omnia; idèoque timuit Vindicem eius manum, cuius arbitrum oculum se fallere non posse sciebat. DEUM videlicet præsentem, & criminis spectatorem intuita, cohorrui ad tantum nefas. E contrario impurissimi lenones, omnem à se præsentia divina cogitationem

tionem repellentes ex animo; ne quem Solis illius æterni radi-
um exciperent, occluserunt ultro valvas cordis. *Declinauerunt*, in-
quit Scriptura S. *oculos suos, ut non viderent calum, neque recordaren-*
tur iudiciorum iustorum. Oculos habuerunt, & non viderunt; quia
non sunt ausi attollere cœlo lumina, unde fulmen timebant. Cre-
debant se non videri, quia videre noluerunt. Est hæc pœna a-
nimi malè sibi conscij, lucem fugit, tenebras quærit. Vetera-
tores isti in contemplanda Susannæ forma Argi erant oculatiffi-
mi: ad sceleris verò meditati turpitudinem, & imminentem ei
vindictam cernendam, Tiresiæ cæciores. *Via impiorum*, ait Sa-
lomon Prov. 4. *tenebrosa: nesciunt, ubi corrumpant.* Heb. nervosius ha-
bent. *Via impiorum caligo, nesciunt, in quod impingant.* Hanc menti
caliginem ostiunt tum cetera crimina, tum fœda libido ma-
ximè; hæc enim dum intus gliscit, fumum ante flammam spar-
git, & tetrâ rationem obfuscatur nebulâ, ut nec quid agat, cu-
piâtve, discernat; hinc pudendi, etiam seniorum, & cæte-
roquin consiliò valentium, lapsus. Samsonem, Davidem,
Salomonem, aliòsque, hòc involutos fumò protulimus. Ex ca-
caligine lucem aspexerunt aliqui; multi de fumo in flammam in-
fernalem inciderunt; quorum numero etiam isti, canis, & flagi-
tjjs obfiti nebulones accensentur.

*Libido ex-
cacat.*

Flens (Susanna) *suspexit ad cælum: erat enim cor eius fiduciam ha-*
bens in Domino. cit. cap. Nimirum oppressa iudiciò humano, sublati
oculis, ad cœleste Tribunal appellavit, ubi patronam habebat, Con-
scientiam bonam. Hæc est in tempestatibus anchora, in nau-
fragio portus, in persecutionibus asylum, in periculis præ-
sidium; inter tela clypeus, inter nubes serenum, inter extremas
angustias libertas & securitas. Verè *Tullius*: Vacare culpâ ma-
ximum est solatium. Susannæ salus in ultima stabat tegula; non
ideò tamen despòndit animum, quia sciebat, innocentiae suæ
Testem, Judicem, Vindicem esse illum, quem nullæ calumniæ
fallunt, nullæ fraudes decipiunt, nulla mendacia corrumpunt.
O oculi! ò facundi & potentes, taciti licet, Oratores apud DE-
UM! ad guttas è vobis, gemmeo rore stillantes, tanquam ad
Clepsydram *Dixit* Innocentia, & vicit.

*Conscientia
bona potens
patrocinium.*

Egressa est iniquitas à Senioribus Iudicibus. loc. cit. Miserum tribu-
nal, cui præsidet turpis Libido, tantò pestilentior, quantò te-
stior, & auctoritate munitior. Quale jus dicet, juris ipse contem-
ptor? quas statuet pœnas, violator legum? Siracide teste. c. 25.
Odit DEUS senem fatuum & insensatum. Nam si hoc in sanguine fri-
gido; quid fiet in calente? Si species decepit, & subvertit cor se-
num; quæ non erunt pericula juvenum? Nimirum ubi oculus,
ibi amor; ubi manus, ibi dolor. Ovidius canit:

*Libido in
senem quàm
turpis &
noxia.*

Turpe senex miles, turpe senilis amor :

Præsentissimum contagium ; ubi venenum spargit senex nequam, & virtutis specie larvatus, potestatis præjudicio fultus.

*Recordia
peccatoris.*

Ecce ostia pomarij clausa sunt, & nemo nos videt. Ibid. O vecordiam ! ô dementiam ! Nemo vos videt, Tenebriones ! quos cœlum aspicit, orcus observat, Nemesis ultricibus poenis destinat victimas ? *Nonne venum quoque testis est DEUS ?* Sap. 1. Ille gressus numeravit omnes, quos ad flagitium fecistis ; ille computavit singulos oculorum ictus, quos in vetitam formam conjecistis ; ille suspiria annotavit, quibus ad scelus anhelastis ; ille lenocinia consignavit, quibus expugnare pudicitiam tentastis. *Ecce ostia pomarij clausa sunt.* Eia verò ; clausas dicitis fores, quas libidini aperuistis ? quomodo clausa ostia, ubi impudentissimè pudoris repagula perripistis ?

*Pudicitia
clamando
servatur.*

Et exclamavit voce magna Susanna : exclamaverunt autem & senes adversus eam. Ibid. O quàm diversus clamor ! Susanna clamavit, ut cœlum audiret ; falaces capri clamârunt, ut vox petulca orcum personaret. Illa inflamavit laboranti virtuti suppetias ; isti conclamârunt spem omnem servandæ pudicitia. Prævaluit gemitus casti turturis contra mutientes hircos. Clamor servavit innocentiam. O quoties maneret salva castitas, si ad vim propulsandam, testum peteret à lingua, sed virili. Nam viri quoque omen victoriæ à clamore præliari sumunt ; id tantò potius faciant feminæ, quorum arma gestantur ore.

*Calumnia
virus.*

Feceruntque eia, sicut malè egerant adversus proximum. Ibid. De talione, & de calumnia jam alibi diximus. Cùm tamen præ alijs hic locus memorabilis sit, non est omnino prætereundus. Calumnia ait Cicero *Orat. 1. in Sallust.* est falsi criminis objectio. Sive alicuius in litibus per fraudem & frustrationem vexatio. Sive, ut Nonius ; est malitiosa & mendax infamatio, aut delatio. Vitium exitiabile mortalium generi. Quotenim amicitias dissociavit ; quot familias subvertit ; quot civitates funditus perdidit ? Calumniatrix lingua patrum in liberos, fratrum in germanos, liberorum in parentes, amantium in amatos iras acuit. Optimis iminet, non pessimis. Ex angulis atque latebris frequenter, & ex insidijs tela jactit, aconito perlita. David sibi ab his spiculis metuens, rogat DEUM, psal. 118. *Redime me à calumnijs hominum*, ne perturbatus declinem à via recta ; nam teste Ecclesiaste, cap. 7. *Calumnia conturbat sapientem, & perdit robur cordis illius.* Quò enim quisque est ingenuæ magis, & nobilioris naturæ, hoc ei pretiosior est honor & fama, virtute & innocentia comparata. Deinde, calumnia sæpe aufert opes, libertatem, vitam. Privatum in Susanna exemplū ; publicum in universa Judæorum gente, quam ad extremum

extremum discrimen Aman falsis criminationibus adduxit. Ter-
tio, fructum impedit, & intercipit industriæ & operosæ sapi-
entiae; nam si doctrinæ obnuntient mores per calumniam de-
nigrati, quem non absterrebunt? Quarto, vix ita potest elui ma-
cula per calumniam iniusta, quin aliquod sui vestigium relinquat.
Quocirca *Medius*, Alexandri M. parasitus, impium dabat hoc con-
siliū: Quodlibet crimen in quemvis intendite; ut maximè
enim sanet *vulnus*, qui læsus est; manet tamen *cicatrix*. Genero-
sus in ea re fuit *Augustini* animus, qui in *epistola ad Secundinum*:
„Senti de Augustino, quod libet, modò coram DEO conscien-
tia me non accuset. Est verò DEUS innocentiae Protector & Vin-
dex, tum maximè, cùm sibi victrix videtur Calumnia; repentè lar-
vam Sycophantæ detrahit, & suis ipsum artibus evertit. Sic
lascivi duo senes suis ceciderunt sententijs, suis capti sunt laque-
is, suo jugulati gladio. Quadrat huc illud Ecclesiastici cap. 27.
Qui in altum mittit lapidem, super caput eius cadet. Experti sunt hoc
criminatores isti periuri; reciderunt in eos lapides, quos Susan-
næ capiti destinārant. assonat Adagiographus sacer, cap. 19.
Falsus testis non erit impunitus: & qui loquitur mendacia, peribit.

DEUS pro-
tector &
vindex in-
nocentiae.

Huic historiae quidam pro clausula apponit, & nos cum
ipso:

Sic puer feminae, Susannae Daniel
Innocens innocenti, subsidio fuit.
Discite alienò periculò puellae
Esse formidolosae, ut formosae.

~~~~~

# NARRATIO CIII. DANIEL EXPONIT NABUCHODONOSORI VI. SAM IN SOMNIO STATUAM. TRES DANIELIS SOCIJ IN FLAMMANTE CLIBANO ILLÆSI.

Danielis c. 1. 2. 3.

Anno Mundi 3453. 3455. ante Christum 600. 598.



Uprà memoravimus *Danielem* triennem, &  
tres coævos puerulos, dynastarum & optimatum  
Judææ filios, cum Joachimo rege captivos Babylo-  
nem traductos, anno M. 3428. quorum indole de-  
lectatus

lectatus *Nabuchodonosor*, cognomento *magnus*, rex Babyloniorum, Chaldaicis eos litteris, & lingua iussit institui, muratisque nominibus, *Danieli* Balthasaris appellationem fecit, *Anania* Sidrach, *Misaeli* Misachi, *Azaria* Abdenagónis; quibus cum ad formæ gratiam vel augendam, vel conservandam lautiores dapes apponerentur, effecit Daniel apud *Malasarem*, moderatorem ipsorum, patriarum obrentu legum, promiscuum ciborum usum verantium, ut in mensam non nisi legumina, & fontana inferrentur. Quâ visitandi ratione in experimentum decem dierum adhibitâ, non tantum nihil de oris venustate detritum est, sed multo etiam supra ceteros ephebos habitus redditum. Chaldaicis ubi disciplinis satis videbantur imbuti, regis in conspectum admissi, specimen doctrinæ dederunt, quâ non æquales modò, sed ipsos etiam magistros longo superabant intervallo; divinò utique, & quod supra humanam esset facultatem, auxiliò. Eius sapientiæ fama brevi per regiam sparsa, magnam apud omnes admirationem concitavit, sed non sine comite invidia, quæ suum in eos venenum aliquanto post tempore, effudit.

*Danielis &  
sociorum  
Sapientia.*

Triginta jam circiter annos Babylone versati fuerant Hebræi juvenes, cum præclara virtutis & scientiæ existimatione; cum ad regis gratiam, & sapientiæ commendationem, novum Danieli suppeditavit argumentum, oblatum Nabuchodonosori somnium. Terrorem quippe incusserant rerum futurarum objectæ per quietem species, quas cum vigilans in mentem revocare non posset, & tamen sollicitum tenerent, quid portenderent, institit à Conjectoribus exquirere tam somnium, quàm eius significationem; propositò non magis præmiò divinantibus, quàm pœnâ fallentibus: ratus, qui cœlitus somniorum interpretationem discerent, eos somniantium quoque imagines scire debere. Tergiversantes ariolos & haruspices (quis enim devotis orco capitibus arcana cœlestia aperuisset?) iussit ad unum omnes abripi, neci dedendos. Eadem fors Danielem cum socijs manebat, invidiâ, an insitiâ Præfectorum rerum capitalium, ad pœnas vocantium, quos ad interpretationem somnij non vocarant. Daniel igitur supplicium aversurus, petit inducias exigui temporis, ad DEUM suum per præces consulendum. Quibus per *Ariobum* militiæ principem impetratis, ubi cum socijs divinam opem enixis precatibus imploravit, affulsit è cœlo lux inter noctis tenebras. Didicit Daniel evolutionem mysterij, & aditum ad regem postulavit, simul eius animum tristi expectatione futurorum, simul Chaldaeos magos metu suppliciorum liberaturus. Introductus ad tyrannum, negat propositæ quæstionis nodum à Babylonis sapientibus solvi posse, Secretum esse, in cœli tabulis consignatû, & à nemine

*Nabuchodonosoris ira  
in ariolos.*



## TRES DANIELIS SOC. IN FLAM. CLIBANO 525

& à nemine explicandum, nisi cui Numinis æterni indulgentiâ concessum sit, rei tam arcanæ propius oculum admovere. eius gratiæ cum ipse spiritum hauserit, expositurum sese vigilanti, quas dormiens acceperat species. Quiescenti visam esse statuam quadriformem, capite scilicet *aureo*, pectore *argenteo*, ventre *æneo*, tibijs *ferrèis*, in pedum digitos ex *fuso ferròque* mixtos desinentibus; portendi quatuor Mundi Imperia, Chaldæorum, Persarum, Græcorum, Romanorum; conterenda tamen omnia unico lapide, de montis fastigio, ruiturò, quintòque regno, longè majori cæteris, initium daturò. Rex attonitus expositione somnij mystici, projicit se in faciem, hostias petit & thura, divinos Danieli honores impensurus. Quos ille procul à se remove, inque supremum Mundi Dominum, cœli terræque Regem transferre; eius esse munus, esse favorem, quidquid sibi lucis in ea somniorum caligine affulsisset; ei laudes unicè, gratiæque deberi. Præeuntem divinæ Majestatis præconia, rex sequitur, palamque contestatur, sumis adorationibus eum DEUM colendum, cuius inspiratione Hebræus Vates oracula referâisset.

*Daniel Nabuchodonosor visam in somnio statuam exponit.*

*Nabuchodonosor DEUM cœli laudat.*

Nec dilatum est præmium Interpreti fatidico. Muneribus tantis & honoribus cumulat, totius ut Imperij Babylonicæ regis dignitate ornaretur. Admisit eam regis benevolentiam Daniel nulla ambitione, sed eximia in cives suos per Babylonicum regnum exulantes, charitate; quibus ut esset præsidio, id insuper gratiæ apud regem indeptus est, ut non ipse modò secundas Imperij teneret, sed socij quoque tres juvenes, majorum regni negotiorum administri constituerentur.

*Daniel benoratur, & socij.*

Favonios adeò secundè spirantes tempestas excepit horrida, partim regis ambitione, partim aulicorum assentatione, & in Hebræos malevolentia, concitata. Nabuchodonosor namque, sive inolescens imperij sui potentia, quod tantum cæteris præcelleret regnis, quantum aurum vilioribus metallis antecedit; (caput enim statuæ Babylonio regi Daniel comparavit) sive suspicionem Iudaicæ religionis à se amoliturus; sive Procerum invidiæ velificaturus; sive opulentiam & magnificentiam dominatûs ostentaturus, suam in colosso effigiem jubet erigi, sexaginta cubitorum altitudine, ex ligno, laminis aureis ad operis quâ firmitatem, quâ pretium, obrecto. Ad venerationem colosæ statuæ convocantur edictò, cum populus universus, tum præcipuè Purpurati; in quibus cum numerarentur *Sidrach*, *Misach*, *Abdenago*, haud sanè, per externam saltem officij speciè, abesse licuit ab eo cœtu. Daniele, ut credibile est, vel colloquia cum Rege in Aula, vel negotia peregrè distinebant. Si præsens adfuit; patrocinium pro socijs omisit, aut quia credebat irritum, aut quia prævidebat supplicium ignis innoxium. Statuæ circum-

*Nabuchodonosor jubet se in colosso adorari.*

X x x

fusi erant

fusi erant Symphoniaei, cum omnis generis instrumentis musicis, capitis in eum poenā sancitā, qui audito tubarum & tibarum & fidium fonitu, non decresceret in genua, imaginem regis pro deo adoraturus. Signo concentibus dato, cum omnis multitudo sese coram colosso prosterneret, steterunt erecti tres Hebraei juvenes, aut viri potius, negantes per suā sibi Sacra fas esse, divinitatis cultum in lignum aut metallum conferre; mortem prius oppetendam millies, quāmittere piaculum tam immane. Ea libertas omnium iram provocavit; Satraparum præcipue, quibus jam dudum Hebræorum apud regem gratia, tormentum in oculis erat & animis. rapiuntur igitur tanquam ultima meriti in regiam, accusantur spreto mandati, postulantur ad necem. Tyrannus furorē, in quem aliās præceps ferebatur, ad motis insuper Purpuratorum & Sacrificulorum flabris, nimio opere exandescens, cum terroribus ingerendis nihil proficeret, in flectenda Hebrææ virtutis constantia, fornacem imperat naphthā, stupā, pice, malleolis inflammari, septuplō vehementius, quā solitum erat, & in eam contumaces Apellas, ita ut erant vestiti bracciis & tiaris Persicis, manibus, pedibusque ligatis immitti. Jussum, factum. Sed o prodigium potentiae divinæ, cui famulantur elementa sive ad clementiam, sive ad vindictam! Beati heroes per medios undantium ignium vortices inambulant illæsi, ne capillō quidem adustō, vinculis liberi, laudesque DEO læta voce canentes, cœlesti Genio lenem ventrulum, & rorem, mira cum voluptate eis afflante; flammarum contrā globis in illos erumpentibus, qui ferale ministerium exequiebantur, momentōque redigentibus in cinerem. Externatus miraculi novitate tyrannus, evocat ē clibano juvenes, qui incolumes per obstantes egressi flammās, tam regem, quā procures, prodigij spectatores, timore & reverentia veri Numinis impleverunt. Celebratur omnium laudibus & præconijs DEUS cœli, Dominator Universi, tantorum mirabilium effector; gravissimāque statuuntur in eos supplicia, qui verbo, factōve contumeliā essent irrogaturi Regi æterno. Erepti flammis juvenes, tantō prodierunt illustriores, quantō per ignem probatiores, majoribus etiam honoribus, quā quos gesserant, aucti, provinciarum præsidēs, & supremi tribunalium præfecti sunt creati. Adeo DEUS non deserit eos, a quibus ipse non deseritur; & promptitudinem pro gloria sua moriendi, præsentibus etiam præmijs remunerat. Tam honestis periculis quō se quisque fortius obijcit, hoc ijs præclariū defungitur. Fornax, ait quidam, Babylonica patientiæ fuit gymnasium, constantiæ theatrum, virtutis campus, diviniæ potentiae palæstra, innocentiae triumphus.

DOCTRINA.

*Hebraei tres  
juvenes  
illi in for-  
nace Baby-  
lonica.*

*Ob id prodigium  
rex  
celi laudi-  
bus effertur.*

## DOCTRINA

**E**T apparuerunt vultus eorum meliores, & corpulentiores pra omnibus pueris, qui vescebantur cibo regiò. Daniel. 1. Mira vis abstinentiæ, mirum præmium. Formam præstantem, valetudinem bonam, ingenium docile, castitatem virgineam, societatem angelicam, refrigerium in flammis contulit Hebræis juvenibus, Sapientiæ mater sobrietas. Hoc animo dixit Isaias c. 28. *Quem docebit sapientiam, & quem intelligere faciet auditum? ablactatos à lacte, avulsos ab uberibus.* Non sunt idonei ad spiritus cœlestes hauriendos, qui etiam nū trahunt ubera, mensarum delicias, in cibi, potusque libidines effusi. *Platonem* cum quidam interrogasset: Unde tibi sapientia tanta? respondit: Quia plus consumpsi olei in lampade, quàm vini in calice. Sobrietatis laudator *Beda, in collectaneis*, Sobrietas, inquit, servat memoriam, acuit sensum, sincerat mentem, dirigit vultum, integrat pudorem, mitigat vitia, exonerat cerebrum, explicat linguam, nutrit medullam, confirmat sanguinem, roborat venas, contemnit libidinem, recreat somnum, propagat senectutem, aperit mysterium, stabilis hominem.

*Laud abstinentia.*

*Statua caput ex auro optimo erat: pectus & brachia, de argento: venter & femora, ex ære: tibia autem ferrea: pedum quadam pars erat ferrea, quadam erat fictilis &c. Vidisti digitos pedum ex parte ferreos, & ex parte fictiles.* Daniel. 2. suprà indicavimus, quattuor Orbis Monarchias per statuum mysticam Nabuchodonosori repræsentatas. Diversitate metalli DEUS regem docere voluit præsentis felicitate nimis elatum ac superbum, ut agnosceret miram regnorum vicissitudinem, quâ fit, ut regna, quæ multo tempore latissimè & gloriosissimè imperaverant, postea exiguis restricta finibus, obscura jaceant & humilia; contrà verò, quæ diu parva & ignobilia fuerant, amplissimum & nobilissimum fuisse imperium consecuta; instabilem & præcipitem gradum esse regiæ felicitatis, orbemque volubili imperiorum vices circumagi. Per *aureum caput* Chaldaici regni antiquitas & diuturnitas designabatur; per *argenteum pectus & brachia*, Perfici imperij opulètia & divitiæ; per *æreum venter & femora*, quippe sonantissimū metallū, fama & gloria Græcæ monarchiæ, cui Alexander M. initium dedit; per *ferreas tibias* Romanæ potentiae robur, quod cunctas gentes domuit; per *pedum digitos partim ferreos, partim terreatos*, multiplex in Romano imperio, & tandem exitialis partium dissensio, ac discordia. *Quod autem vidisti ferrum misum testa ex luto, commisceruntur quidem humano semine, sed non adhaerebunt sibi, sicuti ferrum misceri non potest testa*, ait Daniel ibid. Jungent quidem tyranni, qualis Cæsar & Pompeius, affinitates & necessitudines inter se, nunquam tamen cohærebut, atque ided tota tandem moles imperij Romani collabebatur.

*Significatio metallorum diversorum in statua per somnium obiecta.*

X x x 2

Rursum

Rursum per *caput aureum* innuitur magna Chaldæorum felicitas & sapientia; per *pectus & brachia* intelliguntur Darius, Medus, & Cyrus, duo regna, Persarum & Medorum, sicut brachia in pectore consociantur, jungentes; per *ventrem & femora*, immodica vini cupiditas, & intemperantia, qua infamis extitit Alexander; per *tibias*, quæ sunt infima pars corporis humani, significatur, regnorum postremum esse Romanum, & usque ad Antichristi tempora duraturum. Deinde tibijs ingredimur, & currimus; sic Romani belligerando & vincendo, universum orbem peragrârunt. In tibijs magnum est robur & firmitas, quippe omne corporis pondus fulcientibus; ita Romanorum vires totius penè orbis molem sustinuerunt. Tibiæ portant omnia superiora corporis membra; Romani priora regna & imperia suâ dominatione complexi sunt, eaque præclare sustentârunt. *Digiti pedum ex ferro lutoque misti* indicant Romanum imperium initio fore robustissimum & validissimum, deinde in plures partes discriptum infirmandum, & ad extremam debilitatem redigendum.

Moralis explicatio partium & metallorum statua.

Si moralem interpretationem spectamus, multiplex eruitur sensus, nos aliquos dabimus. Digiti pedum erant partim ferrei, partim testacei; erant inæquales, nam alij alijs majores, minoresque. Ubi multi dominantur, alij sunt ferrei, & potentiores; alij terrei & imbecilliores. Inæqualitas dissensionem parit & discordiam; nam validiores premunt infirmiores; hi potentioribus invident, & diffidunt, sibi; ab ijs cavendum putant. Unde resultat imago quædam tyrannici imperij, quod partim est ferreum propter violentiam & crudelitatem: partim terream propter instabilitatem. Malus enim imperij, custos est metus.

Præterea significatur, qualis sit gloria & felicitas regum. Quæ, licet videatur ferrea, propter imperij robur & potentiam, tamen fragilis est & caduca. De Alexandro M. in priori libro Machab. *Et post hæc decidit in lectum, & cognovit, quia moreretur.* Vide quatuor prædictorum regnorum funestissimos exitus. *Balsazar* ultimus Chaldæorum rex subito, & miserrimè interiit. quod infra memorabimus. *Cyrus* auctor Monarchiæ Persicæ, à Tomyri Massagetarum regina victus occubuit. illusum etiam corpori, & caput humano sanguini infersum. *Alexander M.* Græcorum imperiū constituit; annò ætatis tricesimò tertio, venenò vel intemperantiâ extinctus; invictus armis, non voluptatibus. *Crausus, Pompeius, Caesar*, Romanorum potentissimi & gloriosissimi, male perierunt. Primus quidem à Parthis cum exercitu ad internecionem cæsus est, ne nuntiò quidem cladis superstitite; Aurum in extincti os cū ludibrio infusum. Alter profligatus, & insidiosè peremptus, vix in orbe,

## TRES DANIELIS SOC. IN FLAM. CLIBAMO. 529

orbe, quem totum subegerat, sepulcrum habuit. Tercius in Curia, ipso dominationis exordiò, Senatorum siccis est confossus. Hoc est choragium, hic ludus potentiae humanae. De DEO Daniel ad Nabuchodonosorem c. 2. *Ipse mutat tempora & aetates: transfert regna, & constituit.* Eleganter *Philo*, judaeorum disertissimus. Verbum, *inquit*, divinum choreas in orbem ducit, quod vulgus hominum fortunam nominat; & omnes gentes circumlustrando, nunc his, nunc illis imperia vel tribuit, vel adimit. Nil igitur est in rebus humanis praeter umbram, auramque levissimam, sine mora praetervolantem; eunt enim ultro citroque, tanquam aestuaria. Nam & marini aestus nunc cum magno impetu, sonituque accedunt: & longe lateque per littora diffunduntur, undis stagnantibus: nunc refluant retrò, nec solum terram, sed maris etiam partem aquis nudatam, in similitudinem continentis redigunt. Simile quiddam accidit, quando fortuna, postquam populosam aliquam gentem inunxit, dedit magnis felicitatibus, fluxu averso, ne guttam quidem sineret reliquam, deletis etiam pristinae opulentiae vestigijs. Hæc ille. Hanc gloriae & felicitatis mundi imaginem refert Nabuchodonosoris statua, cuius caput aureum, fausta & læta principia denotat: digiti verò sunt terrei, idest, extrema tristitia & luctuosa.

Est etiam colossus hic humanae inconstantiae symbolum. Caput aureum, initia fervida. Pectus & brachia argentea; progressus aliqui, sed exordio non pares; venter & femora ærea, mores deteriores, & languidius virtutis studium; denique pedes ferrei & lutei; extrema frigidissima, & ruinæ proxima. Pulchre S. *Augustinus* tom. 10. *Serm. 15. de verbis Apostoli* c. 8. Semper tibi displiceat, quod es, si vis pervenire ad id, quod nondum es. Nam ubi tibi placuisti, ibi remansisti. Pauli vox est, ad Philip. 3. *Qua quidem retro sunt, obliviscens, ad ea verò, quae sunt priora, extendens me ipsum, ad destinatum persequor, ad bravium (superna vocationis DEI in Christo JESU);* Non contentus videlicet operibus praeteritis, semper ad majora & excellentiora enitebatur, sese per desideria & conatus extendens, & oculis semper ad metam defixis, cursu contendens ad palmam, per merita Christi, à supremo Remuneratore, obtinendam.

*Suscitabit DEUS caeli regnum, quod in aeternum non dissipabitur: Quis lapis comminuet autem & consumet universa regna haec: & ipsum stabit in aeternum &c. de monte abscissus est lapis sine manibus, & comminuit testam & abscissus ferrum, & as, & argentum, & aurum &c. Lapis autem, qui percussus conterens erat statuum, factus est mons magnus, & implevit universam terram. statuum.*



Hæc Daniel cap. 2. Lapis est Christus, natus è Virgine, absque humana opera, sed ex spiritu sancto. Virgo Mater mons est, omnium virtutum sublimitate exaggeratus, cuius altitudinem ex fundamento collige, nam si juxta Psalten regium *Fundamenta eius in montibus sanctis*, hoc est, super *Sanctorum* columen & perfectionem locata, quàm excelsum erit denique montis huius fastigium? Et Isaïæ c. 2. *Et erit preparatus mons domus Domini in vertice montium*. Nimirum plenitudo gratiæ, quæ in alijs fuit vertex & culmen, „ in B. V. basis fuit ac fundamentum. Mons quippe (*ait S. Gregorius in 1. Reg. c. 1.*) in vertice montium fuit beatissima Virgo Maria, quæ omnem electæ creaturæ altitudinē, electionis suæ dignitate transcendit. Lapidem Christus comparatur psal. 117. *Lapidem quem reprobaverunt adificantes, factus est in caput anguli*. Fuit hic initio parvus, & angustò præsepio circumscriptus, & fabrilis patris nomine spretus à Iudæis, sed mox replevit terram eius fama & gloria, primò promulgatione Evangelicæ doctrinæ per Apostolos toto orbe pertonantis psal. 18. Deinde odore virtutum ac sanctitatis latissimè propagatæ per mortalium mentes. Præterea innumerabilium prodigiorum efficientiâ, & admiratione. Continuit verò Christi regnum Romanum imperiū, & cætera per hoc contrita, quia illud ad veram religionem pertraxit; plūsque potuit martyrum sanguis & patientia ad propagationem Nominis Christiani, quàm ferrum, ignes, bestię, & omnis tyrannorum, crudelitatis ac sævitia ad eius oppressionem.

*Tunc congregati sunt satrapæ, magistratus & iudices, duces, & tyranni, & optimates, qui erant in potestatibus constituti, & universi principes regionum, ut convenirent ad dedicationem statuæ.* Daniel. 3. Verissimum Siraïdis dictum est, cap. 10. *Qualis rector civitatis, tales & habitantes in ea*. Cui perquàm similis est ea Platonis sententia, quam in quadam epistola ad Lentulum, laudat Cicero, *Quales sunt in republica principes, tales esse in ea solere cives*. Quapropter non tantum mali est, ut idem Tullius scribit lib. 3. *de legib.* peccare principes, quanquam est magnum hoc per se malum, quantum illud, quod permulti etiam imitatores principum existunt. Nam qualescunque summi civitatis viri fuerint, talem civitatem esse solere: & quæcunque mutatio morum in principibus extiterit, eandem in populo existere. Principes *ait S. Hieronimus in hunc loc.* congregantur ad adorandam statuam, ut per eos seducantur & gentes. Regis ambitio, purpuratorum assentatio, fuit totius populi corruptio.

*Deos suos non colimus, & statuam auream, quam erexisti, non adoramus.* Daniel. 3. Responsum Hebræorum juvenum, plenum heroicæ libertatis & fortitudinis. Erant in oculis, furiales regis minæ, tot millium



## TRES DANIELIS SOC. IN FLAM. CLIBANO. 531

tot millium exemplum, supplicium præsentaneum, accensa fornax. Illi tamen constantissime: *statuam non adoramus: DEVS, quem solimus, potest eripere nos de camino ignis ardentis, & de manibus tuis, o rex, liberare. Quod si noluerit, notum sit tibi rex, quia Deos tuos non colimus, & statuam, quam erexit, non adoramus.* *Malcula* profectò virtus, & in utrumque paratissima. Sive enim DEVS ignem in rorem & rosas mutet: sive in tormenta & supplicium adhibeat, pendemus illius ab arbitrio, cui servitutem ingenuam servimus, non ut operæ mercenariæ mercedis amore, nec ut grandia nostri causâ patrer miracula, sed quia *DEVS est & Dominus noster*, cuius nutu reguntur universa. Hanc spiritus libertatem extollens *Zeno*, *Veronensis Præsul & Martyr Serm. 1, & 6. de tribus his juvenibus.* Tres, *inquit*, pueri in illo sacro certamine DEUM sibi proposuere, non flammam; futurum gaudium, non præsentem poenam; sicque intra tetros undantis incendij globos, triumphantes barbarum regem, minas omnes, ipsum quoque supplicium, docuerunt, non esse fortiores ignes hominibus sanctis. Quis non optet sic ardere, quando mors transit in vitam, metus in gloriam.

*Angelus Domini descendit, & fecit medium fornacis, quasi ventum ro- ris flantem.* Daniel 3. *Chrysost. tom. 3. hom. 4.* Ignis, ait, murus illis factus est, & vestis flamma, & fons fornax; & ligatos capiens, solutos reddit; mortalia accepit corpora; & tanquam ab im- mortalibus abstinuit; non agnovit naturam, sed pietati ex- hibuit reverentiam. & *August. tom. 10. serm. 240.* In fornacem, *inquit*, missi sunt sancti, fugiunt flammæ, cedunt ignes, incendia expavescunt. Timent ignes lædere, quos iussi sunt incolumes servare. Ostendunt justorum meritum, dum tyranni con- temnunt imperium. Licet sanctis cum igne joculari, quibus cum hominibus non licuit commorari. Licet in poena esse se- curos, quos extra poenam non licuit esse intactos, ut ubi interi- tus, ibi salus: ubi supplicia, ibi invenirentur refrigeria. Hæc ille. Elucet ex his ignibus paterna DEI in suos cura, qui licet periculorum medij, & rebus adversis, velut flammis sint circumdati, ita tamen servantur illæsi, ut ne capillus quidem, quod de Hebræis heroibus s. Historia memorat, ex illorum capite pereat. Quod si verò fuerit aliter visum Superis, non ideo mutant mentem viri fortes, quibus dulce & deco- rum est pro cælo mori.

## NARRATIO.

# NARRATIO CIV.

## NABVCHODONO-

### SORIS METAMORPHOSIS

#### IN BESTIAM.

Daniel. 4.

Anno Mundi 3463. 3464. ante Christum 590. 589.

**D**Efunctis eò, quod narravimus, periculò Hebræis proceribus, nova Danieli oblata est occasio, Numinis, Nominisque Judaici insigni documento illustrandi. Somniabat iterum Tyrannus Babylonius (solet enim DEUS somniantibus quocumque loqui) ob oculos suos obversari arborem tantæ proceritatis, nubes ut vertice contingeret, foliorum explicatu latè terram inumbraret, magnæque fructuum turgescens ubertate, nidum volucribus, habitaculum bestiis, omnique mortalium generi escam suppeditaret. Videbatur Voluptas ipsa frondoso sub recto posuisse sedem; adeò blandiebantur omnia. Sed & nimium brevis amœnitas! adest subito de cœlo Genius Excubitor, divinæ minister providentiæ, minacique voce præcipit, succidi arborem, amputari ramos, dissipari folia, dispergi fructus, stirpis duntaxat radice relictâ, denuo in fructus pullulaturâ. Addit cœlestis præco explicationem Symbolo; denuntiâtque eum, quem denotat arbor, talia fata subiturum, vincendum ferro, & omnibus cœli injurijs expositum, silvas inter & feras, herbis septennid pascendum. Turbârunt non regem modò, sed Danielem quoque, somnij interpretem, tam dira ostenta, subeunte animum Vatis corniferatione simul & admiratione, ex tam insolenti tantæ fortunæ comutatione; regem nuper potentissimum, opibus & delicijs affluentem, magnæ orbis parti imperantem, in bestiam deformandum, vinculis constringendum, inque silvas expellendum. Cunctanti exponere triste vaticinium, addit animum rex jam modestior, & ad cœli decreta excipienda paratior. Explicat horrida portenta Daniel, & per fatalem arborem diversas regię fortunæ vices ostendi declarat; summam Babylonij monarchię felicitatem in extremam calamitatem mutatum iri; non tamen esse fatorum

*Alind Nabuchodono-  
soris somni-  
um de suc-  
cisa arbo-  
re.*

## NABUCHODONOSOR IN BESTIAM. 533

esse fatorum vim tam ineluctabilem, ut mitigari non possint pijs animi poenitentis supplicijs, & liberali stipe in egenos sparsa. Etiam Numinis iras auro flecti. Nimium quantum apud cœleste Tribunal posse, partem in utramque, pauperum gemitus; faceret nunc pecuniarijs elargitionibus Advocatos, quos exactionibus reddidisset Aſtores. Demitteret sublimes illos spiritus, & cogitaret regnum quâmcunque potens, sub graviore tamen regno esse. Facile persuasit Orator, cui terror audientiam fecit; Nabuchodonosor minaci cœlo clypeum obijcit, liberalitatem in egenos. Et verò suspenderunt fatalem ictum eleemosynæ, modesto non minùs animo, quàm larga manu erogatæ; sed non diutius annuò spatiò. redeuntem quippe ad insiti fastûs arrogantiam regem, securis de cœlo intentata, deiecit. E regio fortè solariorum Babylonis splendorem & amplitudinem demirabundus contemplantatur, elatùsque tanta molium & exstructionum magnificentia, videbatur sibi humanum fastigium supergredi, caputque novus Enceladus sideribus inferre. Et nōne, inquit, hæc est Babylon, quam ego, Mundi jam antè miraculis adnumeratam, tantis molitionibus instauravi, ut omnibus orbis operibus prodigiosiorè efficerem? Vix arrogans & prætumidum verbum ex ore fluxit, cùm cœlesti quasi fulmine divinæ vindictæ sideratus & percussus, de potestate mentis dejectus est. Eum, qui Dijs se miscuit, ultrix Nemesis ne hominem quidem esse patitur. Repit per terram quadrupes, qui bipedum neminem sibi parem sustinuit; furit in obvios quosque, qui ne DEO quidem pepercit; vinculis constringitur ferreis, qui superbogenes omnes imperio frenare credebat. Quid multis? Nabuchodonosor nuper hominibus omnibus altior, instar bestię, pronus in pastum abiicitur, fugit testa, silvestribus se feris aggregat, totòque septenniò, saltus & avia manibus pedibùsque perreptat, inconditum aliquid stridens, capillis & unguibus in morem aquilarum excrecentibus, totumque corpus horrificantibus. Non ita tamen formam & figuram hominis perdidit, ut bestię induerit; corrupta phantasia leonem aut ursum sibi finxit, & effervit in animo, quidquid humanum erat.

Sic fuit edomandus fastus tyranni, terræ cœloque insultantis. Inter feras denique factus mitior, & abjecto in humum corpore, demissior, oculos, quod ipsum miserantis DEI fuit, in altum sustollit, arrogantia suæ Vindicem agnoscit illum, prædicatque, cuius potentia par nulla potestas; cuius iudicijs resistendi nulla facultas. Itaque sibi restitutus, etiam DEO, regnòque restituitur. Expletò namque septem annorum decursu, (quo temporis intervallo *Exilmerodachus* filius interregnum administravit)

Yyy

ab Optimatibus

*Nabuchodonosor instantia facit eleemosynas avertit.*

*Iterumque per arrogantiam in caput convertit.*

*Abiit in bestiam.*

*Quomodo mutatus in bestiam.*

*Nabuchodonosor sibi,  
regno, DEO  
reddatur.*

ab Optimatibus requiritur, sceptro, soliôque redditur, id potissimum agente Danielis sapientiâ, auctoritatêque. Annum, non amplius, supervixit, Princeps inter sumos numerandus, hoc maxime, quod Daniele Ministrum & Historicum fortitus, per eum habuit, ut in hominum memoria, & DEI, ut creditur, vivat, Beatorum albo adscriptus. Tanti fuit, aberrantem, ad se ipsum rediisse, & qui sese nescierat in homine, didicisse in bellua. Amiserat se Nabuchodonosor inter assentationes in Aula, reperit se inter solitudines in silva; per insaniam, ad sanam mentem, & agnitionem tam sui, quàm DEI pervenit. Allusit huc Siracides cap. 6. & exemplis monuit. *Non te extollas in cogitatione animæ tuæ, velut taurus: (cornupeta cæteras pecudes fugans, sternens, exagitans, ut fecit Nabuchodonosor) ne forte elidatur virtus tua per stultitiam) ne imperium & robur tuum evertat stulta superbia, uti evertit Nabuchodonosorem) & folia tua comedat, & fructus tuos perdat, (splendorem & opes regias perdat, quod contigit Nabuchodonosori) & relinquaris velut lignum aridum in eremo (destituaris amicis, familiaribus, subjectis, omnique humana ope & solatio, quod expertus est Nabuchodonosor, qui fœnum ut bos comedit, & ut bos, rore caelesti permaduit. Daniel 4.*

## DOCTRINA.

*Symbolum  
vitæ & felicitatis  
est arbor hu-  
mana.*

**E**CCE arbor in medio terræ, & altitudo eius nimia. Folia eius pulcherrima &c. Dan. 4. Symbolū vitæ & felicitatis humanæ arbor est ista. Folia, fructus, altitudo, amplitudo, sunt honores, opes, delicæ, valetudo bona, præstans forma, amicitia, clientelæ, amores & favores hominum, naturæ, fortunæ, sub quibus, velut in umbra, suavi sopore quiescit mens incauta mortalium. Subitus exoritur turbo, coguntur nubes, cælum tonat, fulgurat, fulminat; arbor amænissima ex alto feritur; defluunt frondes, in fumum abeunt rami: quidquid roboris & venustatis erat, miserimè deformatur. Atque hic turbo & hæc tempestas ab unica febricula, ab unica viri potentioris offensa, à nubecula sinistra fortunæ commoveretur. Aliquando cū cælum, & cætera favent omnia, ecce tibi! improvisam mors securim admovet, & hominem suis viribus præidentem adoritur, sternit, è vita exturbat. Præcursor Christi, Matth. 3. minatur: *Jam securis ad radicem arboris posita est.* Cū minimè vereris, ô vecors homuncio, dum flores, dum vernas, dum latissimè ramos explicas; feralem mortis ictum excipis, Malè tibi, si fueris arbor sine fructibus cælo dignis, ideoque ignes in æternos mittenda. *Ubi ceciderit lignum,* inquit, Ecclesiastes cap. 11. *ibi erit, sive ad austrum, sive ad aquilonem,* hoc est, sive in æternitatem felicem, sive infelicem.

Et verò



## NABUCHODONOSOR IN BESTIAM. 525

Et verò, si arboris tantum folia & brachia amputentur, si bona duntaxat corporis aut fortunæ eripiantur, non est actum de salute. Si verò radix ipsa excindatur, si vita sceleribus inquinata auferatur, æternum est conclamatum. Mitius Nabuchodonosori accidit. Clamavit enim vigil Angelus : *Succidite arborem, & pracidite ramos eius : excutite folia eius, & dispergite fructus eius. Verumtamen germen radicis eius in terra finite.* Daniel 4. Hæc DEI moderatio est in puniendis impijs. Folia bonorum temporalium decussit Nabuchodonosori, stirpem quoque radicitus excisurus, nisi resipiscat, levior ictus manu.

*Bisecient se ex hominibus, & cum bestiis, ferisque erit habitatio tua.* Ibid. In rege admenendo libertas Danielis. Hanc decretoriam DEI sententiam in potentissimum orbis monarchiam fulminavit internuntius Daniel. Mira professò in Augusto tam gratiofo, tamque simul lubrico, dicendi libertas. Palatinis optimatibus & consiliarijs altè imprimenda ; apud quos miserè torquetur veritas, ne principales aures offendant. Vastre loquuntur, & ex ambiguo ; per varios flexus & ambages circumducunt, non ducunt, Principem ; parùm laborantes, quàm sint fidi, modò ne sint ingrati. Augustus Imperator ob impudiciam filiae Juliae, contractâ jam infamiâ, altum ingemiscens : Horum, aiebat, nihil mihi accidisset, si Agrippa aut Mæcenas vixisset, viri ab ingenua dicendi libertate commendatissimi.

*Nonne hæc est Babylon magna, quam ego edificavi in domum regni, in robore fortitudinis meæ, & in gloria decòris mei ?* Ibid. Cumque sermo adhuc esset in ore regis, vox de caelo ruit &c. Babylonium regem grandi ore ampullantem cœlestis vox, velut improvisum tonitru, & fulmen, stravit. Ita in foribus, in articulo temporis, in vestigio adfuit Vindicta divina, & glorioso thraconi cornua decussit. Time, quisquis æqualis astris inambulas ; nihil odiosius Numini, superbò homulò. DEUS cæteroquin mitissimus, & ad veniam paratissimus, severissimè *superbis resistit.* Jac. 4. quippe impugnantibus & laceffentibus, propulsans magis injuriam, quàm inferens. Hinc Tobias filium suum erudiens : *Superbiam,* inquit, *in tuo sensu, aut in tuo verbo dominari ne permittas. In ipsa enim initium sumpsit omnis perditio.* Superbi dum alicum instar sublimissimè evolâsse se, credunt, repente, alas accidente DEO, affliguntur humi. Longè magis ei, quàm Romanis olim, proprium.

Parcere subjectis, & debellare superbos. *Ænid. 6.* Verissimè regù sapientissimus. Prov. 16. *Contritione* (confractiōe & coninutione.) *præcedit superbia : & ante ruinam exaltatur spiritus.* Fastus & tumor animi, sunt calamitatù prodromi. Superbia, inquit, August.





## NARRATIO CV.

## DANIEL SACRIFICULORUM BELIS IMPOSTVRAM DETEGIT; SUPERSTITIOSUM DRACONEM OCCIDIT; AD LEONES DAMNATUR.

Daniel. 14.

Anno Mundi 3473. ante Christum 580.

**N**Abuchodonosori vivis exempto, successit in regno Evilmerodachus filius; apud quem cum Daniel non minore polleret gratiâ, quàm apud parentem valuerat, quotidianus ad regiam mensam conviva assidens; omnem moverunt Aulici lapidem, ad hominem Judæum evertendum, cuius rei efficiendæ non multò post occasionem sunt nacti. Accidit enim, ut sermo incideret de Belo Babyloniorum DEO, quem in effigie intus luteâ, foris ærea adorabant; ad eius cultum cum Daniele Rex invitaret, (utique palatinorum invidiâ eam technam adornante, neque enim regi Danielis inexplorata erat religio) illéque pernegaret inanimæ statuæ divinos honores impertiri posse; rex contrâ niti vehementer insistit, doceréque, Belum utique vivere & sentire, quippe in cuius quotidianam epulationem absumantur duodeni farinæ medimni, oves quadragenæ, & senæ vini amphoræ. Risit ad eas sumptuarias rationes Daniel, recepitque, ostensurum se regi, per fictilem idoli stomachum nihil cibi, nihil potûs transire; fraude sacrificulorum fieri, quidquid insensilis statuæ devorare videretur; cedere penus illius dimensum murum gulæ; alienam radentium escam; nec sibi decesse miscipulam, eos capiendi. Sapientia dicentis tantam regi movit suspicionem sceleris, quantam indignationem sacrilega fallacia; convocat omnes Beli popas, numero septuaginta, intentatâque mortis penâ, scitatur, a quonam tantus cibi potûsque apparatus quotidie absumatur. Illi verò perfare in mendacio, & perfricta fronte postulare, ut veniretur in rem præsentem, obsecratq; Beli templô & foribus pessulo, sigillôq; firmatis, experimentum caperetur tam famis divinæ, quàm fidei suæ; propositô capitis supplicô, si Numinis vel abstinentia, vel gula, partem alterutram calumniæ damnet. In eâ audêdi cōfidentia, impostores adduxerut meatus subterranei rum Belis.

Y y 3

terranei, cæcique cuniculi, per quos. de nocte cum uxoribus & liberis subrepentes in fanum, epulas Belo destinatas, suum abscondebant in ventrem. Quorum fraudem palam Daniel facturus, jubet delubri pavementum interni cinere, postredie cum rege, quid doli sub eo lateret, exploraturus. Vix illuxerat dies, cum rex avidus rei cognoscendæ, accedit ad eadem Belæam, comitante Daniele. reperit valvas inviolatas, sigilla integra; aperit, intrat, aspicit Beli mensam, pridie annonâ gravem, nunc jejunam & vacuam. Salva res. Epulonem se probavit deus. Pedem intro ferre parantem, tantisper Vates retinet, donec intentò in pavementum digito, commonstret majora, minorâque per cinerem dolosum incedentium vestigia; occultos præterea aditus, in pariete apertos, per quos nocturni comedones commeari soliti. Non tenuit iram rex, impudentiâ mendacij concitatam. Quid enim? ab impuris sibi nebulonibus tam fœdè impositum esse? dat ocyus in mandatis, ut fraudulentî ganeones cum omni familia sua abripiantur ad necem, fucumque luant sanguine. Nec eâ contentus poenâ; copiam insuper facit Danieli, simulacri, delubrique Belæi funditus evertendi. Sic astutia cepit astutiam, & bonus dolus malum plexit.

Post hunc cum Belo, eiûsque ariolis congressum, aliud viro divino certamen subeundum fuit, non cum exanimi statua; sed vivo *Dracone*; coluere namque Babylonij, præter Belum; Serpentem quoque pro deo, in subterraneo quodam specu, immani corpore stabulantem. Rex pari cum populo amentia, tantum ei belluæ divinitatis inesse credebatur, ut ad eius venerationem non dubitaret Hebræum Principem invitare. sive id fecerit Danielis constantiæ, sive numinis squamati potentiæ periclitandæ causâ; sive aulicorum id gratiæ dederit, novam Danieli nocendi ansam quærentium: nam facile concipiunt ignem, quæ paulò antè extinctæ sunt facies. Hic verò superstitionem tam absurdam dedoctrurus regem, petit sibi fieri potestatem eius dei interficiendi. Rex nonnihil cunctatur ad postulatiorem tam inopinatam; quia tamen credebatur, cum divinitate immortalitatem debere esse conjunctam, assentitur petitioni. Daniel ut vitam belluæ, errorem cæcis eripiat mentibus, parat ossam medicatam, ex pice, adipi, pilis; hanc conijcit in os hiantis bestię, simulq; distendit & dirumpit viscera. Novi in plebe, & inter procures oriuntur tumultus; tantâq; cõcitatur inter omnes ordines seditio, ut armatis precibus, minûq; adorti sint regē, ad permittendâ sibi DEI, faniq; Belæi destructi, sacerdotū occisorū, & deniq; divini Draconis interempti vindictâ. Major erat seditiosorū vis & turba,

*Daniel ob  
inserementū  
superstitio-  
sum dra-  
conem leoni-  
bus obijci-*

*inf.*

## DANIEL AD LEONES DAMNATUR. 539

vis & turba, quàm ut imperiò compesci posset. Et regem tumultuantium furor magis ad sui curam, quàm Danielis converterat; Judæus, quod exprobraverant Babylonij, audire nolebat. Privatam igitur calamitatem publicam antehabens, virum amicissimum, de quo regno suo optimè meritum furentium arbitrio concedit. Illi jam dudum invidia efferati, Daniele corrumpunt, nihil expostulantem, nihil reformidantem, virtute sua, Deoque nixum. Antrum erat horridum, & septem leonum, prædæ inhiantium (nam substractus pastus famem & rabiem accenderat) crudelitate formidabile. In hoc demittitur heros, à rege secundus. Acuit oculos livor, & si non artus, certè ossa sperabat discerpta videre. Sed innocentia impactos inter leones degebat incolumis, & fortior leonibus triumphabat. Si quid timeri poterat, fames erat, non leonum, sed leonini hospitis. Providit igitur DEUS captivo suo commeatum. Sex ipsi dies abierunt impranso, cum cælo missus geniorum aliquis, *Habacucum* Prophetam, tum sortè messoribus suis prandium (pultem in alveolo) ferentem, capillis arreptum, mira celeritate, Babylonem ex Judæa transfert; rursusque, cibum Danieli tradit, revehit eò, unde asportarat. Ita pastus, famelicos inter leones recubat, nunquam securior, quàm tales inter custodes. Septima post luce, rex ad speluncam revisit, chagillimo capiti, lacrimis parentaturus. Simul in antrum ut oculos demisit, siquas cruenti funeris notas deprehenderet, ecce tibi! Daniel dudum conclamatus, leonum medius, velut pastor inter oves conspiciendū se offert. quā admiratione regis, gratulatione, & laudū erga Hebræorum DEUM præconijs, haud pronum est explicare: Eum Unum esse, supremum rerum Dominum, totoque terrarum orbe, religioso metu colendum; adversus quem quicumque contumeliosum os efferret, ei pessime pereundum esse. Dehinc captivus extrahitur ex horrenti cavea; facinoris verò, & seditionis auctores, lege talionis damnati, coniiciuntur in specum innocenti præparatum, momentoque à rugientibus bestiis discerpuntur. Ita scelus in caput redijt, & ferre coacti sunt, quod inferre machinabantur. *Lacum, juxta psal. 7. aperuerunt, & effoderunt, & inciderunt in foveam, quam fecerunt.*

*Danieli prandium ab Habacuco adferunt.*

*Daniel ille ex anatro leonino extrahitur.*

## DOCTRINA

**M**ultiplex hinc hauritur, præsertim Aulicis, quorum illustrissimum speculum est Daniel. Prima eius in hac historia laus, fortunas amplas, honores sumos, regiam gratiam, vitam ipsam pro DEO exposuisse, docuisseque. Rempublicam & Aulam adeunt, primam esse debere curam, *Placere DEO*. Fatalis mul-  
torum error, & scopulus crebro naufragio infamis, gratiam hominum antehabere

*Daniel exemplum viri Aulici.*

antehabere gratiæ DEI. Quàm multi temporì cedunt, Regum, procerumque favorem, per fas & nefas aucupantur; Numinis cultum honorémque seponunt, virtutem post nummos, si fortuna volet, recepturi. Cùm venti spirant secundi, cùm tranquillum est æquor, ridet cælum, immodicis inflati spebus, pro DEO & Rege velificantur; At ubi gravior tempestas ingruit, Princeps contrahit vultum, pendent in fronte nebulae, jubet, quæ vetat DEUS, Superi boni! quàm concidunt animis hi Palatini; quàm id curant unice, ne excidant *Utili*, quidquid fiat de *Honesto*. Aliter Daniel, qui sibi par in utraque fortuna: in blandiente non extumuit: in adversante non extimuit, cùm ageretur vel de Regis, vel de Numinis gratia perdenda: *Non colo*, inquit, *idola manufacta, sed viventem DEUM, qui creavit cælum & terram.* Daniel. 14.

*Invidia  
commune  
malum in  
Aulis Prin-  
cipum.*

*Trademobis Danielelem, alioquin interficiemus te, & domum tuam. Necessitate compulsi tradidit Danielelem.* Ibid. In palatijs imperat Invidia. Hic nemo omnibus amicus est. Daniel Nabuchodonosori, ejusque filio Evilmerodacho quantum placuit, tantum displicuit Satrapis. Procerum livore, populique tumultibus petitus, ex summo loco in imum, ex mensa regis, in lacum leonum conijcitur. Ita cursus fert dignitatum; ubique offenditur, ubique obices. Multi sibi reges, pauci collegas demereri potuerunt; nemo omnes. Adeo res lubrica est, ut hoc ipsum, *placere regi*, amicis regis reddat invisum. Livor semper reperit odiorum causas, odium vero sui fecundum est, ut mala herba crescit, & quavis ex causa sævit. Ibi maxime verum est: nulli esse amicum, qui omnibus amicus sit. Vigent æmulationes, maleque testæ similitates, faciuntque, ut crescentium comoda, suam existiment calamitatem. Quid, quod Invidia, Principi charum, per latus Principis petat? Sic *congregati adversus regem Babylonij, dixerunt: Judæus factus est*, loc. cit. non minus malignè, quàm falsè. Atque hoc erat classicum ad seditionem excitandam: hic aries ad regis pectus concutiendum; hæc machina ad Danielelem perdendum. O quoties Principes non agunt, sed aguntur; metuunt, quos terrere debebant; ipsi *nomen* habent imperantium, *Ministri rem*. Et verò, nimis quàm sæpe, ad favorem conciliandum plus valent malorum ficta obsequia, quàm fida ministeria innocentium. Documento est Daniel, quàm lubrica sit in aulis felicitas, etiam proborum. Hoc mare tum quoque, cùm in morem stagni placidè residere videtur, fluctus, quamvis occultos, ciet. Daniel inter leones tutior, quàm inter Palatinos fuit; jactatus est fluctibus, non tamen merfus; quia Deo fultus, à DEO sustentatus est.

*Fallax  
Mundus.*

*Intrinfecus luteus, forinfecus aureus est*, loc. cit. scil. Belus, Babyliorum idolum. Typum habes larvarum mundi huius, quæ in deceptionem inducunt imbecilles oculos. Vox est Sapientiæ c. 14. Creaturae



## DANIEL AD LEONES DAMNATUR. 541

*Creatura DEI facta sunt in muscipulam pedibus insipientium.* Ita statua, quam Nabuchodonosor adorandam proposuit, intus lutea, foris erat aurea. Forma aliqua elegantior, nitidioris splendor metalli, fulgor objecti honoris, in quas cupiditates non trahunt miseros mortales! His idolis consecrant, quidquid votorum sub pectore calet. His aras ponunt, & omnes animi, corporisque vires substernunt. Aerea credunt, & ætatem latura, cum sint lutea, & instar testæ frangenda; aurum putant solidum, cui suffultum est cariosum lignum. Candido fidunt ovi cortici, sub quo foetens vitellus abditur. Ita decepti, induunt pedes & affectus suos in decipulam; & dum videntur sibi nescio quas amorum Veneres ac Cupidines, divitiarum Iunones, honorum datores Ioves in sinu & brachijs habere, evanidam cum Ixione nubem, & quod deterius est, lutum & coenum amplexantur. Seros denique aperiunt oculos, & insipientiæ suæ ingemiscunt; quibus meritò illud occinitur, quod Daniel Babylonij, disruptum draconem ostendens, opprobavit. *Ecce, quem colebatis.* Hoc monstrum pro DEO, hanc pestem pro salutis asylo habuistis.

*Ecce sedens (Daniel) in medio leonum.* loc. cit. Mirum sanè spectaculum, Daniel inter ferocissimas belluas securus quiescit, non aliò fretus presidio, quàm bonâ conscientia. Bias rogatus, quid esset sine metu? respondit: *Conscientia bona.* Firmissimum hæc in rebus adversis est munimentum. Innocentia non eget Mauri jaculis, non arcu; ipsa sibi tutamentum est. Animus malè sibi conscius, velut ericius in sinu, nunquam non sentit aculeos. Ubi verò nihil est culpæ, nihil est timoris, nihil angoris. Nihil interest, apud quos degas, quibuscum vivas, sed qualis. Daniel in crudeli barathro, tanquam alter Salomon in folio inter leones, velut inter leoninas statuas sedit, didicitque, quàm nobile regnum possideat, qui rebus humanis major, degeneres posuit metus; neque posse perire, quisque pro DEO perire cupit. Atque ut stellæ clarius de nocte lucent; sic innocentia ex antri tenebris illustrius refulsit, & invidos excæcavit; regem verò illuminavit, ut videret, quantum esset discriminis inter divinitatem Beli sui, & Numinis, Daniele in ipsi mortis faucibus protegentis: De homine probo Salomon, Prov. 28. *Iustus quasi leo confidens, absque terrore erit;* talis leo Daniel, inter leones fuit. Eleganter *Chrysost. hom. 8. ad pop. Antioch.* „ Leonis arma; jubarum horror, unguium cuspis, & dentes acuti; „ sed arma iusti: sapientia, temperantia, patientia, tolerantia, præ- „ sentium contemptus omnium. Hæc arma quisquis habet, „ non homines tantum improbos, sed & ipsas adversarias pote- „ states deridebit. Armavit hæc panoplia Daniele, & terribilem inimicis omnibus reddidit.

*Conscientia  
bona securi-  
tas.*

Z z z

Recor-

*Mirabilis  
DEI provi-  
dentia &  
charitas in  
prandio  
Danieli  
submitten-  
do.*

*Recordatus es mei DEUS, & non dereliquisti diligentes te loc. cit.* Sunt verba Danielis, post acceptum ab Habacuco cibum. O admirandam DEI providentiam in pascendo servo suo Daniele! Dapifer jubetur esse, qui minimè putaverat, Habacucus Vates; ejus Veredarius constituitur Genius cœlestis; cibus apportatur, longè aliam in mensam coctus; via, quâ ferendus, longissima; ex Judæa Babylonem usque; triclinium, ubi apponendus, artrum fuit, & hoc ferreis januis ac feris munitum; conviva homo, interbelluas circumfusas recubans, & has jejunas, quibus licuit spectare prandium, non attingere. Allatæ lauritiæ, vile pulmentum, cui panes intriti. Quàm sobriè simul & amanter suos pascit amicos DEUS! Poterat Angelus mensarias delicias momentò apparare, vel apparatus ex aliqua Babylonis culina rapere; poterat DEUS inediam Danielis sine cibo saturare. Et tamen adeò placebat Habacuci pultarius, ut & fatigati messores fuerint frustrandi prandiò, & vir optimus ad locum leonum, fortè non sine trepidatione, vehendus. Cur hæc omnia? Ut appareat DEI in suos cura. Unde Daniel: *Recordatus es mei DEUS; & non dereliquisti diligentes te.* Verè Paulus, Rom. 8. *Diligentibus DEUS omnia cooperantur in bonum.* Ad unum Danielis prandiolum vel cœnulam, plures cooperari debebant, ut dilectio tam DEI, quàm Angeli, hominisque in Daniele clariùs eluceret. Famem DEUS compescuit leonum, non repressit inediam Danielis, ut doceret, indita naturæ desideria, plerumque non auferri miraculis, sed sedari laboribus, & cum animi demissione, ac necessitate corporis tolerari.

## NARRATIO CVI. BALTHASARIS, ULTIMI BABYLONIORUM REGIS INTERITUS.

Danielis 5.

Anno Mundi 3516. ante Christum. 537.



Post mortem Evilmerodachi, habenas regni Babylonici cepit frater eius *Balthasar*, (quē aliqui Balthasarem, Balthazarem, Balthassarē, Baldeazarū, Belfhazarē vocāt) cum quo regnum interijt Chaldaicū, ad Persas



## BALTHASARIS REGIS INTERITUS. 543

ad Persas, translatum à *Cyro* Medorum & Persarum rege, qui complurium Orientis populorum accinctus auxilijs, *Babylonem*, muris, portis, armorum robore, virorum bellacium multitudine, commeatûs denique copiâ prævunitam, obsidione biennali in potestatem redegit; idque hunc in modum.

Admoto ad urbem exercitu, cum Balthasari major convivorum esset cura, quam præliorum, & ipsa diuturnitas obsidij improvidos redderet, ac securos incolas, augetetque hostium contemptum; ex uno fortuna discrimine, cætera fecit. Acie cum Persis Chaldæi congressi, postquam profligati sunt, metum intra pectora, arma intra mœnia continuerunt. Eam hostis imbelliam in sua consilia vertit; adoritur expugnare latentes, quos aperto Marte fudit, fugavitque. Maximum victoriæ obstaculum erat Euphrates fluvius, qui Babylonem urbem interfecans, quàm magnis utrinque crepidinibus coërebatur, tam validis vim externam munimentis arcebat. Eum igitur aggressi Persæ, in plures duxerunt fossas, vadosumque & permeabilem reddiderunt. Exhaustus alveus urbi desijt esse præsidio. quamquam tunc quoque, si viri fuissent Babylonij, obicibus objectis hostilem poterant repellere impetum, & ex ripis, impune telis excipere subeuntes. Mens defuit, non vires. Nam dum festivas idolis suis agitant ferias; dum ludis, choreis, convivijs omnia perstreput; Persæ noctis obscuræ tenebris, & inobservabiles viam sibi ad invadendum muniunt. Bacchanalia diceres vivere Babylonios, adeo nihil sobrium, nihil erat providum. Rex bibonum antesignanus. Optimates suos capacioribus provocare poculis, certare helluando, non secus, quàm si hostis super mensam esset debellandus. Curæ militares omnes merguntur vino; excubiæ nullæ, nisi ad calices, infuso semper mero coronandos. Atque ut deesset nihil, ad DEI, hominûmque vindictam accelerandam, Balthasar Modiperator potius, quàm Imperator, vino gravis & temulentus, sacra jubet afferri vasa, (quondam à parente, de Solymæo templo rapta, inque Belis fano inter thesauros adhuc asservata) in honorem Deorum Chaldæorum exsiccanda. Arma diceres ad certamen Bacchi inter mille Optimates, & uxores, ac concubinas regias incundum; sed in malum pugnantium, Circumeunt inter profanas manus dicata DEO cymbia, jamque serviunt haræ, quæ nuper servierant aræ. Estur, potatur, cantatur, Dij Babylonis *aurei, argentei, ærei, ferrei* laudibus in cælum extolluntur, laudatores in orcum deprimuntur.

Dum maximè fervet convivalis luxuria, ecce tibi! apparent in pariete digiti manûs scribentis, ex adverso lucernæ, mensam ebriam illustrantis. Mox terror ingens invadere spectantes; regem

*Babylonij  
periculorum  
incurij.*

*Temulentû  
regis Baby-  
lonij convi-  
vium.*

*Apparent  
digiti ma-  
nus scri-  
bentis.*

præcipue, in quem feralis scriptura maximè tendebat. ergo exalbescere metu, compavescere corde, totis artubus contremiscere. accersuntur arioli, augures, haruspices, incantatores; ponuntur præmia legenti arcanas litteras; quas cum viderent omnes, nemo tamen sciret in sensum componere; confternatis regina mater, *Nitocris* nomine, supervenit; hæc filio sopore ac temulentia oppresso suggerit, Danielè ut advocet, qui apud genitorem, fratremque, summis in honoribus habitus, secretorum sit conficius cœlestium, & divinandi scientia longè omnibus antecedit. Introducitur Daniel, sed parùm agnoscitur ab oculis vinò natantibus; terror & crapula memoriã omnem excusserunt. rogatur igitur, num is esset, cui rerum arcanarum cognitio tantam in Aula Babylonica famam, gloriãque peperissent. se verò honores cumulaturum honoribus, si exaratos in pariete characteres, quos Chaldæi sui explicare nescirent, interpretaretur. Negat Daniel sibi sapientiã muneribus venalem esse; desiderio tamen regis obsecundaturum, & mysticum ænigma expositurum. prius tamen, quàm id faceret, cœpit Balthasari in memoriã revocare exemplum parentis, insolentes adversus DEUM spiritus inter feras expiantis; cuius rei cum rex haudquaquam sit ignarus, tantò ipsum temerarium magis, illius esse dextræ provocatorem, cuius ictum tam gravem genitor sensisset. nam quænam hæc vecordia, vasa DEO consecrata, quæ triginta annis sine contumelia latuerant recondita; nunc demum protrahere, ebrietatis & sacrilegij flagitio contaminanda? sciret ergò, litteras occulta manu pictas haud esse oculorum ludibrium; dicam eius capiti scriptam à cœli Domino, cognitã judiciò divinò causam, latam sententiã, decretum supplicium: summam esse, MANE, THECEL, PHARES; annos regis ab eo, cuius sub nutu momenta vitæ mortalium decurrunt, numeratos; acta discussa, & velut in statera librata, ponderis autem injusti deprehensa, superante scelerum lance, libripende DEO; ideò malis ita meritis exigentibus, ipsum vita ejiciendum, & regno: illudque *Persis* ac *Medis* dividendum.

Non habuit miser, quò se verteret, præsertim cum meliorem mentis partem temulentia abstulisset; jussit Vaticinio, quamvis funesto, promissa munera tribui, Danielẽ purpurâ, & aurea torque indui, terriq; post regiam dignitatem loco haberi; sive quòd crederet, longo pòst tempore hæc eventura: si ve quòd speraret, se honoratione vatis, tristia fata declinaturum. Quis autem non crederet, corollas tum defluxuras capite fuisse attonitis præfagiò, elapsuros manu crateras; impios & lascivos cantus

*Daniel arcanam scripturam explicat,*

## BALTHASARIS REGIS INTERITUS. 545

cantus, in preces & obsecrationes, placandi Numinis, abituros; convivas cladis imminuentis denuntiatori, partes imposituros patroni? Sed nimirum sacrilegi calices caliginem oculis, & animis offuderunt. Nihil jam agitur pro sana mente; merò depositi, crapulâ marcidi, intempesta nocte, impotes sui, somno metû-que procumbunt. Sed aures salutaribus Consilijs clausas, mox aperuerunt hostilia classica. Sub idem temporis, effractis subito portis per Euphratē vix genua tingentem, in urbem vino, somnôque sepultam irruitur. *Cyrus* ipse, & *Darius*, cum maxima copiarum parte, ductoribus *Gobriâ* & *Gadata*, viris principibus (qui nuper injurijs exagitati, à Babylonijs ad Persas desciverant) auspiciū irruptionis faciunt; miscentur omnia cædibus, rapinis, incendijs. Quis explicet, quantus in re subita, trepidâque tumultus, quantus extiterit clamor alios è cubilibus, alios è mensis excitantium? Procurritur in publicum cum telis, quæ fors & casus in manum dederant. fœda ubique & conclamata rei facies. Pars pugnam & aciem poscere; pars fugam & latebras malle; nihil ex voto succedere. Bacchiabatur per mediam civitatem strages, antequam, qui extrema habitabant, sentirent hostem intra viscera sævire. tripudijs multi & ludis malè vigilatam noctem ducebant, hostium securi. Ad regiam ubi perventum, evulsis foribus, primi omnium custodes, qui Herodoto teste, luculentum ad ignem potabant, trucidantur; exinde in penetralia irrumpitur; rex epulis distentus, timoribus oppressus, nequicquam defensionem parans, cum uxoribus, concubinis, & aulica familia, ferro mactatur. Ubique luctus, ejulatus, cædes: armati pariter inermesque victoris gladiò cadunt; nulli sexui, nulli ætati libido & crudelitas parcat; parvi liberi alliduntur ad saxa, quod dudum antè Vates præcinuerant. mensæ non vino, sed sanguine natant; gaudium & cithara in promiscuas lamentationes vertuntur. Ruit alto à culmine Babylon, spectaculum Orbis, voluptatis sedes, gentium spoliarium.

Cæterum imperium Babylonicum *Cyrus* socero suo *Dario*, vicaria potestate (qua ratione in Medos quoque dominabatur) administrandū commisit. Ipse, prius quàm ex Babylonia transportaret in Persiâ exercitū, Iudeos à Magni Nabuchodonosoris usque temporibus, septuagesimū jam annum captivos, & barbarorū servos, manumittit, libertatque redditos, in patriâ quoque redire permittit; sacram Templi Solymæi suppellectilem restituit, ipsiusque templi & urbis reædificandi potestatem facit, sumptibus etiam regijs in eas motiones suppeditatis, ad eam maximè inductus benevolentiam, Danielis virtute, sapientiæ, & illius inter leones innocentie prodigiū.

Z z z 3

Id quod

*Persæ Baby-  
lonem im-  
provisè ca-  
piunt.*

*Urbs capta  
miseranda  
facies.*

*Cyri regis in  
Iudeos be-  
nevolentia.*

Id quod multò antè prædixit Isaias, cap. 44. *Qui dico Cyro: Pastorem es, & omnem voluntatem meam complebis.* More scilicet pastoris dispersum Judæorum populum congregando, inque patriam remittendo, tanquam oves dissipatas ad caulas suas. Felicem sanè regem, si veri magis Adorator Numinis, quàm laudator esse voluisset.

## DOCTRINA

**M**Agnam documentorum segetem hæc Narratio suppetat. Effet enim locus, temulentiam, præsertim magnatum exagitandi; effet, in sacrilegas rapinas invehendi; effet, in abusum rerum DEO dicatarum insurgendi; effet, principum & magistratuuum socordiam reprehendendi; effet, convivorum luxum & lasciviam perstringendi; effet, divini judicij timorem incutiendi; effet, improvisæ mortis horrorem iniiciendi; effet, regnorum mutationis & eversionis causas investigandi; quas tamen, aliàsque hinc eruendas doctrinas cum alibi attingamus; nunc placet hanc Regis, urbis, regni potentissimi tragicam catastrophem, velut in theatro spectatam, ad ruinam Animæ sceleribus immortalæ transferre.

## Pars I. tragædiæ Babylonicæ

*Tragædia  
Babylonica.*

**P**lena lætitijs est & delicijs. Habent enim tragædiæ plerumque initia jucunda, exitus verò nunquam non tristes. Exordium hilaritatis sumptum à convivio utique splendidissimo, in quo, præter ingentem seminarum turbam, accubuerunt Proceres omnino mille. Quid de famulis dicam, & triclinij ministris? Scholiastes apud Cornelium ait, singulis suum fuisse craterem, suum pincernam. paullatim tamen majoribus se poculis postulare cœperunt. *Drexelius in Daniele c. 14. §. 3.* asserit, vasorū aliqua tam fuisse grandia & capacia, ut complures simul os imergere, & velut boves aut vaccæ aliquot, simul ex uno alveo haurire potuerint. Neque solum bibebant & edebant; sed cantabant, psallebant, choreas ducebant. Omnia tripudantium & ebriosorum vocibus perstrepebant. Rex ipse præibat exemplò. Audivisses tunc alios clarescentes, mantes: Ede, bibe, lude, post mortem nulla voluptas. Vidisses alios sese mutuo ad exhaurienda pocula partim in honorem regis, partim deorum, invitantes. Atq; hunc in honorem Jovis, illū Martis, alium Bacchi; hunc in nomen Veneris, illū in Dianæ, bibentes, & deos suos laudantes, cū explosione Judaici Numinis, cui suis in vasis illudebant. Regis & Procerū ad exemplū, tota Civitas erat in lætitiā & epulas effusa; partim quia dies agitabatur cuidam deorum festus; partim ut ostenderent, se contemnere *Cyrum & Dariū reges, cum Persis & Medis urbem obsidentes.* Nam quis sibi timere

## BALTHASARIS REGIS INTERITUS. 547

sibi timeret in illa civitate, cuius mœnia in quinquaginta cubitorum altitudinem surgebant, latitudine triginta tres comprehendebant, adeo ut quadrigæ inter se occurrentes, commeari sine periculo in illis possent. Muros centenæ turres intercipient; singulæ turres singulas portas habebant, & hæ fores ahenas. Mediâ civitatem maximus fluvius, Euphrates secuit. Propugnatorum, præter cives, erant centum millia; commearus ad viginti annos suppetebat; ut Herodotus, Xenophon, alique scriptores testantur apud Cornel. Quis igitur in urbe tam opulenta, tamque munita cum tumultu rege non se inebriaret, non cantaret, non saltaret & lasciviret?

Chorus igitur in hac prima Tragœdiæ parte non desiderabatur. Choralium & tripudiantium voces personabant: *Penite, fruamur bonis, quæ sunt, & utamur creatura; Vino pretioso & unguentis nos impleamus; rosis nos coronemus.* Sap. 2. sed graviore vultu superintonsans Ecclesiastes, cap. 2. *Risum reputavi errorem, & gaudium dixi, quare frustra deciperis.* & cap. 9. *sicut pisces capiuntur bamo, & aves laqueo, sic homines in tempore malo.*

### Altera Pars Tragœdiæ

**T**urbat hilaritatem, & impendentium calamitatum minas ostendat. Sacer historicus, (qui fuit ipse Daniel, præfens rei spectator) ait: *In eadem hora apparuerunt digiti, quasi manus hominis scribentis contra candelabrum* (è regione solij regij.) *Et rex aspicebat articulos manus scribentis.* Hic verò voluptas omnis & gaudium intercidit. Nam, *Tunc facies regis commutata est, & cogitationes eius conturbabant eum.* Magnum malum sibi parari vidit, nec tamen quale, & quis auctor esset, nosse potuit. Hinc timor & tremor. *Et compages renum eius solvebantur, & genua eius ad se invicem collidebantur.* Advocati igitur magi & aruspices, ut scripturam legerent. Cùm nemo sciret, vocatur Daniel, legit, explicat, indicat: **MANE:** *numeravit DEUS regnum tuum, & complevit illud. THECEL: appensus es in statera, & inventus es minus habens. PHARES: divisum est regnum tuum, & datum est Medi & Persis.* Nimirum DEUS, qui numerat pluviarum stillas, oceani guttulas, arborum folia, terræ gramina, arenæ grana, temporis momenta & puncta; hic annos imperij tui viginti duos numeravit, ò Balthasar; Judaicæ captivitatis septuaginta, quorum ultimus carcerem Babylonicum Hebræis pandet, & Chaldaeorum regnum terminabit. Hic idem appendit ad trutinam justitiæ suæ, omnes actiones, cogitationes, & verba tua; in lancem tuam vesterunt vitia, in alteram virtutes; hinc superbia, libido, temulentia, iniustitia prægravant; vitam & regnum meritis es perdere, quia neutro usus es bene. Atque hoc regnum hac nocte dividetur à Persis & Medis: tu autem dividèris hostili acinace. Ad funestam hanc denuntiationem, quæ omniū consternatio, qui vultus,

vultus, quæ ora? sed tamen neque hoc tonitru excitati, redierunt ad mentem.

Ideoque in *Chorum* tristem prodijt *Isaïas*, & cecinit: *Hi quoque præ vino nescierunt, & præ ebrietate erraverunt; absorpti sunt à vino.* *Isa. 28.* Subsecutus *Salomon*: *Es erit sicut dormiens in medio mari, & quasi sopitus gubernator amissò clavò.* *Prov. 4.* Sociat minitabundus cantum *Jeremias* cap. 51. *In calore eorum ponam potus eorum* (permittam eos vino incalefcere) *& inebriabo eos,* (sequetur ebrietas) *ut sopiantur, & dormiant somnum sempiternum.*

### Tertia Pars, & exitus Tragœdiæ.

**E** Adem nocte interfectus est *Balthasar*, rex *Chaldaeorum*. *Es Darius Medus* successit in regnum annos natus sexaginta duos. *Daniel. 5.* Pauca verba lamentabilem catastrophem referunt. Quid enim posset esse tristius? Mensæ vino fluentes, iam sanguine natant; Pro choreis, eunt in orbes strages funerum; pro risibus & cantibus, resonant luctus, gemitus, ejulatus morientium, clamores occidentium; pro suavissimis odoribus, pestiferi foetores cadaverum; pro convivijs & epulis, crudelitas, trucidatio, vastatio, excidium. Spectastis saltantes, tripudiantes, convivantes; nunc aspiciite *Persicis* gladijs convulneratos, conscissos, sagittis trajectos, hastis confossos, pedibus calcatos, parietibus & saxis allisos; succensa palatia, ruentes alto à culmine turres, *Babylonem*, magnam partem bustum & lapidum tumulum. Audite *Chorum*. *Jeremias* redit in proscenium. *Visitabo super regem Babylonis, & super gentem illam, dicit Dominus, & super terram Chaldaeorum, & ponam illam in solitudines sempiternas.* cap. 51. Associat se *Isaïas* cap. 47. *Descende, sede in pulvere virgo, filia Babylon; non est solum filia Chaldaeorum* (*Babyloni*) *quia ultra non vocaberis mollis & tenera.* Iterum *Jeremias*: *Acuite sagittas, implete pharetras, quoniam suscitavit Dominus spiritum regum Medorum; & contra Babylonem mens eius est, ut perdat eam, quoniam ultio Dominus est, ultio templi sui. Collidam in te equum & equitem eius; collidam in te virum & mulierem; & collidam in te senem & puerum; & collidam in te juvenem & virginem; pastorem, & gregem eius.* loc. cit. Succinit *Isaïas*: *Sede tacens, & intra tenebras filia Chaldaeorum; quia non vocaberis ultra domus.* cap. cit. Pergit *Jeremias*: *Es erit Babylon in tumulos, habitatio draconum, stupor, & sibilus, eo quod non sit habitator.* cap. 51. *Isaïas* iterum. *Cecidit cecidit Babylon, & omnia sculpitilia deorum contrita sunt in terram.* cap. 21. Repetit *Jeremias*: *Subiò cecidit Babylon; & contrita est; ululato super eam, cap. 51.*

### APPLICATIO



**H**ic finis fuit tragoediæ Babylonicæ. Nunc ex amplissimo amphitheatro transferamus oculos in theatridion; & parva componēdo magnis, tragicos arbitremur evēt<sup>9</sup> sive peccatoris hominis, sive peccatricis animæ mala morte præventæ. Babylon hæc ampla & magnifica, est homo, ex nobili anima, & miri artificij corpore compositus. Robur & ornamenta istius Babylonis, sunt utriusq; vires & decora; ingenium perspicax, memoria firma, valetudo integra, forma præstans, ætas vegeta, dexteritas in negotijs, gratia apud homines, opes honores, amicitia. Obsidetur autem à geminis hostibus, Cyro & Dario, quorum alterum *Mortem*, alterum *Diabolum* liceat interpretari. Milites, quibus imperant, sunt omnia, quæ utriusque potentiam terribilem reddere valent. Interea vecors homo cum temulento Balthasare, securus hostium, instituit convivia, agitat Hilaria, vivit Bacchanalia, cantat, saltat, tripudiat, & genio suo lascivè indulget. Convivæ, inter quos residet, sunt pravi sodales, sunt nocivæ occasiones. Dij, quibus litat, quos laudat, & adorat, sunt malæ cupiditates, quibus se totum permittit. Ipse sibi canit illud Luc. 12. *Animal, habes multa bona posita in annos plurimos, requiesce, comede, bibe, epulare.* Hanc stultitiam reprehendit major aliquis, quàm fuerit Daniel, ipse DEUS: *Stulte hac nocte animam tuam repetunt à te, & quæ parasti, cuius erunt?* Lucæ cit. cap. Et Christus Marci. 13. *Vigilate, nescitis enim, quando dominus domus veniat, serò, an media nocte, an galli cantu, an manè.* Quibus temporum intervallis quatuor ætates hominum designantur. Certa mors, incerta mortis hora. At stolidus homuncio pergit lascivire, *frui bonis, & uti creaturâ*, cupidinibus fræna laxare, reclamante frustra conscientia, dehortantibus concionatoribus, quotidianis funeribus minantibus, mortis memoria stimulante. Ille tamen malè sanus securitatem sibi inter summa pericula promittit. Stat in foribus divina Nemesis, altera manu gladium, altera clepsydram tenens; quæ tunc effluit, quando mensura peccatorum superrefluxit nam; DEUS singulis hominum certum malitiæ numerum constituit; quò expletò, vel pœna quædam temporanea consequitur gravissima, vel imminet æterna. Sic clamor *Sodomorum & Gomorrhæ multiplicatus est.* Gen. Sic peccata, cuiuslibet mortalium clamant, & ascendunt in cœlum, Deique vindictam provocant. Christus Matth. 23. *Et vos implete mensuram patrum vestrorum.* Quâ impletâ, Hierosolymorum illa formidanda devastatio, totiùsque gentis, à DEO tam singularibus antè prærogativis exornatæ, interitus verè miserabilis est consecutus. Manus, quæ fata Balthasaris parieti appinxit, etiam tibi scribit, ò demens & fatue peccator, iudicium. Time gravitatem illius dextræ,

*Tragedia  
diruta Ba-  
ylonie ap-  
plicatur  
ruine ani-  
me.*

tribus verbis sententiam æternitati tremiscendam exarantis. MANE. Numeravit DEUS vitam tuam, numeravit horas & momenta; forsan hodie, forsan cras decrevit tibi diem, & horam mortis. forsitán in hac ebrietate, in hac luxuria fatalem implevisti mensuram, *& collides in te DEUS equum & equitem eius, currum & ascensorem eius*, Jerem. 51. hoc est, vires omnes & facultates corporis animiq; confringet. THECEL. *appensus es in statera*, & inventus minus habens sobrietatis, minus castitatis, charitatis, justitiæ, modestiæ, veritatis; sed multum crapulæ, libidinis, iracundiæ, invidiæ, avaritiæ, superbiæ. Rex Balthasar etsi ditissimus & potentissimus, tamen non respondit libripendio; *inventus est minus habens*. Nam apud DEUM nullius ponderis est, quidquid cum virtute conjunctum non est. Balthasar cum omni magnificentia & gloriâ, cum thesauris omnibus, totóque regno in divinam lancem compositus, nihil habuit ponderis, quia nihil virtutis. Prudentia tua, ingenium tuum, facundia tua, robur tuum, pulchritudo tua, opes tuæ, dignitates tuæ quia virtutem non habent, pondus non habent. Trutina DEI nimis quàm accurata est; momenta & atomos ad „examen vocat. PHARES. Divisum est, vel dividetur regnum tuum. O metuenda divisio & separatio! cum anima dividetur à corpore. Interminatur hoc Servator apud Matthæum cap. 24. *Si autem dixerit malus servus ille in corde suo: Moram facit Dominus meus venire: & caperit percutere servos suos, manducet autem & bibat cum ebriis: veniet dominus servi illius: in die, qua non sperat, & hora, qua ignorat: & dividet eum, partemque eius ponet cum hypocritis, illic erit fletus & stridor dentium*. 2. Dividentur parentes à filiis, propinqui à propinquis, opes à possessoribus, formæ ab amatoribus. 3. Dividentur à probis improbi, & separabuntur sicut ab ovibus hædi. Matth. 25. Quisquis inventus fuerit minus habens, bonorum societate æternum excludetur; nullus restabit pœnitentiæ locus, nullus provocationi; spes omnis decollavit. *Divisum est*. Chaos magnum est firmatum inter Lazarum & Epulonem, Petrum & Neronem, Abелеm & Cainum. *Eadem nocte interfecit* Balthasar, urbs Babylon devastata & diruta. Dan. 5. Tui, si nescis, ò temerarium caput, *Medi & Persæ* sunt morbi, angores, tristitiæ, perturbationes conscientiæ, quæ denique te conficient, & pulcherrimam hanc Babylonem, hoc robur corporis, hunc ætatis & formæ florem, convertent in cinerem & pulverem, ita ut futurus sis habitatio draconum, esca vermium, sibilus dæmonum. Chorum in hac scena tragica insonat Jobus. 21. *Tenent tympanum & citaram, & gaudent ad sonitum organi, ducunt in bonis dies suos: & in puncto ad inferna descendunt*. Hunc exitum sortitur hæc parva quidem, sed non parvi excidij Babylon. Ultima tragœdiæ huius clausula: Æternitas, heu æternitas!

NARRATIO.

NARRATIO CVII.  
 DANIEL ITER VM  
 LEONIBUS OBIICITUR.

Danielis 6.

Anno Mundi 3516. ante Christum. 537.

**V**T victoria constare sine certamine non potest; sic nec virtus sine hoste. Quercus roboratur agitata ventis; palma pressa refurgit. Cum Danielis innocentia iterum in arenam invidia descendit, iterumque repulsa, suò se laqueo induit, suò gladio peremit.

Cyrus (quod narravimus) occupata Babylone, & Chaldaeo imperio sibi subiecto, *Darium* socerum, jam ante Medorum regno praepositum, etiam in Babylonia regnare voluit, in eiusque potestate Hebraeos captivos esse. Is tam prudentiam, quam annis gravis, quia facile perspexit, quantum adjumenti consilij suis ex Danielis sapientia accederet, habuit eodem ipsum apud se loco, quod apud Balthasarem regem fuerat. Cumque Cyrus aliquanto temporis, Babylone subsisteret, Darius in *Mediam* abiit, curaturus, ne quid per regum absentiam, & belli tempora, ibi turbaretur. Comitem itineris secum abduxit Danielem; quem quantae aestimaret, statim patefecit, cum ipsum centum viginti *Media* satrapis, totidemque principatibus praefecit. Erant enim tres summorum constituti principum, quibus à subiectis dynastis actorum reddenda ratio. In ijs triumviris eminebat Daniel, proximus à rege. Ab hoc, tanquam ab oraculo pendeat Darius: huic totius gubernationem regni committebat. Respondit expectationi fides & sapientia Hebraei Principis; qui quanto attollebatur altius, tanto indignius se deprimi, persuadebant sibi purpurati. Alienae nam fulgor gloriae cum in malignos oculos incidit, odij succendit pectus. Exarsit igitur invidia in hominem exterum, alienigenam, Judaeum, imò captivum, dominantem regno. Hinc nullā quietis capiebat partem, dum varijs machinationibus & modis, unum id efficeret, regem ut à Daniele abalienaret. Arduū hoc factū. Eā quippe innocentia tractabat negotia, ut perinde integer, quam sapiens, ut ne suspitioni quidē culpae locum

Aaaa

relinqueret.

*Daniel som-  
no loco  
apud Da-  
rium re-  
gem Medo-  
rum.*

*Invidia  
constatur  
Danielis, &  
perniciis.*

relinqueret. Materia calumniæ diu quærebatur, sed nulla se offerebat; tanta virtus obarmabat, Daniele, ut, ubidentem livor fingeret, non reperiret. Denique occurrit via nocendi, si discrimen ei à religione accerferetur, ambagibus tamen utendum, & nequitiae palliolum politicum iniiciendum. Sub larva venerationis regiæ, hospes invifus aggrediendus. Initur inter Proceres conspiratio, ad decretum impium, ac crudele à rege extorquendum. Occasio rei, hæc fuit.

Ubi Darius (Cyri, in expeditione, uti diximus, socius) victoriam illustrissimam, Babylone capta, obtinuit, totumque Chaldeorum regnum Persis subjecit, insisterunt assentatores satrapæ, ut, quando rem humanis majorem viribus confecisset, ne dubitaret eum se agnoscere, quem rerum gestarum magnitudo fecisset: Persas non piæ solum, sed etiam prudenter reges suos inter deos colere; majestatem enim imperij, salutis esse tutelam; ipsum verò inter homines deum agere non minus utique debere, quàm Nabuchodonosor & Balthasar, victi reges egerint. Atqui necessarium esse, ut aliquanto saltem tempore divinitas innotescat, id autem futurum, si decretum edatur, ne quisquam ab ullo vel hominum, vel deorum, intra triginta dies quidquam petat, præterquam à rege. Secus qui faxit, eum leonibus prædam obijciendum. Darius etsi pro sua prudentia satis intelligebat, quantum inesset injustitiæ in ea lege, per quam, neque filio à parente, neque misero à locuplete, neque ægro à medico quidquam liceret rogare, nisi abs rege; qui nec locis omnibus adesse, poterat, neque necessitatibus; expressit tamen consensum metus seditionis, nam per tumultum exigebatur; & videbatur ad regiæ gloriam majestatis pertinere, si major quædam veneratio subditorum animis incuteretur. Ergo facta legis est iniquissimæ latio, cuius rex documentum, quod minime voluit, accepit.

*Danielis  
perdendi  
causâ, ini-  
quissima lex  
conditur.*

Daniel, etsi regni curis multò quàm occupatissimus, moris tamen sui retinens, statas precandi vices minime negligebat; ter quotidie in sublimius ædium conclave ascendere solitus, DEUM ex genibus adorabat. Ab ea consuetudine ne tum quidem recessit, cum edictum regium in auribus, leonum supplicium esset in oculis; tanta quidem libertate, ut patulis etiam contra Hierosolymam fenestris, haud vereretur suarum arbitros precum admittere. Nimis quàm oculata fuit hæc invidia; quæ cum feram recti implicatam tenere se crederet, gestijt scilicet in alieno malo; gaudebâtque insidias successisse. Igitur Danielis æmuli continud hominem Hebræum majestatis læsæ crimine postulare. Advertit Darius edicti sui temeritatem, viditque, in quos tam ipse se, quàm

Danielem



## DANIEL ITERUM AD LEONES. 553

Danielem amicorum fidissimum, laqueos conjecerit; de cuius non minùs innocentia certus, quàm de tanti viri iactura tristis, *Darius frustra laboravit, id verò placuit consilio magis & ratione, quàm auctoritate regia perficere.* At hoc erat contra torrentem niti. Principes Danielis hostes, regis animo, conatibusque animadversis, velut manu factâ, simul omnes aggressi regem, inculcabant moris, & legum Persicarum sacrosanctam vim, nulla vel immutatione, vel mitigatione infringendam. Cunctorum vox erat: *Daniel ad leones.* Quid ageret rex tantis in angustiis positus. urgebant lex, proceres, nomen regium, & insitus barbaris fastus. Cessit, magis invictus alienâ ferocia, quàm suâ arrogantia. Daniel addicitur mortui; haud tamen absque regis confessione, fore, ut, qui jam antè, DEI sui præsidio, leonum rictus evasisset, iterum incolumis è leonina cavea rediret. In eius spei haud dubium signum, saxum, jussu Darii impositum est speluncæ, regioque, & optimatum annulò obsignatum; ne fortè plus feritatis reperiret in hominibus Daniel, quàm in belluis. Nonaginta tunc annorum erat senex, quando bestiis iterum obiectus est.

Sed nôrant, cui serviant leones; *Martial.*

Coelinimirum terræq; conditori, & comuni omnium domino, sine cuius permissu nec unguem movere licebat, nec dentem. Daniel iteratus belluarum hospes, iterumque intactus, pro crudelitate, ferarum blanditias experitur. Altior ei pax in ferali barathro, quàm regi in prætoriano fatellitio; nam stimuli fodiebant pectus arcani, cur virum optimum, sapientissimumque contra jus & fas, in belluinum antrum condemnâisset. Danielem verò mens recti conscia, Deoque innixa sustentabat, eodem leones loco, quò catellos habentem. Rex eam noctem incœnatus & insonnis egit, spem inter metumque pro Daniele constitutus. Vix diluculavit, cum ad leonem foveam properat; antròque proximus Danielem inclamat. *Daniel, inquit, serve DEI viventis, DEUS tuus, cui tu servis, putasne valuit se liberare à leonibus?* Dan. 6. Fluctuabat nempe homo gentilium erroribus involutus, in divinæ potentiaæ oceano. Respondit ex cruento specu Daniel: *Rex in aeternum vive.* *DEUS misit Angelum suum, & conclusit ora leonum, & non nocuerunt mihi.* l. c. Ingenti gaudio perfudit ea vox regem; quare continuò demissum per funem extractus bestiarius hospes, salvus & incolumis coram rege adstitit. Cæterum quantum lætitiæ ex salute viri amantissimi Darius, tantum indignationis concepit in adversarios; quimox adduci jussi, cum ad omnia alia se vocatos rati, in conspectu starent cum ipso, tum filij ipsorum & uxores, miraculiq;

*Sollicitudo  
Darii pro  
Danielle.*

*Daniel incolumis inter leones.*

Aaaa,

magnitudine

*Davidus De-  
um caeli  
confitetur.*

magnitudine attoniti, quid responderent, non habent, eodem in eos supplicio, quod Hebræo principi paraverant, animadvertitur. Pilas diceret, non homines; nam in antrum projecti, antequam pavimentum attingerent, a leonibus excepti, devoratique sunt; eodem Numinis Genio jam ora famelica dilatante, quæ antea, ne capiti innocenti nocerent, clauferat. Secuta est publica tanti prodigij, divinæque potentiae confessio. Rex subditis præit exemplo, & coram omnibus contestatus, *ipse est*, inquit, *DEUS vivens, & æternus in secula, & regnum eius non dissipabitur, & potestas eius usque in æternum.* Daniel. 6. Ideoque omnibus contremiscendus & pavendus. Sic invidia, & ambitio in maiorem Danielis, Deique verigloriam cessit. Daniel verò tot iactatus utriusque fortunæ casibus, aulici favoris exemplum & invidiæ, centum amplius exactis ætatis annis, *Martyr, Doctor, Virgo*, Babylone decessit, regio illatus conditorio, cui Salianus noster hoc epitaphium appendit:

Claudite spelæum hoc virum magnum, Viator, virum regio Davidis sanguine illustrem, regia plurimorum regum, atque imperatorum familiaritate, & honoribus clarum: regis Messiae vividè typò, ac spiranti figurâ clarissimum. Virum dico prophetam, Daniele, potentem opere ac sermone; qui duodecenis Prophetiæ lucis radios orsus accipere, ultra centesimum vaticinijs clarus evasit. Qui exponendo somnia, afflatûsque coelestes, longinquos Imperiorum progressus, longaque serie futuros Principes, Xerxes, Alexandros, Antiochos, Ptolemæos, Titos ac Vespasianos, ultimumque mundi portentum, Antichristum oculo perspicaci vidit, atque perscripsit. Qui septuaginta ipsos annos, populi exilium deplorans, postremam ejusdem populi reprobationem atque interitum tantò antè agnovit, exhorruit, renuntiavit populi sulci. Christum ac Messiam suum ad se missum rogantis, & diem Visitationis suæ excæcaris malitiâ luminibus, non agnoscentis, quem ipse diem annis, hebdomadisque rudiosè numeratis, indicarat. *Prophetiam dixi: Martyrem dicere oportuit*: qui septem leonibus rabida fame furentibus objectus in cibum, septenos ipsos dies latrantem bestiarum stomachum, arentes fauces, hiantia ora, unguis humano sanguini assuetos, frenavit atq; compescuit: susceptorq; cum immani dracone, certamine, eum medicata fruge dirupit, atq; distraxit. *Martyrem dixi*: non satis est. Adde *Doctorem* populi, idolorum tenebris circumclusi: adde *Confessorem* in exilio seculari: adde *Virgineum* in eo



## DANIEL ITERUM AD LEONES. 555

in eo populo, in quo sterilitas erat pudori : addo *Everſorem* idolorum, veræ pietatis *Propugnatores* ac firmamentum, *Miraculum* ſapientiæ, fortitudinis, pudoris, & integritatis. Vitam in exilio ad centefimum decimum annum produxit : quingentis atque octodecim annis ante CH. D. nativitatem abiit è vivis. Anno ab orbe condito cſo. cſo. cſo. Id. XXXV.

## DOCTRINA

**N** *Ullamque cauſſam & ſuſpicionem reperire potuerunt, cò quòd fidelis eſſet, (Daniel) & omnia culpa & ſuſpicio non inveniretur in eo.* Daniel 6. Rara laus, & integritas in ampliffimo magiſtratu, in Aulicorum & invidentium oculis, ne ſuſpicionem quidem alicuius culpæ præbere. Hac innocentia præditus fuit Daniel; cuius inimici in omnem nocendi occaſionem intenti, hoc unum dies, noctesque cogitabant, qua ratione virum Judæum regiâ gratiâ, fortunis, vitâ everterent. Sed in hoc ſole, etiam oculatiſſimi Argi nullam maculam invenerunt. Sic decet eſſe comparatos Principum miniſtros. Legum eſt obſervantia, eorum, qui præſunt, exemplis inducenda & firmanda. Optimæ mentis indicium oſtendit Princeps, cum viros vel ſibi adjungit, vel ſuis præſcit, in magiſtratu & ſapientiâ celebres. Efficaciùs nemo vitia comprimit *Innocentia ſtratu re-* aliena, quàm qui ſine vitijs ipſe vivit. Salus eſt reipublicæ, ſi, *quiritur.* qui regunt, aut regentibus aſſiſtunt, nec temeritate labi, nec metu frangi, nec perfidiâ corrumpi poſſunt. qualis fuit Daniel. Certè negotia publica nunquam bene committuntur improbis; nihil enim periculofius mala voluntate. Qui homini pravis cupiditatibus abrepto præfeſturam comittit, lupum ovilibus, aprum hortis immittit. poſtulant ſubditi judicem, accipiunt prædonem. Furenti gladius eſt, collata ſclerato dignitas. Darius plus præſidij in unius ſapientia Danielis, quàm in omnium Satarparum ſplendore habuit.

*Omnia, qui petierit aliquam petitionem à quocunque deo & homine uſque ad triginta dies, niſi à te, rex, mittatur in lacum leonum.* Daniel loc. *Iniquiſſima* cit. Dubites, utrum plus aſſentationis, an nequitia, an fatuitatis inſit in iſta lege. Darius deus ab hominibus conſtituitur, jubet *& ſultiſſima* turque dare, quod non habet. Nam quid? ſi omnia abs rege *ma lex Per-* petenda, ergo omnia ab eo ſperanda. Mille fuere miſeria, *ſarum, pro-* mille indigentia in vaſtiſſimo regno. Quis hominem hunc *bibens* fecit Herculeum Alexicacon, malorum omnium depulſorem? *quidquam à* Quis innumerabilium neceſſitates mortalium ei aperuit, ut *quoquam* ſciat, quid negare debeat; quid concedere? Unde in tanta mul- *rogari, præ-* titudine *terquam à* rege.

titudine accessus ad novum DEUM? Prima juxta Platonem, legis conditio est, ut instituaturs ad justitiam & utilitatem publicam; nam regula primum recta sit oportet: deinde, quæ applicentur, corrigat. Quid autem iniquius, quàm hominem subtrahere homini, & mutuum naturæ auxilium decretis proscribere? quid stultius, quàm imensum votorum mortalium oceanum unius angustijs scrobiculi infundere? Et quænam sunt illa, quæ à rege petenda? Sacra pagina refert: *qui petieris aliquam petitionem*. Nihil excipitur. Quid si bonam valetudinem roget infirmus? an dabit Darius? Et mendicus, ut stipem accipiat, famem suam *Ecbatana* ad urbem regiam, apportare debet? Quid si pudor prohibeat, quædam vel à rege petere, vel illum dare? Et cur ad leones, crudelissimum supplicium, qui aliquid petierit, etiam minutum, etiam in regis gratiam, etiam in publicæ commodum rei? Quid hic sanū, quid consultum? Regem, cæteroquin multâ experienciâ, & prudentiâ pollentem, insipientes consiliarii secum in stultitiam traxerunt. Adeo cæca est nocendi cupiditas, ut ad perniciem uni homini inferendam, non dubitet per ignominiam propriam, & publicam calamitatem grassari.

*Dixerunt ergo viri illi: Non inveniemus Danieli huic aliquam occasionem, nisi in lege DEI.* cap. cit. Notum calumniæ genus, laus est prophetæ. Quæ vita, quis sermo, quæ fama viri sancti fuerit, inter incultissimos & ferocissimos barbaros, res ipsa docet: publico in consilio, omnibus hostili diligentia expensis, nullam in Daniele fore causam judicant, nisi in lege DEI sui. Non miror Danielis pietatem, & in precibus constantiam; aliorum quoque fuerunt paria decora. Hoc ipsis virtutibus majus est, vivendo tantam excitasse inter barbaros religionis opinionem, ut certò ipsis persuasum esset, illum potius subiturum ora leonum, & crudelem bestiarii necem, quàm à stata DEUM suum adorandi consuetudine recessurum. Nec sefellit famam Daniel; vicit virtute, vicit miraculo. Æmulandum viro forti probòque exemplum; Cui si auferas cætera, sustinebit, & sua se virtute involvet; Sin' DEUM, & quæ divino debet honori, obsequia eripere contendes, obnitetur, & prius in ferrum ac ignem ibit. Generosissimè cadit, quem pro aris & religione stantem, vel perfidia, vel invidia deijcit. Pietas quot accusatores, tot habet testes innocentiae.

Quid autem Daniel? audiamus. *Quod cum Daniel comperisset, id est, consultam legem, ingressus est domum suam: & fenestris apertis in camaculo suo contra Ierusalem, tribus temporibus, in die sedit, & genua sua, & adorabat, confitebaturque coram DEO suo, sicut & antè facere consueverat,* Dan. 6. O animum heroicum, nullòque metu turbandum! Potuit

Daniel

*Danieli il-  
libata pro-  
bitas.*

*Fortitudo  
Danielis.*

## DANIEL ITERUM AD LEONES. 557

Daniel arte, sine fraude, insidiantium machinas eludere; sed noluit. potuit noctu preces fundere; noluit. potuit clausis fenestris & ostijs, sine arbitris, sive sedens, sive inambulans; noluit. poruit aliud simulans agere, sine suspirio, sine voce; noluit. sed palam, sed apertis fenestris, in cœnaculo, in turba ministrorum, versa Jerosolymam facie, genibus flexis, ter in die. Voluit fidem suam & cultum profiteri, legem impiam factis refigere, Judæis pietatis exemplo præire, opprobrium gentium, qui deos suos regi postponabant, à se, suisque amovere. Alia sunt metuentium, alia heroum facta. Daniel egit, quod mundus obstupescat, cœlum probet, famem leonum frenet. Hic vir, hic est, quem nec Aulica larva decepit, nec spes aut metus ab amicitia Numinis avertit. Cui sobrietas castitatem, castitas sapientiam, sapientia gratiam, gratia invidiam, invidia discrimina: hæc victoriam & immortalem gloriam pepererunt. Fuit Daniel inter pessimos semper bonus, in exilio potens, quatuor regibus amicissimus. Ut verissimè de eo prædicari possit illud. Prov. 22. *Qui diligit cordis munditiam, propter gratiam laborum suorum, amicum habebit regem.* Habuit Daniel Nabuchodonosorem, Evilmerodachum, Cyrum, Darium. Meritò *vir desideriorum* audiit; nam quidquid ab hominibus obtinuit, id à DEO desideravit: & quod inter homines desiderabat, à DEO impetravit. Quot enim Babylone, urbe moribus corruptissima, suorum popularium servavit, ne, quibuscum habebant recta, haberent etiam vitia cōmunia? Quot ex Chaldæis ipsis & Persis, ad Numinis veri cultum traduxit? Non desunt graves scriptores, in quibus Salianus, qui præter Nabuchodonosorem, etiam Darium Medorum regem, Daniele magistro, cœli Dominum agnovisse & coluisse affirmant. Adeò potens est suada, sapientia, cum virtute & prodigijs conjuncta.

*Scito rex, quia lex Medorum atque Persarum est, ut omne decretum, quod constituerit rex, non liceat immutari.* Daniel. 6. *Pertinacia malum.* Hæc livoris erat machina ad Daniele perendum: secundum Persarum legem debet mori. Magnatibus magnum est malum, *Pertinacia*, constantia æmulatrix, opinionis aut voluntatis, sine recta ratione, obfirmatio, idcirco frequens Aulis; quod probrosum existimetur mutare, quæ vel inconsideratè, vel cupidè constituta. Omnia obtendunt, ne videantur errasse. Medi satrapæ legem iniquè latam, iniquius tuerunt. Pertinacia hæc totis sæpe provinciis exitiabilis est, dum id, quod insipienter decretum est, tanquam sacrosanctum, & Reipublicæ necessarium defenditur; Nec alia causa obfirmationis, quàm quia statutum est. Quomodo Creon respondet apud Senec.

*in Med.*

Vox constituto sera decreto venit.

Bbbb

Verum,

Verum, fulmen ipsis, quibus conceptum est nubibus, haud percipit. Procerum contumaciam cum rex non posset, leonum dentes fregerunt. Et verò tantò stupidior ea fuit perversitas, quòd Persæ Medique ebrij consultabant, & leges inter pocula ferebant, teste Strabone. Quantò satius est redire, quàm male ire; & retexere telam, malè coeptam. Maxima vecordia, in rebus iniquis, constantem esse.

*Affentatio  
& Ambitio  
dementat  
Principes.*

*Pro Danicle posuit (rex Darius) cor, ut liberaret eum, & usque ad occasum solis laborabat, ut erueret eum.* Dan. 6. Valuit pro ratione voluntas. Livor improbus obstinavit mentes. Darius, si vir fuisset, ubi vidit, leniora fomenta ab exulceratis animis sperni, acrioribus debebat uti remedijs, sibi ad majestatem, Danieli ad salutem tutandam. Minæ minis erant opponendæ, tunc, cum non poterant deesse vires belli Babylonici famæ & victoriæ collectæ. Cur non admotâ ad capulum gladij manu: hic, dixit, servabit innocentis caput, quod vos perditum itis? Sed ô miseri Principes, quos enervat assentatio, dementat ambitio!

## NARRATIO CVIII. INSTAURATIO URBIS ET TEMPLI SOLY- MÆI, SVB ZOROBABELE ET NEHEMIA DUCIBUS, ESDRA SACERDOTE, ET LE- GIS DOCTORE.

Ex libris Esdræ.

Ab anno Mundi 3517. ante Christum. 536. ad ann. 3619. ante Christum 424. quo anno defunctus est Nehemias.



Um anno M. 3517. ante Christum 536. permittente *Cyro*, quinquaginta Hebræorum millia, duce *Zorobabèle*, *Salathielis* filio, in Judæam reversi, templum instaurare coepissent; *Cambyfes*, Cyri filius, & successor, anno M. 3524. malevolorum criminationibus inductus, vetuit in ædificando pergere. Donec circa annum M. 3532. successit *Cambyfi Darius*, cognomento *Hystaspides*, (quia *Hystaspe* genitus) equi hinnitu ad imperium proVectus, anno M. 3534. rebellantem *Babylonem*, post novendecim mensium obfessionem expugnavit, operâ *Zopyri*, unius è septem Persarum præcipuis Satrapis; qui Principis amantior, quàm sui, naribus sibi, auribûsqve

*Darius per  
Zopyrum  
Babylonem  
rebellem oc-  
cupat.*

## ZOROBABEL, NEHEMIAS, ESDRAS 559

auribusque foede defectis, simulatò à Persis transfugio, dux Babyloniorum factus, copias Darii per prodicionem, in urbem recepit. Ferro, flammæque sævitum in rebelles; muri, portæque civitatis dejectæ, & Babylonij proceribus tria millia patibulis affixi. Cæterum Darius *Zorobabeli* Hebræo, qui erat è corporis custodibus, in disputatione de re omnium fortissima (cùm alius vini robur, alius regiæ dignitatis potentiam extulisset, & mulierum quoque potestas in quæstionem venisset) veritatis vires præferenti, assensus est, ei que in sapientiæ & ingenij certamine (nam duo alij è prætorianis stipatoribus, æque Judei, cùm contribuli suo Zorobabele, de problemate disceptabant) palmam adjudicavit.

Sufis, Persarum metropoli, tunc agebat *Darius*, adeò *Zorobabeli* obsequijs, & insigni prudentiâ captus, summis ut eum favoribus dignatus, iusserit non timide petere, quidquid collibuisse. Ille regi votum in mentem revocat, de Jerosolyma instauranda editum. Rex promissis respondet cumulatè; restituit, quidquid adhuc vestium, & vasorum sacrorum, ex Babylonio spoliario supererat; mandatque in urbis & templi reparationem, ac sacrificiorum apparatus, ingentes fieri sumptus; eximij insuper inunitatibus, & privilegijs in Judæos collatis. Repensa cœlitus munificentia. Rex triginta sex annorum felix imperium habuit: filium *Xerxem* & successorem, regum potentissimum, reliquit.

Interea Judæa suis ex ruinis refurgit. Annitente potissimum Zorobabele strenuè laboratur in educendo Solymæo templo. Manus ultima imposita est, cum solennibus inaugurationis ritibus, anno M. 3537. ante Ch. 16. postquam sexennium ædificationi impensum. utique foede Hallucinantibus Iudæis posteris, qui solita vanitate quadraginta sex annos, in eo labore consumptos, obiectabant Christo, Ioan. 2. Quam aliqui supputationem ut tueantur, tempus exstructionis ordiuntur à Cyro, qui potestatem fecit ædificandi, & interlapso annorum, operis que intermissi spatia continuant.

Iam sub annum M. 3609. ante Christum 444. *Nebemias*, pincerna regis *Artaxerxis* cognomento *Longimani* (Sacra historia Asuerum nominat) res Iudaicas Iudæus ipse, multum provexit, tum suis apud regem meritis, tum *Esberis* maximè reginæ, *Mardocheique* gratiâ potens. nova per eum subsidia instaurandæ Ierosolymæ impetrata, & magnis impensis constantia.

Reparationem urbis nobilissimæ, iniquis aspexerunt oculis Samaritæ vicini, recrescentem veriti potentiam, non minùs sibi, suisque timendam posteris, quàm majoribus olim formidandam. Statuerunt igitur operas improvisò opprimere, & vi disicere, quod criminationibus ad Persarum reges (plurium enim fuit

*Zorobabel*  
*Judeus,*  
*gratiosus*  
*apud Da-*  
*rium.*

*Darij mu-*  
*nificentia*  
*in Templum*  
*Solymæum.*

*Hallucina-*  
*tio Iudæo-*  
*rum circa*  
*tempus ædi-*  
*ficationis*  
*secundi*  
*templi Soly-*  
*mai.*

*Nebemias*  
*apud Assue-*  
*rum valet*  
*gratiâ.*

*Nebemias*  
*instaurat*  
*Hierosoly-*  
*mam.*

annorum odium) delatis, non poterant. Haud fecellerunt *Nehemias* hostium consilia; muris igitur speculatores impositi, armorum praesidia constituta, qui irruentes non imparati exciperent. Arma quoque disposita, ut essent in promptu, trullam cum gladio permutaturis.

*Ignis sacer  
& Arca, per  
Jeremiam  
defossa, re-  
periuntur à  
Nehemia.  
Elogium  
Nehemia.*

Cæterum ea laborantium contentione promotum est opus, ut intra dies, non amplius quinquaginta duos, moenia fuerint perfecta, tanta firmitudine, quæ Romano Imperio possit obistere. Quod & miraculis DEUS insignivit, nam & ignis sacer, multis abhinc annis sub terra reconditus, & in aquam crassam conversus, iterum ex undis emicuit, & prodigium geminavit. *Arca* quoque Judaicæ religionis sacrum penetrale, cum tabernaculo, & Altari incensi, à *Jeremia* defossa, summa cum omnium lætitiâ est reperta, Iudæis ex divino munere, divini subsidij instaurationem sperantibus. Sanè *Nehemias* ob reparatam tanta celeritate urbem moruit, ut patriæ pater, & Solymorum conditor nuncupetur. Is Iudæorum republica, divino cultu, honore templi, Sacerdotum & Levitarum ministerijs, legitimis conjugijs, cæterisque ex divina lege compositis, atque restitutis, senio, curisque confectus, gloriosum vivendi finem fecit, dignus æternæ seculorum memoria.

*Laudes Esdra.*

Magnorum operum ei præclarus adjutor extitit *Esdras* sacerdos, qui inclaruit circa annum Mundi 3995, ante Christum 459. Gratosum *Affuero* regi reddidit, excellens juris humani, divinique peritia, cum spiritu fatidico conjuncta. Impetratâ ex Aula missione, cum plurimis popularium, summaeque potestatis auctoritate, petijt Hierosolymam, regia secum munera deferens, in DEI cultum destinata ab *Affuero*, religioni non minus Judaicæ, quàm genti, favente. Vir fuit, si quisquam alius, honoris divini, bonique publici propagandi studiosus; prolapsos civium suorum mores plurimum emendavit, & ad primam legis normam revocavit. Linguam Hebraicam ad majorem copiam, elegantiamque reduxit, & characteres novos invenit, etiam hodie usurpatos. Insignem Ierosolymis bibliothecam instruxit; Sacros libros undique diligenter acquisivit, & varias eorum partes, quasi in unum corpus compegit; depravata correxit, recensuit, renovavit; quæ deerant, supplevit. Atque hæc, ferè sub regibus *Cyro*, *Cambyses*, gemino *Dario*, & *Artaxerxe* Longimano, Iudæorum fortuna fuit; cuius incrementis quam toronidem addiderit Regina *Esther*, *Affueri* conjunx, sequenti narratione exponemus.

DOCTRINA



## DOCTRINA

**L**iber tertius & quartus *Esdra* (primus & secundus ab Ecclesia Orthodoxa inter divinos numerantur) tamen in *Cabini* cor recepti non sunt, primum tamen inter historicos locum merentur, ideoque Biblijs Romanis in calce appositus. Is igitur Esdras lib. 3. cap. 3. & 4. scribit, Problematicam esse quaestionem motam, post cenam, omnibus Praefectis, & Dario Hystaspide splendide apparatus. Disputatores erant tres Juvenes Judaei, regij corporis custodes, in quibus praecipuus Zorobabel. A cena rex cubitum secesserat; quem ut problematis arbitrum haberent disceptatores, suam quisque thesin scripto consignavit, regisque dormientis cervicali subjecerunt. Primus scripsit: *Forte est vinum*, Alter: *Fortior est rex*. Tertius, isque Zorobabel: *Fortiores sunt mulieres; super omnia autem vincit Veritas*. Expergefactus rex, convocatis purpuratis, praetoribus, praefectis, audire voluit juvenes praetorianos de controversia disceptantes. Ubi notandum, olim in convivij problemata, parabolas, & aenigmata, aliosque sermones convivales, eruditionis causa, in medium propositos fuisse, ut, dum corpus cibo reficitur, mens quoque ingenua doctrina pascetur. Ita Samson nuptialibus convivis suis aenigma de leone à se discerpto proposuit. Iudic. 14. Idem fecerunt Graeci & Romani, uti testatur Plut. lib. 1. Sympos. quaest. Macrobius lib. 7. Saturnal. cap. 1. Quintil. lib. 1. Instit. Cicero Tusculan. quaest. c. 1. Plato in Sermon. convival. Athenæus in Dipnosophisticis. Nunc rationes percipiemus, quas primus pro vino adduxit. *Pro valet vinum omnibus hominibus, qui bibunt illud.* 1. *Seducit mentem.* c. 3. lib. 3. Esd. etiam sapientum. Siracide teste: *Vinum & mulieres apostatate faciunt sapientes.* Eccli. c. 19. Magnavis Bachi, qui pectora, sapientiae propugnaculis exaggerata, velut ad motus aries à prudentia, dignitate, virtute, honestate, ac tandem à fide & religione deiecit. Ruit arx intelligentiae, ubi lumen rationis extinctum est. S. Augustinus (vel quisquis est auctor) *tract. de Sobriet. & Virginit. c. 1. tom. 9.* Ebrietas ab animae injuria incipit, & flagitiorum omnium mater est, culparum materia, radix criminum, origo vitiorum, turbatio capitis, subversio sensus, tempestas linguae, procella corporis, naufragium castitatis. Monet regum sapientissimus Prov. 23. *Ne intuearis vinum, quando flavescit &c.* Blanditur in oculis, delectat in faucibus; ardet in ventre, fumat in capite, baccharur in mente. Omnia perdidit, qui rationem perdidit. Ex consorte angelorum, fit socius bestiarum. Qualis & quanta haec subversio!

*Problematica  
quaestio;  
quid omni-  
um fortissi-  
mum.*

*Rationes  
pro fortitu-  
dine Vini.  
Prima, quia  
seducit  
mentem.*

2. quia fa-  
cit mentem  
vanam, &  
incuriam.

2. *Regis & Orphanus facit mentem vanam.* loc. cit. lib. 3. *Esdrae.* Mens *vana*, est incuria, negligens, rebus suis inattenta, vacua, inanis. *Orphanus* caret patre, praesidioque paterno; ipse sibi consul, sibi senatus. Si ratione caret per potum adempta, bis miser est; fortunis & animo. Et cur non vacuus sit & inanis, cui vinum largiter potatum est patrimonij charybdis? *Venies ei, quasi visator egestas, & pauperis quasi vir armatus.* Prov. 6. Quod miles in urbe capta; apparitor in oppignorata creditoribus domo facit, hoc inertia efficit; hanc ebrietas inducit. Verè *Ambrosius*; Ebrius uno die bibit multorum annorum labores. Oraculum sapientis est Prov. 21. *Qui diligit epulas, in egestate erit; qui amat vinum & pinguiam, non ditabitur.* Labores enim suos, & fortunas in symposijs decoquit & consumit. Gula, inertia, luxuria tres exitiales pestes, rapacissimæ Marpyiæ, pecuniam, valetudinem, famam, mentemque bonam auferentes. Nota est historia *Prodigi*, meritoque Orphanus, quia ratione orbati. Quid vanius illo, quid vilius, porcos pascente, cum porcis siliquas mandente? Repetit admonitionem sapiens Prov. 23. *Quia vacantes potibus, & dantes Symbola, consumentur.* Facetè Diogenes, cum helluonis cuiusdam domum venalem proscriptam legeret: sciebam, inquit, quod vino, cibòque; oppleta dominum evomeret. Idem cum nimio luxu adolescentem ad inopiam redactum, videret oleas in cœna esicantem: si sic pransus, inquit, esses, non ita cœnares.

Iam ad regem immodico vino addictum, quod attinet, quid illo contemptius, quid miserius, quem de gradu mentis & officij temulentia præcipitavit? Cui regimen & gubernaculum Reipublicæ cum sit commissum; est ille tamen, sicut dormiens in medio mari, & quasi sopitus gubernator, amisit clavum. Prov. 23. Se, subditòque suos in ruinam præcipites agit: Quocirca Veteres, Bacchum compositionis præsidem fixerunt, & pinxerunt vehi navigio, in cuius prora erat panthera; in puppi tigris: hinc inde hederæ & musica instrumenta; in medio canalis vino æstuans: nulli in navigio rem, nullum velum, nullus gubernator; ut significarent, in compositionibus ita navigari inter turbines & tempestates litium, detractionum, clamorum, pugnarum, ad naufragium omnis honestatis & virtutis. Bacchum velut navarchum sequuntur potiores nautæ; & calicum remiges. Igitur sicut dormiens in navi, jactatur ventorum flatibus, ac maris æstibus & fluctibus, & nunc ad sidera videtur ascendere, nunc in abyssum descendere & demergi: sic pariter æstibus phantasmatum, & cupiditatum sursum & deorsum jactatur ebrius. Navis agit in rupes, scyllas & charybdes: ebrius in mille fortunarum, honestatis, & ipsius vitæ pericula. Navarchus dormiens, sopita ratione non sentit piratas, ceteraque necis discrimina; quia contra, ea se munire nequit ebrius, in corporis animæque hostium insidias defertur.

Ultimò

## ZOROBABEL, NEHEMIAS, ESDRAS. 56;

Ultimò, amissò, merisq; clavò seu gubernaculò, certissimum sequitur naufragium sanitatis, temperantiæ, castitatis, omnisq; honestatis, sapientiæ, virtutis. Nautæ sunt vires & facultates animæ, gubernator voluntas; præreta, id est, custos & rector navis in prora est mens & ratio; navigantes sunt sensus & membra corporis, virtutesque animi. Hoc verò maxime spectat ad reges, principes, gubernatores, præsides, iudices, rectores, eosque, quibus aliqua publicæ, vel privatæ rei administratio incumbit, in quibus requiritur limatum rationis iudicium, consilium, vigilantia, circumspectio. Nam qui regat alios, qui se ipsum regere nescit? Unde Salomon. Proverb. c. 31. *Noli regibus dare vinum, quia nullum secretum est, ubi regnat ebrietas. & ne forte bibant, & obliviscantur iudiciorum, & mutant causam filiorum pauperis.* En robur vini, quod magnos etiam reges, cum suis regnis, naufragiò mergit!

3. *Servi ac liberi, pauperis ac divitis, & omnem mentem convertit* (scil. *Tertiò, quia* vinum) *in securitatem, & jucunditatem; & non meminit omnem tristitiam, & debitum, & omnia præcordia facit honesta.* id est, erecta, liberalia, ingenua, curis expedita. In Proverbijs Sacris fertur, cap. 31. *Dote siceram merentibus, & vinum bis, qui amaro sunt corde, ut obliviscantur egestatis suæ.* Mirabatur Augustus Imp. olim, equitem Romanum ducenties HS. hoc est, quingenta millia philippicorum debuisse, & dormire potuisse: adeò illi creditorum voces somnum non rumpebant. Quare, ubi suppellex mortui, voci prætonis & hastæ subiecta est, ex omni ea Imperator solum sibi emi voluit cervical, cui consueisset indormire tantus debitor. *Macrobius lib. 2. Saturn. c. 4.* Huius pulvilli consutor est Bacchus; suaviter dormit, quem ipse reclinat, etiam tunc, cum nulla vitæ securitas, & magnum salutis æternæ discrimen. Nimirum siccis omnia dura proposuit DEUS, Poëta teste. At juxta Psalmem. 103. & Siracidem c. 31. *Vinum in jucunditatem creatum est.* Unde vini repertor, dictus est *Liber*, vel quòd det licentiam & libertatem loquendi, vel quòd liberet à curis, ait *Sense, lib. de tranquill. animi.* Vinum, inquit *Augustinus*, tristitiam removet, languores animi delet, lætitiâ infundit. Atque hæc causa fuit, cur DEUS post diluvium docuerit Noë modum conficiendi vinum ex uvis, ut eius & filiorum mœrorem ob inductum mundo diluvium, & rerum omnium exterminium, hilaritate vini temperaret. *Genes. 9. Consonat Ovid. lib. 2. Art.*

Vina parant animos, faciuntque caloribus aptos,

Cura fugit, multo diluiturque mero.

Tunc veniunt risus, tunc pauper cornua sumit,

Tunc

Tunc dolor & curæ, rugæque frontis abit.

Et *Venusinus Pater, epist. 2.*

Quid non ebrietas designat? operta recludit,  
Spes jubet esse ratas, in prælia trudit inermem:  
Sollicitis animis onus eximit, addocet artes:  
Fœcundi calices quem non fecere difertum?  
Contracta quem non in paupertate solutum?

*Idem lib. 3. Carm. Ode 21. ad amphoram vini.*

Tu levis tormentum ingenio admoves  
Plerumque duro: tu sapientium  
Curas, & arcæanum jocosum  
Consilium retegis Lyæor.

Tu spem reducis mentibus anxij,  
Virisq;ue, & addis cornua pauperi,  
Post te neque iratos trementi  
Regum apices, neque militum arma.

*Quartus spiritus addit sublimis.* Pergit commendator vini. 4. *Et non meminit regem, nec magistratum, & omnia per talenta loqui facit.* Esdræ l. c. Audivimus Horatium: Bacchus addit cornua pauperi. Idem alibi: Quis post vina gravem militiam, aut pauperiem crepat? Imò quis non divitias suas, & talenta jactat? Bacchum, ut idem Poëta canit *lib. 1. Carm. Ode 18.*

— Subsequitur cæcus amor sui,

Et tollens vacuum plus nimio gloria verticem,

Arcaniquæ fides prodiga, perlucidior vitro.

Effutit ebrius, quidquid in buccam venit. Extorquet sæpe vinum, quod nec eculeus, nec fidiculæ possunt. Hinc memoratus Lyricus, in *Arte Poëtica*:

Dicuntur reges multis urgere culullis,

Et torquere mero, quos perspexisse laborant.

Quàm multi urgent seipso potando, & cum incaluerunt mero, Dictaturam in omnes mortalium exercent; nec Principibus, nec magistratibus parcent. Nulli non jus dicunt. Ebrius inter sapientes sibi Cato videtur, inter militares duces Achilles, inter reges Agamemnon; Jupiter in cælo, Mars in castris, Neptunus in undis, Pluto inter inferos. In mensis vino madentibus ipse pingit accies, ordinat milites, cædit hostes; cum poculis coronat reges, & cum ijs exhaurit.

*Quintus, quia facit audaces.*

Quinta ratio pro vini potentia: *Et non meminerunt, cum biberunt, amicitiam nec fraternitatem; sed non multum possumus gladios, loc. cit.* Salomon Proverb. 23. *Cui va! cuius patri va! & cui rixa, cui fovea? cui sine causa vulnera? &c.* Nonne hi, qui commorantur in vino, & student calicibus epotandis? Monet iterum expertus Poëta *lib. 1. Carm. Od. 18.*

At, nequis

## ZOROBABEL, NEHEMIAS, ESDRAS. 565

At, ne quis modici transiliat munera Liberi,  
Centaurea monet cum Lapithis rixa super mero  
Debellata.

Nunquam stat locò magis lubricò fraternitas, quàm cum in nomen fratrum crateres siccantur. Bacchus à clamando dicitur; In rixas & contentiones facilis prorumpit; nec immeritò cornutus fingitur, instar furiosi tauri, fœnum in cornu habentis. Quotidiana docent exempla, quantum turbarum dent in ædibus suis boves isti cornupetæ. Quid dico boves? leones sunt immanes, in omnes invadentes. Eccli. 4. *Noli esse sicut leo in domo tua* (dominans, clamans, sæviens) ideòque, *everiens domesticos tuos*. Ebrietas est trivenefica, & meritò Circa comparanda, in varias convertit bestias, quos per vinum mente spoliavit. Videas alios porcorum instar, suis in fœdibus volutari; alios leporum ritu animo cadere, & plorare: alios canum instar mordere convitijs & contumelijs; alios more simiorum facete gesticulari; alios velut tauros in obvios incurrare; alios cum leonibus rugire, & totis gregibus stragem minari.

Sexta ratio pro vini violentia, cuius etiam nomen à vi deducitur, *Et cum à vino meruerint, (emeruerint) & surrexerint, non meminerunt quæ gesserint.* loc. cit. Vinum robur suum ostendit, non tantum cum bibitur, sed etiam cum exhalatur. Inter fluctus hominem jactat, in portu cruciat. Distenti crapulâ, neque altera quidem die satis sapiunt. Est adhuc in oculis caligo, in cerebro vertigo, in capite dolor, in vultu suffusio, in membris tremor, in animo ac mente stupor. Nabal postridie convivij in lapidem obriguit, ubi intellexit, quid in ebrietate adversus Davidem perpetrasset. 1. Reg. 25. Hic Conscientia, instar Tisiphones, vinum pridianum ructanti flagellum incutit; inanis crumena torvas rugas ostendat, jurgiosa uxor jacturam pecuniæ exprobrat, familia intemperiem furiosi tauri accusat, plagæ & tubera sensum revocant; vertigo & dolores caput pungunt ac lancinant; memores, compotores ad promissa: caupo ad symbolam: corycæi & delatores ad iudicem vocant, maledicentiæ postulant; pudor, honestas, dignitas speculum exhibent, & qualem se temulentus gesserit, adhuc caliganti comonstrant. At gurgès, qui sese amisit heri, necdum hodie se reperit; oblitus est se hominem, imò bestiam fuisse. Consilium nullum; nisi quod in capillis quæritur, & tamen non invenitur. Nunquid satis hoc virium in vino adversus vinolentum?

*Sextò, quia oblivione inducis.*

Cccc

SECUNDUM

*Argumenta  
pro regibus,  
ab eorū po-  
tentia du-  
ctis.*

**R**ex omnibus est rebus fortior. *Præcellunt homines, qui terram & mare obtinent, & omnia, quæ in eis sunt. lib. 3. Esdræ. c. 4.* Tales sunt reges. Ingens sanè inò maxima regum potestas, qui cum sole per orbem radios & potentiam suam dividunt; timorem & reverentiam sceptri terras in ultimas exporrigunt; equis & velis in solido, fluidoque dominantur. Alexander certè Macedo; & ante ipsum Darius Hytaspides, (coram quo disputatum) & ante hunc Cyrus: ante Cyrum Nabuchodonosor alterā manum ad orientem, alteram ad occidentem extenderunt; & quidquid septentrionem inter & meridiem interjacebat, vastis brachijs concludebant. Unde *Poëta*:

An nescis, longas regibus esse manus?

Paulus terrorem incurit, Rom. 12. *Si malum feceris, time potestatem, non enim sine causa gladium portas.* Et ibid. *Non est potestas, nisi à DEO.* Principes sunt imago DEI, & ex illo Prototypo, majestatis exemplar. DEI potestas est infinita; principum limitata; terrā tamen marique timenda. Unde Job. 11. dicuntur *portare orbem.* Quanta virium potentia in his Herculis & Atlantibus tanto oneri succollantibus! Metuenda profectò vis, cui pronum est, non minùs multa velle, quàm posse. Libido voluntatis ad potestatis extenditur terminos. *Sermo illius, (ait Ecclesiastes cap. 8.) potestatis plenus est; nec quisquam dicere potest, quare ita facit?* Tantum potest, quantum dicit; tantum valet, quantum volet. Jussa regum sunt fulmina; feriunt, nisi dictum, sit factum. Hinc Seleucus, rex Syriæ, cognominatus est *Ceraunius*, hoc est, fulmineus. Plutarchus monet cum rege agendum, quasi cum rogo, ut nec nimis propè ad eum accedas, ne comburaris; nec nimis longè, ne ab eo non calefas, id est, amorem, favorem, & benevolentiam non sentias. Ecclesiastici verò cautela est, cap. 4. *Longè abesto ab homine potestatem habente occidendi, & non suspicaberis timorem.* Procul à Jove, procul à fulmine.

Sævum prælustri fulmen ab arce venit.

Hic etiam timores sunt timendi, & non minùs est gravis metus, quàm pericula. Neronis, quamquam tyranni, vox est, te, *sic Suetonio*: Nemo principum ante me scivit, quid & quantum sibi liceret. Et *Caligula* Antoniaæ aviæ pro sua auctoritate monenti, *ut quædam secus ageret, respondit*: Memento, mihi omnia in, *omnes licere.* Ambitosæ potestatis argumentum Cyrus edidit, qui Gyrdem fluvium navi trajecti, ed quòd unus equorum perijisset, ira exandescens, amnem in 130. rivos seu alveos derivavit. Senec. lib. 3. de ira. cap. 21. Quid, quòd non manus tantùm regum, sed aures etiam, procul metuendæ. Ecclesiastes rex ipse de regum potentia: *In cogitatione, inquit, tua regi ne destrabas, & in secreto*



## ZOROBABEL, NEHEMIAS, ESDRAS. 567

*secreto cubiculi tui, ne maledixeris diviti : quia aves celi portabunt vocem tuam : & qui habent pennas, annuntiabunt sententiam, cap. 10.* Exploratores initar avium omnia pervolant, omnia perferunt, ut litteras columbæ Assyriæ; occulta quoque in lucem proferuntur. Aded valida regum est potestas; ut etiam ibi sint, ubi non sunt. Nempe cum sole perlustrant omnia, & vel benignis radijs fovent, vel sævis caloribus exurunt. Sol medius inter planetas ex curru suo ignes quaquaversum jactat; Rex inter consiliarios suos confidens, ex solio dat jura, ignium instar perustura nocentes. Quid ergo fortius aut potentius rege?

Jam si vires militares considerentur, quid non impellunt, subruunt, deijciunt, evertunt? Ad pedis pulsus, quod Pompeius olim gloriabatur, armatæ legiones existunt; flamma, ferroque vastatur; quidquid obstat. Nihil est tam munitum, quod terribiles acies non perumpant: nihil tam arduum, quod non expugnent: nihil tam validum, quod non perfringant. Armis omnia sunt pervia; Arma permutant ima summis; arma regum & iræ, arcibus, urbibus, provinciis ultimæ steterunt causæ, cur perirent funditus, imprimeretque muris hostile Mars aratrum. Et hoc est, quod 3. lib. Esdræ. 4. propugnator regis potentis adfert: *Si miseris (rex) bellatores, vadunt & demoliuntur montes, & muros, & turres. Jugulantur & jugulant, & regis verba non prætereunt. Nam si vicerunt, afferunt regi omnia, quæ pradati fuerunt. Sequitur. Similiter alij omnes, & quotquot non militantes, nec pugnant, sed colunt terram: rursum cum fuerint metentes, afferunt tributa regi &c.* Ubi agricultura, & pastio pecoraria, ibi emolumenta & proventus magni: ex his tributa, portoria, vestigalia: hinc divitiæ regum & opulenta æraria. Pecunia, juxta Ecclesiasten, cap. 10. *obediunt omnia.* ergo regibus quoque, quippe pecuniâ abundantibus, parent omnia. *Horatius canit Sat. 3.*

Virtus, fama, decus, divina, humanaque pulchris  
Divitijs parent.

Ideoque facultates vocantur, quia ad omnia comparanda viam & facultatem præstant: *Martialis:*

——— Quidquid nummis præsentibus opta,

Et veniet: clausum possidet æca Jovem.

Nulla res, quæ nummis non conficiatur; Nihil est tam absconditum, quod divitiæ non eruant: nihil tam carum, quod non coëmant: nihil tam inaccessum, quod non obtineant. Juxta Poëtam Venusinum: lib. 3. Carm. Od. 6.

C c c c 2

Aurum

Aurum per medios ire satellites,  
Et perrumpere amat saxa, potentius  
Ictu fulmineo.

Hinc Philippus Macedo dicebat, nullam esse arcem inexpugnabilem, quò posset accedere asinus onustus auro. Et C. Iulij Cæsaris dictum fuit, potentiam duabus rebus parari & conservari, *pecunia ac milibus*. Milites, sunt validæ regum manus: harum nervi, numi. His illi præsidij instructi, quod legibus & editis non consequuntur, armis extorquent. Hinc intrata clausibus maria, inundatæ curribus terræ, ut potentia crescat, aliena minuendo, sua augendo. Deinde, quantum robur in multitudine populi, ubi unius à nutu pendent innumera hominum millia? quorum labores, industriæ, studia, & omnes virum contentiones serviunt regi, *recumbenti*, ut legitur loc. cit. *et habenti, et dormienti*. Cujus unius sunt omnia, quæ sunt singulorum; Quidquid subditi possunt & possident; rex in ijs potest & possidet. Quid igitur rege validius, quid fortius?

## TERTIUM PROBLEMA.

*Argumenta  
pro potentia  
mulierum.*

*Argumentum  
quia matres  
sunt.*

Nunc verò tertij, id est, Zorobabelis argumenta videamus, pro mulierum potentia. lib. 3. Esdræ. cap. 4. *1. Mulieres genuerunt regem, et omnem populum*, ergo sunt potentiores universis. Ratio: Major est, qui dat, quàm qui accipit; Matres dant vitam filijs, ergo majores sunt quàm filij. Hinc est, quòd liberi parentes, præcipuè matrem (quæ plus laboris & periculi in foetum contulit) veluti principium sui, & auctores vitæ colant, ament, ijs obsequantur. *Philo lib. de Decal.* Filij, inquit, „probi, parentes suos, ut deos quosdam visibiles, colunt & ob-  
„servant. & *Aristotelis* axioma est, lib. 9. *Ethic.* Dijs, parenti-  
„bus, & magistris nemo potest reddere æquivalens. Idem lib. 6.  
„*Ethic.* Matres plus amant filios, quàm patres, quia certiores  
„sunt, eos esse suos, & quia plures circa eos labores sustinent.  
„Dum eos utero gestant per novem menses, lactant, faciunt,  
„purgant, educant, totæque circa eos educandos occupan-  
„tur. Cum ergo filij plus accipiant à matre, quàm à patre;  
„hinc major in matrem amor est reciprocus. *S. Ambrosius* calcu-  
„lum addit in cap. 2. *Luce.* Tu matri debes pudoris injuriam,  
„virginittatis dispendium, partûs periculum, matri longa fa-  
„stidia, matri longa discrimina; cui miseræ in ipsis votorum fru-  
„ctibus majus periculum est; & cum ediderit, partu absolvi-  
„tur, non dolore. Magna profectò seminarum prærogativa,  
„quòd PARTUS SEQUATUR MATREM. Scio, quo sensu Jurisconsulti  
„usurpent. Si physis spectes & mores: Imagines parturientium, sunt  
„impressiones foetuum, (veluti populeæ Iacobi virgæ, unde varium  
„ovcs

## ZOROBABEL, NEHEMIAS, ESDRAS. 569

oves traxere colorem) rectæ an distortæ, id quidem multum interest gignentis, multumque geniti; qui cum se, qualis qualis sit, præcipue debeat matri; quid non debebit, si maculæ sit integer, & absque nævo, tam corporis, quam animi? Et ubera materna, quæ sugunt tenella labra, quam disparem humorem instillant! Felices, quibus sine sæce liquor bibitur. Ex turbido fonte, quid limpidum fluit? ex illimi, quid non purum, & splendidius vitro? Ira & amor quantum sulphuris habent, si per venas infectas transeant? Hinc regnorum incrementa & exitia. Unde? Ex matre. Quid igitur illa non potest? Quales fontes, tales rivi. Quidquid est in rivis boni, fluxit è fonte.

Alterum argumentum. *Ipsa faciunt stolas omnium hominum, & ipsa faciunt gloriam hominibus.* l. c. A vestimentis & habitu feminarum laus ducitur. Qualis? Feminae conficiunt stolas, id est, vestes acu pictas & auro intextas, (Phrygium enim opus apud Veteres maxime spectabat ad feminas) quæ cum ad gloriam, hoc est, ad splendorem, & majestatem tam regibus, quam quibusvis alijs conciliandam valeant plurimum; quid est, quod non valent feminae, talium operum effectrices? Minerva femina fuit, & artis texendi inventrix; hinc quidquid encomij huic labori debetur, feminis debetur. Aeneas princeps Sergesto principi putabat se donum principale dedisse, quando Aeneid.

2. quia conficiunt ornatum vestium.

Olli serva datur, operum haud ignara Minervæ. In regibus purpurâ collucentibus quis nescit quanta reverentia majestatis, quantum potentiae specimen? Ex ædium vestibulo colliguntur penetralia. Vestis ornat virum, quanto magis regem. Ridicula majestas in centonibus: brutum fulmen ex tenui lacerna. Regem ut invenias, in purpura & diademate quæras. Rex sine purpura, sol sine radijs, campus sine floribus, arbor sine frondibus. A feminarum manu hæc gloria venit, Hanc ipsam manum laudat regum sapientissimus Proverb. 31. Ubi *mulierem fortem* appellat (de hac quæstio agitur) quæ *stragulatam vestem fecit sibi: byssus & purpura indumentum eius. Sindonem fecit, & vendidit: & cingulum tradidit Chanaan.* mercatori, magnâ mercem illam æstimanti. Certè Claudianus campum floridum depicturus ait:

Parthica quæ tantum variantur cingula gemmis

Regales junctura sinus?

Si tanti regum Parthorum cingula, quanti cætera regalis magnificentiae indumenta? Et hæc quidem à feminis elaborata. Quid jam dicam de ornamentis, quibus ipsæ se circumdant, tanquam manuum suarum fructibus? Notum est ex historia S.

quid feminæ possint comptæ. Cum incedunt *composita: circumornate ut similitudo templi*. psal. 143. discolori cyclade, palla, therostro; tiaris Phrygijs, calanticis, redimiculis, tænijs, reticulis, segmen-tis, fimbrijs, limbis, institis, fascijs, nebulis textilibus, cingulis, crepidis, sandalijs. His armis Juditha Holofernem, & omnem Assyriorum exercitum stravit. Hinc monitum est Siracidis, cap. 9. *Averte faciem tuam à muliere compta*. Hæc est, *Species mulieris, propter quam multi perierunt*, ait, idem ibid. Quid non permittit, imo pro-mittit sibi femina, ait Satyricus *Aquinas Satyr. 6.*

Cum virides gemas collo circumdedit, & cum Auribus extensis magnos committit elenchos & His catapultis, his arietibus quid non prosternunt, præsertim si melior accedat forma. de qua mox. Quis verò hinc non perspi-cit, quantum *gloria* ex stolis, cæterisque vestibus, feminea manu textis & pictis, in hunc sexum redundet?

3. argum.  
quia vali-  
dissimus a-  
mor mulie-  
rum.

Tertia ratio pro feminis. *Non possunt (homines) separari à mu-lieribus. Si viderint mulierem unam bono habitu, & bona specie, aurum, & ar-gentum relinquentes, in eam intendunt.* Et ideò, *Homo patrum suum relin-quit, qui nutrit illum, & suam regionem, & ad mulierem se conjungit.* 3. Esd. c. 4. Tenacissimum gluten, amor est mulierum. In hoc visco jam primus homo hæsit; qui suæ se probaret ut Evæ, a-morem mulieris postposuit amorì DEI. Inter primos homines, *Setibi*, viri optimi, dispares nepotes fuere. noxium illi philtrum jam tum hauserunt oculis, quando eos per lasciviam in formo-sas feminas conjecerunt. Hinc immemores DEI, Majorum, & salutis suæ, cum *carne* facti *caro*, progeniem sanctam commiscue-runt *Caini* neptibus. Tanta vis erat ignis vesani, ut extingui non posset, nisi Diluvij fatalibus undis. Genes. 6. Quid? illæ flam-mæ magis fuerunt aquis compressæ, quam restinctæ. Fumus adhuc scintillas volvit & incendia spargit.

Elicit ignis aquas, suscitatur unda faces.

Effeminatorum pectus vel mergitur, vel incenditur. Ex uno fe-minæ nictu, ex neglecto colli crine ferricrepi thrasones in mol-litiem diffiunt. Sapienter quidam hoc per similitudinem salis ex-pressit. Ut sal ex aqua nascitur, & in aquam resolvitur; sic homo ex femina gignitur, & amore feminæ liquitur. Illi præ-sertim, qui mares sunt, sed sine pectore masculino. Qualis erat *Phaltiel* ille, 2. Reg. cap. 3. qui amare flevit, cum *Micbô-lem*, Davidis legitimam conjugem, odio *Saulis*, parentis ini-quissimi, sibi superinductam, per *Abnerem*, ad maritum redu-ci vidit, nec prohibere potuit; *sequebatur eam* (ait divinus Scriptor) *vir suus, plorans*. En ut anima huius ploratoris erat agglutinata mulierculæ,

## ZOROBABEL, NEHEMIAS, ESDRAS 571

mulierculæ, & quidem adulteræ. O quot ploratores tales, quos ex viris feminæ faciunt feminas! Nimiùm, quàm multi lavant in Salmacidis undis. Salomon de juvene mulieroso : *sequitur eam quasi bos ad victimam*. Proverb. 7. jam paratus cultro, & aræ Veneris; post flammâs Cyprias, pabulum Tartareis arsurus. De muliere formosa, & vestibus exulta, graviter S. *Cyprianus lib. de habitu*, Virg. Ornatus mulieris, oculos in se juventutis allicit: suspiria adolescentum post se trahit: concupiscendi libidinem nutrit: peccandi fomitem succendit, ut, etsi ipsa non pereat, alios tamen perdat. Quid multa? cui pretium, feminæ libido fecit, nullam jacturam in pretio habet. Columbulatorum Cypriidis vox est: *Peream, dum depeream*.

Addit Zorobabel: *Et multi perierunt, & jugulati sunt, & peccaverunt propter mulieres. Accipit homo gladium suum, & vadit in viam facere furta, & homicidia, & mare navigare, & flumina: & leonem in tenebris videt, & ingreditur*. loc. cit. Merito Venus mater sæva Cupidinum, Horatio dicitur. Impotens enim amor quò non prorumpit, quò non præcipitat? Miseros procos! si ad amicum sine munere veniunt. Meretrices, quod *Plautus* dicit, mare sunt, quidquid datur, devorant, nec abundant. Et verò, etiam quæ castius amantur, sæpe tamen non sine dispendio nummorum amantur. Præclare *Demosthenes*: pœnitere tanti non emo. Amores dicuntur furtivi, non tantum, quia plerumque occulti; sed quia furtis non raro nutriti. Do, ut des; venalis est pudicitia. Hic laqueus alterum inducit laqueum. *Navigantur maria*, & servant inter undas amantium desideria; per varios fluctus ad concupiscentiæ portum tenditur. Sed quoties flantibus frustra suspirijs, aut eò non pervenitur; aut non nisi cum navi, bonis omnibus, famæ, fortunarum, animi spoliata. Et *leo in tenebris* quis, nisi vel maritus, vel rivalis in vestigia corralis de nocte excubans, & ingredientem ad amasiam jugulans? Verissimè *Siracides* c. 23. *Omnis homo, qui transgreditur lectum suum, contemnens in animam suam, & dicens: quis me videt? Ad quis te videt? DEUS videt, homo videt. Et tu putas, te ingredi in tenebris?* Poëtis eadem Venus, quæ Libitina. Illa huic tradit victimam. *Et peccaverunt propter mulieres; & accepit homo gladium suum &c.* Quos labores, quæ pericula non exantlant, feminarum amantes? *Jacobi* Patriarchæ castus amor pro *Rachele* sua, tribus penè lustris durissimam servitutem servivit. *Genes.* 29: *Sicbennus* Princeps, pro *Dina* *Jacobi* filia se, patriamque civemque suos perditum ivit. *David* pro *Michole* cruenta certamina commisit, *Samson* cum *Philisthæis* acerrimè, multòq; suo sanguine, proijs

proijs, quas amabat, dimicavit. Et ut prophana quoque attigamus. Propter Helenam à Paride raptam, Asia & Europa collisa est; Troia funditus devastata. Propter Briseidem, captivam puellam, Achilles & Agamemnon, fortissimi duces capitalia odia susceperunt; Propter Laviniam, Latini regis filiam, Aeneas & Turnus, clarissimi Principes, diuturnum bellum gesserunt, non finiendum, nisi alterius cæde. Taceo Persepolin, Persiæ urbem nobilissimam, ab Alexandro propter scortum incensam; taceo, quod Poëtæ, non sine historia, prodiderunt, Leandri fluctus, Pyrami mucrones, procorum Atalantæ, Hippodamiæ, Penelopes, funestos interitus.

Prosequitur argumenta Disputator pro feminea potentia. *Et multi dementes facti sunt propter uxores suas: & servi facti sunt, propter illas.* loc. cit. Omnium instar sit *Salomon*, cuius cor (quantum, & quale!) *averterunt mulieres*; & ex mortalium sapientissimo stolidissimum reddiderunt. *Sardanapalus*, quantus & ipse rex! inter mulieres fila duxit; *Samson*, quo non robustior alter, sese Dalilæ vincendum & capiendum tradidit. *Hercules*, monstrorum dominator, cum Omphalæ suæ colum tractavit. Et, ut pauca tangam de multis, amoribus Cleopatæ *Antonius*, qualis vir! famam, victoriam, gloriâ nominis Romani substravit. Quid, quod mulieres *Jovem* ipsum in varias bestiarum formas, amore sui converterunt. Veritas in fabulis latet. Unde fingunt à *Cupidine* puero, deum illum; deorum summum, in forma tauri cornibus trahi, & pro libitu impelli. Quæ major potest excogitari dementia? quæ deterior servitus? Est impotentissima feminarum potentia. Huc facit *Isaias*, cap. 3. *Populum meum exaltiores spoliaverunt; & mulieres dominate sunt eis.* En causam, quare principes & magistratus Soly-mæi duris exactionibus populum oppresserint. Graviore nempe jugo, prius à feminis oppressi sunt ipsi, & in omne nefas acti. Hoc etiam olim *M. Cato*, sapientiæ lumen, questus est. Hic enim objurgans summam uxoribus Romæ impotentiam, Omnes, inquit, „homines uxoribus dominantur; (utinam!) nos omnibus hominibus; nobis autem uxores. Hoc modo colligens mulieres esse rerum omnium dominas. *Plut. in Rom. apoph.* Hinc *Themistocles* olim, filius gloriatus est, Atheniensium rempublicam à se gubernari; hoc enim omnes cives velle, quod ipse velit. Mirantibus audacissimum juvenis dictum, subjecit: Quod ego volo, illud & mater mea vult (filium enim illa tenerrimè diligebat) quod autem mater mea vult, hoc idem vult pater meus *Themistocles*; quidquid verò placuerit patri meo, id continuo placere Athenis, jam compertum est. Hinc, inquit, Atheniensis Respublica ad meū imperium



## ZOROBABEL, NEHEMIAS, ESDRAS 573

imperium componitur. Rectè *Aristoteles 2. Polit. c. 7.* Quid verò interest, utrum feminae gubernent, an qui gubernant, gubernentur à fæminis?

Atque hæc ad confirmandam Zorobabelis opinionem, quam ipse magis ad aures Palatinas, quàm ad animi sui sensum, propugnavit; quippe cui propositum erat, per laudem mulierum, quæ sciebat delectari Aulicos, præstruere benevolentiam, ad *Veritatem*, hoc est, veri Numinis agnitionem & venerationem, tam Regi, quàm Satrapis inferendam. Unde subjunxit: *Vinum iniquum, iniquus rex iniqua mulieres, iniqui omnes filij hominum, & iniqua omnia illorum opera, & non est in ipsis veritas, & in sua iniquitate peribunt; & veritas manet: & invalefcit in æternum, & vivit & obtinet in sæcula sæculorū. Benedictus DEUS Veritatis.* Et omnes populi conclamaverunt, & dixerunt: *Magna est veritas, & praevalet.* 3. *Esd. c. 4.* Veritas ut simplex est, ita simpliciter quoque & paucis ejus asserpta potentia est. Et tamè apud omnes, primas tulit; aded Veritas sibi soli sufficit. Quæ cum semper vincat; neque hic succumbere potuit. Cæterum Zorobabel nihil aliud nomine *Veritatis* intellexit, quàm ipsum *Verum DEUM*, rerum omnium Conditorum. DEUS est prima VERITAS, & omnis veritatis creatæ idea ac mensura. 1. Quia, quidquid est, & quòd ita sit, & verè sit, à DEO est, tanquam ab exemplari, secundum quòd, & per quòd natura cuiusque reifacta est. 2. Quia à DEO omnis vera cognitio, seu vis cognoscendi Angelorum & hominum descendit. 3. Quia DEUS summa est veracitas, à qua dimanat virtus inclinans voluntatem, ut amet dicere verum; & abhorreat ab omni mendacio. Ipse est, qui per infinitam bonitatem suam nec fallere potest: & per immensam sapientiam nec falli potest. Hinc summa & prima regula credendi, dicentis est auctoritas DEI. Homo verò cum deceptionibus sit obnoxius, & ex insita malitia ad fallendum pronus, meritò dicit regius psalter, psal. 115. *Omnis homo mendax.* Et Apostolus ad Rom. 3. *Est autem DEUS verax, omnis autem homo mendax.* per inclinationem depravatæ naturæ.

*Veritas omnia vincit.*

*Veritas increata & creata.*

Jam si DEUS Veritas, quid potentius æterna Veritate? DEUS non tantum in seipso potentissimus; sed à DEO est omnis creata virtus seu vis agendi & operandi in lapidibus, metallis, plantis animalibus, hominibus, Angelis; Quidquid hæc omnia possunt & singula, divinæ participatio potentiae est. Ipse potest omnia, quæ mens creata concipere potest. Ipse quidquid potest, perficit solo voluntatis nutu, sine mora temporis, sine labore; infinita facilitate. Hæc est illa potentia, coram qua *Columna caeli contremiscunt.* Job. 26. Unde meritò regius Propheta, psal. 88. *Domine DEVS virtutum, quis similis tibi? Potens es Domine, & Veritas tua in circuitu tuo. Tu Dominaris potestati maris: motum autem fluctuum ejus tu mitigas. Tu*

D d d d

imperium

imperium obtines non solum super universam terram, sed etiam super sævitiam & superbiam maris; *elationem enim fluctuum eius*, dum tu vis, *compescis*; quod nemo potest ex regibus & dominatoribus, qui sunt super terram. Huius rei documenta fuerunt Pharaones, Sennacheribi, Nabuchodonosores, alique territatores mortalium, quos in his Narrationibus produximus. Quorum exemplò, multis post sæculis modestiam didicit *Canutus*, Anglorum Rex, qui adulatoribus suis regum potentiam ostensurus, in littore maris regiam sedem collocavit, sed à maris refluxu depulsus, DEUM, cœli terræque Dominum confessus, coronam capiti suo detractam, Vintoniæ in templo, Christi crucifixi capiti imposuit, majori utique Domino & cœlestibus, terrestribus, inferis tremendo. *Polydor. Virg. lib. 7. Histor. sub finem.*

*Etiam cre-  
ata Veritas  
est potentis-  
sima.*

Sed & Veritas creata potentissima est. Primò, quia DEO proxima, robur è cœlo trahit. Nam quantum quis ad Veritatem vel accedit, vel ab ea recedit: tantum ad DEUM accedit, vel ab eo recedit. DEUS enim amat veraces, quasi sui similes; mendaces odit, tanquam sibi multum dissimiles. Quocirca *Pitago-*  
*ras* censuit, Veritatem post DEUM colendam esse, utpote quæ  
 homines DEO proximos faciat. Et teste S. *Hieronymo contra*  
*Rusticum*: DEUS Christum amat infinite, quia ipse est Verbum  
 Patris adæquatum, & Verissimum. Et ipsius Christi vox est  
 Ioan. 15. *Ego sum Via, Veritas, & Vita.* Est enim ipse *Lux*. Ioan. 1. *il-*  
*luminans omnem hominem*, ad discernendum verum à falso; simul  
 accendens calore suo ad omnia adversa pro Veritate fortiter per-  
 rumpenda. Ita sancti Martyres ferrum, flammam, bestias, & atro-  
 cissima tormenta quæque contempserunt pro Veritate asse-  
 renda, & instar arcis munitissimæ tuenda. Veritatem nulla vis de-  
 ijcere, nulla fraus decipere, nulla perturbatio de gradu deturba-  
 re potest. Intercipitur quidem aliquando, velut sol, nubibus,  
 sed nequit extingui. Agnovit hoc *Tullius Orat. in Patin.* Tantam  
 semper potentiam veritas habuit, ut nullis machinis, aut cui-  
 usquam hominis ingenio, aut arte subverti potuerit. Et licet  
 in causis nullum patronum, aut defensorem obtineat, tamen  
 per se ipsa defenditur. *Idem pro M. Calio.* O magna vis veri-  
 tatis! quæ contra hominum ingenia, calliditatem, solertiam;  
 contraque fidas omnium insidias, facile per se ipsa defenditur.  
 Et *pro Cluent.* Multorum improbitate depressa veritas emer-  
 git, & innocentiae defensio interclusa respirat. Primas igitur  
 potentiae meritò fert Veritas, vincit, triumphat.

Atque hæc in triumphu Hebræorum militum problemata com-  
 mentari placuit; longius quidem ab orbita desectendo, sed operæ  
 tamen

# ZOROBABEL, NEHEMIAS, ESDRAS. 575

tamen, ut putamus, pretio. Nam ab hac disputatione gentis, Urbisque Templique Solymæi columen pendit. Darius quippe delectatus Zorobabelis sapientiâ, optionem ei dedit postulandi, quidquid vellet; eumque exosculatus, secundum à se fecit, interque cognatos regios ascivit. Mox litteris quaquaversum missis, ingentes impensas in instaurationem urbis, & templi exedificationem imperavit. Atque hoc est illud Templum, quod gloriam suam *Veritati* debet, quæ ad eius structuram induxit Darius; plus autè gloriæ habet à prima VERITATE mortali in corpore, mortalibus arcana cœlestia pandente. De qua Aggæus, cap. 2. *Et veniet desideratus cunctis gentibus: Et magna erit gloria domus istius novissima.* (per Zorobabelem exstructæ) *plus quam prima.* (nempe Salomonica.) Neque audiendus est Josephus in Antiquitatibus Judaicis, lib. 15. cap. 14. qui tertium templum, idque ex fundamentis, ab Herode eductum, confinxit assentando. Veritatem dixisset, si Zorobabelicum templum ab Herode instauratum, amplificarumque fuisse, scripisset. Uti ostendit Salius in annum M. 353 2. Barrad. tom. 1. lib. 3. c. 3. cum alijs.

## NARRATIO CIX. AMAN IN PATI. BULO.

Ex libris Esther.

Ab anno Mundi 3596. ante Christum. 457. ad ann. Mundi 3607.  
ante Christum 451.



**X**ERXES Darij Histaspidis filius, paterni regni atque odij in Græcos homines hæres, junctis navibus Hellesponto, Athoque monte perfosso, opotis annibus Græciam cum armatorum mille millibus invaserat; quâ deinde per Artabanum, satellitum regionum præfectum obruncato, successit Artaxerxes appellatus Longimanus à prominentia dextræ: vel, ut alij volunt, à manuum longitudine tanta, ut stans & erectus, genua, digitorum articulis contingeret, filius Xerxis illius magni, natu minor. Hic Artaxerxes, alio nomine Assuerus, clarus exitit Esther conjugio. Hanc formæ decus, ex nobili Judæorum familia, captivam

Dddd 2

tamen, in repudiata *Vashti*, uxoris *Assuri*, locum subvexit. Laude digna forma, quæ regnum peperit; sed multo dignior animi venustas, quæ DEO quoque in delicijs habita, Judæis, popularibus suis salutem attulit. Res ita contigit.

*Assuerus* ingenti cum exercitu in *Egyptios* moturus, convivium longè sumptuosissimum, universis regni sui satrapis, seu provinciarum præfectis, apparavit, idque senis omnino mensibus celebravit regali magnificentia. Septiduò ultimò etiam populus urbis *Susianæ* advocatus, & pertentoria pretiosissima dispositus; epulis, incredibili luxu instructis accubuit. Haud minore apparatu, & planè Persico, feminae cum re-

*Regina Vashti* intra pallatium epulabantur; nam ut viris in convivio assiderent, pudor & modestia prohibebat. Quæ res cum ad eius sexus commendationem valere plurimum deberet, reginae celsit in perniciem. Postremò namque epulationis die, rex largius appotus, inter menfarum delicias, oculis quoque pastum illecebrosu

objecturus, evnuchis mandavit, reginam ut introducerent diademate, ceteroque mundo muliebri adornatam. Semel, iterumque vocata, renuit venire, sive ut legi & consuetudini Persarum pareret, quæ uxores vetabat, ab alijs, quam à domesticis conspici; sive, (quod *S.* historia innuit) dedignaretur promiscuæ multitudinis oculis pulchritudinem suam propinare. Eum qualemcunque animi sensum, Rex injuriam & contemptu interpretatus, tantò vehementius exarsit, quantò magis à vino calebat. Itaque crimini datur, quod imputandum erat virtuti. Res, tanquam summi momenti, ad arcanius mox consilium (septemviri præerant ei) refertur, parum equidem sobrium; cum rege plus omnes adbiberant, quam *Judices* deceret. Sed more Persarum, quibus jus maxime liquidum natabat in poculis; judicialium urnarum loco cululli statuebantur, unde hauriebant suffragia. Quid multis? regina contumaciæ postulat, contemptæ majestatis rea peragitur. Plus valuit accusatoris auctoritas, quam accusatæ innocentia. In gratiam regis condemnatur regia conjunx: pronuntiatur, tori, regnique confortiò privanda; ne ceteræ feminae, malo exemplo inductæ, suæ plus tribuant superbiæ, quam debita maritis reverentiæ. Nihil esse impotentius eo sexu, quam eum amores suos maritorum obsequijs venditant; pretium sui excandesciunt torvitare; imperant abnuendo. nec esse quidquā pervicacius muliebri genio, cum ei venustas formæ accesserit. quæ jam domi suæ jussa daturum uxori, si regis ipsius imperium spernat mulier? unius pertinaciâ reliquas omnes animatas, maritalem potestatem ludibrio habitaturas. Id ne fiat, poenis cavendum; detractâ reginae coronâ, inferiorum quoque supercilia

*Jus Persarum* iniquum.



cilia dejectum iri. In eam sententiam fit senatusconsultum; repudiatur *Vashti*, proscibitur è regia, quòd modestior esset, quàm obsequentior. Eius iudicij pœnituit, puduitque regem, cum discussa ebrietate, in menetm redijt eximia femina pulchritudo, dulcissimæque vitæ consuetudo. Pendebat, quantò atrocior esset pœna, quàm pro modo delicti; fuisse ignoscendum perviciæ, magis ex pudore, quàm superbia profectæ. Subeunte dein animum miseratione, cupiebat revocatam, quam nulla gravior culpa fecisset ream. Sed huic cogitationi obstitabat decretum, quod juxta leges patrias mutari haud sanè poterat. rex igitur in morem navis, contrarijs agitatus ventis, æstuabat. Sed finctus iidem composuerunt consiliarii, qui commoverant; adeò parata est aulicis ingenijs assentatio. Fiunt auctores regi, ut per omnes regni provincias instituatur virginum formæ præstantium perquisitio; è quibus undequaque adductis, rex sibi deligat, quas omnium maxime oris habitus commendaverit. & ex his ipsis unam, quam loco *Vashti* repudiata, in thalami, regni que consortem admittat; prioris desiderium haud ægrè recentis consuetudine abolitum iri. Placuit consilium. Inter alias conquistatoribus probatas, eminebat *Esther*, puella Hebræa, utroque parente orbata; quæ apud patrum (aliqui patruelem vocant) *Mardocheum*, virum nobilem è tribu Benjamitica ceu filia adoptiva educabatur *Susis* (uti Salianus & Serrarius referunt) in urbe regia, (Josephus eam Babylone adductam scribit, parum convenienter historico sacro). Hæc enucho, *Egeas* nomine, commendata, inter puellas quadringentas, quæ in regia, exquisitissimo victu, cultuque ad regios thalamos præparabantur, facile omnium in se oculos convertit; præsertim *Assueri*, qui formæ cum raritate, tum veracundiâ captus, eam in uxorem adlegit, connubiûmque magnificentissimo epulo initiavit.

*Vashti regi-  
na iniuste  
repudiatur.*

*Estheris in  
reginam  
assumitur.*

Eo tempore inter excubitores prætorianos fores regij palatii *Mardocheus* servabat, insigni in DEUM pietate, & in regem fide. Hic ex somnio sibi oblato. haud vanè conjectans tempestatem, genti Hebrææ graviter incubituram, unice erat ad id intentus, ut & neptis castè pudicæque educaretur, & si qua se offerret occasio, gratia regis, publico popularium bono iniretur. In ceteris ergo monitis, hoc *Estheri* dabat, ut DEI, populique sui memor, favores regios non ad ambitionem privatam, sed ad communem nominis Hebræi salutem referret; quam ipsa monitionem quàm habuerit cordi, docent ea, quæ sequuntur.

Versabatur in aula regis *Assueri Amans*, purpuratorum longè

D d d d 3 primus,

primus, & uni regi secundus; vir omnium superbissimus mortalium, idemque, si quis eius arrogantiae adversari videretur, vindictae proposito crudelissimus, & curiae Persicae planè tyrannus quidam, gente *Macedo*, natalibus Agagites, & origine longius repetita, stirpis Amaleciticæ, semper Hebræis insectæ, quia tamen maternum genus à Persis trahebat; Persarum & ipse paulatim in consuetudinem ac familiaritatem; ad extremum, in regiam quoque, sanctiusque consilium irrepfit. Hic apud Assuerum omnia poterat, etiam patris nomine ab eo compellatus; inde tam vecors hominem libido cepit, ut à quocunque mortali non adoraretur ipse de genibus, & scilicet honoris illo genere, quod cum *latris* (cultu, qui soli DEO debetur) proximè annexum est, coleretur: eum, non suum tantum, sed regis etiam, & centum viginti septem provinciarum Persicæ ditionis hostem credi vellet, ac perduellem: proptereaque diris supplicij omnibus persequendum, & exemplis novissimis eradicandum. Id tentavit in Mardochæo, viro, quod diximus, non minus forti, quam pio, & pro religione patria tuenda, imperterrito. Hunc Amanus, quod honorem, cultumque, quod modò cultus & honor DEO deferuntur, præstare sibi recusaret: extirpare ferro, cum universa stirpe Judaica, per omnes Persici juris terras, animo decretum, fixumque habebat. Et destinata, consentiente rege, perfecturus fuerat: nisi mulieris unius, hoc est, Estheris reginæ lacrimæ intercessissent. his enim emolliuit Artaxerxes, cruentum Amanum edictum antiquavit. furor in caput auctoris vertit.

Jamque non *Susis* tantum pendebat Sanguinarium edictum, toti Judæorum genti fatale; sed per omnem Persiam, cum literis regijs festinabant Cursores, qui decretoriam Hebræi nominis internecionem, magistratibus ubiis locorum denuntiarent. Nam sæpe bonitas Principis servit in scelera ministrorum. In luctuosissima rerum omnium desperatione, unicum erat miseris in *Esthere* præsidium; quæ post triduanas preces, & corporis afflictationes cum suas, tum populi sui; assumpto ad incredibilem oris verustatem, splendidissimo vestium ornatu, sustinuit ad regem ingredi. Quem cum admissa ad oculum *virge aurea*, in benevolentiae signum protensa, (sine quo capitale erat ad solium sedentis accedere; & primus regis aspectus, Estherem quoque, tantum non exanimavit) ad omnia vota promptissimum adverteret, blandâ sermonis suadâ eò deduxit comitatis, ut invitatus ad epulum, ab ea apparandum, condiceret, convivam habiturus Amanum.

Ex ea invitatione quantum lætitiæ iste hausit; tantum indignationis concepit à conspectu Mardochæi, ad regiae fores excubatis.

Is enim

*Amani arrogantia,  
& afflictio honoris  
divini.*

*Mardochæi  
constantia  
in abnuendo  
eo honore,*

*Edictum  
sanguinari-  
um contra  
Judæos.*

*Estheris ad  
regem ingressus.*



Is enim cū intranti palatium Amāno se ingenua non demississet, felle miscuit, quidquid ille dulcedinis ex convivio Estheris prægustavit. Nimirum honoris iniqua cupiditas, ipsa tormentum est. Vitā Amanus in summa felicitate acerbam sibi putabat, nisi crucem oculorum suorum Mardochæum sustulisset. Convocantur in senatum uxor Zare, & amici; deliberatur, quo mortis genere Iudæi hominis contumacia plestenda. Omnium est sententia, ut patibulum erigatur ad gulam perduellis frangendam; tantò ad terrorem atrocius, quanto ad ignominiam conspectius. *Mardochæo alta crux, tititudine, quod non temerè facer historicus memorat. Sed hæc erigitur.* machina in aliud longè collum erat fabricata.

Eadem fortè nocte, quæ inter suspensum intercedebat, rex infomnis, suorum sibi gestorum historiam jubet prælegi; discit ex ea, capiti suo per eunuchos (alter *Bagathanes*, alter *Tbares* ap- *Mardochæo* pellabatur, qui cū à poculis essent regi, creduntur veneno mor- *is insidias* tem ei voluisse conficere) insidias esse structas, indice Mardo- *detegit.* chæo detectas, nullā relatā in bene merentem vel gratiā, vel præmio. Commodum aderat circa id temporis, nempe dilu- *Diversa in* culum, solitò maturior, in regia Amanus. Regem curæ exci- *utroque ma-* taverant, hominis sibi fidi beneficijs ornandi; istum odia non si- *tutina vigi-* nebant quiescere. capitis sibi invisī è medio submovendi; Rex *lantia cau-* cogitabat de Mardochæo ad honores sublevando; Amanus la- *sa.* borabat de eo in crucem tollendo; sed eventum nimium quantum à sa- *cogitatis* cogitatis abludente.

Interrogabat Assuerus hominem, majora fastigiò humanò spirantem, quò mactandus esset honoris genere, quem rex percuperet insignissimè condecoratum. Eam ipse rogationem cū non dubitaret ad suæ dignitatis incrementa pertinere (semper enim ad sublimiora tendit ambitio; in modum fumi ascendit, ut evanescat) consilium suggerit, tam suo plenum dedecore, quàm Mardochæi gloriā. Rex, ait, si vis hominē præclarè de te, tuòq; regno meritū, favoribus beare raris, tuāq; magnificentiā dignis, fac, ut regio vestitus ornatu, vehatur equo, qui te infestorem deceat, & circumducatur per urbem, tenente frænos Satraparum principe, & præconis instar præclamante: *Sic honorabitur quemcunque voluerit rex honorare.* Arripuit rex, quod suadebatur; jubetur Mardochæus, in morem regis indutus, & diademate ac aureo torque fulgens, equo generosissimo imponi, & Amāno, quò nemo inter proceres potentior, præeunte ac præconem agente, per omnia urbis amplissimæ fora circumvehi. Hæsit inter cultrum & saxum fastus; hinc excludente tergiversationem mandato regio: inde sublimes spiritus torquente *servili*

*Mardocheus regio or-  
matu, sub-  
limis in e-  
quò inveni-  
tur, Amanus  
frenos te-  
nente.*

servili obsequiò, & quidem, in inimicum capitale conferendò. Instituitur invidiola pompa. Fuit à pedibus Amanus Mardocheus, quem jam cum tota gente sua proculcatum credebatur. Quot oculi spectantium, tot ludibria, tot tela, quibus ambitio confixa. Neuter suam fortunam capiebat: Mardocheus secundam, Amanus adversam; ille regali rubebat purpurâ: hic suâ; sed non alio tinctore, quàm pudore, infectâ. Quantum fortunæ pristinæ decreverit magnitudo, singulos ad passus numerabat. etiam tum felix, si æstimare infelicitatem suam poruisset: si reputare animo, quàm breves & mutabiles sint rerum vices: quàm fortuna nunquam simpliciter indulgeat; & tunc maximè concutiatur, cum ad fastigium venit. Si frenos equi, quos anteambulo predebatur, ad feroces animi impetus edomandos transferre voluisset. Sed imbecillior erat stomachus, quàm ut concoquere posset depressionem ad ministerium tam vile.

*Estheris pro  
gente sua  
deprecatio.*

Ultionis igitur desiderio tabescens, & velut canis in iactum lapidem, non manum jacentis, sæviens, proripit se domum aperto capite, etiam solem erubescens; & quâ spongiâ tanti nota dedecoris abstergi queat, ab amicis exquirat. Dum consulatur, & consilij nihil expeditur; superveniunt evnuchi regij, hominem evocantes ad epulas à regina instructas. Cunctantem, & majora mala præfagientem, urgent etiam, & compellunt. Itaque compareret invitus. Sub finem convivij, cum rex incaluisse merò; Regina, compositâ ad omnem modestiam & sollicitudinem oratione, institit deprecari pro capite tam suo, quàm gentis suæ universæ. Inexpectata supplicatio, decòris mixta lacrimis, miros in regis animo motus excitavit; tangebatur eum cōmiseratio reginæ non solum charissimæ, sed etiam innocentis; deinde populi tam numerosi (nam Hebræa natio per omnes regni provincias diffusa erat) & inferendis ærario suo tributis perutilis; igitur excandescere in tantæ crudelitatis molitionem, & eius auctorem reposcere. Ubi intellexit, concepti facinoris atrocitatem ad Amanum pertinere, tum verò surgit indignabundus de convivio, & in hortum trêlinio vicinum concedit, sive ut furoris æstum liberiore aura temperaret, sive ut spatium sumeret de modo supplicij statuendi. Amanum interea instantia fata premebant; unicum restabat asyllum, & ara salutis, clementia *Estheris*. Huic, ut erat super lectulum tricliniarem reclinata, sese adsternit supplex, & gratiam prestat vitæ, qui tot mortalium millibus internecionem parârat. Cæterum regem iræ vehementia nullo patiebatur loco consistere; redit minarum plenus in cœnaculum, & (ô fatalem lubricamque hominum sortem!) reperit Amanum reginæ lectulo

lestulo affusum. mox suspicione meditati flagitij correptus ( est enim præceps furor) imperat, ut nefandus scelerum artifex, obnupto capite, succidanea victima, in eandem, quam Mardochæo crexerat, crucem agatur. Dictum, factum. Eadem nocte, Persarum more, supplicium sumptum de ijs, qui Amanum sanguine continebāt continuatā per sequentes dies poenā in devota morti capita. Equibus decem nominatim Aman, filij delecti, triste spectaculum in crucibus pependerunt; fortunis damnatorum, reginæ fisco addictis. Amanus imprimis, luculentum ambitionis documentum extitit, quorundam ex alto descensum, etiam ascendendo fieri; cūque vulgò Casus omnis in profunda feratur; profundius tamen, ignominiosiusque cum Amano sursum, & in sublime rui. Mardochæus, translata in ipsum strangulati dignitate, princeps palatii constituitur, tanta accessione gratiæ, ut abs regina pater, à rege conservator audiret. Poterat videri contritus in capite draco, quem nocturnæ imagines cum Marchodæo commiserunt, nisi pars magna veneni in cauda vibraretur. Sanguinaria in Hebræos per Amanum edicta ultimum ictum, & vix intervertendum, intentabant. Cū Estheris & Mardochæi eā, quæ par erat, curā, crudelis sententia revocatur à rege; & quia periculum in mora, volant celeriter per omnes provincias imperatoris litteræ, quibus non tantum truculenta Iudæorum interemptio antiquatur; sed ijs insuper jus gladii permittitur, omnes illos contrucidandi, quos sanguini suo inhiasse, compertos haberent. Divina historia septuaginta quinque millia à Iudæis neci data; cædisque factæ memoriā, festa quotannis solennitate repetitā, memorat. Tantā capitum stragem fecit exortus à genibus fastus.

*Amanus cum propinquis in crucem agitur.*

*75000. Persarum à Iudæis neci dantur.*

## DOCTRINA.

**M**agna rerum varietas, & inexpectatæ eventuum vices insunt in hac historia. Mirus hinc Fortunæ, seu Divinæ potius Providentiæ lusus emicat, & argumentum theatri dignum, atque ad mores informandos fecundum. Nos ex hac Libertate in rem nostrā delibabimus, quæ quatuor principes huius prosenij personæ dictis nobis, factisque suis suggerunt observanda. Primus in medium prodit Aman, seque inspicendum præbet, maxime Palatinis, Fortunæ pullus idem & pila, dextrā, lævāque iactata. Nam 1. quis felicior Aman? In Assueri Aula supra cæteros omnes eminebat. Quis infelicior? unus è prætoriana cohorte miles, prætereunti non flectens genua crux est, & tormentum, & omnium felicitatum absynthium. Qui proximus erat regio solio, sit strator equi, & inter circumpedes ambulat. Ex fulminastro cunctos territante, sit ridiculus præco.

Eccc

Quem

*Funestus  
ambitionis  
exitus.*

Quem patrem rex appellabat, perduellis, læsæ majestatis reus, proditor proclamatur. Qui trucibus oculis minas in omnes vibrabat, non sustinet ferre vultum irati regis. Qui ferrum jam strinxerat in universæ gentis Hebrææ jugulum, cogitur ipse jugulum præbere laqueo, & ludibrium ventis in patibulo pendere. Septuaginta hominum millia cum pereunte perierunt, ut non sine pompa clientum, ad inferos descenderet Patronus.

Nempe follis est Ambitio, ventum ut attrahit, ita reddit. Lampas est, tunc extinguenta, cum nimium olei felicitas affundit. Bulla est, citò inflatur, citò rumpitur. Fax est, perit cum fœtore. Ignis est fatuus, in aëre circumactus, præluce in avia. Ventus est, desiturus, cum spirat vehementissimè. Fumus est, ascendendo se consumit. Vates horum casuum Salomon. Prov. 11. *Ubi fuerit superbia, ibi erit & consumelia*, seu ignominia. Nam superbiam comitatur error in consilijs: errorem infelicitas eventuum: hanc opprobrium, dedecus, ruina.

*Inflabilitas  
felicitatis  
humana.*

Time, quisquis secundis Fortunæ flatibus tumescis. Nôris sapienter dictum *Sener. Thyest.* Dum excelsus steti, nunquam pa- vere destiti.

Fortuna magna non caret formidine,  
Nec splendor eminens vacat periculo.  
Et quidquid altum est, haud tutum diu manet;  
Ruet vel invidia, vel tempore.

*Fallax gra-  
tia Princi-  
pum.*

Sublimium exitus frequens, *cadere*. Aulicos monet Siracides, ut cautè ambulent, *quoniam in medio laqueorum ingrediuntur*. Eccli. c. 9. Sapienter Scythæ ad Alexandrum M. *Arbores magna diu crescunt, unâ horâ extirpantur*. Curt. lib. 7. Ex eodem: Nihil tam firmum est, cui periculum non sit etiam ab invalido. Uti fuit Amano à Mardochæo. Igitur pelago ne nimium fide sereno. Fallax est favor, & gratia blandientis fortis. Contrahe vela, dum nimium implentur. Icarus quò sublimiùs evolavit, hoc profundius delaptus est. Terreant casus, quibus pleni sunt libri, plenæ sunt Aulæ. Ex amicissimis Alexandri M. Lyfimachus, leoni objectus; Clitus hastâ trajectus; Calliphenes mori jussus; Philotas miserè cæsus; Parmenio per speciem amicitiae occisus. Seianus Tiberij, per scalas Gemonias uncò tractus; Ablavius Constantij in frusta concisus, Eutropius Theodosij securi percussus; Ruffinus eiusdem cædem etiam cum ludibrio conjunctam subiit; Non meliùs actum cum Stilicone Honorij; cum Belisario Justiniani, qui orbatu oculis, mendicus in ponte stetit, quod non ignobiles scriptores tradunt. De recentiore memoria quid dicam? Quis ignorat in Hispania Alvaros de luna sub Joanne II. Legionis & Castellæ rege? Quis Ducees Olivares sub Philippo IV. Quis in Gallia Bironios



Bironios & Ancræos ? Quis in Anglia Volsæos, & Effexios ? Quis in Germania sub Friderico II. Imp. Petros de Vineâ ? Quàm multi alij, Fortunæ risus & ludibria ! quorum infelicissimum genus infortunij, nimium felices fuisse.

Post Amanum spectari dignus Mardochæus, se contemplandum offert, multiplici virtute illustris. 1. Cura singularis in Esther nepte sua, & filia adoptata, benè educanda, & patrij institutis imbuenda. 2. Paterna sollicitudo in gentis suæ salute asserenda, 3. egregia fidelitas erga regem, insidiatores deferendo. 4. Magna religionis constantia, & animus infractus in capitalissimi, potentissimi que inimici terroribus contemnendis. 5. Mira prudentia & dexteritas in periculis à se, & populo Iudaico avertendis. 6. Insignis in utraque fortuna moderatio; nam post triumphalem illam transvectionem, redijt ad officium in vestibulo regis excubandi. 7. Magnitudo animi contra tot hostium millia, capitalem sententiam obtinendo & exequendo; Persarum insuper habitis odiis & invidia. Neque obijcias cum proprij sensus æquò tenaciorem, venerationem Amano negasse, more gentis consuetam. Suæ testis ipse modestiæ cap. 13. *Domine rex omnipotens, tu scis, quia non pro superbia & contumelia, & aliqua gloria cupiditate fecerim hoc, ut non adorarem Aman superbissimum (libenter enim pro salute Israel, etiam vestigia pedum eius deosculari paratus essem) sed timui, ne bonorem DEI mei transferrem ad hominem.* Noluit Amano genua flectere, quippe honores sibi divinos vendicanti, & inter minora post regem Numina, colli expetenti. Eam Mardochæus assentationem, superstitioni connexam averfatus, adduci non potuit, ut ullis à se periculis extorqueri pateretur. Scimus ex historijs, ipsos etiam ethnicos, deorum cultum hominibus deferre noluisse. Hinc Ismenias, Thebanorum ad Persas legatus, studiò sibi annulum excidere sivit, eumque profundè inflexo corpore tollens regem adorare visus est; sed ipse secum cogitabat; NON TIBI, SED ANNULO. *Plutarch.* Et *Callisthenes apud Curt. lib. 12.* contra divinitatem Alexandri per-, orans: Hominem, inquit, consequitur aliquando, (more gentium) „ nunquam comitatur divinitas. Et *Martialis de Domitiano.*

*Mardochæi laudes.*

Dicturus Dominum, Deumque non sum. Sunt, qui opinentur, Amanum deos suos, acù pîctos, in veste gerasse, & communem cum ijs honorem ambiisse. Sed hic deorum æmulus, in virum incidit, fortunas & vitam tam suam, quàm Hebræorum omnium in regno Assueri degentium in discrimen dare pro honore DEI sui, haudquaquam veritum, Meruit hæc virtus hominum, Divumque favores.

Eccc 2

Nunc

*Estheris  
virtutes.*

Nunc verò in Esthere regina quàm multa sunt suspicienda decora. 1. Promptissima voluntas obsequendi monitis patrui sui. 2. Integritas & innocentia rara in gynæceo Persico. 3. Confidentia in DEO, quâ nixa, non dubitavit pro bono gentis suæ publico caput obijcere præsentissimo mortis periculo; dum est ausa ad Assuerum tyrannum ingredi, *non vocata*; id quod capitale erat apud Persas; apud quos ea lex sancita, ut persona regis occultaretur sub specie majestatis. 4. Eius ad DEUM supplicationes & lacrimæ. Esther. c. 11. Objecti sunt Mardocheo per quietem *duo dracones magni contra se in prælium*. nempe Mardocheus & Amanus. Sequitur: *Fons parvus crevit in fluvium maximum, & in aquas plurimas redundavit. Lux & sol ortus est, & humiles exaltati sunt, & devoraverunt inelytos*. Ingens omnino inter flammivomos dracones erat excitatum incendium, cui restinguendo fluebant Estheris lacrimæ tam abundantes, ut hostes demergerent. 5. Religio & castitas præclara: Eius, cap. 14. verba sunt: *Nôsti (ô DEUS) quia detester cubile in circumcisorum*. Connubij cum Assuero initi unica causâ, salus civium. 6. Demissio animi, & modestia. Hinc illa ibidem: *Tu scis (ô DEUS) quodd abominer signum superbie (cidarim) quod est super caput meum*. 7. Abstinencia in mensa regia, & observantia legis sacræ. cit. cap. *Et quodd non comederim in mensis Aman, nec mihi placuerit convivium regis*. (non sim capta ullis mensarum delicijs, & luxu) *& non biberim vinum libaminum* (nihil degustarim ex mero dijs falsis libato. 8. Fuga malæ voluptatis. *Et quodd nunquam latata sis ancilla tua, nisi in te DEUS Abraham*. loc. cit. O forte peccus! ô animum plûs quàm virilem! nullam unquam è tantâ voluptatum copîa, è tot tâmq; admirandis oblectandorum sensuum artificijs, vel minimam lætitiâ cepisse: in solo DEO, spretis Aulæ ludibrijs, gaudium quæsisse. O invictam ab ea, quæ tot Hercules dejecit, tot virorum myriadas prostravit, voluptate! 9. Magna cura & cautela linguæ, cum invocatione Numinis. *Tri-bue sermonem compositum in ore meo, in conspectu leonis, & transfer cor illius in odium hostis nostri*, cap. 14. Per leonem intelligit Assuerum. Res est periculosa plena alex, loqui. Hinc Salomon Prov. 16. *Hominis est animam preparare: & Domini gubernare linguam*. Non satis est, secum prudenter præmeditatum esse, quæ quis elocuturus sit; nisi quæ cum DEI gratia concepit & disposuit, cum eiusdem auxilio bene proferat. Facillimè labitur lingua, nisi DEUS eam moderetur & gubernet. Quàm multæ in locutione occurrunt circumstantiæ, à loquente non provisæ; quàm secretæ sunt in audiente conditiones, & affectiones, quibus attemperandus sermo. Et quid sunt verba foris sonantia, & instar *Cymbali tinnientia* 1. Corinth. 13.

Nisi



Nisi DEUS addat interiùs vim & vigorem adpersuadendum. Hinc cum Psalte orandum : *Domine labia mea aperies, & os meum annuntiabit laudem tuam.* 10. Josephus historicus addit, eam à DEO formæ, pulchritudinisque gratiam rogasse, ut eâ caperetur atque mitteret Assuerus. Nam quantum ad expugnandos animos telum sit forma, docet Zorobabel apud Esdram lib. 3. c. 4. quod supra, exposuimus. Et *Anacreon*, natura, inquit, dedit tauris cornua, equis ungulas, pedum celeritatem leporibus, dentium hiatum, leonibus, natatum piscibus, volatum avibus, viris prudentiam, feminis quod daret, nihil habebat amplius. Quid ergo dat? Pulchritudinem, quæ ipsis & scutorum, & lancearum omnium instar est. 11. Maximum Estheris ornamentum est, quod fuerit typus & figura eius Reginæ, de qua mellore jure pronuntiaripotest illud Esth. cap. 8. *Judeis autem nova lux oriri visa est, gaudium, bonor, & tripudium.* Per Mariam enim universo mortalium generi, mortis æternæ addicto, subventum est. Hæc est mulierum pulcherrima, Cant. 5. *Huius decorem Rex concupivit.* psal. 44. Hæc mugido electa ut sol affludit. Cant. 6. & gaudium attulit mundo. In offic. Ecclæs.

Restat, ut ad Assuerum convertamus oculos, &, quæ in eo laudanda, quæ vituperanda, advertamus. Reprehensionem merentur. 1. Intemperantia in potu. Esth. c. 1. *cum post nimiam potationem incaluisse merò.* 2. Nimius luxus in convivijs. *Ut ostenderet divitiarum gloria regni sui, ac magnitudinem atque jactantiam potentia sua.* Ibid. 3. Præcipitantia in repudianda regina Vasthi, id minimè meritâ. 4. Immodicus mulierum amor. Ibid. c. 2. 5. Nimia facilitas in Amani consilijs amplectendis & inconsiderata crudelitas. cap. 3. 6. Temeritas in permittenda summa potestate homini, odijs & invidia flagranti. *De populo age, quod tibi placet* Ibid. 7. Crudelitas in edicto per omnes provincias misso, ut occiderent atque delerent omnes *Judeos, à puero usque ad senem*, lb. 8. suspiciosa Zelotypia adversus Amanum, reginæ de genibus supplicantem. 9. Temeritas in promissis, *Dixitque ei (Estheri) rex, postquam vinum biberat abundanter: Quid petis, ut detur tibi? etiamsi dimidiam partem regni mei petieris, impetrabis.* cap. 5. Quid non impetrant vinum, & mulieres?

In Assuero.  
vituperanda.

Jam verò in laudibus reponenda sunt 1. Quòd in splendidissimo convivio, centum octoginta diebus extracto, nemo erat, qui nolentes cogeret ad bibendum. Esther. cap. 1. 2. Quòd decem talentorum milia ab Amano oblata in pretium Hebræi sanguinis, rex rejecit : *Argentum, quod tu polliceris, tuum sit* cap. 3. ne videretur esse mercator, non Imperator vitæ, necisque mortalium.

In Assuero  
laudanda.

Eccc 3

3, Addictus

3. Addictus erat lectioni historicæ. *Noctem illam duxit rex insomnem, jussitque sibi offerri historias, & annales priorum temporum.* c. 6. A mutis magistris didicit, quæ fugienda, quæ sequenda; quæque juvaret meminisse. Fidissimi monitores sunt libri. Mardochæi fidelitas in tenebris latuisset, nisi eam lux historiæ produxisset. 4. Liberalitas in remunerandis suorum promeritis. Expertus est Mardochæus, qui pro fidei regi præstitæ mercede, sumos ad honores effectus; gentique morti destinatæ, fortunæ, vita, libertas, ultio hostium concessa. Imitandum principibus exemplum, & memori mente repetenda verba: *Quid pro hac fide honoris ac præmij Mardochæus consecutus est?* c. 6. Gratus animus parit obsequia, & „incitat bene merendi studia. *Seneca* dictum est *epist.* 83. Hoc ju„stitiæ regum convenit, suam cuique reddere beneficio gratiam: „injuriam talionem, aut certè malam gratiam. Utriusque specimen Assuerus in Mardochæo & Amāno dedit. 5. Fuit æquus Iudex tam gentis suæ hominibus, quàm Hebræis advenis. Sepuaginta Persarum millia neci data, quia plurimis mortalium millibus, innocentibus, necem sunt machinati. Hic illud Poëtæ valuit:

— Rex Jupiter omnibus idem;

Tros, Rutulûsve fuit, nullo discrimine habeo. *Æneid.* 10. Hic illud Davidicum psal. 7. locum habuit: *Convertetur dolor eius in caput eius, & in verticem eius, iniquitas eius descendet.* Iniqua in Hebræos odia, suos auctores perdiderunt. Justitiæ divinæ interpretem Assuerus egit.

## NARRATIO CX. HELIODORVS AB ANGELIS FLA- GELLATVS.

2. Machab. 3.

Anno Mundi 3870. ante Christum 183.



Acrilegiarum tantò severior Vindex Deus, quanto plus interest Numinis sui, res sibi sacratas tueri, memorabile exemplum statuit in *Heliodoro*, Solymæi templi direptore; quem *Seleucus*, Rex Assiæ, *Antiochi* magni filius, cognomento *Philopator* (seu *Amans patris*, ex eo dictus, quòd Asiatico, Romanoque bello patrem assultibus hostium, undequaue circumclusum, eximia

## HEHIODORUS FLAGELLATUS. 587

eximia, filiôque digna charitate juvisset, ac sublevâisset) Hierosolymam misit, sacros templi thesauros expilatum. quid enim est sacrum, quid impervium avaritiæ? Supremum ea tempestate Pontificatum gerebat Jerosolymis, *Onias*, nominis istius tertius; vir DEO probatus & hominibus, ob exquisitam morum & religionis integritatem.

Huic insensus erat ex disparitate vitæ, *Simon* quidam, aliquam templi præfecturam obtinens, eo ferè gradu, quò postea Christianis sub Episcopis, Archidiaconi rem Ecclesiarum familiarem, ac census administrabant. Huius hominis ingenium inquietum, res Israël sacras æquè profanâsque, trahere paullatim ad cultum, ceremoniâsque Græcorum, abolitò Judaismo, velle videbatur. Sed cum in hoc, summa contentione repugnantem sibi Pontificem experiretur: Ierosolymis in Cœlesyriam clam profectus; eoque, quod animo volvebat, consiliò, cum *Apollonio Tharsada*, regionis illius ac Phœnicis Satrapa, communicatò: subornavit eum, ut *Seleuco* regi, Pontificis *Onia*, sacerdotumque Iudaicorum avaritiam exponeret, ut qui pecuniam à regibus Asiaticis ingentem quotannis, per causam impendiorum in victimas, ac templi religiones, accipere non erubescerent, in ærarij regij tantis angustiis; cum interim ipsi Gazophylacium in ipsis templi sui penetralibus extructum, ac circumseptum haberent, in quo defossæ jacerent opes, quæ non tam ad sacrificiorum sumptus, quàm ad luxum & jactantiam spectarent.

Quæ cum per calumniam *Apollonio* asseverâisset; nec Apollonius distulisset explicare *Seleuco* regi: ratus ipse, quidquid ubique vel ad deos spectaret, vel ad homines, id hoc ipso sui quoque juris esse: simul autem & Romani, quod exsolvendum *Antiochi* magni, patris sui nomine restaret, tributì magnitudinem ob oculos habens, & quàm in expedito foret, eo quamprimum onere seu penitus liberari, seu plurimum allevari: mittit in Iudæam illicò, sibi fidissimum, & ex intima depromptum amicitia, regni procuratorem *Heliodorum*. Huic negotium dat *Apollonij*, *Simonis*que fidem inspiciendi; templique gazam, quanta necessarios extra sumptus abstrusa, deprehenderetur, sub unum temporis punctum asportandi.

Proficiscitur *Heliodorus*, multo cum equestri, pedestrique comitum ac satellitum agmine: militaris expeditionis majorem, quàm legationis, præ se speciem ferens; quò majori Ierosolymitis ad imperata facienda, ferendâve terrori foret. Venit Ierosolymam: excipitur hospitaliter: sciscitatur ex *Onia* de templi reconditis opibus: docetur ab eo, nec mirum, nec falsum

*Simonis  
cuiusdam  
adversus  
Oniam Pon-  
tificem cri-  
minatio.*

*Heliodorus  
mittitur ad  
expilandu  
templum  
Ierosolymi-  
tanum.*

nec falsum esse, templi copiarum partem haud aspernandam servari: quippe regum ac principum, & orientis populorum donaria; quibus cœli Numen, toto celebratum orbe, Voti, religionisque causâ, jam ex antiquo venerarentur. Partem autem longè maximam, depositas esse varij generis opes, viduarum dotales reliquias, ac pupillorū patrimonia. Universam verò sumam, etsi grâdem, haudquaquam tamen esse tantam, quanta ad regem fuisset delata.

*Satellites  
Heliodori  
sacrilegi  
puniti.*

Dicebat hæc Onias, &, uti sperabat, à rapina Syrum deterrebat. Sed contrà prorsus evenit. Heliodorus, stipantibus eum armatis, ac per hos effractis portis, templum petit; & omni trepidante, flentēque Sacerdotio, multitudinēque sexūs utriusque civium ejulante, divinam irrumpit in ædem. Iamque suorum cum manu, mista vi minis, instrumentisque fabrilibus expeditis, orsus erat ærarium moliri templi: cum in ipso temporis articulo, DEI vis, occulta quidem illa, sed horrenda, tremore membrorum, formidinēque mentium, ac manifesta nervorum omnium dissolutione, satellitum Heliodori, comitarūque prosternit universum. Et hi quidem jacebant exanimis, extinctisque, quàm spirantibus, similiore.

*Heliodorus  
ab Angelis  
flagellatur.*

At in Heliodorum, cæteris gravius ausum delinquere, poena quoque gravior, eaque (ne somnia sibi fingeret) conspicua patientis oculis, incubuit. Inmissus enim divinitus barbaro splendidus quidem armis aureis, sed æris, oculorūque fulgorantium aspectu terribilis, è cœlestium Angelorum turmis Eques, in adversi frontem ac pectus dedit impetum: eique ferocis, quem infidebat, equi ferratas pedum anteriorum ungulas illisit. Eodem quoque temporis articulo, cœlestes alij duo juvenes, vultūs, habitūsque majestate spectabiles, hinc & hinc Heliodorum, in mediū acceptum, flagris atrocibus, & indefessâ verberum ingeminatio- ne, lacerabant; gementem, ac vociferantem, ejulatūque lamentis & lacrimis miscentem; cum plagas interim nec illi, qui cædebant, remitterent; nec ille, cuius dorsum vapulabat, sentire cessaret. Ubi satis flagris sævitum, illi mortalibus se oculis subduxerunt; Heliodorum autem, tanquam repentino quodam fulminis afflatu prostratum, affixerunt humo. Luctantem mortis inter ac vitæ limites Sacerdotes ac spectatores cæteri, qui præ- sentes adhuc sibi mente constabant, allevant; sed ilique gestatorio per tumukum ac trepitationem, impositum, extrâque templi septa deportatum, profanam in domum inferunt.

Is deinde Pontificis Oniæ precibus, & sacrificijs sibi restitutus, per juvenes, à quibus antea vapulârat, denuo cœlò demissos, ac pristina cultūs, orisque majestate conspicuos, monitus est, salutem

## HEHIODORUS FLAGELLATUS. 589

salutem in acceptis ferret Oniæ ; cuius rogatibus , victimisque Deus eum condonasset. memor quoque, prædicatorem summi Numinis, ubique gentium viveret, ac permaneret; cuius ipse vires ac potentiam, non beneficijs minùs, quàm plagis expertus esset. Quibus illi dictis, videri desierunt; Heliodoro se mandatis eorum, per omnia, singulæque, morem exactissimè gesturum, pollicente.

Neque secus præstitit, quàm promisit. Antiochiam quippe cum ignominia, dedecorèque reversus, non omittebat publicare; *Heliodorus* non modò quanta vis esset Numinis Hebræi, ac Ministrorum *sibi resistit* illius cœlestium, ærario, templòque sacrosancto præsentium, *tus, DEUM* sed etiam conquerebatur, quàm indignum esset, ex intima regis *celi prædicat.* amicitia deligi, legarique, qui locum mortalibus expavescendum expilarent; quò, longè consultius perduelles & hostes, ac læsæ majestatis remitterentur; ut è vestigio, regum ac rerumpublicarum bono perirent. Manebat igitur altè defixum iracundiæ vulnus in pectore, cùm adversus Simonem & Apollonium, tum in regem; quod malè celatum, opportunitate oblata, in eius perniciem erupit, dum *Seleucum* venenò sub epulis præbitò, interfecit, & pro rege se gessit, tantò confidentiùs, quòd *Demetrius*, undennis Seleuci filius, tunc apud Romanos obses, procul à patria degeret. Heliodorum dejecit, & regnum invasit *Antiochus*, Seleu. *Heliodorus* ci frater, Græcis *Epiphanes*, Latinis *Illustris* ac *Nobilis* appellatus, iro- *ab Epipha-* nicè, cùm nihil illi tre gesserit, præter scelera: odio in DEI po- *ne rege dei g-* pulum, acerbitate suppliciorum, & horrenda, qua raptus est *citur.* morte, posterorum memoriæ ad detestationem inscriptus; unde rectius ab alijs *Epimanes* seu *furiosus*, est dictus.

## DOCTRINA.

**Q**uæ de Heliodoro narravimus, porròque de Machabæis, *Sacrilego-* eorumq; hostibus narraturi sumus, desumpta sunt ex duo- *rum pena.* bus libris, qui Machabæorum nomen gerunt, qui fidei sunt indubiæ, quippe inter libros divinos & *Canonicos* ab Ecclesia Catholica connumerati; tertius & quartus Machabæorum, inter *apocryphos* reputantur.

Heliodorus, uti diximus, documentum est formidabile Vindictæ divinæ, ijs incumbentis, qui temerarias manus rebus sacris iniiciunt, templa involant, sacra profanant. Quod scelus Gentilibus quoque visum est atrox, & summè detestabile, propter religionum etiam falsarum reverentiam, & insitum mortalium animis Numen aliquod colendi, timendique sensum. Unde graves dederunt poenas, templorum qualiumcunque violatores; DEI contemptores legis, à natura impositæ, acerbis calamitatibus

FFFF

persequente.

persequente. Ex adagijs notum est *Aurum Tolosanum*, nam cum Q. Cepio Consul oppidum Tolosanum in Gallia diripuisset, multumque auri ex delubro eius loci extulisset; quisquis ex ea direptione aurum attigit, misero, cruciabilique exitu periit. *Gell.* Non mitius cum ijs actum, qui fanum Delphicum celeberrimum expilarunt. Præcipuus sacrilegij auctor *Philomelus*, victus à Thebanis, è saxo præcipitem se dedit; consortes rapinæ non meliora fata sortiti; *Onomarchus* concisus in Thessalia, crucique affixus est. *Phayllus* diuturnis morbis contabuit. *Phalæus*, lymphatico similis, scelerum agitatus conscientia, per varias terras animi cruciatus circumtulit. Quin & mulieres auro sacro ornatae, aut valetudinis, aut pudicitiae, quod gravius est, jacturam passae sunt, DEO impietatem etiam in fictitios deos ulciscente. *Diodorus Siculus Historiar. lib. XVI.* Et *Valerius Max. lib. 1. cap. 19.* memorat, *Brennum* Gallorum ducem, quoddam Delphicum Apollinis templum spoliasset, violentas sibi manus intulisse. Ex historia S. constat, *Ioann* ob surreptos templi Solymæi thesauros, à servis suis interfectum 4. Reg. 12. *Balthasarem* Babyloniae regem, quoddam vasis sacris abuteretur, funditus deletum. 4. *Antiochum*, de quo infra, ob profanatum templum Ierosolymitanum, miserrima morte extinctum. 1. Machab. 1. *Lysimachum* pseudopontificem, multis commissis in eodem templo sacrilegijs, ante ærarium sacrum trucidatum. 2. Machab. 4.

De *Ragenario*, *Hornu* Northmannorum seu Danorum regis, supremo militiae præfecto, *Brunnerus* refert, *part. 2. Annal. Boicor. lib. 6.* cum, cum captâ Lutetiâ Gallorum, revulsos ex porta urbis Parisiensis vestes, truncumque trabis è *D. Germani* cœnobio, infamia spolia, jactabundus velut in triumpho ostentaret, in eodem vestigio oppressum, afflictumque solo, miserabili quiritatu, follis in morem, inflatum, rupto ventre, infelicem animam cum visceribus ejecisse. Terribilius est, quoddam *Baronius tom. 11. ad annum 1055.* ex Petro Damiani recenset de quodam Germaniæ dynasta, Metensis Ecclesiæ invasore; qui post mortem à viro religioso conspectus est, inter crepitantes incendij tartarei flammæ scalæ insistere, paratus ad omnes suscipiendos, qui ex ea profapia in illa tormenta descenderant: eò, qui recentissimus ad inferos detrudebatur, primum scalæ gradum occupante, cæteris gradatim cedentibus, & novo hospiti in ima locum facientibus; Ut sicut eos par rapinæ sacrae possessio conjunxit, ita poena quoque copularet.

Pœnas quoque sacrilegij dederunt *Clotharius*, apud *Baron. ann. 527.* *Carolus Galvus. 843.* *Pipinus rex Francorum. 760.* *Dux Borbonius* ( ut plurimos alios taceam ) *Romam obsident*, cum 40. militum millibus, sacrae prædæ inhiantibus, violenta morte extinctus est, anno 1527.

Recentiora



Recentiora sunt, minus quidem illustria, quippe hominum inferioris fortunæ, non minus tamen luculenta sacrilegiorum exempla ac supplicia, quæ in parte 3. lib. 33. *Annal. Boicorum* recens autor narrat, *ad annum Christi 1648.* Falsi sunt, inquit *bisloricus*, Sueci, apud se, si non dignum piaculo, at certe infauftum haberi, res DEO dicatas, vel impiè attestando, vel sublegendo violare. Eam religionem confirmabant recenti exemplo: Equitem enim, qui pridie sublatam à PP. Dominicanis vestem sacrificio utilem, ephippio post tergum aptasset, mox temeritatem luissè, ferali glande trajectum. Dingelsingæ Suecicus miles Deiparæ minuatam statuam, ut iners simulacrum ludibrio habitum, per contemptum in conclavis angulum abiecit: ut primum Imago terram attigit, simul irrisor eodem momento, in pavementum exanimis concidit. Majore fama celebratur aliud prodigium. Tres equites Virginum DEO sacrarum templum (inferioris Viebachij) ingressi, statuam B. Mariæ Magdalenæ, Christi è cruce pendentes pedes amplexantis conspexere, atque in eius indice anulum aureum, voti causâ, more Catholico olim insertum. Hunc eorum unus digito detraxit. Templo egressus, vix equum conscenderat, cum obtorto collo, vultuque ad tergum obverso, ex equo præceps fuit effusus. Alter ignarus, tam subitum funus poenam esse sacrilegij, inter demortui spolia anulum legit: ut passus aliquot processerat, pari etiam poena plectitur. Tum tertius veram causam subitæ vindictæ subodoratus, anulum templo, & D. Mariæ Magdalenæ iconi restituit. In eadem vicinia aedes est D. Leonardo sacra, cuius janua ferreis equorum soleis erat præmunita. Illas agrestium pietas, anathematum loco solet affigere, quod equorum tutelam non vanis argumentis credant esse potissimum penes hunc Cœlitem. Cum igitur in Suecico equitatu magna esset ferri inopia, ut equi nudis nixi ungulis passim claudicaret, equitum magister eam januam intuitus, soleas omnes inde solvi, & his muniri equorum, quos quadraginta alebat, pedes iussit: verum infelix rei familiaris curator, suo damno fecit hoc compendium: ecce enim equi, ferri furtivi contactu, arcano morbo correpti, paulatim deficere, & suo quilibet ordine emori, donec herus doctus sapere, ultimo, quem habebat adhuc vivum, soleâ detractâ, vires reddidit, vitam servavit. Hæc ex indubitata proborum virorum testificatione referre visum est, ne nos minus operæ in asserenda rerum sacrarum reverentia, quam hostes in ijs dehonestandis, credamur posuisse. Ita Annales.

Lutherus ipse, juratus cæteroquin Orthodoxæ religionis

Ffff 2.

hostis

*Sacrilegi  
etiam here-  
tici dete-  
stabilis.*

hostis, contra bonorum Ecclesiasticorum inuadentes insurgit, in *Sym-  
posiacis suis. cap. 4.* Comprobat, ait, experientia, eos, qui Ecclesia,  
,, stica bona ad se traxerunt, ob ea tandem depauperari, & men-  
,, dicos fieri. Idque confirmat primò testimonio Nobilis D. Ioan-  
nis Hund, Electoralis consiliarij Saxoniae, qui dicere consueve-  
,, rat: Nos nobiles cœnobiorum opes ad nostras attraximus.  
,, Nunc opes nostras Equestres comederunt, & consumpserunt  
,, illæ cœnobiales, ut jam neque cœnobiales, neque Equestres am-  
,, pliùs habeamus. Secundò, Apologò: Aquila, ut suos in nido pul-  
los pasceret, è quodam altari, in quo Iovi sacrificabatur, partem  
carnis assam arripuit, eamque in nidum læta detulit: sed can-  
dens illi adhærebant carbo, qui totum cum pullis nidum confe-  
stim succendit. Sic evenit ijs, qui res Deo sacras ad se rapiunt.  
Graviter in hanc rem *P. Adamus Contzen in Daniele cap. 23. §. 4.*  
,, Expendant, *inquit*, DEI iudicia proceres: nam quotidie hoc  
,, ab avaris agitur, à Deo punitur, à paucis advertitur. Juris-  
,, consultorum vox est: Divini juris sunt res sacræ & religiosæ:  
,, quod autem divini juris est, id in nullius bonis est, semelq; Deo  
,, consecratum, non debet in prophanos usus converti.

Supra dixi, rapinas sacras etiam Ethnicis execrabiles fuisse.  
*Marcus* certè *Tullius*, quinque libris, quibus *Ferris*, Prætoris Roma-  
ni in Sicilia, scelera exagitat, pluribus locis vehementissimè inve-  
hitur in eius sacrilegia. Inter alia, cum *lib. 1.* exprobraret ei fa-  
,, num Apollinis in insula Delo spoliatum: Potèstne, *inquit*, tibi ulla  
,, spes salutis commoda ostendi, cum recordaris, in Deos immorta-  
,, les quàm impius, quàm sceleratus, quàm nefarius fueris?  
,, Apollinémne tu Delium spoliare ausus es? Illine tu templo,  
,, tam antiquo, tam sancto, tam religioso manus impias ac sacri-  
,, legas afferre conatus es? fuit illa cupiditas tanta, quæ tantam  
,, extingueret religionem? ne nunc quidem recordaris, nullum  
,, esse tantum malum, quod non tibi pro sceleribus tuis jam diu  
,, debeatur? Hæc homo tenebris superstitionum involutus; quid  
dicturus fuisset, si lucem religionis Christianæ aspexisset? Claudio  
hanc doctrinam sapientissimis ac pijs duorum potentissimo-  
rum regum dictis; quorum prior, *Philippus* rex Galliae, dicebat:

- Magis decere Principes augere bona Ecclesiarum, quàm  
,, auferre. Et *Ferdinandus* rex catholicus aiebat, malle  
,, se Ecclesiarum orationibus, quàm bonis adiu-  
vari. *Faber. Con. 7. Dom. 9. post Pentec.*

NARRATIO CXI.  
ELEAZARI  
SACERDOTIS, ET SEPTEM  
FRATRV MACHABÆORVM, VNA CVM  
MATRE, ILLUSTRE MARTYRIUM.

1. Machab. 1. & 2. Mach. 5. 6. 7.

Anno Mundi 3886. ante Christum. 167.



Vo tempore *Antiochus* (quem proximè supra vel per ironiam, vel assentationem, *Illustrem* appellatum diximus) per omnia crudelitatis, & nefandorum scelerum genera, Anti-Cristi se præfultorè ostendebat, tantus unius ac veri DEI Osor & persecutor, quantus cõsentitiorum Numinum amator & cultor; horrendis omnis Iudæa concussa est exemplis fidei, vel DEO servatæ, vel abjuratæ. Immissus in Iudæos *Apollonius*, supremus militiæ Antiochi dux, occupatâ per fraudem Ierosolymâ, & direptâ; arce *Sionâ* præsidio militari infesâ, execrandi Jovis statuam in ipso templo adorandam proposuit, ei que porcos in victimas mactari, absumique nomine regis præcepit. Ingens Soly mis trepitationo, & rerum omnium perturbatio. Plurimos amor vitæ ad nefanda sacrificia impulit; alios in occultas speluncas & cæcos recessus egit; non pauci mori potiùs, quàm religionem violare parati, suam DEO fidem per dirissimos cruciatus probaverunt.

Rapiebantur obvii quique ad carnificinam, qui, contrâ quàm Antiochus mandâsset, porcinae gustum abnuerent; qui Sabbatis feriantur; qui circumsectionem Iudaicam vel paterentur ipsi, vel alijs inferrent; universæ per Iudæam domus excutiebantur; quotquot patres, matres, Levitæ, Sacerdotes reperi fuerant circumcidisse parvulos, ij flagris immaniter cæsi, crucibus suffigebantur. Feminae vel in crucibus, vel, si vita jam defici videretur, ante suffixionem strangulabantur. Infantuli, prius jugulati, matrû è cervicibus, etiâ ipsis in crucibus, suspendebantur. Vultus promiscuû, omnisq; fere nobilitas interfecti, tanta cædiû debacchatione, ut sanguinis rivi plateas Ierosolymæ purpurarent. Cuius laniæ prænütia signa, jam antè in cælo exorta Soly morû

Ffff 3

oculos

oculos terrore repleverunt. Spectabantur in aëre diebus quadraginta equites, auratis armis splendidi, cominus districtis inter se gladijs concurrere; eminus jactis se telis infestare, cruentaque belli simulacra ciere, tristi sanè futurarum calamitatum ostentò.

*Constantia  
Eleazari  
Sacerdotis  
in religione  
patria.*

Inter cæteros ad tyrannum, *Antiochiam* in urbem regiam adducitur *Eleazarus* Sacerdos, quem ætas venerabilem omnibus, & divinarum scientia litterarum effecerat. Fertur inter septuaginta Interpretes fuisse, qui circa annum M. 370. à *Ptolomæo Philadelpho* ex Iudæa acciti, Hebræa Biblia in linguam Græcam transfulerunt. Credebatur auctoritas viri magnum in superstitionis partem additura momentum, si eius constantia infringeretur. Igitur *Antiochus* fallacibus verborum blandimentis senis animum aggressus, cum minùs nihil proficeret, terroribus agere cœpit. sed aspera, molliaque, in adamantem inciderunt. Quid enim, aiebat *Eleazarus*, ego leges patrias abnegem; ego sancta instituta abjurem; ego sacerdotales infulas idolis inclinem; ego sacrilegâ perfidiâ canitiem meam contaminem? Senectus portus esse debet, non naufragium superioris vitæ, magisterium perseverantiæ, non exemplum infirmitatis. Quid timeat mori pro lege DEI, quæ lex naturæ in termino vitæ constituitur, secet, rimetur viscera carnifex, nò impetrabit, ut impias manus ad escas infandas exporrigam. Momentum est, quod patimur; excipient præmia sine fine mansura. Ad vos, ô Patres sancti propero; vobis animam hanc impollutam transmittito. Dixit, & in cruciatus senile corpus obtulit. Expediuntur flagra; immanem in modum lacerantur artus; fatigat tortores patientia torti. Naribus ingeritur fuilla rancida; membra laniata extenduntur in eculeo, candentibus ustulantur laminis, defluente carne nudantur ossa; ille tamen oculis in cælum sublatis, nihil remittit ab animi contentione, donec inter preces, pro gentis suæ expiatione fusas, invictus spiritus per amplos vulnerum hiatus excessit.

*Martyrium  
Eleazari.*

Non inferiores magistro & doctore fuere discipuli, septem omnino juvenes, eadem matre geniti (quam *Iosephus Salomonam*, alij *Annam* vocant) annis quidem dispares; sed virtute pares. Nomen & genus primæ nobilitatis apud Iudæos, (*Macchabei* vocabantur, incertum, qua origine) adeò, ut hæc appellatio, non jam unius familiæ decus, sed communis heroum titulus, ea tempestate haberetur. Ad laudem virtutis, claritatem generis, florem ætatis, accessit præstantia formæ, & elegantia morum, quibus omnium oculos & amores in se convertebant. Sub optima disciplina educati, & patrijs legibus ad omnem



## SEPTEM FRATRES MACHABÆI. 595

omnem pietatem instituti, cum desolationem urbis solymææ aspici-  
re non sustinerent, secesserunt in castrum gentilitium, *Susannu-*  
*drum* nomine. Subodorati hanc prædam conquiritores tyranni,  
sitim accenderunt crudelitatis, ad sanguinem, quò nobilior erat,  
hoc avidius hauriendum.

Evocantur Antiochiam cum matre Filij, & religionis nomi-  
ne, cuius retinentissimi erant, comprehenduntur. In quæstione  
sibi constantes, peremptoriò decreto *porcinam*, tanquam mutatæ  
religionis notam ac pignus manducare iubentur. Recusant ad  
unum omnes; matre præeunte filios, verbisque, ne virili quidem  
generositate cessuris, ad constantiam incitante. Rei gestæ fe-  
riem, quoniam sempiternam memoriam meretur, paulò pluri-  
bus, partim è sacris paginis, partim ex memorato historico, re-  
censebimus.

*Septem Ma-  
chabæi fra-  
tres cum  
matre An-  
tiochiam  
ad tribunal  
vocantur.*

Productam ad cruentum tribunal animosam cum parente  
sua cohortem, allocutus insidiosè Antiochus, cœpit magnis pro-  
missis, & præmiorum ostentatione tentare juveniles animos. Ubi  
blandioribus nihil impetravit, omnis generis tormenta proferri  
iussit, virgas, scorpiones, taureas, subulas ignitas, catasta, equu-  
leos, rotas, bullientes pice sartagine. Ibi tum è fratribus natu-  
maximus ( Iosephus *Machabæum* nuncupat ) fortibus ubi verbis  
professus est, quosvis ante cruciatum se subiturum, quàm patrias  
ut leges conculcet; exsecatur ei, iussu tyranni, lingua; de capite  
abstrahitur cutis, manuum ac pedum extremitates amputan-  
tur, truncatus in lebetem igne succensum inijcitur, vivus spirans-  
que torretur; haudquaquam territis ad eam lanienam, qui cir-  
cumstant, fratribus. Eundem in modum excarnificatur secun-  
dò genitus ( *Aber* nomine ) parique constantia animam inter lania-  
tus exhalat. Tertius ( *Machib* dictus ) supplicio admotus ( quem  
miserabilem fecerat duorum fratrum crudelis interitus ) hortan-  
tibus, ut à sententia recederet, respondit, eodem se patre satos,  
eadem matre partos, uno magistro doctos, una lege imbutos, u-  
nanimi obfirmatione roboratos, & ad moriendum in DEI causa,  
paratos esse. Ergo illigatur rotæ, laceratur membris, & æstuanti  
immersus ahenò, fraternæ virtutis æmulus, in tormentis vivere  
desijt. Nihil inde timidior quartus ( *Iudas* appellabatur ) spe  
præmiorum in cælo repositorum, offert se tortoribus; à quibus  
conscissus verberibus, distectus in catasta, deartuatus in rota, exco-  
riato capite, excissa lingua, defectis manibus ac pedibus, injectus  
flamanti cacabo; extinguitur, Pari ratione quintus *Achab* & sextus  
*Aresth*, exprobrata latronibus crudelitate, scødū in modū flagellis di-  
scerpti, cippò cōpreßi, eculco distracti, mutili, decorticati, libetibus  
ardentibus

*Frater  
Machabæi  
alius post  
alium cru-  
deli marty-  
rio afficiun-  
tur.*

*Fortia Machabæorum dicta.*

ardentibus immerſi, martyrij palmam obtinuerunt, adſtante parente, & animos, quos jam olim in lacte hauſerant, ſuperingerente. Iuvenum ad tyrannum voces erant; ſeſe reddere DEO munera ſua: corpus, quo compaſti eſſent: ſpiritum, quem ducerent, in fontem refluere, unde dimanâſſent. Nihil eſſe quæſtuofius, quàm morte emere immortalitatem; brevibus à ſe pœnis, longa gentis ſuæ ſupplicia redimi. Meminiſſet ipſe hominem ſe eſſe & timere, quæcunque homini timenda ſunt. provocare ſe ad tribunal, etiam coronatis capitibus tremendum. Sibi verò minimè difficile, mori, qui vitam jam antè in cauſſa tam nobili contempſiſſent. Hæc illi, tam ſua virtute, quàm genitricis hortatibus animati. Quorum cruciabilis reddebat ſuppliciū mutuus pietatis ſenſus, & in tormentis aſpectus.

*Genitricis adhortatio.*

Cæterum *Salomona* ſexum ſuum dudum ſupergreſſa, nihil aliud obſecrabat, & obteſtabatur chara pignora, quàm ut Machabæos ſe oſtenderent, hoc eſt, heroës, quibuſvis ſupplicijs ſuperiores; ut pulchrum & decorum exiſtimarent non tam pro patria, quàm pro patrijs legibus, pro religione, pro DEO necem oppetere. præmitti eos à ſe, non amitti; poſt triumphale certamen, dulciùs ſeſe in mutuos amplexus redituros. Fruſtrata ſpebus ſuis crudelis impietas, extremam vaſtitiem & ſurorem denique effudit in fratrum, ætate, non fortitudine, minimum, cui *Jacobo* nomen. In hoc naturæ dotes, cum cœli gratijs: maternus amor & fides, cum perfidia & ſævitia tyranni certabant. Admoveretur non ſimplex aries ad puerile pectus concutiendum. Hinc impellebant minæ, verbera, flagra, illinc blanditiæ, munera, promiſſa. ſed incaſſum. Quò ſe verteret trabeatus carnifex? cum aperto Marte haud poſſet excelsæ mentis arcem perfringere; per matrem ſubruere tentat filium barbara nequitia. Jubeatur *Salomona* emollire pervicaciam prolis, & impietate ſepiam probare. Quid illa? Simulat obſequium tyranno, ut officiū matris impendat filio. Jacebat adoleſcens ad carniſcinam paratus; accedit parens, & inclinato ad reſupinatum corpore, alloquitur puerum linguâ patriâ, ut aures tyranni falleret arbitras. Et, ô nate, ait, miſeratio te capiat tui, capiat mei; tui quidem, ne fratrum degener crimen inferas gloriæ noſtræ: mei verò, cui vitam debes & ſanguinem. Ego novem te menſibus charum ventris onus geſtavi: ego trienniò lacteum tibi rorem meis ex uberibus propinavi: ego te ſollicita gerula brachijs meis circumtulī, & ad hanc ætatem perduxī. Attolle cœlo lumina, & univerſi huius Conditorem cogita. Illius munus eſt, quidquid uſpīam eſt. Illius ſervituti naſcimur; illius voluntati occumbimus. Vitam hanc,

*Matris ad filiorum minimum oratio.*



## SEPTEM FRATRES MACHABÆI. 597

hanc, quæ nobis cum bestiis communis est, auferre tyrannus potest: animum, qui nescit interitum, eripere non potest. Maeste fili! perdura fortiter; quod immanior est cruciatus, hoc est brevior. Non perdis vitam, sed cum meliore commutas. Exspectant nos piorum sedes, in quibus te cum laureatis fratribus meo recipiam sinu. Non absolverat sermonem matrona generosissima, cum puer (si tamen puer dici potest, viris fortior) alta voce exclamat: *Non obedio præcepto regis, sed præcepto legis, qua nobis per Moysen data est.* Inde animosa libertate conversus ad tyrannum: Tu verò, inquit, scelestè tantæ crudelitatis artifex, non effugies vindicem DEI manū. Suspendit adhuc fatalem ictum, non sultulit. Incumbet hòc sævior, quod lentior. Damus nos quidem peccatorum gentis nostræ supplicia Numini, sed placabili. Detonat ira iusta in fontia capita; sed brevi post tantò dulcior oborietur lux clementiæ, quantò gravior desævierat tempestas. Parcentis est, quòd feriat: amantis, quòd castiget. Brevis est mora, brevis dolor, qui me fratrum felicitati sociabit ibi, ubi nec mors grassatur, nec carnifex. Te verò, mortalium sceleratissime, manent pœnæ etiam post fata luendæ. Eum tu DEUM, sic moriens vel precor, vel auguror, quem modò arrogantia obcæcatus non agnoscis, pulsatus adorabis; sed serò. Incendit iram tyranni & pudorem oratio mascula pueri. ludibrium sceptri credebat, ab imbelli ætate vinci, quare quid, quid truculentia in tormentis & tortoribus reliquum erat, depromi jubet in puerilia membra. Lanienam immanissimam non tulit fortius tenellus heros, quàm spectavit heroina mater. Quæ demum ipsa quoque, infando supplicij genere consumpta, & suo, & natorum purpurata sanguine, tot lauros retulit, quoties in ipsa filij: illa in filijs vicit, & triumphavit.

## DOCTRINA.

**I**N Martyrum horū laudes, quorū memoriam recolit S. Ecclesia 1. Augusti. (Corpora Antiochiæ Romam translata; capita Coloniæ in quodam virginum cœnobio, teste Serrario, religiosè asservantur) mirè diserti sunt SS PP. Nos ex Panegyricis floribus pauculos decerpemus. Chorum ducat Theophilus Alexandrinus episc. „ 3. Pasch. Quid memorè insignes Machabæorum victorias, qui, ne „ illicitis carnibus vescerentur, & communes tangerent cibos, „ corpora obrulere cruciatibus, totiusque orbis in Ecclesijs Christi, „ sti, laudibus prædicantur, fortiores pœnis, ardentiores, quibus „ comburebantur, ignibus? Victa sunt in eis omnia crudelitatis „ ingenia, & quidquid ira persecutoris invenerat, patientium fortitudo superavit: inter pœnas, magis paternæ legis, quàm „ dolorum

Gggg

„dolorum memores. Lacerabantur viscera rabo, & sanie diffue-  
 „bant artus, tamen sententia perseverabat immobilis : liber e-  
 „rat animus ; & mala præsentia, futurorum bonorum spe de-  
 „spiciebant. Lassabantur tortores, & non lassabatur fides : fran-  
 „gebantur ossa, & volubili rota omnis compago nervorum atque  
 „artuum solvebatur, & in inensum spirantia mortem incendia  
 „confurgebant : plenæ erant ferventis olei sartagine, & ad fri-  
 „genda Sanctorum corpora terrore incredibili personabant. &  
 „tamen inter hæc omnia, paradisum animo deambulantes, non  
 „sentiebant, quod patiebantur, sed quod videre cupiebant. Mens  
 „enim DEI timore vallata, flammæ superat, & varios tormento-  
 „rum spernit dolores. Cùmque semel virtuti se tradiderit, cal-  
 „cat & despicit, quidquid adversi advenerit. Hæc ille.

*Es Ambro-  
sius.*

Dulcissimè, facundissimèque mellifluus *Ambrosius lib. 11. de 1a  
 „cob. & vita beata, cap. 12.* Quis non beatam dixerit Machabæorum  
 „matrem, quæ septem filiorum funeribus octavam se addidit ad  
 „laudem cœlestis triumphii. Spectabat pia mater filiorum cer-  
 „tamina, & quamvis maternorum viscerum compositione qua-  
 „teretur, tamen pietatis studio premebat dolorem. Id unum o-  
 „ptabat sollicita, ne quem superstitem relinqueret, sed omnes  
 „piæ cohæredes mortis acquireret. Nec filij minores tali paren-  
 „te, se cohortabantur : Mortis adversæ petamus in petum. Tunc  
 „enim vivemus, cùm fuerimus mortui. Nemo pietatis ordi-  
 „nem derelinquat, nemo se subtrahat pugnae triumphali. Non  
 „homini, sed DEO nostras animas devovimus ; non homini, sed  
 „DEO, auctori omnium militamus. Talis hæc pugna est, ut ille  
 „gloriosius vicerit, qui crudelius occisus fuerit. Itaque nemo  
 „timuit, nemo trepidavit ! nullus ad mortem ex tot fratribus pi-  
 „grior fuit ; sed omnes tanquam ad immortalitatis metam, ita ad  
 „mortem per acerba supplicia cucurrerunt ; ut mater cernens  
 „consona filiorum agmina, tanquam pia anima, sui corporis  
 „membra in filijs offerebat, & per artus proprios videbatur sibi  
 „subire tormenta. Cadebant filij tormentis exulcerati, mortui  
 „super mortuos adolvebantur, corpora super corpora voluta-  
 „bantur, capita super capita exfecabantur. Refertus erat locus  
 „cadaveribus filiorum, non flevit mater, non lætata est, non ocu-  
 „los cuiusquæ preffit aut ora morientis : non lavit vulnera, sci-  
 „ens gloriosiores esse, si eviscerati & concreti pariter pulvere ac  
 „sanguine viderentur, quales solent de bello redire victores, qualia  
 „solent trophæa ex hostibus reportare. Non superiacienda velami-  
 „na, non prosequendas exequias, nisi suæ quoque comitatu mortis  
 „arbitrata est. Quæ cithara dulciores ederet cantus, quàm mori-  
 „entes filij in tam gravibus supplicijs ediderant ! Erumpebat enim  
 „naturæ

## SEPTEM FRATRES MACHABÆI. 599

„naturæ gemitus, sed invitus. Spectares peremptorum cadavera,  
 „sicut fila chordarū. audires heptachordū psalteriū triumphalib'  
 „gemitibus resultare. Non sic Luna inter stellas refulget, ut inter fi-  
 „lios mater: & cū eos ad martyrium illuminatura deduceret,  
 „& cū amplexata victores, in medio filiorū jaceret. O vera ma-  
 „ter, adamante fortior, melle dulcior, flore fragrantior: ò indissolu-  
 „bile pietatis vinculum! ò verè valida charitas, sicut mors, dura.  
 „Nulla tantarum diluvia passionum tuam potuerunt charitatem  
 „excludere, nulla inundare eam flumina tantarum acerbisum.  
 „Sicut arca in illo mundi diluvio totius orbis spatijs innocua  
 „ferebatur, ita & tu adversus fluctus tam gravium passionum,  
 „pietate immobilis restitisti, & cū posses salutem filiorum eli-  
 „gere, noluisti. Quo affectu vos prosequar sanctæ matris pia  
 „pignora? quò penicillò sermonis mei describam formæ vestræ,  
 „& animarum similitudinem? Stetistis inter exercitus regios,  
 „quibus magna pars orbis terrarum fuit subacta, & solide re-  
 „ge superbo, sine bellico conflictu victoriam reportastis. Vi-  
 „cerunt in vobis sola arma pietatis, dedit poenas tyrannus, &  
 „quia vos non potuistis vincere, & quia atroci peremptus est mor-  
 „te. Hæc Ambrosius.

„Pari eloquentiâ Augustinus serm. 110. de diversis. Ma-  
 „gnum spectaculum fratres, positum est ante oculos fidei nostræ.  
 „Aure audivimus, corde vidimus optantem matrem ante se fini-  
 „re istam vitam filios, longè contrarijs votis consuetudini hu-  
 „manæ. Omnes enim homines filios suos, ex hac vita migran-  
 „do, præcedere volunt, non sequi: illa autem optavit poste-  
 „rior mori. Non enim amittebat filios, sed præmittebat; nec in-  
 „tuebatur, quam vitam finirent, sed quam inchoarent. Desine-  
 „bant enim vivere, ubi quandoque fuerant morituri: & incipie-  
 „bant vivere, sine fine victuri. Parum est fuisse spectatricem:  
 „miratissimus potius hortatricem. Fecundior virtutibus, quàm  
 „foetibus: videns certantes, in quibus omnibus ipsa certa-  
 „bat, & in omnibus vincentibus ipsa vincebat. Et serm. 109.  
 „Istum diem nobis solennem gloria Machabæorum fecit: quo-  
 „rum mirabiles passiones cū legerentur, non autem audi-  
 „mus, sed etiam vidimus & spectavimus. Olim ista gesta sunt,  
 „ante Incarnationem, ante Passionem Domini & Salvatoris no-  
 „stri JESU CHRISTI. In primo populo illo extiterunt, in quo  
 „prophetiæ extiterunt, qui hæc præsentia prædixerunt.  
 „Nec quisquam arbitretur, antequam esset Christianus, nullum  
 „fuisse populum DEO. Imò verò (ut sic loquar, quemadmo-  
 „dum se veritas habet, non nominū consuetudo) Christianus etiā

*Et Augusti-  
nus.*

Gggg 2

„ille tunc

„ ille tunc populus fuit. Unde, sicut dixi, extiterunt prophetæ,  
 „ unde isti Martyres floruerunt? Nondum quidem erat mortuus  
 „ CHRISTUS : sed eos martyres fecit moriturus Christus,  
 „ Hæc S. P.

*Et Chryso-  
 stomus.*

Et *Sanc. Chrysoſtomus homil. de ſeptem Machabæis*, inter alia ;  
 „ Audiant, inquit, hæc univerſæ mæres, & æmulentur virilem  
 „ mulieris huius fortitudinem, & veram circa filios dilectionem,  
 „ & ſecundum illam ſeptem martyrum matrem nutrant filios  
 „ ſuos. Quid ergo æſtimabimus illam mulierem pertuliſſe, ſi  
 „ tamen mulierem iſtam dici oporteat ; cum videret in filiorum  
 „ membris viſcera ſua cruciari : alterius avulſos à ſuis manibus  
 „ digitos ſuper prunas ignium ſpargi : & unius caput clavis con-  
 „ ſigi : alterius capiti cutem detrahi, & totum corpus extracta  
 „ pelle nudari : & eum, qui talia patiebatur, ſtantes fortiter, &  
 „ ipſi tyranno pœnas æternas voce libera comminantem ? Quo-  
 „ modo mater hæc ſpectans elevavit vultum ſuum, & os aperuit,  
 „ & linguam movit in verba ; non in verba materni doloris affe-  
 „ ctu mollia, ſed verba virtutis ? &c. Subjungit : In his omnibus  
 „ filiorum prælijs, & tormentis unum timebat, ne cuiquam  
 „ tyrannus parceret ; & invidiâ diaboli ſoluto certamine, tri-  
 „ umphantium ſcinderetur chorus filiorum eius, ne quis eo-  
 „ rum ſine corona maneret. Ita Chryſoſt.

*Fortium  
 matrum ex-  
 empla.*

*Peto, nate, ut aſpicias ad cælum. 2. Machab. c. 7.* Verba ſunt ma-  
 tris Machabææ ad filiorum natu minimum. Equidem mulier hæc  
 erat fortis, quæ, ut ait Salomon, Proverb. 31. *procul, & de ultimis fini-*  
*buis pretium eius.* Natum, deſideriô cœli ad fortiter patiendum ani-  
 mavit. Fecit idem mater Symphoriani, Chriſtiani adolescentis,  
 qui non ſimplici flagrorum laniênâ deſunctus, cum jam ad ulti-  
 mum ſupplicium Auguſtoduni duceretur, occurrit in via mater,  
 ſed ſalvis capillis, ſed teſto peſtore, nec muliebriter ejulans,  
 verum prout heroidem decebat Chriſtianam ! *Nate*, exclamat, *mi*  
*nate, memento vite æterna, cælum ſuſpice, & ibi regnantem intueri : non*  
*eripitur tibi vita, ſed mutatur melior.* Materna hac voce animatus ju-  
 venis, ferro jugulum conſtanter præbuit. *Surin* 22. *Auguſti.* Ita  
*Barula* puero ſitim inter diriffima verbera conquerenti, & aquam  
 à matre roganti, illa fortiffimè reſpondit, non jam tempus eſſe  
 aquam hauriendi, ſed ſanguinem ſuperis propinandi. Qua vo-  
 ce roboratus puer, & ſitim pro Chriſto, & gladium cervice tenel-  
 la generoſiffimè tulit. 18. Novemb. Pari fortitudine parens *Meli-*  
*thonis* pueruli, unius ex 40. martyribus Sebaſtenis ; quæ cum  
 videret reliquorum martyrum corpora plauſtris impoſita, ad  
 rogum devehî, neglectô filiolô ſuo : quod ſperarent impij carniſices  
 puerum

## SEPTEM FRATRES MACHABÆI. 601

puerum ad idolorum cultum revocari posse, ipsa parvulum in humeros sublatum asportat ad reliquorum cumulum; in cuius complexu Melithon spiritum DEO reddidit, & funeris societate cum cæteris copulatus, unà in cælum è flammis evolavit 9. Martij. Sic *Felicitas*, matrona Romana, Spartanis invidenda, septem filios plumbatis, fustuariò, præcipitiò, ferroque interfectos spectavit oculis irretortis, & octavam post eos coronam accepit 10. Julij. Non minore constantia *Symphorosa*, Getulij martyris conjux, septem filiorum mater, saxò ad collum alligatò, antequam in præterfluentem demergeretur, filios allocuta, præco, dicebat, filios ad victoriam mater, si filij estis, ad patris dextram, & matris sinum etiam per tela & ignes curretis. Ecce morior; pulchræ mortis heredes quos nisi filios dicam meos? Iamque valete: ego mulier per undas portum peto. Si viri estis, per vulnera viam in cælum animo facietis. Neque fessellit ipsam sua spes, neque filios matris exemplum. Ad palos alligati, diverso mortis genere genitricem ad astra secuti sunt; 18. Julij. Hos animos addidit feminis, puerisque desiderium pro Christo, proque felicitatis æternæ præmio cadendi. Verè Psaltes regius psal. 115. *Preiosa in conspectu Domini mors sanctarum eius.* „Plena sunt martyrum membra tormentis: sed plena est anima „in mortalitatis. ait *Cyprian epist. 11.* Juxta Salomonem Sapient. 3. *Esti coram hominibus tormentata passi sunt, spes illorum immortalitate plena est.* „In paucis vexati, in multis bene disponuntur. Mors Martyrum, est scala „vitæ, inquit *Barrad. noster lib. 9. cap. 15. tom. 2.* Scala similis illi, „quam in somnis vidit Iacob. Gen. 28. Ascendebant per illam „Angeli, & descendebant. Per hanc si descendere possent, & „ascendere, mirum in modum exultarent. Pro DEO enim „sumò cum amore & gaudio, si mortis capaces essent, tormenta omnia paterentur. Martyribus invident, (ut nostro loquatur more) quos cernunt pro DEO vitam sanguinemque per „sumos cruciatus effundere. At non possunt per hanc scalam „ascendere Angeli: ascendant & descendant homines. Ad tollerandos cruciatus descendant: ad sempiternam verò gloriam „ascendant. Descendant corpore in sepulchrum: ascendant „mox animo in cælum. Innixus erat DEUS scalæ Jacob; innixus etiam est scalæ Martyrum, ut ascendentes beato excipiat „complexu. Hæc ille.

Est autem martyrij genus duplex: alterum, quò corpus pro DEO neci offertur: alterum, quò animi cupiditates trucidantur. „Unde *August. serm. 32. de Sanctis*: Tota vita Christiani hominis, „si secundum Evangelium vivat, crux est atq; martyrii & *serm. 23.* „de tempore.

Gggg 3

„de tempore. Nemo, *ait*, dicat, quòd temporibus nostris marty-  
 „rum certamina esse non possunt: habet enim & pax nostra mar-  
 „tyres suos. Nam iracundiam mitigare, libidinem fugere, justi-  
 „tiam custodire, avaritiam contemnere, superbiam humiliare,  
 „magna pars martyrij est.

Machabæi se pro peccatis populi succidant: DEO hostias  
 obtulerunt, ut intelligamus, publica crimina etiam innocentum  
 supplicij sui, piarique; Ut corporis malè affecti tabem sentiunt  
 omnia membra; sic pœna peccati communis transit etiam ad in-  
 fontes; hoc discrimine: ut, quod justum malorum est supplicium,  
 cedat probis in virtutis exercitium & gloriæ incrementum.

## NARRATIO CXII. MATHATHIAE MACHABAEI, DUCIS ET PONTIFICIS HEBRÆI ZELVS PRO HONORE DEI.

1. Machab. c. 2. & Josepho, de rebus Judaicis

Lib. 12. cap. 8.

Anno Mundi 3888. ante Christum. 165.

**P**ost heroinam, Machabæi nominis gloriam,  
 in fortitudinis theatrum heros prodit, *Matthabias*  
 nuncupatione, dignissimus spectari, audiri, legi. *Antiochus*,  
 de quo supra, cùm captâ Hierosolymâ, ci-  
 vium octoginta millia, triduo continuò trucidâset,  
 superstitum verò tantæ cædis mortalium, numerum ingentem  
 cepisset, captorum multitudinem dividisset: templum sacrile-  
 gè diripuisse & profanâset: populum Hebræum per suos præ-  
 fectos, præsertim *Apollonium*, tributis, prædis, cædibus exhausisset:  
 urbem inflammâset: ædificia publica, privatâque diruisset;  
 mœnia, turrèsque dejecisset, arcemque Sionis, prædonum rece-  
 ptaculum effecisset; inter alios *Matthabias*, Machabæi sanguinis  
 Dux & Sacerdos (Serrarius & Salianus cum alijs etiam Pontificem  
 fuisse autumant) cum filijs quinq; (quorum nomina, *Iudas* cognô-  
 mento Machabæus, *Simon*, *Ioannes*, *Ionathas*, *Eleazarus*) *Môdinam*, Da-  
 niticæ Tribus montanū oppidum, Ierosolymis conigravit. Antio-  
 chus quippe, cùm Iudaici nominis universi, Sacrorumque Mo-  
 saicorum excidio, Græcorum ritus, Deorumq; fictitiorū cultū, pro-  
 positis acerbissimis supplicijs, invchere contendebat. Quæ diræ  
 crudelitatis

*Matthabias  
 cum filijs  
 Ierosolymis  
 recedis,*



# MATHATHIAS MACHABÆUS. 603

crudelitatis exempla Mathathiam cum suis irritarunt ad piam, adversus impia tribunalia, rebellionem, hac, quam affero, rerum occasione.

Mathathiæ fugâ cognitâ, venerunt Môdinam non ita multo post, è præfectis regijs, qui Ierosolymis, & in vicino, præsidia contra Iudæos agitabant, nonnulli infensiores, nec sine militari comitatu. Quorum agmen tunc ducebat *Apelles* quidam; ex ipsa nuper Antiochia missus ab Epiphane, qui locis omnibus, omnes, nullo discrimine, Iovi, Diisque Græcorum cæteris, immolare compelleret. Iamque Mathathiæ municipum & contribulium, è sæce maximè plebeia, complures imperata fecerant: urgebantq; præfecti Mathathiam quoque; ne, qui primus illic esset dignitate, postremum se credi, dicique vellet, in regis obsequia. Detestante verò palàm hoc officij genus, ac longissimè renuente Mathathiâ: Iudæus se quidam oculis omnium ausus ingerere: quippe tantò gratiosior (uti sperabat) ex ostentatione promptitudinis futurus; quanto sese Sacerdos inviosorem ministris regijs è cunctatione reddidisset. Cùm autem scelestus hic, conscensis aræ gradibus, simulacro Jovis publicè thus adoleret: incensus irâ justissimâ Mathathias, distringit ferrum: perrumpit spectantium globum: irruit in sacrificantem: eoque super ipsam aram trucidatò, perspersum cruore Iovem evertit; aram subruit; Apellem contrâ vociferantem ac furentem, in tribunali suo contrucidat, sibiq; per obstantes fatellitum cuneos viam, dextrâ, lævâque feriens, aperit: maximâque voce tum filios suos, tum alios omnes, siqui DEI nondum immemores essent, evocatos post se, relictis fortunis, domesticis omnibus, in avia silvarum, montiumque trahit. Eaque magna fuit, etiamnum pro DEI, legumque reverentia stantium, sexus utriusque multitudo; sic, ut paucis post diebus, unius duntaxat agminis, quod in antrum se quoddam abdiderat, ac barbaris eos evocantibus, nec morem gerere, nec arma contrâ ferre sustinuerat, mille ferè, sarmentis superingestis, incensisq; consumpti sint. Mathathias verò collecto exercitu non aspernando, nunc excursionibus, nunc acie justa, minoribusque prælijs copias suas (utcunque sese scrutantibus offerret opportunitas) in hostem ducebat tam indigenam, quàm externum: ac modis ac vijs omnibus, tum Iudæos transfugas, tum Syros & Græcos exagitabat.

• Cæterum vitâ, quàm animo contractiore, sub eum ipsam, quò bellare coeperat, annum, morte decessit pacatissima; nec eorum, quæ post se fieri vellet, injuriosâ vel improvidâ. Supremis enim verbis suos affatus; ac multis ad retinenda patria sacrorum instituta

*Mathathiam  
impium Iu-  
dæum super  
aram tra-  
cidat.*

*Colligit ex-  
ercitum.*

*Moriens fili  
lijs curam  
religionis  
commendat*

instituta cohortatus, filios omnes, fortitudinis suæ successores designavit; quorum armis, & sacrorum principatui Iudam Machabæum; consilij ac momentis armorum Simonem, præfecit. De functo, & publicis lacrimis elato parente, Iudas è vestigio quidquid roboris militaris erat in Iudæa, collegit, & Syris ac Græcis, infestus pariter & invictus, restitit. Imprimis verò Mosaicæ religionis transfugas, ac populi turbatores armis infectabatur, & in arctum compactos flammis absumebat. Longum esset illius omnia proelia, velitationesque, quibus Antiochi legatos ac duces exagitavit, exponere. Quare pugnas duntaxat eas referemus, quæ potissimum eminentes, nomen eius barbaris formidabile, civibus gloriosum reddiderunt.

## DOCTRINA.

*Fortitudo  
Mathathias  
pluribus  
explicatur.*

**S**Epe, quod defuit viribus, supplevit animus; animum autem addidit necessitas: hanc iniecit officium tutandæ religionis, & honoris DEI. Quod si unquam verum est illud Poætæ. 10. *Mesam. Audentes DEUS ipse juvat.* tum id maximè locum habet in propugnatione legis divinæ. Summis laudibus extollenda generosæ mentis audacia, quæ pro DEO nullis exterretur periculis, „ nullis percellitur laboribus. Quodsi juxta *Tullium Offic. 1.* Fortitudo virtus est, pugnant pro æquitate, quis heroum ullus fuit fortior Mathathias, qui pro religionis avitæ defensione, in præsentissimæ, dirissimæque mortis discrimen se conjecit. Et si juxta *Senecam epist. 88.* Fortitudo contemptrix timendorum est: terribilia, & sub jugum mittentia despicit, provocat, frangit. Quis generosiùs timenda contempsit, terribilia despexit, provocavit, fregit, quàm Mathathias, solus per armatorum cuneos ad profanam aram evertendam irruens? Erant in oculis, edictum tyranni cruentum; paratam vindictam intentabat ex tribunali legatus regius; primis conatibus exitium minitabantur nudati satellitum gladij; miserorum lacrimæ, unius ex ferocia, omnium cervicij metuentium, salutis ipsum suæ, suorumque admonebant. Temeritatis esse videbatur, extremas gentis Iudæicæ reliquias in certissimam perniciem, incertis ausis dare. Quid igitur faciat heros? quid consilij capiat? Utique non à *carne & sanguine*; sed à ratione, à confidentia in DEUM, à studio gloriæ divinæ asserendæ. Occurrebat animo, *pulchrum* esse, cadere pro patria; sed *pulchrius* pro sanctis patriæ institutis. Pontificem se meminerat; & ideo pro *Lege*: Ducem se recogitabat; & ideo pro *Grege* pugnandum esse. Exemplis didicerat, quisquis manum pro DEO moveret: cum eo, DEUM quoque moturum manum. Veniebat in mentem vox illa

vox illa Numinis Iofueh quondam animantis in prælia : *Confortare, & esto robustus.* Iofuæ 1. Et illud Davidis, magnanimi pugnatoris, psal. 26. *Viriliter age, & confortetur cor tuum.* Aude igitur, & DEI causam, tantis provocatus exemplis, defende. Quid plura requiris? Hæc una potens est, in ferrum & ignes te impellere: & inde quoque expedire. Satis tibi, satis patriæ vixisti, si spiritum ultimum Majorum religioni impendis. Mori præstat, quàm sub impiò tyranno vivere. Seu consilium hoc careat successu, seu cupitum sortiatur exitum, incitamento certè filijs eris, simul manes paternos, simul honorem Numinis vindicandi. Hæc secum ipse; simulque capto repente impetu in medium profilit, & fulminante manu Iudæum apostatam, regiumque præfectum trucidat; viâque per satellites ferro factâ, signum effert, ad arma, animosque adversus deorum falsorum cultores, capeffendos, injurias majestatis æternæ propulsandas. Valuit exemplum ad posterios; iverunt per vestigia filij: & pulcherrimi facinoris memoriam, imitationemque post se natis, reliquerunt.

Dignissima profectò exempla, quorum ad normam, Christiani quoque suas de æstimatione sacrosanctæ religionis rationes „ componant. Nullus est casus, inquit Cicero, pro dignitate & libertate patriæ non ferendus. Quantò magis pro sacris patriæ legibus tuendis, & reipublicæ detrimento, non fluxi temporis, sed ævi sempiterni avertendo. *Lactantius* veræ pietatis magister „ docet *lib. 5. Institution. cap. 22.* Nihil esse in rebus humanis religionē præstantius, eamque summâ vi oportere defendi. Id adeò „ Gentiles quoque perspexerunt; è quibus *Iustinus lib. 8.* Iure illè „ le à dijs proximus habetur, per quem deorum majestas vindicatur. Sed ò quoties major est dimicatio pro *focis*, quàm pro *aris*! Cùm domus ardet, accurrunt omnes, & ferunt aquam contra flammâs; cùm religio laborat; cùm sacrorum hostes incendia spargunt, omnia frigescunt, & congelata sunt: De *Aphraate* Monacho Theodoretus memorat *Eccles. hist. c. 24.* eum tempore Valentis Imperatoris Ariani ex solitudine Antiochiam venisse, & increpitum ab Imperatore, quòd extra cellam in publicum se efferret, respondisse, se in communi incendio (hæresis Arianæ) ad extinguendos ignes accurrere. Sed quid miramur Christiani hominis religiosum animum; quando Metellus, idolorum cultor & pontifex, pro fictitiæ deæ simulacro servando, non dubitavit medias flammâs perrumpere. Is enim Vestali æde fortuito igni flagrante, per obstantes ignes se inferens, Palladium (Palladis signum) incendio subtraxit. Quæ pietas tanti facta est à Romanis, æquis virtutis admiratoribus, ut curru veheretur in curiam: qui honor nulli eius

*In DEI  
caussa stren-  
nue agen-  
dum.*

H h h h

ordinis

ordinis ad id temporis cnotigerat. *Plinius lib. 7 c. 43.* Et hoc ille pro ligneo Deæ trunco ; quid nos pro immortalis DEI honore & gloria ? Æterna laude dignus Mathathias, qui contemptis Antiochi promissis, contemptis vitæ periculis, ubi vidit populares ad aram detestabilem accedere, doluit, & contremuerunt renes eius, & accensus est furor eius secundum iudicium legis, & insiliens trucidavit eum ( qui thura volebat adolere Iovi ) super aram. Quò peractò, exclamavit voce magna, dicens : Omnis, qui Zelum habet legis, statuens testamentum, exeat post me. Ita Scipio quondam Nasica, contra Gracchum progrediens clamabat : Qui vult salvam rempublicam, me sequatur. *Valer. lib. 3. c. 2.* Quàm multi clamant : Qui vult salvam regionem, me sequatur. Qui religionē ; sequatur alium quemvis. Quæ causa ? Propriorum comodorum & honorum cupiditas ad sui defensionem vires omnes evocat, perrumpit obstantia, propulsat invadentia. At siquid pro DEO movendum, terribiles occurrunt formæ, Letibumque, Laborque.

*Quorundā  
Iudeorum  
sinistra reli-  
gio circa ob-  
servatio-  
nem Sabba-  
thi.*

Moriamur omnes in simplicitate nostra. 1. Machab. 3. Æquò religiosiores fuere Iudæi in colendo Sabbatho : maluerunt extrema pati, quàm die Sabbathi lapidem in hostem mittere, nefas rati, tueri se contra invasorem, & vim vi repellere. Errantis id conscientiæ dictamen fuit, & simplicitas, cui ignoscendum ; nam meliora à Rabbinis, seu magistris suis non didicerant. Sapientiùs Mathathias, qui, ut religionem defenderet, religioni sibi duxit, vitam projicere. Non ignorabat, necessitati haud positam legem. Strenuè dimicavit in hostem, magis rationi, quàm vulgari persuasioni obtemperans. Religio cùm est nimia, in superstitionem transit. Peccatur per excessum. Sabbathum, inquit Christus apud Marcum. cap. 2. propter hominem factum est, & non homo propter Sabbathum. Causa quippe institutionis Sabbathicæ est, ut homo à laboribus quiescat, quò expeditiùs curas & animum ad DEI cultum transferat. Peribit hic, si pereant cultores. Malè feriatur, qui præposterè religiosus, necessaria vitæ præsidia negligit, & plus diei tribuit, quàm sibi & salutis suæ. Vox Pauli est Rom. 12. Sit rationale obsequium vestrum. Quod ratione caret, etiam religione caret.

*Mathathias  
morituri  
cohortatio  
ad filios.*

Mathathias è vivis abiturus, cygnum imitatus est, in funere suavissimè canentem. Quod vivens factis præstitit, moriturus verbis confirmavit ; non tam sollicitus, quas filijs relinqueret opes, quàm quas virtutes. Spiritù, quem jam efflaturus erat, cupiebat in pectora suorum immittere ; extinguendus ipse, satagebat ardere per suos. Frigescabant membra, animum tamen Zelus honoris divini urebat ; hunc ignem ut ad posteros propagaret, filios suos jam antè paternis exemplis accensos, magis etiam, novissimis

novissimis verbis inflammare contendit. Summa supremæ orationis capita erant. Ut filij Majorum vestigijs insistentes, sese pro bono publico, & imprimis defensione cultûs, æterni Numinis, alacriter periculis obijciant. DEUM, quemadmodum non defuit in rebus adversis Abrahamo, Iacobo, Iosepho, Mosi, Davidi, Danieli, aliisque viris, pietate præstantibus, sic pariter ipsis auxilio adfuturum. auderent modò, & viros sese probarent; expecturos, virtuti DEUM felicitatem additurum. Fortibus factis Phineam æternum sibi suisque posteris Sacerdotium comparasse: Iosuen gloriam immortalẽ reportasse; Calebum Palæstinæ possessionem obtinuisse; Davidem à pedo ad sceptrum ascendisse. Neminem adhuc, Deo confidentem, spe sua frustratum esse. Neque formidarent barbarorum, præcipuè Antiochi tyranni, minas; quos cum auro videri fastu distentos, & mortali fastigio sublimiores: aspicit vesper infra humanam sortem depressos. Hodie solis instar eos intumescere; postera die cum summa ignominia dirumpi; è luto compositos, in pulverem abituros. Substernendas ambitiosæ purpuræ tineas, & ostentatricem potentiâ, in prædam vermibus cessuram. Medijs in conatibus impiorum consilia destitui, & laqueis capi, quos innocentia tetenderant. Validissimum in hostes telum esse, pugnandi necessitatem; habendum metum, aut faciendum. Neque paucitate suorum terrentur, virtute, non multitudine vinci. Simonis sapientiam, Iudæ robur, etiam quæ impedita videri possint, expeditura; alterum ingenio, alterum manu rem communẽ sustentaturum. horum dicto audientes essent, & cogitarent, concordia res parvas crescere, discordia, etiam magnas dilabi. Hæc dixit, & benè precatus filijs, vivendi finem fecit.

NARRATIO CXIII.  
**IUDAS MACHABÆVS,** GENTIS HEBRÆÆ ARCHISTRATEGVS,  
 POLIORCETES, RELIGIONIS DEFENSOR,  
 PATRIÆ SERVATOR.

Ex libris Machabæorum, loci in margine, propter digestionẽ historiarum apponuntur.

Anno M. 389. ante Ch. 164. ad an. 3894. ante Ch. 159.



*Iudas cognomento Machabæus, paternæ virtutis æmulus, primò per insidias, deinde apertò bellò Syros persecutus, triũ regũ Antiochi Epiphanis, Antiochi Eupatoris, & Demetrii; Duces militares Apollonium, Seronem, Lyfiam, Gorgiam, Nicanorem, Timotheum,*

H h h h z

*Bacchidem,*

*Bacchidem*, aliósque (præter intestinos hostes, cives perfidos) cum ingentibus copijs fudit, Solymam recepit, templum repurgavit, edidit facinora, quæ Romanum fœdus meruerunt.

1. *Macb. 3.*

*Ibid.*

*Iudas di-  
versos belli  
Duces &  
exercitus  
fundis fu-  
gâtque.  
Ibid.*

2. *Macb. 8.*

Confluxit igitur cum *Apollonio*, Samariæ præfecto; quem cum Syrorum insigni clade stravit, interfecit, armis exiit; ablato quoque, cuius ille bonitate tumuerat, gladiò; quò posthac in omnibus prælijs Machabæus usus est. Suffectum ab Epiphane *Scronem*, ducem & ipsum belli scientissimum non minùs pepulit, ac fugavit. Exinde *Lyfias* (qui Antiochiæ, loco regis Antiochi, in Persas interea moventis, regnum administrabat) *Nicanorem*, & *Gorgiam* (qui *Bacchidem* & *Timotheum* sibi adjunxere) in Judæam im-misit, tantâ victoriæ reportandæ confidentiâ, ut mercatores maxi-mò numerò in castra evocarentur, qui Iudæorum bellò capi-endorum, in singula capita vili pretiò repensò, multitudinem innumerabilem commercarentur. Verùm ubi ad manus ven-tum est; res *Iuda* superior fuit. Fugatur Nicanor: cæduntur Nicanoris militum in acie millia novem, in fuga tria. Capiuntur, qui captivos emptum venerant, mercatores; & pecuniâ, pretiòque mancipiorum, quæ nusquam erant, exuuntur. Paul-lò post *Gorgiam* quoque vicit; & *Bacchidem* ac *Timotheum* in fugam vertit: Syrorumque viginti cæsis in prælio millibus, castella quæ-dam capit opefe, sitûque loci munitissima: Nicanore tantisper ingloriò, ad *Lyfiam* stomachantem refugiente. Machabæus inter hæc suorum è numèro, qui vix septem millium erant, neminem unum desiderabat. Sub hæc autem, ipso præliorum successu ju-ventutem ad armorum audaciâ invitante, Machabæanæ cresce-bat militiæ robor: ut adeò brevè decem jam millium fortissimò-rum, eorûmque voluntariorum robor adstaret.

*Lyfias* verò diffidius Legatorum suorum seu magnanimitati, seu solertiæ; constituit ipse belli fortunam experiri.

1. *Macb. 4.*

*Templum  
repurgatur  
à sordibus.*

Quocirca sexaginta millia pedestrium, & equestrium quinque millia, levis-simorum militum exercitum contrahit, & in Judæam irrumpit. Ad *Bethoronem Gabaoni* vicinam urbem, pugna fit: in qua Iudas decem millibus suorum in aciem contra sexaginta quinque mil-lia barbarorum eductis; eorum quinque millia velociter concidit; residua cædi sexaginta millia profigat: *Lyfiam*q; cogit Antiochiâ, ac nova seu belli, seu pacis consilia repetere. Iudæi verò propin-quam prælij loco Ierosolymâ, victores ingressi, Templi plùs quàm semirutî faciem horridam, squalentiâq; virgultis atria, totûmque locum sterquilinio, quàm ædi supremi Numinis, similiorem intuentur. Pariter ergo medias inter victoriæ gratulationes in lacri-mas ac lamenta solvuntur. Ad instaurandam deinde loci san-ctitatem conversi, sordibus eum purgant, Jovis simulacrum confringunt; templòque suis ritibus expiatò, denuòque dedica-tò, Sacrorum



tò, Sacrorum sedi meliorem faciem inducunt: tures ac munitio-  
nem illico, validissimò militum præsidio constituunt, ad templi  
Majestatem, in reliquum tempus, adversus arcis Sionæ præsi-  
diarios Syros tutandam.

Cùm subinde *Timotheus* iterum (Antiochiæ imperante *Antio-  
cho Eupatore*, Epiphanis filio, cui cognomentum *Generosi* assentator  
Lysias imposuit) magna cum armatorum multitudine Iudæam  
invasisset; confugit ad eam Machabæus, ad quæ solebat, in omnibus  
belli sacri pugnis, præsidia: quæ preces erant ac supplicationes,  
ab omnibus, armatis pariter & inermibus ad DEUM fusæ. Qui-  
bus addebat animi, corporisq; religiosam demissionem, cinere  
conspersis omnium capitibus; ac cilicina veste cinctis super nu-  
da cutelumbis. Tenebat autem in templo palam supplicans al-  
taris cornu, poscentibusq; militiæ *tefferam*, AUXILIUM DEI, da-  
bat; & ad fortiter faciendum inflamabat animos voce quâ suâ,  
quâ divinorum librorum, qui coram multitudine recitabantur.  
Nec mirandum est, DEUM cum illis stetisse, qui cum DEO, pro causa  
DEI stare, rebus omnibus anteferrent. Is igitur pugnam cum Timo-  
theo commissâ, cùm ferveret utrinque proelium, in neutram par-  
tè inclinante certaminis fortunâ, sublati in cælum tessera datæ  
vocibus, cum milite cœpit AUXILIUM inclamare DEI, Nec dila-  
tum diutius est, quod petebatur. Medio namque consistens ar-  
dore, quinque cœlo demissi juvenes, sese Iudæis pariter & hosti-  
bus spectandos obijciunt, equestres, & formâ fulgorisque conspi-  
cui: quorû erant ex auro fræna, Machabæanû hi ducebant exer-  
citus, ita tamen, ut eorum tres aciem antecederent: duo verò Iu-  
dæ utrinque stipatû, armisq; cœlestibus defensum, incolumem-  
que præstarent, & à telis hostilibus intactum. E contrario barba-  
ros incussis eminus, cominusq; jaculis ignitis, intortisque fulmi-  
nibus exanimant, & intolerabili splendoris, ex eorum vultibus &  
armis emicantis magnitudine tantopere percellunt, ut & oculis,  
& mente capti, formidinèq; plusquam Panica trementes  
concliderent, ac ne fugæ quidem satis viam, exitumque reperir-  
ent. Cæsa sunt viginti millia, quingentique peditum: equestris  
verò militiæ (quæ se more suo maturius à cornibus legionû ab-  
ruperat) sexcenti; *Timothei*, *Chæra*, *Apolloniani* abscissa capita, bar-  
baris ostentui, terrorique fuerunt.

1. Mach. 6.  
3. 5. 4. 5  
lib. 2. c. 8

Pro. Iuda  
pugnant  
quinque  
Angelici  
quies.

2. Mach. 10.

1. Mach. 11.

Quibus rebus Lysias cognitis, ac tantis suorum cladibus,  
impediisq;, nullo belli successu, vehementissimè commotus; novû,  
cùmq; quàm maximû è Syria contrahit exercitû, Iudæorûmq; fi-  
nibus inducit; peditatus hostium erant octoginta millia; de  
numero equitatus nihil certi constat. His occursum Machabæ-  
us, ad lacrimas convertitur, populisq; supplicatões; efflagitatur  
H h h h 3 subsidaria

*Iterum lu-  
da opitula-  
tur Angelus  
equestris.*

*2. Mach. 12.*

*Denudò cæ-  
lestis miles  
Iudam ad-  
juvat.*

*2. Mach. 13.*

subsidiaria de cælo manus : nominatim angelorum rursus auxilium, ac præsentia. Nec minore, quàm antehac successu. Argumen in hostes armatum ducebat Iudas ; magis autem Angelus, equitis habitu non copias modò Machabæi, sed ipsum quoque Ducem antecedens : amictu quidem cætera candido ; sed armis, thorace, galeâ penitus aureis ; auratâque dextrâ lanceam in hostes quatiens. Cuius aspectu Machabæani (qui thesseram etiam tunc acceperant AUXILIUM DEI) mentium alacritate plusquam humanâ succensi, leonibûsque similes, in Lyfianos irruunt. Primòque ferè certaminis impetu victoriam orsi, cædendi finem non priùs faciunt, quàm undecim Syrorum millibus è peditatu, sexcentis equitibus supra mille prostratis. Exercitum reliquum maxima sui parte vulneribus debilitatum, & impedimentis ac castris exutum profligant : abjectisq; passim armis, salutem è fuga petere compellunt. Ac Timothei quidem, unus è primis Lyfiæ ducibus (diversi ab illo superiore) milites in fanum quoddam sese receperunt ; Lyfias autem ipse scæda, præcipitque fugâ Syriam, quam se triumphantem speraverat ingressurum, repetebat. Nec diu pòst, abjecta spe debellandi Iudæos, fœdus cum ijs iniijt, auctoritate regis confirmatum. Sed hæc pax paucorum mensium fuit, eam turbante maximè Timotheo, qui nuper ultra Iordanem ablatus fugâ, reparavit exercitum, centum viginti millium peditum, equitumq; bis mille, quingentorû, & contra Machabæi non plus sex millium copias (nam partem militum Iudas ducibus *Desûbeo & Sosipatro* commiserat ad validissimum Timotheanorum præsidium expugnandum) movit. Re ad prælij fortunam deducta, Iudæ præcurrunt antesignani : conspicitur à Timotheaneis cœlestium Militum unus quidam majestate vultûs & habitûs cæteris, qui circum ipsum erant, eminentior, fulgorisque sui vehementiâ divinum quid præ se ferens : ideòque terrorem longè maximum plerisque barbarorum, etiam audacissimis, incutiens. Unde fiebat, ut in se ipsos mutuò versis telis ensibûsque, Machabæorum eos trucidantium manus vulneribus ac cædibus alternis adjuvarent, cum triginta millium Timotheanorû occisione. Dux ipse captus, & incertis cõditiones dimissus. Cæterum, quia perfidos nunquam causâ bellandi deficit, Lyfias insuper habitis pactis & conventis cum gente Hebræa, regem Eupátorem instigat ad bellum cum Iudæis renovandum. Is cum decem & centum peditum, viginti equitum millibus ; turritis elephantis triginta duobus, quadrigis falcatis trecentis Ierosolymam petiit. Cui sese Iudas cum parva suorum manu opponens, cum videret temerarium esse, contra tantas copias aperto Marte dimicare, nocturnam occupavit pugnam, in qua virorum

qua virorum quatuor millia interfecit. Eam sive cladem, sive contumeliam rex in autores refusurus, non ipse modò furore percitus in Iudam movit, sed belluas quoque efferrari volebat, vino & mororum succo potatas. Singulis elephantorum mileni præerant pedites, equites quingenti; tanto armorum apparatu, ut sole radios in clypeos aureos, æreosque vibrante, vicini colles resplenderent. Non cecidit animis Iudas; iterum cum hoste confligit. quo in conflictu occubuerunt è Syris sexcenti audacissimi quique, cæsi Ducis Machabæi decus exoptantes incassum. In illo incurso *Eleazarus*, Iudæ frater, elephantem conspicatus, cæteris & habitudine molis, & apparatu turris ac propugnatorum eminentiorem; iisque signis in eam indutus suspicionem, ut crederet ei regem insidere: viâ ferro per obstantes factâ, multisque dextrorsum, lævorsumque trucidatis, alvum belluæ subiens, impresso visceribus gladiò, puncto temporis eam stravit. Sed prolabentis pondere pariter & ipse superoppressus occubuit; gloriæ, fortitudinisque suæ dignò compri-  
mis tumultò contactus, elephantò, sua manu dejectò: proinde-  
que sepulcro, Mausoleis quibusvis, ac monumentis eburneis gloriosiore. Iudas verò considerata innumerabili hostium multitudine, constituit supremi certaminis aciem declinare. Rex viribus usus Solymam occupat, Chananitidem, quàm latè patet, in potestatem redactus, nisi intestinis tumultibus Antiochiam revocato, pace cum Iudæis facta, regnum ab inessore tyranno *Philippo* recuperandum fuisset.

1. Mach. 6.

*Eleazari  
gloriosus  
occubitus.*

Pacis mox fœdera rupit *Demetrius*, cognomento *Soter*, Seleuci *Philopatoris* filius, *Eupatoris* patruelis, eiusque interfecto & successore. Huius imperijs & auspicijs *Nicanor*, homo, si quisquam alius, furiosus Iudæis incubuit, ingenti cum terrore, & cælestis Numinis contemptu. Machabæus, ut suis faceret animos in certamen, somnium enarravit divinitus immissum; quò sibi visum affirmabat *Oniam*, insignem illum virtutibus ac rebus gestis Pontificem, annis abhinc undecim odiò religionis interfectum. Iuxta eum *Ieremias* visebatur vates divinus; uterque manibus supplicans pro Iudaicæ gentis incolumitate; posterior aureù insuper gladiù visus porrexisset Iudæ cum distis: caperet gladiù divinitus eidono missum, divinitus quoque factum ad id, & inauguratum, ut strage magna conterantur Israelis hostes. Quæ dum Iudas suis, alacritate certandi nova inflammatus exponit; Hostis inter hæc, ultro fiduciâ multitudinis ac virum suarum, non expectato Iudæorum occurso, promotis agminibus præstò fit. Adstat acies ad omnem disposita terrorem. Stant ad pugnam instructi, propterea quæ grandæ terroris incrementum, elephantanti, fremit ardore certaminis tot millium exercitus formidabilis. Iudas cum

2. Mach. 15.

*Onias &  
Ieremias  
jam antè  
defuncti,  
orans pro  
gēte Iudæi-  
ca. Posteri-  
or gladium  
Iudæ porri-  
git.*

suis

*Nicanor  
contemptor  
Numinis  
dat veritas  
panis.*

suis DEUM in vota flectere, consuetam AUXILII DIVINI, vel VI  
CTORIÆ DEI tesseram insonare, insolitò quodam præsentia  
DEI sensu perfundi. Vera sensisse, eventus ostendit; Iudæis  
enim præsidio Numinis & Angelorum, testis & illæsis, Syro-  
rum cæsa, stratæque non minùs triginta quinque millia. Capta di-  
reptæque castra; contritæ vires universæ; primus inter omnes  
cæsus is, qui ferociâ, contemptûque Numinis cæteros antecesser-  
at *Nicanor*. Reliqui, nullo propellente, cum capite secarere cerner-  
ent, in pedes sese coniiciunt: abjectisque, quò promptior esset,  
expeditiorque fuga, clypeis ensibusque, quâ cuique tutissima visa,  
brevissimæque mortis effugiendæ via fuit, illac iter intendunt.  
Quos tamen Hebræi sese gregatim victoribus associantes, à fron-  
te, tergo, lateribus conclusos ita confecerunt: ut ex omni *Nicanor*-  
is expeditione, copiamque, ne nuntius quidem cladis oculus, regi  
*Demetrio* superstes relinqueretur. *Nicanoris* cadaveri caput,  
quod linguâ suâ cœlo convitatum erat, amputatum; à trunco si-  
mul cum humero brachium (quod adversùs DEI Domum mina-  
citer extentum fuerat) resectum; truncus insepultus abjectus;  
caput & brachium Ierosolymis è regione templi in alto suffixum;  
lingua à palati radicibus revulsa, minutissimè coccisa, in aëris pro-  
patulo, quò volucris pabulû esset, proposita; Machabæis tantis-  
per DEO cœli, gratias in templo, chorosque psalmorum agentibus.

*1. Mach. 9.*

*Iudas cum  
Bacchide &  
Alcimo di-  
micat.*

*Demetrius* inter hæc compertò *Nicanoris*, & exercitûs eius  
interitu; necdum furoris in Israëlitas satur, novas adversum Ma-  
chabæum comparat copias; easque sub *Bacchidis*, & *Alcimi* Iudæi,  
proditoris, signis ac ductu mittit in Iudæam. Viginti millia pede-  
stris exercitus, equitum duo millia fuere: cum Iudæ non amplius  
trium millium cohortes ad manum essent. Ex his tamen ipsis, ad  
tantæ multitudinis hostilis conspectum externatis, cum duo mil-  
lia ducentique se periculo, pugnaeque subducentes, Iudæ non plu-  
res octingentis reliquissent: qui & ipsi formidine perculsi, præ-  
lio suaderent abstinendum, quoad novarum accessu copiarum,  
manum sibi firmiorem compararent; Iudas nihilo secius, quan-  
quam & ipse nonnullo metu tactus, etiam tunc sibi constitit, cæ-  
terosque ad audendum animavit: Concinentibus tubis utrinque  
conclamatur: tela, manusque conseruntur: ab ortu solis ad oc-  
casûs ferè viciniam, acerrimè dimicatur ab Hebræis octingentis  
adversum viginti duo barbarorum millia. Nimirum unius Ma-  
chabæi virtus instar erat multorum millium. qui cum globo for-  
tissimorum in dextrum hostium cornu, ubi prætoriani, & robur  
exercitûs stabant, investus, illud cum *Bacchide* profligavit; quos  
dum fugientes persequens, terga ferit antecedentium; coorti à  
tergo, qui sinistram barbarorum cornu tenebant, cædentium cæ-  
dunt dorso, numero suorum, ac totius diei pugna, lassitudinæque  
laborantium;

laborantium ; donec ad extremum cadentibus utrinque compluribus, nec tamen usquam se remittente certaminis ardore, tenebris ingruentibus, sol nocti, virtus multitudini, Judas vulneribus ac morti, Judææque Syriæ succubuit. Corpus Judæ fratres asportavere : *Módina* sepelivit : pollinxit pia cognatorum turba ; lavit denique totius populi multa, diuturnaque lacrima ; quam tamen utcunque in *Ionatha* fratre, fraternumque robur æmulante post absterfit ; intestinis odijs statim involvendus.

*Judas gloriöse occumbit.*

## DOCTRINA.

**N**umeros omnes egregij militis pariter ac belli Ducis explevit Judas Machabæus. Præstitit, quidquid ab optimo Imperatore desiderari potest. Fuit in eo scientia militaris summa, auctoritas maxima, felicitas perpetua ; fortitudo in periculis, industria in agendo, celeritas inconficiendo, consilium in providendo ; & super omnia, vitæ integritas, in DEUM religio, in patriam pietas. Non tam verbis, quam exemplis animavit milites. Quotò major, quam Cato ille, de quo Lucanus :

*Laudes militares Iudæ.*

O quibus una salus, placuit mea castra secutus

Indomita cervice mori, componite mentes

Ad magnum virtutis opus, sumósque labores.

Principium ei felicitatis, iusta belli causa. Illætabilis armorum usus est, cum Martis currum instruunt Furæ.

— Cum jungunt comites se, tristis Erynnis,

Et bellona minax, facibusque armata Megæra,

Lethumque, Insidiæque, & lurida Mortis imago,

Quos inter Furor, abruptis ceu liber habenis

sanguineum tollit caput,

De Machabæanis sacer historicus. 1. Machab. 3. *Præliabantur præ-*

*lium Israël cum lætitia.* Alacritatem præliandi non excitavit incon-

sulta ferocia ; non accensa vini potu temeritas ; non furor insa-

nus rapiendæ prædæ. Lætitiâ & animos addidit cupiditas hon-

oris vindicandi divini ; amor legis sanctissimæ tuendæ & reti-

gendæ ; Zelus ardens impias manus à Solymæo templo propul-

sandi. Hæc alacritatis causa ; nam & Fortitudo, mille quamvis

discriminibus circumsepta, suam habet delectationem. Hic lo-

cus est illi ænigmati Samsonio ; *Defors, dulcedo.* Quis enim neget,

ipsa quoque pericula viris fortibus esse dulcia ? Multi minus au-

dent in prælio, quia minus habent fiduciæ in conscientia. De

Machabæanis sacer scriptor 2. Mach. c. 11. *Leonum autem more, im-*

*petu irruentes in hostes &c.* Qualis dux, talis miles. facile contempse-

runt vitam, quibus erat gloriosum pro DEO mori. Quod si du-

ce leone, etiam cervi timendi, quantus fuerit barbaris terror, leo-

*Alacritas militaria in exercitu Iudæ.*

num ductor leo Iudas ! Tanti est, quo duce, quâ belli causâ, quâ bellantium innocentia in hostem eatur.

*Unde fortuna bellica ?*

Nostri Machabæi vires pugnandi devocabant è cœlo. Suspiria erant tubæ, preces classicum, quibus Martem suum accendebant. Primæ velitationi præludebant inspersi capitibus cineres, accincti horridis pilis lumbi ; Hinc ille impetus, hosti non sustinendus. Felix gladius, qui suam aciem è cœlo ducit. Alphonsus Aragonum ac Siciliæ rex, filium artibus bellicis instituturus, „ hæc inter ultima verba dixit : Nunc quod maximè te moneo, si „ li charissime, illud est ; ne tantum aut tuæ, aut commilitonum „ audaciæ tribuas, ut putes absque Numinis auxilio victoriam ul „ lam haberi posse. Victoria, mihi crede, non hominum disciplinis „ aut industriâ comparatur, sed Dei Opt. Max. benignitate & ar „ bitrio. Illa demum scientia rei militaris profutura est, si DEUM „ nobis pietate atque innocentia pacatum, propitiumque conciliaverimus. *Panormitan. lib. 3. de dictis Alphonsi regis. cap. 51.* Validissimus in hostem ictus est, cum suam Cœlites manum commodant. Illud *Claudian* meritò Iudæ Machabæo occinimus :

*Cœlitum in bello auxilium.*

O nimium dilecte Deo, cui militat æther !

*Tessera militaris.*

Et verò, plurimum interest, quâ tessera victoriam auspiceris. Iudæ militare Symbolum fuit : AUXILIUM DEI. Machabæorum „ si pietatem ( inquit Ruinarum illustrium Scriptor ) nostratum „ quoque temporum castra sequerentur ; eorundem utique felicitatem etiam ac victorias sequerentur. Nunc quales sæpe sunt „ milites Christianorum, ac Duces ; tales ferè sequuntur è castris „ gestorum nuncij ; mali de malis. *Decad. 4. Ruin. 39.* In pugna Pharsalica Cæsar tesseram edidit : VENUS ! Pompejus : HERCULES INVICTUS ! Utinam non hodie quoque, Confidentia in DEO ponendæ prævaleret apud bellatores, amoris impuri, vel ambitionis perversæ cupiditas. Venus, & Hercules ( libido, & fastus immodicus ) nimium, quàm sæpe victorias corrumpunt. *Equus paratur ad diem belli :* ( inquit Salom. in *Parab. cap. 21.* ) *Domibus autem salutem tribuit.* Frustra acies, arma, milites, nisi DEUS precibus conciliatus robur addat brachio humano. Veniunt ad classica Divi, ritè vocati. Ita Carolus V. rebelles in Germania domuit, quia militari tessera nominati DD. Georgius & Jacobus præstò fuere. Et merebatur vincentis modestia victoriam ; qui C. J. Cæsaris arrogans illud : VENI, VIDI, VICI, religiosè vertit ; VENI, VIDI, DEUS VICIT. Ex historijs constat, frequenter Cœlites Christianis exercitibus aspectabiles, auxilio fuisse. Certè Hispanis in proelijs jam olim solemne fuit S. Jacobum appellare, præsertim ex quo ( ut *Rodericus* insignis Hispanorum historicus prodidit

*Exempla auxilij è cœlo lasi.*

lib. 4.



*lib. 4. c. 13.*) ipse S. Apostolus, Ramirum regem cum Saracenis pugnaturum præmonuit, quæ præstanda essent militibus. & ipse candido vectus equo, præferensque vexillum niveum, rubea cruce distinctum, ductor apparuit, & victoriam attulit. Sic Casimirus regius Poloniae princeps, equo sublimis candidissimo, suis è cælo Lithuanis adfuit, eisque dux & autor ad Motchos internecione delendos extitit. Gallis quoque in prælijs (ut scribit Theophilus Raynaudus, de cultu sanctorum speciali, punct. 7.) mos erat S. Dionysij auxilium poscere. Clodoveus rex Galliae adhuc ethnicus Jovis tutelam, inanem non semel expertus, in S. Dionysij clientelam, docente S. Remigio, se dedit, solitus vernaculo idiomate dicere: Mon Joye S. Denys: meus Jupiter est S. Dionysius. ut bene monstravit Hubertus Thomas in opere de Tungris & Eburonibus. Angli quoque, Duce belli sacri, S. Germano Episcopo, acclamante: *Alleluja*, insignem victoriam retulerunt, ut refert *Beda. 1. hist. cap. 20.* Vide Thomam Bozium de signis Ecclesiae. Recentius est, quod in *lib. de Angelo Custode, Hora V. noctis cap. 3.* narrat noster P. Hieronimus Drexelius, contigisse anno 1622. in prælio, quod Bavaricae copiae cum Marchione Durlacensi commiserunt. Ex equestrium numero unus, niveo vehens equo (*Albatum equitem* dixere) ausu incredibili hostilem aciem omnem prætervectus, volantibus in eum nequicquam plumbeis ex omni parte glandibus, à tergo hostium pulveri pyrio subjecit ignem, & nobilissimam Catholicis victoriam in manum dedit. Angelum fuisse quis dubitaret, cum nemo facinoris illius animosissimi auctorem se ferret, & præmium posceret. Longè mirabilissimum est, quod de paucis contra immensum exercitum prævalentibus referunt *Annua Littera Societatis nostrae ad annum 1584.* Rex Angolanus in India, propter nobiles argenti fodinas in regione Cambaba, Lusitanis bellum moverat, confiato duodecies centenorum millium exercitu. Centum & quinquaginta non amplius Lusitani erant, paucique Æthiopes, qui die Purificationi Matris Virginis sacra, eiusdem patrocinio confisi, innumerabilem illam barbarorum multitudinem profligarunt; è tanta hostium strage, non pluribus, quam septem Lusitanorum desideratis; quos ipsos cecidissetum constat, cum sacerdos è Societate à placando divino Numine conquievit. Nam cum ille primo certamine, ut pro victoria DEO immortalis supplicaret, in interius cubiculū se recepisset, dum assiduæ precationi dat operam, certa victoriæ inclinatio ad Lusitanos fiebat, sine nostrorū sanguine, sine cæde: ut à prece discessit, ratus finem esse certaminis, subito converfis signis in Lusitanos hostis incurrit, ex iisq; septem, ut diximus, interemit. Pater ad DEUM, unde abierat, sine

cunctatione revertitur : nec prius ipse finem precibus, quam pugnae miles imposuit, ut planum omnibus fieret, non humanis, sed divinis opibus partam esse victoriam. *Antonius Dauroulus in Flavio Caisarib. hist. cap. 2. tit. 11.*

Auger Machabæi Iudæ laudes imperatorias ea quoque cura, quam mortuis impendit. Inter militaria præmia meritò numerantur honores, etiam defunctis habiti. Quænam enim major gratia bene meritis rependi potest, quàm ut cæsorū militum non tam statuæ collocentur in terra, quàm animæ inferantur in cœlum. Id Iudas omnibus modis elaboravit, dum collatitiam duodecim millium drachmarum (singulæ drachmæ quatuor festerios constituunt) pecuniam, in victimarum pretium, ac stipem egentium erogavit, pro refrigerio occisorum in bello, si qui flammis adhuc temporarijs apud subterranea loca delictorū reliquias excoquere cogerentur. Unde lib. 2. Machab. c. 11. commendatur hæc pietas : *Salubris & sancta est cogitatio, pro defunctis exorare, ut à peccatis solvantur.* Et hæc est causa, cur libris Machabæorum auctoritatem *Canonicam* derogent Sestarij; quam tamen Magnus Augustinus varijs locis adstruit. Inter „ alia „ lib. de cura pro mortuis habenda, cap. 1. dicit: In Machabæorum libris legimus oblatum pro mortuis sacrificium. Sed „ etsi nunquam in Scripturis veteribus legeretur, non parva est „ universæ Ecclesiæ, quæ in hac consuetudine claret, autoritas, „ ubi in precibus Sacerdotis, quæ Domino Deo ad eius altare „ funduntur, locum suum habet etiam commendatio mortuorum. „ Et *serm. 3. 2. de verbis Apostoli*: Orationibus, inquit, sanctæ Ecclesiæ, „ & sacrificio salutari, & eleemosynis, quæ pro eorum spiritibus „ erogantur, non est dubium mortuos adjuvari, &c. Accedit ad S. Augustini, aliorūque SS. PP. testimonia, quæ videre potes apud Bellarm. de Purgatorio, SS. Concilij Tridentini sanctio, quod libris divinis Machabæorum historiam annumerat. Pungit hoc etiam Novatores, quod cap. ult. lib. 2. Mach. Onias & Jeremias defuncti conspiciantur à Iuda pro populo Iudaico supplicantes; hoc enim supplicem Divorum invocationem confirmat. Hinc Iacobi quoque epistola Catholica ab ipsis rejicitur, quia redarguit nudam, mortuamque sine bonis operibus credulitatem. *Sicut enim corpus,* inquit Iacobus cap. 2. *sine spiritu mortuum est, ita & fides sine operibus mortua est.* Occlamat Lutherus: *Sola fides sufficit.* Reclamat Apostolus: *fides sine operibus mortua est.* Utri plus credendum? Sed ad Machabæos,

Quantus in vita Iudas, Hebræorum gloria, fuerit, etiam moriendo ostendit. Cecidit pugnando. Maluit generosè cadere, quàm timide fugere. Satur hostilis sanguinis, suum quoque hauriendum dedit. Suis instratus palmis, suis lauris immortalis est. Non ante tibi meri

*Defuncti  
precibus &  
sacrificijs  
juvandi.*

*Iudas belli  
fulmen.*

meri defijt, quàm vivere. Unus ipſe terror omniũ, & formidabile belli fulmẽ. Ad piorũ ſedes tunc nobilis Umbra deſcendit, cum nominis claritas, quò creſceret ampliùs, non haberet. Enimverò leo fuit Judas, *qui ad nullius pavebat occurſum.* Prov. 30. Quantus in ungues, quantus in jubaſ ſurrexit! Quis eiùs rugitus ille, decretoriã pugnã ineuntis! *Moriamur in virtute propter fratres noſtros: & non inferamus crimẽ gloria noſtrã.* 1. Mach 9. O pietas! ò celſitudo mentis! ò generoſa verẽ laudis cupiditas! ò mors immortalitate plena! Meretur herois invictiſſimi virtus, ut eiùs monumento, quod Mòdinæ gentilitium habebat, Epitaphium ab erudiſſimo Chronologo, P. Jacobo Saliano compoſitum, appendamus.

Pandẽ ſinus Mathathia, religioſæ militiæ veterane duſtor: ecce ruit in amplexus tuos Judas ille Machabæus, primogenitus tuus, ornamentũ familiæ, & gloria gentis: vir immortalibus promeritis dignus, eiùs ut glorioliſſimũ nomẽ cum laudis exceſſu, atq; exſuperatione virtutis uſurpetur, & JUDAS MACHABÆUS dicatur, quicunq; fuerit omnib' numeris egregi' Imperator. Hic ille eſt, Viator, qui armatas regũ ac principũ acies numero formidabiles, qui equos & quadrigas, falcatos currũs, efferatos elephãtos cum modica fratrũ ac ſociorũ manu fudit, fugavit, contrivit. Hic ille eſt, qui triũ Aſiæ ac Syriæ regum Epiphanis, Eupatori, ſDemetrij vim ac furorem partim effudit in ventos: partim eos cõpulit ad pacẽ petẽdã. Qui cum novẽ tum ducibus ac præſidibus provinciarum, tum proregibus ac militiæ principibus, in acie dimicavit; quorũ alios perculit atq; proſtravit, victoſq; ſpoliavit, caſtra ſuccendit; alios relatis opimis ſpolijs interfecit: & ſuos ut plurimũ ad unũ reduxit incolumes. Hic ille eſt Imperator, cui militant Cœlites; cui ſancti Prophetæ præbent gladiũ; Qui denique multitudine, non virtute, circumventus, quot vulnera, tot trophæa monumento intulit, añoſacerdotij ac Principatus VI. ante Ch. CLIX. Mundi clõ clõ clõ DCCC. XCIV.

Eleazari quoque fortitudo cum elogio, quod ei D. Ambroſius ſcripſit. 2. Offic. cap. 40. memoranda: Quanta, *inquit*, iſta virtus animi! primò, ut mortẽ non timeret; deinde ut circumfulſus legionibus inimicorum in conſertos raperetur hoſtes, medium penetra-  
ret agmẽ, & contempta morte ferocior, abjectò clypeò, utraq; manu vulneratæ molẽ beſtiæ ſubiret ac ſuſtineret. poſt, in fra ipſã ſuccederet, quò pleniori feriret iſtu, cuius ruinã incluſus magis, quàm oppreſſus, ſuo eſt ſepultus triũpho. Nec fellit opinio virũ, quãvis regi' ſefellerit habit'. Tãtĩ enim virtutis ſpectaculo deſixi hoſtes, inermẽ, occupatum incurſare non auſi, poſt caſu ruẽtis beſtiæ ſic trepidaverũt, ut impares ſe omnes uni'

# 618 NARRATIO CXIV.

„virtuti arbitrentur. Hæredem virtutis suæ, pacem reliquit.  
Acutè Emmanuel Thesaurus in elogijs Patriarcharum;

Eleazarus Antiochum petijt, sed pro Antiocho  
perijt bestia.

Pro simili similis, imò idem.

Uterque fera; uterque duplici corde, & excors.

Sed elephas inter bruta rex est, ille inter reges brutum.

Gaude felicissimo errore, fortissime heros.

De elephanto non Tyrannum, sed Tyrannidem fustulisti.

Habes, quod optas.

Sentis ex trophæi pondere, victoriæ magnitudinem.

Novo ritu triumphas;

Nam cæteri elephanto vehuntur, tu ipsum vehis.

Nec tumulum cura; elephanto tegeris pro Mausoleo,

Neque incidendo emblematis petenda procul segmenta,

Debellatus elephas ebur ministrat,

DEUM ultrices iras in scelestos, & præsertim blasphemos  
refundere, multæ nos è divinis libris historiæ docuere. Luculen-

tum ut hominis impij & jurati DEO hostis exemplum, ita vindi-

ctæ quoque, Nicanor extitit; suisque pœnis monstravit, nimis  
quàm verum esse illud Sap. c. 11. *Per quæ quis peccat, per hæc et torque-*

*tur.* Redeunt in caput blasphemum jacta in cœlum convitia, Ni-

canoris lingua minutim concisa, & brachium truncum è sublimi  
præfixum, omnibus magistratibus ob oculos versentur, ut Iudæ

Machabæi imitatione ne sinant impunè DEUM contumelijs la-

cessi. Hic verissimum illud: *Qui non corrigit refecanda, committit.* Et

quicunque injurias in DEUM, resque DEO dicatas stringunt lin-

guas aut manus, horrescant Nemesis pari fato, supplicioque sce-

lerati Nicanoris socios persecuturâ. Ita fœdissimus ille Religionis

Catholicæ desertor, & capitalis Nominis Christiani hostis, Julia-

nus Imp. in expeditione belli Persici sagittâ de cœlo missâ per-

cussus (Nicephorus à D. Juliano Mart. occulta manu confossum  
scribit) impia voce exclamavit: *Vicisti Galilæe*, (Christum ita con-

temptim appellans) *Vicisti!* simulque haustum è vulnere cruorem  
in cœlum ejaculans. *Nazarenæ*, inquit, *bibe, et saturare;* eoque tem-

poris puncto execrabilem cum blasphemia spiritum in orcum  
expulit; *Baron. ad ann. 362. ubi commanducant linguas suas*  
*pre dolore, qui blasphemaverunt DEUM celi*  
*Apocal. 16,*

*Nicanor  
exemplum  
castigatæ  
blasphemie.*

NARRATIO.

NARRATIO CXIV.  
**ANTIOCHI EPI-**  
**PHANIS, TETERRIMI**  
 TYRANNI, FVNESTVS EXITVS.

Ex lib. 1. Machab. cap. 6. & lib. 2. cap. 9.

Anno M. 3891. ante Christum .162.

**M**ortalium omnium, uti memoratum est, scelestissimus *Antiochus*, auditis prosperis Iudæ Machabæi successibus, relictis *Ecbatanis* Medorū urbe, cui imminebat, in Syriam, & hinc in Iudæam festinare contendit. Maledictis & execrationibus admiscens minas, jurabat, Ierosolymam se redacturum in sepulcrorum congeriem. Cūque dictis hisce, tanquam ocyus eorum fidem expleturus, curram, quo vehebatur, agitari celeritate majore juberet, ægrè comitibus ac peditatu copiarum, properantis impetum assequebantibus, res ita, Providentiæ quoque cœlestis intercursum, se tulit: ut belluarum una, cæteris elephantis iracundior, in agmine, ferocissimo cum stridore barriret. ad vocis eius insaniam terretur Antiochus, exsternantur equi regij: calcitrant impatienter: Antiochūque tandem, suecussione continua, sede motum excutiant. Hunc (ut obesi corporis hominem) & lapsus impetu graviter, & mole membrorum longè gravius afflicto, allisūque: cū artubus omnibus contusus, exanimi similis jaceret: humo satellites erigunt, & gerulorum manibus, ac sellā Babylonem versus deportare pergunt, gestationis, motūsq; ægrè patientem: & dirissimis insuper viscerū tormentis excruciatum.

Corporis cruciamenti acriora superveniebant animi supplicia. Nam mortis vicinia præteritæ vitæ gestis diem dicebat: & hunc quidem omni caussidico destitutum. Antè palpitantis ergo memoriæ perspicaces oculos, cum exprobratione stabant tot Iudæorum millia, sine causa probabili trucidata. Stabant, Iudæa pervasata; Ierosolyma flammis absumpta; Sionis arx per injuriam dominis suis erepta; Sacerrimum urbis, orbisque templum, omni contaminationis genere violatum: direpti thesauri: polluta victimarum Ara: divina librorū monumenta porcino cruore cōspurcata, cōscissa gladijs; abolita sacrilegis ignibus: ac Lychnus immortalis, extinctus & ablatus. Adhuc obversabantur angoribus illius, immanitate

*Antiochus  
curru  
excussus  
gravi  
ter affli  
gitur.*

*Antiochi  
cruciatu  
animi.*

immanitate plius quàm Scythica torqueri, necarique iussus Eleazarus: præcipitata de muris religiosissimæ viragines, in cruces acti sacrorum suorum retinentes tor viri; proptérque suillæ recusatum usum, exquisitissimis afflicti, sublatique supplicij, septem electi flores adolescentes, & eorum magnanima mater, in suis & Antiochiæ totius oculis. Israël denique terra, tot immis- sis in eam bellis & exercitibus, bustum propemodum & rudere- tum, universa per ipsum facta: vix modicè nunc ab incolarum reliquijs erigi, reficique cœpta.

*Antiochi  
sua vota.*

Super hæc autem omnia recordationem eius infestabat, cõ- temptus, exagitatúsque Iudææ DEUS; hinc omniũ sibi malorum, quibus tunc premeretur, origines ac promerita fluere. quibus as- spellendis quidnã superesset jam præsentius, efficaciusque, quàm eundem illum, quem ad eum usque diem aspernatus ac persecu- tus esset, DEUM, placare nunc, & votis sibi demereri? Iudeorum autè tam Sacra, quàm fortunas & jura, quæ per nefas invasisset, in integrum restituere, ablata templo vasa reddere; victimarum statas impensas è fisco regio præbere; Hebræos privilegijs liber- tatis, quibus Athenæ fruerentur, donare: ipsum se ( si morbum & mortè evasisset ) Iudeorum religioni addicere, & omnibus gen- tibus contestari, Iudaici DEI vires ac majestatem; illum, illum, quem nemo videre possit, verum ac manifestum esse Deorum DEUM.

*Antiochi  
factoris cor-  
rosto à per-  
mibus.*

Quæ vota ac promissa cùm nec apud mortales tunc, nec a- pud immortales fidem reperissent: & si vel maxime sinceritatis vitio carerent, solius tamen pœnæ temporariæ fugiendæ spe con- cepta, nihil ingenuum spirarent, regi nequam, propitias æternæ Majestatis aures minimè conciliârunt. Pergebat igitur torquere DEI vindex ira. Supra patientiam omnem humanam excrucia- tur tyrannus: animum fatigant assiduus quidam, profundissimúsque; mœror, & imaginum horrificarum perpetua terriculamenta ad amentiam usque. Corporis dolorem perpetuò crescentem exa- sperârunt in intestinis insuper enati vermes, & intra cutem for- des pediculares exortæ. Quæ pestes vehementissimè rodendo, mordendoque, tamdiu ventriosum exedebant abdómen: donec diffluentibus demum visceribus, cum carne rupta, dilapsæque exitum invenirent. Unde fœtor egressus incredibilis, hoste quovis & gladiò potentius circumstantes amicos, satellites, & exercitum fugabat: tam intolerabilis ad extremum, ut ipse semetipsum An- tiochus averfaretur ac fugeret. & jam mors illi, pro qua depel- lenda tot vota nuncuparat, in votis vel primis esset.

*Antiochus  
documen-  
tum vindi-  
ctæ divine.*

Mortis ergo tandem post implexos, longósque dolorum circuitus, compos effectus decessit, Propositorum bonorum sarcinã pressus



pressus gravi, sed *Operam* pellimorum mole longè graviore super-  
obrutus : quibuscum descendit ad rogos sempiternis incendijs  
æstuantes. Id quod ei verbis minimè perplexis, obscurive, Ma-  
chabæorum fratrum chorus, Antiochiæ quondam tostus, præsa-  
givit. documento sanè quàm maximè formidando Principibus, ac  
Toparchisillis, etiam post futuris ; quibus non infontium modò  
spiritus ac vita (pretiosum DEI munus) inter projectissima sunt:  
sed etiam Divina, Consecratæque, prædæ, quæstuique fiunt.

## DOCTRINA.

**N**unc reminiscor malorum, quæ feci in Ierusalem. 1. Mach. c. 6. Tandem  
ad mentem redit furor. Vermis rodentis conscientia longè  
acerbius cruciavit Antiochum, quàm quos puredo fla-  
gitiosi corporis excluderat. *Nunc reminiscor*, inquit, *malorum*. Obje-  
cerunt se menti minæ, terrores, formidines, criminum ultrices  
Furiæ. Admiranda vis est accusatoris interni ; sine apparitore  
cogit reos ad domesticum tribunal; ultro scelera se cuncta sistunt,  
& instantis à tergo Vindicis DEI sententiam excipiunt. Verè Ecce-  
lasticus, cap. 25. *Omnis plaga, tristitia cordis est*. Facinora atque fla-  
gitia sua ipsi in supplicium vertunt impij. *Tacitus annal. lib. 8.* scri-  
bit, si recludantur tyrannorum mentes, posse aspici laniatus &  
ictus : quando, ut corpora verberibus : ita sævitia, libidine, ma-  
lis consultis animus dilaceretur.

*Tormentum  
male con-  
scientia,*

*Qui sibi videbatur etiam fluctibus maris imperare, supra humanum modum su-  
perbia repletus, & montium altitudines in statera appendere, nunc humiliatus  
ad terram, in gestatorio portabatur, manifestam DEI virtutem in semetipso  
contestans. Et qui paulò ante sidera celsè contingere arbitrabatur, eum ne-  
mo poterat propter intolerantiam factoris portare.* lib. 2. Machab. c. 9. Hunc  
finem sortitur superbia ; dum nimium tumet, rumpitur. De Do-  
mitiano Suetonius: Cùm procuratorum suorum nomine dictaret  
epistolam, sic cœpit: *Dominus & DEVS noster fieri juber.* Audi mortem.  
Oppressus est amicorum, libertorumq; conspiratione, simul & u-  
xoris. Idem de Calligula. Templū numini suo propriū, & sacerdo-  
tes, & excogitatissimas hostias instituit: cōsistens sæpe inter Deos  
medius, adorandū se adeuntibus exhibebat. Secuta mors, triginta  
vulneribus gravis, Chærea & Sabino auctoribus ; uxoris etiam  
Cæsoniæ, & filiæ. Sentis nunc, sentis miser Antioche, qualis inter  
undas sis Neptunus, inter montes Atlas, inter Sidera Orion. Tuus  
tridens est baculus, quò corpus collisum sustentens ; tua statera  
montium libratrix, est feretrum, quò vivus efferris, tua Sidera,  
sunt vermes, qui per corpus omne voluntur ; Et thura tibi Nu-  
mini adolenda, sunt fœtores, quavis Mephiti graviores. Ubi nunc

*Exprobra-  
tio arro-  
gantia &  
tyrannidū,*

K k k k

assentatores

assentatores tui? ubi ministri scelerum? ubi crudelitatis satellites? ostende sis potentiam tuam, gentium latro, & in hostem per viscera grassantem, imperium exerce. Sta hinc superbia, & dum spirans cadaver aspectas, altiora humana sorte spirare dedisce. Lentè moritur tyrannus, ut crudelitas tot funeribus cruentata, sentiat, quid patraverit in alios.

*Cum nec ipse jam factorem suum ferre posset, ita ait: Iustum est, subditum esse Deo, & mortalem non paria Deo sentire.* lib. 2, Mach. c. 9. Extorta per carnifices morbos, est hæc ex carnifice confessio. Quis modestiam docuit arrogantissimū caput? plagæ. Si minùs, sapere; certè sapientius loqui didicit. Sed quidquid hoc resipiscentiæ fuit, in sola lingua natum est. Phryx contusus jam se mortalem fatetur, & immortalibus imparem. Quid aliud loqueretur fera intra casses inclusa? explicata captam, & videbis ad naturam suam, redeuntem. *Iustum est*, inquit, qui iustitiam nesciebat omnem. Jam vult DEO subdi, qui subditos DEO populos ferro, flammâque persecutus est. Ex fœtore sese mortalem, ut olim ex vulnere Alexander se hominem, agnovit. Ubi modò illustris Epiphanes ille? ubi sceptra & coronæ? Vivus, vidensque cogitur esse vermium pabulum. Funus est ante funus; id ante sepulchrum patitur superbia, quod mortalitati post fata subeundum. Sic DEUS Fastum ulciscitur. Quot prorepserunt è corruptis visceribus animalcula, tot milites immisit, ad hunc thraonem sternendum.

*Penitentia  
fera, raro  
vita.*

*Orabat autem hic scelestus Dominum, à quo non esset misericordiam consequenturus.* lib. 2, Mach. c. 9. Quid impetrarent manus cœlo sublatae, sed innocentum sanguine cruentæ? Deus apud Isaiâ, c. 1, hos Oratores reijcit: *Cum extenderitis, inquit, manus vestras, avertam oculos meos à vobis &c.* manus enim vestrae sanguine plenæ sunt. At grandia promisit Antiochus. At, *Augustino teste. serm. 19 de verbis Domini: Deus cor interrogat, non manum.* Consonat Siracides c. 34. *Dona iniquorum non probat altissimus, nec respicit in oblationes iniquorum, nec in multisitudine sacrificiorum, eorum propitiabitur peccatis.* Deus nimirum offerentē attendit, non oblata. Has preces abjectus timor extudit. De quo *D. Gregorius*, in *Past. 3. part. c. 14.* Bona pro semetipsis amanda sunt, & nō pœnis, compellentibus exequenda. Nam qui propterea bonum facit, quia tormentorū mala metuit, vult non esse, quod metuatur, ut auctor illicita committat. Et *Augustinus contra Pelag. lib. 2.* Quando timore pœnæ, non amore iustitiæ fit bonum, nondum benè fit bonum; nec fit in corde, quod fieri videtur in opere, quando mallet non facere, si posset impunè. Salomon in proverb. cap. 1. ait: *Tunc invocabunt me, & non audiam: Manè confurgens, & non inveniens me.* Impij DEUM invocant Manè. id est illicò, ubi se malis circumdatos viderint, postulântque remissionem non culpæ, sed pœnæ.

DEUS

DEUS autem reddit par pari; surdis se præbet surdum. Aperit oculos pœna, quos tenet oculos culpa. Equidem nunquam est in hac vita pœnitentia sera, si vera: sed rarò vera, quæ sera.

Ut verò duplex est Amor, quò in DEUM ferimur; alter *Amicitia* seu *Benevolentia*, quando DEUM amamus propter se solum, & insitam ipsi bonitatem; alter *Concupiscentia*, quando propter nostra commoda eum diligimus: Ita Timor quoque geminus est. Prior, *filialis* & ingenuus, qui nascitur ex amore amicitia, peccatumq; reformidat, quia est offensa parentis longè optimi, & omni observantiâ dignissimi. Posterior, *Servilis*, quò non amatur, (ut Augustinus loquitur) justitia (seu virtutis pulchritudo) sed timetur pœna. Atque hic Timor Antiocho gemitus & suspiria expressit, nihil profectura. Neque enim cupijt conciliari Deo, sed liberari plagis. Et quoties cadunt lacrimæ delinquentibus, sed ignobiles, & nullius apud DEUM pretij; dum vel solo naturæ sensu deflentur scelera, quia patrantibus damnosa. Ita fieri videmus, ut patibularius aliquis, jam jam in furcam agendus, doleat de furtis a se commissis, illaque aversetur & detestetur, quia vita immaturò fatò abruptitur; quia mors ignominiosa infertur; quia quod fecit alijs, ipse sibi factum esse noluisse &c. Vel si dolor altius supra naturam assurgat, causas tamen suas ex timore *servili*, aut ex amore concupiscente trahit; unde sine Sacramentis vim extinguendi graviore noxas non habet. Tertius demum perfectus est dolendi modus, cum detestaris crimen, quia DEUM offendit ter optimum maximum, ob suam sanctitatem & amabilitatem dignissimum, cuius mandatis per omnia obtemperetur, etsi nihil esset, quod vel metueres ab eo, vel sperares. Sed ad Antiochum; cui epigramma sepulchrale sacer Historicus breve, sed nervosum, scripsit hoc:

*Duplex amor & timor Dei.*

*Dolor ex timore servili non delet peccata.*

Igitur homicida & blasphemus pessimè percussus, & ut ipse alios tractaverat, peregrè in montibus, miserabili obitu, vità functus est. lib. 2. Mach. c. 9. Verissimè Salomon in Proverb. cap. 14. *In malitia sua expelletur impius*: Dum flagrant delicta, dum robustissima est malitia, dum scelus in summo; violenter è medio tolluntur impij, & tanquam saginati boves, cum horribili mugitu rapiuntur à Morte, & Orci victimarijs traduntur. Ita expulsi sunt Antiochus, Herodes infanticida, Diocletianus, Valerianus, Maximianus, Valens &c.

*Epigramma sepulchrale Antioch.*

Kkkk 2

NARRATIO.



NARRATIO CXV.  
 IONATHAE  
 ET SIMONIS MACHABAEORUM,  
 JUDÆ FRATRUM, JUDÆ  
 DUCUM AC PONTIFICUM ACTA.

Ab anno Mundi 3910. ante Christum. 143. ad annum Mundi  
 3919. ante Christum. 134.



Ereitur nomen & virtus Machabæorum, ut paucis delibemus potius, quàm enarremus, quibus fatis *Ionathas* & *Simon*, vitæ ac gloriæ suæ spatium decurrerint, quosque in Principatu tam sacro, quàm profano habuerint successores.

Postquam *Indas*, & *Eleazarus* fortiter faciendo occubuerant in prælio; eorûmque frater germanus *Ioannes*, cognomento *Gaddas*, à Iambræis (Mádabam, urbem trans Iordanem incolentibus) in itinere ad Nabathæos Arabes, per insidias exceptus, & interfectus fuerat; *Ionathas* cum Simone rem Iudaicam domi, forisque sustentavit. Illum quidem Ducis cuiusdam militaris Syri, *Tryphonis* nomine: hunc duobus cum filiis *Ptolemai* generi, perfidia evertit. Tryphon igitur cum per omnes militiæ gradus & ordines, rerum gestarum commendatione proventus, novissimè pro Tutore se ferret Antiochi *Baleida* (filius hic erat *Alexandri*, subfessoris regni Syriæ, quem Epiphanes Antiochus è pellice, cui *Bala* nomen, suscepit; unde Alexander *Balaus* cognominatus, & huius filius Balæides) & rege *Demetrio* (qui *Nicanor* dictus est, *Demetrio Sotere* genitus) ex Syriâ pulsò, constituisset regnum Syriacum facere suum; puerum autem *Antiochum* malitiæ suæ velamen habere; quoad nactus opportunitatem, hòc interfectò, supremam potentiam ipse, nullo reguli vindice, corripere: decrevit *Ionatham* (cuius amicitia & armis Syri tum stabant) consilij sui unicum obicem è medio tollere. Quod cum aperta vi efficere non posset, ad fraudes confugit. Invitat *Ionatham* è castris (in quibus quadraginta tum millia militum numerabat) in sua castra; excipit perhumaniter, amicum appellat, muneribus donat; persuadet inter epulas, ut multitudine utrinque dimissa, simul *Ptolemaidem* (urbem *Ægypti* celeberrimam) abirent; & cum paucioribus circum se, dignitatis potius, quàm tutelæ, salutisque

lib. 1. Mach.  
cap. 9.

1. Mach. 11.

1. Mach. 12.

# JONATHAS ET SIMON MACHABÆI. 625

salutisque causâ retentis, in rem præsentem venirent: urbem se, finitimâsque munitiones, Ionathæ præfecturæ, custodiæque permissurum. Ille, Deo non consulto, copiarum suarum triginta septem millia remittit Ierosolymam; non nisi tribus millibus præsidij causâ retentis; paullo post ex iisdem duo millia (forte ostentandæ fiduciæ quoque gratiâ) mittit in Galilæam, ut adeo mille jam solos, satellitium veriùs, quàm armatorum præsidium, circum se haberet. Itur inter hæc Ptolemaidem. Ibi dum Iux & Pontifex Hebræus promissorum fidem, & honores novos expectat, obseratis portis obtruncantur milites; ipsi compedes iniiciuntur & catenæ.

1. Mach. 13.

Jonathas cum mille, militibus perfide opprimitur à Tryphone.

Quibus rebus Ierosolymæ intellectis, populi suffragijs in Ionathæ locum Simon sufficitur; primas is inter curas habuit, contrahere, quidquid militarium in Iudæa copiarum erat; dein affectas jam urbis ædificationes, ac potissimum murorum turriumque ceptas à Ionatha munitiones ad fastigium perducere priùs, quàm Ierosolymam Tryphon incurfaret. Qui, ne cunctatione spes suas corrumpere: aut incolumi Simone, paria consilij suis impedimenta metuere cogeretur, qualiâque, florentibus adhuc Ionathæ fortunis, formidâsset, exercitu Ptolemaide moto, Ionatham secum vinctum trahens, tendit in Iudæam, ut & Simonis potiatur. Cuius hic adventu cognito, prior ei, suis omnibus eductis copijs, occurrit. Tryphon more suo ad fallaciam conversus, mittit, qui Simoni, tanquam auctoritate regia Legati denuntient, non bellum id esse, sed æris duntaxat alieni, quod regijs in tabulis, negotiorum suorum causâ contractum, adhuc inexpunctum Ionathas haberet, exactionem; ideòque in nexu esse Ionatham, quoad obligatam eius fidem repræsentatum argentum, & idonei præterea vades, quibus Ionathæ societas Antiocho regi, posterum etiâ in tempus adstringeretur, exsolverent. Mitteret igitur Simon argenti talenta centum, debiti nomine; duosque præterea Ionathæ filios parvulos, paternæ simul fidelitatis obfides, ac transfugij frænum. Sic & ipsos inter se posthac concordés futuros, & Ionatham in libertate victurum.

Tryphon pecunias & duos Ionathæ filios fraudulentè extorquet ex Simone.

Imposuisse Tryphonis ea tam composita, temporumque casibus congrua verba cuivis non sagacissimo. Non fefellerunt exercitæ calliditatis virum, prudenciâque rerum veterana spectatû Simonè probè perspicientè, quibusnâ hæc ex artibus profiscerentur, aut ea postulata quorsum spectarent: ut unâ videlicet, eadèmq; Tryphon operâ pecuniam simul & pueros; & horû, parentisque vitam auferret. Quod tamen ea Legatorû postulatio propalam esset in castris facta, passimque jam in vulgus exisset ac

K k k k ;

populum

*1. Mach. 13.* populum, cui Jonathæ salus erat longè charissima, videbat Simon, si, quantum Tryphon redimendo Jonathæ pretium indixerat, ipse pendere detrectâisset, magnam se apud omnes, interfecto fratre, invidiæ calumniam subiturum; misit igitur, quæ postulata fuerant, centum argenti talenta & duos Jonathæ filios, seque suspicionibus absolvit, tanquam non pecuniæ magis, quàm potentiæ retinens esset. At non & Ionatham perfidus Tryphon absolvit; quem duobus cum filiis immanis carnifex interfecit. Ipse quoque regnò Syriæ per regicidium occupatò, ab Antiocho (sidete) rege obsessus (nam perfidia diu felix esse non potest) denique sibi manus intulit, desperatione adactus. *Salian. ad annum M. 3918.* Tetrerrimus bipedum ipse sibi *Tryphon sumet carnifex iusta* moriens fecit, qui *luc* in vita nullum ulli reliquit; & sicubi reperit, id vel vi, vel fraude persumdedit.

*Sepulcrum  
jonathæ.*

*Simonis  
cura pro re-  
publica.*

*1. Mach. 15.*

*Simon cum  
filijs per  
generum  
suum pro-  
ditorem in-  
terficatur.*

*1. Mach. 16.*

Simon audita Jonathæ, filiorumque morte, postquam eos Môdinæ, majorum sepulchris, suo, publicòque populi luctu intulit, exstructò de Pario marmore, monimentò, pyramidibus septem visendò; à privatis rerum curis, ad publica opera conversus, cum præsidij & munitionibus ubique per Judæam adversus barbarorum vim instructis atque firmatis, patriam libertati, à tot jam annis intermortuæ reddidisset, privata, pulicæque ædificia instaurâisset, arce Sionæa hostes ejecisset, compluræque Philistinorum oppida, Iudaicæ ditioni adjecisset; Antiochus *Sidetes* (vel Sedetes, nomine tracto ab urbe quadam Ciliciæ, cui *Sidi* appellatio, in qua pueritiæ annos exegit) Tryphonis expulsor, per *Cendebeum* Legatum suum Palæstinam adortus est. Simon, quòd esset sexaginario major, è filiis tribus, quorum erant nomina, *Iudas, Ioannes, ac Mathathias*, duobus natu grandioribus, suas in posterum vices mandat, in hostibus populi DEI persequendis: exemplisque fortitudinis Majorum suorum, & imprimis avi, quatuorque patruorum, qui bellò sacro viriliter occubuissent, animatos: fiduciâ cum primis coelestis opis, quæ nunquam amicos DEI destituisset, ad suscipiendam adversus barbaros expeditionem incendit.

Valuit ea patris cohortatio tantum apud filios, ut Joanne potissimum adnitante, numerosus in paucis diebus eques, ac peditum acerrimorum viginti millia Ierosolymam coirent. Qui cum Syros magna clade profligâissent, tantæque *Sidetem* animi ægritudine, quanta parentem lætitiâ replevissent, rex Syrus ad dolos confugiendum ratus, ut Simonem, filiosque, sub affinitatis & amicitiae blandimentis deciperet, *Ptolemaum* quendam, natione Iudæum, Simonis generum, Ierichuntinæ ditionis præfecturam, suffragatione soceri obtinentem, Pontificatui, civiliumque rerum imperio inhiantem, ministrum fraudis delegit;

à quo



à quo Simon cum filijs Juda & Mathathia in arcem *Docham* invitatus, in media convivij hilaritate, incisis cervicibus, & trajectis ferrò pectoribus, interemptus est.

Non contentus ea crudelitate sanguinarius parricida, mit-  
tit in urbem *Gakam* seu *Gazaram* ad Ioannem Machabæum, ter-  
tiũ Simonis filium, qui per causam legationis ac negotiorũ, pro-  
latis repentè, nudatisque telis, incautum opprimerent. At is de  
periculo, totaque re gesta comonitus, ijs, qui sui perdendi causã  
venerant, & admissionis copiam fecit, & ferrò suò trucidatis vi-  
vendi finem. Nec ita multò post Antiochus Sidetes validissimo  
cum exercitu Ierosolymam ex omni circumquaque parte pre-  
mens, in biennium usque, fame dira clausos ac semianimes op-  
pidanos affligebat; quare de sententia Prócerum ac plebis, Iero-  
solyma regi tolerabiles in conditiones permissa est. Ioannes pa-  
ce facta; obsidibus, & quinquaginta talentis datis, Sidetem in  
Parthos, cum auxiliariis copijs comitatus, ob penetratam ar-  
mis *Hyrcaniam*, nomen *Hyrcani* adeptus, rem Iudaicam, Sidete in  
Perside perempto, multis incrementis auxit. Is tamen *Sadduceũ*  
se professus, spiritus, & angelos, & corporum in fine mundi repa-  
rationem habens in delirijs, bellicæ quidem virtutis ingentem  
gloriam; contaminatæ verò religionis æternam post se infamiam  
reliquit.

*Antiocho  
Sideti Iero-  
solyma se  
dedit.*

*Ioannis  
Hyrcani  
cognomen  
est fortuna,*

Ei successit in Pontificatu filius *Aristobolus*; is Syriæ regibus,  
*Grypo* & *Cyziceno*, communi appellatione *Antiochis* (priorem aliqui  
*Gryphum* vocant, ob aduncam, & in gryphis morem inflexam nasi  
formam: posterior ab urbe *Cyzico*, educationis loco, denominatus  
est) inter se dimicantibus, seipsum interea, nemine refragante,  
fecit è Duce Regem: Judæam autem è Satrapia Regnum. Idipsum  
etiam *Alexander* mox fecit successor, Hebræis *Ioannes* ac *Janneus* ap-  
pellatus. Idem & cæteri deinceps Machabæorum nepotes ac  
pronepotes infelices plerique Sadducææ sectæ asseclæ, ad He-  
rodianam usque Domum eis subrogatam, fecerunt. *Joan. Bisselius*  
*in Ruinæ Illustr. Dec. 3. n. 18.*

*Aristobolus  
ex Duce  
se regem fa-  
cit,*

## DOCTRINA.

**P**ericulosa sunt odia, quæ amicitia vestiuntur; nocent enim  
gravius, dum minùs timentur. Et primus insidiarum aditus  
est per nimiam securitatem. Cautorum lex est: Time, quid-  
quid timeri potest; Pauciora subit discrimina, qui timet pluri-  
ma. Ionatham & Simonem cum filijs perfidia sustulit, quod gla-  
dius non potuit. In adagijs fertur: Qui cum lupo pacem co-  
gitat, dentes ei excutiat. Talis lupo fuit Antiochus, 1. Mach;  
cap. 1. Et locutus est ad eos verba pacifica in dolo, & crediderunt ei. Et irruis  
super

*super civitatem (Ierofolymam) repente, & percussit eam plagâ magnâ, & perdidit populum multum ex Israël. Talis lupus Bacchides & Alcimus. 1. Machab. 7. Et locutus est cum eis (Iudæis) verba pacifica, & iuravit illis dicens. Non inferemus vobis malum, neque amicis vestris. Et crediderunt ei. Et comprehendit ex eis sexaginta viros, & occidit eos in una die. Altera ni-*

*Machabæorum can-*  
*dor animi.*

*Fraudulen-*  
*torum in-*  
*sidia.*

*mirum manu lapidem ferebant, altera panem ostentabant. Debe-*  
*bant Machabæi tot exemplis docti, devitare pericula; sed male-*  
*bant cordata pectora plus alienæ fidei, quamquam suspectæ, quàm*  
*timiditati suæ tribuere. Siracidis monitum est cap. 12. Ne cre-*  
*das inimico tuo in aeternum; & si humiliatus vadat curvus, adijce animum, &*  
*custodi te ab illo. Lingua fuit melle, pectora natant felle. Ore lam-*  
*bit homo vapidi pectoris, animo lethiferas sagittas tendit. Vetus*  
*est Davidis querela psal. 54. Molliti sunt sermones eius super oleum, &*  
*ipsi sunt jacula. Verba composita, & oleo leniora; corda exaspera-*  
*ta odijs, & ad nocendum parata. In oculis columba sedet; in men-*  
*te basiliscus latet. Hanc fallaciam memoratus Ecclesiasticus ca-*  
*vere jubet cit. cap. In labijs suis indolcat inimicus: & in corde suo insi-*  
*diatur, ut subvertat te in foveam. Talis insidiarum artifex fuit dolosus*  
*Tryphon; de quo 1. Mach. cap. 12. Excepit eum (Jonatham) cum*  
*honore, & commendavit eum omnibus amicis suis, & dedit ei munera, & præcepit*  
*exercitijs suis, ut obediant ei, sicut sibi. En foveam insidiosè instructam.*  
*Quid sequitur? Ionathas credidit ei, & dimissi exercitum. O candorem*  
*simplicem, tantò proniorem falli, quantò fallendi minùs gnarum!*  
*Tua te, fortissime heros, bonitas decepit: Hæres in perfidia cas-*  
*se. Nam Clauserunt portas civitatis Ptolemenses: & comprehenderunt eum:*  
*& omnes, qui cum eo intraverant (mille viri) gladio interfecerunt. Hoc ha-*

*Intausa se-*  
*curitas.*

*bet incauta securitas. Vox sapientum est: alterius ne miseri-*  
*cordiæ se Dux militaris exponat; ab unius enim vita, reliquo-*  
*rum salus pendet. Ionathas credebat, fidem etiam à barbaris*  
*datam, ijs fore sanctam, quam qui violat, jus gentium violat, &*  
*humani societatem generis dirimjt. Sed de hoc minimè labora-*  
*bat sceleribus omnibus coopertus Tryphon; in quem meritò*  
*laudes illas conferas, quibus Livius lib. 1. de bello Punico. Hanniba-*  
*lem affecit. In eo viro (inquit) crudelitas inhumana: perfidia*  
*plusquam Punica: nihil veri, nihil sancti, nullius dei metus, nul-*  
*lum jusjurandum, nulla religio. Huc facit apologus de lupo &*  
*hystrice. Lupus efuriens hystricem ambebat, sed cautè, aculea-*  
*tum formidabat. Igitur verbis eum humanis adiit, suasitque, ne*  
*pacis tempore, inutile telorum pondus corpore traheret, cum*  
*alii sagittarii extra prælium sagittas deponerent. Cui hystrix re-*  
*spondit, adversus lupum semper præliandi tempus esse. Nempe*  
*adversus hostem fraudulentum, semper munitum esse convenit.*  
*Imitandæ viro prudenti sunt cochleæ, quæ nusquam se movent,*  
*nisi viam*

*Cautela*  
*à brutis di-*  
*scenda.*

# JONATHAS ET SIMON MACHABÆI. 629

nisi viam cornibus prætentârint. Et de vulpibus *Plinius* scribit *lib. 8 c. 18.* observatum esse in Thracia, eas transaturas glaciem, apposita prius ad glaciem aure, ex aquæ fluxu densitatem illius conijcere, ut non nisi securæ commeent. Ionatham perfidiæ cruenta fefellit, haud advertentem, Letheas subter eam aquas volvi.

Et poterat sanè cavèri Tryphonis insidiosa benevolentia, & infida amicitia; nam hostis erat, & notus ex artibus Sinonijs; sed Simoni non perinde pronum erat, insidias Ptolemei, generi sui, declinare. Necessitudo affinitatis omnem suspicionem eximebat. Equè enim in reprehensione est, qui inimico nimis facilem adhibet fidem; quàm qui difficilem amico. Quid enim perfidæ simulationis in eo metueret Simon, quem nuptijs filiæ, honorum suffragatione, religionis societate sciebat sibi devinctissimum? Sed avaritiæ & ambitioni nihil est sanctum, nihil inausum. Dux Machabæus dum omnia læta sibi fingit & tuta, incidit in proditorem & parricidam longè teterrimum. A genero trucidatur in mensa hospitali focer cum filijs; epulæ cõgnato sanguine asperguntur,

*Difficulus  
cavetur a-  
micus perfidus.*

Verum est illud Venuſini Poëtæ: *Nemo satis cautus est in boras.* Fraus & dolus pridem occupârunt orbem; proscriptus candor, extorris fides, exulat veritas. Ubiquè histriones vultus, & mimæ linguæ. Cuncta fucis & larvis plena. Ovillus habitus, lupinus animus; frons blanda, mens perfida. In oculis omnia serena; gravis in recessu tempestas. Scorpheus venenum in cauda gerit. In emblematis est, Manus oculata, obeliscum tangens, cum lemma: *Vide, cui fidus*; si tanquam obeliscus stare cupias, nec aliorum, subverti fallacijs. *Boëtio* teste *lib. 3. de consol.* Nulla pestis est efficacior ad nocendum, quàm familiaris inimicus. Et juxta *Senecam*: „Gravior est inimicus, qui latet in pectore; quàm qui palàm „adversatur; hic enim vitari potest cavendo; at ille haudquaquã; quò latentior, hòc nocentior. Troianus equus ideo fefellit, quia formam misericordiæ mentitus est. Salomon in Proverb. c. 10. monet: *Abſcondunt odium labia mendacia.* & c. 26. *Labijs suis intelligitur inimicus, cum in corde tractaveris dolos. Quando submiseris vocem suam, ne credideris ei.* Falso condolet, sistè promittit, verè ludit. sanctè loquitur, ut efficacius fallat.

Ad quodcunque nefas aditum submissio pandit. Ut in exitu occidant, introitu blandiuntur.

Et verò hoc vitium in Aulis maxime viget. Amicitia & sincerus amor, rarum in aulis nomen, ait celebris & religiosus Scriptor. *Drexel. in lingua Polonica* § 5. Vafrities hæc pseudo-politica, chameleontis instar colores omnes inducit, præter albū. Omnia de composito, nihil ex vero, candidoque. Illud Veteris Comici temporibus nostris occini possit.

*Simulatio  
est deceptio,  
commune  
malum.*



Vix hodie fidei fides sit, sine fidei dispendio. Adeò nihil sincerum, nihil germanum. Amicus in obsequio: hostis in animo; comptus in verbis, turpis in factis. Foris mille cæremoniarum elegantiae; intus merum inane. Et utinam inane. Ecclesiasticus describens hosce Proteos & Polypos, cap. 19. *Est, inquit, qui nequiter se humiliat, & interiora eius plena sunt dolo.* Quàm multos videas, officiorum & obsequiorum plaustra offerentes; animo nihil nisi odia coquentes. Ludificatur virtus fraude circumventa, tantò insidijs opportunior, quantò sui securior. Confirmat Sira- cides locicit. *Est, qui nimium se submittit, & si indenerit tempus malefaciendi, malefaciet.* Nam secundum Aristotelem 2. Rhet. Occasione duntaxat opus est improbitati.

*Præcepta  
Pseudopoliti-  
ca.*

Inter complura præcepta Pseudopolitica, hæc quatuor primò ponuntur locò. 1. Illud tecum statuito, nequid cui credas quantumvis in speciem amico: quantumvis arridenti, complexanti, pollicenti, dejeranti; nec quemquam existimes tibi ex animo amicum; nec tu sis cuiquam amicus ex animo; tamen perinde, quasi neminè non ames, ita blandus, & comis esto singulis. 2. Esto largissimus eorum officiorum, quæ tibi nihil asserunt impendij, 3. Saluta blandè, complectere, cede viam, aperi caput, subinde repete honoris & charitatis titulos, lauda assatim, pollicere largiter. 4. Priùs igitur domi vultum composito, ut is tibi paratus sit ad omnem fabulæ partem, nequid veri affectus in facie subluceat. Meditanda domi est actio, ut oratio vultui, ut vultus & totius corporis gestus orationi fucatæ subserviat. Hæc sunt Aulicæ Philosophiæ fundamenta, ad quæ nullus erit idoneus, nisi priùs omnem pudorem absterferit, ac vultu nativo, domi relicto, quasi personam sumpserit. *Iosephus Langius in Polyarchia.* 5. Aulicus ex epistolis Erasmi, En bellam Politicam! quis sibi satis caverit ab his fallaciarum larvis? His volupe est, alios ludum facere, & deridere iusti simplicitatem, quod Iobus c. 12. queritur. Minatur hisce deceptoribus Ecclesiasticus. c. 2. *Pe duplici corde, & labijs sceleratis.* Cor bifidum, & lingua bifida. Nigrum & album, calidum & frigidum, amarū & dulce eodem ahendò coquunt. Sed aderit tempus, cum vulpes orcinæ vulpinabuntur cum istiusmodi vulpibus. Prædixit psalmographus ps. 62. *Tradentur in manus gladij:* (in potestatem tormentorum infernalium) *partes vulpium erunt.* Subijciuntur plestendi dæmonibus, qui vulpinā suā versutiā deceperunt deceptores, & linguas dolosas supplicijs mactant sempiternis. Ingeniosum est, quod Interpretes commentantur in Mausolæum, à Simone Machabæo, parentibus & fratribus suis exædificatum. *Erat illud altum visum, lapide polito retrò & antè. Et statuit septem pyramidas: & ibi circumposuit columnas magnas & super columnas arma, ad memoriam eternam, & juxta arma naves sculptas, quæ viderentur ab omnibus navigantibus mare*

*mare.* lib. 1. Mach. 3. Quid enim naves super columnas? Quid inconstantiae Symbola supra constantiae signa? Quid fluida cum solidis? Declarare voluit vir sapientissimus, parentem & fratres suos, in morem navigij, varijs rerum adversarum, & bellorum turbinibus jactatos quidem fuisse; sed DEO nixos, inter quosvis fluctus & procellas, veluti columnas sterisse inconcussos, & in antiqua Patrum religione, Deiq; cultu imotos. In has pyramides oculi conijciant, quicumq; fortunæ paullo durioris afflatu, instar arundinum ventilantur.

## NARRATIO CXVI. MACHABAEANAE STIRPIS ERADICATIO. HE.

RODIS ALIENIGENÆ IN REGNUM JUDAICUM INVASIO. HERODIANI NOMINIS PRO-

PAGATIO, ET EXCISIO.

Ab anno M. 395 1. ante Ch. 102. ad annum Mundi 4053. JESU  
Christi annum 1. quo anno Herodes è vivis excessit.

Ex Flavio Josepho, de antiquitatibus Judaicis. Lib. 13.  
14. 15. 16. 17. 19. Et de Bello Judaico lib. 1.

**H**Actenus vestigia sacrorum Voluminum pressimus; nunc quoniam cum Machabæorum occasu, Herodianæ familiæ fortuna miscetur, prosequemur ex Josepho, Judaico scriptore, quæ historico sunt nexu colliganda.

Defuncto igitur, ut diximus, *Ioanne Hyrcano*, (primo) *Aristobulus* natu filiorum maximus, Iudæi sibi regis nomen usurpavit; fratrémque *Antigonum* in societatem dominatûs adscivit; cæteros eodem patre natos habuit in vinculis; in quibus matrem fame enecavit; paulloque post uxoris *Salomes* (quæ & *Alexandra* dicta est) artibus, Antigoni quoque, tanquam Regiæ, Pontificiæque dignitatis æmuli, sanguine manus imbuunt. Mox fraternæ cædis prænitentiâ ductus, dirisque conscientiae stimulis agitatûs, morbum contrahit, & cum sanguinis vomitu scelestam animam ejicit. Argumentum divinæ vindictæ manifestum extitit, quod quidam è servulis cruentam saniem foras efferens, eodem in loco effuderit; ubi cruoris fraterni maculæ terram infecerant, Successit in regno

*Aristobuli tyrannus.*

*Vindicta  
DE in  
Aristobulum  
parricidâ.*

Salomé,

*Cruelitas  
Iannæ seu  
Alexandri.*

*Alexandra  
Iannæ u-  
xor per  
Phariseos  
populum si-  
bi concilio.*

*A Pompejo  
Judæa præ-  
ficitur Anti-  
pater Hero-  
diæ parens.*

*Pacorus  
Parthorum  
rex acla-  
Pompej re-  
sciuit.*

Salomé, Iannæque mariti fratrem (quem *Alexandrum* quoque vocant) è carcere ad folium eiecit. Hic verò cum promiscuis cædibus tumultuaretur; quinquaginta Iudæorum millibus intra sexennium interfectis, alterum quoque è duobus fratribus sustulit, alterum privatam vitam colere permisit. Immane vel auditu est; Hebræorum Procerum octingentos (quod tyrannidem eius improbarent) inter epulas cum concubinis initas, excelsiore de loco, unde prospectus patebat, iussit crucibus affigi, & miserorum in oculis adhuc spirantium, uxores ac liberos jugulari. Ad extremum, morbo per temulentiam contracto, vino & sanguine ebrius, animam in tartareas flammæ efflavit; ubi prius uxori *Alexandra* deligendi Pontificis arbitrium permisit, & ut Phariseorum versutiâ regnum sibi stabiliret, admonuit. Illa monitis obsequens, omnia ad Phariseorum arbitrium retulit, & per horum conciones adeo sibi populum conciliavit, ut tyrannum epicedijs & sumptuosa funeratione profecutus sit. Tanti interest, per quos, quove prætextu quemque trahas. Erat ea tempestate Iudæa gens in duas maximè sectas scissa, Nobilitas *Sadduceorum* (qui eundem & corporum, & animarum interitum asserebant; populus verò *Phariseorum* dogmata, qui Stoico quodam supercilio Legis divinæ peritiam, & virtutis austeritatem, insigni cum hypocrisi professi sunt) complectebatur. Horum ergo viribus *Alexandra* suffulta, post novum gubernationis annum, *Hyrcanum* (secundum huius nominis) filium natu maiorem, quem jam antè Pontificatui præfecerat, successorem constituit. Hunc (quippe ad publicas curas languidiorem) *Aristobulus* secundò genitus, & elegantia morum, ac corporis dignitate apud omnes gratiosus, armis victum, in ordinem redegit; ipse sceptrum & tiaram arripuit. Quod utrumque, superveniens Hierosolymam cum exercitu *Pompejus* ei rursus ademit; Pontificatum *Hyrcano* restituit; Iudæam tributariam Romanis fecit, *Antipatrum* ei præfektò, gente *Idumæo*, *Herodis* (qui ab urbe *Ascalone*, ubi educatus, *Ascalonites* dictus) parente. *Aristobulum* cum filijs Romam abduxit: Templum *Solymæum* (quod vi expugnaverat, duodecim Iudæorum millibus interemptis) ingressus victor, ex eo nihil abstulit, nec Sacris operantes Sacerdotes inturbavit.

Tum primum libertas Iudæorum amissa; urbes de Syris antehac captæ, iterum redditæ; regnum, à quo prius Pontificale genus honestatum, ad plebejos translatus: muri civitatis defecti, circa annum Mundi 3991. Viginti post annis *Pacorus*, *Orôdis* Parthorum regis filius, plerâque Syriâ in potestatem redactâ, *Hyrcanum* Romanorum (quibus infestus erat) amicum Pontificali dignitate exiit; *Antigonum*, eius ex fratre *Aristobulo*



stobulo nepotem substituit; ipsum Hyrcanum cum Phaselo (nato majore Antipatri filio, Iudææ præfecto) in vincula conijcit; Hyrcano, ne spes ad pristinos honores relinquerentur, auriculæ amputantur; Phaselus, desperatione adactus, alliso ad saxum capite vitam abruptit. Herodes Antipatri filius nato minor, Galilææ principatum obtinens, in Arabiam, & inde Romam elabitur, Rex Iudææ à Senatu appellatur; Antigonus hostis declaratur. Qui deinde jussu Marci Antonij (pecunijs ab Herode ad id inducti) Antiochiæ in foro publico securi percussus est; Antipatrum Malichus quidam, natione Arabs, vir militaribus factis apud Iudæos clarus, & Hyrcani partijs studiosus, veneno in mensa propinato tollit; Malichum Herodes per satellites suos necat, redeunte in orbem vindicta, & sanguine sanguinem expiante.

*Herodius Romanam elapsus, rex Iudææ à Senatu appellatur.*

Herodes ubi paternis manibus, occisoris cæde parentavit, animum adiecit ad regnum sibi Iudaicum, non Romanorum tantum favore, sed regiæ quoque stirpis connexionem vindicandum. Ergo Mariamnem, seminarum decus, Hyrcani hoc tempore Babylone exulis, neptem, Alexandri Iannæi filiam, matrimonij sibi jungit; Aristobulum, Mariamnes fratrem, ad devinctiōdos sibi Iudæorum, Alexandræ præsertim matris animos, Pontificem creat; Marci Antonij Syriæ Præsidis, eijsque amicorum favorem amplissimis sibi muneribus emit; plebem Solymæam in suas partes adducit; primates & adversæ factionis homines quotidianis supplicijs absumit; Alexandram socrum in regia sub molestis, & perpetuis observationibus continet. Quarum illa impatiens, cum Aristobulo filio fugam in Ægyptum ad reginam Cleopatram molitur. eam fugam ut celaret, uterque sandapilis inclusi velut mortui efferri debebant, & navigio ad id parato imponi. Fraudem deprehendit Herodes, qui de suo ingenio, aliorum facile conijciebat. consilia ultionis coquit; dissimulatam tantisper nocendi cupiditatem, in hunc denique modum exonerat.

*Herodes Mariamnem sibi disponet.*

*Alexandra socrum, & inique filium Aristobulum à fuga retrahit.*

Erat Herodes ab Alexandra (reconciliandæ gratiæ causâ) regali exceptus convivio, tempore, quò calores æstivi maximè fervere solent. Post epulas invitatur Aristobulus, adolescens septemdecim annorum ad piscinas, in proximo stagnantes. Ibi dum spectat æquales in undis, simul ludentes, simul æstum abluentes, incedit adolescentem cupido miscendi se natantibus. Illi, ut ab Herode erant edocti, innatantem undis, quasi per ludum & jocum arripiunt, sub aquas deprimunt, tamdiu detinentmersum, donec eliso spiritu suffocetur. Ingens exinde lamentatio matris Alexandræ, & sororis Mariamnes totamque per urbem Solymæam mœror; maximis enim spebus

*Aristobulus Mariamnes frater a quo suffocatur.*

impleverat omnes, factus ad maxima quæq; juvenilis Aristobuli genius, annos prudentiâ supergressus. Herodes, ut erat mille fallaciarum artifex, invidiam à se amoliturus, modis omnibus dat operam, ut ab ea nece planè alienum se fuisse demonstraret; oculos in fectas solvit lacrimas: funus effert magnificentissimo apparatu.

*Herodes  
parricidij  
apud An-  
tonium ac-  
cusatus, ab-  
solvitur.*

Alexandra nihilofecius patrati per generum facinoris certa, & in vindictam intentâ, per litteras apud Cleopatram Ægypti reginam de Herodis sævitia conqueritur, perficitque, ut Antonius ad eius criminis ultionem incitetur. Herodes igitur Laodicæam evocatur, de suspitione facinoris se purgaturus. Is tam causæ suæ diffidens, quàm odia Cleopatras metuens, abiturus Hierosolymâ, curam regni Iosepho patruo committit, & clàm mandat, ut si Antonius gravius aliquid in se statuât, Mariamnem interficiat, veritus, ne ex ea semen generi regio suscitaretur. Quod quia Iosephus ad mulieres (Alexandram & Mariamnem) retulit, reversò mox è Syria Herode, violatum secretum capite luit. Antonius largitionibus corruptus, non modò sceleris Herodem absolvit; sed insuper imperavit Cleopatras, ut Cælesyriâ contenta, Iudæam ne affligeret; néve Herodem beneficiò à se, senatûque Romano, ei collatò, privatum vellet. Iterum igitur exijt vulpes laqueum.

*Herodes  
Rhodum  
proficiscens  
ad Augusti  
Cæs. cruen-  
ta domi  
mandata  
relinquit.*

Post hæc nuntius perfertur, Antonij ad Asiâ cum Cleopatra ab Octavio Augusto profligati; Herodes ex ancipiti temporum mutatione pendens, Antonium à fortuna desertum, ipse quoque deserit: se ad amicitiam Octavij applicaturus Rhodum proficiscitur, ubi tum Cæsar morabatur. Sed quia scelerum conscientia mordente, timebat incertum profectiois suæ exitum, atrox capit consilium, tollendi omnes; quicumque ex stirpe Davidica superessent. Hyrcanus calumnijs appetitus, quasi regnum ambijisset, neci datur, mitissimi vir ingenij, privatâ vitâ contentus, nullis regni negotijs implicatus, ætate confectus (nam octogesimū annum excefferat) propinqua affinitate conjunctus, quippe qui nepotem suam, ut diximus, Mariamnem Herodi desponderat, aliquot jam liberorum matrem. Neq; stetit intra eos limites tyrannis, Alexandra & Mariamne (Salômæ, Herodis sorori pridem invisæ) in munificimo castro, cui Alexandrium nomen, collocantur, commissâ custodiâ Iosepho quæstori suo, & Sobemo cuidam ex purpuratis, Ituræo natione; quibus in mandatis dedit, ut, si, quod noller, accidisse sibi, cognoscerent, ambas interficerent, regnūque Herodianis liberis, ac Pherora fratri conservarent.

Quibus mandatis, Rhodum properat ad Cæsarē; posito diademate, ad eius colloquium admittitur; contestatur suorum in Antonium

Antonium officiorum constantiam : pari se fide Cæsaris amicitiam culturum proficitur ; addit munera ostingentorum talentorum ; præter ea, quæ in Cæsaris amicos, & exercitum distribuit. Quid multa ? restituto diademate, in intimam familiaritatem recipitur. quâ subnixus, quod reliquum erat ex Hyrcani familia, ambitioni suæ immolat, sceptrumque Davidicum in alienam gentem jam antè translatus, tenaciusprehendit. Domum enim reversus ex itinere Rhodio, cum Mariamnem uxorem, & Alexandram socrum, custodiâ liberatas, solito tristiores reperisset ( eis enim Sobemus sanguinarium regis mandatum prodiderat ) à matre, & sorore Salômè novis suspitionibus oneratus, Mariamnem violatori, & veneni sibi parati postulat; eamque innocentem & indefensam capitali supplicio plecti jubet. Illa necem intrepido non minus animo, quam corpore excepit; colore vultus & venustatis decore, ne eo quidem temporis articulo, mutato, Secus Alexandra fatum suum tulit, mulier ut ambitione non intacta, sic ad ultimam necessitatem subeundam haud mediocriter perturbata. Sohemo quoque secreti manifestatio capite stetit. Cæterum Herodem interfestæ uxoris tanta mox misericordia simul & pœnitentia cepit, ut præ doloris ac amoris impotentia, in ejulatus & lamenta effusus, sæpe nomen Mariamnes inelamaret; eamque, quasi adhuc viveret, per ministros advocari juberet. Deinde specie venationis in solitudinem sese abdere, & hominum consortium, velut immanis bellua, fugere. Manes certè interfectorum ita premebant tyrannum, ut proximus à desperatione abesset. Rursus tantâ truculentia efferebatur, ut quamvis pestilentia grassans multa mortalium millia absumeret, ipse tamen haud satur funerum, ne ab intimis quidem amicis sanguinarias manus abstineret. Adeo nova semper rabie exardescunt, quos semel humani sanguinis sitis accendit.

*Herodes conciliat Augusti red, uxorem esse suum occidit.*

*Herodes impotenter lugeat eadem Mariamne.*

*Iterum offeratur in amicissimos*

*Magnifica Herodis exstructio.*

Sub hæc amicorum & medicorum consilio, ut animum à tristibus curis abstraheret, eum ad ludorum & ædificationum cogitationes traduxit. Inter prima opera, fuere certamina Athletica, quinto quoque anno in honorem Augusti Cæsaris celebranda. Theatrum exinde & Amphitheatrum Hierosolymis opere sumptuoso exstructum; ædes præterea regiæ excitatæ, nomē Cæsaris & Agrippæ (qui Cæsari Charissimus) præferentes. Fana quoque & urbes, inter quas Cæsaræa, eundem in finem conditæ. Et quia Iudaicam imprimis gentem sibi devotam volebat, eius sibi studia, religionis specie comparanda duxit. Templum igitur instaurat, spatij dilatat, porticibus novis exornat : aliisque præclaris operibus Romanorum



Romanorum & Iudæorum benevolentiam : nominis verò Herodiani gloriam & immortalitatem quærit.

Inter hæc iterum in Aula turbatum. *Antipater*, Herodii ex *Do-*  
*ride* natus (plures enim habebat pellices) ut *Alexandrum* & *Aristo-*  
*biolum*, Mariamnæ filios à successione regni dimoveat, confectis in-  
*Antipater*  
*Alexandrum*  
*& Aristobulū Mari-*  
*amnæ filios*  
*per calu-*  
*mniam ac-*  
*cusat.*  
 fidiarum calumnijs, adeo parentem in eos exacerbat, ut is non dubitaret illos coram Augusto intentati veneficij accusare. Cum verò criminationi argumenta deessent idonea, & Iuvenes dudum Augusto Romæ perspecti, verbis se & lacrimis eius sceleris infortes ostenderent, omnibus, etiam accusatore, ad commiserationem permotis, Cæsar patrem, filiosque in mutuam concordiam, & complexus lacrimis mixtos reduxit, Antipatrum per nefariam simulationem utriusque eam reconciliationem gratulante. Sed paullo post iterum erupit perfidus animus. Herodes novis in filios criminationibus circumventus ab Antipatro, eo pertrahitur, ut in eos tanquam parricidas Iudex idem & Accusator animadversurus, reliquos etiā adigeret Iudices ad innoxium sanguinem, insuper habitâ contestatione innocentiae, condemnandum; quare *Sebasten* ducti, ibi parentis iussu strangulantur, & in castris Alexandrio, sepulchro inferuntur.

Antipater sublati fratribus, gradu ad supremam impietatem facto, parenti quoque necem intentat, veneno ad id ex urbe Roma per procuratorem suum misso, ut suspicio parricidij in absente ne hæreret. Nec melior filio mater eius, Doris, *Pheroram*  
*Herodis fratrem*, multorum malorum cinissem, ne ambitiosis Antipatri consilij obstarer, infuso toxico perdit, quod *Sal-*  
*lianus* scribit ad ann. M. 405. Iosephus naturali morte absumptum refert. Antipatrum quoque non diutius scelorum poenæ sunt remoratae. Meditati namque parricidij convictus, in vincula conijcitur; regni successioni *Antipa-*, filiorum Herodis nati minimus destinatur, *Archelab* & *Philippus*, ob calumnias per Antipatrum structas, præteritis. Mox iterum mutatis testamenti tabulis, *Archelaus* successor regni constituitur; *Philippo* & *Antipæ* provinciae assignantur. Sed Augusto Cæsari placuit Iudæam in quatuor partes, seu *tetrarchias* dividere. E quibus duas *Archelab* concessit, regium quoque nomen pollicitus, si eo dignum se redderet. Partes reliquas in duos fratres partitus est. Herodi *Antipæ* Galilæa, regioque Iordanis transamnana, *Philippo* Trachonitis & *Ituræa* cessit.

Et quia Ambitio tam multa timet, quàm multa sperat. Herodes sceptro suo periculum etiam ab infantibus formidavit. Interlexerat è tribus regulis, ab Oriente profectis, ipsos stella interprete didicisse recens nati Iudæorum regis ortum. tum enim-  
 vero

vero Herodes timore concuti, & omnis eum ex Ierosolyma turbari, metum augebant divinæ periti Legis, quicquid de re interrogati, responderunt in Oraculis esse, Bethlemum oppidum venturæ Messiae natale fore. Potuit tyrannus, mens nisi læva fuisset, pulchram in nido cum matre sua deprehendere. maluit advehas exploratores præmittere, & per eos certiora cognoscere. At illi astrodute Magni tunabula Regis venerati, elusa Herodis expectatione, aliâ, quàm advenerant viâ, patrios lares repetierunt. Nunquam aliâs ita furor effervuit. Mox clariatur ad arma, expediuntur milites, verius carnifices, ætati lactenti bellum indicitur. Pendentes ab uberibus matrum parvuli ad quatuordecim millia crudeli ferro perimuntur. nec tamen in tanto numero is invenitur, propter quem cædebantur. Macrobius auctor est, eius rei famâ Romanam perlatâ, Augustum dixisse: *mallo se Herodæ porcum, quàm filium esse*; (neque enim suomet sanguini pepercit) à porcorum namque religionis prætextu abstinebatur, non item à cæde hominum.

*Cædes infantum  
Bethlemiorum.*

Et parùm fuit lupo teneros in artus grassâti, nisi sanguinariam gulam nobiliore cervice exsatiaret. Infandum dictu! Desperata valetudine, Jerichuntem se contulit, eoque minacibus editis omnem Iudæorum nobilitatem convocavit; præsentibus Circo Amphitheatrali inclusit; deinde accersitis ad se sorori Salomé, eiusque marito *Alexa* in supremis mandatis dedit, totam ut gentem, ne sine luctu publico esseretur, in lacrimas darent, omnibus illis, quos Circo tanquam cassibus sepeferat, telorum imbrē confixis, eò temporis articulo, quod è vivis ipse excessisset. Violentas deinde manus sibi admoventi, (quid enim aliud supererat homini, Superis hominibusque exosissimo?) cum excuteretur culter ab *Herodio*, ex sorore nepote; Antipater in vinculis eotumultu excitatus, necemque ratus esse patratam, egit cum carceris custode, ut dimitteretur. Re ad Herodem delata, submissus est satellles, qui hominem sine mora de medio tolleret, præcocis ambitionis poenas daturum.

*Crudele  
mandatum  
Herodis  
adversus  
nobilitatem  
Iudæicam.*

*Antipater  
necatur.*

Hoc ad Inferos præmissis, mox insecutus est particidam parastida; nam quinta post infanticidium patratum die (ut vult Cornelius in cap. 27. Eccli.) aut anno Christi octavo, juxta Baronium. Aut potius anno Chr. primo, eodem scilicet, quod Infantes interfecti (uti cum multis sentit Sallianus) scelerosam efflavit animam; postquam febri, tussis, dynteria, podagrâ, bulimô, seu caninâ appetentia, phthiriasi sive morbo pediculari, putredine verendorum, asthmate, & sætore diu cruciatus, ut fuit flagitiorum, ita morborum feterrimorum theatrum factus est, & interitu funestissimo comprobavit dictum Siracidis: *Lugues peribunt, qui oblectantur casu iustorum: dolores autem consumet illos, priusquam moriantur.* Eccli. 27.

*Herodis im-  
perium.*

Mmm m

Cæterum

*Funus He-  
rodis.*

Cæterum *Salome & Alexas* haud immeritò veriti, ne demanda-  
ta crudelitas in suamet capita verteret, clausos in Circo Iudæo-  
rum proceres, antequam regis mors innoresceret, domum suam  
quemque dimiserunt. Recitatae dehinc ad milites testamenti ta-  
bulæ, quibus Archelaus successor institutus, omnium acclama-  
tionem & applausum habuerunt. Funus regio more curatum est,  
& monumento (quod ipse sibi in Herodio castro splendidum ex-  
struxerat) illatum, animâ jam tum in tartareis rogis meritissimas  
poenas luente. Vir erat artium Politicarum peritissimus, quibus  
privati sortem mutaverat regiâ; pravè tamen ijs usus, suorum cruo-  
re totus imaduit; immanitatis & libidinis prodigium, ut qui, teste  
Iosepho apud *Baron. in ann. Ch. 8.* effrænata libidine virgines consti-  
praret, & thoros alieni conjugij sæpius, vi adhibita, violaret ac fœ-  
daret. Nullumque tam magnum scelus, tam magnum facinus re-  
periri potuit, ad quod vel illecebris voluptatis, vel impetu furoris  
ac crudelitatis non impelleretur.

*Archelaus,  
Herodis suc-  
cessor.  
Iudæa in  
Provinci-  
am Romæ-  
nam redi-  
gitur.*

Archelaus, digna parente soboles, nonò post initum Princi-  
patum annò, dominationis tyrannicæ à Iudæis apud Augustum C.  
postulatus, condemnatusque, in exilium Viennam, urbem Galliæ  
relegatur; pecunia fisco addicitur regio; urbibus Syriæ, à Ro-  
manis subjugatæ, & in provinciam redactæ, attribuitur, anno  
Christi decimo sexto. Procurator eius seu Præses, Româ sub-  
missus est *Valerius Gratus*; cui post undecimum annum in eo magi-  
stratu exactum, successit anno Ch. 28. *Pontius Pilatus*, qui JESUM,  
humani generis Servatorem iniquissima morte condemnavit. Ipse  
verò de munerum corruptelis, rapinis, injurijs & cædibus  
innocentum, apud C. Caligulam Cæsarem accusatus, deportatur  
in Galliam, Viennæque perpetuo exilio inclusus, impatientiâ ma-  
lorum, sibi necem conscivit, anno Chr. 41, Philippus & Antipas,  
Archelai fratres, in suæ ditionis seu tetrarchiæ domina-  
tu perseverare permitti. Uterque mali corvi, malum ovum.  
Antipas Philippi fratris uxorem incesto thalamo polluit,  
& Ioannem Baptistam coniecit in vincula, quod nefariam con-  
suetudinem liberius arguisset; cuius abscissum caput Hero-  
diadi filia in Saltationis præmium cessit. S. Hieronymus tradit,  
Herodiadem insultasse præciso Ioannis capiti, atque acu disci-  
minali sanctissimam illam linguam perforasse; Ut Fulvia quon-  
dam Antonij Triumviri uxor in disertissimam Ciceronis linguam  
sævijt. Ipsa saltatrix brevi post poenas solvit, quando adstrictas  
gelu aquas transiens, rupta sub pedibus impijs glacie, abscinden-  
dum crustis caput dedit, etiam tunc portentosum in modum sub-  
siliens, & choreas, quibus viva assueverat, mortua continuans.  
Ab eodem Antipa Christus, Æterna Sapientia, morionis instar &  
amentis

*Philippus  
& Antipas  
Archelai  
fratres.  
S. Ioannes  
necatus.*

*Herodiadis  
interitus.*



amentis, ludibrijs exagitatus est; Non impunè. Nam ad Caium Cælligulam delatus, quòd cum *Seiano* in *Tiberium* conspirasset, & invocatis *Artaban*, regis Parthorum armis, defectionem molitus esset; perpetuò exulatum, Lugdunum mittitur, anno Ch. 40. qui inde fugitans in Hispaniam unà cum Herodiade, incesta conjuge; tandem periit, mœreore consumptus. Eius tetrarchia Herodi *Agrippæ*, Infanticidæ Herodis, ex Aristobulo filio, nepoti conceditur; mox etiam Iudaicum regnùm à Caio jam antè collatum, à Tiberio Claudio Druso Imp. confirmatur & augetur. Memorabile est, quodde ferrea illius, aureâque catena à Iosepho scribitur. Nam Romæ dum esset, quòd inconsultè nimis Tiberio Imp. mortem, imperium verò C. Caligulæ precatus fuisset, quem eiusdem Tiberij iussu, quasi morum moderator sectabatur, addictus est carceri, vinctusque mansit adusque Tiberij mortem. Cui suffectus Caius, Agrippam non modò vinculis solvit, sed statim in regnum avitum restituit, donatum priùs aureâ catenâ, eiusdem omnino ponderis cum ferrea, quam Tiberius iniecerat, ei que Herodis Antipæ tetrarchiam adjunxit. Eam catenam monumentum utriusque fortunæ Agrippa suspendit in templo Hierosolymitano, ut doceret, altissima quæque faciliè prolabi, rursusque inclinata restitui posse. Is Iacobum (cognomento Majorem, Ioannis Apostoli fratrem) Ierosolymis capite minuit Anno Ch. 44. Actor. 12. Idem perfecturus in Petro, nisi in capite servasset Ecclesiam Christus, ipsûmque ruptis vinculis è carcere per Angelum eduxisset. Actor. cap. cit. Viri huius superbia, cuius administra sævities (nam occisò Iacobò, videns, quia placeret Iudæis, apposuit ut apprehenderet & Petrum, loc. cit.) geminis, & miris exemplis est castigata. Nam cum Româ rediret à Caio Cæs. honoribus & favoribus auctus, Iudæam navigando repeteret, Alexandria exscendit, ibi cum eius satellitum, argenteis clypeis, & inauratis armis nitidum, omnium oculos in se converteret; Alexandrini (quippe Egyptij, quorum inveterata cum Iudæis simulas) invidia tanti splendoris ducti, publicè convitijs eum & contumelijs inceserunt, nam præter maledicentiam & diſteria passim iactata, homo quidam emoti cerebri (Carrabas appellabatur) in ludibrium Agrippæ, rex extemporalis esse iussus, pro diademate papyraceum involucreum, pro paludamento stroeam, pro sceptro fragmentum arundinis gestavit. Diceret illusi personam Christi, & ultionem, in novissimo hoc Iudæorum rege fuisse repetitam; nam & nomen *Carraba* vicinum *Barraba*, & rerum utrinque, gestarum convenientia est. *Baronius ex Pbilone ad annum Chr. 40.* Ad ignominiam verò Agrippæ, etiam exitiù accessit; quâdo Cæsareæ (olim turris Stratonis vocabatur) solennes ludos pro salute Caij Imp. celebraturus, in theatrū processit, veste argentea,

M m x m 2

sceptro,

*Christus il-  
lusus.*

*Agrippa ca-  
tena ferrea,  
& aurea.*

*S. Iacobus  
Apostolus  
occisus.  
S. Petrus  
captivus.*

*Rex Agrip-  
pa Alexan-  
dria. ludi-  
brio bati-  
sus.*

*Agrippa  
arrogantia.*

*Agrippa a  
vermibus  
consumptus.*

*Agrippa  
Iunior au-  
dit S. Pau-  
lum.  
Romani  
Iudeam ite-  
rum sibi  
inducant,*

sceptro, coronâ radians, & omnibus spectantibus (ingens multi-  
tudo nobilium & Procerum convenerat) majorem homine mor-  
tali, sui venerationem incuriens, Deus à populo consalutabatur;  
utque propitium esset Numen invocantibus, per summam adu-  
lationem rogabatur. Ille vocibus assentantium delectatus, tantò  
celerem sensit vindicis DEI manum, quantò similiorem se DEO  
putabat, aut credi volebat. Nam fortè suspiciens; vidit bubonem  
funi extento insidentem (*Josephus antiq. lib. 19, cap. 7.*) agnitoque  
calamitatis nuntiò, repentinè confictatus dolore acerrimo, ac pu-  
trescente in vermes corpore, infelicem spiritum in orcum emi-  
sit. Anno Ch. 46. Actor. cap. 12. Atque eò hunc in modum miser-  
rimè extinctò, permissum diadema ab Imp. Claudio, eius filio  
*Agrippa* (cognomine *Iuniori*) qui cum sorore *Bernice*, seu *Berenice*  
(quam velut uxorem circumducebat) *Paulum* audivit Cæsareæ,  
eloquentia cælesti perorantem. Actor. 25. & 26. A Judæis deinde  
contra Romanos tumultuantibus, primò Hierosolymâ, non sine  
contumelijs & lapidum insectatione; mox toto regnò pulsus, Ro-  
mam profugit, ibique reliquum vitæ privatus exegit, sceptro  
Iudaico Romanos in fasces plenè translatò (anno Ch. 68.) non mul-  
tò post (anno Ch. 71.) Hierosolymam, & omnem Iudæorum gen-  
tem excisuros.

## DOCTRINA.

**A**ulæ impiæ & infelicis ferale speciem habes in Aula Hero-  
diana, in qua nihil nisi suspiciones, calumniæ, fraudes, doli,  
insidiæ, cædes. Tragicum sanè theatrum hic aperiunt *Ambi-  
bitio, Perfidia, Crudelitas.*

Hic legis Oedipoden, caligantemque Thyesten,

Colchidas, & Scyllas, & mera monstra legis.

*Martial, lib. 10.* Sceleribus hæserunt cognata supplicia. Iverunt il-  
la aliquamdiu per gradus, denique in exitium semetipsa impule-  
runt. Seras quidem Herodes tyrannidis suæ poenâ; serias ta-  
men dedit. Præmium longioris vitæ debebatur sumptibus in tem-  
plum Solymæum instaurandum factis. Atrocius periit, quò len-  
tius. Tu verò converte sis oculos in hoc crudelitatis theatrum, &  
spectando tot funera, quò furiosum scelus prorumpat considera.

*Tragica  
Herodis Au-  
la,*

Ecce *Aristobuli* primi, matrem fame necatam. En *Antigonum*  
eiusdem *Aristobuli* fratrem germanum cognato ferro sublatum;  
*Aristobalum* ipsum, inter diras conscientiae lacerationes; scelera-  
tam animam vomitu eijcientem; *Iannæum*, multorum millium  
carnificem, temulentia extinctum. *Antipatrum* Idumæum, Iudaici  
regni invasorem, infusò venenò peremptum; *Malicum* eius inter-  
fectorem, hastis confossum; *Hyrcanum*, veneranda canitie Pontifi-  
cem, præcisâ auriculis, capite minutum. *Phaselum*, Herodis fratrem  
dispersò

dispersò ad saxum cerebrò collisum. *Antigonum* alterum, Hyrcani II. nepotem, regémque in Antiocheno foro decollatum. *Aristobulum* Pontificem, Mariamnæ fratrem, intercepto spiritu suffocatum. *Iosephum*, Herodis patrum, in loco subterraneo seu strangulatum, seu ferro jugulatum. Mariamnem Herodis conjugem, cum *Alexandra* matre, & *Sobemo*, purpuratorum præcipuo, sine vertice truncam, Alexandrum & Aristobulum, Mariamnæ filios, laqueo interemptos. *Pheroram*, Herodis fratrem, toxicò confectum; Quatuordecim *infantum* millia vario mortis genere trucidata; *Antipatrum*, Herodis filium, carnificis manu, capite plexum: Ipsum denique Herodem, in interitu suo novas cædes & funera anhelantem, & immanitatis per omnia supplicia sævientis immanes poenas dantem. Hunc unum si spectas, cruentos in eo Cyclopes, Busrides, Scirones, Phalarides, Diomedes, Dionysios spectas. Omnium ei scelerum caput & fons fuit *Ambitio*, Huic ut litaret, vafra *Simulatio* seu Hypocrisis aram erexit; victimarium egit *Crudelitas*; *victima* fuere, quotquot intercipiendæ honorum lucis suspectos habebat. Raptum per nefas Diadema nunquã ei stetit securũ; infirmus enim coronarũ custos, est metus, quidquid teneat, ne elabatur, trepidat, Herodes in regia, tanquã *Cacus* in spelunca oberrat, calumniarũ, susurrationũ, delationũ, suspicionũ tenebris involutus; hinc quæstiones, examina, tormenta ininocentes pariter, ac nocentes. Alius aliũ deferre, & alterius criminatione suas actiones purgare, gratiam tyranni aucupari. Quosdam acerbitas tormentorũ adegit, ut mallent mentiendo mori, quàm verum dicendo, diu cruciari.

*Herodis  
crudelitas.*

Crudelitati se libido sociavit; Utraque furialibus eum tẽdis inflamavit. Amans furebat: furens amabat. Pulchræ cervici jam oscula libabat, jam ferrum intentabat; jam tumulos spirabat, jam thalamos; adeò diversi litigabant affectus in vecordi pectore. Vicinus illi à Libitina ad Venerem transitus, & vicissim. Tyrannidem in tyrannum hinc furor, hinc amor exercebat. Hanc servitutem servant, quicunq; insolentibus animi perturbationibus sese abripiendos permittunt. Ita Tiberius, Caligula, Nero, & alij Romanorũ Cæsares dimidium imperij cum Venere, dimidium cum fulminante Iove habebant; pari infania in diversos ignes rapti. Monstra ex diversis belluarum formis composita,

*Herodis  
libido.*

Herodem non novus tyrannorum carnifex, mala Conscientia, per omnes timores, & suspicionũ umbras circumegit; nam Manes occisorũ, & diras, quocunq; ferebatur secum ferebat; si foris non instabant larvæ, intus eas finxit. Ita factum est, ut diu noctũque infestis Furiarum stimulis fodicatus, lucem aspiceret invisam, & vitam duceret acerbam, sui non minùs, quàm aliorum latro. Expertus est illud Iobi. cap. 15. *Sonitus terroris semper in auribus illius, et cum pax sit, ille semper insidias suspicatur.* Nota est infelix

*Carnifex  
Herodis  
conscientia.*

M m m m 3

Damoclis

Damoclis in mensa Dionysij tyranni felicitas. Suspendus è seta gladius, & cervici imminens, corrumpit omne gaudium. De Caligula Suetonius refert, eum puerorum instar cœlo fulgurante, aut tonante, præ metu caput, intra lectum, sub cervical recondisse. Et de Artemone quodam memoratur, fuisse hominem tam vitæ improbe, quam timidæ; domi tranquille desidentis duos famulos adstitisse, securum æneum supra caput tenentes, ne quid ex alto decideret. *Cassian. in Symb. lib. 4. Paror enim hic* (quod in Salomonis Proverbijs est, c. 10.) *qui operatur malum.* Isaias hos motus describens. c. 25. *Impij, ait, quasi mare fervens, quod quis ferre non potest, & redundans fluctus eius in conculcationem & lutum.* Nimirum æstu cupiditatum suarum agitati, non secus ac mare generis omnis sordes in littus eijcit, ita ipsi in qualvis impietates & scelera, omnibus maris rejectamentis foediora, erumpunt. Eundem in sensum facit Paræmiographus. cap. cit. *Quasi tempestas transiens, non eris impia.* Sicut enim tempestas sæva est, violenta, horribilis; cum reboant tonitrua, coruscant fulgura, perstrepunt venti, cadunt fulmina, torrentes imbrium depluunt; Et juxta illud *Virgilij, Æneid. 5.*

*Impij mare fervens, & tempestas.*

Tempestas sine more furit, tonitruque tremiscunt. Ardua terrarum, & campi; ruit æthere toto Turbidus imber aquis, densisque nigerrimus aultris. Non minore violentiâ grassantur in obvia quæque impij, quorum melæ voluntati juncta est potentia. Sed ut tempestas, ubi descevit, in se ipsam fracta definit; pari ratione tyrannos, & purpurata flagitiorum mancipia denique, quas excitârunt, involvunt procellæ.

*Herodes in sua felicitate infelicissimus.*

At Herodes & felix, & longævus fuit; nam dominationem regiam ad annos. 37. vitam ad 70. extendit. Audiamus *Josephum Ant. tit. 12. lib. 17. cap. 10.* Vir fuit Herodes, in omnes ex æquo sævus, iræ servus, juris dominus; fortunâ autem propitiâ usus, si quis alius. ex privatis enim natus, regnum affecutus est, & innumeris circumdatus periculis, semper evasit feliciter, vixitque longissimo tempore. Quantum autem ad domesticos, & filios attingit, hic quoque felix fuit suâ sententiâ, oppressis inimicis & adversariis; sed infelicissimus meo judicio. Hæc ille; & recte. Nâ felicitatis progressus metiendi sunt ex termino. Herodes equidem, si bona, quæ Fortunæ vocantur, consideres, nihil eorû desiderare potuit, Regnum Iudaicum alienigena consecutus est. Assamonaâ seu Machabæam stirpem in Antigono sustulerat. Principum & Caesarum Romanorum amicus erat. Uxores ad libitum duxerat, & inter eas Mariamnam, Gratiarum gemmam. Proles ei copiosa & imperio digna. Opes affluentibus; Milites exercitati, & ad omnem nutum parati. Quod si animi quoque, quanquam depravati, naturalem felicitatem attendas;

Erat

Erat consilijs promptus, largitionibus munificus, exstructionibus sumptuosus: in negotijs diligens & industrius, in providendis periculis cautus, in repellendis fortis; eloquiò facundus, in flectendis aliorum animis efficax, in reconciliandis inimicis, potens: in bellis felix: rebus gestis, longè latèque clarus: ad populum diu gratus.

Idem tamen plenus fastus, ambitionis: homo duplicis animi, perversi, callidi, suspiciosi, calumnijs creduli, vafri, malitiosi, tortuosi, dissidentis, Zelotypi, sanguinarij, immanis, efferi. Et Atheus cum esset, Religionem Iudaicam prætendebat nequitiae suae. Hypocrita, si quisquam alius, & vulpinis in artibus versutissimus.

Longè verò in dandis scelerum suorum poenis omnium miserissimus. Luit adhuc vivens, quod peccavit; neque mortuus tamen eluet. Qui à puero, ambitionis insano flagrabat aestu; morturus arcano torquebatur igne, per intima viscera sævientis. Quem sitis auri argentique corradendi insatiabilis corripuerat; eum morti vicinum, lupina fames per dies noctesque exagitavit. Qui terras peragravit & maria, potentiae suae amplificandae causa; jam pedibus consistere non potest, tabe & pure fluentibus. Qui suppliciorum atrocitate in quovis sæviebat: cruciatus in se perferentis scit foedissimorum ulcerum, quovis eculeo acerbiores. Qui profanam astutiam, & politicam calliditatem pro amussi rerum gerendarum habebat; non animi modo, sed corporis quoque ac nervorum omnium punctiõibus acutissimis laceratur. Qui innocentem Mariamnæ, & geminorum eius filiorum sanguinem fudit; seque tot millium lactentium parvulorum cruore non tam aspersit, quam lavit: si tamen scelus scelere lavari potuit; in suomet sanguine, & tetro ventris proluvio mergitur. Et quibus membris ad omnis generis turpitudines abusus est: ijs pediculari lue putrefactus, in vivum cadaver solvitur, In nunc, & dubita, num DEI vindex Oculis in mortalium crimina vigilet. Et discce, non invidere improborum felicitati. *Prosperitas enim stultorum perdet illos.* Prov. 1. *Augustini sententia est, in epist. 70.* Hæc, bona, ne putentur mala, dantur & bonis: ac rursus, ne putentur summa, adantur & malis. Itémque auferuntur ista bonis, ut probentur, & malis, ut crucientur.

*In Herode  
qualia scelerata, talia  
supplicia.*

### Herodis Aſcalonitæ impijs Manibus.

**H**ic situsest Herodes; Antipatri F. Antipæ N. ortu Idumæus, educatione Aſcalonita, cognomēto Magnus, re ipsa vicijs omnibus, imprimisq; impietate in Deū, & in homines crudelitate maximus. Qui

mus .Qui regno per vim & eadē legitimi Principis Antigoni, potitus, religionē foris Iudæus profelytus fuit, intus tamē coluit, quam ambitio præscribēbat. Messiam Filium DEI quæsiuit ad mortem, &, ut eum statim perderet, horribilem carnifici- nam in Bethlehēm, & omnibus finibus in pueros à bimatu & infra natos exercuit: profana templa & aras impia adulatio- ne Principibus Romanis erexit. Pontifices duos regij sangui- nis, alterum calūnijs, alterum insidijs circumventum su- stulit. Quatuor alios in ordinem redegit, Pontificatu dejectos: Scribas, Phariseos, Sacerdotes plurimos interfecit, in quibz Zachariam Ioannis Baptistæ patrem. Davidis sepulchrum suffodit, templum instauravit. Homo mulierosus novem eo- dem tempore, præter alias nefandas delicias, uxores habuit, quarum duas expulit; tertiam cum matre, & dubbus eius es- ea susceptis filijs interfecit: parique pœna patrum, & pri- mogenitum filium, magnamque domesticorum turbam mul- stavit. Domi calamitosus, foris in prællijs fortis ac felix fuit. Denique multis sceleribus perpetratis, & morte lefissimæ totius regni nobilitatis imperatā, plurimorum morborum supplicijs exercitatus, victusque, eum sibi etiam manus as- ferre cōatus esset, sub Paschales serias sceleratam animam evomuit. Vixit annos LXX. Regnavit ad XXXVII. Iuxta allan- computationem XL. Mortuus anno Urb. Cond. DCCCLIII. in Herodio castro sepultus est. quiescit in pie, & flagno ignis ac sulphuris. Tu Viator despuē sepulchrum, & ambula, A. M. 4053; CHIRI 1.

## NARRATIO CXVII.

ET ULTIMA.

EXCIDIVM HIE-  
ROSOLYMITANUM PER  
TITUM IMP. R.

Anno Ch. 72. Neronis 12. & 13. Vespasiani Imp. 1.  
Ex Iosepho lib. 7. de bello Iudaico, & Baronio ad annum Christi

*Cur excidi-  
um Soly-  
mitanum his  
narrationi-  
bus annu-  
xum.*



**N** exordio Narrationum nostrarum bel-  
lum memoravimus, quod excitatum in cælo, ci-  
ves illius Ierosolymæ celestis ita inter se collisit, ut  
innumerabilis eorū multitudo, qui contra DEUM  
insurrexere,



## EXCIDIIUM HIEROSOLYMITANUM, 645

insurrexere, sit è sedibus ætherijs pulsa, & in imum Tartarum deturbata. Par igitur est, ut, quemadmodum è *Carceribus* procurrimus, ita *Metam* contingamus. Quare coronidem huic nostræ scriptioni imponet strages omnium (de quibus ulla historia meminit) luctuosissima, Solymæ Urbis Excisio. Quæ tanta fuit, ut ipsi DEO, eius cladis prænuntiatori, lacrimas excusserit. Accessit altera causâ, cur Narrationibus è veteri divinorum Voluminum historiâ conscriptis, Solymæum excidium annecteremus. Visum est enim, ut, qui Hebræorum res gestas, & utramque fortunam hætenus compendiò profecuti sumus, eorum toties rebellem DEO contumaciam ad exitum, & promeritas pœnas deduceremus; quas si unquam aliâs, tum enim verò novissimas in devastatione Hierosolymitana dederunt.

Ad Vindictam cum Ira Divina procedit, lento plerumque passu graditur; & minatur, antequam feriat. Meruerat Ierosolyma ob JESUM, æternum DEI Filium occisum, ut Sodomæ, Gomorrhæque in morem, effusus è cœlo picis & sulphuris nimbis obrueretur. Sed Iustissimum Numen de impijs, qui sacrilegas in salutis humanæ Assertorem manus injecere, Romanorum manibus pœnas voluit sumere, & insanas illas voces: *NON HABEMUS REGEM, NISI CÆSAREM*, Cæsareo milite plectere. Utque tarditate supplicij spatium daret pœnitentiæ, prodigia velut prodromos, & monitores imminis exitij præmisit. Poterat istum exire, quicumque, vel oculos ad ea signa: vel aures ad eas voces advertere voluisset.

Principium ostentorum fuit, Cometes terribili comarum luce fulgurans, & integrum annum, minacis instar gladij, fatalem urbi mucronem intentans. Successit alterum. Prima Azymorum, seu Paschatis die, noctu circa templum, tantum effulsit lumen, ut dimidiæ horæ spatio claritatem solis referret. Eademque festâ die cum bos immolanda duceretur, agnum in medio templi peperit. Orientalis quoque porta ænea templi interioris, quæ vix à viginti viris claudi poterat, visa est sub concubiam noctem ultrò patefcere. Conspecti deinde per cælum currus ferri, & acies armatæ concurrere. Ipsâque die Pentecostes noctu Sacerdotes templi ad rem divinam peragendam ingressi, allapsam cum ingenti strepitu vocem ( Angelorum hæud dubiè custodum ) perceperunt; quæ diceret: *Migremus hinc*. Homo præterea quidam plebejus & rusticus, cui *Jesus* nomen, per annos septem, & totidem menses circumcursans urbem, perpetuò ingeminabat: *Pe, Pe Ierosolyma!* Idque etiam cum à magistratu acriter caderetur virgis, qui ad diem usque, quò urbs obsideri cœpit, supra mœnia circumiens, cum tandem clamasset: *Pe etiam mihi!* missus à Romanis tormento lapis, eum peremit.

*Prodigia  
& ostensa  
Hierosoly-  
mitanum  
excidium  
præcedentia*

Nnnn

Calamitatis

*Cestius,  
Præfex Sy-  
ria frustra  
obsidet Iero-  
solyman.  
Cnr?*

Calamitatis suæ causâ, quemadmodum diximus, Iudæi fuerunt, Servatorem Mundi dirissimis cruciatibus & ignominijs interficiendo. Initium malis dederunt anno Chr. 68. quando pertæsi Romanorū jugi, dudū gravioris, quàm pati vel possent, aut vellent; multis eorū trucidatis, palam defecerunt. *Cestius*, qui tum Prætor Syriâ administrabat, accurrit è vicino, cum exercitu, ad flammam restinguendâ; obsidet Ierosolymâ. sed irritò conatu; recessit inde non sine multorū militum jactura. Id nimirum DEUS ordinaverat, tum, ne qui Ierosolymis versabantur Christiani, pari pœna afficerentur cum impijs, sed tempestivè cladi se subducerent. (& constat eos ab oraculo præmonitos, salutem ultra Iordanem quæsisse,) tum ut Iudæi longè sæviora meriti, dignis scelerum pœnis torquerentur.

*Vespasianus  
belli dux  
Galilæam  
vastat.*

Nero Imperator Romanus, cognitò Cestium ab obsidio Soly-mæo rejectum, *Vespasiano* multarum palmarum belli duci (qui tum cum Imperatore in provinciam Achaiam comes iverat) dat in mandatis, ut valido cum exercitu in Palæstinam moveat. Is dicto obaudiens, Galilæam, provinciam Iudææ bellicosissimam invadit, domâtque: Iudæorum plusquam centum millibus occisis, quadraginta millibus in captivitatem aut abductis, aut venditis. Quo tempore in expugnatione *Iosapata* civitatis, captus est Flavius Iosephus, militaris Iudæorum præfectus, Antiquitatum & belli Iudaici scriptor.

*Factiones  
Ierosolymis.*

Supplicium peccati meritò apud Galilæos cæpit; quippe quos maximè reos obstinatio fecit; nam primi omnium DEI hominis cœlestem eloquentiam, prodigiosis factis confirmatam, audierunt, auditamque rejecerunt. Hic igitur exortus belli turbo, deinceps alia atque alia concussit, dejecitque. Terror ingens ex Galilæa clade; & omnibus è locis in urbem Hierosolymam fuga. Recepta, intra mœnia, hominū magis colluvies, quàm urbis præsidium, aëonam consumpsit, non hostem. Maxima pestis intra viscera, *Zelota* fuere, qui quò speciosiore titulo divinæ legis observantiam præferebant, hoc impotentiùs in vulgus dominabantur. Seditio erat, non religio. Nam insurgentes in *Ananum*, summum & legitimum sacrorum Iudaicorum Præsidentem, ipsi sibi in Pontificem delegerunt hominē quendā, *Pbanum* nomine, aratris magis admoventum, quàm aris. Hinc Hierosolyma in duas partes discissa, alijs *Ananum*, alijs *Pbanum* sequentibus, tantò infirmius externis hostibus obstitit, quantò debilior ex intestino veneno fuit.

*Vespasiano,  
deferitur  
imperium  
Rom.*

Annus agebatur à Christo nato septuagesimus secundus, quò annò, (post Neronem Galbam, Othonem, Vitellium) *Vespasianus* delatum à militibus Orbis imperium, ut cunctanter suscepit, ita fortiter gessit. Qui dum nutantem, & factionibus disceptam Rempublicam in Italia magnis animis sustinet; *Titus* filium in Iudæam mittit

## EXCIDIIUM HIÉROSOLYMITANUM. 647

mittit ad absolvendum, quod reliquum erat belli. Iudæi verò, cum putarent Cæsarem bellis civilibus intentum, curas externi belli posuisse, secuti *Patria, Legisque* suæ, Paschalia solemnia magno peregrinorum confluxu peragebant. Cum repente apparens Titus, castra posuit in Oliveti monte; unde Christus olim respiciens urbem, lacrimas, malorum imminentium indices, fudit. Communis periculum mali factiosos conjunxit; vires & arma, simul in Romanos verterunt; nec citra hostium cladem. Sed rursus in calefcentibus intus dissidijs, seditiosi cives inter se commissi sunt; *Zelota* ad unum omnes, qui in templum, tanquam in munimentum se receperant, interfecti, crudelitatis suæ pœnas solverunt; nam præter ingentem stragem civium atque Sacerdotum factam, ipsius quoque *Anani* summi Pontificis sanguine manus contaminavere, corporaque insepulta abjecere. Et quia summâ turbatâ, partes ubique lababant; desperatæ facies urbis, vilissimò cuique licentiam faciebat in alios grassandi; Idumæis maxime sicarijs, (quos Ioannes quidam homo factiosissimus, & tyrannidis affectator, tanquam patriæ libertatis propugnatores in urbem introduxerat) cædibus & rapinis cuncta miscentibus. Unde factum, ut divinis pariter ac humanis proculcatis, nec intra civitatem manere, nec foras egrèdi tutum esset. Inter hæc Titus ad motis ad urbem machinis, triplicem murum, quò Ierosolyma cingebatur, expugnavit. Cumque jam ante obsidionem, domesticis, uti memoravi, seditionibus, cellæ; quibus ad plures annos frumentum servabatur, essent incendiò absumptæ; ideoque fames complures cogeret urbe excedere, & ultro se in discrimen dare, Titus ad terrorem oppidanorum; iussit ante eorum oculos suffigi crucibus; quotquot interceperat; tantò numero, spatium ut crucibus, corporibus cruces deessent. Nec dubitandum, multos ex illis patibularijs fuisse, aut ipsorum certè filios, qui ferale illud: *CRUCIFIGE, CRUCIFIGE* contra Christum ingeminabant.

Cæterum Titus, ut omnia incolis arctiora redderet, undique occlusit exitum, aggeribus quinque contra urbem exstructis. Quos cum eruptione facta, dejecissent obfessi, Titus incredibili celeritate murum triginta novem stadiorum, tredecim distinctum castellis, tridui non amplius spatio, urbi circumdixit. Et quia rumor increbuerat, eos, qui ab urbe profugerent, gestare aurum in visceribus abditum, Syri & Arabes, raptò vivere assueti, qui Romanis sub Aquilis militabant, una nocte ad duo millia occiderunt, visceraque scedè scrutati sunt; mox tamen immane facinus cohibente Tito. Interim fames adeò Ierosolymam infestabat, ut

*Titus Ierosolymam obsidet.*

*Res turbatissima in urbe Hierosolyma.*

*Ex urbe profugi, in cruce agantur à Romanis.*

*Syri & Arabes, Titos militantes, scurrantur aurum in Iudeorum exscelus ventribus*

Nnnn 2

calcea-



*Scelera So-  
lymorum.*

calceamenta, cingula, scutorum coria, & quod scdum dictu; si-  
mus etiam, ac humanæ carnes in cibum verterentur. Constat,  
matronam quandam, nobili genere ortam, *Mariam* nomine, facul-  
tatibus, quas amplas possederat, per seditiosos cives everfam, su-  
premæ necessitatis remedium petijisse è corpusculo lactentis fi-  
lij, sua manu jugulati. Ut jam viderentur advenisse dies, à Do-  
mino, cum ad crucem duceretur, prædicti, quando beatas præ-  
dicabat steriles, & mätres jubebat, in suasmet calamitates refunde-  
re lacrimas. Josephus hæc mala deplorans, scribit, Judaicum  
populum à DEO rejectum & repulsum, omni salutis præclusâ  
viâ, præcipitem in interitum juxta scelerum suorum promerita,  
datum. & si Romani contra noxios venire tardassent, civitatem  
aut terræ hiatu absorbendam, aut diluvio mergendam, aut Sodo-  
mæ incendijs exurendam fuisse.

*Titus misfe-  
ratur sor-  
dem Iero-  
solyma.*

Et quia numinis ira scelestos urgebat, Tito sæpius ad hone-  
stam deditiõnem invitanti, obstinatò semper animò responderunt,  
ultima prius passuros, quàm Romanis se dedituros. Addebant  
eam ferociam quidam è tyrannis, intra urbem dominantibus;  
& falsorum præterea mendacia vaturn, certum è coelo auxilium  
pollicitantium. Titus igitur contestatur DEUM, hominè-  
que, se ad urbis & templi excidium invitum compelli; nam  
mortalitatis vires jam tum miseratus est, cum urbis circumiens  
muros, aspexit fossas cadaveribus, & sanie tabefactis è con-  
poribus manante plenas. Ante alias capta turris Antonia (quod  
ei nomen Herodes in gratiam M. Antonij Rom. Triumviri fe-  
cit) templo vicina. Acerrimè dimicatum est in eo loco; Iu-  
dæis pro sacris suis, omni virium contentione propugnanti-  
bus; Romanis pro præda & gloria pertinacissimè, quidquid ro-  
boris erat, in eam expugnationem conferentibus; cum ecce mi-  
les quidam Romanæ militiæ gregarius, non expectatò cuius-  
quam mandatò (quin contra edictum Titij, jubentis temperari ab  
excidio templi) divino quodâ motus impetu (ut Josephus loquitur)  
ignem in Sacram Basilicam injicit; cujus flamma mox invale-  
scens, nulla valuit vel Imperatoris diligentia, vel ope humana  
restingui. Conflagravit augustissima structura, postquam à con-  
ditore suo Salomone stetit annis mille, centum, triginta, men-  
sibus septem, diebus quindecim. Et à tempore Cyri posterioris  
(cujus indulgentiâ ac munificentia resurrexit è busto Baby-  
lonij tyranni) annis sexcentis, triginta novem, & quadragin-  
ta quinque diebus. Cum interea Romæ (ò rerum humanarum  
vices contrarias!) Capitolium bello civili nuper concremarum,  
sumptuosissimè restitueretur, & magnificum Iovi delubrum in eo  
dedicaretur, Cum templo perierunt Sacerdotes, qui ruderibus &  
latebris

*Templum  
incenditur.*

## EXCIDIIUM HIEROSOLYMITANUM. 649

latebris extracti, cum vix tandem se dederent Tito, eius iussu neci sunt dati. Et ne ulla facies calamitatis abesset, quidquid non deiecit ignis, profanavit miles Romanus, nam & signa militaria sunt illic posita; & sacrificia idolis patrata, cum faustis acclamationibus, Titum Imperatorem salutantium.

Incensò templo, etiam urbis inflammandæ potestas militi facta est. Primò quidem pars urbis superior, quæ *Sion* dicta, *Urbs tota* longè munitissima; deinde urbs reliqua, cum omnibus vasis sacris, & Pontificum ornamentis, clam asservatis, in manus hostiù *Spolijs* venit. In ea pervastatione, qui se Romanis suppliciter permiserunt, in ambitu templi conclusi, antequam decerneretur, quid de *in manus hostium venis.* ijs agendum esset, ad duodecim millia fame consumpti sunt.

Pæne fidem excedit, quod Iosephus de mortuorum & captivorum numero tradit, dum scribit, captos toto belli tempore *Incredibile* nonagies septies mille; ferro, fame, peste, peremptos, undecies *hominum* centena millia; convenisse Ierosolymam ad festum Paschatis diem *multitudo* vicies centena, & septingenta millia; præter eos, quos ob aliquam impuritatem aut maculam, Lex à Sacris arcebat, quorum utique multitudo ingens fuerit. Additque, tunc velut in carcerem totam gentem fatò (imò, à DEO) fuisse conclusam, & *Ierosolymis* vindici Romanorum gladio traditam. Eorum qui morti erepti *vel capta* sunt, alij ad opera missi sunt in Ægyptum; alij, quos corporis forma commendabat, triumpho servati; plurimi de robustioribus *est, vel perijit.* delecti, qui per provincias cum bestiis pugnarent in theatris. Qui verò ætatem agebant intra annum decimum septimum, unà cum feminis, vilissimò pretiò sunt venditi, quod & deessent, qui emerent; & anona, quæ aleret.

Postquam crudelitas non reperit amplius, quos occideret: *Urbs funditus evertitur.* aut avaritia, quod raperet; Titus totam funditus urbem, cum templo evertit, relictis duntaxat aliqua muri parte, in quo præsidium collocaret: & tribus turribus, cæterarum fastigium excedentibus, ut scirent posteri, quid Romana virtus expugnasset. Reliqua solo æquata, ut ne vestigium quidem superesset, illic aliquando homines coluisse.

Subactis, & excisis hunc in modum Iudæis, imperatum est, ut didrachum pro tributo quotannis templo inferri solitum, deinceps Jovi Capitolino penderent. Hoc pretium & merces impietatis fuit, latronem præ Messia, cacadæmonem præ DEO, iam rum eligentis, cum JESUM in ridicula purpura, & vulneribus confisum in prætoriana pergula stantem spectavit, & damnavit. *Pars ob Christum latroni postposita.*

Secuta Iudæorum servitus, juxta Danielis vaticinium c. 9. nunquam desitura. Exuti templo, sacrificijs, civitate, errabundi

extorres, exules, vagantur per orbem (ut olim Cain, fratris occisi manibus agitatus) nusquam domi, ubique contempti, ludibrium & Sanna gentium; à militiâ, magistratibus, aliisque publicis officijs apud omnes nationes repulsi, perpetuæ notam infamiæ in fœrenti corpore circumferentes. Solebant verò miseri, usque ad Hieronymi temporâ (mulierculæ præsertim decrepitæ, & senes panis oblitî, corporibus & habitu iram DEI demonstrantes) anniversariâ Hierosolymæ excisæ luce, cum in locum confluere, & persolutò militibus pretiò, descendæ patriæ permissionem emere. „ *Hieronymi verba sunt in Sophon. 2.* Usque ad præsentem diem per „ fidi coloni, post interfectionem servorum, & ad extremum Filij „ DEI, excepto planctu, prohibentur ingredi Hierusalem: & ut „ ruinam suæ eis flere civitatis liceat, pretio redimunt; ut, qui „ quondam emerant sanguinem Christi, emant lacrimas suas. Conati sunt quidem circa annum Domini 363. favente Juliano Cæsare Apostatâ, Templum instaurare, sed flammeis globis & fundamentis, erumpentibus, & fabrilia instrumenta absumentibus, rubrisque crucibus in operarum veste fulgentibus, coacti sunt à cœptis desistere, & vel inviti tropheum crucis Christi circumferre.

Titus porro rebus magnificè gestis, tantum absuit ut animus de tanta victoria extolleret, ut etiam oblatas à finitimis gentibus coronas recusaret, eo se honore indignum respondens: ut qui sciret, non se talium operum autorem, sed DEI iracundiam fuisse, cui manus ipse suas accommodasset. Triumphum tamen Romæ nobilissimum egit cum Vespasiano parente, traductis in pompa Judæorum manubijs, & sacris spolijs; ac Joanne & Simone Judaicarum factionum ducibus, cum septingentis viris electis, robore & corporis dignitate præstantibus. Eusebius auctor est, Vespasianum post Solymæam devastationem mandâsse conquiri omnes, qui ex Davidis genere prognati essent. intellexerat enim à Vatribus, ex ea progénie regem extitutum, cuius imperium nullo fine terminaretur. Quam prædictionem quoniam Josephi (huius historiæ Scriptoris, qui sibi à Flavio Vespasiano prænomen sumpsit) & aliorum assentatio in Cæsarem contulerat, inflatus est à animò, ad eam æternitatem familiæ suæ arrogandam. Ad eò tumens felicitas columbias in arena sibi statuit, & votorum indulgentiâ, nubibus arces inædificat; sed quæ dissilantur, eo, qui naturæ debetur ultimus, spiritu. Habet hoc adulationis genius; in spes & iras grandes, impellit principum etiam bonorum indolem. Certè Vespasiani, quas in aditu, Imperij modestia collegit laudes, ad extremum Ambitio effudit. Felicior Titus filius, qui ob insitam benignitatem & morû facilitatem, humani generis

*Judei frustra conantur instaurare templum. Titus victoris modestia.*

*Vespasiani arrogantia, & consilium eradicanda familie Davidicæ.*

*Titus Delicium bonorum.*



## EXCIDIUM HIEROSOLYMITANUM. 651

generis *Delicium* audivit; recordatus aliquando super cœnam, quod eum diem beneficiò cuiquam præstitò vacuum transmisisset, ingemuit, & memorandam illam vocem edidit: *Amici, diem perdidit.*

Iudæi, quia vitæ Auctorem neci dederunt, non diem tantum, sed annos, ætates, æternitatem perdiderunt, *ed quod non recognoverint tempus Visitationis suæ.* id quod Christus Luc. 19. eis dolenter exprobat. Poterant illi præcavere jacula, quia prævisa, & ab illo prædicta, qui non tam verbis, quàm factis mirabilibus, & omnem humanam virtutem superantibus, fidem sibi conciliare debuit. Sed ò quoties nos DEUS visitat, & adventus sui prænuntios morbos, angores, angustias, contemptus, molestias, afflictationes, obrectationes, calumnias, calamitates publicas, privatæque, bella, famem, pestem, inundationes, naufragia, incendia, & omnium malorum cumulum præmittit! nos tamen cæciores talpâ, surdiores littore, cervice intractabili, & Iudæorum in morem induratâ, misericordiam DEI repellimus. Visitationem eius non agnoscimus, atque involuntarium exitium, scelerum super nos incumbentium pondere degravati præcipitatur. O ter quaterque felices, qui juxta monitum regij Prophetæ, *si vocem DEI audierint, non obdurant corda sua.* psal. 94. qui parati sunt Visitationem excipere, & rigidum iustitiæ gladium tempestivis lacrimis emollire. Infelicissimi! quibus Vindex mucro superveniet improvisus, & sub unum temporis punctum sentire coget, quod æternum sentient. Habent, quod sibi timeant urbes, regna, provinciæ, & singuli quique homines, flagitijs excæcati, & exsurdati. Quod Christus minitatus est Iudæis, id omnibus Iudæorum similibus interminatur. *Quia si cognovisses & tu, & quidem in hac die tua, quæ ad pacem tibi, nunc autem abscondita sunt ab oculis tuis. Quia venient dies in te, & circumdabunt te inimici tui vallo: & circumdabunt te, & coangustabunt te undique, & ad terram prosterneant te, & filios tuos, qui in te sunt: Et non relinquent in te lapidem super lapidem, ed quod non cognoveris tempus visitationis tuæ.* Luc. 19. Ierosolyma, Civitas illa sancta, Civitas visionis & pacis, sedes Davidis ac successorum regum, Patriarcharum & Prophetarum patria, legis divinæ Sacrarium, Religionis propugnaculû, electi DEO populi habitaculum, ocellus Palæstinæ, decus universæ terræ, domina gentium, felicitatis & gloriæ domicilium, sacratissimi templi sinus, ipsius DEI regia, in lapidum redacta est cumulum & miserabile bustum. Paria formida, quisquis paria peccas. *Dies pacis est tempus vitæ, misericordiæ, gratiæ; quam diem si sceleribus fœdaveris, veniet dies ultionis & iræ; Præcessit Visitatio Clementiæ, succedet Iustitiæ. In tempore illo (DEUS apud Sophoniā minatur c. 1.) Scrutabor Ierusalē in lucernis, & visitabo super viros defixos in facibus suis. Pessimè perijt, quem*

*Multi. Solymorum instar, DEI visitationem non agnoscunt.*

*Sapiendum ex visitatione Ierosolymæ.*

quē Visitator hic in sceleribus inersum & defixum invenerit. Seri genitus, cū lapis ruet super lapidem, quando solventur compages corporis, & conteretur *hydria super fontem* Eccl. 12. cū peccatorum doloribus circumdatum, & circumvallatum coangustabunt undique scelerū furia, conscientiaē terrores, minae, tormenta. Parum est Christianum fuisse, nisi Christianē vixeris. Sic jam olim Hebraei apud Ieremiam cap. 7. securitatem à Chaldaeo hoste falsò sibi promittebant, eā solā spe freti, quòd apud ipsos facerrimum DEI templū esset. Hinc praefidenter ingeminabant saepius illud: *Templum Domini, Templum Domini est*: Sed quid DEUS? Nolite confidere in *verbis mendacij*: Quoniam si benè direxeritis vias vestras, & studia vestra; *habita- bo vobiscum in loco isto*. Hoc quilibet sibi dictum puter, ac cum metu & tremore salutem suam operetur. Philipp. 2. *dum tempus est acceptabile, dum dies sunt salutis*. 2. Corinth. 6. sed pro dolor! multis accidit, quod Hannibali quondam, Pœnorum Duci, qui post Cannensem victoriam, neglectā capiendā Romae occasione, cū rediens ad obsidionem, repelleretur imbrium ac ventorum violentiā, dixisse fertur: *Cū potui, nolui; cū volui, non potui*.

Atque hic finis esto Narrationum, & Testam. V. historia selectarum; in quibus viciorum omnium & virtutum exempla proposita habentur. Labori nostro pretium is fecerit maximum, qui melioribus ductus, peioribus declinatis, vestigia legerit praecedentium in *via mandatorum DEI*. psal. 118.

AD DEI ter Opt. Max. Gloriam, & legentium emolumentum.

Omnia haec S. Ecclesiae iudicio subiecta sunt.

—333—333—333—333—333—33—333—333—333—333—333—333—

## INSERENDA SUIS LOCIS.

Pag. 20. post numeros 3365.

Lamechi  
liberi.

**S**ub haec tempora Lamechi liberi inclaruerunt, nam *Label* construxit tentoria, & vitam pastoritiam adamavit. *Tubal* Musicae operam dedit, & instrumenta sive *statu*, sive *actu* resonantia invenit. *Tubalcain* in acuendo, poliendo, malliando ferro artem ostendit. *Noëma* soror lanificium commenta est, & suo praevit sexui, qua in re proferre ingenium deceret feminam. Horum avus erat Mathusaël, omnium mortalium longævissimus; vixit enim annos nongentos sexaginta novem.

Abrahami  
aut & ob-  
itu.

Centum quadraginta annos circa hoc tempus impleverat Abraham, provixitque ad annum usque centesimum septuagesimum quintum, postquam haeredem constituerat Isaacum; filijs autem *Agar* & *Ceturæ*, quas secundarias uxores habebat, suas quoque possessiones attribuit, sed longius ab Isaaci ditione remotas, tum ne

tum ne invidia ampliorum facultatum, quas Isaaco reliquerat, rixas & jurgia concitaret inter fratres ; tam quia Palæstina, hoc est, terra Abrahamæ promissa divinitus, ad solos Isaaci posteros pertinebat ; tum, quoniam illi à Dei veri cultu discessuri erant, malorum consortio ne afflarentur boni. Sepultus est in spelunca Mambrae, duplicem in Cryptam distinctâ, non procul urbe Hebrone, in qua jam antè Saram uxorem condiderat.

Vir per omnia magnus : electus à DEO, qui Pater esset Credentium, & populi sancti Patriarcha. Cunctarum decus & ornamentum virtutum. De quo *Ambrosius lib. de Abrab. cap. 2.* „Magnus planè vir Abraham, & multarum virtutum clarus insignibus, quem votis suis Philosophia æquare non potuit. „Minus est, quod illa finxit, quàm quod iste gessit, majorque ambizioso eloquentiæ mendacio, simplex veritatis fides. Et *Nazianzen. orat. 41.* Venerandus Abraham patriarcha ille, illud charum & augustum caput, illud virtutum omnium domicilium, „virtutis norma, sacerdotij perfectio, qui voluntarium DEO sacrificium offert, unigenitum nimirum suum, ex pollicitatione acceptum. De quo paucis plurima *Chrysostomus homil. de Abrab.* „Martyr vivus, & non vivus, mortuus & non mortuus. Omnia complexus est Siracides cap. 44. *Abraham magnus Pater multitudinis gentium, & non est inventus similis illi in gloria.* putà veteris Testamenti ; quocum DEUS pactum iniit, Messiamque promisit ex eius semine nasciturum.

*Pag. 113. post. certare queat.*

Causa tam longæ circumductionis erat, imbellis Hebræorum, quippe in servitute educatorum, animus, & adversus occursum hostium meticulosus.

*Pag. 116. post numerum 105.*

Item poena violati Sabbathi. Num. 15. blasphemiae Levit. 24. neglèctæ religionis. Levit. 10.

*Pag. 119. post metum.*

Circa hoc tempus quidam ex Hebræis tenuioris homo fortunæ, ut necessitati prospiceret domesticæ, lignorum quædam sarmenta aut fragmenta collegit die Sabbathi ; In eo deprehensus laboris, mox coniecit in vincula, Moysi que & Aaroni, populi Principibus, sistitur. Res ad Oraculum relata est, vel quia de novæ poenæ noxæ, vel de eius gravitate dubitabatur ; durum namque visum est, supplicium capitis in eum statuere, quem paupertas adegerat ad ramenta, frustulâve lignea comportanda. Responsum è Tabernaculo est editum, ut facinus lapitatione plecteretur. Ita

0000

severitate

*Circa Hebræos  
per desertum  
circumdud-  
iti.*

*Violatio  
Sabbathi  
penita.*



severitate exempli sancita est observatio diei festi in documentum posteris, non arborum tantum magnarum strage, sed parvis etiam segmentis, hoc est, piaculis in speciem levioribus, iram DEI accendi.

*Blasphemia  
punita.*

Ad hæc etiam tempora pertinet disparis criminis non dispar poena, divini jussu Numinis inflicta. Erat quidam, mixto ex Egyptijs & Israëlitis genere oriundus, huic fortè jurgium cum Hebræo Sacerdote intervenerat: in jurgio, ut fieri solet, longius irâ provectus, blasphemias in cœli Dominum voces effudit. Igitur captus, capitisque damnatus, lapidibus est obrutus, DEO sic imperante, & nominis sui contumeliam ulciscente.

*Aronis filij  
puniti.*

Neque multò antè aliud contigit supplicium, temeratae religioni irrogatum, ipsamque, quâ Pontificatum inierat Aaron, diem funestavit. Pontificis recens consecrati, filij Sacerdotes *Nadab & Abin*, cum ignem *Sacrum*, nempe è cœlo delapsum, & ex altari holocaustorum sumendum, ad sacrificia perpetranda adhibere debuissent, incertum, an oblivione præcepti, an quadam perturbatione acti, ignem profanum, quò carnes in atrio sanctuarij coquebantur, arripiunt, eoque implent thuribula, & *incensum* adolent. In vestigio adfuit animadversio divina; nam in ipso tabernaculo, dum offerunt thymiama, subito flamma ex altari in ipsos erupit, & utrumque repentina morte consumpsit. Tanta cura est Numini, ut, quæ ad sacrum pertinent cultum, ritè, religiosèque obgantur. Et intererat honoris divini, ab ipso institutæ religionis principio tristius exemplum edi, quo cervicosa Hebræorum capita admonerentur reverentiæ, Sacris quàm accuratissimè exhibendæ.

*Pag. 156. post ferientem.*

*Angustia  
Chananis-  
tidia.*

Cæterum Chananitis etsi populosissima fuerit, refert tamen D. Hieronymus eius inhabitator, longitudinem illius à Dan, usque Bersabæam non ultra 160. passuum millia, hoc est, leucas Gallicas fere 50. Latitudinem à Joppe usque ad Médaba 25. leucis porrigi.



SYNCHRONISMUS

SYNCHRONIS.REG JUDA,PROPHETAR.&c.655

SYNCHRONIS.  
MUS REGUM JUDA, PRO-  
PHETARUM, REGUM, ET HERO-  
UM GENTILIUM.

**S**alomoni Synchronos, sive coævus fuit Nathan Propheta,  
Hiram Rex Tyri, Hesiodus,& Homerus Græcorum Salomon.  
Roboamo coævus fuit Ahias Propheta, ac Ieroboam, primus  
Rex Israël,& Laosthenes, Rex Assyriorum.

Asæ coævus fuit Jehu propheta, ac Baasa, Rex Israël, &  
Ophrataus, Rex Assyriorum.

Tempore Iosaphat floruit Elias Propheta, qui curru igneo  
raptus est in cælum.

Sub Ioram prophetavit Eliseus per sexaginta sex annos, mor-  
tuusque est sub Amasia rege.

Sub Ioa vixit Ioiada Pontifex, eiusque filius Zacharias martyr,  
In Israël successivè regnârunt Ichu, qui domum Achab succidit;  
Ioachaz & Ioas.

Amasiæ regis frater fuit Amós, pater Isaiæ Prophetæ. Isaias  
ergo avum habuit Ioam regem, patrum verò Amasiam. Hoc tem-  
pore Lycurgus leges dedit Spartanis.

Tempore Azariæ sive Oziaæ cœpit prophetare Isaias, ac  
prophetavit per sexaginta annos sub Ozia, Ioathane, Achaze,  
Ezechia, & Manasse regibus; prophetârunt tunc quoque Osec,  
Joël, Amos, Jonas, & Abdias. Sub annum 40. Azariæ, cœperunt  
computari olympiades, sive anni Iphyti regis, qui eas instituit.  
Olympiades antecedunt Romæ ortum annis 23. Quare sub an-  
num decimum Joathanis, Roma condita est à Rómulo, qui primus  
in ea regnavit annis 36. Huic successit Numa Pompilius, per an-  
nos 44. Huic Tullus Hostilius per annos 32. Huic Ancus Martius  
per annos 24. Huic Tarquinius Priscus per annos 38. Huic Ser-  
vius Tullius per annos 44. Huic Tarquinius superbus per annos 35.

Sub Joathane prophetârunt Nahum, & Michæas. Sub idem  
tempus Sardanapalus obsessus in Ninive, ab Arbace Mediæ præ-  
fecto, seipsum cum regia, totaque gaza combussit. Quare Arba-  
ces Mediæ se regem fecit; Baladan verò, qui alio nomine dictus  
est Nabonassar, Babyloniam occupavit, à quo constituta est Æra  
Nabonassaræ, quæ incipit ab anno 15. Joathanis.

Sub Achaze capta est Damascus ab Assyrijs, ac Teglatphala-  
sar eorum rex dimidiam partem decem tribuum Israël in Assyriam  
abduxit.

## 656 SYNCHRONIS. REG. JUDA, PROPHETAR. &c.

Ezechiaë coævus fuit Merodach, filius Baladanis sive Nabonassar, primus rex Babylonis, & Salmanasar rex Assyriorum, qui Israël, id est, decem tribuum reliquias, ac inter eas, Tobiam in Assyriam abduxit. Item eius filius Sennacherib, qui obsidens Hierosolymam, ab Angelo fugatus est, cæsis 185. millibus. Sub Ezechia prophetavit Habacuc.

Tunc quoque floruit Sibylla Erythræa, teste *S. Augustino, lib. 18. de Civit. c. 23.* Manassès Isaiam prophetam sibi consanguineum ligneâ serrâ dissecuit. Tunc floruit apud Lydos Gyges, qui Candaule occiso, regnum obtinuit: eius pronepos fuit Cræsus, quem Cyrus prælio vicit, & subjugavit. Tunc quoque in Ægypto regnavit Psammeticus, cuius filius Nechao Isaiam superavit & occidit. Tunc quoque claruit Thales Milesius, unus è septem Græciæ sapientibus, ac successivè cæteri sex sapientes. Sub Manasse quoque Romæ regnavit Numa Pompilius; floruit Sibylla Samia. Tunc pariter historiam Iudith contigisse, multi opinantur.

Sub Iosia cœpit prophetare Ieremias, qui tempore Ioakim, Ioachim, & Sedeciaë prophetavit per 45. annos, tandèmq; in Ægypto, à Iudæis obrutus lapidibus, martyr occubuit. Sub eodem prophetavit Baruch, Sophonias, & Holda prophetissa. Romæ regnârunt Tullus Hostilius, & Ancus Martius. Floruere Aristomenes, Phalaris Tyrannus, Zeleucus Legislator, Terpander Musicus, Sappho & Stesichorus Poætæ. Anno quarto Ioakim cœpit regnare Nabuchodonosor, qui Monarchiam ab Assyrijs ad Chaldaeos transtulit, ac Ierusalem cum templo evertit, & Iudæos in Babylonem abduxit, ac Ægyptum subjugavit, & Pharaonem Nechao, qui Pharaonum fuit ultimus, trucidavit.

Sub Ioachim & Sedecia prophetavit in Babylonia Ezechiel per annos 22. cui successit Daniel, qui usque ad centesimum annum vixit, & prophetavit.

Hoc tempore in Media regnabat Cyaxares, cui successit filius Astyages, & huic nepos ex filia Cyrus, qui Babylonem, occisò rege Balthasare, cum Dario Medo avunculo suo cepit, & Monarchiam à Chaldaeis ad Persas transtulit, ac Iudæos ex Babylone liberos in Iudæam remisit. Claruit eo tempore Zorobabel Dux Iudæorum.

Tunc quoque floruere Draco, Atheniensium Legislator, æquè ac Solon, Epimenides Philosophus, qui teste Laërtio Athenis aram erexit *IGNOTO DEO*, de qua Paulus Actor. 17. Itè Anaximenes, Xenophanes, Anacharsis Philosophus, Arion Musicus, Æsopus fabularum Dictator, Sibylla Cumæa, quæ Tarquinio regi Romanorum novem libros oraculorum obtulit pretio 300. aureorum: cumque



## CHRONOTAXIS ET SYNCHRONISMUS. 657

cúmque is illud abnueret, Sibylla magnam eorum partem combussit, ac pro paucis reliquis tantundem exegit & obtinuit, uti narrat Plinius, Solinus, Gellius. Hæc ex Eusebio, Tornielo, Gordo-  
no, Saliano chronologis Cornelius à Lapide in cap. 25. lib. 4. Re-  
gum.

# CHRONOTAXIS ET SYNCHRONISMUS ALI- QUOT REGVM, PRINCIPVM, VIRORVM IL- LUSTRIUM, TAM APUD IUDÆOS, QUAM APUD ETH- NICOS, A CAMBYSE PERSARVM REGE,

Anno M. 3524. ante Christum 529. usque ad Excidium Hieroso-  
lymitanum, anno Christi 72. 73.

**C**yro Persarum regi successit Cambyfes filius, anno Mundi  
3524. Huic Darius Hystaspis anno 3532. quo tempore pri-  
mi Romæ consules creati. Sub hoc prophetarunt Aggæus,  
Zacharias, Malachias. Darius imperium reliquit Xerxi filio anno  
3567. quo tempore in vivis fuerunt Pindarus, Aristides, Herodo-  
tus, Thucydides, Themistocles, Socrates, Democritus, Pausani-  
as, &c. Xerxes habuit successorem Artaxerxem, cognomento  
Longimanum, seu Assuerum, anno 3589. Claruerunt tum apud  
Iudæos Esdras & Nehemias; ille Sacerdos & Doctor, hic Dux  
Hebræorum. Item regina Esther, Assueri conjux; & Amanus,  
purpuratorum primus, in crucem actus. Apud Gentiles Iso-  
crates, Hippocrates, Aristophanes &c. Artaxerxi Longimano  
successit Darius Nothus, a. 3629. Cuius tempore nominatiores  
fuerunt Alcibiades, Dionysius Siculus, Sophocles, Euripides, Eucli-  
des. Dario Notho successit anno M. 3650. Arfaces, cognomento  
Artaxerxes, & Memnon, ob memoriæ præstantiam. Cyrus minor  
eius frater & æmulus, in acie cæsus. Celebriores fuere Xenophon,  
Socrates, Militares Duces Athenienses & Spartani; Plato, Aristoteles,  
Demosthenes. Arsaci successit a. 3689. Filius Ochus; qua tempe-  
state floruerunt Philippus, rex Macedoniæ, Epaminondas Dux The-  
banus &c. Ochus cum filijs crudeliter sublatò, regnavit Arses, natu  
filiorum minimus, unicus de reliquis fratribus servatus a. 3711. In  
fama fuit Epicurus Philosophus. Post Arsen peremptum regnum

O o o o 3

Persicum

## 658 CHRONOTAXIS ET SYNCHRONISMVS.

Perficum obvenit an. 3715. Codomanno, Armeniæ satrapæ, Ochi patrueli, qui Darij nomen assumpsit. Hunc Alexander M. debellavit, & imperium Persarum ad Græcos transtulit an. 4724.

Exinde regnum Græcorum à Seleuco Nicanore, Babyloniæ præfecto occupatum, & latè in Oriente propagatum est an. M. 3743. Ab hoc, Syriæ rex octavus fuit Antiochus Epiphanes; à quo Heliodorus, missus ad templum Solymæum expilandum, meritis poenas dedit an. 3878. Septem fratres Machabæos cum matre martyrio affecit. 3886. Eodem tempore Iudas Machabæus, eiúsque frater inclaruerunt. Apud Ethnicos clari, ab anno 3836. ad an. 3886. Fabius cunctator, Hannibal, Marcellus, Scipio Africanus, Archimedes, Plautus, Cato Maior, seu Porcius, Scipio Africanus & Æmilianus. Perseus rex Macedon. in triumpho ductus. Polybius, Lælius, Terentius. Saguntum à Pœnis expugnatum. Antiocho Epiphani successit Antiochus Eupator, filius. 3890. Hunc excepit Demetrius Soter; hunc Demetrius filius, cognomento Nicanor, strenuè pugnârunt Machabæi cum diversis regum Syriæ ducibus. Demetrium Nicanorem an. M. 3910. expulit Tryphon, regiæ militiæ præfectus. Tryphone occiso, regnum Syriæ suscepit Antiochus Sedêtes, Demetrii Nicanoris frater. Huic successit Antiochus Grypus; In hunc insurrexit Antiochus Cyzicenus, uterinus frater, & cum eo in partem regni admissus est; varijs utrinque pugnatum prælijs, alternante fortuna, & se inter æmulos partiente, usque ad annum M. 3930. Quo tempore eversa à Romanis Numantia, & ante eam Chartago. Exorta Romæ Gracchorum seditio; bellum Iugurthinum anno M. 3947. bellum Cimbricum anno sequenti. & an. 3954, seditio Apuleij Saturnini.

Anno M. 3670. Regnum Græcorum in Asia, desijt in Philippo & Demetrio Antiochi Grypi filijs; & translatum est à Syris, tot barbarum pertæsis, ad Tigranem Armeniæ regem; Hunc Romani bello victum in Armenia regnare passi sunt; Syriam ei ademptam in provinciam redegerunt anno Chr. 65, Mithridaticum, & alia deinceps bella ab anno 3960. Romanos exercuerunt. Sociale bellum an. 3969. Marianum & Syllanum 3967. servile & Spartacum 3981. Pyrraticum 3687. seditio Catilinaria 3991. Floruerunt Cn. Pompejus, C. Iulius Cæsar, M. Tullius Cicero. Anno M. 4011. ante Ch. 42. devictò M. Antoniò, Romanum Imperium sibi vindicavit Octavius Augustus. Clari fuerunt Virgilius, Horatius, Ovidius, Poëtae. Circa ea tempora Herodes Afcalonita, ope Antonij & Cæsaris Augusti rex Iudææ dictus à Senatu, Ierosolymitanum regnum quâ dolo, quâ vi occupavit.


Anno

## CHRONOTAXIS ET SYNCHRONISMUS. 659

Anno M. 4052. nascitur ex Virgine Christus JESUS Mundi Salvator. Anno 10. Ch. Archelaus Herodis Ascalonitæ filius tyrannidis apud Augustum postulatus, regno deijcitur, & in exilium mittitur. an. 31. Herodes Antipas Ioannem Baptistam cædit. anno 40. Idem Herodes Antipas, ab Agrippa patruo apud C. Caligulam accusatus, relegatur. anno eodem Herodes Agrippa à C. Caligula regnare iussus, ferream catenam in auream mutat. Eisdem à Claudio Imp. ann. 41. regnum confirmatur. Iacobum Apostolum capite plectit. Petrum in vincula conijcit. miserrimè perit à vermibus consumptus anno 46. Pilatus Iudææ procurator seu Præses à Tiberio constituitur anno 28. Exulans in Gallia, se ipsum interimit an. 41. Nero fit Imperator R, an. 56. Agrippam (nempe Juniorem, prioris Agrippæ filium) quatuor urbibus in Galilæa donat. Agrippa Iunior Paulum audit an. 58. Floret Plinius secundus. Homo quidam cœlesti velut afflatus numine. *Jerusalem!* inclamare cœpit an. 65. Sub Floro Iudææ præfecto, Iudæi deficiunt à Romanis, & Agrippam regem Hierosolymis expellunt, an. 68. Cæstius, Romanus Syriæ Præses, Hierosolymam frustra obsidet. an. 68. Petrus & Paulus occiduntur à Nerone, an. 69. Ab eodem missus in Palæstinam magno cum exercitu Vespasianus, gravissimis cladibus Iudæos afficit, eodem anno. Nero se ipsum confodit an. 70. Circa ea tempora claruerunt Seneca, Lucanus, Persius, Solinus, Epiætetus &c. Post Impp. Galbam, Othonem, Vitellium nece sublato, Vespasianus à militibus Imperio Orbis admovetur. an. 71. Titus Vespasiani filius excindit Hierosolymā an. 72. Vespasianus cum Tito filio Romæ triumphat an. 73. Inter cæteras Iudæorum manubias, etiam arbuscula balsami translata est Romam, & in triumphali pompa circumvecta.

Hæc ad nostrum propositum ex P. Iacobi Saliani, & Cardinalis Cæs. Baronij Annalibus collegimus, & contraximus.

Nunc ex eodem Saliano in Enchiridio Chronologico, apponemus tabulam Chronographicam illustriorum personarum Historiæ sacræ, profanæque, cum illa conjunctæ. Ubi notandum, si quando tota annorum summa cum singulis numeris collectis non planè congruerit, id fieri propter annos non integros pro integris positos, & incursum duorum Principum in eundem annum.



## TABVLA

## TABVLA CHRONOLOGICA.

**Q**uod in Apparatu meo scripsi, repeto, multum variari à Chronicis scriptoribus in computatione annorum ab orbis cœptu, usque ad tempus salutis reparatæ. Sunt, qui ad Christum Natum, numerant à mundi exordio annos 3983. ut noster Theophilus Raynaudus. alij 3947. alij 3950. ut Henricus Samerius itidem Societatis nostræ. Liberalius etiam Baronius, insignis Historiæ Ecclesiasticæ Scriptor, annos numerat 5199. Venerabilis Beda 5200. Naclerus 5201. Regiomontanus 6984. Noster Pererjus 4022. Sed Salius noster cum Torniello supputat 4052. Omitto Scaligerum, & alios Chronologos Novatores, quorum, ut Salius in cit. Ench. loquitur, ferè mos & morbus est, per vias incedere minimè tritas, & à communissimis recedere sententijs, quæ usu ipso, ac diuturnitate temporis auctoritatem, & officiosum sapientum virorum suffragium meruere. Nos juxta memorati scriptoris Chronotaxin, cuius ipse rationem reddit lib. cit. supputationes temporum subijciemus.

### ÆTATES MVNDI.

- P**rima, est quasi *Infantia*, ab ortu rerum, usque ad diluvium, annorum 1656.
- S**ecunda, *Pueritia*, à Diluvio ad Ortum Abrahæ annorum 382. ad annum Mundi 2039.
- T**ertia, *Adolescentia*, à Nativitate Abrahæ, usque ad Mosen natum, annorum 425. ad annum M. 2462. (exitus Israëlitarum ex Ægypto incidit in annum Mundi 2544.)
- Q**uarta *Iuventus*, Judicium Hebræorum, usque ad Samuelem, annorum 476. annum M. 3517.
- Q**uinta, *Virilis*, Regum Hebræorum, usque ad solutam à Cyro, Persarum rege, Captivitatem Babylonicam, annorum, 577. an. M. 3517.
- S**exta, *Senilis*, Principum & sacerdotum Hebræorum, usque ad Christum, annorum 536. annum Mundi 4052. Olympiadem 194. annum Urbis conditæ 751.
- S**eptima, *Decrepita* (novissima tempora) à Partu Virgineo ad finem Mundi.
- O**ctava erit in cœlo vel tartaro, eaque perrennis, ut omnes nōrunt, qui verum DEUM nōrunt.

PRIMÆ



## PRIMÆ ÆTATIS PATRIARCHÆ

ex Genes. 5.

- |                                                                                                                                                                                                                                                                                 |                                                                                                                                                                                                 |
|---------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------|
| <p>1. <b>A</b>dam vixit annos 930.<br/>                 2. Seth filius eius, vixit an. 912.<br/>                 3. Enos vixit annos 905.<br/>                 4. Cainan v. an. 910.<br/>                 5. Malaleel v. an. 895.<br/>                 6. Jared v. an. 962.</p> | <p>7. Henoch translatus est anno ætatis 365.<br/>                 8. Mathufala v. an. 969.<br/>                 9. Lamech v. an. 777.<br/>                 10. Noë antè diluvium v. an. 600</p> |
|---------------------------------------------------------------------------------------------------------------------------------------------------------------------------------------------------------------------------------------------------------------------------------|-------------------------------------------------------------------------------------------------------------------------------------------------------------------------------------------------|

## SECUNDÆ ÆTATIS PATRIARCHÆ

ex Genes. 11.

- |                                                                                                                                                                                                                                                                |                                                                                                                                                                                                                    |
|----------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------|
| <p><b>N</b>Oë post diluvium vixit annis 350.<br/>                 Omnino autem 950.<br/>                 1. Sem, vixit annis 600.<br/>                 2. Arphaxad. 438.<br/>                 3. Cainan posterior, 360.<br/>                 4. Sale, 433.</p> | <p>5. Heber, 464.<br/>                 6. Phaleg, 239.<br/>                 7. Rehu seu Reu 239.<br/>                 8. Sarug, 230.<br/>                 9. Nachor, 148.<br/>                 10. Thare, 405.</p> |
|----------------------------------------------------------------------------------------------------------------------------------------------------------------------------------------------------------------------------------------------------------------|--------------------------------------------------------------------------------------------------------------------------------------------------------------------------------------------------------------------|

## TERTIÆ ÆTATIS PATRIARCHÆ.

- |                                                                                                                                                                                                                                       |                                                                                                                                                                                                                           |
|---------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------|
| <p>1. <b>A</b>Braham, vixit annis 175.<br/>                 2. Isaac, 180.<br/>                 3. Jacob 147.<br/>                 4. Joseph cum undecim fratribus<br/>                 5. Ephraim &amp; Manasses, Josephi filij.</p> | <p>6. Melchisedech rex &amp; sacerdos.<br/>                 7. Ismael 137.<br/>                 8. Esau pater Idumæorum.<br/>                 9. Eliphaz, &amp;c.<br/>                 10. Job, quartus ab Esau, 217.</p> |
|---------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------|

## IUDICES HEBRÆORVM.

- |                                                                                                                                                                                                                                                                                                                                                                                                                                    |                                                                                                                                                                                                                                                                                                                                                                                                                        |
|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p><b>M</b>oses Legislator, vixit annis 124.<br/>                 Josue judicavit populum juxta Salianum, annis 17. juxta Bellarminum 26. juxta Henricum Samerium, 27.<br/>                 Othoniel judicavit 40.<br/>                 Aod judex fuit annis 80.<br/>                 Barac &amp; Debóra 40.<br/>                 Gedeon 40.<br/>                 Abimelech juxta Salianum 9. juxta Bellarm. &amp; Samerium 3.</p> | <p>Thola 23.<br/>                 Jair 22. Hic Samerius ponit interregnum 18. ann.<br/>                 Jephthe judicavit annis 6.<br/>                 Abesam, 7.<br/>                 Ajalon, 10.<br/>                 Abdon, 8.<br/>                 Samson, 20.<br/>                 Heli Iudex &amp; Pontifex annis 40.<br/>                 Samuel, juxta Salianum 22. juxta Bellarm. 20. juxta Samerium 32.</p> |
|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

P ppp

REGES



## REGES HEBRÆORVM.

**S**aul cum Samuele rexit XII. Tribus Israël annis 40. David annis 40.  
Salomon annis 40.  
Inde facta est regni scissio in Israël & Judam, anno Mundi 3060.

## REGES JUDÆ.

- |                                                                                                                                                                                                                                                                                                                                                                    |                                                                                                                                                                                                                                                                                                                                                                     |
|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>1. <b>R</b>oboam, insipientissimus Salomonis filius, regnavit an. 17.<br/>2. Abias, regnavit annis 3.<br/>3. Asa, annis 41.<br/>4. Iosaphat, an. 25.<br/>5. Joram, annis 8.<br/>6. Ochozias anno uno.<br/>7. Athalia, mulier tyrannica. 6.<br/>8. Joas 40.<br/>9. Amasias 29.<br/>10. Ozias, qui &amp; Azarias 52.<br/>11. Jonathan, 16.<br/>12. Achaz. 16.</p> | <p>13. Ezechias. 29.<br/>14. Manasses, 55.<br/>15. Amon, 2.<br/>16. Josias 31.<br/>17. Joachaz, mensibus tribus.<br/>18. Joakim vel Ioachim annis 11.<br/>19. Ioachimus, Ioacinus, seu Iechonias, menses tres.<br/>20. Sedecias annis 11. Hic in Captivitatem Babylonicam abductus est à Nabuchodonosore, cognomento Magno, anno Mundi 3446. ante Christum 607.</p> |
|--------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|---------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

## REGES ISRAELIS.

- |                                                                                                                                                                                                                                                                                                                                    |                                                                                                                                                                                                                                                                                                                                                                                                                |
|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|
| <p>1. <b>J</b>eroboam, regnavit annis 22.<br/>2. Nadab, 2.<br/>3. Baasa, 24.<br/>4. Ela, 2.<br/>5. Zambri diebus 7.<br/>6. Amri, annis 12.<br/>7. Achab, 22.<br/>8. Ochozias, 2.<br/>9. Ioram, 12.<br/>10. Iehu, 28.<br/>11. Ioachaz, 17.<br/>12. Ioas, 16.<br/>13. II. Ieroboam, 41. Hic Salius ponit interregnum annorum 12.</p> | <p>Samerius verò Ieroboami dominationem extendit ad annos 52.<br/>14. Zacharias, menses 6.<br/>15. Sellum, mensem unum.<br/>16. Manahem, annis 10.<br/>17. Phaccias, annis 2.<br/>18. Phacee, annis 20.<br/>19. Osee, annis 9. qui, expugnata Samaria, sede regia, à Salmanasare abductus est cum populo in captivitatem trans flumen Eufratem anno Mundi 3314. ante Christum 739. anno regni Ezechiae, 6.</p> |
|------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|----------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------------|

## PONTIFICES HEBRÆI, SIMULQUE DVCES AC REGES POST CAPTIVITATEM BABYLONICAM.

**A**ron Pontificatum gessit an. 39. Abisue 55.  
I. Eleazar 18. Bocci 24.  
Phinees 40. Ozi 40.

Zaraias 40.

Zaraias, 40.  
 Meraioth, 39.  
 Amarias, 36.  
 I. Achitob, 16.  
 II. Achitob, 22.  
 Achias, qui & Achimelech, 13.  
 Heli, 40.  
 Abiathar, 46.  
 Sadoc, 39.  
 Achimaas, 17.  
 I. Azarias, 18.  
 Iohanan, 26.  
 II. Azarias, 17.  
 Amarias, 13.

Ioaidas, 34.  
 Pedaias, 12.  
 Sedecias, 29.  
 Ioël, five Azarias 111. annis 58.  
 Ioatham, 16.  
 Urias, 14.  
 Nerias, 29.  
 Osaïas, 5.  
 Ioachim, qui & Eliacim, 49.  
 Sellum, 1.  
 Helcias, 31.  
 IV. Azarias 10.  
 Saraias, 11.  
 Ioseph, 70.

POST SOLUTAM CAPTIVITATEM BABYLONICAM.

Iosue sub duce Zorobabele, uterq;  
 annis, 51.  
 Joakimus seu Joacimus, Dux & Pont.  
 22.  
 Eliafib, Dux & Pont. 40. anno huius  
 20. Nehemias Principatum ad-  
 ministravit annis 22.  
 Joiadas, Dux & Pont. 20;  
 Jonathan, Dux & Pont. 40.  
 Jeddoë five Iaddus, Dux & Pont. 41.  
 I. Onias D. & P. 24.  
 Simon, D. P. 12.  
 II. Eleazar, D. P. 23.  
 Manasses, D. P. 32.  
 II. Onias D. P. 32.  
 II. Simon, D. P. 25.  
 III. Onias, D. P. 36.  
 Iafon & Menelaus Pseudopont. Pri-  
 or 3. annis; posterior 6. annis.  
 I. Mathathias, D. P. 1.  
 Iudas Machabæus, D. P. 6.  
 Ionathas, D. P. 19.  
 III. Simon, D. P. 8.

I. Ioannes Hyrcanus, D. P. 31.  
 Aristobulus rex & Pont. announo,  
 Iannæus, rex & Pont. 27.  
 II. Hyrcanus, Pont. 49.  
 Ananelus, 6.  
 I. Iesus non toto anno.  
 Alexandra Iannæi vidua regnavit an-  
 nis, 9.  
 Successit Aristobulus eius filius, qui  
 post 5. annos Romam captivus ab-  
 ductus à Pompeio.  
 Romani Iudæam occupant, & de-  
 inde Herodes occiso Antigono,  
 Hyrcani nepote.  
 IV. Simon, 21.  
 II. Mathathias, 2.  
 II. Iohazar, 2. natus Christus,  
 III. Eleazar, 3.  
 II. Iesus 3.  
 Ananus 6.  
 Ismaël, 1.  
 IV. Eleazar, 1.  
 V. Simon, 1.  
 Calphas annis 68.

— — — — —  
 — — — — —  
 Pppp 2

INDEX

# INDEX RERUM PRÆCIPUARVM.

- A**ronis peccatum in erectione vituli, 107. in petrâ bis percussa, 121. virga florens, 119. 120. obitus, 21. eius filij puniti, 654.
- Abdimelech<sup>r</sup> Ieremiæ liberator, 500.
- Abelis cædes 112.
- Abdias Achabi œconomus abscondit prophetas, 372. 389.
- Abias rex Judæ perditus, 351.
- Abiathar Pontifex favet Adoniæ, 301.
- Abigailis prudentia, 251.
- Abimelechi, Gedeonis filij, vafrities, impietas, crudelitas, 157. eius interitus, 177.
- Abner perfidiosè occisus, 257. eius funus, ibid.
- Abrahami migratio à Chaldæa in Chananitidem, 35. à Loto separatur, 36. eius expeditio in Assyrios 37. virtus & obediendi præmiu, 39. 49. 52. suscipit angelos hospitio, 41. pro Sodomitis deprecatur, 41. Agarem ancillam eiicit domo, 48. filium sacrificat, 49. mansuetudo erga uxorem, 51. an ipse fortior, an filius? 52. Eius mors & encomium, 652.
- Abſalon fratricida, 284. reconciliatur parenti, 285. eius capillitium, 287. crimina, 288. virtutia, 289. rebellio, ibid. huius causæ, 292. interitus, 298.
- Abstinentia, 527.
- Achabus rex Israël impius, 357. eius familia excinditur, 375. avaritia, 372. poenitentia, 373. mors, ib.
- Achan sacrilegus punitur, 144. 145.
- Achazis, regis Israël scelera, 428. 430. poenæ, 429. eius horologium, 441.
- Achior belli dux convertitur, 506.
- Achimelechus pontifex cum 85. sacerdotibus occiditur, 233.
- Achis rex Gethæus accipit Davidem cum focijs, 235.
- Achitophel consiliarius vaferimus, 294. se suspendit. 292.
- Adarezer, rex Ammonitarum à Davide superatus, 270.
- Adami status ante lapsum, 10. 12. eius peccatum, 13. 15. infelicitas & poena post lapsum, 13. nepotum miseriæ, 14.
- Addo propheta à leone occiditur, 347.
- Adoniæ ambitio 301. cædes, 302.
- Adonibezeci tyrani supplicium, 157.
- Adonisedecus cum alijs regibus cecusus, 152.
- Edificiorum grandium vanitas, 344.
- Ægyptij in mari rubro submersi, 100. Unde suam hauserint sapientiam, 502.
- Ædulatio 260. 505.
- Ædulerium, 275.
- Ægar ancilla Abrahami, 48.
- Ægareni, 47.
- Ægni Paschalis celebritas, 96.
- Ægrippæ catena ferrea & aurea, 639.
- idem Alexandri ludibrio habitus, ibid. eius arrogantia, ibid. à vermibus consumitur, 640.
- Ægrippa junior S. Paulum audit, 654.
- Æhias propheta, 347.
- Ælexandra Iannæi uxor populum sibi conciliat, 632.
- Ætare thymiamatis, 323.
- Ælcimus proditor, 612.
- Æmalecitæ vincuntur, 104.
- Æmanus in patibulo, 575.
- Æmaza à Ioabo fraudulenter occiditur, 302.

Æmasiæ

Amasæ regis Iudæ obedientia, 412.  
 415. idololatria, 413. interitus,  
 414. cur in Christi genealogia o-  
missus, 417.  
 Ambitio, 10. 116. 119. 301. 303. 558.  
 582.  
 Ambri rex Israëlita, 337.  
 Amenophites cognomento Pharaon,  
 rex Egypti, 89.  
 Amicitia falsa, 18. 304. vera, 244. seq.  
 Amicus perfidus difficulter cavetur  
 629.  
 Ammonitæ se ipsos concidunt, 366.  
 Ammonis incestus, 283. cædes, 284.  
 Amnon Manassis filius impius, 467.  
 Amor impurus, 68. 197. 286.  
 Amor conjugalis, 233. 236.  
 Amoris vis, 64.  
 Angelorum defectio, 6. peccatum, 7.  
 apostatarum supplicium, vires  
 naturales &c. 8. Angeli ab Abra-  
 hamo suscipiuntur hospitio, 41.  
 & à Loto 43. hunc educunt Sodo-  
 mis, ib. Angelica custodia, 67. An-  
 gelus in nube Hebræorum dux 99.  
 Angelus armatus Iosue spectabi-  
 lis, 140. Angelorum in hominem  
 officia, 463. pugnant pro Hebræ-  
 is, 609. 610.  
 Angustia Chananitidis, 654.  
 Animarum curatores, 433.  
 Animalium in Arcam Noë introdu-  
 ctio, 22.  
 Anna Samuelis mater, 209.  
 Antiochus Balceides, 624.  
 Antiochus Epiphanes, 589. eius cru-  
 delitas, 593. interitus, 620. epita-  
 phium, 623.  
 Antiochus Sidetes, 626.  
 Antipater Herodis parens Iudææ  
 præficitur, 622.  
 Antipater Herodis filius Alexandrū  
 & Aristobulum Mariamne filios  
 per calumniam accusat, 636. in  
 vincula datur, ibid. necatur, 637.  
 Aodus, Iudex Hebræorum 161.

Apollonius Antiochi dux, 593.  
 Apostolicus vir, 476.  
 Aquarum amaror sublatus, 102.  
 Arbitrium liberum, 368.  
 Arbor vitæ, 12. scientiæ boni & ma-  
 li. ibid.  
 Arca fœderis, & Tabernaculum,  
 107. Arca à Philistæis capitur,  
 205. Dagonem sternit, 205. Bersa-  
 mitas & Philistæos afficit cladib⁹,  
 206. Arcae per Davidem reductæ  
 pompa, 266. Ozæ eam tangentis  
 pœna, ibid.  
 Arca Noë, 27.  
 Archelaus Herodis successor, 638.  
 eius fratres, 638.  
 Arcus cœlestis, seu Iris, 24.  
 Aristobulus Hyrcani filius, rex Iu-  
 dæorum 627. eius tyrannis, 631.  
 DEI vindicta in eundem, 631.  
 Aristobulus Mariamnes frater aquis  
 suffocatur, 633.  
 Arrogantia, 621.  
 Artaxerxes cognomento Longima-  
 nus. V. Assuerus.  
 Asa rex Iudæ, 351. iuvatur è cœlo,  
 352. eius diffidentia, ibid. tyrannis,  
 353. punitio, ibid.  
 Asael confossus, 255.  
 Asina Balaami, 124. 126.  
 Asmodæus diabolus, 464.  
 Aspectus impurus, 70.  
 Assuerus rex 559. 575. 582.  
 Athalia regina impiissima, 357. ty-  
 rannis, 403. interitus, 405.  
 Aula. Aulicus, 30. 237. 258. 272. 291.  
 304. 439. 640.  
 Avaritia, 144. 330. 377.  
 B.  
 Baalis sacrificuli, 376. 381.  
 Babylonia turris, 32.  
 Babylon evertitur, 545. 559. eius  
 tragoedia, 546.  
 Bacchides dux 608.  
 Balaamus



Balaamus ariolus 124. 126.  
 Balthazaris chaldæi regis interitus, 548.  
 Belphegor, 127.  
 Belus, 32.  
 Benjamini scyphus absconditus; gratia apud Iosephum fratrem, 28.  
 Benjamitica tribus exciinditur, 159.  
 Bethel urbs, 388.  
 Bethulia obfessa & liberata, 506.  
 Blasphemix pœna, 654.  
 Bonorum consortium, 236.  
 Boozii matrimonium, 182.  
 Botrus ingens è Chananitide refertur, 114.

C.

Caini invidia, 16. desperatio, 79: cades, ib.  
 Caleb dux Hebræorum, 557.  
 Calumnia, 522.  
 Castitas puellarum, 68. conjugalis, 464. defensa, 522.  
 Casu nihil fit, 378.  
 Catena ferrea & aurea Agrippæ 639.  
 Cenchis rex Ægypti, cognomento Pharaon, 90.  
 Chananitidis exploratio, 114. eius habitatores moraliter 156. eius angustia 654.  
 Chodorlahomor, regulus Persarum, 37.  
 Christus illus, 639.  
 Chusai Davidi fidelis, 291. 392.  
 Clypeus Iosue, 147.  
 Coelitim in bello auxilium, 614.  
 Coelum vi obtinendum, 115. 116. pro hebræis pugnat, 166.  
 Concordia, 40.  
 Conformatio cum divina voluntate, 87. 88. 460.  
 Conscientia mala, 20. 621.  
 Consiliarius, 272. 336. 337. 498.

Consilia audienda, 343.  
 Cor induratum, 97.  
 Coræ & sociorum interitus, 116.  
 Coturnicibus coelum pluit, 103.  
 Creatio mundi, 1. & seq.  
 Credulitas inconsulta, 150.  
 Crudelitas, 69.  
 Crux Christi, 104.  
 Culpæ quandoque leves severe puniuntur à Deo, 46. 123. 350.  
 Culpâ dimissa, non ideo dimittitur pœna temporaria 310.  
 Cupiditates domandæ, 264.  
 Curiositas, 69.  
 Cyrus solvit captivitatem Iudæorum, 545.

D.

Dæmon Evam decipit, 13.  
 Danielis & sociorum eius abstinentia, & poenitentia, 524. Eiusdem vaticinia, 525. libertas admonendi, 535. Deprehendit fraudem Sacerificulorum Babilis, 537. Occidit draconem, 538. leonibus obijcitur & liberatur, 539. 557. arcanam scripturam legit, 544. eius innocentia, 556. fortitudo, 556. elogium, 554.  
 Danitarum idololatria, 158.  
 Darius DEUM cœli confitetur, 554.  
 Darius Hyaspis, Hebræorum fautor, 559.  
 David primo in regem inungitur, 214. fortitudinis ejus præludia, 227. sternit Goliathum, 228. invia Saulis in eum, 230. fervatur à Michole, 233. fugit ex aula, 234. fugat dæmonem, 238. latet in speluncis, 239. 240. parcit Sauli, 239. 230. eius animi demissio 241. cum Ionatha amicitia, 244. placatur ab Abigaile, 251. secundo in regem inungitur, 254. luget Abnerem, 257. punit sicarios



ficarios, 260. victoria sui, 263. 267.  
committit adulterium & homici-  
dium, 274. cur labi permissus à  
DEO, 277. poenitentiam agit,  
277. 279. objurgatur à Nathane,  
278. fugit Absalonē, 293. est injuri-  
us Miphibosetho, 291. 294. eius  
patientia, 295. conformitas cum  
divina voluntate, 295. punitur ob  
populum numeratum, 308. morbi  
& mors, 309. catenatae poenae, 305.  
infestatur spectris, 312. ex lapsu  
fugit fortior, 313. testamentum  
morituri, 314.

Debbóra prophetis, 165.

Decalogi promulgatio, 106. 110.

Defuncti precibus juvandi, 616.

Demetrius rex Iudaeorum hostis, 611.

Demissio animi, 396.

DEI perfectiones I. DEUS conditi  
mundi finis, & scopus, 4. DEI  
severa iustitia, 9. 311. 411. DEI pa-  
ctum cum Adamo, 11. DEUM quo-  
modo poeniteat, 26. DEI longani-  
mitas, 17. occultissima punit, 310.  
DEI cognitio, 475. DEI lex ob ocu-  
los habenda, 410. DEI clementia,  
422. 469. providentia, 384. 542.  
DEI odium in Amalecitas, 104. DEI  
cultus in Gabao & Silute, 104. 265.

Deuteronomij liber repertus, 478.

Diffidentia, 116. 121.

Diluvij causae, 21. 25. diluvium uni-  
versale, 23. miseranda facies pere-  
untium, 23. respiscences in eo,  
23. 27.

Dina Iacobi filia violata, 68.

Dolor servilis, 623.

Dolus, 149.

Duellorum infamia, 258.

Dux belli, 270. 272.

E.

Ebrietas, 276. 515. 543.

Educatio, 216. 212. 213. 388. 466. 459.

Eglonis Moabitarum regis interfe-  
ctio, 161.

Elcanæ & Annæ conjugium, 209.

Eleazari Sacerdotis martyrium, 596.

Eleazari Machabæi gloriosus occu-  
bitus 611. eiusdem elogium, 617.

Electio divina Davidis, 224.

Eleemosyna 348.

Eliæ Zelus 182. 377. miracula, 380.  
holocaustum, 381. 382. in cœlum  
raptus, 383. quale, 387. eius cur-  
rus 386. elogium ibid.

Elisæi vocatio 387. accipit palliū &  
spiritū Eliæ, ib. eius prodigia, 388.

seq. illudatur à pueris, non impu-  
ne, 388. moriens victorias præ-  
dicit, 393. cadaver eius vitam ad-  
fert tangenti, 394. elogium &  
epitaphium, 395.

Eliacimus V. Iakimus

Enoch, 15. 383.

Esau valde diversus à fratre 56. ven-  
dit jus primogeniti, 56. odium in  
fratrem, 57 reprobatus à DEO,  
58. occurrit Iacobo, 66.

Esdras legis Doctor, 560.

Estheris virtutes, 582.

Eva cur è costa viri producta, 5. se-  
ducitur à serpente, 12. eius pec-  
cata, 15. ætas & poenitentia,  
ibid.

Eucharistiæ typus manna, 105.

Evilmerodachus, 485. 533.

Eupator hostis Iudaeorum, 607  
611.

Excelsa quid apud Hebræos, 553.

Excidium

Excidium Solymæum, 644. Prodigia & ostenta prævia, 645.  
Exemplum malum, 120, 182, 293, 359.  
Exemplorum vis, 438.  
Exploratores Chananitidis, 114.  
Ezechiæ regis Judæ religio, 434.  
prudentia, 436. 439. magnanimitas, 437. morbus, 440. confectio 441. fortitudo, 449. ostentatio, 450. mors, 451.  
Ezechielis vaticinium de ultimis regibus Judæ, 486. 488.

F.

Fames in obfessa Samaria, 392. in tota Chananitide, 77.  
Familiaritas mulierum, 128.  
Favus mellis in ore leonis, 191.  
Felicitas humana inconstans, 534. 582.  
Feminarum maledicentia, 88. arrogantia, 212. imperium, 378. doli & insidiæ, 168. 196. lenocinium, 127. 118.  
Femina mala, 405.  
Fides in principem, 404. hosti servanda, 494.  
Fiducia, 397.  
Filiorum improborum pœna, 30. proborum benedictio, 31.  
Formæ vanitas, 187.  
Fortitudo, 88. 191. 531. bellica, 614.  
Fratres Iosephi, 73.  
Fraudulentus, 302.  
Funiculi coccinei significatio, 136.  
Fucus feminarum, 379.  
Furtum, 144.

G.

Gabaonitarum dolus, 149. malè à Saule vexantur.  
Gedeonis religio & vellus prodigio-

sum 170. 174. mira, victoria, 171. 172. eius gladius & flagellum symbolicè, 173.

Gentilium errores circa felicitatem improborum, 496.  
Gessen terra, 72. 79.  
Giezi avaritia, 391.  
Gladiatorius ludus, 255.  
Gorgias dux, 608.  
Gratia Principum, 587.  
Gratitudo, 259.  
Gula, 15. 58. 105. 109. 111. 356.

H.

Hæretici, 191.  
Haia urbs capta, 146.  
Hananus propheta, 357.  
Hanon rex Moabitarum, 169.  
Hebræi cur tam graviter à DEO flagellati 595.  
Hebræi juvenes in fornace Babylonica, 526. eorum fortitudo 531.  
Hebræi per desertum cur circumducti, 653.  
Helcias propheta, 478.  
Helis Pontificis nimia in liberos indulgentia, 204. mors, 205.  
Heliodorus dat pœnas suscepti sacrilegij, 586.  
Herodes romæ rex Iudææ à Senatu appellatur, 633. Mariamnem sibi desponder, ibid. Alexandram, eiusque filium Aristobulum à fuga retrahit, ibid. parricidij reus absolvir à M. Antonio, ibidem. ad C. Iul. Cæsarē proficiscens cruenta domi mandata relinquit, ibid. conciliato sibi Augusto, redux uxorem & socrum occidit, 635. Iugget cædem Mariamne, ibid. eius magnificæ exstructiones, ibid. occidit infantes Bethlomis, 637. eius

eius crudele mandatum adversus  
nobilitatem Iudaicam, *ibid.* eius  
interitus, *ibid.* funus, **638.** crude-  
litas, **641.** libido, conscientia, *ibid.*  
felicitas infelix, **642.** supplicia in-  
flicta scelerib<sup>9</sup> correspondent **643.**  
eius epitaphium, *ibid.*

Herodiadis interitus, **632.**

Heroum filij, noxa, **178. 212.**

Hierosolyma frustra obsidetur à Ce-

sario, **646.** Eandē obsidet etiā Titus,

**647.** factiones inter incolas, **646.**

summa rerum in ea turbatio, **647.**

ex urbe profugi in cruce agun-

tur, **647.** Obsidentes scrutantur

aurum in Iudaeorum exsectis ven-

tribus, **647.** Urbs in manus ho-

stium venit, **649.** Incredibilis ho-

minum multitudo vel capitur vel

perit, *ibid.* urbs funditus ever-

titur, *ibid.*

Holda prophetis, **478.**

Holofernes dux belli à Iuditha cæ-

sus, **505.** seq.

Hominis dignitas, **4** est DEI imago, **5.**

hominum vana studia **444.**

Horoscopi vanitas, **59.**

Hospitalitas, **42.** **43. 136.**

Humilitas, **502.**

Hyrعان Pontifex,

I.

Iubal pater canentium, **25.**

Iabin opprimit Israëlitas, **154.**

Iacob & Esau in matris utero collu-

stantur. Iacob benedictionem præ-

ripit fratri, **57.** mysterium huius

rei, **58.** fugit ad Labanum; servit

pro Lia & Rachel, **61.** felicitas in

scætura pecoris, **62.** clam à socero

discedit, **65.** obvios habet an-

gelos, **65.** luctatur cum angelo, **66**

occurrit Esau. *ibid.* amor & luctus

in filium Iosephum, **74.** ad eum

in Ægyptum proficiscitur, **79.** mo-

ritur. *ibid.* Eius Scala *Mystica*, **58.**

S. Iacobus Apostolus occiditur, **639.**

Iannæi seu Alexandri *crudelitas*, **632.**

Idololatriæ initium, **84.** in tres Tri-

b<sup>9</sup> per idola Michæ investa, **158.**

Idololatria Salomonis ex libidine

invalet in Iuda & Israël, **343.**

**359.** Exterminatur ab Ezechia

**434.** restituitur sub Manasse, **461.**

Idolorum portenta, **361.**

Iebusæi delentur, **263.**

Iehu rex Israël **375.** impius, ingra-

tus, miser. **358. 376.**

Iephthæ Dux Hebræorū, **185.** eius vo-

tum, **187.** imolat unicam filiā, **186.**

Jeremiæ prophetæ ortus, **498.** pro-

phetica signa, **498. 499.** vaticini-

um de ultimis regibus Iudæ, **488.**

eiusdē spreta monita, **491.** in ner-

vum mittitur, **499.** cæditur, in

puteū demittitur, liberatur, **500.**

in Ægyptum abducitur, lapida-

tur, **501.** è tumultu prodigiosus,

**502.** Ægyptios docet sapientiam.

Eius elogium, *ibid.*

Iericho urbs exscinditur, **140.** seq.

Jeroboam<sup>9</sup> rex Iudæ destinatur, **332.**

eius ingenium vaf<sup>9</sup>rum, **344.** nequi-

tia in evertenda religione, *ibid.*

idololatria, **345.** punitio, **347.**

pseudopolitica, **349.** cur ad sce-

ptum eversus à DEO, **360.** Jero-

boamus secundus, **359.**

Jerusalem obsidetur à Sennaheribo,

**445.** capitur à Chaldæis & suc-

cenditur, **492. 493.**

Jesse parens Davidis, **224.**

Iethro Socer Moysi, **91.**

Iezabel uxor Achabi sceleratissima,

molitur Nabothæ cædem, **372.** oc-

cidit prophetas Domini, **372.** oc-

ciditur præcipitio, **375.**

Q q q q

Ignis



Ignis in rubo Moſis, 91. in columna  
Hebræorum duce, 99. 101. Ignis  
miraculum ſub Nehemia, 560.  
Impij, 168. 206. inſtrumentum vin-  
dictæ divinæ, 446. cur longioris  
quandoque vitæ, 480.  
Incarnationis myſterium, 385.  
Inceſtus, 283.  
Ingratitudo, 92. 173. 328. 373. 377.  
411.  
Innocentia, 81.  
Inobedientia Adami graviffima, 15.  
Addoniſ prophetæ, 347.  
Invidia, 17. 80. 119. 370. 518. 540. 552.  
Joab perfidè interimit Abnerem, 257.  
& Amaſam, 302. evocat Davidem  
ad laudem viſtoriæ, 270. fugit ad  
tabernaculū, ibiq; occiditur, 302.  
Ioachazes Iofæ filius, infelix, 482.  
Ioakimus ſeu Eliacimus rex Judæ à  
Nabuchodonofore occiditur &  
abijcitur in ſepulchrum, 484.  
Ioachinus, ſeu Iechonias eius filius  
abducitur in Babylonem, 484.  
S. Ioannes necatus, 638.  
Ioannes Hyrcanus Machabæus, 627.  
Ionathas Machabæus invidioſè peri-  
mitur, 625. 626.  
Ioas puer rex ſalutatur, 405. eius  
virtutes 407. fit peſſimus, 408. in-  
gratiſſimus, 411. interitus 409. cur  
in Chriſti genealogia omiſſus,  
417.  
Ioathanes Ozia filius, 425.  
Iobi calamitates multiplices, 83.  
morbis 84. inſultatio uxoris, 85.  
conformitas cum divina volunta-  
te, ibid. inſiſtitur à cognatis regu-  
lis, 87. felicitati priſtinæ reſtitui-  
tur, 87. elogium, ibid.  
Ionas propheta contumacior in pa-  
rendo juſſibus divinis, 417. 419. in  
mare projectus, excipitur à cæto.

418. eſt ſpecimen hominis DEO re-  
luſtantis, 410.  
Ionathas Saulis filius delet præſidi-  
um Philiftæorum, 223. ſorti ſubij-  
citur, & periculum adit capitis,  
ibid. ſingularis cum Davide ami-  
citia, 244.  
Ioiades ſummæ laudis Pontifex, 404.  
406. fides in Ioam regem puerum,  
ibid.  
Ioram rex Judæ, Iofaphati filius,  
impius, miſer, 399.  
Ioram rex Iſraelita, 358.  
Iordanis fluvij ſiccus tranſitus, 137.  
384. 388.  
Iofaphati regis Judæ virtutes regis,  
364. ſeq. prodigioſa victoria, 368.  
nocuit ei ſocietas cum impio A-  
Achabo, 366.  
Iofephus Iacobi filii venditur, 73. in  
carcerem conſectus, 74. eius va-  
ticitinia, 75. 77. gratia apud Pha-  
raonem, 76. miſis in fratres au-  
ſteritas, 77. agnoſcitur ab ijs, 78.  
encomium, 80.  
Iofæ regis Judæ Zelus religionis,  
476. eius virtutes, 473. obedi-  
entia, 575. elogium, 474. 480.  
Iofue ſucceſſor Moſis, 134. Angelus  
armatus ei ſpectabilis, 140. pro-  
digioſè capit Jerichuntem urbem  
141. excindit Haiam, 146. decipi-  
tur à Gabaonitis, 149. Sol & Luna  
ſtant ad eius imperium, 153.  
Iſaaci natiuitas, 48. immolatio, 50.  
Nuptiæ cum Rebecca, 53. mors,  
58.  
Iſboſethus Saulis filius regnat in I-  
ſrael, 255. à ſicarijs occiditur, 260.  
Iſaias initiatur propheta, 473. eius  
virtutes, 473. elogium 474. obe-  
dientia præclara, 475.  
Iſmaël cum matre eſcit, 48. agit  
in deſerto, ibid.

Iſmaelitæ

Israëlitæ quamdiu manserint in Ægypto, 79. eorum in Ægypto afflictiones, 89. spoliant Ægyptios, 96. exitus ex Ægypto, 99. 101. transitus maris rubri, 99. Eorum murmuraciones contra DEUM & refractarius genius, 102, 103, 109. 111. 121. 122. 173. 184. beneficia ijs à DEO collata, 113. petunt regem, 212. à Tribu Judæ se segregāt, 338. Judæ Machabæi pugnae & victoriæ, 608. 609. 612. eius laudes, 613. tessera militaris, 614. Epitaphium, 617. Judæa inter Herodis filios divisa, 636. in provinciam Romanam redigitur, 638. Iudæi frustra conantur instaurare templum Solymæum, 650. Iudex, 43. 214. 320. 363. Iuditha Heroïna, 504. Iusti cur affiguntur, 92. Iusti memoria, 481. Iustitia, 305.

**L**

Laban suscipit Iacobum, 61. spondet ei Rachelem; sed mox fallit multiplici crimine. offert Liam. persequitur abeuntem. Lamech homicida, 19. ei<sup>9</sup> liberi, 653. Lapis de monte abscissus, 520. Lectio librorum factorum, 481. Legatorum violatio, 269. Lenocinium, 513. Levitæ pereunt in seditione Coræ, 116. occidit adoratores vituli, 108. Levita uxoris occisæ partes dissecat; omnium inde morus Tribum, 158. Lex vet<sup>9</sup> & nova in quo differant, 110. Lex iniqua Persarum, 555. Lia Iacobi uxor, 61. Liberi mali, 184. puniuntur propter parentes, 145.

Libido, 24. 26. 182. 132. 130. 133. 515. 521. 512. Libri sacri inventi, 478. Linguarum confusio, 33. Lingua hypocritica, 67. gratiosa, 253. fraudulenta, 150. Lipsana Iosephi & Iacobi deportantur in Chananitidem, 80. 97. Lot ab Abrahamo liberatur, 37. excipit angelos hospitio, 42. educitur Sodomis, 42. eius uxor instatuum Salis convertitur, 45. Lucifer angelorū prim<sup>9</sup>, apostata, 2. Lysias dux Antiochi, 608.

**M**

Maacha Aisæ regis mater impia, 351. Machabæi fratres Martyres, 591. eorum laudes, 599. Machabæos DEUS suscitatur eorum sepulcrum, 626. Machiavelli nequitia, 149. Magistratus, 214. 555. Magi Ægyptiorum, 95. Magia, 126. 361. Mali cur tolerandi, 156. Manahemus, rex Israël. 359. Manassis scelera, 465. corruptela, 466. captivitas, poenitentia, 470. felicitas, 467. Manna cœleste, 103. 105. Mardocheus exaltatur suspensio Aman, 579. Eius laudes, 585. Mariæ Virginis figura, 511. 585. Mathathias Dux & Pontifex, 602. eius fortitudo, 604. adhortatio ad filios, 606. Mathanias, V. Sedecias. Mathusael, 652. Matrum fortium exempla, 600. Melchisedecus sacerdos DEI, 38. Mendacium, 244. Mensura scelerum, 143. plagarū, 311.



Merodachus (qui & Nabuchodonosor) imperium Babylonicum inchoat. legatos ad Ezechiam mittit, 450. 104.  
 Mesa seu Misa rex Moabita filium primogenitum immolat, 389.  
 Michæ idola, 158. Labani, 65.  
 Michael Archangelus pugnat contra Luciferum. 7. apparet Mofi in monte Sina, 106. Iosue, 140. Ge-  
 deoni, 170.  
 Michol Davidis uxor, 232. fidelis, 233.  
 superba, 266.  
 Miphibosethus injustè iudicatur à Davide, 291. 294.  
 Moria mons, 49.  
 Mortis meditatio, 442.  
 Moses infans exponitur, 90. à filia Pharaonis suscipitur, ib. ex Aula profugit, 44. fit pastor. & legatus ad Pharaonem, 91. dicitur deus Pharaonis 94. eius Zelus, 111. obitus 122. Encomium, ibid.  
 Muliebri illicium, 512.  
 Mulierum potentia, 568.  
 Mundi creatio, 1. seq. Mundi voluptas brevis, 422. Mund' fallax, 540.  
 Munera infidiosa, 397.  
 Murmuratio, 109. 121. 122.  
 Musica, 238. 396.  
 N.  
 Naaman Syrus adit Elifæum, sanat, convertitur, 391.  
 Naas rex Amonitarum, 269.  
 Nabal stolidus, 350.  
 Naboth innocens lapidatur, 372.  
 Nabuchodonosor senior, seu Nabu-  
 nassor, 485.  
 Nabuchodonosor magn', 485. capit &  
 succendit Ierofolymam, 492. eius  
 somnia, 525. 527. 532. Arrogantia,  
 505. 533. mutatio in bestiam, 533. re-  
 spiscencia, 534.  
 Nabuzardan dux Chaldæus, 495.

Nachor, frater Abrahamæ, 35.  
 Nadab' filius Ieroboami impius, 358.  
 Nathinæi cur dicti, Gabaonitæ, 150.  
 Nataliū vilitas non erubescenda, 136.  
 Nechao rex Ægypti, 479.  
 Nehemias Dux Hebræorum, 559.  
 560.  
 Nicanor dux Antiochi, 608. 611. e-  
 ius interitus, 612. eius blasphemia  
 purita, 618.  
 Ninivitarum pœnitentia & interitus,  
 420.  
 Ninus, 34.  
 Noë ædificat Arcam, 22. eius laus  
 27. ebrietas, 29.  
 Noëma focrus Ruthæ, 181. eius vir-  
 tutes, 182.  
 Nubes ducens Hebræos, 99.  
 O.  
 Obedex Booz & Rutha nascitur, 182.  
 Obededom recipit Arcam hospitio,  
 266.  
 Obedientia, 49. 102. 377. 412. 415.  
 Obstetricibus Ægyptiorum manda-  
 tur cædes infantum, 89.  
 Obstinatio, 97.  
 Ochozias rex Iudæ, 358. cur omissus  
 in genealogia Christi, 407. impius  
 & stolidus, 401. eius interitus, ibid.  
 Officiales Principum, 344.  
 Onias Pontifex, 587. apparet Iudæ,  
 611.  
 Opes Davidis & Salomonis, 325.  
 Ophnis & Phineæ filiorum Helis ne-  
 quitia, 204. 207.  
 Orebi & Zebeæ cædes, 172.  
 Oseas rex Israëlita, 359. 459.  
 Ostentatio, 450.  
 Othoniel successor Iosue, 160.  
 Otij & ignaviæ malum, 275.  
 Oza punitur propter sustentatā Ar-  
 cam, 265. 267.  
 Ozia regis Iudæ laudes, 424. cri-  
 men, 425. lepra, 427.  
 Pacorus

P.

Pacorus Parthorum rex acta Pompeij rescindit, 634.  
 Paradisus terrestris, 11.  
 Parentes, 58. 297. 340. 395.  
 Pastores. Abel, 16. Rachel, 60. Iacobus, ibid. fratres Iosephi, 72. Moses, 94. David, 227.  
 Patientia, 84.  
 Pauci sed boni, 174.  
 Peccatum originis, cuiusq; poenæ, 13.  
 Peccatum, peccator, 397. 488. 520. 522. 536. 547.  
 Pentapolitarum vecordia, 40. incendium, 44.  
 Perfidia, 70. 179. 258. 302. 625. 626. 628.  
 Perfidus amicus vide amicus,  
 Pertinacia, 557.  
 Petra percussa dat aquas, 103.  
 S. Petrus captivus, 699.  
 Phacæus rex Iſraëlis, 359.  
 Pharaonis tyrannis, 89. submersio, 100. Est typus diaboli, 101.  
 Pheroras perit, 636.  
 Phineæ Zelus, 133.  
 Pij seu probi cur affligantur, 169. 461. 496. 480.  
 Pietas, 64. 169. 268. 327.  
 Plagæ Ægypti, 94. symbolicè, 97.  
 Pœnitentia, 373. 463. 470. Særa ratio vera, 522.  
 Prædestinatio, 182.  
 Precum vis, 67. 398.  
 Princeps, 214. 242. 282. 341. 342. 530.  
 Principum Moderatores, 409.  
 Procrastinatio, 471.  
 Proditor, 261.  
 Prosperitas, 416. 426.  
 Protoplasti, 10.  
 Providentia DEI. vide Deus.  
 Pseudopoliticæ præcepta, 630.  
 Pseudopolitici, 415. 103. 348.  
 Pudicitia, 517.

Puer, 112. 388,

R.

Rabba obsidetur, capitur, diripitur, 170.  
 Rabfaces dux Sennacheribi, 440.  
 Rachelem ducit Iacob. 61. Ea furatur idola parentis, 65.  
 Rahab officiosa in exploratores Iosua, 135.  
 Ranæ Ægypti, 95. 97.  
 Raphaël ducit Tobiam in Mesopotamiam, 456. seq.  
 Rasin Syrus vexat Achazem, 419.  
 Razon Salomonem, 331. Sefacus Roboamum, 339.  
 Rebecca nubit Iſaaco, 17. eius virtutes, 55.  
 Regna propter scelera transferuntur, 156.  
 Regnum, 370.  
 Regis officiū, 357. 369. potentia, 566.  
 Reges cur tam pauci laudabiles, 481.  
 Rex primus Hebræorum, 212.  
 Reliquiæ sanctorum, 398.  
 Rixæ fugiendæ, 39.  
 Roboamus stultus Salomonis filius, 338. seq.  
 Rubus ardens incombustus, 94.  
 Ruthæ religio & felicitas, 181. eius virtutes, 183.

S.

Sabæ Regina, 318.  
 Sabbathi violator lapidatur, 653.  
 Superstitiosa religio, 606.  
 Sacerdotes Hebræi tubicines, 141. portant Arcam, 137. 141.  
 Sacerdos, 208.  
 Sacrilegium Achanis, 144.  
 Sacrilegorum, poenæ, 589.  
 Salmanasar rex Assyriorum, 454.  
 Salomona mater Machabæorum, 596.

- salomonis egregiâ indoles, 314. sapientia, 315. 316. 320. divitiarum, potentia, 317. invisitur à regina Sabæ, 318. eius mollities, 329. amor insanus erga feminas, 330. 331. avaritia 330. magia, 330. idololatria, 333. fatuitas, 334. bella ei moventur, 33 1. morbi, 334. incerta salus, 332. 335.
- Samaritani, 454.
- Samgaris robur, 164.
- Samsonis fortia facinora, 189. amor in Dalilam, 194. captivitas, 193. occusus, 199. eius cum Hercule comparatio, 201. typus Christi, 207. beatus est, 209.
- Samuel, 210. seq. eius filij degeneres, 212.
- Sanctuarium, 107.
- Sapientiarum comites, 318. ambilitas, 319.
- Saræ risus, 41. adit periculum pudicitiarum, 36. quomodo soror & conjux Abrahamæ, 39.
- Sara filia Raguelis, 457.
- Saraceni unde dicti, 47.
- Sardanapalus, 420.
- Saul in regem electus, 216. à DEO reprobatus, 221. eius inobedientia 222. scelera 224. 225. supplicium, ac filiorum, 225. maleficia in Davidem. 232.
- Saulæ stirpis excisio, 307.
- Scelera Solymæorum, 648.
- Scelerum poenæ, 309.
- Seba dux seditionis contra Davidem, 306.
- Securitas incauta, 261. 304.
- Sedecias rex, 485. rebellat Babylo-nijs, 491. capitur, ibid. eius ac filiorum supplicium, 492. uxores ac filiarum, 492. mors, 493. salus incerta, 493.
- Seditiopunita, 115. 118.
- Seleucus. Seleucidæ, 186.
- Sellum regnum Israël occupat, 319.
- Semei maledicit David, 291. punitur à Salomone 303.
- Semus filius Noë, 29.
- Seniorum consilium, 342. libido, 521.
- Jennacheribus Hierosolymam obsidet, 445. eius clades, 446.
- Sephóra uxor Moysi, 109.
- Serpens organum diaboli, 13.
- Serpens æneus, 222.
- Sesac rex Ægypti, 339.
- Sethus filius Adam, 25.
- Siba calumniator heri sui, 290.
- Sicarij regum detestabiles, 260. 261.
- Sichemus violat Dinam, 68.
- Siceleg urbs datur Davidi, 235.
- Simeon Jacobi filius cur laudetur à Juditha, 20.
- Simon Machabæus perfidiosè necatur, 626.
- Simoniam, 397.
- Simulatio, 149. commune malum, 629.
- Sinæ montis terrificus apparatus, 106.
- Sion urbs Davidis, 263.
- Sisara interitus 167. an justè à Jachele occisus, ibid.
- Societas noxia, 366. 374. Leonina, 487.
- Sodomæ & Gomorrhæ flagitia, 44.
- Sol & Luna stant ad imperium Josue, 153. 155.
- Sol imago boni Principis, 155.
- Spolia impij detracta, 272.
- Sortes 146.
- Stemma nobile, 192.

superbia



Superbia, 504. 505. 533. 535.  
 Susanna castitas, 517. Invidia, 518.  
 accusatio, 519. peccati horror,  
 520. praefertur Lucretiae, ibid.  
 Syri caecitate percussi ducuntur in  
 Samariam, 392.

## T.

Tabernaculū DEI, eiusq; partes, 107.  
 Talionis poena, 159. 259. 299. 581. 585.  
 Templi Salomonici magnitudo,  
 322. ornamenta, 323. Vasa, 324. o-  
 perarum numerus, 324. ministro-  
 rum multitudo, ibid. impensae,  
 325. dedicatio, 326. eius devasta-  
 tio 493. Templum Solymæum se-  
 cundū, 559. 575. denuo incenditur.

Terræ creatio, 2. (648.)

Thamar à fratre opprimitur, 283.

Timor DEI, 261. 460.

Thimotheus dux, 608.

Titus Hierosolymam obsidet, 647.  
 miseratur urbis fortē, 648. victo-  
 riā modeste utitur, 650. dictus deli-  
 cium hominum, 650.

Tobiae senioris puericia, pietas, 459.  
 transportatio, 454. excecatio, 455.  
 virtutes, ib. Tobiae junioris gesta,  
 456. seq. Tobie utriusq; elogium, 459.

Tragica Herodis aula, 640.

Tributa, 370.

Tryphon dux hostis Iudæorum frau-  
 dulentus, 625.

Turris Babylonica, 38.

Tyrannus 360. 486. 487.

## V.

Vasa sacra prophanantur à Baltha-  
 sare, 549.

Venter pinguis, 162.

Veritatis vis, 573.

Vespasianus belli dux Galilæam va-  
 stat, 646. ei defertur imperium

Rom. 646. eius arrogantia & con-  
 silium eradicandæ familiæ Davi-  
 dicæ, 650.

Vigilantia, 261.

Vindicta DEI, 46.

Vindictæ cupiditas vincenda, 242. 385.

Vineæ plantatio, 29. vini damna, 30.

potentia, 561.

Violatio Sabbathi punita, 69.

Viri sacri principibus utiles, 416.

426.

Virgula divina, 173.

Virga Moïsi, miraculorū instrumen-  
 tum, 94.

Virga Aaronis florida, Symbolicè 119.

120. cur in Arca asservata, 207.

Virga Ieremiæ oculta, 498. 503.

Virgines domi custodiendæ, 70.

Virtus rara inter malos bonum ef-  
 fe, 87.

Virtus, 484. 488. 503.

Vitæ arbor, 12.

Vituli adoratio, 107. eius poena, 108.

Unus vir pro multis, 193.

Vocatio religiosa, 390.

Voluptas 168. 422.

Urias dux à Davide occiditur, 274.

Urias propheta à Ioakimo nece-  
 tur, 483.

Uxor, 55. 399. 401.

## Z.

Zacharias Ioiadæ filius occiditur,

409.

Zacharias rex Israëlita, 358.

Zambri Principis Hebræi libido,

scandalum, interitus, 130. 131.

Zambri rex Israëlitis, 357.

Zelus 385. Moïsi 108. Phineæ, 130.

401. 161.

Zopyrus dux persicus, 558.

Zorobabel, 559.

Omnia ad maiorem DEI  
 Gloriam.



# Menda sic emenda.

P. Significat paginam. f. versus à fine numerandos. v. versum.

Pag. 25. v. 8. à fine. lubal. pag. 90. v. 18. f. tenuissimus. p. 91. v. 4. mundata. p. 95. v. 12. f. nec  
rum. p. 99. v. 16. occurrentes. p. 103. v. 17. post delicias. comma. p. 144. v. 2. Achan. p. 146.  
v. 20. Ex. p. 109. v. 4. & f. percussum & compunctum. p. 155. v. 8. reipsaque. p. 158. v. ult. per-  
misit p. 159. v. 17. sexcentos. p. 161. v. 9. terrorē. p. 164. v. 3. semita. p. 166. v. 14. f. equestres.  
167. v. 3. abicōq; 168. v. 11. vastitates. v. 17. Kennethus. 171. v. 13. transmananz. v. 7. f. pos-  
tendebatur. v. 4. f. semiapertam. 172. v. 11. post tedia dele femicolon. 172. v. 4. f. Zebeam. Sal-  
manasarem. 174. v. ult. Carone. 175. v. 5. fractus. v. 6. fracta. dele parenthesin. 178. v. 7. E. 182. v.  
penult. in. v. 18. f. numerus s. ponendus post excutiendo. 184. v. 3. f. igitur. 187. v. 11. inole-  
vit. 189. v. 10. deprehendens. 191. v. 4. fontanam. 195. v. 16. f. conciliārat. 226. v. 15. cognata  
230. v. 2. dehinc. 233. v. 5. traicere. 236. v. 4. f. post alteri dele comma. 242. v. 27. liberabit. 245.  
v. 7. f. Davidi herenti. 244. v. 13. f. invitissimos. 251. v. 7. f. pedes. 252. v. 2. oratrice. 257. v. 14.  
fletu. 260. v. 5. f. iustitia. 273. v. 13. nequis. 285. v. 5. post inflixerat adde magis. 299. v. 19. cepit.  
304. v. 20. satureiam. 370. v. 18. tranquillam. 374. v. 14. f. professione. 387. v. ult. proscinden-  
dum. 388. v. 20. f. imprecatur. 409. v. 15. f. cessasse. tradit. 420. v. 17. Medix. 496. v. 18. f. post  
aeternitas. adde. Hec ille. 508. v. 10. dele illud. substitue. corpus. v. 16. f. hyppidum. 576. v. 2. f.  
mentem. 582. v. 10. f. Callisthenes. 595. v. ult. lebetibus. 593. v. 11. Antichristi. v. 20. trepida-  
tio. 610. v. 7. tesseram. v. 9. fin certas.

Reliquos errores orthographicos prudens Lector ipse facillè corrigit. Quales sunt: Scor-  
datoribus pro Scortatoribus. paradysus pro paradysus. detundentes pro desondentes. altero  
pro altero. perficaci pro perricaci. occisum. pro occisum interpolata pro interpolata. vena-  
ria pro vinariz. cunctos pro cunctos. fermiculum pro vermiculum. trepitationem pro trepi-  
dationem. truciati pro trucidati.







